

**EXAMEN
THEOLOGIAE
MORALIS,
MEDULLAM
OMNIUM...**

Antonio Fernandes de
Moure





22

EXAMEN THEOLOGICÆ MORALIS,

MEDVLLAM OMNIVM
*casuum Conscientiæ summam
complectens.*

Ex S. Theologia, & utroque Iure, necnon gravissimis
& absolutissimis tam superioris, quam huius
aui Scriptoribus, & summis deprom-
ptam, testimoniis & exemplis
confirmatum.

AVTHORE

ANTONIO FERNANDEZ DE MORA

*Theologo, & Concionatore totius Diœ-
cesis Bracharensis.*

EDITIO NOVISSIMA




LEVGDVNI,

Sumptibus CLAVDII LARJOT,
Typographi Regij.

M. DC. XXVII.

Cum Approbatione Doctorum.





Ill^{mo} ac Reu^{mo} Domino,

D. ALEXIO DE
MONES, INDIARVM
QVONDAM PRIMATI, ET
pro Rege Gubernatori, nunc Hispa-
niarum Primati, & Bracharæ Augustæ
Domino,

ANTONIUS FERNANDEZ
DE MOVRE ÆTERNAM
optat feclicitatem.

PICTORVM studium est, cū primum
imagines pro foribus appendunt, eas in bono
lumine collocare, ut ita arguit vultus, ele-
gantia capilli, oris venustas, superciliorum
majestas, oculorum nitor, colorum suauitas
perspicuè appareant; & iure merito, nam defectu luminis li-
tura potiùs, quàm pictura conspicitur. Eadem mihi cura fuit,
Præsul amplissime, hanc meam nauigantis anima topogra-
phiam præ omnium oculis collocaturo, nimirum bonum lu-
men quarerete facem vidi ex remotissimis Indorum regioni-
bus fulgentissimam lucem longè, latèque diffundere. Nec
mirum, è vinis, plenisque fontibus hausisti. Mitto Ordon-
thos, Sanxios, Dionysios, Fernandos, Henricos, & alios
plures Legionis Iberia, atque Lusitania Reges, è quibus du-

cis originem genuina progenies, venio ad caput propinquius
Dominum D. Alexium de Meneses parentem tuum, qui
suis præclarè gestis tripartitum orbem collustravit. Liceat,
obnixè rōgo, pro patrio amore, in refricanda memoria egre-
giè factorum aliquantulum immorari. Quis enim numeran-
do poterit recensere bella, quæ penè puer gessit in Libya sub
duce, cognomento, Magno, Domino Ioanne de Meneses
auunculo suo, germano fratre comitis de Cantanhede Do-
mini Petri parentis sui? ubi teneros pueritia annos militari
duritia firmans, ad robur, quo multis (omnibus dixerim,
ni verbo esset invidia) ducibus anteivit, multa gessit, con-
firmata etate digna, regnante inuictō Emmanuele, ut vide-
re licet apud eiusdem chronica Regis. Inde rediens in Lusit-
aniam præfectus classis nauigauit in Indiam, ibique adole-
scentiam litans militia, Tocolaum (Nostrates Malacam di-
cunt) missus gubernator Proregis titulo, & potentia, tot
inimicorum naues cepit, tot fluctibus submersit, ut nulla
penitus immēsa illa maria deinceps multos annos nauigau-
erint. Enim verò ea tanti ducis formidine perculsi hostes iace-
bant humi, ut nec animum erigere, ne dum vires resumere
amplius auderent, sicuti legere est in Indicis titulis & cata-
logis. Bis in Proregum abscessu Indicarum rerum curam su-
stinuit, semel absente Lupo Suario (qui Alfonso Albuquer-
cio successit) dum Malabaricum fretum classe lustravit, ite-
rum Dominico Lopesio de Sequeira. Sapius Cotriaram mis-
sus (Nostrates appellant Cocinium) naues in regnum nauig-
aturas strenuè fabricauit, armamentis, ministrisque instru-
xit, nauigationi parauit, armato milite muniuit, cibariis
refecit, opibus farsit. Exhaustis adolescentie viribus Asiati-
cis præliis, patriam repetiit victoriis clarus, opimis hostium
spoliis onustus, atque secundo vento nauim sibi traditam ad
portum patrium feliciter perduxit. Nondum nauis situm,
& padorem nauigationis exterserat, quando in Africam
mittitur, clarissimorum regni Ducum præsidio tunc muni-
tam, ut munitiones illas inuiferet, renouaret, resciceret. Rebus
Africa

Africa aptè compositis, ad Carolum Imperatorem V. legatus mittitur, multisque annis, quibus legatione functus est, in expeditionibus omnibus, ac praliis plurimis Carolo hasit, gladio districto. Quis præterea numerando recensere poterit amplissimos honores, ad quos Lusitania Hispaniaque Regū munificētia diuinitus est euectus? In primis Mariæ Principis filia Ioannis Regis Tertij domus curam suscepit, quam iam coniungem Philippi Hispania regis in Hispaniā proficiscentem comitatus, apud eādem Reginam idem, quod in Lusitania munus obiuit, cum tamen eodem tempore clarissimus Alba Dux Principis esset æconomus. Eo tamen amoris modo Reges deuinxit in munere, eo apud omnes virtutum splendore coruscabat, ut nato Carolo Principe ex Maria, & rogāte Philippo patre Carolum Imperatorem parentem, quem vellet Imperator eligi in patrinum Principis nepotis sui, responderit, D. Alexium de Meneses æconomū Regina; & ita iussus, & in cognationem regiam adscitus Carolū Principem à sacro fonte suscepit. Quam quidē cognationem tanti semper fecit Philippus, ut præ oculis haberet perpetuò. Te ipsum appello locupletissimū testem, Præsul amplissime. Accessisti ad Scorialium, cū adhuc monachus esses, allocuturus Regem, salutationem Rex anteuertit, misit D. Christophorum de Moura qui te suo nomine salutaret, diceretque se gaudere te saluum, & incolumem peruenisse, tenerique desiderio te videndi filium patriis sui, qua verba te coram iterum Rex præ dulcedine repetiit. Cum vero emortuā Mariā coniuge Philippus ad mitigandum dolorem in solitudinem secederet, curam Principis Caroli, totiusque domus administrationem Alexio reliquit, paruit ille, Principem aluit, & erudiuit, atque in Comitibus Pinfia habitis regno tradidit, in Lusitaniāque rediit. Eo tamen erga paedagogum Carolus Princeps amore flagrabat, ut ad explendum desiderium, singulis annis ei per nuntios nō sine opulentiis donis salutem plurimā impertiuerit. Postquam in Lusitania fuit, magnā apud Reges Ioannem Tertium & Catharinam Reginam coniungem auctoritate valuit,

†

3

qui

qui decreuerunt illi Ioannem Principem filium tradere paedagogo (quod munus iam antea multi è familia Cantanedij Summaues viri in regno obiuierant.) Accersitus tamen reuocauit Alexius, impatiens doloris pro amissa Maria Regina sorore germana Principis Ioannis, quam perpetuò intueri videbatur, dum Ioannis Principis vultum, morèsq; cœlestes contemplabatur. Quoniam verò grauiter tulerunt repulsam Reges, quam contracto vultu non leuiter significabant, regia cedens Alexius, Scalabim venit, magnificisque domibus fecit fundamenta, eo animo, vt à Regum curis, regniquè negotiis conquiesceret. Regno tamen pernecessarius, quamquam inuitus, non multò post accersitur à Ioanne Rege, creaturque œconomus Regina coniugis Catharina. Aliquot annos œconomiam Regina exercuerat Alexius, cum Rex Ioannes totius Regni lamenti mortuus est. Reliquit tamen testamento, vt Sebastiano Regi nepoti suo paedagogus eligeretur, seque suffragium ferre pro D. Alexio de Meneses œconomo Regina (enim verò ideo nato Regi dederat Dominam Ioannam de Meneses sororem germanam eiusdem D. Alexij de Meneses custodem, & magistram, vt post obitum senis aui, infantis, ac pueri nepotis cura, atque custodia duobus germanis fratribus relinqueretur:) ideo unanimi Regina Procerumque consensu Regis paedagogus cognominatus est. Sebastianum igitur Regem duos natus annos ad alendum, erudiendumque simul cum Domina Ioanna de Meneses sorore sua, & Domina Luisa de Noroguba coniuge, & matre tua suscepit, vsque ad aetatem, quâ diademate regni sceproque in Comitibus donatum proprio consilio reliquit. Quo in actu vnum accidit non prætereundem: Nam postquam Sebastianus ab Henrico Principe Cardinali sceptrum accepit, parum exivit, mox Alexio tradidit sustinendum, tenuit ille tota Comitiorum mora. Quid cogitem? dixerim meruere Herculem Athlanti auxilium præstitisse. Vix integer post Comiticia agebatur annus, cum Alexius cœpit egrotare, cœpit à Rege crebrius saluari, sepius inuisi, impensius saluus & incolumis desiderari, atque

atque aduersus mortis iacula omni adminiculo muniri : quia
 tamen ei moriendum erat , quoniam homo natus fuerat , oc-
 cidit Sol , iriduo se Rex præ acerbitate doloris parietibus in-
 cludit. Verumtamen antequam exhalaret animam , extremam
 edidit vocem , cum adesses , Præsul amplissime , qualem pius
 ille pater *Æneus* *Ascanio* filio , felicioribus tamen auspiciis.
 Disce fili virtutem ex me , verosque labores , fortu-
 namque simul. Nec se suum sefellit augurium : nam ut ius-
 sui pareres , in tenerissima ætatis pueritia ad Religionis deser-
 tium Christi floribus vernans (ut loquitur *Hieronymus*) vir-
 tutum scholam euolasti , ubi eas virtutes atque scientias didi-
 cisti , quibus in utroque orbe cornuasti. Ubi sicut lilium inter
 spinarum eremiticæ vitæ asperitates , ita carnem in Crucis
 ara Deo litasti , ut duritiei assueta venturos labores minimè
 perhorresceret. Quos , ô Deum immortalem ! pro Ecclesia labo-
 res exantlasti ? in Indiam nauigasti : Goësem diœcesim tuis
 humeris suscepisti sexdecennium rexisisti : quadraginta in ea
 parochias erexisti : Malabaricos sancti *Thoma* Christianos
 inuististi , schismaticos inuenisti , ad puritatem fidei reduxisti ,
 coacta sancta synodo , celebrataque non sine miraculo : nam
 cum biduana tempestas impedimento esset processioni , vo-
 cem geminando iussisti ; efferatur Crux , efferatur Crux , mi-
 rum visu , elata Cruce silent venti , sistit pluuia , nitent lumina :
 finita tamen processione redeunt imbres , pluit noctes diesque.
 Cum insuper pro festiuitate & gratiarum actione acta syno-
 di ignis tormento bellico admoneretur , fregit illud , frustum
 non mediocre hominem tetigit , vix lasit : at in muri duri-
 tiem retorsum disrupit , intusque penetravit. Verumtamen ex
 his laboribus vberrimos quidem fructus percepisti : nã Genti-
 les , & Mauros numero tam multos ex vtero baptisni Chri-
 sto peperisti , ut *Gouneana* de tuis rebus gestis copiosissima hi-
 storia plures taceat quàm dicat (teste eruditissimo *Fr. Ludoui-*
co ab Angelis , diuina Theologia Doctore , totiusque sacri
Eremitarum D. Aug. ordin. Chronista generali , in ea , quam
 tua Dominationi dicauit epistola pro vita *Augustini*) inter

quos præcipui tres, quos filios fratris sui tibi obtulit Magnus
Mogor aqua baptismali lutrandos, Caroli, & Philippi
Hispaniarum Regum, & Alexij nominibus appellandos,
affirmans se tuam personam non minoris, quàm Hispania-
rum monarchas aestimare. Quantum, ô Deus immortalis, pro
Rege, ac patria exsulasti, dum triennium in secularibus ne-
gotiis Indiam gubernasti! bis enim Mosambicum, semel
Malcam vrbes celeberrimas ab Hollandia piratis obsessas,
obsidione, victis hostibus, liberasti: tuo denique astu, & con-
silio effecisti, ut portentosum Mahometi præsidium (ita vo-
cabant Maurorum Reges, & Dynasta nouam Cumhalensis
tyranni munitionem) ferro flammisque excideretur, au-
ctore Goandito, atque in cineres pro rostris, foroque reda-
cto. Ecce fontes, Præsul amplissime, ecce flumina à quibus
lucem exhaustisti, ecce radij, quibus vniuersum orbem col-
lustraſti. En meam nauigantium animarum topographiam
oppono, ut pelluceat, à peritissimis huius pelagi naucleris
delineatam; ubi qui earum tuo iussu sustinent curam, vi-
tiorum scopulos internoscent, quos fugiant; vada prouide-
bunt, quæ euitent; rectos tramites scient, quos doceant, ne
allidantur, ne hæreant, atque salebras præteruecti, & cœ-
lestem Hierosolymā appulsi, in portus statione conquiescant.
Horruit hominum conspectum donec venires, qui mittendus
eras, vera loquar, expectatio gentium, quem Iacobi cathedra
Primates (ut iure merito dicere posses: gyrum cœli circuiui
solus, & in fluctibus maris ambulauit; in omni gente & in
omni populo primatum tenui, superborum, & sublimium col-
la propria virtute calcaui, qua in tot horridis, & bellicosiss
nationibus, tot insensissimos Lusitani, Christianique nominis
hostes non solum tremefecisti, sed funditus pessundedisti)
Brachara dominum, regius senatus consilium? Menestorum,
Castrorum, Norognearum, Henricorum, & quæ alia
stirps regia, quæ si regia, tua est, ornamentum, Lusitania
præsidium, Hispania gloriam, Italia gaudium, omnes reli-
quæ obeuntis solis regiones exultationem, vidua solatium,
pupilli

pupilli iuuamen, nudi tegumentum, Anistites exemplum, iustitia aequitatem, fortitudo constantiam, temperantia sobrietatem, prudentia providentiam, paupertas nuditatem, castitas puritatem, obedientia flexibilitatem, oratio deuotionem, religio pietatem, fides stabilimentum, spes robur, charitas incendium expectabant: soluiſti uinctos ſpei in terris felici aduentu tuo. Deſiderium expleſti mea topographia tuum lumen expectantis, rogat obnixè, ut colluſtres. Multo quidem mihi, Praſul ampliffime, ſudore ſtetit eam ex tot authoribus concinnare, noctes ſepe traduxi inſomnes, annos integros libris incubui, ut mille caſuum tricas centum nodis intricatas extricarem, atque difficillimo quaſtionum labyrintho caca regens filo Doctorem veſtigia, exitum inuenirem. Hoc unum pretium, una hac merces, à te in Dei opt. max. gloriam, eiufque Beatiffime Genitricis laudem colluſtrari oculorum radiis, erunt illi ſagittæ potentis acutæ in corda inimicorum. æternum vale. Brachara Auguſta, undecimo Kalend. Decemb. Preſentationi B. Virginis Maria dicato ñe.

Auctor ad Lectorem.



At citò, si fas bene. Dictum Catonis, ut cautè tenes, Lector optime, usurpatum augustè ab Augusto Principe, teste Tranquillo in actis eius: difficile notu antiquitatum ignaris; certum peritis, eo tantum significasse Imperatorem, quidquid bene celeriter faciendum. Qui adeò sic semper celer, ut præcipitem appellauerit Lucanus in Pharsalicis. *Sit subitum, quodcumque paras; sed Caesar in omnia praeceps.* Annis aliquot, sed paucis tamen præ materialium pondere, opus absolui: gravitatem rerum celer agilitate superavi, diu noctumque, æstu, geluque urebar cum Iacobo, recedebatque somnus ab oculis meis, neque lassitudinem unquam labor perpes peperit animo: imò ea mens deliciabatur dulcedine operi insudando, ut otando mœreret, gauderet laborando, docta diligere tritum, loqui liceat cum Osea Vate. Imò cum Phœnice Aquilæ interroganti respondente apud D. Cyrillum in quadripartito Apologetico lib. 3. cap. 24. cur se traderet incendio, *quia in hoc igne*, inquit, *non doleo, sed delector, dum in generationem alterius totam me ipsam effundo*: nimirum cuncta sua beneficia non sine magna delectatione liberalis natura communicat. Nam cum digestum cibum stomachus dona

donauit, delectatur: omnis enim donatio liberalis cum iucunditate est cordis, vt verbis vtar Cyrilli.

Moralis Theologiæ paradisiacum hortum in quatuor diuisi areolas: iure merito quadripartitum dixeris opus. Fruticum seriem in quincuncem deduxi, vt varietate rerum, & perspicua distinctione lectantium animi oblectarentur. In 1. decem Decalogi præcepta: in 2. Ecclesiæ scita: in 3. à Christo Domino instituta sacramenta: in 4. tum in communi, tum in singulari peccata capitalia inuenies simul cum pietatis operibus.

Communi semper hæreo sensui, ni oppositum euidenter suadeat ratio. Præbe fidem, non fucatæ assentantium gloriolæ, sed verè studentium seruire vtilitati proposui, & proinde clarè potius, & planè aliquando, quàm purè, & Latine loquor, memor dicti D. Augustino familiaris, teste Senensi Bibliothecæ 4. *Malo me reprehendant Grammatici, quàm non intelligant populi.* Votis faueto, & munus, quodcunque illud est, amanter accipito, aliud paro fortè accuratius. faxit Deus in commune bonum vt prodeat, vita superstitè, salute comite. Ipse te bect.

CAPITA

CAPITA PARTIS

PRIMÆ.

CAP. I. **D**E numero praeceptorum Decalogi, & loco
ubi continentur.

- II. De praecepto de diligendo Deo.
- III. De praecepto de diligendo proximo.
- IV. De primo Decalogi praecepto.
- V. De secundo Decalogi praecepto.
- VI. De Voto.
- VII. De tertio Decalogi praecepto.
- VIII. De quarto Decalogi praecepto.
- IX. De quinto Decalogi praecepto.
- X. De sexto Decalogi praecepto.
- XI. De septimo Decalogi praecepto.
- XII. De restitutione in communi.
- XIII. De restitutione in singulari.
- XIV. De restitutione circa bona corporis.
- XV. De restitutione circa bona fortuna.
- XVI. De obligatione restituendi donationem.
- XVII. De testamentis & codicillis.
- XVIII. De furto & rapina.
- XIX. De octavo Decalogi praecepto.
- XX. De Detractione.
- XXI. De nono Decalogi praecepto.
- XXII. De decimo Decalogi praecepto.

Capita partis Secundæ.

CAP. I. **D**E lege humana.

- II. De potestate condendi leges humanas.
- III. De vi coactiva legum humanarum quoad forum
externum.

IV. De

- IV. *De obligatione legum humanarum quoad forum
internum.*
- V. *De obligatione legum humanarum quoad culpam.*
- VI. *De obligatione legum humanarum quoad person.*
- VII. *De reuocatione priuilegiarum.*
- VIII. *De quinque Ecclesie praeceptis.*
- IX. *De excommunicatione.*
- X. *De irregularitate.*
- XI. *De suspensione, quid sit.*
- XII. *De interdicto.*
- XIII. *De cessatione à diuinis.*
- XIV. *De degradatione.*

Capita partis Tertiae.

- CAP. I. **D**E Sacramentis in genere.
- II. *De Sacramento Baptismi.*
- III. *De Sacramento confirmationis.*
- IV. *De Sacramento sacrosancta Eucharistia.*
- V. *De nomine & auctore Missae.*
- VI. *De Sacramento poenitentiae.*
- VII. *De materia Sacramenti Poenitentiae.*
- VIII. *De Indulgentiis.*
- IX. *De Purgatorio.*
- X. *De etymologia huius nominis Bulla Cruciatæ.*
- XI. *De Sacramento extremae Vnctionis.*
- XII. *De Sacramento Ordinis.*
- XIII. *De horis Canonicis, seu diurno officio sacerdotum.*
- XIV. *De Beneficiis.*
- XV. *De Simonia.*
- XVI. *De Sacramento matrimonij.*
- XVII. *De impedimentis ad matrimonium contrahendum.*
- XVIII. *De Sponsalibus & Denunciationibus.*
- XIX. *De matrimonio, quatenus est Sacramentum.*
- XX. *De*

- XX. *De Polygamia, libello repudij, & usu Matrim.*
XXI. *De usu Matrimonij, seu de debito coniugali.*

Capita partis Quartæ.

- C A P. I. **D**E peccato in communi.
II. *De septem peccatis capitalibus.*
III. *De peccatis diuersorum statuum.*
IV. *De peccatis beneficiariorum & beneficij collat.*
V. *De cauponum peccatis.*
VI. *De peccatis delatoris.*
VII. *De Episcoporum peccatis.*
VIII. *De Fiscalium peccatis.*
IX. *De Hæreticorum peccatis.*
X. *De Iudicum peccatis.*
XI. *De peccatis locantium domos.*
XII. *De Mercatorum peccatis.*
XIII. *De nouitiorum peccatis.*
XIV. *De oppositorum in concursu beneficij peccatis.*
XV. *De Prædicatorum peccatis.*
XVI. *De Regum peccatis.*
XVII. *De Sacerdotum peccatis.*
XVIII. *De testium peccatis.*
XIX. *De viduarum peccatis.*
XX. *De operibus misericordie.*

L I C E N

L I C E N T I A.

DE mandato Illustrissimi Domini Episcopi Domini Petri de Castilho Generalis Inquisitoris sanctissimi officij, quâ potui curâ, ac diligentia librû hunc reuidi, atque examinaui, cuius titulus est, *Examen moralis Theologia*, Auctôr licentiatus Antonius Fernandez de Moure Concionator Bracharensis, & meritum opus duxi, quod in lucem edatur, tale quidem, quale maius de hoc argumêto nunquâ vidi. Nam præterquàm quod nihil Catholicæ doctrinæ aduersariû vlllo pacto defert, spero fore, vt magnæ vtilitati omnibus *examen moralis Theologia* subituris, quinimò & facturis illud sit. Datum Olyssipone die 20. Nouembris, anni 1610.

Doctôr Frater Antonius Freire.

Vistas as Informaçôes podesse Imprimir este liuro de casos, assi como vay, & depois de Impresso torne a este Conselho pera se conferir, & dar licença pera Correr, & sem ella nam carrerà. Em Lisboa 14. de Fauereyro de 1612.

O Bispo de N.

Bartholamen d' Afonsequa.

Ruy Pirez Da Veiga.

Antonio Dias Cardoso.

A P P R O B A T I O.

Dignum luce & laude opus, quod medullam omnium casuum conscientiaë summatim complectitur, nullique non vtile: nihil habet à fide Orthodoxa alienum. Sic censeo. Actum Lugduni vltima Octobris, 1619.

FR. ROBERTVS BERTHELOT
Episcopus Damasci.



ELENCHVS TOTIVS OPERIS.



ARS PRIMA *continet duo communissima principia de diligendo Deo, & proximo. Insuper Decalogi præcepta: atque materias omnes quas circa illa Doctores agitare solent.*

PARS SECUNDA *continet quinque Ecclesiæ mandata. Insuper censuras, & pœnas Ecclesiasticas.*

PARS TERTIA *continet septem Ecclesiæ Sacramenta, & materias, quæ circa illa tractari solent.*

PARS QUARTA *continet materias peccatorum, tam in communi, quàm in singulari circa diuersos personarum status, alphabetico ordine distinctas.*

AD CALCEM OPERIS *de operibus agitur misericordiæ.*

INDICES DVO *utilissimi. Vnus Caputum, alter rerum & materialium omnium, alphabetico ordine.*

EXAMEN



EXAMINIS
THEOLOGICÆ
MORALIS

PARS PRIMÆ.

IN QVA DVO COMMVNISSIMA
principia naturalia de diligendo Deo & proxi-
mo, atque decem Decalogi præcepta
continentur.

CAPVT PRIMVM.

De numero præceptorum Decalogi, & loco vbi
continentur. §. I.

- 1 Quot sunt Decalogi præcepta.
- 2 Vbi continentur.
- 3 Suntne naturalia, an positiua diuina?
- 4 Quale peccatum est illa transgredi.
- 5 Quando quis dicatur transgredi præceptum ex contemptu.
- 6 An præter hæc præcepta dentur alia naturalia.
- 7 Quæ sunt præcipua.
- 8 Cur in Decalogo non sunt adnumerata.

1 **I** NTERROGATIO. Vt à facilioribus ad dif-
ficiliora progrediamur, rogo inprimis, quot sunt
Decalogi præcepta? *Resp.* Decem sunt.

2 *Int.* Qua in parte diuinæ paginæ continentur? *Resp.* Ca-
pite quidem *Exod. 20.*

- 1 Non habebis Deos alienos coram me.
- 2 Non assumes nomen Dei tui in vanum.
- 3 Memento ut diem sabbathi sanctifices.
- 4 Honora patrem tuum, & matrem tuam.
- 5 Non occides.
- 6 Non mœchaberis.
- 7 Non furtum facies.
- 8 Non loqueris contra proximum tuum falsum testimonium.
- 9 Non concupisces uxorem proximi tui.
- 10 Non desiderabis domum proximi tui, non seruum, non ancillam, non bovem, non asinum, non omnia, quæ alius sunt.

3 *Int.* Suntne præcepta hæc naturalia, an positiua diuina? *Resp.* Sunt naturalia. Tertium excipias, quoad sabbathi, vel alterius diei sanctificationem. Quamuis enim ex iure naturali, Deum certo die colere teneamur, determinatio tamen talis diei, vel fuit ex præcepto diuino positiuo, vt in veteri lege sabbathi sanctificatio, vel est ex præcepto positiuo Ecclesiastico, vt modo obseruantia Dominica, aliorumque dierum quos colimus sanctis dicatos.

4 *Int.* Quale peccatum est transgressio præcepti ex istis? *Resp.* Mortale, nisi vna trium causarum id excuset. *Prima*, defectus deliberationis. *Secunda*, defectus pleni iudicii. *Tertia*, materiæ paruitas, & exiguitas. Dummodo ad hanc materiæ paruitatem non accedat contemptus: contemptus enim cuiuslibet præcepti, etiam sub veniali tantum obligantis lethale peccatum est, vt cum Doctorum communi sensu docet Nauar. c. 23, n. 25. Quamobrem, qui ex contemptu transgreditur præceptum in materia graui, ex se obligans ad mortale, duo mortalia committit, vnum contemptus, alterum transgressionis præcepti, necessario in confessione explicanda.

5 *Int.* Quando dicitur aliquis transgredi præceptum ex contemptu? *Resp.* Quando quis ea præcisè ratione vult transgredi præceptum, vel non subiici, aut non obedire, vt ipsi præcepto, vel præcipienti non obediatur, hoc est, transgreditur præceptum, non præcipiè propter concupiscentiam, aut iram, aut fragilitatem, aut aliam rationem, sed dedita opera, vt faciat contra legem, & ordinationem præcipientis, ita explicat D. Tho. 2. 2. q. 186, art. 9, ad 3. Quem contemptum adeo grauem culpam censuit Caiet. vt 2. 2. q. 106, artic. 2. affirmet esse

esse peccatum mortale Christianum agere contra Christi Domini consilia (ad quæ non tenetur) ea præcisè ratione, ut faciat contra tale consilium.

6 *Int.* Præter hæc præcepta naturalia in Decalogo contenta suntne alia præcepta naturalia? *Resp.* Sunt. Verum tamen, vel in istis implicite continentur, vel ad illa facillimè reducuntur.

7 *Int.* Quæ sunt præcipua? *Resp.* Duo. *Primum*, Diliges Dominum Deum tuum. *Secundum*, Diliges proximum tuum sicut teipsum.

8 *Int.* Cur in Decalogo non sunt adnumerata? *Resp.* Quia sunt prima principia naturalia, quæ naturæ ductu ostenduntur. Hinc facile colliges toto cœlo aberrare eos, qui arbitrâ- tur primum Decalogi præceptum esse de diligendo Deo. Est enim opinio contra textum *Exod. 20.* cuius hæc sunt ipsamet verba (*Non habebis Deos alienos coram me.*) quibus quidem verbis solum peccatum superstitionis, & idololatriæ, quod est contrarium religionis, latriæque virtuti, prohibetur.

9 *Int.* Extricabisne difficiliore tricas horum præcepto- rum? *Resp.* Agam pro virili: vellem tamen, si tibi arridet, ut prius de duobus illis communissimis naturæ principiis, dilectione nimirum Dei, & proximi me interrogēs.

C A P V T II.

De præcepto de diligendo Deo. §. 1.

1 Quo pacto Deus est à nobis diligendus.

2 Quid sibi velint verba hæc: Ex toto corde, ex tota mente, ex tota anima.

3 An teneamur Deum diligere intensiue.

4 Num est opus esse in perpetuo actu diuini amoris.

5 Quando obligat hoc præceptum sub mortali.

6 Quando tenetur quis habere contritionem.

7 Quæ culpa est Deum amare propter primum.

1 **I N T E R R O G A T I O.** Quo pacto est à nobis Deus optimus maximus diligendus? *Resp.* Diligendus, ut ipse nos docuit, nam in *Deut. cap. 6.* ita præcipit. *Diliges Dominum Deum tuum ex toto corde tuo, & ex tota fortitudine tua.* *Matt. 22.* *Diliges Deum tuum ex toto corde tuo, & ex tota anima tua, & ex*

tota mente tua. Marc. 1. 2. *Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua.*

2 *Jnt.* Quid sibi volunt hæc verba, & quod interpretamentum habent? *Resp.* Ex toto corde tuo: id est, ex tota mentis intentione, ex tota mente, id est, ex toto intellectu, ex tota anima, id est, ex toto affectu, ex tota fortitudine, id est, per omnia externa opera. Hoc est denique Deum diligere propter se, eique seruire, tam interiori, quam exteriori obsequio.

3 *Int.* Tenemurne Deum summè diligere super omnia intensiue, an, vt aiunt, appretiatiue? *Resp.* Tenemur solùm appretiatiue, hoc est, vt cum, eiusque amorem pluris, quàm aliquā creaturam æstimemus, & propter illius amorem potius eligamus mortem oppetere, quàm ipsum, vel corde, vel verbo, vel opere mortaliter peccando negare cùm requirimur.

4 *Int.* Estne opus, vt perpetuò simus in actu diuini amoris? *Resp.* Minimè, hoc enim in hac vita fieri nequit, quæ cibo, somno, labore, negotiisque aliis necessariis interruptitur. Verisimile tamè est ex diuino priuilegio soli Beatissimæ Virgini Mariæ fuisse concessum, nunquam huiusmodi actum interrupuisse. Ita apertè deducitur ex Suarij doctrina. 3. *p. disput.* 18. *lect.* 2. in q. 38. *art.* 4. tradit eam Albertus Magnus *lib. de Beata Virg. cap.* 176. 177. 197. vbi dicit nouum priuilegium Virginis fuisse, quia quolibet tempore meruit: refert, & approbat D. Anton. 4. *p. sit.* 15. *cap.* 20. §. 6. idem tenet Bernard. de Busto. 4. *p. sermon.* 9. §. ult. affirmans non esse dubitandum quin Beata Virgo à primo rationis vsus instanti, vsque ad suum felicissimum transitum, semper fuerit in actu merendi. Clarius Canisius *lib. 5. cap.* 5. Cuius vita, inquit, iugis, & continua quædam fuit contemplatio.

Dupliciter intelligi potest conclusio: vel de tempore, quo Beata Virgo vigilabat; atque de eo certa est, vt claret ex Ambros. *lib. 2. de virginibus ad initium.* Vel de tempore, quo dormiebat, atque de eo est verisimilis. Ita docet Bernard. *Sennens. ferm.* 51. *art.* 1. afferens Beatam Virginem, cùm dormiebat, in altiori fuisse cõtemplatione, quàm fuerit quiuis alius, dum vigilaret. Atque de ea exponit illud Ierem. 1. *Vigam vigilantem ego video: & illud Cantic. 5. Ego dormio, & cor meum vigilat.* Quæ verba eleganter exponit Rupertus *lib. 5. in Cantica prope initium*, vbi inter alia ista. Multarum quoque animarum fuit,

fuit, & est non solum secundum similitudinem, otio sancto dormire, id est, à terrenis curis vacare, & in corde vigilare: verum etiam eodem modo, quo & Iacob dormiuit, secundum corpus dormire, & secundum animum coelestia videre, sed tu ô cœlum Dei, vnica sedes Domini, in vtroque vigilandi modo cunctis mortalibus longè eminentior extitisti, longè studiosior ad contemplandum eum, in quem desiderant Angeli prospicere. Probatur ratione. Quod priuilegium aliis concessum est, non est Beatissimæ Virgini denegandum: atqui id iuxta D. Augustin. 5. contra Julian. cap. 9. hominibus in innocentia statu concessum est, & iuxta Senensem aliis, ergo Beatæ Virgini.

5 Int. Quando obligat hoc præceptum sub mortali? Resp. Res est magnopere controuersa, quia cum hoc præceptum affirmatiuum sit, non pro quocumque tempore obligat. Scot. 3. sent. d. 27. q. 3. arbitratur obligare omnibus festiuis diebus, sed est sententia dura, & sine fundamento asserta. Alij existimant obligare solum in hora mortis, sed est sententia nimis laxa. D. Tho. 1. 2. q. 86. art. 6. existimat obligare, cum quis primò ad vsum rationis perfectè accedit, ac proinde teneri talem referre omnia sua in Deum summè dilectum, sed est opinio nimis stricta, difficillimaque obseruatu, neque timorati viri de ea curant. Sot. 2. de Just. q. 3. ar. 10. putat obligari hominem ad hoc præceptum, quando à Deo recipit aliquod notabile beneficium: & quando liberatur ab aliquo grauissimo malo, verum hoc saluberrimum est consilium, non præceptum. Obligat igitur hoc præceptum solum pro eo tempore, in quo homines obligantur ad habendam contritionem, quæ quidem haberi non potest (communiter loquendo) absque Dei dilectione super omnia.

6 Int. Quando tenetur quis habere contritionem? Resp. Tenetur, cum adest mortis periculum. Cum administraturus est, vel recepturus aliquod sacramentum. Cum actum ordinis solemniter factururus, vt cantaturus Epistolam cum manipulo, & Euangelium cum stola, vel quamuis aliam actionem officio, ordiniq; solemniter annexam, si habet conscientiam mortalis culpæ, & caret copia confessarij.

7 Int. Qua culpa Deum offendit, qui Deum amat præcisè, quia ab eo accipit, vel sperat fore, vt accipiat bona, seu spiritualia, seu temporalia? Resp. Mortaliter. Nau. c. 11. nu. 20. vnde

explicandum est Concil. Trid. *sess.* 6. Canone 26. & 31. cum ait esse hæreticum eum, qui asserit, peccatum esse virtutis actus exercere propter retributionem: possumus enim operari bonum propter retributionem, secundario & minus principaliter, minoris scilicet faciendo præmium, & remunerationem, quam Deum remuneratorem.

C A P V T III.

De præcepto de diligendo proximo. §. 1.

1 *Quis intelligitur nomine proximi.*

2 *Circa quæ tenemur proximum diligere.*

1 **I N T E R R O G A T I O.** In primis quæro ex te, quem intelligis nomine proximi? *Resp.* Intelligo omnem illū, qui nobiscum potest particeps esse ei. sdem supernaturalis finis, ac beatitudinis. Quoniam verò talis est omnis homo vivens, siue iustus sit, siue peccator, seu fidelis, seu infidelis: aut amicus aut inimicus: (siquidem omnes hi ex divino gratiæ decreto, ad æternam felicitatem ordinantur) omnis talis proximus est.

2 *Int.* Circa quæ tenemur proximum diligere? *Resp.* Circa quatuor præcipuè. 1. Circa necessitatē vitæ spiritualis. 2. Circa necessitatem vitæ corporalis. 3. Circa necessitatem rei familiaris. 4. Circa communia beneficia.

Quo pacto proximus est diligendus in necessitate vitæ spiritualis. §. 2.

1 *Quo pacto proximus est diligendus circa necessitates spirituales.*

2 *Quo cum nostro detrimento.*

3 *Quæ est extrema necessitas, quæ gravis.*

1 **I N T E R R O G A T I O.** In necessitate vitæ spiritualis ad quid tenemur? *Resp.* Tenemur in primis omnibus velle beatitudinem æternam, non positivè, sed, ut aiunt, negativè, hoc est, nulli optare beatitudinis privationem. Talis enim privationis voluntas mortale peccatum est contra præceptum istud.

Tenemur deinde proximo spiritualiter indigenti succurrere ad bona gratiæ, & gloriæ.

Exem

Exemplo res erit manifesta. Est aliquis in mortis articulo, quem scio non esse confessum, nec habere copiam confessarii, habere verò conscientiam mortalis culpæ, ac proinde esse in periculo damnationis æternæ, ni illi opem feram, vocando confessarium, aut illum audiendo, si confessarius sim; teneor sub mortali eius inopiæ auxiliari.

2. *Int.* Quo cum detrimento succurrentis obligat charitatis præceptum circa proximum spiritualiter periclitantem? *Resp.* Extremè periclitanti spiritualiter proximo quilibet tenetur succurrere cum quovis dispendio, etiam vitæ corporalis, si sibi probabile est profuturum auxilium, claret ex 1. Ioan.

3. *Debemus pro fratribus animas ponere.* Quem locum divini Interpretes, sacrique Doctores de vitæ corporali propria pro spirituali proximi ponenda intelligunt. At graviter periclitanti spiritualiter proximo tenetur quis succurrere quando potest, cum parvo honoris, reive familiaris detrimento: non verò cum non potest sine harum rerum magna iactura. Extra necessitatem extremam, tenentur etiam succurrere graviter spiritualiter periclitanti illi, quibus ex officio incumbit spirituali salutem aliorum providere, etiam cum propriæ vitæ periculo. Hinc colliges non posse Curatum fugere tempore pestis, & relinquere oves sine Sacramentis, licet certo sciat se fore pestilentia inficiendum. Colliges item non posse Episcopum fugere tempore hæresis, & relinquere oves deceptoribus, licet districtus gladius capiti immineat, sed teneri ponere animam pro ouibus suis.

3. *Int.* Quæ est extrema necessitas? Quæ gravis? *Resp.* Extrema necessitas est, cum non suppetit aliud auxilium, nisi meum, ut cum quis est inter infideles eodem errore periturus, nisi illum doceam veritatem, quam solus calleo. Gravis necessitas est, cum aliud est auxilium, sed qui illud præstare possunt, nolunt, ut cum vir nobilis propter inopiam vult filias prostituere, quam levare alij divites possent, sed abnuunt.

De præcepto fraternæ correctionis. §. 3.

1. *Quale est præceptum fraternæ correctionis.*
2. *Quod peccatum est transgredi hoc præceptum.*
3. *Quas personas obligat hoc præceptum.*

A 4

4 Quæ

8 *Pars prima. Cap. III. §. 3.*

- 4 *Quæ peccata cadunt sub hoc præcepto.*
- 5 *Utrum nonnulla peccata venialia cadant sub hoc præcepto.*
- 6 *Quæ conditiones requiruntur, ut obliget hoc præceptum.*
- 7 *Non licet peccata secreta proximi inquirere animo corrigendi ea.*
- 8 *Per quæ media licet prælatis inquirere subditorum vitia.*
- 9 *Quid potest confessarius circa correctionem peccati cogniti in confessione.*
- 10 *Eritne sanum petere licentiam à pœnitente pro corrigendo complice peccati confessi.*
- 11 *Si talem facultatem peccat confessarius, estne illi concedenda.*
- 12 *Quæ est secunda conditio necessaria ad inducendam obligationem corrigendi.*
13. *Quamuis non detur spes emendæ delinquentis, sed sola evitatio in posterum damni ex peccato emanantis, teneor ne proximum corrigere.*
- 14 *Quæ est tertia conditio ad inducendam obligationem corrigendi proximi.*
- 15 *Quando potest differri correctio, cum iam fieri possit.*
- 16 *Quando licet permissio noui peccati ad copiosorem correctionem.*
- 17 *Quæ est quarta conditio requisita ad obligationem correctionis.*
- 18 *Qui obligantur ad correctionem.*
- 19 *An subditus possit fraternè corrigere prælatum secreto.*
- 20 *An possit publicè.*
- 21 *Obligatne hoc præceptum peccatorem circa peccatum, in quo idem ipse est.*
- 22 *Quis est ordo fraternæ correctionis.*
- 23 *Estne talis ordo in præcepto.*
- 24 *Quot actibus constat fraterna correctio.*
- 25 *An adhibenda sit secreta monitio circa publica peccata.*
- 26 *Quot sunt adhibendi testes.*
- 27 *Qui sunt adhibendi testes.*
- 28 *Cui facienda est denunciatio.*
- 29 *Ecclesiæ nomine qui intelligantur.*
- 30 *Si papa delinquat, cui facienda est denunciatio.*
- 31 *Quomodo facienda est denunciatio.*
- 32 *Quomodo se gerere prælatus debet cum fraternè denunciatis de crimine secreto.*

- 33 *Quomodo se gerere debet cum eisdem de crimine publico.*
 34 *Ad quid tenetur fraternæ denunciatus.*
 35 *Quis ordo seruandus circa hæresi infectos.*
 36 *Quid dicendum de ordine correctionis fraternæ circa eos,
 qui renunciarunt iuri famæ.*

I INTERROGATIO. Quoniam ad spiritualem profectum non leuiter conducit fraterna correctio, locus videtur suo iure postulare, vt de ea statim re interrogem. Quale igitur est præceptum fraternæ correctionis? *Resp.* Naturale in primis; constat *Eccles. 17. Unicuique mandauit Deus de proximo suo.* Nam si iuxta illud Deus iubet *Deuter. 22. reducere ouem, aut bouem proximi errantem, multò magis eodem naturali iure præcipimur ipsum errantem proximum ab errore reuocare.* Enimuerò teste Philosopho *9. Eth.* quantò mores præstant pecuniis, tantò maius auxilium ferendum in moribus, quàm in diuitiis. Est etiam præceptum positium diuinum, latum à Christo Domino. *Matth. 8. Corripe eum.* Et ideo illud vocat *Innocent. cap. Nihil. de iudic.* præceptum Dominicum, & *cap. Ex iuncto, de hæreticis,* regulam Euangelicam. Quod temerariè negauit Angles in *4. q. de correct. dubit. 1. contra Innocent. supra, & Anacletum, cap. Tam Sacerdos. 24. q. 3.* Promulgatum fuit à D. Paulo *1. ad Thessal. 5. & ad Gal. 6. Si frater præoccupatus fuerit, &c. Corripite inquietos.*

2 *Int.* Quod peccatum est transgressio huius præcepti? *Resp.* Ex suo genere mortale. Ita definitur *cap. Consentientis. d. 38. cap. Facientis. d. 86.* Probatur ex pœna mortis appositæ *Rom. 1. Digni sunt morte non solùm, qui faciunt, sed qui consentiunt facientibus.* Consentire vero, inquit Glossa, est tacere, cum possis arguere. Probatur ratione, quoniam sub mortali tenemur succurrere proximo extremè, aut grauiter corporaliter indigenti, vt iam dixi; Ergo multò magis indigenti spiritualiter. Nam, vt inquit *Greg. hom. 6. in Euang.* plus est mentem in æternum victuram pabulo verbi reficere, quàm ventrem perituræ carnis terreno pane saturare.

3 *Int.* Quæ personæ cadunt sub correctionem fraternam? *Resp.* Licèt fraternæ correctionis præceptum, eiúsque ordo exprimat à Deo in solis fidelibus, tamen obligat nos circa omnes, etiam infideles, quoad ordinem possibilem, nimirum, vt corrigamus eos inter nos, & ipsos solos: deinde vt non

emendatis adhibeamus vnum, aut alterum testem, &c.

4 *Int.* Quæ peccata sunt materia fraternæ correctionis?

Resp. Omnia & sola mortalia sunt materia necessaria, siue ex malitia commissa, siue ex ignorantia vincibili, aut inuincibili: siue corrigenti iniuriosa, aut non, siue præterita nondum emendata, aut futura. Dixi sola mortalia, quia finis correctionis fraternæ est lucratio fratris: non dicimur verò lucrari, nisi perditum. Denique quia poena correcti, & non emendati supponit peccatum grave: scilicet, sit tibi tanquam Ethnicus, & publicanus. Denique quia peccata venialia sunt obuia, & proinde si de iis teneremur inuicem nos corrigere, esset præceptum nimis onerosum, difficile, ac penitus impossibile. Nam tertio quoque verbo, ut aiunt, adhibenda foret admonitio, & correctio. Dixi ex malitia, siue ex ignorantia inuincibili: Quoniam licet non peccet, qui delinquit, ille tamen cuius ex officio interest ignorantis instructio, vel qui videt notabile damnum tertij, aut ipsius peccantis inaduerterentur inde emanare, aut scandalum, aut notabilem irreuerentiam Dei, tenetur emendare, obuiamque procedere Dei, atque proximi offensionibus. Ad hanc ignorantiam inuincibilem de offensa Dei reducitur ignorantia inuincibilis de medio aliquo necessario ad salutem, de cuius admonitione tenemur, ut tenemur periculo salutis æternæ auxiliari.

5 *Int.* Dixisti sola peccata mortalia esse materiam necessariam huius præcepti, suntne etiam aliqua venialia? *Resp.* Sunt quidem: nulla enim tam communis regula est quæ exceptionem non patiatur.

Sunt igitur in tri-bus eventibus. Nimirum, *Primò*, si proximè disponant ad mortale. Probatur facilè, quoniam unusquisque sub mortali tenetur eripere proximum à periculo peccandi mortaliter: sed tale est peccatum veniale proximè disponens ad mortale inaduerterenter commissum; ergo, &c. Talis esset incauta adolescentis cum suspectis feminis consuetudo, aut cum viris flagitiosæ vitæ familiaritas.

Secundò, si inducât prauam consuetudinem in profitentibus perfectionem: & ideo peccat mortaliter prælatus religionis, qui licentiam venialiter peccandi religiosorum non emendat, aut coniuget non castigando notabilem regularum violationem ad nullam etiam culpam obligantium. Ratio est, quia cum secundum D. Th. 2.2. q. 186. art. 1. religiosa

vita

vita exercitium sit virtutis iuxta illud. *Infortum semita quasi lux splendescens procedit, & crescit usque ad perfectum diem.* *Proverb. 4.* & illud. *Ibunt de virtute in virtutem, &c. Psal. 83.* Hæc profusa venialiter peccandi audacia cedit in notabile detrimentum religiosæ disciplinæ, quam factam tectam custodire tenetur ex officio. Unde colliges, non solum obligare ex charitate, sed etiam ex iustitia. Inimvero si bona temporalia religionis profusè dissipari permittat, contra iustitiam peccat mortaliter, ut docet D. Tho. 2. 2. q. 43. art. 8. ergo multo magis peccabit, si sinat dissipari bona spiritualia. Denique si peccatum veniale vergat in detrimentum notabile proximi, aut scandalum, quod non aduertat peccator. Ideo D. Paulus D. Petrum reprehendit *Gal. 2.* ob solum peccatum veniale, ut Doctores ostendunt eo loco, quod nimirum gentes inaductenter offenderet.

6 *Int.* Quæ requiruntur conditiones, ut obliget hoc præceptum? *Resp.* Quatuor. *Prima* peccati cognitio; hæc verò debet esse mortaliter certa. Probatur ex verbis Christi. *Si peccauerit in te frater tuus, hoc est, coram te: alioqui magna irrogaretur proximo iniuria, si innocens esset.* Si tamè peccatum esset gravissimum, aut cederet in damnum tertij, & multò magis si cederet in damnum commune, licèt ex probabilibus solum coniecturis erueretur, licèt posset corrigi à prælato, quia pastor tenetur de gregis damno, etiam dubio providere. Numquam tamen satis est habita notitia ex confessione, quia gravissima Sacramento fieret offensio.

7 *1st.* Possumusne fratrum peccata inquirere ad corrigendum? *Resp.* Peccatum mortale est ex suo genere id inquirere, ita D. Thom. in 4. d. 19. q. 2. constat ex cap. 23. *Proverb. Ne quæras impietatem in domo iusti, hoc est, habiti ut iusti, & innocentis.* Probatur ratione, quia notabilis proximo infertur iniuria, propter iniustam infamiam. Certum tamen est, quod prælatus, quatenus pater spiritualis est, potest, & interdum tenetur rationem vivendi subditorum ad paternè corrigendum inquirere. Ita Sot. de tegendo secr. memb. 2. q. 3. circa 3. conclusion. Adrian. in 4. q. de cor. fiat. ad secundum. probatur ex c. *Quimus de reg. iur.* ubi dicitur nullam esse pastoris excusationem, si lupus comedat oves, & pastor nesciat, & propterea prælati in scriptura appellantur speculatores, vigiles, custodes, qui reddituri sunt rationem de ouibus sibi commissis.

Idem

Idem dicendum de patribus carnalibus erga filiorum mores cognoscendos, & magistris circa discipulos, pædagogis circa alumnos.

8 *Int.* Quæ media possunt adhibere prælati ad cognoscendam vitæ rationem subditorum? *Resp.* Possunt adhibere animaduerfores, qui, quæ domi & publicè fiunt, deferant. Possunt generalem facere inquisitionem, de nemine in singulari testes interrogando, nisi tales sint probabiles coniecturæ, ut in singulari iam aliquis fama laboret incerta. Possunt loca secreta subditorum penetrare, & perscrutari, & quæ apud illos geruntur introspicere. Idem dicendum de patre, de pædago, de magistro, ac aliis, qui paternam curam de aliquo susceperunt, prout magis, minúsve, ut patres habentur.

9 *Int.* Quid potest confessarius de peccato in confessione cognito circa complicitis correctionem? *Resp.* Contra sacramentale sigillum facit confessarius, si ex peccato per confessionem cognito procedat ad externam correctionem pœnitentis complicitis, tertiæve personæ. Quinetiam licet prælatus ex eadem notitia cautior reddi possit, non tamen procedet ad inquisitionem, explorationemve criminis. Hæc veritas manifesta est ex doctrina de sigillo confessionis, ad quod tenemur, tam naturali, quam diuino positivo iure, cuius fractio acerbissimis pœnis coercenda decernitur. *cap. Omnis utriusque, de pœnit. & remiss. cap. Sacerdos, de pœnit. d. 7.* Sub sigillo verò sunt non solum pœnitentis crimina, sed complicitis, & tertiæ etiam personæ, occasione confessionis Sacerdoti, ut Deo detecta. Ita Doctores communiter cum *Pal. in 4. d. 21. q. 3. Ledes. 2. 4. 7. 10. art. 5. Sot. de teg. sec. membro 3. q. 4. & in speciali de Prælato tenet Henr. lib. 3. de pœn. cap. 25. §. 2. cum multis, quos refert.* Verùm de licentia pœnitentis potest confessarius ad huiusmodi correctionem procedere, ut communis docet opinio in 4. d. 21. Bonau. Palud. Nau. *cap. Sacerdos num. 151.* cum aliis; sed de hac re latius in suo loco.

10 *Int.* Estne hæc facultas à pœnitente exigenda? *Resp.* Nequaquam petenda est: quia non est medium proportionatum, cum ex se ordinatum sit ad solum ipsius pœnitentis spirituale bonum, & plerumque sequitur scandalum pusillorum, & fit onerosum Sacramentum.

11 *Int.* Estne à pœnitente concedenda? *Resp.* Minimè, quia
ut

vt plurimum non cedit in bonum, imò in calumniam confessarij, & onus Sacramenti. Illam verò in nullo euentu tenetur poenitens concedere: imò potius communis est sensus, vt videbimus, posse eum dimidiare confessionem, ne complicem prodât.

12 *Int.* Quæ est secunda conditio? *Resp.* Spes emendæ: nam vt ait D. Paul. 1. *Corinth. 9. debet qui arat in spe arare*: si enim nulla sit spes, nolite, inquit Christus *Matth. 7. dare sanctum canibus*, vt Glossa locum interpretatur. Probatur, quia correctio fraterna tendit in bonum fratris, vt in finem, ergo eo cessante, saltem quoad spem, omittenda est. Multo minus adhibenda est correctio, cum intelligitur obfutura. Ita nos admonet Sapiens *Prouerb. 9. Noli arguere derisorem*. Confirmatur, quia nulla lex obligat, etiam in singulari, cum illius finis cessat contrariæ, id est, cum ex eius obligatione sequitur oppositum fini intento. Si tamen spes sit tantum cum probabilis dubio, & necessitas detur extrema, vt cum periclitatur morti vicinus de animi salute, nisi conteratur, licet, inquam, ego dubitem, an correctio sit profutura, teneor admonere: nam medicus in periculo vitæ corporalis tenetur adhibere remedia, quamquam probabilia.

13 *Int.* Non datur spes emendæ propriæ peccantis, datur tamen spes euitandi damni aliorum ab eo emanantis. Exempli causa edocet hæresim quis rudem plebem: si admoneretur, ipse non emendabitur, impedietur tamen hæretici incendij conflagratio, teneor ne corrigere? *Resp.* Teneor sanè. Ita omnes.

14 *Int.* Quæ est tertia conditio? *Resp.* Opportunitas temporis *Prouerb. 25. Mala aurea in lectis argenteis, qui loquitur verbum in tempore suo*.

15 *Int.* Possumne opportuno tempore prætermisso in opportunius, aut æquè opportunum tempus correctionem differre? *Resp.* Si ex dilatione correctionis non sequitur nouum peccatum, sed tantum diuturnior mora in eodem peccato, speratur verò resurrectio copiosior, & firmior, benè potest correctio differri.

16 *Int.* Possumne permitttere aliquem labi in peccatum, vt postea corrigam, & emendatior resurgat? *Resp.* Quando probabiliter credo fratrem non emendandum mea correctione, aut iterum relapsurum nisi permittatur cadere in

NOLEM

novum peccatum, licetè possum permittere eius lapsum, vt postea confusus atque conuictus omnino emendetur. Est multorum quos refert, & sequitur Nau. in sua. cap. 24. num. 13. hisce verbis. *Aliquando est meritorium differre correctionem cuiuspiam, quousque in maius delabatur, quo aptius correctus emendetur ab utroque.* Probatur, quia medicus corporalis interdum finit morbum ingrauescere, vt postea melius grauiori morbo medeatur, ergo idem licebit medico spirituali.

17. *Int.* Quæ est quarta conditio? *Resp.* Commoditas corrigentis, vt scilicet corrigens possit absque suo damno corrigere. Sed quoniam huiusmodi doctrina latius patet, dicam membratim. Dico igitur *primò*. Præceptum correctionis obligat sub mortali, etiam priuatas personas cum periculo cuiusvis detrimenti corporalis, etiam vitæ, quando proximus ea indiget extreme, aut grauissima est necessitas communitatis, v. g. si hæresis in populo disseminetur, aut periclitetur grauiter religio Christiana. Prima pars probatur ex 1. Ioan. 3. *Debemus pro fratribus animas ponere.* Probatur *secundò*, quia pars potius toti, quam sibi ipsi obligatur. Dico *secundò*. Sub mortali tenetur graui proximorum necessitati per fraternam correctionem subuenire cum aliquantulo corporali detrimento, quoniam iuxta ordinem charitatis bona proximi spiritualia nostris temporalibus præferre iubemur. Dico *tertiò*. Prælati spirituales, vt Episcopi, Parochi, aliive ex officio animarum curam gerentes grauibus subditorum necessitatibus per hanc correctionem opitulari tenentur, cum quolibet temporalium bonorum, vitæ quoque periculo. Claret ex Ioannis 10. *Bonus pastor animam suam ponit pro ouibus suis.*

18. *Int.* Qui obligantur ad hanc correctionem? *Resp.* Præcipue Prælati Ecclesiastici. Ita definitur cap. *Quamuis. de reg. m.* Quia verò quiuis Prælatus duplicem personam agit, vnã vt particularis est; alteram, vt persona communis, triplici correctione pollet, *fraterna*, vt frater, ac alij subditi: *iudiciali*, vt errorum vindex, quoad externum forum; *paterna*, vt pater, quoad forum internum, atque de hac paterna correctione loquitur citati capitis decisio.

19. *Int.* Potestne subditus fraternè corrigere Prælatum? *Resp.* Potest, & tenetur secreto, modestè, & reuerenter. Ita definitur cap. *Sicut 2. q. 7. vbi sic D. Greg.* *Sicut laudabile est, & discretum, reuerentiam, & honorem præbere prioribus, ita reuerentiam,*

& Dei timoris, si quæ in eis sunt, quis correctione egeant, nulla dissimulatione postponere. Obstare videtur D. Paul. 1. ad Tim. 5. seniores ne increpaueris, sed obsecra, ut patrem. Veruntamen solam voluit cohibere superciliosam frontem subditorum erga maiores in increpando.

20 *Jut.* Divisti (secretò) si peccatum sit publicum, nonne possunt, & debent concionatores publicè etiam Prælaturum reprehendere? *Resp.* Si prælatorum peccatum nullo modo vergat in damnum aliorum, scandalum nimirum pusillorum, & licentiam liberius salutis curam abiiciendi, quantumvis publicum sit, peccatum est eos nominatim reprehendere. Ita decernitur cap. Præfat. Seced. & cap. Ous. 6. q. 1. epist. 2. Anaclet. & 2. Evaristi, & Fabiani. Probatur faciliè, quoniam ex huiusmodi reprehensione solus oritur prælatorum contemptus erga subditos. Si tamen prælatorum peccata in notabile subditorum detrimentum vergant, maiorum exemplo se se in vitiis ruentium, si moniti non resipiscant, publicè sunt reprehendendi, quamvis non eorum, subditorum tamen speretur emenda, & spiritualis proventus. Probatur ex 2. ad Gal. ubi Paulus restitit in faciem Petro propter scandalizantium utilitatem, ut aduertit D. Th. in 4. d. 19. q. 2. art. 2. Probatur exemplo Ezechielis 13. & 22. & 24. qui acerrimè inuehitur in Sacerdotes. Isaïa cap. 1. qui dixit; *Audite principes Sodomorum*; & Baptistæ Ioan. 3. qui Phariseos vocavit *genimina viperarum*. Denique Christi Domini facto, qui passim digito indicabat scribarum vitia. Obiicientibus verò Apostolis Math. 15. offendi his concionibus Phariseos, respondit. *Sinite eos, cæci sunt, & dyces cecorum*. Idem suadet ratio: quia multitudinis salus præferenda est prælatorum famæ. Oportet tamen hac in re concionatores non esse præcipites in reprehendendo, neque inani gloria popularis auræ, his obiurgationibus arriidentis duci se sinant.

21 *Jut.* Teneturne correctionis præcepto peccator, maximè circa peccatum in quo ipse est? *Resp.* Tenetur, quoniam nemini sua malitia prodesse debet, ut excusetur à naturali præcepto, quale est fraternæ correctionis. Hoc intellige quando peccatum est occultum, nam si propalatum sit, scandalum gignitur, non profectus, cui dicitur: *Hypocrita eijce prius trabem de oculo tuo, &c.* Credo equidem talem peccatorem ex hoc præcepto teneri in meliorem frugem se recipere,

pere, vt cum externo poenitudinis signo correctionem adhibeat. Quid aliter huic præcepto ex parte sua satisfacere nequit.

22 *Int.* Quis ordo seruandus est in fraterna correctione? *Resp.* Quem docuit Christus Dominus Matth. 18. *Si peccauerit in te frater tuus, vade, & corripe eum inter te, & ipsum solum, si te non audierit, adhibe tecum adhuc vnum, vel duos, et in ore duorum, vel trium testium stet omne verbum. Quod si non audierit, dic Ecclesiæ, si autem Ecclesiam non audierit, sit tibi tanquam Ethnicus, & Publicanus.*

23 *Int.* Estne hic ordo in præcepto? *Resp.* Non solum est in præcepto posituius diuinus à Christo Domino promulgato Matth. 18. secundum Theologorum interpretamentum, cum D. Thom. in 4. d. 19. q. 2. art. 3. Aug. epist. 109. Basil. in reg. de long. c. 46. Greg. lib. 4. epist. 82. Hieron. ad c. 8. Matthæi, atque Canonistarum cum Innocentio, cap. Nouit. cap. Si peccauit, de iudic. Sed etiam in præcepto naturali, quod nos edocet proximum corrigere cum minori detrimento illius famæ, & honoris, quo possumus.

24 *Int.* Quot actibus constat fraterna correctio? *Resp.* Quinque. Primus, est admonitio secreta. *Corripe eum inter te, & ipsum solum.* Secundus, vnius, duorumve testium inductio, *adhibe tecum vnum, aut duos testes.* Tertius, denunciatio facta Ecclesiæ, *dic Ecclesiæ.* Quartus, Ecclesiæ reprehensio. Hinc supponit factum Christus Dominus, cum dicit. *Si Ecclesiam non audierit.* Quintus, compulsio ab Ecclesia per censuras, & poenas, *sit tibi tanquam Ethnicus, & Publicanus.* In quo progressu prior actus semper antecedere debet posteriorem ex præcepto famæ conseruandæ proximi.

25 *Int.* Circa publica peccata estne adhibenda secreta monitio? *Resp.* Ex præcepto minime, sed prætermisissis admonitione secreta, & testium inductione licite denunciantur Prælato. Patet ex 1. ad Timoth. 5. *Peccantes coram omnibus argue.* Quem locum intelligit Conc. Trid. sess. 24. c. 8. de peccatis publicis. Probatur, quia hic ordo seruari debet ad famam proximi conseruandam; hæc autem per peccati publicitatem deperdita est; ergo, &c. Deinde, quia hæc peccata denunciari possunt Prælato, vt iudici, ergo multò magis, vt patri.

26 *Int.* Quot sunt adhibendi testes? *Resp.* Quamquam Christus Dominus vnum, aut duos adhibendos docuit, si tamen
non

non sufficiant, & ex plurium adiunctione speretur correctionis fructus, plures adhiberi possunt.

27 *Int.* Qui sunt adhibendi testes? *Resp.* Scientes peccatum si ipsi iudicentur idonei, qui si non fuerint, adhibendi sunt infcij, quantumvis peccatum occultum sit, quidquid repugnet Durand. in 4. dist. 19. q. 4. Henr. quodlib. 9. artic. 18. Antisiod. lib. 3. sum. tract. 25. cap. 2. Nam quamvis videatur per infciorum testimonium cognitionem fama illius auferri, aufertur in maiorem eius utilitatem per medium iuxta diuinam dispositionem ordinatum ad fructus animæ.

28 *Int.* Cui facienda est denunciatio? *Resp.* Ecclesiæ.

29 *Int.* Ecclesiæ nomine qui intelliguntur? *Resp.* Prælati, & quicunque alij legitimi superiores, ut parentes, magistri, domini, & similes. Ita Innocent. cap. Novit. de iudic. Chrysostom. ad cap. 18. Matth. & approbat communis usus fidelium.

30 *Int.* Si Papa delinquat, cui facienda est denunciatio? *Resp.* Si casum excipias hæresis (quod omen Deus auertat) circa reliqua delicta, facienda est ipsi, ut Ecclesiæ præfidi. Ita Bellarm. lib. 2. de concil. c. ult. ad 2.

31 *Int.* Quomodo facienda est denunciatio? *Resp.* Si peccatum sit occultum, non proficientibus duobus primis remediis, admonitione scilicet secreta, & testimonio adiunctione, denunciandum est Prælato, ut patri, & nullo modo ut iudici, quamvis cognitum sit sub quouis secreto naturali, vel etiam iuramento non detegendi: quoniam secretum, aut iuramentum non obligat de re non facienda, quam ex præcepto facere tenemur, tenemur verò fraternæ correctionis ordinem seruare: dummodo cognitum sit extra confessionem, & viam ad confitendum. Ita Sot. q. 5. art. 1. lib. 5. de iust. cum multis, quos citat. Probatur, quia hæc denunciatio est pars fraternæ correctionis, finis verò correctionis fraternæ, est utilitas peccatoris denunciati, non poena.

32 *Int.* Quomodo se gerere Prælatus debet cum fraternè denunciatis de crimine secreto? *Resp.* Potest illos paternè interrogare de crimine ad notitiam certius habendam. Potest asperius increpare. Potest secretis poenis, & moderatis, punire, ut pater: non tamen manifestis, & duris, ut iudex. Potest contumacem, & negantem excommunicare coram denunciante, & testibus, ut decernitur cap. Novit. de iudic. Nullo tamen modo potest eos publica poenitentia, & infamia dete-

gere; quia Prælatus tenetur consulere famæ delinquentis, vt quiuis alius, nisi tam graue esset peccatum, vt in illius pœnam iustè priuaretur delinquens bono famæ. Quod tamen rarissimè contingit, excepto peccato hæresis, aliisque grauissimis redundantibus in perniciem communem.

33 *Int.* Quomodo se gerere debet Prælatus cum fraternè denunciatis de crimine publico? *Resp.* Cum fraternè denunciatis de crimine publico, aut occulto vergente in damnum commune, potest se gerere vt iudex, ac proinde manifesta, & famosa peccata potest inquirere, notoria punire. Ita Concil. Trident. sess. 24. cap. 8. de refor. & patet, quia denunciatus tale crimen potest, & aliquando tenetur denunciare, vt iudici ad impedienda communia damna, ergo ipse Prælatus procedere, vt iudex.

Quæres, quod sit peccatum publicum, manifestum, notorium, famosum. *Notorium*, & *publicum* est, vel publicitate facti, quando scilicet ita est propalam crimen, vt nulla tergiversatione celari possit: vel publicitate iuris, quando scilicet per iudicem fuit conuictum. *Manifestum* est, quod publicè diuulgatum, fama orta à scientibus aliqua tergiversatione negari potest. *Famosum* est, quod publicè scitur ex indiciis verisimilibus per infamiam. Infamia verò definitur communis locutio ex verisimilibus coniecturis surgens, habitis à viris timoratis, non leuibus ac maleuolis.

34 *Int.* Ad quid tenetur fraternè denunciatus? *Resp.* Si subditus sciat se esse fraternè delatum, tenetur detegere crimen Prælato, vt patri, minime verò, vt iudici. Probatur, quoniam Prælatus per fraternam denunciationem non habet ius interrogandi iuridicè, sed paternè; ergo nec denunciatus tenetur se detegere vt iudici, sed vt patri. Qui si intelligat Prælatum ex propria reuelatione processurum, vt iudicem, potest amphibologia vt, & crimen occultum negare. Ita Sot. 5. de iust. q. 6. art. 2. & de secret. teg. q. 4.

35 *Int.* Quis ordo seruandus circa hæresi infectos? *Resp.* Si denunciator hæreticum admonere potest, & certus est secretam admonitionem profuturam, nullumque fidei, & Ecclesiæ detrimentum futurum, illicitum est occultum hæreticum ad iudicem deferre. Ita D. Tho. 2. 2. q. 33. art. 1. & reliqui omnes Theologi, teste Sot. de secret. teg. memb. 2. q. 4. & libro 5. de iust. q. 5. art. 1. consentiunt Canonistæ, quos affert Nau. cap. Nouit. & cap.

& capit. inter verba. Ita denique decreuit D. Paul. 3. ad Tit. Hæreticum hominem, inquit, post unam, vel alteram correctionem deuota.

Probatum ratione, quia nulla tunc subest rationabilis causa propter quam hic ordo omitti debeat: nam ea esset, vel peccantis, vel Ecclesiæ bonum, hoc verò in nostro casu potius per secretam correctionem, quàm per denunciationem acquiritur. Quoniam verò rara est moraliter certa hæc per secretam monitionem spes emendæ in hæreticis ex malitia, quin potius cautiore redduntur ad sibi, aliisque occultius nocendum, statim sunt denunciandi. In qua præsumptione Inquisitorum edicta nituntur, quæ indistinctè iubent hæreticos denunciare. Quod de hæresi dixi, dico etiam de peccato quolibet, in commune damnum redundante, quod si per secretam monitionem corrigendum non speretur, statim est deferendum. In primis, quia commune bonum famæ delinquentis anteponendum. Deinde, quia cum delinquens sit aggressor, repelli potest cum damno ipsius, ut constabit ex propria materia ad quintum Decalogi præceptum. Idem dicendum est de peccato vergente in damnum tertij, iuxta easdem rationes.

36 Int. Quid dicendum de ordine correctionis circa eos qui renunciant iuri famæ? Resp. Dico primò. In statu perfectionis, quem religiosi profitentur, possunt singuli professores, imò & vniuersus ordo renunciare naturali, & Evangelico fraternæ correctionis progressui. Probatum, quia iste processus seruandus est, ne lædatur alterius fama: sed vnusquisque dominus est suæ famæ saltem in perfectionis finem, ergo, &c. Quamobrem falsò dixit Bannes 2.2.q.33. art. 8. dub.2. ad.7. non esse expediens, ut tota communitas renunciet ordini correctionis fraternæ. Dico secundò. Prædicta renunciatio fieri intelligenda est circa denunciationem faciendam Prælato, ut patri, nequaquam ut iudici. Apertè deduci videtur ex naturali æquitate, quæ ostendit neminem fui tam acerbum vindicem extitisse, ut isti iuri plusquam ad spiritualem profectum renunciauerit. Dico tertio. Huic iuri nunquam fuit renunciatum circa peccata dicti, aut facti contra eum Prælato, cui fit denunciatio: hæc enim huic Prælato denunciare, peccatum susurationis est, ut docet D. Thom. in 4.d.19.q.3.art.1. & 2. Susurro verò & bilinguis Eccl. 28. maledictus. Facienda

cienda igitur est huiusmodi denunciatio alij superiori, non eidem, de quo detractum est. Dico *quartò*. Huic iuri renunciato non obstat secretum naturale, etiam iuramento assertum. Quantumvis enim quis promiserit secretum, non tenetur illud hac in re servare, quoniam non valet iuramentum factum de non servanda regula perfectionis, qualis est, quæ hanc denunciationem iubet.

Quo pacto proximus est diligendus circa vitam corporalem. §. 4.

1 *Quantum diligere tenemur proximum in necessitate vitæ corporalis.*

2 *An quis pro servanda proximi vitæ, possit suam amittere.*

1 **I N T E R R O G A T I O.** Quomodo, & quantum diligere debemus proximum in necessitate vitæ corporalis? *Resp.* Quanquam in spiritualibus potius nos diligere, quam proximum tenemur, in corporalibus tamen minimè; atque ita exponere possumus nostram vitam corporalem, pro vita corporali proximi. Ita communis opinio.

Dico igitur. Extremè proximo constituto in temporalis vitæ discrimine, tenemur etiam cum dispendio gravi rei familiaris succurrere. Verbi gratia. Est quis inter infideles occidendus, nisi reddat centum aureos, adest, qui eos habet, tenetur eos offerre, ut innocens liberetur à morte. Hinc colliges eum, qui scit aliquem iniuste damnari ad mortem, nisi ferat testimonium innocentiae, teneri illud ferre etiam si iter facere nequeat, nisi cum magna expensarum iactura. In gravi necessitate vitæ, solum tenemur succurrere cum possumus absque notabili detrimento rei familiaris.

2 *Int.* Potestne quis succurrere proximo extreme periclitanti de vita corporali cum propria vitæ dispendio? *Resp.* Potest, & est actus bonus, & meritorius, verbi gratia. Sunt duo in mari, non suppetit nisi una tabula ad salutem, quæ duos non capit, possum proximo illam relinquere, ut refert Bannes 2.2. q. 26. ar. 4. Hoc tamen intellige, nisi persona sit publica, ex qua dependet bonum commune, nam si tabulam habeat, graviter peccat eam dando. Si non habeat, alter qui habet, relinquere illi tenetur. Probatur facile, quia commune bonum anteponendum est cuius particulari.

Quo

Quo pacto proximus est diligendus circa rem familiarem. §. 5.

I *Quantum diligere tenemur proximum in necessitate rei familiaris.*

I **INTERROGATIO.** In necessitate rei familiaris proximi ad quid tenemur? *Resp.* Proximo constituto in extrema rei familiaris penuria, tenemur succurrere, etiam ex necessariis ad statum. Proximo in graui rei familiaris inopia constituto solum tenemur succurrere ex superfluis ad statum.

Quo pacto diligendus est proximus circa communia beneficia. §. 6.

I *Quantum tenemur diligere proximum circa beneficia communia.*

I **INTERROGATIO.** Quid circa communia beneficia dicendum putas? *Resp.* Proximo, etiam inimico, non possumus subtrahere communia beneficia, in quibus habet cum aliis eandem causam, & rationem, v.g. Salutas hos in coronide, prope quos transis, debes etiam salutare proximum inimicum. Facis eleemosynas publicas quibusvis pauperibus accedentibus, quia distributor es bonorum communium, non potes eleemosynam proximo pauperi denegare, quia inimico. Fundis preces pro omnibus istius urbis, aut regni, aut loci, non potes non pro inimico orare.

Quo pacto inimici diligendi. §. 7:

1 *Quæ signa amoris ostendere tenemur inimico.*

2 *An teneamur inimico remittere iniuriam.*

3 *An liceat aliquando odisse inimicum.*

4 *An liceat proximo malum exoptare.*

I **INTERROGATIO.** Quæ charitatis signa inimico sunt ostendenda? *Resp.* Particularia beneficia, quæ solent amicis exhiberi, vt familiares colloquutiones, non tenetur quis inimicis exhibere. Ac proinde semoto scandalo, non tenetur eos alloqui, quamuis antea sæpè sæpius familiariter alloqueretur. Neque item munuscula mittere, quæ mittere solebat.



2 *Int.* Tenemurne inimicis iniuriam remittere? *Resp.* Tenemur quoad odium, & animi exulcerationem: non tamen quoad satisfactionem: ita quòd amoto odio personæ potest zelo iustitiæ exigi satisfactio, usque ad suspendium. Ita D. Thom. 2. 2. q. 25. art. 8. & 9. & cum eo Nau. in sum. cap. 14. n. 25.

3 *Int.* Potestne aliquando inimicus odio haberi? *Resp.* Nequaquam ratione personæ; potest verò ratione improborum morum, ita ut non personam, sed morum improbitatem detestemur. Sic regius vates de se ipso fatetur; *Iniquos odio habui.* Psalm. 118.

4 *Int.* Possumus ne aliquando proximo malum exoptare? *Resp.* Ob spirituale bonum possumus proximo desiderare corporale malum, ut infirmitatem corporis ad salutem animæ ex ea provenientem. Item ob spirituale bonum aliorum, licet alterius mortem expetere, ut mortem hæretici, veneno hæresum alios inficientis, ne pestis longius ierpat. Item zelo iustitiæ possumus desiderare malefactorum punitionem, ut criminibus via intercludatur.

De amore parentum erga filios suos. §. 8.

1 *Quibus in rebus tenentur parentes ostendere amorem filiis.*

I N T E R R O G A T I O. Circa quæ tenentur parentes ostendere amorem filiis? *Resp.* Circa quatuor. In primis circa congruam sustentationem: tenentur enim sub mortali illos, etiam naturales & spurios alere, cum possunt. Quamobrem peccat graviter, qui ægrotum filium ad hospitalem domum remittit: aut parvulū ad ostia civitatis exponit: aut sine stipem ostiatim corrogare. Ita Syl verbo *Fily*, §. 21. Mol. de primog. lib. 1. cap. 15. num. 52. Gutier. lib. 1. præf. q. 109. Secundò. Circa legitimæ conseruationem, nam peccat graviter filiorum legitimam notabiliter minuendo gratuitis donationibus, aut fictis onerosis contractibus, qui re vera sunt donationes, ut docet Iason *L. ex hoc iure. ff.* Potest tamen illam minuere donationibus remuneratoriis, & contractibus veris onerosis. Remuneratio verò non consistit in indivisibili, sed potius vera gratitudo donum excedit remuneratione, ut adnotavit D. Tho. 2. 2. q. 109. art. 6. ad 31. Terriò. Circa spiritualia, & ideo peccant non eos edocendo Christianam doctrinam; non eos

cogen

cogendo seruare Dei præcepta, & Ecclesiæ; non eos à prauis consuetudinibus, & peccandi occasionibus amouendo. Et ideo quotiescumque filij peccant, vel sunt in periculo peccandi propter parentum incuriam, toties parentes peccant.

Quartò. Circa correctionis poenas; eas enim ita tenentur moderari, vt non inferant notabile nocumentum, nam illud inferendo, vel ex odio puniendo, charitatem lædunt, vt alij. Moderatam verò poenam infligere possunt, non solum ad euitandum futurum peccatum, sed etiam ad puniendum præteritum.

De amore filiorum erga parentes. §. 9.

- 1 *Quando peccat filius contra præceptum de diligendis parentibus.*
- 2 *An filio potius, quàm parenti teneatur filius succurrere,*
- 3 *An potius patri, quàm matri teneatur filius succurrere.*

INTERROGATIO. Quando peccat filius contra præceptum de diligendis parentibus? *Resp.* In primis, quando eos ita durè, & superciliosa fronte alloquitur, vt videatur odisse. Ita Angel. *verb. filius*, nu. 30. Sylu. *verb. filij*. §. 22. Secundò, quando illis in magna necessitate constitutis non auxiliatur, cum potest. Neque eum excusat, quòd pater alere vitam possit per sordidam artem, quam callet, cum sui statúsque dedecore. Probaturn apertè, quia parentum, & filiorum amor mutuis conditionibus exercetur, sed parens filio in tali necessitate constituto tenetur succurrere, ergo & filius parenti. Quod ita verum est, vt peccet mortaliter filius, si patre in tali necessitate relicto religionem ingrediatur, teneaturque egredi, si aliter illi mederi non potest. Si verò illa necessitas post religionis ingressum euenit, quamuis egredi non teneatur, succurrere tamen tenetur. Auctores pro hac sententia afferam ad 2. Decalogi præceptum.

2 *Int.* Cui tenetur filius succurrere, parenti an filio? *Resp.* Si vterque in extrema necessitate fuerit, potius parenti, quàm filio. Ita D. Thom. 2. 2. q. 26. ar. 6. ad 3. quia maius bonum à parentibus accepit, quàm à filiis. Si autem necessitas sit infra extremam, potius filio, quàm parenti. Ita Roder. cum alijs, cap. 14. num. 9.

3 *Int.* Patre, & matre in æquali necessitate constitutis, cui eorum tenetur filius succurrere, cum ambobus non potest? *Resp.* Illi, à quo maiora beneficia, & amoris signa accepit. Ita *D. Thom. & Bannes citato loco à. 1. 10.* Si verò ab utroque æqua beneficia accepit, prius patri, quàm matri.

Qui manifestè peccent contra hoc præceptum. §. 10.

1 *Qui peccent contra præceptum de diligendo proximo.*

1 **I** N T E R R O G A T I O. Quis manifestè peccat contra hoc præceptum? *Resp.* Qui proximum excludit à communicatione generalium orationum, quas pro communi fundit, ut notat *D. Thom. 2. 2. q. 83. art. 3.* Qui res suas corporales antefert bonis proximi spiritualibus. Qui proximum non reprehendit, cum debet, vel de eo non denunciatur ad bonum commune Reipublicæ, vel particulare ipsius, aut tertij innocentis, ut dixi in materia correctionis fraternæ. Qui ob offensam odio, & rancore illum prosequitur. Qui potens impedire, ne alius mortaliter peccet sine proprio incommodo, dedecore, & verecundia, non impedit. Qui suo consilio, favore, aut ope causa alij est peccandi mortaliter. Qui non vitat scandalum passuum proximi cum potest, absque notabili proprio detrimento, veluti occasionem, in qua foemina turpiter adametur, & similes.

C A P V T IV.

De primo Decalogi præcepto. §. 1.

1 *Non habebis Deos alienos coram me.*

2 *Quibus actibus Deum colimus.*

1 **I** N T E R R O G A T I O. Quibus actibus Deum colimus? *Resp.* Tribus, fide, spe, charitate, virtutibus Theologicis, & religione virtute morali: de singulis me roga, paratus enim sum respondere.

De Fide. §. 2.

1 *Quid sit fides.*

2 *An sit necessaria externa manifestatio fidei.*

- 3 Quo tempore facienda est fidei confessio.
- 4 An Christianus à tyranno comprehensus licitè fugere possit.
- 5 An liceat Christiano comprehenso corrumpere custodes largitionibus ad vitam seruandam.
- 6 Quæ actiones sunt contra confessionem fidei.
- 7 An sit contra confessionem fidei uti vestibus infidelium.
- 8 An liceat Christiano non uti veste, quam infidelis Rex gestare præcipit in signum fidei.
- 9 Vtrum ex præcepto confitendæ fidei teneatur Christianus illud signum gestare.
- 10 Num manet excommunicatus à bulla Cænæ, qui animo credens, exterius fidem negauit.
- 11 Quotuplex est fides.
- 12 De quibus tenemur habere explicitam fidem.

I N T E R R O G A T I O. Quid est fides? *Resp.* Est assensus intellectus circa ea, quæ per Spiritum sanctum Ecclesiæ reuelata sunt, quatenus à Spiritu sancto sunt. Ex hac definitione sequitur materiam fidei esse omnia, quæ in Scripturis Canonicis continentur; & quæ per traditiones Apostolicas vniuersales conseruantur, & quæ in Conciliis generalibus, & particularibus à Sede Apostolica confirmatis determinantur; & quæ à Romano Pontifice, ut tali, definiuntur: similiter, quod vnanimi consensu omnes sancti Doctores dicunt; & omnia etiam, quæ ex aliquo horum per argumentum infallibile deducuntur.

2 *Int.* Estne huius fidei internæ manifestatio externa ad colendum Deum aliquando necessaria? *Resp.* Maximè: Constat ex D. Paul. ad Rom. 10. *Corde creditur ad iustitiam, ore autem confessio fit ad salutem*, & ex Christo Domino Matthæi 10. *Qui me negauerit coram hominibus, negabo & ego cum coram patre meo.* Ita D. Thom. 2. 2. q. 3. art. 2. Tert. in Scorpiaco aduersus Gnosticos. Oppositumque asseruerunt hæretici Helchesaitæ, teste Eusèbio lib. 6. *hist. cap. 31.* Niceph. lib. 5. *cap. 28.* Vnde D. Chrylost. hom. 25. in *Matth.* Radix confessionis fides est cordis, confessio autem fructus est fidei: nec valet ergo confessio oris sine fide cordis, nec fides cordis sine confessione oris. Ita decernitur in *Concil. Nicen. Arelat. & aliis.*

3 *Int.* Quo tempore facienda est fidei confessio? *Resp.* In primis cum Christianus interrogatur de Deo, quem colit,

publica authoritate. Nam si priuata alicuius particularis hominis rogetur, potest dissimulare veritatem, dummodo taciturnitas non innuat erubescentiam cultus, vel negationem Dei non ostendat, nec scandalum sequatur, & periculum aliorum deficiendi à fide. Cùm enim aliquis videt, ex sua taciturnitate alios fideles trahi in errorem, tenetur etiam cum vitæ amissione fidem manifestare: ita Gratian. *cap. Existimat, cap. Non solum, cap. Nolite*, latè ostendit. Vnde Aug. ibidem citatus, *si times*, inquit, *mortem carnis tuæ, mortem dabis animæ tuæ*. Dummodo etiam vtilitas spiritualis proximi non impediatur. Quando enim quis cernit alios errore teneri, quem deponent, si ab ipso fiat fidei manifestatio, tenetur illam manifestare. Pudor verò, timor, erubescencia, aut saltem quædam mentis tergiuersario satis innuitur, cùm Christianus à iudice publicè interrogatus, tacet. Si tamen iudex interroget, non vt fidem persequatur, ac detestetur, sed quia falsò arbitratur Christianos homines esse perditis moribus, & sceleratis, non solum tacere Christianus potest, sed amphibologicè inficiari, se esse Christianum. quia tunc, vt aduertit D. Thom. *ad c. 10. ad Hebr. lect. 2.* nulla fidei irrogatur iniuria.

4 *Jnt.* Potestne Christianus à tyranno comprehensus vitæ propriæ consulere per fugam? *R. sp.* Pars affirmans omnino asserenda. Ita nos docuit Christus Dominus. *Exemplo*, vt constet ex *Matth. 12. 14. ex Ioan. 8. 11. ex Luc. 4.* quæ loca expendit Aug. *ep. 180. ad Honoratum*. Cypr. *tum lib. de lapsis, tum ep. 56.* & Athan. *in Apolog.* Deinde docuit verbo Matthæi 10. *Cùm vos persequentur in ista ciuitate, fugite in aliam.* Docuere Apostoli fugiendo, *constat Act. 9. & 12.* item ex *2. Cor. 11.* & ideo Tertulliani librum de fuga oppositum asserentis appellat Nicephorus *lib. 4. hist. c. 12.* & D. Hier. *in Cathol. Script.* Scripturam aduersus Ecclesiam. Ratio Cypriani est optima, vt refertur *ann. 9. ad citatum librum Tertull. de fuga.* Quilibet, in Christo manens, recedit, non fidem negat, sed tempus expectat. Quæ verba permissionem, præceptum & consilium continent, si diuersorum locorum, temporis, personarum, & circumstantiarum ratio habeatur. Nam si non sit euident periculum negandi fidem, permissio est condolens humanæ infirmitati. Si verò adsit tale periculum, præceptum est, quia vnusquisque tenetur fugere spirituales interitus; si verò ex ea fuga speretur magnus Ecclesiæ prouentus, consilium est,
quia

quia vtile commune meo antefero, cum martyrij gloriam pro percipiendo Ecclesiæ fructu vberiori omitto. In quo ultimo euentu præceptum est, si nullus superesset Ecclesiæ Doct̃or & fautor, præter me; tunc enim tenerer vitæ per fugam consulere.

5 *Int.* Licetne Christiano tyrannum placare donis, & custodes pecunia corrumpere ad fugam? *Resp.* Licet: ita constat fecisse quosdam D. Pauli discipulos *Act. 17.* Iasonem nimirum & alios, & ideo potuerunt Paulum, & Syllam ex vrbe dimittere. Fecit itidem Rutilius martyr, cuius meminit Tertull. *in libro de fuga.* Fecerunt fideles Romani, vt constat ex *Annal. Eccles. an. 20.* Probat̃ur ratione; nam licitum est fugere; ergo licitum erit largitionibus medium inuenire ad fugam. Hoc tamen intelligo, quando custodes non tenentur sub iuramento inclusos custodire, alioqui peccato periurij occasio offerretur.

6 *Int.* Quæ actiones sunt contra confessionem fidei? *Resp.* Eæ, quæ ex natura sua, vel superstitionis vsu, in idola exercentur, ac proinde qui eas coram idolis exercet, fidem diffidet̃ur, & contra eam peccat. Vt cum quis per idola iurat, thus offert, reuerentiam idolorum simulacris exhibet, aut alias actiones peragit, quæ ad distinctionem sectæ inuentæ sunt.

7 *Int.* Estne contra confessionem fidei vti vestibus infidelium? *Resp.* Vti vestibus infidelium, quæ ad politiam gentis pertinent, neque ad distinctionem sectæ vsurpatæ sunt, (vt inter Turcas tobalia linea ad velandum, seu potius grauandum caput: inter Iudæos pileus crocei coloris: apud Bragmanes certæ lineæ ex collo appensæ) vrgente necessitate, & sublato scandalo non est contra confessionis fidei præceptum, & ideo iis vti licet: vt cum quis velit inter Turcas versari ad propagandam fidem, aut inter hæreticos ad eos reducendos, aut per infidelium regiones iter agere peregrinandi causa. Ita Caiet. 2. 2. q. 3. *art. 2.* Sylu. *ver. Fides. §. 5.* Nauar. *cap. 11. num. 27.* Atque hoc ita verum est, vt etiam vti liceat religiosorum infidelium vestibus, dummodo non habeant peculiare signum erroris profitendi, sed sint tantum indicium maioris sanctitatis, & perfectionis vitæ. Atque ob hanc rationem in Iaponia Patres sanctissimæ Societatis I E S V vtuntur vestibus Bonzorum, tanquam homines à terrenarum rerum curis, negotiisque remotiores.

8 *Int.* Quid si Turca, vel alius infidelis Rex præcipiat, ut Christiani signum fidei gestent; licetne Christiano non ferre tale signum? *Resp.* Ita posse absque iniuria fidei, arbitrantur docti viri. Adrian. in 4. q. 2. de bapt. art. 2. V. Gloria, & Doctores Salmanticenses: nisi in contumeliam fidei illud signum imponatur; tunc enim non erubescendum, sed ingenuè fides profitenda est gestando tale signum. Ita intelligendi sunt Caiet. 2. 2. q. 3. art. 2. Syluest. fides q. 5.

9 *Int.* Difficilior quæstio suboritur, & est hæc: Tenentur ne ex præcepto confitendæ fidei Christiani illud signum gestare? *Resp.* Si tales Christiani noti iam sunt, tenentur quidem; quia aliter iudicarent se fidem abnegasse non ostenso signo. Si verò ignoti sunt, se detegere per illud signum minimè tenentur: nemo enim tenetur fidem suam per expressam confessionem prodere, præcipuè cum adest vitæ, vel alicuius magni nocimenti periculum, nisi specialiter interrogetur. Ita communis opinio cum D. Thom. *locus citatis*, præcipuè cap. 10. ad Heb. lect. 2. Vnde iuxta communem sententiam, si tyrannus præconis voce præcipiat, ut omnes Christiani qui fidem abnegare noluerint ad tribunal causam dicturi accedant, nemo se ipsum manifestare, martyriòque offerre tenetur: unde cum impositi signi susceptio sit quædam fidei manifestatio, nullus ad eam, cum generaliter præcipitur, Christianus in conscientia obligatur, nisi fortassè ex circumstantiis insignis aliqua in Christianam religionem redundaret contumelia: cuiusmodi censeretur illa, si crederetur omnes Christianos de facto fidem abiurasse, eosque non ad declinandam iniuriam sibi, non fidei inferendam, sed ad profitendam superstitionem signum gestare noluisse.

10 *Int.* Si quis animo credens, præ timore tamen fidem exterius negavit, incurritne excommunicationem Cœnæ lætam in hæreticos? *Resp.* Minimè: quia licet gravissimè peccaverit, non est tamen formaliter hæreticus, quia fidem non amisit, iuxta Alenf. 2. p. tit. 53. memb. 2. talis autem excommunicatio lata est in hæreticos formaliter tales.

11 *Int.* Quotuplex à Theologis assignatur fides? *Resp.* Duplex, implicita, & explicita. Fides *implicita* est, qua credimus aliqua mysteria, quia continentur in aliis, ut cum credimus Christum Dominum habere duas voluntates, divinam & humanam, quoniam credimus habere duplicem naturam, hu-

manam

manam & diuinam, in quibus duæ voluntates necessario continentur. *Explicita* fides est, qua credimus distinctè aliquod certum mysterium reuelatum.

12. *Int.* Tenemurne habere explicitam fidem de omnibus reuelatis? *Resp.* Minimè. Tunc enim opus esset tenere memoria scripturas omnes sacras, traditiones Apostolicas, Conciliorum decreta: circa hæc sufficit fides implicita credendo, quæ Ecclesia profitetur.

13. *Int.* Tenemurne de aliquibus habere explicitam fidem? *Resp.* Maximè. Ita quilibet, etiam rusticus, tenetur explicitè credere duodecim fidei articulos ad humanitatem, diuinitatēque Christi seruatoris pertinentes; minimè tamen difficultates eorum, nisi Episcopi sint, & Doctores Ecclesiarum, quorum interest docere rudiores plebein. Ignorare verò hos fidei articulos explicitè, si ignorantia ex magna negligentia proueniat, peccatum mortale est. Quod peccatum pastoribus tribuetur, si ques non edoceant.

14. *Int.* Licetne Christiano se idololatram fingere, vt infidelem conuertat, vel hæreticum deprehendat? *Resp.* Minimè. Ita D. Aug. lib. 2. *retract. cap. 60.* & lib. *contra mendac. cap. 3.* Paulus. in 3. d. 25. Caiet. in 4. Reg. cap. 10. Ratio eius est, quia etiam tunc veritati, & grauitati fidei inuritur iniuria. Quod si aliqui Martyres aliquando simularunt se velle sacrificare, vt apertius, & liberius coram omnibus Christum confiterentur, sicuti de Procopio legimus 2. *Synod. Nicen. act. 4.* vt videre est apud Lipom. tom. 6. & Sur. tom. 4. octaua die Jul. magno cum miraculo dissolvente dæmonis simulacrum in aquam, id fecerunt ex diuino instinctu. Iehu verò consilium 4. Reg. 10. ad interficiendos flamines Baal, non approbat D. Thomas, nec Augustin. locis citatis.

15. *Int.* Licetne Christiano tyrannum adire, cum non de fide rogatur, nec aliud emolumentum spirituale probabiliter speratur, quàm sola mors data in odium Christianæ religionis? *Resp.* Minimè. Ita D. Aug. lib. 2. *de serm. D.* interpretans illud Christi dictum Matth. 7. *Nolite proiicere margaritas ante porcos, neque sanctum dare canibus.* Ideo tale martyrium appellat Athan. in *Apolog.* sui homicidium. D. Thom. 2. 2. q. 3. art. 2. ad 3. & q. 124. art. 1. errorem contra charitatem propriam, negauitque esse martyrem Concilium Eliberitanum. Ac proinde talem Christianum peccare mortaliter docet Nauar. in *sum. cap.*

cap. II. num. 40. Sunt hac de re verba D. Cyprian. *ultima eius epist.* magni facienda. Vos autem fratres per disciplinam, quam de mandatis Dominicis accepistis, quiescite, nec quisquam vestrum se gentibus offerat, apprehensus, & traditus loqui debet, siquidem Dominus nos confiteri magis voluit, quam profiteri. Hæc ille.

De peccatis contra fidem. §. 3.

- 1 *Quæ peccata sunt fidei contraria.*
- 2 *Quæ pertinacia requiritur ad hæresim.*
- 3 *Quot modis peccatur peccato hæresis.*
- 4 *An sit aliud peccatum contra fidem præter hæresim.*

I N T E R R O G A T I O. Quæ peccata sunt fidei contraria? *Resp.* In primis est hæresis: hæresis verò ita definitur. Est error pertinax hominis Christiani, fidei Catholicæ ex parte contrarius. Est autem error existimatio veri pro falso, aut falsi pro vero. Quare de essentia hæresis est error intellectus contumax, qui si non est, licet grauitè peccet, qui fidei exterius contradicit, non est hæreticus. Hic autem error ad constituendam hæresim debet esse pertinax, assertus ab eo, qui scit eum esse contra Ecclesiæ sensum. Ita colligitur aperte ex D. Thom. 2. 2. q. 11. art. 2.

2 *Int.* Quantum tempus requiritur ad hanc pertinaciam? *Resp.* Tantum, quantum satis est ad eliciendum actum perfidiæ, qui in instanti fieri potest, ut docent Met. Hæc igitur pertinacia non sumitur ex parte temporis, sed ex parte deliberatæ mentis, errorem ultro amplectentis, scientisque esse aduersus Ecclesiæ definitionem. Ita egregiè adnotauit Roder. in sum. c. 129. n. 1. & alibi.

3 *Int.* Quot modis peccatur peccato hæresis? *Resp.* Tripliciter. Primo, solo actu interno erroris. Secundo, solo actu externo negationis, interius rectè sentiendo. Tertiò, interius, exteriusque negando. Primum, & tertium peccatum constituit hominem formaliter hæreticum. Secundum verò tantummodo malum Christianum, & hominem inconstanti animo. Per peccatum interius nulla incurritur excommunicatio. Per peccatum verò ab exteriori actu, interiorique errore constitutum, maximè: adeò ut quamuis sit occultissimum, nulla

nullo arbitro conscio tali censura puniatur. In quo euentu iuxta decretum Concil. Trident. *sess.* 24. c. 6. absolui potest ab Episcopo. Peccatum verò exterius solummodò patratum tali censuræ non subiacer, licet oppositum falsò tenuerit. Caiet. 2. 2. q. 94. art. 1. contra Syl. *verbo Apostasia*. §. 4. Nau. c. 11. n. 24. & Tolet. *lib.* 4. c. 4. Ratio est, quia talis excommunicatio lata est in formaliter hæreticos, talis autem non est, qui solo actu externo fidem disfitetur.

4 *Jnt.* Estne aliud peccatum contra fidem? *Resp.* Est dubium in fide. Est autem dubius in fide, qui nec credit articulis, & rebus fidei, nec discredita, sed est suspensus omnino ex eo, quia non putat talia esse certissima, aut vt verius loquar, quia anceps est, vtrum certissima sint. Vt autem hoc dubium constituat hominem formaliter hæreticum requirit pertinaciam ex parte dubitantis intellectus, & deliberationem ex parte voluntatis, quæ tale dubium amplecti velit.

5 *Jnt.* Sûntne plura? *R. sp.* plura quidem, Apostasia, & Infidelitas.

De Apostasia & Infidelitate. §. 4.

1 *Quid est Apostasia.*

2 *Quid est Infidelitas.*

3 *Quando est Infidelitas peccatum.*

1 **I** N T E R R O G A T I O. Quid est Apostasia? *Resp.* Est error hominis baptizati fidei Catholicæ ex toto contrarius. Ex toto dixi, quia in hoc differt Apostasia ab hæresi; hæresis enim negat vnum, aut alium articulum, Apostasia verò omnes negando Christum Deum verum. Quemadmodum verò hæresis peccatum tripliciter committitur, ita & Apostasia: eodémque modo de eo, atque de illo dicendum circa censuram.

2 *Jnt.* Quid est Infidelitas? *Resp.* Infidelitas est error hominis non baptizati, fidei Catholicæ, siue ex toto, siue ex parte contrarius.

3 *Jnt.* Quando est infidelitas peccatum? *Resp.* Quando infidelis sufficientem habet notitiam fidei Christianæ, siue circa omnia mysteria, quia illa edoctus noluit credere, siue circa aliqua, quæ lumine naturæ ostenduntur, vt vnum tantum Deum

Deum esse. Colendo igitur plures Deos peccat lethaliter contra fidem ipso naturalis luminis ductu offensam.

De Spe, & peccatis contra spem. §. 5.

1 *Quid est Spes.*

2 *Quod peccatum est contra spem.*

1 **I**NTERROGATIO. Iam de spe, qua Deus colitur, laudare te opto. Primum igitur mihi dicito, quid sit spes? *Resp.* Spes est inclinatio ad futuram beatitudinem Dei auxilio consequendam. Inclinationis nomine actum voluntatis intelligo: habitus enim virtutis spei in voluntate à Deo collocatus, illam inclinat ad sperandam futuram beatitudinem benè viventibus promissam, Deoque gloriamtribuendam pro promissorum vera solutione.

2 *Int.* Quod peccatum est contra spem? *Resp.* Desperatio. Est autem desperatio actus voluntatis, qua homo de futura beatitudine promissa diffidit, Deumque ut fallacem detestatur. Hæc autem desperatio aliquando oritur ex errore intellectus, & amissione fidei: aliquando verò ex Dei odio, quia licet credat eum esse summam veritatem, arbitratur tamen non esse adeo beneficum, ut remuneret bene acta. Ad hoc desperationis peccatum reducitur præsumptio; est autem præsumptio actus voluntatis, qua homo sperat beatitudinem consequi, vel ex solis meritis viribus naturalibus, tanquam sibi debitam, vel ex sola Dei benignitate, & misericordia absque ullo suo bono opere. Utraque est graue peccatum. Prima quidem, quia superbè sibi arrogat indebita. Secunda, quia iniustum Deum constituit, dum nec bona, nec mala opera respicere illum putat. Qui verò erraret intellectu, & putaret beatitudinem esse consequendam per solas vires naturales, hæreticus esset cum Pelagianis. Itidem, qui putaret esse consequendam ex sola Dei gratia, hæreticus esset cum Lutheranis.

De Charitate, & peccatis illi contrariis. §. 6.

1 *Quid est Charitas.*

2 *Quot sunt peccata contra charitatem.*

1 **I**NTERROGATIO. Dixisti Deum maximè coli charitatis actu, dic igitur, quid est charitas? *Resp.* Est actus amicitiae

amicitiæ hominis erga Deum supernaturaliter dilectum, hoc est: ut noster est finis supernaturalis, procedit verò hic actus ab habitu supernaturali à Deo animæ infuso.

2 *Int.* Quot sunt peccata contra charitatem? *Resp.* In primis odium Dei, omnium peccatorum maximum, ut potè, quia iustus punit, sic enim odio haberi potest. *Deinde*, cum plus amatur præmium ostensum, quam Deus ostendens, & ideo amatur, quia illud promittit, nec aliter amaretur: hæc n. inordinatio amoris grauis est culpa, reductioque per gratiam in rectum tramitem donum est maximum, cuius meritas grates in Canticis Deo reddidit illa anima, cum dixit, *ordinauit in me charitatem, Cant. 2.* Denique offenditur charitas quando creaturæ magis, quam creatori appretiatiuè applicatur.

De virtute Religionis, qua Deus colitur, & peccatis illi contrariis, quibus Deus magnopere offenditur. §. 7.

1 *Quid est virtus, quæ vocatur Religio.*

2 *Quæ peccata contrariantur huic virtuti.*

1 **I**NTERROGATIO. Dixisti de virtutibus Theologicis, Fide, Spe, & Charitate, iam ad Religionis virtutem accedamus, & vitia illi contraria. Quid igitur est Religionis virtus? *Resp.* Religionis virtus est quidam habitus à Deo humanæ voluntati infusus, inclinans ad Deo debitum honorem deferendū quatenus est primū omnium principium, & ideo omnis diuinus cultus Deo exhibitus per sacrificia & adorationes, siue internas, siue externas ab hac virtute proficiscitur.

2 *Int.* Quæ peccata contrariantur huic virtuti? *Resp.* Contrariatur *Blasphemia*. Est autem blasphemia dictum, vel scriptum contumeliosum Dei laudibus, vel sanctis eius. Fit autem, vel tribuendo Deo, quod illum non decet, vel auferendo quod illi conuenit; vel tribuendo creaturæ, quod solius Creatoris est. Contrariatur etiam *Impietas*. Impietas verò est dictum, vel factum contumeliosum Dei honori, aut sanctorum eius. Pietas enim virtus est, qua Deum sanctosque eius honoramus, & reueremur. Quamobrem imagines conculcare, reliquias sanctorum spernere, & similia opera facere, impietatis est. Est etiam Religioni contraria *Superstitio*. Superstitio verò est vana seu falsa religio indebitum cultum exhibens falsis diis, queis, cum creaturæ sint, exhibet diuinum honorem, vel etiam vero Deo exhibet

eundem diuinum honorem, non tamen eodem modo, quo exhibendus est, vt cum ei tribuit ritus, ac ceremonias falsorum Deorum, vel cultus Deo ingratos, quales modò sunt sacrificia veteris legis, vt talia, figuræ nimirum futurorum. Ad hanc superstitionem reducitur peccatū eorum, qui mentiuntur miracula à tali imagine facta spe lucri eleemosynarum, & reliquias falsas exponunt populo colendas, vt ad eas hominum multitudo cōfluat. Multæ verò sunt superstitionis species. *Prima* est *Idololatria* exhibens diuinum cultum falso Deo. Hæc autem semper supponit errorem intellectus, & amissionem fidei, si mente fit. Et ideo omnis idololatra est hæreticus si ad superstitionem transit post baptismum, ac proinde subiicitur excommunicationi hæreticorum. *Alter*a species est *Magia*, quæ ita describi potest. Est potestas inordinata faciendi, quod supra naturam est, dæmonum auxilio implorato. Tripliciter verò dæmon ad effectus concurrit: vel enim aliunde affert rem quam ostendit, vt serpentem: vel applicat actiua naturaliter passiuis, ex qua applicatione naturaliter prodit talis effectus: vel etiam sensus deludit, apponendo sensibus apparentia exterius obiecta ex aëre confecta, aut in sensu interiori idola effingendo rerum externarum, quasi præsentium, quæ reuera absunt. Hæc autem *Magia* includit pactum dæmonis cum homine *Mago*, quod facit aliquando per se, illi visibiliter apparendo: aliquando per alium, illi promittendo, per se verò promissa exequendo. *Tertia* species peccati contra virtutem Religionis est *Diuinitio*. Est autem diuinitio inordinata enunciatio eorum, quæ per naturā cognosci possunt, dæmonis scientia adiutrice. Circa hanc verò diuinationem in euentibus, qui pendent ab humana voluntate, procedit dæmon experimento. In effectibus verò naturalibus procedit ex scientia, quam habet effectuum omnium naturalium. Diuinat autem dæmon aliquando per apparentes figuras, & talis diuinitio dicitur præstigium; aliquando per fictionem mortui ab inferis excitati (format enim corpus ex aëre, & ex eo loquitur) dicitur verò ea diuinitio *Necromantia*. Aliquando per viros arreptitios, qui dicuntur *Pythones*, feminæ vero *Pythonissæ*. Aliquando loquitur per statuas, & dicitur *Geomantia*. Aliquando per figuras apparentes in aquis, & dicitur *Hydromantia*. Aliquando per figuras aëreas, & dicitur *Aeromantia*. Aliquando per ignes, & dicitur *Pyromantia*.

Ali

Aliquando per exta animalium, & dicitur *Auſpicium*. Reducitur verò ad hoc diuinationis peccatum aliquorum inaugurationis, qui cum ex astris augurantur, dicitur *Astrologia*. cum ex mugitu animalium, dicitur *Augurium*: cum ex volatu, aut garritu auium, dicitur *Auſpicium*: cum ex certis verbis, dicitur *Omen*, seu ominatio, vt quia miles, verbi gratia, dixit, sistamus gradum, dux superstitiosus noluit mouere exercitum. Circa *Astrologiam* hoc adiicio, posse quidem Astrologos multos effectus naturales quasi certo promittere: errant tamen vehementer, cum prædicunt ea, quæ pendent ex diuina, aut humana voluntate, adedò imperſcrutabili, vt solus Deus illius penetret determinationem, teste ipſo Deo *Jerem. 17.* qui soli sibi arrogat hanc perſcrutationem dicens: *Præuū est cor, & inſcrutabile. Quis cognoscet illud? Ego Dominus ſcrutans cor, & probans renes.*

Circa *Augurium*, & *auſpicium* etiam addo naturæ Parentem dedisse animalibus, & auibus certam rerum futurarum diuinationem, vt benè eorum vitæ conſuleretur. Hos autem effectus ab illis cognoscere, culpa caret, vt ex merulis mare fugientibus colligitur futura tempeſtas: Verſpertiliones verò longè à domibus volātes futurā ſerenitatē præſagiunt. *Quarta* ſuperſtitionis ſpecies eſt vana *Obſeruantia*, in qua quædam obſeruantur vanè, nullam ex ſe efficaciam habentia ad aliquos effectus, vel augurandos, vel efficiendos, vt certa quædam verba ad ſanitatē capitis, dentium, aurium, &c. *Quinta* ſuperſtitionis ſpecies eſt *Maleficium*, quod ita definiri poteſt. Eſt ars nocendi aliis, dæmonis poteſtate ad tales effectus implorata; opus verò malum appellatur maleficium. Duplex verò eſt maleficium: aliud amatorium, quo dæmon efficit, vt verbi gratia, cōiuges inter ſe diſſideāt, & circa alios amore afficiantur. Quem amorem dæmon non gignit cogendo voluntatem, ſed in interiori ſenſu effingendo, & repræſentādo imaginationi figuram perſonæ amatæ pulchriorem, amabiliorem, venuſtiorē: figuram verò perſonæ exoſæ ſœdam, turpem, deformem. Aliud veneficiū eſt pernicioſum, quo dæmon torquet perſonam veneficiatā, ſæpè cum pacto torquendi partem quam veneficus alicuius imaginis, quæ apud illū eſt, pupugerit. Ad hoc peccati genus reducuntur peccata Lamearum, ſeu ſtrigum. Hæ potiùs carnalem quærunt delectationem, feruntur enim à dæmonibus per æræ corpora-

liter, & cum ipsis corpora assumentibus exercent rem veneram. Sæpè somno à dæmone corripuntur, & per insomnia dæmon illis multa repræsentat absentia, facitque credibile se longas fecisse peregrinationes, multaque apud exterarum nationes vidisse, intrant reueratas domos dæmone aperiente ianuam, fingunt se homines transmutare in belluas, dæmone videntium oculos falsis imaginibus deludente.

C A P V T V.

De secundo Decalogi præcepto. §. 1.

Non assumes nomen Dei tui in vanum.

- 1 *Quid prohibetur in secundo Decalogi præcepto.*
- 2 *Quo loco Doct. de iuramento agunt.*
- 3 *Quid est iuramentum.*
- 4 *An liceat exigere iuramentum ab eo, quem scio iuraturum per falsos Deos.*
- 5 *Quotuplex est iuramentum.*
- 6 *An iuramentum sit actus virtutis.*
- 7 *Quas proprietates debet habere sanctum iuramentum.*
- 8 *An liceat uti amphibologia in iurando.*
- 9 *Quando peccat quis mortaliter iurando ex prava consuetudine.*

1 **I N T E R R O G A T I O.** Quid prohibetur in secundo Decalogi præcepto? *Resp.* Iuramentorum abusus.

2 *Int.* Quo loco doctores de iuramento agunt? *Resp.* Summistæ ver. iuramentum. Iurisperiti 22. q. 1. & tit. de iureiur. Theol. in 3. d. 39. Anton. 2. p. tit. 10. Sot. 8. iust. & lib. de iur. abusu. Nauarr. cap. 12. Couarr. cap. Quamuis pact. de pactis. Et ideo cum in hac materia Auctores non adduxero, apud hos iuuenientur, quæ dixero, quos, ne molestus sim, recensere non puto.

3 *Int.* Quid est iuramentum? *Resp.* Est inuocatio diuini testimonij, in dicti factive alicuius confirmationem. Itaque adducitur Deus in testem eorum, quæ affirmantur, & in fideiussorem eorum, quæ promittuntur. Inuocatur verò Deus, vel explicitè, cum nominatim effertur, ut cum dici

dicimus, per Deum, per Christum, &c. vel implicite, & fit, cum in creaturis existens inuocatur: inuocatur verò in iis frequentius, in quibus clariùs relucet eius bonitas, sapientia, omnipotentia, gratia, sanctitas, ut cum iuramus per Solem, per Cœlum, per Angelos, per Diuos, &c. Si enim hæ creaturæ inuocantur secundum se, non est iuramentum. Per creaturas verò posse fieri iuramentum decernitur *cap. Habemus. 22. q. 1. notant D. Thom. 2. 2. q. 89. art. 9. Richard. in 3. d. 39. art. 1. q. 1. Bonauent. ibidem. q. 2. art. 2. Alens. 3. p. qu. 31. n. 3. art. 3. §. 1. Gabriel in 4. d. 39. qu. 1. nrt. 2. conclu. 3. Couar. cap. Quamuis. de pactis, §. 1. nu. 5. Irreuerentia tamen est venialis iurare per creaturas vilissimas, ut per pilos, per ocreas, ut docet D. Thom. loco citato.*

4 *Int.* Licet exigere iuramentum ab eo, quem scio iuraturum per falsos Deos? *Resp.* Licet quidem. Ita decernitur *cap. Mouet te. 22. q. 1. Ita Sot. 8. iust. citato, Couar. cap. Quamuis. 1. p. §. 1. nu. 9. Abul. c. 5. Matt. q. 270.* Ratio est, quia petere ab alio iuramentum, est petitio rei bonæ secundum se; si verò malè fiat, defectus oritur ex malitia iurantis, quemadmodum postulare mutuum, bonum est, licet ex malitia mutuantis, usuram pro mutuo exigentis, mutuatio iniqua sit. Verum, ut ad petendum mutuum sub usuris causa requiritur; ita & ad petendum iuramentum ab eo, qui ex malitia per falsos DEOS iuraturus est. Causa verò debet esse detrimentum non leuis momenti; tenemur enim ex charitate pati detrimentum leue pro graui Dei offensa in proximo euitanda.

5 *Int.* Quotuplex est iuramentum? *Resp.* Quadruplex, Assertorium, Promissorium, Comminatorium, Execratorium. *Assertorium* est, in quo assertur Deus in testem rei negatæ, vel affirmatæ præsentis, aut præteritæ, ut, per DEVM iste occidit hominem, per DEVM non occidit. *Promissorium* est, in quo adducitur Deus in testem rei promissæ; ut, per DEVM hoc faciam. Quod iuramentum, ut vetniti fit, duplici debet conformari veritati, scilicet, & præsentis voluntati reddendi rem promissam, & futuræ exequendæ promissionis, ac proinde tam falsò iurat, qui promittens stare promissis non decernit, quàm ille, qui promissionem non implet. *Comminatorium* est in quo DEVS adducitur in testem mali faciendi, ut, per

D E V M castigabo te. In quo iuramento cum malum est iniuste inferendum, si quis habet animum exequendi, peccatum eiusdem speciei committit, cuius est malum. Si verò non habet animum implendi, periurium incurrit. In neutro tamen euentu tale iuramentum obligat, cum non sit vinculum iniquitatis. *Execratorium* est, in quo Deus adducitur, non solum in testem, sed etiam in ultorem, & vindicem frangentis tale promissum, ut, Deus me destruat nisi hoc fecero. Solum aduerte iuramentum assertorium etiam aliquando respicere futuram rem promissam, ut, per Deum hoc euenturum est. *Execratorium* quoque respicere presentem veritatem, & mentis conformitatem verbis prolati, ut, hoc faciat mihi Deus, & hoc addat, nisi loquor verum; nisi hoc ita actum est, nisi modò dico, quod sentio.

6 Int. Estne iuramentum actus virtutis? *Resp.* Si debito modo fiat, actus est studiosus, & **D E O** gratissimus, ita enim iubet Deut. 6. *per nomen Dei tui iurabis*, & Psalm. 62. *Laudabuntur omnes qui iurāt in eo*, & ita definitur in Concil. Constantiensis: est enim actus virtutis Religionis. Quamobrem in hoc secundo præcepto non prohibemur iurare, sed malo modo iurare, utpote frustra, aut in vanum. Ita enim Deut. 5. & Exod. 20. *Non assumes nomen Dei tui frustra, seu in vanum.* Hoc est sine debitis circumstantiis, sine quibus Christus Dominus prohibet iurare etiam verum. *Matth. 5. Dico vobis non iurare omnino*, ut ibi interpretatur Maldonatus. Addit Christus Dominus. *Sit sermo vester, est, est, non, non; quod autem abundantius est, à malo est*, ex Græco, à maligno est, hoc est, pravam consuetudinem iurandi irreuerenter procurate, sic Theophylact.

7 Int. Quæ, & quot proprietates debent comitari iuramentum, ut bonum sit? *Resp.* Tres, *Veritas, Justitia, Iudicium*: nam sine veritate est mendacium, sine iustitia, hoc est, cum sit de re illicita, & iniusta, est iniquum: sine iudicio, & debita reuerentia, est indecens & temerarium. Ut igitur sit verum, requiritur veritas, ut sit iustum, requiritur rei æquitas, ut sit reuerens, & decens, requiritur iudicium. Ex defectu harum proprietatum iuramentum est peccatum: Lethale quidem, si deest iustitia in materia graui, si verò deest veritas siue materia sit levis, siue grauis, imò grauius, quo res est leuior, veniale verò, si desit iudicium, vel iustitia in re leui.

8 Int. Licetne in iuramento uti amphibologia, hoc est, aliud profer

proferre verbis, aliud subintelligere mente? *Resp.* Interrogatus à iudice amphibologia vti non potest, cùm iuridicè interrogatur, sed peccat lethaliter non respondendo ad mentem interrogantis. Ita communiter Doctores: Abulen. c. 5. *Matth.* 9. 261. *Sot.* 8. *iust.* 9. 1. à 1. 7. ad 4. *Calet.* 2. 2. 9. 89. art. 7. ad 1. *Nau.* cap. 12. nu. 8. Ratio est, quia interrogans iuridicè ius habet ad exigendā veritatem. Peccat secundò etiam lethaliter, qui cùm sponte sua, nec petitus iurat, & vtitur amphibologia ad decipiendos alios. Amphibologia tamen vti licet, imprimis cùm quis non iuridicè interrogatur, cùm per metum, iniuriam, vel nimiam importunitatem cogitur iurare. Hæc est doctrina communis, & fermè absque controuersia. Ita *Adrian.* in *mater. de cor. frat.* col. 7. Maior in 4. a. 15. quæst. 18. *Alenf.* 2. p. 9. 137. nu. 4. art. 2. §. 1. *Nau.* cap. 12. nu. 8. & 9. & 14. & 18. *Sylu.* verb. mendac. & *Nau.* cap. Inter. ver. 11. quæst. 3. concl. 6. & capit. *Humanæ aur.* quæst. 1. num. 9. Eruitur hæc veritas ex eo, quod aliquando ex causâ vti licet amphibologia. Vsus est *Iacob Gen.* 27. *Ego sum filius tuus primogenitus Esau.* Id est secundum ius primogenituræ, ita exponit *Ambr.* in *vita Jacob.* capite 13. *D. Thom.* & *Alenf.* citati. Vsus est *Raphael Tob.* 5. *Ego sum Azarias, Ananiæ magni filius,* id est secundum fidelitatem. Imò *Christus Dominus Marc.* 13. *De die illa nemo scit, neque Filius,* id est ad dicendum. Ita *D. Thom.* & alij sacri Interpretes. Quamobrem licet vxori adulteræ iurare marito amphibologicè, nunquam tale crimen à se commissum, intelligendo ad illud detegendum. Ea etiam vti licet, cùm iustè quis interrogatur, si datur rationabilis causa non respondendi ad mentem interrogantis. Hoc autem eueniet, cùm iudex iuxta legem præsumptiuam rogat aliquem de aliquo actu, de quo ex præsumptione lex finistrè iudicat, si ille, qui talem actum operatus est, rectè coram Deo illum egit, interrogatus de eo, potest amphibologia vti, & iurare se nihil fecisse. Eueniet itidem, cùm quis rogatus an habeat accommodandam rem, vel mutuò dandam, causam habeat non illam dandi, si videat nimirum inde odia, dissidia, rixas, similitates proditura, nisi mutuò det, aut neget apud se habere, potest amphibologicè iurare rem talem apud se non esse. Multa possem exempla congerere, vnum non omittam. Vtrum tempore pestis, cum custodes locorum rogant me ex falsa præsumptione, an veniam ex vrbe, quam falsò credunt

lue pestifera infectam, possim iurare me non inde venire. Arbitror dicendum cum Nauar. *cap. 12. num. 19.* posse. Non tamen cum eo sentiendum existimo circa illum qui putans se tali morbo esse liberatum, cum ab oppido peste realiter infecto venit, iurat se non inde venire, peccat enim grauiter, quia se exponit periculo inficiendi sanos, siquidem morbus ille aëre incluso in plica togæ afferri potest.

8 *Int.* Quando peccat quis mortaliter iurando ex praua consuetudine iurandi? *Resp.* Qui iurandi habet consuetudinem non toties mortaliter peccat, quoties falsum est quod iurat inaduertendo ad periurij falsitatem, sed solum, quando sciens se facili negotio mentiri inaduertenter, & frequentius mentiri, quàm verum dicere, saltem in aliqua occasione, verbi gratia, in ludo alearum, addit huic prauæ mentiendi consuetudini peruersum iurandi morem. Tunc enim quoties inaduertenter iurat, neque tollit illam occasionem peierandi, licet postea verum inueniat, quod iurauit, mortaliter peccauit iurando, quia ex se non euitauit peierandi periculum. Ita Caietan. 2. 2. q. 98. a. 1. 3. Nau. c. 12. n. 6. Ille verò qui licet consuetudinem iurandi habet, mendacium omnino detestatur, & proinde, nec inaduertenter mentitur; licet postea falsum esse comperiat quod iurauit, periurium non committit, quia moraliter se non exposuit periculo peierandi. Ita Gabr. in 3. d. 39. qu. 2. art. 1. not. 2. & art. 2. concl. 2. Sot. lib. de iur. abus. c. 17. & 12. Iust. 1. p. cap. 42. Si autem quis mendax est, & raro verum profert, habetque consuetudinem iurandi inaduertenter, attamen vult tam diram consuetudinem tollere, remediaque adhibet ad eam funditus extirpandam, iste licet ex consuetudine inaduertenter falsum iuret, lethaliter non peccat, quia humano more facit, quod in se est, ut omnino non iuret, aut saltem verum. Ita communis doctrina, circa quam legatur Gabr. in 3. d. 39. q. 2. art. 1. not. 2. & art. 2. concl. 2. Sot. lib. de iuram. abus. cap. 7. & 12. cum aliis.

9 *Int.* Quando peccat quis lethaliter ex sola inaduertentia iurandi? *Resp.* Cum non curat aduertere verumne sit, an falsum, quod profert ex affectata, & crassa negligentia aduertendi, sed quidquid sit, postea examinabit: talis enim exponit se periculo peierandi, & ideo siue verum sit, siue falsum, quod iurauit, periurium committit. Vellem, ut distinctius de quolibet iuramento me interroges, præcipue de promissorio;

missorio, comminatorio, & execratorio.

De iuramento promissorio. §. 2.

- 1 *Quantum obligat iuramentum promissorium.*
- 2 *De iurante absque intentione implendi iuramentum.*
- 3 *De iurante rem falsam absque intentione iurandi.*
- 4 *De iurante rem veram absque intentione iurandi.*
- 5 *De iurante rem malam.*
- 6 *An rem malam iurans teneatur eam implere.*
- 7 *De eo qui iurat se non facturum rem bonam.*
- 8 *De iurante rem futilem, & inanem.*
- 9 *De obligatione iuramenti de re futile, & inani.*
- 10 *De iuramento circa medicinam non docendam.*
- 11 *An iuramentum promissorium de re minima obliget sub mortali.*
- 12 *An fieri possit compensatio de pecunia, quam iuravi me redditurum.*
- 13 *De obligatione iuramenti per vim extorti.*
- 14 *De iuramenti obligatione facti in fauorem tertij.*
- 15 *De iuramento defuncti, an transeat ad hæredes.*
- 16 *De iuramento facto in fauorem tertij, an transeat ad hæredes illius.*
- 17 *An teneatur redire ad carcerem, qui sub iuramento exiuit.*
- 18 *De iuramento procuratoris.*
- 19 *An creditor possit prorogare iuramenti obligationem sui debitoris.*
- 20 *Quæ causa excusat ab implendo iuramento promissorio.*
- 21 *De iuramento aulicorum.*

1 **I**NTERROGATIO. Estne omne iuramentum promissorium adimplendum sub lethali? R. Adeo ad sui executionem obligat iuramentum promissorium, si sit de re licita, & honesta, ut etiã de re minima adimplendum sit sub lethali. Ratio est, quia in quauis re tota læditur ratio iuramenti, autoritas nimirum diuina quæ interponitur. Ita Ricard. in 3. dist. 36. art. 2. q. 1. Caiet. 2. 2. q. 89. art. 6. Sot. 8. iust. q. 1. art. 7. ad 4.

2 *Int.* Quid arbitraris de eo, qui exterius iurat sine intentione implendi iuramentum promissorium? *Resp.* Peccat quidem grauiter, siue res, quam iurat, licita sit, ut patet: siue illi-

cita, non quidem, quod teneatur illud implere, sed quia quantum in eo fuit (si per impossibile iuramentum posset esse vinculum iniquitatis) se obligauit ad rem mortaliter malam nimis irreuerenter abutendo iuramento. Ita supra citati Auctores.

3 *Int.* Qui sine intentione iurandi exterius iurat, peccatne mortaliter, si res supra quam cadit, falsa sit? *Resp.* Peccatum est lethale ita iurare, licet per vim, fraudem, aut metum extorqueatur iuramentum. Ratio est, quia grauis Deo fit iniuria afferre eius testimonium, quamquam fictè, ad rem falsam comprobendam, & propterea illud exterius iuramentum fertur supra mendacium graue cum magna diuini inuocati testimonij illusione. Ita Caiet. 2.2. q. 89. art. 7. & in sum. ver. periur. ubi Armil. §. 3. Sot. & Aragon locis citatis.

4 *Int.* Quid dicendum, si cadat illa fictio, & iuramentum fictum supra rem veram? *Resp.* solum peccatur venialiter, quia diuinum testimonium, licet rei veræ applicetur, applicatur tamen illusiue, cum nonnulla Dei irreuerentia, licet non magna. Ita Sot. 8. iust. q. 1. art. 7. Aragon contra Caietanum.

5 *Int.* Quot peccata committit ille, qui iurat rem moraliter malam cum intentione se obligandi, & animo adimplendi. Verbi gratia. Iurat se occisurum Petrum, & ita apud se statuit? *Resp.* Duo. Vnum periurij: alterum homicidij. Ita Caiet. in sum. ver. periurium. & 2.2. q. 98. art. 2. Sot. 8. iust. q. 2. artic. 3. Syluest. iuram. 2. q. 7. Couar. cap. Quamuis pactum. 1. p. §. 6.

6 *Int.* Teneturne, qui malam rem iurauit, illam ex vi iuramenti adimplere? *Resp.* Minime: imò tenetur, illam non implere sub eodem reatu, sub quo obligat præceptum rem illam prohibens.

7 *Int.* Qua culpa innodatur, qui iurat se non facturum bonum aliquod puri consilij? *Resp.* Veniali. Ita communiter Doctores, Caietan. 2.2. q. 98. art. 7. Sot. 8. iust. q. 2. art. 2. conclus. 6. Nauar. cap. 12. n. 16. Couar. loco proximè citato. Et ratio est, quia omissio consilij nullum est peccatum; ergo non grauis irreuerentia est promittere illam omissionem.

8 *Int.* Quod peccatum est iurare rem futilem, inanem, & indifferentem? *Resp.* Est veniale: quia licet irreuerentia sit, & æqualis iniuria Dei afferre illum in testem rei futiles, non est tamen grauis. Ita Sot. 8. iust. quest. 2. artic. 3. conclus. 5.

concl. 5. Caietan. verb. periurium. Nauarr. cap. 12. num. 17.

9 *Int.* Sub quo peccato obligat iuramentum promissorium de re futili, inani, & indifferenti, vt de tollenda festuca è solo, de non transeundo per hunc locum, in quo nulla datur occasio mali, aut boni? *Resp.* Sub nullo quidem. Quamobrem licet quis iuret se non sumpturum cibos modò, vel postea, vel tali hora: se non ingressurum hanc domum, se non lusurum troco, aut alio ludo recreationis licitæ, etiam alearum cum relaxandi animi gratia exercetur, non tenetur talia iuramenta, quatenus illorum materia, aut futilis est, aut indifferens, adimplere. Tenetur tamen, si materia indifferens transeat in malam, vel bonam: tunc enim tenetur, & abstinere, & exequi rem promissam.

10 *Int.* Quando seruandum est iuramentum, quo quis promisit se nemini dicturum medicinam, quam edoctus fuit ab alio, sub eo iuramento medicinam edocente? *Resp.* Si adfit aliud remedium ad medelam; standum est iuramento: secus, si aliud remedium non subest. Probatur faciliè, quia non licet se obligare ad non faciendum opus bonum, quando alia via fieri nequit. Ita D. Tho. *quodlib. 12. art. 22. & Syl. iuramentum. 4. quest. 1.*

11 *Int.* Rem satis controuersam propono, estne sub mortali adimplendum iuramentum de re minima promissa? *Resp.* In duas diuisi sunt partes hac in re Doctores; affirmant enim Caietan. 2.2. q. 89. art. 7. Gab. in 4. q. 2. *concl. 4. & 6.* Couar. 1. *resolut. cap. 1. & 2. n. 2.* Arm. *iuramentum. n. 12.* Pedraca in 2. *præcepto n. 2.* Valent. 2.2. q. de iuramento, *puncto. 4.* Probant suam sententiam, quia sicut in iuramento assertorio rei cuiusuis minimæ falsitas, est lethale, quia Deus adducitur in testem præsentis veritatis: ita in iuramento promissorio de re quauis minima, defectus veritatis erit lethale, quia adducitur in testem Deus non solius animi verè promittentis, sed animi rem futuram exequentis, nisi igitur adimpleatur, remanet Dei fidelitas deficiens tantum in re minima, quantum in re maxima. Oppositam sententiam tenuit D. Ant. 2. p. tit. 10. c. 4. & Sylu. *iuramentum. 4. q. 1.* Arch. ab eo citatus, Sot. 8. de iust. q. 1. art. 7. *dub. 1.* Ang. *iuramentum. 5. num. 41.* Nau. cap. 12. num. 10. Veg. in *sum. lib. 5. casu 27. Instruct. 1. p. cap. 42.* Roder. c. 176. Probant suam opinionem, quia in omnibus aliis præceptis paruitas materiæ excusat, ergo & in iuramento. Hęc secunda sententia quamuis communior,

nior, debilioribus ninitur fundamentis, ac proinde prior mihi magis arridet, & Toletus lib. 4. c. 22. ideo iuxta illam dicendum puto, quod iam dixi n. 1. huius §. quando res parua est totalis materia iuramenti: non verò quando est pars materiæ totalis, vt rectè aduertit Caietanus.

12 *Int.* Si quis iurauit se soluturum pecuniam animo iurandi & implendi iuramentum, poteritne postea facere compensationem? *Resp.* Poterit, si tempore iuramenti non meminit compensationis, sed simpliciter iurauit. Ratio est, quia per iuramentum non renunciauit iuri compensationis, nisi de eo expressam, vel interpretatiuam saltem habuerit intentionem, vltra quam non extenditur iuramenti obligatio. Si tamen meminit compensationis, & tamen noluit se obligare iuramento promissorio ad reddendum, tenetur reddere. Ita Syl. iuram. 4. q. 27. Medina de rest. q. 3. cap. 12. Couar. cap. Quamuis. 1. p. §. 4. n. 9.

13 *Int.* Obligatne in conscientia iuramentum promissorium per vim extortum? *Resp.* Communis opinio constanter affirmat. Ita Syl. iur. 4. q. 7. Caiet. 2. 2. q. 98. art. 7. Sot. 8. iust. qu. 1. artic. 7. Itaque qui latroni minitanti mortem promisit cum iuramento centum (quod facere secundum se nullum est peccatum) tenetur sub iuramento promissum implere. Ita decernitur cap. Debitores. & cap. Si verò. de iureiur. ac proinde mortaliter peccat illud non adimplendo. In conscientia dixi, quia in foro externo tale iuramentum est nullum, vt ex iure probat D. Thom. 2. 2. q. 98. art. 3. ad 1. Est tamen mihi soluenda dubitatio magnæ in hac re difficultatis. Nam fur peccat accipiendo talem pecuniam, ergo & ego illi offerendo. Negatur tamen consequentia: nam offerre ex se non est latroni occasio peccandi, peccat verò ex improba malitia. Quoties verò exequutio iuramenti fieri ex se potest absque peccato, adimplenda est.

14 *Int.* Quando iuramentum factum in fauorem tertij cui promissi, est maioris mei boni impeditiuum, obligatne in conscientia, verbi gratia, iuraui Bertæ me ipsi nupturum, an possim castitatem vouere? *Resp.* Obligat quidem: quoniam cum res promissa licita est, semper iuramentum tenet, posthabito maiori bono, in quo differt à voto, vt statim vidimus. Ita communis sententia cum D. Thom. 2. 2. quæst. 98. artic. 7. & ibi Caietan. Sot. 8. iust. quæst. citata. artic. 9.

Ang.

Ang. iurament. 5. numer. 33. patet ex lib. 1. §. 1. ff. si certum petatur.

15 Int. Quid dicis de iuramento defuncti, transiitne ad hæredes? Resp. Minimè. Ratio est, quia iuramentum est vinculum personale. Hinc colliges non esse periuros ciues, qui non implent statuta à maioribus iurata, quæ tamen ipsi non iurant. Ita iurisperiti cap. Veritatis. de iureiur. Sot. 8. de iust. q. 2. artic. 2. ad 4. Sylu. iur. 4. q. 3. Couar. sup. §. 5. num. 4. Panorm. & Iurisperiti cap. Veritatis. de iureiur.

16 Int. E contrà rogo, transiitne obligatio iuramenti facti Petro ad illius hæredes? Resp. Maximè. Itaque qui iuramento promisit Petro se daturum centum, mortuo Petro succedunt illius hæredes ad debitum, vt notat Cou. loco proximè citato. Ratio est, quia iuramentum quamuis sit actio personalis ex parte iurantis, & ideo cum eo transeat, non est actio personalis ex parte personæ, cui iuratur, & ideo remanet post illius obitum ad hæredes. Hoc intelligo, nisi aliunde constet non eam fuisse iurantis intentionem, vt cum quis promisit Bertæ centum ad nuptias, defuncta Bertæ, non tenetur centum dare parentibus.

17 Int. Qui exiit de carcere cum iuramento redeundi, teneturne redire? Resp. Si quis iustè ad mortem damnatus, vel damnandus iurasset se rediturum, tenetur redire, quamuis sciat se occidendum. Ratio est, quia quoties iuramenti materia bona est, & iusta, obligat ad sui impletionem: sed cum quis ex causa iusta mortem sustinet, bonum opus sustinet, ergo, &c. Qui verò ob leuem causam in carcerem detrusus, & in eo detentus ab eo exiit cum iuramento redeundi, & post egressum timet probabiliter, quod iniustè damnabitur, non tenetur redire; quia materia iuramenti facta est iniqua. Itidem, qui postquam egressus est è carcere sub tali iuramento, crimen commisit, ob quod morte punietur, si comprehendatur, minimè tenetur redire; quoniam post iuramentum talis facta est, & tanta rerum mutatio, quæ si adfuisset, iuramentum non fieret. Ita communiter omnes Doctores.

18 Int. Quem obligat procuratoris iuramentum? Resp. Mandatarium, si ad tale iuramentum facultatem dedit. Ita decernitur c. ultimo de iuramento calumnie li. 6. Docent Sot. 8. iust. q. 2. artic. 2. Caiet. 2. 2. q. 98. artic. 2. & 3. Cou. sup. §. 5. n. 8.

19 Int. Poteritne creditor prorogare iuramenti vim? Explico

plico meam mentem. Iuravit Titius se soluturum Petro centum intra mensem, postea Petrus prorogavit diem solutionis, quæro an ex vi iuramenti obligetur Titius soluere eo die, à Petro prorogato, & assignato? *Resp.* Pars affirmans mihi amplectenda videtur cum Cotar. sup. & aliis, quos citat: quoniam qui iuravit soluere intra mensem, duo iuravit, nempe solutionem, & eam non differendam ultra mensem, ergo semper manet obligatus ad non differendum. Poterit igitur tantum differre post mensem transactum, quantum placuerit ei, cui debet; ex illius enim voluntate pendet vis & obligatio solutionis, ut manifestum est.

20 *Int.* Quæ causæ excusant à iuramento promissorio non implendo? *Resp.* Si post iuramentum præstitum talis contingat inopinatus euentus, talisve incogitata rerum mutatio, ut si à principio extaret, Petrus non iurasset, iuramentum non obligat. Ita Henriquez lib. 1. de matrim. cap. 14. Syl. iuram. 4. q. 6. Panorm. cap. Veniens, de iureiurand. & patet ex cap. Quinta vallis, eod. tit. Hæc regula in promissionibus adeò certa est, ut teneat etiam in oneroso contractu, quale est matrimonium. Hinc multa colliguntur. *Primum*, non obligare iuramentum de re, quæ postea facta est illicita. *Secundum*, non teneri quemvis accipere famulum, qui post contractum ægrotauit. *Tertium*, licet quis iurauerit ire in aliquem locum, si ibi paratas habet insidias, non teneri iter agere.

21 *Int.* Diurna sunt iuramenta aulicorum qui ad ingressum domus, vel ad accipienda sedilia, iurant se non primos ingressuros, vel non accepturos cathedram, tenenturne adimplere iuramentum? *Resp.* Minimè, quia illud iuramentum subintellectam habet conditionem, nisi alius ei cedat, vel cathedram relinquat, & ideo altero recusante, ingredi domum alius potest, & cathedram sumere.

De iuramento comminatorio. §. 3.

- 1 Quando est peccatum mortale iuramentum comminatorium.
- 2 Quando excusatur quis à iuramenti comminatorij impletione.

1 **I N T E R R O G A T I O.** Quando est peccatum mortale tale iuramentum? *Resp.* Est in primis, quando quis intendit iurare, sed non habet animum implendi: tunc enim deest veritas de præsentis. Est etiam peccatum mortale, quan-
do

do malum, quod iurans facere proponit, est ex se peccatum mortale : vt, per Deum occidam te.

2 *Int.* Quando excusatur quis ab implendo iuramento comminatorio ? *Resp.* Quando vel malum est implere, vel ad melius non implere, vel est tam bonum implere, atque non implere, aut saltem quando aqualiter dubitatur, an melius sit implere, vel non implere. Hinc excusantur parentes, atque domini à sumendis pœnis iuratis circa filios, & seruos, quando iam emendatos eos vident, vel iudicant melius esse eos non punire propter pacem. Aduertit tamen optimè Caietan, iuramenta parentum, dominorumve circa subditorum supplicia communiter fieri ex passione iræ, & sub ratione parvæ vindictæ, licèt verba per exaggerationem sunt magnifica.

De iuramento execratorio. §. 4.

1 *An iuramentum execratorium inueniatur in sacra pagina.*

2 *Quot modis fit.*

1 **I**NTERROGATIO. Inueniturne hoc iuramenti genus in sacra pagina ? *Resp.* Maximè: imò frequentius aliquous : nam sæpenuerò inuenias. *Hæc faciat mihi Deus, & hæc addat.* Apud Paul. 2. Corinth. 1. *Testem inuoco Deum in animam meam.*

2 *Int.* Quot modis fit hoc iuramentum ? *Resp.* Dupliciter, implicite, & explicitè : implicite, quando vocatur Deus in vindicem, testis, vt ita loquar, verbis, vt cum dicitur. Sic me Deus adiuuet, sic Deus meam vitam seruet, per vitam meam, filiorum, amicorum, &c. Ita Sot. 8. iust. q. 1. art. 6. Subiicit enim iurans diuinæ ultioni suam, amicorumque salutem. Explicitè, cum Deus aperte in vindictam assumitur, vt, frangantur mihi crura, si hoc fecero ; abscindatur mihi caput nisi iuero.

3 *Int.* Si quis faciat iuramentum execratorium credens Deum non sumpturum pœnas, committitne periurium ? *Resp.* Minimè, quia Deus non adducitur in testem ultionis, sed desiderij ultionis infligendæ à Deo : esset verò periurus, qui execratorie iuraret, & malum non optaret.

De

De iuramenti dispensatione. §. 5.

- 1 *Quid est annullare seu relaxare iuramentum.*
- 2 *Quis potest iuramentum annullare.*
- 3 *Quæ causa requiritur ad relaxationem iuramenti.*
- 4 *Quis potest dispensare in iuramento.*
- 5 *Quis potest commutare iuramentum.*

1 **I N T E R R O G A T I O.** Quemadmodum circa votum Iquatuor considerantur, vt Deo fauente videbimus, annullatio, dispensatio, commutatio, & absolutio, sic etiam circa iuramentum. Quæro igitur quid sit annullare, seu relaxare iuramentum? *Resp.* Est declarare iuramentum pro nullo.

2 *Int.* Quis potest iuramentum annullare, seu relaxare? *Resp.* Possunt superiores circa res eas, in quibus iurantes illis subditi sunt. Ita patres iuramenta filiorum, domini iuramenta seruorum, maritus iuramenta vxoris, Papa iuramenta Clericorum, de rebus Ecclesiasticis, iuxta D. Th. 2. 2. q. 89. art. 9.

3 *Int.* Quæ causa requiritur ad huiusmodi relaxationem? *Resp.* Sola superioris relaxantis voluntas.

4 *Int.* Quis potest dispensare in iuramento? *Resp.* Potest Papa in omni iuramento, si cesset præiudicium tertij, & detur causa dispensandi. Dixi, si cesset præiudicium tertij, quia cum datur, iuramenti obligatio pendet ex voluntate tertij. Episcopi item ex legitima causa possunt cum suis subditis in omni iuramento non reseruato dispensare: præcipuè in iuramentis coactis in pœnam cogentis alium iurare.

5 *Int.* Quis potest commutare iuramentum? *Resp.* Iuramentum factum tertio, solus ipse tertius commutare potest, adeò vt nec in melius ab alio, quàm ab ipso commutari queat.

C A P V T . VI.

De voto. §. I.

- 1 *Quid est votum.*
- 2 *Quanta esse debet rationis deliberatio ad votum.*

3 *Qua*

- 3 *Quale esse debet voluntatis propositum.*
- 4 *Quo iure nullum est votum, per metum grauem extortum.*
- 5 *An sit de essentia voti promissio.*
- 6 *Qualis esse debeat promissio ad votum necessaria.*

I INTERROGATIO. Quoniam ad hoc secundum præceptum de non vanè iurando pertinet non malè vouere, agendum nobis est de voto: rogo igitur, quid est votum? *Resp.* Votum est deliberata promissio ex voluntatis proposito de meliori bono, vnde claret tria ad votum requiri: *deliberatio* nimirum rationis, *propositum* voluntatis, & *promissio*.

2 *Int.* Quanta debet esse rationis deliberatio ad votum? *Resp.* Tãta, vt sufficiat ad peccatum mortale, quare qui ex defectu rationis mortaliter peccare nequeunt, nequeunt etiam vouere. Non tamen ad validitatem voti necesse est prius expendere omnes omninò difficultates, quas vouens postea in votò seruando experitur perpeffu difficillimas, quas si antea cogitauerat, nunquam voueret, alioqui vix daretur votum validum, quia vix inuenitur vouens, qui non experiatur huiusmodi difficultates. Neque item requiritur, vt vouens sit ab omni prorsus iracundiæ, vel concupiscentiæ passione alienus, vel animi leuitate omninò liber, quando passio tanta non est, & animi leuitas, vt rationis vsum sufficientem ad peccandum mortaliter eripiat.

3 *Int.* Quale esse debet voluntatis propositum? *Resp.* Debet esse omninò liberum, non per metum grauem extrinsecus ad votum extorquendum illatum, si enim voluntatis consensus in votum per hunc metum extorqueatur, votum emissum est nullum.

4 *Int.* Quo iure vota emissa cum consensu voluntatis extorto per metum grauem, nulla sunt? *Resp.* Constans est Doctorum opinio esse irrita iure naturali, quia Deus cum summè bonus sit, non vult à nobis aliquid coactum. Quod etiam multi asserunt de metu reuerentiali, & est probabilis opinio: sed oppositum maiori cum probabilitate communiter defenditur.

5 *Int.* Estne de essentia voti promissio? *Resp.* Adeo est de essentia voti promissio, vt absque illa votum nullatenus constet. Probat ex Deuteron. 23. Cum votum voveris Domino Deo tuo, ne moreris reddere, ac facere, sicut promissisti. Ita Ecclesiast. 5.

fiat. *§. Si quid vouisti Deo, ne moreris reddere: displicet enim ei infidelis, & stulta promissio.* Quamobrem quantumcumque sit voluntatis propositum deliberatum aliquid faciendi; nisi promissio interuenit non datur obligatio voti. Ita Doctores a d cap. *Literat. de voto.* Et probatur, quia alioqui sequeretur, quod quicumque firmiter proponeret ieiunare, vel quid simile studiosum facere, teneretur sub mortali, & ex voto adimplere, quod aperte falsum est.

6 *Int.* Qualis debet esse hæc promissio, sufficitne tacita & sola mente concepta, an requiritur expressa, & extrinsecus significata? *Resp.* Sufficit tacita promissio. Patet in eo, qui sciens ordini sacro ex usu Ecclesiæ occidentalis esse votum castitatis annexum, ordinem suscipit, licet non exprimat se vouere castitatem, interpretatiue tamen, & tacita promissione illam vouet, & ad illam tenetur. Nisi suscipiendo ordinem sacrum expressè dissentiat in votum: tunc enim, quamuis grauitur peccat agendo contra Ecclesiæ ritum, tamen ordinem suscipit, nec votum emittit: non enim adeo annexum voluit Ecclesia esse castitatis votum ordini sacro, ut intentionem habeat non conferendi ordinem sacrum ei, qui votum nolit emittere.

7 *Int.* Dixisti votum esse promissionem factam Deo, nonne & Sanctis fiunt vota, ut Beatæ Virgini, beato Iacobo? *Resp.* Maximè. Verumtamen non ratione illorum, sed Dei, qui in illis honoratur, & colitur. Quare cum verum sit philosophorum proloquium; Propter quod vnumquodque tale, & illud magis, si Sanctis vouemus propter Deum, magis in ipsis Deo vouemus,

De obligatione voti, §. 2.

- 1 *Quantum obligat votum ad sui impletionem.*
- 2 *An in voto excuset à mortali paruitas materiae.*
- 3 *Ad quid tenetur, qui dubitat an votum emisit.*
- 4 *Quantum obliget votum de non contrahendo matrimonio.*
- 5 *Quantum obliget votum castitatis.*
- 6 *An liceat uxori reddere debitum marito, qui habet castitatis votum, & è contra.*
- 7 *Quantum obligat votum simplex religionis.*
- 8 *Religiosus factus Episcopus ad quid tenetur.*
- 9 *Quantum obligat votum paupertatis.*

- 10 Quid appellatur proprium contra paupertatis votum.
- 11 An sit contra paupertatis votum abscondere rem, cuius usum mihi concessit superior.
- 12 De furto perminimo in Religione.
- 13 De voto paupertatis in sacra religione Societatis I E S V.
- 14 De voto paupertatis extra religionem emissio.
- 15 Quantum obligat votum obedientie.
- 16 De voto conditionato.
- 17 De tempore quo obligat votum.
- 18 Ex qua causa licet differre voti impletionem.
- 19 Quid excusat ab ingrediendo statim religionem.
- 20 De voto faciendi eleemosynas.
- 21 De voto ieiunandi.
- 22 An teneatur ieiunare die Natalis Domini, qui vovit ieiunare sextis feriis.
- 23 De voto personali.
- 24 De voto reali.
- 25 De voto partim reali, partim personali.
- 26 De voto factio à communitate.
- 27 Quotuplex est votum.
- 28 Quo pacto definiuntur vota.
- 29 Quot modus sit solennitas voti.
- 30 Quæ est materia voti.
- 31 Quæ non est materia voti.

I N T E R R O G A T I O. Sub quo reatu obligat votum ad sui impletionem? *Resp.* Sub mortali ex genere suo: nisi aliunde excusari potest.

2 Int. Excusaturne propter paruitatem materiæ? *Resp.* Cōstat inter omnes à lethali culpa excusari, quando paruitas materiæ est pars totius materiæ voti. Exempli gratia, vovit quis quotidie recitare Virginis Rosarium, non peccabit mortaliter omitendo vnam, vel alteram salutationem Angelicā: nam in aliis præceptis transgressio in re leui solum est culpa venialis. Controversia tota est, an transgressio voti sit mortalis, quādo res minima est tota materia voti, ut si quis voueat recitare semel orationem Dominicā. Afferit Caiet. 2.2.q.89.a. 7. quæ olim sequutus fuit Nau. in Manuali Hispano. c.12.n.40. illius ratio est, quia promissionis Deo factæ obligatio tam in re minima quàm in magna infringitur. Negandum tamen est cum Scot. 7. iust. q.2. artic.1. & lib.8.q.1. art. 7. Nuar. in Ma-

nuali Latino: *cap. 12. nu. 40. Aragon. 2. 2. q. 88. art. 8. Probatur, quia in omni præcepto diuino, & naturali, paruitas materiæ excusat à lethali, cum pars est materiæ totalis præcipua. Hoc intellige, quando paruitas materiæ voti suscipitur in onus illius diei, ut cum quis singulis quibusque diebus vouet recitare Angelicam salutationem, transit enim dies cum onere. Si verò paruitas materiæ suscipitur inchoatè, ut ita dicam, cum peruenit ad perfectam quantitatem, obligat sub mortali. Exemplo res erit manifesta. Vouisti reddere singulis diebus teruntium pauperibus per annum, licet hodie non reddideris, cras reddere teneris, & quamquam hodie non tenearis sub mortali, quia materia parua est, & pars minima materiæ totalis, cras teneberis, quia illa grandior facta est. Ita Sot. 7. iust. q. 2. art. 1. Veruntamen expendenda est vouentis intentio, ultra quam votum non extenditur.*

3 *Int. Ad quid tenetur, qui dubitat, an votum emiseric?*
Resp. Si probabiliter credit se non vouisse, licet probabiliter, imò etià probabilius credat se vouisse, non tenetur ad votum. Hoc intellige de vero dubio, non scrupuloso. Et quamquam hæc resolutio pendet ex communi doctrina, 2. 2. q. 16. art. 6. c. 6. quam docuerunt Sot. 7. iust. q. 2. ar. 3. docum. 2. post 4. conclus. Med. in sum. cap. 14. §. 7. Sylu. ieiunium. q. 10. dicto 2. instruct. 1. part. cap. 45. Rod. cap. 39. de voto, conclus. 5. Probatur, quia in dubio melior est conditio possidentis. Deinde, quia votum est priuata quædam lex, quam quis sibi imponit, lex verò humana non obligat, nisi notitiâ moraliter certâ constet eam esse latam, & promulgatam.

4 *Int. Iam te rogabo de obligatione particularium votorum. Quam obligationem imponit votum de non contrahendo matrimonio?*
Resp. In primis, qui vouit se minimè contrahendum matrimonium, non tenetur ex vi voti seruare castitatem, quia tale votum non est de castitate seruanda, sed de manendo in statu, qui castitati obnoxius est, qualis est coelibatus, qui quamuis castitate condècorandus sit, ex se tantum est occasio ad illam. Quemadmodum qui religionem vouet, non se obligat ad sanctitatem, sed ad statum sanctitati propinquum, & ideo si contra sanctitatem it, non facit contra votum religionis.

5 *Int. Quam obligationem imponit votum simplex castitatis?*
Resp. Obligat ad non contrahendum matrimonium animo

animo consummandi. Item, ad non consummandum. Item post matrimonium contractum ad non petendum debitum, nisi quando petitio esset virtualiter redditio propter vxoris verecundiam. Denique obligat ad castitatem in rebus omnibus ex parte sua seruandam. Dixi (obligat ad non contrahendum animo consummandi) quoniam si contraheret animo ingrediendi religionem, intra tempus quo potest, iuxta *cap. ex publico, de conuers. coniug.* non peccaret contra votum, tunc enim expresse dissentit copulæ, imò & actuali obligationi ad copulam, quæ non tenetur intra duos menses post matrimonium contractum. Quod si coniux voto liber transacto tempore debitum petat, volunt optimi Autores illum teneri ingredi religionem, potius quàm consummare, quia in ea solum potest suum votum seruare. Ita D. Thom. *quæst. 52. addit. art. 1. ad 3.* D. Anton. 3. *par. tit. 1. cap. 1.* Palud. *de matrimonio, cap. 1.* Couar. *cap. Quamuis pactum: 1. p. §. 6. num. 8.* Petrus Sot. *lect. 5. de matrimonio.* Sylu. *matrimonium. 7. quæst. 5.* Nauar. *cap. 12. num. 80. cap. 22. num. 73.* Oppositam sententiam sequitur Ang. *matrimon. 3.* Sot. *in 4. d. 38. quæst. 2. art. 1.* *Instruct. 1. p. cap. 50.* Speculum in appendice *fol. 120.* Henr. *lib. 2. de matrimo. cap. 2. nu. 8.* Quam valde probabilem censet Cordub. *in sum. 9. 136.* Probatur, quoniam iste moraliter censetur impotens ad votum, licet sua culpa se posuerit in ea impotentia: sicut qui sua culpa factus est impotens ad soluendum creditoribus, non tenetur vilem, & abiectum statum sumere, vt soluat.

6 *Int.* Proteritne coniux debitum reddere coniugi petenti, qui habet castitatis votum? *Resp.* Communis doctrina respondet affirmatiuè. Ita Maior *in 4. d. 32. art. 1.* Bonauent. *ibidem.* Adrian. *quæst. 14. de matrimo.* Couar. *p. 2. de matrimo. cap. 3. §. 1. num. 6.* Alens. *2. p. q. 147. memb. 3.* Petrus Sot. *lect. 16. de matrim.* Cord. *casu 45. opinione 2. puncto 3.* Henriq. *lib. 1. de matrimo. cap. 15. §. 8.* Ratio eorum est, quia qui vouet castitatem, vouit vsum, non petitionem, & ideo peccat vtendo, non petendo, vt qui furiosus ad profusè consumendas petit depositas pecunias. Oppositum docuit Nauar. *cap. 12. num. 59.* & ratio eius mihi semper vehementer placuit, quia in eo casu peccat qui petit, quando enim petitio est rei, quæ non potest non applicari ad malum vsum, ipsa petitio est peccatum, ergo ipsa datio peccato cooperatur. Ita verò accidit in

casu proposito : nam vsus Veneris in eo , qui vouit castitatem, non potest non esse malus, ergo mala erit ipsa deliberata petitio, & ipsa sola voluntas petendi. Nec est par ratio in petitione pecuniæ : enimuerò pecunia ex se applicari potest ad bonum , & ideo ipsa pecuniarum petitio ex sola intentione prauè petentis mala erit. Quæ si mihi constet, etiam arbitror me non posse illi acquiescere , & pecunias tradere, cum sciam profusè consumendas , sicut nec gladium furioso, quem scio velle se, vel alium occidere. Hoc intelligendū aliqui volunt, nisi ex negatione debiti oriantur maiora mala, vt incontinentia contra naturam, adulterium, &c. Mihi tamen hoc valde displicet, quoniam quamuis permissiue possim minus malum pati ad fugiendum maius, aut consulere, non tamen ad id effectiue concurrere, vt concurrit, qui debitum reddit, quia non sunt facienda mala, vt eueniant bona. Hæc tamen dixerim sub prudentiori iudicio.

7 *Int.* Quam obligationem imponit votum simplex religionis ? *Resp.* Qui religionis votum emisit , in primis peccat mortaliter contrahendo cōsummandi animo, & etiam animo non consummandi, quia castitatem lædit, & vxorem decipit. Quod si consummat, iam non tenetur castitatē seruare, quoniam votum religionis, non est votum castitatis. Qui absolute vouit religionem ingredi , non satisfacit adeundo vno, vel altero , aut tertio monasterio, sed tenetur quærere plura , & ingressum implorare. Non tamen alia extra regnum, nec omnia intra regnum , talis enim censenda est fuisse illius interpretatiua intentio. Si verò vnā religionem ingressus, experitur non sibi conuenire , non tenetur aliam ingredi. Qui laxiorem religionem vouit, potest arctiorem intrare, imò qui laxiorem professus est, potest ad arctiorem transire, *c. licet. de regul. iuris in 6.* facultate tamen prius à superiori propria religionis petita, licet non obtenta, per *idem cap.* Strictior verò religio appellatur , non ea , quæ secundum propria statuta arctiori perfectionis via procedit , sed ea , in qua strictius seruatur eiusdem perfectionis via. Qui verò votum haberet de arctiori religione ingredienda, & laxiorem intraret, mortaliter peccaret. Attamen si laxiorem solemniter profiteretur , voto maneret absolutus ingrediendi strictiorem ; quia votum solemne laxioris, soluit votum simplex strictioris ; vt docet D. Thom. 2. 2. *quæst. 89. art. 9. ad 3.* vbi Caietan. *art. 8. Angel,*

gel. *Vot. 3. nu. 17. Sylu. rel. 2. q. 18. Nau. c. 12. num. 48.* Qui vouit religionem, non ei satisfacit ingrediendo, sed tenetur bona fide experiri, vtrum illi conueniat; & si ita inuenerit, tenetur ex vi voti profiteri: secus verò, si experimento comperiret minimè sibi expedire.

8 *Int.* Religiosus factus Episcopus ad quid tenetur? *Resp.* Tenetur ad votum castitatis. Tenetur ad obedientiam soli Papæ; (eximitur enim per illam dignitatem ab omni alia Prælatorum subiectione.) Non potest proprium habere, nec testari, id enim repugnat voto paupertatis, est tamen dispensator rerum Ecclesiasticarum. Non tenetur ex debito legali ad regulas, & statuta suæ religionis, sed solum ex debito morali, ac proinde non peccat mortaliter illa transgrediendo. Sed hac de re latius 4. p. & explicatiùs.

9 *Int.* Quantum obligat votum paupertatis? *Resp.* Qui votum paupertatis solenne in religione emisit, & post illud proprium acquirit, retinet aut possidet, peccat iuxta materię quantitatem. c. *Non dicatis* 12. q. 1. cap. *statutum*, 18. q. 1. c. *Monachi*, 27. qu. 1. Ac proinde si quantitas notabilis est, mortaliter peccat. Constat ex pœna priuationis vocis actiux, & passiux apposita à Concil. Trident. sessione 25. cap. 2. de regularibus. Constat ex pœna apposita à Concil. Lateranens. cap. *Monachi*; de statu *Monachorum*, vbi proprietarius mortuus absque pœnitentia priuatur sepultura inter fratres, & oblationibus fieri solitis pro aliis. Imò Innoc. I I cap. *Super quadam*, de statu *Monachorum*, iubet talem iam sepultum exhumari, & sepeliri extra Ecclesiam, si fieri possit absque scandalo, cum scilicet proprietatis peccatum est publicum. Idemque Innoc. statuit cap. *Cum ad Monasterium*, de statu *Monachorum*, acerbiores pœnas his verbis. Si proprietas apud quemquam in morte inuenta fuerit, ipsa cum eo in signum perditionis extra monasterium in sterquilinio subterretur. Quam pœnam D. Gregorius narrat se inflixisse cuidam. Denique à Concil. Tolet. 4. cap. 18. q. 2. pœna excommunicationis imponitur.

10 *Int.* Quid appellatur proprium contra paupertatis votum? *Resp.* Vfus rei per modum dominij, quæ sit res pretio æstimabilis.

11 *Int.* Estne contra hoc votum abscondere rem cum facultate superioris retentam, ne superior facultatem retinendi

deneget? *Resp.* Minimè: ille enim timor facultatem non irritat, qua cum vti possim re pretio æstimanda.

12 *Int.* Quid dicis de religioso, qui per minima ad magnam peruenit quantitatem? *Resp.* Hac in re dicendum puto, quicquid dicam postea ad septimum præceptum de furto per minima: arbitror enim minima furta facta à filiis familias, imò etiam à famulis, & seruis sine intentione perueniendi ad notabilem quantitatem, non facere peccatum mortale, quando peruenitur ad eam. Quoniam, nec parentes, nec domini ita filios aut famulos suarum rerum immunes esse volunt sub tam graui pœna. Ita igitur maiori cum ratione de religiosis asserendum est, qui filij nobiliores sunt. Quæ doctrina ab omnibus tenetur de minimis comestibilibus.

13 *Int.* Idemne dicendum de eo, qui in Societate I E S V votum simplex paupertatis emisit? *Resp.* Idem prorsus, quoniam per illud votum verus religiosus constituitur. Ei autem amplius conceditur per constitutiones religionis, & literas Apostolicas, ius atque dominium pro superiorum arbitrati, negato vsu, vt aliis religiosis.

14 *Int.* Quid dicis de eo, qui extra religionem paupertatem vouit? *Resp.* Attendenda est vouentis intentio, & secundum eam iudicandum.

15 *Int.* Quantum obligat votum obedientiæ? *Resp.* Obligat ad seruandas regulas iuxta intentionem institutoris, quoad culpam mortalem, aut venialem: neque enim omnia seruanda proponuntur sub mortali. Obligat ad seruanda Prælati iussa: hæc tamen verbo, aut scripto prolata, non obligant sub mortali, nisi præcipiantur sub pœna obedientiæ, aut excommunicationis; neque in re leui, nisi adsit contemptus, de quo supra iam dixi, in quauis enim materia (castitatem, & nonnullas alias materias excipias) paruitas materiæ à mortali excusatur.

16 *Int.* Quam obligationem imponit votum conditionatum? *Resp.* Obligat, vt non ponamus obstaculum implendæ conditioni, qui enim illud posuerit, adhuc obligabitur voto. Exemplo res erit manifesta: vouit quis ingredi religionem, si intra duos annos calleret linguam Latinam: ille verò ne obligaretur voto, nullam dedit operam literis, iste non manet liber à voto. Denique impleta conditione, obligat ad sui exequutionem.

17 *Int.* Quo tempore obligat votum? *Resp.* Votum negatiuum, in quo quis per votum sibi negat vsum alicuius rei, quale

quale est votum castitatis, quo quis sibi interdicit venereorum vsum, obligat ad semper, vt reliqua præcepto negatiua. Votum affirmatiuum, quale est hoc, Voueo dare centum pauperibus, obligat ad non multum differendam exequutionem. Ita præcipitur à Deo Deut. 23. *Cum votum voueris Domino Deo tuo, non tardabis reddere, & si moratus fueris, reputabitur tibi in peccatum.* Qui ergo ex crassa negligentia oblitus voti, illud multum differt sine causa, si grauis materia est, lethali-ter peccat. Obligat igitur votum affirmatiuum ad impleti-
onem, quam citò commodè fieri potuerit arbitrio prudentis, consideratis omnibus circumstantiis. Hoc intelligo, nisi vo-uens tempus impletionis sibi decreuerit.

18 *Int.* Quibus ex causis licet differre voti exequutionem? *Resp.* In primis, ex autoritate Sedis Apostolicæ. Ita decreuit Innocent. cap. *Non est voti, de voto.* Deinde ex necessitate vti-
lilitatis communis, vt si tempore belli aliquis requiritur ad tuendam arcem, vel tempore pestis ad curandos infirmos, po-
test ad aliud tempus differre peregrinationem ad D. Iaco-
bum.

19 *Int.* Quid excusat ab ingressu religionis statim facien-
do? *Resp.* Necessitas parentum, qui vix sine filio in statu decen-
tiæ viuere possunt. Ius enim naturale de subueniendo paren-
tibus in graui necessitate constitutis, nequit per legem me-
ram positiuam, quale est votum, abrogari, vt docet D. Th. 2. 2.
quest. 189. art. 6. Cajetan. 2. 2. *quest. 101. artic. 4. ad 4.* Alens. 3. p.
qu. 33. memb. 4. art. 2. Angelus *verb. religio. §. 11.* Hoc intelligo,
nisi ex dilatione immineat periculum spiritualis damni: tunc
enim religiosus anteferre debet propriam vitam spiritualem
parentum inopix, vt constat ex iure naturali, & præcipit
CHRISTVS Dominus. Qui non odit patrem & ma-
trem, &c. Luc. 14. Excusat præterea ab ingressu religionis sta-
tim faciendo voluntas, & applicatio in bonis artibus ad-
discendis, quibus postea religionem iuuat. Notauit Palud.
in 4. d. 38. disput. 5. conclus. 7. Ratio est manifesta, quia talis
dilatio voti cedit in vtilitatem illius.

20 *Int.* Quid excusat vouentem eleemosynas, ab eis sta-
tim faciendis? *Resp.* Vilitas prætij, quo cogreretur minori
vendere res suas, si statim votum expleret. Probatur facile,
quia secundum omnes ea excusat ab statim soluendis (lo-
quendo ex natura rei) aliis debitis contractis.

21 *Int.* Qui absolutè vouit ieiunare per annum, tenetúrne ieiunare diebus Dominicis? *Resp.* Minimè quidem, si absolutè vouit absque intentione ad hos peculiare dies: promittitur enim ieiunium *DEO* faciendum secundùm Ecclesiæ consuetudinem: hæc autem est, non abstinere diebus Dominicis.

22 *Int.* Si quis vouisset ieiunium omnibus sextis feriis, teneretúrne abstinere die Natalitiorum Christi Domini, cum sexta feria celebratur? *Resp.* Tenetur. Ita decreuit Honor. *cap. finali de obseruant. ieiun.*

23 *Int.* Ad quid obligat votum personale? *Resp.* Votum personale solùm obligat personam vouentem, ac proinde vouente impedito, aut mortuo, non tenetur sibi aliud substituere, vt votum impleat.

24 *Int.* Quantum obligat votum reale? *Resp.* Votum directè reale etiam obligat hæredes, vt cum quis vouit elemosynam, si ante impletionem obiit, tenentur hæredes illam erogare.

25 *Int.* Quantum obligat votum mixtum, partim reale, partim personale, quale est votum peregrinationis? *Resp.* Aliqui opinantur obligare hæredes quoad partem, qua est reale, & ideo teneri eos expensas in itinere faciendas patribus elargiri. Dicendum tamen puto eos minimè ad id faciendam obligari, nisi aliunde constet talem fuisse vouentis intentionem.

26 *Int.* Quantum obligat votum à populo factum? *Resp.* Populus tenetur seruare vota realia suorum maiorum, constat per *cap. Ex parte de censibus.* nam illud votum est quoddam statutum, consuetudine confirmatum: statutum verò consuetudine confirmatum non potest abrogari à populo, sed à principe, vt Deo propitio dicam latius in materia de legibus. Vota vero personalia seruare populus non tenetur. Ita communiter Doctores.

27 *Int.* Quotuplex est votum? *Resp.* Votum aliud *Absolutum*, aliud *conditionatum*, aliud *reale*, aliud *personale*, aliud *simplex*, aliud *solenne*, aliud *perpetuum*, aliud *temporale*, aliud *mixtum* ex reali, & personali, aliud *pœnale*.

28 *Int.* Quo pacto definiuntur? *Resp.* *Absolutum* est, quod simpliciter emittitur. *Conditionatum* est, quod conditione appositâ nuncupatur. *Personale* est, quod opera, & labore ipsius vouentis indiget. *Reale* est, quod fit ex rebus ipsius vouentis.

uentis. *Mixtum* ex reali, & personali est, quod ut impleatur, indiget vouentis actione, & rebus. De temporali, & perpetuo claret definitio ex terminis notis. Votum *solenne* est, quod ex statuto Ecclesiæ irritat matrimonium contrahendum, traditque irrevocabiliter personam Deo, & religioni. *Simplex* verò est, quo Deo castitatem vouemus, sed nec secundum se matrimonium contrahendum irritat, nec irrevocabiliter personam religioni confert. Dixi secundum se, quia ex dispensatione Ecclesiæ annullare potest matrimonium, ut annullat in sanctissima Societate I E S V. Quod discrimen inter votum simplex, & solenne decernitur *cap. unico, de voto in 6. & constitutione Gregorij XII.* super vota religiosorum Societatis prædictæ.

29 *Int.* Quot modis fit solennitas voti? *Resp.* Dupliciter: fit enim, aut per professionem religionis, aut per susceptionem sacri ordinis. Ita decernit Bonifacius VIII. *cap. unico de voto. lib. 9.* his verbis. Quod votum debeat dici solenne, atque ad dirimendum matrimonium efficax, nos consulere voluistis. Nos igitur attendentes, quod voti solennitas ex sola constitutione Ecclesiæ est inuenta, præsentis sanctionis oraculo duximus declarandum, illud solum votum debere dici solenne, quantum ad post contractum matrimonium dirimendum, quod solennizatum fuerit per susceptionem sacri ordinis, aut per professionem factam alicui, de religionibus per sedem Apostolicam approbatis.

30 *Int.* Quænam est materia voti? *Resp.* Sunt propriissima materia voti opera consiliorum Christi: & ideo inualida sunt vota facta de rebus, quæ opponuntur consiliis, ut de non ingredienda religione, de non danda pecunia mutuo. Item vota de rebus impediens executionem consiliorum, ut votum de nubendo impediens ingressum religionis, & non observantiam castitatis. Hoc tamen intelligo respectu eius, qui potest continere, & castitatem servare. Nam in aliquibus ad veterem procliuibus *melius est nubere, quam uri*, ut docuit D. Paul. 1. Cor. 7. & ideo respectu huius votum de nubendo esset validum, quia illi potius expediret status coniugatus, quam cœlibatus. Hinc facile colliges, etiam esse vanum illud votum, quo quis voueret coniugium cum fœmina paupere, ad illius inopiam subleuandam, quia adhuc melior esset status continentie. Eset tamen validum votum
condi

conditionatum. Si nupsero, promitto me nupturum foeminae pauperi, ad subleuandam illius inopiam, vel prostitutæ ad illam turpitudine liberundam. Sunt item materia voti opera præceptorum, vt patet in voto castitatis, ad quam ex præcepto etiam obligamur.

31 *Int.* Quæ non est materia voti? *Resp.* Non sunt materia voti impossibilia, quia votum est promissio rei faciendæ. Quare stultum est votum de non peccando venialiter absolute, quia id est impossibile, etiam de speciali gratia Dei, quæ de lege ordinaria datur, vt decernit *Conc. Trident. Sess. 6. can. 23.* indigetque speciali priuilegio, quale concessum est Beatæ Virgini. Validum tamen erit votum de non peccando mortaliter absolute, quia licet ad id specialis gratia requiratur, vt definit *Conc. Trident. sess. 6. can. 23.* tamen idem Concil. ibidem definit non esse rem impossibilem ex speciali auxilio, quod de lege ordinaria nemini denegatur, vt videre est in *canon. 18.* eiusdem *Concilij*. Non est materia voti res illicita, quare indiscretum esset votum eius, qui voueret peregrinationem nudo toto corpore, quia id esset inhonestum, & saluti valdè nocens, ac proinde res indecens, & perniciosa. Imò in eo voto potest interuenire blasphemia, si vouens rem talem ex malitia voluntatis rem Deo placitam esse arbitretur, & dicat: Potest interuenire hæresis, si errore intellectus id existimet. Cum verò tale votum faceret ex leuitate animi, haberetque animum adimplendi, tale peccatum committeret vouendo, quale committeret exequendo, vt qui voueret dicere mendacium iocosum, peccaret venialiter, quia dicere tale mendacium venialis est culpa. *Tripliciter* tamen potest ad votum res illicita interuenire. *Vno modo* conditionaliter, vt, voueo centum, si ex concubina habuero filium: & hoc votum bonum est, obligatque impleta conditione. *Alio modo* in poenam, vt, voueo religionem, si mœchatus fuero: & hæc poena iusta est, debeturque ex vi voti, mœchia subsequuta. *Tertio modo*, vt causa mouens, & impellens, vt, voueo religionem impulsus desiderio furandi: hoc votum etiam tenet dempta occasione furti. Et ideo si in religione caret probabili furandi periculo, illam ex vi voti ingredi tenetur. Non sunt denique materia voti res indifferentes, vt indifferentes sunt; quia vt sic, nec bonæ, malæ sunt, nec Deo placent, aut displicent, ac proinde sunt res vanæ, vt leuare festucam è solo, & similia, estque peccatum

peccatum veniale has res Deo offerre. Talia vota sunt de non coquendo, aut nendo in Sabbato, si aliis laboribus feruilibus occuperis. De non comedendo capita animalium in honorem S. Ioannis. De non mittendo ossa in ignem pro honore D. Laurentij, quia hæc nullum sanctis tribuunt honorem, & alia similia.

De irratione volorum. §. 3.

1 *Quid est irritare votum.*

2 *Quis potest votum irritare.*

1 **I** N T E R R O G A T I O. Quid est irritare votum? *Resp.* Est annullare, & facere, vt obligatium non sit.

2 *Int.* Quis potest votum irritare? *Resp.* Potest, quicumque superior est respectu vouentis. Ideo pater potest irritare vota filiorum. Patrem dixi, quia dum pater superest, mater non potest, nec alius tutor, aut curator. Patet ex *c. Puella. 20. qu. 2.* Prælatus vota inferiorum: dominus seruorum: vir vxoris, & vxor viri: tutores pupillorum, curatores vota realia minorum, non tamen personalia, vt aduertit Mol. *tract. 2. de iust. disput. 220.* quia curatores præcipuè dantur pro rebus minorum. *L. in copulandis. Cod. de nuptiis.* Aded hoc verum est, vt licet superior facultatem vouendi concesserit, possit suborta noua causa, votum irritare. Attende etiam cum materia voti est contraria exequutioni rerum, in quibus subditus tenetur parere, statim vota esse irrita, nisi à superiore probentur, vt votum filij de mutatione status, factum ante annum 14. votum religiosi de facienda peregrinatione. Cum verò materia non est contraria, licet irritari possit, non sunt tamen statim irrita, imò valida, quousque à superiore irriterentur; & ideo si filius vouit ieiunium, v.g. tenetur illud obseruare, donec à patre votum irritetur.

3 *Int.* Quoniam verò ista doctrina in communi vera; peculiare in singulari habet difficultates, de singulis te rogabo, si annueris? *Resp.* An est, quod malim quàm de istis à te suauissime pater interrogari?

De irratione volorum, quæ religiosi emittunt, §. 4.

1 *Quid potest prælatus religionis circa vota subditorum.*

2 *Quid*

- 2 Quid potest circa illorum vota de rebus sub præceptum cadentibus.
- 3 Quid circa vota nouitiorum.

I NTERROGATIO. Quid potest Prælatus religionis circa vota subditorum? *Resp.* Omnia vota religiosorum potest suus Prælatus irritare, quia in omnibus illis subintelligitur illa conditio, si Prælatus consenserit. Excipiuntur tamen tria vota essentialia religionis, paupertatis, castitatis & obedientiæ. Item votum transeundi ad strictiorem religionem. Hoc tamen vltimum, vel commutare potest, vel dispensare, iuxta Nau. lib. 3. consil. tit. de vot. cons. 30. Sot. 7. iust. q. 3. art. 1. conclus. 5. Arag. 2. 2. q. 89. art. 8.

2 *Int.* Potestne Prælatus irritare vota subditorum de rebus sub præceptum cadentibus, vt de non mentiendo? *Resp.* Potest, quia licet non sit illi subditus, quoad non mentiendum (ad id enim tenetur iure naturali) est tamen illi subiectus quoad nouam obligationem non mentiendi per votum.

3 *Int.* Postne Prælatus irritare vota nouitiorum? *Resp.* Vota, quæ nouitius emittit in ipso nouitiatu, si non voluit se independenter à Prælato obligare, potest: quia licet nō perfectè, habet tamē aliquo modo suam voluntatē subditam prælato. Si verò independenter à Prælato voluit se obligare, potest superior illius exequutionem pro nouitiatu suspendere, & facta professione irritare. Vota verò nouitiorum ante ingressum religionis nuncupata, potest ipse religiosus sponte sua commutare in vota religionis. Ita decernitur c. Scripturæ. de vot. Si autem huiusmodi commutationem auctoritate sua non fecit, imò se voluit obligare ad illā in religione seruanda, potest Prælatus, professione facta, irritare. Ita Richard. in 4. dist. 83. art. 4. q. 1. & art. 8. q. 2. Syl. vot. 4. q. 2. dist. 1. & q. 7. dist. 3. Gloss. cap. Noluit. 33. q. 5. Probâtque ex eodem capite, vbi dicitur virum posse irritare vxoris vota, quæ fecerat ante nuptias: idem ergo à fortiori dicendum est de Prælato respectu religiosi, atque illa pro nouitiatu suspendere. Quare si nouitius in religione non maneat, reuiuiscunt vota, quæ ante, & post ingressum religionis nuncupauit. Hæc verò intelligo de votis personalibus; nam ad vota realia adhuc tenetur nouitius, veluti ad dandam eleemosynam de propriis bonis, vt notauit Syl. vot. 4. q. 7. quæstiuncula 3.

De irratione votorum , quæ filij
emittunt. §. 5.

- 1 Quis potest irritare vota filiorum.
- 2 An possit pater vota filiorum extra pubertatis annos irritare.
- 3 Quomodo confirmantur vota facta ante pubertatem , ea iam transacta.
- 4 De votis personalibus filiorum.
- 5 De votis realibus filiorum.
- 6 De votis circa bona profectitia, & aduentitia.
- 7 De votis realibus filiorum factis ante 25. annum.
- 8 De votis realibus filiae nuptæ ante 25. annum, & viduæ factæ, redeuntis ad patris domum.

INTERR OGATIO. Quis potest irritare vota filiorum? *Resp.* Omnia vota, tam realia, quàm personalia à filiis ante annos pubertatis emissa, possunt à patre, vel à tutore in defectu patris, vel à matre in defectu patris, & tutoris irritari. Ita Doctores communiter. D. Thom. 2. 2. q. 88. art. 8. & 9. Syluest. votum. 4. q. 2. Nauarr. c. 12. num. 68. Soc. 7. iust. q. 3. art. 2. & alij. Ratio est in promptu, quoniam omnia illa fiunt dependenter à voluntate maiorum, sub quorum tutela minores custodiuntur.

2 *Int.* Quæro ex te, an parentes, qui intra pubertatis annos vota filiorum non irritarunt, possint ea postea irritare? *Resp.* Res est controuersa, sed pars affirmans probabilior, quam tuetur Caiet. 2. 2. q. ult. art. 5. Nau. c. 12. n. 71. Lop. 1. p. c. 48. Ratio est, quia illa potestas concessa est patri ratione dominij, & defectus iudicij filiorum, idèd nisi filius post ætatem plenioris iudicij votum antea factum confirmauerit, eadem potestas manebit in patre circa illum, atque antea erat.

3 *Int.* Per quam voluntatem dicetur quis confirmasse votum per annos pubertatis? *Resp.* Non sufficit actus, quo credat se teneri voto, vt reuera tenetur, sed requiritur nouus voluntatis actus, quo directè se velit denuo obligare.

4 *Int.* Quid censes de votis personalibus filiorum? *Resp.* Vota personalia post pubertatis annos à filiis emissa, non possunt parentes irritare: nisi ea paterno iuri, aut gubernationi domus præiudicauerint: tunc enim iam habent plenum rationis vsum, & libertatem personæ, & idèd possunt vouere religionem, castitatem, & similia.

5 *Int.*

5 *Int.* Quid dicis de votis realibus? *Resp.* Vota realia filiorum emissa post annos pubertatis, sed ante 25. annum, possunt intra idem tempus à parentibus irritari, nisi fiant de bonis castrensis, aut quasi castrensis post decimumquartum annum emissa. Ratio est, quia secundum leges, ff. de minoribus, non possunt filij intra 25. annum, sine parentum auctoritate, aut eorum vice parentum de bonis temporalibus disponere: est enim voluntas filij toto illo tempore parentibus quoad huiusmodi bonorum dispositionem subiecta. Super bona verò castrensia, aut quasi castrensia nullum ius habent parentes. Dixi vota de bonis castrensis emissa post annos pubertatis, quia emissa ante annos pubertatis potest etiam pater irritare.

6 *Int.* Quid sentis de votis circa bona profectitia, & aduentitia? *Resp.* Ea ut realia irritari possunt. Ita communis habet doctrina; quoniam illa bona, quæ à filio familias acquiruntur, vel sunt patris, quoad dominium & usumfructum, ut profectitia, vel quoad usum solum, ut aduentitia. Sed de hac re in septimo præcepto veritatem latius enucleabo.

7 *Int.* Possuntne vota filiorum realia, facta post pubertatem, verum ante 25. annum, non tamen intra idem tempus irritata, à parentibus irritari? *Resp.* Communiter respondetur negativè, si filij iam sint omninò liberi à patria potestate.

8 *Int.* Nupsit foemina ante 25. annum, mortuo marito ante eundem annum, rediit patris domum, poteritne pater illius realia vota irritare? *Resp.* Minimè; quia illa postquam matrimonium contraxit, perfectè sui iuris facta fuit.

De irratione volorum vxoris, & viri. §. 6.

- 1 *Quæ vxoris vota potest maritus irritare.*
- 2 *An possit irritare vota facta ante matrimonium.*
- 3 *An possit irritare vota quæ non obsunt gubernationi domus.*
- 4 *Quæ vota viri possit irritare vxor.*

1 **I** N T E R R O G A T I O. Quæ vxoris vota potest maritus irritare? *Resp.* Omnia quæ mariti iuri præiudicant, ut votum de abstinentia, impediens debiti redditionem. *cap. Manifestum. 33. qu. 5.* Item vota quorum exequutio familiæ guber

gubernationi obest, vt votum peregrinandi, votum ingrediendi religionem, & similia.

2 *Int.* Potestne etiã irritare vota facta ante matrimonium, quorum exequutio obest ipsi matrimonio? *Resp.* Potest, iuxta *Nau. cap. 12. nu. 65.* quod probat ex *c. Noliit 33. q. 5.*

3 *Int.* Potestne etiam irritare omnia vota, quæ non obsunt ipsi viro, aut familiæ gubernationi, vt de non furando, de faciendâ eleemosyna ex bonis paraphernalibus, & similia? *Resp.* Constanter respondeo negatiuè; quia in iis, quæ iuri coniugis non præiudicant, ipsa est domina, & sui perfecti iuris. Ita *Nau. c. 12. n. 64.* *Ang. vot. 2. n. 8.* *Tabien. matrim. 5. §. 5.*

4 *Int.* Quid dicis de vxore respectu viri? *Resp.* Pari modo vxor ea viri vota irritare potest, quæ suo iuri præiudicant, & ideo poterit irritare votum viri, de nunquam debitum petendo, quatenus sibi fuerit præ pudicitia, & naturali necessitate onerosum: votum abstinendi & peregrinandi, si inde sibi incommodum oriatur, & similia.

De irratione votorum, quæ mancipia emittunt. §. 7.

1 *Quæ vota mancipiorum possunt Domini irritare.*

2 *Quæ famulorum vota possunt Domini irritare.*

I N T E R R O G A T I O. Quæ mancipiorum vota possunt eorum Domini irritare? *Resp.* Omnia ea, & sola quæ seruitio ipsis debito præiudicant, vt votum de ingredienda religione, de faciendâ peregrinatione, de seruiendo hospitali, de crebris orationibus fundendis, & similia, quibus à quotidiano labore abstraherentur. Ita *Palu. in 4. d. 38. q. 4. art. 2. Syl. votum 3. q. 7.* *Sot. 7. iust. q. 3. ar. 1.* *Nau. c. 12. n. 65.* Hæc autem vota irritari possunt, etiam si ante seruitutem nuncuparentur, non tamen postquam in libertatem vindicati sunt, si in ipsa seruitute irrita non fuerunt, & ideo in libertate constituti, tenentur ea omnia seruare. Dixi, sola, quia alia vota, quæ domino- rum seruitio minimè obsunt, irritari nequeunt, nisi ante pubertatis annos facta sint, aut post pubertatem ante annum 25. si dominus mancipio sit pro patre, aut tutore, quia alius non est, & tunc idem dicendum de iis votis, atque diximus de votis filiorum.

2 *Int.* Quæ famulorum vota possunt ij, quibus famuli seruiunt,

E

uiunt,

uiunt, irritare? *Resp.* Nulla quidem. Verum si famulus seruiat contractu oneroso, Dominusque nolit illum rescindere, potest vota, quæ seruitio obligato per contractum obsunt, pro eo tempore suspendere. Doctores non laudauimus, quia communissima est omnium doctrina communibus locis.

De causis ad irritanda vota. §. 8.

1 *An validè sint irrita vota, irrita sine causa.*

2 *An liceat irritanti vota, & absque causa irritare.*

1 **I** N T E R R O G A T I O. Suntne vota validè irrita sine causa irritata? *Resp.* Validè quidem: ac proinde non peccat subditus agendo contra irritatum votum: imò peccaret, si contra prohibitionem superioris votum seruaret, ut docet August. relatus cap. Manifest. 23. q. 5.

2 *Jur.* Potestne superior sine causa subditorum vota irritare? *Resp.* Minimè. Ita Sot. 7. iust. q. 3. art. 1. col. 3. Abulens. cap. 30. Num. q. 43. Med. in instr. confess. cap. 14. §. 7. Aragon. ar. 7. q. 88. §. 1. post 3. conclus. Roderic. in sum. cap. 80. de voto, concl. 5. contra Sylu. votum. 4. q. 1. & 2. dicto 6. Nau. cap. 12. num. 73. Palud. in 4. d. 38. q. 4. num. 20. oppositum asserentes, ex eo quod irritans utatur iure suo, eo tamen uti non debet malè, & in destructionem: ac proinde peccat lethaliter irritando votum, quod intelligit notabiliter inferuire ad utilitatem spiritualem subditi. Cuiusmodi esset ut plurimum votum religionis, votum poenitentiae frequentandæ, & similia. Venialiter verò, si materia irritati voti non adeo ad salutem animæ conduceret. Ratio est, quia contra proximi charitatem est auferre occasionem maioris progressus in virtute. Est præterea contra rationem abuti potestate sibi à Christo concessa in ædificationem, & non in destructionem, iuxta D. Paul. 2. Corinth. 10. Hinc colliges peccare subditum qui eo animo superiori votum manifestat, ut irritet, cum sciat id eum facturum absque causa & iniuste. Verumtamen quamquam peccauerit irritationem iniuste procurando, & postulando, voto tamen irritato, ad id minimè tenetur.

3 *Jur.* Irritauit superior votum, poteritne irritationem reuocare, & validum reddere votum? *Resp.* Minimè, & ideo si semel irritauit, votum omnino nullum est, ipso licet postea reclamante, ita Sylu. & Arm. locis citatis.

De votorum dispensatione. §. 9.

- 1 *Quid est dispensare in voto.*
- 2 *Qui possunt dispensare in voto.*
- 3 *An Obligatio voti est de iure naturali?*
- 4 *A quo habent Prælati potestatem dispensandi in voto.*
- 5 *In quibus votis potest Papa dispensare.*
- 6 *In quibus votis solus Papa dispensat.*
- 7 *Quo iure solus Papa potest dispensare in quinque votis.*
- 8 *Proponuntur difficultates circa hæc vota.*
- 9 *Circa votum castitatis.*
- 10 *An in voto castitatis possit Episcopus dispensare.*
- 11 *De dispensatione in voto religionis.*
- 12 *De dispensatione in voto peregrinationum.*
- 13 *An præter quinque vota, sit aliud Papæ reservatum.*
- 14 *Quis potest dispensare in votis non reservatis.*
- 15 *An cum Papa possit aliquis dispensare.*
- 16 *Quis potest dispensare in votis Episcoporum.*
- 17 *Quis potest dispensare cum votis superiorum religionum.*

1 **I** N T E R R O G A T I O. Quid est dispensare in voto?
Resp. Est voti vinculum rationabili de causa, Ecclesiastica auctoritate, omnino auferre. Ita communiter Theologi, & Iurisperiti.

2 *Int.* Qui possunt dispensare in voto? *Resp.* Soli Prælati Ecclesiastici. Hinc colliges duo requiri ad votorum dispensationem, causam nimirum, & Ecclesiasticam potestatem, siue iurisdictionem Episcopalem, aut quasi Episcopalem. Ita D. Tho. 2.2.q.88.art.12.ad 3. Ang. votum 4.nu.6. Sylu. votum 4.q.3. Nau. cap.12.nu.75. Sot. lib.7.iust.q.4.art.3.

3 *Int.* Nonne obligatio voti est de iure naturali, quod nos docet stare promissis, fidemque servare non solum Deo, sed hominibus? *Resp.* Maximè.

4 *Int.* A quo igitur Prælati Ecclesiastici acceperunt potestatem remittendi hoc iure naturali debitum? *Resp.* A Christo Domino. Et quoniam res ista magni momenti est, referam huius sententiæ Auctores. Itē D. Thom. in 4.d.38. q. 1. art. 4. Richard. ib. ar. 9. q. 1. Gab. ibid. q. 1. ar. 5. Alen. 4.p.q. 101. memb. 2. ar. 6. Can. lib. 3. de locis, c. 4. §. tertiæ viæ. & in releit. de punit. paulo ante finem. Sylu. vot. 4. q. 1. Henr. lib. 1. de punit. cap. 3. §. 2.

Felin. *ad c. quæ Ecclesiarum, de const. n. 19.* Panorm. *c. Non est, de vot.* Decius *conf. 112.* Ita docet vsus Ecclesiæ, ex quo multa etiã habemus de fide, vt traditiones de fide. Hic igitur vsus hanc tacitam Christi confessionem suæ Ecclesiæ relictam nos docet. Accedit ratio, quia cùm multæ dentur causæ dispensandi insufficienter, Christus Dominus suæ Ecclesiæ prouidisset de remediis necessariis, nisi hanc illi facultatem reliquisset. Hinc affirmat Alen. citatus esse compellendam fœminam, vel virum voto castitatis obstrictum ad nuptum, si pro bono pacis communis expediat nubere. Quamobrem constanter affirmandum est Ecclesiam ex speciali Christi Domini commissione pollere potestate ad dispensandum in iis, quæ ad ius diuinum, & naturale spectant, quando id ad congruam Ecclesiæ gubernationem ex vrgenti causa opus fuerit, vt in voto, aut in matrimonio rato, & similibus.

5 *Int.* In quibus votis potest Papa dispensare? *Resp.* In omnibus, etiam in voto solenni castitatis, seu sacris ordinibus annexo, vt ait D. Tho. 2. 2. q. 88. art. 11. seu in religione emisso, vt tenet communis sententia Iurisperitorum, quos refert Co-uar. *de testam. c. 2. n. 10.* Nauar. *c. 12. n. 75.* Sotomaior *q. 6. de voto, n. 10 4.* Item Theologorum. Richard. *in 4. d. 38. ar. 9. q. 1.* Durand. *ibid. q. 2.* Palud. *q. 4. ar. 4. concl. 11. & 12.* Maior *q. 3.* Gandau. *quodlib. 5. q. 28.* Petr. Soto *lect. 5. de matrim.* Ang. *votum. 4. §. 5.* Cord. *lib. 1. q. 24.* Caiet. 2. 2. q. 88. art. 11. Quamquam oppositum tenuerint D. Tho. 2. 2. q. 88. ar. 11. Albert. Mag. *in 4. d. 38. ar. 15.* D. Bonauent. *q. 3.* Sor. *q. 2. art. 2. & 7. iust. q. 4. art. 2.* Antisio. *lib. 3. c. 22.* Alman. *de potest. Pap. c. 3.* Capr. *in 4. d. 33. q. 2.* Turrecr. *cap. sicut bonum 27. q. 1.* Syl. *votum. 4. q. 5.* Cathar. *contra Caietan. cap. 2. & probauit vsus Ecclesiæ non semel in istis votis dispensantis, quem refert Palud. in 4. d. 38. q. 4. art. 4.* Caiet. 2. 2. q. 89. Potest etiam à fortiori dispensare in voto paupertatis religiosi: ac proinde talis religiosus poterit iterum rei temporalis suscipere dominium. Ad quam dispensationem licet difficillima inuentu causa visa fuerit. Nauarro *in comment. 2. de Regul. n. 17.* tamen dari poterit: veluti si ponamus propter dubiam regni successionem magna bella excitanda, nisi hæres religiosus professus regnum suscipiat cum dominio, relinquendo legitimis successoribus suis. Idem dicendum de voto obedientiæ, vt manifestum est.

6 *Int.* In quibus votis solus Papa dispensat? *Resp.* in quin- que,

que, scilicet, in voto perpetuæ continentiæ, religionis, peregrinationis Hierosolymitanæ, peregrinationis Iacobæ, peregrinationis Romanæ.

7. *Int.* Quo iure dispensatio horum votorum summo Pontifici est reservata? *Resp.* Iure communi reservatur votum Hierosolymitanum in subsidium terræ Sanctæ. c. ex mult. de vot. iuncta Gloss. verb. *iucundum*; reliqua verò ex consuetudine, & stilo Romanæ Curie.

8. *Int.* Habesne aliquas difficultates circa intellectum horum votorum? *Resp.* Habeo, sed gratius mihi erit à te de singulis interrogari.

9. *Int.* Quæ vota ad castitatem pertinentia intelliguntur sub nomine castitatis? *Resp.* Intelligitur votum virginittis. Non tamen votum non nubendi. Neque item votum non se polluendi. Neque item votum non accedendi ad certum foeminarum genus, veluti ad vxoratas, ad virgines, ad viduas. Ratio est manifesta, quia hæc vota non sunt, nec absolutæ, nec perpetuæ continentiæ. Ita Palud. & Sot. supra, Ang. votum 4. n. 9. Arm. verb. *dispensatio*. n. 18. & alij.

10. *Int.* Potestne aliquando Episcopus dispensare in voto castitatis? *Resp.* Si, qui castitatem vouit, habet notum incontinentiæ periculum, nec facilem potest ad Papam habere accessum, potest Episcopus per epicheam cum eo dispensare, ut cum eo, qui tali voto nupsit ad petendum debitum. Ita Syl. verb. *dispensatio*. q. 9. n. 15. Sot. in 4. d. 38. q. 2. art. 1. ante 4. concl. Armilla verb. *debit. coniug.* n. 13. & verb. *dispensatio*. n. 14. Item cum eo qui vehementer ad libidinem incitatur ut nubat. Ita enim omnes Doct. interpretantur mentem esse Pontificis, & ipse patitur huiusmodi interpretationem, quæ quidem si falsa esset, & perniciofa, statim erroris dampnaretur. Ita Sylu. verbo *dispensatio*. q. 9. num. 15. & votum q. 44. Sot. in 4. d. 38. q. 2. art. 1. ante 4. conclus. Armil. verbo *debitum coniug.* num. 13. & verbo *dispensatio*. n. 18. Ang. vot. 4. nu. 9. & matrim. 3. imp. 5. §. 3. Maior in 4. d. 32. q. 2. qui expressè de dispensatione ad nuptum loquitur cum Ang. matrim. 3. imped. 5. §. 3. Nau. c. 12. nu. 76; cum aliis.

11. *Int.* Quo pacto intelligendum est votum religionis? *Resp.* Intelligitur votum religionis absolutum, nam in conditionatis, ante impletam conditionem potest Episcopus dispensare. Dixi, ante impletam conditionem, quia post illam impletam, nequit, quia manet absolutum. Intelligitur votum

ingrediendi, & probandi vtrum illi expediat. Non intelligitur verò votum de religione pœnale: quia Papa solum reservat vota, quæ emittuntur propter amorem religionis. Ita potior Doctorum pars, quos lege apud Henric. *lib. de indulgentiis. c. 30. n. 6.* D. Anton. 2. *p. tit. 11. c. 2. §. 9. not. 4.* Palud. in 4. *d. 38. q. 4. ar. 4. conc. 5.* Sylu. *votum 4. q. 3. dicto 6.* Medina in *instruct. confessor. c. 14. §. 6.* Arag. 2. 2. *q. 8. art. 12. contra Nauarrum, c. 12. n. 43.* Cord. *q. 152. de casibus consc. Sot. 7. iust. q. 4. art. 3.*

12 *Int.* Quid per vota peregrinationum intelligitur? *Resp.* Ex antiquo iure solum reservatur votum factum in subsidium terræ Sanctæ. Tamen Curie praxis votum ex sola deuotionis causa nuncupatum etiam comprehendit. Testis locupletissimus est Nau. *cap. 12. nu. 75.* cum Soto in 4. *d. 38. q. 2. art. 1.* Sylu. *votum 4. q. 3. dicto 5.*

13 *Int.* Estne aliud votum Papæ reservatum? *Resp.* Secundum Syl. *votum 4. q. 7.* est enim votum de dandis rebus incerti dominij pro subsidio terræ Sanctæ.

14 *Int.* Qui possunt in aliis votis non reservatis dispensare? *Resp.* Omnis Prælatus ordinarius, habens iurisdictionem Episcopalem, seu quasi Episcopale erga vouentem. Inter hos numeratur summus pœnitentiarius. Ita Palud. in 4. *d. 38. q. 4. ar. 4.* & D. Anton. 2. *p. tit. 11. c. 2. §. 9.* Legatus à latere. Ita Panorm. *c. ex multa. de voto.* Capitulum sede vacante. Ita Sylu. *verb. capitulum nu. 2.* Roderic. *de voto, conc. 3.* Prælati religionum, erga suos religiosos. Prælatos dixi, quia Prælatus Monialium iure diuino incapaces sunt dispensandi potestatis, docet Sotus in 4. *d. 20. q. 1. ar. 4.* Ledesm. 2. *q. 20. ar. 4.* Ita communis doctrina cum D. Thom. 2. 2. *q. 89. art. 12.* Angel. *votum 4. n. 6.* Sylu. *votum 4. q. 3.* Nau. *c. 12. n. 75.* Sot. 7. *iust. q. 4. art. 3.* Palud. in 4. *d. 38. q. 4. ar. 4.* D. Anton. 2. *p. tit. 11. cap. 1.* & alij.

15 *Int.* Cum Papa quis potest dispensare? *Resp.* Ipse secum. Ita Palud. *cit.* & Henr. *lib. de indulgentiis cap. 32. §. 3.* Ratio est, quia ad hanc dispensationem non requiritur vis coactiua, quam supra se nullus habet.

16 *Int.* Quis dispensare potest in votis Episcoporum? *Resp.* Summus Pontifex. Probabile tamen est, posse etiam Archiepiscopum dispensare cum suis Metropolitanis, iuxta Palud. & D. Anton. citatos. Si verò periculum sit in mora recurrendi ad summum Pontificem, posset cum iis per episcopalem dispensare confessor.

17 *Int.* Quis cum superioribus religionum potest dispensare?

fare? *Resp.* Seſuato ordine inferioris ad ſuperiorem, cum inferioribus ſuperiores, cum vltimo ſuperiore ſummus Pontifex. Ita Doctores citati.

Quænam cauſæ ſint legitimæ ad diſpenſandum. §. 10.

- 1 *An ſit cauſa ad diſpenſandum neceſſaria:*
- 2 *Quæ eſt legitima cauſa diſpenſandi.*
- 3 *An ceſſante cauſa diſpenſandi, ceſſet diſpenſatio:*

1 **I N T E R R O G A T I O.** Eſtne cauſa ad diſpenſandum neceſſaria? *Reſp.* Eſt, atque adeo, vt ſine ea diſpenſatio ſit nulla; peccatque grauiter diſpenſans, cum ſcit ſe ſine cauſa diſpenſare; peccatque qui talem diſpenſationem procurat: Ita D. Tho. 2. 2. q. 88. art. 1. ad 2. D. Ant. 2. p. tit. 11. c. 2. Sot. 7. iuſt. q. 4. ar. 3. Palud. in 4. d. 38. q. 4. n. 20. Sylu. diſpenſ. q. 3. & ibi Caiet. Angel. votum 4. n. 11. & diſpenſation. 3. Nau. cap. 12. nu. 76. Sot. in 4. d. 38. q. 2. art. 1. poſt 2. conclud.

2 *Int.* Quæ debent eſſe iuſtæ cauſæ diſpenſandi? *Reſp.* Quæ arbitrio prudentis Prælati iudicatæ fuerint iuſtæ pro bono communi, aut etiam particulari ipſius vouentis, iuxta cap. 1. & 2. de vot. vt votum impediens opus ſtudenti, aut concionandi in homine virtute, ac literis condecorato. Ita Nau. in ſum. cap. 12. n. 77. Facilitat etiam diſpenſationem leuitas vouentis in vouendo, iuxta Nauar. ſup. & alios, & Palud. in 4. d. 38. qu. 4. num. 43.

3 *Int.* Vnum ſupereſt graue dubium. Ceſſant cauſa ob quam diſpenſatum eſt, reditne iterum obligatio voti diſpenſati? *Reſp.* Non redit. Ita D. Tho. in 4. d. 38. q. 1. art. 4. Richar. q. 1. art. 9. Gab. q. 1. n. 5. Alenſ. 4. p. q. 101. n. 2. art. 6. alias qu. 28. art. 2. §. 6. Can. 3. de loc. cap. 4. & in reſc. de pæn. Sylu. votum 4. quæſt. 21. Henriq. lib. 1. de pæn. cap. 3. §. 2. Ceſſat enim omnino voti obligatio in ipſa diſpenſatione. Quare merito à Sylu. definitur diſpenſatio. Annullatio obligationis voti ex rationabili cauſa. Quamobrem ſcœmina, cum qua diſpenſatum eſt in voto continentię perpetuæ ad contrahendum, ob tollendas ſimilitates, poteſt coniuge perempto iterum nubere. Ita Sotomaior 9. de voto num. 125. Angles tract. de voto art. 8. diſſer. dub. 1.

De commutatione votorum. §. 11.

- 1 *Quid est commutare votum.*
- 2 *Quis potest commutare votum.*
- 3 *Quæ causa requiritur ad commutationem voti.*

1 **I**NTERROGATIO. Quid est commutare votum?
Resp. Est obligationem voti circa hanc materiam, circa aliam mutare.

2 *Int.* Quis potest commutare votum? *Resp.* In id, quod euidenter est melius, potest ipse vouens. Ita definitur *c. Peruenit 2. de iureiurand.* Vbi D. Greg. Non propositum, aut promissum infringit, qui in melius illud commutat. *cap. Scripturæ. de voto.* Vbi Alexander I I I. Reus facti voti aliquatenus non habetur, qui temporale obsequium in perpetuam noscitur religionis obseruantiam commutare, & censent vnanimiter Doctores. Caiet. *ver. votum c. ult. & 2. 2. q. 88. art. 12.* Arag. *ibi. dem, Ang. votum. 4. num. 2.* Couar. *cap. Quamuis. de pact. p. 1. §. 3. num. 4.* Sot. *7. iust. q. 4. art. 3.* Probatur, quia cum ad commutationem requiratur iudicium de eo, quod Deo acceptabilius sit, hoc iudicium certum est in re euidenter meliori. Ad commutationem voti, in id, quod est minus bonum semper requiritur Prælati auctoritas. ratio est, quia in hac commutatione necessariò admiscetur dispensatio circa partem, quæ deest de meliori: hæc autem solùm à superiore emanare potest. Ita citati Doctores.

Tota controuersia est de commutatione in euidenter æquale, qua auctoritate fieri possit. Dico igitur: si euidēs sit arbitrio prudentis huiusmodi æqualitas, posse fieri hanc cōmutationem ab ipso vouente. Ita Medin. *instruct. conf. c. 14.* Sot. *7. iust. q. 4. art. 3.* Aragon. *2. 2. q. 88. art. 12.* Henriq. *de indulgent. c. 30. q. 5.* Roderic. *in Bull. Cruc. & verbo votum q. 100. concl. 4.* Contra Caiet. *verbo votum. 2. 2. q. 88. a. 12.* atque Couar. citato loco *n. 4.* Ratio est, quia solùm hæc in re requiritur iudicium superioris, vt decernat, quod Deo acceptum sit: euidens autem est acceptum esse Deo æquale. Ita Medin. *in sum. c. 14.* Sot. *7. iust. q. 89. ar. 3.* Aragon. *2. 2. art. 12.* Henr. *lib. de indulgent. c. 30. §. 5.*

3 *Int.* Quæ causa requiritur ad commutationem? *Resp.* Ad cōmutandum in euidenter melius, nulla requiritur. Ad commutationem in æquale, aliqua; alioqui leuitatis meritò damnetur

retur vouens. Ad commutationem in minus requiritur causa tanta; quanta ad dispensationem patris, in qua mixtè dispensatur. Quamobrem, qui non habet potestatem simul dispensandi, non potest in euidenter minus commutare.

4 *Int.* Quæ causa sufficiet ad commutandum in euidenter æquale? *Resp.* Si suauius, hilariusque vouens adimpleat votum; hilarem enim datorem diligit Deus, ut ait Paul. 2. *Corinth.* 16. Ita communiter Doctores.

C A P V T VII.

De tertio Decalogi præcepto.

Memento, quod diem Sabbati sanctifices. §. I.

- 1 Quis dies intelligatur Sabbati nomine.
- 2 An necesse sit vacare diuinis die festo.
- 3 An in Ecclesia sit aliquod festum ex iure diuino.
- 4 Quæ opera prohibeantur diebus festis.
- 5 An prohibeatur aliquod opus non seruile.
- 6 Ex quibus causis possit fieri opus seruile in die festo.
- 7 De opere molendinorum.
- 8 Quos dies festos tenentur Religiosi obseruare.
- 9 An lucrum faciat opus seruile.
- 10 Quæ festa seruare tenemur.
- 11 Quo pacto obseruandus est dies festus.
- 12 An possum migrare pridie diei festi à loco ubi obseruandus est ad alium, ubi non seruatur, ut labori incumbam.
- 13 An possim supradictum facere eodem die festi.

1 **I**NTERROGATIO. Sabbati nomine quem diem intelligis? *Resp.* Diem, quo homo vacare debet ab operibus seruilibus ad vacandum rebus diuinis.

2 *Int.* Peccatne homo contra huiusmodi præceptum, si festiuis diebus rebus diuinis non intendat? *Resp.* Minimè: quoniam finis præcepti non cadit sub præceptum, ut dicam, & latius ostendam, Deo fauente, in propria materia de præcepto.

3 *Int.* Estne aliquod festum in Ecclesia ex diuino iure introductum, quale fuit Sabbatum apud Iudæos in veteri lege? *Resp.* Nullum sanè. Constat ex *cap. Licet, de feriis, & cap. 1. de consecrat. dist. 3.* Quamuis enim ius naturale diuinum præ-

cipiat hominibus Deum honorare, & reuereri, non tamen tempus definit, quo in nouo testamento id facere teneamur: sed omnia festa nouæ legis introducta sunt ab Ecclesia, etiam Dominicæ sanctificatio iam inde ab Apostolis obseruata in laudem Christi Domini, in vitam ab inferis cum gloria redeuntis. Neque obstat cap. *Licet de feriis*, asserens tam ueteris, quàm noui testamenti paginæ testimonio septimum diem humanæ quieti deputari: id enim inuentum non à diuino iure, sed ab Apostolis dimanauit.

4 *Int.* Quæ opera prohibentur diebus festis? *Resp.* Sola opera seruilia, hoc est, quæ seruis tantum conueniunt, nec illis sunt communia cum hominibus ingenuis. Ita enim præcipiebatur I. cui. 23. *Omne opus seruale non facies in eo.* Seruorum nomine, non solum mancipia intelligas, sed plebeios homines operibus Reipublicæ incumbentes.

5 *Int.* Quæ opera, licet non seruilia, diebus festis fieri prohibentur? *Resp.* Quinque: scilicet mercatus nundinatum, iudicium ciuile, iudicium criminale, iuramentum in iudicio, nisi pro pace, vel alia necessitate præstetur, omnis strepitus, processusque iudicialis, nisi pietas suadeat, & necessitas urgeat, cap. 1. & cap. fin. de feriis.

6 *Int.* Ex quibus causis possunt in die festo opera seruilia exerceri? *Resp.* Ex plurimis. In primis ex necessitate eorum, quæ ad Dei cultum non nisi die festo peragi queunt, ut præparare res opportunas ad sacrum faciendum, diuinæque officia celebranda. Deinde ex necessitate corporali, quamobrem excusantur, qui infirmis seruiunt, qui cibos ad victum decoquunt; qui ad alendam vitam nent, texunt, vel aliam similem operam impendunt. Tertio ex necessitate damni euitandi, ut quia debacchatur ventorum vis, licet metere segetes, colligere poma, frumenta in horrea includere, & quid simile. Quarto ex vitæ, salutis uel periculo; & ideo tempore belli, licet aggeres construere, muros reficere, castrorum metas præfigere. Quinto ex occasione magni lucri paulò post cessantis, & ideo licet piscatio thynnorum, & aliorum piscium, qui statis anni diebus ad nos accedunt, & non aliis, ut notauit Nauarr. lib. 2. consil. 21. de feriis consil. 1. & constat ex cap. *Licet*, eiusdem tituli. Sexto propter violentiam, qua quis cogitur laborare, ut cum famuli, nedum mancipia, à Dominis laborare coguntur, ut notauit Nauarr. cap. 13. num. 7. Quod intelligo

intelligo nisi fiat in fidei contemptum, tunc enim mors potius subeunda, ut dixi in præcepto de fide profitenda. Probabile tamen existimo oppositum, quod censuit Rod. c. 123. num. 7. etiam in eo famulo, qui non nisi conditione laborandi diebus festis reciperetur ab artifice ad artem ediscendam, quam nullus alius eo in loco callet, & ipse non indiget arte illa, sed quasi æquè benè potest alteri incumbere, si enim tanta esset necessitas ediscendi illam artem, ut nulla alia posset vitam honestè alere, posset etiam artificis, & præceptoris in laborando iussui obedire. *Septimò* excusatur opus servile ex pietate erga proximum: & ita possumus mortuos sepelire, pauperem in extrema, aut graui necessitate constitutum adiuvare. *Octauò* ex bono communi, ut præparare vias ad spectacula publica sacrarum pomparum, vel etiam ludorum communium. *Denique* ex licentia Episcopi expressa, cum id concedit, vel tacita, cum id videt, & dissimulat. Et ex hac interpretatiua licentia videtur excusari usus tonforum, qui festis diebus tondent omnes, qui iis diebus ad tonstrinam accedunt, iuxta consuetudinem receptam, & à Prælatis scitam, & non interdictam, iuxta *cap. finale de consuetudinibus*. Quanquam ex alio capite id licere mihi persuadeam, nimirum ex occasione cessantis lucris, quoniam aliis diebus propter laborum occupationes, tondendi non accedunt, quibus profanis diebus distenduntur, tonsoresque otio vacant, & inedia. Cuius rationis quam nullus Doctorum, quem sciam, meminit, ex omnium tamen doctrina aperitissimè deducitur, ut patet ex causa quinta servile opus permittente.

7 *Int.* Quid censes de molendinis? *Resp.* In aquæ molendinis, aut ventorum non est lethale peccatum molere diebus festis, nisi loci consuetudo, aut particularis Episcopatus constitutio id grauiter prohibeat. Ratio est, quia ibi parum laboris impenditur, paruitas autem materiæ à lethali excusat. Contrarium dicendum de bestiarum pistrinis ex opposito fundamento, quia multum temporis, laborisque insumitur. Rod. c. 124. n. 4.

8 *Int.* Quos dies festos tenentur religiosi obseruare? *Resp.* Quos sui loci consuetudo obseruat. Ita decreuit Concil. Trid. sess. 25. cap. 12. Ratio est, quia illi, ut ceteri, locorum sunt vicini.

9 *Int.* Si quis opera ex rei natura non seruilia faciat ob
lucris gratiam, vt piscari, venari; studere, idne erit contra
præceptum de sanctificandò festo? *Resp.* Res est controuersa,
cuius partem affirmantem tenuere Richard. 3. *senten. dist.* 37.
Angel. *verb. seriae.* §. 9. & 10. Tab. eodem *verb.* n. 17. Syluest.
verb. Dominic. q. 4. Sed oppositum est dicendum cum Caiet. 2.
2. q. 122. art. 4. & Nauar. *cap.* 13. *num.* 5. quia lucrum non mutat
operis naturam & speciem.

10 *Int.* Estne peccatum mortale transcribere chartas in
die festo per notabile spatium diei ex officio, & mercede
pacta? *Resp.* Mortale. Ita Rosella *verb. seriae.* §. 12. Angel.
ibidem §. 3. Tolet. *lib.* 4. *cap.* 24. *num.* 14. Nauar. in *sum.* *cap.* 13.
n. 14. Ratio illius, & vera est, quia sic transcribere charitas ex
officio, & mercede pacta est opus seruille, non quidem ratio-
ne lucris, sed ratione operis, & officij simul. Latum est disci-
men inter scribere, & exscribere pro officio & mercede pa-
cta: nam scribere simpliciter est opus honestum, & liberale,
ingenuorumque hominum: exscribere verò pro officio, &
mercede pacta, est mechanicus, & purè corporalis labor,
estque officium vile, iuxta Sylu. *verb. Tabellio: quest.* 3. appella-
turque tabellio seruus publicus, vt in *cap.* 2. de *usu* lib. 6. &
L. Non enim. ff. de adopt.

11 *Int.* Quæ festa seruare tenemur? *Resp.* Quæ loci con-
suetudo vbi degimus, obseruat. *cap. Illa. distinet.* 2. vbi Glossa
affert illud notum carmen.

Dum fueris Romæ Romano viuato more:

Dum fueris alibi, viuato sicut ibi.

12 *Int.* Quo modo obseruanda sunt huiusmodi festa? *Resp.*
Eodem, quo loci consuetudo obseruanda proponit.

13 *Int.* Scio cras esse diem festum in mea parochia, possum-
ne pridie transire ad aliam, vt laborem? *Resp.* Possum. Ratio
est, quia vbi ego sum, ibi non est festum.

14 *Int.* Possumne egredi domo eodem die festi ad labo-
randum in alia parochia? *Resp.* Possum: teneor tamen Missam
audire. Ratio est, quia obligatio audiendi sacrum ligat eum,
qui ad diei initium peruenit, vbi illa præcipitur, neque ne-
cessitas est, quæ illam omittere cogat. Obligatio autem ser-
uandi festum obligat eos, qui reperiuntur vbi obseruatur. Ita
Nau. *cap.* 13. n. 15. Rod. *verb. festum* n. 1.

CAP V T VIII.

De quarto Decalogi Præcepto.

Honora patrem tuum & matrem tuam. §. I.

- 1 Qui intelligantur per patrem, & matrem.
- 2 Quæ tenentur filij exhibere parentibus.
- 3 Quando tenetur filius parentibus ostendere amorem,
- 4 An patri, filiove teneatur filius succurrere,
- 5 Quando tenetur filius parentibus obedire.
- 6 Quando peccat filius in non reuerendis parentibus.
- 7 Quæ tenentur patres exhibere filiis,
- 8 Quam reuerentiam tenetur uxor exhibere marito,
- 9 Quam reuerentiam tenetur maritus exhibere uxori.

I N T E R R O G A T I O. Qui intelliguntur per patrem, & matrem? *Resp.* Præcipuè intelliguntur parentes secundum carnem. Deinde superiores in rebus spiritualibus, vt Episcopi, Parochi, &c. Tertiò superiores in rebus corporalibus; vt Reges, & gubernatores Reipubl. Quartò denique omnes ij, qui super nos aliquam habent potestatem, vt magistri, tutores, curatores, &c.

2 *Int.* Quæ tenentur filij exhibere parentibus? *Resp.* Triam, Amorem, Obedientiam, & Reuerentiam.

3 *Int.* Quando tenetur filius parentibus exhibere amorem? *Resp.* Quando ij sunt in extrema, vel graui necessitate vitæ, vel alimentorum: adeo vt peccet mortaliter ingrediendo religionem, iis in ea necessitate relictis. Ita docet communis doctrina cum D.Tho. 2. 2. q. 101. art. 4. ad 4. si verò iam sit professus, & necessitas sit extrema, tenetur egredi ad illis succurrendum, iuxta Caiet. ad locum D.Thom. Si verò necessitas erat grauis ante religionis ingressum, & ea posthabita religionem professus est, illam relinquere debet, vt parentibus subueniat, iuxta Nauarr. cap. 14. num. 14. Omnes tamen affirmant, siue extrema, siue grauis sit parentum necessitas, posse filium religiosum professum ad eos regredi, petita à superioribus, quanquam non obtenta, facultate. Hoc tamen intelligo, nisi inde religioso egressuro spirituale periculum immineat: tunc enim potius sibi, quam parenti succurrere tenetur.

4 *Int.*

4 *Int.* Cui tenetur filius in extrema necessitate succurrere, filio, an parenti suo? *Resp.* Parenti potius, quàm filio. Ita docet S. Thom. 2. 2. q. 16. art. 8. ad 3.

5 *Int.* Quando tenetur filius parentibus exhibere obedientiam? *Resp.* Non semel. *In primis* tenetur filius obedire patri in iis, quæ ad domus gubernationem pertinent: & non obedire in iis, cum res est gravis, præcipuè si ex contemptu, & animi obstinatione non obediatur, peccatum est mortale. *Secundò*, tenetur obedire in iis, quæ ad bonos mores attinent. Igitur non acquiescere præceptis parentum circa mores, nitentium filios à peccato mortali, vel peccati occasionibus arcere, cum præsertim pertinaciter non obtemperatur, mortale peccatum est. *Tertiò*, ducere uxorem indignam contra parentum voluntatem lethalis est culpa. Secus si digna fuit: nam tunc, nisi multum referat aliam ducere, peccatum est leue. *Quartò*, si filius nolit ducere uxorem dignam, quam pater dat ad inimicitias componendas, sed etiam duxit aliam, licet dignam, peccat mortaliter. Ita Tolet. in sum. lib. 5. cap. 1.

6 *Int.* Quando peccat filius contra hoc præceptum circa reuerentiam debitam? *Resp.* Peccat percutiendo patrem, iniuriòse minando, & ideo Exod. 21. reus erit propter istiusmodi crimen mortis; verberando, maledicendo, asperis verbis ex se ad iram prouocantibus insectando; accusando coram iudice in foro criminali, præterquam in crimine lætæ Maiestatis, in crimine vergente in publicum damnum, aut hæresi ad alios deriuanda, seruato tamen correctionis fraternæ ordine, ubi seruandus est, ut iam dixi ad proximum præceptum. Ita Tolet. in sum. loco citato. Peccat idem grauiter filius, si nunquam, vel rarò amoris signa parentibus ostendit, sed è contra semper illos contracta fronte, & supercilio intuetur, ac si illos odio haberet. Ita adnotarunt Angel. verb. filius. §. 30. Sylu. ibi. q. 22. Tab. ibidem §. 19.

7 *Int.* Quæ tenentur parentes exhibere filiis? *Resp.* Tenentur in primis illis in corporalibus subuenire: non possunt enim illis alimenta negare, nisi in poenam alicuius grauis criminis. Hinc fit, ut graue peccatum sit filios exponere, nisi magna necessitate cogente. Deinde tenentur subuenire in spiritualibus, ac proinde peccant lethaliter parentes, quorum incuria, & negligentia in grauia peccata filij prolabantur. Peccant denique grauiter, cum eos retrahunt ab optimis
mori

moribus, vel à perfectionis statu, vel cogunt ad statum suis viribus imparem, vt ad matrimonium, & religionem, & similes, faciuntque eos, vel nubere, vel inuitos profiteri. Quanquam enim parentes potestatem habent filios, obedientia iniuncta ad mortalem culpam obligante, abducendi à malis nuptiis, etiam post Concil. Trident. sess. 24. can. 9. de reformat. excommunicationis poenas decernens in principes seculares, qui tyrannicè matrimonia, quominus liberè fiant, impediunt, tamen non possunt eos etiam ad optima matrimonia, sibi tamen imparia, cogere.

8 *Int.* Quam reuerentiam tenetur vxor exhibere marito? *Resp.* Tenetur obedire in his, quæ ad bonos mores, & optimam domus gubernationem spectant: est enim vir caput, cuius est vtrumque dirigere: velle autem, spreto viro, gubernare, mortale est. Deinde si rixosa est, & intelligat virum ob rixas prorumpere in blasphemias, vel aliud genus peccati, tenetur sub mortali iram cohibere. Denique tenetur virum aliò mutantem domicilium sequi: nisi ex mutatione vitæ cuiusque, corporis nempe aut animæ, vel amissionis bonorum periculum immineat, vel pactum intercesserit ante nuptias de non mutanda sede, vel maritus velit nouo vitæ generi incumbere, nimirum vagari, negotiari, &c. quod ante nuptias non habebat.

9 *Int.* Quam reuerentiam tenetur maritus exhibere vxori? *Resp.* Tenetur illam honestè alloqui, reprehendere, moderatè punire, & ideo grauiter peccat illam absque causâ cohibendo à præceptis Ecclesiæ obseruandis, nimirum ab audiendo sacro diebus festis, à confessione annua facienda, nam prohibendo illam ab exercitatione consiliorum Christi solum venialiter, nisi multum illi interueniret. Peccat etiam grauiter illam extra correctionis modum castigando & percutiendo. Peccat item grauiter illam contumeliosis verbis insectando ob iniuriam, non emendam; vxor enim pars est, non serua.

C A P V T I X.

De quinto Decalogi præcepto. Non occides. §. 1.

1 *Quid est homicidium.*

2 *An sit homicidium occisio sui ipsius.*

3 *De mutilatore suorum membrorum.*

4 *An*

- 4 *An liceat in aliquo euentu se ipsum occidere.*
- 5 *An liceat in aliquo euentu membrum præscindere.*
- 6 *An liceat in aliquo casu permittere se occidi.*
- 7 *Quando est sui homicida, qui se mortis periculo exponit.*
- 8 *Quando licet hominem occidere.*
- 9 *An liceat occidere hominem auctoritate priuata ob bonum commune.*
- 10 *Qua auctoritate miles in bello iusto occidit hostem.*
- 11 *An peccet maritus occidendo adulterum.*
- 12 *An liceat occidere innocentem propter bonum commune.*
- 13 *An liceat occidere priuata auctoritate ob bonum particulare.*
- 14 *An liceat inuasorem occidere pro tuendo honore.*
- 15 *An liceat pro tuendo honore antequam impingatur alapa iam iam impendens, inuasorem occidere.*
- 16 *An liceat pro recuperando honore amisso inuasorem insequi, & occidere.*
- 17 *An liceat raptorem insequi, & occidere ad extorquendas pecunias raptas.*
- 18 *An liceat pro tuenda castitate inuasorem occidere.*
- 19 *Quod est peccatum desiderare alterius mortem.*
- 20 *Qui peccant contra præceptum de non occidendo.*
- 21 *Quis teneatur se morti offerre extra causam fidei, aut religionis.*
- 22 *Quis tenetur se morti offerre ob commune bonum.*
- 23 *De homicidio indirecto.*
- 24 *Quis peccat contra quintum præceptum ex defectu charitatis.*
- 25 *Quæ circumstantiæ aperiendæ in confessione homicidij.*
- 26 *De conuitio.*
- 27 *De contumelia.*
- 28 *Qualia sint peccata conuitium & contumelia.*

I **I N T E R R O G A T I O.** Quid est homicidium? *Resp.* Est iniusta hominis occisio.

3 *Int.* Occisio sui ipsius estne homicidium? *Resp.* Occidere se suis manibus deliberata occidendi intentione, est homicidium lethale. Nec excusatur, si fiat ad excusandam infamiam magnam, vel ob dolorem peccati commissi. Ita discernitur 23.q.5. *Can. si non licet, Can. si placuit*, ubi præcipitur, ne fiat oratio pro homine occisore sui, tanquam pro homine notoriè præscito. Nam in hoc peccato læditur propria chari

charitas, lædatur iustitia, contra quam homo priuat Rempub. sua parte. Lædatur gratitudo contra Deum, parui faciendo vitam ab eo donatam. Ratio certa, quia homo non est dominus propriæ vitæ, ac proinde illam prodigere non potest. Scio Samsonem, & multos martyres se ipsos occidisse proiciendo se in rogum. Respondet D. August. 5. de ciuit. c. 17. eos id fecisse ex sancti spiritus afflatu. Eandem peccati labem contrahit, qui præcipit, vel consulit, vel iuuat, vel cum possit facile prohibere, non prohibet homicidium.

3 Int. Quid dicendum de suorum mutilatore membrorū? Resp. Idem, quod dixi de suimet occisore, quia homo, vt non vitæ, sic nec membrorum suorum dominus est, vt decernitur L. 1. liber homo. ff. ad legem Aquiliam. Nec peccatum excusat affectus sanctitatis, veluti castitas ad abscindenda virilia.

4 Int. Licetne aliquo casu se ipsum occidere? Resp. Minimè. Vnde colliges peccare mortaliter eum, qui vitam decurtat per abstinentias, quas scit, & aduertit esse notabiliter indiscrētās, quamuis id faciat animo placandi Deum, & satisfaciendi pro peccatis. Ita D. Thom. 2. 2. q. 147. art. 2. & Beatus Hieronymus relatus cap. Non mediocriter, de consecr. distinct. 5. Item peccare mortaliter eum, qui comedit, aut potat id, ex quo intelligit sibi graue nocumentum salutis euenturum.

5 Int. Licetne in aliquo casu membrum præscindere? Resp. Licet. Vel ob sanitatem totius, vt præscindere manum tabe infectam, ne in dies malum serpat. Et à fortiori ad vitam cōseruandam. Ac proinde, qui captus ab hostibus nequireret, nisi abscissa manu, & relicta in vinculis fugere, & vitā tueri, posset eam abscindere, quemadmodum fecit Iosephus Iudæorum historiographus, vt ipse de se enarrat 2. de bello Iudaico, c. 17. Ita Maior in 4. d. 15. q. 12. dub. 1. Sot. 5. iust. q. 2. art. 1.

6 Int. Licetne in aliquo casu permittere se occidi? Resp. Licet, atque in primis in fidei defensionem, imò ad vitam potius ponendam, quàm fidem tenetur Christianus. Deinde propter bonum commune, vnde si ciuitas oppugnaretur ab hostibus propter vnum, etiam innocentem, ille, vt pars posset se obicere morti, ne tota ciuitas vastaretur, Imò teneretur, quia tenemur commune bonum proprio anteferre. Ita Sot. 5. iust. quæst. 1. art. 7. Tertiò, ratione iustitiæ, cum enim quis damnatus est mortis, potest, & tenetur om-

nes actiones, seu necessarias dispositiones ad necem adhibere, & pati, non tamen se iugulare, aut venenum haurire, vel se proicere in leonum caueam. Potest tamen pati oris reserationem, & infusionem veneni, & intromitti ad bestias, aut proiici sine repugnantia, licet re innocens, nocens autem testibus probatus. *Quartò*, pro amici liberatione, vt in naufragio, si vna tantum tabulae salus superesset, duos nequaquam capientis, possem illam non capere, & illam amico relinquere. Si tamen me roges, an iam captam dare possim, annuit *Victoria relit. de homicid. n. 26. c. 6.* cum communi Doctorum, & Tolet, *lib. 5. cap. 6.*

7 *Int.* Quando est homicida sui, qui se mortis periculo exponit? *Resp.* Quando periculum tale est, ex quo mors frequentius subsequi soleat, frequentius dixi, quia non est tale periculum, ex quo bis, aut ter mors fuerit subsequuta. Et ideo non sunt occisores sui, qui per altas scalas ad parietes, rectaque templorum tapetibus vestienda ascendunt, neque item funambuli in ea ludendi arte peritissimi, quamuis aliquando quis ceciderit & mortuus sit.

8 *Int.* Quando licet hominem occidere sine homicidij labe? *Resp.* In primis occidere hominem ex iustitia, iuxta legum scita, & decreta, peccatum nullum est: imò est actus moritarius, si fiat, vt fieri debet. Fiet autem, si *quatuor* conditiones concurrant, quarum vel vna deficiente, mortale peccatum est. *Prima*, vt fiat auctoritate publica: nemini autem auctoritate priuata licet occidere, etiam nocentissimum hominem, & ideo occidendo mortaliter delinquit. *Secunda* conditio est, vt fiat ex causa, quae quidem grauis esse debet, vt poena proportionetur culpae. *Tertia*, vt seruetur iuris ordo. *Quarta*, vt sit recta iudicis intentio ex iustitiae zelo moti, non ex ira, odio, vel alia inordinata passione.

9 *Int.* Circa primam conditionem quaero, an liceat aliquando occidere auctoritate priuata ob bonum commune? *Resp.* Licet quidem. In primis, si aliter tyrannus non possit à ciuitate occupata expelli. Ita D. Tho. 2. *sentent. d. 44. q. 2. art. 2. & opusc. 20. de reg. princ. cap. 6.* vbi dicit non peccasse M. Brutum occidendo Cæsarem. Hunc tamen tyrannum intelligo, qui sine titulo vero vult aliis tyrannicè dominari: nam illum, qui vero titulo dominationis tyrannicè tractat Rem-
pub.

pub. nequaquam ita occidi licet, vt decernit. Concil. Constant. *sessione* 15. atque oppositum dicere, vt hæreticum damnat.

10 *Int.* Qua auctoritate miles in bello iusto hostem occidit? *Resp.* publica: est enim publicus minister publicæ vindictæ.

11 *Int.* Peccatne maritus occidendo adulterum deprehensum in adulterio? *Resp.* Peccat. Ita definitur 43. *quasi*. 2. & *cap. inter hæc* 33. *q. 2.* ibi Gloss. & Nauarr. *cap. 15. num. 4.* Verum quidem est Cæsareas leges connuere in hoc homicidio, illudque impunitum relinquere, vt profusam adulterorum licentiam, & audaciam cohibeant, dum eorum occisores poenis minimè afficiunt.

12 *Int.* Circa secundam conditionem, quæro ex te, licetne occidere innocentem propter Reipub. bonum? verbi gratia: est tyrannus deuastaturus urbem, nisi illi tradatur innocens Titius ad mortem, vel coram eo occidatur, licetne illum tradere internecioni, aut occidere? *Resp.* Communis tenet opinio non licere, posse tamen Rempub. illum non defendere. Crediderim tamen probabilem valde esse opinionem Tolet. in sua restitutione de homicidio, cum asserit Rempub. talem innocentem, vel tradere, vel occidere posse. Ratio illius est, quia Respublica vim habet ad cogendum suum ciuem exequi naturale ius, quo tenetur; sed in euentu proposito talis innocens iure naturali tenetur pro totius Reipub. salute se morti offerre: ergo, &c. Vnus tamen euentus est in quo absque controuersia innocentem licet occidere, nimirum cum secundum allegata, & probata ostenditur nocens. Sed de hoc puncto in octauo præcepto me longius interrogabis.

13 *Int.* Licetne aliquando occidere hominem priuata auctoritate ob bonum particulare? *Resp.* Licet, nimirum cogente necessitate: in primis cum opus est ad propriam vitam, vel parentis, vel amici, vel consanguinei ab inuasore defendendam. Ita Gloss. *Clement. unica de homicidio.* Imò si inuasus est publica persona; à qua multum pendet bonum commune, tenetur inuasorem internecare, & vitam propriam tueri. E contra verò si inuasor est persona publica, à qua similiter commune bonum valde pendet, tenetur permittere se occidi, quia tamquam pars tenetur subire damnum,

ne totum pereat. Cùm verò inuasor, & inuasus priuatæ personæ sunt, potest inuasus inuasorem occidere, & iuxta communem sententiam permittere se occidi, quia vt pars tenetur subire damnum, ne totum pereat, ita potest aliam partem aut perimere, aut tueri, cùm ab illa iniuste appetitur.

14 *Int.* Licetne etiam inuasorem occidere ad tuendum honorem? *Resp.* Licet. Ita tenet communis sententia. Ita Bald. in reper. l. 1. Cod. unde vi. Panormit. & Nauar. cap. Olim, vt refert in sum. c. 15. num. 4. Ex quo fit, vt si inuasus nobilis ex fuga contrahat infamiam, fugere non teneatur, sed possit occidere, cùm aliter propulsare iniuriam nequit. Quam tamen infamiâ fugiendo non contrahit religiosus, aut clericus: licet præclaris parentibus ortus, quorum interest potiùs patientiam Christi humilitatemque colere, quàm vanum honorem sectari.

15 *Int.* Licetne ad tuendum honorem occidere inuasorem alapa iam facta, iniurias minitantem antequam eam impingat? *Resp.* Affirmatiuè Doctores omnes vnanimi consensu respondent.

16 *Int.* Licetne ad honorem tuendum inuasorem post impactam alapam fugientem insequi, & occidere? *Resp.* Negat Tolet. lib. 5. c. 1. Oppositum tamen docet Nau. c. 15. nu. 4. ad finem, inquiens. Qui affectus iniuria, magnam honoris iacturam faceret, si fugientem non persequeretur, inuasorem persequi posset, & percutere tantùm, quantum ad sui honoris defensionem opus esset, etiam occidendo, si ad id opus esset. Ratio est, quia ego possum persequi furem, & illata vi, etiam mortis illius damno, rapta recuperare: ergo maiori cum ratione infamatorem, & ab eo raptum honorem extorquere.

17 *Int.* Licetne etiam eodem modo inuasorẽ insequi, & occidere ad extorquendas pecunias, aut alias res familiares furto ablatas? *Resp.* Licet, cùm aliter res haberi, & recuperari nõ potest. Dixi cū aliter res haberi non potest, quia peccat mortaliter, qui noctu. aut diu furem interimit, cùm possit illum apprehendere, & se suaque omnia tutò defendere non occidendo. Ita communis docet opinio, & liquet c. Si perfodiẽs, de homicidio. Et quamuis leges inter nocturnum atque diurnum latronem discrimen faciant, occisoremque nocturni latronis non puniant, quia præsumunt latronis homicidia, tamen in foro

foro animæ standum est veritati, non præsumptioni.

Hæc quoque veritas de secularibus personis, non Ecclesiasticis intelligitur, & decernitur *c. Suscepimus, de homicidio*, vbi sic sacer textus. Satius est post tunicam relinquere pallium, quam pro tunica, aut pallio alienam vitam eripere.

18 *Int.* Licetne præterea ad tuendam castitatem inuasorem occidere? *Resp.* Constans est Doctorum omnium sententia, quæ affirmat. Dubium verò est, an teneatur occidere? certum est foeminam non peccare lethalter, licet inuita sinat se stuprari, si inturpitudinis delectationem non consentiat, nec proinde coram Deo amittere virginitatem, & ideo si certa esset se minimè delectationi consensum præbituram, posse non occidere inuasorem. Ita *Syl. verb. homicid. §. 8.* Verum, quia magnum consentiendi periculum est, propter vehementiam obiecti, securius inuasorem occideret, cum aliter impolluta euadere nequit.

19 *Int.* Quod peccatum est desiderare alicuius mortem, propter bonum aliquod inde desideranti proueniens? *Resp.* Nullum peccatum agnoscit *Nauar. l. 13. nu. 9.* vbi dicit licere alicuius mortem optare in aliquem bonum finem, & honestum, videlicet, ne Deum offendat, ne aliquod crimen committat: regis Turcarum mortem optare, vt Christianus princeps succedat & ad fidem veniat illud Imperium. Addit *Sot. 5. iust. qu. 12. art. 1.* posse nos optare mortem iniustorum inimicorum, cum ad nostram quietem aliud remedium facillè non suppetit.

20 *Int.* Qui peccant contra hoc præceptum de non occidendo? *Resp.* In primis, qui alicui dedit sano, vel ægroto comedendum id, quod sciebat graue nocumentum illius saluti allaturum: tantam vini copiam, ex qua sciebat ebrietatē futuram, aut febrim excitandam, aut grauem mœrorem euenturum. Saluti, inquam, etiam animæ, vt grauem tentationem libidinis, iræ & similibum. Peccat nutrix, quæ tenellū infantem secum in lecto noctu habet cum periculo suffocandi inter dormiendum. Peccat, qui mulierem grauidam ita vel comprimit in coitu, vel plagis afficit in correctione, vt periculum sit abortus. Id verò intelligo, siue id fiat ante foetus animationem, siue post. Quamuis enim peccatum sit diuersum, quoniā post animationem foetus est hominis occisio, ante verò est embryonis occisio, vtraque occisio homicidiū iure appellari potest,

potest, quia embryo homo inchoatus est, qui si occidatur, reuera impeditur humana generatio. Peccat mulier, quæ quouis modo procurat abortum, vel se abortiendi periculo exponit. Peccat, qui proficiscitur ad bellum iniustum, sciens esse iniustum. Peccat, qui iniuste ad mortem damnatum manifesta iniustitia, non liberat, cum possit. Iuxta illud Prou. 24. *Erue eos, qui ducuntur ad mortem*. Peccat, qui inuaso ab inimicis suis non subuenit, cum commodè possit, sine magno incommodo, iuxta B. Ambrosium, relatum c. *Non inferenda* 23. q. 3. nisi sit officialis publicus, quoniam hic armata manu tenetur subuenire, ut notat D. Ant. 2. p. tit. 7. c. 8. §. 2. & Nau. c. 15. n. 15. tenetur, inquã, non tantum ex charitate, sed etiam ex iustitia. Peccat, qui suo testimonio aliquem ab iniusta morte potest liberare, & non vult testificari, qui si iuridicè interrogetur, & neget, vel taceat, contra iustitiam delinquit. Ita D. Tho. 2. 2. q. 70. art. 1. Gab. in 4. d. 15. n. 6. ar. 2. Peccat, qui rogatus iuridicè contra reum ab accusatore, ex officio sub iuramento agente, postulat ad poenam, aut negat veritatem, aut non vult testimonium ferre, defectu cuius accusator punietur talionis poena. Probatur, quia talis accusator exigit iuridicè id, ad quod ius habet. Nauar. citato loco longius vagatur, atque in eo casu teneri testem ad testimonium ferendum non rogatum, quia tenetur, inquit, succurrere vitæ proximi periclitantis extreme, qualis tunc est ille accusator ex officio. Secus, inquit, si non ex officio obligaretur accusare, quia ille sponte sua se in tale periculum iniecit. Verumtamen hac in re non est audiendus Nauarrus, atque suamet ratione conuincendus: enim uerò licet quis ex officio teneatur accusare sub iureiurando obligatus, non tenetur tamen accusare, nisi ea crimina, quæ iuridicè potest probare, & ad id tantummodò suum iuramentum iuris interpretatione præstitit, & ideo cum accusat, quod iuridicè probare nequit, ipse se in laqueum misit, nec ab eo liberandus, ut alter detineatur.

21 *Int.* Quis tenetur se morti offerre extra causam fidei, aut religionis? *Resp.* Qui contra aliquem falsum protulit testimonium, ob quod ille damnatur ad mortem: tunc enim, licet cum periculo propriæ vitæ, debet retractare testimonium. Ita communis tenet Doctorum sensus. Sed de eo latius ad 8. præceptum, cum egerimus de ordine iudiciariæ correctionis, respondebo.

22 *Int.* Quis tenetur se morti offerre ob commune bonū?
Resp. Tenetur quiuis etiam innocēs, cum propter illum commune bonum Reipublicæ perit: vt cū tyrānus obsidet ciuitatem, & à se funditus delendam minatur, nisi certus innocens morti donetur: talis, inquam, innocens morti se offerre tenetur, atque cum Iona dicere. *Tollite me, & mittite in mare, & cessabit mare à vobis. Scio enim ego quoniam propter me tempestas hac grandis venit super vos.* Ioan. 1. tenetur itidē innocens qui expetitur, vel exponitur à suo Principe ad duellum ad componendam pacem inter regna; multorūque neces euitandas.

23 *Int.* Hactenus dixisti de homicidio directè intento, iam te rogabo de homicidio indirecto: dic igitur, quis peccat homicidio indirecto? *Resp.* Qui non adhibita diligētia debita ad cauendum homicidium rem peragit, ex qua illud sequutum fuit, vt cū explosit bombardam crassa negligentia inaduerrens, ne quis adesset obuius. Peccat præterea, qui omittit aliquid, quod ex iustitia tenetur facere, si ex tali omissione homicidium sequatur. Quamobrem peccant grauiter cōtra hoc indirectum homicidiū Principes, & Gubernatores, qui cum teneantur feruare ciues indemnes, & saluos adhibita cura diligenti ad comprehendēdos sicarios noctu, vel viarū spoliatores, diu negligunt sceleratorum punitionem, qui proposita sibi impunitate licentiū homines spoliant, & spoliatos occidunt. Peccant grauissimè iudices, qui, ne ostendant insciam, causam iudicant ignorantes, damnantque capitis innocentem, cū teneantur addiscere iura, aut saltem sapientiores consulere, aut officio cedere. Quique etiam si ius calleant, ne labore legendi, aut inquirendi defatigentur, re parum perspecta, & considerata mortis sententiam ferunt. Peccat præterea medicus, cuius incuria, vel imperitia obit infirmus, tenetur enim, aut artem callere, & diligentiam adhibere, aut officium omittere. Peccant, qui feras alunt, vt Tygres, Leones, Vrsos, & alias, & non curant, vt minimè noceant. Peccant parentes, qui cum sciant filios esse iracundos, & superbos, valdeque obnoxios rixæ, sinunt eos arma gestare. Peccant denique illi, quibus iustè demandata est cura, vt præsent loco, vbi periculum homicidij timetur, ad sedandam seditionem, cū abscedunt, & relinquunt stationem.

44 *Int.* Hactenus de homicidio ratione iustitiæ: nūc te rogabo

gabo de homicidio ratione charitatis. Qui peccant contra hoc præceptū ratione charitatis? *Resp.* Peccat mortaliter, qui in extrema vitæ necessitate posito, aut graui non succurrit, cūm potest. Peccat, qui sciens alium iniuste adiudicandum morti, aut alicui poenæ graui, nisi ipse veritatis ferat testimonium, illud non fert, sinitque innocentem occidi, aut poena graui affici, quamquam non interrogetur. Peccat grauiter, qui scit esse alicui paratas insidias, in quibus realiter occidetur, nisi admoneatur, si non admoneat, aut saltem debitam diligentiam non adhibeat vt admoneat.

25 *Int.* Suntne aliquæ circumstantiæ in peccato homicidij necessariò aperiendæ in confessione? *Resp.* Sunt. Atque in primis ex parte personæ occisæ, vt si erat pater, mater, filius, vxor, frater: est enim circumstantia notabiliter aggrauans, de qua in propria materia de Sacramento poenitentiæ, diuino numine redibit sermo. Itē si erat persona sacris initiata, ratione excommunicationis annexæ, quæ autem talis sit, dicā in materia de excommunicatione, cūm de censuris egerimus. Si denique erat persona, ex cuius percussione alij notabile dānum patiuntur, vt si pater erat: cuius filij orphani reliquūtur; si erat seruus cuius dominus pretium perdidit: si erat operarius cuius labore familia alebatur; in his enim percussionibus ratio admiscetur iniustitiæ restitutioni obnoxia. *Secundò*, ratione loci, quia si factum fuit in loco sacro, habet coniunctam sacrilegij malitiam: si in loco publico, est cum scandalo coniunctum. *Denique* ratione complicum: enim verò patefaciendum est, an homicidium solus, vel cum aliis patrauerit, & circa eos an nihil minùs cogitantes induxerit ad occisionem, quia, vt claret, præter sacrilegij, etiam scandali culpa innodatur.

26 *Int.* Quoniam in hoc quinto præcepto prohibentur cōuitia & contumeliæ, rogo te, quid est conuitium? *Resp.* Conuitium secundum D. Tho. 2. 2. q. 72. art. 2. est inhonoratio facta alicui absenti per verba, aut signa vocalia, aut scripta denotantia malum poenæ, vel culpæ, aut defectus naturæ, vt cum dicitur de aliquo, quidam fur, mendax (quæ sunt mala culpæ) stulte, insensate, (quæ sunt mala poenæ) cæce, fili illegitime, Iudæe, qui sunt defectus naturæ.

27 *Int.* Quid est contumelia? *Resp.* Contumelia est inhonoratio facta alicui præsentī per verba, vel signa denotantia malum

lum culpæ, vel poenæ, aut defectus naturæ. Itaque solum differt conuitium à contumelia, quia conuitium est inhonoratio absentis, contumelia verò præsentis.

28 *Int.* Quale peccatum est conuitium & contumelia? *Resp.* Ex genere suo lethale graue; si fiat animo inhonorandi, & inter personas, quæ istis conuitiis, & contumeliis grauem iacturam famæ, & honoris patiuntur. Hoc dixerim propter mulierculas istis conuitiis, atque contumeliis assuetas, quæque inuicem condonantes immediatè post bibunt, accedunt, tam paruo doloris sensu, ac si ne verbum quidem fecissent. Crediderim tamen verum esse, quod docet Tolet. *lib.5. cap.9.* huiusmodi contumelias, & conuitia inter personas bonæ notæ, si ex solo contemptu, licet non inhonorandi animo iactentur, esse peccatum lethale, quia ille iniustus contemptus, iniuria est grauis.

C A P V T X.

De sexto Decalogi præcepto.

Non mœchaberis. §. 1.

1 *Prohibentur in hoc præcepto omnes species luxuriæ.*

2 *Prohibetur morosa venereorum delectatio.*

1 **I**NTERROGATIO. Quæ prohibentur in hoc præcepto? *Resp.* Omnes luxuriæ species. Deinde oscula, tactus, amplexus ob carnalem delectationem tantum. Ita Caiet. *opusc. de delectat. mor.* & Tolet. *lib.5. c.16.* Ratio est manifesta, quia licet in his sola carnalis delectatio intendatur absque copula, illa tamen ex natura rei ad copulam diriguntur, ac proinde huiusmodi carnalis delectatio est quasi copula inchoata.

2 *Int.* Quid ampliùs prohibetur? *Resp.* Morosa venerearum rerum delectatio. De his tamen circa malitiæ grauitatem, peccatorumque species ad luxuriæ vitium in 4. parte Examinis, si tibi placet, tractationem omittamus.

C A P V T XI.

Non furtum facies.

De septimo Decalogi præcepto. §. 1.

F 5

1 Quid

- 1 *Quid prohibetur in hoc præcepto.*
- 2 *Quid intelligitur nomine furti.*
- 3 *De iniusta acceptione, & retentione.*
- 4 *De irrationabiliter inuito domino.*

1 **I** N T E R R O G A T I O. Quid prohibetur in hoc præcepto? *Resp.* Furtum.

2 *Int.* Furti nomine quid intelligitur? *Resp.* Ablatio quævis iniusta rei alienæ domino iustè inuito. Hæc furti definitio, quod sub hoc præcepto interdicitur, ab omnibus colligitur Doctoribus.

3 *Int.* Ablationis nomine solámne iniustā rei acceptionem intelligis? *Resp.* Minimè, sed quamvis etiam iniustam retentionem, & præterea quamvis iniustam damnificationem. Ita enim intelligit D.Th. 2.2.q.66.ar.1.Reina.1.p.Pantheologie. tit.de fur.c.1.Sot.5.iust.q.5.art.1.alique communiter.

4 *Int.* Quæ est iniusta ablatio aut retentio domino inuito? *Resp.* Quæ fit absque vlla causâ, & ratione, ob quam irrationabiliter inuitus censeatur dominus.

5 *Int.* Sûntne aliquæ causæ ob quas dominus ablationem pati, & retentionem censeatur irrationabiliter inuitus? *Resp.* Plurimæ quidem. Atque in primis eam ablationem & retentionem, quæ fit per iocum, vt sæpè contingit inter amicos. *Secundò* eam, quæ fit in pœnam. Qualis fuit ablatio, & retentio Ægyptiarum diuitiarum facta in exitu captiuitatis à filiis Israël, iubente Deo, non tantum vt rerum domino, quas à quouis auferre, & cuius donare potest; iuxta illud Iobi proloquium, *Dominus dedit, Dominus abstulit*, &c. Sed etiam, vt iudice in pœnam diuitiarum copias pro labore captiuis adiudicante, vt voluit D. Thomas, Sot. & alij proximè citati. *Tertiò* eam quæ fit in ipsius domini commodum, & vtilitatem, vt cum vxor pecunias clam surripit, ne eas maritus alea obliguriat, quas in vsum familiæ necessarium consumit. Ita Syluest. *furt.* §.15. *Quartò* eam, qua quis charitas rumpit, ne aleator patrimonium ludat: vinum fundit, ne alius inebrietur, quia hæc ablationes ex proximi charitate procedunt, aduersus quam iniustè dominus stomachatur. *Quintò* eam quæ fit cogente extrema, vel graui necessitate; quia hæc procedit ex charitate propria benè ordinata, quæ in extrema necessitate omnia facit communia: in graui verò pro tempore præsentis inopiæ postea reuocanda in pinguiori fortuna,

tuna. *Sextò* eam, per quam sit recompensatio certi, & liquidi debiti, quod alia via iuridicè præ debitoris potentia nequaquam recuperari potest. Ita omnes Doctores. Dixi, quod alia via recuperari non potest: quia cum potest, peccat graviter recompensator, sed quoniam suum accipit, restituere non tenetur. Ita Arch. 14. q. 5. & Tol. proximè citatus. Ratio est, quia sine causa iram proximi commouet, & scandalum præbet suspicantibus esse in vicinia raptores. Quod si ob id innocens quisquã veniat in suspicionem furti: absolutè aliqui affirmant teneri recòpensantem manifestare furtum, & ablatũ reddere, putantque id decretum ab Innocentio *c. Olim de rest. spol.* cuius hæc sunt verba. Quidam dicunt, & non malè, quod etiam sua auctoritate, potest quis accipere furtivè, dũmodò ex tali furto nec malum, nec scandalum oriatur: quia si inde generetur, vel contra uxorem, vel contra familiam, vel contra quẽcumque alium, debet rem in pristinum statum restituere. Verum tamen de hac re in restitutione de homicidio latius dicam: interim, *Dico* primò, si nullum recòpensans damnum prævidit proximo euẽturũ ex recompẽsatione, potest ex charitate cum propria infamia ablatum restituere. Ratio est, quia suæ famæ dominus est. Non tamen tenetur. Ratio est, quia ille iure suo usus est, ex quo per accidẽs illud alteri damnum euenit. *Dico* secundò; si recòpensans illud dānum prævidit, sed dõluit, neq; ex illius intentione recòpensationem fecit, etiã propter eandem rationem non tenetur restituere. *Dico* tertio. Si damnum prævidit, & ex odio ad compensationem processit, tenetur cum propria infamia damnificatum suspitione liberare.

6 *Jnt.* Quos intelligis dominorum nomine? *Re/p.* Intelligo etiam custodes rei ablata, vt creditores, depositarios, pignoratōres. Ideo ab iis clam, & inuitis nec proprii domini absque peccato possunt rem auferre. Ita dooet D. Thomas proximè citatus. Syl. *furt.* 1. Ang. *ibidem* §. 4.

C A P V T XII.

De restitutione in communi.

1 *Quid est restitutio.*

2 *Quæ considerandæ circumstantiæ in restitutione.*

1 **I**NTERROGATIO. Quid est restitutio? *Resp.* Est actus iustitiæ commutatiuæ, quo cuique redditur quod ab eo iniuste

iniuste ablatum est, vel iniuste eo inuito retinetur.

2 *Int.* Quæ præcipue consideranda in materia restitutionis? *Resp.* Circumstantiæ nouem, quas duplici versu Doctores comprehenderunt.

Quis. Quid restituet. Cui. Quantum. Quomodo. Quando. Ordine. Quove loco. Quæ causa excuset iniquum.

De circumstantia Quis. §. 1.

1 *Quis restituere tenetur.*

2 *Quot modis rem alienam possumus accipere iuste.*

3 *Quis restituere tenetur, licet rem iuste acceperit.*

4 *Quis restituere tenetur ratione damni illati.*

5 *An sit numerandum inter damna lucrum cessans iniuste impeditum.*

6 *Qui ratione damni illati tenentur restituere præter præcipuum damnificatorem.*

1 **I**NTERROGATIO. Quis restituere tenetur? *Resp.* Qui rem alienam retinet, & qui rem alienam malè accepit, licet non retineat, quia iam res ipsa periit. Malè, dixi, quia qui rem alienam bona fide, ut suam accepit, & ut suam dissipauit, vel amissit, nil restituere tenetur, nisi ex re illa aliena ditior factus sit, quoad partem accretionis, ratione ipsius rei acquisitam. Acquisitam, dixi, ratione ipsius rei, quia si ditior factus sit ratione propriæ industriæ, non tenetur lucra illa simul cum re domino reddere. Aliter dicendum, cum res illa bona fide accepta ex malitia accipientis, vel negligentia moraliter crassa periit: tunc enim accipienti periit, & non domino.

2 *Int.* Quot modis rem alienam iuste accipere possumus? *Resp.* Quinque, *emptione, accommodatione, locatione, pignoratione, deposito.*

3 *Int.* Quis tenetur restituere, licet iuste his quinque modis rem alienam acceperit? *Resp.* Qui inuito domino rem retinuit, quæ in illa retentionis mora periit. Deinde, qui ea conditione accepit, ut accipienti, & non domino perirer.

4 *Int.* Quis restituere tenetur ratione damni illati? *Resp.* Qui illud intulit iniuste. Iniuste verè illud intulit, qui per fraudem, dolum, aut vim illius causa fuit. Iniuste, dixi, quia qui peccando contra solam charitatem, proximum damnificauit, ad nullam restitutionem obligatur. Et hoc apud omnes

omnes in confesso , vt proloquium vsurpatum in hac materia est.

5 *Int.* Adnumerandumne est inter damna lucrum cessans per vim , fraudem , aut dolum impeditum ? *Resp.* Maximè. Duo tamen adesse oportet ad obligationem istam inducendam : primum vt damnificatus illud reuera esset consequuturus. Secundum , vt ad illud consequendum ius haberet in re (sic vocant) vel ad rem : alioqui nihilo suo illum priuamus , imò aliquando pro charitate pugnantes , iniustæ , & indignæ consequutioni obuiam imus. Dicitur verò habere ius in re ille , qui illam pacificè obtinet. Dicitur verò habere ius ad rem , qui illa dignus est : & ideo cùm quis beneficio dignus , illud consequuturus erat , & ab illius consequutione per vim , fraudem , aut dolum impeditur , iniuste læditur , & restitutione sanandus est. Dolum verò censendum arbitror falsum mendacium circa alterius mores , scientiam , iudicium , aut quid simile , collatoris mentem à collatione alienans.

6 *Int.* Qui ratione damni illati tenentur restituere , præter præcipuum damnificatorem ? *Resp.* Qui vno ex modis nouem ad illud cucurrerunt. Quos duplici item versu comprehenderunt Doctores.

Iussio. Consilium. Consensus. Palpo. Recursus.

Participans. Mutus. Non obstans. Non manifestans.

Hoc est. Qui iussit damnum inferre. Qui consuluit. Qui consensit. Qui laudauit. Qui fouit damnificatorem. Quando scilicet ex vi consensus, consilij, fauoris, adulationis damnum ita sequutum fuit , vt aliter nequaquam sequeretur. Item participans , Cooperans. Qui quidem si ita cucurrit , vt nisi cucurrisset damnum minimè inferretur, tenetur , si alij cooperatores nolint , damnum in solidum restituere , aut eam partem , quæ absque sua cooperatione non damnificaretur. Ratio est manifesta, quia in eo damno censetur totalis causa, sine qua non datum fuisset , ergo illud quodcunque est , tenetur resarcire. Item mutus. Non obstans. Non manifestans. Cùm ex officio tenebatur loqui, ob stare, manifestare : aliter quidem minimè. Ita communiter Doctores verba ista interpretantur , cum quibus Sot. 4. iust. q. 7. art. 3. Caietan. verb. rest. Tolet. lib. 5. cap. 21. num. 3.

De

De circumstantia Quid. §. 3.

1 *Quid est restituendum.*

1 INTERROGATIO. Quid est restituendum? *Resp.* In primis ipsa res, si extat, vel pretium eius, si iam periiit. Deinde lucra cessantia ex ipsa re oriunda. Tertio pretium damni illati. Quarto damna emergentia. Denique fructus rei frugiferæ ex ipsa re collecti. Ex ipsa re dixi, quia illi qui ex industria lucrantis prouenerunt, quanquam aliena pecunia conquisiti, illius sunt.

De circumstantia Cui. §. 4.

1 *cui facienda est restitutio.*

2 *Si facienda est pauperibus, per quem est facienda.*

3 *Si facta restitutione in pauperes, dominus verus compareat, quid faciendum.*

1 INTERROGATIO. Cui facienda est restitutio? *Resp.* Ipsimet à quo res ablata est, si verus dominus rei est. De hac veritate nullus est, qui dubitet. Dubitant verò valdè Doctores, dissidentque vehementer, si ablata res est à non domino, iniustè illam retinente. Sed quia in tractatu de re furtiua, & de restitutione pretij pro iniustis operibus dati, & accepti, suum proprium locum habet, ibi pro tua singulari in me beneuolentia iterum interrogationem facies. Si tamen verus dominus non existat, hæredibus restitutio est facienda: inter quos maius minúsve hæreditarium ius obseruari debet. Deficientibus verò hæredibus, pauperes succedunt, quorum nomine etiam veniunt pia opera, monasteria, viduæ, pupilli, &c.

2 *Int.* A quo facienda est huiusmodi in pauperes distributio? *Resp.* Nonnulli volunt faciendam esse ab Episcopo. Satis tamen est, si ab ipso accipiente & possidente fiat, amotis fraude, & dolo. Ita Tol proximè. Atque inter pauperes computari potest ipse distribuens, si pauper est, partemque sibi, vel totum reseruare potest, si æquè benè ipse, atque alij eget.

3 *Int.* Quid fiet, si post distributionem verus dominus compareat? *Resp.* Si facta fuit debita in conquirendo domino diligentia, nihil illi ultra debetur; quoniam facta distributio in illius spiritualem vtilitatem cedit. Ita omnes, & Tolet. lib. 5. c. 34. num. ult.

De

De circumstantia Quantum. §. 5.

1 *Quantum est pro damno restituendum.*

1 **I**NTERROGATIO. Pro damno quantum est restituendum? *Resp.* Pro iniuriæ damno iuxta boni viri arbitrium. Pro re damnificata, tantum pretium, quantum æstimanda erat, si sibi relicta ad perfectionem perueniret: deductis tamen inde expensis, quas factura erat in perueniendo illuc, computatisque periculis non perueniendi. Rectè tamen aduertit Tolet. *lib. 5. cap. 34.* cum damnum malitiosè illatum fuit, & dominus nollet illa pericula vendere, esse ad integrum fermè restitutionem faciendam, quia nemo cogi potest ad rem suam vendendam in voluptatem, aut alterius priuatam vtilitatem: ac proinde potest pro illa de quouis pretio pacisci,

De circumstantia Quomodo. §. 6.

1 *An sit satis restituere per alium.*

1 **I**NTERROGATIO. Quomodo est restituendum? Satisne est per alium restituere, ita vt quis liber sit ab iterum restituendo, si res ad dominum non perueniat? *Resp.* Discrimen magnum est hac in re inter mutuuum, & accommodatum, ex eo quod in mutuo rei mutuatae dominium transfertur, in accommodato verò minimè: & ideo Dico *Primo*. Qui mutuas pecunias dedit Titio restituendas Theodoro, quantumcunque Titius sit fidei probatae, si pecunias non dedit, tenetur mutuatarius illas iterum restituere. Dico *Secundo*, qui rem commodatam, pignoratam. vel depositam Titio dedit bonæ & probatae fidei viro, restituendam Theodoro, Titiusque non dedit, ad nil amplius tenetur accommodatarius. Ita communis sententia cum Card. Tolet. proximè. Quod saltem verissimum est, cum nulla Titij res interiit. Ratio est manifesta, quia res commodata, deposita, & pignorata semper fuit & est domini, & ideo illi perit, cum absque possidentis malitia, crassaque negligentia perit.

De circumstantia Quando. §. 7.

1 *Quando est restituendum.*

2 *Quando dicitur quis impotens ad commodè restituendum.*

3 *Quando dicetur notabile detrimentum omni ex restitutione.*

4 *An teneamur restituere cum notabili ei proprie detrimentis quando*

quando creditor patitur detrimentum leue , ne illi restituatur.

- 5 An teneamur restituere cum quouis nostro periculo , cum creditor ex defectu restitutionis est in eodem.

1 INTERROGATIO. Quando est restituendum? *Resp.* Vbi primum dominus incipit esse rationabiliter iniustus, cum commodè fieri potest restitutio , & non fit. Atque ideo qui cum possit, & debeat restituere, non vult, peccat lethaleriter, & quò magis differt, & grauius peccat, & quoties occasio restituendi se offert, & non vult statim restituere, aut id non curat, mortaliter etiam peccat. Quamobrem, qui debita, cum possit statim soluere, omittit vsque ad testamentum, in peccato obit, iuxta communem sententiam. Similiter qui cum habent dubia debita, nolunt veritatem dilucidare, sed in testamento relinquunt, vt hæredes id videant, in peccato decedunt. Ita omnes Doctores.

2 *Int.* Quando dicitur aliquis non posse commodè restituere? *Resp.* Imprimis cum non potest absque vitæ periculo, vel propriæ infamiæ. Deinde cum non potest absque notabili rei propriæ detrimento, quando creditor nullum tale detrimentum incurrit. Notabili, dixi, quia cum leui tenetur iuxta omnes. Dixi (rei propriæ) quia non est censendum notabile detrimentum lucrum cessans ratione restitutionis pecuniarum, quas quis furatus, negotio exposuit, vt notauit Caiet. 2. 2. q. 62. ut. 8. & est magnopere aduertendum. Quoniam illa pecunia, seu alia res furto comparata, lucrum gignens, non est furantis, & retinentis, nec ex consequenti status decencia, & apparatus ex ea proueniens, sed est Domini, penes quem est rei dominium.

3 *Int.* Quando igitur dicitur notabile propriæ rei detrimentum ex restitutione proueniens? *Resp.* Cum debitor, vt restituat, cogitur rem suam notabili minori pretio vendere, vel quid simile pati ex accelerata restitutione.

4 *Int.* Teneturne debitor restituere cum notabili rei propriæ detrimento, quando creditor patitur aliquod leue? *Resp.* Res est admodum controuersa. Caiet. in sum. verb. rest. Sot. 8. iust. q. 7. art. 4. cum distinctione procedunt, aiuntque teneri, quando restitutio fit ratione iniustæ acceptionis, vtpotè furti, vel damni illati; non teneri verò, cum fit ratione iustæ acceptionis

ceptionis, & debitor non se culpabiliter in eas angustias redegit. Opposita tamen sententia omninò asserenda cum D. Anton. 2. p. tit. 2. cap. 8. Nau. cap. 17. num. 58. Tolet. lib. 5. cap. 34. cum alijs. Ratio est, quia in eo euentu, proprius dominus irrationabiliter est inuitus.

§ Int. Teneturne quis rem alienam restituere cum propriæ vitæ periculo, quando inuitus dominus ex defectu illius est in eodem periculo, vt in extrema penuria ex defectu panis quem illi debeo? *Resp.* Negant Sot. 4. iust. q. 7. art. 1. Caiet. rest. Tab. ibi. §. 4. idque etiam, quando res furto sublata est ante ipsam extremam necessitatem. Ratio eorum est, quia illa extrema necessitas, quidquid est in potestate alicuius, facit proprium. Affirmant verumtamen Scot. in 4. d. 12. q. 2. Nau. c. 17. num. 60. & ex consequenti omnes qui asserunt infamatorem per falsum testimonium teneri cum periculo vitæ palinodiam canere, cum ob illud diffamatus in simili vitæ discrimine versatur. Et hæc est communis sententia.

De circumstantia Quomodo. §. 7.

I Quomodo facienda est restitutio.

I INTERROGATIO. Quomodo, seu quo ordine facienda est restitutio? *Resp.* Prius restituenda res, quæ existit, quocumque modo acquisita. Si tamen in pauperes diuidentur, pretium distribui potest. Deinde, inter debita prius certa, quàm incerta. Tertio, inter certa prius ea, quorum domini cognoscuntur, quàm ea, quorum domini ignorantur. Quarto, inter certa, quorum domini ignorantur, prius quæ iusto, quàm quæ illicito contractu facta sunt. Ita cum plurius Tolet. lib. 5. c. 34.

De circumstantia Vbi, seu quo loco. §. 8.

I Quo loco facienda est restitutio.

I INTERROGATIO. Quo loco facienda est restitutio? *Resp.* Facienda est vbi res est, si possessor sit bonæ fidei. Ita Caiet. 2. 2. q. 92. artic. 5. & in sum. verb. restitut. capit. 5. Med. q. 2. de rest. Sot. 4. iust. q. 7. artic. 1. ad 3. Ledesma 2. 4. q. 18. artic. 5. Nau. capit. 17. num. 42. Et ideo non tenetur ad itineris expensas, si dominus absens est, sufficitque illum admonere, qui admonitus tenetur ad soluendum
G expen

expensas, quæ circa rem suam in illius utilitatem factæ sunt, Dixi, in illius utilitatem, quia si possessor bonæ fidei maiores propter suam voluptatem fecit expensas, quàm faceret verus Dominus, neque res inde in pretium accreuit; sibi, non Domino expensarum fecit iacturam. Res patebit si ob oculos proponatur subrusticanum prædium bona fide possessum, & à possessore mille deliciarum varietatibus ad animi relaxationem nobilitatum.

De causis excusantibus à restitutione §. 10.

- 1 *Quæ causæ excusant à restitutione.*
- 2 *Quæ remissio, seu condonatio dicetur coacta.*
- 3 *Quæ remissio, seu condonatio dicetur extorta per fraudem & dolum.*
- 4 *Quæ dicetur extorta per metum.*
- 5 *Excusat à restitutione impotentia restituendi rem inferioris ordinis absque iactura rei ordinis superioris.*

1 **I N T E R R O G A T I O.** Quæ causæ excusant à restitutione? *Resp.* In primis libera creditoris remissio, & non coacta, neque per dolum, fraudem, aut metum extorta, tunc enim non est voluntaria.

2 *Int.* Quæ remissio dicetur coacta? *Resp.* Ea, qua quis remitteret debitum, quia debitor nolit alteram solvere partem, nisi creditor partem remittat.

3 *Jnt.* Quæ remissio dicetur extorta per fraudem, aut dolum? *Resp.* Ea, qua quis remitteret, quia debitor fingit se, vnde soluat, non habere, ut creditorem decipiat, & ad condonandum moueat. Ita Tolet. lib. 5. cap. 36.

4 *Jnt.* Quæ remissio dicetur extorta per metum? *Resp.* Illa, qua pauperes, tenues, & ignobiles viri nobilioribus, dominis, potentibus, debita remittunt, quia illos timent, ac reuerentur propter diuitias, potentiam, officia, dominationem, ut ita redimant se à vexatione.

5 *Jnt.* Suntne plures causæ? *Resp.* Plures. Excusat etiam impotentia restituendi rem inferioris ordinis sine detrimento rei ordinis superioris. Ita communis sententia, & ideo, quia vita, & fama sunt ordinis superioris quàm res domesticæ, & familiares, nemo tenetur restituere rem domesticam & familiarem

liarem cum vitæ, aut famæ periculo. Hoc tamen commune proloquium rectissime limitat Sot. circa eum, cuius fama parui fit, imò & vitæ, res verò familiaris debita est pinguiſſima, vt regnum, vel quid ſimile. Quemadmodum licet aurum eſſentialiter ſit nobilius argento in quauis quantitate, tanta tamen poterit eſſe argenti quantitas, vt moraliter pluris fiat, quàm aurum. Sotum ſequitur Tolet. *lib. 5. c. 37.* his verbis; Debent redditus eſſe multùm pingues, vt quis mortem propter reſtitutionem ſubire debeat. Quia tamen Soti ſententia eſt communior, quam ſequitur Caietan. *verb. eſt.* & Nau. *c. 19. n. 90.* tuta in conſcientia erit, vt aduertit Tolet. loco citato. Excusaſt deinde impotentia reſtituendi ſine amiſſione libertatis: nemo enim (quamuis poteſt) ad ſe vendendum tenetur, vt reſtituat, quia libertas non benè pro toto venditur auro, nec qualibet alia re pretioſa.

De alijs cauſis excuſantibus à reſtitutione. §. I I.

- 1 *An metus leuiſ illatus, ad extorquendam condonationem illam inuoludet, vt inuoludet metus grauiſ.*
- 2 *An condonatio facta ob cauſam falſam, exiſtimatam inuincibiliter veram excuſet à reſtitutione.*
- 3 *An ex condonatione circa vnum, mancant alijs, qui ſimul cum eo debebant eandem rem, liberi à reſtituendo.*
- 4 *An virtualiſ remiſſio liberet à reſtituendo.*
- 5 *Quæ eſt cenſenda virtualiſ remiſſio.*
- 6 *An liceat retinere rem, cuiuſ reſtitutio cedit in damnum domini exigentiſ.*
- 7 *An ingreſſuſ religioniſ liberet à reſtitutione, cum ante illum nequeat fieri reſtitutio.*
- 8 *An debitor, qui non eſt ſoluendo, poſſit ingreſſi religionem.*
- 9 *Quo cum leui debito poteſt debitor, qui non eſt ſoluendo, ingreſſi religionem.*
- 10 *An talis religionem ingreſſuſ, & poſſeſſuſ, teneatur adhuc reſtituere.*

1 **I**NTERROGATIO. Quoniam hæc tota materia latiſſima eſt, non grauaberis, ſi ad eaſdem interrogationeſ reuertar, noua ſemper difficultate propoſita. Atque iterum rogo, an metus leuiſ iniuſte inuſſuſ ad extorquendam remiſſionem,

sionem, infringat remissionis vires, eandemque relinquat restituendi obligationem? *Resp.* Infringit. Ita D. Anton. 2. p. tit. 2. cap. 6. & Sylu. rest. 7. q. 2. dist. 3. & alij. Ratio est, quia ipse levis metus noua est iniuria, nouamque inducit restituendi obligationem. Imò sufficit metus reuerentialis, iuxta Nauar. cap. 17. num. 79.

2 *Int.* Tenetne remissio ex ignorantia inuincibili procedens aut circa debitum, aut circa personam? *Resp.* Minimè. Ita Medin. de rest. q. 3. caus. 2. Item cum ignorantia est circa causam sine qua non remitteret. Ita Scot. in 4. d. 15. q. 2. art. 3. Exempla ponit Palat. adnot. in Caiet. verb. rest. cap. 7. vt cum quis, ex eo, quod ignorat inuincibiliter alterius diuitias, remittit, quia arbitratur illum esse pauperrimum, aut omnes pecunias debitas non soluturum, nisi pars remittatur. Ratio est, quia ista ignorantia addit omninò inuoluntariam remissionem ex ea factam, iuxta D. Thom. 1. 2. q. 6. art. 8. & alios communiter.

3 *Int.* Pluribus infolidum ad restitutionem obligatis, si creditor vni remittat, manentne omnes alij à restitutione liberi? *Resp.* Minimè, loquendo ex natura rei, quia nec ipse, cui remittit, manet deobligatus, si creditor vult, & intendit, vt alij in integrum restituant. Ita Caietan. 2. 2. q. 62. art. 6. Sot. 4. iust. q. 7. art. 3. ad 2. Medin. de rest. q. 8. ad finem. Potest tamen creditor remittere debitori partem, ad quam ex se solam, si alij restituant suam, obligatur.

4 *Int.* Quid dicis de virtuali remissione, liberatne à restituendo? *Resp.* Quæstionem non attingunt in terminis Doctores. Ex iis tamen, quæ in aliis euentis edocent, affirmationem apertè colligo responsionem. Ita Nauar. cap. 17. n. 4. & cap. Non dicatis, num. 52. Medin. q. 12. de rest. ad finem. §. si autem præfata. Cou. 2. p. reg. pec. §. 1. num. 1. D. Thom. 2. 2. q. 82. art. 8. ad 1. in illis verbis, Probabiliter præsumpta. Hinc excusantur furantes ab amicis, & consanguineis ea, circa quæ non sunt inuiti, quoad rem, licet sint quoad modum auferendi.

5 *Int.* Quæ est censenda virtualis remissio, seu implicita, & interpretatiua remittendi voluntas? *Resp.* Ea, qua ex probabilibus indiciis indicatur damnificatum nolle à tali persona, vel ratione talis iniuriæ sibi fieri restitutionem. Talis censenda interpretatiua voluntas mariti aduersus adulterum occultum: parentum aduersus stupratorem filiarum occultum: nobilium

nobilium aduersus diffamatorem occultum: dominorum aduersus seruos furantes poma, racemos, & alia edulia domi. Satis etiam ad hanc virtualem remissionem, & talis damni dati liberationem affectus, siue amor damnificati hominis aduersus damnificatorem, probabilibus indiciis confirmatus, quod si sciret talem fuisse, nequaquam sibi vellet fieri restitutionem. Ita Medin. proximè, & Nauar. *c. 17. nu. 4.* Non eam tamen confirmant indicia, quantumcumque probabilia, quibus colligitur fore, vt remitteret debitum, si veniam illius vir auctoritate præstans ab illo peteret. Ita Med. proximè, & Nauar. *cap. 15. num. 123.* Traditam doctrinam de virtuali remissione sequitur Tolet. *lib. 4. de rest. cap. 4. num. 7.* cum Gab. & aliis, quos refert.

6 *Int.* Estne licitum denegare, seu potius differre solutionem debitæ pecuniæ, cum scio solutionem fore in damnum corporale, seu spirituale conditoris? *Resp.* Licitum. Ita in confesso est apud omnes Doctores, D. Thom. *2. 2. qu. 62. art. 5. ad 2. & in 4. d. 32. art. 2.* Sot. *in 4. d. 15. quæst. 2.* Rainel. *2. p. Panth. titul. rest. cap. 3.* Gandau. *quodlibet 24.* Angel. *rest. 3. §. 5.* Sylu. *rest. 5. quæst. 3.* Gab. *in 4. d. 15. art. 2.* Ioan. de Neap. *quodlib. quæst. 22.* Arm. *rest. num. 24.* Tab. *ibid. num. 4.* Caiet. *2. 2. q. 62. art. 5.* Nauar. *cap. 17. num. 3.* Supplemen. *rest.* Neque admittenda distinctio Soti *4. iust. q. 7. art. 1.* si nimirum solutio cedat in peccatum iustitiæ: non verò charitatis tantum. Ratio est, quoniam præceptum restitutionis oritur ex proximi utilitate: ergo non obligat, quando est contra illam: vt enim ait D. Bernard. quod præceptum pro charitate institutum est, contra charitatem pugnare non potest. Quæ veritas intelligenda, tam cum non petitur solutio, quam cum petitur, quia iniuste petitur. Est argumentum efficax contra hanc doctrinam. Nam omnes concedunt posse vxorem menstruatam reddere debitum coniugi petenti, & scienti vxoris menstruum, & ideo peccanti propter periculum inficiendi prolem. Item maritum posse debitum reddere vxori votum continentiae habenti, quam certò scit peccare contra votum in petendo. Ita cum communi Palud. *in 4. d. 32. quæst. 1. art. 1.* Couar. *2. p. epith. cap. 3. §. 1. num. 6.* *Resp.* hanc communem opinionem intelligendam esse cum ex redditione debiti euitatur maius peccatum incontinentiæ, cuius foeda exempla refert Palud. proximè. Ad euitandum verò maius,

& grauius damnum concedit D.Tho. in 4. d. 32. art. 2. ad 4. & Alenf. 3. p. q. 35. memb. 8. §. 1. ad 2. posse etiam furioso gladium reddi, imo deberi. Quod si absque incontinentiæ periculo debitum negari potest. negari debet, imò peccatum scandali est grauiſſimum offerre (nisi offerendo debitum peccatur) ac proinde in vtroque euentu par est ratio.

7. *Int.* Qui ingreditur religionem non habens unde restituat, liberaturne à restitutione? *Resp.* Minimè, si post ingressum paternam hæreditatem obtrineat, nam ex iis bonis tenetur religio ipsa restituere Ita omnes.

8. *Int.* Qui non est soluendo, potestne ingredi religionem? *Resp.* Negat Medin. q. 3. de rest. caus. 8. Maior in 4. d. 38. q. 7. Angles q. Quis à rest. difficu'. 9. adeò tenaciter, vt afferant, etiam professum teneri egredi, & ad Indos, si opus fuerit, vsque pergere pro acquirenda pecunia soluenda, quamuis Prælati contradicat. Oppositum docuit D. Thom. 2. 2. q. vlt. art. 6. ad 3. & ibi Caiet. Viguer. in inst. cap. 17. §. 1. Sylu. religio 2. q. 4. Palud. in 4. d. 38. q. 4. art. 1. conclus. 4. Ang. verb. religioſus. §. 6. Tab. ibidem §. 11. Ratio D. Thomæ est, quia persona liberi hominis nequit pro debita pecunia obligari. Mediam tamen sententiam probabilius tenent alij, affirmatque si debitum sit leue: negant, si sit magnum. Ita Instruēt. vbi sup. & Tolet. lib. 4. rest. cap. 4. dub. vlt. num. 94. Ratio est, quia irrationabiliter est inuitus, qui ob paruum suum commodum vult alium tanto religionis bono priuare. Idem dicendum de eo, qui licet in sæculo permanserit, nunquam erit soluendo. Idem de eo, qui debiti oblitus, ingressus est religionem, cuius postea recordatur, cum debitum est leue, & creditor illo non grauius indiget.

9. *Int.* Quod dicitur leue debitum, cum quo quis ingredi potest religionem? *Resp.* Boni viri arbitrio relinquenda res est. Autor tamen Instruētorij supra, quem in manuscriptis sequitur doctissimus Peres, leue debitum cēset decem & vsque ad quadraginta aureos. Ratio est, quia in eo euentu creditor censetur irrationabiliter inuitus, cum bona sua corporalia leuia summo bono proximi spirituali antefert.

10. *Int.* Ille, qui cum debito ingreditur religionem, estne cogendus ad laborandum manibus, vt restituat? *Resp.* Minimè. Ratio est, quia iste fecit suorum bonorum cessationem: per cessationem verò suorum bonorum, ita quis à restituendo libera

liberatur, ut pro eo, nec in carcerem detrudi possit, nec ad seruitia cogi, quæ illius personam dedecent. De hac tamen liberatione infra latius me velim roges.

De quantitate obligante ad restitutionem sub mortali. §. 12.

- 1 Quæ quantitas obligat ad rei restitutionem sub mortali.
- 2 Qui fructus rei retentæ iniuste, ab eadem percepti sunt restituendi.

I N T E R R O G A T I O. Quæ quantitas damni, furti, iniuriæ, vel cuiusvis similis, restituendi sub mortali obligationem inducit? *Resp.* Notabilis. Ita communis Doctorum sententia, contra Gabr. in 4. d. 15. q. 3. a. t. 1. notat. 5. absolutè asserentem, quoduis damnum restituendum sub mortali, citari etiam solet pro Gabr. D. Hieronymus cap. 2. in epist. ad Tit. & refertur 14. q. 6. idem D. Thom. 2. 2. q. 59. art. 4. in 2. argument. & 9. 66. art. 6. ad 3. Sed exponendi sunt, dicendumque eos loqui de eo, qui licet re parum surripuerit, animo tamen magnum surriperet, si posset. Ita Peres in manuscript.

2 *Jnt.* Qui fructus restituendi percepti ex re aliena? *Resp.* Dico in primis semper deducendas esse expensas ab ipsis fructibus. *l. Si à te. §. fructus. ff. de petit. her.* & communis sententia docet. Noto deinde fructuum alios esse rei, qui vocantur naturales, alios industriæ, qui vocantur industriales. Naturales sunt, quos res ipsa se sola, aut saltem leui hominis labore adiuta producit, ut ager herbam irriguam, arbor poma. *l. Qui scit. ff. de usuris.* Industriales sunt, qui proveniunt ex mero humano labore, & negotio, ut qui percipiuntur ex commutatione pecuniæ, emptione, rerumque venditione. Rursus alij, qui partim industriales, quod ad illos percipiendos magna impenditur cura, & humana industria, partim naturales. In his verò cum maior videtur esse industria, quam natura, industriales simpliciter appellantur. Quando verò tales censendi sint, arbitrio prudentis iudicandum, iuxta Bart. *l. Ex divers. §. 1.* Responsio igitur directæ sit. Fructus, tam naturales, quam partim naturales, partim industriales, dempto pretio industriæ, restituendi sunt. Hæc tam certæ est, ut probatione non indigeat.

CAPVT XIII.

De restitutione in singulari.

Quoniam tria sunt bona, circa quæ proximus lædi potest: nimirum Bona animæ, Bona corporis, Bona fortunæ, in tres partes, distribuitur tota restitutionis tractatio. Ideo in prima agemus de bonis animæ. In secunda de bonis corporis. In tertia de bonis fortunæ, vt faciliè, ac distinctè omnia percipiantur.

De restitutione circa bona animæ. §. 1.

- 1 *Quid prius numeratur inter bona animæ.*
- 2 *Quid tenetur restituere, qui alteri causa fuit amittendi gratiæ.*
- 3 *Quid tenetur restituere, qui aliquem à religione amouit.*
- 4 *Quid restituere tenetur, qui falsam doctrinam seminavit ex malitia.*
- 5 *Quo pacto est talis restitutio facienda.*
- 6 *Quid restituere tenetur, qui falsam doctrinam seminavit ex ignorantia.*

1 **I**NTERROGATIO. Inter bona animæ quid prius annumeratur? *Resp.* Gratia.

2 *Int.* Ad quam restitutionem tenetur, qui causa alteri est amittendi gratiam? *Resp.* Dupliciter quis causa alteri esse potest gratiam amittendi. Nimirum vel illum inducendo ad peccandum precibus, minis, dolo, & fraude. Vel tantummodò consilio ad peccandum commouendo. Dico igitur *Primum*. Qui alium liberè consentientem, & volentē ad peccandum induxit, ad nullam tenetur restitutionem. Ita Sylu. *restitutio* 3. n. 1. Ledes. 2. 4. q. 18. art. 2. Cord. q. 172. Pedraca *præcepto* 5. §. 7. Sot. 4. iust. q. 6. art. 3. Merc. *tract.* ultimo de *restit.* cap. 2. & alij. Probatum ratione, quia restitutio emanat ab iniustitia: sed vbi non est iniuria, non est iniustitia: volenti autem & consentienti nulla fit iniuria: ergo nulla ei debetur restitutio. Dico *secundum*: Qui dolo, fraude, aut metu graui aliquem ad peccandū induxit, tenetur quoad poterit, illū in gratiam reducere, consulendo, rogando, orando Deum pro eo, &c. ita Tol. l. 2. de *restitut.* cap. 2. Sylu. *restit.* 3. n. 1. Arag. 2. 2. q. 62. art.

art. 4. Adrian in 4. *de rest.* Scot. *ibidem* *distinēt.* 15. *q. 3.* *art. 1.* Richard. *ibi.* *q. 2.* *ar. 4.* Angel. *verb. restitutio.* & alij, ab eisdem citati. Ratio est, quia invito domino gratiam extorsit.

3 *Int.* Ad quam restitutionem tenetur, qui alium à religione extraxit? *Resp.* Dico *primum.* Qui sine dolo, fraude, vi, aut minis aliquem ante ingressum religionis à religionis proposito, aut post ingressum, tyrocinij tempore, ante professionem, retraxit, ad nullam restitutionem tenetur. Ita Arag. 2. 2. *q. 62.* *art. 2.* Sot. 4. *inst. q. 6. ar. 3.* Probatum apertè, quoniam nec illi, nec religioni fit iniuria contra iustitiam. Non illi, quia liberè vult, & consentit, aut non ingredi, aut ante professionem egredi. Non religioni, quia ea non habet ius iustitiæ in tyro- ne ante professionem. Et ideo licet malè consulens ex odio consulat, charitatem offendit, non iustitiam. Et quanquam demus religioni aliquod ius ad rem erga novitium, illud ius pendet à novitij voluntate liberè professuri. Dico *secundò.* Qui vi, minis, fraude, dolo, vel quovis alio simili modo iniusto ingressurum ab ingrediendi proposito retraxit: vel iam ingressum, ne profiteretur, seduxit, tenetur vim amovere, vt liberè, vel ingrediatur, vel egrediatur, ac proinde tenetur detecta fraude veritatem illum docere ad liberum vel ingressum, vel egressum. Ita Sot. & Tolet. citati. Probatum facilè, quia fraudulentus seductor iniuriam infert volenti vel ingredi, vel profiteri religionem, & ideo contra iustitiam facit, & peccat: nihil tamen religioni tenetur restituere, quia nullum illius ius læsit circa talem religiosum, vt ita dicam, sicut constat ex superiori conclusione. Dico *tertium.* Qui religiosum professum, vi, fraude aut dolo, vel etiam suasionem, & consilio à religione extraxit, tenetur damnum religioni refarcire. Ita Doct. omnes citati. Ratio est manifesta, quia religio ius habet in religioso professio non solum ad rem, sed in re. Dico *quartò.* Qui huiusmodi religiosum professum, modo dicto, à religione retraxit, neque alium pro eo subrogare, neque ipse illius loco religionem intrare tenetur. Ita Ledes. 2. 4. *q. 26. art. 2.* Arag. 2. 2. *q. 82. art. 2.* Tolet. *lib. 2. de rest. c. 2. n. 18.* Ratio est, quia religionis vota debent esse maximè libera, & voluntaria, neque pro aliqua restitutione obliganda. Non enim benè pro toto libertas venditur auro.

4 *Int.* Ad quam restitutionem tenetur, qui falsa docuit? *Resp.* Qui sciens & prudens docuit perniciosam doctrinam,

ex iustitia tenetur proximum ab errore reuocare. Ita Tolet. lib. 2. de rest. tut. cap. 2. Caiet. in sum. num. 7. Mercat. cap. 2. de rest. Aragon. 2. 2. q. 62. art. 10. Ratio est, quia proximus per fraudem, & dolum iniuste damnificatus est.

5 *Int.* Quo pacto est facienda restitutio falsæ doctrinæ? *Resp.* Si, qui falsum docuit, tenebatur ex officio docere verum, ut tenetur doctor, confessor, aduocatus, concionator, consiliarius, tenetur iterum docere verum. Si verò ex officio non tenebatur, satis est, si asserat, & ostendat doctrinam à se traditam esse falsam. Ita Tolet. supra.

6 *Int.* Solum dixisti de docente falsa ex malitia, quid censes de docente falsa ex ignorantia? *Resp.* Eodem modo dico illum teneri ex iustitiâ retractare dicta, ex quibus damnum proximo est subsequutum. Ita Aragon 2. 2. q. 62. art. 10.

De restitutione propter beneficia Ecclesiastica malè collata. §. 2.

- 1 *Qui indignus, qui dignus, qui dignior ad beneficium.*
- 2 *Quantum peccat, qui beneficium confert indigno.*
- 3 *Quantum peccat, qui prætermisso digniore in concursu dat digno.*
- 4 *Ad quam restitutionem tenetur, qui beneficium dat indigno.*
- 5 *Ad quam restitutionem tenetur, qui beneficium dedit digno relicto digniore in concursu.*
- 6 *Ad quam restitutionem tenetur, qui impedimento fuit, ne alicui conferretur beneficium Ecclesiasticum.*
- 7 *De indigno se opponente concursui beneficii cum sciat se esse indignum, vel indigniorem.* (tur.)
- 8 *Quid restituere tenetur supra dictus indignus, beneficio donato.*
- 9 *Quid restituere tenetur, qui horas canonicas non recitat.*
- 10 *Quid tenetur restituere pensionarij.*
- 11 *Quid tenetur restituere Canonicus choro assistens, & non recitans.*
- 12 *Ad quid tenetur Canonicus ore, non mente officium recitans in choro.*
- 13 *Quid tenetur restituere, qui beneficium curatum accepit nondum sacerdos.*
- 14 *Quid tenetur restituere accipiens beneficium curatum nondum sacerdos animo dimittendi sub conditione, si aliud maius obueniat.*

15. *Quid tenetur restituere beneficiarius homicida voluntarius.*
 16. *De occulto occifore & beneficium obtinente, ad quam restitutionem obligatur.*
 17. *De excommunicato, fufpenfo & depofito.*
 18. *De eo qui ante legitimam ætatem beneficium accepit fine difpenfatione.*
 19. *De beneficiato publico concubinario.*
 20. *De beneficiario fimoniaco.*

I INTERROGATIO. Quoniam beneficia Ecclesiastica rebus fpiritualibus annexa funt, de iis te ftatim percontabor. Atque in primis de conferente beneficia indigno. Sed prius difcrimen mihi conftitue inter indignum, dignum, & digniorem? *Refp.* Ille indignus eft, qui neceffaria fcientia caret, faltem ad officium, ad quod eligitur, & morum probitate & aptitudine ad illud exercendum. *Dignus* eft, qui tali fcientia, probitate, aptitudinẽque valet. *Dignior*, qui in illis alios excellit. Coalefcit igitur dignitas ad Ecclefiasticum beneficium ex fcientia, probitate, dexteritatẽque ad illud exequendum cum maiori animarum fructu. Qui verò æqua fcientia, & probitate, maiori tamen eft dexteritate adminiftraturus beneficium, acturusque diligentiorẽ animarum curam, aliis eft præferendus. Imò etiam ei, qui eum fuperat morum bonitate. Ita Sotus 3. *inft. quæft. 7. art. 2. concl. 6.* Maior in 4. *dist. 24. q. 9.* Couar. 2. *p. reg. pec. §. 7.* Quam dexteritatem ad exercendum munus tanti fecit Tolet. *lib. 5. cap. 78.* vt qui illa non pollet, quamvis doctus, & bonus, pro indigno fit reputandus, quia aptus non eft.

2. *Int.* Quod peccatum committit, qui beneficium confert indigno? *Refp.* Lethale. Ita Tolet. cum communis & probat triplici ex capite. *Primò*, quia iniurius eft Deo, dum illum priuat honore, & cultu fuo. *Secundò*, quia iniurius eft Ecclefiæ, dum indignum miniftrum illi præficit, & fumptibus redditibusque Ecclefiasticis alit. *Tertiò*, quia iniurius multis dignis, quibus tale beneficium merito iure debebatur. Quam veritatem fatis colligo ex Tri. *feft. 22. de refor. c. 2.* Cuius decretum collationem beneficii indigno factam ipfo iure annullat. Ideo qui indignum impedit à beneficii confequutione, licet iniufte per vim, dolum, aut fraudem, ad nullam tenetur restitutionem pro amiffione beneficii, vt fuprà iam dixi.

3. *Int.* Quod peccatum committit, qui prætermiffio digniore

re

re in oppositione, beneficium dat digno? *Resp.* mortale. Illud appellat peccatum acceptionis personarum D. Th. 2.2. q. 62. art. 2. Gabr. in 4. d. 15. q. 7. D. Anton. 2. p. Adrian. in 4. q. de rest. Nanar. c. 17. n. 7 2. cap. Licet. 8. q. 1. Metropolit. d. 63. Probatur ex ratione iustitiæ distributiæ, quæ docet conferre præmia pro laborantium sudore: sed beneficia Ecclesiastica sunt præmia laborantium in virtute, & litteris, ergo conferri debent pro maiori laborantium sudore. Fallit tamen hæc cōclusio in aliquibus euentis, atque in primis dignus eiusdem diœcesis antereferendus est alterius diœcesis digniori. Ita Sot. li. 3. iust. q. 6. art. 2. ad 4. Tolet. lib. 2. de rest. in 2. p. c. 2. n. 166. Sot. & Tolet. probant ex iure. D. Th. sup. probat ex ratione iuris, quia beneficia ad animarum vtilitatem conferuntur, vtilior verò erit animabus naturalis, quàm extraneus, quia naturaliter est eis propensior. Quoniam verò per contrariam consuetudinem hæc iura videntur abrogata, scitè admonuit Toletus supra standum esse consuetudini, quia Episcopi externis, ac naturalibus beneficia conferunt.

4 *Int.* Ad quam restitutionem tenetur, qui beneficium dedit indigno? *Resp.* Qui beneficium contulit indigno prætermisso digno vel digniore, se opponentibus tenetur restituere, & ipsi Ecclesiæ, & ipsi digno vel digniori. Ita Sot. 3. de iust. q. 6. art. 2. & c. Graue nimis, de præb. in decreta. Probatur, quia vtrique fit iniuria contra iustitiam commutatiuam, Ecclesiæ quidem, quia ea inuita suos redditus confert indigno. Digno verò, vel digniori, quia suo iure illos priuat.

5 *Int.* Ad quam restitutionem tenetur, qui prætermisso digniore beneficium contulit digno? *Resp.* Dico *Primum*. Non tenetur aliquid Ecclesiæ restituere. Ita Maior in 4. d. 24. q. 6. Sot. & Tolet. proximè. Cou. 2. p. regul. pec. n. 6. cum Adrian. quem citat. Probatur apertè, quia Ecclesia tantum digno dar, quantum illi pro ministerio suo debetur: ergo nihil ab Ecclesia aufertur. Dico *secundò*. Qui in concursu, & oppositione beneficiorum prætermisso digniore, beneficium confert minùs digno, restitutionem digniori facere tenetur. Ita D. Anton. 2. p. tit. 12. n. 20. Syl. rest. 3. q. 12. Arm. ibi. num. 51. Palud. in 4. d. 15. q. 2. art. 2. Richard. ibid. q. 4. in 5. principali. Scot. ibidem. q. 2. Caiet. 2. 2. q. 62. art. 2. Cou. reg. peccat. §. 7. n. 6. Med. Salmant. inst. pag. 89. alias 152. Quanquam oppositum asseruerint Sot. 4. iust. q. 5. artic. 3. ad fin. & Nauarr. cap. 17. num. 72, & 73. Probatur

tur aperte, quia legitimus oppositor habet ius commutatiuæ iustitiæ ad beneficium, cui opponitur: nam ipsamet oppositio est ius ad rem: procedit enim ex Ecclesiæ statuto, & lege decernente, ut dignior anteferatur, cum publica promissione, & fide data cuique se opponenti, ut, si digniorem se probet, illi beneficium conferatur: sed hæc data fides, & promissio accepta ab oppositore digniore dat illi ius commutatiuæ iustitiæ ad rem, ut nemo negat in præmiis, quæ pro ludis publicis euulgantur iis, qui aliquod plausibilis inuentum in medium protulerint, ergo, &c.

6 *Int.* Dixisti de collatore beneficij, dic modò de impediēte. Ad quam restitutionem tenetur impediens, ne beneficium alicui conferatur? *Resp.* In primis. Impediens utcumque, & quauis via, ne beneficium detur indigno, ad nullam tenetur restitutionem. Ratio est, quia nulli facit iniuriam: non Ecclesiæ, ut manifestum est; non indigno, quia nullum ius habet ad beneficium. Dico *secundò*. Impediens beneficium, ne detur digno, ut conferatur alij æqualiter digno, liber similiter est à restitutione. Ratio est, quia nullius ius violauit, nam æquè digni æquale ius habebant ad beneficium. Dico *tertiò*. Impediens beneficium, ne detur digniori, quamuis impediat, ut digno detur: quauis via impediat, siue vi, dolo, aut fraude, siue precibus solis, tenetur illud digniori restituere. Ita Couar. citato loco. Ratio est, quoniam violatur in hoc maius dignioris ius ad beneficium.

7 *Int.* Quid censes de indigno se opponente? *Resp.* Quilibet indignus se opponere potest, licet se indignum iudicet, ad scientiam ostendendam, & beneficium comparandum, quantum merito iure potest; & non aliter. Idemque dicendum de digno in oppositione dignioris. Res est manifesta, nec probatione indiget.

8 *Int.* Quid tamen de eo censes, qui ante oppositionem se indignum, aut minùs dignum iudicans, & cum hoc iudicio se opponens, recta tamen supra dicta intentione à iudicibus beneficio donatur? *Resp.* Arbitror huiusmodi oppositorem ex supra dicta intentione à culpa liberari, posseque beneficio frui. Quoniam iudicium dignitatis æqualis, aut maioris non penes illum, sed penes iudices relinquitur, ac proinde potest se dignum, vel digniorem post iudicium arbitrium existimare, gaudereque beneficio dato.

9 *Int.* Ad quam restitutionem tenetur beneficiatus, qui horas canonicas non recitat? *Resp.* Ad illius diei fructuum restitutionem, pro rata, videlicet pro relictis matutinis, & laudibus ad dimidiam partem, pro quavis alia hora ad partem sextam. Ita habetur in *Extravaganti* Pij V. de hac re, & in *Concil. Lateran.* ultimo. Adnotat Navar. *cap.* 25. *n.* 122. *Sot.* 10. *iust.* 1. §. 5. *art.* 6. *concl.* 3. cum communi sententia.

10 *Int.* Ad quam restitutionem tenentur pensionarii eadem diuinas preces omittentes? *Resp.* Res est manifesta in *Ext. auaganti* Pij V. citata, quæ decernit, ut ipsi teneantur recitare officium paruum Beatae Mariæ, & teneantur ad restitutionem pro rata, ut beneficiati curati. Aduertunt egregiè Capuan *de horis can. tit. de pæn. non recit.* & Instru. hanc pœnam latam esse in eos, qui clericali titulo pensionem colligunt, ut ibi Pius Papa apertè declarat.

11 *Int.* Ad quam restitutionem tenetur canonicus assistens tantum, & non recitans in choro, licet domi recitet? *Resp.* Ad restituendas distributiones illius muti temporis. Ita Nau. *de orat. cap.* 10. *n.* 47. Capuan. ubi proximè adducens pro sua sententia Conc. Trid. decretum *sess.* 24. *c.* 12. *Sot.* 10. *iust.* 1. §. 5. *art.* 4. Instru. 2. *p.* 1. colligitur ex Syl. *hora.* 1. §. 6. Arm. ibi. 7. 21. Probat, quia istæ distributiones non dantur pro præsentia personarum, ad vanam Ecclesiæ ostentationem, ut dantur regij annui redditus aulicis pro frequentanda regia aula, ut perperam existimauit Med. in instru. & Tolet. 2. *lib. rest. c.* 2. *n.* 217. Sed pro oratione: beneficium enim datur pro officio: officium. verò canonici non est adesse, sed orare.

12 *Int.* Quid cenies de eo, qui recitat, vel canit ore tenus mente aliò diuulsa? *Resp.* Ad nullam tenetur restitutionem. Ita Cord. *lib.* 4. §. 3. *Sot.* 10. *iust.* 1. §. 5. *art.* 6. *concl.* 4. cum D. Anton. Ioan. Med. Syl. & Castro, quos citat. Probat, quia eam solam externam orationem hætenus videtur tantum Ecclesia præcipere, quoad diurnas distributiones.

13 *Int.* Quid arbitraris de eo, quid beneficium curatum accepit nondum sacerdos? *Resp.* Si id accepit animo colligendi fructus per annum concessum ante ordinationem, & postea dimittendi, quia non vult presbyter fieri, tenetur ad fructuum perceptorum restitutionem. Ita Nau. *cap.* 25. *n.* 119. & habetur expressè *c. Commissa. §. Ceterum, lib.* 6. Probat, quia per fraudem, inuita Ecclesia, fructus collegit. Si tamen intra annum

in

in melius animum mutauit, & presbyteratus ordinem suscipit, etiam perceptos fructus tempore iniquæ intentionis retinere potest. Ita Nau. & c. *Commiss. lib. 6.* expressè. Et probatur, quia fraus ab initio incœpta, non consummata, purgatur per voluntatis mutationem. Quod si benè incœptum animum mutauit in peius, & non vult ordinari, cùm antea vellet, tenetur restituere fructus à voluntatis mutatione perceptos. Ita Gloss. c. *commissa citatum*, & Angl. q. de cler. restitut. obnoxius dub. 6. ante 4. conclus. Probatur, quia ab illa mutatione per fraudem fructus collegit. Quod dixi de suscipiente beneficium; dico de collatore. Qui quidem, si scienter illud contulit nolenti suscipere ordinem, tenetur Ecclesiam seruare indemnem, & ablatos fructus restituere. Ita Nauar. c. 25. n. 119.

14 Int. Qui de eo qui quamuis animo suscipiendi ordines beneficium acceptet, conditionalitèr tamen acceptat, nisi aliud accadat in maius suum decus, & commodum? Resp. Si illa conditio fundata erat in æquali dubio euentus suscipiendi, & non suscipiendi ordines, quatenus illud dubium fuit, eatenus fecit irritos fructus. Ita Sot. 10. iust. q. 5. art. 6. Instruct. 2. p. 105. Probatur, quia eo modo pendulus, & anceps in rigore iuris non verè alteram partem determinatè intendit, & ideo, nec suscipere ordines determinatè vult. Si autem illa conditio fundabatur in quadam formidine partis oppositæ ex aliquibus indiciis; probabilius tamen illi erat se ordines suscepturum, ad nihil obligatur. Nam sola illa moralis certitudo, & non alia in hac vita haberi potest, omnesque qui beneficium accipitur, ea subintellecta conditione accipiunt, nisi aliud maius commodum suboritur. Quauis tamen intentione beneficium acceptet, si idoneum ministrum loco sui, Ecclesiæ substituatur, potest illud pretium ex fructibus adimere. Ita Angles de rest. tit. de cleric. restitut. obnoxius, diff. 3. dub. 6. cum Gab. quem citat.

15 Int. Beneficiarius voluntarium homicidium committens, teneturne ad fructus restituendos ipso facto post homicidium commissum? Resp. Minimè. Probatur faciliè, quia ob illud peccatum, quantumuis publicum, non amittit, ipso facto, beneficium, sed expectanda est iudicis sententia: ergo ante illam, non amittit fructus. Ita Cordub. q. 41. Instruct. 2. p. 93. & habetur cap. Ex literis, de excess. prælat. constatque ex certa regula, quam probat Nau. c. 37. n. 251. Scilicet nullam irregularitatem

laritatem inducere ipso facto priuationem beneficij antea habiti.

16 *Int.* Post homicidium voluntarium occultum, qui non obtenta dispensatione beneficium accepit, ad quid tenetur? *Resp.* Ad restituendos fructus, quos recepit. Probatur ex iure, quia collatio beneficij, etiam simplicis, fuit nulla, iuxta Decretum Concilij Trid. *sess.* 14. *cap.* 6. & *cap.* *Quæsitum, de temp. ord.* in Decret. Probatur ratione, quia beneficium datur propter officium, ergo qui officium exercere non valet, iniuste recipit beneficium: atque irregularis (qualis est homicida voluntarius) non potest exercere officium, ergo nec recipere beneficium.

17 *Int.* Quid arbitraris de excommunicato maiori excommunicatione, & suspenso in pœnam à beneficio? *Resp.* Talis dum in culpa est non absoluendi à censura, fructus non facit, & ideo, si eos recipit, tenetur restituere. Secus si per eum non stat, ut absoluator. Ita Nau. *cap.* 25. *num.* 124. *Instruct.* 2. *p. quæst.* 97. Dum verò in culpa est non absoluendi, etiam si non aliunde habeat, unde viuat, nec etiam ad congruam sustentationem, potest percipere fructus, quanquam emendare cogatur, atque eos si recipiat tenetur restituere. Ita Cou. citatus à Tolet. *lib.* 2. *de restit. c.* 2. *n.* 136. & probat ex multis glossis. Probatur deinceps ratione, quia qui contumax est, indignum se facit omni benignitate. Oppositum docuit Nauarr. proximè citat. sed immeritò. Idem de suspenso, atque deposito Doctores communiter asserunt, cum censura orta est ex culpa.

18 *Int.* Quid dicis de eo, qui non obtenta pro ætate dispensatione ante vigesimum quintum annum inceptum beneficium curatum accepit? *Resp.* Collatio est ipso iure, & facto nulla. *cap.* *cum in cunctis.* §. *inferiora, de elect.* Ita notauit Nauarr. cit. *num.* 116. & ideo perceptos fructus tenetur restituere.

19 *Int.* Quid censes de publico concubinario? *Resp.* Publicus peccator fructus beneficij facit. Ita Nauar. *c.* 25. *num.* 123. Rosella *verb. clericici*, Sylu. *clericus.* 4. *quæst.* 24. Probatur, quia id non prohibetur in iure, & ipse deseruit Ecclesiæ.

20 *Int.* Quid dicendum putas de simoniaco? *Resp.* Simoniacus non facit fructus, & ideo eos tenetur restituere, *cap. de hoc, de simonia in decreto.* D. Thom. 2. 2. *q.* 100. *art.* 6. *ad* 4. Nauarr.

Nauar. *sup. nu. 115.* Talis verò restitutio Ecclesiæ facienda est, aut pauperibus illius, quoad fieri possit.

De Decimarum restitutione. §. 3.

I *Quo iure debentur decimæ.*

I INTERROGATIO. Quoniam egimus de beneficiorum restitutione, ratione decimarum ex parte beneficiatorum : non erit ab re statim agere de decimarum restitutione ex parte eorum, qui eas soluunt. Quæro igitur, quo iure debentur decimæ ? *Resp.* Decimæ quo ad congruam ministrorum sustentationem debentur iure naturali. Ita nos docuit Christus Dominus Luc. 10. *Dignus est operarius mercede sua.* Quo ad quotam, hoc est, quo ad quantam partem, debentur iure Ecclesiastico. Quod quidem ius non vnum pro omnibus regionibus determinatum est, sed variat pro regionum consuetudine. De fide tamen est eas Ecclesiæ deberi, vt decreuit Conc. Trid. *sess. 8.* vbi VViclephus contrarium asserens, hæresis damnatur. Hinc colliges nulla contraria consuetudine decimas tolli posse, quo ad congruam ministrorum sustentationem. Quæ licet in aliquibus regionibus non solvantur, vt fertur de aliquibus Italiæ locis, id fit ex libera Ecclesiæ condonatione, aliunde se alentis, quemadmodum Paul. 2. *Corinth.* decimas sibi debitas condonabat. Quamobrem si ad hanc congruam ministrorum sustentationem aliquot oblationes ex consuetudine offerri solent, ad eas offerendas cogi populus potest Prælati auctoritate, quia peccat mortaliter illas non offerendo. Ita cap. Ad Apost. de simonia. Nec excusantur parochiani à decimis soluendis ex eo, quod parochus aliunde habeat vnde decenter viuatur, hoc est, ex bonis patrimonialibus, vt notauit Sot. 9. *iust. q. 3. art. 1.* & Cou. *sup.* & clarè colligitur ex 1. *Corint. 9.* quoniam beneficium debetur ratione officij, & iustum est, vt qui altari seruit, de altari viuatur. Sed hac de re latius ad quintum Ecclesiæ præceptum.

De Restitutione Homicidij.

De restitutione circa bona corporis. §. 1.

H

I *Qui*

- 1 *Qui ratione homicidij tenentur restituere.*
- 2 *De falso teste in causa mortis.*
- 3 *De homicidio, cuius crimen alteri imputatur, & ob id occiditur.*
- 4 *Quando dicitur quis fuisse ex malitia causa falsa existimationis erga alium habitæ.*
- 5 *An causa falsa existimationis sit, qui occidit hominem, in quem alius minas iecit.*
- 6 *De occisore, qui non seruauit moderamentum inculpatae tutelæ.*
- 7 *Quantum tenetur talis restituere.*
- 8 *De occisore, qui fuga posset occisionem euitare.*
- 9 *Qui tenentur fugere aggressorem.*
- 10 *Quo iure ecclesiasticæ personæ tenentur fugere.*
- 11 *De occisore in duello.*
- 12 *De occisore, pro recuperandis bonis temporalibus.*
- 13 *De tali occisore, cum res ablata recuperari posset in iudicio.*
- 14 *De occisore inuasoris suæ castitatis.*
- 15 *De occisore inuasoris pro liberando innocente.*
- 16 *De occisore iam damnato à iudice.*
- 17 *Quantum pro homicidio & mutilatione restituendum.*
- 18 *Quomodo restitutio faciendâ pro homicidio.*
- 19 *An deficiente pecunia, teneat homicidium restituere per orationem Deo fusam.*
- 20 *Quibus faciendâ est restitutio homicidij.*
- 21 *An pro iniuria restituendum parentibus occisi, vel mutilati.*
- 22 *De occisore inuincibiliter igaorante.*
- 23 *De ebrio occisore.*

1 **I**NTERROGATIO. Quoniam inter bona corporis, præcipuum est bonû vitæ, pellem enim pro pelle dabit homo pro anima suâ. Ita inter dâna præcipuum est homicidium, & ideo de eo priûs differemus. Quæro igitur, qui ad homicidij restitutionem tenentur? *Resp.* Responderem simul, sed quia perpes oratio iolet fastidium parere, obnixè à te peto, vt de singulis singulas proponas dubitationes.

2 *Int.* Quam restituendi obligationem habet falsus testis, ob cuius testimonium innocens ad mortem in carcere detinetur? *Resp.* In primis tenetur meliori via impedire damnum, Si absque retractatione è loco tuto illud impedire potest, nō tenetur se prodere. Si non potest, & retractatio sola liberabit innocentem, tenetur cum quouis damno pecuniæ, aut famæ

famæ testimonium retractare. Si ex retractatione pœna afficietur talionis, & pro innocente occidetur, adhuc se retractare ex communi sententia obligatur. Ita Sot. 9. iust. q. 6. ar. 3. Cordub. lib. 1. q. 31. art. 3. & in sum. q. 17. Med. Cod. de rest. q. 3. canf. 4. ad 4. Cou. regul. pcc. 1. p. n. 6. Nau. c. 15. nn. 17. Tolet. lib. 2. c. 3. n. 252. Et probatur, quia licet vnusquisque propriæ magis, quàm alienæ vitæ consulere debeat, id debet, cum non in causa est alteri amittendæ vitæ. Nam eadem proportio apparet inter vitam, & vitam, atque inter facultates, & facultates, famam, & famam, sed si quis causa est damni facultatum, aut proximi famæ, tenetur cum amissione propriæ famæ, & facultatum damnum resarcire; ergo, &c. Hæc communis sententia intelligenda est de teste, qui ex malitia testimonium tulit, non verò ex ignorantia, vel inaduertentia leui, vt rectè notauit Caiet. 2. 2. q. 70. art. 4.

3 Int. Ad quid tenetur homicida, cuius crimen alteri imputatur, & ob id occiditur? Resp. Si causa non fuit ex malitia iniustæ, & falsæ imputationis, non tenetur ad damna innocentis personalia, tenetur tamen ad damna restituenda ex sententia iudicis hæredibus occisi. Ratio est, quia ex natura rei tenebatur illa damna hæredibus restituere. Hoc, inquam, intelligo quando fuit iniustus occisor, alioqui ad nil tenetur.

4 Int. Quando censetur quis fuisse causa ex malitia falsæ existimationis? Resp. Cum advertit ex adiunctis circumstantiis homicidium alteri imputandum; vt cum se induit illius vestibus, vel armis, aut aliquid egit iniuste, vnde probabiliter credebatur futuram imputationem.

5 Int. Censeturne causa falsæ imputationis ille, qui sciens innocentem minitatum fuisse mortem alicui, & propter eas minas homicidium nocte patratum illi imputandum, & nihilominus occidit? Resp. Si eo animo occidit, vt damnum inferret, res est certa, & vt causa damni tenetur illud resarcire. Ita Pedraca, quem refert Eman. c. 130. sum. concl. 7. cum cōmuni. Si tamen non eo animo, sed temporis occasione, & maiori opportunitate occidendi motus: negat Pedraca, & instruct. quos citat Eman. ille tamen trepidè loquitur. Verumtamen mihi videtur etiā tunc teneri ad damnum, vt causa illius. Ita Tolet. lib. 2. c. 1. n. 79. quia illa prauisio fuit voluntaria, saltem interpretatiuè, & virtualiter damni intentio, quæ satis

est ad restitutionis obligationem.

6 *Int.* Qui inuasorem occidit excedendo moderamen inculpatae tutelae, teneturne ad restitutionem homicidij? *Resp.* Quando moderaminis excessus fuit mortale peccatum, tenetur.

7 *Int.* Quantum tenetur restituere, qui ita mortaliter excessit moderamen? *Resp.* Nau. cap. 15. num. 26. censet tantum, quantum, qui ut aggressor occideret dedita opera. Dicendum tamen est cum Sylu. rest. 2. q. 2. dist. 2. restitutionem esse culpae æquiparandam, ac proinde iuxta confessarij arbitrium pro maiori, minoriue culpa imponendam restitutionem. Doctissimus Peres duplo minorem censuit esse imponendam illa quæ imponitur ei, qui dedita opera occidit, quia duplo minor culpa.

8 *Int.* Qui inuasorem occidit cum posset fugere, quid tenetur restituere? *Resp.* Certum censeo cum Sot. 5. iust. q. 1. art. 8. Nauar. cap. 15. num. 14. posse quemuis sui inuasorem occidere, ut etiam pro defendenda sua re familiari. Dico igitur. Qui in fuga amitteret honorem, non tenetur fugere, & ideo si aliter honorem tueri non potest, quam occidendo, licite occidit, & nihil tenetur occiso aggressori restituere. Hæc est communis doctrina in scholis. Aduertit tamen egregie Sylu. rest. 3. q. 2. dist. 2. nisi talis dedisset iniustam rixæ occasionem: tunc enim tenetur fugere, & si non fugiendo occidat, tenetur damnum restituere.

9 *Int.* Qui tenentur fugere aggressorem? *Resp.* Clerici & religiosi. Ratio est, quia imitationem Christi, & ex consequenti illius humilitatem profitentur, ac proinde nulli eis dedecori tribuitur fugam capeßere, & rixam omittere, ut aggressor seruetur indemnus.

10 *Int.* Ex quo iure tenentur fugere? *Resp.* Ex sola charitate. Et ideo si inuasorem occidant, nullam debent restitutionem.

11 *Int.* Teneturne ad damnum, qui prouocatus occidit alium in duello? *Resp.* Minimè, quia volenti, & consentienti nulla fit iniuriæ: & ideo si ambo æquè se prouocent, neuter alteri tenetur: nam fit quasi implicitum pactum quo sibi inuicem remittunt.

12 *Int.* Ad quid tenetur occisor alterius pro defendendis bonis temporalibus? *Resp.* Pro defendendis bonis temporalibus,

ralibus, licet inuasorem occidere; & ideo occisor ad nullam tenetur restitutionem. Hæc est communis doctrina, quæ refert Sot. loco citato. Hoc intelligo. si adsint debita circumstantiæ, quas numerat Suar. tomo de censuris *diff.* 46. *scilicet* 2. *Prima* ut defensio sit moderata, & pura. *Secunda*, ut aliter, quam occidendo damnum impediri, aut recuperari nequeat. *Tertia*, ut illud rei familiaris nocumentum graue sit. *Quarta* 1a, ut realiter & iniuste inferatur. Quæ doctrina adeo vera est, ut liceat raptorem insequi, & sagitta transfigere, si aliter res ablata recuperari non possit, ut notat Sot. 5. *iust. q. 1. art. 8.* Tolet. *lib. 2. c. 3. n. 409.* Contra Couar. in Clement. Si furiosus, & D. Anton. 3. *par. tit. 4. c. 3.* Secus tamen, si fur iam domi esset quietus, vel ad alia negotia se diuertisset.

13 *Int.* Quid censes, cum res ablata, per iudicem recuperari posset? *Resp.* Res est summo opere controuersa. Negantem partem tenuit Tolet. *lib. 2. c. 3. n. 43.* Bart. in Clement. Si furiosus. *ff. de sicariis, Sylu. excommunicatio 6. notabili 4.* Affirmantem partem tenuit Caiet. 2. 2. *q. 64. art. 7.* cum aliis. Mihi quidem cum distinctione loquendum videtur. Dico igitur, cum facilis erit recuperatio per iudicem, illicitum est raptorem occidere. Ita Sot. 5. *iust. q. 1. art. 8.* cum plurimis Theologis, & Iuristis, quos refert. Illicitum, inquam, contra charitatem, quæ iubet leue damnum pati pro euitando maiori, aut saltem maximo proximi: sed leue damnum est, breui tempore carere rebus suis, maximum verò malum vitæ orbitas: ergo ex charitate tenetur quis carere breui spatio suis rebus, ut deuinet alterius occisionem. Illicitum etiam est contra iustitiam, quia nemini ex officio licet inferre gravissimum damnum proximo, pro euitando leui suo; alioqui pro teruncio liceret raptorem occidere. Dico *secundum*. Cum difficillima speraretur ablatarum rerum recuperatio per iudicem, tunc si aliter quam occidendo, non posset quis sua comparare, liceret occidere furem. Hæc manifesta est ex dictis.

14 *Int.* Quid censes de occidente inuasorem suæ castitatis? *Resp.* Non peccat contra iustitiam, nec etiam contra charitatem, qui pro tuenda castitate, cum aliter se defendere nequit, turpem aggressorem occidit. Ita communis opinio citat Caiet. 2. 2. *q. 64. art. 7.* Tolet. *lib. 2. cap. 3. n. 393.* Quod etiam verum est, cum continens sperat se diuina gratia adiutum minime delectationi consensurum.

15 *Int.* Qui non vitam, aut propria bona, sed innocentis vitam, aut bona defendendo, inuasorem occidit, cui tenetur restitutioni? *Resp.* Nulli. Ita decernitur *cap. Dilecto filio. de sentent. excom. in 6.* per hæc verba. Licet cuilibet suo vicino, & proximo pro repellenda iniuria suum impertiri auxilium.

16 *Int.* Ad quam restitutionem tenetur occisor, aut mutilator punitus iam à iudice? *Resp.* Ad damna ex homicidio subsequuta. Ita *Nau. c. 25. n. 25. Gom. tom. 3. resol. c. 3. nu. 37. Couar. 2. resol. c. 10. n. 7. Instruct. 2. par. cap. 27. cum aliis.* Ratio est, quia iudicialis punitio datur ad satisfaciendum iustitiæ vindictiue, quoad bonum commune: damnificator verò tenetur ex iustitia commutativa iure naturali ad satisfaciendum parti, quoad bonum particulare: ergo adhuc illa obligatio restat: hæc autem non tollitur per legalem punitionem, nisi pars læsa contenta sit, ut nobiles viri contenti esse solent. Hinc colliges hæredes damnati per iudicem ad restitutionem damnorum teneri, quæ ex damnationis crimine nata sunt, ut notat *Nau. sup.* sicut ad alia debita. Imò & fiscus, cum criminosi bona confiscantur. *L. Non possum. L. in sum. ff. de iure fisci.* Notat tamen *Arag. 2. 2. q. 62. ar. 2.* hoc intelligendum esse, quando bona damnati peruenerunt ad hæredes non successione hæreditaria, sed libera legatione.

17 *Int.* Quæ restitutio facienda est pro homicidio, vel mutilatione? *Resp.* In primis facienda est restitutio damnorum omnium realium ex eo subsequutorum. c. finali. de iniuriis, & damno dato. Inter damna numero in primis expensas curationis, victus, seruitij. Deducito tamen inde sumptus, quos sanus faceret, ut notat *Palud. in 4. dist. 25. art. 2. Sot. Sylu. & alij supra citati.* Enumero deinde deformitatem, si ob eam nubere nequit, nisi cum maiori, aut minori dote data, vel accepta: excessus enim restituendus, ut post alios notauit *Aragon* citato loco. Enumero præterea lucra cessantia, cum ob mutilationem non potest artifex suum munus exercere, ut notarunt *Major in 4. d. 25. q. 29.* Cuius sententia in eo mihi non placet, quod dicat minuendum esse pretium laboris, quia otiosus est. Enimvero ille paratus est laborare, & iniuste prohibetur laborare, ut bene refellunt *Sot. Couar. & Tolet. citati.* Merito quidem etiam inter damna adnumerat *Sot. supra* desolationem, & afflictionem mutilati. Enumero denique commendas, tenæas, lucra

lucra scientiæ, scilicet, medicinæ, legum, & aliarum : quid-
quid enim in his iniuste fuit impeditum, restituendum est.
Denique controuersia est, an pro vita, vel membro ipso abso-
lutè teneatur occisor, aut mutilator aliquid restituere. Ne-
gat Nau. *cap. 25. num. 22.* multarum, vt ait, legum argumento.
Tolet. *lib. 4. cap. 1. n. 80.* Pars tamen affirmans omninò asserenda
cum D. Thom. 2. 2. *q. 62. art. 2. ad primum.* Sot. *in 4. d. 15. q. 3.*
Caiet. verb. *restitutio cap. 2.* Couar. 2. *resol. cap. 10. num. 7.* Sylu.
Aragon. & aliis communiter, cum quibus id decernitur *L. Lu-*
sitana, lib. 5. Ordin. *tit. 35. §. 7.* determinans quantitatem pœ-
næ. Probatur apertè, quia damnum personale est multo ma-
ioris æstimationis, quam reale. Quod si dicas non esse vi-
tam pretio æstimabilem, absurdum dico cum Mercato, si ex
eo, quòd quis restituere nequit, quantum debet, non tenea-
tur restituere, quantum potest. Quare meritò D. Thom. 2. 2.
quæst. 62. art. 2. inquit. Quando ad æquale non potest resti-
tutio fieri, facienda est ad æquiualens, quoad possibile est.
Si quæ verò leges Cæsareæ contrarium decernere videantur,
intelliguntur de æquali pretio, quod nullatenus reddi po-
test, nec debet.

18 *Int.* Quomodo restitutio facienda pro homicidio? *Resp.*
De restitutione damnorum realium res est manifesta, facien-
da enim est per res pretio æstimabiles, pecuniam scilicet, &
alia. Restitutio damni personalis faciēda est occiso per elee-
mosynas, orationes, & Ecclesiæ sacrificia, quæ proderunt
defuncti animæ. Restitutio pro damno personali mutilatio-
nis facienda est per pecuniam, vel rem aliam ipsi mutilato
iucundam.

19 *Int.* Quid si non habeo expensas ad sacrificia, eleemo-
synas, & aliorum, teneor ne ex iustitia satisfacere per meas
propriis orationes? *Resp.* Teneor quidem. Ita inuenio apud
Sot. *in 4. d. 15. q. 3.* Gab. Adrian. & alios: præsertim cum
cāusa fui, vt ille damnificaretur in spiritualibus, nimirum ne
maiori cum salutis cura moreretur. Quæ damna spiritualia
spiritualibus bonis sunt compensanda. Et hæc ratio mouit
Tolet. *lib. 4. cap. 2. nu. 49.* ad hoc asserendum; ita inquit,
si verisimile erat, quod ille viuens pro suis peccatis satisfacere-
ret, in meliorique statu discessisset, quam mea iniqua occi-
sione discessit, teneor lege iustitiæ illum iuuare orationibus,
& satisfactionibus meis, &c. Probatur verò in totum, quia

ex sola via possum restituere ; ergo teneor.

21 *Int.* Quibus facienda est restitutio homicidij? *Resp.* Restitutio damni personalis facienda est ipsi personæ læsæ, neque transit ad hæredes iure hæreditatis ; probat Ledesm. 2. 4. q. 18. art. 5. Probatur, quia restitutio boni quod non transit ad hæredes, ad ipsos etiam non transit, sed vita & membra non succedunt hæredibus iure hæreditario ; ergo, &c. Confirmatur à simili, quia sicut vota personalia, & alia onera non transeunt ad hæredes, ita neque honores. Transiret verò si iam de pretio vel esset lata sententia, vel deductum pactum: tunc enim succedit, ut bona alia realia, inter quæ iam numeratur illud pretium.

22 *Int.* Fitne in homicidio, aut mutilatione ea etiam iniuria parentibus, ut debeatur illis satisfactio? *Resp.* Ledesma sup. anceps hæret : pars tamen affirmans videtur probabilior, & certa. Ratio esse potest, quia homo non est solum bonus sibi, sed parentibus, uxori, & filiis, ac illis aptus natus : sed huiusmodi bono orbantur iniuste ab homicida; ergo ab illo accepturi sunt satisfactionem : hæc autem non fit per satisfactionem iniuriæ personalis ipsi occiso, aut mutilato exhibitæ, ergo alia adhibenda. Ita colligitur ex Sot. 5. iust. q. 6. art. 3. & Aragon. citatis.

23 *Int.* Qui invincibiliter ignorans alium occidit, circa quem ita odio affectus erat, ut si eum agnosceret libentius occidisset, teneturne quidquam restituere? *Resp.* Minimè. Ita Nauarr. lib. 2. rest. c. 1. n. 60. quem citat, & sequitur Roder. c. 138. nu. 5. Ratio est; quia ignorantia comitans (sic eam appellant Theologi) non fuit causa damni, sed ignorantia invincibilis: ex ignorantia verò invincibili non oritur obligatio restituendi.

24 *Int.* Qui ebrius alium occidit, aut mutilavit, ad quid tenetur? *Resp.* Si experimento iam compererat se vino madentem similia damna committere, & voluntariè se inebriavit, ad refarcienda damna obligatur : non tenetur verò, si id non expertus erat. Ita Castro lib. 2. de leg. penali c. 14. concl. 1. Nauarr. lib. 2. cap. 1. num. 71.

De restitutione adulterij. §. 1.

1 Quæ restitutio debetur ratione occulti adulterij.

2 De

2 De restitutione pro filio adulterino.

3 Quomodo se gerere debet adultera cum filio adulterino.

4 An teneatur filius adulterinus credere matri.

1 **I**NTERROGATIO. Quæ restitutio debetur ratio-
ne occulti adulterij, ex quo nec proles, nec infamia
sequeuta sunt? *Resp.* In præxi nulla quidem (quanquam secun-
dum se iniuria sit grauissima.) Ratio est, quia nullus, licet
abiectissimus homuncio, fieri sibi patitur talem restitutio-
nem. Ita Doctores communiter cum *Medin. inst. confes. lib. 1.
Aragon. 2. 2. q. 62. art. 6. Rod. c. 204.*

2 *Int.* Quid restituere tenentur adulteri, quando filius
adulterinus putatiuo patri alendus supponitur pro suo? *Resp.*
Si adulteri certi sunt de filio ex adulterio, vterque tenetur
ad expensas educationis. Ita *D. Ant. Syl. & Nau. c. 16. n. 49. &*
dicit esse communem. Ad easdem tenentur, cum ab illis ex-
ponitur pro foribus hospitalis, alendus inter pauperes, nisi
ipsi pauperes sint. Ratio est, quia licet illi ad evitandam infamiam
possint filium exponere, tenentur tamen, si diuites sint,
illum alere: nam quanquam hospitale domicilium ad diuites
sit subterfugium, ad solos pauperes est domicilium, & ideo
ut in domo sua ibi pauperes aluntur, diuites verò tantummo-
do charitatis amplexu recipiuntur. Dixi, si certi sunt, quia si
dubitant, ad nil tenentur: in dubio enim melior est conditio
possidentis. Ita *Syl. verb. adul. q. 5. Tolet. & Aragon. cit.*

3 *Int.* Quid facere tenetur adultera, ne adulterinus filius
cum aliis putatiui patris hæreditatem capiat? *Resp.* Dico pri-
mo. Cum periculo vitæ adulterium manifestare non tenetur,
quanquam sciat suam manifestationem profuturam, quia illi
credent, & filius, & maritus. Ita *Innocent. Host. Panorm. ad
cap. Officij, de penit. & remiss. Nauar. capit. 16. num. 44. Syluest.
adulter. §. 2. Medin. Cordub. lib. 1. q. 31. & omnes in sequenti
conclusionem citandi.* Ratio est, quia nemo tenetur cum vitæ
periculo corporalis fortunæ bona restituere. Imò, ut notat
Aragon, in citato euentu maritus, & filius ex charitate te-
nentur illi bona condonare pro seruanda vita. Dico secundò.
Cum infamia publica non tenetur adultera detegere adul-
terium, si filius legitimus hæreditate defraudandus etiam
ipsius adulteræ filius est. Est omnium, quos citavi, & expres-
sius *Cordub. lib. 1. q. 31.* Probatur, quia filius legitimus est in
hoc euentu irrationabiliter inuitus, cum nesciat suo honori

consulere, quem satis curat mater, adulterium tegendo. Et in hoc sensu intelligēdi sunt Scot. in 4. d. 13. q. 2. D. Ant. 2. p. tit. 10. cap. 8. §. 1. Caieran. verb. adult. Med. de rest. q. 3. casu 4. Nauarr. & alij, cūm absolutē affirmant non teneri matrem cum infamia detegere occultum crimen. Dico *tertiò*. Cum periculo infamiae tenetur adultera detegere adulterium, quando filius defraudandus, solus est legitimus patris ex alia matre, & hæreditas est multum pinguis, pretiosiorque quam ipsius adulteræ fama. Ita Sot. in 4. d. 15. q. 17. & fortiori Adrian. qu. 1. de rest. Maior. d. 15. cūm absolutē affirmant teneri. Ratio est, quia licet fama ex natura sua nobilissimum sit omnium externorum bonorum, ut aurum pretiosissimum omnium metallorum. Tam levis tamen in singulari esse poterit, ut aliis bonis possit longè superari, quemadmodum parua quantitas auri magna argenti ærisve copia. Dico *quartò*. Quando ob periculum vitæ, aut famæ adultera non tenetur adulterium detegere, tenetur viis omnibus procurare, ne filij legitimi hæreditate defraudentur, & ideo ex bonis paraphernalibus iacturam recompensare: filium secreto admonere, si speret monitionem profuturam: aut ad religionis ingressum commovere. Ita Card. Tolet. lib. 5. cap. 11. n. 5. Dico *quintò*. Hæc intelligenda sunt de adultera ex malitia: nam quæ per vim, aut fraudem, aut metum grauem adultero consensit, ad nihil horum tenetur, quia nullam iniusticiam contra filium, maritumve commisit: non enim cum periculo vitæ, aut infamiae tenetur eorum indemnitati consulere.

4 *Jnt.* Teneturne filius adulterinus credere matri ita affirmanti? *Resp.* In primis in foro exteriori pro legitimo iudicandus est, ut probat Panormitan. cap. per tuas, de probatione. Dico deinde. Si tales adsint rationes, & indicia, ut moralem certitudinem inducant, tenetur filius matri fidem adhibere; ut si illa tempus computet absentiae coniugis, sitque timorata conscientiae foemina. Ac proinde tenetur filius bonis hæreditatis cedere. Ita communiter Doctores.

De restitutione stupri. §. 3.

- 1 *Qui stuprator tenetur ad restitutionem.*
- 2 *Qui stuprator non tenetur ad restitutionem.*
- 3 *De stupratore importuno.*

- 4 De stupratore fidei promittente fœmina futurum matrimo-
nium.
- 5 De indicio, ex quibus colligitur virginem verè fuisse deceptam,
& inuoluntariam.
- 6 De stupratore ita subdole promittente, ut quamvis inæqualis
esset, crederetur à virgine verè loqui, & ex animo.
- 7 De stupratore inæqualis conditionis, qui à fœmina impruden-
ter inæqualitatis inscia putatur ex animo loqui, cum fidei
tamen loquatur.
- 8 Unde excusatur stuprator fidei matrimonium promittens, &
virginem decipiens.
- 9 De stupratore nobili verè pauperi virgini, & infimæ matri-
monium promittente.
- 10 De stupratore violento.
- 11 De stupratore violento erga virginem, quæ æquè nupsit, ac si
non esset violata.
- 12 De stupratore, qui sub promissione matrimonijs stuprum obti-
nuit, & alteri fœmina nupsit.
- 13 Quæ restitutio facienda parentibus, seu custodibus virginis
violatæ.

I INTERROGATIO. Quis stuprator tenetur ad resti-
tutionem? Resp. In primis qui per vim, dolum, aut frau-
dem, falsis persuasionibus puellam violauit. Conclusio est
certa, & ab omnibus asserta, & manifesta. Itaque tenetur, aut
illam ducere, aut dotare, ut possit alteri nubere ita honestè,
ac si esset virgo. Ita habetur *cap. si seduxerit. Extr. de adul-*
ter. & c. Peruenit, eodem tit.

Secundò ad restitutionem tenetur, qui per nimias, & im-
portunas preces stuprum obtinuit. Nimias verò, & importu-
nas preces hic intelligo preces æqualis viri ad æqualem fœ-
minam instantissimas, & sæpiùs repetitas, & inculcatas, simi-
les iis, quas habuit Dalila ad Samsonem. *Judic. 16.* Sicuti ele-
ganter describit diuinus Auctor; Cùmque molesta esset ei,
& per multos dies iugiter adhæreret; spatium ad quietem
non tribuens, &c. Scio rem esse valde dubiam inter Aucto-
res, contrariùmque sentire Tolet. *lib. 2. cap. 5. num. 444.*
Salzedo in *pract. cap. 83.* Bannes 2.2. *quæst. 62. artic. 2. dub. 9.*
Sanchez *disput. 10. num. 5.* Quod probant, quia hæ nimix, &
importunæ preces non videntur inuoluntarium constitue-
re, quas supercilio contracto fœmina à se possit retundere.

Nihilo

Nihilominus nobiscum consentiunt Nauar. *cap. 16. n. 17. Cord. lib. 1. quæst. 13. Medin. in sum. cap. 14. & alij multi. Probâtque Card. Tolet. lib. 5. cap. 11. n. 1. ex cap. Si seduxerit. Extr. & c. Peruenit, de adult. Itaque quoties fœmina consentit, vt precisè importunitatem, molestiamque subterfugiat, voluntatiq; stupratoris acquiescat, inuoluntaria consentit, & tacitè ad refarciendum damnum, stupratorem obligat, quia non liberè donat, sed sub restituendi obligatione permittit auferri, vt cum quis à famulo peteret rem domini importunè, & ille importunitatis molestia euictus sineret rem auferri, finit enim cum restituendi onere, quia non donat. *Tertiò. Tenetur ad restitutionem dominus, qui per preces à puella, quæ illi reuerentiam debet, consensum extorquet. Ratio est, quia hæ preces saltem æquiparantur metui reuerentiali, & leui iniuste illato, extorta verò per talem metum restituenda esse in foro conscientia, docet Nau. cap. 17. num. 8. Cou. regul. pec. 3. p. §. 3. num. 7. Molin. tom. 2. iust. tractat. 2. disputatione 267. Sylu. verb. metus, & alij permulti. Tenetur denique Princeps, qui precibus solet minas adhibere, & non consentientibus acerbè sœuire, si per tales preces stuprum obtinuit. Hæc à nemine negatur, quia, vt notat Sanchez tom. 1. disputat. 7. num. 5. hæ preces æquivalent metui cadenti in virum constantem.**

2 *Int. Quis stuprator non tenetur ad restitutionem? Resp. Ille, cui puella liberè consensit. Ita communiter Doctores, D. Anton. 2. p. tit. 5. §. 1. Cordub. lib. 1. q. 13. Nau. c. 2. & num. 16. Tolet. lib. 2. qu. 3. n. 435. Syl. Sor. & alij cum Tolet. lib. 5. cap. 11. n. 2. Probatur, quia volenti & consentienti nulla fit iniuria. Liberum verò consensum non tollunt aliquæ preces, & blanditiæ: nulla enim tam perfrictæ frontis puella est, etiam vitiata, quæ non rogari priùs expectet, & blanditiis comparari. In foro tamen externo grauissimis poenis afficitur talis stuprator, non solum per ius commune, sed etiam per leges Lusitanas, quas videre est lib. 5. Ord. tit. 23.*

3 *Int. Ad quam restitutionem tenetur stuprator importunus? Resp. In foro conscientia non tenetur puellam ducere, sed satis erit iniuriam refarcire & damnum subsequutum, iuxta prudentis arbitrium. In foro verò externo ex rigore iustitiæ satis est eam dotare ea dote, vt adipiscatur virum, qualem haberet virgo. Addit verò Nauar. sub n. 17. restituendum etiam*

etiam aliquid esse pro verecundia, quam omni vita passura est.

4 *Int.* Ad quam restitutionem tenetur importunus stuprator fictè promittens, & illudens spe matrimonij futuri? *Resp.* Dico regulariter loquendo, teneri ad matrimonium contrahendum, nec aliter satisfacere. Ita D. Th. in 4.d.24. q. unica. Richard. ibid. art. 1. §. 3. D. Ant. 2.p. tit. 5.c. 6. Nau. c. 16. num. 180. Cord. lib. 1. q. 3. & in sum. q. 50. Henr. lib. 11. de matrimon. cap. 11. Instruct. 1.p. cap. 76. Ang. verb. stup. Syl. verbo luxuria, & multi plures, quos citat, & sequitur Sanchez q. 1. disp. 10. Tolet. lib. 5. c. 11. n. 2. Probatur, quia in omni contractu, in quo intercedit, do, vt des, si ex vna parte impletur, ex alia in eodem genere implendus est iure iustitiæ, sed ita se res habet in nostro casu, ergo, &c. Dixi, ex natura rei loquendo, quia fieri potest, vt ex matrimonio sequantur graua damna: tunc enim sufficit dotare, vt docet Nauar. cap. 16. n. 18. Tolet. lib. 5. c. 11. n. 3. Nisi ipsa puella intelligat deceptorem fictè loqui, & velle eam decipere, & ex consequenti pati se ipsam decipi, quapropter sibi imputet deceptionem; tunc enim non tenetur deceptor eam ducere.

5 *Int.* Ex quibus circumstantiis colligitur puellam intelligere se decipi, & deceptorem fictè loqui? *Resp.* Cùm conscia erat inæqualitatis inter eos circa gentilitiam nobilitatem, vel diuitias; vt cùm vir nobilis promittit sordidæ, & abiectæ foeminæ: aut vir diues benè numatus pauperculæ, sicuti adnotarunt Sylu. & Nau. citati, D. Anton. 2.p. tit. 2.c. 1. §. 1. & Tolet. lib. 5. c. 11. n. 3.

6 *Int.* Quid censēs, quando puella ignorabat inæqualitatem, & stuprator ita fictè promissit, vt ab illa, etiam conscia inæqualitatis, crederetur verè, & ex animo loqui? *Resp.* Probabilius est non teneri ad matrimonium contrahendum, sed tantùm ad competentem dotem resarciendam. Ita Sanch. disp. 10. q. 3. Probatur, quia ille, cùm esset inæqualis, non tenebatur ex iustitia habere consensum ad reddendum plus, quàm æquale; quanquam puellam deceperit, quæ fortè non acciperet illud æquale, si conscia esset fictionis. Oppositum scio asseruisse Roder. c. 26. n. 8. cum sua probabilitate.

7 *Int.* Teneturne ad aliquam restitutionem stuprator faciendam foeminæ, quæ ob imprudentiam, & incogitantiam existimauit, stupratorem inæqualiter nobilem minimè il-

Ima

iam decipere dum matrimonium promisit ? *Resp.* Tenetur, quia re vera puella fuit hallucinata, licet ex imprudentia; ergo à deceptore conseruanda est indemnis. Vt si quis fictis minis puellam parua audacia deciperet ad consensum, quem non extorqueret à forti foemina, tenetur restituere damnum, nec illi patrocinator aliena timiditas, ergo nec in nostro casu aliena incogitantia, & imprudentia, siquidem ad eam ipse dedit sufficientem causam. Ita Nauarr. *cap. 27. n. 76.* Tolet. *lib. 2. cap. 3. num. 442.* Sot. *in 4. dist. 27. q. 1. art. 3.* Cordub. *lib. 1. qu. 13.* Veracruz *3. p. Spec. art. 19.* Ledesm. *2. 2. q. 18. artic. 2.* Petr. Ledesm. de matrimon. *dub. 19.* Bartholomæus Ledesm. de matrimonio *quæst. 45. art. 4.* Oppositum scio tenuisse Sanchez citato loco, quod affirmare contendit id asseruisse multos alios, quos refert. Sed illius sententia tantummodò asserenda est cum manifestè ex circumstantiis colligitur puellam fuisse voluntariè, & permissiue, palliataque ignorantia ad excusationem habendam in peccatis, ficta stupratoris promissione deceptam.

8 *Jnt.* Ex quibus causis excusabitur fictè promissor, & puellæ deceptor à matrimonio contrahendo? *Resp.* In primis si probabiliter creditur coniugium difficiles exitus habiturum. Ita notauit Henriq. *lib. 11. de matrimonio, cap. 11.* Sanch. *disput. 10. q. 1.* Eman. *cap. 206. num. 8.* Deinde, si ex tali coniugio scandalum graue sequatur. Ita aduertit D. Ant. *2. par. tit. 1. cap. 6.* Sylu. *luxuria q. 5.* Nauar. *c. 16. n. 18.* qui id affirmat etiam cum vera fuit promissio.

9 *Int.* Promisit vero animo vir nobilis puellæ ignobili, aut diues pauperi, se illi nupturum, & ea spe foeminam stupro consentientem reddidit, ad quid tenetur ? *Resp.* Tenetur eam ducere. Probat, quia ille potest, & liberè voluit se abiicere, & suas pecunias communicare, impletâ stupri conditione; ergo obligatio fuit libera, & valida. Quæ veritas adeo certa est, vt etiam eam teneant in simplici promissione sponsaliorum, Cord. *lib. 1. q. 13.* Spec. *3. p. ar. 19.* Mol. *10. 2. iust. disp. 17.* Sanch. *lib. 1. disp. 14.* Et quanquam promissio re vera prodiga fuit, tamen accepta, obligat ad sui impletionem ex iustitia, præsertim in causa matrimoniali, iuxta Ecclesiæ praxim illam implere cogentis, vt rectè Mol. proximè adnotauit.

10 *Int.* Qui per vim puellam violauit, si paratus sit matrimonium contrahere, teneturne ad maiorem restitutionem, re-nuente

niente puella coniugium? *Resp.* In re vna omnes conueniunt circa propositam dubitationem. Scilicet, cùm deceptor est multo inferioris conditionis, & ideo à fœmina contemnitur, teneri ad dotem, qua puella cum æquali, vt antea, nubat. Alioqui si ex stupro cogeretur ad illum accipiendum in coniugem, cogeretur ad nouam iniuriam ferendam. Ita Panormitan. & Ioan. Andr. ad *cap. 1. de adult.* quos sequuntur Iuniores. Cùm verò est æqualis conditionis, ad nil amplius teneri, quàm ad nuptum, censuit Couar. 2. *par. epitom. cap. 6. num. 15.* Roder. *cap. 26. num. 5.* cum aliis. Ratio illorum est, quia iniuste repudiatur. Veruntamen oppositum apparet probabilius, quia iste deceptor ex æqualitate iustitiæ tenetur reducere puellam in statum, à quo illam seduxit: sed illa deceptionis tempore erat in statu libertatis, vt nuberet æquali, cui vellet; ergo ex illa iniuria non est cogenda accipere hunc, & non alium (est enim huiusmodi coactio noua quædam quasi iniuria:) tenetur igitur stuprator ad dotem, si illa renuat connubium.

11 *Int.* Puella violenter oppressa æquè benè nupsit, ac si non esset violata, teneturne stuprator aliquid illi impertiri? *Resp.* Omnes teneri affirmant, cùm maritus deuenit ad stupri notitiam, & ideo eam odio habet, & plagis afficit. Controuersia verò est, cùm maritus defectum nullatenus intellexit. In qua negant ad quid ampliùs violatorem teneri. Nau. *c. 16. num. 19.* Instruct. 1. *p. cap. 70.* & Tolet. *lib. 2. c. num. 45.* Dicendum tamen cum Victoria, quem citat Nauarr. & Med. quod debeat: quia illa iniuria secundùm se est grauis, facta ipsi puellæ violatæ.

12 *Int.* Obtinuit stuprator puellæ consensum sub promissione futuri matrimonij, postea non stetit promissis, sed alij nupsit, ad quid tenetur? *Resp.* Tenetur non solum ad dotem competentem, ac si non esset violata: sed etiam ad cessantia lucra ex defectu promissionis; ac proinde si promissor stuprator erat nimium diues, tenetur ad reddendum lucrum ex diuiti coniugio subsequens, iuxta prudentis arbitrium. Ita notauit, & docuit Sot. in *4. d. 27. q. 1. art. 3.* Nauar. *lib. 4. consil. titul. de spons.*

13 *Int.* Quæ restitutio facienda parentibus, & custodibus puellæ stupratæ? *Resp.* Si puella liberè, & voluntariè consensit, nulla illis debetur restitutio. Probatur faciliè. Quoniam illis

illis nulla fit iniuria, cum puella adhuc sub parentum, & tutorum custodia, domina sit suæ integritatis, & libera velit nuptiarum iacturam pati, si quæ ex stupro subsequuta sit. Ita Tolet. lib. 2. c. 3. num. 438. Sot. 8. iust. q. 7. art. 1. Spec. 2. p. ar. t. 19. cit. Crediderim limitandam esse conclusionem, nisi scilicet ex stupri damno cogatur pater, & custos dotem augere ad tuendum pristinum honorem. Tunc enim tenetur, meo iudicio, illis augmentum dotis restituere, quia iniuste à stupratore ad id coacti sunt. Si tamen per vim, aut fraudem puella fuit violata, tenetur stuprator parentibus restituere iuxta prudentis arbitrium. Ita D. Th. & Caiet. 2. 2. q. 154. art. 6. Nau. c. 16. n. 19. Cord. Tolet. & Sot. citat. Ratio est, quia gravissima illis irrogaretur iniuria contra ius, quod habent ad custodiendam filiam, sicut reliqua alia bona. Quod de stupratore diximus, dico de raptore. Enimvero, seu foemina velit, seu nolit raptorem sponte comitari, semper custodibus fit iniuria, pretio resarcienda: ut fieret cum è cauea, vel per vim, vel illectionem animal magni pretij ostenso cibo extrahas, & te insequentem deferas. Ita notavit, & docuit Tol. Quamobrem in iure gravissimæ poenæ decernuntur puellarum raptoribus. 33. q. 1.

De restitutione famæ. §. 4.

- 1 Quo malo leditur fama.
- 2 Unde oritur obligatio restituendi famam.
- 3 Qua detractione denigratur notabiliter fama.
- 4 An lædat notabiliter famam alicuius, qui de eo infamato circa certum peccati genus, narrat plura individua peccata, quàm ille commisit.
- 5 De narratore eorum, quæ circa alterius famam audivit.
- 6 De eo, qui vni viro gravi, & taciturno crimen alicuius detegit.
- 7 De infamatore mortui.
- 8 Qui excusantur à restitutione infamiae.
- 9 Quantum peccat qui se ipsum infamat.
- 10 De eo, qui ad fugienda tormenta sibi falsum crimen rogatus imponit.
- 11 De eo, qui infamatum in aliquo loco infamat in alio, ubi habet integram famam.
- 12 Ob quod crimen incurritur infamia iuris.
- 13 De eo, qui infamatum infamia facti in aliquo loco, infamat

in alio.

- 14 An sit notabilis infamia apud duos, vel tres tantum.
- 15 De infamante cum, qui per fraudem bonam famam acquisitam habet.
- 16 Vtrum ad liberandum innocentem liceat occultum crimen alicuius detegere.
- 17 De occultante crimen; de quo iniuste ab alio infamatur.
- 18 De eo, qui præbet aures calumniatoribus iniustis.
- 19 Quando peccat contra charitatem audiens detractores.
- 20 De libellis famosis.
- 21 Quantum est restituendum propter famam ablatam.
- 22 An omnia damna ad integrum restituenda sint.
- 23 Vtrum ratione iniuriæ orta ex infamia sit aliquid restituendum.
- 24 An tantum restituere teneatur, qui verum, quàm qui falsum crimen euulgavit.

I N T E R R O G A T I O. Quo malo læditur fama? *Resp.* Detractione. Et ideo definitur detractio. Iniusta denigratio famæ. Ita Navar. cap. & num. 18.

2 *Int.* Quæ conditiones adesse debent, ut detur obligatio restituendi famam? *Resp.* Tres. *Prima*, ut fama à parte rei læsa sit. *Secunda*, ut læsa sit contra iustitiam. *Tertia*, ut aliunde non sit adhuc recuperata. Ita Sot. 4. iust. q. 6. art. 3. Ledesm. 2. 4. q. 18. Arag. 2. 2. q. 62. art. 2. & Recentiores.

3 *Int.* Qua detractio denigratur notabiliter fama? *Resp.* Respondebo diuifim, quoniam materia multa est. Atque in *primis*, qui de alio narravit vitium mortale illi iniuriosum valde apud id ignorantes, notabiliter famam denigrat. Dixi (ignominiosum) quia aliquando non ita est, ut cum de milite glorioso dicitur mortem inimico magnificis verbis minitatum: aut suscepisse singulare certamen. De adolescente profusis moribus loquutum fuisse cum meretrice de rebus amatoriis. De foemina prostituta euulgasse suum corpus. Dico *secundò*. Denigravit notabiliter famam proximi, qui de religioso, aut Episcopo, aut alio viro perfectionem, & gravitatem profitente, dixit aliquod leue peccatum, non quoduis, sed quod nimium dedecet illius statum, vel esse assuetum nugis, verbis scurrilibus, ac vanis colloquiis, & conuersationibus foeminarum delectari, oculorum petulantiam habere, & similia. Ita Tolet. libro secundo capite quarto,

num. 326. Ratio illius est, quia hæc leuia vitia apud homines multum de existimatione detrahunt famæ, quia quandam vilis, & abiecti animi ignominiam, & sordem præ se ferunt. Nauar. verò *cap. 28. num. 25.* narrat se vidisse hominem insigniter eruditum, & probum ab accipiendo egregio quodam munere impeditum propter veniales culpas. In speciali verò de consuetudine mentiendi circa personas graues, vt Papam, Regem, Episcopum, tenet id Medin. *in sum. fol. 182.* & Tolet. proximè *num. 14.* quia pro iis mendaciis valdè contemnitur non solum à viris grauibus, sed etiam ab ipsa plebe, qui illius verba, & promissa flocci pendunt. Dico *tertiò.* Notabiliter denigrat famam Monasterij, qui alicuius religiosi, licèt innominata persona, narrat aliquod turpe peccatum, vel aliud iniuriosum. Ita communiter Doctores. Dico *quartò.* Notabiliter famam lædit, qui de aliquo infamato circa vnum peccatum mortale, narrat aliud occultum ipsius, quod cum notorio peccato nullam habet connexionem. Nam si connexionem habet, reuelato vno, censetur aliud detectum. Ita Tolet. *cap. 4. n. 231.* Nauar. cum Adrian. quæ citat loco proximo. Ratio est, quia fama læsa pro vno, integra erat pro alio, & ideo de nouo læditur: læditur autem notabiliter; ergo, &c. Oppositum censuit Cord. *quæst. 2. conclus. 5.* vt si quis de notorio fure, aut homicida, v. g. narraret aliud simile peccatum longè diuersum. Verumtamen infirmam pro se adducit rationem.

4 *Jnt.* Qui de aliquo infamato circa vnum genus peccati, narrat plura eiusdem speciei, quàm commisit, læditne notabiliter famam? *Resp.* Qui narrat, licèt falsò, in eodem genere minus peccatum, quàm est illud, cuius infamia laborat, minimè quidem. Vt qui de lusore cõsuetò ludere duo millia aureorum, dicit lusisse mille aureos. Ita Mercat. *c. 9.* Qui verò narrat grauius notabiliter, quod nunquam quis commisit, aut adauget numerum commissorum eiusdem grauitatis, ita vt illa grauitas, aut pluralitas sit notabilis, famam lædit, & tenetur restituere. Hæc est per se nota, & in confesso apud omnes.

5 *Jnt.* Ex praua consuetudine loquacitatis, narrat quis quod audiuit, asserens se nescire, an ita sit, sed narrare, quod audiuit, insuper non intendere famam denigrare, teneturne ad restitutionem? *Resp.* Si ex narrandi consuetudine alius, narranti

ranti non adhibeatur fides, nec adhiberi soleat, ad nil tenetur. Si tamen illi fides adhibeatur, & fama læsa sit, tenetur. Quod verum existimo, quamuis ex leuitate audientium, & non ex auctoritate narrantis penè nulla, illa procedat infamia. Scio equidem esse contra Syl. 7. 1. cit. & Adrian. quem ipse refert, non tamen contra rationem. Quoniam illa audientium leuitas impulsæ fuit à causa per se illam commouente scienter. Vt si quis leuitatem, & audaciam furum prouocaret expositione rerum alienarum pro foribus, & viis. Quæ quidem expositio sine intentione damni temeraria fuit & iniusta, & ideo obnoxia manet restitutioni; ex se enim dedit ansam audaciæ, & leuitati furum, quæ per se damnum intulerunt. Ita Sot. 4. iust. 9. 6. art. 3. & lib. 5. 9. 10. art. 2. qui addit, licet diffamator dicat se non credere, esse ingeniosum, ac pestilentem detrahendi modum, ex quo saltem suspicio, & dubitatio probabilis oritur.

6 Int. Ad quam restitutionem tenetur, qui absque necessitate vni viro graui, & taciturno crimen alicuius occultum detegit, sine intentione lædendi? Resp. Ad nullam illum obligat Caiet. 2. 2. 9. 73. art. 2. Cord. quæst. 2. conclus. 5. aiuntque non peccare mortaliter. Oppositum docuit Sot. 5. iust. quæst. 10. art. 2. asseritque maius damnum esse famam amittere apud vnum virum grauem, quam apud plures abiectionem plebis (licet grauius damnum ex vno, quam ex alio oriri possit circa rem familiarem.) Cum Caiet. tenuit Tolet. lib. 2. cap. 4. num. 335. cum Soto mordicus Suarius tomo 4. disput. 34. sect. 1. affirmans esse communem Doctorum sententiam, cum asserunt reuelare complicem in confessione absque necessitate (qua de re latius, cum egerimus de confessione sacramentali) esse peccatum lethale. Tota contentio est, vtrum illa infamatio præcisè apud vnam personam grauem, & secretam sit damnum graue. Respondeo ex natura rei loquendo, minimè, quia ita manet occultum, ac si non esset dictum, nec deinceps subit in memoriam. Atque in hoc sensu vera est opinio Caiet. & Tolet. Verum ex circumstantiis poterit esse graue, si v.g. vitæ ratio, & institutio personæ infamata penderet ab illa graui persona in suffragiis, in fauore, in honore, &c. Atque in hoc sensu vera est opinio Soti & Suarij. Si talis persona criminis recordetur, & se gerat longè aliter, atque heri, & nudius tertius.

7 *Int.* Quid censes de eo, qui mortuum infamat? *Resp.* Peccat mortaliter, non solum qui mortuum infamat in dedecus viuorum consanguineorum, sed in dedecus præcisum mortui: ratio est, quia etiam post mortem tanti faciunt homines nominis splendorem, ut ad eum comparandum, & immortalitati relinquendum superbas moles ad coelum usque extruant: quale fuit illud Absalonis Mausoleum, cum stemmate aureis literis inciso, Manus Absalonis, ut narratur 2. Reg. 18.

8 *Int.* Qui non peccant contra iustitiam alium infamando, & ideo excusantur ab illius restitutione? *Resp.* In primis qui ob necessariam famæ suæ defensionem crimen occultum proximi, illum iniuste infamantis detegit ad minuendam illius auctoritatem. Nam si ad defendendam vitam licet aggressorem occidere, ita ad defendendam famam licet criminatorem infamare. Ita Sanc. & alij communiter. Deinde non peccat, qui tormentis cogitur aperire veritatem, & ad illa euitanda alterius peccatum occultum detegit, licet torqueatur ab eo, qui iniuste veritatem scire vult. Ratio est, quia non tenetur cum tanto suo detrimento alterius famam conseruare. Ita Sot. 5. iust. quæst. 10. art. 2. Rectè tamen limitat cum Tolet. lib. 5. c. 66. nisi illud sciuerit iniuste per vim, scilicet, aut fraudem, & ex ea reuelatione sequeretur graue detrimentum tertio. Præterea, non peccat, qui ad solam consolationem comparandam, & remedium acquirendum bono animi affectu erga offensorem narrat tertio iniuriam sibi illatam: Quia utitur iure suo, & per accidens detegit alterius insolentiam, atque audaciam. Ita Tolet. lib. 2. c. 4. nu. 346. in quo casu, nec venialiter quidem contra charitatem peccabit.

9 *Int.* Quantum peccat, qui se ipsum infamat? *Resp.* Non peccat in primis contra iustitiam, quando infamia non reducat in damnum tertij. Ratio est, quia vnusquisque, ut aliorum bonorum externorum dominus est, ita suæ famæ. Ita Sot. 5. iust. 7. 10. art. 2. Tol. proximè citat. Nau. c. 18. n. 28. Adria. in 4. q. 35. Cou. 2. resolut. c. 28. Cordub. & alij. Est expressa sententia D. Thom. 2. 2. q. 73. ar. 4. ad 1. Scio oppositam sententiam ex contrario fundamento fuisse Caietani, qui dixit tunc lædi Ecclesiam, & Rempublicam: sed falsa nititur ratione: nam ex eo sequeretur, quod qui alium infamat, teneatur etiam Ecclesiæ, &

& Reipublicæ restituere: quod quidem nullus vnquam asse-
ruit. Dixi (quando infamia non redundat in damnum tertij)
redundaret enim cum persona esset communis, à qua ceteri
exemplum sumunt, veluti pater, cuius infamia redundat in
damnum filiorum: religiosus, cuius infamia redundat in dā-
num religionis: & tunc quidem grauiter peccat contra iusti-
tiam. Dico *secundò*. Qui sine causa, & necessitate famam suam
prodigè effundit, nec contra liberalitatem peccat mortaliter.
Probatur, quia prodigalitas, quantacumque sit, iuxta D. Tho.
2. 2. *quæst.* 120. *art.* 2. & 3. ex suo genere non est peccatum
mortale. Quamobrem nõ consequenter loquutus est Sot. qui
sequutus hanc D. Thom. veritatem, dixit peccare mortaliter,
si crimen sit grauissimum. Nec item Toletus, qui eidem as-
sentitur, vt notauit Tolet. *lib.* 2. *num.* 272. etiam si sibi falsò
crimen imponat, quia dominus est suæ famæ. Imò, quia ali-
quando erit meritorium, si in eo quis propriam abiectionem;
& contemptum pro Christo Domino intendat. Peccaret ve-
rò grauiter, si ex suo malo exemplo alij liberis peccandi oc-
casionem arriperent, vt docet D. August. *de Lono viduit.* c. 22.
relatus in *c. Non sunt audiendi* 11. q. 3. Peccaret cum ex infamia
sequeretur mors tertij à iudice infligenda, tum quia iniustè
illum prodit, tum quia illi mortis damnum incutit. Dico *tertiò*.
Non peccaret, nec contra charitatem quidem, qui ob pœnas
à iudice infligendas, & à se tolerandas ad satisfaciendum
culpæ, crimen suum iudici detegeret, licet sciret, se mutilan-
dum, vel etiam occidendum. Ita Toletanus contra Nauar.
Covar. & Sylu. quos citat proximè. Ratio est, quia tolerare
pœnas ob culpam bonum ex se est.

10 *Int.* Interrogatur quis in tormentis de crimine, quod
non patrauit, peccatne illud sibi falso imponendo, ob quod
occidendus est? *Resp.* Affirmat Nauar. n. 29. quia nemini licet
causam præbere suæ occisioni. Oppositum docuerunt Sot. &
Tolet. citati, quia non tenetur homo tanto cum cruciatu vi-
tam seruare, semoto iuramento, quanquam verò mentiatur,
mendacium non est lethale.

11 *Int.* Quantum peccat, qui infamatum apud aliquem
locum, diffamat in alio, in quo habet bonum nomen? *Resp.*
Qui infamatum infamia iuris in vno loco, hoc est, per iudicis
sententiam damnatum, infamat in alio loco, non peccat con-
tra iustitiam. Conclusio est certa, quando diffamat apud eos,

qui statim crimen sunt cognituri. Cōtrouersia verò est, quando nunquam ad eos perueniet talis notitia, & in hoc euentu traditur à Caiet. *opusculo 16. responsione 9. Sot. 5. iussit. questione 10. articul. 2. Nauarr. cap. 18. numer. 26. Tolet. capit. 4. numer. 266. & ab aliis, quos citant. Probatur, quia prima delinquentis poena, à iudice inflicta, est famæ amissio apud omnes ad punitorum exemplo aliorum audaciam coercendam, & ideo iudicis sententia illum constituit iustè cassum bono nomine propter commissum crimen; ergo qui illum nominat talem, & detegit, nihil ab eo aufert. Quæ veritas etiam asserenda circa eum, qui post amissam famam per crimen, & iudicis sententiam, illam iterum virtute, ac rebus benè gestis comparauit. Ita Sot. & Tolet. citati. Quamuis oppositum censet Tolet. *lib. 5. cap. 65. motus ea ratione; quia licet per crimen, & iudicis sententiam fama antecedens ablata sit, non tamen subsequens. Sed fallitur sanè, quia qui emendatum diuulgat olim peccatorem, non illi præsentem aufert famam, sed deperditam testatur ob præteritum crimen. Et confirmatur, quia si apud eos, in quibus fama integra erat, licet illum detegere, ergo licebit etiam ubi est recuperata. Negabis antecedens, dicēsque famam tunc falsa existimatione fuisse integram ob ignorantiam, quia reuera illa erat iustè ablata: in nostro verò casu, fama reuera est iustè acquisita, & illa deteção deperditur? Resp. Deperdi per accidens, non ex natura deteção criminis, quia illa deteção solùm respicit præteritam famam. Dico secundò. Qui infamatum infamia iuris, infamat in loco ubi famam integram habet, aut bonam iam recuperatam, ex qua diffamatione sequitur dedecus, & consanguineorum ignominia, lethaliter peccat contra charitatem. Ita Toletus proximè citatus, Medin. *in sum. §. 35. Salon. controuer. 18. conclusionē 2. Sot. quest. cit. artic. 2. Roderic. cap. 248. Probatur, quia ex charitate tenemur graue proximī damnum impedire, cum possumus, nec causa adest permittendi illud, vt in propria iam materia respondi. Dico tertio. Qui infamatum infamia iuris, infamat in loco ubi nec bonam, nec malam famam habet, aut propter alia notā crimina malam, non peccat etiam contra charitatem. Ita Nauar. *c. 28. nu. 26. Angl. in 4. quest. de restitut. famæ, dub. 4. Saa verbo infamare. Probatur apertè, quia leue nocumentum illi infert, & magnum com-*
modum***

modum Reipub.vt rei deterreantur à crimine.

12 *Int.* Quod crimen præcipuè punitur infamia iuris? *Resp.* Crimen hæresis, in quo fama in odium criminis directè damnatur, eaque expressa intentione hæretici sunt puniti, vt eorum manifestetur crimē, & poena, & ideo ad publicum theatrum confluentibus vndique populis adducuntur, & depicti membranis pro templis celebrioribus exponuntur, in perpetuum subscripto nomine, officio, & patria recordamentum. Idem dico de criminibus, quæ suspendio, iugulatione, verberibus, ac aliis publicis pœnis afficiuntur, ad quas infligendas eliguntur dies celebriorum nundinarum, vt coram pluribus castigentur scelerati, & diffamentur.

13 *Int.* Quantum peccat, qui infamatum in aliquo loco infamia facti, infamat in alio loco, vbi habet bonam famā? *Resp.* Peccat non solum contra charitatem, sed etiam contra iustitiam. Ita *Sot. q. 10. art. 2. Tolet. cap. 4. num. 291. Rod. c. 248. conclusione 5.* Probat, quia iniuste priuat proximum famā, quam retinet. Dico *secundò.* Peccatum mortale non est infamatum infamia facti publici, in alio loco infamare, ad quem citò peruentura erat infamia. Ita limitandi sunt *Nauar. c. 19. num. 26. & Saa verbo infamare, & alij Recentiores,* cum absolute dicunt, non esse peccatum mortale, ita proximum infamare. Traditur à *D. Anton. 2. p. tit. 8. c. 4. colligitur ex D. Thom. in 4. d. 19. q. 2. art. 3.* Probat, quia illa anteuertentia non ita graue damnum incutit, vt grauem culpam constituat. Subest tamen grauissimum argumentum soluendum: nā mortaliter pecco cōtra charitatem, & iustitiam, si damnum infero, quod scio paulò post ab aliis inferendum, vt cum segetem aduro, quam scio paulò post inflammandam; ergo peccatum erit contra iustitiam mortale famam iniuste eripere, licet sciam statim ab aliis etiam iniuste auferendam. Arbitror quidem argumentum esse efficax, nec excusari, nisi dicendo illa duo loca ob viciniam, & cōmercium eundem omninò censerem locum, atque illam anteuertentiam esse partis respectu totius, quæ non lædit iustitiam, nec notabiliter charitatem. Dico *tertiò.* Non est peccatum contra iustitiam, saltem mortale, delictum publicè commissum in vno loco nescienti manifestare. Ita *Scot. in 4. dist. 15. q. 4. Tolet. lib. 5. c. 65. & cum Nauar. ij,* quos supra adduxi. Probat, quia peccator per publicitatē facti sibi famā ademit. Multo maiori ratione id affirmat

Tolet. *nu.* 291. de narrante in eodem loco nescientibus eiusdem loci. Poterit tamen esse aliquando contra charitatem. Dico *quartò*. Peccat contra iustitiam, qui infamiam intra domi parietes factam, foras extrahit : aut in vna vicinia commissam, ad aliam viciniam deducit ; teneturque ad restitutionem, nisi vicinix inter se ita essent vnitæ, vt censeretur eadem. Idem dico de eo, qui crimen publicè commissum, sed iam temporis longitudine oblitum iterum propalat ac enarrat. Ita aduertit optimè Mercatus *lib. 6. cap. 11.* & Tolet. *sup.* Probat, quia, vt crimen in vno loco publicè paratum, est occultum in alio, ita publicum in vno tempore, est in alio tectum, & ideo iniuste detegitur. Dico *quintò*. Peccatum occultè commissum, iniustæque reuelatione vulgatum, & ea via publicum in vno loco, vel communitate, publicare. notabiliter magis ibidem, peccatum mortale est. Ita Tolet. *num.* 291. Rod. *c.* 248. Probat, quia datur proximo graue damnū crescente notabiliter infamia, cui ipse causam non dedit occultè peccando. Est præterea peccatum contra iustitiam obligās ad restitutionem. Probat, quia illa prima diffamatio apud aliquos fuit iniusta; ergo accretio eiusdem diffamationis apud eos, qui alienam famam in se habebant, & ab eis iniuste eripitur. Vnde colligo discrimen inter publici & secreti peccatoris diffamationem, nam non est contra iustitiam publicum peccatorem diffamatum apud maiorem, vel magnam communitatis partem, apud nescientes euulgare, quia ille ex se iam famam amisit apud omnes, licet adhuc in aliquibus falsò, vt illi debita, retineatur ; est verò contra iustitiam, occultum peccatorem iniuste diuulgatum, & publicum ex iniqua reuelatione scientium apud maiorem, aut magnam communitatis partem diffamare, quia illi iniuste eripitur fama, reuera sua.

14 *Jnt.* Cēlebiturne notabilis diffamatio apud duos, tresve sine periculo maioris diuulgationis? *Resp.* Affirmatiuam partem tenuit Syllu. *detraçtio. 9. q. 1.* Oppositum tamen est verum, nisi personæ sint à quibus pendeat notabiliter delinquens.

15 *Int.* Qui falsò & per fraudem bonam famā adeptus est, potestne sine iniustitia reuelari, vt hypocritam, & nebulo-nē? *Resp.* Ita sine peccato reuelari posse, vt nulla sit iniustitia, docuit Arag. *2. 2. q. 62. ar. 20.* Oppositū ē diametro sensit Rod. *c.* 248. *concl.* 16. atque id agere mortale esse peccatum. Melius tamen

amen distinguo, ac dico, si peccatum occultum, & fama falsò comparata non vergit in detrimentum Reipubl. aut tertij, charitatem lædit, & iniustitiam facit, qui illud reuelat. Quia proximum iniustè lædit in fama, quam iustè possidet; alioqui liceret publicare occultos peccatores, quia omnes falsò famam tuentur, licèt iustè. Si ramen fama falsò acquisita in tale damnum vergit, vt fama Theologi, aut Medici, qui nec Theologiam, nec Medicinam callet, cum animarum, & corporum periculo, potest sine iniustitiæ, ac charitatis offensa reuelari. Quia iniustè illam, & falsò possidet, possum verò cum damno aggressoris innocentem tueri. Ita distinguunt Sot. 5. iust. q. 10. art. 2. Tolet. c. 4. n. 342. Cord. q. 2. concl. 4. tit. de detract.

16 Int. Licètne ad innocentis damnum euitandum, nocentis crimen occultum reuelare? Resp. Si damnum est spirituale licet. Ita Nau. c. 18. n. 30. Tolet. Card. lib. 5. Itaque si videro aliquem vti familiaritate hæretici, aut concubinarij, & probabiliter video errore inficiendum, & ad concupiscentiam turpitudinis attrahendum, possum ignorantem monere, detegere quæ alterum esse occultum hæreticum, & Veneri deditissimum, vt sibi caueat ab illius consuetudine. Dico secundò. Id etiam licet ad corporale damnum euitandum. Ita post Nauarrum docet Tol. n. 199. Duo tamen aduerto. Primum, vt minima quoad fieri possit, fiat reuelatio. Secundum, vt damnum innocentis, quod timeo, multò gravior sit infamia occulti peccatoris, alioqui non licet magna nota infamiæ nocentis impedire leue detrimentum innocentis. Licebit tamen si æquale sit: tunc enim melior est conditio possidentis.

17 Int. Qui negat occultum crimen, quod alius iniustè prodit, siue in iudicio, siue extra, peccatne contra iustitiam? Resp. Minimè: ita respondet Sot. 4. iust. q. 6. art. 3. Syl. rest. 3. q. 3. Anglin 4. q. de rest. fam. conclus. 1. Tolet. n. 349. Tolet. lib. 5. c. 69. Probat, quia qui negat, vitur iure suo se defendendo, ius enim habet ad suum secretum peccatum tegendum. Si verò inde calumniatoris infamia sequatur, sibi imputet, quia ex causa à se iniustè data orta fuit. Potest igitur dicere diffamatorem fuisse calumniatorem, & impostorem, vt notauit Angles: quia in iure calumniator, & impostor appellatur, qui crimen, quod probare non potest, ad publicum, iudiciū me deferit. Ita c. 2. de calumniis. Quod expressè adnotauit ibi Glos.

& Saa, *verbo rest.* Probatur ex *L. i. c. de aduoc. diuers. iud.* vbi puni-
 nitur aduocatus, qui alterum aduocatum prauaricationis ac-
 cusat, quam probare nequit. Verum qui se à crimine liberare
 possit per solam simplicem negationem, dicendo accusato-
 rem bona fecisse intentione, sed hallucinatum fuisse, peccabit
 quidem contra charitatem, qua tenetur proximi damna im-
 pedire. Peccabit etiam contra iustitiam, si ex odio faciat, &
 intentione vindictæ ad damnum inferendum, cum sine suo
 detrimento illud possit impedire, infamiâque proximi ex-
 cusare. Graue tamen dubium est, qua restitutione resar-
 ciendum sit hoc damnum. Dico non teneri negantem illud
 restituere negationis retractatione. Ratio est, quia ille negare
 potest vtendo iure suo ad tegendum crimen suum occultum,
 nec iuridicè delatum, aut interrogatum. Tenetur tamen alio
 meliori, quo potuerit modo, iuxta prudentis arbitrium.
 Traditam doctrinam intelligo veram, si amphibologia vta-
 tur, qua quidem in hoc euentu vti potest, ne mentiatur.

18 *Int.* Quando peccat audiens calumniatorem, contra
 iustitiam? *Resp.* Quando interrogando, applaudendo, aliisve
 modis inducit, & incitat detractorem ad dicendum, peccat
 grauius, quàm detractor, quia peccato proprio addit proximi
 scandalum, mouens illum ad peccandum: peccat item contra
 iustitiam, & ad restitutionem tenetur; quoniam iniuste illi
 famam adimit. Ita *Sot. 5. iust. 7. 10. a. 4.* cum plurimis, quos citat
Navar. c. 18. n. 37. *Adrian. quædlib. 3. q. 21.* Probè verò aduertit
Nau. Inter verba. n. 448. valdè excitari criminatorem, seu de-
 tractorem ad dicendum contradictione audientium. Et ideo
 si illa interrogatio est simulata, obligat ad restitutionem, quia
 directè tendit ad maius damnum inferendum. Si verò talis
 est, vt ex verbis, & intentione auditoris, tantummodo auditor
 ostendat se solum leuis detractionis auditione delectari, de-
 tractor verò ex propria malitia, ea occasione data, prorumpat
 in grauem infamiam, grauius delicta detegendo, id non obli-
 gat auditorem, sed detractorem ad restituendum. Solet etiam
 esse moralis incitatio ad detrahendum taciturnitas prælati,
 aut patris, aut domini, qui quando audiunt detrahentes sub-
 ditos, filios, aut seruos, tacent. Ratio est, quia qui tacet con-
 sentire videtur: & ex consensu colligunt subditi, filij, & serui
 prælatos, parentes, & dominos illis detractionibus delecta-
 ri, ac proinde liberiùs, & otiosiùs alienam famam corro-
 dunt.

ant. Ij igitur tacentes, & ideo consentientes ad restitutionem tenentur, quia moralis causa sunt detractio-
um.

19 *Int.* Quanquam ad restitutionem famæ satis sunt dicta, & plenior tamen materiæ cognitionem, vnum rogo. Quando peccat contra charitatem audiens detractorem? *Resp.* Quando quis ex odio delectatur audiendo obtreptationes morales. Patet ex illo principio, *Vnicuique mandavit Deus de proximo suo.* Ecclesiast. 17. contra quod principium dupliciter peccat, tum quia non impedit malum proximi, cum potest: tum quia non emendat errantem. Vtrumque enim illo mandato præcipitur. Sed hac de re iam dixi in materia de correptione fraterna ante 1. Decalogi præcept.

20 *Int.* Circa libellos famosos quis peccat contra iustitiam? *Resp.* Dicam prius, quos censeam libellos famosos. Libellus famosus est compositio in scriptis, siue ligata, siue soluta oratione, quæ exponitur in loco publico, ubi à multis legi possit, quæ proximi fama, & honor iniuste læditur. Romani vocant Paschinos, sic dictos à lapide Paschino, cui affiguntur, eluti si apud nostrates affigerentur in columna forensi pro uniendis malefactoribus erecta, quæ vulgari lingua vocatur Pelourintho; ita colligitur ex Arm. & Syl. verb. *Libell. famosus.* Dico igitur Auctores, & cooperatores in scribendo, & euulgando libello famoso grauiter lædente famam proximi, grauiter peccant contra iustitiam. Hæc veritas adeò claret, vt probatione minime indigeat. Quamobrem, vt pestifera lues Reip. capitis damnantur huiusmodi diffamatores *L. vnic. c. de libel. famosis.* Dico secundò. Peccat etiam contra iustitiam, qui huiusmodi libellos scienter legit. Ita probatur à simili ex Nauar. cap. *Sacerdos*, n. 9. & aliis, qui affirmant peccare mortaliter contra iustitiam, qui aliena peccata scripta ad memoriam iuuandam, inuenta, aut surrepta legit. Item ex Tol. sup. it. n. 459. asserente peccare mortaliter contra iustitiam, qui alienam epistolam aperit, & legit, quia iniuste aufert secretum proximi, & quamuis non teneatur restituere, si epistola absque secreto vulgaris sit, mortaliter tamen peccat, quia se exposuit periculo sciendi iniuste alterius secretum, si ibi esset.

21 *Int.* Quantum tenetur quis restituere propter ablatam famam? *Resp.* Omnia damna temporalia ex iniusta infamatione sequuta. Ita Nau. c. 18. n. 47. Gab. in 4. Merc. c. 9. Tolet. n. 373. Inter hæc verò damna adnumerandæ sunt expensæ, quas infamatus

infamatus facit in acquirenda iterum fama per testes, aut alia via difficili. Probatur ratione. Quia non minus detractor famam rapit, atque fur res domesticas, sed fur tenetur ad expensas, quas dominus facit in recuperandis rebus ablatis, ut in confesso est apud omnes; ergo tenetur ad restituendas expensas in fama recuperanda factas.

22 *Int.* Teneaturne huiusmodi damna in integrum restituere? *Resp.* Si damna sunt de rebus iam acquisitis, tenetur ad integrum. Si de rebus acquirendis, impeditis verò per infamiam, tenetur iuxta prudentis arbitrium. Ita Doctores citati. Et ratio est in promptu, quia bona acquirenda adhuc sunt in periculo acquisitionis, & ideo minoris æstimantur.

23 *Int.* Seclusis alijs damnis debeturne restitutio præcisè pro ipsa infamia, hoc est, pro iniuria, ob quam infamatus caret bono nomine quatenus illud non recuperat? *Resp.* Debetur, ita Cordub. *tit. de retract. memb. 4. q. 3. concl. 10.* & alij. Probatur faciliè, quia vel infamatus habebat antea bonam famam negatiuè, hoc est, non malè audiebat: & tunc patitur damnum emergens positiuè infamiæ iniuste illata. Vel habebat bonam famam positiuè, hoc est, bene audiebat: & tunc patitur damnum cessantis boni, hoc est, famæ bonæ; cessant enim honorificè illæ conceptiones, & laudes, quæ de illo prædicabantur.

24 *Int.* Teneaturne ad æqualem restitutionem, qui crimen verum euulgauit, atque ille, qui crimen falsum imposuit? *Resp.* Si æqua fuit infamia subsequuta, æqua debetur restitutio, licet coram Deo inæqualia sint peccata. Ita Nauar. *c. 18. citato. num. Tolet. supra num. 284.* Ratio est, quia æqualitas restitutionis non oritur ex æqualitate culpæ, sed ex æqualitate damni. Si tamen inæqualis fuit infamia, inæqualis debet esse restitutio. Ita Sot. *4. iust. q. 6.*

De modis restituendi famam. §. 5.

1 *Quot modis restituitur fama.*

2 *Quis teneatur restituere famam per retractationem.*

3 *An cesset obligatio restituendæ famæ, cùm fieri nequit, vel retractatione, vel iuramento, vel testibus oppositum asserentib.*

4 *Apud quos tenetur retractare, qui infamauit apud paucos, per quos postea crimen diulgatum est apud plures.*

5 *An quis teneatur se retractare cum periculo vitæ ad restituendam*

dam famam.

Quo pacto facienda est retractatio.

Ex quibus causis liberatur quis à restituenda fama per retractationem,

Vtrum restituenda sit fama per compensationem, cum restitui nequit per retractationem.

Vtrum mutui infamatores à restitutione deobligentur.

2 *Vtrum infamatus possit retinere pecuniam debitam infamatori per recompensationem iniuriæ.*

1 *Ad quam restitutionem tenentur hæredes infamatoris.*

2 *Vtrum cōdonatio infamiæ excuset infamatorem à restitutione.*

3 *Vnde colligitur infamiæ condonatio.*

I N T E R R O G A T I O. Quot modis restituitur fama?

Resp. Duobus. *Retractatione* nimirum, & *compensatione*.

2 *Int.* Quis tenetur famam restituere retractatione? *Resp.*

in primis, qui per mendacium infamauit, tenetur regulariter retractare, affirmando se fuisse mentitum. Ita D. Th. 2. 2. u. 62. art. 2. Caietan. & Interpretes ibidem, Gab. in 4. d. 15. q. 6. cot. ibi. q. 4. Sylu. verb. *detract.* notabili 4. Nau. cap. 18. num. 45. enique omnes communiter. Probatum ratione, quia damnicus iniustus tenetur resarcire damnum in eodem genere æquiualens, & non sufficit in alio genere sine consensu amnificati, cum potest ita restituere: sed in euentu posito se res habet; ergo, &c. Quamobrem licet infamiam calumniæ, mendaciæve incurrat talis impostor, tenetur eam pati, quia cum damno suo tenetur impedire alienum. Hoc verò damnum famæ non solum tenetur pati æquale, sed etiam maius, ut docet Tolet. lib. 5. cap. 70. & Saa verb. *detract.* Non tamen tenetur istud damnum pati maximum, quale pateretur impostor nobilissimus in restituenda fama ignobilis, & abiecti viri: tunc enim satis erit alio modo satisfacere, ut adnotant iidem Doctores. Si verò simplex retractatio non sufficiat, tenetur interponere iuramentum. Ita Sot. 4. iust. q. 6. art. 3. & alij communiter. Ratio est, quia non aliter potest resarcire damnum, quod fecit. Si verò iuramentum non satis sit ad falsam opinionem amouendam, tenetur adhibere testes, quibus infamati innocentiam probet. Ita Sot. Aragon, Cordub. & alij citati, quia hæc sunt remedia necessaria. Probabiliter tamen hoc negat Nauarr. Tolet. Roder. quia iuramentum ex se est sufficientissimum, & efficacissimum medium, cui si non creditur:

creditur obduratio, & incredulitas prouenit ex malitia non credentis.

3 *Int.* Demus, quod auditor, nec retractationi, nec iuramento, nec testibus credit, cessatne tunc restitutionis obligatio? *Resp.* Affirmat Salon, quia iā fecit quod in se erat, neq; auditoris malitia infamatori nocere debet. Dicendum tamen est non cessare, donec detractor restituat bonā opinionem, quā abstulit. Ita Arag. Probatur à simili. Quia, qui ré furto ablatā alicui tradidit, ille verò qui possidet, nolit iterū dare, non inde liberatur à restituēda re; ergo non liberabitur à restituēda fama, licet ex malitia alterius restitui nequeat in eadē specie. Restitutio igitur tunc facienda est per alias res, pecuniā nimirū, vel quid aliud pretio estimabile. Deinde, qui iniustē infamauit, occultum crimen reuelando. Scio hoc dictum fuisse olim valdē cōtrouersum, cōmunēq; Antiquorū opinionem asserere peccatum esse dicere se fuisse mentitum, cum reuera verum dixerit, & sic dicendo mentiatur. Ita censuit Scot. in 4. d. 15. q. 4. Gab. ibidem, q. 16. Syl. Arm. Nau. Sot. 4. iust. q. 6. art. 8. Quod si ab his auctoribus petas, quomodo ergo facienda est restitutio? Respondet D. Thom. Restituet dicendo se malē dixisse, & iniustē infamasse. Nau. verò & Sot. aiunt. Restituet laudando illum nulla facta mentione detecti criminis iniustē. Contrarium opinati sunt Iuniores. Med. in summa, Tolet. n. 379. c. cit. Henriq. lib. 2. pœnit. cap. 12. Salon. controuersia 15. Emman. in sum. cap. 279. apud quos plures referuntur. Probant ex opposito fundamento, quia iste infamator potest uti amphibologia, & ita retractare dictum absque mendacio: sed non potest restituere famam nisi hac via; ergo illa uti est obligandus. Potest igitur dicere se non dixisse verum, intelligendo veritate publica, quia crimen erat secretum. Se fuisse mentitum, intelligendo in rebus aliis. Se dixisse quod reuera nesciebat, intelligendo via publica, ad detegendum illud. Quod si alicui durum, difficilēque videatur affirmare se fuisse mentitum, dicat etiam amphibologicē, se hallucinatum esse in persona, posteaque comperisse, non fuisse illum. Sibi ita visum fuisse se audiuisse, sed reuera non audinisse; cū ad alium sensum verba tenderent. Et satis erit hac via damnum infamix restituere.

4 *Int.* Apud quos tenetur retractare, qui infamauit apud paucos, per quos postea crimen diuulgatum est apud plures?

Resp.

p. Si primi, quibus dixit, erant viri prudentes, & timorati, et postea ex incuria ipsi rem diuulgarint, apud hos tantum. Quia subsequens damnum per accidens fuit subsequutum, & ipsi, qui imprudenter diuulgarunt, illud tenentur ad egrum resarcire. Si verò illi pauci erant rimarum, ut aiunt, tamen, hæc illac perfluentes, & ut tales, noti, tenetur retractationem facere apud omnes. Ratio est, quia damnum præuenerit per se subsequutum fuit. Ita Tolet. *n.* 443. Alcaffer in *sum.* *n.* 21. contra Merc. *lib.* 6. *cap.* 9. & Pedraca ad 8. *præcept.* qui solutè affirmant teneri apud omnes.

5 *Int.* Tenetur quis restituere famam retractando cum petulo vitæ, loquendo de infamia, & vita secundum se? *Resp.* elegant Caiet. 2.2. *q.* 62. *art.* 6. Nauar. pluribus in locis, Sylu. *tract.* *q.* 4. Cord. *q.* 31. Tolet. *lib.* & *c.* cit. *n.* 400. fundamentum orum est, quia nemo tenetur rem inferioris ordinis restituere cum iactura rei ordinis superioris. Hoc tamen fundamentum falsum est, quia licet res hæc essentialiter sit nobilior illa, accidentaliter tamen abiectior esse potest quoad ætimum, & æstimationem. Quamuis enim parua auri quantitas essentialiter sit nobilior magna argenti copia, ne dicam anni, vel cupri: minoris tamen sit, & ducitur apud omnes. Hic exemplum à Philosophis sæpè usurpatum de cœlo, & formica, est enim formica essentialiter nobilior cœlo, quia animal viuens: & tamen nobiliori loco cœlum habemus, quam formicam. Eadem igitur ratione tam nobilis esse potest fama vnius: ut abiectæ alterius vitæ apud homines antecuratur, plurisque fiat. Dic ergo. Tanta esse potest famæ æstimatione, & ex consequenti illius amissio, ut infamator teneatur restituere cum propriæ abiectæ vitæ iactura. Siquis abiectæ conditionis homo nobilissimam familiam hæresis, aut herodionis insimulet. Probatur satis, ut apparet, quia perpetua infamia illustri familiæ præponderare videtur vitæ priuati infamatoris. Ita Sot. 4. *in 1.* *q.* 6. *art.* 3. & *q.* 7. *art.* 2. alon. *cont.* 16. Ledes. 24. *q.* 18. *art.* 2. Aragon. 2.2. *q.* 62. *art.* 2.

6 *Int.* Quibus modis utetur infamator in retractando ad restituendam famam publicè ablatam? *Resp.* Multiplices assignant Doctores. Pedraca in 8. *præcept.* ait, eat de domo in domum: vel dicat prædicatoribus, aut parochis, ut illius nomine, & consensu dictum retractent apud plebem. Hic secundus modus, si infamatio publica est, & nemini fermè igno

ignota, omninò seruandus est. Ita placuit Roderic. *cap. 279*. Ratio est, quia restitutio aliter fieri nequit.

7 *Int.* Ex quibus causis liberatur quis à restituenda fama per retractationem? *Resp.* Ex tribus præcipuè. *Prima* est, ob vitæ periculum, nisi adeo vita abiecta sit, & fama adeo illustris, ut fama vitæ longè excellat, sicut paulò ante dixi. *Secunda* est, ob inæqualitatem maximam, illustrissimæ personæ infamantis, ad infamatum. Quia (ut iam dixi) nemo tenetur rem parui ponderis resarcire cum detrimento magno rei magni momenti. *Tertia* est, cum probabiliter creditur minimè retractationem profuturam. Ita communiter Doctores.

8 *Int.* Non potest fama restitui in proprio genere per retractationem, ètne restituenda per compensationem alterius rei? *Resp.* Negat Tolet. *num. 415*. Sylvest. *de tract. q. 4*. Ratio Tolet. est, quia ut vita, sic fama non pretio æstimabilis, igitur de ea non potest fieri compensatio. Opposita sententia est D. Thom. 2.2. q. 32. art. 2. ad 2. Scot. in 4. d. 15. q. 4. Sot. 4. iust. q. 6. art. 3. & de teg. secr. memb. 1. qu. 2. Couar. *regul. pec. 1. p. num. 6*. Nauarr. *cap. 18. num. 430*. Ratio eorum est sumpta ex opposito fundamento, quia ut vita, sic fama, quamuis entitatiuè, & essentialiter excedat omne pretium (*pellem enim pro pelle dabit homo pro anima sua*) tamen quoad hominum æstimationem ad aliquod pretium reducuntur. Quoniam verò ex communi Doctorum sententia, quando debitum compensari nequit ad æqualitatem in eodem genere, compensandum est in alio, quoad fieri poterit ad æquum. Restituenda ergo est talis fama per pecuniam oblatam: honorem delatum: munus honorificum in Republica infamato commissum, vel quid simile.

9 *Int.* Possuntne mutui infamatores se invicem compensatione à restituendo liberare? *Resp.* Possunt. Itaque quando infamia est equalis, & vnus non vult restituere, alter soluitur à restituendo compensatione iniuriæ. Est communis sententia. Probatur ex c. *Tua fiat. de adul.* Paria crimina mutua compensatione delentur. *cap. Nihil iniquius. 32. qu. 6*. Deinde quia in quibuscunque damnis mutuò datis, & acceptis, si paria sint, & pleno iure pertineant ad damnificantes, vno renuente restituere, alter soluitur à restituendo. Oppositam sententiam docuit Caiet. 2.2. q. 62. ar. 2. Maior in 4. d. 15. q. 16. Nauarr. c. 18. num. 47. Tolet. n. 396. Eorum ratio est, quia per recipro-

cam

1 infamiam non tollitur damnum illatū ad inuicem. Sed ratio nulla quidem meo iudicio est. Multa esset, si dixisset famæ retentionem non restitutæ, non tolli damnum tum; ergo quatenus non restituitur, manet damnum retriendum. Verū tamen eadem ratio fieri posset in mutuo iuniarum debito, nam per retentionem pecuniæ non tollitur damnum illatum. Et tamen nullus Auctor negat, in dehis realibus fieri posse compensationem, & restituendiligationem cessare.

10 *Int.* Fierine poterit compensatio in pecunia pro fama infamator restituere non vult? *Resp.* Poterit. v. g. Deo tibi centum, iniuste me infamasti, infamia centum fuit imata, non vis mihi famam restituere, possum centum compensationem retinere, cum alia via iniuriam delere queo. Probatur, quia tu ita mihi restituere teneris; ergo o eam compensationem facere queo cum aliter me ininmem seruare non possum. Ita Aragon. & Roderic. cum is iam citatis.

11 *Int.* Quæ obligatio manet hæredes infamatoris? *Resp.* Tenentur restituere damna realia ex infamia subsequuta. Ita lud. in 4. d. 15. q. 2. si iam iniquis infamator ea non restituit, vt notauit Cord. q. 3. cit. Salon. controu. 21. Constat ex cap. ali de sepult. cap. A nobis. 2. de sententia excommunicationis. Quoniam huiusmodi realia debita sunt onera hereditaria, vt probat Mol. tom. 1. iust. disp. 217. Tenentur præterea restituere famæ ipsius damnum. Ita Doctores citati, & Adrian. odlib. 11. Pedraca ad 8. præceptum. Emmanuel cap. citat. conf. 5. Ratio est, quia ista fama est pecunia æstimabilis, vt omnes tenent contra Syluest. & Tolet. ergo transit hoc onus in pecunia, aut cum rebus pecuniæ æquipollentibus ad hæredes.

12 *Int.* Qua alia via excusatur quis à famæ restitutione? *Resp.* Excusatur per iniuriæ remissionem factam ab ipso infamato.

13 *Int.* Ex quo colligitur remissio infamiæ ab ipso infamata? *Resp.* Ex verbis. Non tamen ex familiari conuersatione. Bene enim potest quis familiariter agere cum credidore, qui ab eo pecunias abstulit, & retinet, & tamen non infertur debitas pecunias remittere.

CAPVT XV.

De restitutione circa bona Fortunæ.

Iam egimus, Deo Opt. Max. adnuente, de restitutione damnorum circa bona Animæ. Item circa bona Corporis. Nunc bonis faxit, idem Deus auspiciis, aggredimur tractationem restitutionis circa bona Fortunæ, sic enim appellantur bona externa opum, & diuitiarum.

De Vſura. §. 1.

- 1 Quid est vſura.
 - 2 In quo differt mutuũ ab accommodato.
 - 3 Quid est lucrum.
 - 4 Quod peccatum est vſura.
 - 5 Quotuplex est vſura.
 - 6 Quæ requirantur ad vſuram explicitam.
 - 7 Quot modis poteſt vſura palliari.
 - 8 De vſura in contractu ſocietatis.
 - 9 De vſura in venditione.
 - 10 De vſura in ſolutione pecuniarum.
 - 11 Quas ob cauſas poteſt in mutuo lucrum exigi.
 - 12 Quæ conditiones faciunt lucrum ceſſans.
 - 13 An poſſit lucrum ceſſans recipere, qui pecunias negotiationi expoſitas rogatus mutuas dat, imo non rogatus, ſed charitate motus.
 - 14 An mutuatarius accipere debeat omne lucrum.
 - 15 De vſura in mutuo dato tempore, quo minus, & accepto quo plus valet.
 - 16 Ad quarum rerum reſtitutionem teneatur vſurarius.
 - 17 Ex quibus bonis vſurarij facienda eſt reſtitutio.
 - 18 Qui obligantur reſtituere vſuras.
 - 19 Quo pacto ſe debet gerere confeſſarius cum vſurario publico.
 - 20 Quæ pænæ latæ ſunt vſurario publico mortuo in vſuris.
 - 21 Quo pacto ſe gerere debet confeſſarius cum vſurario occulto.
 - 22 An liceat ſumere ſub vſuris.
 - 23 An liceat petere ſub vſuris.
 - 24 An mercator ad alendam vitam poſſit accipere ſub vſuris.
- 1 INTERROGATIO. Quid eſt vſura? Reſp. Eſt lucrum ex mutuo, ratione ſolius mutui, vltra fortem conſequutum,

sequeutum. Dixi ex mutuo, quia ex commodato non est usura.

2 Int. In quo differt mutuum ab accomodato? Resp. In hoc, quod in mutuo transfertur dominium rei mutuo data: in accomodato verò minimè.

3 Int. Quid est lucrum? Resp. Est acquisitio commodi pecunia æstimabilis, quod aliàs meum non erat. Quare si ratione mutui consequutus sum debitum meum, aliàs non consequendum, usuram non committo. Dixi lucrum pretio æstimabile, quia mutuum dare ad benevolentiam comparandam, vel ad gratitudinem mouendam, non est usura; quia nec amicitia, nec gratitudo sunt pretio æstimabilia. Dixi, ratione solius mutui, quia si datur ratione damni emergentis, aut lucri cessantis, vel ratione gratitudinis, non est usura.

4 Int. Quod peccatum est usura? Resp. Mortale. Constat ex cap. Quia. cap. Super eo. de usuris. Et oppositum asserere est hæreticum.

5 Int. Quotuplex est usura? Resp. Duplex. Vna explicita, altera implicita, seu, ut aiunt, palliata. Mentalem omitto, quam quis committit, cum mutuum dat, eo solo animo, ut lucrum, ultra sortem recipiat, licet tantummodò secum id cogitet, exterius verò mutuum det.

6 Int. Quæ requiruntur ad usuram explicitam? Resp. Duo. In primis mutuum. Enimverò si non mutues pecuniam, sed loces ad ostentationem, vel ad alium usum, & inde recipias lucrum, non committis usuram. Deinde requiritur pactum recipiendi extra sortem rem pretio æstimabilem propter mutuum. Quæ autem res sit pretio æstimabilis, boni viri arbitrio perpendendum est; sunt enim penè infiniti euentus. Vnum aduerto; quod si propter mutuum accipias pignus fructiferum, te obligari ad fructus deducēdos in sortem, deductis expensis, etiam perperito pretio industriæ. Duo verò excipiuntur casus, unus reperitur cap. Conquestus, de usur. Cū quis dedit alicui fundum in feudum, & hic postea accipit mutuum ab illo, & ipsum fundum dat ei in pignus; tunc dominus fundi potest fructus accipere, & postea totum mutuum recuperare. Ita notat Sor. lib. 6. de iust. qu. 1. art. 5. Alter casus est cap. salubriter. de usur. Cū socer dat genero in pignus dotis soluēdæ rem frugiferam: tunc enim gener potest fructus recipere, & postea integram accipere dotem. Quia

iuxta Canonum mentem iis indiget ad onus matrimonij in alenda familia sustinendum. Idem pari ratione dicendum de vxore, mortuo marito, nondum accepta dote. Ita Sotus proximè cit.

7 *Int.* Quot modis potest vsura palliari? *Resp.* Duobus. In primis ratione pacti de lucro, ultra sortem, non expressis verbis, aut scripto publico, sed nutu, vel consuetudine, vel verbis secretis. Deinde ratione mutui sub alio nomine traditi, venditionis, v.g. Fingo nimirum me dare viginti aureos pro bobus, quos mutuatarius non habet, & postea fingo me locare emptos boues pro quinque aureis. Nam re vera est mutuum viginti aureorum pro quinque.

8 *Int.* Quando committitur vsura in societatis contractu? *Resp.* Cum nomine societatis mutuum purum palliatur: ita enim datur capitale, vt non subeat periculum, non autem est societas, cum non est æquale periculum subeundum.

9 *Int.* Quando committitur vsura in venditione? *Resp.* Quando venditur res ultra summum pretium ratione expectatæ solutionis. Vel emitur minoris, ratione præsentis pecuniæ. Certum enim est triplex esse rerum pretium, supremum, medium, & infimum. Certum etiam est posse res vendi summo pretio ratione expectatæ solutionis, & emi infimo pretio ratione præsentis pecuniæ. Vsura tamen est supra summum pretium plus accipere ratione expectatæ solutionis, & minoris infimo emere, ratione præsentis solutionis.

10 *Int.* Quando committitur vsura ratione solutionis? *Resp.* Cum quis ratione anticipatæ solutionis minus dat, quàm deberet dare post certum tempus. Ita Caiet. *verb. usur. c. 3.* Verùm Tolet. *lib. 5. c. 31.* oppositū sentit cum Nauar. *c. 17. n. 131.* si absque fraude debitor remittit, ratione anticipati temporis. Quia præsens pecunia plus valet, quam absens, & ideo æquè valent nonaginta aurei præsentis, quam centum absentes.

11 *Int.* Quas ob causas potest in mutuo lucrum exigi? *Resp.* In primis cum illud deductum fuit in poenam, nisi tali tempore mutuum reddatur, vt mutuo centum, reddendum tali die, quod si non reddideris, reddes decem supra centum. Ad hanc tamen poenam tutò in conscientia capiendam, requiritur bona intentio recuperandi suum metu poenæ. Quare vsura est imponere hanc poenam ei, quem scio non habiturum centum ad reddendum eo die, & idèò mutuum do.

do. Requiritur etiam culpa ex parte debitoris non solventis. Si enim non fuit in culpa soluendi, nec etiam debet pœnam, quia sunt correlatiua culpa, & pœna. Denique si debitor partem soluit, non potest exigi tota pœna; sed pars, parti æqualiter respondens. Potest etiam lucrum capi ratione damni emergentis, aut lucri cessantis, deducendo in pactum refarctionem damnorum. v.g. habeo centum aureos soluendos die D. Michaëlis, quos si non soluerim, pœnam sum soluturus trium aureorum, petis à me mutuos centum aureos, possum dare cum pacto de damno emergente ex defectu mutuatæ pecuniæ non solutæ. Præterea, habeo centum aureos ad emendum linum in nundinis Octobris, in cuius emptione lucraturus sum decem, si non emerō, perditurus sum hoc lucrum, possum deducere illud in pactum mutuando; eadem tamen certitudine, vel incertitudine lucri, vel damni cessantis, vel emergentis. Rectè tamen admonet Tolet. *lib. 5. c. 32.* licitè posse mutuante[m] damna emergentia, vel lucra cessantia capere, licet non deduxerit in pactum, cum vi, aut dolo, fraude, aut metu cogitur mutuare, mutuatariumque teneri ad id refarciendum, quemadmodum ille, qui illo manifesto damno euenturo, aut lucro cessaturo, pecuniam mutuam accipit.

12 *Int.* Quæ conditiones faciunt verum lucrum cessans? *Resp.* Tres: *Prima* est, ut pecunia mutuo data, verè esset negotiationi exposita. *Secunda*, ut qui mutuatur, non habeat aliam pecuniam extra negotiationem quam possit mutuare. *Tertia*, ut lucrum sit probabile.

13 *Int.* Potestne lucrum cessans accipere, qui non coactus, sed tantum rogatus pecunias negotiationi expositas à negotiatione subtrahit, & mutuas dat? *Resp.* Negat Sot. cum alijs, quos citat *lib. 6. iust. q. 1. art. 8.* Affirmat tamen Conrad. *en. 30.* Sylu. *verb. usur.* Tolet. *lib. 5. c. 3.* Iuxta quam sententiam lucrari potest, quod erat lucraturus in negotiatione. Idemque dicendum putat Toletus de eo, qui licet non rogetur à patre, tamen charitate motus illum vult iuvare, mutuum dando cum scœnore cessantis lucri.

14 *Int.* Estne accipiendum à mutuatario omne lucrū, quod comparandum foret? *Resp.* Ex eo deducendæ sunt expensæ, quæ fieri deberent in eo acquirendo. Insuper laboris, & industriæ ponendæ faciendæ æstimatio. Periculi etiam compensandi ratio. Reliquum verò creditori reddendum. Optima

hac in re methodus est deducere in pactum lucri cessantis tantum, quantum quis eam pecuniam, & lucrum ex eadem circa negotiationem, cui erat exposita, assécuraret. Optimè tamen aduertit Tolet: loco citato cum, qui cogitur mutua-re, posse accipere lucrum integrum circa propriam, & personalem industriam. Nam ille paratus erat eam impendere, sed ab alio impeditur, sicut operarius, qui cogitur ab alio otari, non tenetur deducere laborem à mercede, sed integram exigere potest; secus cum non cogitur, sed, aut rogatur, aut ex charitate mouetur ad mutuandum.

15 *Int.* Quando committitur vsura in re mutuò data tempore, quo minùs, & accepta, quo plus valet? *Resp.* Quando, qui mutuauit, sciebat probabiliter rem postea plus valiturà, & spe lucri in pactum deduxit, vt tunc ei redderetur in eadem specie, mensura, & qualitate, vel in pretio illius temporis. Vel quando mutuatarium impediuit, ne res mutuatas, nisi eo tempore redderet, vsuram committit. Si verò id ignorabat, nec tali intentione mutuum dedit, sed casu eo tempore plus res valuit, potest exigere eandem rem in specie, iuxta pactum, idem frumentum, oleum, vinum, aut pro eo pretium quo tunc valet. Ita docent communiter Doctores cum *Sot. 6. iust. quæst. 1. art. 2. & Sylu. vsur. 1. cap. 6.* Ratio est, quia vt mutuatarium non tenetur reddere illas res in pretio maiori, quo valebant, cum eas accepit, sed easdem in specie, vel pretium earum, quo valent, cum eas reddit: ita mutuator licetè postulat à mutuatario vel res mutuatas in specie, vel earum pretium pro tempore redditionis acceptum.

Non tamen eadem ratio de pecunia, & frumento, vino, oleo, ac similibus rebus, quæ vsu consumuntur. Nam si Rex mutaret pretium pecuniæ, & eo tēpore, quo monetæ plus valebant, acciperem centum aureos, non teneor reddere postea, nisi centum aureos, quamuis minor sit copia monetæ. Ratio est, quia in pecunià pretium non distinguitur ab ipsa, sicuti distinguitur in aliis rebus. Ac proinde qui mutuauit pecuniam, non mutuauit aurum, & argentum, sed pretium: qui verò mutuauit vinū aut oleum, mutuauit vinū & oleum, non verò eorum pretium. Quoniam verò (vt infra dicam, cum me rogaueris de vsura cambi) moneta iuxta metalli substantiam etiam considerari potest, & tunc vendi, locari, & mutuari:

mutuari: si in hac acceptione mutuetur, tenetur mutuatarius, non quoad pretij, sed quoad substantiæ æstimationem respondere mutuanti, ut notum est, quoniam non pretium pecuniæ, sed pecuniæ substantiam mutuauit.

16 *Int.* Ad quarum restitutionem rerum tenetur vsurarius? *Resp.* Ad omne acceptum ultra sortem. Insuper ad iacturam lucri cessantis, erga eum qui ut vsuram solueret, negotiationem non exercuit. *Tertiò* ad damna emergentia, erga eum, qui coactus soluere vsuras, res suas minori pretio dissipauit, quàm valerent, vel quid simile damnum ex solutione vsurarum pertulit. *Quartò* fructus, quos collegit de re ex se frugifera, qua vsuræ solutæ sunt, ut ex domo, agro, vineto, oliueto, & similibus.

17 *Int.* Ex quibus bonis vsurarij faciendæ est restitutio? *Resp.* Dico *primò*. Si res per vsuras accepta adhuc extat, ipsamet est restituenda, apud quemcumque sit. Dico *secundò*. Si res ab vsurario habita, & empta pecuniis vsurariis vendatur, vel donetur, ipse verò vsurarius alia habeat propria bona tempore donationis, aut venditionis, ex quibus soluere posset vsuras, ipsa res vendita, vel donata, tutò potest emi, accipi, & retineri, ac iterum vendi, & dissipari. Et quauis vsurarius, vel ex inopia, vel ex malitia vsuras non soluerit, res talis restitui minimè tenetur. Ratio est, quia illa venditio, vel donatio ex bonis vsurarij iuste possessis facta censetur. Et hoc maxime aduertendum est ad dotem filiarum vsurarij accipiendam, & retinendam. Dico *Tertiò*. Si vsurarius non habeat alia bona propria, ex quibus soluat vsuras, sed omnia, quæ habet per vsuram acquisita sunt, quæcunque dederit, vel vendiderit, aliena sunt, & domino restituenda. Casum excipias, cum in dando, vel vendendo non minuit, imò auxit facultatem soluendi vsuras, ut cum vendit ad lucrum, vel reddit pretium obsequiorum famulis, qui rem domini curant, & augent. Non assequor tamen veritatem opinionis Tolet. *lib. 5. cap. 35.* & Nauar. quem citat, affirmantium posse uxorem, & filios vsurarij moderatè viuere ex rebus per vsuras comparatis, licet vsurarum solutionem minuant, moderato victu, & vestitu. Crediderim (pace dixerim tantorum Doctorum) falsam esse opinionem, videtur enim non minus tales obligari ad vitam alio modo alendam, aut in paupertate degendam, ac filios, uxoresque furum.

18 *Int.* Qui obligantur restituere vsuras? *Resp.* In primis tenentur ad vsurarum restitutionem non solum qui vsuras acceperunt, sed multi, qui non acceperunt. *in primis*, princeps, & iudices, qui vsuras vsurariis adiudicant. *Deinde*, aduocati, & procuratores, qui scienter defendunt vsurarios. *Tertio*, Notarii, qui scribunt scienter fictos contractus vsurarios, ex quibus acquiritur ius ad repetendas vsuras, quod non acquireretur, si facerent veros contractus vsurarios, nã eo ipso nulli essent. *Quarto*, testes, qui scienter similibus cõtractibus fictis fidem adhibuerunt. Omnes hi in solidum obligantur, si vsurarius non restituat. *Quinto*, serui vsurariorum, qui nomine vsurarij dant, & exigunt vsuras. *Sexto*, qui dat consilium efficax alicui, vt fiat vsurarius.

19 *Int.* Quomodo se debet habere confessarius cum vsurario publico? *Resp.* Vsurarius publicus non est à peccatis absolueudus, nec communione, alijsve sacramentis reficiendus, quoad restituat, & resipiscat. *cap. Quamquam, de vsuris, lib. 6.* quod si non potest totum, reddat partem, & de reliquo det sufficientem cautionem per pignora, vel fideiussores. Quod si nec hoc modo potest restituere, iuret se restitutum, cum primùm potuerit.

20 *Int.* Quæ pœna lata est cõtra vsurariũ publicũ mortuũ non solutis vsuris? *Resp.* Carentia sepulturæ in loco sacro: & qui eum sepelit, eo ipso est excommunicatus. *c. Quamquam, de vsur. lib. 6.* Vbi renouatur excommunicatio lata *in Clemen. 1. de sepul.* reservata Episcopo. Hæ autem pœnæ intelligendæ sunt de vsurario mortuo in culpa retinendi vsuras. Quia cum potuit soluere in vita, saltem ad mortis articulum vicinus, eas testamento reliquit, qui quidem in lethali decedit, vt reliqui, qui omittunt debita soluenda post obitum.

21 *Int.* Quomodo se gerere debet cum vsurario occulto confessarius? *Resp.* Vt se habet cum alio debitore secreto, qui quidem absolueudus est, si proponat se restitutum, derque signa standi promissis: si verò talis sit in articulo mortis, melius esset exigere solutionem ante absolutionem. Si tamen solutionem relinquit testamento, & hæredes sunt veræ fidei, tutò potest absolui.

22 *Int.* Licetne sumere ad vsuras? *Resp.* Sumere ad vsuras, vt verba sonant, est intrinsecè malum, & ideò in nullo euentu licet. Verumtamen, vt est in vsu sumere ad vsuras, hoc est

est mutuum petere ab eo, qui non vult mutuare, nisi sub usuris, aliquando licet. Quia ego mutuum peto, ex malitia verò mutuantis usuræ exiguntur. Licet igitur in primis cum quis est in extrema, aut saltem in graui necessitate, & usurarius est expositus ad usuras. Nam mutuatarius mutuum tantummodo petit, & solùm intendit succurrere propriæ indigentia. Quod nullum est peccatum, vt docet D. Thom. 2. 2. *quæst.* 78. *art.* 4. & cum eo omnes. Deinde, cum quis est in extrema necessitate, & usurarius non vult ei succurrere nisi sub usuris. Est enim consulere minus malum, ad euitandum maius. Quod licet ex communi doctrina ad 1. 2. D. Thomæ. Minus enim malum est dare sub usuris, quàm pauperi extremè indigenti eleemosynam denegare.

23 *Int.* Si usurarius sit expositus ad mutuum non dandum nisi sub usuris, licetne absolutè mutuum petere sub usuris? *Resp.* Absit verbo inuidia, licet, nec requiruntur plura verba, quàm petere mutuum eo modo quo ille paratus est tradere: nostrates vocant, Dar ao ganho. Interueniente tamen rationabili causa, vt supra dixi.

24 *Int.* Est grauis dubitatio, an mercator ratione solius lucri ex pecunia negotiationi exponenda possit ab usurario exposito pecunias ad usuram accipere? *Resp.* Si mercator alia via, & ratione vitam alere nequeat, nisi negotiando, nec pecunias negotiationi exponendas aliunde habeat, licet poterit ab usurario pecunias accipere. Ita D. Thomam oppositum asserentem interpretatur Tolet. *lib.* 5. *cap.* 37. Intelligendus etiam Sot. *lib.* 7. *inst. quæst.* 1. *art.* 1. licet liberius loqui videatur.

De usura in contractu societatis. §. 2.

- 1 Quot sunt species contractus societatis.
- 2 Quæ conditiones requiruntur ad primam speciem.
- 3 Quæ conditiones requiruntur ad secundam speciem.
- 4 De contractu assæcurationis.
- 5 Quæ conditiones requiruntur ad tertiam speciem.

1 **I**NTERROGATIO. Quot sunt species huius contractus? *Resp.* Tres. *Prima*, cum vterque contrahens, & pecuniam, & industriam apponit. *Secunda*, cum vnus pecuniam, & alius industriam. *Tertia*, cum vnus animalia tradit, alius eorum alendorum curam suscipit.

2 *Int.* Quæ conditiones requiruntur ad primam speciem? *Resp.* Tres. *Prima*, vt negotiatio sit licita. *Secunda*, vt singuli exponantur, & periculo, & lucro. *Tertia*, vt lucrum proportionaliter diuidatur, ponderata pecunia, industria, & labore, quæ quisque adhibuit.

3 *Int.* Quæ conditiones requiruntur ad iustitiam secundæ speciei? *Resp.* Duæ. *Prima*, vt quisque sit expositus ad perdendum capitale, quod apponit. *Secunda*, vt proportionetur lucrum periculo perdendi capitale.

4 *Int.* Estne aliquod remedium ad capitale semper saluum & incolume seruandum? *Resp.* Est contractus assecurationis. Qui cum fieri possit cum tertio, potest etiam fieri cum eodem socio, vt iam tenet communis opinio, quam docuit Caiet. opus. 16. q. 11. Nauar. c. 17. n. 255. & Tolet. lib. 5. c. 41. contra Sot. 6. iust. q. 7. art. ult.

5 *Int.* Quæ conditiones requiruntur ad iustitiam tertiæ speciei? *Resp.* Vt animalia pereant ipsi domino.

De censuum vsura. §. 3.

1 *Quid est census.*

2 *In quo differt census à locatione, & emphyteusi.*

3 *Quotuplex est census.*

4 *Quæ conditiones requiruntur ad iustitiam huius contractus.*

5 *An ad censum requiratur certa res, supra quam ponatur.*

7 *De censu redimibili.*

7 *Vtrum validæ sint in hoc contractu assecurationes, & apothecationes personæ, ac bonorum omnium.*

8 *Quod sit iustum pretium census.*

9 *An licitum sit pœnam apponi in hoc contractu.*

10 *Quæ conditiones apponuntur in hoc contractu.*

1 **I** N T E R R O G A T I O. Quid est census? *Resp.* Est ius lexigendi pensionem de re utili alterius, id est, ex fructibus, quos res aliqua apud alterum facit.

2 *Int.* In quo differt census à locatione, & emphyteusi? *Resp.* Differt in hoc, quod in locatione, & emphyteusi dominium remanet penes eum, qui dat rem locationi, & emphyteusi, solusque usus est locantis, ad tempus quidem in locatione: perpetuus verò in emphyteusi. In census verò dominium remanet penes eum, qui rem suam censui subiicit, & ex usu quo

quo utitur, soluit pensionem. Itaque in emphyteusi, & locatione, non habet dominium ille, qui soluit pensionem, in censibus verò maximè. Et ideo in emphyteusi cum non soluitur pensio, res pensioni obnoxia redit ad dominum, cui soluitur pensio. *l. 2. de iure emphyt.* Non verò in censu, sed tantum præcipiuntur restitui omnes pensiones *cap. constitutus. de relig. domibus.*

3 *Int.* Quotuplex est census? *Resp.* Diuiditur in primis in resignatiuum, & consignatiuum. Resignatiuus est, cum quis rei suæ dominium alteri transfert, retenta sibi aliqua fructus pensionem. Consignatiuus est, cum quis retento dominio rei suæ partem aliquam fructus in aliquem transfert. Præterea, quidam sunt perpetui, quidam temporales. Ex perpetuis, quidam redimibiles, quidam irredimibiles. Redimibiles sunt illi, à quibus ille, qui soluit, se potest liberare, si reddat pretium, quo emptus est census. Irredimibiles, à quibus nulla datur libertas. Veruntamen hi post decretum Pij V. omninò sublati sunt. Rursus temporales quidam ad certum tempus, quidam ad incertum. Rursus alij fructuarij, quorum pensio soluitur fructibus, alij pecuniarij, quorum pensio soluitur pecunia.

4 *Int.* Quæ requiruntur ad iustitiam huius contractus? *Resp.* Requiritur in primis, ut res supra quam imponitur census, verè sit apud venditorem: alioqui esset fictus contractus, & usurarius, ut decreuit Pius V. *Secundò* requiritur, ut res illa verè reddat illos fructus, in quos ius emitur, iique non sint aliis censibus iam addicti, ut decreuit idem Pius Pontifex. *Tertiò* requiritur, ut si res illa pereat, vel fructus eius absque culpa venditoris, emptor non possit percipere fructus. Ratio est, quia iste contractus est quædam emptio, & venditio, res verò emptæ, & venditæ perit in iacturam euentus. *Quartò* requiritur, ne venditor obliget emptorem ad reemendum: tunc enim est mutuum virtuale, & usura palliata percepto fructuum lucro, salvo capitali. Ita omnes Doctores. Vnam conditionem adnotarunt *Sot. 6. inst. q. 5. art. 2. & Tolet. lib. 5. cap. 49.* circa censum redimibilem ad certum tempus, ut scilicet pensio non excedat capitale, finito illo tempore, ut si emas decem aureis, non recipias pensionem undecim aureorum. Veruntamen hæc conditio parum necessaria videtur, quia qui redimere potest, non obligatur redimere, verum libertati suæ relinquitur, & ideo non capit undecim pro decem,

cem, finito tempore, ex natura rei, vt loquuntur Logici, quia aliunde potest non capere.

5 *Int.* Requiritur ne, vt census ponatur super certam, & determinatam rem? *Resp.* Si loquamur ex natura contractus; minimè, modo tamen ex decreto Pij V. requiritur.

6 *Int.* Requiritur ne ad censum redimibilem, vt redimatur per partes? *Resp.* Non requiritur. Fas est tamen ita illum redimibilem facere, & ita decreuerunt Martinus, & Calixtus in suis Extrauagantibus.

7 *Int.* Licetne emere censum super rem certam, & fructus, & cum venditore contrahere de affecuratione eiusdem rei, & fructuum, apothecando ad id personam, & omnia sua bona? *Resp.* Omissa natura contractus secundum se, modò ex decreto Pij V. damnantur istæ apothecationes, ac discernitur, vt si res, aut fructus rei, censui subiectæ pereat, venditor non teneatur pensionem soluere.

8 *Int.* Ex quibus capitibus colligi potest pretium iustum census? *Resp.* In primis ex Legè Principis, si de hoc lata sit. Deinde ex consuetudine communi apud diuites, & inopes sic vendendi census. Si autem lex, & consuetudo deficiat, attendenda est similitudo loci ad locum, quoad legem, consuetudinemque seruata, & standum consuetudini, legique similis vrbis, aut loci, aut regionis.

9 *Int.* Licetne pœnam apponere in hoc contractu? *Resp.* Licet quidem. Et ita seruatur in L. Tauri 68. Vt talis pœna exigatur, duæ requiruntur conditiones. *Prima*, vt venditori culpa sua non soluerit pensionem, non enim pœna apponitur, vbi non fuit culpa. *Secunda*, vt pœna sit proportionata culpæ.

10 *Int.* Quæ conditiones aliæ apponi solent in hoc contractu? *Resp.* In censu semper redimibili solet apponi, ne per tres proximos annos redimatur. Deinde nisi redimatur intra tres primos annos, maneat irredimibilis. *Prima* conditio licita est. *Secunda*, illicita post decretum Pij V. qui inuadat census irredimibiles.

De vsura cambij. §. 4.

1 *Quid est cambium.*

2 *Quot sunt species cambij.*

3 *De cambio per minutum.*

4 De cambio sicco.

5 De cambio per litteras.

1 **I** N T E R R O G A T I O. Quid est cambium? *Resp.* Est permutatio negotiatoria numismatis pro numismate.

2 *Int.* Quot sunt species cambij? *Resp.* Quatuor. *Prima*, per minutum, cum quis dat pecunias maiores pro minoribus cum lucro. *Secunda*, sicci cambij, cum campfor dat alteri pecunias in hoc loco reddendas post aliquod tempus cum fœnore, prout valuerint in aliquo loco distant, tempore solutionis. *Tertia* species appellatur cambium per litteras, & fit cum quis dat pecunias campfori, ut eas accipiat in aliquo loco ab agente campforis. *Quarta* species appellatur cambium reale, cum è contra campfor dat alicui pecunias hic, ut eas det suo socio alibi, & ob hanc permutationem accipit lucrum.

3 *Int.* Circa singulas cambij species aliqua te rogabo, atque in primis de cambio per minutum. Licetne aliquando ex pecunia recipere lucrum? *Resp.* Si pecunia, ut quoddam metallum est, consideretur, potest locari, vendi, commutari, ac pari alios contractus, ut res omnes alia: nam aurum quamvis Regis stemmate fiat pecunia, non amittit, quod sit aurum, & ut tale, potest lucrari aliud, ut si locetur, vendatur, commutetur pro alia minus pretiosa materia, pro minus pulchra, & antiqua, pro alia minus ab hominibus concupita. Si tamen pecunia consideretur, ut insignita Regis imagine, non licet legalem eius valorem augere, potest tamen maior commutari pro minutione cum lucro, secundum omnes Doctores.

4 *Int.* Circa cambium siccum dic, quot modis fit, & quæ usura committitur in eis? *Resp.* Fieri solet quatuor modis. *Primum*, cum campfor dat pecunias ea conditione, ut solvantur iuxta valorem quo valuerint alibi certo loco, ut dat Romæ recipiendas iuxta valorem earum in talibus nundinis Venetiarum. Et in hoc cambio, si uterque campfor, inquam, & acceptor pecuniarum se exponunt periculo minoris, vel maioris pretij, nulla committitur usura, cum æqualis sit valoris incertitudo. Ut tamen fieri solet hoc cambium, usura palliata est, quia campfor scit eas pecunias plus valituras in nundinis, ad quas eas dat. Fit *secundo* cambium siccum, cum campfor dat hic pecunias accipiendas à suo socio in alio loco distant, nomine tenus, quia re vera hic eas accepturus est,

est, & forsitan alibi non habet correspondentem. Hic contractus vsurarius est. Vt aiunt Caietan. *opusculi de cambi. cap. 1.* & Nauarr. *c. finali. de vsur. n. 25.* non esse contractum vsurarium, cum re vera campfor est paratus illas pecunias accipere alibi, sed qui petit, vult eas reddere hic. Ratio eorum est, quia cessat lucrum. Arbitror tamen distinctione opus esse: si enim alij sint, quibus possit illas pecunias ita dare & accipere, & lucrum reportare, bene est, quia datur verum lucrum cessans, si verò non sint, vsurarium est illud lucrum, quia est verum lucrum palliatum. Tertia species cambij sicci est composita ex cambio, & recambio. v.g. dat campfor centum Petro soluendum Venetiis, vbi nec Petrus habet vnde soluat, nec forsitan campfor socium, qui accipiat. Rursus tempore statuto ad soluendum, fingit Petrus (quod re vera erat) se non habere, vnde soluat Venetiis, habere tamen Romæ, & iterum recambit ad Romam, quasi accipiat iterum pecunias Venetiis Romæ soluendas, contractus vsurarius est duplici vsura, vt claret, quia contractus fictus, & mutuuum virtuale.

§ Int. Circa cambium per literas dic, quomodo fit, & quæ requiruntur ad illius iusticiam? *Resp.* Suppono ex triplici causa posse pecuniæ valorem augeri. Vel scilicet ratione legis. Vel ratione pretiosioris, & purioris materiæ, qua constat, aut ponderis, propter quod alibi plus valet quam hic. Vel ratione copix, aut inopix pecuniarum. Et in hac tertia radice solum est vsura, cum à mercatoribus fit monopolium, hoc est, collectio pecuniarum apud certos mercatores sibi ipsis constituentes, vt non nisi tali pretio cambiant. Vel cum campfores simulant pecuniarum inopiam. Ratio est, quia tunc interuenit fraus, & dolus. Fit autem Prima species cambij per literas, cum datur hic maior copia pecuniæ ratione metalli, & alibi recipitur minor in copia monetarum, sed aqualis in pretio, quia ibi plus pecunia valet. Hoc cambium est iustum. Secunda species est è contra, cum Petrus dat campfori centum aureos vbi minus valent, recipiendos alibi, vbi magis, soluto pretio. Qua in re nulla cernitur iniusticia.

De rebus inuentis. §. 5.

- 1 Quot sunt genera rerum inuentarum.
- 2 Cuius sunt res quæ nunquam Dominum habuerunt.
- 3 De thesauris inuentis.
- 4 De bonis habitis pro derelictis.

§ Cuius

- 5 Cuius sunt bona habita pro derelictis.
- 6 De bonis in mare proiectis.
- 7 De bonis inter peripsema, seu inter sordes domorum inuentis.
- 8 De animalibus inuentis.
- 9 De rebus inuentis pro via, seu loco publico amissis.
- 10 Quid circa res inuentas pro via, & loco publico amissis possit lex humana statuere circa eorum distributionem in pauperes.
- 11 A quo facienda est distributio supradictorum bonorum in pauperes.
- 12 Quid circa hanc distributionem possint statuere Constitutiones synodales Episcoporum.
- 13 In quos pauperes facienda est talis distributio.
- 14 Quantum peccat qui talia inuenta bona non distribuit pauperibus.
- 15 Quæ obligatio pauperes manet in quos facta est dicta bonorum distributio.
- 16 Facta distributione si dominus compareat, estne illi reddenda distributa pecunia.

I N T E R R O G A T I O. Quot sunt rerum inuentarum genera? *Resp.* Quatuor. Primum earum, quæ nunquam Dominum habuerunt. Secundum earum, quæ temporis longinquitate dominum habere desierunt. Tertium earum, quæ continente eas domino, pro derelictis habetur. Quartum earum, quarum dominus, cum re vera existat, ignoratur. Ita D.Th. 2.2. q.66.a.5. ad 2.

2 *Int.* Res, quæ nunquam dominum habuerunt, cuius sunt? *Resp.* Stando in solo iure communi, & naturali sunt primi capientis. Ita constat ex §. Item lapilli. Inst. de rer. diuis. Ita colligunt Doctores cum D.Thom. proxime cit. & Scot. in 4.d.45. q.3. art.5. Nau. c.17. n.117. Secundum verò ius peculiare regnorum aliter dicendum. Nam in hoc regno Lusitanix, quinta pars metallorum, quæ ex inuentis venis detrahuntur, Regi decernitur, omnibus expensis libera. p.1. Extravag. tit.6.L.5. in qua Extravagant. limitatur Lex lib.2. Ord. tit.15. Hæc autem lex obligat ante iudicis sententiam, quia præceptiua est, non poenalis, ut dicemus in propria materia.

3 *Int.* Quid censes de thesauris? *Resp.* Præmittam thesauri definitionem. Est quædam depositio pecuniæ, cuius præ temporis longitudine iam dominus non extat. Ita definitur L. unica. ff. de acquir. rer. dom. L.1. Cod. de thesaur. lib.10. Pro pecunia intelligo etiam vasa aurea, & argentea, statuas, & quæcunque

cunque mobilia pretiosa. Sunt igitur iure naturali thesauri primi inuentoris. Verum ex consuetudine Regi acquiruntur, Ita Palud. in 4. d. 15. q. 3. D. Anton. 2. p. tit. 1. cap. 15. §. 2. Couarr. regul. pec. Quæ consuetudo seruatur ad vnguem, licet leges huius regni de solis metallorum venis expresse loquantur, approbantes hanc consuetudinem lib. 5. Ordin. tit. 97. & lib. 2. tit. 15. L. 15. & Extrauag. p. 5. tit. 6. concedentes facultatem inquirendi venas metallorum præterquam in transmontana regione. Imò præmia inuentori proponentes addicta tantum quinta parte Regi. In alieno fundo nemo thesauros inquirere potest domino inuito. L. Nemo. Cod. de thesauris. lib. 10. Et inuentus thesaurus est totus domini agrorum. Si verò casu thesaurus inueniatur, dimidia pars est inuentoris, dimidia verò domini agrorum. §. Thef. Inst. de rerum diuis. tradit Gom. L. 45. Tauri. num. 51. Couarr. regul. peccat. ad finem. Alienus verò fundus appellatur, & est ille, cuius solum vtile dominium inuentor habebat ex contractu aliquo emphyteusis, vel locationis, vel depositi, non tamen illud possidet in pignus dotis. Eadem medieta debetur Ecclesiæ, si in loco sacro. Debetur & Communitati, seu Reipublicæ, si in loco Communitatis, adepta facultate inquiretur, & inueniatur. Si vero in proprio fundo thesaurus reperiatur, totus erit solius inuentoris. Vnde colliges leges consuetudinem interpretantes de additione thesaurorum regibus, loqui de thesauris, qui in locis nemini subiectis reperiuntur.

4 Int. Quæ bona habentur pro derelictis? Resp. In primis, quæ quis nihil faciens à se reiicit, ita vt amplius in suarum rerum numero reponi nolit. Ita habetur §. penul. Inst. de rerum diuis. Deinde, quæ perdita sunt, nec tamen quærentur à domino, sciente se facile inuenturum, si veljet.

5 Int. Bona pro derelictis habita, cuius sunt? Resp. Iure gentium, & ciuili sunt primi capientis. Ita §. penultim. Inst. de rerum diuis. L. 1. & alius. ff. pro derelict. & Doctores communiter, quos affert Gab. in 3. d. 15. q. 3.

6 Int. Bona, quæ nauigantes necessitate coacti ad mare proiiciunt, suntne habenda pro derelictis? Resp. Minime. Ita statuitur sæpissimè iure Cæsareo, quod refert Cou. regul. pec. q. 5. p. 3. & n. 5. Nau. c. 14. n. 117. Ita statuitur iure canonico, & excommunicantur ista capientes, & retinentes c. Excommunicamus. de raptoribus in 6. & in Cœnæ Bulla. Quæ veritas intelligenda

ligenda, etiam circa illa bona, quæ nunquam Domini erant quaesituri. Ratio est, quia coacti illa amittunt, non derelinquunt. Atque etiam circa illa bona, quæ peritura erant, nisi caperentur, cum capta sunt absque probabili vitæ periculo, ita omnes cum Sylu. *verb. Naufragium. num. 2. Arm. cap. 17. num. 98.* Dixi (absque probabili vitæ periculo) quia multi sunt, qui affirmant huiusmodi res esse illius, qui eas saluas reddidit cum mortis discrimine, esseque Dominum irrationabiliter inuitum, si inuitus eas habere sinat. Verum multa faciunt contra hanc sententiam. In primis textus *L. Pō-
ponius. ff. de acquiend. rerum domin.* cuius hæc sunt verba. Si naufragio quid amissum sit, nō statim nostrum esse desineret. Præterea. Tantum est vitæ periculum à fera prædam eripere, vel à sicarij manibus rem furto ablatam, quantum est naufragantium bona à fluctibus liberare; sed nemo dixit captum à fera, vel recuperatum à sicario fure esse capientis, & recuperantis, imo oppositum decernitur *in l. Pomponius, citat.* & ex Rubrica, & Gloss. eiusdem legis aperte colligitur; ergo, &c.

7 *Int.* Quid censes de rebus inuentis in ffordibus à domo ciectis, & ad communia sterquilinia missis? *Resp.* Res parui ponderis, & momenti, vt fera veteres, clauis, clauæ, & id genus alia, habenda sunt pro derelictis, & primi capientis. Res verò maioris æstimationis, vt aureæ, argenteæve monete, annuli, & similia, minimè. Idem dicendum est de iis, quæ alluione fluminum adducuntur de loco ad locum. Ita aperte docet D. Anton. 2. *p. tit. 1. cap. 15. §. 2. Gab. in 4. d. 15. q. 8. ad finem, Angel. verb. inuentum.* Iason *l. si quis nec.* Bald. in rubrica, de *rer. diuis.* Nau. *cap. 17. num. 296.* Sed de his inuentis copiose agitur *Instit. 4. de rer. diuis. §. Præterea*, quod pro alluione. Ideo ibi videat qui optauerit.

8 *Fut.* Quid decernis circa animalia inuenta ignoti domini? *Resp.* Quod decernitur in legibus cuiusque regni. In hoc verò nostro Lusitano lex est *lib. 3. Ordin. tit. 76.* quam ab inuēto, corrupto vocabulo, nostrates, materna lingua vocant (Do vento) quæ decernit, vt qui animalia perdit inuenerit, dominum quærat: quem si intra quinque dies non repererit, regio publicano denunciaret. Decernit præterea vt publicanus diligentem faciat inquisitionem domini, quo non inuento intra quatuor menses, ita iudice approbante, & iudicante, sub

I.

praconis

præconis voce illi adiudicentur, tam firmo dominio, ut licet dominus postea compareat, nihil illi debeatur. Dico igitur istam legem esse seruandam, obligareque in conscientia, tam inuentorem ad denunciandum publicano, quam publicanum ad adhibendam inquisitionem; & utrumque teneri ad restitutionem, si id, quod sibi præcipitur, præ avaritia non rectè peragat. Inuentor quidem tenetur restituere publicano, publicanus autem domino.

9 *Int.* Quid censes de re casu pro viis, aut aliis locis publicis inuenta? *Resp.* Sanè anceps hæreo, & ut aiunt in biuio sum consilij præ sententiarum multitudine: duas breuissimè referam. *Prima* asserit huiusmodi res inuentas, facta diligenti inquisitione Domini, eoque non inuento, esse ipsius inuentoris, inuentorémque eas tutò in conscientia retinere posse. Ita Sarment. Nauarr. Instruët. quos refert, & sequitur Rod. *verb. rest.* §. 3. in eam propendet Sot. *s. iust. qu. 3. art. 3. ad 2.* qua de re latissimè Henriq. *de Indulgent. c. 34. num. 1.* *Secunda* sententia asserit huiusmodi bona distribuenda esse pauperibus, si facta diligenti inquisitione verus dominus non inueniatur. Ita Cou. in regul. *pec. 3. p. §. 1. n. 2. & 3.* Nau. *c. 17. n. 9.* Mitto alias sententias, ne tædio sim. Dico *primò*. Non est decretum in iure Cæsareo, aut Pontificio ut huiusmodi bona distribuantur pauperibus. Nullum enim inuenitur tale ius. Nam *c. cum tu. de vsuris.* loquitur de restitutione incertorum bonorum illicitè, iniustè acquisitorum, veluti per vsuras, *cap. verò, Sicut dignum,* de homicid. loquitur de iure naturali, de quo dico *secundò*. Stando in iure naturali, seclusa dispositione iuris positiui, huiusmodi incerta, & inuenta bona pauperibus, aut aliis piis operibus eroganda sunt. Probatur efficaciter, quoniam bona, quæ dominum habent, eidem sunt meliori modo restituenda: sed hæc bona dominum habent, & in illius vtilitatem pauperibus erogari possunt; ergo, &c. Minor, in qua rei vertitur cardo, ostenditur. Quia nequaquam quadrat rationi, ut ex eo tantum quòd dominus ignoretur, rei suæ dominium perdat. Dico *tertiò*: me cum duabus positis discrepantibus admodum sententiis, partim consentire, partim pugnare. Nam cum prima sentio in assumpto fundamento, nimirum non esse decretum in iure, ut in pauperes fiat horum bonorum distributio. Cum secunda pugno in eo, quòd affirmat ita esse decretum.

10 *Jnt.* Potuitne iure humano decerni, ut huiusmodi inuenta pauperibus distribuuntur? *Resp.* Potuisse arbitror, tam iure Pontificio, quàm Cæsareo. De iure Pontificio nemo negat, & ratio probat. Quia stando in iure naturali, illa incerta bona sunt pauperi in, ut ostendi in secundo dicto, & constat ex c. *Vero sicut dignum*. de homicid. Ita enim textus (non debuerat aliena pauperibus erogare, cum ipsa potuisset eis, quorum fuerint, restituere:) ergo si domini veri non fuissent, erogari potuissent. ducto argumento à contrario sensu. Summus verò Pontif. est pater pauperum, poterit igitur propriis decretis illorum ius stabilire. De iure Cæsareo dubitat Cou. *reg. pec. 3. p. §. 1. n. 2. & 3.* Chassanæus *dub. 4. §. 1.* sufficiēter hæsitacionem suadet hoc argumento. Lex civilis duobus tantum modis potest transferre rerum dominium, nimirum, aut in poenā, aut in præscriptionē: sed hæc bona incerta non possunt trāsferrī in poenam; quia poena supponit culpam, qui verò amittit, sine culpa amittit. Non præscriptione; quia præscriptio requirit bonam fidem: qui verò res alienas inuenit. probè scit esse alienas; ergo, &c. His non obstantibus probo dictum. Quia ista bona secularia spectant ad bonum alicuius ciuis reipublicæ: sed princeps ob commune bonum potest à quouis ciue aliquid auferre, ut patet in tributis, quæ legibus decernuntur; ergo, &c. Huius causæ non meminit Couar. & ideo suæ hæsit opinionioni.

11 *Jnt.* A quo facienda est distributio horum inuentorum bonorum? *Resp.* Multorum fuit opinio faciendam esse per solum Episcopum. Ita Host. *cap. Cum tu de usur. cap. Cum sit. De iud. & in sum. de pœnit. cap. finali.* Ioannes And. *cap. 51. Epist. de pœnit. & remissione in sexto, & regul. pec. de reg. iuris.* Panorm. *cap. Cum sit. De iud. Glos. Clement. 1. de priuileg. verbo (aliorum.)* Probant suam sententiam ex textu duorum capitulorum, ex textu nimirum capituli, *Cum sit; De iud.* & ex textu capituli, *Quamquam de usur. in 6.* Verumtamen hi textus loquuntur de pecuniis iniuste ablati per Iudæos, & usurarios, & ad eas distribuendas requiritur Episcopi auctoritas, nec possunt eas iidem Iudæi, & usurarii raptores per se ipsos distribuere. Dicendum igitur talem distributionem posse ab ipso inuentore, vel ab alia quauis priuata persona fieri. Ita Sot. *in 4. d. 15. quæst. 2.* Richard. *ibid. in 1. 5. q. 4. Syl. rest. 3. q. 5.* Nauar. *c. 17. n. 91.* Medin. *q. 3. de rest. c. 10.* Archid. *c. de restibus.* Angel. *rest. 2. §. 1.*

Rosella *eod.verb.* 2. Gab. in 4. d. 15. q. 2. cum pluribus quos referunt. Addit verò Syl. Nau. Angel. Rosella, Gab. non posse Episcopum prohibere debitori, ne ipse per se distribuatur, eamque soli Episcopo reservare. Probat, quia nullus datur textus qui Episcopo huiusmodi potestatem concedat.

12 *Int.* Maiorem dubitationis animum præbent Episcoporum constitutiones huiusmodi distributionem sibi reservantes. Quomodo igitur intelligenda est huiusmodi reservatio? *Resp.* Quoad absolutionem peccati mortalis, si quod commissum fuit in acceptione, vel rei inventæ retentione. Quod si poenitens cõfiteatur ante distributionem, non est absolvendus, nisi prius optima fiat distributio. Si verò confiteatur post distributionem, absolvatur. Quia ratio reservationis erat, ut optima fieret distributio, quæ si iam facta est, nulla relinquitur reservatio.

13 *Int.* In quos pauperes facienda est distributio? *Resp.* Pauperum nomine etiam veniunt Xenodochia, monasteria, pia opera, pauperes verò non intelliguntur pauperiores, aut meliores, sed ij, qui considerata status conditione, graui inopia laborant. Atque in pauperum numero etiam intelligitur ipse inuentor, si pauper est, ut notauit Caiet. 2. 2. q. 62. art. 2. ad 3. & cum eo omnes communiter.

14 *Int.* Peccatne contra iusticiam, qui pauperibus relictis, huiusmodi inuenta bona in nō pauperes distribuit? *Resp.* Peccat, & tenetur restituere, ut etiam ille, qui eumentia paupertate ista bona accipit.

15 *Int.* Quæ obligatio pauperes manet, quibus hæc distributio facta fuit? *Resp.* Iuxta Nau. c. 17. n. 93. manet onus orandi pro domino rei inventæ. Verum id ex consilio, & æquo, non autem ex præcepto, quia nullum extat.

16 *Int.* Per hanc distributionem itane dominium comparatur, ut licet postea verus compareat dominus, nihil illi debeatur, tam ex parte distribuentis, quam ex parte accipientis? *Resp.* Maximè, cum bonæ fide illam consumpserunt. Ita communiter Doctores.

De restitutione eorum, quæ in ludo acquiruntur. §. 6.

1 *Quid sit ludus.*

2 *An acquiratur dominium supra pecuniâ in ludo vetito lucrata.*

3 *An*

- 3 *An dato, quod non acquiratur dominium pecuniæ in ludo vetito lucrata, possit ipsa pecunia retineri à lucrante.*
- 4 *An ludens ludo vetito possit denegare pecuniam lucranti.*
- 5 *An possit illam pecuniam retinere, donec lucranti adiudicetur in iudicio.*
- 6 *Qui restituere tenetur, quæ in ludo lucratus est.*
- 7 *De lucrantibus qui sua alienare non possunt.*
- 8 *An possit quis plus lucrari, quàm habeat ad perdendum.*
- 9 *De compensatione in ludo.*
- 10 *Quæ fraus obligat in ludo ad restituendum.*

1 **I**NTERROGATIO. Quid est ludus? *Resp.* Est conventionalis contractus, quo inter se ludentes conveniunt, ut cui sorte, alea, vel tessera contigerit, teneatur alteri propositam pecuniam reddere.

2 *Int.* Quæ in ludis prohibitis acquiruntur, transeuntne in verum dominium lucrantis? *Resp.* Scio rem esse valdè controversam; sed affirmans sententia communior, & certior: eam tenet D. Thom. 2. 2. q. 32. art. 7. ad 2. Maior in 4. dist. 15. q. 13. Gab. ibidem q. 13. Castr. 2. de leg. p. m. c. 2. Med. de rest. q. 22. Sot. 4. iust. q. 5. art. 2. & alij, quos refert Couar. regul. pec. 2. p. §. 4. Datur tamen actio repetundarum in iudicio, ut notarunt Adrian. in 4. d. 15. q. 11. vbi Richard. q. 8. art. 8. Paludan. q. 3. art. 5. Angel. verb. ludus. Ledes. 2. 4. q. 8. art. 8. ad finem, & alij.

3 *Int.* Qui in ludis prohibitis ludit præsentem pecuniam, potestne illam retinere donec iudicis sententia damnetur lucrans repetundarum? *Resp.* Minimè. Ita Sot. 4. iust. q. 5. art. 2. ad finem; Castro & Med. locis citat. Ratio est quia illius pecuniæ dominium vere translatus est in lucrantem, & ideo iam est aliena.

4 *Int.* Qui in ludis prohibitis ludit credita pecunia, potestne illam denegare lucranti? *Resp.* Affirmatiuè respondet Cou. & Adrian. citat. Opposita tamen sententia communior est, & vera; nisi hæc ludendi consuetudo vigeat in aliqua regione, qua ibi standum sit, quoniam iure naturæ tenemur stare promissis, & neminem fallere.

5 *Int.* Qui in ludis prohibitis ludit credita pecunia, potestne illam retinere, docet repetita in iudicio perdati adiudicetur? *Resp.* Potest. Nisi pollicitus sit se non repetiturum: vel usque ad certum tempus soluturum. Finito enim tempore, tenetur stare promissis, & pecuniam soluere. Ita Sot. Castr. &

Med.locis cit. Ratio est, quia promissio spontanea alteri facta de re licita, obligat in conscientia.

6 *Jnt.* Quis restituere tenetur, quod ludo lucratus est? *Resp.* Omnis ille, qui lucratus est, quod alius alienare non poterat, Talis est filiusfamilias, seruus, monachus, furiosus, vxor circa bona, quorum non habet dominium, aut superiorum consensum. *Deinde*, Omnis ille, qui dolo & fraude decipiendo, aut vi cogendo ad ludendum, lucrum à collusore comparauit. Qua de re videant. qui, quia perdunt, lucrantes cogunt ad ampliùs incumbendum aleis, nisi pactum intercesserit expressum, vel tacitum de non relinquendo ludo comparato lucro, nisi pro amittentis arbitrio: Nec mihi videtur audiendus Cardinalis Toletus *lib. 5. cap. 27.* qui solùm obligat hos cogentes, & lucrantes restituere eam tantùm partem, quam supra quod perdiderant, lucrati sunt, quia tota summa iam sub lucrantis erat dominio, & tota per vim fuit extorta. Pro fraude verò habenda est versutia, qua quis insignis aleator alium inuitat ad ludendum, quem scit ludi esse ignarum.

7 *Int.* Quid, si isti, qui alienare non possunt, lucrantur; tenenturne lucrata restituere? *Resp.* Tenentur. Quia vt validus sit contractus, debet esse æqua ex vtraque parte cōditio. Ita Cast. 2. de *I. pæn. c. 2. corol. 3.* Cou. *reg. pec. par. 2. §. 4. num. 4.* Sot. 4. *iust. q. 3. art. 2.*

8 *Jnt.* Potestne quis vno iactu, seu, vt nostrates vocant (hūana m̃ão) plus lucrari, quam eodem possit perdere? *Resp.* Minimè, nisi alius sciat inopiam ludentis, & tamen velit animi leuandi gratia, aut avaritiæ, colludere. Tunc enim quasi libera est donatio. Ita Sot. immeritò reprehensus à Nauar. supra cit.

9 *Int.* Quæ compensatio fieri potest à ludentibus alienare impotentibus? *Resp.* In eodem ludo, qui, quod non potest alienare, perdidit, poterit tantùm colludere, quousque perditum recuperet. Et eodem modo quando inuicem, qui alienare non possunt, lucrati sunt. Ita intelligendi sunt Angel. *verb. Aud. §. 8. Sylu. §. 8. nu. 17. Nauar. c. 17. nu. 16.* Ratio est, quia nemo qui perdidit, quod alius lucrari non potuit, (loquendo ex natura rei) voluit donare, neque perditæ pecuniæ à se dominium abdicare.

10 *Int.* Omnisne fraus obligat lucrantem ad restitutionem? *Resp.* Minimè, sed ea fraus, quæ contra iustitiam est. Et ideo
simulare

simulare optimam alearum sortem, vel dissimulare pessimam alearum sortem, atque istiusmodi simulatione, & dissimulatione fallere collusorem, non obligat ad restitutionem. Crediderim minimè etiam obligari ad restitutionem collusores, qui scientes ludum fallacis, & versutis tractandum, illi incumbunt, quas quidem fraudes postea detegunt, & uterque dolet à se omnes non fuisse factas. Qualis mos est apud celebriores aleatores.

De regis tributis, & vectigalibus. §. 7.

- 1 Quot sunt genera tributorum.
- 2 Describuntur genera tributorum.
- 3 De materia tributorum.
- 4 An debeat tributum de re ad proprium usum emptæ.
- 5 Quæ tributa teneatur Princeps restituere.
- 6 De causis ad imponenda tributa.
- 7 An cessante causa, cesset tributum.
- 8 Quod causa tributi debeat esse evidens.
- 9 Quod dubium circa iustitiam causæ ad tributa, deobliget ab iis soluendis.
- 10 An tributa exigi possint à certis tantum personis.
- 11 De publicanis tributorum.
- 12 An in dubio causæ teneantur subditi soluere tributum.
- 13 De clericis ac religiosis tributa soluentibus.
- 14 De cisis ad Lusitaniam.
- 15 De præstantiis.
- 16 Quæ tributa tenentur clerici soluere.
- 17 Circa quas merces fruuntur clerici hoc privilegio.
- 18 Verum tributa iusta obligent in conscientia.
- 19 An iustum sit tributum cisarum.
- 20 Quomodo excusentur mercatores à cisis soluendis.
- 21 An mercatores rogati à publicano teneantur aperire veritatem.
- 22 An liceat vti dolo, vel fraude ad publicanum fugiendum.

I INTERROGATIO. Quot sunt genera tributorum?
 Resp. Quinque, census, vectigal, portorium, pedagium, gabella.

2 Jnt. Vnum quodcumque eorum mihi describe? Resp. Census qui à censendo derivatur, eò quod debeant singulo-

rum opes censeretur, ut pro earum quantitate tributa imponantur, vulgò nostrates appellant (fintar) ut habetur *l. forma. ff. de cens.* est tributum, quod unusquisque pro se soluit in signum subiectionis. Patet *l. Aetatem. ff. de cens.* Erat olim hic census vsitatus: constat 2. *Reg. 27. & Luc. 2.* modò tamen rariùs imponitur. *Vestigal* est tributum, quod soluitur de rebus, quæ ad aliquem locum exportantur, aut ibi venduntur, Ita Syluest. *cod. verbo. Portorium* est tributum, quod soluitur de mercibus per mare traiectis in certa quadà domo, quam nostrates vocant alfandega. *Pedagium* (si propriè accipiatur) est illud, quod datur à traſeuntibus in certo aliquo loco à Principe constituto, utpotè in ponte, cymba, portu, & similibus. Ita *c. Super quibusdam. de verb. signif.* *Gabella* nomen est generale, non minùs latè patens, quàm tributum. Vtrumque enim omnia iura regia comprehendunt.

3 *Int.* Quæ est propria materia tributorum? *Resp.* Est res, quæ solius negotiationis gratia inuehuntur, & exportantur. *l. Omnium. l. uniuers. Cod. de vestigal.*

4 *Int.* Debentur ne tributa pro rebus, quæ ad proprium vsum afferuntur? *Resp.* Minimè. Ita Caiet. & Syl. *in sum.* & Doctores communiter. Nisi aliter obtinuerit rationabilis consuetudo, ut notauit Nauar. *c. 15. n. 22.* & D. Anton. 3. *p. tit. 22. §. 1.* vel magni intererit ad vtilitatem Reipublicæ: quia aliter eius necessitatibus subueniri nequit.

5 *Int.* Quæ tributa tenetur Princeps tanquam iniusta exacta restituere? *Resp.* Quæ sine causa imposuit, & sine causa exegit. Ita decernitur *c. Quia plerique. de immunit. Eccles.*

6 *Int.* Quæ causa requiritur ad imponenda & exigenda tributa? *Resp.* Necessitas pecuniarum ad sustentanda onera publica, & decentiam regij status conseruandam. Ita post D. Thom. *in opuscul. 21. ad Ducissam Brabantix*, docent alij.

7 *Int.* Cessante causa cessatne obligatio tributi? *Resp.* Cessat. Ita Caiet. *verb. vestigal.* & Med. *de reſtitut. q. 14.*

8 *Int.* Hac necessitas & causa debetne esse euident? *Resp.* Ad exigenda vestigalia vetera satis est causa dubia. Ita D. Anton. 3. *p. tit. 12. §. 1. c. 4. Sylu. gabel. 3. q. 3.* Probatur euidenter, quia in dubiis melior est conditio possidentis. Noua verò tributa non nisi causa manifesta imponi, & exigi possunt, ac proinde non sufficit causa dubia. Ita iidem Doctores, & patet in *c. Trounit. de censib.*

9 *Int.* Quæ dubitatio requiritur circa causæ iustitiam, ad annullandam tributorum obligationem? *Resp.* Ea, quam habent Iurisperiti, probique viri, ac timorati.

10 *Int.* Possuntne exigi tributa à certis quibusdam personis, & non ab aliis? *Resp.* Minimè. Nam ad publicas functiones, & ad publicas utilitates omnes tenentur, qui expressa lege non inveniuntur immunes. *L. Omne territ. de censib. l. 1. & 2. Cod. de immunit. nemini concedenda. L. Omne. Cod. sine consensu.*

11 *Int.* Quæ tributa cum dubio causæ Rex imponit, possuntne publicani exigere? *Resp.* Possunt: nam in dubiis subditi obediendo excusantur. *cap. Qui culpabiliter 23. q. 1.*

12 *Int.* Tenentur subditi soluere tributa, cum dubio causæ imposita? *Resp.* Maximè, quia in dubiis tenentur subditi parere superiorum iussui.

13 *Int.* Clerici, religiosi, aut moniales suntne exempti à tributis? *Resp.* Ab aliquibus, *cap. Quanquam, de cens. in 6.* Sed non ab omnibus. Sunt exempti à pedagiiis, & quidagiis: Excommunicantur illa pedagia, & quidagia à clericis petentes, *cap. Quanquam, de cens. cit.* Nomine verò pedagij, portorium etiam intelligitur, ut notavit Caiet. *verb. Excommunicatio, c. 39. & Nau. c. 27. n. 128.*

14 *Int.* Quid arbitraris de solutione cisarum? *Resp.* Idem quod de pedagiiis, & portoriis, ac proinde illa soluere non tenentur.

15 *Int.* Quid censet de præstantiis, nostrates Lusitani vocant *fiatas*, seu *emprestimos*? *Resp.* Caiet. arbitratur posse à clericis exigi; nec exigentes *c. Quanquam, de cens. in 6.* excommunicari. Ita *verb. excommunicatio.* Illius tamen capituli excommunicationem non curo. Puto veruntamen latam esse eam excommunicationem in Cœnæ Domini Bulla. Quidquid Nau. *c. 27. n. 118.* in oppositum videatur opinari.

16 *Int.* Quæ tributa tenentur clerici soluere? *Resp.* Quæ imponuntur pro re, quæ in communem clericorum cum laicis utilitatem redundant, utpotè pro reparatione pontium, fontium, viarum, & similium, sine quibus nequeunt Ecclesiasticis personis ad vitam necessaria suppeditari. Ita Doctores communiter *cap. aduersus, de immunit. Eccles.* Vno igitur verbo dico, respondendo ad propositam quæstionem, non teneri clericos soluere personalia tributa, teneri tamen

soluere tributa realia. Ita enim vocant huiusmodi vectigalia communia in communem vtilitatem necessaria.

17 *Int.* Fruuntur ne hoc priuilegio clerici circa omnia, quæ euehant, & inuehant? *Resp.* Minimè. Illud enim amittunt circa merces, quas emunt ad iterum vendendas, vel commutandas, cum eas inuehant, aut euehant ad negotiationem, & lucrum. *cap. Quanquam, de censib. in sexto.* Enimuero de fructibus patrimonij, aut Ecclesiæ, cui seruiunt, cum aliquid vendunt, tributa non debent. Secus tamen dicendum est de publicanis eosdem redditus patrimonij, scilicet, aut Ecclesiæ à persona Ecclesiastica conducentibus. Enimuero ex patrimonij, aut Ecclesiæ redditibus conductæ, & percepta bona iam bona publicanorum conducentium sunt: illi verò tenentur ad tributa soluenda.

18 *Int.* Obligatne tributum iustè impositum in conscientia de rigore iustitiæ? *Resp.* Obligat. Constat ex D. Paul. ad Romanos 13. *Reddite omnibus debita: cui tributum, tributum: cui vectigal, vectigal.* Matth. 22. *Reddite quæ sunt Cæsaris, Cæsari.* Ad quæ loca omnes sancti Patres cum D. Hieronymo, ita decernunt. Et Doctores ad *cap. Innouamus, de cens. & capit. Super quibusdam, de verb. signific.* Quare, qui in conscientia soluenda tributa esse negauerit, ut hæreticus puniri potest. Probatur, quia, ut ait D. Paul. 1. Corinth. 9. *Quis plantat vineam, & de fructu eius non edit? Vel quis pascit gregem, & de lacte gregis non manducat? quis militat suis stipendiis unquam?* Sed Rex est pastor: est agricola, est dux; ergo tenentur subditi illum propriis stipendiis alere. Plura legito apud instruct. c. 37. *quæst. 2. dist. 3.* Hinc colligo, nulla ratione audiendum esse Nauarrum *cap. 23. n. 60.* qui absolute affirmat leges vectigalium non obligare in conscientia. Quoniam opinio est contra omnium Doctorum sententiam; contra auctoritatem scripturæ, & sanctorum Patrum sensum, & interpretamentum. Denique contra rationem, siquidem tributa iure naturali debentur. Quamuis determinatio quantitatis de iure humano sit. Neq; negari potest, quod sicut Principes tenentur in conscientia, & ex officio adhibere curam Reipubl. rectè gubernandæ, ita subditos teneri Principibus necessarios sumptus suppeditare. Possumus tamen Nauar. sententiam ab hæresi excusare, & errore, ex eo quod non doceat absolute tributa

tributa non deberi, sed non deberi ante condemnationem, cum à iustitiæ ministris exiguntur. Etenim post condemnationem ipse ait peccatum esse tributa negare. Deinde *cap. 17. num. 200.* ait ex eo leges tributorum non obligare ad culpam, quia Principes tantum intendunt obligare ad poenam post condemnationem. Veruntamen hic Nauarri circa huiusmodi leges intellectus est falsus, & oppositus ab ipsis Regibus sæpenuerò declaratus.

19 *Int.* Circa tributa pro mercibus vendendis, asportandis aut importandis posita, quæ nostrates (cisas) vocant, quæro in primis: Teneatur quis quærere publicanum ad illa soluenda? *Resp.* Qui per publicas vias transit, vel in publico loco vendit, tributa non debet, nisi à publicano petantur, ac pròinde tuta conscientia potest tacere. Ita Palat. in adnotat. ad Caiet. *verb. vestigal.* Ledesm. *sup. Medin. 1. 2. quæst. 66. art. 4.* Angles *de restitut. vestigal. diff. 2.* Instruēt. *cap. 36. §. pen. Sot. & alij communiter.* Probatur, quia ita receptus est usus harum legum, & nunquam aliter. Aliæ verò leges contrarium decernentes, nunquam approbatæ sunt, aut receptæ tam in regnis Lusitanæ, quam Hispaniæ. Nec sanæ videntur posse habere legis vim in conscientia obligantis. Quia potius essent in destructionem quàm in ædificationem; utpote innumera-bilium peccatorum occasionem præbentes, sicuti experimento manifestum est.

20 *Int.* Licetne merces mobiles clam vendere, & occultare venditionem, aut eas clam exportare ad euitandam cissæ solutionem? *Resp.* Licet. Et proinde in Lusitania, siue diu, siue noctu, quis occultè vendat, aut transportet, etiam summo mane & per vias ab arbitris remotas eo animo, ut publicanos lateat, & ita à nemine inuentus occultus euadit, tributa non debet in conscientia. Probatur, quia ita recepta est in hoc regno cõsuetudo: & aliter opinari esset peccatis orbem imple-re. Et cõstat ex ratione. Quia tributa tantum debentur, quantum sufficiunt ad regni, Regisque decentiæ: sed hoc tributum cū hac occultatione satis est; ergo, &c. Miror probatur, quoniã si sine occultatione ex omnibus mobilibus rebus vēditis decima pars redderetur in conscientia, ærarium non caperet pecuniam. Atq; de his tributis ita absolutè loquūtur, & asserunt Victoria, cuius verba refert Instruēt. *c. 13. & Tab. verb. pedagium. §. 8.* Et in hac occultatione fundantur publicani, cum

de

de tributis soluendis pro mercibus conveniunt cum mercatoribus in multo minori quantitate; quam deberetur, si in conscientia, etiam pro rebus occultatis, solueretur. Et quamquam Castellæ, & Lusitanæ leges oppositum decernant, velintque venditores in conscientia ad hæc tributa obligare, nunquam tamen à populo fuerunt approbatæ, nec receptæ, & ideo non obligant. Sed latius de vi, & legum abrogatione, Deo propitio, in propria materia ante Ecclesiæ præceptorum tractationem me rogabis.

21 *Int.* Cùm publicanus interrogat mercatores de mercibus venditis, tenentur ne aperire veritatem? *Resp.* Si iuridica fiat interrogatio (quæ talis erit, si mota est ex manifestis, aut saltem probabilibus indiciis de venditione, asportatione, & mercium) tenentur veritatem propalare, quam si negent, in conscientia tenentur restituere, licet non confessi absoluantur à iudice, vel extra iudicium interrogati à publicano non confessi, permittantur abire. Si verò non iuridica fiat interrogatio, (quæ talis erit, si fiat à publicano nullis manifestis, aut saltem probabilibus indiciis de venditione, asportatione, & moto) potest mercator amphibologicè negare, imò & iurare se nil vendidisse, ut ita vel à publicano extra iudicium rogatus ire viam suam sinatur, vel in iudicio à iudice absolvatur. Probatum hæc veritas ex consuetudine optima legum interprete, quæ ita videtur huiusmodi leges interpretata. Et ita usu tantummodo recepit, & obtinuit praxis.

22 *Jnt.* Licetne uti dolo, aut fraude ad cisam non soluendam? *Resp.* Minimè: imò, qui his vitur, tenetur in conscientia restituere. Dolo autem vitur, qui simulat se merces donare, cùm reuera vendat, inuentusque à publicano dicit se donare, non vendere. Item fraus committitur, cum clerici, aut aliæ personæ à tributis liberæ, emunt suo nòmine ad laicos, aut alias personas minimè exemptas. Et ideo debent in conscientia tributa soluere.

De obligatione restituendi promissa. §. 8.

1 *Quid est promittere.*

2 *An obliget in conscientia simplex promissio.*

3 *Quæ conditiones requirantur ex parte promissarii ad obligationem promissionis.*

4 *Finis*

4. *Utrum qui promissum mente sola, vel in absentia promissarium, teneatur illi manifestare promissionem.*
5. *An levis acceptatio liberet promittentem.*
6. *Vnde colligitur levis acceptatio.*
7. *An colligatur levis acceptatio ex taciturnitate promissarii.*
8. *Quod temporis intervallum inter acceptationem & promissionem annulet promissionem.*
9. *An retractatio promissionis ante acceptationem eam annulet.*
10. *An liceat retractare promissionem ante acceptationem.*
11. *De promissione facta absenti.*
12. *Quæ promissio non obliget sub mortali.*
13. *Vnde colligitur voluntas promittentis obligans ad mortale.*
14. *Quæ promissio obliget sub mortali.*
15. *De vi promissionis in foro Ecclesiastico.*
16. *De vi promissionis in foro seculari.*

I N T E R R O G A T I O. Quid est promittere secundum Doctorem, vulgique communem usurpationem? *Resp.* Est alicui de re bona fidem firmiter dare. De re, dixi, bona, quia de re mala non tenet. Vnde promissio prodiga solum obligat intra limites liberalitatis, non verò ad excessum. Non dixi, de re meliori. Quia in hoc differt promissio à voto, quod votum est de meliori, promissio verò de bono. Firmiter, dixi: quia ut sit valida promissio, requiritur deliberatus consensus. Quare inualida est, quæ per vim, metum, aut dolum extorquetur, ut notat Caietan. 2.2. q. 113. dub. 4. & alij. Metus autem satis est levis, iuxta Syl. *rest.* 2. §. 7. dummodo fuerit causa, sine qua non, ut aduertit Auctor Instructoriij 2. p. c. 30. col. 228. imò etiam erit inualida promissio extorta per iniurias preces. Secus si per blanditias. Ita Sot. 4. iust. qu. 7. art. 1. Navar. *prælud.* 6. Ledesm. 2.4. q. 18. art. 5. Nisi tales essent blanditiæ, quæ hominem dementarent, aut per preces importunas cogerent. Et ita videntur loqui Caiet. 2.2. q. 32. & Med. *de rest.* q. 20. Hinc etiam egregie dixit Syl. *rest.* 2. dist. 9. restituendum esse, quidquid ad solam importunitatem petentis, aut blandientis fugieudam donatum est.

2. *Int.* Obligatne simplex promissio facta absque intentione se obligandi? *Resp.* Minimè. Ita Caietan. 2.2. q. 88. artic. 1. Sot. 7. iust. q. 2. a. 2. Cord. q. 156. licet utatur verbo promittendi. Ratio est. Quia promissio est quædam particularis lex, quam quisque

quisque sibi imponit, ergo non potest obligare ultra promittentis intentionem.

3 *Int.* Quæ conditio requiritur ex parte promissarij, vt promissio obliget ad restitutionem? *Resp.* Acceptatio. Et ideo optimè dixit Mol. *lib. 4. de primogenit.* acceptationem esse de essentia promissionis. Eleganter satis hanc rem exposuit Salomon Prouerb. 6. illaqueationis metaphora. *Si sponderis, illaqueatus es verbis tuis.* Nam in laqueo oportet vt pedem iniicias, & linea retineat, aliter non illaqueaberis: ita in promissione oportet, vt promittas, & alius acceptet promissionem. Hinc colliges promissionem vt obliget, necessariò debere esse aliquo externo signo declaratam. Quia cum necesse sit, vt acceptetur, non potest acceptari, nisi appareat promissio; non potest autem apparere, nisi aliquo externo signo manifestetur, hinc fit, vt externa esse debeat ad obligandum. In quo differt à voto, quod cum sit promissio Deo facta: Deus autem introspiciat cor, corde tantum propositam, & factam acceptat. Ita D. Th. 2.2. q. 88. art. 1. & in 3. sentent. distinct. 39. q. 1. art. 1. *questiuncula 1.* Abulensis *super c. 5. Leuit. 9. 4. & super 3. Num. quest. 44.* Quam doctrinam, vt communem supponunt Bonauentura in 4. distinct. 28. q. 4. & alij.

4 *Int.* Teneturne promissor interior manifestare promissario interiorem, aut externam occultam promissionem, & quærere ab eo, an acceptet? *Resp.* Affirmat Ledesma 2. 4. *quest. 18. art. 1. dub. 3.* Negandum tamen constat ex *L. Absenti. ff. de donationibus*: & ex communi sententia. Quia promissio non fuit facta de manifestanda promissione, sed de danda re promissa: hæc verò non debetur, nisi acceptetur. Ex hac doctrina manifestè infertur conclusio certa in materia de voto, scilicet eum, qui Deo vouit, aut iuramento promisit interna promissione se daturum centum ad nuptum Bertæ orphanæ, teneri votum iuratum coram D E O implere: nullam tamen inde Bertæ emanare debiti vim ex parte promissionis, sed posse commutari in aliud pium opus, sicut & alia pia vota. Quod tamen non posset, si à Bertæ acceptaretur.

5 *Int.* Si promissarius leuiter acceptet, quanquam promissor intenderit se grauiter obligare, manétne liber? *Resp.* Manet. Quia vinculum debebat ex vtraque parte æquè retineri.

6 *Int.* Vnde colligitur quis acceptare? *Resp.* Si dixerit. Facies, si tibi placuerit, aut quid simile. Indubitanter verò si à promittente vnum, aliud petat. Vt si promittas seruum Sempronium, respondeat: da mihi potius Pamphilum. Ab utroque enim dando liberaris. Ita decernitur *L. 1. ff. de verb. oblig.*

7 *Int.* Si promissarius taceat? *Resp.* Consentire videtur, & ita obligare promittentem. Quæ taciturnitas, saltem in promissionibus liberalibus, & vtilibus satis consensum declarat. Ita Bartol. *L. 1. Cod. de pact.* & alij, quos refert Couarr. ad Rubric. *de test. num. 13.* Imò, & in onerosis contractibus, quando ex indiciis satis consensus per taciturnitatem manifestari indicatur; vt fit in contractu sponsaliorum, & matrimonij, sicuti decernitur *c. unico de despons. impub. lib. 6.* Quæ quidem indicia nisi constarent ex ipsa præcisa taciturnitate, dubia maneret acceptatio. Quia iuxta proloquium satis tritum, qui tacet, nec fateri, nec utique negare videtur. Et in hoc sensu vera est opposita sententia Ant. Gom. *2. resol. c. 9. n. 2.*

8 *Int.* Quod interuallum inter promissionem, & acceptationem annullat promissionis obligationem? *Resp.* Solum illud quod tollit consensum promittentis: ac proinde in conscientia obligat promissio, quæ perseverat vsque ad acceptationem, licet post aliquod interuallum detur.

In foro externo iuxta leges Cæsareas. *L. Contin. ff. de verb. obligat.* Gloss. ibidem, quodlibet interuallum deobligat. Verum iuxta leges Lusitanas *lib. 4. Ordin. tit. 5.* & Castellanas *lib. 3. Ordin. tit. 8.* hæc celebritas non requiritur, sed vt in foro animæ, ita in foro iudicij promissio quouis modo acceptata obligat. Potestne promissor soluere fidem datam retractando promissionem, ante promissarij acceptationem? *Resp.* Potest. Hanc veritatem omnes supponunt, cum aiunt solam promissionem acceptam inducere restituendi obligationem.

9 *Int.* Peccabitne promissor retractando promissionem ante acceptationem circa rem, quæ postulat impensam considerationem? *Resp.* Nunquam quidem contra iustitiam. Aliquando verò peccabit contra constantiam, & honestatem. Contra quam ex suo genere, nunquam lethalis culpa contrahitur.

10 *Int.*

10 *Jnt.* Quæ acceptatio sufficit circa promissionem factam absenti? *Resp.* Ea, quam promissarius dat, factus certior per nuntium, aut Epistolam missam ab ipso promittente. Non verò ea, quam dat factus certior de promissione ab aliquo, qui eam audiuit, nisi promissor eo animo promiserit, ut quilibet posset denunciare promissario: Ita Instruct. 2.p. cap. 27. col. 195. cum plurimis, quos citat, & sic iudicandum in utroque foro poli, & iudicij. Qui animus si non constiterit, iudicanda est promissio nulla ex defectu promittentis intentionis.

11 *Jnt.* Quæ promissio facta, & accepta non obligat sub mortali? *Resp.* In primis officiosa, quæ fit ad amicorum animos conciliandos, & honestam educationem liberalium, ingenuorumque hominum ostendendam: ut cum dicitur, promitto me facturum, quidquid in me fuerit. Dono tibi non me, sed mea, & similia. Ita c. Cum venissent, de instit. Deinde, promissio, quæ fit de re parvi ponderis: nam in quavis lege excusat parvitas materiæ. Nec contrarium docuit Sot. 7. iust. q. 2. art. 1. ad 1. ut illi tribuit Palat. super Caietan. verb. perfidia. Tertio, ea promissio, qua promissor non intendit se prorsus ex debito iustitiæ obligare, sed ex solo debito honestatis. Quia hoc honestatis debitum non obligat sub mortali. Ita Caietan. 2. 2. q. 113. Tabien. verb. pass. §. 7. Sylu. ibid. num. 4. Cord. & Instruct. cit. D. Anton. 2. p. tit. 10. cap. 1. §. 4. Ricard. in 4. d. 38. art. 3. quest. 3. Hunc verò esse communem obligationis modum, quo in communibus promissionibus se homines volunt obstringere, censuit Caiet. prox. collegitque ex frequenti usu promissionum. Credo equidem neminem sibi adeò durum hostem, ut in liberalibus promissionibus velit non solum rem suam liberaliter donare, sed ulterius ad donationis exequutionem animam gehennæ obligare.

13 *Jnt.* Vnde colligitur intentionem promittentis se voluisse obligare sub mortali? *Resp.* Ex publico testimonio, quo promissionem confirmavit scripto, aut verbo coram testibus, aut ex aliis iudiciis manifestis. Hoc dixerim pro hæredibus promissoris, si obiit ante promissionem satisfactam. Qui si dubitant probabiliter de hac obligatione, tunc se priori conformare poterunt, quia melior est conditio possidentis.

14 *Jnt.* Quæ promissio accepta obligat sub mortali? *Resp.* Ea, qua promissor se vult obligare ex debito iustitiæ.

Probatur,

Probatur, quia transgressione promissionis grauiter læditur ius humanæ societatis; ergo in ea lethalis culpa committitur. Neque Caiet. censuit promissorem non se posse ex iustitia obligare, sed vt plurimum velle honestatis, fidelitatisque obligationem solam contrahere sub veniali. Enimvero licet obscure loquutus sit 2.2. q. 88. art. 1. & 3. ad 1. & q. 113. art. 1. clarissime tamen loquutus fuit in sum. verb. *Perfidis*. Quem locum forsan Sot. non legit, & ideo Caietanum falsæ opinionis insinulauit.

15 *Iat.* Quam vim habet promissio acceptata in forò externo Ecclesiastico? *Resp.* Promissio nuda (ita vocant) hoc est facta sine causæ expresseione, compellitur in Ecclesiastico forò adimpleri. Ita decreuit Concil. Tolet. cap. 1. de *patris*. compellitur etiam per maiorem excommunicationem, vt ibidem exprimitur. Vnde satis claret in promissione simplici facta, & acceptata dari aliquando culpam mortalem, si quidem absque illa maior excommunicatio ferri nequit.

16 *Jnt.* Quam vim habet simplex promissio, seu nuda (quam iuris Cæsarei periti appellant nudum pactum) in foro ciuili? *Resp.* In Lusitania appellatur donatio liberalis, & pro ea datur actio, vt patet ex Ordinationibus. Item in tota Castella, vt claret lib. 5. *Ordin. l. 3.* Non datur tamen in iure Cæsareo. *l. iur. gent. ff. de pact. §. Sed cum*, & *§. Igitur*. Ita censuit D. Thom. 2. 2. *quæst. 88. artic. 3. ad 1.* Ratio, quæ legislatorem mouit ad permittendum hoc peccatum, quod punit ius canonicum, fuit, vt tollerentur lites, quemadmodum aduertit Couar. 2. p. cap. *Quamuis*, §. 4. num. 13. vel ad tollendam occasiorem compellendi indeliberatam, vel inconsideratam promissionem, vt vult Gregor. Lopes super *l. 1. tit. 11. partit. 2.* Hæc dixerim de simplici, ac nuda promissione. Nam si iuramento fuit confirmata, grauiter obligat in omni euentu, si adhuc illius executio bona est. Conclusio est D. Chrysof. tom. 1. super *Psal. 14.* colligitque eam ex graui pœna, qua Deus ipse certam factam, & iuratam promissionem fractam puniuit, quod tale fuit. Astu Gabaonitarum illusi Iosué, & Principes filiorum Israël, iurando promiserunt eis se eorum ciuitates, ac fortunas intactas relicturos, cum reliquas ferro flammisque excinderent. Ita enim facer textus Iosue 9. *fecit Josue cum eis pacem, & inito fœdere pollicitus est, quod non occiderentur, Prin-*

cipēs quoque multitudinis iurauerunt eis. Transactis autem annis sexcentis, regnante Saule, rupta pace, non est statum promissis, occiditque eos, & eorum destruxit vrbes Saul. Punivit verò Deus fractam fidem morte ipsius Saulis, & filiorum, vt narratur 1. Reg. ultimo. Insuper acerbissima fame trium annorum, iam regnante Dauid, cuius supplicij causam cum Dauid à Deo peteret, responsum accepit huiusmodi. 2. Reg. 21. *Propter Saul, & domum eius, quia occidit Gabaonitas.* Quod cum audisset Dauid, Gabaonitas rogauit, quid vellent sibi restitui pro dāno, iisque postulantibus duos tradidit filios Saul, & quinque nepotes ex filia Michol cruci affigendos in pœnam. Quod supplicium Chrysostomus perpendens certam colligit sententiam hisce verbis. Si, ergo post sexcentos annos Deus iusiurandum vindicauit, & cum alij iurassent, alij qui iusiurandum violarunt, pœnas dederunt, quid patiemur, qui peieramus?

CAPVT XVI.

De obligatione restituendæ donationem.

De acceptatione requisita ad valorem donationis. §. 1.

- 1 *Vtrum ad donationis valorem ob pias causas requiratur acceptatio.*
- 2 *An reuocari possit donatio promissa post certum tempus.*
- 3 *An donatio reuocari possit facta ad diuisionem cum alio, ante ipsam diuisionem.*
- 4 *An reuocari possit donatio facta absenti, & acceptata à suo procuratore.*
- 5 *An teneantur heredes donatoris reddere donationem quæ in vita non fuit acceptata à donatario absente.*
- 6 *Succeduntne heredes donatarij, qui obiit ante donationis acceptationem.*
- 7 *An possit reuocari donatio facta infanti ante usum rationis, & à tutore, suo nomine, acceptata.*

1 **I** N T E R R O G A T I O. Sicut ad promissionis, ita & ad donationis obligationem requiritur (vt suppono) acceptatio, loquendo ex natura rei. Requiritur etiam cum facta

Quæ est ad pias causas? *Resp.* Negat Couar. 3. p. rub. de test. n. 13. & 1. resol. cap. 14. nu. 14. Iulius Clar. de donat. q. 12. decis. 381. cum plurimis quos citant, aiuntque esse opinionem communem. Affirmant Angel. & Sylu. verb. pollicitatio, & videtur satis manifesta sententia L. 1. de pollicit. Dicendum tamen. ex legibus, ac iure Cæsareo solùm dari facultatem cuilibet priuatæ personæ acceptandi donationem in pias causas, nisi tamen acceptetur, in conscientia non obligare, ac proinde ante acceptationem donatorem posse eam retractare.

2. *Int.* Dedit Titius equum Petro ea conditione, ut post annum illum reddat Francisco, potestne ante expletum tempus donationem illam secundam reuocare? *Resp.* Potest. Ita Bart. in L. Quis Romæ. §. Flavius. ff. de obligat. ver. & multi alij, quos refert Gomez ad L. 4. Tauri. n. 29. Mol. iurist. 4. de primog. num. 74. Nauar. in Apolog. reddit. quæst. 1. monit. 71. Couar. 1. resol. cap. 4. Clarissimè id decernitur L. Aristo. ff. de donat. ubi talis contractus appellatur innominatus: in contractu verò innominato licet recedere, dum res integra est, iuxta leges & iura, quæ refert Cou. proximè cit. num. 117. Ratio totalis est, quia iste iudicatur fuisse consensus tali modo donantis, ut nollet intra tempus à se facultatem reuocandi donationem abdicare. In foro tamen conscientie standum est donatoris voluntati, & non legum præsumptioni, ac proinde si illa fuit absoluta, donatio tenet: si non constiterit, quia donator post reuocationem obiit, standum probabilioribus iudiciis.

3. *Int.* Donauit Titius Petro absolutè centum hac conditione, dummodò cum Francisco absente diuidas, potestne donator reuocare donationem diuisionis? *Resp.* Si donatio facta fuit intuitu absentis, & illius ratione Petro præsentis facta fuit, reuocari non potest, quia ibi rata fuit acceptatio, & vera donatio; si verò illa facta fuit intuitu Petri præsentis, & in illius solam utilitatem, potest quidem, quia ibi non fuit vlla acceptatio. Exemplo res patebit. Attulit tabellarius bona nuntia foeminae de amasio, foemina amore perditæ, ut tabellarius amasio ferret centum, dedit tabellario ducentos aureos, dicens, diuidite inter vos. Ita Couar. 1. resol. cap. 24. nu. 13. §. Tertio apparet. Nam centum dedit propter amasium, non verò propter tabellarium.

4. *Int.* Qui donauit absenti, cuius procurator legitimè

acceptauit donationem, potestne illam reuocare ante donatarij propriam acceptationem, an teneretur illam expectare? *Resp.* Rem non inuenio apud Doctores solutam. Vnum certum est, non teneri donatorem ante donatarij expressam ratihabitionem rem donatam tradere, vel mittere, crediderim tamen ad huiusmodi ratihabitionem expectandam obligari.

5 *Int.* Obiit donator antequam donatarius acceptaret, aut ratam haberet donationem suo nomine factam, tenetne talis donatio, ita vt hæredes ad illam obligentur? *Resp.* Tenet quidem. Ita Mol. Iurista lib. 4. de primogenit. nu. 66. & Couar. 3. par. rubr. de test. num. 13. Ratio illorum est, quia hæredes succedunt obligationi reali defuncti, cum igitur donator teneretur donationem acceptatam reddere, ita & illius hæredes, licet post obitum donatoris pro locorum longitudine acceptata non sit.

6 *Int.* Mortuo donatario ante donationis acceptationem, vel ratihabitionem factam ab eo, qui poterat suo nomine acceptare, succeduntne hæredes illius in donationis acceptationem? *Resp.* In hac re attendenda est donatoris intentio, colligendaque ex probabilibus indiciis, & iuxta eam iudicandum. Atque ita interpretandæ sunt leges, quas pro vtraque parte adducunt Mol. & Couar. locis citatis.

7 *Int.* Donatio facta infanti ante rationis usum, & à tabelione acceptata, vel alio, qui iure potest acceptare, estne reuocabilis, an expectari debet infantis ratihabitio? *Resp.* Expectanda est infantis ratihabitio, & ante illam irreuocabilis est. Ita Couar. 1. resol. c. 14. n. 13. probatque ex iure, cum multis iuris doctoribus, quos refert. Imò Molin. Iurista lib. 4. de primogenit. c. 2. nu. 75. probabiliter credit huiusmodi donationem non egere acceptatione, sed acceptam esse à iure. L. penultim. fubemus. Cod. de mancip. liber. ad finem.

De insinuatione requisita ad valoreꝝ donationis. §. 2.

- 1 Quid est insinuatio.
- 2 De celebritate requisita ad insinuationem.
- 3 Quæ donatio est irrita facta absque insinuatione.
- 4 Ad quam partem donationis annullandam requiritur insinuatio.

5 An

- 5 An donator possit renunciare iuri celebritatis insinuativæ.
- 6 Cuius rei donatio est irrita absque insinuatione.
- 7 An omnis donatio excedens summam à legibus permissam donari, indigeat insinuatione.
- 8 An sit valida donatio omnium bonorum præsentium.
- 9 An sit valida donatio omnium bonorum tam præsentium, quam futurorum.
- 10 Quas ob causas possit quis se privare potestate testandi.
- 11 An teneatur donatarius restituere donatori excessum ultra summam à legibus concessam donari.
- 12 An leges annullantes donationis excessum ultra summam taxatam, prohibeant donari talem excessum.
- 13 An teneat donatio iurata, quoad excessum ultra summam à legibus taxatam.
- 14 Ostenditur, quæ modo leges irritantes excessum donationis, non sint prohibentes simul.
- 15 An quis possit renuntiare iuri insinuationis.

I N T E R R O G A T I O. Quid est insinuatio requisita ad donationis validitatem? *Resp.* Est manifestatio donationis in iudicio approbante illam iudice, ut bonam & absque vi, dolo, aut fraude liberè factam.

2 *Int.* Quæ celebritas requiritur ad insinuationem? *Resp.* Iure Lusitano huiusmodi approbatio fieri debet à Rege, regiisve Senatoribus, *lib. 4. Ord. tit. 54.* interrogandique non tantum donans, sed etiam vicini de libera donantis voluntate. Iure verò Castellano satis est, si fiat à supremo Governatore loci, *lib. 9. Ordin. tit. 4. par. 5.*

3 *Int.* Quæ donatio est irrita, facta absque insinuatione? *Resp.* Est ea, quæ excedit quingentos solidos. *L. ult. Cod. de donationib. & Institut. de donat. §. alij.* Iure Lusitano, *lib. 4. Ordin. tit. 54.* quæ sit à viro ultra trecentos aureos, à foemina verò ultra centum quinquaginta. Iure Castellano idem decernitur, quod iure Cæsareo, si pro solido aureum nummum intelligamus *lib. 1. Ordin. tit. 4. par. 5.* Solidum verò esse aureum nummum volunt Gregor. supra legem nonam *tit. 4. par. 5.* & Cou. *de collar. numismatum, §. 2. num. 10.* Quoniam verò tempore promulgationis iuris Cæsarei, & Castellani maior erat rerum copia, & pecuniarum inopia, modò verò è contra, rectè notant Iurisperiti, iuxta mentem legislatoris valere modo donationem maiorem quingentis solidis, nimirum

vsque ad septingentos. Ita Iulius Clarus in suis sent. lib. 4. §. donatio. 1. qu. 5. & ita se iam in iudiciali foro obtinuisset asserit Iason l. 2 §. ex his. ff. de verb. obligation. Imò Donnas de cel. reg. iur. regul. 229. limit. 19. asserit validam esse vsque ad mille aureos: quem sequitur Iulius Clar. vbi supra. Ratio est manifesta, quia valor est formalis ratio pecuniæ, vt pecunia est (vt iam dixi, cum de vsura egimus) & ideo, eo aucto, aut minorato, augenda est pecuniæ summa, aut minuenda. Et ideo in omni lege, & pro omni regno attendendum est promulgationis tempus, & perpendendus tunc pecuniarum valor respectu temporis donationis. Quod maximè aduertendum est pro infligendis poenis contra fures: nam fieri potest, vt pro pecuniarum caritate in vno tempore magnæ à legistatorem decernantur poenæ, quæ mitigandæ pro alio, cum auro regnum abundat, & minoris æstimatur, quàm antea.

4 Int. Quamcum est irrita donatio absque insinuatione ultra summam à lege taxatam? Resp. Quoad excessum tantummodo. Ita apertè declarauit legistator Lusitanus loco citato.

5 Int. Valebitne cum renunciatione huius celebritatis facta ab ipso donatore? Resp. Minimè. Neque ad hoc ius renunciandum habet potestatem donator. Ita Iulius Clarus 1. p. legis 2. de rescindend. vend. n. 25. post Bartolum, quem citat, & alios.

6 Int. Cuius rei donatio est ultra summam dictam irrita absque insinuatione? Resp. Rei præsentis, non futuræ. Et ideo non est irrita donatio facta à filio de vsufructu bonorū aduentitiorum ipsius filij. Ita Gom. 2. resolut. cap. 4. n. 10. Nec etiā illa, qua promittitur summa quotannis, non excedens sigillatim prohibitam quantitatem. l. 1. Sancimus. §. Si quis autem. cod. de donat. iuxta Bart. & Bald. & Doctores communiter, quos refert Gom. cit. cap. num. 10.

7 Int. Indigetne omnis donatio insinuatione, cum excedit dictam summam? Resp. Minimè: & ideo non ea indiget donatio remuneratoria pro seruitio pretio æstimabili. Neque quæ fit ex contractu oneroso, neque quæ fit ob reciprocam donationem sibi factam. Ita Doctores communiter, vt videre est decisum apud Gom. decis. 213. 302. 163. Ratio est, quia istæ donationes non sunt simpliciter liberales, sed potiùs ex quasi contractu: do, vt des: vel do, quia dedisti. Item neque

ea

ea donatio, quæ fit in pias causas, hoc est Ecclesiæ, pio loco, pauperibus. Ita Felin. Bart. Ioannes Andr. & alij, quos refert, & sequitur Dyn. regul. 224, n. 6. Gabriellus lib. 3. de donat. concl. 1. n. 28. Angel. don. 1. §. 20. Sylu. ibid. q. 4. Probatur. Quia, ut habetur in Auth. Cæsar. optima mensura Ecclesiæ donatorum est immensitas. Item donatio facta ab Imperatore, seu principe non recognoscente superiorem, seu facta ipsi Principi. L. Sancimus. L. penul. Cod. de donat. & Authentic. super eandem legem, sancimus cit. Item donatio facta à iudice, seu magistro militum in fauorem militiæ, ita decernitur legibus cit. Item donatio facta causa dotis. L. ult. Cod. de iure dotium. Item donatio pro reficienda combusta, aut collapsa domo, quamquam diuitis fit.

8 Int. Estne valida donatio omnium bonorum præsentium, quamquam illa omnia bona non excedant summam taxatam absque insinuatione? Resp. Iure Castellano irrita est. L. 69. Tauri, vbi Gom. latè id probat.

9 Int. Estne irrita donatio omnium bonorum, tam præsentium, quam futurorum? Resp. Irrita quidem. Id decernitur tamen iure Cæsareo, quam iure Castellano, quod assertit Gom. L. 69. Tauri, atque etiam iure Lusitano, lib. 4. Ord. tit. 44. §. penult. Ratio legum est, quia est contra bonos mores, & ipso naturæ iure illicitum priuare hominem iure testandi, absque rationabili causa. Ac proinde sola irrita esset donatio, in qua donans nihil sibi reseruaret, vnde spem decenter testandi habere posset, ut notant Bart. & plurimi, quos refert Couar. lib. 3. resol. cap. 12. Iulius Clarius in sentent. lib. 4. §. donatio.

10 Int. Quæ esset iusta causa se priuandi potestate testandi, & ideo valida donatio? Resp. Paupertatis amor, omnia pauperibus distribuendo, vel piis operibus, iuxta Christi seruatoris consilium Matth. 29. Vade, vende omnia, quæ habes, da pauperibus, & veni, sequere me. Ita communis sententia cum Bart. quæ refertur lib. 4. communium opinionum. Deinde ingressus religionis, ut notauit Pincian. lib. 2. succession. §. 18. nu. 292.

11 Int. Qui donatarius ultra licitam summam maius accipit, teneturne in conscientia restituere donatori excessum? Resp. Minimè quidē. Ratio est, quia leges irritantes illud donationis excessum, sunt præsumptiue, suspicantes dolum, vim, aut fraudem, atque ad illa tollenda requirunt insinuationis celebritatem. In foro verò conscientiæ standum est veritati. Cum

igitur constat donatario de libera donatoris voluntate, tunc potest retinere excessum.

12 *Int.* Tua quidem resolutio ex alia pendet: an scilicet leges prohibeant fieri excedentem donationem? *Resp.* Minimè quidem prohibent, quia nullum est verbum (ut patebit perscrutanti) quod hanc prohibitionem contineat. Imò Bal. Angel. & alij quos refert Gregor. supra id asserunt. Et confirmat præscripta forma à Legislatore Lusitano lib. 4. *Ordin. tit. 54.* ut scilicet fiat donatio, & postea insinuationis, quoad excessum, perscrutatio.

13 *Int.* Donatio facta absque insinuatione per excessum, iurata tamen, valetne in foro externo? *Resp.* Valet. Ita Iulius Clar. §. *cit. q. 18.* & Gabriellus supra, aiuntque esse communem opinionem. Ratio est, quia leges irritantes excessum donationis, præsumunt dolum, aut fraudem: hæc autem præsumptio satis tollitur per iuramentum.

14 *Int.* Quomodo fieri potest, ut donatio absque insinuatione sit irrita quoad excessum, & non sit prohibita? *Resp.* Ratio est, quia istæ leges irritantes excessum sunt ex iis, quæ licet propter bonum commune, principalius tamen propter bonum singulare conditæ sunt; & ideo ita in utilitatē cuiusque dant irritandi actionem, ut minimè prohibeant factum. Ita Nauar. in *comment. L. sub. not. 31. nu. 51.* & Cou. 2. p. *relect. cap. Quamuis. §. 2. nu. 7.* cum aliis, quos refert.

15 *Int.* Potestne quis renunciare iuri insinuationis? *Resp.* Potest. Patet *L. si quis conscrib. Cod. de pac. vbi* decernitur posse quemvis renunciare his, quæ in suum fauorem constituta sunt.

De reuocatione donationis. §. 3.

- 1 *Renocari potest donatio propter mutationem rerum, & propter ingratitudinem.*
- 2 *Utrum renocari possit donatio propter adulterium, vel stuprum commissum à donatario.*
- 3 *An ingratitudo donatarii facta post beneficium, quo affecit donantem, causa sit sufficiens ad reuocandam donationem.*
- 4 *Renocari potest donatio propter insperatam filiorum natiuitatē.*
- 5 *Quo iure insperata filiorum natiuitas reuocet donationem.*
- 6 *Insperata filiorum natiuitas non reuocat donationem, cum ille meminit donans.*

7 *Vnde*

- 7 Unde colligetur talis recordatio.
- 8 An post ortum insperati filij donatio sit iure naturali reuocata, & nulla.
- 9 An sint restituendi fructus rei percepti ante filiorum natiuitatem.
- 10 Post filiorum natiuitatem subtrahit donans & fructus rei donate non petit: suntne illi restituendi.
- 11 Vtrum filij post patris obitum possint donationem petere, quam pater viuens, cum posset, non reuocauit.
- 12 An pater qui post filiorum insperatam natiuitatem potuit donationem reuocare, & non reuocauit, dum filij uiuerent, possit post illorum mortem, donationem reuocare.
- 13 An reuocari possit donatio facta post aliquorum filiorum natiuitatem propter subsequendum filiorum ortum.
- 14 An insperata filiorum natiuitas irritet donationem factam ob causas pias.
- 15 An subsequens filij secundi natiuitas irritet donationem factam primo filio.
- 16 De donatione facta extraneo sub plenitudine, quamuis habeat postea filios.
- 17 Quis censetur extraneus.
- 18 De donatione facta extraneo absolute.
- 19 De donatione facta per mandatum.
- 20 An sit absolute verum proloquium Iuristarum.
- 21 Mandatum re integra expirat morte mandantis.

I N T E R R O G A T I O. Quibus ex causis reuocari potest donatio? *Resp.* In primis ex mutatione rerum. Ita D. Thom. 2. 2. q. 110. art. 3. ad 3. Caiet. 2. 2. q. 113. dub. 4. Abulens. q. 265. supra c. 5. Matth. Quæ mutatio tanta esse debet, ut ponderatis circumstantiis rerum, & personarum, satis esse in causa censeatur transgrediendi promissionem, & donationem. Secundo, etiam licet donationem iam firmam, & obligatoriam reuocare propter ingratitudinem donatarij. *L. ultim. Cod. de donat. iure Castell. l. penult. tit. 4. partit. 5. iure Lusitano, lib. 4. Ordin. tit. 55.* Ingratitudo verò satis probatur per grauem iniuriam donatori præsentis, vel absentis factam. Quæ verò ea sit, in utroque foro relinquitur prudentis iudicio, iuxta easdem leges. Sed est manifesta, cum donatarius percussit donatorem ligno, lapide, aut ferro: si illi violentas manus iniecit, vel graue damnum procurauit.

2 *Int.* Estne alia ingratitudinis species donationem reuocans iuxta easdem leges? *Resp.* Adnumerarunt aliqui adulterium donatarij cum vxore donantis, & stuprum cum filia. Ita Card. de Lara sup. *L. si quis à liberis*. §. idem iudex. nu. 58. & 59. Syl. *donatio*. 1. q. 13. cum pluribus, quos citant. Ratio eorum est. Quia ubi eadem ratio est, eadem videtur esse iuris dispositio, iuxta *L. Illud*. ff. *ad legem Aquiliam*. Hoc tamen fundamentum falsum est in legibus poenalibus. Et ideo oppositam sententiam tenent Gloss. *L. In condemnatione*. ff. *de regul. iur.* Bald. sup. *L. ultim. Cod. de donat. reuoc.* ubi expressè id videtur decretum. Nam cum quinque apposuisset reuocandi causas, ait. Ex his tantummodò causis donationes euertuntur. Præterea, cum res sit dubia, & incerta circa legislatoris mentem, in fauorem delinquentis inclinandum est. Nec mirum, si leges hanc ingratitudinis causam impunitam reliquissent, cum multa alia peccata permittantur.

3 *Int.* Superest adhuc graue dubium. Vtrum propter ingratitudinem donatarij possit donans donationem reuocare, si priùs ab ipso donatario, aliis beneficiis affectus fuit? *Resp.* Affirmatiuè respondendum puto, si donatio non facta fuit in remunerationem priorum beneficiorum, sed simpliciter ex beneficentia. Secus si ob talem remunerationem fuit impen-
sa. Et hac ratione conciliari possunt Tiraquellus *L. si unquam*. & Iafon *L. Si pecunia*. ff. *Si certum petatur*, cum negant. Atque Guicellelm. & Albert. super eandem legem, quos refert Pinel. 3. parte *L. 1. Cod. de bonis mater. num. 62.* cum affirmant. Quia aliquando est pura donatio, & reuocari potest; aliquando est remuneratio, & tunc reuocari nequit.

4 *Int.* Reuocarine potest donatio propter insperatam filiorum natiuitatem? *Resp.* Potest. Ita expressè decernitur *L. Si unquam. Cod. de donation. reuoc.* & *L. 8. titul. 4. part. 5.*

5 *Int.* Hæc donationis reuocatio ob filiorum insperatam natiuitatem, fitne ex solo iure positiuo, an etiam naturali? *Resp.* Etiam ex iure naturali. Habet enim illam annexam conditionem, nisi filios postea suscipiam. Et ideo rectè dicit Salicetus *L. Si unquam* citata, illud ius positiuum esse meram declarationem iuris naturalis.

6 *Int.* Quid si donans tempore donationis de filiis forsitan nascituris cogitauit? *Resp.* Non potest tunc donationem reuocare. Ita Iul. Clarus §. *citar. donatio. quæst. 22.* aitque esse communem

communem sententiam.

7 *Int.* Vnde satis colligetur in foro externo hæc filiorum recordatio? *Resp.* Si donatio facta fuit in contractu matrimonij aut dotis. Ita Tiraquel. Boëtius, & alij, quos refert Gabriel. *lib.3. conclus.2.*

8 *Int.* Estne irrita ipsa donatio ipso iure naturali post ortum statim filij? *Resp.* Maximè. Ita Doctores super leges citatas, & Glossæ. Quanquam donatarius iam rem donatam possideat. Quanquam donans iurauerit donationem, & asserunt Bald.& Bart. *sup. l. Titiam. §. Si imper. ff. de legat. 2.* & Doctores communiter. Ratio est, quia iuramentum habet fundamentum in validitate, aut donationis nullitate, & tantum valet, & obligat, quantum illa.

9 *Int.* Sûntne restituendi fructus rei donatæ percepti ante filiorum natiuitatem? *Resp.* Minimè. Ita Archid. & Ripa, quos refert Gabr. *sup. num.88.* quia sunt iusto titulo possessi, & comparati.

10 *Int.* Si donans post filiorum natiuitatem subtrahat, facitne sibi fructus donatarius toto tempore taciturnitatis? *Resp.* Facit, nec filij possunt, tacete patre, donationem reuocare. Iason, Faber, Cynus, & alij, quos refert Gomez *L.8. tit.4. partit. 5. & seq.* Imò ad ipsam donationem reuocandam, & obligationem restituendi fructus perceptos requiritur declaratio voluntatis donatoris reuocantis. Ac proinde in foro iudiciali solum iudicantur fructus percepti post litem contestatam. Ita Gama *decis. 40.* Quæ decisio sequenda etiam in foro conscientie, si aliunde non constet expressa donantis retractatio.

11 *Int.* Permisit pater donans donatarium res donatas possidere, nec retractauit ante obitum; possûntne filij illam post patris mortem reuocare? *Resp.* Si pater donans sui iuris conscius, tacuit, & aliunde constet ex amicitia, aut coniunctione sanguinis inter illum, & donatarium, tacuisse, qui voluisse censendus est denuo donasse post filiorum natiuitatem, & ita filij non possunt donationem reuocare. Hæc videtur fuisse mens Iul. Clar. *§. donatio. quæst. 23.* Si verò è contra se res habeat, possunt, & hæc videtur fuisse mens Gabriel. *sup. concl. 2. n. 23.* Bald. & aliorum, quos citat Gregor. *L.8. partit. 5. vt secuti Albertinum, quem ipse refert.*

12 *Int.* Si donans ante filiorum procreationem post eorum

ortum

ortum donationem non reuocauit, & illi ante retractationem moriantur, potestne illam post eorum mortem retractare? *Resp.* Crediderim non posse, censendumque liberè iterum donasse, siquidem sui iuris conscius res donatas à donatario non petiuit. Ita Bart. vt fatetur Iul. Clar. §. *donatio*. q. 23. post mortem verò filiorum non datur ratio reuocationis.

13 *Int.* Donatio facta post aliquos filios natos, reuocaturne per subsequendum filiorum natiuitatem? *Resp.* Minimè. Ita Iul. Clar. §. *donatio*. q. 23. Probatur, quia æquo planè amore, paulo plùs minùsve pater priores & posteriores filios diligit, ergo non est verisimile non fore donaturum propter filios postea natos, quod non negauit propter filios iam antea procreatos, inò regulariter loquendo, impensius pater priores, quàm posteriores filios deperit.

14 *Int.* Donatio facta Ecclesiæ, vel alij causæ piæ, redditurne irrita propter subsequendum filiorum natiuitatem? *Resp.* Minimè. Ita Couar. 1. *resolut. cap.* 19. Gomez. 2. *resolut. cap.* 4. n. 11. cum Bartol. communisque sententia. Ratio est, quia nemo præsumendus est velle suo bono spiritali filios anteferre. Hæc doctrina intelligenda est, & sequenda pro vtroque foro, circa ea, quæ secundum iura potest pater absque liberorum præiudicio donare, vt infra videbimus.

15 *Int.* Donatio facta vni filio, redditurne irrita propter sequentem filiorum natiuitatem? *Resp.* Minimè. Ita Couar. & Gomez proximè cit. Ratio est, quia nequaquam præsumendus est pater voluisse, cum donauit, posteriores filios prioribus anteferre. Si tamen meum proprium iudicium in hac quæstiuncula roges; à citatis auctoribus (pace dixerim tantorum præceptorum) dissentio, arbitror enim omnem patrem in omni actu, regulariter loquendo, velle filios ad æqualitatem redigere: hæc autem non seruabitur, si priori facta donatio non reuocari possit per posterioris natiuitatem: ex hac igitur præsumpta voluntate reuocabilem censeo in vtroque foro illam priorem donationem.

16 *Int.* Si pater ante filiorum procreationem donet extra-neo expressis verbis, aut saltem probabilibus indiciis, indicando se velle donare, quamuis postea habeat filios, tenetne donatio? *Resp.* Tener quoad partem, quam sine filiorum præiudicio pater donare poterat. Est communis Doctorum sensus, & ratio manifesta.

17 *Int.* Quis in hac materia censetur extraneus? *Resp.* Quicumque non est filius legitimus, quanquam sit consanguineus, imò etiam si sit filius spurius in incestu vel sacrilegio, imò & filius naturalis. Ita Doctores communiter.

18 *Int.* Si huic extraneo fiat donatio absolutè, sine declaratione, licèt postea donanti nascantur filij, valétne donatio quoad partem, quam pater poterat absque filiorum præiudicio donare? *Resp.* Minimè. Ita Gomez L.8. *partit. 5.* in Scholio (De sua mulher.) Ratio est, quia nequaquam præsumendum patrem voluisse hos extraneos legitimis antepone.

19 *Int.* Dixisti supra, donationem minimè reuocari per mortem donantis ante donatarij acceptationem: nunc rogo, an reuocetur per eandem mortem, cum non absolutè tradita fuit, seu concessa, sed mandata? *Resp.* Reuocatur. Ita Mol. *disp. 263.* Sanch. *li. 1. disp. 6. n. 7.* manifestè id decernitur L. *Mandatum. Cod. mandati.* ubi dicitur mandatum de re integra morte domini finire, clariùs L. 2. §. *sed si quis, de donat.* Ita textum interpretatur Couar. Rubrica *de test. 3. p. n. 13.*

20 *Int.* Putásne in vniuersum veram illius legis Mandatum determinationem, scilicet mandatum re integra expirare morte mandantis? *Resp.* Minimè: atque in primis fallit, cum mandatum est rei, quam post mandantis mortem mandataris exequatur Ita habetur L. *Si verò. §. ult. ff. mandati,* & Glos. citatæ legis Mandatum. Item fallit, cum mandatum est ad pias causas. Ita Couar. *1. resol. cap. 14. num. 16.* & probat ex L. *Si pater. ff. & aliis,* & ideo si quis mandauerat dari eleemosynam, & ante distributionem obiit, eleemosyna est facienda. Ita defendit cum plurimis, Tiraquel. *de priuileg. pie causæ. n. 82. & 132.* & *de priuileg. Scholastic. n. 85.* fallit in fauorem dotis, & fauore scholasticorum iuxta opinionem Tiraquelli cit.

De donatione conditionali. §. 4.

1. *Quæ sunt genera donationis.*
2. *An donatio conditionalis valeat ante impletam conditionem.*
3. *Utrum donans possit reuocare donationem conditionatam, acceptatam à donatario, ante impletam conditionem.*
4. *An mortuo donatario ante impletam conditionem, donatio veniat ad eius hæredes.*

1 **I** N T E R R O G A T I O. Quot sunt genera donationis?
Resp. Multiplicia, sed in duo eam plenè distribuere possumus.

sumus, in puram, & non puram. Non pura est, in qua apponitur, vel conditio, vel causa. Et ideo diuiditur, vt genus in modalem, conditionalem, causalem & demonstratiuam tanquam in species.

2 *Jnt.* Donatio cōditionalis valetne ante impletam conditionem? *Resp.* Minimè. Ita Syluest. *donat.* 1. q. 18. Anton. Gom. 1. var. *resolut.* cap. 12. num. 29. Ratio est, quia donantis voluntas pendet ab illo euentu futuro.

3 *Jnt.* Estne liberum donanti reuocare donationem conditionatam acceptatam à donatario ante impletam conditionem? *Resp.* Minimè. Sed expectare tenetur conditionis euentum, & si, vt conditio postulat, euenit, tenetur ad implendam donationem. Ita Sylu. *donatio.* 2. q. 15. & alij.

4 *Jnt.* Hæc donatio conditionalis à donatario acceptata transmittitne spem ad hæredes, si donatarius ante impletam conditionem moriatur? *Resp.* Transmittit, & ideo hæredes donatarij possunt illam requirere in iudicio. Non tamen ita se res habet in legato sub conditione relicto: legatario enim mortuo ante impletam conditionem, legatum redit ad hæredes delegantis. Vtrumque probat Couar. in q. prædict. cap. 28. num. 4.

De donatione modali. §. 5.

1 *Quid sit modus.*

2 *An modus annullat, vel suspendat donationem.*

1 **I** N T E R R O G A T I O. Antequam dicas de modali donatione, explica quid sit modus? *Resp.* Modus appellatur in donatione grauamen, quod apponitur donatario. v. g. dono tibi centum, vt ædifices domum.

2 *Int.* Modus suspenditne vel annullat donationem, cum non impletur? *Resp.* Minimè, si purus modus sit, quia donatio perfecta fuit, quanquam apponatur grauamen. Dixi (si purus modus est) quia aliquando transit in conditionem. Hinc enim habent & validitatem donationes factæ obento, vel appposito grauamine turpi tacitè, vel manifestè, vt quæ fiunt foeminae ad stuprum, vel testis ad periurium, vel iudici ad iniquam sententiam ferendam. Nam donationes intelliguntur factæ absolutè, grauamen verò turpe non est implendum. Donationes etiam factæ appposito grauamine honesto, licèt non impleatur, vt donò ad ædificandam domum. Licèt enim

ex

ex gratitudine quis teneatur grauamen subire, si tamen non subeat, non tenetur quicquam restituere, vt quia donatio fuit absoluta.

De donatione causali. §. 6.

1 *Quid est causa.*

2 *Quæ donatio causalis est. inualida.*

3 *De eleemosynis factis ob paupertatem vel sanctitatem emendatam.*

4 *Quid dicendum de ostiatim emendicatis eleemosynis.*

5 *Cui facienda est talium eleemosynarum restitutio.*

I N T E R R O G A T I O. Antequam dicas de donatione causali, dic quid est causa? *Resp.* Causa in subiecta materia est id, propter quod præses, aut præteritum sit donatio: explicari verò solet per particulam, quia pauper, quia con sanguineus, quia curasti hæc negotia.

2 *Int.* Quæ donatio causalis est inualida? *Resp.* Quæ fit ob causam, vt finem, & talis causa non existit, cum enim donatio habeat vim à libera donantis voluntate, voluntas verò donantis est dare si existat talis causa, & non aliter, ea non existente, non est donantis voluntas. Est verò donatio valida, quando causa fuit tantum impulsiva, sine qua donans non moueretur ad donandum, quia donatio fuit omnino libera. Ita omnes.

3 *Int.* Quid censes de eleemosynis factis intuitu, & causa paupertatis, aut sanctitatis, cum re vera non sit paupertas, nec sanctitas? *Resp.* Res est adeo à Doctoribus agitata, vt quid inter eos constet, fermè ignoretur. Veritas quidem est, si donans animum habeat tantummodò dandi, si vera sit paupertas & sanctitas, propter quas dat, & non aliter, donationem tantum valere, quantum vera est paupertas, & sanctitas, aut falsa, quia donatio non extenditur ultra donantis intentionem, & ideo hypocrita, & fictus pauper ad restitutionem tenetur, vel non tenetur, iuxta donantis intentionem. Hæc veritas adeo manifesta est vt probatione non indigeat. Ita Alens. in 4. par. quæst. 89. memb. 3. Altissiod. lib. 4. de restitut. Adrian. in 4. Molin. quæst. 210. Nauar. cap. 27. num. 107. Nec admittenda distinctio Caietan. verb. restitutio. de eo, qui se fingit ad solam simulandam paupertatem, aut sanctitatem: nam validitas donationis non pendet ex intentione donatarii, sed solius

folius donantis. Atque ideo hæc causalis donatio, virtualiter est conditionalis.

4 *Jnt.* Quid dicendum in praxi quotidiana? *Resp.* Crediderim cum distinctione esse loquendum: nam vel eleemosyna fuit in magna quantitate, vel in minima, vt regulariter fieri solet. Dico igitur, si fuit in magna quantitate, existimandum donatorem inuoluntariè, & inuitum dedisse; ac proinde non transfuisse dominium: si verò fuit in minima, dedisse absolute pro Christi amore. Et in hac minima quantitate vera est Soti opinio 9. iust. q. 7. art. 3. ad 4. & Molin. citata disput.

5 *Int.* Cui facienda est talis restitutio? *Resp.* Pauperibus, vt dixerunt Alenf. Adrian. Medin. & Nau. locis citatis. Eorum ratio est, quia dantes Christo dederunt: & ideo Christi hæredibus sunt restituenda, hæredes verò Christi sunt pauperes, & pia opera. Verior tamen est Soti opinio, asserentis esse faciendam donatori. Probatur ex argumenti adducti retorsione, quia donans ob sanctitatem, vel fictam paupertatem, nec Christo, nec pauperi voluntariè donauit, cum non subsistat causa, seu potius conditio, sub qua dedit huic particulari pauperi, & non alij. Quæ ratio Molinam Theologum conuincit loco allegato ad assentiendum Soto. Fateor veram esse opinionem oppositam, si iuxta eorum placitum facienda esset minutarum eleemosynarum restitutio. Cum enim aliter fieri non possit ob multitudinem donatorum, censenda est eorum voluntas esse, vt fiat aliis pauperibus.

Quantum possunt vxores donare. §. 7.

1 *Quid possunt vxores donare.*

2 *Ob quas causas possit vxor inuito marito eleemosynas facere.*

1 **I**NTERROGATIO. Circa personas donantes, quæro in primis, quid vxores donare possint? *Resp.* Ad interrogationi satisfaciendum suppono de consuetudine nostræ Lusitanix, & iure Castellæ administrationem omnium bonorū, etiam paraphernalium, atque etiam opera, & vxoris industria acquiritorum, ad solum maritum pertinere, nisi aliter in matrimoniali contractu stabilitum fuisset. Dico igitur primò, Tam in Lusitanix, quam in Castellæ regno, etiam sine viri consensu tacito, vel expresso, potest vxor facere eleemosynas,

eleemosynas, & donationes quas mulieres eiusdem status, & conditionis communiter facere solent. Ita Doctores omnes, nam ea censenda mariti voluntas. Dico *secundò*. Etiam si maritus huiusmodi moderatas donationes facere vxori prohibeat, potest vxor eas facere. Ita D. Tho. in 4. d. 15. q. 2. art. 5. Nauar. cap. 17. num. 153. Abul. c. 6. Matth. q. 57. Angel. Syl. & alij, Mol. disp. 274. Probatur, quia in primis vxor meritò potest existimare intentionem mariti solùm esse, illam ab immoderatis donationibus deducere, prohibendo etiam moderatas. Deinde, quia in eo euentu maritus est irrationabiliter inuitus: enim uerò vxor non est mancipium, sed socia bonorum, ac proinde eam, vt sociam in decenti statu tenetur maritus sustentare: ad decentiam verò status pertinet has tenues eleemosynas, & donationes impendere. Dico *tertiò*. Quia secundùm ius commune vxor habet non solùm dominium, verùm etiam bonorum paraphernalium, & propria industria, & labore acquiritorum administrationem; vbi viguerit ius commune potest vxor de huiusmodi bonis eleemosynas & donationes, etiam inuito, & contradicente marito facere. Ita D. Tho. 2. 2. q. 82. art. 8. Palud. in 4. d. 15. q. 2. art. 6. Gab. ibid. d. 16. q. 4. Sylu. & Angel. *verb. eleemosyn.* Ratio est in propatulo, quia in administratione horum bonorum est vxor perfecti sui iuris, nec marito subiecta.

2 *Int.* Ob quas causas potest vxor inuito marito eleemosynas facere maiores, quàm secundùm status decentiam, & consuetudinem mulierum eiusdem conditionis facere poterat, & donationes? *Resp.* Certum est id posse facere ad vitandum notabile corporale damnum mariti. Ita Palud. Gab. Nau. & plerique alij. Probatúrque exemplo Abigail 1. Reg. 25. Et præterea ratione, quia damnum viri temporale in ipsam etiã vxorem bonaque familiæ redundat. Tota controuersia est, an id facere queat ad euitandum damnum mariti spirituale. Affirmat Nauar. & Sylu. quos sequitur Toletanus lib. 3. c. 1. nu. 87. Negat meritò Mol. quoniam spirituale mariti damnum, non ita in vxoris damnum, & familiæ vt temporale redundat, atque vt extraneus nequit pecunias alterius furari ad impendendas sacrificiis, pro euitandis peccatis domini, ita neque vxor, &c.

Quantum possunt mariti donare. §. 8.

1 Quantum possunt mariti donare ex rebus domesticis seu mobilibus

N

tilibus

bilibus, ita appellantur.

- 2 *An donatarius qui accepit à marito, quod non poterat donare, teneatur uxorem monere, ut cogat eum numerare donationes in sua parte.*
- 3 *Quantum possunt mariti donare de rebus immobilibus.*
- 4 *De donationibus factis concubinis.*
- 5 *An donatio mariti facta concubinæ sit ipso iure nulla.*
- 6 *Ad quam restitutionem teneatur maritus uxori ob bonorum profusionem.*
- 7 *Ad quam restitutionem teneatur ob perdita in ludo.*

I N T E R R O G A T I O. Quas donationes facere possunt mariti? *Resp.* Quoniam hac de re loquendum censeo, & scio, iuxta cuiusque regni particulares leges, dicā quid in hoc nostro Lusitano legislator statuerit. Ius igitur regni huius *lib. 4. Ord. tit. 64.* statuit circa bona mobilia, ut si ea, vel pecuniam maritus donauerit sine vxoris consensu, teneatur ipse, aut eius hæredes soluto matrimonio donationum copiā accipere in partem, quæ illi contingit, exceptis remuneratoriis donationibus, & factis ad pias causas, dummodò immensæ non sint, si enim immensæ sint, & in vxoris præiudicium factæ, potest eas annullare. Hæc lex politicè interpretanda, ut rectè notat *Mol. disp. 275.* ac proinde iam vsu receptum est, ut quemadmodum diximus de vxore, ita maiori eum ratione dicendum sit de marito, possèque eum inscia, imò repugnante vxore, donationes levis momenti facere, quas recta bonorum administratio efflagitat, neque eas in partem postea accipere tenetur.

2 *Int.* Circa hoc de mobilibus bonis ius, quæro vterius, an donatarius, qui scit maritum inscia vxore donare, quod non potest, teneatur illam, aut hæredes eius monere, ut cogant eum accipere donationes in suam partem? *Resp.* Teneatur. Ita *Nauiar. nu. 155.* loci citati. Si verò vxor inscio marito donauit, & donatarius scit illam nolle accipere donationes in partem, non solum tenetur maritum admonere; sed si id ad refarciendum damnum per bona vxoris non sufficiat, tenetur ad donationum restitutionem. Ita rectè obseruauit *Molin.* loco superiori.

3 *Int.* Quid statuit circa bona immobilia? *Resp.* Eodem *lib. 4. tit. 48.* statuit, ne sine procuratore, & expresso vxoris consensu illa vel donet, vel alienet, vel vendat, donationemque ipsam,

ipsam, alienationem, & venditionem cassat, nullamque reddit.

4 *Int.* Quid statuit circa bona, quæ dedit concubinæ? *Resp.* Statuit *lib. 4. Ordina. tit. 66.* vt quidquid maritus concubinæ, vel alij fœminæ, cui carnaliter sit affectus, dederit in scia vxore, possit eadem vxor, etiam dum est in potestate viri, vel etiam post separationem causa mortis, vel diuortij factam, intra quatuor annos illud iudicio repetere, eamdẽque actionem concedit vxoris hæredibus quæ ante maritum obiit, & intra idem tempus. Statuit præterea, vt quidquid maritus concubinæ vendiderit, vel pignori dederit, possit vxor absque pretio reddito recuperare. Quæ lex intelligenda est in foro contentioso, quod præsumit alienationem factam fuisse in vxoris fraudem, testamque nomine venditionis, & pignorationis. Enimuero si vxori oppositum constiterit, scilicet maritum accepisse pretium, tenetur illud reddere, vt rectè notauit Mol. loco. cit. Liberam præterea harum rerum à concubina recuperatarum ius nostrum administrationem concedit vxori ad quosuis vsus, & donationes.

5 *Int.* Estne ipso iure nulla donatio facta à marito concubinæ? *Resp.* Minimè, Imò dominium rei mobilis in concubinam translatum est, si maritus vxorem velit seruare indemnem ex propriis bonis, quod quidem facere tenetur. Et ideo concubina vxori quidquam ante latam sententiam non tenetur restituere, nisi maritus nolit damnum vxori datum ex propriis bonis resarcire. Idem dicendum de donatario, quoad excessiuas donationes, vt æqua ratio manifestè indicat.

6 *Int.* Ad quam restitutionem tenetur maritus vxori faciendam de lucris communibus profusè consumptis, absque vxoris consensu? *Resp.* Ad nullam illum obligat Nauar. *n. 155. cit.* aitque maritum posse illa lucra, dum matrimonium perseuerat absque restitutionis nota impendere, quia est illorum administrator: citatque pro sua sententia Lupum in rub. de don. inter vir. & vxorem. Oppositam sententiam mordicus defendit Tolet. *lib. 3. cap. 1. num. 115.* & proinde posse vxorem in morte viri ex mariti bonis occultè compensationem accipere. Quia iura, quæ decernunt lucra esse communia, par dominium, & possessionem æqualem vxori tribuunt atque marito. Illa enim effusa impensio bonorum

lucratorum non administratio, sed dissipatio fuit; pro sua sententia adducit Couar. Hæc Toletani sententia pro nostro regno Lusitano omninò sequenda. Ita docuit Mol.*disput.* 275. his verbis. Cum maritus iniuriam vxori faciat dissipando bona vtrique communia, dicendum est, si quid insumpserit de bonis superlucratis, vel superflue donando, vel, vt se liberet à delicto sua culpa commissio, vel cum meretricibus; aut alio modo cum vxoris iniuria, teneri sumere in partem, quæ ipsum contingit.

7 *Int.* Quid dicendum de perditis à marito in ludo? *Resp.* Negat Tolet. citatus vllam restituendi dari obligationem. Ratio illius est, quia ludus est fortunæ contractus, & vt perdere, ita lucrari poterat, vnde sicut amissa in alio contractu oneroso communia sunt, etiam vt lucrata, ita & in hoc contractu, &c.

Quantum possunt Religiosi donare. §. 9.

1 *Quæ possunt religiosi donare.*

1 **I** N T E R R O G A T I O. Quæ potest Religiosus donare? *Resp.* Religiosus, vel est Prælatus, vel particularis, de Prælatis dico *primò*. Prælatus religiosorum potest ex conuentus facultatibus tum competentes eleemosynas facere, tum liberales donationes, quas recta administratio postulare videtur, intra quantitatem, quæ illi ex superiori præscripto non prohibetur. Ita Molin.*disput.* 266. cum D. Thom. in 4. d. 15. q. 2. art. 5. Abul.*quæst.* 10. in cap. 6. Matth. Med. Cod. de eleemosyn. q. 4. Nau. cap. Non dicatis, n. 11. quamquam Nau. perperam Prælatiâ appellet beneficium Ecclesiasticum, & nimium hanc potestatem extendat. Dico *secundò*. Religiosi particulares, qui nullam habent bonorum Monasterij administrationem, dum in Monasteriis versantur, nihil sine superioris facultate donare possunt, etiam ad pias causas, & eleemosynas. Dico *tertiò*. Iidem particulares religiosi, dum à Monasterio ex licentia peregrinantur, vel studiorum causa alibi commorantur, eleemosynas, & donationes de suo viatico facere possunt, quas honesti seculares suæ qualitatibus, & honesti scholastici facere solent. Ita Nauar. cap. Non dicatis, nu. 8. D. Thom. 2. 2. qu. 32. art. 8. Ratio est, quia hæc est præsumpta prælatorum suorum voluntas. Dico *quartò*. Si Prælatus alicui particulari religioso concedat facultatem dandi rem aliquam ad suum arbi

arbitrium, illā donare non potest in turpes causas, ac proinde donatarius illam Monasterio restituere tenetur: quia illius rei nunquam comparauit dominium. Dico *quintò*. Si prælatus religionis certam summam alicui religioso tribuat foris commoranti ad victum, & vestitum quotannis, ita vt ad nil amplius teneatur, potest talis religiosus ex sua sustentatione donationes facere in eleemosynas, & pias, honestasque causas. Ita Mol. supra. Quia hæc est præsumpta religionis voluntas, pacto expressa. Dixi ad pias, & honestas causas, quia ad turpes, nec ipse prælatus licentiam concedere potest: nam illius potestas in ædificationem, non in destructionem. Ideo si (quod omen Deus auertat) religiosus professionis oblitus aliquid meretricibus daret, alienum est, & à meretricibus monasterio restituendum.

Quantum possunt filii familias donare. §. 10.

- 1 *Quæ potest filius familias donare.*
- 2 *Quæ sunt bona quasi castrensia.*
- 3 *Quæ sunt bona aduentitia.*
- 4 *Quæ sunt bona profectitia.*
- 5 *Inter quæ bona computanda, quæ filius familias bonis parentum lucratus est.*
- 6 *Inter quæ bona computanda, quæ filius famil. domi parentum suo opificio acquirit.*
- 7 *An possint parentes remunerare laborem maiorem alicuius filij præ cæteris.*
- 8 *Respondetur directè propositæ dubitationi.*
- 9 *Quid possint minores donare.*

INTERROGATIO. Quæ potest filius familias donare? *Resp.* Præmitto quatuor esse bonorum genera, quæ filius familias habere potest. Primum est castrensiū. Secundum quasi castrensiū. Tertium aduentitiū. Quartum profectitiū. Castrensia bona, quamuis Nau. c. 17. n. 141. definit ea bona, quæ filius in bello acquirit: quia pedit ex arbitrio Principis, ac legum dispositione, hæc, vel illa bona castrensia appellantium, simpliciter definiri nequeunt, vt aduertit Molin. sup. Nisi dicamus esse ea bona, quæ militiæ, castrorumve causa secundum legem expressam, vel interpretatiuam dispositionem acquirit filius, ideo ea singillatim adnumerabo. Sunt *in primis* bona castrensia militum stipendia, & ratione militiæ

ab iis acquisita. Ita *L. Castrense. ff. de Castrens. pecul. l. 1. Cod. de Castri. pecul.* Inter milites verò computantur omnes, qui exercitui, castris, triremibus ad prælium paratis inserviunt. Sunt *secundò* bona castrensia, quæcumque dantur filiofam. ad bellū proficiscenti in militiæ auxilium, à quocumque dentur. Sunt *tertiò* bona castrensia, quæ cuilibet donantur, vel legato relinquuntur, quavis militiæ occasione. Ut, quia illum legans cognouit in bello, vel quia illustre illius factum audiuit. Ita *L. si fortè. l. Castri. l. D. Adrianus. ff. de Castri. pecul.* *Quartò* ea, quæ quis comparauit in seruitio & palatio Regis. *L. vnic. c. de Cast. Palatin. pecul. l. 12.* Hinc colligit Gomes. *ad l. 29. Tauri* esse bona castrensia, quæ pater filio dat ad sumptus in regio palatio, non secus atque ad sumptus in castris. *Quintò* ea, quæ emuntur eisdem bonis castrensibus. *L. 1. Cod. de pecul. Cast. lib. l. 12.* *Sextò*, quæ quis ludo lucratur cum pecunia castrensi. Et quæ cum peculio castrensi negotiatur. Ita Molin. Probâtque, quia ut damnum in negotiando peculio ipsi cedit, sic debet & lucrum cedere. Patet ex *L. Pater militi. ff. de Castri. pecul.* id clarissimè decernente circa seruum pertinentem ad peculium castrense, qui quidquid lucratur peculio acquirit.

2 *Jnr.* Quæ sunt bona quasi castrensia? *Resp.* Ut dixi de bonis castrensibus, ita de quasi castrensibus, aiòque non posse ea æquè benè vna definitione circumscribi. Numerantur verò inter quasi castrensia bona, velut præcipua, quæ filiusfamilias acquirit ex officio publico, ut aduocati, iudicis, tabellionis, medici, aut alicuius artis ex septem liberalibus professoris, & à fortiori scientiæ alicuius superioris, ut Theologiæ, vel vtriusque Iuris. Ea verò bona talia sunt, licet non publico stipendio, sed peculiari industria comparentur, ut rectè cū Bald. adnotauit Syl. *verb. pecul. q. 10.* Et quæ illis ratione officiorum liberaliter donantur, ut libri, vel equi, vel quid simile, iuxta *Bart. l. similiter. ff. de Castri. pecul.* At verò iuxta ius Lusitanum etiam propinæ, quæ in scholis dari solent graduatis. Ita *lib. 4. Ord. tit. 97. §. 13.* Numerantur deinde ea, quæ a Rege, Regina, vel Principe donantur. *L. Cu multa. c. de bon. quæ lib.* Ita iuxta Lusitanum ius quæcumque ad matrimonium dantur à quibuscunque, modò ascendentes non sint per lineam rectam, *lib. 4. tit. 97. §. 10.* Item quæ clerici ex suo officio acquirunt. Ita *Nau. c. 17. n. 142.* & præterea, quæ ipsi clerici sua industria acquirunt, & quæ extranei illis ad patrimoniū donant. Ita *Mol. disp. 231.*

&

& claret ex Authët. c. 1. presbyteros. Clerici verò hoc in locò intelliguntur solùm ij, qui, iuxta Concil. Trid. gaudem priuilegio fori. Dixi, quæ ab aliis, quàm à parentibus illi dantur in patrimonium. Quia patrimonium à parentibus acceptum, adhuc numeratur inter profectitia bona, nam id adducere tenetur ad partitionem cum aliis fratribus.

3 *Int.* Quæ sunt bona aduentitia? *Resp.* Hæc item definire perdifficile. Sunt tamen ea, quæ filiusfamilias suo labore, & industria comparauit. Horum bonorum dominium est penes filium, vsusfructus est penes patrem. Ita *L. Cum oportet, L. Non solum. C. de bon. quæ lib.* Sunt tamen nonnulli casus, in quibus pater nec habet vsusfructum horum bonorum. *Primus*, quando aliquid filiofamilias donatur, aut testamento relinquitur, ea conditione, vt vsusfructus etiam sit penes filium, hæ enim donationes, & legata inter aduentitia bona adnumerantur. *Secundus*, quando aliquid filiofamilias donatur patre renuente. *Tertius*, quando ipsemet vsusfructus filio legatur, aut donatur. Quia vsusfructus est quædam seruitus, & seruitutis non est seruitus. *L. 1. ff. de vsufructu.* *Quartus*, quando intra duos menses post matris mortem, pater non fecit inuentarium. Ita decernunt leges Lusitanæ *libr. 4. Ordinatio. tit. 98.*

4 *Int.* Quæ sunt bona profectitia? *Resp.* Sunt ea bona, quæ de bonis parentum filiofamilias aduenerunt. Item ea quæ filiofamilias principaliter propter parentes donata sunt. Ita *L. Cum oportet.* iuncta Gloss. §. *igitur. Instit.* *Per quas pers.* Horum bonorum tam dominium, quàm vsusfructus est penes parentes, præter ea, quæ filio dantur in patrimonium ad sacros ordines suscipiendos, & quæ filix dantur ad dorem, vel filio ad nuptum. Nam horum bonorum dominium, & vsusfructus est penes filios, neque in collatione bonorum veniunt in aggerem. Dixi, principaliter propter parentes, nam quæ filio donantur propter parentes minùs principaliter, tam quoad dominium quàm quoad vsusfructum, sunt ipsius filij: & ideo appellantur bona aduentitia, non profectitia. Ita Bald. *L. Cum oportet cit. Sylu. & alij*, quos refert, & sequitur Molin. *disput. 233.*

Habet tamen exceptionem opposita regula in iure Lusitano *lib. 4. Ordinatio. tit. 97. §. 10. & 11.* Vbi decernitur, vt ea, quæ causa dotis à quocunque, dummodò consanguineus ascendens

in linea recta non fit, patri dentur ad coniugium filij, aut alterius descendētis à se, quamuis intuitu solius patris donentur, censeantur vt bona castrensia, nec filius teneatur ea deducere in suam legitimam, nisi id expressè à donatore declaretur. Item §. 12. eiusdem legis, idem decernitur circa bona, quæ intuitu patris, aut aui, Rex transfert ab iis in certum filium, aut filium.

5 *Int.* Estne bonum aduentitium, an profectitium, quod filiusfam. bonis parentum lucratus est? *Resp.* In iure Lusitano res est determinata Nempe, si filius vel solutus, vel cōiugatus domi parentum sit, & illorum victu, vestituque vtatur, quidquid proprio labore, & industria in negotiandis parentum bonis acquiritur, parentibus acquirit, veniendūque est ad æqualem cum aliis fratribus collationem. Ita *lib. 4. Ord. tit. 97.* De iure communi vult Nau. posse filium post parentum obitum exigere pretium laboris & industriæ, ac proinde maiorem bonorum partem, quàm alios fratres accipere. Ita *cap. 17. n. 144.* Oppositum tamen tenendum in praxi docet Mol. *disp. 234.* probatque multis iuribus, & rationibus. Addit verò ibi rem satis rationi consentaneam, nimirum filiumfamil. sibi acquirere lucra, quæ facit ex occulta negotiatione, quamuis pecunia clam negotio data, ipsorum parentum sit. Ordinationemque Lusitanam solum loqui de bonis, quæ filius domi parentum, & sumptibus sustentatus facit ex negotiatione ab ipsis parentibus præscripta. Ratio eius est optima. Quia in illa negotiatione occulta filius se exponit periculo proprii damni: si enim illa occulta negotiatio malè cedat, tenetur restituere parentibus, & fratribus; ergo æquitas postulat, vt etiam fruatur lucro: illius enim in omni negotio ex iustitia est lucrum, cuius fuit periculum damni; & ideo quia in negotiatione, ex parentum facta præscripto, periculum damni est parentum, ita & lucrum.

6 *Int.* Quid dicendum de filiofamilias, qui domi parentum viuens, illorum bonis alitur, circa bona quæ opificij sui labore acquirit? *Resp.* Dico *in primis.* Non tenentur parentes illum ex propriis bonis alere, quamuis possint, sed possunt ab eo alimenta exigere ad ipsius congruam sustentationem. Imò relinquere in testamento alimenta, quæ in tali filio alendo insumpserunt, vt eorum pretium ad collationem afferat cum aliis fratribus. Dico *secundò.* Reliqua lucra ex proprio

prio labore, & opificio comparata filiusfamil. sibi acquirit. Ita Ordinationes Lusitanæ proximè citatæ. Dico *tertiò*. Huiusmodi lucra vt filiusfamil. sibi acquirat, requiritur, vt expressis verbis parentibus declaret se sibi velle laborare, occare, ferere, & metere, vt ita loquar. Ita Nauar. & Molin. locis citatis. Dico *quartò*. Filius, qui domi parentum commoratur, & illorum bonis nutritur, exercetque laborem, & opificium suum, nihil protestatus de sibi comparando lucro, censendus est velle totum parentibus acquirere, & amore filiali condonare. Quamobrem nequit postea à parentibus, aut eorum hæredibus id exigere. Quæ veritas pro regno Lusitano in more posita est, vt aduertit Molin. loco allegato.

7 *Int.* Possuntne parentes remunerare filium, qui præ cæteris rem eorum auxit in negotiandis bonis ipsorum parentum, vel in exercendo suo opificio? *Resp.* Possunt, neque tenetur filius adducere id cum aliis fratribus ad collationem. Ita secundum ius commune censet Barr. tract. de duobus fratribus, & l. i. ff. de collat. bon. Nau. cap. 7. num. 144. Syl. pecul. l. 9. 19. & donat. 2. q. 7. Cou. cap. Cum in offic. de test. n. 11. Et quamuis ius Lusitanum videatur oppositum decernere. lib. 4. Ord. tit. 97. loquitur de donationibus simpliciter liberalibus, non verò remuneratoriis.

8 *Int.* Tempus est propositæ dubitationi respondendi: dic igitur, quæ potest filiusfamil. donare? *Resp.* Dico *primò*. Filiusfamil. si pubes sit, potest liberè donare de bonis castrensibus; aut quasi castrensibus, sicuti exercere circa illa alios contractus. Dico *secundò*. Si filiusfam. habet vsumfructum, & administrationem bonorum aduentitiorum, vel quia longè degit à patris domo, vel quia pater id permittit, nec ea petit, potest de iisdem bonis validam donationem facere. Quæ tamen donationes ab eodem possunt in iudicio reuocari, concediturque illi beneficium restitutionis in integrum, si repetat. Dico *tertiò*. De bonis profectitiis, quorum dominium, & vsusfructus ad parentes pertinet, nil potest filius donare, etiam in eleemosynas, & pias causas. Neque item de bonis iis aduentitiis, quorum vsumfructum, & administrationem pater habet. Mol. disp. 277. Dico *quartò*. Quando filius peregrinatur, vel in scholis, aut Regia curia parentum sumptibus alitur, regulariter præsumendum est parentum esse voluntatem, vt filius ea donet in eleemosynas, aut in alia quauis in-

sumat, que reliqui eiusdem conditionis, & status communitè impendere solent. Sed in hac re attendenda est parentum maior, minorue voluntas, & iuxta eam plus, minúsne ad quosuis vsus largiendum. Alioqui quidquid contra hanc voluntatem consumit in ludo, in meretricio, vel alia re indecora, iniuste impendit, & tenetur asferre ad partitionem bonorum cum aliis fratribus, ad quam eandem restitutionem etiam tenentur collusores, & meretrices.

9 *Jnt.* Quousque minores, non quia impuberes filij sunt, sed quia curatores, tutorésque habent, donare possunt? *Resp.* De iis, quæ illis ad sumptus à tutoribus, curatoribusve conferuntur, licèt domi curatorum non sint, licèt, validèque donare possunt. Dico *secundò*. Quia alimenta illis à curatoribus debita, etiam necessaria ad honestas recreationes, & moderatas eleemosynas, donationes liberales includunt, quas illi sui iuris facti, licèt, & honestè facere possent, has omnes licèt curatoribus repugnantibus, facere possunt. Dico *tertiò*. Quæ huiusmodi minores contra curatorum præscriptum in turpibus rebus obliguriunt, licet mortaliter peccent obliguriendo, non tamen restituere tenentur. Ratio est, quia suum consumunt. Possunt tamen eas curatores repetere: & ipsismet minoribus, si notabiliter se læsos videant, conceditur restitutionis beneficium in integrum. Interim verò, dum non repetuntur, potest eas donatarius retinere. Dico *quartò*. Quas donationes, & eleemosynas ipsi minores facere licèt possunt, possunt etiam eorum nomine curatores, & tutores. Ita Molin. sup. Med. in Cod. de elec. Palud. in 4. d. 15. q. 3. art. 7. Arm. verb. eleemos.

Quantum possunt donare serui. §. II.

1 *Quæ possunt donare serui.*

1 **I** N T E R R O G A T I O. Quæ possunt donare serui? *Resp.* Antequam propositæ quæstioni respondeam, præmitto, quæ scio de dominio rerum circa seruos: ex hac enim cognitione pendet interrogationis solutio. Dico igitur, quanquam verum sit regulariter illud Iuristarum proloquium, quicquid acquirit seruus, domino acquirit, fallit tamen in aliquibus euentis. *Primus* est, cum pactum sit inter seruum, & dominum, ut quotidie, aut certis temporibus certum quid domino soluat, reliquum verò de suis laboribus sibi referuet. Quod quidem

dem frequenter in Lusitania fit, & multa mancipia hac se via à seruitute liberant. *Secundus.* Si dominus aliquid seruo donet ad liberum usum, quasi liber esset: aut velit aliquid seruuum habere, ut suum quomodolibet conquisitum. Nam ut inter dominum & seruuum, non quâ seruus est, sed quâ homo, potest esse pactum, ita & donatio, ut experimur in manumissione, quæ semel concessa, iam absque iusta causa reuocare nequit. *Tertius.* Si seruo à domino, aut ab aliquo, aliquid pro iniuria sibi illata, aut damno, in iis quæ domini potestati non subiacent restituatur. *Quartus.* Si quid seruo donetur, aut ea conditione relinquatur, ut non domini, sed solius serui sit. Quæ libera conditio à donatore poni potest, & à domino non acceptata donationem reddit nullam, conditio verò satis est iudiciis probata. *Quintus.* Si seruus bonis suis, quorum est dominus, aliquid acquirat, vel ludendo, vel negotiando, sine obsequiorum domini præiudicio. *Sextus.* Cum sine obsequiorum præiudicio, à cibis sibi datis quicquam subtrahit. Ita Molin. *disp.* 38. *Tolet. lib.* 3. *cap.* 1. *n.* 219. Dico igitur I. Seruus ex bonis, quorum dominium habet, liberè, & licitè potest donare, & alienare, ut libuerit. Probatur. Quia verus dominus, & administrator eorum est. Dico II. Seruus ex bonis domini, nec ad pias causas, aut eleemosynas, quicquam præter illius voluntatem subtrahere potest. Quod si donet, & peccat, & ad restitutionem tenetur. Similiter donatarius, cui seruus donauit tantum, quantum bona, ac mala fide à seruo accepit, vel habet, vel consumpsit, contra, an iuxta domini voluntatem secundum regulam communem restituendi. Ita Molin. *disp.* 277.

De discrimine inter donationem ob causam
mortis, & vitæ. §. 12.

- 1 Quod sit discrimen donationis causa vitæ, & causa mortis.
- 2 Quæ donationes inter coniuges viuos sunt valida.
- 3 Quæ donatio causa mortis est eo ipso nulla.
- 4 An in reuocata donatione reddendi sint fructus rei donata.
- 5 Quæ solemnitas requiritur ad donationem causa mortis.
- 6 Unde colligitur donationem esse factam causa mortis.
- 7 Unde colligitur donationem esse factam causa vitæ.
- 8 An hæc donatio, dono tibi, & tuis hæredibus, sit donatio causa mortis.

9 *An donatio causa mortis indigeat acceptatione donatarij.*

1 **I**NTERROGATIO. Quod est discrimen inter donationem factam inter viuos, & factam causa mortis? *Resp.* Donatio inter viuos, acceptata, nondum tamen tradita, regulariter reuocari nequit. Donatio verò causa mortis etiam post traditionem reuocari potest à donatore, quatenus viuuit. Ita habetur *L. Cūque. ff. de condit. ob causam. L. Cum quis. de condit. causa dat.* Ita tradunt Gom. & Greg. ad *L. 10. tit. 4. par. 5.*

2 *Int.* Quæ donationes inter coniuges valent, etiam inter viuos? *Resp.* Multæ. In primis eæ, quæ fiunt inter Principes non superiorem recognoscentes. Deinde quæ fiunt ad ædium igne combustarum reparationem. Tertiò, eæ, quæ fiunt compensationis, aut remunerationis gratia. Sed de hac re, quia potius ad iudicium spectat fori, quam poli, videant iudices, si libuerit, *lib. 4. Ordin. Lusit. tit. 65. Molin. disputat. 289. & 290. Nauarr. cap. 17. num. 149.* vbi plurima de hac donatione inter viuos.

3 *Int.* Quæ donatio causa mortis censetur eo ipso reuocata? *Resp.* Quam donatarij mors anteuertit, superstitè ipso donante. Ita habetur *L. Nonius. ff. si certum petatur. L. si mortis caus. L. Senatus. ff. de mort. caus. don.*

4 *Int.* Per reuocationem teneturne donatarius non solum rem donatam, sed fructus etiam perceptos restituere? *Resp.* Tenetur, quia licet donatarius acquisierit dominium reuocabile rei, mortis causa donatæ, non tamen vsusfructus, nisi id à donante exprimatur. Ita Bart. ex multis iuribus, quæ refert Gomez 1. var. cap. 4. num. 21. Ratio est, quia tam res ipsa, quàm fructus censetur tantummodò donari post mortem donatoris, antea verò, quantum solummodò donator consenserit.

5 *Int.* Quæ celebritas requiritur ad donationis validitatem causa mortis? *Resp.* Requiritur in primis, vt fiat coram quinque testibus. Sed de hac re legatur Couar. in rub. de test. num. 11. vbi iudices multa inuenient.

6 *Int.* Quæ signa ostendunt donationem esse causa mortis? *Resp.* Si in donatione mentio mortis fiat quoad substantiam donationis, non verò executionis, est donatio causa mortis. Nam si fiat mentio mortis in exhibitione donationis, vt si Titius dicat: dono tibi dummodò me finas frui rei vsu, est donatio

donatio inter viuos; quia per solam executionis dilationem natura contractus non mutatur. Ita tradunt Abb. Domin. Accursius, & alij, quos refert Couar. 3.p.rub.de testam.num.25. & 2.p.num.13. cum Gom. sup. Præterea, si donans est morti vicinus, & ægritudinis periculo motus donat, quamuis mentionem mortis non faciat. Ita Ripa, & alij, quos refert Couarr. 3.p.ad rub.de testam.num.21. maximè cum ipsum mortis periculum donationis causam reddat. Consonat 1.2. ff. de donat. caus. mort. Tertiò, si donans in eodem mortis periculo dicat, relinquo, donatio est causa mortis. Ita Couarr. sup. cum Didone, & aliis.

7 Int. Quæ signa ostendunt donationem esse causa vitæ? Resp. Egregium signum est, si apponatur clausula de ea non reuocanda L. Vbi donat. ff. de donat. caus. mort. Ita Couarr. 2.par.rub. de testament.num.17. Duennas Reg.27. & alij pluri-
mi. Deinde, si donans promisit se semper donationem ratam habiturum. Ita Couarr. 2.parr. citata. num. 13. Neque obstat L. Si aliena. ff. de donat. mort. caus. §. Marcellus, vt illam interpretantur Accursius, Bart. & alij, cum Couarr. 3. p.rub.de testam. n.23.

8 Int. Quid censes de hac donatione; Dono tibi, & tuis hæredibus? Resp. Dico eam esse inter viuos. Ita Duennas Reg.217.n.3. Couarr. 3.p.rub.de testam.n.25. Gom.Bald.& alij, quos citat. Ratio est, quia si in ea donatione donatarius moriatur ante donatorem, donatio valet, & ad donatarij hæredes transit. Quæ conditio non stat cum donatione causa mortis, vt communiter tradunt Doctores.

9 Int. Indigétne donatio causa mortis acceptatione donatarij, sicut donatio inter viuos? Resp. Maximè. Ita Bart. Bald. & iura, quæ citat Couarr. 3.p.rub.de testam.num.14. Ratio est, quia donatio causa mortis est promissio iuxta communem sententiam, vt docet Viuius lib. 4. commun. opin. tit. donatio. Qua in conditione differt à legato, quia legatum, cum sit pars testamenti, aut codicilli, est dispositio vltimæ voluntatis testatoris, vt docet Alciat. Gloss 5. post legem connub. num.102.

CAPUT VII.

De testamentis , & codicillis.

De definitione , vi , & multiplicitate
testamentorum. §. 1.

- 1 *Quid est testamentum.*
- 2 *A quo iure testamentum habet vim.*
- 3 *Quotuplex est testamentum.*

1 **I** N T E R R O G A T I O. Quid est testamentum? *Resp.* Est voluntatis humanæ iusta sententia de eo, quod quis post mortem suam fieri vult, cum directa hæredis institutione. Ita Vlpian. *lib. 1. ff. de testam.* iuncta Gloss. Iure tamen Lusitano, cum quis habet legitimos hæredes, potest disponere de bonis, quæ ad illos necessario non veniunt, sine alterius hæredis institutione, & verum condit testamentum. Ita *lib. 4. tit. 82. §. 1. iuncto §. penult. Ordin.*

2 *Int.* Ex quo iure vim habet testamentum? *Resp.* Quoad substantiam, & ultimæ voluntatis dispositionem circa bona sua, supposita rerum diuisione, ex iure gentium, & naturali. Quoad solemnitates tamen ex iure ciuili. Ita Couarr. 3. *lib. resol. c. 6. num. 7.* Molin. *Theol. disp. 124.* cum aliis, quos citat; & est manifesta veritas.

3 *Int.* Quotuplex est testamentum? *Resp.* Duplex, clausum, vel apertum: Clausum semper fit in scriptis (clauditur verò, ne testes, qui adsunt approbationi publicæ, illius voluntatem sciant.) Apertum est, quod coram testibus fit, & scripto seu voce condi potest.

De solemnitate requisita ad valorem testamenti
profani præcipuè circa testes. §. 2.

- 1 *Quæ solemnitas requiritur ad testamentum secundum ius commune.*
- 2 *Quæ solemnitas requiritur ad testamentum secundum ius Lusitanum.*
- 3 *An ex iure Lusitano requiratur, ut testes sint rogati.*
- 4 *An requiratur ut testes signent sigillo.*
- 5 *An valeat legatum relictum ipsi scriptori testamenti.*

6 De

- 6 De certis aliquot conditionibus, quas habere debent testes.
- 7 An religiosus possit esse testis in testamento.
- 8 An sit satis, quod testis audiat vocem testatoris.
- 9 An possit esse testis qui in testamento hæres instituitur.
- 10 Qui non possunt esse testes testamenti secundum ius Lusitanum.
- 11 Quæ testamenta sunt valida sine solemnitate.
- 12 De testamento ad pias causas.
- 13 Vtrum in foro animæ testamentum ad pias causas sit irritum absque solemnitatibus.
- 14 Vtrum idem dicendum de testamentis prophanis.
- 15 De testamentis clericorum.

I N T E R R O G A T I O. Quæ solemnitas requiritur secundum ius commune ad testamenti valorem? *Resp.* Ad testamenti clausi valorem requiritur, ut ab ægroto coram septem testibus masculis liberis, aut qui liberi reputentur, puberibus, qui decimumquartum annum impleuerint, ad id inuitatis, affirmetur illud esse suum testamentum, & postea manu sua illud subscribat, vel alius pro eo. Deinde omnes septem testes subscribant, vel proprio annulo, aut signo. Ita *L. Hac consultissima. Cod. de testam. & Instit. de testam. §. sed cum paulatim.* Ad valorem verò testamenti aperti, sunt item septem necessarij testes, masculi, liberi, aut liberi reputati, puberes, rogati, qui simul conueniant, & audiant, & intelligant testatoris voluntatem, vel scriptam, vel voce tenus prolata, si testamentum sit vocale. Non tamen necesse est, ut signent aut subscribant. Ita eadem *L. Hac consul. §. per nuncupat. & L. Heredes palam. ff. eod. tit.*

2 *Int.* Quæ solemnitas requiritur ad testamenti valorem secundum ius Lusitanum? *Resp.* Ad valorem testamenti clausi requiritur, ut si testator illud sua propria manu non scripsit, suamet etiam manu subscribat, si sciat, vel ille qui testamentum scripsit nomine testatoris. Deinde consuetum testamentum tradendum est à testatore tabellioni coram quinque testibus masculis, liberis, aut pro liberis reputatis, puberibus post decimumquartum annum expletum, coramq; illis testibus interrogabit tabellio testatorem, an illud sit ipsius testamentum, habeatque illud pro bono, legitimo, firmo, & valido. Postquam verò testator affirmatiue responderit, coram eisdem testibus à testamenti tergo conficiet instrumentum approbationis,

approbationis, in quo explicabit testatorem tradidisse sibi testamentum illud, habuisseque pro suo bono, ac firmo, & in eo instrumento subscribent omnes illi quinque testes, & præterea testator ipse, si sciat, & possit, qui si nesciat, aut nequeat, vnus de testibus pro eo subscribat, dicendo se de mandato testatoris pro eo subscribere, qui nesciat, vel nequeat. Ita *lib. 4. Ordin. tit. 80.* Vbi subiungitur aliter inualidum fore testamentum, non obstante quacunque in contrarium consuetudine. Et affirmat Gam. *decisi. 69.* à regiis Senatoribus iudicatum fuisse nullum testamentum clausum, in quo testes non adfuerunt, quando à testatore tabellioni datum fuit. Vt de valore testamenti aperti, seu nuncupatiui, ita vocant, dicam, suppono tripliciter fieri posse. In primis in scriptis per publicum tabellionem. Ad hoc adhibendi sunt quinque testes masculi liberi, aut liberi existimati, maiores decimoquarto anno. Qui tabellio, & testes illud subscribent, præterea testator, si sciat, aut queat, si verò, aut nesciat, aut nequeat, alius suo nomine subscribet, dicens se id facere ex testatoris mandato: tabellio verò testamentum refert in notas. Ita *lib. 4. Ordin. tit. 80.* Deinde fieri potest testamentum apertum in scriptis per manum ipsius testatoris, vel alterius illius nomine, & tunc ipse testator subscribat, vel ille qui illius nomine testamentum scripsit. Vocabuntur alij quinque testes eiusdem conditionis appositæ, coram quibus legatur testamentum, quod singuli subscribent. Fieri denique potest testamentum voce tenus, sed ad valorem requiritur, vt fiat prope mortem, adfintque sex testes, siue masculi, siue foeminx. Ita habetur Tit. citato. §. 4. Discrimen verò latissimum est inter hæc aperta testamenta. Quia primum valet absque alia solemnitate post mortem. Secundum requirit, vt à iudice post testatoris mortem publicetur, citatis iis, ad quos pertinet. Tertium post recuperatam sanitatem ipso facto nullum est. Ita eodem *tit. §. 3.*

3 *Jnt.* Ex consuetudine huius Lusitani regni requiritur ne vt testes sint rogati? *Resp.* Minimè. Ita in supremo senatu iudicatum fuit, vt refert Gam. *decisi. 210.* ipso solo refragante.

4 *Jnt.* Requiritur ne præterea, vt testes sigillo signent? *Resp.* Minimè, sed satis erit subscribere.

5 *Int.* Valétne legatum relictum à testatore ipsi testamenti scriptori? *Resp.* Minimè, loquendo absolutè. Ita decernitur

l. 1. & seq. Cod. de iis, qui sibi adscribunt in testament. Ita decifum fuit in supremo fenatu *decif. 69.* Garinæ argumento. *l. de co. ff. ad L. Cornel. de falsis.* Idem decifum de testamento scriptor manu mariti, in quo vxor, & maritus se mutuo. relinquebant hæredes. Credit tamen Molin. *disp. 125.* has leges poenales, arque non obligare, nisi post latam sententiam, & præterea esse præfumptiuas, & ideo amota fraude in conscientia non obligare, imò obligare hæredes legatoris ad legata legatario donanda, ipsumque legatarium in conscientia compensationem facere posse, ied de hac dubitatione latius me rogabis.

6 Int. Illæ appositæ testium conditiones satifne sunt? *Resp.* Minimè, sed requiruntur alix quæ in iure apponuntur, ne scilicet sint infames, &c. Probè tamen adnotat Iul. Clar. *§. testam. quest. 55.* satis esse testes non reputari tales, scilicet infames. Quamquam sint, vt non obstat, quod sint serui, sicut liberi habentur.

7 Int. Religiosus estne idoneus testis ad testamentum? *Resp.* Affirmat Gomes *ad l. 4. Taurin. n. 28.* cum Fabro, quando ad id habet superioris facultatem. Absolutè affirmat Iul. Clar. loco citat. Panormit. & alii, relati à Gomes, quia religiosi testimonium absque superioris facultate datum, non est ipso facto nullum. De clericis nullus negat, etià sine Episcopi facultate.

8 Int. Satisfne est ad testimonij validitatem, audire testes tantummodo vocem testatoris, qui post parietem est? *Resp.* Minimè. Sed necesse est, vt testes testatorem videant. Ita habetur *L. si specialiter. & l. si unus. Cod. de testament.* adeò vt propter interpositam cortinam testamentum sit nullum, vt affirmat Iul. Clar. *§. testament. quest. 59.*

9 Int. Potestne esse testis testamenti, qui in ipso hæres instituitur? *Resp.* Nec ipse, nec ipsius pater, si adhuc sub illius potestate est: nec filii, nec ipsius fratres, si adhuc sub illius potestate sunt. Ita habetur *lib. 4. Ord. rit. 85. & insi. de test. §. pater.* Neque item omnes, qui sub testamentarij potestate sunt, testamentarij, inquam, simul hæredes. Idem decernitur in eisdem legibus.

10 Int. Qui secundum ius Lusitanum testes testamenti esse non possunt? *Resp.* Masculi quatuordecim annis minores, foeminae minores duodecim: nec furiosus, nec mutus, & surdus, nec cæcus, nec prodigus, cui suorum bonorum administratio

ministratio prohibetur, nec seruus, nisi pro libero habeatur. Ita *lib. 4. Ordin. tit. 85.* possunt tamen esse testes eiusdem testamenti legatarij, iuxta easdem leges.

II *Int.* Quæ testamenta valida sunt sine hac prædicta solemnitate? *Resp.* In primis testamentum, quo pater vel mater bona sua in filios distribuit. Ita *L. Hac consult. 9. §. imperfecto. Cod. de testam.* Itaque si testamentum est verbale, sufficiunt duo tantum testes, sint mares, vel foeminae nihil refert, etiam non rogati. Si sit scriptum, iidem testes sufficiunt, dummodò à testatore subscribatur, vel à liberis in eo hæredibus institutis, cum appositione temporis, quo factum est, & hæreditatis assignatione cuilibet relicta. Ita *Mol. Theolog. disp. 128.* Deinde testamentum militis, quod ex iure communi, si in ipsa belli expeditione fiat, valet cum duobus testibus, etiã foeminis, ut cum *Bart. docet Iul. Clar. §. testam. q. 55.* Debent tamen testes esse rogati. *L. Diuus ff. de mil. testam.* In ipso verò conflictu, & mortis periculo minori indiget solemnitate. Ita enim *L. Milites. Cod. de testament.* sicut iuris rationibus licuit, ac semper licebit, si quid in vagina, aut clypeis literis sanguine suo rutilantibus adnotauerint, aut in puluere inscripserint gladio sub ipso tempore, quo prælio vitæ sortem dereliquerint, huiusmodi voluntatem stabilem esse oportet. Requiritur tamen ut hæc veritas duobus testibus probetur, quamquam non vocatis, ut declarat ipsa lex, & *Gloss. Legis, & Legislator Lusitanus lib. 4. Ordin. tit. 83. §. 5.* Hoc testamentum militis valet, si miles in bello, vel extra bellum, quia ex honesta causa ab eo discessit, intra annum à discessu moriatur. Hoc priuilegium extendit ius commune ad omnes, qui exercitui inserviunt, & in terra hostili illud condunt: Ius tamen Lusitanum *tit. cit. §. 8.* aliquantulum comprimit, ad eos scilicet, dummodò in hostili terra moriatur. Non requiritur præterea illa solemnitas ad testamentum in pias causas. *cap. Kelatum l. de testament.* & ibi *Panorm. & Couar. Doctoresque communiter.* Dicitur verò testamentum in pias causas, in quo hæres, non legatarius instituitur, Ecclesia, monasterium, hospitale, sodalitium, misericordiæ domus, vel alia causa pia. Circa hoc testamentum ad pias causas multa inuenio notanda: nam licet non sit validum in totum, cum causa pia non constituitur hæres, sed legatarius, est tamen validum quoad legatum. Ita *Cou. c. Kelatum, & Mol. disp. 134.* Deinde quando est

est validum ob causam piam sine iuris solemnitatibus, etiam esse validum quoad legata eius non pia. Ita Costa *c. Si pater.* Iul. Cla. §. *testam.* Mol. Couar. citati, quamvis qui ad pias causas testatur potestatem non habet ad alia testandi, ut iidem Doctores obseruauerunt.

11 *Int.* Quæ solemnitas sat est ad testamentum in pias causas? *Resp.* Satis sunt duo testes, siue masculi, siue fœminæ, & hoc satis est. Ita Panorm. & Couar. cit. ad cap. *Relatum*, seruâtque praxis vtriusque fori, sufficit, ut fiat per nutus. Ita Gam. *decis.* 81. Couar. proximè, cum plurimis. Valet etiam inceptum, & non consummatum ob mortem testatoris præuentam. Ita Couar. cit. *c. & n.* 10. & Molin. *disp.* 134. Ratio est, quia cum ius ciuile subiaceat iuri canonico in iis, quæ ad spirituales profectum spectant, ut ad initium secundæ partis totius operis fauente Deo ostendam, voluit summus Pontifex testamentorum solemnitates secundum Cæsareum ius requisitas in fauorè piæ causæ coarctare, reducereque ad ius naturale, in quo corâ duobus, ac tribus testibus stat omne verbû.

12 *Int.* Hæc Pontificia dispositio circa testamētum ad pias causas, itane requiritur, ut in foro etiam animæ testamentum annullet? *Resp.* Minimè. Ita Mol. *disp.* 134. cum Corneo, & Tiraquel. quos citat. Atque in hoc differt hoc Pontificium ius à Cæsareo in opinione eorum, qui arbitrantur ius Cæsareum ita prohibere testamentum fieri sine certis solemnitatibus, quas supra vidimus, ut factum annullet. Et ideo, qui secretò relinqueret alicui cētum ad piam causam, post illius mortem validè relinqueret, & testamentarius tenetur illud in piam illam causam infumere, quia illi duo testes tantum requiruntur ad fidem faciendam in foro exteriori, ut vltima testatoris voluntas effectum habeat.

13 *Int.* Verùm quæro simpliciter, an testamenta ex defectu solemnitatis, quoad forum externum, & iudiciale simpliciter nulla, sint valida in foro animæ? *Resp.* Tres sunt hac de re discrepantes sententiæ. *Prima* simpliciter ait esse inualida, adeò ut hæres ab intestato succedens, non solùm hæreditatem sibi usurpare, sed legatarius teneatur, nemine cogente, legata hæredi relinquere in conscientia. Ita Couar. cap. *Cum esset de testam.* num. 16. & 109. *peccatum.* p. 2. §. 3. num. 9. & 10. Ant. Gomes L. 3. *Tauri.* n. 123. Padilla L. *Cum quis.* (od. de iuris & facti ign. Ledesm. 2. 4. q. 18. ar. 1. dub. 12. Probantque ex multis

iuribus, quæ videntur omnino annullare illa minus solemnia testamenta ad evitandas lites, sicut alios contractus omnino rescindunt. Nam *L. Hac consult.* ait: Non subscriptum à testibus, & non signatum testamentum pro infectio haberi convenit. Item ex imperfecto testamento voluntatem teneri defuncti non volumus. Item Institut. *Quib. mod. testam. infirm.* §. *ex eo*, ait Iustin. Imperfectum testamentum nullum est. Opposita sententia asserit testamentum minus solemne adeo esse validum in conscientia, ut hæres ab intestato teneatur hæreditatem relinquere ei, qui in testamento hæres instituitur, licet sibi in foro externo adiudicetur. Ita Panormit. *cap. quia plerique, de immunit. Eccles.* Adrian. *quodlib. 6. conclus. 2.* Sylu. *hæres. 3. quæst. 7.* Molin. *tom. 1. iust. disput. 81.* Peres, & multi alij, quos refert Couar. cit. Probantque ex eo, quod illæ leges sunt præsumptivæ (ex eorum opinione) solumque exterius finem attendere, præsumptio verò rei veritatem non tollit. Tertia sententia medio incedit; aitque hæredem ab intestato licitè posse in iudicio testamentum minus solemne infirmare, licet sibi constet de testatoris contraria voluntate, & ita cum prima opinione consentit. Ait deinde legatarium minus solemnisi testamenti licitè sibi posse legata retinere, dum ab hærede ab intestato non in iudicio reperuntur. Ita Alenf. & alij multi, quos refert Couar. sup. Victor. *in manuscript. 22. quæst. de test. Sot. 4. iust. quæst. 5. art. 3.* Instruēt. 2. p. cap. 14. Hæc tertia sententia verior apparet, & quoad primam partem probatur, quia quisque potest uti legis beneficio, post recisum verò testamentum in iudicio, ita nullum relinquitur, ut hæreditas maneat defuncti ab intestato: hæreditas verò defuncti ab intestato devoluitur ad suos. Neque obstat ultima voluntas testatoris manifesta in contrarium cognita, nam si morientij frater, aut alius, qui ab intestato hæres succedit, adsit, eique moriens dicat suam esse voluntatem heredem suorum bonorum Petrum instituere, & ideo vult, ut ad testamentum conficiendum tabellio vocetur, hæc verò inter verba expiret, non tenetur ille hæres ab intestato succedens, illam voluntatem explere, sed sibi hæreditatem capere potest. Quoad secundam verò partem auctoritate Bartol. *L. Cum quis, citata, probatur*, Alciat. Tiraq. quos referunt Gomes, & Cou. D. Anton. quem citat Sylu. sup. Med. *q. 23. de test. Angel. Arm. Tabien. verb. testament.*

testament. Deinde ex ratione, quia ex opposita sententia sequeretur, quod si moriens alicui amico secretò relinqueret aliquam, teneri amicum illam hæredi ab intestato tradere, quod durum est. Dicendum itaque est, legislatorem noluisse ipso facto, & iure annullare testamenta minus solemnia, sed dare actionem ad rescissionem eorum in iudicio.

14 *Int.* Gauderem à te audire in particulari, quid de clericorum testamento censeas? *Resp.* Vt respondeam, præmitto tria esse clericorum bona: quædam patrimonialia appellantur, nempe ea omnia, quæ illis ex hæreditate, contractu, donatione, aut alia iusta causa obvenierunt: atque de his verum penes eos est dominium. Alia quasi patrimonialia, quæ illis ratione propriæ industriæ, scientiæ, aut Ecclesiastici ministerij, etiam concionandi, &c. obtigerunt, & horum omnium dominium habent. Alia purè Ecclesiastica, redditus nempe beneficiorum Ecclesiasticorum, præstimonium, & pensio, de his controuersia est, an habeant verum dominium. Negat Nauar. in *Apolog. mor.* 24. & 27. Affirmant tamen D. Thomas quodlib. 6. artic. 12. & 22. quæst. 185. art. 7. & ibi Caiet. Sor. 7. iust. 7. 4. art. 3. Cord. lib. 1. 9. 18. Instru. 1. p. 9. 61. Couar. Ledesm. & alij, quos citans sequitur Molin. disp. 142. fateor tamen omnes quascunque afferunt rationes, solum probare debere sumere ex Ecclesiasticis redditibus congruam sustentationem, quod Nauar. non negat: id enim etiam debetur monachis paupertatem profitentibus, quoniam *dignus est operarius mercede sua, & qui altari seruit, æquum est, ut de altari viuat.* Verum non est à communi hac sententia recedendum, dicendumque est ita illis hanc reddituum mercedem, & partem, ut debitam congruam sustentationem assignari, ut dominium eius omnino simul tradatur, quemadmodum distributiones canonicis Ecclesiæ seruientibus ita assignantur, ut cum dominio conferantur, quum Ecclesiæ redditus sint, sicut colligitur ex *cap. Amico. de cler. non resident. lib. 6.* & Conc. Trid. sess. 22. cap. 3. de reform. Canones verò pro Nauarri sententia adducti de antiqua consuetudine intelliguntur, cum clerici de communi viuebant, & paupertatis votum emittebant, ut videre est *cap. Vobis enim, & septem cap. sequent. 12. q. 1.* His positis. Dico primò de bonis patrimonialibus, & quasi patrimonialibus fas est beneficiatis testari ad quoscunque vsus, ut etiam donare, siue inter viuos, siue etiam causa mortis.

Est Couar. *cap. 1. de test. 1. n. 7. Jul. Clar. lib. 3. q. 27.* & communis colligitur aperte ex *cap. Episcopi. 12. quæst. 1. cap. Quia nos, de testam.* Probatur, quia horum bonorum habent idem dominiū, atque si essent laici. Dico *secundò*. De bonis purè Ecclesiasticis secundum ius commune minimè testari possunt, neque ad vsus profanos, neque pios. Patet ex *cap. Episcopi. cap. Sint manifesti. 52. quæst. 1. cap. Quia nos.* & aliis. Ratio horum canonum fuit ex eo, quod ita clericorum avaritiæ, & tenacitati iretur obuiam, cum eis spes relinquendi posteris præscinderetur. Dico *tertiò*. Secundum consuetudinem huius Lusitani regni beneficiati etiam de bonis Ecclesiasticis validè testantur in quosuis vsus. Ita Mol. *disp. 147.* Couar. *c. cum in offic. de testam. nu. 9.* Hostiens. Anton. Palud. & alij ab eo citati. Validè, dixi, quia consuetudo legitimo tempore præscripta, vim habet ad abrogandam legem.

Hæc autem consuetudo approbata est ab Episcopalibus constitutionibus, quia tamen assignant quotam, singulæ videantur. Dico *quartò*. De his purè Ecclesiasticis bonis ad solos pios vsus licitè queunt beneficiati testari, ac proinde lethaliter peccant, ea relinquendo vsibus profanis, vel diuitibus consanguineis. Hæc expressè traditur à Molina proximè citato: verum interpretatiuè ab omnibus, qui asserunt beneficiatos mortaliter peccare expendendo, dum viuūt, hæc bona in profanos vsus. Hi verò sunt Alenf. *3. p. q. 36. memb. 5.* Ric. *in 4. d. 45. art. 3. q. 1.* Palud. *ibi. q. 3.* D. Anton. *3. par. tit. 15. c. 5. §. 19.* Gabr. *in 4. d. 15. q. 8.* Maior *in 4. d. 24. q. 17.* Panorm. *cap. Cum secund. de præbend. Arch. & Domin. cap. Statut. de rescript. lib. 6.* Felin. Decius, Ioan. Angel. quos refert, & sequitur Nauar. *in Apol. q. 2. mon. 7.* Qui omnes etiam eos obligant ad restitutionem, sed de peccato tantum contra charitatem loquuntur D. Thom. *quodlib. 6. art. 12. & 2. 2. q. 185. ar. 5.* Caiet. *ibid.* Adria. *q. pro clariori intel. de rest. Sot. 10. iust. q. 4. art. 3. & 4.* Ledesm. *2. 4. q. 18. art. 5. dub. vltim.* Sarmiento *cap. Si priuatum. 12. quæst. 1.* Couar. *cap. Cum in offic. de testa. num. 3.* Instruct. *1. p. cap. 142.* Molin. *disp. 144.* Ratio eorum est, quia grauis culpa videtur patrimonium Christi, quales sunt redditus Ecclesiastici, profusè obligurire. Cum tamen ex institutione Ecclesiæ in pauperum alimenta sit destinatum, cum superfluit ex decenti beneficiorum sustentatione: concors est de hac re sanctorum Patrum sententia. Ita D. Hieronym. vt habetur *44. d. cap. 1. Tibi*
 - & sacer

ô sacerdos viuere de altari permittitur, non luxuriari. D. Bernard. *epistol.* 42. Clamant pauperes, nostrum est, quod effunditis, nobis crudeliter subtrahitur, quod inaniter expenditur. Præcipua tamen ratio defumitur ex Ecclesiæ prohibitione. Quæ habetur in Concil. Trident. *sess.* 25. *cap.* 1. *de reform.* Vbi Episcopis omninò interdicitur ne ex redditibus Ecclesiæ consanguineos, familiaresve suos augere studeant, his verbis. Cum & Apostolorum canones prohibeant, ne res Ecclesiasticas, quæ DE I sunt, consanguineis donent, sed si pauperes sint, iis, vt pauperibus distribuunt, eas autem non distrahant, nec dissipent illorum causa. Imò, quò maximè potest eos sancta Synodus monet, vt omnem humanum hunc erga fratres, nepotes, propinquosque carnis affectum, vnde multorù malorum in Ecclesiâ seminarium extat, penitus deponant. Quæ verò de Episcopis dicta sunt, ea non solum in quibuscunque beneficia Ecclesiastica, tam secularia, quàm regularia obtinentibus, pro sui gradus conditione observari, sed ad sanctæ Romanæ Ecclesiæ Cardinales pertinere decernit. Ita Concil. Trident. Hæc verò totalis interdictio lethalem culpâ ionat. Dico *quintò*. De bonis purè Ecclesiasticis, nec etiã ad pios vsus possunt Episcopi huius Regni valide testari. Et ideo quidquid eorum remanet, ad futurum successorem spectat. Ita obtinuit praxis, & consuetudo huius regni. Contra hanc verò consuetudinem valet Papæ dispensatio ad quosuis pios, profanosve vsus, vt notat vterque Molina. Si tamen hæc facultas absolūtè concedatur, intelligitur ad pios tantum vsus. Ita docet Nauar. in Apolog. 9. 3. *mon.* 6. cum aliis, consentitque vterque Molina.

De Codicillis. §. 3.

1. *Quid est codicillus.*
2. *Quid est legatum.*
3. *Quid est fideicommissum.*
4. *Quæ solemnitas requiritur ad codicillum.*
5. *De clausula apponi solita in testamentis, testamentum hoc, vel codicillus.*
6. *Per quem, & in quos pauperes facienda distributio legati, cum nec distributor, nec pauperes apertè declarati sunt.*
7. *Cui reddenda pars legati p̃j, quæ superfluit impleta voluntate testa*

testatoris.

- 8 Cui reddenda pars legati p̄ij, quæ superfluit impleta testatoris voluntate, cum absolute testator dixit, ut impenderetur in certa domo sacra.

1 INTERROGATIO. Quid est codicillus? *Resp.* Est quædam vltimæ voluntatis dispositio, per se consistens in directa hæredis institutione. Ita colligitur ex *Jaslit. & Cod. de codicill.*

2 *Int.* Quid est legatum? *Resp.* Est pars testamenti, aut codicilli.

3 *Int.* Quid est fideicommissum? *Resp.* Quod hæredis fidei à testatore relinquitur, post illius mortem exequendum.

4 *Int.* Quæ solemnitas requiritur ad codicillum? *Resp.* De iure communi requiruntur quinque testes, ac sufficiunt puberes, licet non rogati, neque masculi, nisi codicilli sint cæcorum. Nam in iis iidem testes, qui ad testamentum sunt necessarij, omnes, si fiat codicillus in scriptis, subscribere debent. Iure tamen Lusitano sufficiunt quatuor testes, siue masculi, siue fœminæ dummodò quatuordecim annis sint maiores, liberi, aut vt liberi reputati, ita vt cum tabellione, aut alio, qui scripserit, sint quinque. In locis verò desertis, vbi iste numerus iam facile reperiri nequeat, sufficiunt tres testes, qui omnes subscribere debent, si fiat in scriptis. Ita *lib. 4. Ord. tit. 76. §. pen. antepen. & vltim.*

5 *Int.* Quid sibi vult clausula in testamentis apponi solita (testamentum hoc, vel codicillus, &c.) *Resp.* Nil aliud quam quod si aliqua ad testamenti valorem solemnitas defecerit, valeat vt codicillus.

6 *Int.* Reliquit quis centum pauperibus, neque nominando distributorem, neque pauperes, quibus distribuenda illa centum, quis debet, & quibus pauperibus distribuere? *Resp.* Episcopus loci in quo obiit, vel eius Vicarius: & in pauperes loci, vbi vita functus habebat domicilium. Quod si domicilium ignoratur, vel difficilis sit ad eundem locum accessus, fiat distributio in pauperes loci, in quo obiit. Ita *Couar. cap. Cum tibi, de testam. n. 14.*

7 *Int.* Legauit quis mille aureos, vt conficeretur ædes sacra talis formæ, perfecta æde, remanserunt centum, cui cedunt? *Resp.* Si mille aureos reliquit ratione restitutionis debiti
incer

incertorum dominorum, illi centum, qui remanserunt, cedunt in vtilitatem eiusdem ædis. Si verò ex liberalis donatione, cedunt in vtilitatem hæredum: quia vltima testatoris voluntas impleta perfectè est. Ita Couar. & Molin. sup.

8 *Int.* Quid si ex liberali donatione reliquit, sed absolute dixit, vt impenderentur in sacra æde extruenda? *Resp.* Omnes in ipsius ædis vtilitatem impendendi sunt. Ita Molin. contra Couar. Ratio est, quia præsumendum est pro pia, pauperumque causa.

Aliqua dubia circa hanc materiam de Testamentis. §. 4.

- 1 *Secundum testamentum minus solemne, num reuocet primum solemne.*
- 2 *Quomodo reuocari possunt à testatore legata solemnis testamenti.*
- 3 *An possit testator reuocare testamentum, quod iurauit se non reuocaturum.*
- 4 *An reuocatio testamenti, quod testator iurauit se non reuocaturum, sine iuramenti relaxatione valida sit.*
- 5 *An testator qui cum alio simul testatus est omnia amboꝝ bona se relicturos alicui pio operi, possit socio mortuo suam partem reuocare.*
- 6 *De eo, qui per dolum, aut fraudem, alium ad simul testandum induxit.*
- 7 *De uxore, quæ consensit, vt maritus de communibus bonis testamentum conderet.*

1. **I** N T E R R O G A T I O. Reuocaturne in foro externo prius solemne testamentum per posterius minus solemne? *Resp.* Minimè. *Instit. Quib. mod. test. infirm. L. Hac consulti ss. C. de test.* Ratio est, quia hæreditas in foro externo, neque directè dari, neque directè adimi potest, nisi per testamentum validum.

2 *Int.* Quomodo reuocari possunt à testatore legata, & fideicommissa solemnis testamenti? *Resp.* Per codicillos, seu scripto, seu voce confectos.

3 *Int.* Reuocarène potest testator testamentum, quod iuramento nunquam reuocandi confecit? *Resp.* Affirmat Part. quem cum aliis sequitur Ant. Gom. l. 3. Tauri. 95. probantque.

Quia illud iuramentum est de re illicita: nam *L. stipulatio. ff. de verb. signific.* obligatio dicitur esse contra bonos mores. Verum responderi potest esse contra bonos mores ciuiles, non naturales. *cap. Præterea negant Couar. Rubr. de testament. p. 2. num. 15.* Iul. Clarus *lib. 3. sentent. §. testamentum. quæst. 49.* Molin. *disputat. 115.* quam opinionem communem dicit. Ratio est, quia iuramentum de re licita implendum est: sed illud iuramentum est de re licita; ergo. Dico igitur quotiescunque causa non adsit reuocandi tale iuratum testamentum, licitè reuocari non posse, petendàmque ab Episcopo relaxationem.

4 *Int.* Quid si non obtenta relaxatione iuramenti, reuocatur iuratum testamentum, validane est reuocatio? *Resp.* Dux de hac re sunt contrariæ sententiæ. Affirmantem tenet Hostiens. in sum. & Mol. cit. loco, standumque esse ait in utroque foro priori testamento. Ratio illius est, quia iuramentum ita confirmat promissionem, ut cum adimplerio illicita non sit, quanquam ipsa in se promissio mala sit, seruandum sit. Imò vult Molin. tale iuramentum non posse ab Episcopo relaxari. Quia quando iuramentum non est iniuste extortum, vi scilicet, dolo, aut fraude, nec postulat publica necessitas illud relaxari, relaxari nequit ab Episcopo. Negantem tamen opinionem tenent Bart. Bald. & alij, quos citat & sequitur Couar. in rub. de test. p. 2. num. 15. Sylu. in iuram. 4. q. 12. Ratio eorum est, quia testandi actus tam suapte natura, quam iuris dispositione semper manet reuocabilis. Consentiunt leges Lusitanæ lib. 4. Ordin. tit. 70.

5 *Jnt.* Duo de communi consensu condiderunt testamentum, in quo omnia sua bona relinquunt alicui pio operi, vel maioratui, potestne testator superstes altero mortuo, testamentum quoad suam partem reuocare? *Resp.* Potest. Ita Couar. in rub. de testam. p. 2. n. 78. Gom. decis. 158. Vterque Mol. & Doctores communiter. Ratio est, quia testandi actus vsque ad vltimum mortis instans est liber, & reuocabilis, neque alius contractus illius naturam mutare potest.

6 *Int.* Qui dolo, aut fraude alium induxit, ut ambo relinquerent bona sua alicui pio operi, eo animo, ut superstes suam partem reuocaret ad quid tenetur? *Resp.* Ad restituendum hæredibus testatoris partem eius, quam dolo extraxit in illud opus. Ita communiter Doctores.

7 *Jnt.*

7 *Int.* Consensit vxor, vt maritus de communibus bonis testamentum conderet, mortuo eo, potestne vxor testamentum quoad suam partem reuocare? *Resp.* Minimè. Ita Couar. & vterque Mol. locis citatis. Ratio est, quia tota illa dispositio, licet ex consensu vxoris, fuit mariti: ea verò per illius mortem absolutè confirmatur irreuocabilis.

CAPVT XVIII.

De furto & rapina. §. 1.

1 *Quid est furtum.*

2 *Quid est rapina.*

3 *An furti peccatum committat, qui animo tantum retinendi per paucos dies rem abstulit.*

4 *De re, quæ periit in manu furis, quæ etiam in manu Domini peritura erat.*

5 *Cum periit diuerso modo, atque peritura erat.*

6 *De re salua in manu furis, quæ peritura erat in manu Domini.*

7 *Cum res periit diuerso tempore post in manu furis, atque erat peritura in manu Domini.*

8 *Cum res periit diuerso tempore ante, atque erat peritura in manu Domini.*

9 *Cum periit absque culpa furis.*

10 *In quo distinguantur furtum & rapina.*

11 *An furtum & rapina differant genere.*

12 *An emptor bonæ fidei teneatur rem emptam vero Domino reddere.*

13 *An emptor bonæ fidei possit rem emptam iterum pro recuperando pretio latroni reddere.*

14 *De emptore malæ fidei.*

15 *Quæ quantitas furti facit peccatum lethale.*

I INTERROGATIO. Quid est furtum? *Resp.* Quot fermè sunt Doct. tot sunt furti definitiones. Iis igitur omissis exactius definitur. Vsurpatio occulta alienæ rei pecunia æstimabilis, inuito domino. Vsurpatio, id est, iniusta acceptio. Nam usurpare, iuxta Gellium lib. 3. c. 2. Budæum, & alios, est contra ius rem alterius vendicare. Iniusta item retentio.

tio. Eam enim furtum appellat D.Thom.2.2. q.66.art.2.ad 2. Reinel.1.p. Pantheol.tit.de furto. Reliquas particulas explicui in tractat. de restit.in communi.

2 Int. Quid est rapina? Resp. Est vsurpatione manifesta alienæ rei, pecunia æstimabilis, inuito domino, atque in hac manifestatione præsentem, & scientem domino inuito, licet non prohibente ob impotentiam, aut modestiam: distinguitur rapina à furto, ut communiter docent Doctores.

3 Int. Surripuit quis rem alienam, non animo sibi illam capiendi, committitne furtum? Resp. Si usus rei pecunia est æstimabilis, furtum committitur. Ita communiter Theologi, & Iuristæ, & ideo l.1. ff. de furtis. in definitione furti aiunt esse contrectationem rei, vel usus, vel possessionis. Quia verò usus, possessio, & usufructus, rei nomine comprehenduntur, ideo à Theologis solo rei nomine significantur.

4 Int. Ad quam restitutionem tenetur fur, in cuius manu res furtiva perit, quæ eodem modo peritura erat apud dominum? Resp. De iudiciali foro in Lusitania certum est obligari ad rei restitutionem. Ita lib.2. Ordin. tit.5. in aliis regnis, ubi iure communi proceditur, res est controuersa. Affirmant Bart. & Doctores communiter, quos refert Couarr. 2. par. regul. peccatum. §. 6. n.1. Et videtur vera sententia iuste decernens illam poenam furandi crimini. In foro tamen conscientie ad restitutionem illum obligant Palud. in 4.d.15. quæst.2. art.1. conclus.5. n.8. Ancharan. à Couarr. citatus, & ita videtur asseruisse Medin. de restit. qu.7. cap.6. in fine. Nihilominus contraria sententia amplectenda est Couarr. proximè, & aliorum, quos refert Syl. restit.7. quæst.5. Toletan. lib.4. de restit. cap.1. Ratio est manifesta, quia ex illo furto nullum est domino damnum subsequutum; ergo neque ulla subsequuta restituendi obligatio.

5 Int. Quid censes, si in manu furis perit diuerso modo atque erat peritura in manu domini. Verbi gratia, in manu furis perit incendio, in manu verò domini erat peritura illuione? Resp. Excusandus etiam est à restitutione. Ratio est, quia apud Doctores res eodem modo perire dicitur, & intelligitur, quo reuera interiit, licet diuerso casu. Deobligatur verò ex eo, quod dominus non sit pauperior factus, aut damnificatus, nec fur locupletior. Ita intelligendi Medin. & Conarruias citati à Toletano lib.4. cap.1. num.23.

Ratio

Ratio est certa ex *L. si vehenda. §. 1. ad L. Rhodiam*, ita decernente, ut si nauta expugnante domino posuit merces in posteriori naue, & merces perierint, simul cum naui, teneatur ad restitutionem, secus si perierit vtraque nauis.

6 *Int.* Quid censes de fure, qui furatus est rem, quæ reuera apud dominum erat peritura, nisi raperetur? *Resp.* Teneri ad restitutionem censeo, quia fur factus est ex re aliena locupletior, fuit tamen dominus bene fortunatus, quia eo nescio rem illius ab interitu vindicauit.

7 *Int.* Quid dicendum putas, cum res in manu furis periit tempore alio, quam erat peritura apud dominum, ut post vnam horam? &c. *Resp.* Si in illo spatio fuit fur in culpabili mora non reddendi rem domino, cuius bona fortuna fuit, ut res sua non apud se esset, & periret, tenetur ad illius restitutionem. Ita Toletus *lib. 4. c. 1. n. 26.* Accursius *L. si vehenda. §. 1. in scil. dolo, & culpa.* Ratio est, quia fur fuit solo illo spatio iniustus retentor.

8 *Int.* Res periit apud furem prius, quam peritura erat apud dominum? *Resp.* Furem à restitutione excusat Tolet. supra, adeo ut affirmet esse excusandum, licet malè illam distraxisset. Sed oppositum omnino asserendum, & probatur à simili, nam nemo dixit, nec ipse Toletus homicidam esse excusandum à restitutione ex eo, quod occisus vir, ab aliis esset occidendus.

9 *Int.* Quid dicendum, cum sine noua culpa furis res periit, quæ apud dominum paulo post peritura erat? *Resp.* Ad nullam tenetur fur restitutionem. Ratio est, quia damnum sequutum est ex mora restituendi, sed fur non fuit in culpa restituendi, ergo, &c. Ita doctissimus Peres. Veruntamen non video cur non sit talis fur obligatus ad restitutionem, cum ex culpa furis res fuit collocata in pereundi periculo. Nam nemo negaret esse obligandum, si antequam res periret apud dominum, illam destrueret, sed ita se habuit fur in eo euentu; ergo, &c.

10 *Int.* Distinguitur ne furtem à rapina, in eo, quod fur clam, raptor verò coram domino inuito auferat? *Resp.* Negat Sot. 5. iust. q. 3. art. 2. sed immeritò contra Augustin. relatum *cap. pœnale. 14. q. 15.* D. Thom. 2. 2. q. 66. art. 3. ad 2. & q. 118. art. 8. ad 3. Aristotel. 5. *Ethicor. cap. 2. & 4. L. fur. ff. de furtis. L. sed nouo iure. C. de seruis fug. Alex. memb. 2. p. 1. q. 36.* Abul. q. 62. in cap. 11.

Iudic.

Iudic. Tabiena Furtum. Gabriel. in 4. d. 13. q. 3. art. 2. notab. 3. & 4. Maior ibidem q. 24. Caiet. 2. 2. q. 66. art. 3. Couarr. 2. part. regul. peccat. §. 1. num. 2. qui hanc sententiam omnium esse Theologorum testatur.

11 *Jnt.* Differuntne specificè in genere mortis furtum & rapina? *Resp.* Differunt. Ita D. Th. 2. 2. q. 66. art. 4. & ibi Caiet. Reinel. Sot. citati, Couarr. 2. p. reg. peccatum. §. 1. num. 2. Ratio est, quia usurpatio rei alienæ est iniusta; nam est contra inuoluntarium dominum: dominus verò aliter inuitus est cum eo clam, & aliter cum coram eo res aufertur; ergo similiter alia est usurpatio per furtum, alia per rapinam. Et ideo hæc circumstantia, cum speciem mutet, necessariò est dicenda in confessione, iuxta Concil. Trid. sess. 14. c. 5. & can. 7.

12 *Jnt.* Qui bona fide rem alienam emit, teneturne eam inuento domino reddere, licet pretium latroni solutum dominus nolit reddere? *Resp.* Negauit Argentinas in 4. d. 15. post art. 4. ad 1. & ibi Dionys. Cart. q. 4. Oppositum tamen est omnino asserendum, scilicet emptorem bonæ fidei teneri rem domino restituere, licet dominus nolit pretium solutum reddere, neque latro compareat, à quo illud exigatur.

23 *Int.* Qui bona fide rem alienam emit, potestne illam ad recuperandum pretium, pro ea solutum, latroni reddere, postquam sciuit rem esse alienatam, & dominum rei cognoscit? *Resp.* Potest. Ita Altfiodor. lib. 4. tract. 6. cap. de rest. quæst. 5. ad medium. Alens. p. 4. qu. 86. memb. 3. art. 4. Gab. in 4. d. 15. q. 2. artic. 4. num. 25. Palud. ibidem q. 3. dub. 5. Direct. iuris, quod etiam citant pro hac opinione Gab. & Ioan. Med. D. Anton. 2. p. tit. 2. cap. 1. §. pro quo. Syl. restit. 4. q. 1. & 7. Tolet. lib. 4. cap. 2. num. 18. Instru. 1. p. cap. 95. hanc appellans communem opinionem. Ang. rest. 1. Tabiena, & alij. Nauar. c. 15. num. 8. ad finem §. ad tertium, his conceptis verbis. Iure dubitari potest, an qui emit bona fide rem alienam à non domino, de hoc certior factus, illam reddere venditori possit, & suam pecuniam recuperare? Ad quod respondetur posse, ut respondet Alens. auctor irrefragabilis, quem Gabr. & alij sequuntur. Ita Nau. Probatur deinde ratione. In primis, quia opposita sententia dura videtur. Deinde, quia contra Doctorum nititur sensum, cui adeò mordicus hæsit Caiet. verb. restit. ut asseruerit debere emptorem, & teneri illam rem latroni reddere. Tertiò, quia ille emptor bonæ fidei, nec ratione iustitiæ, nec ratione

ratione charitatis tenetur ad amittendum suum pretium reddendo rem domino, cum possit recuperare, reddendo latroni; ergo, &c. Antecedens ostendo inductione. Non ratione iustitiæ, quia nullo iustitiæ iure tenetur quisquam esse alterius procurator, ut ei rem furto ablatam deferat, aut ostendat ubi sit, nisi ad id ex officio teneatur. Non ratione charitatis, quia charitas nequaquam obligat, ut quis cum graui detrimento suo euitet graue alterius. & multo minus, ut æquale graue damnum alterius anteferat proprio æquali graui damno: imò ad oppositum, si seruandus sit charitatis ordo. Quartò, quia licet ego promiserim rem alienam procurare, ut tuta domino seruetur & reddatur: si postea aduerti me minimè posse talem curam suscipere sine graui meo damno, nullatenus procurare teneor, cum non promiserim, si tale aliquod graue damnum inopinatò suboritur. Id verò euenit emptori bonæ fidei, si non latroni, sed domino rem emptam reddere procuret, subit enim graue damnum pecuniarum amissionis, quas bona fide dedit; ergo non tenetur, nec ex iustitiæ, nec ex charitatis iure. Adstringunt aliqui conclusionem ad solum emptorem scientem, vel saltem probabiliter credentem fore, ut latro restituat rem domino. Nihilominus tamen Nau. c. 17. n. 9. contra Medinam, conclusionem tuetur etiam in eo, qui credit venditorem nunquam restitutum eam domino. Et probat quia emptor plus tenetur sibi prouidere, quàm domino rei *L. 51. præses. Cod. de seru. c. Nen licet. 23. quest. 5.* At verò cum reddit furi, recuperato ab eo pretio, sibi prouidet, faciendo actum iustum; ergo &c. Quòd si ob id ex culpa furis domino damnum contingat, non est ei imputandum; quia reponit rem penes eum, a quo eam accepit, neque ad aliud ex vlla iustitiæ lege obligatur. Quod autem per accidens contingit, non est adeo attendendum *L. si quis ne causam. ff. de rebus creditur.*

14 *Int.* Quid censes de emptore malæ fidei? *resp.* Qui mala fide emit rem alienam à fure, sciens scilicet esse furtiuam, potest ad comparandum suum pretium, illam furi reddere, ac proinde illam domino restituere non tenetur. Explico conclusionem. Emi rem furtiuam sciens, & prudens esse talem, postea pœnitentia ductus, vel etiam metu amittendi, & rem, & pretium coactus, quia dominus iam notus est, conueni furem, & pretium repetij, remque emptam reddidi. Dico igitur
me

me id iustè facere posse, nec ad domino restituendum teneri. Ita Abulens. 4.p. qu. 86. memb. 3. artic. 4. Gabr. in 4. distin. 51. quæst. 2. artic. 4. num. 25. Palud. ibid. quæst. 3. dub. 5. in expl. r. propos. Quamobrem merito iure sapientissimus Peres Societatis I E S V in manu exceptis, quæ apud me sunt, temeritatis damnat Toletum, qui lib. 3. cap. 1. num. 200. oppositam sententiam communem appellat, non sicut, ait, significare videtur Tolet. qui lib. 3. c. 4. n. 200. oppositam sententiam communem appellat, quia oppositam graues tenent Doctores, scilicet Alenf. Gabr. 67. Est præterea hæc sententia Toleti pluribus locis, lib. 5. cap. 33. num. 3. Sed clariùs lib. 5. cap. 17. §. ult. his verbis. Quartam differentiam ponit Nauar. cap. 117. n. 9. Bonæ fidei possessor potest vendenti rem reddere, cum comperit non esse suam, at verò malæ fidei non: sed domino. Sed hæc differentia nulla est. Nam uterque possessor potest reddere venditori, & suum recuperare pretium, si autem hoc non posset, tunc reddere domino tenetur. Et istam sententiam tenet Alexand. de Alex. 4.p. quæst. 86. art. 5. & Syl. verb. rest. 3. §. 7. quamuis aliqui contrarium putent. Vnde potest, qui emit à latrone quacumque fide reddere latroni emptum, si potest, ipsum tamen exhortari debet, ut reddat. Sic ille. Probatur deinde efficacibus rationibus. Prima, quia ex eo teneretur emptor malæ fidei rem reddere domino, & non latroni, quia ex meliori statu eam traducat ad peiorem: sed hoc, si ita esset, non obstaret, ergo, &c. Probo antecedens. Nullo iure, nec iustitiæ, nec charitatis teneor cum graui meo incommodo reducere rem alterius in meliorem statum, quàm erat, quando eam emi, siue conscius, siue nescius illius conditionis: sed quando emi, res erat in latronis manu; ergo satis erit rem iterum in eadem manu reponere, licet ab aliis sit furripienda: cum ob retentionem non fuit in causa, ut à domino ad locum tutum reciperetur; ergo, &c. Probatur efficacius ex eo, quod res non habet meliorem statum in manu emptoris malæ fidei, quam furis, nam saltem habet æqualem, quia uterque fur est: imò peiorem; quod sic ostendo. Nam status rei alienæ sumitur à facilitate; vel difficultate redeundi ad dominum, sed fieri potest, ut emptor malæ fidei sit rapacior, atque ipso fure tenacior, imò frequentius ita erit, ergo difficilius reddetur domino à possessore malæ fidei quàm à fure. Confirmatur deinde, quia actio

actio ipsa furis recipientis rem alienam, non est mala, imò bona ex obiecto, quia recta tēdit & sanctè ad restitutionem; ergo nec ipsa actio reddēdi, facta ab emptore: quia mouetur ab intentione reponendi rem saltem in statu, in quo illam inuenit; ergo vt latro non peccat accipiendo, ita nec emptor reddendo. Præterea, quia ex opposita sententia sequeretur, vt si rem iam accepi, & nondum pretium reddidi, cogar, & pretiū latroni reddere (repetit enim multis minis) & tenear rem domino præbere ex iustitia. Antecedens præterquam quòd durum, falsum apparet. Quoniam a què retineo ante pretij solutionem, atque depositarius malæ fidei non tenetur graui damno suo seruare rem alienam, sed illam ad illud euitandū latroni reddere potest, ergo, &c. Tandem non maior est fur, & malæ fidei possessor inuito domino emptor malæ fidei, quàm fur, qui à fure rem auferret: sed fur, qui furatus est à fure, potest reddere eidem furi, vt docet Saa *ve. b. furum. n. II.* cum Alens. D. Anton. & Angel. quos citat. Imò secundum Nauar. sup. non solum potest, sed debet, cum D. Anton. Sylu. & iure, quod citat, ergo, &c.

15 Int. Quæ quantitas sufficit ad inducendam culpā mortalem? *Resp.* Nihil hac de re certum inuenio apud Doctores, sed nunc, si vnquam, maxime dissident. Vnum assero, semoto alio damno, quantitatem non esse attendendam per respectū ad pauperem, aut diuitem, à quo res auferitur, sed secundum se. Deinde, huiusmodi quantitatem, vel pecuniæ, vel rerum attendendam per respectum ad copiam, & inopiam in loco, vbi fit furtum: nam hic est copia pecuniæ, & ideo illius utilitas, alibi verò è contra. Quod etiam dico de copia, & ipsarum rerum inopia, & ideo pro loci differentia differens erit quantitas notabilis. Credo tamen hac in re standum esse communi Doctorum loci existimationi.

De Venatione. §. 2.

- 1 An sit venatio licita.
- 2 An qui feram ab alio vulneratam occidit, quam adhuc vulnerans sequitur, teneatur eam restituere.
- 3 Cuius est fera, quæ ab alio persecuta incidit in laqueos alienos.
- 4 An possit occidi animalia domestica lōgè à domibus versantia.
- 5 An possint occidi animalia septo inclusa.
- 6 Quis & in quo loco possit prohibere venationem.

7 De venantibus in loco vetito.

8 De columbis.

9 De venantibus in agro alieno.

10 De venantibus feras, quæ per ostiola septi foras exeunt.

11 An possint occidi animalia domestica, quæ iam domum redire deieuerunt.

I INTERROGATIO. Estne licitum venari? Resp. Licet
Ilea animalia, quæ nullius sunt. Pater Instit. de rer. diuis. Ra-
tio est, quia hæc animalia vaga ita hodie se habent, atque ha-
bebant ante rerum diuisionem, & ideo primi sunt occupantis.

2 Int. Infixisti lethale vulnus, & feram insequeris, sed alius
obuiam procedens illam capit, teneturne illam tibi reddere?
Resp. Tenetur: ita Syluest. verb. inuentum. n. 5. Ang. ibid. Secus
dicendum, si quamuis illam ego ipse insequar, non vulnera-
uerim lethaliter, aut quamquam vulnerauerim, destiti ab in-
secutione. Ita iidem Auctores.

3 Int. Dum tu insequeris feram, incidit in alienos laqueos,
cuius erit? Resp. Amborum pars dimidia, inquam, mea, pars
altera laqueorum domini. Instit. de rer. diuis. §. quaesitum.

4 Int. Animalia suapte natura domestica, si longè à domi-
bus versentur, possuntne ab inuentoribus occidi? Resp. Mini-
mè, sed semper sunt dominorum. Instit. de rer. diuis. §. gallin.
Sot. 4. tit. 9. §. 6. art. 9. Syl. verbo inuentum. n. 7. Ang. ibid. n. 1. Neque
obstabit, si à luporum periculo ea animalia quis extraxerit.
Ita decernitur l. 5. Ordin. tit. 62. §. 3. l. Pomponius. ff. de rer. dom.

5 Int. Quæ animalia fera ab aliquo capta, & in septo in-
clusa continentur, possuntne licite occidi, aut eorum partus?
Resp. Minimè, sed sunt eius, qui ea inclusa habet. Ita colligi-
tur ex l. 3. §. item feras. ff. de acquir. possess. & Institut. de rer. di-
uis. §. fera. & §. item.

6 Int. Quis & in quo loco potest prohibere venationem?
Resp. In primis ex iure communi, vnusquisque in suo fundo,
l. 3. de acquir. rer. dom. & Instit. de rer. diuis. §. fera. §. apu. Verum
ex consuetudine hoc ius abrogatum est, ac proinde quisque
in alieno agro venari potest. Imò iure Lusitano id singulis
dominis prohibetur impedire l. 5. Ordin. tit. 91.

7 Int. Ad quid tenetur, qui venatur in locis vetitis? Resp.
Dico primum. Ad poenam: veruntamen non nisi post latam sen-
tentiam. Ita omnes Doctores, vt in materia de legibus respon-
debo. Dico secundò. Si venatur in locis publicis prohibitis
cuius

cuius eorundem locorum, ad nullā tenetur restitutionem. Ita cum Sot. Instruct. 1. part. c. 148. Dico *tertiò*. Qui venatur in locis prohibitis particularium dominorum, non muro cinctis, sed patentibus, ad nullam tenetur restitutionem. Ratio est, quia dominus loci, non est dominus ferarum vagantium.

8 *Int.* Quid censes de columbis? *Resp.* Columbae, quæ columbarium incolunt, quatenus in eo sunt, domini sunt, & ideo qui eas occidit, non absoluitur à restitutione. Ita L. 3. §. *item feras. ff. de acquiren. poss.* Si verò extra sunt, & intra certum spatium à columbario, adhuc domini sunt, & qui eas occidit tenetur ad restitutionem. Ita decernunt leges cuiusque regni: sed illæ pro spatij longitudine consulendæ sunt.

9 *Int.* Admonui venatorem, ne intra meos agros venetur, ille tamen venatus est, cuius est fera capta? *Resp.* In Castellæ regno est agrorum domini. Ita L. 16. p. 3. tit. 28.

10 *Int.* Habeo intra septum feras, verum tamen relicta sunt ostiola per quæ foras exeant, & intrò redeant ad pascua, ad quid tenetur, qui eas foris inuentas occidit? *Resp.* Ad nullam tenetur restitutionem, licet inde eas aliquo illicito extrahat voluntarias. Ita Cord. & Cou. quos refert, & sequitur Instr. 1. par. c. 4. n. 148. decerniturque L. 3. ff. de acquir. poss.

11 *Int.* Quid censes de examinibus apum ab aluearibus abeuntibus? *Resp.* Sunt capientis. Ita cum Nauar. Instruct. loco proximè citato.

12 *Int.* Quid de animalibus & domesticis aubus existimas, quæ statis horis redire domum solitæ erant, postquam huiusmodi redeundi consuetudinem amiserunt, poteritne quisquam eas capere? *Resp.* Poterit: ita decernitur §. *pauonum. de lapum. Instit. de rerum diuis.* & L. *Naturalem. 1. & 2. ff. de acquiren. rer. dom.*

De Cæsiōe lignorum. §. 3.

1 *Quid restituere tenetur cæsor lignorum.*

1 **I**NTERROGATIO. Ad quam restitutionē tenetur lignorum cæsor? *Resp.* Quando, qui in sylua cædua loci cædit, cuius est, & incola eiusdem loci, ad nullam obligatur restitutionem, sed tantum ad pœnam post laram sententiam. Ita Sot. 4. iust. q. 6. art. 4. Cord. 7. 17. Lopes 1. p. c. 149. Quod intelligo, nisi magnam stragem fecerit. Ita iidem citati Do-

doctores, & Angles in Florib. *de restit.* Ratio est, quia ita tacita consuetudine negantur, & conceduntur incolis huiusmodi ligna. Item finitimi incolæ locorum qui in cædis sylvis illorum inuicem sibi cædunt, ad nullam tenentur restitutionem. Ita citati Doctores. Quoniam via recompensationis sibi mutuò condonant ablata.

CAPUT XIX.

De octauo Decalogi præcepto.

Non falsum testimonium dices.

§. Quoniam in hoc octauo præcepto prohibetur iniustitia, quæ proximo fit in verbis. Hæc autem iniustitia fieri possit in iudicio & extra illud: de vtraque iniustitia te rogabo. Atque in primis de ea, quæ fit in iudicio, cuius materiam appellant Doctores correctionem Iudiciariam.

De virtute iudiciariæ correctionis. §. 1.

1 *Qui disputant de hac materia.*

2 *Cuius virtutis actus est iudicialis correctio.*

3 *Quo pacto facienda est iudicialis correctio.*

1 **I** N T E R R O G A T I O. Qui disputant de hac materia?

Resp. Alenf. 3. p. q. 40. vsque ad 45. Gabriel. *lect.* 75. in can. D. Anton. 3. p. tit. 9. Sot. 9. iust. q. 4. & de reg. secr. n. 2. q. 5. D. Thom. Interpretes 2. 2. q. 67. Victor. de pot. ciu. Nauar. cap. inter verba, & c. Nouit. de iudic. Cou. de pract. quest. Molin. tom. 1. iust. Castro de leg. pæn.

2 *Int.* Cuius virtutis actus est iudicialis correctio? *Resp.* Vt respondeam, præmitto duos esse actus huius correctionis, vel enim componit pacem inter dissidentes partes: vel punit delicta commissæ in Repub. Dico igitur cum exercet priorem actum, est actus iustitiæ commutatiuæ. Ita D. Thom. 2. 2. q. 33. art. 1. cum exercet secundum actum, est actus iustitiæ punitiuæ. Ita D. Thom. 2. 2. q. 108. Notat Mol. tom. 1. iust. disp. 12.

3 *Int.* Quæ debent concurrere ad rectam regulam huius correctionis? *Resp.* Octo. nimirum, potestas iudicis, forma iudicii à legibus præscripta, denunciatio iudiciaria, accusator, inquisitio, testes, reus, aduocatus, & tabellio. De singulis me igitur interroga, atque in primis de iudicibus.

De

De iudicibus. §. 2.

- 1 Quotuplex est potestas iudiciaria.
- 2 Quid est potestas publica.
- 3 Ad quam pœnam extenditur potestas politica.
- 4 Penes quem est potestas politica.
- 5 Vtrum potestas Regum possit ab eis auferri.
- 6 Quid est potestas Ecclesiastica.
- 7 Penes quem est potestas Ecclesiastica.
- 8 De exemptis à potestate Ecclesiastica.
- 9 An Papa possit supra se creare iudicem.
- 10 Quam potestatem habeat supra Papam iudex ab eo supra se creatus.
- 11 De exemptis à potestate politica.
- 12 An tales exempti subiaceant pœnis legum.
- 13 De peccatis frequentioribus iudicium.
- 14 An possit iudex sequi scientiam priuatam, & spreto iuris ordine iudicare.
- 15 An teneatur iudex damnare nocentem iuxta probationes, allegatas & probatas, quem scit certò esse innocentem de facto.
- 16 An possit reum talem damnare.
- 17 De ordine seruando in iudiciis.

1 **I** N T E R R O G A T I O. Quotuplex est potestas iudiciaria? *Resp.* Duplex, Politica scilicet & Ecclesiastica. Ita Gelas. *dist.* 96. Duo sunt, inquit, quibus hic mundus regitur; auctoritas sacra Pontificum, & regalis potestas. Alexand. III. *c. Si duobus.* Extrauagant. de appel. Bernar. *lib.* 1. ad Eugen. explicans illum locum; Ecce duo gladij hic. Victor. *de potest. Eccles.*

2 *Int.* Quid est potestas Politica? *Resp.* Est potestas à Deo immediatè data mortalium communitati, ad se appositè gubernandum, & congruenter fini naturali, qui quidem finis naturalis est benè, beatèque viuere secundùm naturalem rationem. Ita Nauar. *cap. Nonit.* de iudiciis. Probatur ex Paulo Rom. 13. *Qui potestati resistit, Dei ordinationi resistit.*

3 *Int.* Ad quam Punctionem extenditur huiusmodi potestas? *Resp.* Vsq̃ue ad hominum sceleratorum internecionem. Constat hoc ex pœnis legum.

4 *Int.* In quo residet huiusmodi potestas politica iudicia-

ria? *Resp.* In eo, vel iis, cui, vel quibus eam communitas demandauit, iuxta varios se gubernandi modos. Itaque vel est in Rege, vel in Magistratibus. Ita Driedo *lib. de libert. Eccles. cap. 15.* Castro *lib. 1. de leg. pæn. cap. 1.* Molin. *tom. 1. iust. disput. 26.* quamquam oppositum sentiant Victor. *de potest. ciuil. num. 8.* Couar. *præf. quæst. cap. 1. num. 6.*

5 *Int.* Potestne communitas hanc potestatem semel regibus concessam iterum auferre? *Resp.* Minimè. Ita Cou. *lib. 1. præf. q. 7. n. 6.* nisi in grauissimam Tyrānidem Rex inciderit, vel iurata priuilegia non seruauerit. Tunc enim non seruatur conditio, sub qua fuit à populo facta potestatis libera donatio: conditione verò non seruata, donatio minimè tenet, iuxta Sylu. *doat. 4. nu. 7.*

6 *Int.* Quid est potestas Ecclesiastica? *Resp.* Est potestas à Christo Domino immediatè Ecclesiæ concessa ad gubernandos fideles secundum legem Euangelicam, in ordine ad finem supernaturalem, etiam circa naturalia, quatenus ad finem supernaturalem inseruiunt. Ita Victor. *de potest. Eccles. q. 3. n. 6.* Molin. *tom. 1. iust. disput. 21.*

7 *Int.* In quo residet huiusmodi potestas Ecclesiastica? *Resp.* Residet hæc potestas immediatè in summo capite, quod est Papa, & illi immediatè à Christo fuit concessa, cum concessa fuit Petro. *Matth. 16. & Ioan. 21.* quæ quidem per metaphoram nomine clauium, & regiminis, ibi intelligitur, vt intelligitur, cum Regi dantur clauēs regni, aut domino clauēs vrbs. Ab eo verò descendit ad alios inferiores Ecclesiæ Prælatos. Ita communiter Doctores in 4. d. 18. & 24. Bonauent. Alb. Mag. Duran. Gab. in *can. lect. 3.* Her. *lib. de potest. Papa.* Sot. in 4. d. 20. q. 1. art. 2. & alij, quos refert Bellarm. *de Rom. Pont. cap. 22. & 23.*

8 *Int.* Dixisti de potestate politica, & Ecclesiastica, quærò vterius, estne aliquis exemptus à potestate Ecclesiastica? *Resp.* Plures. In primis Papa iure diuino, vtpotè vice-Christus in terris. Deinde alij iure Ecclesiastico per priuilegia iis ab Ecclesiæ concessa, quæ quidem quoad vires, & earum intentionem consulenda sunt.

9 *Int.* Potestne Papa supra se alteri concedere potestatem Ecclesiasticam iudiciariam? *Resp.* Potest, cum tamen non possit supra se alteri maiorem committere potestatem, quam ipse supra se habeat. *cap. Nuper. de dote post diuortium restituenda.*

tuenda. Et claret, quia nemo potest dare potestatem, quod excommunicetur, suspendatur, deponatur, quia ipse non potest seipsum excommunicare, suspendere, deponere.

10 *Int.* Quam vim habet supra Papam iudex ab eodem Papa supra se constitutus? *Resp.* Omnem directivam, nullam tamen coactivam, hoc est, potest illum obligare sub mortali in conscientia ad standum sententiæ, non tamen potest eum cogere. Ratio est manifesta, quia huiusmodi iudex eandem potestatem supra Papam habet, qua ipse supra se pollet: ipse verò tenetur ad implenda iustitiæ iura vi directiva, non tamen coactiva.

11 *Jar.* Dixisti plures esse exemptos Ecclesiastico iure à potestate politica, quaro modo, virum exempti sint quoad omnia, an quoad aliqua? *Resp.* Tenentur in conscientia Ecclesiasticæ personæ exemptæ à laica potestate, servare Principum leges, quæ aliquid circa civitatis gubernationem in qua vivunt, generaliter decernunt, dummodò non sint contra Ecclesiasticam libertatem, nec canonicis legibus, aut Ecclesiasticis sanctionibus aliqua ex parte aduersentur. Ita Viet. *in relect.* 1. de Ecclesiast. potest. q. ult. m. 4. Sot. 1. iust. 2. 6. a. t. 9. Felinus cap. Ecclesia de constitut. Abbas ibid. Covar. 2. par. Epitomes. c. 6. 2. m. 2. Ratio est, quia tales personæ sunt ciues, & Reipub. partes; ergo debent succurrere suo toti, & conformari suis civibus, & paribus: unde manifestum est teneri iure naturali ad huiusmodi confirmationem. Accedit secunda ratio, quia leges civiles iustæ, vt tales, sicut iam diximus, approbatæ sunt ab ipsa Ecclesia, circa omnium civium gubernationem civilem, vt adnotavit Fortunius tractat. de ult. fin. iur. v. illatione prima, nu. 158. constatque ex cap. 1. de nou. oper. nunciatione, & ex cap. Super specula, de privileg. vbi Papa dicit, Sanctam Ecclesiam secularium legum non respicere famulatum.

12 *Int.* Subiacentne exemptæ personæ à potestate politica poenis legum secularium appositis transgredientibus? *Resp.* Minime. Ita Doctores communiter, quos late refert Covar. cap. 31. pract. quæst. Ioan. And. Albertin. Felin. & alij ad cap. Clerici, de iudic. habeturque cap. Non minus, de immunit. Eccles. cap. Quamquam, de cons. lib. 6. & tota causâ 11. q. 1. Imò iudices seculares tales poenas decernentes ipso facto excommunicantur in Bulla Cœnæ.

13 *Int.* In quo peccant frequentius iudices? *Resp.* In primis

cum suscipiunt officium iudicandi, scientes se carere prudentia ad rectè iudicandum causas sibi commissas. Ita Sylu. *ind. 1. n. 9.* Nau. *cap. 25. n. 22.* & præterea tenentur ad damnum resarciendum ex iniqua sententia ortum, vt manifestum est. Peccat præterea iudex, qui difficilem aditum partibus præbet, ne à colloquio familiarium, amicorum, collusorum separetur, tenenturque ad damni restitutionem ex litium dilatione prouenientis. Inde infert Nau. *cap. 25. n. 15.* peccare grauiter iudicem, qui miseras personas, & peregrinos aliis, ceteris paribus, non præfert. Peccant tertio iudices mortaliter, & ad restitutionem damnorum tenentur, si personam, non sibi subditam, vel de causa ad suum forum non pertinente, iudicant. Itemque qui habentes tantum iurisdictionem in certum genus, vel personarum, vel causarum, eam extendunt ad alias, quamquam à parte rei sententia non sit iniqua, vt aduertit Nau. *cap. 25. num. 13.* & in rub. *cap. Nouit. de iudiciis. num. 68.* Hinc inferuntur sequentium euentuum resolutiones. In primis iudices laici, qui personas Ecclesiasticas priuilegio fori gaudentes ad sua tribunalia trahunt, aut in criminalibus contra eos procedunt, incurrunt insuper excommunicationem Bullæ Coenæ. §. 1. & 19. latæ per Clementem VIII. Peccant deinde iidem, qui clericum in sacris puniunt, aut non statim iudici Ecclesiastico restitunt. Incurrunt insuper excommunicationem canonis: *Si quis suadente 17. quæst. 4. iuncto cap. Si iudex, de sentent. excomm. in 6.* Idemque dicendum de quouis iustitiæ laicæ ministro, qui clericum deducit victum ad laicum iudicem. Peccat lethaliter laicus, qui iubet vexare iudices Ecclesiasticos, vel in persona, vel in bonis, quod eius mandatis non paruerint: aut contra ipsum censuras declarauerint. Et insuper excommunicatus manet excommunicatione Papæ reservata, si in sententia per duos menses manserit. *cap. Quicumque de sentent. excomm. in 6.* Item iudex, qui prohibet subditis ne vendant, vel emant ab Ecclesiasticis, estque ipso facto excommunicatus, *cap. Eos de immunit. Ecclesiast. lib. 6.* Insuper iudex politicus, qui extrahit, vel iubet per vim abduci è loco sacro delinquentes, qui ad illum confugerunt. Qui verò locus sacer ad hunc effectum dicendus est, tractat Nauar. *cap. 25. num. 7.* Syl. *immunitas. 3.* Couar. *lib. 2. resol. c. 20.* Estque quælibet Ecclesia, aut sacellum auctoritate Episcopi ad diuina celebranda dica

dicatum. Itemque illius cœmeterium, ianua, & porticus templi. In quibus autem casibus delinquentes gaudeant immunitate loci sacri, disertè traditur *lib. 2. Ordinat. Lusit. titul. 4.* Cum autem hæc immunitas introducta sit iure positiuo, standum est regni consuetudini, ubi vitam degis. Quod diximus de laicis iudicibus comparatione personarum, causarumve Ecclesiasticarum, similiter dicendum erit de iudicibus Ecclesiasticis, si procedant contra laicos in causis purè laicis. Peccant præterea iudices, quando contra reum procedunt ex indiciis leuibus, aut si quis absque infamia, vel suspitione legitima de aliquo specialiter inquirat, vel illum iubeat coniici in carcerem ex leui culpa, vel propter odium; vel propter iram subitam, vel ut placeat aliis: sicuti Herodes, qui comprehendit Petrum, ut placeret Iudæis. *Actor. 12.* teneturque ad iniuriæ, famæ, & damnorum restitutionem, ut rectè adnotauit Nauarr. in *rub. cap. Nouit. de iudiciis. num. 51.* Deinde, qui precibus, amore, vel pretio non comprehendunt publicos delinquentes, aut comprehensos abire sinunt.

14. fnt. Potestne iudex omiſſa probatione iuridica iudicare secundum scientiam veram propriam? *Reſp.* Dicam, quid sentiam per conclusiones. Sit igitur *prima conclus.* Iudex inferior neminem potest damnare, nisi iuridicè conuictum secundum allegata, & probata. Ita *Sot. 5. de iust. q. 4. art. 2. Conar. 1. resolur. cap. 1. num. 7. Iul. Clarus lib. 1. de præſt. criminali. quæſt. 8. cap. Si tantum. 6. quæſt. 2. cap. Si sacerdos. de off. ord. & omnes communiter.*

Secunda conclus. Iudex inferior in ferenda sententia omnes iuris solemnitates ſeruare tenetur. *cap. Judicantem. 3. q. 5. & c. 1. Semper. 2. q. 1. l. illicitas. ff. de officio præſidis. §. veritas.* Solemnitates verò de iure naturali sunt. 1. Probatio delicti per testes ſufficientes *cap. Nullum 30. q. 5. cap. Deus. 2. q. 1. 2.* Locus conſeſſus parti ad ſui deſenſionem, illiusque audientia, vel per ſe, vel per alium. *Clement. Paſtoralis de re iudic. §. verum. 3.* Citatio partis. Solemnitates ex iure poſitiuo ſunt. 1. præfixus terminus ad probandum, & reſpondendum. 2. ſcriptura, & instrumentum publicum. 3. oblatio libelli. 4. conteſtatio litis. 5. Iurantis partis calumnia. 6. Prolatio ſententiæ. 7. Seſſio iudicis in tribunali dum ſententiam fert.

Tertia conclus. Supremus iudex, neque per ſe, nec per

aliud punire capite, vel alia poena graui, reum ex sola scientia priuata regulariter loquendo potest. Ita Caiet. *verb. homicidium. Cord. lib. 1. q. 37. Sot. 5. iust. q. 1. art. 3. ad primum, D. Ant. 3. p. tit. 9. cap. 15. Nauar. 1. 25. n. 9. Couar. de pract. qq. c. 1. Arag. 2. 2. p. 627. & alij communiter. Neque item potest inauditum, & indefensum reum tali poena damnare, nisi notorietate facti, & personæ notorium sit, quod nulla potest tergiversatione celari, vt aduertunt citati Doctores, nisi etiam reus ita potens sit, vt audiri non possit, & defendi, sine periculo damni Reipub. vel Regis, quemadmodum adnotant cit. Doctores.*

Quarta conclus. Supremus iudex, qui scit crimen imminens in futurum perniciosum Regi, vel Reip. potest reum ex hac sola priuata scientia indefensum, & inauditum punire. Ita Nauar. Caietan. Aragon locis citatis. Ratio est, quia Rex, & Respub. in eo euentu habent ius se defendendi ab iniusto inuasore, & ideo potest talem reum veneno, vel suffocatione à medio tollere. Hæc est certior, & communior sententia, quamuis opposita suos habeat defensores.

15 *Int.* Potestne iudex damnare nocentem de iure, hoc est, illum, qui iuxta allegata & probata ostenditur nocens, quem tamen priuata scientia scit esse innocentem de facto? *Resp.* Dupliciter probari potest quis nocens in criminalibus, vel in ciuilibus. Dico igitur *primum.* Summus iudex, hoc est, princeps, potest in criminalibus obfoluere innocentem de facto, quem allegata, & probata nocentem de iure ostendunt: imò tenetur. Ita tradunt Ordin. Lusitanæ 1. 3. tit. 66. Sot. 5. iust. q. 4. art. 2. Cord. lib. 1. quæst. 37. Alens. 3. p. quæst. 34. memb. 6. art. 2. Couar. cap. 1. pract. quæst. Caietan. 2. 2. q. 76. Ratio est, quia supremus iudex potest in eo euentu liberare innocentem; ergo tenetur, quia defensio innocentis est in præcepto, quando fieri potest absque proprio damno. Deinde, quia supremus iudex in eo euentu tenetur iurare pro innocente, hoc autem iuramentum præferendum est omnibus testimoniis. Dico *secundò.* Supremus iudex in criminalibus causis priuata scientia vti non potest, sed secundum allegata, & probata iudicare tenetur. Ratio est, quia qui secundum allegata, & probata bonæ fidei possessor est, grauem tunc iniuriam pateretur.

Quinta conclus. Iudex principe inferior, sub mortali tenetur vti omnibus remediis ad liberandum reum legitime conui-

ctum.

Etum, quem scientia priuata certò cognoscit esse innocentem. Ita D. Th. 2. 2. q. 67. cum suis. Alens. citato *art. 2. Cord. dicta q. Tolet. lib. 2. de resit. c. 5. n. 164. Sot. 5. inst. q. 4. art. 2. Adeò vt quando nullum occurrit iuris remedium, teneatur causam remittere ad superiorem, protestando, & iurando sibi illius hominis innocentiam esse euidenter notam.*

16 *Int.* Demus quod nullum sit iuris remedium, quo inferior iudex vti possit, neque item illum remittere ad superiorem iudicem propter partis instantiam: potestne tunc secundum allegata, & probata illum damnare? *Resp.* Negat simpliciter Panorm. *cap. Pastoralis. de offi. delegari. Angel. iudicare. n. 6. Lyra. Exod. 23. Arborens. lib. 9. cap. 20. Cou. c. 1. quest. pract. Cord. lib. 1. q. 37. Rosella verb. Iudex. Adrian. quodlib. 2. q. 1. ad 5. & quodlibet. 6. a. 1. 3. Tolet. lib. 2. res. cap. 3. n. 161. Hostiens. Innoc. Felinus in cap. Pastoralis, aiuntque iudicem teneri cedere officio, ne innocentem damnet, cum aliter illum liberare nequeat; sit tamen*

Sexta concl. Iudex supremo inferior, cum non potest vti aliquo iuris remedio ad innocentem liberandum: neque illum ad superiorem remittere potest, secundum allegata, & probata illum iudicare, & damnare, nec officio cedere tenetur. Ita D. Thom. hac *qu. 67. & q. 64. art. 2. Alens. 3. p. q. 34. n. 1. art. 4. & q. 4. memb. 6. artic. 2. Richard. in 4. d. 18. art. 2. quest. 2. Guandar. quodlib. 3. q. 25. Maior in 3. dist. 33. q. 4. Sot. lib. 5. inst. qu. 4. art. 2. Abulens. cap. 23. Exod. q. 6. Aragon 2. 2. q. 67. Cord. q. citata ex vtriusque iuris consultis. Bart. ad L. *illicitas. ff. de offic. præsid. Cardin. & Gloss. in cap. 1. de offic. Ordin. Turrec. cap. Iudice. 347. & alij, quos citat Cou. cap. 1. quest. pract. Arm. verb. iudex. num. 26. Nau. lib. 1. consilior. 1. de offic. iudicis. D. Anton. 3. p. tit. 9. cap. 2. Sylu. iudex. q. 5. Confirmatur ex D. Ambros. vt refertur in dicto *cap. Iudice*, & à D. Thoma tribuitur Augustino dicenti: bonus iudex sicut audit, ita iudicat, & D. Greg. *cap. Summopere. 11. q. 3. Causis, inquit, diligenter ventilatis, tunc secundum quod ibi constitutum est, definitiua proferatur sententia. Similiter probatur ex L. illicitas, vbi iubetur præses id sequi, quod conuenit eum sequi, ex fide eorum, quæ probentur, & dicto cap. Pastoralis, vbi ordinarius requisitus à Delegato, tenetur exequi eius sententiam, etiamsi priuatim cognoscatur esse iniquam, eadem autem ratione de executore, sententia latore. Itaque talis innocens de facto damnatur, vt nocēs***

de

de iure, & vt talis secundum allegata, & probata denuncia-
tur, pro culpa iuridicè probata.

17 *Int.* Quem ordinem tenetur iudex seruare in condem-
natione rei? *Resp.* Iudex non potest condemnare reum, siue
in ciuilibus, siue in criminalibus sine accusatore, seu vero,
seu iuris ficto. Ita D.Thom. 2.2. q.62. artic.2. cum communi:
patet in cap. si legirimus. cap. Superbis de accusat. cap. si quis
potestatem 23. quæst. 4. L. illicitas. ff. de officio præsidis. L. re-
scripto. ff. de muneribus & honorib. Septem verò numerantur in
iure, quæ vim habent accusatoris. *Primum*, notorietas crimi-
nis, & criminosis, cap. Euidencia de accusat. cap. Manifest. 2.
qu. 1. & ideo delinquentes in flagranti delicto comprehensi
in viis publicis possunt statim puniri, vt adnotarunt Caiet. in
sum. verb. homicidium. Arag. 2.2. qu.67. art.2. Iul. Clar. lib.5.
c.8. & habetur cap. Bona de electionib. *Secundum*, publicitas cri-
minis patrati coram iudice: nam omne crimen patratum co-
ram iudice sedente pro tribunali dicitur notorium, iuxta
Bart. L. Librarius. ff. de reg. iur. & ab eodem mulctari potest, vt
notat Directorium iudic. part. 2. cap. 9. *Tertium* est infamia,
quæ quidem non sufficit ad condemnandum, sed ad solùm
inquirendum. cap. Qualiter. cap. Quando de accusation. in 6.
Quartum, indicia, saltem iudicialiter probata, vt ostendit
Nauar. in rub. de iud. n.65. & 96. *Quintum* est notorietas iuris:
hæc verò habetur per iuridicam confessionem rei, propter
quam reus legitimè conuictus potest de crimine condemna-
ri, de quo non erat infamatus, quòdque incidenter confessus
est in iudicio, vt probat Nau. proximè, colligiturque ex eo
cap. Quod evitandi, de condition. ob turpem causam. *Sextum*, cla-
morosa insinuatio, de qua infra. *Septimum*, criminis in publi-
cam vergentis perniciem denunciatio, aut publica rebellio
denunciati etiam fraternè. Ita Sot. de reg. secret. memb.2. qu. 6.
dub. 1. & 5. de iust. quæst. 4. art.3. Caietan. & Aragon. 2.2. qu.67.
art.2. Nauar. in rubr. de iudic. num.82.

18 *Int.* Potestne iudex poenam legum relaxare? *Resp.* Di-
co primò. Quando pars læsa ab accusatione non desistit, nul-
lus iudicum potest poenam legis relaxare. Ratio est, quia in
ea relaxatione esset iniurius parti accusanti. Ita D.Thom. 2.2.
q.67. ar.4. Dico secundò. Ex rationabili causa potest supremus
iudex, id est, princeps poenam à legibus taxatam, etiam par-
te non desistente, relaxare, & omninò dimittere. Ita Sot. &

Aragon

Aragon citati, Castro lib.2. de leg. pæn. cap.12. Couarr. lib.2. resolut.cap.9.num.6. & omnes Iurisconsulti. cap. Quia periculosum de sentent.excommun. in 6. & L. quid ergo. §. pœna grauior. ff. de his, qui not. inf. Ratio est, quia tunc bonum commune præfertur particulari. Dixi, ex rationabili causa, quia sine ea non potest, vt affirmat D.Thom.2.2. quæst.67. art.4. & ratio est manifesta, quia, vt iustitiæ custos debet æqualitatem seruare inter partes, & vt conseruator Reipubl. tenetur malefacta punire, ne, impunitate obtenta, crimina committantur. Dixi, etiam parte non desistente, quia si pars desistat, vel procedit sine instantia partis minori rationabili causa obtenta, potest pœnam minuere, vel commutare. Ratio est, quia ipse princeps est super ipsas leges, &c. Dico tertio. Iudex inferior, etiam de consensu partis læsæ, nequit totam pœnam legibus taxatam remittere, imò neque arbitrariam. Est Auctorum, quos supra retuli. Ratio est, quia talis iudex non habet potestatem supra ipsum ius. cap. 1. de constit. & l.1. ff. ad Turpilianum. Faceret verò iniuriam iuri, si impunita crimina relinqueret. Dico quarto. Iudex inferior supremo, siue ex officio procedat, siue ad instantiam partis, potest pœnam legibus communiter taxatam, iuxta delicti circumstantias, ac personarum minuere, & immutare. Ita Castro lib.2. de leg. pæn. cap.13. Couarr. lib.2. resolut. cap.9. n.8. Itaque pro eodem crimine aliter puniendus puer, aliter senex l. Auxilium. §. in delictis. ff. de minorib. aliter seruus, aliter ciuis de Republ. bene meritus, & ita in paupere minui potest pœna pecuniaria, augeri autem corporalis: in diuite nobili augeri pœna pecuniaria, & minui corporalis, vt notat Couarr. dicto cap.9.num.4. iuxta l. primam. ff. de pœnis. l. Aut facta. §. persona. ff. eodem. & l. Nullus. Cod. ad l. Juliam, & l. tertiam. ff. de legib. Item colligit similiter Castro lib.1. de leg. pæn. cap.6. posse augeri criminis pœnam, cuius est in Republ. magna dissolutio, vt penitus extirpetur tale crimen.

De Denunciationibus. §. 3.

- 1 Quis tenetur denunciare.
- 2 Quo pacto detegendum crimen, quod iubetur sub excommunicatione detegi.
- 3 An propter tale præceptum detegenda sint peccata emendata.

4 *Virum in tali euentu detegendum sit furtum uxoris, aut filiorum.*

5 *An quis teneatur se prodere.*

I INTERROGATIO. Quis tenetur denunciare? *Resp.*
 Dico primum. Peccata, quæ sub secreto aliquis sciuit, quamuis alia via fiant notoria, famosa, & manifesta, non potest in iudicio denunciare, nisi in perniciem publicam vergat, vel tertij innocentis. Ita *Sot. de teg. secret. memb. 2. q. 2. Nauatr. e. inter verba, & omnes communiter.* Ratio est manifesta, quia in hoc proximi fama læditur, quæ quidem seruanda est, nisi deroget bono communi, aut innocentis. Triplex verò est secretum. Primum confessionis, & hoc secretum est secretissimum, & sacratissimum, adeo vt nulla ex causa, licet orbis terrarum inuerteretur, reuelari fas sit. Secundum secretum est rerum, quas quis solus, aut cum paucissimis vidit, vel audiuit, aut quas alter illi temerè aperuit. Tenetur verò quiuis iure naturali occultare huiusmodi secreta, vt copiosè probant *Scot. in 4. d. 21. q. 2. §. teneo igitur. Sot. de teg. secret. memb. 2. q. 2. conclus. 1. Nauarr. cap. Sacerdos, de pœnit. d. 6. num. 2. & 3.* Ratio est, quia id postulat conuictus, & societas humana, alioqui esset intolerabilis. Hinc colliges teneri ad seruandum secretum medicos, chirurgos, obstetrices, aduocatos, & similes personas, quas quis consuluit pro remedio adhibendo: amicos item, quibus detecta sunt malefacta ad capiendum solatium, quanquam non promiserint secretum se seruatu-
 ros, quia id ex natura rei ab eis exigitur. Multo magis tenentur ad seruandum secretum illi, qui per vim, aut fraudem secretum extorserunt, quales sæpenumero sunt iudices, aut iustitiæ ministri, qui obtenta, & promissa impunitate à reis multa discunt. Tenentur ad hoc secretum, qui ex sacrilega reuelatione confessarij peccata alterius cognouerunt. Ratio est, quia res transit cum suo onere. *cap. ex literis, de pignoribus. l. 2. & 3. Cod. quibus causis.* sed illa peccata secum habent sigillum sacramentale: ergo, &c. Ita *Scot. sup. Ledesm. 2. 4. art. 3. dub. 1. Gomez lib. 3. resolut. cap. 13. n. 9. Sot. Nauar. sup.* Ex dictis inferes eos, qui aperiunt alienas literas, teneri ad seruanda earum secreta, quia sunt secreta extorta.

2 *Int.* Quomodo se gerere quis debet in criminum denunciatione, quorū reuelatio iubetur sub excommunicatione, vel iuramento? *Resp.* Dico primum. Quæ crimina ante edictum, vel iuramentum

iuramentum non possumus denunciare ob secretum, eadem etiam accedente edicto, vel iuramento non possumus in iudicio detegere. Ita Syl. Arm. alij Summistæ, *verb. denunciatio*, Sor. & Nau. sup. Ratio est, quia observatio secreti est de iure naturali, huic autem iuri, nec edictum, nec iuramentum derogant. Hinc colliges, neminē posse denunciare visitatoribus crimina emendata, quia tale edictum solum proponitur ad eorum emendationem; ergo frustra deteguntur peccata iam emendata, & infamatur proximus, ut singulatim adnotat Nauar. cap. Sacerdos citato. n. 120. Dico secundum. Edicta Ecclesiastica sub excommunicatione præcipientia, ut restituantur ablata, & fures denunciuntur, intelligenda sunt de his, quæ iniuste retinentur, quamvis enim quis peccauerit in iniusto modo auferendi, poterit tamen iuste ablata retinere, in recompensationem, vel ob aliam causam. Et ideo, qui sciunt, vel ex visu, vel ex auditu huiusmodi rem, eam denunciare non tenentur. Ita Aragon *verb. furtum*. n. 42. Arm. ibid. num. 15. Nau. sup. Ratio est, quia edicta Ecclesiastica non cadunt supra præteritum peccatum, sed præsens. Quod si recompensatio fuit maior debito, solum tenentur restituere excessum, & excessum tenentur alij denunciare, & ideo, quia debitor impotens est ad restituendum, nec incidit in excommunicationem, nec alij illum tenentur denunciare, dummodò det sufficientem cautionem, ad illam enim dandam tenetur. Dico tertium. Impedimentum secretum matrimonij, cuius denuntiatio redundat in infamiam contrahentium, tenetur quisque denunciare. Ita Nau. c. Sacerdos. n. 27. de pæn. Quia nemo illis facit iniuriam, cum nolunt moniti desistere à tali matrimonio. Idem dicendum de petente religionem, vel beneficium: tenetur tamen tegere, cum detectio cedit in infamiam tertij innocentis, ita omnes communiter. Casus est. Cognovit Titius sororem Berthæ, postea vult nubere Berthæ, admonitus non vult desistere, non possumus cum infamia sororis Berthæ tale detegere impedimentum.

3 *Int.* Teneturne propter edictum Ecclesiasticum sub excommunicatione præcipientis denunciare quavis peccata, detegere peccata emendata? *Resp.* Minimè. Ita Sor. 5. iust. q. 5. ar. 1. Nau. c. 15. n. 46. Instr. 2. p. c. 10. q. 5. Tolet. lib. 2. c. 4. n. 217. Cord. in sum. q. 24. punct. 2. casu 1. si peccata non sint eius conditionis, quorum punizio requiritur ad commune bonum.

4 *Int.*

4 *Int.* Qui scit furtum ab vxore, aut filiis patratum, tene-
tūrne illud reuelare? *Resp.* Regulariter non, quia intentio pe-
tentis excommunicationem, regulariter vxorem, & filios non
comprehendit. Ita Nauar. proximè, si autem constet morali-
ter de opposita intentione, denunciandi sunt. Ita Instruct. 2. p.
c. 12. q. 15. cum Sot. & Cord. in sum. q. 176.

5 *Int.* Teneatūrne propter huiusmodi edicta nocens se pro-
dere? *Resp.* Minimè: nisi sit reo semiplena probatio, aut ipse
laboret infamia: satisfacit igitur, vel restituendo rem abla-
tam, vel damnum refarciendo. Ratio est, quia excommunica-
tio solum intendit errati emendam.

6 *Int.* Elapsum est tempus præfixum in edicto intra quod
tenebamur denunciare: tenemūrne post illud etiam denun-
ciare? *Resp.* Tenemur. Ita Cordub. q. 64. cap. 6. Nauarr. cap. 2.
n. 46. Sot. in 4. d. 22. q. 1. art. 2. Instruct. 2. p. 12. q. 3. Ratio est, quia
temporis assignatio non adhibetur per modum oneris, sed
termini, quæ præfixio transacta, magis tunc obligat, tantum
ut absoluat.

De Accusationibus. §. 4.

- 1 Qui peccant accusando.
- 2 Qui tenentur accusare.
- 3 An nocens teneatur se accusare, pro liberando innocente.
- 4 An teneatur reddere pretium innocenti, qui postea comperit
illius innocentiam.
- 5 An pro omittenda accusatione possit pecunia, vel quid aliud à
nocente reportari.
- 6 De pacto, quod fiscales cum reis faciunt, pro amittenda accu-
satione.

1 **I**NTERROGATIO. Qui peccant accusando? *Resp.*
Qui ex odio accusant, ut malum infligatur proximo,
propter vindictam. Ita D. Thom. 2. 2. q. 108. ar. 1. Syl. & Armilla
verb. vindictio. Nauar. c. inter verb. n. 639. Sot. sup. & est veritas
manifesta. Deposito tamen odio, & ratione vindictæ potest
quis in iudicio accusare iniurium, & pro satisfactione expo-
stulare, ut notat Gloss. c. si quis contristatus. d. 90. & Nau. c. 14.
n. 25. Verba verò Christi Domini; *Dimittite inimicis vestris,*
cōtinent consilium, non præceptum: tale verò consilium Ec-
clesia satis adimplet per viros perfectos, ut notat Caietan.
sup. 6. Matth.

2 *Int.*

2 *Int.* Qui tenentur accusare? *Resp.* Publica peccata, quæ in commune detrimentum redundant, vel tertij innocentis, quæ aliter impediri non possunt, quàm accusando, quisque tenetur sub mortali accusare, si probare ea possit in iudicio. Ita D. Thom. 2. 2. *quæst.* 67. *Sot. de teg. secr. memb.* 2. & 5. *de iust. quæst.* 5. *art.* 1. Nauar. *cap.* 25. *num.* 32. Arm. Sylu. Ang. *verb. accusatio.* Bald. cum aliis ad 1. 1. ff. *de public. offic.* & L. 4. *Cod. de hæreticis.* Hæc verò D. Thom. conclusio intelligenda est, si loquamur in natura rei, dato, quod non subsit aliud remedium ad damnum euitandum, vel commune, vel tertij. Verumtamen, re attentè perpensa, illud remedium non deest: quoniam vel malum est iam inflictum, & nemo tenetur illud accusare ad exigendam damni publici satisfactionem, nisi sit minister iustitiæ publicæ, vel damnum est infligendum, & tunc impediri potest, vel per fraternam correctionem, vel saltem per denunciationem. Dico *secundò.* Ministri iustitiæ ex officio deputati ad accusandum, sui muneris crimina accusare tenentur. Ita *Sot. sup. lib. 5. iust. q. 5. art. 1.* Nauar. *cap. 25. nu.* 34. Sylu. *restitutio.* 3. *n. 5.* idque tum ratione iuramenti, tum ratione officij, quamquam procedant ad solam legum vindictam. Quod munus cum strictè non obseruant, grauiter à Principe puniuntur.

3 *Int.* Vulnerauit Socrates Platonem occultè, pro vulnere accusatur Petrus, teneturne Socrates se prodere, vt Petrum liberet? *Resp.* Minimè. Ita *Med. de pan.* Nauar. *cap. 15. nam.* 17. *Tolet. lib. 2. c. 1. nu.* 79. *Sot. 4. iust. q. 6. art. 3.* Qui omnes etiam Socratem absoluunt à restitutione damnorum Petri. Ratio est, quia vulneratio facta à Socrate non fuit causa per se influens in accusationem, damnationemve Petri. Verumtamen dicendum est Socratem teneri restituere Petro ea, quæ soluit ob illatam iniuriam, & in medicum, aut alia, ad quæ soluenda ex natura rei tenebatur Socrates, vt notat *Tolet. proximè nu.* 78. non tamen tenetur ad causas, expensas, vel damna exilij, vt notat *Instruct. i. p. cap. 123. concl. 4.*

4 *Int.* Titius vulneratus à Socrate ex indiciis motus, accusauit Platonem, & per sententiam latam accepit ab eo iniuriæ satisfactionem, & medicorum salarium, postea comperit Platonem esse innocentem, teneturne illi reddere pecuniam acceptam? *Resp.* Tenetur, nisi scierit eam recuperasse iam à Socrate.

Q

5 *Int.*

5 *Int.* Qui peccant accipiendo pecuniam pro omittenda accusatione? *Resp.* Qui neque ex officio, neque ex præcepto accusare tenentur, non peccant accipiendo pecuniam pro desistendo ab accusatione iusta. Ita Nau. proximè, & Mol. disp. 93. concl. 3. & communiter Doctores. Ratio est, quia ius, quod quis habet ad accusandum, est pretio æstimabile, & vendi potest. Dico *secundò*. Mortaliter peccant fiscales, viatores, custodes publici, similisque iustitiæ ministri, si pecuniam accipiât pro non accusandis legum transgressoribus, tenenturque ad resarciendum damnum inde Reipubl. proueniens. Ita communiter Doctores, quia obligantur, tum ex officio, tum ex iuramento ad accusandum, & ideò seuerè puniuntur lib. 1. Ordin. Lusitan. tit. 73. nu. 3. & 4. item lib. 5. tit. 73. & 74. Addo tamen huiusmodi fiscales non teneri ad restituendam pecuniam sic acceptam: quia ius, quod habent ad accusandum, est pretio æstimabile & vendibile.

6 *Int.* Subest magna difficultas, & est hæc. Si hic reus accusaretur, esset pars pecuniæ adiudicanda fisco, pars verò piis operibus, veluti captiuorum redemptioni, &c. Quæro igitur vtrum fiscalis omittens accusationem teneatur ad restituendum fisco, & piis operibus? *Resp.* Dico *primum*. Tenetur ad restituendum fisco. Ita Nauar. cap. 27. num. 20. Ratio est, quia pro procurando fisco Regio accipit à Rege stipendium. Dico *secundò*. Non tenetur ad restituendam partem captiuis & piis operibus, quia non est ex officio illorum procurator & custos.

De Inquisitione criminis. §. 5.

- 1 *Quid est inquisitio.*
- 2 *Quotuplex est inquisitio.*
- 3 *Quomodo facienda sit inquisitio.*
- 4 *Quæ peccata detegenda in generali inquisitione.*
- 5 *Quomodo potest fieri particularis inquisitio.*
- 6 *An possit fieri particularis inquisitio de crimine incidenter cognito circa eundem reum.*
- 7 *An possit fieri particularis inquisitio de crimine iniuste detecto.*
- 8 *Quomodo facienda est inquisitio de crimine notorio, seu occulto criminoso.*

I. INTERROGATIO. Quid est inquisitio? *Resp.* Est delicti inuestigatio, delinquentisve facta ab habente legitimam potestatem. Ita *l. Ubi. Cod. ad L. Corneliam de falsis.* traditur ab Hostiense in *sum. rubric. de Inquisit.*

2 Int. Quotuplex est Inquisitio? *Resp.* Alia generalis, alia particularis. Generalis est, quando in genere inquiritur de delictis, & de delinquentibus. Particularis est, quando particulariter inquiritur de delicto, & de delincente.

3 Int. Quomodo licitè fiunt huiusmodi inquisitiones? *Resp.* Ad faciendam generalem inquisitionem non est necesse præcedat infamia, vel accusatio, vel denunciatio. Ita *Sylu. Inquisition. l. qu. 10. Angel. Arm. Rosella ibi. Nauar. cap. 12. num. 38.*

4 Int. Quæ peccata detegenda sunt in hac generali inquisitione? *Resp.* Dico *primum.* Peccata occulta, quorum nulla est infamia, quæque non redundant in damnum commune, aut innocentis, in generalibus inquisitionibus non sunt manifestanda. Ita *Nauar. cap. Inter verba. num. 679. Sot. de teg. secr. memb. 2. quæst. 6. conclus. 2. Angel. Inquisitio. num. 11.* & ita omnes Theologi. Ratio est, quia iure naturali tenemur proximi famam seruare, cum non obest bono communi, aut innocentis. Dico *secundò.* Peccata, quorum infamia reus laborat, tenetur quisque iuridicè interrogatus manifestare iudici generaliter inquirenti, etiamsi sint emendata, quâdo constat iudicem punitionem criminis intendere. Ita *Cord. in sum. quæst. 64. punct. 2. casu 1. Tolet. lib. 2. cap. 4. num. 217.* Aduertunt tamen Doctores, iudicem politicum præcipuè interrogare ad punienda delicta; secundariò verò ad ea emendanda, & ideo illi esse detegenda delicta, licet iam emendata sint. Iudicem verò Ecclesiasticum præcipuè interrogare ad emendanda crimina, secundariò verò ad ea punienda, & ideo illi esse detegenda delicta nondum emendata. Qui verò ita iuridicè interrogatus negat, periurus est. Dico *tertiò.* Nemo non infamatus de delicto de quo generaliter inquiritur; tenetur in inquisitione, visitationeue generali se ipsum prodere, vel denunciare, etiamsi sub iuramento interrogetur, an nouerit aliquem talis derelicti reum, quantumcumque crimen tendat in damnum commune, vel innocentis. Est communis. Ita *Sot. de teg. secr. memb. 2. quæst. 7. Caiet. 2. 2. q. 7. art. 2. Nauar. cap. Inter verba. num. 730. Tolet. lib. 2. cap. 1. num. 157.*

Etiā in hæresis crimine. Ita Simanch. tit. 32. nu. 13. Roias sing. 3. n. 3. Nauar. lib. 5. consil. 8. de hæret. Confirmatur ex c. Quis aliq. §. non tibi, de pæn. d. 1. Ratio est, quia res esset moraliter impossibilis se ipsum prodere, & infamare.

5 Int. Quando fieri potest particularis inquisitio? Resp. Dico primum. Inquisitio particularis in delinquentis poenam tendens, neque in foro laico, neque in Ecclesiastico fieri potest absque infamia, vel alio infamiae æquipollente. Ita D. Thom. 2. 2. quæst. 67. art. 3. Suadet ex cap. Inquisitionis. cap. Qualiter. 2. cap. Cum oporteat. de accusationibus, & ita omnes Doctores. Ratio est, quia aliter infamaretur proximus. Infamia verò definitur: Communis rumor manans ab iis, qui rem viderunt non maleuolis, neque leuibus. Æquipollent verò infamiae multa, præcipuè accusator verus, vel fictus. Dico secundò. Quando per inquisitionem particularem solum intenditur erroris euitatio, aut damni impedimentum, fieri potest in utroque foro absque infamia, & aliis ei æquipollentibus. Ita Sot. de secr. mem. 2. q. 6. Nauar. cap. Inter verba, nu. 653. Sylu. inquisitio. 1. q. 4. Rosella ibid. nu. 6. & ferè omnes cap. postquam. cap. Cum in cunctis. c. Nihil, de elect. c. fin. de clandest. desponsat. Ratio est, quia id pertinet ad bonum cõmune, quod particulari anteferri debet. Iam vero si quis petit magistratum, vel religionem, vel aliquid simile, ad cuius petitionis executionem requiruntur certæ in persona conditiones, ipse petens tacitum ad inquirendum præbet consensum circa ea tantum, quæ impediunt, non verò alia. Dico tertio. De iustitiæ ministris, de quæ aliis magistratibus in particulari inquiri potest, nulla præcedente infamia. Ita Ordin. Lusit. lib. 1. tit. 44. §. 1. Ratio est, quia ipsi in accipiendis officiis ad id tacitum præbuerunt consensum, iuxta regnorum leges, & cõmunitatum consuetudinem. Dico quarto. Si adsint non leues suspensiones; vel præsumptiones, vel indicia de hæresis, apostasiæ, proditionis, læsæ maiestatis, aliisque criminibus, in graue damnum commune, vel tertij innocentis redundantibus, pendentibusque in futurum, fieri potest particularis inquisitio. Ita Simanch. tit. 44. num. 9. Nauar. cap. inter verb. num. 683. & 694. & in rubric. de iudic. num. 93. Confirmatur ex c. Excommunicamus, de hæret. §. adiciamus. L. Apostatarum. Cód. de Apostatis. L. nullus. Cód. ad L. Juliam maiestatis, c. officium. de hæ. vbi Ioan. And. & Dominicus. Ratio vero est, quia id postulat

postulat bonum commune. Hâc tamen inquisitionem Inquisitores circa Episcopos, Nuncios, aliosque Ecclesiasticos superiores absque licentia Papæ facere non possunt. *cap. Inquisitores, de hæreticis in 6. & Extravag. cum Matib. eodem tit.* Hinc inferes mortaliter peccare iudices, & ad restituendâ damna data obligari, si circa particularem personam particulariter inquirunt; præterquam in casibus traditis, & iuxta explicatas iam conclusiones. Vnde neque semiplena probatio per vnum testem omni exceptione maiorem, neque etiam plena per duos aut tres testes extraiudicialiter apud Prælatum de crimine deponentes, sufficit ad particulariter inquirendum de singulari persona. Ita Sot. 5. iust. questione 9. art. 2. Nauar. *cap. inter verba. num. 580. & in rubric. de iudic. num. 78. & in sum. cap. 18. nu. 38.* patetque ex *cap. Inquisitores, & cap. Cum oporteat de accusationibus.* Ratio est, quia nisi obftet bonum commune, proximi famæ est consulendum, quæ doctrina etiam seruanda est in Regularium inquisitione, vt rectè aduertit Nauar. contra Alciatum contrarium asserentem, quia bona Regularium fama bono communi valdè inferuit.

6 *Int.* Inquirebat iudex de crimine circa reum in eo difamatum, sed incidenter ad cognitionem alterius rei criminis deuenit. v.g. inquirebat de homicidio, sed inuenit eum etiam esse furem, quæro igitur, an possit postea iudex de eo crimine incidenter cognito inquirere? *Resp.* Cum crimen incidenter cognitum, est coniunctum cum crimine de quo reus infamatus est, potest: si verò est omnino disparatum, minimè. Ita Sot. *de secr. membr. 2. q. 6. conclus. 3. & 5. iust. q. 5. art. 2. Caiet. tom. 1. opusc. c. 31. resolut. 5.*

7 *Int.* Inquirebat iudex generaliter, sed cognouit per eam inquisitionem crimen occultum Titij, potestne postea de eo particulariter inquirere? *Resp.* Minimè: ita Sot. *sup. c. Inquisitionis c. Qualiter. c. Quando. 2. de accusat.* quia illa notitiâ fuit contra iustitiam, & iniqua; ergo habenda est tanquam non acquisita.

8 *Int.* Est crimen notorium, delinquens verò occultus, quæ fieri potest inquisitio? *Resp.* Dico primum. Quando crimè est notorium, aut famosum, licitum est iudici inquirere delinquentem, modo in inquisitione nullam nominet personam, quæ infamia non laboret. Ita Nauar. *cap. 18. num. 38. & cap. inter*

verba. num. 185. Cord. q. 64. punct. 1. Sylu. correctio. q. 8. Angel. denuntiatio num. ult. Panorm. & Immola c. Bone. de election. Ratio est, quia hoc postulat bonum commune, ut saluum, & incolume tueatur. Dico secundò. Testis interrogatus in huiusmodi inquisitione tenetur aperire occultum delinquentem. Ita citati Doctores, & Med. de instruct. confess. tract. 2. tit. de confess. celanda. Ratio est, quia iuridicè ad hoc interrogatur. Dico tertio. Si ipse reus in hac inquisitione interrogetur, non tenetur se ipsum prodere. Veritas est manifesta, quia nemo tenetur se prodere, nisi iuridicè interrogetur: nemo verò iuridicè interrogatur circa se, nisi de eo habeatur infamia, vel semiplena probatio.

De peccatis contra iustitiam ex parte rei. §. 6.

- 1 *An reus iuridicè rogatus teneatur suum crimen fateri.*
- 2 *An teneatur reus detegere crimen suum, quando interrogatur ad instantiam partis.*
- 3 *An teneatur reus dicere verum, ex quo illi imputabitur crimen falsum.*
- 4 *An reus criminis propter excommunicationem latam teneatur se prodere.*
- 5 *An ordinandus teneatur detegere crimen ob quod ab ordinibus suscipiendis remouebitur.*
- 6 *An reus possit rogari de occultis criminibus.*
- 7 *An reus possit rogari de occultis sociis.*
- 8 *De hæreticis.*

1 **I**NTERROGATIO. Teneturne reus iuridicè interrogatus suum fateri crimen? *Resp.* Tenetur, etiam in causa mortis. Ita D. Thom. 2. 2. quæst. 69. art. 1. ad 2. Sot. 5. iust. q. 1. art. 1. & 2. de secr. membr. 2. qu. 7. concl. 3. Nau. cap. 25. num. 36. Couar. de prac. qq. cap. 23. Cord. lib. 1. quæst. 43. Medin. de instruct. confess. Gabriel. in 4. d. 15. q. 6. art. 2. Palud. in 4. d. 19. q. 4. nu. 7. Gandau. quodlib. 1. q. 33. Bart. ad L. Martellam. ff. de action. rer. amot. Gom. rom. 3. cap. 12. Arag. 2. 2. q. 69. Ratio est, quia subditus sub mortali tenetur superioris præcepto obedire iusta præcipiētis: sed index iuridicè interrogans iusta præcipit, cum reo præcipit veritatem aperire: nam eā potest ab eo extorquere licitè per tormēta occultationis puniendo culpam, ut statuūt Ordin. Lusitanæ lib. 5. tit. 64. Ergo reus tenetur se prodere, &c. Oppositum asseruerunt Sylu. & Angel. verb. confessio: sacra-
menta

mentalis. Armilla verb. confessio iudicialis, nu.8. Panorm. c.2. de confess. & alij in causa capitis, aut alius damni grauis temporalis: nemo enim, aiunt, seipsum tenetur damnare, in quo iure naturali videtur fundari lex 4. ff. de testibus: iustè non potest cogi consanguineus ad ferendum testimonium contra suos consanguineos, cum magno eorum dispendio corporali. Hæc tamen conclusio intelligenda est, quando iudex ex officio procedit, iuxta cuiusvis iuramentum veritatem tenetur inquirere: iuxta l. si non defendatur. ff. de pan. & l. ubicunque. ff. de interrogatoriis actionibus.

2 *Int.* Rogo igitur, teneturne reus fateri crimen, quando ad instantiam partis interrogatur? *Resp.* Minimè. Ita Panorm. c.2. de confess. colum. ult. Navar. c. inter verba. n. 732. & 745. aitque esse communem Syl. confessio non sacramentalis. Angel. ibi, & Arm. nu.8. Ratio est, quia accusatori incumbit probare crimen per testes obiectum, probationibus luce meridiana clarioribus, iuxta l. finalem. Cod. de probation. & ideo reus in eo casu iuridicè non interrogatur, nec tenetur respondere. Ita denique decernitur lib.3. Ordin. Lusitan. tit.40. §.13. & tit.85. §.1. vbi absolutè asseritur non teneri reum propositioni criminosa respondere, id est, articulo, in quo ei ponitur vt delictum suum fateatur. Confirmatur ex l. 1. ff. de quest. vbi non licet accusatori seruorum testimoniis vti erga dominum, vel filiorum erga parentes.

3 *Int.* Interrogatur quis de re, an sit sua, si tamen suam esse fateatur, damnabitur de crimine, quod non commisit. v.g. Platonis gladio latrones Petrum occiderunt, Plato interrogatur de gladio, si fateatur esse suum, homicidij damnabitur: poteritne negare esse suum gladium? *Resp.* Poterit. Ita Sot. de teg. secr. memb.2. q.7.

4 *Int.* Est crimen publicum & notorium, delinquens verò occultus, fert Iudex Ecclesiasticus excommunicationem vt se prodatur, teneturne reus criminis se prodere? *Resp.* Minimè. Ita Sot. in 4. d.22. quest. 1. art. 2. & de secr. memb.2. q.6. Ratio est, quia illa excommunicatio est iniusta. Obstat huic resolutioni cap. Quidam maligni. §. qu.1. vbi sub pœna excommunicationis præcipitur auctori cuiusdam libelli famosi se detegere. Propter quem textum oppositum tenuit ibi Turrecrem. & alij Iurisperiti. Verumtamen istud caput solum præcipit probare alio libello nomine tacito auctoris, ea

quæ dixerat, aut palinodiam decantare, & item abstinere ab Eucharistia donec id efficiat. Sic interpretatur locum Nauar. cap. inter verb. nu. 586. & Sot. citatus.

5 Int. Episcopus ordinaturus aliquem, vel collaturus beneficium Petro, rogat eum de occulta irregularitate, vel alio legitimo impedimento, teneturne ordinandus aperire occultum impedimentum? Resp. Si impedimentum non tollatur per poenitentiam, sed ordinum impedit executionem, vel beneficij retentionem, tenetur illud detegere. Ita Innocen. c. Inquisitores, de accusation. ibid. Turrecrem. nu. 5. Nauar. cap. inter verba. nu. 723. & Doctores communiter. Abbas c. innotuit. n. 6. de elect. vbi hoc aperte asseritur, sicut in c. Artald. 8. q. 3. Ratio est, quia iudex tunc iuridicè interrogat.

6 Int. Potestne conuictus reus de vno crimine, interrogari de aliis occultis, aut de sociis? Resp. Quando crimen occultum, est criminis probati circumstantia, vel habet cum eo connexionem necessariam, potest. Ita Palud. in 4. d. 19. q. 4. Sylu. Inquisitor 1. q. 7. D. Anton. 2. p. tit. 8. cap. 7. Ratio est, quia crimen probatum, est indicium criminis sibi maiori ex parte annexi. Hinc colliges conuictum de homicidio eius, cuius cadauer inuenitur exspoliatum, rogari posse de spolio. Item conuictum de adulterio rogari posse de nece mariti adulteræ: conuictum de furto Ecclesiæ rogari posse de fractione forium. In quo sensu accipienda est regul. iur. in 6. semel malus, semper præsumitur esse malus. Dico secundò. Non potest talis rogari de criminibus occultis omninò disparatis. Ita Caiet. 2. 2. quæst. 69. art. 2. Sot. de secret. memb. 2. quæst. 6. dub. 5. & de iust. lib. 5. quæst. 6. art. 2. Tolet. lib. 2. cap. 4. nu. 170. Adrian. quodl. 11. Nau. cap. inter verb. num. 587. & de iudiciis. n. 62. Ratio est, quia iudex non interrogat iuridicè de crimine, nisi eius præcedat semiplena probatio, vel infamia, vel iudicium infamiæ æquipollens.

7 Int. Potestne reus iuridicè conuictus interrogari de sociis occultis? Resp. Minimè, nisi in septem euentis. Ita Nau. c. 18. n. 58. Sot. de secret. membr. 2. quæst. 6. conclus. 4. Caietan. tom. 1. opusc. 31. Tolet. lib. 2. cap. 4. num. 173. cap. Cum monasterium. de confessis. cap. Veniens. 1. de testib. cap. Nepini. 15. quæst. 3. l. finali. Cod. de accusat. l. repetiti. ff. de accusat. Septem verò sunt crimina, circa quæ quisquam conuictus potest interrogari de sociis occultis. 1. Hæresis. cap. in fidei fauorem. lib. 6. 2. læsa maiestas.

maiestas. *L. Quisquis. Cod. ad L. Iuliam maiestatis. 3. adulterata moneta L. 1. Cod. de falsa moneta. 4. Maleficium L. ultima Cod. de maleficiis. 5. Latrocinium L. D. Adrian. ff. de custodia rerum. Latrocinium verò hic intelligitur, quod patratum à viarum grassatoribus; non verò à furunculis. 6. Simonia. *cap. 1. de testibus. 7. Nefandum vitium: ita deducitur ex constit. Pij V. quæ incipit, Cum primum Apostolatus. Ita Gomez p. 3. resolut. cap. 12. num. 16. Tolet. lib. 2. cap. 9. num. 183. Emmanuel Roder. in sum. de Ord. iudic. cap. 10. qui quidem duo addunt. Primum est, posse reum convictum criminis rogari de socio occulto, cum crimen necessariò requirit socium. Item cum mos est in aliqua provincia, ut de sociis occultis interrogetur, quia propter bonum commune ita leges talis regni sancire potuerunt.**

8 *Int.* Circa reos hæresis, rogo virum absolventi sint à confessario, quando ad ignem ducuntur, nisi detegant socios, quos negarunt in carcere? *Resp.* Affirmative, quia tunc eorum testimonia non accipiuntur ab inquisitoribus, ut suspecta.

De quæstionibus seu tormentis. §. 7.

- 1 *An liceat per tormenta veritatem extorquere.*
- 2 *Quando liceat torquere reum.*
- 3 *Propter quod crimen potest reus torqueri.*
- 4 *An propter crimen sufficiens probatum.*
- 5 *An pro sociis detegendis.*
- 6 *De reo qui in tormentis fatetur, & postea negat.*
- 7 *An pro evitando tormento, liceat fateri crimen capitis.*
- 8 *An teneatur se retractare, qui in tormentis crimen sibi imposuit.*
- 9 *An liceat iudici, uti fictionibus ad extorquendam veritatem.*

I **INTERROGATIO.** Licetne per tormenta corporalia veritatem extorquere? *Resp.* Licet. Ita D. Augustin. 19. *cap. 5. D. Ambros. lib. 2. de Cain, & omnes Doctores, ut videre est apud Gom. 3. resolut. cap. 13. Simanch. de instit. tit. 65. Summistas verb. tortura. Ord. Lusit. lib. 5. tit. 65. Ratio est, quia hoc pertinet ad bonum commune: nam aliter mille crimina manerent impunita, sicut approbat mos omnium gentium.*

2 *Int.* Quando potest iudex torquere reum? *Resp.* Quando præcedit semiplena probatio, vel infamia, aut infamiae indi-

cia æquipollentia. Ita Doctores citati, & Nauar. *de iud. n. 53. Tolet. lib. 2. c. 3. n. 475. l. editum. ff. de quæst.*

3 *Int.* De quo crimine potest iudex torquere reum? *Resp.* De eo, quod dignum sit poena capitis, aut grauiore quam ipsa tormenta. *L. editum. ff. de quæst.* Ratio est, quia condigna poena non potest dari, nisi cum plena probatione, tormenta verò adhibentur ad extorquendam plenam probationem; ergo ipsa tormenta non debent esse adæquata poena delicti.

4 *Int.* Quando crimen est plenè probatum, potestne torqueri ad illud confitendum? *Resp.* Minimè. Ita Gom. cit. loco num. 10. & Cord. *de pract. qq. c. 13. num. 5. Nau. cap. inter verba. n. 781. & in sum. c. 18. n. 59. Roias 2. p. de hæret. n. 282.* Ratio est, quia tormenta iure gentium introducta sunt ad extorquendam probationem: eaque data, integra poena imponenda est.

5 *Int.* Potestne reus torqueri pro sociis detegendis? *Resp.* Potest. Ita Iul. Clar. *de pract. crim. q. 64. Simanch. 4. cap. cit. n. 60.* Ratio est, quia iuridicè interrogatur.

6 *Int.* Quid si reus in tormentis fateatur, & postea neget? *Resp.* Iterum torquendus est. Ita omnes citati Doctores.

7 *Int.* Licetne reo fateri crimen, quod non commisit, propter quod occidendus est, ad euitandum tormentum? *Resp.* Minimè. Quod vero peccatum committat, controuertunt Doctores, Tolet. *lib. 1. c. 5. n. 121. Sot. de secr. memb. 3. q. 4. & iust. 5. qu. 30. art. 2. Ledesm. 2. 4. quæst. 10. art. 5. Adrian. quodlibet. 11. diff. 3.* Ratio eorum est, quia licet videatur iste per hanc confessionem sibi necem inferre, id non est directè, nec per se. nam directè intendit fugere tormenta, & multas, vt ita dicam, mortes, per accidens verò influit in vnâ mortem. Probabilius tamen Nauar. *cap. 18. num. 19. Couar. 1. resol. cap. 2. n. 8. Sylu. detract. q. 3.* aiunt peccare mortaliter. Ratio eorum est, quia in re graui mentitur in iudicio contra charitatem, qui tenetur diligere propriam vitam.

8 *Int.* Qui falsum crimen de se confessus est in tormentis, teneturne sub mortali confessionem retractare? *Resp.* Tenetur quidem ad minimum in hora mortis, tum ad consulendum suorum fame, tum ad tollendum populi scandalum. Ita Sylu. *quæst. 3. citat. sup. & Panormit. cap. ex parte. 2. de sepultura.*

9 *Int.* Licetne Iudici vti simulationibus, & fictionibus in iudicio, ad veritatem extorquendam? *Resp.* Licet, inodò cautè procedat,

procedat, & nemini faciat iniuriam. Ita Couar. *lib.1.c.1.n.16.* Panormit. & Canonistæ ad *cap. Afferte.* de præsumptionibus, ibi enim textus affert Salomonis exemplum. 3. *Regum.* 3. qui simulauit infantis diuisionem iuri naturali contrariam, vt ex coniectura maternæ compassionis, veram matrem deprehenderet: idem probatur ex *cap. Vrilem. 2.2.q.2.* vbi affertur exemplum Iehu Regis. 4. *Reg.* 10. Dixi, si nemini faciat iniuriam: illam verò faceret, si dolo, vi, metu, aut fraude veritatem extorqueret: tunc enim reum condemnando mortaliter peccat, & ad restitutionem tenetur.

De Appellationibus. §. 8.

1 Quando peccat reus appellando.

1 INTERROGATIO. Suppono posse reum propter malitiam imperitiæve iudicis inferioris iniuste grauatum, licet, & iuste appellare ad legitimum superiorem. *cap. Omnis oppressus. q.6.* Quæro igitur, quando peccat reus appellando? *Resp.* Peccat cum appellat gratia repellendæ, vel differendæ iustæ sententiæ. *cap. Quicumque. 2.q.6.* vbi præcipitur ne huiusmodi appellationes recipiantur. *cap. Omnis. 2.q.6.* vbi huiusmodi appellantes puniri iubentur. Ratio est, quia tunc appellans facit iniuriam iudici rectè iudicanti, & accusatori illius iustitiam impediendo. Itaque quando quis scit iniustam esse suam causam, iustam verò sententiam, mortaliter peccat appellando. Ita Aragon 2.2.q.69. *art.3.* Sot. proximè, Nau. *cap. 23. num. 39.* qui rectè ait teneri reum tunc ad omnia damna actoris, ex iniusta appellatione subsequuta.

De subeundo supplicio per iudicis sententiam imposito. §. 9.

- 1 An reus teneatur subire supplicium.
- 2 An liceat reo resistere sententiæ secundum veritatem iniuste, sed occultè.
- 3 An teneatur reus stare sententiæ secundum allegata, & probata.
- 4 Quæ fuga reo licita est.
- 5 De fuga è carcere.
- 6 Quando tenetur reus ad panam legis.

7 *De executione pœnæ.*8 *Cum pœna est mortis.*9 *De præparatione ad ferendam mortem.*10 *De pœna inediæ.*11 *De iis qui tali damnato offerunt cibos.*12 *De pœna mutilationis.*

I **INTERROGATIO.** Obligatne sententia iusta in conscientia ad exequendam rem præceptam? *Resp.* Obligat. Ita D. Thom. 2. 2. q. 69. art. 4. & omnes Doctores, &c.

2 *Int.* Fuit sententia lata iniuste secundum rei veritatem, sed notoriè putatur iusta, licetne reo illam per actiuam resistantiam repudiare? *Resp.* Minimè. Ita Nauarr. c. Cum cont. de rescrip. rem. 2. n. 15. & ferè omnes. Ratio est, quia datur scandalum in illa actiua, & publica resistantia erga sententiam, quæ existimatur iusta.

3 *Int.* Teneturne reus stare sententiæ latæ secundum allegata, & probata? *Resp.* Minimè quidem in conscientia, & ideo si absque scandalo poterit evitare sententiam, vel non reddere pecuniam iudicatam, iuste quidem secundum falsò allegata, & probata: iniuste verò secundum rei veritatem fas illi est, vel etiam postea facere compensationem.

4 *Int.* Quænam fuga licita est reo? *Resp.* Dico primò. Reus antequam adprehendatur, & etiam postquam comprehensus est, licitè potest fugere non inferendo vim, neque resistendo. Ita D. Thom. 2. 2. q. 69. art. 3. & ibid. Caiet. & Aragon, Henr. quodlib. 8. Victor. de homicid. num. 19. Sot. 5. iust. quæst. 5. artic. 4. Nauar. cap. 17. num. 202. Couar. resolut. cap. 2. n. 11. & alij, quos ipse refert, Simanch. tit. 16. n. 26. Ratio est triplex. Prima, quia nulla lex positiva id prohibet. Secunda, quia detineri in carcere tendit ad executionem pœnæ: durum verò est vnumquemque teneri ad exequendam in se pœnam. Tertia, quia iure naturali cuique fas est tueri vitam, & incommoda vitare. Dixi, sine vi, & resistantia, quoniam ministri iustitiæ ius habent, & ad comprehendendum, & detinendum. Aduertendum tamen est dupliciter posse quenquam detineri in carcere: nam vel potest detineri vt damnatus pœna iusta carceris perpetui, seu ad tempus pro delicto commissio; & tunc non licet illi fugere, quia, vt infra dicemus, tenetur pati pœnam iustam latam per sententiam legitimi iudicis, vel potest detineri ad expectandam sententiam capitis, verberum,

verberum, aut alterius supplicij, & in hoc casu intelligo assertam conclusionem.

5 *Int.* Intelligo tuam mentem, quæro igitur secundum eam, poteritne reus aufugere infringendo vincula, aut carcerem perforando? *Resp.* Negant quidem probabiliter Henriq. quodlib. 8. q. 26. Maior in 4. d. 15. 7. 22. Syl. fuga. Couarr. sup. n. 4. Ratio eorum est, quia tunc fit resistentia, & vis iustitiæ. Deinde quia *L. i. ff. de effraктор. 26. l. in eos. ff. de custodia reorum,* damnantur capitis huiusmodi fractores; ergo ut poena culpæ respondeat, ipsi grauiter deliquerunt. Probabilius tamen affirmant Caietan. & Aragon. 2. 2. q. 69. art. 3. Sor. 5. iust. quæst. 6. Dried. lib. 1. c. 1. Nau. c. 17. num. 102. oppositum est eorum fundamentum, aiuntque illam effractionem non esse resistere, sed tollere impedimenta ad fugam, ut cum quis fugiendo inuenit alienam segetem, potest illam conculcare ad fugam capeffendam cum animo postea reficiendi damnum. Leges verò illæ sunt comminatoriæ ad deterrendos reos à fuga, neque supponunt culpam, sed indemnitatem boni communis, pro quo aliquando licet innocentem exponere mortis periculo, ut exponitur in prælio iusto. Huic tamen mortis periculo si quis temerè se exponat (exponetur verò si vincula frangat, aut carcerem rumpat, manendo in loco, ubi iterum deprehendatur) peccabit mortaliter, quia nemo est dominus vitæ suæ. Hinc inferunt Sor. Aragon, & Caietan. locis citatis posse quenquam tali præbere reo clauēs ad aperiendum ostium, vel instrumenta ad infringenda vincula, ut fugiat. Ratio eorum est, quia licet præbere auxilium ei, qui licitè aliquid exequitur.

6 *Int.* Quando tenetur reus ad poenam legis? *Resp.* A die latæ sententiæ, & non antea, res est certa, & ab omnibus Doctoribus asserta.

7 *Int.* Quam poenam per sententiam iustam iudicis decretam, tenetur reus in se exequi? *Resp.* Carceris, exilij, pecuniæ, & alias similes, quæ existimantur leuiores, non verò poenam verberum, mutilationis, torturæ, aut mortis, quoniam huiusmodi poenæ sunt suaptè natura horribiles, & inclinationi hominum maximè repugnantes; ergo iniqua esset lex, quæ statueret, ut nocens in se ipso eas exequeretur, quoniam ad legis æquitatem requiritur, ut sit de re moraliter possibili: exequutio verò huiusmodi poenarum in seipso censetur moraliter

8 *Int.* Potestne damnatus ad mortem illam illicitè in se exequi, se ipsum occidendo? *Resp.* Minimè quidem: est omnium Doctorum, quos citaui. Ratio est, quia occidere se ipsum est intrinsecè malum, & non potest cohonestari aliqua ratione: nam dixerunt aliqui posse auctoritate iudiciaria in se ipsum esse carnificem, ut potest in alium eadem publica auctoritate, ac proinde, ut alium, & se ipsum posse occidere; sed est ratio apparens & falsa, ut asserit concors Doctorum sensus.

9 *Int.* Teneatne reus præparare se ad recipiendam mortem iustè dandam? *Resp.* Tenetur, & ita tenetur ire ad locum supplicij, ascendere scalam, præbere collum ad laqueum, & similia. Ita omnes Doctores. Ratio est, quia huiusmodi Præparationes sunt ad recipiendam, non ad inferendam mortem. Hinc inferes, damnato, ut pereat veneno, non licere illud potare: quia talis actio ex se ordinata est ad mortem, non minùs quàm inflictiò lethalis vulneris. Ita Castro, Driedo, & Couar. citati: poterit tamen, & tenetur damnatus aperire os, & pati ut carnifex per fistulam infundat virus in stomachum.

10 *Int.* Licetne damnato, ut fame pereat, oblatos sibi cibos respuere? *Resp.* Affirmat Maior in 4. d. 15. q. 22. Sot. 5. iust. q. 6. a. 4. Angel. & Sylu. verbo *fugere*. Eorum ratio est, quia id non est sibi inferre, sed expectare mortem, & pati, quod quidem non est verum. Deinde, quia in extrema necessitate poterit quis ex charitate relinquere cibum alij, sed hoc verum quidem: at quia tunc ex charitate præfertur vita aliena suæ propriæ; ideo oppositum asserendum cum Caiet. 2. 2. q. 69. art. 3. dub. 8. Viç. de homicid. n. 28. Castro 2. de leg. c. 3. Cou. 3. resol. cap. 2. n. 8. & 10. Dried. lib. 2. de liber. cap. 6. Ratio est, quia indirectè se perimit per non vsum medij ad vitam necessarij.

11 *Int.* Quæro vterius, vtrum liceat aliis præbere cibos damnato ut fame pereat? *Resp.* Omnes alij præterquam ministri iustitiæ possunt, ita omnes citati Auctores.

12 *Int.* Datur optio reo, ut sibi amputet vnam manum, ne vtraque per carnificem illi præscindatur, licebitne illi optionem eligere? *Resp.* Negat Sot. sup. citatus, damnatque Iosephum, qui, ut refert 2. de bell. Judaic. capit. 27. eam optionem elegit, oppositum tamen asserendum iudico, quoniam si periculum immineat toti corpori propter contagio-

nem

nem alicuius partis, potest quis illam præscindere; ergo prouidendo huic toto, poterit potius præscindere sibi partem, quam sinere præscindi plures.

De testibus. §. 10.

- 1 De legitimitate testium.
- 2 Qui non compelluntur ad ferendum testimonium.
- 3 Quando tenetur quis ferre testimonium.
- 4 Quando tenentur filij ferre testimonium contra patrem.
- 5 De restitutione pro non ferendo testimonio.
- 6 Præcipue cum vocatur testis ad iudicium.
- 7 Deinde cum pro veritate dicenda suscepit iuramentum.
- 8 An possit ferri pretium pro ferendo testimonio.
- 9 De testimonio circa peccata occulta.
- 10 De testimonio ferendo pro sola pœna infligenda.
- 11 De testimonio ferendo pro secreto crimine.
- 12 De concordia testium.
- 13 Præcipue in causa hæresis.
- 14 De concordia testium pro utraque parte.
- 15 De exceptionibus & contradictis.
- 16 De retractatione testimony.

I N T E R R O G A T I O. Quamuis non multum ad rem nostram faciat te rogare de iis, qui vel admittuntur, vel reiiciuntur tanquam testes in iudicio, gratia tamen maioris doctrinæ, dic quid in hac materia teneas? *Resp.* Dico sic. Non admittuntur ad testimonium ferendum patres erga filios, neque item ascendentes respectu descendantium, neque è contra descendentes respectu ascendentium in recta linea. *L. parentes, cap. de test. & Doctores ibid. cum Gloss. & notat Syl. testis in q. 1. §. 8. siue testimonium sit contra, siue pro. c. si testis. §. item testis, nisi quæstio sit de natiuitate, & ætate filiorum, tunc enim recipitur parentum testimonium pro filiis. cap. Per tuas. Qui filij sint legitimi. deinde nisi tractetur causa hæresis, prodictionis, vel læsæ Maiestatis, in qua nullius reiicitur testimonium ratione consanguinitatis, & in fidei fauorem, de hæreticis in 6. Non adimittitur præterea libertus erga eum, qui eum manumisit, sicuti nec vxoris, filiorum, & libertorum eiusdem liberti. c. de testib. & L. Julia. ff. eodem. Non admittitur vxor erga virum, & vice versa, tam pro, quàm contra, vt notat Nau. cap. Inter verb. num. 810. & in sum. cap. 25. num. 48.*

2 Int. Qui non compelluntur ad testimonium ferendum
Resp. Non compelluntur socer, gener, vitricus, priuignus, soror, frater, eorumque filij, imò etiam consanguinei omnes collaterales usque ad quartum gradum, erga se inuicem. *L. Iul. ff. de testib.* item senes maiores septuaginta annis, & valedudinarij. *L. Jnuiti. ff. de testib.* mittendi tamen sunt ad eos, qui recipiant eorum testimonia, si oportuerit. *cap. si per testimonium. de testib.* Item clerici, monachi, Abbates, & Episcopi. *cap. Monachi 15. qu. 1. cap. Cum nuntius. de testib.* qui omnes non possunt esse testes in causa criminali, sicut notat Gomez *tom. 3. resolut. cap. 12. num. 19.* & constat ex *cap. sentent. sanguinis, ne clerici, vel monachi.* in causa tamen civili iidem possunt de licentia sui Episcopi testificari, etiam coram iudice laico. Dixi de licentia sui Episcopi, quoniam cum testimonium publicum feratur sub iuramento *cap. si testes. 3. qu. 4.* ipsi verò non possint iurare apud iudicem laicum absque licentia sui Episcopi. *cap. Nullus. 22. q. ultim.* & notat Syl. *Clericus. 3. q. 3.* consequenter non possunt ferre testimonium, & ita prohibetur in constitutionibus Synodalibus, in Eborensibus *titul. 10. cap. 12.* Conimb. *tit. 14. constit. 12.* Idem dicendum est de regularibus, qui de licentia sui superioris testificari possunt in causa civili apud iudicem sæcularem, ut notat D. Ant. Gom. *cit. 2. 1.* & Syl. *7. 1.* deducitque Gom. ex *c. Monachi 16. q. 1.* & ideo in constitutionibus Societatis I E S V, *parte 6. cap. 3. num. 18.* superioribus præscribitur modus concedendi hanc licentiam. Reiciuntur præterea minores quatuordecim annis in causa civili, & minores viginti in causa criminali. *ff. de testib. & cap. si testes. 3. quæst. 4.* Reiciuntur serui. *L. de servis. Cod. de testib.* nec pro, nec contra dominum. *cap. si testis. §. item testis.* Reiciuntur mente capti. *L. qui testis. ff. de testib. §. ne furiosus,* nisi in lucidis interuallis. Reiciuntur infideles contra fidelem. *c. si hæreticus. 2. q. 8. & L. 1. ff. de testib.* Reiciuntur infames. *cap. si testes citato.* Reiciuntur inimici eius, contra quem fertur testimonium. *L. 3. ff. eodem. cap. si testis.* Reiciuntur pauperes abiectæ conditionis, de quibus facile præsumi potest corruptela. *L. 3. citata, & cap. si testis. citato.* Reiciuntur domestici, & famuli eius pro quo ferendum est testimonium. *L. pen. ff. de testib. cap. item si testis citato, excepto casu probandi adulterium. L. consensum. ff. de repud.* Admittuntur etiam collegæ super re collegij, quando per alios probari

bari nequit, & in causa monasterij, ij qui sunt de conuentu. Dixi, monasterij, quia reiiciuntur in causa alicuius singularis. Ita Sylu. dicta q. 1. §. 9. cum Panorm. Reiiciuntur excommunicati, *cap. Decernimus, de sent. excommunicat. in 6.* Reiiciuntur itidem iuxta commune ius laici contra clericos in causa criminali, excepta hæresi, simonia, & læsa maiestate, cum adfuerint clerici, qui testimonium ferre possint. Ita probat Roias *singul. 118.* Reiiciuntur itidem socij criminis, periuri, & alij nonnulli, de quibus Sylu. q. 1. *de testib. Gom. 3. resolut. c. 12. num. 15. & 16.* & Roias citatus. Reiiciuntur meretrices. *L. 3. ff. de testib.* Reiiciuntur omnes mulieres in causa testamenti. *L. ex eo. ff. de testib. & in omni causa criminali. cap. Finis. de verb. signif. cap. Mulieres. 33. q. 5.* excepta hæresi, simonia, & læsa maiestate. *cap. In fidei. de heret. in 6.* Admittuntur tamen, si causa criminalis ciuilitè tractetur. *cap. Quoniam, de testib.* Notatque Sylu. supra §. 2. & iudex 2. q. 1. Hæc iuxta commune ius iuxta verò peculiare ius huius regni legantur Ordinatio. *tit. 24. à §. 12.*

3 Int. Quando tenetur quis ferre testimonium? *Resp.* Cum iuridicè requiritur à iudice. Ita D. Thom. 2. 2. q. 70. *art. 1. & 16.* Caiet. & Arag. *Sot. 5. iust. q. 7. art. 1. concl. 1.* Ratio est, quia præceptum superioris legitimi obligat in causa graui: quando verò iuridicè requiratur testis, diximus supra cum egimus de reo. Dico tamen iterum, cum proceditur via accusationis iuridicæ requiritur absque infamia rei, & absque semiplena probatione. Ita Speculator de testibus §. *de testium compulsi. num. 6.* Hostiensis *tit. de testib. cog. nu. 4.* Astens. *1. p. l. 1. tit. 37.* Panorm. *cap. Peruenit. 1. & 2. de testib. cog.* Aliter, & contra dicendum est, cum proceditur via inquisitionis. Sed hac de re memini me iam supra interrogatum, cum egisti de accusatione, & inquisitione. Dico *secundò.* Nullus priuatus non requisitus à iudice, tenetur testificari. Ita D. Thom. Caiet. Aragon, & Sot. proximè citati, Nau. *cap. Inter verba. num. 698.* & in sum. *cap. 25. nu. 44.* Ratio est, quia sibi imputet accusator accusare de crimine, quod probare non potest, nam licet fiscalis sit, non tenetur in conscientia accusare, nisi ea crimina, quæ potest probare. Tenetur tamen quisquam non requisitus ferre testimonium cum ex eo impeditur damnum commune, vel tertij innocentis. Ita citati Doctores, & ratio est, quoniam ad id nos obligat charitas, etiam cum aliquo

R

nostro

nostro detrimento : qua in re seruandus est ordo charitatis iuxta regulas traditas in primo præcepto. Dixi, priuatus, quoniam fiscales, & alij iustitiæ ministri semper tenentur cum suo detrimento accusare, vel testificari ratione officij suscepti, pro quo stipendium accipiunt, L. Quemadmodum milites ratione officij, & stipendij plerumque tenentur se obicere periculo capitis, etiam quando testimonium solum exigitur ad poenam rei. Dico *tertiò*. Si pro impediendo grauissimo damno Reip. impendenti in futurum, siue spiritali, siue corporali, requiratur testimonium, quilibet ciuis cum quantocūque suo detrimento tenetur illud ferre Ita Sot. 5. iust. q. 7. Roias sing. 3. n. 5. Poenitentium Direct. 2. p. pag. 398. Ratio est, quia iure charitatis bonum commune præferendum est bono particulari, vt lege naturæ pars se opponit periculo pro toto.

4 *Int.* Quando tenentur filij ferre testimonium contra parentes ? *Resp.* In causa hæresis, cum timetur, ne ea inficiantur alij, nam licet filius in eo casu incurrat infamiam, & confiscationem bonorum, tenetur ex lege charitatis bonū commune anteferre suo particulari. Sed huiusmodi damna regulariter per Inquisitores impediuntur, ne ad tales fidei filios deueniant.

5 *Int.* Tenetur quis ferre testimonium, noluit tamen se offerre ad illud ferendum, teneturne restituere damna inde auctori, vel reo subsequuta ? *Resp.* Minimè. Ita Sot. 5. iust. q. 7. art. 1. Nauar. cap. inter verba, nu. 713. & in sum. cap. 25. num. 44. Med. de rest. q. 9. Cou. reg. pec. p. 2. §. 3. num. 5. Sylu. testis. num. 8. Ratio est, quia iste solum peccauit contra charitatem, non verò contra iustitiam.

6 *Int.* Tenebatur quis ferre testimonium, requisitus à iudice abscondit se & noluit ferre testimonium, teneturne similia damna restituere ? *Resp.* Minimè. Ita Doctores citati, & Ant. 2. p. tit. 1. cap. 16. §. 7. Rainerius in sum. Theolog. verb. testimonium. §. 1. Tabien. verb. testis. contra Sot. Nauar. & Gàbr. in 4. dist. 15. q. 6. conclus. 7. Ratio est, quia iste solum peccauit contra charitatem, & præterea contra obedientiam iudici debitam, non verò contra iustitiam. Nam si iudex præcipiat, vt insequar occisorem fugientem, ego verò nolim, non obligabor ad restituenda damna occisi. Opponit Nauar. num. 44. actus iudicis præcipientis testimoniū est actus iustitiæ ; ergo actus testis nolentis obedire, est actus iniustitiæ. Non valet
consequenter

consequentia, nam actus subditi religiosi non parentis præcepto superioris est actus inobedientiæ, & tamen actus superioris non est actus obedientiæ. Opponit secundo. Negat quis scripturam ex qua dependet meum ius, tenetur ad restitutionem damnorum? *Resp.* diuersam esse rationem, quia scriptura est mea, & contra iustitiam denegatur, at testimonium est alienum, & sola charitas obligat ad illud mihi dandum.

7 *Jnt.* Accepit quis iuramentum, vt testis iuridicè interrogatus: & tacitè promisit se sub illò dicturum veritatem, postea tamen illam negauit, vel occultauit, teneturne ad restitutionem damnorum? *Resp.* Tenetur. Ita Doctores citati. Ratio est in promptu. Quia ratione suscepti officij tenetur ex iustitia innocentem liberare, reumque damnare, detegendo veritatem. Et ita claret disparitas rationis in hac, atque in proxima difficultate.

8 *Int.* Potestne testis pretium accipere pro ferendo testimonio? *Resp.* Minimè quidem pro iustò testimonio. Et ideo si aliquid accipiat, tenetur illud restituere. Dixi, pro iustò, quia pro iniusto testimonio ferendo, licet peccet accipiendo pecuniam, acceptam tamen non tenetur restituere: quia periculum, cui se exponit falsi testimonij, pretio est æstimabile: & ideo non tenetur illud iam acceptum reddere. Ita omnes Doctores citati.

9 *Int.* Quid tenetur facere testis circa peccata occulta? *Resp.* Non potest testis aperire iudici crimen occultum. Ita D. Thom. 2.2. q. 70. art. 1. Cætan. & Aragón. ibid. Sot. 5. iust. q. 7. art. 1. & omnes Theologi. Ratio est, quia occultare secretum est de iure naturali. Hoc tamen intelligendum est, quando ex occultatione non imminet damnum publicum. Si enim imminet, præferendum est bonum commune bono particulari. Item si non imminet damnum tertij innocentis inferendum ei ex malitia illius, cuius interest secretum seruari. Tunc enim ad euitandum tale innocentis damnum, reuelandum est secretum. Ita D. Thom. 2.2. q. 68. art. 2. ad 2. Nauar. cap. inter verba. nu. 66. & in sum. c. 18. num. 6. Sot. 5. iust. q. 7. ad 2. Medin. de restit. tit. de secr. seru.

10 *Jnt.* Quid si interrogetur testis de delinquente tantum ad poenam? *Resp.* Negant Sylu. test. nu. 8. Angel. eodem verbo testis. nu. 26. illud posse manifestare, nisi præcedat infamia,

aut femiplena probatio. Oppositum docuit Sot. 5. iust. qu. 7. art. 1. ad 1. si procedatur, inquit, via accusationis, etiam si solus videris, teneris adductus in testem ferre testimonium. Idem tenent Speculator, Host. Panormitan. Ostensis locis citatis. Ita Ordin. Lusitan. tit. 42. Ratio est. Quia postquam reus ab accusatore in iudicium delatus est, iam eius crimē quodammodo factum est publicum: accusauit enim ex indiciis. Nam ex opposito fundamento minimē possent priuati accusare iniurias sibi coram paucis illatas, vel coram duobus, vel etiā vno. Quod quidem falsum est. Est hæc secunda opinio verior, & probabilior.

11 *Int.* Accepit quis notitiam criminis sub secreto? *Resp.* Adductus in testem tenetur iure naturæ illud occultare, licet reus criminis laboret infamia. Ita iam respondi supra. Intelligenda tamē conclusio est, nisi ex occultatione imminet damnum publicum, aut tertij graue innocentis, proueniens ex malitia rei, de qua quæritur. Enimuerò si proueniat aliūde, & impediri possit reuelando secretum, non possum illud reuelare. Quia teneor iure naturali illud occultare in bonum eius, qui illud mihi commisit.

12 *Int.* Tria adhuc restant interroganda de testibus. Primū est de illorum concordia? *Resp.* Constat ad plenam probationem criminis requiri testes concordēs. cap. *Licet causam.* §. *quacumque*, de probat. c. *Bonæ.* l. 1. §. 2. l. *Qui falsa.* l. *Varia.* ff. de testib. Itaque oportet, vt testimonia conueniāt in re gesta: alioqui iam plures erunt actus. Requiritur deinde, vt sint contestes in tempore patrati criminis. Constat ex cap. *Nihilominus* 4. qu. 9. ex loco *Daniel.* 13. vbi senes conuicti sunt falsitatis ex eo, quod discordauerint in loco. Item in persona. Alioqui iam de pluribus hominibus feruntur testimonia. Præterea si agitur de consanguinitate, vel affinitate, oportet, vt conueniant in gradu cap. de Parentela. 2. 35. q. 6.

Si actus de quo feruntur testimonia sit successiuus, satis est, si plures testes adfuerint diuersis partibus eius, vt si adfuerint diuersis partibus missæ; & sic de aliis. Ita Arm. testis nu. 6. Simanch. tit. 64. nu. 65. & Arag. 2. 2. q. 70. art. 3. Non requiritur tamen testium concordia circa leuissimas rei gestæ circumstantias, cap. *Nihil obstat* verb. *significa.* Imò omnimoda testium concordia in omnibus, etiam minimis circumstantiis, verbis, & ordine rerum, reddit testimonium suspectum falsitatis.

L. 3. ff. de testib. c. si testis 4. q. 3. videntur enim consulto eundem proferre sermonem. Vt notat D. Thom. 2. 2. q. 70. art. 2. ad 2. ex D. Chrysost. & Arag. ibid.

13 Int. In causâ hæresis requiruntur testes concordēs? *Resp.* Crimen hæresis, & aliud eiusdem rationis, seu eiusdem speciei, vt Iudaismi, Lutheranismi, &c. sufficienter probatur per plures actus singulares, tendentes ad eundem finem. Atque ideo testes, de his criminibus singulariter testificati, verè habentur concordēs. Ita Simancha *tit. 64. num. 67.* & probat vsus Inquisitorum in nostra Lusitania. Ratio est. Quia aliter non satis prouideretur bono communi, poterit enim vnus hæreticus totam inficere urbem, & Iudæus cum singulis Iudaizare, neque tamen conuinci. Oppositam sententiam sequuntur Inquisitores in Hispania. Ratio eorum est. Quia nulla species perfectè probatur, nisi in aliquo singulari individuo. Dixi crimen hæresis eiusdem speciei, v.g. Iudaismi, aut Lutheranismi; quia si est diuersæ speciei, non satis probatur per testes testantes de pluribus actibus. Ita Penna *3. part. Direct. pag. 663.* Aragon. *2. 2. q. 70. art. 3.* Hostiensis *tit. de testibus. Bald. capit. Licet causam, de probationibus.* Card. in Clement. *1. §. de hæret.* Ioan. Andr. *cap. Ut officium. §. 1. c. hæretic. in 6.* Bald. item *conf. 394.* Qui in hac re de hæreticis loquitur, atque de aliis sceleratis omnibus, vt ideo quemadmodum non damnatur, vt malefactor in genere, de quo plurium testimonia affirmant singulariter esse furem, esse interfectorem, esse vsurarium, &c. Ita, non probatur hæreticus in genere, de quo quis ait esse Iudæum, alius ait esse Lutheranum, &c.

14 Int. Sunt pro vtraque plures testes concordēs, quomodo ferenda est sententia? *Resp.* Examen probationum spectat ad iudicem. *l. 3. ff. de testibus.* Si pares sunt numero, & dignitate, iudicandum est pro reo in causa pœnali, *cap. Ex literis. de probationibus.* Ratio est. Quia iudex facilius esse debet ad absoluendum, quàm ad damnandum. Dixi, in causa pœnali, quia in causâ fauorabili iudicandum pro actore contra reum, vt in causa matrimoniali, *cap. finali. de sentent. & re iudicata.* In dubio æquali de re utili iudicandum est pro possessore; quia melior est conditio possidentis. *de reg. iur. in 6.* Quod si neuter possideat, diuidenda est vtrique. Quod si res non sit diuisibilis, tradenda vni, & ipse compellendus ad

reddendum alteri suæ partis valorem. Ita colligitur ex D. Thom. 2.2. *quæst.* 70. *art.* 2. Sylu. *testis.* q. 7. & aliis citatis Doctoribus.

15 *Int.* Quæ licent reo, vel aëtori exceptiones (nostrates appellant contradicctas) ad infirmandum testimonium dicta? *Resp.* Non licet reo falsa crimina, falsasque exceptiones scienter opponere testibus, ad infirmanda eorum testimonia vera & iusta. Ita ostendit ipsum naturæ ius. Dico *secundò*. Ad infirmandum testimonium falsum, fas est reo opponere testibus vera crimina, quamuis occulta, & ignominiosa testibus, siue testificari compulsis, siue voluntariis. Ita omnes Doctores. Ratio est, quia vim vi repellere licet: sed per falsum testimonium reo inferitur vis; ergo illam vi repellere poterit. Dico *tertiò*. Iure charitatis tenetur quis pati leue detrimentum falsi testimonij, ne illud infirmet per criminis detectionem, unde testi resultat notabilis, & grauis infamia. Hæc conclusio constat ex terminis, & ideo non indiget probatione.

16 *Int.* Quis tenetur retractare testimoniū? *Resp.* Qui scienter falsum testimonium dixit in notabile Reipublicæ, tertiiue detrimentum, quod non aliter, quam per retractationem potest impediri, sub mortali tenetur ex iustitia testimonium retractare. Adeo ut si ex eo mors imminet innocenti, teneatur ad retractationem etiam cum vitæ periculo. Ita Nauar. c. 15. num. 17. Sor. ubi proximè, Cord. lib. 1. q. 31. art. 3. Caiet. 2. 2. q. 70. ar. 4. Ratio est. Quia illius damni fuit iniusta causa. Dixi (sciēter) quia si tale testimonium dedit ob ignorantiam inuincibilem, ad nil tenetur. Item quādo ex tali testimonio, aut nullum, aut leue detrimentum sequutum sit innocenti, vel Reipublicæ. Item quando ex sua retractatione nullum sequitur remedium, quia iam, v.g. reus occisus est, vel iam conuictus per alios testes, & damnandus, licet ego meum testimonium retractem.

De Aduocatis. §. 11.

1 *Quid dicendum de Aduocatis.*

1 **I** N T E R R O G A T I O. Quid censes de Aduocatis? *Resp.* Aduocatus scienter defendens causam iniustā peccat mortaliter, & tenetur restituere parti aduersæ. Ita cōmuniter Doctores. Sotus 5. iust. q. 8. art. 3. Caiet. verb. *Aduocatus*,

Et 2.2.q.71.art.3.Sylu.verb.Aduocatus. Nau. cap.25.m.28.Tenetur etiam ad damna clientis, si eum non admonuit de iniustitiæ causa. Ratio est, quia per se & iniuste cooperatur ad damnum tertij. Peccat etiam mortaliter, & tenetur ad restitutionem damnorum, si defendat iniustam causam tantummodo ad differendam, vel ad compellendam partem, & ut festina faciat compositionem: quia id iniquissimum est. Peccat item grauiter si reuelet secretum, sibi à cliente commissum, ut aduersarius sibi caueat. Ita prohibetur c. si quem pœnituerit. 2. q. 3. l. i. ff. de prauaricatorib. Et li. 5. Ordin. Lusitan. ti. 65. Ratio est manifesta. Quia per iniustitiam reuelat secretum sibi commissum. Peccat denique paciscendo cum cliente quem defendit, de aliquota parte causæ sibi danda, si vincat. Ita prohibetur L. Sumptus. ff. de pact.

CAPVT XX.

De Detractione. §. 1.

- 1 Quid est Detractio.
- 2 Quot modis committitur.
- 3 Quale peccatum est.
- 4 An liceat diffamatum per sententiam iudicis euulgare ubique.
- 5 An quis se possit infamare.
- 6 An liceat in tormentis detegere crimen sibi secretò commissum.
- 7 De audiente detractionem.
- 8 De eo, qui non impedit detractiones.

1 **I**NTERROGATIO. Quid est detractio? Resp. Est Ablatio famæ per verba cum intentione nocendi. Ita Toletus cum Theologis, lib. 5. cap. 63.

2 *Int.* Quot modis fit huiusmodi detractio? Resp. Octo: quatuor circa malum, qui hoc versu continentur.

Imponens, augens, manifestans, in mala vertens.

Quatuor circa bonum, qui hoc versu declarantur.

Qui negat, aut minuit, tacuit, laudatpe remisit.

De his D. Thom. 2.2. quæst. 73.

3 *Int.* Quale peccatum est detractio? Resp. Ex suo genere mortale, nisi excuset paruitas materiæ, vel inaduertentia.

R 4

4 *Int.*

4 *Int.* Tria dubia sunt præcipua in hac materia. Primum (de quo controuertunt grauer Caiet. opusc. 16. *respons.* 9. & Adrian. *quodlib.* 11. q. 1.) petit, an diffamatum per sententiam iudicis, liceat de crimine probato manifestare? *Resp.* Dico *primum*. Manifestare crimen alicuius, quocumque modo infamati, intentione ei nocendi, peccatum est. Id enim est contra charitatem.

Dico *secundum*. Infamatum siue per crimen publicum, siue per iudicis sententiam, postquam consequutus est bonam famam, manifestare absque legitima causa, peccatum est cōtra charitatem, vt manifestum est, & ex multorum sentētia contra iustitiam, vt iam dixi cum egissi de restitutione famæ ad VII. Decalogi præceptum. Fuit, v.g. quis Conimbricæ hæresis damnatus publicè per Inquisitores, tamen post resipuit, & bonam famam modò habet, nec est qui recordetur illius criminis: si quis hoc aliis nescientibus manifestat, peccat contra charitatem, & iustitiam simul, atque consequenter tenetur ad restitutionem. Ita Tolet. *lib. i. cap.* 65. Contra Sot. 4. *iust. q.* 10. *art.* 2. Ratio eius est. Quia quamuis per factum publicum, vel per iudicis sententiam fuerit illi ablata fama antecedens, non tamen fuit ablata fama subsequens. Hæc tamen Toleti sententia nullatenus asserenda est, cū ex occultatione criminis imminet Reipublicæ, vel tertio innocenti periculum grauis damni seu temporalis, seu spiritualis. Tale erit, qui se prædicaret medicum insignem, cū sit imperitissimus. Vel damnatus hæresis, vt Catholicum se gereret, cum periculo inficiendi fideles pestifera hæresis lue, & similia. Dico *tertium*. Infamare infamatum publicum, in loco, quo moraliter illa infamia non erat peruentura, peccatum est contra charitatem. Ita communiter Doctores, quos sequitur Tolet. proximè citatus. Et est contra iustitiam, iuxta Toleti ipsius sententiam. Quæ quidem explicanda, vt iam explicui ad septimum præceptum, & in superiori propositione. Ratio est manifesta pro hac, atque pro superiori conclusione. Dixi, in loco ad quem moraliter illa infamia non erat peruentura. Quia in loco, vbi lata est sententia, vel factum crimen publicum, aut in loco, quo breui infamia peruaderet; nullum est peccatum aliis illud detegere, absque animo contemnendi, sed animo solummodò narrandi, quæ acta sunt.

5 *Int.*

5 *Int.* Absoluisti primum dubium: propono secundum. An possit aliquis se ipsum infamare, quin offendant iustitiam? *Resp.* Negat Caiet. *verb. detract.* Quia, inquit, nemo est dominus suæ famæ, sicut nec suæ vitæ. Affirmat D. Th. 2. 2. *quæst.* 73. *art.* 4. ex opposito fundamento, & est communis sententia, si infamia redundet in ipsum solum, qui se infamat. Peccat tamen contra charitatem qui sine causa se infamat: grauiter quidem, cum infamia est grauis: leuiter, cum infamia est leuis.

6 *Int.* Torquetur quis ad detegendum quidquam non iuridicè, quod quidem accepit sub secreto naturali, potestne illud detegere? *Resp.* Respondeo, potest cum detectio secreti non redundat in damnum commune. Ita Sot. 3. *inst.* 9. *art.* 2. Exempli gratia: torquetur aliquis iniustè, vt complicem criminis detegat, potest illum detegere. Ratio est, quia nemo tenetur cum tanto suo detrimento alterius famam seruare, occultando commissum peccatum illius. Ita Tolet. *lib.* 5. *cap.* 66. Si autem obstat bonum commune, potiùs quis tenetur mortem oppetere. Vt cum miles capitur ab hostibus iniustè tortus, potiùs tenetur pati mortem, quàm Ducis consilia aperire. Hoc tamen intelligo quando secretum accepit via iusta. Si enim vi, aut fraude illud sciuit, vt iniustè illud accepit, ita etiam iniustè reuelabit, vt manifestum est.

7 *Int.* Quid censes de audiente detractorem? *Resp.* Dico *primum.* Quando quis delectatur detractionibus ex odio eius de quo detrahitur, gaudento pro tali infamia inimici, tantum peccat, quantum malum est ipsa infamia. Dico *secundò.* Detractionem audire ob solam vanam sciendi curiositatem & otiositatem, est solum veniale. Ita Tolet. *lib.* 5. *c.* 67.

8 *Int.* Quantum peccat, qui non impedit detractorem? *Resp.* Qui cum superior est, & ideo potest impedire detractionem, & non impedit, tantum peccat, quantum est damnum tertij proueniens ex detractione. Dixi, cum superior est, quia priuata persona excusatur ob multas rationes, vtpote, quia videt se nihil profecturum: quia audax arimabitur, timet detractoris iram: quia non erit decorum propter reuerentiam ipsius prælati, aut superioris detrahentis, si ipsum reprehendat. Ita Tolet. citatus, quæ colligit ex D. Thom. 2. 2. *q.* 73. *art.* 4.

C A P V T XXI.

De nono Decalogi præcepto.

Non concupisces vxorem proximi tui.

DE hoc præcepto, quidquid dici poterat, dictum est ad sextum præceptum: propterea interrogationibus repetendis supersedeo.

C A P V T XXII.

Decimum Decalogi præceptum.

Non desiderabis domum proximi tui, non seruum, non ancillam, non bouem, non asinum; non omnia quæ illius sunt.

INTERROGATIO. Quid prohibetur in hoc præcepto? *Resp.* Omnis species auaritiæ. Est autem auaritia appetitus diuitiarum voluntariè inordinatus. Tres autem virtutes offendit huiusmodi appetitus. Offendit iustitiam, cum appetit possidere, vel retinere aliena iniusto modo, nempe per vim, fraudem, aut dolum. Offendit liberalitatem, cum denegat, quæ tenetur erogare: tenetur autem ex hac virtute ad eroganda superflua. Veruntamen de hac obligatione dicam, cum me de eleemosyna rogaueris. Offendit charitatem, quando sic erga diuitias affectus est, ut eas præferat necessitati proximorum.

Finis prima partis.

EXAMINIS



EXAMINIS
THEOLOGIÆ
 MORALIS,
 SEV
 PRÆXEOS CASVVM
 CONSCIENTIÆ,
 PARS SECVNDA.

Præceptorum Ecclesiæ, & censurarum, pœnarumque
 materias complectens.

E GIMVS in prima parte de præceptis decem Decalogi.
 Nunc de præceptis quinque Ecclesiæ, deque censuris, ac
 pœnis, quæ eiusdem sunt Ecclesiæ iussa, nobis agendum su-
 perest. Quoniam vero ad intelligenda quæ dicenda sunt,
 faciem præfert legis humanæ communis notitia, eam præmittendam
 censuimus, ut postea ad singulas leges, singulæque præcepta veniamus.

De Lege humana

De Legis humanæ etymologia, & definitione. §.1.

1 De etymologia huius nominis Legis.

2 De definitione Legis.

CAPVT I.

1 **I** NTERROGATIO. Vnde dicta est lex? Resp. Dicta
 est à ligando. Ita D. Thom. 1.2. quæst. 90. art.1. Scot. in
 4.d.15.q.2.art.1.ex Cassiodoro, & Isidor.2.Etymolog. Dicta est à
 legendo, quia plerumque leges humanæ feruntur in scriptis.
 Ita Isidorus citato loco. Dicta est ab eligendo. Sic Tull. teste
 Sot.1. iust. q.1.art.1. August.2.p. quæst. testam. q.15. Nempe, quia
 per eam sciunt subditi, quid eligendum est, & sequendum in
 operationibus.

2 Int.

2 *Int.* Quo pacto definitur Lex? *Resp.* Est ordinatio rationis ad bonum commune, ab eo, qui curam communitatis habet, promulgata. Ita D. Thom. 1. 2. q. 90. art. 4. sequitur Nau. de leg. pæn. n. 2. tom. 2. consil. Eam verò ab effectu sic definiunt Sot. 1. iust. q. 1. art. 1. Castro lib. 1. de leg. pæn. cap. 1. Est æquitatis, iniquitatisque regula. Dixi, ob bonum commune: quia si executio legis est contra bonum commune, talis lex est nulla. Quam veritatem docuit Plato *dialog. 5. de legib.* Arist. 4. *Polit. cap. 1.* Tull. 1. 1. & 2. de legib. & Isidor. Habetur *Can. Erit. distinct. 4.* Probatum ratione. Quia lex est communis regula, & mensura operationum humanarum, teste Platone in Minoe. Est commune præceptum, sic appellatur ab Aristot. 5. *Ethic. & in L. lex. & L. iura. ff. de legib.* Est instrumentum principis, ut primi motoris actionum subditorum: atqui prima mensura, commune præceptum, primi motoris instrumentum debet tendere ad bonum commune; ergo & lex.

3 *Int.* Huic tuæ responsioni videtur ob stare L. 1. §. *huius studij. ff. de iust.* ubi ius publicum à priuato distinguitur, quod priuatum tendit ad singulorum vtilitatem. Tales videntur leges Priuilegiorum, Leges pupillorum, Minorum, Seruorum, Vectigalium, quæ Regis, ac Principis imponuntur vtilitati. Dic igitur, quid in hoc censeas? *Resp.* Dico vnum, Priuilegia esse leges. Ita appellantur c. *Priuilegia. dist. 3.* quod perperam negarunt Glos. *cap. Erit autem lex. dist. 4.* & Castro 1. de leg. pæn. c. 1. & alij. Ratio est, quia falsis nituntur fundamentis. Glossa ait priuilegia non respicere bonum commune, & hoc saltem in priuilegiis contentis in corpore iuris falsum est. In priuilegiis aliis ratio communis boni attenditur, conducit enim bono communi benè meritos maioribus afficere præmiis, ut eorum exemplo alij ad virtutem concitentur. Castro ait leges ferri generaliter: priuilegia verò specialiter: & ideo appellari leges priuatas, *cap. Priuilegia. dist. 3.* Et hoc falsum etiam est, saltem in priuilegiis personalibus communiter, qualia sunt concessa Mendicantibus, pupillis, & alia. Dicuntur verò priuilegia leges priuatæ, quia in iis aliquid particulare conceditur. Ideo Durand. de iurisf. Eccl. q. 2. art. 2. definit: priuilegium est ius, quod continet specialem gratiam concessam alicui. Alij aiunt leges esse iura communia, priuilegium verò eximi à iure communi. Ita enim definitur priuilegium. Est ius priuatum contra ius commune. Sic Hostien.

in sum. sed hoc falsum est : quia statuta in fauorem pupillorum, militum, & similium appellantur leges, & tamen eos eximunt à iure communi. Aduerto tamen in priuilegiis duo consideranda esse, nimirum fauorem erga priuilegiatam personam, & obligationem seruandi ea erga magistratus Reipublicæ. Considerata quidem priori modo, non sunt leges, neque obligant, potest enim priuilegiata persona renunciare suo fauori speciali. Ita Angel. *verb. Priuileg.* Probatur ex c. *Cum accessissent*, de probationib. c. *Quod ob gratiam*, de reg. iur. in 6. vbi Gloss. l. *quod fauore*, Cod. de legib. Considerata verò modo posteriori sunt leges, & obligant ad sui obseruationem, respiciuntque bonum commune. Tales sunt etiam leges pupillorum, Minorum, Seruorum, & Vectigalium.

De potestate condendi leges ciuiles. §. 2.

- 1 *An laica Communitas possit condere leges.*
- 2 *Penes quos sit potestas condendi leges ciuiles.*
- 3 *A quo Reges habeant potestatem condendi leges ciuiles, an à Communitate.*
- 4 *An Communitas possit hanc potestatem concessam reuocare.*
- 5 *An Papa possit condere leges ciuiles.*
- 6 *An Papa possit reuocare, seu annullare leges ciuiles.*

1 **I** N T E R R O G A T I O. Estne in Communitate laica potestas condendi leges ciuiles? *Resp.* Maximè. Quam veritatem ostendit ipsum ius naturale. Ita Philosophus 6. *Ethic.* & 3. *Politic.* & D. Thom. 2. 2. q. 90. art. 1. ad 2. vt iam dixisti.

2 *Int.* Penes quos est potestas condendi leges ciuiles? *Resp.* Penes ipsam Communitatem. Insuper penes Reges, & Principes ab ipsa Communitate creatos. Ita Philosophus & D. Th. locis citatis, & Plato toto *lib. de Republica.*

3 *Int.* A quo acceperunt Reges huiusmodi potestatem? *Resp.* Quamuis aliqui Reges illam immediatè à Deo acceperint, vt Saul. 1. *Reg.* 10. Dauid. 1. *Reg.* 16. Iehu. 4. *Reg.* 9. & alij. Tamen omnes alij illam à Deo mediatè accipiunt, per ipsam Communitatem. Ita Couarr. *pract. quæst. cap. 1. conclus. 1.* Nauarr. *cap. Nouit. de iudiciis. nota. 3. num. 119.* Marantha 3. *par. Specul. n. 25. & 26. & l. 2. §. nouissimè. ff. de orig. iuris.* & l. 1. *ff. de constit. Princip.* Ledesm. 2. 4. *qu. 18. articul. 3. dub. 10.* Castro de *leg. pæn. lib. 1. cap. 1.* fauet D. Thom. 1. 2. *quæst. 90. art. 3.* dum ait condere leges pertinere ad ipsam Communitatem, vel ad eum, qui eius

eius vicem gerit, & 1.2.q.79.art.3.ad 3.ait Principem non habere potestatem condendi legem, nisi in quantum gerit personam multitudinis. Hinc fit, vt non minus teneantur Reges legibus fundamentalibus regni, quibus scilicet constituitur, restringitur, aut extenditur eorum iurisdicção, atque tenentur priuati quouis communibus pactis, & conuentis, sicuti benè notauit Tolofanus *lib.7.de Repub.cap.16.n.8.*

4 *Jnt.* Potéstne communitas huiusmodi potestatem concessam Regibus iterum reuocare? *Resp.* Minimè quidem. Ita communiter Doctores. Veruntamen propter ipsorum Regum tyrannidem potest. Ita Marantha citato loco de sententia Baldi, & Aretini. Ratio est. Quia licet Communitas talem potestatem à se actualiter abdicauerit, non tamen irreuocabiliter, vt ait Nauar. *cap. Nouit. de iudiciis. not.3.num.119.* & Almain. de auctorit. Papæ. Et ideo si REX in ferendis legibus commissionem sibi traditam excedat, non ligatur iis populus, vt adnotauit Innocent. *c.1.de locato, & c. A nobis. de lect.*

5 *Jnt.* Potéstne Papa condere leges ciuiles politicam Rempubicam obligantes? *Resp.* Suppono, vt probabiliorem sententiam, quæ Papæ non concedit per se dominium temporale, directum in vniuersum mundum. Quam probant Bellarm. *lib.5. de Rom. Pontif. Turrec. lib.2.sum.cap.123.* Caietan. in Apolog. *cap.13.* Scot. in 4. d.45. *quæst.2. art.1.* & Victor. in relect. 21. *de potest. Ecclesiast.* Dico igitur, Papam non posse condere leges ciuiles; nisi in terris, in quibus habet dominium temporale.

6 *Jnt.* Potéstne Papa leges ciuiles Regum reuocare? *Resp.* Potest, cum contrariæ sunt fini supernaturali. Ita Bellarm. citatus, & omnes. Quia in hoc Respub. politica subordinata est gubernationi spirituali. Et ideo cum inueniuntur contrariæ duæ leges, alia ciuilis, alia Ecclesiastica, si in executione datur periculum animarum, standum est Ecclesiasticæ, non ciuili. Ita tradit Glos. *cap. Possessor. de reg. iur. in 6.* Felin. ad *cap. Ecclesia de constitut. Pan. ad cap. Cum haberet. de eo, qui duxit in matrimonium, quam polluit.* Bart. Auth. *Ex complex. Cod. de inces. nup.* Fortun. *tract. de ultim. fin. de iur. can. num.3.* Imola *cap. Quoniam de præscrip. num.5.* & ideo abrogata est lex ciuilis de præscriptione cum mala fide. *cap. Finali de præscrip.* Lex denegans alimenta filiis illegitimis. *cap. Cum non haberet.*

Vt

Vt notant Couar. 2. p. *Fpitom. cap. 8. §. 6.* & Gom. ad 6. *L. Tauri. num. 37.*

CAPVT II.

De Potestate condendi leges humanas.

§. Quoniam ab ipso Naturæ duce ius habet omnis Communitas condendi leges erga suos: vt docet Philosophus 6. *Ethic.* & 3. *Polit.* & ex eo D. Thom. 2. 2. *quæst. 50. artic. 1. ad 2.* Omnis verò Communitas, aut est Ecclesiastica, aut ciuilis. Quanquam nostro instituto bene satisfaceret, si de sola potestate condendi Ecclesiasticas leges in præsentia ageremus: maioris tamen doctrinæ gratiâ, etiâ de potestate condendi leges ciuiles interrogationes proponam. Vtraque enim Communitas est corpus mysticum, & ab ipsa natura potens est sua membra legibus gubernare.

De potestate condendi leges Ecclesiasticas. §. 1.

- 1 *An sit in Republica Ecclesiastica potestas condendi leges.*
- 2 *A quo accepit huiusmodi potestatem.*
- 3 *Penes quos est hæc potestas.*
- 4 *De Capitulo sede vacante.*
- 5 *De Collegio Cardinalium.*
- 6 *De Superioribus Religionum.*

1 **I**NTERROGATIO. In primis rogo, estne in Republica Ecclesiastica potestas condendi leges obligantes? *Resp.* Negant hæretici, quos referunt D. Anton. *tit. 11. cap. 7. §. 2.* Bellarm. *lib. 4. de Rom. Pontif. cap. 15.* Vtuntur Diuinæ Paginæ testimoniis. *Redemit nos à maledicto legis.* ad Gal. 3. Item, *Legem mandatorum decretis euacuans. Non sumus ancillæ filij, sed liberae, qua libertate Christus nos donauit.* ad Gal. 4. Veruntamen hæc testimonia loquuntur de exemptione à lege Mosaica, à qua Christus Dominus nos exemit. Dico igitur. De fide est esse in Ecclesia potestatem condendi leges Ecclesiasticas habentes vim coactiuam erga subditos Ecclesiæ. Ita communis sensus Catholicorum.

2 *Int.* A quo est hæc potestas condendi leges Ecclesiasticas, hoc est, à quo accepit Ecclesia hanc potestatem condendi leges Ecclesiasticas? *Resp.* A Christo Domino. Ita probat Vict.

in relict. de potest. Eccles. Ratio est, quia hæc potestas deducta est, & deriuata ab Apostolis, sed Apostoli illam acceperunt à Christo Domino, cum dixit Petro, *Pasce oues meas*, & testatur Paulus 2. Cor. 10. *Potestatem, quam dedit mihi Dominus*; ergo, &c. Hoc voluerunt Apostoli significare in primo Concilio Hierosolymitano, cum dixerunt, *Visum est Spiritui sancto, & nobis, nihil ultra imponere vobis, quam hæc necessaria*, &c. quasi dicerent, per hanc potestatem quæ nobis per Christum à Spiritu sancto fuit communicata.

3 *Int.* Penes quos est huiusmodi potestas? *Resp.* Penes summum Pontificem. Penes Ecclesiam in Conciliis congregatam. Penes Concilia Prouincialia cum suo Primâte. Penes Concilia diocesana cum suo Episcopo. Penes Communitates minores, vt Capitula Canonorum, Vniuersitates, Collegia, & similes. De summo Pontifice, & de Concil. generali, legitimè auctoritate Apostolica congregato, habetur c. *Regula. dist. 3.* Ostendit Bellar. *lib. 4. de Rom. Pont. cap. 16.* Patet ex 15. *Aff. in primo Concilio Hierosolymitano.* Vbi decretum est de abstinendo à sanguine & immolatis idolorum. Quod decretum neque obligabat ex iure naturæ, vt manifestum est, neque traditum fuerat à Christo Domino, vt constat; neque vim accipiebat à lege Mosaica, quia iam abrogata erat; ergo ab auctoritate Concilij. De Conciliis Prouincialibus, & Diocesanis probat vsus Ecclesiæ, vt ostendit Hostiens. *in sum. tit. de const. §. quis possit statutum facere.* Innoc. & Compostel. *cap. Cum omnes, & cap. Cum accessissent, eodem titul.* Probat 1. Quia Paulus *Aff. 20.* eos dicit à Christo Domino positos ad regendam Ecclesiam Dei. *Quos Spiritus sanctus, inquit, posuit Episcopos regere Ecclesiam Dei.* Quem locum de Episcopis interpretatur Conc. Trid. *sess. 23. c. 4.* De minoribus Communitatibus, qualia sunt capitula Canonorum, Vniuersitates, Collegia, Confraternitates, & similia, patet ex *cap. Quæ contra. dist. 9. c. Catholica. dist. 11. c. Conquestus, de furis.* Constat ex *L. Per iniquum. Cod. de iurisd. omn. iud. & L. omnes populi. ff. de iust. & iur.* Docet Albericus *tract. de conslit. qu. 3. num. 1.* Quæ statuta obligant solas personas earundem communitatum. Ita Bald. in *Margarita. verb. statutum.* Nec huiusmodi leges ad obligandum indigent superioris approbatione, vt ipse idem Baldus notat.

4 *Int.* Quid censes de Capitulo sede vacante? *Resp.* Succedit

cedit in iurisdictione Episcopali. Gloss. cap. *Ad abolend. de hæretic. & cap. Cum olim. de maior. & obedientia. Verumtamen* condere non potest leges, quæ sede iam impleta valeant. Ita colligitur ex cap. 1. *ne sede vacante aliquid innouetur*, eodem titulo. Seruanda tamen hac in re consuetudo. Visitator tamen à capitulo electus, potest statutum condere duraturum postea, sicuti visitator Episcopi.

5 *Int.* Quid arbitraris de Collegio Cardinalium Apostolica sede vacante? *Resp.* Non potest condere leges obligantes orbem, nisi conducât ad electionem Pápæ: ita Panorm. c. *Cum te, de re iudicat. nu. 12. & 13. Barbant. cap. translatio. de cõmunitatib. ex Antonio, & Baldo in tractatu schismatis ad rubr. c. si quis aliq. test. prohib. & ad L. ubi. ff. de tutorib. & curat. Iacobatius lib. 7. de cons. art. 5. nu. 19. cap. ubi pericul. §. ceterum, de elect. in 6. Clem. ne Romani. §. irritum*, eodem tit. Ratio est, quia iuxta doctorum interpretationem, huiusmodi iurisdiction, vel nunquam illis à Papa concessa fuit, vel per desuetudinem abrogata est.

6 *Int.* Quid censes de superioribus religionum circa huiusmodi potestatem? *Resp.* Standum est constitutionibus regionis, & secundum eas approbatas à summo Pontifice stringenda, vel amplianda huiusmodi potestas. Quare si superiores soli, vel etiam ipsum Capitulum vellet condere leges admodum austeriores supra regulam, quam quisque professus est, ex essent nullæ ex defectu potestatis. c. *Gesta. dist. 74.* Enimvero huiusmodi leges requirunt cõsensum singulorum in particulari. Reg. *Quod omnes lib. 6. Ita Angel. verb. Religiosus. nu. 29. Hostiens. c. Relict. quod metus causa. Sylu. Religio. 6. n. 6. cum D. Thom.*

C A P V T I I I.

De vi coactiva legum humanarum, quoad forum externum.

De consensu subditorum requisito ad legis obligationem. §. 1.

1 *An possit legislator subditos inuitos, & repugnantes cogere ad legum obseruantiam.*

S

I I N T E R

I INTERROGATIO. Potestne legislator subditos inuitos, & repugnantes cogere ad legum obseruationem? *Resp.* Potest, c. De Liguribus. 23. q. 5. Ita Turrecrem. ad c. Ideo. d. 4. q. 1. num. 2. ex Hugone, & Archidjac. Ratio est, quia potestas legis ferendæ effectus ridiculus, & inutilis, si eius obseruantia ex populi penderet arbitrio. Hanc vim coactiuam appellauit D. Paulus Rom. 13. gladium, & parere legibus vocat parere necessitati, ut ibidem aduertit D. Thomas. Hæc dixerim absolute: in particulari tamen. Dico primò. Leges Ecclesiasticæ (ad quas cõdendas datur in Ecclesia iurisdictio à Christo Domino) nullum requirunt populi consensum. Dico secundò. Leges ciuiles latæ à Regibus (qui ab ipso populo potestatem acceperunt) etiam non requirunt populi consensum, nisi exorbitent à communi regni utilitate. Dico tertio. Leges ciuiles latæ à Regibus, qui regnant iure belli, obligant absque consensu inuitos, & repugnantes subditos. Ratio est, quia tales Reges à populo non acceperunt potestatem, sed à victoria, qua rebelles sub suam potestatem redegerunt. Dico quarto. Leges latæ à maioribus cum consensu viuientis populi, obligant posteros etiam repugnantes, & inuitos. Ita Cou. c. Alma mater. 1. p. §. 9. nu. 2. cum communi. Ratio est, quia ut idem per successionem censetur fluuius, ita & populus quotidie oriens, & occidens. L. Proponebatur ff. de Iudic.

2 Jnt. Contra hanc quartam conclusionem sic aliquis argumentabitur. Posterius non tenentur seruare vota maiorum; ergo nec leges, & statuta? *Resp.* Vota realia maiorum obligare posteros, ut constans est Doctorum sensus. Nam cum succedant in eorum hæreditate ex quodam quasi contractu, ad ea obligantur. De personalibus singulorum, est etiam concors opinio, non teneri, nisi ipsorum posterorum consensus accedat. De personalibus totius populi videtur Nauar. in sum. c. 12. num. 74. posteros obligare. Neganda tamen est talis obligatio ex vi voti, & ideò cum re vera detur in posteris, dico ortam esse ex quodam quasi statuto maiorum, ipsa consuetudine confirmato. Quod quidem ab ipso populo abrogari non potest, quia transit in consuetudinem; consuetudo verò abrogari non potest à populo sine consensu superioris, ut infra dicam.

De promulgatione legum necessaria ad earum
validitatem. §. 2.

- 1 *An requiratur promulgatio ad legum validitatem.*
- 2 *Quomodo valida erit promulgatio legum.*
- 3 *An necesse sit, ut talis promulgatio fiat in singulis urbibus regni.*

1 **I**NTERROGATIO. Requiritur ne promulgatio legum ad earum obligationem? *Resp.* Requiritur. Ad civiles constat ex *Auth.* Vt factæ nouæ Constitutiones, *collat. 5.* ibi Gloss. & Doctores, & *L. leges sacratissimæ, Cod. de legibus.* Ad Ecclesiasticas verò ex *c. 1. De postul. prælat.* & ibi Panormit. *c. in istis. dist. 4. §. leges.*

2 *Int.* Quomodo promulgatio valida erit? *Resp.* Quouis signo externo fiat expressiuo imperij superioris, satis est ad inducendam huiusmodi obligationem. Ita Fulgosius *L. De quibus. num. 1. ff. de legibus.* Ioan. And. *ad regul. Nemo potest, lib. 6.* Felin. & Ripa in rubric. *de constitut.* Selua de benef. *q. 22. n. 14.* & claret ex *cap. 1. de iureiurand. in 6.* & ex Clemen. *Dudum, de sepult. §. Nos etenim. cap. Institut. 25. quest. 2.* Nisi alicubi consuetudine approbata introductum sit, ut non nisi certis ceremoniis promulgatio valida censeatur.

3 *Int.* Estne necessarium ut hæc promulgatio fiat in singulis urbibus? *Resp.* Minimè, sed est satis, quod in curia Principis, aut loco celebriori Prouinciæ inculcetur. *cap. De postul. Prælat. traditque Panormit. ad cap. cognoscentes, de constit. & Bal. ad L. Leges sacrat. Cod. de legib.*

De tempore, quo incipiunt leges obligare, postquam
promulgatæ sunt. §. 3.

- 1 *Quando incipiunt leges obligare.*

1 **I**NTERROGATIO. Quo tempore incipiunt leges promulgatæ obligare? *Resp.* Dico primum. Si in iis exprimitur tempus, ex tunc, *cap. cum singula. de præben. lib. 6.* Gloss. in Clem. 2. *de heret. verb. ex tunc.* Dico secundum. Leges quas condunt Vniuersitates, capitula, Episcopi, & similes minores magistratus, obligant statim post solemnem promulgationem. Ita Hostien. in sum. *tit. de constit. §. quando.* Roteus *p. 3. de synod.*

Sylu. verb. *Lex. q. 6. Turrecr. ad cap. In istis. §. leges, d. 3. Nauar. in sum. cap. 23. num. 44. & conf. 1. de constit. quæst. 4. Dico tertium.* Lex noua continens ius antiquum, seu declaratoria tantum iuris antiqui, obligat statim post promulgationem. Ita Turrecrem. supra. Ioan. And. Paulus, & Gloss. in procem. Clement. §. de cætero. Francus, & Gloss. super data sexti. Hoc intelligo, nisi tale ius antiquum per contrariam consuetudinem præscriptum abrogatum esset. Vel nouam poenam adiciat supra ius antiquum: in his enim eadem esset ratio, ac si nouum ius crearetur. Dico *quartum*. Leges ciuiles Principum supremorum, cum nouum ius continent, neque tempus obligandi præscribunt, obligant in quauis prouinciæ parte à duobus mensibus post promulgationem, sic habetur *Authent. Vt factæ nouæ constit.* Ita Doctores communiter, qui leges testamentorū ad omnes extendunt, Panorm. *ad c. 2. de constit.* Hostiens. Ioan. And. & Felinus ad idem *cap.* Bald. ad *L. Leges sacrat. Cod. de legibus.* Rosel. & alij verb. *Lex.* Standum tamen est iuri vniuscuiusque Regni. Nam in Lusitania leges promulgatæ in regia Cancellaria, aut domo supplicationis, valent in Curia post octo dies, aliis in locis post tres menses, licet in illis non fiat promulgatio. Ita *lib. 1. Ord. tit. 2. §. 10.* Dico *quintum*. Leges à summo Pontifice latæ, solemniter Romæ promulgatæ, obligant ibidem post duos menses. Ita commune interpretamentum Doctorum. Ratio est, quia de hoc nihil decretū est iure canonico: standum est ergo iuri ciuili, nam quæ in iure canonico determinata non sunt, determinanda sunt iure ciuili: per *cap. 1. de noui operis nuncia. & c. Si in adiutor. d. 10.* notatque Innocent. ad *cap. final. de reb. Ecclesi. non alien.* in iure verò ciuili, *Authent. Vt factæ nouæ constit.* obligat post duos menses. Quando verò huiusmodi Pōtificiæ leges incipiāt obligare in quauis prouincia orbis, lis est magna inter Doctores. Prima opinio requirit promulgationem earum in vnaquaque prouincia, & ait non nisi post duos menses à promulgatione ibidem obligare. Ita Gloss. Felinus, Decius, & alij ad *cap. 2. de constit.* Nauar. in *sum. cap. 22. num. 44.* fauent Panorm. ad *cap. 2. citatum*, Angel. verb. *Lex. num. 13.* Conrad. 1. 2. *quæst. 9. art. 41.* Ratio eorum est iam assignata, quia standum est iuri communi. Secunda opinio requirit etiam promulgationem in prouinciis singulis, ait verò, si iam elapsi sunt duo menses à promulgatione facta Romæ, statim obligare à primo die

die promulgationis in prouincia factæ. Ita Sot. i. iust. q. i. art. 4. Med. i. 2. q. 90. art. 4. Palatius in 3. d. 37. disp. i. inter eos tamen adhuc est diffidium. Nam Medina adhuc exigit publicationē in quauis diœcesi. Atque hoc de pœna certum est, nam *cap. Cum infirmitas, de pœn. & remis.* ita decernitur : & postea decreuit Greg. X I I I. Ratio eorum est, quia videtur nimis durū obligare post duos menses Indos, & alios remotissimarū partium orbis incolas legibus, quarum notitia ad eos permeare nequit. Tertia opinio asserit huiusmodi leges obligare post duos menses à promulgatione, facta Romæ, in toto orbe terrarum. Ita Ioan. And. super data sexti. Panorm. c. *Nouerit, de sentent. excommun.* Nauar. tom. i. *cons. cit. q. 4. ibid. q. 6. §. 3.* Et hic est stylus Curix Pontificiæ, secundum quem in ea deciduntur causæ totius orbis per leges Pontificias, postquam Romæ promulgatæ sunt. Casus est expressus c. i. *de postul. pralat.* de quodam Episcopo causante ignorantiam legis, contra quam iuit, &c.

De legibus irritatoriis, reuocatoriis, priuilegiatiuis,
quoad earum validitatem. §. 4.

- 1 *An leges irritatoriæ obligent ignorantes.*
- 2 *De legibus reuocatoriis.*
- 3 *De legibus priuilegiatiuis.*

I N T E R R O G A T I O. Obligantne leges irritatoriæ Ignorantes eas, ad validitatem contractus? *Resp.* Minimè. Itaque licet quis ignoret matrimonium esse inualidum contractum in secundo gradu consanguinitatis : si contrahit, non facit validum contractum. Ita Nauar. *cap. 23. num. 44.* Paul. in *proëm. Clem.* Decius c. 2. *de Constit.* Felin. ibidem, & alij. Et ideo omnium resolutio est, legem irritantem statim à publicatione valere, c. *Dudum. c. Quoddam. cap. Postquam, de præb. in 6.* docetque Panorm. c. *Staphileus. de grat. spectat. formæ 8. n. 9.* Gloss. c. i. *de concess. præb.* & Franc. in data sexti.

2 *Int.* Quid censes de reuocatoriis? *Resp.* Dico primum. Post factam reuocationem priuilegiorum, quicumque certior factus est, non potest illis deinceps uti. Dico secundum. Leges reuocatoriæ gratiarum, & beneficiorum, quorum consecutio conceditur absque dispendio rei familiaris, statim obligant ignorantes à promulgatione earū. Et ideo etiam

in conscientia talis, nec consequitur huiusmodi gratias, nec facit fructus beneficij, si beneficiatus est. Dico *tertium*. Leges reuocatiuæ priuilegiorum, quorum fruitio pertinet ad essentialem animæ salutem, qualis est absolutio à peccatis, non sunt validæ erga ignorantes, cum ignorantia est communis in prouincia, vel saltem in loco, ubi concessa erant priuilegia. Hanc deducunt auctores ex *L. Barbarius. ff. de offic. prætor.* per quam legem valent acta cum communi errore facti, & titulo siue vero, siue præsumpto, & habito ut vero. Quando verò communiter ignoratur, priuilegia esse reuocata, datur communis error facti: ratione verò. Bullæ, seu priuilegij, datur titulus præsumptus; tenent igitur, quæ sic fiunt, non solum in foro externo, sed etiam in conscientia.

3 *Int.* Quid censes de legibus priuilegiatiuis? *Resp.* Leges priuilegiatiuæ statim obligant à sua promulgatione. Ita Pan. c. 2. de const. Palu. & Gloss. proœm. Clement. verb. de cetero. ibidem Felin. Anchar. conf. 319. Rom. conf. 330. Gemin. cap. 2. de concess. præbend. n. 4. Franc. c. ex parte. 5. de concess. præbend. L. Diuine memor. c. de decurio. lib. 10. cap. 1. de concess. præb. Verumtamen aduertendum est, has leges priuilegiatiuas statim obligare, quoad fauorem, non verò quoad poenam appositam iis, qui contra tale priuilegium iuerint, v.g. conditæ sunt leges priuilegiatiuæ in fauorem Ducis Brabantiae, ne quis venetur intra suum septum sub poena verberum, quoad poenam est lex poenalis, & ideo non obligat statim; sed post tempus aliarum legum. Latæ sunt Leges Pontificiæ in fauorem talis Ecclesiæ sub poena excommunicationis ipso facto: obligant statim, quoad fauorem, & eo uti potest talis Ecclesia; verum contra facientes non incurrunt excommunicationem, nisi post duos menses à promulgatione earum.

De acceptance Legum, an requiratur ad earum validitatem. §. 5.

1. Quid dicendum de acceptance legum.
2. Quæ lex censenda dura, quæ irrationabilis.

1 **I** N T E R R O G A T I O. Quid censes de acceptance legum? *Resp.* Dico *primum*, non peccat, qui legem duram, & prudentis iudicio irrationalem non acceptant. Ita Gloss. c. 1. de Treug. & Pace, & Felin. ibidem, colum. 4. Gemin. cap. In istis. §. Leges.

§. *Leges d. 4. Cardin. Alex. ibid. Zabarel. in proœm. Clem. §. Uni-*
uersit. q. 2. Iason. L. non nouam. col. 2. Cod. de iudic. Nau. in sum cap.
33. num. 41. Probatur ex c. in istis. §. leges dist. 4. vbi leges con-
firmari dicuntur, cum moribus vtentium confirmantur, &
ex L. De, quibus ff. de legib. hisce verbis. Nam cum leges nulla
alia causa nos teneant, quàm quòd iudicio populi receptæ
sunt. Ratio est, quia multæ leges moribus patriæ non con-
ueniunt.

2 *Int.* Quæ lex censenda est dura; quæ prudentis iudicio
 irrationabilis? *Resp.* Si ciuilis est, quæ patriæ moribus con-
 tradicit. Si Ecclesiastica, quæ antiquæ, & laudabili consuetu-
 dini aduersatur. Ita Ancharan. *conf. 214. Turrecrem. cap. in istis.*
§. ideo. dist. 4. Dico secundum. Quando lex est conueniens, &
 rationalis, peccant illam non acceptantes ab initio. Post-
 quàm tamen per contrarios actus non recipitur, cessat illius
 obligatio. Hæc conclusio certa est, & indubitata apud
 omnes.

CAPVT IV.

De obligatione legum humanarum, quoad forum internum.

Quantum obliget lex humana quoad actus
 internos. §. 1.

1. *Quid possit lex humana erga internos actus.*

INTERROGATIO. Potestne lex humana quidquā
 præcipere quoad actus internos? *Resp.* Actus purè in-
 terni non subiacent legi humanæ. Ita omnes fermè Theologi,
Durand. in 4. d. 17. q. 8. Palud. q. 7. & d. 15. q. 5. art. 2. Gabriel. q. 1.
dub. 5. & lect. 64. in canon. lit. K. Med. de orat. q. 29. excom. 5. Tab.
excom. 5. casu 4. n. 4. Castro 2. de iust. her. pun. 18. Gerson alphab.
12. lit. C. & D. Almain. de potest. Ecclesiast. c. 7. D. Ant. 3. p. tit. 13. §.
4. cap. 7. Sylu. hora canon. q. 11. & excomm. 7. q. 2. videturque ex-
pressa D. Thom. 1. 2. q. 90. art. 4. his verbis. In his quæ pertinent
ad interiorem motum voluntatis, homo non tenetur homini obe-
dire, sed Deo. Eam tenuere ex Canonistis Nauarr. in sum. capit.
23. n. 28. & de pæn. dist. 5. num. 24. Couar. Reg. peccatum num. 7.
Simanch. instit. cap. 42. Couar. Hostiens. c. Mulieres. Adeo
denique est communis, vt meritò dixerit Nauarrus aliam à
paucissimis Theologis defendi, & à Iurisperitis sacræ Theolo-

giæ omninò expertibus. Probatur ex *c. Erubescant. d. 34. c. Consulisti. 3. q. 5. c. Cogitatio, de pœnit. d. 1. c. Humane. 2. 2. q. 5. c. Sicut, de simonia. c. Tua nos eodem tit.* In quibus dicitur, occulta, & incognita soli Deo esse relinquenda, neque pertinere ad iudicium Ecclesiæ. Ratio est. Quoniam eiusdem legislatoris est actus iudicandi id, quod prohibet, aut iubet: sed legislator humanus nequit iudicare de actibus merè internis. Ita enim D. Paulus *1. Cor. 4. Nolite ante tempus iudicare, quoad usque veniat Dominus, qui manifestabit consilia cordium.* Quasi diceret ad solum Deum pertinere de arcanis animi iudicare, quæ quidem soli Deo patent. *1. Reg. 16.* Ergo non potest illos actus, vel præcipere, vel prohibere. Dico secundùm. Actus interni prout circumstantiæ sunt, & qualitates actuum externorum, possunt ab Ecclesia, & præcipi, & prohiberi. Ita Maior in *4. d. 12 q. 7. §. Contra primam conclusionem. Adrian. q. 2. de confess. Pygius de Ecclesiast. Hierarch. Rosel. absolutio. 1. num. 28. ibid. de potest. Papæ. q. 13. Caietan. 2. 2. qu. 11. art. 4. & in sum. tit. hæresis. Dried. de libertate Christiana. lib. 3. & 5. Sot. de iust. lib. 10. q. 5. art. 5. Ledesm. 2. 4. q. 16. art. 5. dub. 4. D. Anton. 3. p. tit. 24. cap. 4. Nauar. de sim. nu. 20. & 21. Probatur ex Clem. 1. de hæreticis. vbi excommunicantur Inquisitores, qui odio, vel amore inquirunt iniuste, aut omittunt inquirere de hæresi suspectos. Et Clement. 2. de statu monachorum, vbi excommunicantur religiosi, qui animo nocendi suis Prælati ad curias Principum sæcularium se conferunt. Ex *c. Dolentes, de celeb. Miss.* vbi præcipitur Ecclesiasticis recitatio horarum studiosa, atque deuota, per internam mentis attentionem, & animi affectum, vt ait D. Thom. *4. d. 15. q. 4. art. 2. quæstion. 4. ad 2. & Nauar. in sum. c. 25. num. 166.* Imò idem prohibetur de iure ciuili: nam *L. 15 qui cum telo. Cod. ad L. Corneliam.* de sicariis, punitur gestatio teli animo occidendi hominem. Ratio est, quoniam actus humani cadunt sub legem humanam, prout boni, vel mali sunt; sunt autem boni, vel mali ab actu interno; ergo prout sic cadunt sub legem humanam.*

De obligatione legum humanarum in conscientia quoad culpam. §. 2.

- 1 An leges Ecclesiasticæ obligent in conscientia.
- 2 An leges ciuiles obligent in conscientia.

3 An

3. *An præceptum parentum obliget in conscientia filios.*
4. *An præcepta viri obligent in conscientia uxorem.*
5. *Quid dicendum de præceptis dominorum erga mancipia.*
6. *An leges humane obligent cum probabili vitæ periculo.*

I N T E R R O G A T I O. Suppono, vt Catholicam veritatem, dari in Ecclesia legitimam potestatem condendi leges, vt claret ex Conc. Constant. sess. 8. & 15. damnâdo Ioannem VVicleph. & Ioannem Hus. Item ex Bulla Leonis I I. damnâdo Lutherum, quæ videre licet apud Pygium lib. 5. Eccles. Hierarch. Clitoul. l. 1. Ante-Luther. Rosensem ad art. 27. Luther. & Bellarm. lib. 4. de Roman. Pontifice. Suppono item, vt Catholicam veritatem, dari in Republica civili eandem potestatem ex iure ipso naturali. Quæro igitur vtrum leges Ecclesiasticæ obligent in conscientia? Resp. Leges Ecclesiasticæ etiam latæ de iis ad quæ ex iure diuino non tenemur, obligant in conscientia. Hæc est Catholica veritas. Probatur ex cap. 15. Act. vbi Apostoli præceperunt Christianis per verba obligantia in conscientia, quædam ad quæ ex diuino iure minimè tenebantur. Ita enim decreuerunt. *Visum est Spiritui sancto, & nobis nihil ultra nobis imponere oneris, nisi hæc necessaria, vt abstineatis vos ab immolatis.* Hæc & aliæ Apostolorum leges appellantur eod. cap. Præcepta Apostolorum. cap. verò ibi nuncupantur dogmata. D. verò Chrys. hom. 33. in Acta Apostolorum vocat imperia. Quod verò obligauerint in conscientia, constat ex eo, quòd dicantur necessaria: nimirum ad salutem animæ. Quod verò abstinere ab immolatis esset ex solo iure positiuo, docet D. Chrysost. hom. 23. in Acta. Modo verò per desuetudinem talis lex abrogata est, vt notauit Viçt. in relect. de temperantia. num. 2. Qua de re latè Baron. 10. 1. Annalium circa annum Domini 51. & ostendunt Med. tract. de ieiunio. cap. de eius institut. Ledesm. 2. 4. quæst. 17. art. 5. Maior in 4. d. 15. quæst. 4. Probatur item ab experimento, & confessio apud omnes. Enimvero lex de ieiunio quadragesimali, est merè Ecclesiastica, vt constat: ex iure enim diuino non tenemur ieiunare quadraginta dies, vt probant Auctores proximè citati. Item lex de non laborando diebus Dominicis, vt docet D. Thom. 2. 2. q. 122. art. 4. ad 4. Couar. lib. 4. re-solut. cap. 19. n. 6. Nau. c. 13. n. 1. & tamen huiusmodi leges obligant in conscientia. Nam culpam frangentis ieiunium adeo olim detestabatur Ecclesia, vt eam grauissimis poenis affecerit,

rit, quoniam *cap. 68. Apostolorum*, frangens clericus deponebatur, frangens laicus excommunicabatur, sicuti decretum est per Concil. Gangrense *c. 29.* In Concil. verò Tolet. priuabantur communione in Paschate. Præterea non est contra diuinum ius clericos addiscere medicinam: & tamen excommunicantur clerici, qui ultra duos menses in scholis medicinæ operam dederint, aut ciuili iuri, *cap. super specula. ne clerici vel monachi.* & Clementin. *Ne in agro. de statu monach. §. quia verò.* Item non est contra ius diuinum arma intra monasterij claustra habere sine licentia Abbatis: & tamen excommunicantur monachi ea habentes, Clem. *Ne clerici vel monachi.* Tam grauis verò poena non imponitur, nisi ex culpa contra legem. Quòd verò huiusmodi culpa sit mortalis, constat ex grauitate poenæ, quæ vt iusta sit, debet æquiparari culpæ.

2 *Jnt.* Quæro vltcrius, obligentne leges ciuiles in conscientia? *Resp.* Obligant, & oppositum asserere hæresi proximum est, aut saltem temerarium. Constat ex Paulo *Rom. 13. Qui potestati resistit, Dei ordinationi resistit, qui autem resistunt ipsi, damnationem acquirunt.* Colligitur verò ex sequentibus verbis loqui Apostolum de animæ damnatione, ait enim: *Ideo necessitati subditi estote, non tantum propter iram, sed propter conscientiam, hoc est, non solum propter præsentem violationem, sed propter futuram in iudicio diuino, accusante conscientia, vt ibidem interpretatur Ambrosius.* Longiores probationes, & attestaciones legere est apud *Sot. i. iust. qu. 6. art. 4. Castr. 5. de leg. pæn. cap. 4. Couar. reg. peccat. 2. part. §. 5. n. 3. Alciatum cap. Cùm contingat. de iureiur.*

3 *Jnt.* Quid censes de præceptis patrum erga filios? *Resp.* Obligant in conscientia, etiam ad mortale. Claret ex *c. Si dominus. 11. q. 3.* sed de hoc quamquam iam respondi ad quartum præceptum, volo refricare memoriam, & iterum quid in hac materia occurrit, propalare. Probatur igitur efficacius hæc veritas ex *cap. 23. Deut.* vbi decernebatur poena mortis filio contumaci: poena autem mortis in lege veteri non nisi pro culpa mortali imponebatur, vt tradit *Vict. de potest Eccl.* Hæc verò contumacia, vt sit mortalis, debet esse erga præceptum rei grauis. Grauis verò res esset, si pater præciperet filio, vt caueret à noxiis sodalium familiaritatibus. Aut si præciperet filix, ne à fenestra prospiceret libidinosè prætereuntes

ad stuprum vel clandestinum matrimonium. Aut si itidem præciperet, ut illum potius, quàm hunc coniugem accipiat, quia id interest ad status & dignitatis decentiam. Ita Nauar. cap. 14. num. 12. & Med. de Insti. conf. cap. 14. §. 14.

4 Int. Quid censes de præceptis viri erga uxorem? Resp. Tenentur uxores præceptis coniugum suorum sub culpa lethali, aut veniali, iuxta gravitatem, leuitatémve materiæ præceptæ obedire in conscientia. Claret ex D. Paulo Ephes. 5. & Coloss. 3. *Mulieres viris suis subditæ sint, sicut Domino.* Gravis verò res esset, si ex iusta causa maritus præciperet, ne domo exeat. Ita Sor. 1. iust. q. 6. art. 4. ad 2. Nauar. in sum. cap. 14. n. 20. Medin. de instruct. confess. cap. 16. §. 13. & alij plures.

5 Int. Quid opinaris de præceptis dominorum erga mancipia? Resp. Mancipia, si seruitus iusta sit, obedire tenentur in conscientia in iis, ad quæ se extendit potestas dominorum, si præcepta licita sint, & honesta. Claret ex D. Paulo Eph. 6. & Coloss. 3. & ex 1. canonica D. Petri, & ex cap. 1. de coniug. seru. Non se verò extendit potestas dominorum quoad matrimonium mancipiorum. Et ideo dominus impediens, aut efficaciter præcipiens seruo ne contrahat, peccat mortaliter, ut docet Nauarr. cap. 14. num. 21. §. 4. Scotus in 4. d. 36. qu. unica, Richard. ibidem, art. 4. q. 1. & alij, quos Deo auxiliante referam in materia de Matrimonio.

6 Int. Obligatne lex humana ad sui observationem cum probabili mortis periculo? Resp. Dico primum. Interueniente fidei, aut Christianæ religionis iniuria per contemptum legis aut virtutis, quælibet lex etiam leuissima obligat cum mortis periculo. Ita Maior in 4. d. 18. q. 4. Sor. d. 22. q. 1. art. 4. & de iust. lib. 1. q. 6. art. 4. Ledes. 2. 4. q. 25. art. 3. Couar. cap. Alma mater. 1. p. §. 3. num. 9. & Doctores communiter. Ratio est. Quia interueniente hoc contemptu, & iniuria, nequaquam potest actus cohonestari. Dico secundum. Interueniente scandalo potius mortem oppetere tenemur, quàm transgredi leuissimam legem. Probatur ex 2. Machab. 6. Eleazarus mortem potius elegit, quàm simulare comedisse carnes lege prohibitas, ne adolescentes scandalizarentur. Dico tertium. Sublato contemptu, & scandalo, nulla lex humana regulariter obligat cum mortis periculo, nisi in rebus maximi momenti. Ita Medin. 2. q. 90. art. 4. Syl. verò. metus. q. 7. Angel. in moralib. cap. 6. Felinus cap. 1. num. 48. Nauar. in sum. cap. 25. num. 48. & omnes Auctores.

Auctores primæ propositionis. Probatur in primis ex declaratione Ecclesiæ. Nam *cap. Consilium, de obseru. ieiunij.* dicitur propter periculum mortis, & ægritudinis posse solui ieiunium. Deinde ratione Lex diuina positiua non obligat cum tali periculo. Nam David propter necessitatem comedit panes propositionis, quod non licebat, nisi sacerdotibus, nec peccauit, vt constat ex approbatione Christi Domini, *Mat. 20.* qui eo facto excusauit Discipulos euellentes Sabbato spicas, & probat D. Thom. 3. *p. 2. q. 40. art. 4. ad 3.* Imò neque ipsa lex naturalis: illa enim iubet debitum reddere coniugi petenti, & tamen excusatur à redditione coniux, ob periculum probabile mortis, aut grauis ægritudinis, vt docet D. Thom. in 4. *dist. 32. q. unica art. 1.* Ioan. Med. *cod. de restit. quest. 1.* Caiet. in sum. *verb. Matrimonium.* de qua re longior in propria materia redibit sermo; ergo nec obligabit lex positiua humana. Dixi (regulariter) quia Rex potest sub mortali obligare subditos, vt eant ad bellum iustum cum periculo mortis. Et Episcopus præcipere potest sacerdoti, vt tempore pestis adsit ægrotantibus ad subueniendum ægrotis, & periclitantibus in vita spirituali. Ita constanter Doctores contra Almainum *tract. 1. & 3. prop. 4. suar. moralium,* asserentem, per metum cadentem in constantem virum excusari homines in iis, quæ sunt mala, quia humana lege prohibita. Veruntamen quamuis à communi Doctorum nunquam recedendum sentiam absque euidenti ratione, facile soluuntur superiores rationes, quia in priori casu, quiuis singularis tenetur subire periculum mortis pro bono communi pacis. In secundo verò quiuis tenetur subire damnum vitæ temporalis pro bono proximi spirituali in illa extrema necessitate, & ideo dici potest obligari ad id ex ipso iure naturali. Potest verò Rex, & Episcopus cogere quemuis ad implendum id, ad quod tenetur iure naturali.

De obligatione humanarum legum pœnaliū in
conscientia quoad culpam. §. 3.

1. *Quot modis fiat lex pœnalis.*
2. *Quantum obligat in conscientia lex pœnalis.*
3. *Quæ est lex præsumptiua.*

1. INTERROGATIO. De obligatione legum pœnaliū, quoad culpam in conscientia te interrogaturus,
prius

prius quæro, quot modis fiant leges pœnales? *Resp.* Duobus. Aut enim lex est purè pœnalis, hoc est, decernens pœnam tali, vel tali delinquenti in lege diuina, vel naturali. Qualis fuit in lege veteri circa filios in parentes maledicos. *Leu. 20. Qui maledixerit patri, aut matri, morte moriatur.* Aut est mixta, nimirum illa, quæ aliquem actum præcipit, & transgressori pœnam apponit, actum inquam, ex eo malum, quia ab humana lege prohibitum.

2 *Int.* Quantum obligat in conscientia lex pœnalis? *Resp.* Vtraque siue purè, siue mixtè pœnalis obligat in conscientia pro ratione materiæ parua, aut magna. Ita D. Th. 2. 2. q. 108. *art. 4. ad 2. Sot. 1. iust. q. 6. art. 6.* Ioann. Medin. *de rebus restit. Syl. Inobedientia. §. finali.* Angel. ibidem, Medin. 1. 2. *quæst. 90. artic. 4.* Couarr. *regul. pec. 2. p. §. 5. num. 2.* Ratio est. Quia lex mixtè pœnalis præter pœnam appositam habet rationem præcepti, ergo in ea datur obligatio præcepti. Imò roboratur tale præceptum per pœnam; sed obligatio præcepti obligat in conscientia; ergo, &c. Lex verò purè pœnalis apponit iustam pœnam: pœna verò iusta non debetur, nisi culpæ, ut aduerit D. Augustin. 1. *retract. cap. 9.* & D. Thom. 1. 2. *quæst. 87. art. 7.* Castro 1. *de leg. pœn. cap. 3.* ubi laudat dictum Gersonis *lect. 1. de iust. spirit.* asserentis culpam, & pœnam dici correlatiuè. Atque ex diuersitate culpæ, orta est diuersa appositio pœnæ maioris vel minoris. Confirmatur à similitudine & paritate rationis: præceptum diuinum positium, quo Deus prohibuit primis parentibus esum pomi, habuit appositam pœnam, & tamen obligauit eos in conscientia; ergo sic obligabit lex positiua pœnalis purè humana.

3 *Int.* Rogaturus de legibus præsumptiuis quantum obligent ad culpam, rogo prius, quæ est lex præsumptiua? *Resp.* Illa quæ procedit ex præsumptione veri, siue à parte rei sit verum, siue falsum.

4 *Int.* Quantum obligant huiusmodi leges præsumptiua? *Resp.* Si res ita se habet, ut lex præsumit, certum est obligare in conscientia. Dico *secundum.* Actus vel contractus in rei veritate factus non seruato ordine legis præsumptiua illum actum annullantis, tenet in conscientia. Ita Innocent. *capit. Quapropter. de elect. cap. Si celebrat. de cleric. excommunicat. Panorm. cap. 1. de restit. in integer.* Dominic. *cap. 1. de sponsalib. in 6. Iason L. si post diuis. ff. de iur. & fact. ignor. Abb. capit. relatum*

velatum de testibus. Gloss. L. Cum illi. §. ea. ff. de transact. fauētque lex ibidem, cum dicit valere transactiones absque solemnitate quando continent vtilitates eius in cuius fauorem solemnitas requirebatur. Imola L. Cum lex. ff. de fideiussor. cum Tiraquell. & aliis, quos citat Pinel. 3. par. Nauar. cap. 25. num. 26. Angel. Lex. §. 4. Syl. ibidem §. 2. casu 3. Adrian. quodlib. 6. Cou. cap. 1. n. 6. de testam. Felinus ad cap. Canon. stat. 39. eāque appellat communem Theologorum sententiam. Bart. L. 1. num. 45. Cod. de sacrosanct. Eccles. Ideo validi sunt in conscientia contractus facti à minore, vel muliere sine fraude contra formam legis, vt notat Iason citatus. Valida item electio in conscientia facta cum vero consensu, non tamen seruata forma canonum in eligendo, vt notant Panorm. & Dominicus citati. Idem dicendum de testamento vero animo, sine vi, & fraude facto, quamuis definit solemnitates ciuiles, vt notat Anchar. & Nauar. supra. Hinc dico *tertium*. Non peccat, qui vititur actu, sine contractu valido naturaliter, quamuis factus sit contra legem positiuam illum irritantem. E contra verò peccat, qui contra obligationem naturalem se tuetur exceptione legis præsumptiuæ. Exemplum primæ partis est: si hæres factus per minis solenne testamentum bona defuncti retineat. Vel electus, non seruata iuris sollemnitate, habeat beneficium. Si enim nec fraus, nec vis intercessit, tuti sunt in conscientia. Exemplum secundæ partis est: si filius familias reddere nolit accommodatas pecunias, seque tueatur exceptione Senatusconsulti Macedoniani prohibentis creditoribus tale mutuum, & eos damnantis iacturæ mutuata pecuniæ, non est tutus in conscientia, vt notat Adrian. supra. Item quamuis lege ciuili non detur actio contra vendentem, vel eumentem iniuste, nisi deceptio excedat medietatē pretij iusti, tamen qui decepit, restituere tenetur in conscientia. Idemque dicendum de eo, qui se tuetur exceptione rei iudicata, vt habetur ff. 44. tit. 2. nam si cognoscat sententiam fuisse iniustam, restituere tenetur quidquid ex vi illius iniuste possidet. Dico *quartum*. Non peccat qui transgreditur legem in falsa præsumptione fundatam: aut non seruat iudicis sententiam pro falsis probationibus latam. Ita cap. 1. de sentent. & re iudic. in 6. Est casus expressus capit. Transf. de restitut. spoliator. & cap. Inquisit. de sent. excomm. circa eum, quem Ecclesia excommunicat, ad cohabitandum cum reuera non sua probata,

probata, tamen externè sua. Exemplum etiam est, hæres qui bona fide non fecit inuentarium, iste ex præsumptione obligatur ad soluenda debita. §. *sancimus. Authent. de hæred.* In conscientia tamen non tenetur ultra vires hæreditatis. Ita Bartol. in *repetit. lib. 1. Cod. de sacros. Eccles.* cum Bald. & Andr. quos citat, & sequitur Iason in *rubr. ff. de acquirend. hæredit.* Exemplum etiam est ille, qui delusus spe recipiendæ pecuniæ, confessus est se illam recepissee, postea ex confesso damnatur ad soluendum: iste non tenetur in conscientia stare tali sententiæ, vt manifestum est.

Quæ intentio Legislatoris obliget ad culpam grauem, & leuem. §. 4.

I N T E R R O G A T I O. Quomodo internosci poterit quæ lex obliget ad mortale, quæ ad veniale peccatum ex intentione Legislatoris? *Resp.* Dico *primum.* Obligatio ad culpam pendet ex intentione Legislatoris. Ita D. Thom. in 4. d. 15. q. 3. artic. 3. & 4. Gabr. in 4. d. 16. q. 4. art. 3. Caiet. præcept. §. *intentio.* Ratio est. Quia actus agentium non operantur ultra eorum intentionem. Dico *secundum.* Intentio Legislatoris non potest obligare ad quantumcunque velit. Ratio est. Quia irrationabile esset pro re leuissima obligare ad mortalem culpam. Ita Driedo num. 2. de *libert. Christian. cap. 1.* & Castro 1. lib. de *leg. pœnal. cap. 5.* Nam neque ipsa lex diuina obligat semper ad mortalem culpam ex suo genere, vt lex de non mentiendo, &c. & aliæ. Dico *tertium.* Intentio Legislatoris, volentis obligare quantum potest per legem præceptiuam in materia graui, nimis ponderosa & magni momenti ad bonum commune, seu Ecclesiasticus sit, seu secularis legislator, obligat ad mortale. Ita Victor. de *potest. ciuil. num. 29.* Sot. 1. iust. quæst. 6. art. 4. Angel. lex. Sylu. ibid. Panorm. & Felin. ad cap. *Concupis. de Constitut.* Talis intentio cerneretur in præcepto, quo tempore famis, vel belli Rex imperaret, ne frumentum, armæve exportentur è Regno. Id enim vergeret in magnum detrimentum regni.

Quæ

Quæ verba legis inducunt culpam grauem,
quæ leuem. §. 5.

I N T E R R O G A T I O. Quæ verba legis ostendunt obligationem ad grauem, aut leuem culpam? *Resp.* Dico *primum*. Nullum est verbum secundum se sumptum, ex cuius præcisa significatione colligatur legis obligatio grauis. Ita Nau. c. 23. n. 5. Caiet. 2. 2. q. 186. Castro de leg. p. n. c. 1. Dico *secundum*. In iure canonico, quando lex circa rem grauem proponitur per verbum præcepti, aut æquipollens, obligat ad mortale. Ita docent Angel. verb. *lex*. Syl. verb. *præceptum*. Gab. Caiet. Castro, Nau. citati, supra, Canonistæ ad c. *concupis. de constit.* Ita manifeste decernitur Clement. de verb. sig. circa regulam D. Francisci, secundum ius commune. Dico *tertium*. Hæc verba æquipollentia præceptiuis: Tenentur necessariò. Non licet omnino. Neesse est, & similia. In virtute obedientiæ. Sub interminatione diuini iudicii. Auctoritate Apostolica. Distributè, & similia verba indicant obligationem grauem. Ita Med. q. de necessitate ieiunij. Dico *quartum*. Hæc verba. Debet. Non oportet, & similia consideranda sunt ex materia circa quam traduntur, & iuxta grauitatem, aut leuitatem materiæ de iis iudicandum est. Ita Vocabularium vtriusque iuris in verb. Debet. Pan. cap. Intellexisti. de iudic. Felin. cap. Nam concupis. Gab. in 4. d. 16. qu. 3. art. 1. Sylu. verb. *præceptum. quæst. 2.* colligitur ex cap. 1. de desponsat. impub. & ex Conc. Trid. sess. 2. Dico *quintum*. Hæc verba Decernimus. Statuimus. Ordinamus, ex vsu non habent in iure canonico vim obligandi ad mortale. Ita D. Thom. 2. 2. q. 186. art. 9. ad 2. Dico *sextum*. In iure ciuili non est iudicanda culpa secundum intentionem Legislatoris ex verbis, quibus legem decreuit, sed ex materia, & circumstantiis eius. Ita Nauar. supra num. 52.

Quæ pœna apposita legum transgressoribus, indicat culpam grauem, quæ leuem. §. 6.

I N T E R R O G A T I O. Quæ pœna apposita legum transgressoribus, grauem aut leuem culpam indicabit? *Resp.* Dico *primum*. In iure ciuili pœna capitis, carceris, exilij perpetui, proscriptionis omnium bonorum, & similes arguunt culpam mortalem. Leuiiores verò pœnæ, vt carceris, aut exilij ad breue

breue tempus, pecuniæ mulcta, & similes leuiores, arguunt culpam venialem. Ita Castro *de leg. pœn. c. 5. Sylu. verb. præceptum*, & Armil. *ibidem num. 6. Sot. 1. iust. q. 6. art. 4. Caiet. verb. transgressio præcepti*. Ratio est, quia pœna, iuxta regulam rationis, adæquanda est culpæ, alioqui iniuste fuit apposita pœna grauis pro culpa leui, & è contra. Dico *secundum*. In iure Canonico pœna excommunicationis, seu latæ, seu ferendæ sententiæ, obligat ad mortale. Ita colligitur ex *cap. Episcop. & c. Nullus. 11. q. 3. Nisi ante iudicis sententiam concedatur ab ipsa lege admonitio*, nimirum, nisi admonitus resistat, excommunicetur: hæc enim verba indicant leuem culpam. Sic adnotarunt Caiet. *verb. præceptum. §. pœn. Nauar. sup. n. 52. Henriq. de synod. num. 262. Pœna tamen suspensionis non arguit obligationem ad mortale. Ita Caiet. verb. suspensio. Nauar. c. 27. & 51. Neque item pœna irregularitatis. Ita Castro citato loco, & Nau. n. 220. Cou. elect. de homicid. p. 2. §. 4. num. 9. Claret ex c. Tua nos. c. Ad audien. 1. de homic. voluntar. Turrecr. ad c. quæuis de consecr. d. 4. Ratio est, quia huiusmodi pœnæ in curri possunt ob solam culpam venialem. Verumtamen pœna interdicti obligat ad mortale. Ita Sylu. interdict. 3. q. 1. Sot. in 4. d. 22. q. 3. art. 1. conclus. 3. Couar. c. Alma mater. 2. p. §. 1. num. 5. Ratio est deducta ex his Doctoribus, quoniam huiusmodi pœna non incurritur, nisi propter grauem culpam.*

CAPVT V.

De obligatione legum humanarum quoad culpam.

De obligatione subeundæ pœnæ impositæ per iudicis datam sententiam. §. 1.

1. *An reus teneatur subire pœnam à iudice indicatam.*
2. *An mortuus possit damnari pro crimine commissò dum-viueret.*

I N T E R R O G A T I O. Post iustam sententiam iudicis latam teneturne legis transgressor ad pœnam impositâ?
Resp. Tenetur ad eam patiendam. Ita D. Thom. 2. 2. q. 62. art. 3. & Caiet. *ibid.* Sylu. *verb. lex. §. 9. Ang. ibidem. §. 4. Gab. in 4. d. 15. q. 4. art. 2. concl. 2. Maior ibidem qu. 2. Sot. 1. iust. qu. 6.*

T

art.

art.6.concl.5.Bald.in L.Id quod pauperib. q.9. Cod. de Episcop. & cleric.Felin.c.1.de const.in 4.Nauar.cap.3.num.66. Dico secundò. Quando pœna est atrox,vt mortis,aut alterius grauis damni corporalis,non potest quis cogi ad eam exequendam.Ita Simanch.in institutionib.tit.4.n.201.Nauar.com.4.de regul.n.63. Compelli tamen potest circa media remotè ad id ordinata, vt est procedere ad locum supplicij, ascendere scalam, &c. Ita cum citatis Doctõribus,Angel.verb.Pœnitentia. §. 3. Co-uar.2.p.epit.c.6. §.8.n.10.illat.2.de pœn.confiscat. vbi asserit non teneri reum bona sua offerre fisco, sed obedire iudici exequenti,& non resistere ministris, nec aliquid ex bonis subtrahere.Idem dicendum est de verberatione infami, de mutilatione membrorum,& aliis atrocibus suppliciis.Ratio est. Quoniam abhorret à natura,vt idem in se atrocem pœnam exequatur. Dico tertio. Pœnas leuiore tenetur reus in se ipsum exequi. Ita omnes citati Doctores. Pœnæ verò leuiore censentur exilium vsque ad tempus,per sententiã latam impositum. Incarceratio item posita per sententiã in criminis pœnam,verberatio inter religiosos ad paternam correctionem,vt notat Castro 2.de leg.pœn.c.3. Nunquam tamen pecuniæ solutio imposita per sententiã, in criminis pœnã, vt satisfiat soli iustitiæ,non parti, censetur pœna leuis,iuxta Sor.& praxim,& ideo non debetur antequam exigatur.

2 Int. Poteruntne leges damnare mortuum in pœna bonorum,& pecuniarum,pro crimine,quod dum viueret commisit? Resp.Si pœnæ ipso facto, & iure post commissum crimen debeantur, potest post mortem scelerati ferri sententia declaratoria earum,& ad illas soluendas tenentur hæredes, fisco,vel alij operi pio applicandas. Si exercetur in hæreticis,vt notat Castro lib.2.de iust.hæret.pun.cap.19.& Sylu. verb. hæres,ex Panormitano communiter recepto. Et patet ex cap. Accusatus.de hæc.in 6. §. in eo.Idem dicendum est de Apostatis:de crimine læsæ maiestatis,& aliis;vt notat Gloss.lib.1.Cod. Si reus accusatur.Et constat ex L.Eo missa. ff.de publicanis.

De obligatione subeundæ pœnæ impositæ ab ipso iure. §. 2.

1 An debeantur pœnæ à die commissi criminis.

2 De verbis quibus significatur in iure, incurri pœnam apposi-

2.118

tam à momento commissi criminis.

I N T E R R O G A T I O. Debenturne pœnæ, ipso iure impositæ, in conscientia à die commissi criminis, ante sententiam iudicis declaratoriam? *Resp.* Dico *primum*. Quando in lege apponitur pœna, dicendo solum, ipso iure, vel ipso facto, nec alia adhibentur verba, non tenetur reus ante iudicis sententiam pœnam exequi. Ita Calder. in *tract. de heretic. c. 25.* Francus in *6. de homicid. Nau. c. 25. n. 118.* Sylu. *verb. emphyt.* Imola ad *L. Manichæos. Cod. de heret. illis verbis. Qui Manichæus fuisse conuincitur; oportet igitur, vt conuincatur.* Ratio est, quia nemo tenetur suum crimen manifestare, nō rogatus iuridicè. *cap. Quos aliquando, de pœnitentiis. d. 1.* Id autem necessariò sequeretur, si reus teneretur in conscientia ante sententiã bonæ suæ fisco offerre, officium aut beneficium relinquere. Est denique pro hac sententia ipsa cōsuetudo optima legum interpretis, vt adnotauit Nau. *sup.* Dico *secundum*. Huiusmodi rei nō ipso iure amittunt dominium, & possessionem bonorum, aut beneficiorum. Ita Cou. *2. p. epit. cap. 6. §. 8.* Sot. *1. iust. q. 6. art. 6.* Nau. *com. de datis, & promissis, notabili 31. num. 41.* quamuis in *sum. cap. 23. n. 67.* oppositum tenuerit. Sylu. *confess. 1. q. 19. casu 3.* Probatur conclusio quoad dominium bonorum ex *L. Qui, & à quibus*, vbi Paul. Iurisconsultus supponit reum læsæ maiestatis retinere dominium suarum rerum, & ex *L. Maiestatis rei. Cod. ad L. Iuliam, illis verbis. Ab eo die dignus est pœna, expectanda nimirum per iudicis sententiam.* Accedit *L. Post contractū. ff. de donat.* vbi habetur valere donationes factas à reo post contractum crimen, cui est annexa pœna amissionis bonorū ante sententiam iudicis reuocantem ipsas donationes. Probatur deinde conclusio quoad beneficia Ecclesiastica ex *c. Ut commissi proband. de heret. in 6.* illis verbis. *Priuandi vel priuandos esse denunciandi*, nam illa particula, *vel*, non sumitur distinctè, sed expositiuè, vt notat ibidem Geminianus, Ioannes Andr. & alij. Eandem conclusionem circa officia ciuilia probat Molin. *tom. 1. iustit. tractat. 2. disput. 87.* Ratio totius conclusionis sumitur ex intentione legislatoris nolentis iuxta Doctorum interpretamentum obligare reum ad tantam acerbiteriam exequendam per se ipsum circa impositas pœnas. Hinc infero primò: huiusmodi reos posse viuere ex rebus suis, alere familiam, alienare bona titulo gratuito, donando, mutuando, dando: dummodò non fiat in

fraudem fisci, qui post sententiam ignorare potest, apud quem sint ea bona sic alienata. Alienare quoque potest titulo lucratorio: non tamen titulo oneroso, nec unde resulset præiudicium tertio. Ratio est. Quoniam fiscus potest omnia hæretici bona à die commissi criminis occupare, ubicunque fuerint reperta, etiam non soluto pretio, ut notat Angel. *verb. pæna. §. 1.* Nisi contrahens cum tali criminoso, sciat periculum, & velit sic periculosè contrahere, ut notat Molina supra citatus. Hæc illatio est Bart. *l. Post decretum.* Sot. Syluest. Viçt. & Molin. locis allegatis. Infero secundò: huiusmodi reos posse uti officio, & beneficio, quo ante commissum crimen utebantur. Ideo gesta per eos valent. Ac proinde si fuerit parochus, aut Prælati, exercere poterunt suum munus, nimirum conferre ordines, vel audire confessiones, ut asserit Richard. *in 4. dist. 18. qu. 1. art. 7.* Sylu. *confess. 1. q. 19.* si fuerit tabellio, poterit conficere publica instrumenta valida, & firma. Adnotavit Gloss. *in Auth. de tabellionibus. §. penult.* Quod similiter dicendum est de aliis officiis.

2 Int. Præter illa verba, *ipso facto, vel ipso iure*, solent addi alia verba, nimirum, *Non expectata alia declaratione.* Sic habetur in Concil. Lateranensi. teste Nau. *c. 17. n. 10.* & in decret. Pij II. *Extravag. ambitiosè, de rebus Eccles. non alien. Resp.* Hæc simpliciter verba non obligant in conscientia statim à die commissi criminis. Ita Simanch. *tit. citat. num. 44.* Couar. *2. p. de sponsal. c. 6. n. 10.* Imò nec si dicatur, *Nulla alia sententia expectata.* Hæc enim verba non excludunt sententiam declaratoriam criminis, sed solam condemnatoriam. Si tamen addatur, *Nulla alia expectata sententia declaratoria, vel, ipso facto.* Non erit tuta conscientia, vel quid simile, explicans mentem legislatoris, volentis obligare statim, secundum eadem verba iudicandum est. Ita intelligitur ab omnibus Concil. Trid. *sess. 23. cap. 21. de reform. priuans fructibus non residentes ultra tres menses, qui ex tunc tunc in conscientia eos percipere nequeunt propter verba ipsius textus.*

De obligatione subeundæ pænæ merè priuatiuæ, à iure ipso impositæ. §. 3.

I INTERROGATIO. Quid censes de pœnis merè priuatiuis? Resp. Dico primum. Excommunicatio, irregularitas, suspen

suspensio, & similes pœnæ, quæ priuant solis bonis spiritualibus, statim obligant in conscientia, si ipso iure apponantur. Ita communiter Doctores, & obtinet praxis, quantumuis occultum sit crimen, ut constat ex Concil. Trident. cap. 6. de reform. ubi decernitur, posse Episcopum dispensare in irregularitate orta ex crimine occulto, præterquam in ea, quæ oritur ex homicidio voluntario.

Dico secundò. Qui propter crimen priuatur beneficiis, aut officiis, seu secularibus, seu Ecclesiasticis habitis, non ideo priuatur habendis. Ita constat ex Clem. 1. §. ipsius. de pœn. & ibi. Gl. verb. abstinentia. Neque item vice versa, quoties priuatur habitis, inhabilitatur ad habenda. Ita Cou. 2. resolut. cap. 8. n. 4. Ratio est, quia priuatio non est imponenda nisi in casibus à iure expressis, ut notant Panormitan. cap. ultim. de iur. patron. cum Gloss. ibid. & quoad hoc similis est irregularitati, quæ non oritur ex ullo crimine, nisi sit in iure expressum. cap. Is qui. de sent. excommun. in 6. Cum ergo in iure solum exprimitur, ut reus priuetur habitis, non debet fieri extensio ad habenda, nec vice versa. Et ideo qui duo obtinet beneficia in eadem Ecclesia, si priuetur vno, non ideo priuatur altero. Ita Rebuf. de nomin. qu. ultim. num. 7. de concess. præb. Clarius exemplum est in excommunicato, vel irregulari. Nam collatio facta excommunicato, vel irregulari, est ipso iure nulla, præterquam in certis casibus, quos afferunt Nauar. cap. 27. num. 249. & Sylu. excommunicatio. 4. num. 4. & tamen excommunicatus, & irregularis non amittunt beneficia iam habita. Ita aduertit Nauar. cons. 35. de sim. ex Innoc. in cap. cum nostris. de concess. præb. Dico tertio. Lex pœnalis, reddens ipso iure inhabilem, & incapacem ad officium, aut beneficium, vel dignitatem, obligat in conscientia statim à die commissi criminis: ita Couar. reg. pec. 2. p. §. 8. Caiet. 2. 2. q. 62. art. 3. cum aliis.

De pœna conuentionali quantum obliget in conscientia. §. 4.

I N T E R R O G A T I O. Quid arbitraris de pœna conuentionali? Resp. Dico primum. Quando pœna conuentionalis debetur ad satisfactionem interesse, obligat in conscientia ad sui solutionem, antequam exigatur. Ita Caiet. verb.

pæn. Cord. lib. 1. q. 36. ad 2. contr. 1. conclus. Ab. regul. possessio. 95. de regul. iuris in 6. quem sequitur Felin. vt refert Couar. 2. p. epit. num. 11. & Nauar. in Manuali. Ratio est, quia hîc interuenit lucrum cessans, vel damnum emergens; licet ergo huiusmodi conuentionalis contractus fiat in mutuo, obligat in conscientia, antequam exigatur, quoniam non exigitur ad ignorantiam, vel quid aliud impedimentum: nullus enim inuenitur, qui lucrum cessans, aut damnum emergens sciens, & volens liberaliter remittat. Dico secundum. Pœna purè conuentionalis, quæ non debetur ob interesse, sed solû ob omissionem, aut actionem aliquam culpabilem contra contractû, debetur quidem in conscientia, si petatur ab alio contrahente. Ita omnes Auctores superioris propositionis, & Nauar. *de pæn. d. 1. in 3. p. Gloss. num. 20. & 21.* Ratio est. Quoniam in pœna conuentionali interuenit pactum, & promissio ad pœnam soluendam: at verò ex pacto, & promissione oritur obligatio naturalis, non debetur verò antequam petatur, quia cōtractus solû obligant secundum propositum contrahentium. *L. 1. §. & si conuenit. ff. Depositi. de regul. iur. in 6.* intentio verò, & propositum contrahentiû in hac pœna conuentionali secundum receptam praxim, & consuetudinem est, vt hæc pœna solvatur, si petatur. Quæ veritas probari potest à simili. Nam is, cuius prædium, aut res alia emphyteutica cecidit in commissum, non tenetur id manifestare illi, apud quem est dominium directum, vt probat *Nau. com. 65. de pæn. nec emphyteuta tenetur in conscientia relinquere feudum, aut emphyteusim, quæ cecidit in commissum, vt latè probat Tiraquel. ad Glossam. Reuertatur, & Sylu. verb. emphyteus. q. 2. post Bartol.* qui duo requirit, vt emphyteuta cadat iure suo, voluntatem scilicet domini exigentis, & sententiam declaratoriam, quòd fuerit in mora soluendi. Nam qui non petit solutionem, censetur eam remittere.

De pœnis appositis per statuta alicuius communitatis seu Collegij. §. 5.

I N T E R R O G A T I O. Quid censes de pœnis quas apponunt statuta alicuius communitatis? *Resp.* Censeo teneri tales collegas in conscientia egredi à collegio, etiam antequam requirantur, & soluere sumptus, quos fecerunt, quamdiu

quamdiu vixerunt in collegio absque tali conditione. Ratio est, quia talis collega erat ipso iure inhabilis ad electionem, & ideo electio fuit nulla, quando verò electio fuit nulla, etiam receptio, seu admissio nulla fuit.

De pœnis appositis per statuta alicuius Vniuersitatis, seu Academix. §. 6.

I N T E R R O G A T I O. Quid censes de pœnis, quas apponunt statuta alicuius Vniuersitatis, seu Academix, priuantibus suffragatores iure suffragandi? *Resp.* *Sot. 1. de iust. q. 6. art. 6. Ledesm. 2. 4. q. 118. art. 2. concl. 3.* & alij respondent, tales suffragatores non priuari in conscientia iure suffragandi, antequam condemnentur: licet non seruent condiciones appositas; & ideo si non laborent infamia, verè posse respondere cum amphibologia Reçtori, sub iuramento interroganti. Si tamen infamati sint de talibus conditionibus appositis, nequaquam posse vti amphibologia, & ipso iure priuari iure suffragandi. Ratio eorum est, quia aliter vix vlla esset collatio cathedræ, aut electio ad dignitatem Ecclesiasticam facta tuta conscientia, constat enim plerosque ambitus corruptela implicatos (quæ præcipua est conditio ad vniuersitatis munia) suffragium præbere, ideò si quæ statuta contrarium decernerent, inualida essent; quia periculosa; & ideo nulla vi pollerent, vt ex supradictis patet. Oppositum docet Medina, & ij, quos refert *q. citat.* & Gom. *supra lege veter. Tau. num. 15.* Dico tamen huiusmodi condiciones, vel pertinere ad substantiam, vt ita dicam, suffragatoris, vel ad præsumptionem iniusti suffragij. Ideo si condiciones pertinent, vt ita dicam, ad substantiam suffragatoris, quales sunt; esse scholasticum, esse relatum in albo scholasticorum, residere in scholis, & aliæ similes, obligant in conscientia ad veritatem aperiendam, & suffragium ipso iure est ipsis deficientibus nullum & irritum, si verò detur iniuste, subiacet restitutioni damnorum. Dico *secundum.* Si condiciones pertinent ad præsumptionem (qualis est loqui cum candidato) quia præsumitur accepisse pretium suffragij dandi, vel negandi, & similes, non obligant in conscientia, quando reuera non fuit causa præsumptionis, quoniam si loquutus est, loquutus est de aliis rebus non pertinentibus ad suffragium, & ideo ita

rogatus potest uti amphibologia, & negare se loquentum fuisse cum candidato, nimirum ad corruptelam.

C A P V T VI.

De obligatione legum humanarum quoad personas.

De vi legum civilium erga Ecclesiasticas personas. §. 1.

- 1 *An personæ Ecclesiasticæ subiacent legibus civilibus.*
- 2 *Quæ leges dicendæ sint Ecclesiasticæ libertati contrariæ.*
- 3 *Qua vi leges civiles obligant Ecclesiasticas personas.*
- 4 *An principes sæculares possint legibus profusam clericorum licentiam cohibere.*
- 5 *An possint clerici suo foro, & privilegiis renunciare.*
- 6 *Quando fruuntur Ecclesiastici privilegio fori.*
- 7 *Quid faciendum clerico inuento à magistratu sæculari in flagranti delicto.*
- 8 *An clerici accusati ut rei, puniendi sint pœna à legibus taxata.*
- 9 *Quæ dicendæ sunt Ecclesiasticæ personæ gaudentes privilegio fori.*

I N T E R R O G A T I O. Subiacentne Ecclesiasticæ personæ legibus Principum sæcularium? *Resp.* Dico primum. In causis purè Ecclesiasticis ipso iure diuino sunt liberi Ecclesiastici à potestate Principum sæcularium. *cap. certum est, & cap. Imperator. d. 96.* Ita Viçt. *de potest. Ecclesiast. qu. 2. tit. Vtrum clerici sint exempti. propos. 3.* Felin. & Couar. *ad cap. Ecclesia. de constit. post Panormitan. & Innoc. & alios quos refert.* Causæ verò purè Ecclesiasticæ sunt, quæ pendent ex Euangelio, ex Conciliis, & Sanctorum Patrum decretis, qualia sunt sacramenta, definitiones fidei, distributiones Episcopatum. Quam veritatem circa sacramentum matrimonij expressè decreuit Concil. Trident. *sess. 24. canon. 22.* Sed hac de re in propria materia latius agemus, quia circa naturalem contractum in quo fundatur huiusmodi sacramentum, disponere potest lex civilis. Ratio est, quia legislator non potest ferre leges, nisi quatenus pollet potestate circa finem legum: finis verò legum circa causas merè Ecclesiasticas, est vltima felicitas per media spiritualia conquirenda, sed potestas

potestas ciuilis nulla pollet potestate circa hunc finem; ergo, &c. Dico secundum. A legibus ciuilibus, quæ potestati Ecclesiasticæ non repugnant, nec sacris canonibus sunt contrariæ, sed aliquid generatim præscribunt circa temporalem gubernationem Reip. cuius Ecclesiasticæ personæ sunt ciues, ipsæ Ecclesiasticæ personæ non sunt exemptæ. Ita habetur cap. 1. de noui operis nuntiatione. cap. Si iam adiutorium. dist. 10. Ita Viçt. de potestat. Ecclesiast. qu. 2. titul. vtrum Ecclesiast. sint exemp. propos. 4. cum plurimis. Ratio est. Quia Ecclesiasticæ personæ sunt membra Reipublicæ sæcularis, & ideo subiacent capiti: caput autem est magistratus sæcularis; & ideo D. Paul. Cæsarem appellauit Act. 26. & ad Roman. 13. ait. Omnis anima potestatibus sublimioribus subdita sit, quem locum exponens D. Chrysostom. ait sacerdotes & monachos subditos esse debere legibus sæcularibus quatenus inferuiunt ad bonam Reip. gubernationem, fini supernaturali minimè contradicentem. Vt res patefiat, plura exempla adducunt Abbas, & Felin. ad cap. Ecclesia. de constit. v g. hæres, qui non implet voluntatem defuncti, priuatur hæreditate, similiter priuabitur hæres clericus, qui eam non impleuit. Item sunt casus, in quibus per leges ciuiles amittitur possessio; in iis etiam illam amittent personæ Ecclesiasticæ. Insuper sunt leges taxantes pretium rerum, iis stare tenentur clerici. Non tamen necesse est, vt leges ciuiles ad obligandas Ecclesiasticas personas, quatenus partes Reipublicæ sint approbatæ, positiuæ, vt ita dicam, approbatione à Papa, sicuti existimauit Felin. c. Eccles. de constit. num. 69. Sed satis est si non reproben-
tur: quatenus enim summus Pontifex, nec approbat, nec reprobatur leges ciuiles, iis standum est.

2 Int. Dixisti Ecclesiasticas personas teneri legibus ciuilibus, Ecclesiasticæ libertati minimè contrariis. Quæro igitur, quæ leges ciuiles dicantur Ecclesiasticæ libertati contrariæ? Resp. Quæ tales sint, late docet Felin. cap. Eccles. citat. de constitut. Eæ tamen sunt, quæ clericis interdiciunt ea, quæ iure diuino, canonico, & imperiali maiori illis concessa sunt. Vt si impediuntur ab exigendis decimis: si petraherentur ad sæcularem iudicem. Sunt insuper eæ, quæ pro Ecclesiasticis personis tantum feruntur, vt si feratur lex, ne monialis succedat hæreditati defuncti ab intestato; cum tamen reliquæ foemina admittantur hæredes. Ita Paulus à Castro cons. 335.

Facta enim videtur talis lex in odium, & præiudicium religionis, & libertatis Ecclesiasticæ. Ita colligitur ex *c. Benè qui. dist. 96.* & docet Sot. *1. in 4. q. 6. art. 7.*

3 *Jnt.* Quâ vi leges ciuiles obligant Ecclesiasticas personas? *Resp.* Directiuâ, non coactiuâ. Ideo trahi non possunt ad iudicem sæcularem. Imò excommunicantur in Bulla Cœnæ Domini, qui clericos pertrahunt ad tale iudicium.

4 *Jnt.* Demus (quod omen Deus auertat) tantam esse clericorum licentiam, liberè sese gerentium, laicosque notabiliter offendentium, vt Respublica patiatur magnum detrimentum. De qua profusa audacia admoniti Episcopi, & summus Pontif. conuiueant, neque clericorum profusos mores coërceant: possintne tunc Principes sæculares vti potestate, clericosque pœnis coërce-re? *Resp.* Possent. Ita Viçt. Sot. & Molin. cit. Ratio est. Quia tunc natura ipsa duce, Magistratus Reipubl. habent ius ad dirigendos regni incolas in bonum Reipublicæ ad bene, beatèque viuendum.

5 *Jnt.* Possuntne clerici renunciare huic foro, & priuilegiis? *Resp.* Minimè. *cap. Si diligenti, de foro competenti.*

6 *Int.* Pro maiori cognitione huius materiæ, quæro vltèrius, quando fruuntur Ecclesiastici priuilegio-fori? *Resp.* Quando sunt rei. *cap. Experientia 11. q. 1.* Actores verò non nisi in causis Ecclesiasticis, vt notat ibid. Turrecr. In quibus autem causis possit clericus iudicari à indice sæculari, vt reus, docet Syl. Iudex. *1. quæst. 2. num. 4.* tradunt etiam Ord. Lusitan. *lib. 2. tit. 1. §. 2.*

7 *Int.* Quid faciendum clerico inuento à magistratu sæculari in flagranti delicto? *Resp.* Detinendus est, vt præsentetur suo Prælato. Sic notat Gloss. *c. cum non ab homine, de iudic.* Consentiantque ibi Doctores; terminum verò præscribunt Ord. Lusitan. *tit. 1. §. 21.* viginti quatuor horarum spatium. Notat tamen Nauarr. *c. 23. num. 38.* non esse censendum flagrans delictum; gestationem vestium prohibitarum, vel armorum, nisi sit vehemens præsumptio, quòd clericus moliatur crimen statim patrandum.

8 *Jnt.* Accusati clerici, vt rei, puniendine sunt poena à legibus taxata? *Resp.* Minimè. Sed pro arbitrio iudicis Ecclesiastici. Ita Couar. *de præst. quæst. cap. 33. ex c. 2. de iudicis.* Iudicis, dixi, Ecclesiastici, quia in causis à iudice laico iudicatis, puniendus est clericus iuxta legum scita. Vt aduertit Panormit.

normit. cap. *Quod cleric. de foro compet.* In hoc tamen adhuc limitanda conclusio, quoad causas ciuiles, non quoad causas criminales. Non enim standum est poenæ mortis, aut verberum à Cæsareo iure impositæ, sed aliis à iure canonico stabilitis mitius utendum.

9 *Jnt.* Qui censendi sunt Ecclesiastici? *Resp.* Clerici, etiam in prima tonsura constituti, si habeant conditiones, quas requirit Concil. Trid. sess. 26. cap. 6. de reform. Omnes proprii Religiosi, ac Moniales. cap. de monialib. & cap. Cum illorum, de sentent. excomm. l. statuimus. Cod. de Episc. & cleric. Inter eos verò numerantur eremitæ professi, ut docet Syl. verb. *eremita. q. 1.* Item Donati religionis professæ, siue viri, siue foeminae sint. Sunt enim verè religiosi, & tria vota substantialia emittunt. cap. *Vt Text. 27. quæst. 1.* & sentiunt ferè omnes ad idem caput. Etiam Nouitij religionum. Gloss. *clem. 1. de elect. verb. Religiosus.* In hoc saltem regno Lusitano Commendatarij non gaudent hoc foro. l. 4. *Extrauagant. 2. part. tit. 3.* nisi sint Malteses, quia verè religiosi, ut notat Sot. 2. de iust. quæst. 5. art. 3. ad 3. Plura de hac materia leguntur apud Syluest. verb. *eremita.* quibus pro breuitate supersedeo repetendis.

De legislatoribus erga leges à se ipsis conditas. §. 2.

An legislatores teneantur suis legibus.

I INTERROGATIO. Tenenturne legislatores stare suis legibus? *Resp.* Vt respondeam, præmitto duplicem esse legum vim, directiuam nimirum, & coactiuam. Directiua est, quâ quis tenetur in conscientia ex æquitate, & ratione. Coactiua est, quâ quis cogitur, etiam exterioribus poenis stare pro legum decretis. Præmitto deinde legislatorem vel esse communitatem, vel communitatis ipsius caput, ut Regem, vel Papam. Dico igitur primùm. Communitas tenetur in conscientia stare suis legibus, tam ex vi directiua, quàm ex vi coactiuâ. Ita Medin. 1. 2. quæst. 96. Ratio est. Quia leges à communitate decretæ, pollent vi coactiuâ, hæc autem exercenda est in singularibus personis: personæ verò singulares communitatem faciunt. Dico secundùm. Communitatis capita, ut Rex, & Prælati, tenentur suis legibus, quoad vim directiuam, non tamen coactiuam, Ita Doctores commu-
niter

niter cum D. Thom. 1. 2. q. 96. artic. 5. ad 83. cap. Iustum est. cap. Cum omnes. de constit. Ita ibi textus. Quidquid iuris in alium statuit, ipse debet vti. Quæ verba sumpta sunt ex L. 1. ff. quod quisque iuris. Duo enim principia naturalia concurrunt ad stabilendam humanarum legum vim. Primum dicit. Superiorem iusta præcipienti obtemperandum est. Et hoc cogit subditos ad standum legibus. Secundum dicit. Seruandum tibi est ius, quod in alterum statuis. Patere legem, quam ipse tuleris. Et hoc obligat Legislatores. quoad vim directiuam, vt manifestum est. Rectè tamen aduertunt Caiet. 1. 2. qu. 96. & Sot. 1. iust. q. 6. art. 7. hanc vim directiuam solum reperiri in legibus communibus, tam subditis, quam Principi, quales sunt in foro Ecclesiastico leges de ieiunando, audiendo sacro, &c. In foro verò sæculari leges de vendendo, vel emendo tali pretio, &c. Non reperitur verò tale ius in legibus, quæ pro ipsis subditis tantummodo conditæ sunt, vt de non gestandis armis, de non induendo serico, & alix.

C A P V T VII.

De reuocatione Priuilegiorum.

De Priuileg. reuocatione. §. 1.

1. *An gratia expiret per mortem concedentis illam.*

2. *An mandatum expiret morte mandantis.*

3. *An mortuo Papa, ante dispensationem facta Episcopo commissam, teneat adhuc gratia, & possit fieri dispensatio.*

1. **I**NTERROGATIO. Expiratne gratia per mortem concedentis illam? *Resp.* Minimè, c. *Gratiam*, c. *Relatum*. de offic. deleg.

2. *Int.* Expiratne mandatum morte mandantis? *Resp.* Re integra adhuc, non solum morte, sed depositione, aut translatione expirat. c. *Mandati*. Docet D. Anton. 3. p. tit. 17. cap. 9. §. *fin.* Palud. in 4. d. 17. q. 4. art. vlt. Peres L. 2. tit. 2. lib. 2. Ord. Si tamen mandatum accessorium est actui, minimè per mortem reuocabili, non expirat. Probat. Henr. de indul. c. 11. n. 4. in Glossa.

3. *Int.* Commisit Papa Episcopo, aut Legato, vt verificata narratiua dispenseret, interim antequam Episcopus dispensa-

ret,

ret, mortuus est Papa, expirauitne gratia illa per mortem Papæ? *Resp.* Minimè. Ita Maior lib. 5. de irregul. cap. 51. num. 6. Sylu. gratia. §. 2. Tabien. §. 5. Armil. §. 5. D. Anton. Gabr. tom. 2. tit. de præben. con. 1. §. 35. qui omnes citant Federic. conf. 68. Moya, & alios Doctores. Ratio est. Quia ex parte Papæ plenè concessa est illa gratia, & ideo ante reuocationem per successorem factam, tenet & valet.

CAPUT VIII.

De quinque Ecclesia preceptis.

Dixisti de præcepto humano, præcipuè Ecclesiastico in communi, quoad vim, & obligationem animæ, quam inducit ad sui obseruationem. Restat nunc dicendum de præceptis Ecclesiasticis in singulari (hæc enim sola persequi nostri est instituti, nostræque professionis.) Quoniam verò prima & præcipua sunt quinque, quæ vulgò appellantur quinque sanctæ Ecclesiæ mandata, ab iis interrogationes exordiar.

De sacro audiendo. §. 1.

- 1 De loco iuris ubi continetur hoc præceptum.
- 2 Quid sit sacrum audire, & qua intentione audiendum sit.
- 3 De recitatione precum in audiendo sacro.
- 4 De integritate missæ audiendæ.
- 5 De iis, qui in audiendo sacro ei inserviunt ministrando, & querendo necessaria.
- 6 De audientibus duarum missarum medietates.
- 7 De excusatis ab audiendo sacro.
- 8 De famulo non audiente sacrum ob domini seruitium exequendum.
- 9 An teneamur audire tres missas in die Natalis Domini.
- 10 An ex duabus partibus Missæ aliis non auditis, fiat pars notabilis.
- 11 An qui excusatur à sacro audiendo, teneatur domi Deo vacare, & orationes aliquas fundere.

I INTERROGATIO. Vbi continetur hoc præceptum? *Resp.* Dist. 1. can. Missas. de consecr.

2 Int. Quid est audire sacrum? *Resp.* Est corpore adesse illi, & mente attendere de ea, quæ dicuntur. Hæc tamen menti

tis attentio, non tanta requiritur, vt nullatenus diuagetur inaduertenter, sed solum eadem requirit, vt diligenter aduertamus, ne distrahatur. Quam voluntariam diuagationem haberet ille, qui cum sacrum audit, vellet scribere, pingere, vel studere, aut quid simile.

3 *Int.* In sacro audiendo ex præcepto poteritne quis recitare coronam Virginis, aut horas canonicas, ad quas ex statuto obligatur, aut quid simile ex pœnitentia sibi à confessario iniuncta? *Resp.* Potest, satisque est virtualis attentio ad missam. Ita Adrian. *tract. de satisfact.* q. 7. Medin. *tract. de pœnit. iniuncta.* Caiet. *in sum. verb. dies festus.* Nauar. *cap. 21. n. 9.* Tolet. *lib. 6. cap. 6.* Ratio est, quia ista ad eundem Deum, mentisque eleuationem diriguntur. Melius tamen esset attendere ad missæ mysteria, si quies detur cogitationis.

4 *Int.* Estne præceptum de audiendo totam missam? *Resp.* Peccaret mortaliter, qui omitteret partem notabilem. Pars verò notabilis est vsque ad Epistolam exclusiue: vel à communionem vsque ad finem. Ita Tabiena *verbo missa.* §. 50. & Nauar. *cit. 21. n. 2.* qui etiam Epistolam totam comprehendunt, sed in hoc à Toletio reiiiciuntur.

5 *Int.* Inferuit quis altari, & aliquoties discedit ad ferenda necessaria sacrificio, veluti prunas, thus, & similia, censeturne abesse, & omittere partem notabilem missæ? *Resp.* Minime, sed omne id, quod omittit coactus necessitate, reputatur illi, ac si totum audiuiisset. Ita D. Anton. 3. *p. tit. 9. c. 10.* §. 1. Syl. *Missæ* 2. §. 1. Tabiena ibidem, *num. 50.*

6 *Int.* Qui aliqua necessitate urgente audit duas duarum missarum dimidietates, vt postea urgente negotio vacet, satisfacitne præcepto audiendi sacrum? *Resp.* Satisfacit. Ita Maior *in 4. d. 45. q. 2.* Nauar. *c. 11. n. 1.* Scot. *in 4. d. 13. q. 2. art. 1.*

7 *Int.* Ob quas causas excusatur quis ab audiendo sacro? *Resp.* Ob multiplices. *In primis* cum quis timet damnum spirituale, aut proprium, aut alienum. Et ideo excusantur matres, quæ domi manent, ne filiarum pudicitia periculo exponatur. *Deinde* ad euitandum damnum corporale, vel proprium, vel alienum. Et ideo excusantur infirmi. Excusantur mancipia, quæ timent verbera dominorum, si domum solam relinquunt. Excusatur vxor ad euitandas mariti rixas, si adueniens non inueniat prandium præparatum: similiter excusantur ij, qui seruiunt infirmis. Excusantur quæ nutriunt infantes.

Qui

Qui seruant res ne à latronibus diripiantur. *Tertiò*, qui non possunt exire domo sine iactura honoris. Et ideo excusantur, qui aptam & decentem vestem non habent. Et quæ viduæ iuxta consuetudinem loci, incurrunt notam leuitatis, si foras prodeant. *Quartò*, denique excusantur illi, qui si adessent, detrimentum in re propria, vel aliena suæ custodiæ tradita paterentur. Et ideo excusantur custodes carcerum, arcium, gregum, vinearum, pratorum. Excusantur, qui nequeunt aliter sua negotia vrgentia perficere. Qui viam nesciunt, & si moerentur, amitterent socios, qui viam pergunt.

8 *Int.* Est quis famulus, & non finitur à domino fermè semper adesse sacro, quia illius indiget opera ad opus tunc conficiendum, tenetúrne dominum deserere? *Resp.* Tenetur, & quærere alium. Ita Tolet. *lib. 6. c. 9.* Si tamen nequiret tam facilè alium ita opportunum inuenire, posset apud eundem manere. Ita idem Toletus.

9 *Int.* In die Natalis Domini, quando licet sacerdoti tres Missas celebrare, tenetúrne quis plures vna Missa audire? *Resp.* Minimè quidem. Ita omnes, quos sequitur Nauar. *cap. 21. n. 2.* Ratio est. Quia id nulla lege præcipitur.

10 *Int.* Omisit quis partem vnā in principio missæ, & aliam in fine, rogo, ex his duabus partibus fitne pars notabilis, propter quam frangatur hoc præceptum? *Resp.* Fit quidem. Ita Nauar. proxime citatus.

11 *Int.* Qui propter aliquam ex prædictis causis excusatur ab audiendo sacro, tenetúrne ex vi præcepti vacare domi orationibus? *Resp.* Afferuit Angel. *verb. ser. a. §. 46.* & alij in 3. d. 3. Negandum tamen est cum Nau. *c. 21. n. 7.* & aliis, quos ipse refert. Est quidem verum hunc esse ab Ecclesia intentum finem, cum præcipit audire sacrum: sed finis præcepti non cadit sub præceptum, vt ostendit D. Tho. 2. 2. q. 100. a. 9. & 10.

De Ieiunio Ecclesiastico. §. 2.

- 1 *Quid est ieiunium Ecclesiasticum.*
- 2 *Quæ sunt de essentia ieiunij Ecclesiastici.*
- 3 *De cibi qualitate.*
- 4 *De hora competente.*
- 5 *An possit hora anticipari.*
- 6 *Quod est peccatum anticipare horam.*
- 7 *An possit quis mane sumere e castationem, & nocte prandere.*

8 De unitate comestionis.

9 De collatione noctis.

10 An qui per secundam comestionem ieiunium fregit, teneatur adhuc illud seruare.

11 De quantitate ciborum.

12 De causis excusantibus à ieiunio.

13 An causa dubia excuset.

14 Quomodo se gerere debet confessarius cum eo qui arbitratur se habere sufficientem causam ad non ieiunandum.

15 An teneantur domini minuire laborem seruorum, ut ita serui ieiunent.

16 Quando computandus dies ieiunij.

17 De potu in die ieiunij.

18 An frangat ieiunium, qui è mensa surgit cum intentione non amplius edendi, & ad eam reuertitur.

19 An comestio carnis ob necessitatem excuset à ieiunio.

20 De etate qua incipit obligare præceptum ieiunij.

21 An diues faber teneatur die ieiunij omittere laborem, ut ita ieiunet.

22 De vendentibus cibos in die ieiunij.

23 Quis potest dispensare in ieiunio.

24 De dispensato, ut edat carnes in die ieiunij.

1 **I**NTERROGATIO. Quid est ieiunium Ecclesiasticum? *Resp.* Est abstinencia voluntaria à cibo iuxta Ecclesiæ ritum. A cibo, dixi, non potu, quia potus etiam vini non frangit ieiunium. Et ideo quidquid sumitur etiam gustabile non per modum cibi, sed ob aliam rationem, non frangit ieiunium. Hinc absque ieiunij fractione, sumitur aliquid per modum medicinæ, & per modum probationis, ut faciunt coci, & architriclini. Per modum medicinæ possunt lecturi ad mensam Religiosorum aliquid prægustare, & qui siti cruciantur, si potus nocere soleat absque cibo. Ita Sylu. *ieiunium*, & Caiet. *ibidem*, & Toletus *lib. 6. cap. 1.* Dixi, iuxta ritum Ecclesiæ (quoniam secundum illum seruanda est certa hora, & certi cibi sunt sumendi, & non alij.)

2 *Int.* Quæ sunt de essentia ieiunij Ecclesiastici? *Resp.* Tria, nimirum qualitas ciborum, hora competens sumendi cibum, unitas comestionis.

3 *Int.* Qui cibi prohibentur in die ieiunij? *Resp.* Omnes ex carne confecti. Præterea in quadragesima prohibentur lacticia,

cinia, hoc est omnia ex lacte facta, vt caseus, butyrum, &c. Sed circa huiusmodi lacticia seruandus est mos patriæ, & ordo præscriptus à Constitutionibus synodalibus. Ita Nauar. c. 21. n. 13. & Toletus loco citato.

4 *Int.* Quæ est hora competens sumendi cibum? *Resp.* Ea, quæ secundum consuetudinem loci seruari solet paulò plus minusve, seruari autem solet vndecima.

5 *Int.* Potestne anticipari hora iusta de causa? *Resp.* Potest, vel quia aliquis facturus est iter, vel quia hospitem habet. Vel quia negotia expectat, quæ impediunt horam prandij. Et sic excusantur famuli, qui ante tempus prandent, vt postea possint ministrare dominis. Quamuis isti possint, cum delaturi sunt prandium aliquem cibum sumere, vt possint facilius sustinere laborem. Moderatè tamen, vt adnotat Gabriel in 4. dist. 16. q. 3. Toletus lib. 6. c. 2. §. 8.

6 *Int.* Quantum peccat, qui sine necessitate horam competentem anteuerit? *Resp.* Nauar. c. 21. num. 27. putat peccare mortaliter. Dicendum tamen solum peccare venialiter. Ita Alensis 4. q. 103. membr. 3. Innoc. in Rub. de obseru. ieiun. quos sequitur Toletus loco citato.

7 *Int.* Licetne collationem, solitam nocte sumi (de qua infra) manè sumere, & ad noctem seruare prandium? *Resp.* Licet ex rationabili causa: sed si non adsit rationabilis causa, peccatum erit veniale id facere. Ita Caiet. verb. ieiunium. Nauar. c. 21. n. 12. Toletus citatus.

8 *Int.* Circa comestionem vnicam rogo in primis. Vtrum ex causa liceat prandium inchoatum relinquere, & postea ad illud redire? *Resp.* Licet, si vrgens sit negotium. Ita Tolet. lib. 6. c. 2. n. 7. quæ res dignissima est notatu.

9 *Int.* Quid censes circa collationes solitas nocte sumi? *Resp.* Quanquam olim sumerentur tantum per modum medicinæ ad captandum somnum. Iam tamen consuetudo obtinuit, vt etiam aliquid per modum nutritionis sumatur. In hac tamen re consideranda, & seruanda patriæ consuetudo, iuxta timoratas conscientias. Non enim est mortale talem consuetudinem seruare, licet quantitas sit aliquantulum grauis.

10 *Int.* Qui semel fregit ieiunium propter secundam comestionem, teneturne, deinceps seruare ieiunium, & abstinere à cibo? *Resp.* Minimè, sed semel tantum peccauit. Ita Durandus

us in 4.d.15.q.4. Tabiena, & Sylu. verb. ieiun. Ratio est, quia præceptum ieiunij est affirmatiuum, & semel fractum, non potest illo die iam seruari. Ita docet Nauar. sup. n. 25.

11 *Int.* Quantum licet comedere die ieiunij? *Resp.* Quantum quis edere poterit, loquendo de ratione præcepti. Nam quamuis multum comedas, non franges præceptum ieiunij. Seruanda tamen in hac re sobrietas.

12 *Int.* Quæ causæ excusant à ieiunio? *Resp.* Multiplices. *Prima* est infirmitas, siue accidentaria ex morbo, siue naturalis ex complexione, propter quam quis cum inedia affligitur, patitur dolores capitis, stomachi, deliquij, &c. Qui dolores nequeunt euitari vnica comestione. Ideo excusantur à ieiunio prægnantes. *Secunda* causa est paupertas, qua quis nequit habere sufficiens integrum prandium. *Tertia* causa est labor, cui quis ex officio, ad alendam vitam (licet iam diues sit) incumbit, nimiam lassitudinem, & corporis debilitatem inducens. Non enim tenentur diuites cessare à labore. Ita concessit Eugenius, cuius bullæ meminit Syluest. ieiun. §. 24. Excusat etiam labor impensus in vtilitatem. Reipublicæ, vel proximi necessariò reparandam, vel procurandam. Et ideo excusatur, qui belli tempore muros extruit. Qui incendium extinguit, proprium, vel alienum.

Dubitari posset, an labor lectionum, quas candidati in Academiis habere solent ad solam scientiæ ostentationem, & bonum literatorum nomen comparandum eos excuset à ieiunio. Cui dubitationi respondeo, tales candidatos excusari, cum magnum honoris, aut alterius commodi detrimentum illis obueniret, si lectiones omitterent.

Quarta causa est pietas. Et ideo excusantur, qui pia opera exercent, vel corporalia, vel spiritualia, quæ cum ieiunio nequeunt æquè benè exerceri, vt concionari, legere, confessiones audire, inservire hospitalibus, peregrinari ad loca pia. Nota tamen quod huiusmodi non excusantur, nisi cum ex officio fecerint, aut ex obedientia, aut ex voto aliquo præcedente. Dixit verò Syluester verb. ieiun. §. 26. excusari à ieiunio illum concionatorem, cuius conciones valdè sunt vtilis populo, quamuis non ex officio, sed ex sola deuotione concionetur. Circa peregrinationes notant omnes, non licere peregrinari tempore ieiunij, & ieiunium soluere, nisi cum ex voto peregrinatio est, nec potest talis peregrinatio
commo

commodè differri in aliud tempus. Addit Nauar. 7.19. posse fieri, cum ex deuotione magna aliqua fit. Sed, vt credo, non id licet absque consilio confessarij iudicantis plus spiritui profuturam peregrinationem, quam ieiunium. Licet etiam peregrinari die ieiunij ad vitandum detrimentum corporale, seu temporale, veluti si quis habet socium viæ, quem amittet, nisi iter faciat die ieiunij, aut cum timet aliquod periculum, si solus incedat: inter pias causas numeranda etiam est publica flagellatio ad imitandum Christum Dominum passum. De qua dico idem, quod de peregrinatione ob deuotionem, vel ex voto dixi. Quamuis ex alio capite etiam videatur excusare, nimirum ex publico poenitentiae exemplo in comune Reipublice Christianae emolumentum multum cedente. Excusatur præterea à ieiunio, qui nequit debitum reddere vxori. Rursus excusatur vxor, quæ ad vitandas rixas, & odia cum marito cœnat. Ita Tabiena *ieiun.* §. 10. & Sylu. §. 15. Legatur. Toletus *lib. 4. c. 6.* & apud illum hæc inueniuntur.

13 *Int.* Qui causam habet dubiam ad non ieiunandum, teneaturne ieiunare? *Resp.* Tenetur, donec à confessario, viro docto, vel à medico timorato accipiat declarationem, & dispensationem.

14 *Int.* Quantum peccat, qui existimans se habere causam sufficientem ad non ieiunandum, ieiunium frangit, reuera absque causa? *Resp.* Venialiter, nec à confessario debet talis durè cogi ad ieiunium, sed simulata conscientia duci suauiter debet ad ieiunandum, vt vitetur error conscientiae, quo grauius peccabit non ieiunando. Ita docet D. Anton. 2. p. tit. 6. c. 2. Palud. in 4. d. 15. q. 2. art. 1. Caiet. 2. 2. q. 147. art. 3.

15 *Int.* Habet quis seruos ad laborem, habet agros ad arandum, oliuas ad colligendum, vineas ad amputandum: adest dies ieiunij, sed labor prædictus differri potest in alium diem. Teneaturne dominus eum solum laborem seruis imponere, & eos solos operarios vocare, qui cum moderato labore possint ieiunare: an verò poterit eundem laborem seruis imponere, & operarios quoscunque vocare, licet minimè ieiunaturi sint? *Resp.* Toletus *lib. 5. c. 5.* teneri, & non posse, allegatque Palud. in 4. dist. 14. q. 4. art. 1. Gabr. d. 16. q. 3. art. primo, not. 4. Verumtamen oppositum obtinuit consuetudo recepta ab omnibus timoratis, & religiosis viris, non enim propter ieiunium subtrahunt seruos de labore, neque operarios dimittunt.

16 *Int.* Vnde incipit, & ubi terminatur dies, seu tempus ieiunij Ecclesiastici? *Resp.* A media nocte præcedente diem, vsquè ad mediam noctem obsequentem. Ita definitur iuxta omnium sententiam *L. More Romano. ff. de feriis*, vt refert Nau. *cap. 2. num. 12.*

17 *Int.* Poteritne quis in die ieiunij sapiùs bibere, quamuis sciat se potu maximè ali? *Resp.* Poterit. Ita Nauarrus proximè, adducens pro se D. Thomam, ita asserentem.

18 *Int.* Circa vnitatem comestionis rogo, an sufficiat ad fractionem ieiunij intentio non redeundi ad mensam, si iterù reuertamur ad illam? *Resp.* Maximè. Ita Archidiaconus *c. Non licet. de consecr. dist. 1.* quem sequitur Nauar. loco citato. §. 15.

19 *Int.* Frangitne ieiunium, qui semel tantum in eo vescitur carnibus? *Resp.* Frangit. Ita Maior, quem refert, & sequitur Nauar.

20 *Int.* In qua ætate incipit obligare ieiunium? *Resp.* A vigesimo primo anno expleto. Ita D. Tho. cum cõmuni. Incipit verò deobligare secùdum communè opinionè à sexagesimo anno. Sed hoc iure merito relinquit Nau. *c. 21. num. 15.* arbitrio prudentis, & timorati. Cum enim hoc tempus non sit à iure determinatum, communis opinio supponit in ea ætate senes esse debiles ad ieiunandum, & ideo si quis se tunc valentiorè inueniat, quàm alius quadraginta natus annos, tenebitur ieiunare, vt de seipso fatetur Nauar. Aiunt tamen medici hãc senum roboratam existimationem esse illusiuam: nam est ea ætas ex se adeo debilis, vt facili ex causa ab illo putato robore deturbetur, nisi cibi alimento sibi subueniatur.

21 *Int.* Est quis faber, vel agricola benè diues, sed solet vitam suam traducere exercèdo opera laboriosa, quæ secum non patiuntur ieiunium, rogo, teneturne in die ieiunij laborem relinquere, vt vacet ieiunio? *Resp.* Minimè. Ita decreuit Eugenius quartus, ira Rosel. *verb. ieiun.* & Syl. *ibid. q. 3.* Quod decretum affirmat Nauar. proximè non esse priuilegium concessum laborantibus, sed declarationem iuris communis.

22 *Int.* Caupo, qui paratus est quotidie ministrare cibos accedentibus, teneturne in die ieiunij interrogare, an habeât, qui volunt comedere, causam non ieiunandi? *Resp.* Minimè. Veruntamen peccat mortaliter, si ex indiciis colligit petentem cibos sine causa velle frangere ieiunium, & tamen ei præbet cibos. Ita Nau. *c. 21. n. 27.* & ita interpretatur dicta à Gab.

Gabr. in 4. d. 16. quæst. 2. art. 3. dub. 6.

23 *Int.* Quis potest dispensare cum aliquo, ne ieiunet? *Resp.* Si adfit iusta causa, Episcopus, & eo absente etiam parochus, & quilibet prælatus cum suis religiosis. Ita D. Tho. in 4. d. 15. q. 3. art. 2. & q. 147. citata, quem sequitur ibi Caiet. & Nauar. c. 21. n. 21. Hoc quidem non est ita decretum in iure, sed receptum consuetudine, quæ quidem jurisdictionem dare potest. c. Cum contingat. de for. compet. c. Duo simul. de offic. ordin. Ex quo infert Caiet. non debere prælatos relinquere suæ conscientie subditos petentes ab ipsis dispensationem, ut liceat eis carnare aliqua de causa in die ieiunij, aut ante horam comedere. Quia potius debent eis compati, & benignè dispensando à suis scrupulis liberare, aut ieiunium in aliud pium opus commutare. Illum sequitur Nauar. citatus.

24 *Int.* Dispensatus, ut ieiunando comedat carnes, poteritne illas sæpius comedere? *Resp.* Minimè. Ita Nauar. citato loco.

De annua confessione. §. 3.

- 1 De personis quas obligat hoc præceptum.
- 2 Quoties obligat.
- 3 An hoc præceptum sit Ecclesiasticum quoad substantiam.
- 4 An obliget de omni peccato.
- 5 Quo ætatis anno obliget.
- 6 Qua anni parte obliget.
- 7 An transacto anno quis obligetur ad hoc præceptum.
- 8 Utrum quis teneatur anticipare tempus huius præcepti.
- 9 Quid dicis de obliuioso, cui memoria est infirma.
- 10 De causis ad differendam ultra annum confessionem.
- 11 An obliget hoc præceptum illum, qui non nisi scripta peccata potest manifestare.
- 12 Per quam confessionem impletur hoc præceptum.
- 13 De pœna Ecclesiastica appõsita transgressoribus huius præcepti.
- 14 An fidei confitentes impleant hoc præceptum.
- 15 Unde colligitur aliquem puerum peruenisse ad annos discretionis.
- 16 Vbi continetur hoc præceptum.

I **INTERROGATIO.** Quos obligat hoc præceptum?
Resp. Omnes habentes vsum rationis, cuiuscunque ætatis, sexusve, & conditionis sint, c. Omnis utriusque, de pœn. & remiss.

Quod intelligo, si habeant peccatum actuale mortale post baptismum commissum, nam sola peccata actualia post baptismum commissa, sunt materia sacramenti poenitentiae, quia peccata antea commissa, per baptismum delentur absque ullo ordine ad confessionem sacramentalem. Ita Sot. in 4. d. 18. q. 1. art. 2. Med. de pœn. q. 7. Maior in 4. d. 17. q. 1. ibi. Almain. q. 1. art. 2. contra Scot. ibid. 1. q. 1. art. 1. Richar. art. 2. q. 4. Adrian. q. 2. de confess. Ang. confess. 2. §. 2. Sylu. §. 1.

2 Int. Quoties obligat hoc præceptum? Resp. Semel in anno. Ita decrevit Concil. Trident. sess. 14. c. 5. & 8.

3 Int. Estne hoc præceptum confessionis latum ab Ecclesia quoad substantiam, an quoad determinationem temporis? Resp. Quoad solam temporis determinationem. Nam quoad substantiam est præceptum diuinum, ut dixi in sacramento poenitentiae. Ita torrens Doctorum cum Palud. in 4. d. 17. q. 7. n. 16. Gabr. q. 1. art. 1. Sot. d. 18. q. 1. art. 1. Pet. Soto lect. 5. de confess. & decrevit Conc. Trid. citato, loco.

4 Int. Obligatne hoc præceptum omnes, qui habent quodvis peccatum? Resp. Minimè, sed eos, qui habent peccatum mortale, nondum confessum, colligitur ex Conc. Trid. sess. 14. c. 5. est communis Theologorum. Ratio est, quia hoc præceptum obligat circa materiam tantummodo necessariam, venialia verò peccata non sunt materia necessaria sacramenti poenitentiae, ut in propria materia ostendam. Et ideo si tempore quadragesimæ, quando obligat huiusmodi præceptum, solum haberet quis venialia peccata, non teneretur confiteri.

5 Int. Quo ætatis anno obligat hoc præceptum, quove die? Resp. Non potest in hoc præcepto certa ætas assignari, cum in ea incipiat hoc præceptum obligare, in qua quis incipit peccare mortaliter. Obligatur ergo quis tunc, cum habet conscientiam peccati mortalis. Hæc est communis doctrina, in 4. dist. 17. Richard. art. 2. q. 4. ad 6. Scot. quest. 1. art. 3. Syluest. confess. 2. quest. 5. Nauar. cap. 21. num. 33. Cord. in sum. Hispania q. 60. Consentiant Glossa, & Canonistæ, cap. Omnis utriusque. Sot. d. 18. q. 1. art. 3. Ratio est, quia verba textus sic habent. Omnis utriusque sexus cum ad ætatem discretionis peruenierit. Anni verò discretionis significant ætatem, in qua homo scit peccare. Deinde. Quia isti obligantur præcepto diuino, hoc autem præceptum Ecclesiasticum solum est determinatio præcepti diuini. Denique. Quia isti obligantur aliis præce

præceptis Ecclesiæ; tenentur enim audire sacrum in die festo, abstinere à carnibus in die prohibito, tenentur etiam confiteri.

9 *Int.* Dixisti obligare hoc præceptum semel in anno, quæ ergo anni parte? *Resp.* Aliqui dixerunt obligare tempore quadragesimæ. Ita Pet. Soto *lect. 5. de confess.* quàm obligationem licet textus expressus non imposuerit, obtinuit tamen cõsuetudo, & vsus fidelium, vt notauit Medina *Cod. de pœnit. q. 18. in 2. p. illius*, & eum vsum approbavit Concil. Trident. *sess. 14. cap. 5.* Alij verò dixerunt non obligare pro certa anni parte, sed satisfieri huic præcepto quauis confessione facta per annum. Ita Sot. *in 4. d. 18. quæst. 1. art. 4. Can. relect. de pœn. Viçt. in sum. num. 137. Nauar. cap. 2. num. 9.* Probatur, quia in *cap. Omnis vtriusque.* cum duo tradantur præcepta, vnum de confessione, alterum de Eucharistia, pro Eucharistia assignatur determinatum tempus Paschatis, pro confessione verò minimè: sed simpliciter dicitur, saltè semel in anno confiteantur. Dicendum tamen est, hoc præceptum obligare intra annum, qui quidem computandus est à quadragesima in quadragesimam, iuxta consuetudinem receptam, quæ optima est legum interpret, & ideo qui intra annum semel confessus est, satisfecit huic præcepto. Ita Viçt. *in sum. nu. 137. Ledesm. 2. 4. q. 6. art. 5. dub. 6.* Addit tamen probabiliter Suarius, si post confessionem vsque ad quadragesimæ finem non peccauit mortaliter: nam si peccauit, arbitratur teneri ad confitendum tale peccatum: nam verba *cap. Omnis vtriusque*, obligant confiteri omnia peccata commissà intra illum annum.

7 *Int.* Non impleuit quis hoc præceptum intra annum, teneatne statim in sequenti anno illud implere? *Resp.* Negant D. Anton. *2. p. d. 9. cap. 9. §. 3. Syluest. Eucharistia. 3. q. 13.* citans Archidiac. Ledesm. *supra, dub. 7.* Ratio eorum est, quia hoc præceptum est affirmatiuum, & determinatè obligat pro certo tempore; ergo eo transacto iam nõ obligat, vt præceptum audiendi sacrum, ieiunandi, & similia. Affirmant tamen Maior *in 4. dist. 15. quæst. 2.* Soto *d. 18. quæst. 1. art. 4.* Medina *q. 18. Nauar. cap. 21. num. 45. Viçtor. in sum. num. 137. & 147.* Ratio est, quia hoc præceptum non determinat tempus, in quo præcisè debeat impleri hæc confitendi obligatio, sed vltra quod non debeat differri talis obligatio. Et ideo quo magis

differtur, eo magis obligat, ut cum quis assignat tempus intra quod sibi certa pecunia debita reddatur, quæ obligatio eo magis accrescit, quo magis differtur.

8 *Jnt.* Tenenturne interdum fideles anticipare confessionem? *Resp.* Si quis prævidet, quod transacta illa occasione non poterit in toto anno confiteri ex penuria confessarii, tenetur ex vi huius præcepti Ecclesiastici tunc confiteri. Ita Theologi in 4. d. 17. D. Bonau. 2. p. ar. 2. q. 2. Gabriel. q. 2. ar. 3. dub. 1. Durand. q. 10. n. 6. Maior q. 2. art. 5. Sylu. confessio. 2. q. 2. Medina, Soto, Cano, & alij citari. Ratio est, quia aliter hoc præceptum impleri nequit. Exemplum est in præcepto audiendi sacrum, quod quamvis implere possimus in meridie, si tunc sacrum fiat, tenemur tamen implere hora tertia, si post illud non sit aliud sacrum.

9 *Int.* Quid censes de obliuioso, tenenturne statim ante anni finem confiteri, ne peccata memoriam fugiant? *Resp.* Affirmant Maior in 4. d. 17. quæst. 2. Marsilius ibid. quæst. 12. art. 1. p. 4. Medin. de pæn. quæst. 16. Ratio eorum est, quia ex iure diuino tenemur integrè confiteri: cum igitur obliuiosus non possit integrè confiteri, si expectet terminum anni, tenetur confiteri ante illum. Negant tamen Sot. in 4. d. 19. q. 1. a. 4. Ledesm. 2. 4. quæst. 5. art. 5. dub. 8. Viçr. relect. de pæn. num. 132. Cano ibid. par. 5. Nauar. cap. 2. r. n. 35. Syl. confessio. 1. q. 2. Ratio eorum est, quia iure diuino tenemur integrè confiteri omnia peccata, quæ memoriæ occurrunt tempore, quo obligat præceptum. Sed Ecclesia suo præcepto declarauit præceptum diuinum obligare intra anni finem, & non pluries; ergo tunc impletur integrè, cum integrè dicuntur peccata memoriæ occurrentia facto diligenti examine. Atque hæc secunda sententia suauior est, & practicè secura.

10 *Int.* Quibus ex causis potest extra annum differri confessio sine violatione præcepti? *Resp.* Omitto impotentiam absolutam; nimiam difficultatem, quæ quidem prudentis arbitrio iudicanda, vehementem suspicionem derelictionis per confessarium, infamationis, vel alterius grauis nocu-
menti circa illud peccatum, de cuius confessione talis est probabilis suspicio: non verò circa alia, ut probè adnotauit Suarius. Quæ causæ etiam excusant à iure diuino confessionis. De duabus causis controuertunt Doctores. Prima est impotentia confitendi per se sine adiumento interpretis.

Affirmat

Affirmat Sylu. *confess.* 1. num. 15. cum multis, quos refert Caiet. *confessio. condit.* 11. Sot. in 4. d. 18. *quæst.* 2. art. 6. Ledesm. 2. 2. q. 8. art. 3. Viêt. in *sum.* num. 173. Pet. Sot. *lect.* 5. de *confess.* Medin. q. 19. de modo secretè confitendi. Maior in 4. d. 17. *ibid.* Palud. Qui Doctores præter Syluestrum excusant etiam à præcepto diuino, etiam in articulo mortis, stando in vi præcepti. Ratio eorum est, quia nullus obligatur ad publicam confessionem, ut colligitur ex Trident. *sess.* 14. *cap.* 5. publica autem est confessio, quæ fit per interpretem, quia in ore duorum stat omne verbum. In hac re certum est præceptum Ecclesiasticum non obligare. Nam verba textus *cap. Omnis utriusque*, sunt hæc. *Omnis fidelis teneatur solus confiteri sua peccata proprio sacerdoti.* Solus, dixit, non cum alio. Quidquid verò sit de præcepto diuino (de quo in materia de poenitentia) certum etiam est, tunc non obligare, nisi adsit mortis periculum. Secunda causa est de eo, qui nequit, nisi per scriptum confiteri. Sed velim, ut dubium proponas.

11 *Int.* Non potest quis manifestare sua peccata sacerdoti præsentī, nisi per scriptum, quia vel ipse mutus est, vel sacerdos surdus, teneturne ex vi huius præcepti confiteri? *Resp.* Tenetur quidem. Ita Syluest. *confess.* 1. q. 15. qui alios refert, præsertim D. Thomam, qui quidem hoc insinuat in 4. d. 17. *quæst.* 3. art. 4. *quæst.* 3. ad 2. Palud. *ibid.* q. 2. Maior q. 1. ad 3. Caiet. *confess.* *condit.* 11. Pet. Sot. *lect.* 11. de *confess.* Ratio est, quia hoc præceptum obligat, cum commodè potest impleri: sed tali modo potest absque damno impleri; ergo, &c. Oppositum docuit Sotus in 4. d. 17. art. 2. q. 5. Nauar. *cap.* 21. num. 36. Viêt. *relect.* de poen. num. 137. Medin. q. 19. de modo secretè confitendi. Petr. Sot. *lect.* 5. de *confess.* & alij. Sed eorum fundamentum est falsum, nimirum, quia scriptura est signum manifestum & publicum, nemo verò tenetur satisfacere publicè: nam adhiberi potest diligentia, qua scriptum rumpatur statim, ne manifestentur peccata.

12 *Int.* Per quam confessionem impletur hoc præceptum annuæ confessionis? *Resp.* Dico primum. Impletur per eam, per quam fit verum sacramentum. Ita Theologi in 4. d. 17. vbi Durand. d. 14. Sot. d. 18. *quæst.* 3. artic. 3. Ledesm. 2. 4. *quæst.* 8. artic. 2. dub. 12. Petr. Sot. *lect.* 8. de *confess.* Ratio est, quia hoc præceptum solum obligat ad recipiendum hoc sacramentum. Dico secundum. Non satisficit huic præcepto per confessionem

fictam, qua quis fallit confessorem negando peccata. Vel quando solum externè confitetur suam malam vitam, nulum tamen habet propositum emendæ, quales sunt prostitutæ meretrices, vsurarij publici, & alij peccatores impœnitentes. Ita Durand. in 4. d. 17. quæst. 14. Sot. d. 18. quæst. 3. art. 5. Pet. Sot. lect. 8. de pœn. Nauar. cap. 10. n. 4. Medin. qu. 24. de confess. ficta iteranda. Adrian. q. 5. de confess. dub. 4. Ratio est, quia præceptum Ecclesiasticum solum est de determinatione temporis, in quo obligat præceptum diuinum, vt docet Conc. Trid. sess. 14. c. 5. can. 8. diuinum verò præceptum non impletur, nisi vera confessione. Scio oppositum docuisse Alensem p. 4. q. 77. memb. 5. art. 7. Gab. in 4. d. 17. q. 1. art. 3. dub. ult. Palud. q. 7. Sylu. confess. 4. q. 2. Victor. n. 163. existimantes satisfieri huic præcepto per quamuis externam confessionem, quia, inquirunt, Ecclesia non præcipit actus internos, & in cap. Quod quidam. de pœn. & remiss. admitti iubentur tales pœnitentes. Dico tamen Ecclesiam per accidens habere vim in actus internos, cum sine iis exerceri nequeunt actus externi, vt videre est in præcepto orationis, sub quo cadit attentio, & deuotio interna. cap. verò citatum est antiquius c. Omnis, & ideo non gignit argumentum efficax. Dico tertium. Non satisfit huic præcepto per externam confessionem, si ex aliquo, licet iusto euentu, sacramentum non fuit confectum. Ita Doctor Suar. tom. de pœn. Ideo hi Auctores exponendi sunt quoad euitandas pœnas externas impositas ab Ecclesia non confessis, vt in materia de pœnitentia dicam, & infra.

13 Int. Quæ Ecclesiastica pœna imposita est transgressoribus huius præcepti? Resp. In iure communi nulla est certa pœna imposita, sed solum imponenda. Ita c. Omnis vtriusque. Arceantur ab ingressu Ecclesiæ, & careant Ecclesiastica sepultura: quæ pœnæ requirunt ferendam iudicis sententiam, iuxta cuius iuris tenorem rectè dixit Cano de pœn. p. 5. fol. 122. requiri ad hanc pœnam manifestationem transgressionis: in synodalibus tamen constitutionibus apponitur pœna excommunicationis ipso facto incurrenda transgressoribus huius præcepti. Quoniam verò hæc pœna non requirit probationem, incurritur, etiamsi crimen sit occultissimum. Vnde constat quàm falsò opinatus sit Durand. in 4. d. 17. quæst. 14. Ecclesiam non posse punire hoc crimen, contra sensum omnium Catholicorum Doctorum.

14 *Int.* Incurruntne hanc pœnam, qui fidei confitentur non habentes propositum emendæ; quales sunt meretrices prostitute & publici vsurarij? *Resp.* Certum est puniri hac pœna, qui in exteriori foro se præsentat parochæ confessori, tanquam subditus Ecclesiæ, notorius peccator, sine proposito relinquendi malam vitam; etiam in exteriori foro. Ita Cordub. in *sum. Hispan. quæst. 15.* Ratio est, quia iste etiam in exteriori foro transgreditur hoc præceptum. Res est dubia, cum quis in solo interiori foro inuenitur à sacerdote incapax absolutionis: etiam tunc affirmat Suar. & Corduba locis citatis. Ratio est, quia iste in foro exteriori adhuc non recipit sacramentum. Res est multò magis dubia de impœnitente ex malitia, & incapace sacramenti, absoluto tamen à sacerdote ignorante illius impœnitentiam & fictionem, quia pœnitens se præsentat Ecclesiæ in foro exteriori. Affirmant plurimi, nullas tamen impœnitentem, & absolutum incurrere pœnas Ecclesiæ, quia, inquiunt, Ecclesiæ solùm præcipit actus externos. Oppositum docet Magister Suarius. Ratio eius est, quia cum actus externi, qui præcipiuntur, nequeunt fieri absque actu interiori, talis actus interior per accidens cadit sub Ecclesiæ potestatem. Item potest punire actus externos, qui informantur actu interiori, ut actus hæreticales, & similes. Non incurret verò has pœnas, qui bona fide confitetur, sed ex defectu occulto non recipit veram absolutionem. Ita Suarius. Sed existimat incurri huiusmodi censuram, quia Ecclesia præcipit, ut quis externè confiteatur vero animo, & intentione recipiendi sacramentum. Et quamuis Ecclesia non possit præcipere meros actus internos, quia non iudicat de interioribus, potest tamen præcipere actiones exteriores, quæ ut debite fiant, requirant actum interiorem, ut est oratio externa, & potest punire actus externos, quia informantur actu interiori, ut actus hæreticalis, per accidens occultus: & punire actus exteriores, quia non informantur vero, & debito actu interiori, ut possit excommunicari, qui baptizaret exterius, sine intentione baptizandi, qui oraret exterius, sine mentis intentione, &c. ut constat ex materia de legibus.

15 *Int.* Ex quibus signis colligetur peruenisse iam quemuis ad annos discretionis? *Resp.* Cum puer ob male factum verecundatur, & interrogatus, an liceat innocentem interficere, aliena

aliena inuadere, superiori maledicere, & alia huiusmodi, negatiuè respondet, & interrogatus, an bonum sit esurienti panem porrigere, adire Ecclesias, affirmatiuè respondet. Ita Nauar. cap. 21. num. 33.

18 *Int.* Vbi continetur hoc præceptum? *Resp.* Continetur cap. Omnis utriusque. de pœnit. & remiss.

De communione in Paschate. §. 4.

- 1 *Quo in loco continetur præceptum de Eucharistia sumenda.*
- 2 *In quo differt præceptum hoc à confessionis præcepto.*
- 3 *Qua anni parte debet adimpleri hoc præceptum.*
- 4 *Peccatne contra hoc præceptum excommunicatus, non communicando, per quem stat, vt absoluitur.*
- 5 *Quoties obliget hoc præceptum.*
- 6 *An possit sacerdos absque transgressione huius præcepti, communionem prorogare.*

I **I**NTERROGATIO. Vbi continetur præceptum Ecclesiasticum de Eucharistia sumenda? *Resp.* Continetur cap. Om. utr. de pœnit. & remiss.

2 *Int.* In quo differt hoc præceptum à præcepto confessionis? *Resp.* In duabus præcipuè rebus. *Primò.* Quia debet impleri statuto tempore, ita vt illi non satisfiat per communionem intra annum susceptam, vt satisfiat præcepto confitendi per confessionem intra annum factam modo supradictò. *Secundò.* Quia qui omisit tempore debito communicare, transacto eo, non tenetur eo præcepto, sicut qui non audiuit sacrum die festo, vel non ieiunauit die præstituto, non tenetur altero die sacrum audire, vel à cibo abstinere. Oppositum verò dixi supra de præcepto annuæ confessionis. Ita Tolet. lib. 6. cap. 18. cum plurimis quos citat.

3 *Int.* Qua anni parte adimplendum est hoc præceptum? *Resp.* Iuxta cap. Omnis utriusque, in die Paschatis. Syluest. Euchar. 3. ait implendum à die Iouis sancti, vsque ad diem Paschatis. Iuxta verò Eugen. I V. test. Nauar. cap. 21. num. 45. à Dominica Palmarum inclusiuè, vsque ad Dominicam in Albis inclusiuè. In Hispania autem ex priuilegiis Clem. VI I. qualibet die quadragesimæ vsque ad Dominicam in Albis inclusiuè. Nisi confessarius aliter expedire iudicauerit. Dixi, nisi confessarius aliter expedire iudicauerit. Quoniam tunc non peccat talis contra hoc præceptum vsque ad illud tem-
pus

pus prorogati. Causa verò iusta prorogationis nō est ipsum peccatum, vel peccati occasio, quam impœnitens tollere non vult, talis enim causa est iniustissima, sed expectata maior deuotio, vel maior experientia firmi propositi, & perseuerantiæ. Vel alia similis. Notat Viuald. *de Euchar.*

4 *Int.* Est quis excommunicatus, veruntamen per eum non stat, vt absoluator, rogo an peccet contra hoc præceptum non communicando? *Resp.* Minimè. Ita Nauar. c. 21. n. 45.

5 *Int.* Quoties obligat hoc præceptum? *Resp.* Olim ter in anno. *cap. Et si non frequentius. d. 2. de consecr.* nimirum in Paschate, Pentecoste, & Natali. Nunc verò ex præcepto. *cap. Omnis vtriusque.* solum obligamur semel in anno.

6 *Int.* Potestne absque transgressione huius præcepti à proprio sacerdote prorogari communio, cum ita expedire iudicauerit? *Resp.* Potest, ita habetur dicto *c. Omnis vtriusque.* Notat Viuald. *de Euchar. tit. de sacerdot. num. 10.*

De soluendis decimis §. 5.

1 *Vbi continetur hoc præceptum.*

2 *A quo accepit Ecclesia occasionem, vt præciperet decimas.*

3 *Sub qua pœna obligat hoc præceptum.*

4 *Quante sint decimarum species.*

5 *An decimæ prædiales debeantur ex omni fructu collecto.*

6 *An debeantur decimæ Ecclesiæ ministris ex solo iure humano.*

7 *An promittat Deus aliqua bona iis, qui rectè decimant.*

1 **I** N T E R R O G A T I O. Vbi continetur hoc præceptum? *Resp.* Continetur *c. Tua nos, de decimis,* & aliis canonibus. Qua de re D. Th. 2. 2. q. 87. & Summistæ *verb. Decimæ.*

2 *Int.* Vnde habuit occasionem sancta Ecclesia ad præcipiendas decimas? *Resp.* Ex præcepto diuino iudiciali, imposito populo scriptæ legis in sustentationem ministrorum templi, qui agriculturæ vacare non poterant, *Leuit. 23.*

3 *Int.* Sub cuius culpæ reatu obligat hoc præceptum? *Resp.* Sub mortali, secundum omnes Doctores, vbi consuetudo est, vt decimæ soluantur.

4 *Int.* Quot sunt species decimarum? *Resp.* Tres. Quædam sunt *prædiales*, quæ soluantur ex terræ fructibus, vt pote oleo, frumento, vino, & aliis eiusmodi. Quædam sunt *personales*, quæ soluantur ex fructibus, quos homo facit sua industria, vt ex venatione, negotiatione, & aliis actibus.

Quædam

Quædam sunt *mixta*, quæ quidem partem ex vno, partem ex altero habent: quales sunt decimæ, quæ soluuntur ex foetu animalium, quæ animalia indigent industria humana.

5 *Int.* Decimæ prædiales debenturne ex omni fructu collecto, an deducendæ sunt prius expensæ, & semina terræ mandata? *Resp.* Ex omni fructu percepto. Ita Tolet. *lib. 6. c. 20. Nauar. cap. 21. num. 31. latè.*

6 *Int.* Debenturne decimæ ministris Ecclesiasticis ex solo iure humano? *Resp.* Decimæ quoad quotam (ita vocant) id est, quoad certam, & determinatam partem debentur ex solo iure Ecclesiæ, quæ sua lege certam portionem, & partem suis ministris assignauit. At verò quoad congruam sustentationem, debentur ex ipso iure naturali, circa quod dignus est operarius mercede sua. Luc. 10. Ita D. Thom. quodlibet 2. art. 8. & quodlibet 6. art. 10. & 2. 2. q. 87. art. 1. ibidem, Caiet. & Nauar. cap. 21. num. 28.

7 *Int.* Quæ bona promittit Deus iis, qui rectè decimant? *Resp.* Magna quidem. Nam Malach. cap. 3. ita inquit. *Inferte omnem decimam in horreum, & sit cibis in domo mea. & probate me super hoc, dicit Dominus, si non aperuero vobis cataractas cæli, & effudero vobis benedictionem usque ad abundantiam, & increpabo pro vobis deuorantem, & non corrumpet fructum terræ vestræ, nec erit sterilis vinea in agro, dicit Dominus exercituum.* Ecclesiastici verò cap. 35. ita inquit. *Non minuas primitias manuum tuarum, in exultatione sanctifica decimas tuas: quoniam Dominus retribuens est, & septies tantum reddet tibi.*

C A P V T IX.

De Excommunicatione.

Definitur Excommunicatio. §. 1.

- 1 *Quid est excommunicatio.*
- 2 *Quæ sunt communia fidelium bona.*
- 3 *An excommunicatus iam in gratia existens, priuetur Ecclesiæ suffragiis.*
- 4 *An excommunicatus, per quem non fiat, ut absoluator, fruatur Ecclesiæ suffragiis.*

I I N T E R

I N T E R R O G A T I O. Quid est excommunicatio?
Resp. Est Ecclesiastica censura, qua homo Christianus bonis fidelium communibus priuatur. Ita Tolet. *lib. 1. c. 4.*

2 Int. Quæ sunt fidelium communia bona, quibus per Ecclesiæ potestatem Christianus priuari potest? *Resp.* Tria. Nimirum ista exterior conuersatio, quæ in mutuo colloquio, & conuictu consistit. *Secundum*, sacramentorum participatio. *Tertium*, orationes, & suffragia Ecclesiæ. Quamobrem ista censura appellatur excommunicatio, quasi à communi bono separatio.

3 Int. Priuaturne excommunicatus orationibus, & suffragiis Ecclesiæ, licet peccatorum facta poenitentia gratiam sit adeptus? *Resp.* Probabile est non priuari. Ita censuit D. Thom. in *4. d. 18. q. 2. a. 1. ad 2.* & cum eo Tolet. *lib. 1. c. 4.* Sic nec etiam priuatur orationibus particularibus, quas persona particularis pro illo fundit. Ita Hostiensis in *sum. de sent. excom. n. 7.*

4 Int. Si per excommunicatum non stat, ut obtineat absolutionem, fruiturne communibus Ecclesiæ suffragiis? *Resp.* Fruitur. Ita Turrec. in *cap. Si quis Episc. 11. qu. 3.* Richard. in *4. d. 18.* D. Anton. 3. *p. tit. 24. c. 7. 7.* argumento text. in *cap. Dixit.* & *cap. Magna.* iuncta Gloss. de *pæn. d. 1.*

De Excommunicationis diuisione. §. 2.

1 Quotuplex est excommunicatio.

2 Quæ censura sit anathema.

3 Quæ est excommunicatio à iure, quæ ab homine.

4 Vnde colligetur excommunicationem esse à iure, vel ab homine.

5 Discrimen inter excommunicationem à iure, vel ab homine.

6 Quæ excommunicatio intelligenda est, quæ absolutè profertur.

I N T E R R O G A T I O. Quotuplex est excommunicatio? *Resp.* Duplex, maior, & minor. Maior est, quæ priuat illis tribus communibus bonis supradictis. Minor, quæ priuat sola passiuâ participatione sacramentorum, *cap. si celebrat. de cler. excomm. minist.*

2 Int. Quæ in re differt anathema ab excommunicatione? *Resp.* Non differt in vinculo: nam idem est, ut dicit Abbas in *cap. cum ab Eccles. num. 5. de offic. Ordin.* Differt tamen quoad solemniam

solemnitatem, cuius forma habetur 11. *quæst. 3. cap. Debent*. Et inferre tale anathema solum est Episcoporum, iuxta Gloss. communiter receptam in *cap. Cum ab Ecclesiarum. de offic. Ord.* & ibi Abbas *num. 5.*

3 *Int.* Estne alia excommunicationis subdiuisio? *Resp.* Maximè. Est enim alia excommunicatio à iure, alia ab homine. A iure est, quæ per aliquem canonem, vel statutum, vel constitutionem fulminatur. Ab homine est, quæ per aliquem iudicem fertur. Vtraque aut est ipso iure, seu facto, quæ scilicet statim contrauenientes obligat absque alterius sententiæ expectatione. Alia comminatoria, quæ scilicet expectat iudicis sententiam, vt liget.

4 *Int.* Vnde agnoscemus, esse excommunicationem ipso iure, aut comminatoriam? *Resp.* Si tradatur hæc forma, *sit excommunicatus; habeatur pro excommunicato*, est ipso iure: si autem tradatur verbis, *sub pœna excommunicationis excommunicetur*, vel similibus, est comminatoria. Ita *Gloss. capit. Si quis ex clericis. de vita & honest. cler. Abb. in cap. in quibusdam. n. 6. de pœn.* Latè Tiraquell. *L. si unquam. §. reuertatur.*

5 *Int.* Quod est discrimen inter excommunicationem à iure, & ab homine? *Resp.* A iure semper est generalis. *cap. Ut animarum. §. statuto. de constit. lib. 6. Gloss. cap. Romana. de sentent. excommunic. eodem lib.* Ab homine verò aliquando est generalis, aliquando particularis: contra scilicet determinatam personam. *cap. Romano citato.* Secundum discrimen. Posita ab homine cessat cessante vita iudicis, vel quando ab officio remouetur. Ita nimirum, vt iam non liget contrauenientes: non verò desinit ligare, iam ante iudicis mortem ligatos. Ita *Abb. cap. A nobis. citato.* Ibi *Felin. n. 8. de sentent. excommun.* Posita autem à iure durat etiam post obitum iudicis, dum ius ipsum durat. Ita *Panormit. cap. Nobis. 1. num. 12. de sentent. excommunic.* communiter receptus. Tertium discrimen. Ab excommunicatione à iure, & non reseruata, potest Episcopus absolvere: non verò ab excommunicatione ab homine. *c. Pastoralis. §. præterea. de offic. iudic. Ordin.* Quartum discrimen. Excommunicatione à iure ligantur contra facientes intra territorium legislatoris, quamuis tempore legis lata, vel delicti non essent subditi respectu originis, vel domicilij. Ita *Gloss. cap. A nobis. 1. vbi Abbas num. 6. & Felin. num. 2.* Quintum discrimen. Excommunicatio inducta per statutum Archi-
episcopi

episcopi Metropolitani ligat non tantum subditos proprios ipsius Archiepiscopi, ratione diocesis, quam habet distinctā à suis suffraganeis, sed & eos qui suffraganeis subditi sunt, & singulos totius prouinciæ. Excommunicatio verò lata per sententiam Metropolitani tantum afficit eos, qui sunt diocesis ipsius Metropolitani, & non suffraganeorum. Gloss. in cap. Romana. §. porro, d. sent. excom. lib. 6. Doctores in cap. A nobis. 1. citato. Limitat verò Henric. Boic. in dicto c. A nobis. n. 6. respectu statuti editi in Concil. Prouinciali, aliàs si fieret in Conc. synodali, non ligaret, nisi subditos suæ diocesis.

6 Int. Pro qua excommunicatione accipienda est, quæ absolute profertur à iudice, nulla facta mentione maioris, vel minoris? Resp. Pro maiori: ita habetur cap. penult. de sent. excom. Ratio est, quia excommunicatio maior tantum est absolute excommunicatio, & simpliciter; minor verò, est secundum quid: verba autem absolute prolata sumuntur in significatione sua simpliciter. L. non aliter. ff. de leg. 3.

De iis, qui possunt excommunicare. §. 3.

1 Qui possunt excommunicare.

2 An possit fœmina.

3 An possit laicus.

1 INTERROGATIO. Qui excommunicare possunt?

Resp. Potest Papa, Concilium Generale, Concilium Prouinciale, Abbates, Generales Ordinum, Prouinciales, Guardiani. Denique omnes habentes iurisdictionem Ecclesiasticā in exteriori foro. Non potest verò fœmina, c. Dilectæ. de maior. & obedien. Nec laicus. c. bene quidem. d. 96. adiuncta Glo. Abb. in c. Eccles. sanctæ Mariæ n. 5. de constit.

2 Int. Potestne fœmina ex commissione Papæ excommunicare? Resp. Potest. Ita Panorm. c. Decernimus. de iudic. D. Anton. 3. p. tit. 25. c. 75.

3 Int. Potestne laicus ex commissione eiusdem Papæ? Resp. Potest. Ita & sequitur, & ostendit Toletus lib. 1. cap. 6.

De subiecto capace excommunicationis. §. 4.

1 INTERROGATIO. Qui possunt excommunicari?

Resp. Homo determinatus, baptizatus, viuus, inferior, subditus, idem dico de fœmina. Dicitur determinatus, quia tota ciuitas, aut collegium, simul excommunicari nō possunt,

nisi in particulari excommunicandi distinguantur. Ita habetur *cap. Romana. §. in vniuersitatem, de senten. excom. in 6.* Sufficeret, si ratione criminis excommunicarentur, vt qui hoc, vel illud commiserunt, excommunicentur: tunc enim non est periculum, vt excommunicatio cadat super innocentes. Expositionem longiorem legito apud Toletum *lib. 1. cap. 7.*

Ob quam causam ferri possit excommunicatio. §. 5.

1 De causa excommunicationis.

2 An possit ferri ob solum peccatum præteritum.

3 An ferri possit pro transgressione præcepti leuis.

4 An contrahatur non commissio peccato mortali.

1 INTERROGATIO. Ob quam causam ferri potest excommunicatio? *Resp.* Ob solum peccatum mortale. *can. nemo. can. nullus. 11. qu. 1. cap. 1. de iud. cap. Sacro. de sent. excom.*

2 *Int.* Ob solum peccatū præteritum ferrine potest excommunicatio? *Resp.* Minimè, nisi adsit contumacia præfens, nempe quando admonitus, vt desistat à peccato, id renuit facere. Quod si paratus est corrigi, non incurrit excommunicationem. *can. nemo* allegato. Tradit Panorm. *cap. Reprehens. num. 3. de appel. cum communi.* Scio autem oppositum esse probabile circa excommunicationem Papalem in poenam puram præteriti criminis; sicut suspendi quis potest. Ita Toletus *lib. 1. capit. 8.*

3 *Int.* Potestne superior ferre excommunicationem in futurum, ob transgressionem rei leuis? *Resp.* Minimè. Neque talis excommunicatio ligabit transgressores. Aduertendum tamen est, aliquando ferri excommunicationem iusta de causa in communi, quæ in particulari non esset iusta, nec ligaret: tamen considerata causa in communi, obligat etiam in particulari: vt si excommunicentur, qui vinearū fructus surripiūt, vel surripuerunt, nisi restituant, iusta est causa in communi, quia mortale est furtum notabilis quātitatis, & ideo excommunicatio obligat singulos, vt restituant sub mortali. Ita Sotus *4. d. 22. q. 1. art. 2. Tolit. lib. 1. c. 8.*

4 *Int.* Cum igitur certum est me non peccasse mortaliter in tali facto, incurrone excommunicationem latam ob illud? *Resp.* Minimè. Adnotat Palud. *4. d. 18. q. 1. ar. 2.* Toletus proximè. Hinc colliges non incurrere excommunicationem illum, qui aliquid clam surripuit in iustam recompensationē, quia alia

alia via debitum recuperare nō poterat. Ita Couār. cum plurimis, *lib. 1. resol. cap. 2. num. 15.* Syluest. *furtum num. 19.* Neque item debitorem, qui excommunicatur ob debitum, cum non est soluendo: ligatur tamen cum primū potest. Ita Toletus proximè: Neque item, qui non reuelat crimen occultum, & iam emendatum, vel quod probabiliter speratur emendandum, adhibita fraterna correctione. Ita Sanctus Thomas 2. 2. q. 33. art. 7. ad 3. Neque item, qui non producit occultas scripturas, quæ cedunt in graue detrimentum iustitiæ producētis. Neque item, qui in iudicio non detegit crimen, quod probare non pōtest, secus si iuberetur solum denunciare ad correctionem delinquentis, qui non acquieuit fraternæ correctioni.

De ignorantibus excommunicationem. §. 6.

1. *An liget ignorantes illam.*

2. *Quotuplex est ignorantia.*

3. *Quæ ignorantia excusat ab excommunicatione.*

1. **I**NTERROGATIO. Ligatne excommunicatio ignorantēs illam impositam ob tale crimen? *Resp.* Nulla excommunicatio, tam à iure, quàm ab homine ligat ignorantes. Ratio est: quia ad excommunicationis contractionem requiritur contumacia: non est verò contumacia, ubi est ignorantia.

2. *Int.* Quotuplex est ignorantia? *Resp.* Duplex, alia iuris, alia facti. Facti ignorantia datur, cum facio rem, quam non puto me facere, vt v. g. licet sciam me occidere hominem, nescio esse clericum. Iuris ignorantia datur, cum ignoro in iure esse positam pœnam excommunicationis percutienti clericum: ac proinde licet percutiā clericum, ignoro esse talem pœnam positam. Rursus ignorantia iuris, alia est iuris communis: alia iuris particularis. Præterea ignorantia alia est inuincibilis, quam iurisperiti appellāt probabilem. Alia vincibilis, seu improbabilis, & hæc aut est crassa, aut supina. Est verò ignorantia inuincibilis in eo, qui, quæ scire debuit, non potuit, vel si potuit, non debuit.

3. *Int.* Quæ igitur ignorantia excusat ab excommunicatione? *Resp.* Dico in primis. Ignorantia facti, siue liciti, siue illiciti secundum se excusat ab excommunicatione, cum inuincibilis est: non verò, cum est crassa. Ita Doctores communiter, & constat ex c. Si verò de sent. excom. Dico secundo. Ignorantia

iuris seu communis seu particularis crassa, vel supina, non excusat ab excommunicatione. In hoc etiam Doctores concordantes sunt. Dico *tertiò*. Ignorantia iuris particularis, cum inuincibilis est, excusat ab excommunicatione, cum factum erat aliàs licitum. Ita habetur absque controuersa *c. Ut animarum. de constit.* Dico *quartò*. Ignorantia inuincibilis iuris particularis circa factum ex se illicitum excusat ab excommunicatione. Non omnes in hoc conueniunt, verumtamen ita tenet Anchar. *c. Ut animarum. n. 6.* Adrian. *q. 1. de Clau. except.* 3. Dico *quintò*. Ignorantia iuris communis excusat ab excommunicatione. Ita D. Anton. *3. p. tit. 25. c. 33.* Angel. *excommunicatione. 7. c. ultim.* Sylu. *ignorantia. §. 16.* Sot. *4. sent. d. 22. q. 1. art. 2. cum aliis multis.* Ratio est, quia non dicitur contumax contra canonem Ecclesiæ, qui probabiliter illum ignorat. Et hanc ignorantiam tam iuris communis, quàm iuris particularis ostendit Toletus excusare etiam circa factum ex se ipso illicitum, cui annexa est censura. *lib. 1. cap. 8.*

De adiuuantibus causam excommunicationis. §. 7.

- 1 *An excommunicatio comprehendat adiuuantes causam excommunicationis.*
- 2 *Licet effectus non sequatur.*

I N T E R R O G A T I O. Cum excommunicatio, seu à iure, seu ab homine fertur contra facientes, comprehenditne mandantes, consulentes, fauorem, vel auxilium præstantes? *Resp.* Minimè. Nisi tenore verborum id exprimatur, aut aliis iuribus id habeatur declaratum. Ita communiter Doctores, quos affert Iul. Clar. *prax. crimin. q. 86. §. 2.* Caiet. *verbo excom. cum aliis.*

2 *Int.* Cum excommunicatio fertur circa faciētes, & mandantes, & consulentes, comprehenditne eos, si effectus non sequitur? *Resp.* Minimè. Ita Gloss. *cap. in audientiam. §. iniuriarum. de sentent. excommunic.* Couar. in rubric. *de homicid. 2. p. relect. num. 5.* Quod intelligo nisi aliter exprimatur in ipsa excommunicatione, ut exprimitur in ea, qua excommunicantur religiosi, qui concionantur animo retrahēdi auditores à solutione decimarum, quamuis non retrahant. Clement. *Cupiēis de penis. §. 1.*

Quæ sit forma excommunicationis. Quæ ceremoniæ ad illius valorem requirantur. §. 8.

1 Quæ sit forma.

2 Quæ ceremonia seruandæ.

3 De necessitate obligante ad restringenda intervalla monitionum.

4 Quod intervallum satis sit.

5 An liceat aliquando omittere monitionem.

6 An sit apponenda causa in scripto.

1 INTERROGATIO. Quæ verborum forma seruanda in ferenda excommunicatione? *Resp.* Non sunt determinata verba, sub quibus excommunicatio ferenda est, satis est dicere: sit anathema: excommunicetur: à communionem separetur. Ita Hostien. in *sum. de sentent. excomm.* §. *qualiter.* in principio.

2 *Int.* Quæ ceremoniæ seruandæ in ferenda excommunicatione? *Resp.* In ferenda excommunicatione ob præteritum peccatum cum contumacia, necesse est præcedat trina monitio, cum competentibus intervallis. Ita decernitur *c. Constitutionem* in 6. sufficit autem vna admonitio pro tribus datis, tribus intervallis, nisi facti necessitas persuaferit ista intervalla moderanda, iuxta *cap. Constitut.* citatum.

3 *Int.* Quæ necessitas sufficit ad intervalla trium monitionum restringenda? *Resp.* Si partes essent ad rixam, & arma paratæ, nec curarent admonitionem Episcopi. Ita Gloss. eiusdem *cap. Constitut.*

4 *Int.* Quod spatium assignandum cuique intervallo admonitionem absque necessitate restrictionis? *Resp.* Spatium duorum dierum. Quando autem vna admonitio fit, debent dari sex dies, exprimendo, ut duo primi sint pro prima: secundi pro secunda: tertij pro tertia admonitione. Ita Gloss. proximè citata.

5 *Int.* Estne casus, in quo liceat excommunicare absque præiuncta admonitione? *Resp.* Maximè. Si quis propter delictum aliquod ligatus est excommunicatione à iure, excommunicari potest ab homine absque præmissa monitione. Ita adnotavit Abb. antiquus *cap. Reprehensib.* de appell. & Panorm. eod. *cap. 5. num. 5.* Toletus *lib. 2. c. 9.*

6 *Int.* Requiriturne alia ceremonia ad ferendam excommuni-

municationem? *Resp.* Requiritur, vt feratur in scriptis, in quibus exprimatur causa excommunicationis. Ita habetur *c. cum medicinalis, de sent. excomm. in 6.* Hoc intelligo, nisi esset periculum in mora, si in scriptis daretur. Ita Ang. *excom. 2. §. 3. Gloss. cap. cum medic. de senten. excommun. verb. temerarius. Lapis allegat. 73. Felin. c. Sacro. nu. 7.*

De intentione excommunicantis, à qua pendet
excommunicationis vis. §. 9.

- 1 *An pendeat ab intentione excommunicantis.*
- 2 *An pendeat ab intentione petentis excommunicationem.*
- 3 *An qui petit excommunicationem, possit prorogare tempus incurrendi.*

1 **I** NTERROGATIO. Pendetne excommunicatio ab intentione ferentis illam? *Resp.* Pendet, adèd quod si non intendat ligare, sed tantum terrere, non ligat. Ita Panorm. *c. Ex parte. num. 6. de offic. Ordin.*

2 *Int.* Pendetne ab intentione illam petentis? *Resp.* Pendet, & ideo si quis petit sententiam excommunicationis ferri in eos, qui sibi ablata non restituunt, & tamen non intendit filios ligare, quamuis excommunicatio generalis sit, filij furantes non ligantur. Ita Angel. *excom. 3. §. 16.* Quia officium iudicis requisiti, non excedit intensionem requirentis. Hinc sequitur, quod si pars velit non incurrere excommunicationem, debitorem ita excommunicatum, si non soluat intra certum tempus, excommunicationem non incurrere, si non soluat.

3 *Int.* Poteritne pars prorogare terminum præfixum solutioni, ita vt si fuerit duorum mensium, proroget ad tertium, & tunc velit ligari, non verò antea? *Resp.* Probabilius est posse. Ita Panormit. *cap. Præterea. 2. de appell. num. 4. ibidem Decius, Toletus lib. 1. cap. 9.*

De causæ expressione, claritate, & modo quo
manifestanda est. §. 10.

- 1 *An requiratur expressio causæ.*
- 2 *An causa debeat esse manifesta.*

1 **I** NTERROGATIO. Tenetne excommunicatio, quæ infertur absque causæ expressione? *Resp.* Tenet. Ita Hostiensis *cap. Per tuas num. 3. verb. quod si dicatur. de senten. excom.*

2 *Int.*

De pœna non seruantis ordinem excommunicandi. 327

2. *Int.* Causa excommunicationis debetne esse manifesta?

Resp. Debet, nec sufficit vt sit nota ipsi soli excommunicanti. *cap. Si tantum. cap. Placuit. 6. quæst. 2. Abbas cap. Sacrum. 4. ibidem Felin. num. 1. de sent. excomm. Gloss. in dicto cap. Si tantum. verb. iubeatur.*

De pœna non seruantis ordinem excommunicandi. §. 11.

1 *De pœna omittentis trinam monitionem.*

2 *De pœna excommunicantis voce, non scripto.*

3 *An hæc pœna comprehendat omnes excommunicantes.*

1 **I** N T E R R O G A T I O. Quæ pœna imposita est ferenti excommunicationem absque præmissa monitione tri-na? *Resp.* Interdicitur per mensem ab ingressu Ecclesiæ. *cap. Sacro. de sent. excomm.*

2 *Int.* Quam pœnam incurrit ferens excommunicationem voce, non scripto? *Resp.* Suspensionem per mensem ab ingressu Ecclesiæ, & participatione diuinorum officiorum, ita vt exercens actum aliquem ordinis intra talem mensem, fiat irregularis à solo Papa dispensabilis. *cap. Cum medicin. de sent. excomm. in 6.*

3 *Int.* Istæ pœnæ ligantne omnes ferentes absque præmissa monitione, & in scriptis excommunicationem? *Resp.* Minime, neq; enim ligat Episcopos, aut superiores Prælatos, quia in iis non fit eorum expressa mentio, vt fieri debet ad contrahendum ab eis ipso facto iuris suspensionem, iuxta *c. Quia pericul. de sent. excomm. in 6.* Nec item superiores Religionum. Ita Lopus allegat. 75. Felin. *cap. Sacro. num. 7.* Nam in istis Prælatis non seruatur iuris ordo, sicut in secularibus. Durum enim esset Prælato regulari, qui sæpius in die monet, increpat, & præcipit subditis, habere pennam & papyrus, & ante scribere, quàm sub penna excommunicationis mandare.

Qui sunt effectus maioris excommunicationis. §. 12.

1 *Numerantur huiusmodi effectus.*

2 *Quæ sunt externa communia bona.*

3 *De valore contractus facti cum excommunicato.*

4 *An excommunicatus possit agere in iudicio.*

5 *An aliquis contractus factus cum excommunicato sit inualidus.*

6 *An possit manere sub eodem testō, sed sub diuersis locis.*

I INTERROGATIO. Qui sunt effectus maioris excommunicationis? *Resp.* Primus est priuare communibus Ecclesiæ suffragiis, ita vt nec missas, nec publicas orationes liceat pro eo fundere, aut celebrare nomine scilicet ipsius Ecclesiæ, nam nomine particularis personæ possunt quæcunque orationes pro excommunicato offerri. Ita D. Thom. in 4. d. 18. q. 2. art. 1. q. 1. ad 2. etiam in memento missæ, vt ait Sylu. excom. 1. §. 2. Secundus effectus, est priuare susceprione sacramentorum tam actiua, quàm passiua, ita vt nec sacramenta ministrare, nec suscipere absque mortali peccato possit. Ita Doctores in c. Euangelium, 3. q. 4. Tertius effectus, est priuare exterius quibusdam bonis communibus.

2 *Int.* Quæ sunt externa communia bona, quibus excommunicatio priuat excommunicatum? *Resp.* Continentur quidem in hoc versu.

Os, Orare, Vale, Communio, Mensa negatur.

Negatur *os*, id est, collocutio, quouis modo, verbo, signo, scripto prolata. Negatur *orare*, id est, simul cum aliis diuinis interesse, sacro audiendo, orando, recitando, cantando in choro, diuinis officiis adesse, sacramenta suscipere. Negatur *Vale*, id est, salutatio, honoris exhibitio aperiendo caput, donorum missio, & simile quid. Negatur *communio*, id est, humanus, & ciuilis contractus. Negatur *mensa*, id est, simul in vna mensa conuesci, in vno lecto dormire.

3 *Int.* Valetne contractus humanus, & ciuilis factus cum excommunicato? *Resp.* Si contrahit tanquam priuata persona, valet contractus in fauorem cum illo contrahentium, non verò in fauorem ipsius excommunicati. Ita Hostiens. c. Si verè, & c. Veritatis, de dolo, & contumac. Verum etiam in excommunicati fauorem valere, tenet Innocent. c. Veritatis. n. 1. de dolo, & contumac. Abb. n. 35. sum. confess. lib. 3. tit. 33. q. 132. circa finem. Sylu. Excom. 3. in fine. & ita obtinuit consuetudo, teste Henr. Boic. c. Veritatis citato, nu. 18. Licet excommunicatio sit publica, vt notat Tolet. lib. 1. cap. 11.

4 *Int.* Quoniam dixisti contractum factum cum excommunicato esse validum, rogo vltcrius, an ipse excommunicatus agere possit in iudicio? *Resp.* Minime. Ita tradunt Innoc. Abb.

Abb. Henric. Boic. supra, Ancharan. in cap. Pia. §. si quis. num. 2. vers. aut facit. de excepti. l. 6. & probatur ex cap. Intelleximus. de iudic. ubi responsio negativa expressè habetur.

5 *Int.* Estne aliquis contractus factus cum excommunicato invalidus? *Resp.* Maximè. Nam si excommunicatus est beneficiatus, & contrahit super bonis Ecclesiæ, actus nihil valet. cap. Veritatis, i. fine. de dolo, & contumac. Ita docet Decius cum aliis, quos citat in cap. Pastoralis. §. verum. col. 3. de appel. Quæ doctrina intelligenda est de excommunicato publico: nam si est occultus, valent huiusmodi contractus. Ita Abb. c. Veritatis, citato, num. 33. Syl. excomm. 3. q. 15. n. 5. Tolet. lib. 1. c. 11. n. 4.

6 *Int.* Poteritne excommunicatus manere in eadem domo, non ut simul conveniens, & habitans, sed tanquam in alia domo? quia sunt distinctæ cameræ? *Resp.* Maximè. Ita respondet Innocent. cap. Nuper. de sent. excom. D. Ant. 3. p. tit. 24. cap. 2. Imò poterit habitare in eodem cubiculo, tanquam alienus habitator, iuxta Innocent. loco præallegato.

Quæ culpa committitur, & quæ censura incurritur, ob communicationem cum excommunicato. §. 13.

1 De culpa.

2 De pœna.

1 **I**NTERROGATIO. Quæ culpa committitur in participatione harum dictarum rerum cum excommunicato? *Resp.* Lethalis, si communicatur in diuinis, venialis, si communicatur in humanis.

2 *Int.* Quæ pœna incurritur ob talem communicationem? *Resp.* Omnes communicantes contrahunt minorem excommunicationem, iuxta cap. Nuper. de sent. excommun. Si tamen clericus communicaret cum excommunicato à Papa spontè, & scienter in diuinis, Papalem contraheret excommunicationem, iuxta cap. Significavit. de sent. excomm.

Qui excommunicati sunt euitandi. §. 14.

1 Quos excommunicatos euitare tenemur.

2 Quis dicitur nominatim declaratus & denunciatus.

3 Quid requiritur, ut quis nominatim denunciatur.

1 **I**NTERROGATIO. Quos excommunicatos euitare circa illa quinque, Os, orare, vale, &c. iubemur? *Resp.*

X 5

Solos

Solos notorios clerici percussores, & nominatim declaratos, atque denunciatos: ceteros verò, siue à iure, siue ab homine, etiam nominatim excommunicatos euitare, nec in humanis, nec in diuinis tenemur. Ita decreuit Martinus V. *in extrauag. Ad euitanda*. Hic verò fauor non est ipsorum excommunicatorum, non enim ipsi se immiscere possunt siue in diuinis, siue in humanis. Sed semper tenentur abstinere à communionem fidelium, vt notauit Nauar. *de pœn. d. 6. cap. 1. §. labore*. Couarr. relect. *cap. Alma mater. p. priori. §. 2. num. 11. Tolet. lib. 1. cap. 12.*

2 *Int.* Quis dicitur nominatim declaratus, & denunciatus excommunicatus? *Resp.* Qui est, vt talis, sententia Iudicis declaratus contraxisse excommunicationem. Itaque poterit esse nominatim, & notoriè excommunicatus, & qui sub pœna excommunicationis ipso facto iubeatur comparere, & ipse contumaciter non comparet, & tamen non est nominatim denunciatus, quia adhuc iudex non dixit ipsum esse talem.

3 *Int.* Quid requiritur, vt nominatim denunciatur quis excommunicatus? *Resp.* Vt nomine proprio expresso, aut aliis apposisis signis, quæ significant illum esse excommunicatum, certè, & omni dubio procul. *L. Nominatim. ff. de cond. & demonstr.*

Aliquando incurritur maior excommunicatio agendo cum excommunicato. §. 15.

1 *Quando incurritur huiusmodi pœna.*

I **INTERROGATIO.** In quibus casibus incurritur excommunicatio maior, communicando cum excommunicato? *Resp.* Cùm quis in primis cum excommunicato in eodem crimine propter quod excommunicatus est participat, eadem excommunicatione innodatur. Ita habetur *cap. Nuper de sent. excomm.* Participat autem, qui illi ad id crimen dat auxilium, aut fauorem, aut consilium, postquam propter illud fuit excommunicatus, non verò ante excommunicationem. Hoc vocant Doctores participare cum excommunicato in crimine criminoso. Deinde qui communicat cum excommunicato de participantibus.

De

De iis , ad quæ redditur inhabilis
excommunicatus. §. 16.

1 Ad quæ redditur inhabilis excommunicatus.

2 De inhabilitate ad fructus beneficij faciendos.

3 Cui cedunt fructus perditij ab excommunicato.

1 **I**NTERROGATIO. Ad quid redditur inhabilis excommunicatus? *Resp.* In primis ad beneficium suscipiendum : nam collatio beneficij facta excommunicato , est ipso iure nulla. *cap. Pastoralis. de cler. excomm. minist.* Nec validatur collatio præterita per absolutionem excommunicationis, sed indiget noua collatione. *cap. Postulasti de cler. non ordin. minist.* ibi Gloss. & Doctores. Deinde quæuis impetratio litterarum à Papa, & quoduis rescriptum, nisi sit super articulum excommunicationis , vel appellationis , est ipso iure nullum. *cap. de rescript. in 6. Tertio.* Non potest eligi ad beneficium Ecclesiasticum. *cap. Constitutis. 1. de appellat.* ibi Gloss. & consequenter nec postulari , nec præsentari ad beneficium patronatus. Quia eadem est ratio electionis, postulationis, & præsentationis, iuxta Gloss. *c. Quoniam de elect. in 6. & Couar. cap. Alma mater. 1. par. §. 7. num. 1. & 2.* Et idem esse de pensionibus censuit Gigas *tract. de pensio. q. 24.* cui consensit Couarr. proximè, & Toletus *lib. 1. cap. 13.* Item nec potest eligi in Regem, Imperatorem, vel Ducem, & si eligatur electio est ipso iure nulla. *cap. Venerabilem. de elect. Quarto.* Non potest excommunicatus exercere actum Iurisdictionis. Imò facta per eum, cum publicus est, nulla sunt, & sententiæ per eum latæ, etiam nullæ. *c. Ad probandum de sent. & re iud.* Ideo nec eligere, nec præsentare potest, & si facit, actus est nullus. *cap. Cum inter, in fine, de elect. c. Cum dilect. de consuet.* Ita dicunt Ioann. Andr. *cap. Pia. col. 5. in fine, de except. lib. 6. & Abbas in c. Ad probandum de re iudic. num. 20.* Si tamen excommunicatio sit occulta, actus valet. Ita Abb. proximè *num. 15.* Felin. *num. 3.* cum communi opinione, per L. Barbarius. *ff. de offic. pres. Quinto.* Non potest exercere actum ordinis cuiusuis. Imò si exerceat, fit irregularis. *cap. Cum medic. de sentent. excom. in 6. & ibi Gloss. Sexto.* Non illi manent obnoxij , qui illi promiserunt verbaliter , etiam cum iuramento , excommunicatione durante. *Can. non Sanctorum. & can. iuratos 15. quæst. 6. Septimo.* Non potest accusare , testificari , patrocinari , procurare. *cap. Decernimus. de sentent. excom. in 6. Nec reconuenire. cap.*

Cum

Cum inter priorem. de except. Offic. auct. Mortuus in excommunicatione priuatur Ecclesiastica sepultura, & est exhumandus, si iam sepultus est. *cap. Sacrus, de sepult.* Hoc intelligo de nominatim denunciato, vel notorio clerici percussore: per quem stetit absolutio ab excommunicatione, & ideo mortuus est in contumacia censuræ. Nam si confessus in articulo mortis, vel contritus, hoc est, dans signa contritionis externa obiit, absolendus est ab eo, qui poterat censuram tollere, & humandus in loco sacro: si verò humatus est in loco profano, inde extrahendus. Ita Rosel. *absolut.* §. 21. Nauarr. in *Manu. cap. 25. num. 52.* notatque Rodericus in *Bulla.* §. 10. n. 1. *Non d.* Clericus perseverans in excommunicatione ultra annum, poterit priuari beneficiis, quæ obtinet. Abb. & Doctor. *cap. Cum benè, de etat. & qualitat.* Couarr. *cap. Alma p. 1. §. 7. num. 10. Decimò.* Conuentus super crimine ciuilitè, vel criminaliter, & ob contumaciam excommunicatus, censetur conuictus de crimine, cuius fuit accusatus. Ita Couarr. proximè cum aliis. *Vndecimò.* Qui per annum permanet in excommunicatione, efficitur suspectus de hæresi. *cap. ultim. de pœnis.* vbi Panorm. & Doctores. Hæc autem suspicio iuxta Inquisitorum præxim est leuis: ita adnotat Simanch. *cap. 27. Instituit.* Quæ doctrina etiam traditur manifestissimis verbis in Conc. Trident. *sess. 25. cap. 3. Duodecimò.* Suspectus de hæresi, & ea de causa vocatus ab Inquisitoribus, iudicium subterfugiens, & ob eam contumaciam excommunicatus, si ad annum in ea persistat tanquam conuictus de hæresi, est promuncians hæreticus. Ita *cap. Cum contumacia.* ibi. Gloss. in *6. cap. Excommunic.* §. qui autem, de hæret. Ad hanc poenam incurrendam requiritur vera contumacia, & vt nominatim citetur, tanquam suspectus de hæresi, saltem in communi. Ita cum aliis Tolet. *lib. 1. c. 13. Decimotertiò.* Excommunicatus non facit fructus beneficij. Ita Palud. *4. d. 18. quæst. 4. Syl. Clericus 4. quæst. 25.* Decius *cap. Pastoralis.* §. verum, col. 3. Armil. *excommunicatio. num. 9. summ. confess. lib. 3. tit. 33. qu. 87.*

2. *Int.* Circa hunc vltimum effectum quæro ex te, an ad priuationem fructuum requiratur contumacia, ita vt per ipsum excommunicatum stet non absolui? *Resp.* Contumaciam requirunt Armil. & sum. conf. proximè. Contrarium tamen tenet communis doctrina, asserens excommunicatum ante absolutionem, absolutè non facere fructus beneficij. Ita

Panorm.

Panorm. cap. Pastoralis. §. verum. n. 21. de appel. Gloss. cap. studeat. d. 50. Hostiens. in sum. rubric. de sent. excom. num. 11. Innoc. cap. Pastoral. num. 4. Puteol. decis. 280. lib. 1. Neque ad propria alimenta, nisi fame periret. Gloss. in dict. §. verum, & ibi Abb. num. 16. Couar. lib. 3. resol. cap. 13. num. 8. vers. 12.

3 *Jnt.* Cuius igitur fiunt fructus beneficij excommunicationis? *Resp.* Ecclesię. Ita Abbas loco citato. Si tamen sint distributiones, accrescunt aliis beneficiatis, non Ecclesię. Ita Gloss. Clem. 2. vers. pars dimidia. de atat. & qual. Decius cap. Pastoral. §. verum. col. 3. de appel.

De absolutione excommunicationis. §. 17.

- 1 *Qui est ligatus multis excommunicationibus, indiget multis absolutionibus.*
- 2 *An absolutio ab excommunicatione dari possit à non sacerdote.*
- 3 *An excommunicatus possit absolui inuitus.*
- 4 *Quę conditiones requirantur ad valorem absolutionis ab excommunicatione.*

I **NTERROGATIO.** Supposito, quòd possit quis ligari multis excommunicationibus, vt habetur 3. q. 4. can. Engeltrud. docetque Glossa ibidem cum communi Doct. Røgo, vtrum ligatus multis excommunicationibus indigeat multis absolutionibus? *Resp.* Si omnes sunt relaxandę, sufficit vna generalis, ab omni nimirum censura excommunicationis. Ita Innocent. cap. Cum pro causa, de sent. excommun. Si tamen vna relaxanda est, & non alia (vt quidem relaxari potest) plures absolutiones sunt impertiendę. Ita Palud. d. 18. quest. 5. art. 3.

2 *Int.* Absolutio excommunicationis darine potest à non sacerdote? *Resp.* Potest, etiamsi nec diaconus, nec subdiaconus sit. Ita Sylu. absolutio. 1. §. 3. Angel. absolut. 1. Ioann. Andr. & Henriq. vbi sup. §. 1.

3 *Jnt.* Potestne excommunicatus absolui ab excommunicatione inuitus? *Resp.* Potest. Ita Palud. citato loco, D. Thom. in 4. d. 18. q. 2. art. 5. q. 2. Imò inscius, & ignarus absolui potest. Ita Toletus lib. 1. cap. 14. num. 5.

4 *Int.* Quę conditiones requiruntur, vt apta sit, & valida absolutio? *Resp.* In primis, debet fieri absoluta, sine conditione futuri, actum suspendente; quia tunc nulla est. c. Actus. de regul. iur. in 6. vt si quis dicat, absoluo te si restitueris. Ita Panormit.

Panormit. *cap. de quibus de bap. Syluest. absolutio. 3. §. 1. Deinde, absolutio excommunicationis à iure cum datur ab eo, cui de iure competit, valet, quamvis prius id non fiat, quod canon præcipit, puta satisfacere, vel quid aliud. Ita Innocent. cap. cum ab Ecclesi. num. 6. de offic. Ordin. Tamen non valet data ab eo, cui de iure non competit, sed ex mandato, vel commissione. Ita Nauar. c. 27. n. 37. Ang. excomm. 3. §. 2. etiâ si sit articulus mortis, si potuit seruari forma mandati, vel canonis. Tertiò. Absolutio obtenta in foro conscientie, etiam præmissa satisfactione, non prodest in foro exteriori. Couarr. cap. Alm. l. p. §. 11. num. 15. vers. 3. Quartò. Facultas absoluendi à quibuscunque censuris concessa per Iubilæum, aut bullas confessariis, solum forum interius concernit. Ita Couar. proxime, & Paris. conf. 67. n. 20. lib. 4. Tolet. lib. 1. cap. 14. Quintò. Absolutio iniusta valet. cap. venerabilibus. §. ubi de sentent. excomm. in 6. etiam si sit iniusta ex parte causæ. Innocent. cap. cum ab Ecclesi. num. 6. de offic. Ordin. Sextò. Non valet absolutio, licet ex iusta causa petita per vim, metumve extorta. cap. unico de his, quæ vi metus. num. 6. Septimò. Non valet absolutio, quando causa expressa est falsa. Innocent. cap. ex parte de offic. Ordin. ibi Gloss. vers. redire. Deducitur ex cap. Officij. & Gloss. de sent. excommunicat. Abb. cap. cum pro causa, in fine, de sent. excomm.*

Qui possunt absolvere ab excommunicatione. §. 18.

- 1 Quilibet sacerdos in articulo mortis potest absolvere.
- 2 Non laicus etiam in eo articulo.
- 3 Seruandus etiam in eo articulo ordo maiortatis.

I N T E R R O G A T I O. Quis potest absolvere ab excommunicatione? *Resp.* In primis in articulo mortis quilibet sacerdos. Quia in eo articulo nulla est reservatio. Ex Trid. sess. 14. c. 7. Quod ius an etiam sit diuinum, controuertunt Doctores, cuius partem affirmantem tenuit D. Th. in 4. sent. d. 20. q. 1. art. 2. Durand. 4. d. 19. q. 2. Palud. d. 20. q. 1. art. 2.

2 *Jnt.* Deficiente sacerdote, vel proprio, vel simplici in mortis articulo, potestne absolvere laicus? *Resp.* Minimè. Ita Panorm. c. A nobis 2. de sent. excommun. Ratio est. Quia talis absoluendi facultas conceditur, vt absoluator à peccatis: cum igitur laicus non possit absolvere à peccatis, neque etiam absolvere potest à censura.

3 *Jnt.*

3 *Int.* Præfente superiore, qui potest absoluere à censura, potestne absoluere simplex sacerdos? *Resp.* Minimè, neque etiam in articulo mortis. Ita Innocent. *cap. 1. & cap. Nuper. de sentent. excomm.*

4 *Int.* Potestne mortuus in excommunicatione, absolui ab ea post mortem? *Resp.* Potest, si petiit pœnitentiam, & signa contritionis ostendit: ab eo tamen cui reſeruata est excommunicationis. *cap. A nobis. 2. de sentent. excom. & ita Panorm. Innocent. locis citatis.*

5 *Int.* Quot testes requiruntur, ad probandum dedisse huiusmodi contritionis signa? *Resp.* Sufficit vnus fide dignus. Ita Henriq. Boic. *cap. A nobis cit. num. 6. Astenf. lib. 5. tit. 16. Toler. lib. 1. cap. 15.*

De Cœnæ Domini excommunicationibus præcipuis, & difficilioribus intellectu. §. 19.

- 1 De excommunicatione lata contra hæreticos, & hæreticorum fautores.
- 2 An fautor hæretici fit intelligendus, qui ei fauet ad solam amicitiam ostendendam.
- 3 De legentibus libros hæreticorum.
- 4 De excommunicatione lata in piratas.
- 5 De excommunicatione lata in capientes naufragantium bona.

I N T E R R O G A T I O. Quot sunt excommunicationes Bullæ, in Cœna Domini latæ, & summo Pontifici reſeruatæ? *Resp.* Prima fertur contra hæreticos cuiusunque hæresis, & eorum credentes, receptatores, fautores, quoslibet eorum defensores, contra ſcienſer legentes, absq; ſedis Apoſtolicæ facultate, libros hæreticorum, hæreſim continentes, vel de religione tractantes, contra retinentes huiusmodi libros, imprimentes, quomodolibet defendentes, quauis cauſa, publicè, vel occultè, quouis ingenio, vel colore: contra ſchiſmaticos, eoſque, qui à Romani Pontificis obedientia pertinaciter ſe ſubtrahunt. *Hæreticus* intelligendus eſt, qui externè hæreticarium opus fecit. Nam ab hæreſi interna, & mentali, poteſt quilibet proprius, vel alius habens in peccatorum abſolutionem iuriſdictionem, abſoluere. Ita docet Alenſ. 2. *part. q. 182. num. 2. D. Thom. 1. 2. q. 91. art. 4. D. Anton. 3. p. tit. 25. cap.*

cap. 4. Caiet. *ve b. hæresis*. Palud. in 4. d. 13. qu. 3. Toletus lib. 1. cap. 19. cum aliis multis. Intelligendus præterea hæreticus formaliter, hoc est, qui non solum externè ob metum, vel aliam passionem, sed interiùs fidem negavit. Et ideo, qui tantum externè fidem negavit, non incurrit hanc excommunicationem. Ita D. Anton. 3. p. tit. 12. cap. 5. Tabien. *verb. hæreticus*. num. 1. Syluest. *hæresis* 1. §. 9. Toletus proximè. Sufficit tamen quoduis signum exterius interiorem errorem manifestans, quamvis occultissimum, ut inducat hanc excommunicationem Ita Caietan. *verb. hæresis*. Syluest. *excommunicatio*. 7. §. 3. Glossa 24. quæst. 1. can. Achatius. 1. Palud. 4. distinct. 13. quæst. 3. *credentes hæreticorum sunt* ij, qui nullum explicitè errorem profitentes, dicunt se habere fidem, quam profitemur talis hæreticus, ut solent rustici Catholici dicere se habere fidem Ecclesiæ, approbando illorum vitam, dicta, & facta. Ita Archid. cap. *Quicumque, de hæretic. in* 6. Palud. in 4. sentent. d. 13. quæst. 3. Syluest. *hæresis* 1. §. 10. *Receptatores sunt* ij, qui eo solum animo hæreticos recipiunt, ut occultent, ne ob hæresim comprehendantur, vel puniantur. Ita Archid. Palud. Syluest. proximè, Tabien. *excommun. 5. casu 2. num. 7*. Deducitur ex L. 1. ff. de recept. L. *Congruit. ff. de offic. præsidis*. Vnde qui ob alium finem, & causam recipit, non incurrit huiusmodi excommunicationem. *Fautores hæreticorum sunt*, qui iis, ut talibus, verbo, literis, aut facto fauent, ut qui mittit munera, accommodat arma quibus se defendant ab Inquisitoribus, equum in quo fugiant Inquisitorium satellites. Ita D. Anton. tract. de excomm. cap. 4. iuxta cap. *Accusatus, de hæretic. n. 6*. Præterea sunt ij, qui cum ex officio teneantur hæreticos punire, vel in carcerem mittere, non faciunt, neque contra eos procedunt iuxta cap. *Ad abol. de hæreticis*. Ita Archid. Palud. & Sylu. qui addit etiam hæreticorum fautores cenferi eos, qui cum iuramento se obstrinxerint de deferendis, & accusandis hæreticis, nec deferunt, nec accusant, ut sunt familiares (sic vocant) Inquisitionis. Non tamen alij, qui ex sola charitate obligantur illos deferre Ita Syluest. proximè, & Tolet. lib. 1. cap. 19. *Defensores hæreticorum, vel credentium eis sunt* ij, qui viribus, aut potentia defendunt hæreticos, ne veniant in mantis Iudicum puniendi, aut excommunicandi, aut capiendi ob hæresim. Ita Archid. cap. *Quicumque, de hæret. in* 6. Syl. *hæresis* 1. §. 10. Item est defensor, qui patrocinium præstat,

aut

aut aduocat in causa hæresis. Ita Card. in *clem. i. de pœn.*

2 *Int.* Adhuc circa receptatores, fautores, & defensores hæreticorum, superest dubium explicandum. Scilicet vtrum incurrant huiusmodi excommunicationem solum ij, qui recipiunt, fauent, aut defendunt hæreticum, affectu hæresis defendendæ? *Resp.* Ita censuit Caietan. *verb. excommun. c. i. Nau. c. 27. n. 56.* Falsa tamen est opinio, dicendumque incurere hanc excommunicationem, etiam cum recipiunt, fauent, & defendunt scienter hæreticum in causa hæresis, vt amicitiam ostendant, beneuolentiam, &c. detestando hæresim. Ita Toletus proximè.

3 *Int.* Dic de legentibus libros hæreticorum? *Resp.* Contrahunt hanc excommunicationem scienter legentes eos duxat libros hæreticorum Auctorum, qui continent hæreticorum errores; vel de religione tractant, etiam si in eis error non contineatur, seu legant ad errores impugnandos, seu cognoscendos ob eruditionem, siue per multas, siue etiã per paucas lineas. Hæreticorum, dixi, Auctorum, quia in nostra Lusitania non prohibentur Catholicorum libri, qui de hæreticorum erroribus agunt. Qui verò alios libros prohibitos in Catalogo legunt, incidunt in aliam excommunicationem latam contra legentes libros prohibitos. Iudicandum tamen est iuxta sensum, & verbum cuiusque Catalogi. Enimuero in Catalogo Lusitano non prohibentur sub excommunicatione libri prohibiti ob solos bonos mores, sed sub mortali tantum peccato.

4 *Int.* Circa tertiam excommunicationem latam contra pyratas dic quid sentis? *Resp.* Pyrata est qui in mari deprædatur. Duo requiruntur ad hanc excommunicationem. *Primum*, vt mari vagetur animo spoliandi. *Secundum*, vt non spoliet iure belli, quod intercedit inter certas nationes. Syluester addit requiri, vt spoliet omnes indifferenter, non verò homines vnus tantum certæ nationis: sed hanc conditionem superflue appositam meritò arbitratur Toletus *lib. i. c. 20.* Necessè tamen est, vt spoliari sint Christiani, nam qui infideles spoliant, non incidunt in hanc excommunicationem. Incidunt verò in eam, vti primum mari vagari incipiunt, animo spoliandi Christianos, antequam eos spolient. Ita Toletus proximè, contra Caietanum *excomm. cap. 18.* Sunt etiam excommunicati receptores horum pyrataram, auxi-

lium vel fauorem eis dantes, vt talibus, sed ponderanda sunt verba cuiusque bullæ.

6 *Int.* In quos fertur quarta excommunicatio Cœnæ? *Resp.* In eos qui surripiunt Christianorum naufragantium bona siue in maribus existentia, siue ex eisdem eiecta, siue in littore inuenta. In hanc excommunicationem incidunt, qui surripiunt, seu colligunt animo surripiendi, & retinendi, licet postea, mutato animo, restituant. Qui enim animo reddendi dominis, cum primum nouerit, ea capit, non dicitur surripere, nec excommunicatus est.

De excommunicatione lata in clericorum percussores, atque soli Papæ referuata. §. 20.

- 1 *Vbi sit huiusmodi excommunicatio.*
- 2 *Quid intelligatur per manus iniectionem.*
- 3 *Quis per clericum intelligatur.*
- 4 *Quis etiam intelligatur per monachum.*
- 5 *An incurrat hanc excommunicationem, qui percussit clericum, aut monachum mortuum.*
- 6 *Ad quos huiusmodi excommunicatio extendatur.*
- 7 *Quotuplex detur læsio.*

1 **I**NTERROGATIO. Quo in loco iuris communis habetur huiusmodi excommunicatio? *Resp.* Habetur 17. q. 4. *can. si quis suadente diabolo*, his verbis. Si quis suadente diabolo huius sacrilegij vitium, vel crimen incurrerit, quod in clericum, vel monachum violentas manus iniecerit, anathematis vinculo subiaceat, & nullus Episcoporum illum præsumat absolvere, nisi mortis urgente periculo, donec Apostolico conspectui præsentetur, & eius suscipiat mandatum.

2 *Int.* Quid intelligitur per manus iniectionem? *Resp.* Per manus iniectionem intelligitur quicunque effectus violentus in personam, vel in adhærentia personæ, vt notat Sylu. *excommunicat.* 6. §. 1. vt si quis aquam proiciat, vel puluerem, & falluam per modum iniuriæ, iuxta Gloss. *can. si quis*. Imò sentio violentam esse, sine vlla læsione, manuum iniectionem. Vt habetur *cap. Nuper, de sent. excom.* Imò ereptio alicuius rei è manibus per vim. Item admotio manus ad frenum equi. Item abscissio ephippij. Item persecutio talis, vt cogat clericum

cum præcipitare se in flumen, vel aliud subire discrimen ad euitandum damnum. Ita Nauar. *in sum. cap. 77. nu. 77. per text. c. Nuper. §. Nos igitur. de sentent. excom.* Non est tamen violenta manus iniectio, ea persecutio, ob quam clericus cadit, & læditur ad lapidem. Ita Sylu. *excom. 6. n. 5. vers. 7.* Incidit in hanc excommunicationem clericus, qui in se ipsum violentas manus iniicit. Et qui clericum spontè se verberibus subiicientem percutit, non iocosè. Ita tex. communiter, & Abb. *in cap. Contingit. 1. nu. 5. de sent. excomm.* Quia priuilegium clericale, datum est in fauorem ordinis clericalis. *c. 1. & c. de monialibus. de sent. excomm. Abb. in c. Contingit cit.* Hæc manuum iniectio debet esse violenta, hoc est, præuisa, & voluntaria, non casualis, licèt ob negligentiam mortalis, non inducat hanc excommunicationem, quia non est iniuriosa. Debet esse suadente diabolo, hoc est per peccatum mortale commissâ.

3 *Int. Quis intelligitur per clericum? Resp.* Per clericum intelligitur etiam primæ tonsuræ. *cap. Cum contingit, de etat. & qualit.* Licèt sit excommunicatus, interdictus, suspensus, irregularis, degradatus solum verbaliter, & nõ realiter. Ita Doct. cõmuniter. *c. Ex parte. Extrauag. de Clericis coniug.* Gaudent hoc priuilegio etiam clerici coniugati, si tonsuram, & habitum ferant, & cum virgine contraxerint. *c. 1. de cler. coniug. in 6.* & præterea alicui Ecclesiæ ex Episcopi mandato deferuiat. Eoque priuilegio possunt gaudere, si habitum, & tonsuram, quam reliquerunt, iterum assumant, amota fraude, quia per dimissionem habitus Priuilegium non amiserunt. Ita Anchar. *c. unico. de cler. coniug. cum aliis, quos citat.*

4 *Int. Quis intelligitur per monachum? Resp.* Per monachum intelligitur regularis professus, vel conuersus. *cap. Non dubium, de sentent. excomm. monacha, & conuersa. cap. de monialib. de sentent. excomm. Imò nouitius, & nouitia. cap. Religioso, de sentent. excomm. in 6. similiter & fratres tertij Ordinis sancti Dominici, & sancti Francisci, qui gregatim viuunt, & habitum religiosum gestant, secundum Rotam in antiq. decis. 332. in fine. Felin. cap. 2. num. 10. de foro competent. Idem dicendum de Eremitis subiectis alicui regulæ vel superiori, iuxta Sylu. *verb. Eremita. num. 2.* Idem de militibus sancti Ioannis Ierosolymitani, qui profitentur regulam sancti Augustini. Ita Sylu. proximo loco. Ipsi enim emittunt tria vota. *per cap. Cum ad ministerium. de statu regu.* Et dicuntur personæ religiosæ,*

religiosæ, ac promittunt obedientiam superiori, vt dicit Puteolus *decis. 363. lib. 1.*

5 *Int.* Incurritur ne hæc excommunicatio percutiendo clericum aut monachum mortuum? *Resp.* Clericus, aut Monachus intelligitur tam viuus, quàm mortuus. Ita Felin. *in c. A nobis. 2. n. 4. de sent. excom.* itaque iniiciens manus violentas in clericum, vel monachum mortuum, incurrit excommunicationem Papæ reservatam.

6 *Int.* Ad quos extenditur huiusmodi excommunicatio? *Resp.* Extenditur in primis hæc excommunicatio ad mandantes. *cap. Mulieres, de sent. excom.* Deinde ad eos qui per ratihibitionem approbant hanc manuum iniectionem suo nomine factam, factam, inquam, eo tempore, quo ipse ratificans posset eam facere, vt notat Tolet. *lib. 1. c. 32.* cum aliis, quos refert. Tertio, ad consentientes tali iniectioni. *c. Quanta,* dando inquam auxilium, vel fauorem, vt notat Glo. *c. Quanta,* Quarto, ad eos qui cum possent impedire, malitiosè non impediunt, licèt ad eam impediendam ex officio non teneantur. Ita Hostiens. dicto *c. Quanta.* ibi Abb. *n. 7.* & Boic. *nu. 6.* Secus verò si non impediuit quis ex negligentia, vel quia noluit se immiscere rumoribus sæcularibus. Ita cum Host. Abb. Boic. tenet Sylu. *excomm. 6. nu. 5. vers. 5.*

7 *Int.* Quotuplex est læsio? *Resp.* Triplex. Enormis, leuis & mediocris. *Enormis* est, in qua proceditur vsque ad membri mutilationem, vel effusionem sanguinis, vel contra Episcopum, aut Abbatem. ita *c. Cum illorum. §. qui si claustrales, in fine, de sentent. excom.* effusio sanguinis debet esse in copia, non ex naribus, vnde facile effluit. *Leuis* est, quæ fit pugno, palma, manu, pede, ligno, lapide, non facientibus vulnus. *Extrauag. perlecti.* cuius meminit Hostiensis *cap. Peruenit. de sentent. excom.* semper tamen fit cum peccato mortali. Ad iudicandum verò inter leuem, & enormem, considerata sunt, personæ qualitas, circumstantia loci, &c. *Mediocris* est, inter leuem, & enormem: nec de hac potest esse certa regula, iudicium tamen pertinet ad Episcopum, vt dicit Hostiens. *cap. Peruenit,* citato.

Qui possunt absolvere ab excommunicatione
Canonis. §. 21.

AB excommunicatione contracta ob leuem læsionem potest Episcopus absolvere tam clericos, quam laicos,
cap.

cap. Peruenit. de sent. excommun. & ibi Gloss. & Panormitan. Ab excommunicatione contracta ob læsionem mediocrem, potest Episcopus absolvere clericos collegialiter viuentes: cum alter alterum percutit. Ita cap. Quoniam. de vit. & honest. cler. Non potest Episcopus absolvere, nec clericos, nec laicos ab excommunicatione contracta ob enormem læsionem. Ita communiter Doct. Monachi, & religiosi ob leuem, aut mediocrem læsionem excommunicati, possunt absolui à suo superiori. Ita cap. Cum illorum. de sentent. excommun. Non tamen ob enormem. Ita communiter Doct. Percussit religiosus clericum secularem mediocri læsione, non nisi à Papa absolui potest, percussit læsione leui, potest absolui ab Episcopo, non tamen à suo superiore. cap. Religioso. de sentent. excom. in 6. Oñtarius Principis, aut alterius publicæ potestatis, qui ad detinendam turbam tantummodò clericum percussit leui, aut mediocri læsione, absolui potest ab Episcopo, non tamen si percussit enormi læsione: tunc enim à solo Papa. cap. si verò 1. de sentent. excomm. Quoties datur iustum impedimentum Papam adeundi, potest violator absolui ab Episcopo cum iuramento, vt cessante impedimento, veniat ad sedem Apostolicam. cap. de cætero, de sentent. excom. Item ferui, cum illorum absentia fit in magnum detrimentum domini, vel ipsi in fraudem fecerunt, vt liberarentur à seruitute, absolui possunt etiam ob enormem læsionem, nisi adeo enormis sit, vt ad vitandum scandalum, vel tollendum prauum exemplum mittendi sint ad Papam. cap. Relatum. de sentent. excomm. præterminittendum tamen iuramentum de adeundo Papa, si ad libertatem deuenirent, & ea obtenta tenentur adire, si non adeant, incidunt in excommunicationem latam cap. eos. de sentent. excom. lib. 6. in damnationem contemptus. Absolui possunt ab Episcopo pueri minores annis quatuordecim. cap. super eo. de sentent. excommun. Deinde mulieres cuiusuis ætatis, & conditionis. cap. Mulieres. de sentent. excom. Tertiò, Moniales. cap. de monial. de sentent. excomm. Quartò, impotentes ad iter, vt cæci, claudi, & similes. cap. ea nescitur. de sentent. excommun. Quintò, pauperes, qui nisi mendicando iter agere non possunt. cap. quod de his, de sent. excom. nisi solitus sit mendicando vitam alere, nec ob illius absentiam familia fame intereat. Item personæ delicatæ, quæ non possunt ferre laborem viæ. Nota 1. quod quando Epi-

scopus potest absolvere, potest sacerdoti committere talem absolutionem. *Gloss. cap. de cætero. de sent. excomm.* Nota 2. quod occulti clerici percussores absolui non possunt ab Episcopo. *c. Porro de sent. excomm.* Oppositum tamen dicendum modò ex concessione *Concil. Trident.* quod Episcopis dat potestatem absolventi à quibuscunque casibus occultis, sedi Apostolicæ referuatis. Ex iure etiam communi *per c. ad eminentiam, de sent. excomm.* Omnis Legatus de latere potest absolvere quoscunque excommunicatos ob manuum violentarum iniectiōem.

Quæ causæ excusent ab excommunicatione Canonis. §. 22.

- 1 In quibus casibus non incurritur hæc excommunicatio.
- 2 Qui possint clericos percutere ob correctionem.
- 3 An huiusmodi correctio fieri possit per alium.

1 **I**NTERROGATIO. In quibus casibus non incurritur huiusmodi excommunicatio, ob manuum violentarum iniectiōem? *Resp.* Primò. Quando facta est per iocum: licet iocus peccaminosè excedat modum. Ita Doct. communiter. Secundò. Cùm læsio fit casu, & fortuito. *c. Si verò. 1. de sent. excomm.* Tertiò. Quando, qui percutit, vi vim repellit, cum moderamine inculpatæ tutelæ. Ita Doct. commun. Quartò. Quando percutit incontinentem clericum turpiter inuentum cum vxore, vel matre, sorore, vel filia: non autem cum aliis personis remotioribus. Ita Doct. communiter. Percutit autem ob calorem iracundiæ: nam si percutit in vindictam animo deliberato, contrahit excommunicationem. Ita Sylu. *excomm. 6. cas. 10. Cou. 4. Decret. 2. p. c. 7. nu. 12.* Quintò. Cùm quis percutit clericum cum ignorantia facti, ignorans esse clericum, quia non habebat signa clericatus. Vel si habebat, non apparebant propter noctis obscuritatem. Ita *c. si verò. 2. de sent. excomm.* Sextò. Quando mulier percutit clericum, de stupro eam tentantem, facto, non verbo tantum. Ita Angel. *verb. excomm. §. 21. Nauar. c. 27. n. 85.* Septimò. Cùm quis clericum cum vxore honestè loquentem domi inuentum, quem priùs admonuerat, vt à tali colloquio abstineret, detinet per viginti horas adtradendum eum suo iudici.

- 2 *In.* Quis potest clericos percutere in correctionem absque

absque excommunicationis contractione? *Resp.* I. Qui habet curam eiiciendi foras turbantes officia Ecclesiæ, cum clericos in minoribus reperit, officia diuina turbantes. I I. Seniores clerici possunt leuiter percutere iuniores zelo deuotionis. I I I. Prælati suos subditos. I V. Magistri suos discipulos. V. Domini clericos de sua familia. V I. Parentes filios suos. Ita Tolet. *lib. 1. cap. 33.* Aduerto custodes Ecclesiæ, & seniores clericos, solum alios clericos in minoribus posse percutere. Ita expressè habetur *cap. Cum voluntate. de sent. excomm.* Prælati, & Magistris licet leuiter ob correctionem percutere etiam sacerdotes. Ita Panormitan. *cap. Vniuersitatis. de sentent. excomm. Ang. excom. 5. §. 10.* De Patre circa filium sacerdotem, Doctores controuertunt. Affirmant Sylu. *excomm. 6. §. 6.* Tabien. *excomm. 5. cap. 1. num. 8.* Negant Panormit. *cap. Cum voluntate*, allegato, Gloss. ibidem. Et hæc pars negans verior visa est Toleso proximè. Ratio eius est. Quia facultas concessa parentibus, & propinquis concessa per *cap. Cum volunt. cit.* æqualis per idem caput conceditur dominis erga clericos suæ familiæ: & tamen certum est, neque propinquos, neque dominos, posse percutere clericos in maioribus; ergo neque parentes possunt tales clericos percutere. In hac tamen percussione correctionis incurritur excommunicatio, cum exceditur modus correctionis ob iram, & passionem lethaliter. Ita Sylu. *excom. 6. num. 6.* Tabien. *excom. 5. cas. 1. num. 6.*

3 Int. Quæro, an ij, quibus licet clericos ob correctionem percutere, possint id facere per alium? *Resp.* Dico primò. Episcopos posse: imò debere per alium clericum. *Can. non licet. dist. 86.* Dico secundò. Abbati non licet per alium eadere monachum, vel conuersum, sed per se ipsum, nisi necessitas urgeat. *cap. Vniuersit. de sentent. excommun. aliter faciendo*, vterque excommunicatus manet. Sylu. *excommun. 6. §. 6.* Dico tertio. Aliis ab Episcopis non licet clericos percutere per alios, nisi Abbatibus urgente causa, & si per alios etiam clericos percutiant excommun. contrahunt. Ita Sylu. *excommun. §. 6.* Dico quartò. Episcopi, vel Abbates percutientes clericos per laicum, contrahunt excommunicationem Papalem, quam incurrit etiam ipse laicus percutiens, quamuis ex iusta causa.

De mandante, & consulente percutere clericum. §. 23.

1 *De mandante.*2 *De consulente.*

1 **I**NTERROGATIO. Qui mandauit percutere clericum, & ante percussione reuocauit mandatū, & monuit mandatarium mutati propositi, incurritne excommunicationem Canonis si mandatarius percutiat? *Resp.* Minimè. Ita Gloss. cap. *Mulieres, de sent. excomm.* & Doct. communiter. Quæ reuocatio mandati sufficit quidem virtualis: talis erit si fecit pacem, & rediit in amicitiam cum clerico percutiendo, sciens mandatario, sic notant Ioan. de Anan. Innocent. & Panorm. cap. *ad audient. de homicid.*

2 *Int.* Quid dicendum de consulente? *Resp.* Valdè controuersum est inter Doctores. Atque idem de eo, ut de mandante dicendum esse existimarunt. Innoc. Ioan. de Anan. Panorm. locis citat Sylu. *homicid.* l. §. 11. addit Innocent. debere, cum non certus sit de consiliario an desistere velit, admonere clericum, ut caueat saltem in generali. Alij verò arbitrantur incurere excommunicationem, si consiliarius percutit, ex vi consilij dati, quantumuis reuocati.

De clerico se ipsum percutiente, aut patiente se ipsum percuti. §. 24.

1 *De clerico se ipsum percutiente.*2 *De percutiente clericum ex licentia ipsius clerici.*3 *De clerico se ipsum offerente percussioni.*

1 **I**NTERROGATIO. Inciditne in poenam Canonis clericus, qui se ipsum percutit mortaliter? *Resp.* Maximè. Ita Archid. *can. si non liceat.* 83. *quest. 5.* Panormitan. Felin. Ioan. Andr. cap. *Contingit.* 1. *Extra. de sentent. excom.* Sylu. *excommuni.* 6. §. 8. Tabienà *excomm.* 5. cap. 1. num. 32. quia illud priuilegium factum est in fauorem ordinis.

2 *Int.* Inciditne in poenam canonis, qui percutit clericum liberè se offerentem percussioni? *Resp.* Incidit c. *Contingit.* 1. *de sent. excom.* vbi Panormitan. Felin. Ioan. Andr. Gloss. cum alijs communiter.

3 *Int.* Manetne excommunicatus ipse clericus vtrò se offerens percussioni? *Resp.* Negat Io. Andr. & Gloss. cap. *Contingit.* citati.

Quod

Quod si obicias clericum illum participare in crimine criminoso, & ideo incurrere excomm. Respondet negatiuè. Quia participare in crimine criminoso, est participare in crimine, propter quod quis excommunicatus est, iam contrahit excommunicatione. Vnde si excommunicentur foeminae, quæ cum coniugatis copulam habuerint illicitam, prima foemina, quæ cum coniugato coierit, non contrahit prima vice excommunicationem: sed alia à prima, & prima pro secunda vice, & reliquis.

CAPVT X.

De Irregularitate.

De irregularitatis definitione. §. 1.

- 1 Definitur irregularitas.
- 2 Quotuplex est irregularitas.
- 3 Discrimen inter irregul. ex defectu, & delicto.
- 4 Quotuplex est irregularitas ex defectu.
- 5 An quodlibet crimen, & quouis defectus inducat irregularitatem.

1 **I** N T E R R O G A T I O. Quid est irregularitas? Resp. Est canonica inhabilitas ad ordines suscipiendos, aut ad susceptos exercendos, à solo iure proueniens. Dixi (canonica) quia sunt alia inhabilitates iure ipso diuino ad ordines suscipiendos: qualis est inhabilitas foeminarum, & non baptizatorum: licet enim illis conferatur ordo, non fit sacramentum, nec imprimitur character; & ideo hæ inhabilitates appellantur incapacitates, non verò irregularitates. Dixi, à iure proueniens, quia nunquam imponitur ab homine, ut alia censuræ imponuntur, suspensionis scilicet, & interdicti, &c.

2 *Int.* Quotuplex est irregularitas? Resp. Duplex. Vna prouenit ex defectu. Altera ex delicto. Ita Panorm. cap. Nisi cum pridem. de renunc. ibi Host. Innocent. & Speculator lib. 1. tit. de dispens.

3 *Int.* Quod est discrimen inter irregularitatem ex defectu, & ex delicto? Resp. Magnum sanè. Nam irregularitas ex defectu, ablato defectu sæpè tollitur. Quæ verò est ex delicto, manet semper, donec dispensetur in ea. Ita Præposi. can. Miror. d. 50. Deinde, irregularitas ex delicto impedit, & suscipere

ordines, & in eis ministrare; at verò irregularitas ex defectu solum prohibet ministrare in iis, circa quæ deficit. Tetratio. Quia Episcopi possunt dispensare in omnibus irregularitatibus ex delicto occulto, præterquam in ea, quæ oritur ex homicidio voluntario, non tamen in irregularitatibus ex defectu. Ita Concil. Trident. sess. 14. cap. 6.

4 *Int.* Quotuplex est irregularitas ex defectu? *Resp.* Octuplex. Nimirum ex defectu natalium, originis, liberationis, ætatis, honestæ famæ, corporis, animæ, sacramenti. Ita Præposit. *can. 1. d. 50.*

5 *Int.* Inducitne irregularitatem quodlibet crimen, & quilibet defectus? *Resp.* Minimè. Nisi sit in iure expressum. Ita cautum habetur *cap. is, qui, de sent. excomm. in 6.* & ibi omnes Doctores.

An in dubio iudicandus sit aliquis irregularis. §. 2.

I INTERROGATIO. In dubio estne quis iudicandus irregularis? *Resp.* Aut est dubium iuris, aut est dubium facti: in dubio iuris nemo iudicandus est irregularis. Ita Nauar. *cap. Si quis autem, de pœn. d. 7. n. 35.* Couarr. *tract. de homicid.* & hanc esse decisionem *c. Is, qui de sent. excomm. in 6.* ubi affirmat, Card. Tol. *lib. 1. c. 51.* In dubio facti, quando nimirum irregularitas est in iure expressa, sed dubitatur de facto, an sit tale, quod inducat irregularitatē, quæ in iure expressa est, & propter quod in quouis foro est quisquam iudicandus, & habendus irregularis, ita *c. ad audientiam, de homic.* ubi apponitur hoc exemplum. Vulneravit presbyter quendam de familia sua, qui conualecens à vulnere, grauiore superueniente infirmitate mortuus est, hîc erat dubium de facto, an ex illo vulnere orta fuerit infirmitas, necne: si enim certum esset factum, nempe ortam fuisse mortem ex vulnere, de iure certa erat irregularitas, simile apponitur *cap. Significasti. 2. de homic.* Ita Nauar. Couar. & iuniores Doctores. Optima tamen hac in re distinctione usus est Card. Tolet. loco proximè allegato. Nimirum etiam in dubio facti, cum irregularitas non inducit periculum animæ, & peccati, si non seruetur, sed solam inhabilitatem ad retinenda beneficia, vel officia, quæ quidem retineri possunt sine peccato, tunc quidem neminem iudicandum, nec reputandum in utroque foro, ut irregularē: est enim contra naturalem æquitatem certam apponere pœnam, ubi incertum

incertum est delictum. Secus verò dicendum meritò arbitratur, cum dubium facti inducit irregularitatem, quæ si non obseruetur, datur periculum peccandi, ut sacramenta conficiendi cum peccato, &c. quia dubitatur an dignus accedat, & ita conciliat antiquorum placita admodum discrepantia inter se.

De irregularitate ex defectu natalium. §. 5.

1 *Qui sint tales.*

2 *Quis ex verò matrimonio natus, censetur illegitimus.*

3 *Quis ex non coniugatis natus censetur legitimus in Jure.*

4 *De eo, qui potest dispensare in hac irregularitate.*

1 **I** N T E R R O G A T I O. Qui sunt irregulares ex defectu natalium? *Resp.* Omnes illegitimè nati. d. 56. Can. 1. & cap. 1. & ult. de fil. presb. siue illegitimitas sit aperta, siue occulta. cap. Nisi cum pridem. §. non tamen propter quamlibet. de renunc. ubi omnes, quibus contradixit Castro 2. lib. de leg. pæn. Remouetur autem illegitimus, tum propter dignitatem ordinis, tum propter detestationem criminis paterni, tum propter periculum incontinentiæ ex imitatione paterna.

2 *Int.* Quis ex vero matrimonio natus, censetur illegitimus in iure? *Resp.* Qui natus est ex coniugibus postquam eorum vnus factus est presbyter, alter vouit continentiam, qui quidem carnaliter se miscendo, sacrilegium committunt.

3 *Int.* Quis ex non coniugatis natus, censetur legitimus in iure? *Resp.* Qui natus ex soluto, & soluta, cum ipsi postea matrimonium contraxerunt. cap. Tanta, qui filij sint legitimi. ubi Panorm. nu. 7. & Gloss. Item Gloss. cap. Innotuit. de elect. Deinde, qui natus ex coniugibus tantum externè putatis coniugibus: licet postea ob litem motam per iudicis sententiam iudicentur, quia in facie Ecclesiæ contraxerunt, non coniuges, & ut tales separentur. cap. Cum inter. qui filij sint legitimi. ubi Panorm. aduertit etiam esse censendos legitimos filios, qui nati sunt post litem contestatam, sed non iudicatā, dummodo sit bona fides in utroque coniuge, aut saltem in vno, ut habetur c. Ex tenore, qui filij sint legitimi. Qui quidem omnes habiles sunt ad quoslibet ordines, etiam ad Episcopatum, ut docet Panor. proximè num. 7.

4 *Int.* Quis potest dispensare in hac irregularitate? *Resp.*
Episcope

Episcopus ad minores, & vnum simplex beneficium. *cap. i. de filiis presbyt. in 6.* Ad maiores verò, & ad beneficium curatum solus Papa. *cap. i. de fil. presbyt. in 6.* atque etiam ad dignitates, & personatus. *cap. nimis. de filiis presbyter.* Professio etiam in religione facit habilem ad sacros ordines, non tamen ad prælationes, *cap. i. de fil. presbyt.*

De irregularitate ex defectu originis. §. 4.

- 1 *Ex quo defectu oritur hæc irregularitas.*
- 2 *Quis potest dispensare in hac irregularitate.*
- 3 *Qui serui manent liberi si ordinentur.*
- 4 *De Episcopo ordinante seruum, & de aliis ad talem ordinationem concurrentibus.*

I **INTERROGATIO.** Ex quo defectu prouenit hæc Irregularitas? *Resp.* Ex seruitute: sunt itaque irregulares mancipia. *d. 5 4. per totam, & Extrau. de seru. non ordin.* Seruus verò intelligitur natus ex serua: nam si natus est ex libera, non est seruus. *c. Dilectus. de ser. non ord.* Præterea ante libertatem, & manumissionem, nam post eam ordinari potest. *Can. nulli. dist. 5 4. cap. i. de seru. non ordin.*

2 *Int.* Quis potest dispensare in hac irregularitate? *Resp.* Solus Papa.

3 *Int.* Qui serui manent liberi, si ordinentur? *Resp.* Omnes, qui quauis via ordinantur. *c. Qui venerab. qui fil. sint legit.* siue dominus consentiat, siue repugnet. Ita Hugo citatus à Glossis, & Turrecrem. *Can. frequens. d. 5 4.*

4 *Int.* Qua poena afficitur Episcopus ordinans, & præsentator, & testes, seruum offerentes ordinandum? *Resp.* Si Episcopus, præsentator, & testes nouerant seruitutem, & contradictionem domini, restituent duplum, duos scilicet seruos, aut duorum pretium. *Can. si seruus 1. d. 5 4.* quod duplum restituet ex tribus ille, vel illi, qui seruitutis conscij ad ordines concurrerunt. Si verò seruus Episcopum fefellit, præsentatorem & testes, solus seruus tenetur reddere domino suum peculium, quod si non habeat, tenetur seruire domino in diuinis & spiritualibus officiis, aut honestis conuenientibus sacerdoti. *Canon. frequens. d. 5 4.* quod si in hoc contumax fuerit, degradabitur, & seruiet domino, secundum D. Anton. *3. p. tit. 28. cap. 6. §. 6. cum Innoc. Rain. & Gof. quos refert.*

De

De irregularitate ex defectu *ætatis.* §. 5.

- 1 *Qui sunt tales irregulares.*
- 2 *Qua pœna punitur talis ordinatus.*
- 3 *Quis potest in hac irregularitate dispensare.*
- 4 *De pœna Episcopi talem irregularem ordinantis.*

Postulabat ordo adnumeratæ multitudinis irregularitatum, vt post irregularitatem ex defectu originis, te interrogarem de irregularitate ex defectu liberationis, sed quia hæc parum est in vsu, illam lubens omitto: præcipuè, quia scio te meminisse de eâ satis agere Cardinal. Tolet. *lib. 1. cap. 54.* Dic igitur.

I N T E R R O G A T I O. Qui sunt irregulares ex defectu *ætatis*? *Resp.* Ad primam tonsuram, minores septennio. *cap. Nullus. de temp. ordinan. lib. 6.* Ad acolythatum, minores duodecimo anno completo. *Canon. in singulis d. 77.* Ad subdiaconatum, minores vigesimo secundo. Ad diaconatum, minores vigesimo tertio. Ad presbyteratum, minores vigesimo quinto incepto. Ita Concil. Trident. *sess. 23. cap. 12.* Ad Episcopatum verò minores trigesimo anno completo. *cap. Cum in cunctis. de elect. in 6.*

2 *Int.* Qui ante hanc legitimam *ætatem* ordinatur, qua pœna punitur? *Resp.* Suspensionis vsque ad legitimam *ætatem*, qua superueniente, non cessat suspensio per nouum ius Extrauag. Pij I I. quæ omnes, qui sacrum ordinem ante legitimam *ætatem* præsumunt accipere, ipso iure suspendit, ita vt si illum exerceant, fiant irregulares, nec possint etiam superueniente *ætate* exercere illum, ante absolutionem à suspensione. Quæ extrauagans comprehendit solos præsumentes, non autem ignorantes *ætatis* defectum, vt rectè aduertit Card. Tolet. *lib. 1. cap. 55.*

3 *Int.* Quis dispensat in hac irregularitate? *Resp.* Solus Papa. *cap. Nullus. de temp. ordin. in 6.* Gloss. Clement. *generalem. de atat. & qualis.*

4 *Int.* Qua pœna punitur Episcopus, qui sacrum confert ordinem ante legitimam *ætatem*? *Resp.* Suspensionis. *cap. Vt non est compositio. de temp. ord.* vbi Butreus notat non esse ipso iure suspensum, sed suspendendum, quem sequitur Toletus proximè.

De

De irregularitate ex defectu bonæ
famæ. §. 6.

1 Qui sunt tales irregulares.

2 Quotuplex est infamia.

3 Quis dispensat in hac irregularitate.

1 INTERROGATIO. Qui sunt hac irregularitate innodati? Resp. Infames. d. 33. Can. laici. & d. 51. Can. qui in aliquo. & 6. qu. 1. Can. infames.

2 Int. Quotuplex est infamia? Resp. Duplex, alia iuris, alia facti. Ita Gloss. qu. 7. Can. infames. §. porro. & 2. q. 7. Can. ipsi Apostoli, & Doctores communiter. Iuris verò, aut est legalis, aut est canonica, hæc est, aut per leges posita, aut per sacros Canones stabilita. Infamia facti oritur ex aliquo delicto graui & notorio, propter quod delinquens, apud graues & bonos viros malè audit, eiùsque mala opinio concepta est.

3 Int. Quis potest in hac irregularitate dispensare? Resp. Papa potest omnem infamiam iuris, etiam ciuilem tollere à quocunque clerico, & etiam à laico, sibi subiecto, atque etiam non subiecto, si illius ministerio indiget. Ita Innocent. Panormit. Hostiens. cap. Cum te. de sent. & re iud. Geminian. & Præposit. q. 3. Can. Euphemium. Tolet. proximè.

De irregularitate ex defectu corporis. §. 7.

1 Ex quo defectu oritur hæc irregularitas.

2 Quis est index huius defectus.

3 Quis dispensat in hac irregularitate.

4 An sublato defectu, tollatur hæc irregularitas.

5 De Hermaphrodito.

6 An liceat sextum digitum amputare.

1 INTERROGATIO. Quis defectus corporis inducit hanc irregularitatem? Resp. Sit hac in re Prima regula. Inducit hanc irregularitatem omnis defectus, siue in membro, siue in membri parte, qui infert inhabilitatem, nempe qui impedit ministerium ordinis; aut inducit notabilem deformitatem, aut generat scandalum, & abominationem. Ita D. Ant. Butreus cap. ultim. de corpor. vitiatis. deducitur ex cap. Nonnullis. de clerico agrot. & ex tit. de corp. vitiatis, & canonibus aliis. d. 55. Facit autem hic defectus irregularem ad illum ordinem, vel ad illud ordinis exercitiū, quod propter illum defectum

fectum fieri nequit. *Secunda* regula. Quando huiusmodi vitia sunt occulta, quia scilicet ex iis non oritur deformitas, neque scandalum, nec debilitas, ex iis nulla inducitur irregularitas. Vnde qui in pedibus careret pollice, aut digitos haberet deformes, non esset irregularis, neque etiam ille, cui virilia desunt, siue quia in cunabulis sectus est. *c. 3. de corp. vitiat.*, siue quia ob infirmitatem à medicis illi abscissa sunt. *cap. 5. eodem titul. & Can. si quis per ægitud. d. 55.* Etiam si ipsemet sibi per ægitudinem absciderit, vt dicit Innocent. *cap. Significauit. de corp. vitiat.*, siue quia sic natus est, vel in persecutione cæsa ei sunt. *Can. Eunuchus. d. 55.* Nec opus est virilia in puluerem redacta secum portare, vt imperitum vulgus arbitratur, sicut notat Glof. *Can. Eunuch. d. 55.* Et Anchar. *c. 3. de corp. vitiat.*, & Ioan. Andr. cum aliis. Regula *tertia*. Abscissio membri, quæ ex culpa propria est, inducit irregularitatem, etiam in eo casu, quando defectus solus, si ex culpa non esset, non inferret irregularitatem. Vnde qui sibi virilia amputauit, aut se castrauit etiam zelo castitatis, etiam si occultè fecerit, irregularis est. *Can. si quis abscidit. d. 55. & cap. Significauit. de corp. vit.* Similiter, qui partem digiti sibi ex ira, & indignatione amputauit, est irregularis. *d. 55. Can. qui partem.* etiam si sit talis digitus, cuius defectus, nisi culpa esset, non faceret irregularem. Partem autem minorem dimidio intelligendam affirmat Tolerus *lib. 1. c. 58.* membrum verò etiam occultum, vt digitum pedis. Dubitari tamen solet, an ad inducendam huiusmodi irregularitatem necesse sit, vt abscissio ex culpa sit publica. Negatiuè respondent D. Ant. cum Hostiensis. *c. 3. de corp. aiunt.* que incurri hanc irregularitatem solùm, cum notorium est hominem seipsum scidisse, & hanc opinionem sequitur Anchar. *cap. 1. de corp. vitiat.* & Gonsal. *c. 2. eodem titul.* Oppositum arbitratur verum Cardin. Tolet. eamque æquiparat abscissioni, & occisioni occultæ alterius terrij, quæ licet occulta facit abscindentem irregularem, & ita appellatur talis homicida sui. *Can. si quis abscidit. d. 55.* Itaque mutilator sui ex ira, & passione, irregularis est.

2 *Int.* Quis iudicaturus est de istiusmodi inhabilitate, & deformitate, irregularitatem inducente? *Resp.* Episcopus. Ita Innocent. *cap. 1. de corp. vit.* deduciturque ex *cap. 2. eiusdem tituli.*

3 *Int.* Quis dispensat in hac irregularitate? *Resp.* Solus Papa.

Papa. Ita Innoc. cap. 1. de corp. vitiat. c. Cum æternit. de re iud. in 6. Anchar. cap. Signif. de corpor. vit. & Præposit. Can. non confidat. dist. 50. & ibidem Archid. iac.

4 Int. Sublato huiusmodi defectu, & deformitate, tolliturne irregularitas absque alia dispensatione? Resp. Tollitur. Ita Præposit. Can. ex præmissis d. 50. num. 9.

5 Int. Quid censes de Hermaphrodito? Resp. Si in eo plus viget sexus foemineus, ordinari non potest. Ita Gloss. Can. si testes. §. Hermaphr. 4. q. 3. quia ut sic non recipit characterem, quemadmodum foemina, secundum D. Anton. 3. p. tit. 28. cap. 6. §. 5. Sylu. & Tabien. Si verò in eo æquè viget uterque sexus, quantum ad ordines pro foemina reputari debet. Ita Præposit. Can. si testes. 3. q. 4. §. eodem. cum Hugone, & Cardin. quos citat. Idem tenet Turrecr. Si vero in eo magis viget sexus virilis, licet characteris capax sit, tamen irregularis est, propter deformitatem monstruositatis, quæ licet sensibus non pateat, tamen cogitationi semper occurrit. Ita Anton. & Sylu. citati, deducunturque ex Can. illiteratos, d. 36. & Can. ult. d. 49. Et ideo propter populi scandalum ordinandus non est, ut ait Archid. 17. qu. 1. Can. diaconissim.

6 Int. Licetne absque irregularitatis nota, sextum digitum amputare ad vitandam deformitatem? Resp. Licet. Ita Geminian. & Præposit. Can. qui partem. d. 55. Innocent. cap. Signif. de corp. vit. quemadmodum licet alia superflua, ut callum, verrucam, & similes tumores amputare, & digitum extrahere, quia sextus digitus non est membrum, nec pars membri, ut manifestum est, sed superfluitas naturæ.

De irregularitate ex defectu animæ. §. 7.

1 Qui sunt tales irregulares.

2 De temporis intervallo ad probationem sanitatis è morbo caduco.

3 De filiis conuersorum recenter ad fidem è Paganismo, & Judaismo.

4 Quid in iure appellatur longum tempus.

5 Quis potest dispensare in hac irregularitate.

1 INTERROGATIO. Qui sunt irregulares ex defectu animæ? Resp. Dæmoniaci, insani, lunatici, morbo caduco affecti. Ita Gelasius d. 33. Can. usquequo, & ibi Gloss. quamquam D. Ant. 3. par. tit. 28. cap. 5. & Nauar. cap. 27. num. 203. appellat hos irregulares ex defectu corporis. Atque in primis dæmo

dæmoniacy, siue vt appellant, energumeny, seu arreptitij, si non sunt promoti, nunquam sunt promouendi, licet semel tantum vexati, ad pristinam redierint libertatem. *Can. maritum. can. Clerici. d. 33. & Gloss. Can. communiter.* eadem distinctione affirmat hoc esse sine contradictione. Si verò iam erant promoti ad minores: cum vexati sunt, etiam sani, & omnino liberati, ad maiores nunquam ascendent. *Can. clericici. d. 33. & ibi Gloss.* Si verò iam erant promoti ad maiores cum arreptitij sunt, & postea liberi apparent, expectandum tempus ad probandam perfectam liberationem, qua obtenta, & probata possunt ministrare altari. *Can. communiter. d. 33. & ibi Gloss.* Hugo, Geminia. & Præposit. & Archid. Probatio autem fiat per annum, & ab Episcopo. Ita Tolet. *lib. 1. cap. 58.* Insani, lunatici, morbo caduco laborantes, quos appellant epilepticos, si promoti non sunt, nunquam sunt promouendi. *Can. maritum. d. 33. & est communis sententia.* Si iam promoti sunt, & adhuc laborant morbo, non permittuntur ministrare. *cap. Vsq. quequo. d. 33.* si verò iam sunt omnino sani, probantur post vnum annum ab ultimo malo, & permittuntur ministrare in susceptis. 15. *quæst. 1. Can. si quis. §. sicut ergo.* Si verò non est omnino liberatus à morbo caduco, & frequenter illo laborat; non permittitur ministrare. 7. *quæst. 2. Can. in tuis.* Si autem rarò illa ægitudine laborat, sed cum corripitur cadit cum vocis amissione, & spumæ iactatione, non est permittendus ministrare. 7. *q. 1. Can. illud. & Gloss. Can. communiter. d. 33. & est communis sententia.* Secus verò dicendum, si rarò laborat: & cum cadit, cadit blandè, tunc enim permittendus est ministrare. 7. *quæst. 1. Can. illud.* Idem dicendum de lunatico, & amente, si cum cadit rarò, non facit turpes corporis motus.

2. *Int.* Dixisti, ad probationem sanitatis supra dictæ, requiri tempus vnius anni, videtur id contradicere *canon. Nuper. 7. quæst. 2.* vbi sola triginta dierum probatio exigitur? *Resp.* Canonem citatum procedere de eo, qui negabat talem morbum fuisse vnquam passum: & tunc ad probationem facti, sola illa probatio exigebatur. Nos verò locuti sumus de eo, qui sine dubio morbum passus est. Ita Gloss. *Can. nuper cit. & Toletus lib. 1. capit. 58.* vbi Doctorum placita ad placidam componit pacem. Sunt præterea irregulares ex defectu animæ Neophyti, id est, nouiter ad fidem conuersi. *d. 48. Can. 1. & 2.*

& Canon. qui in aliquo. d. 51. irregulares, inquam, ad maiores ordines, non ad minores. Ita Geminian. Can. prohibentur. Archidiacon. & Præposit. & Turrecrem. Canon. quoniam. d. 48. & colligitur ex Canon. quicunque. dist. 77. Nec item sunt irregulares ad maiores, longo post tempore probata fide eorum, & erga Ecclesiam amore.

3 Int. Suntne reputandi pro neophytis filij conuerforum ad fidem, baptizati in infantia? Resp. Maxime. Ita Turrecr. Canon. prohibentur. dist. 48.

4 Int. Quod spatium appellabitur longum tempus? Resp. Decem annorum. Sūt præterea irregulares ex defectu animæ illiterati. d. 36. & d. 51. Can. qui in aliquo. & d. 55. Can. pænitétes.

5 Int. Quis potest dispensare in hac irregularitate? Resp. Cum neophytis nouiter conuersis solus Papa. Ita Tolet. lib. 1. c. 59. Cum illiteratis, qui nec legere sciunt, ad primam tonsuram, Episcopus. c. Nullus de temporib. ordin. in 6. notantque Geminian. Præposit. & Archid. Can. non confidat. d. 50. nunc iam res est certa ex Conc. Trid. sess. 23. c. 4. Ad maiores verò ordines solus Papa, &c.

De irregularitate ex defectu Sacramenti. §. 9.

1 Qui sunt irregulares ex hoc defectu.

2 Quid est bigamia.

3 Quotuplex est bigamia.

4 An sit dicendus bigamus, qui virgini à se antea compressæ nupsit.

5 An sit bigamus, qui inter accusandum adulteram uxorem, eam cognouit.

6 An sit bigamus, qui cognouit adulteram ignorans adulterium.

7 An sit bigamus, qui cognouit adulteram à se talem certò cognitam ex occasione coactæ habitationis.

8 An sit bigamus, qui bis contraxit, inualidè tamen cum secunda.

9 An sit bigamus, qui inualidè contraxit cum corrupta, & consummauit.

10 Occurritur difficili argumento contra nouam propositionem.

11 Quis dispensat in hac irregularitate.

7 INTERROGATIO. Qui sunt irregulares ex hoc defectu? Resp. Sunt bigami. c. debitum. de bigamia.

2 Int. Quid est bigamia? Resp. Est multiplicatio nuptiarum.

3 Int. Quotuplex est bigamia? Resp. Triplex. Vera, interpretatiua,

pretatiua, & similitudinaria. Vera est, cum re ipsa interueniūt multæ nuptiæ. Interpretatiua est cū quis contraxit cum vidua, aut corrupta, aut cognouit vxorē, quæ post matrimonium commisit adulterium. Similitudinaria est, cum quis post votum solemne castitatis contraxit cum aliqua. *Canon. quotquot. 27. q. 1.* Vel cum quis viuente adhuc propria vxore contrahit cum alia. *cap. nuper. de bigam.* Vtraque bigamia facit irregularem. Est itaque bigamus, & irregularis, qui plures successiue duxit vxores legitimas. *Can. qui sine crimine. d. 26.* siue vnā ante baptismum, alteram post. *Canon. acutius. d. 26.* siue vtramque ante baptismum. *Canon. vna. d. 26.* siue vtrāque post baptismum. *Can. maritum. d. 33.* Ad hanc speciem bigamiæ contrahendam requiritur, vt cum vtraque habita sit copula carnalis. Ita Doctores ex *cap. Debitum. de bigamis.* Est bigamus, & irregularis, qui contraxit cum vidua iam à primo marito cognita, & eam cognouit carnaliter. *Can. curandum est. d. 34.* & *cap. 2. de bigam.* quanquam viduam duxerit, & cognouerit ante baptismum. *Can. si quis viduam. d. 34.* Est bigamus irregularis, qui duxit & cognouit corruptam ab alio. *Can. qui in aliquo. d. 51.* & *Can. curandum est. d. 33.* Hæc irregularitas contrahitur, licet maritus ignorauerit vxorem iam esse ab alio cognitā. Ita notat Pan. c. *Super eo. de bigam. n. 7.* & Gloss. *Can. nemo. d. 32.* & est communis sententia. Est præterea bigamus, & irregularis, qui cognouit vxorem, post vxoris adulterium. *Can. si cuius. Can. si laicus. d. 34.*

4 *Int.* Estne bigamus, qui corrupit virginem, & postea cum ea contraxit? *Resp.* Minimè. Ita communis sententia. Hostiens. in sum *tit. de bigam. §. circa. q. 6.* & c. *sanè. 1. de cler. coniug.* Archid. *d. 32.* *Can. nemo. Panorm. c. Debitum. n. 2. de bigam.* Gloss. c. *sanè. de cler. coniug.* Gofred. *de bigam. nu. 5.* D. Thom. in 4. *d. 27. q. 3. art. 1. q. 3. art. 2.* & alij.

5 *Int.* De eo, qui cognouit vxorem adulteram, tria te rogo. I. Estne bigamus, qui inter accusandum vxorem de adulterio, eam cognouit carnaliter? *Resp.* Minimè. Ita Gloss. *Can. si cuius. d. 34.* & ibi Turrec. & Goffred. *de bigam. n. 9.*

6 *Int.* Rogo II. Estne bigamus, qui adulteram cognouit ignorans adulterium? *Resp.* Minimè. Ita communior Doctorum pars, cum Panorm. *cap. Super eo. de bigam.* quem sequitur Tolet. *lib. 1. c. 16.* vbi discrepantes refert opiniones.

7 *Int.* Rogo III. Estne bigamus, qui coactus ab Ecclesia habitare

habitare cum vxore, quam ille solus maritus scit fuisse adulteratam, eam cognouit? *Resp.* Communis opinio respondet affirmatiuè. Ita de irregularitate latè Card. Tolet. *lib. 1. c. 60.*

8 *Int.* Quid censes asserendum, cum quis validè contraxit cum Berta, & ea mortua contraxit cum Theodora inualidè, dicendūne est bigamus, & ideo irregularis? *Resp.* Archidiaconus *Can. cognoscamus. 34. d.* negat, cum quis secundum matrimonium nullum contraxit, & consummauit (nam sine copula nulla bigamia contrahitur, vt notat Toletus proximè) ignoranter. Affirmat tamen Hostiensis in *sum. de bigam. num. 3.* & Panorm. *c. Nuper. de bigam.* deducuntque ex *c. Nuper*, allegato, deducta paritate rationis in hoc, atque in casibus textus. Eos sequitur Toletus *lib. 1. cap. 61.* Itaque qui bis contraxit, & consummauit, siue vnum matrimonium fuerit validum, alteri inualidum, siue vtrumque inualidum, bigamus est. Ita communis Doctorum sententia. Innocent. *c. Nuper. de bigam.* Hostiens. in *sum. de bigam. nu. 1.* D. Anton. 3. *p. tit. 28.* cum pluribus, quos referunt locis citatis.

9 *Int.* Estne bigamus, qui nulliter contraxit cum vidua, aut corrupta, & consummauit matrimonium? *Resp.* Negat Nau. in *sum. c. 27.* Affirmant tamen Hostiens. in *sum. de bigam. n. 3. §. quot sunt species.* & *cap. 1. de bigam.* Gofred. in *sum. de bigam. n. 10.* eos sequitur Toletus proximè, affirmans esse communè opinionem. Quia generaliter vbi matrimonium de iure celebratum induceret irregularitatem, etiam de facto eandem infert, & ita Rota *decis. 1. de bigam. aliàs 457.* definiuit de clerico in minoribus, qui nulliter contraxerat cum vidua.

10 *Int.* Verùm obiectio occurrit non contemnenda. Nam superiùs diximus nullam esse irregularitatem inducendam, quæ non sit expressa in iure: hæc verò irregularitates proximæ non sunt expressæ in *cap. Nuper.* ex cuius textu eruuntur. Nam sola fit mentio duorum casuum. Nempè quando est nullum secundum matrimonium, quia viuebat prior vxor, aut quando celebratum fuit ab eo, qui habebat ordinem sacrum post mortem prioris coniugis? *Resp.* Respondet Cardin. Tolet. *lib. 1. cap. 61. §. tertium dubium,* expressum dici in iure id, quod continetur sub expressa tatione legis, & ita accidit in nostro casu.

11 *Int.* Quis potest dispensare in hac bigamia ex defectu? *Resp.* Dico primò. Papa dispensare potest cum quocunque bigamo

gamo ad omnes ordines maiores & minores, & ad quascunque dignitates. Ita D. Tho. 4. d. 27. q. 9. & art. 7. Archid. *Can. lector.* & ibidem Turrec. qui omnes allegant, & probant sententiam D. Thom. dicuntque esse communem. Ratio est, quia omnis irregularitas est introducta iure positivo, quamquam iam à tempore Apostolorum, ut constat ex D. Paulo, & notat Tolet. lib. 1. c. 62. Dico *secundò*. Difficilè Papa dispensat cum bigamo vero; faciliùs autem cum bigamo interpretatiuo. Dico *tertiò*. Non potest Episcopus dispensare ad maiores ordines cum bigamo, siue verò, siue interpretatiuo. Ita Host. in *sum. de bigam.* in fine, Præpos. & Gem. in *Can. lector. d. 54.* Panorm. c. *Super eo. de bigam. n. 5.* in fine, & satis probatur per c. *Super eo*, & c. *Nuper. de bigam.* Nec itidem potest Episcopus dispensare, ut in susceptis maioribus ministrent. c. *Super eo*, citato. Neque itidem ad maiorem, etiam primam tonsuram. Ita Panorm. cap. *Super eo, de bigam. n. 5.* in fine. Præpos. & Gemin. *can. lector. d. 34.* Nouissimè Tolet. citato loco, ubi affert pro se Congregationem Conc. Trident. sess. 23. c. 17. & sententiam Sixti V. qui Episcopum dispensantem cum vero bigamo, qui duas successiue duxerat uxores, ad primam tonsuram, & beneficium simplex, iudicauit ipso iure suspensum ab ordinum collatione, dispensatum autem ab exercitio ordinis suspensum, & beneficii nullam fuisse collationem, nec fructus suos fecisse. Nec itidè potest Episcopus dispensare cum bigamo vero, aut interpretatiuo, ut in minoribus susceptis ministret. Ita Doctores citati.

De irregularitate ex delicto hæresis. §. 10.

I N T E R R O G A T I O. Qui sunt irregulares ex delicto hæresis? *Resp.* Hæretici, & Apostatæ, qui in hæresim exteriorem lapsi sunt. *Canon. qui in aliquod. 50.* Deinde Hæreticorum, & Apostatarum credentes, fautores, & defensores. cap. *Statutum 2. de hæret.* Item omnium supradictorum filij, etiam si crimina parentum imitati non fuerint. c. *Statutum 2. de hæret.* Itidem filij Iudzorum conuersorum, qui postea ad Iudaismum reuersi sunt. c. *Contra Christianos de hæret. in 6.* & ibi Gloss. Itidem omnium supradictorum nepotes. cap. *Statutum de hæret.* Vbi Gloss. & Rebus. in praxi, de *modus amit. benef. num. 26.* ita explicant, quando pater est hæreticus, vel fautor, vel aliquis nominatorum; tunc filij, & filiorum filij sunt irregulares,

gulares, non autem filij filiarum: quādo autem mater est hæretica, vel fautrix, vel aliqua ex prædictis, filij tantum sunt irregulares, non autem filij filiorum. Pro filiis hæreticorum, & prædictorum intelliguntur quicunque, & quouis modo illegitimi. Ita *Glos. c. Statutum de hæret. & ibi Ioan. Andr.* Hæretici verò, & alij prædicti, intelliguntur ij, qui tales esse, aut tales mortui fuisse probantur. Nam si sunt emendati, & in Ecclesiam iterum, ut filij reuersi, ipsi quidem manent irregulares, sed non eorum filij. Ita *c. Statut. alleg. Filij relapsorum*, qui relapsi iam pœnitentes propter solum relapsum mortē damnati obiere, non sunt irregulares. Ita *Gloss. c. Statutum, de hæret. qui credentes è viuis decedunt.* Filij hæreticorum, qui ante parentum crimen ordines susceperunt, non priuantur ordinum exercitio. Ita *Gloss. Can. satis peruersum. d. 56.* communiter recepta. Neque amittunt beneficia, quæ ante crimen obtinuerunt. Ita & prædicta *Gloss. & Panorm. c. Vigentis, de hæret.* est communis opinio.

De irregularitate ex delicto, circa baptismi Sacramentum. §. 11.

I NTERROGATIO. Qui sunt irregulares hac irregularitate? *Resp.* In primis, qui scienter bis, aut pluries baptismum suscepit. *Can. eos quos. de consecr. d. 4.* nec ad primā tonsurā admittuntur. *Can. confirmandum. d. 50.* Deinde rebaptizati ignoranter. *Can. qui bis, de consecr. d. 4.* quæ verò ignorantia requiratur docet *Tolet. lib. 1. c. 64.* Quam controuersiam omitto, quia ad praxim parum prodest. Præterea. Qui bis contulit baptismum. Ita Doctores communiter ex *c. 2. de apostatis.* Non tamen sub conditione, vel etiam cum ignorantia crassa. Quia iste non dicitur rebaptizare. ita *Nauar. sup. & Toletus* proximè citatus. Quartò, qui baptizatus est ab hæreticis in adultærate. *Can. qui in qualibet. 1. q. 7.* secus si in ætate infantili ante vsum rationis. *1. q. 4. Can. placuit. & Can. qui apud.* Vltimò, qui per multum tempus distulit baptismum. *Can. on. 1. d. 57.*

De irregularitate circa ordinum susceptionem. §. 12.

I NTERROGATIO. Qui sunt irregulares ex hoc delicto? *Resp.* In primis qui excommunicatus maiori excommunicacione

municatione ordinem aliquem maiorem, vel minorem suscipit. c. 1. de eo, qui sur. ord. susc. c. cum illorum, de sent. excomm. Dixi maiori excommunic. quia excommunicatus minori excommunicatione, non efficitur irregularis. Neque ab hac irregularitate excusatur, qui habet ignorantiam iuris huius, ut notat Tolet. lib. 1. c. 65. Deinde fit irregularis ille, qui suscipit ordines ab Episcopo, qui renunciauit Episcopatu. cap. 1. de ord. ab Epif. qui renunc. Episcop. Dixi, Episcopatu, hoc est, dignitati Episcopi, quia qui soli loco renunciauit, potest rogatus ab alio Episcopo suos ordinare maiori, vel minori ordine. Dixi, rogatus, quod intellige ad conferendos maiores ordines: nam licet quis habeat sui Episcopi literas (appellant reuerendas) irregularis est, si ordines suscipiat à tali Episcopo, qui loco renunciauit. Tertiò. Manet irregularis, qui ab Episcopo excommunicato ordines suscipit, si etiam ignoranter acceperit, id est, ignorans Episcopum esse excommunicatum. cap. Cum Clericus, de ordin. ab Epif. qui renunc. Epif. intelligo verò id de ignorantia crassa. Can. ord. 9. q. 1. Quartò. Manet irregularis, qui suscipit ordines minores cum subdiaconatu vno die. cap. 2. de eo, qui sur. ordin. susc. & ille, qui vno die duos sacros ordines suscipit. c. 3. de eo, qui sur. ord. susc.

De irregularitate contracta in ministerio ordinis. §. 13.

I N T E R R O G A T I O. Qui sit irregularis hac irregularitate? Resp. In primis, qui exercet actum ordinis, quem non habet, actum, inquam, ordinis solemniter. Est autem actus proprius ordinis solemniter celebratus, quem laicus in ea solemnitate exercere non valet, ut cantare Epistolam in Missa cum manipulo, Euangelium cum stola, baptizare solemniter, audire confessiones, Missam dicere, aut alia Sacramenta conferre. Ita Panorm. cap. 1. de cler. non ordin. minist. Ita Syl. verb. irreg. §. 14. D. Anton. 3. p. tit. 28. c. 1. §. 1. quem male in oppositum citat Nauar. cap. 27. num. 242. ut aduertit Tolet. lib. 1. cap. 66. Consuetudo tamen obtinuit, ut actus minorum ordinum quomodolibet à laico exerceantur, & ideo, qui eos exercet, non incurrit irregularitatem, sicut ille, qui exercet actum iurisdictionis, quam non habet, ut Doctores aduertunt. Deinde fit irregularis, qui maiori excommunicatione innodatus, actum ordinis, quem habet, solemniter exercet, ut si celebrat: si cum stola cantat Euangelium, & c.

Ita Doctores communiter ad *cap. 2. de cler. excommun. interd. minist.* Hostiens. And. Panormitan. & alij. Hanc tamen irregularitatem non incurrit, qui cum ignorantia probabili ministrat, secus si cum ignorantia crassa. *cap. Apost. eodem tit.* Actum verò ordinis intellige etiam minoris. Ita Panormitan. *cap. si quis Presbyter. eod. tit.* Iam tamen vsu receptum est, ut omne actum minorum ordinum laicus exerceat, ut clericus. Idem dicendum est de suspenso maiori suspensione ab officio celebrante, aut actum ordinis solemniter exercente, atque de excommunicato. *c. 1. de sentent. excommun. in 6. & cap. 1. de sent. & re iud. in 6.* licet ignorantia crassa ignoret se esse excommunicatum. Dixi, maiori suspensione, quia suspensus minori suspensione, talia exercens, non fit irregularis, ut dicit Panorm. *c. Si celebrat. de cler. excommunicato minist.* Idem dicendum de deposito, & degradato. Dixi, suspensus ab officio, quia suspensus à beneficio celebrans, non fit irregularis. ita Panorm. *c. Nisi cum pridem: de renun. n. 19.* & Gloss. *c. Latrores. de cler. excom. minist. vers. ab officio.*

De irregularitate ex homicidio, & mutilatione. §. 14.

- 1 *Quid est homicidium.*
- 2 *Quid est mutilatio.*
- 3 *Quid in corpore humano appellatur membrum.*
- 4 *An digitus appellandus sit membrum.*
- 5 *De auricula.*
- 6 *De mamilla.*
- 7 *Corollaria deducta ex definitione mutilationis.*
- 8 *An ex mutilatione oriatur æqua irregularitas, atq; ex occisione.*
- 9 *Quot modis sit homicidium.*
- 10 *De clericis accusantibus criminosos.*
- 11 *De ratihabitione, & amissione.*

1 **I** N T E R R O G A T I O. Quid est homicidium? *Resp.* Est priuatio vitæ corporalis humanæ.

2 *Int.* Quid est mutilatio? *Resp.* Est abscissio alicuius membri, aut partis membri humani, cum realiter à reliquo corpore separatur.

3 *Int.* Quid est membrum in corpore humano? *Resp.* Est in corpore humano pars, quæ in eo distinctum habet à reliquis officiis.

4 *Int.* Estne digitus dicendus membrum? *Resp.* Affirmant Cæter.

Caiet. 2. 2. q. 65. art. 1. Sot. 5. iust. q. 2. art. 1. Oppositum sentiunt maior Canonistarum pars, Bart. lib. 2. ff. de publ. iud. Panormit. cap. de diacono. ver. non. & c. cum illorum. de sentent. excommun. Ioan. Andr. c. ex iniuncto. de heret. cum aliis multis. Ac proinde, qui digitum abscindit, non fit irregularis, & hæc est communis Canonistarum sententia, inter quos multi, qui digitum habent pro membro, negant esse membrum ad irregularitatem inducendam.

5 Int. Quid censes de auricula? Resp. Negat Cou. Affirmat tamen Speculator tit. de dispensat. matrim. irregul. §. iuxta, in fine.

6 Int. Quid censes de mammilla in foemina? Resp. Negat Cou. sup. Affirmat tamen Tolet. lib. 1. cap. 77. arbitraturque habere in corpore humano distinctum officium.

7 Int. Ex definitione mutilationis quid deducitur? Resp. In primis, per vulnerationem cum quacunque sanguinis effusione, ubi non est mors, nec mutilatio membri, non induci irregularitatem, ut notauit Panorm. cap. de diacon. qui cler. vel uen. & c. Clericis, ne cler. vel monach. Deinde, qui membrum debilitat alterius, sed non abscindit, licet illud reddat impotens ad suum munus exercendum, non dicitur mutilare. Ita cum communi Panorm. cap. De diacono, & cap. Clericis, citatis. Præposit. ibidem, Felin. cap. Cuius illorum, de sentent. excommun. Francus cap. Is, qui, de sentent. excommun. in 6. Quam opinionem latè probat Toletus proximè. Et ideo qui alium excæcat, sed oculum non foras eruit, non est mutilator. Neque qui homini mortuo abscindit membrum aliquod. Neque qui foetum, antequam animetur, occidit: animatur verò in visceribus maternis, quadragesimo die, si est mas. Octogesimo, si est foemina. Ratio est manifesta. Quia nec separat membrum à corpore, qui alium solummodo excæcat, neque priuat vita sensibili humana, qui vel membrum hominis mortui præscindit, aut foetum non animatum enecat: ut patet ex Philosophia.

8 Int. Sequiturne ex utraque irregularitas? Resp. Parem fecerunt iura mutilationem homicidio, qui enim occidit, aut mutilat, siue licitè, siue illicitè, irregularis est. Clem. si furiosus. de homicid. Verum multò diuersa irregularitate, quia occidit, aut mutilat iustè, ut cum ministri iustitiæ occidunt, aut mutilant malefactores, vel cum quis aggressorem occidit,

aut interimit, fit irregularis ex defectu leuitatis (ita appellant) qui occidit, aut mutilat iniuste, fit irregularis ex delicto.

9 *Int.* Quot modis fit homicidium? *Resp.* Tribus. Voluntate, necessitate, aut casu. Voluntate verò fit, aut iuste, aut iniuste. Iuste fit, cum quis auctoritate publica fungens, malefactores, aut interficit, aut interficere facit, ut tortores, iudices, testes. Sed magnopere aduertendum est, requiri in iudice, aut publico ministro occidente iustum animum, est autem iustus animus cum amore iustitiæ, & non zelo vindictæ occiditur malefactor, aut hostis communis. 23. qu. 4. *Can. ea vindicta.* & 23. qu. 5. *Can. minister.* vbi Archid. id adnotat. & 23. quæst. 8. *Can. quicumque,* & ibi Gloss. & 11. qu. 3. *Can. Episcopus presbyter,* & ibi Doctores. Si enim occidat animo vindictæ, fit irregularis ex delicto, sed cum limitatione, quam rectè Tolet. *lib. 1. c. 74.* adiunxit, scilicet quando principalius occidit, quia priuatum inimicum occisurus, licet non fungeretur auctoritate publica. Necessitate fit, quando quis coactus necessitate, ad defensionem mouetur iniustæ oppressionis, aggressorem occidit. Potest autem defendere, vel vitam propriam, vel vitam proximi, vel bona temporalia. Potest autem quis defendere vitam propriam occidendo, vel mutilando, vel cum moderamine inculpatæ tutelæ, quando scilicet nulla alia ratione potest mortem, aut mutilationem propriam euitare, quam occidendo, vel mutilando, vel non seruato moderamine inculpatæ tutelæ, quia nimirum poterat aliter effugere manus aggressoris. Dico igitur I. Cum quis seruato moderamine inculpatæ tutelæ alium occidit, vel mutilat, nec peccat (nisi faciat ex odio, aut vindicta) quia iure naturali vim vi repellere licet: nec manet irregularis, *Clem. Furiosus. de homicidio.* Etiam si fit persona Ecclesiastica, ut ibi manifestè declaratur. Dixi, vitam propriam, quia si quis occidit ad euitandam propriam mutilationem, quam non nisi occidendo inimicum euitare potest, licet non peccet, manet irregularis ex defectu, hoc dictum disertè probat Tolet. *lib. 1. c. 74.* Quia per *Clem. Furiosus,* citatam sola irregularitas iuris antiqui sublata est, quæ etiam in defensione propriæ vitæ seruato moderamine inculpatæ tutelæ contrahebatur. Dico secundò. Qui occidit, aut mutilat non seruato moderamine inculpatæ tutelæ, semper manet irregularis: sed magno cum discrimine. Nam cum quis pec-

cat,

cat, occidendo, aut mutilando non seruato moderamine: qualis est Ecclesiasticus, qui vitæ poterat per fugam consulere, cum teneatur Christi humilitatem imitari ratione sui status, nec ei fuga cedit in dedecus, imò in honorem ob imitationem Christi, manet irregularis ex delicto. Cùm verò quis occidit, aut mutilat non seruato moderamine sine peccato; qualis esset miles gloriosus, qui licet posset vitam tueri fugiendo inuasorem, non tamen tenetur fugere, quia illi fuga veritur in ignominiam, manet irregularis ex defectu. Dico tertio. Qui ad defendendam vitam proximi, alium occidit, aut mutilat, non peccat. Ita definitur cap. *Dilecto, de sentent. excommunic.* Quia unicuique mandauit Deus de proximo suo, &c. Non solum in spiritualibus, sed etiam in temporalibus. Manet tamen irregularis. Ita Gloss. *Clement. viic. de homicid.* si verò seruauit moderamen inculpatæ tutelæ, manet irregularis ex defectu: si autem non seruauit, ex delicto. Dico quarto. Qui occidit, aut mutilat in bonorum temporalium defensione, irregularis est. Verum latum est discrimen: nam cum licet occidere, vel mutilare raptorem ad conseruanda bona propria, vt licet homini laico sæculari, irregularitas est ex defectu: cùm verò non licet, vt non licet personæ Ecclesiasticæ, vel cùm res temporalis est parui momenti, tunc irregularitas est ex delicto: hac de re Toletus latè, & disertè. Dico quinto. Suppono quod homicidium casuale est, quod fit præter intentionem occidentis, aut facientis id, vnde mors secuta est. Qui operam dabat rei illicitæ, ex qua mors, siue per se, siue per alium est secuta, etiamsi sit præter eius intentionem, est irregularis ex delicto, etiamsi omnem diligentiam præmiserit, ne quis occideretur. Ita Syl. *homicid. 2. §. 2.* Couarr. Tolétus, & est communis sententia. Hinc manet irregularis, qui percussit alium animo non occidendi, licet mortuus sit ex infirmitate, aut medicorum incuria, aut ex morbo percussioni superueniente, quia operam dabat rei illicitæ. Item manet irregularis qui iniquam rixam cum alio habuit, quem amici in auxilium aduenientes, illius intuitu occiderunt. Ita Panormitan. & Anan. cap. *Petrus. de homicid.* quia dabat operam rei illicitæ. Item manet irregularis, qui percussit alium, licet nec lethaliter, nec animo occidendi, tamen ea percussione, vt factus sit impotens ad fugiendum, & ob id superuenientes illius inimi-

ci,

ci, illum occiderunt. Ita Anan. *cap. Significasti, num. 46.* & ibi Panormitan. quia dabat operam rei illicitæ. Item manet irregularis clericus in maioribus, vel in minoribus habens beneficium, chirurgiam exercens, si quem incidit, aut aduffit: ita ut ex ea incisione, vel aduffione mors secuta sit, licet ex incuria infirmi. *cap. Tua nos, de homicid.* quia dabat operam rei illicitæ, clerico enim interdicitur usus chirurgiæ. Item manet irregularis, qui inhonestè ludens cum prægnante muliere, ita eam per iocum attrectauit, ut abortus animati foetus fuerit subsecutus. *cap. Sicut. 2. de homicid.* quia dabat operam rei illicitæ. Deinde manet irregularis, qui medicinæ ignarus, bono tantum zelo motus, dedit infirmo potionem, ex qua orta est mors. Potionem, inquam, etiam aquæ, vel vini, &c. sine medici consilio. Ita Innocent. *cap. Tua nos, de homicid.* & Præposit. *Can. 1. d. 50. num. 27.* Item manet irregularis, qui in torneamenti alterum percutit, solo animo ludendi, & vires exercendi, si moriatur ex vulnere, quia hic ludus est prohibitus *cap. Felix, de torneam.* Item manet irregularis, qui tenellum infantem secum in lecto collocauit, & dormiens oppressit, cum prohibitum sit, secum tenellos infantes in lectulo collocare per noctem. *Can. consulisti. 2. q. 5. nisi ad id cogat paupertas, & tunc adhibenda est omnis cura, ne sequatur oppressio, quæ cura si defuit, contracta fuit irregularitas.* Ita Tolet. proximo loco. Dico *secundò*, qui operam dabat rei licitæ, si tamen non adhibuit prius diligentiam, ne mors sequeretur, si ea fuit secuta, irregularis est. Exempla multa habentur in Tolet. *lib. 1. cap. 75.* Non est tamen adhibenda diligentia, nisi quando est periculum mortis, ac mutilationis in tali re licita, ut adnotat Panormit. *c. ex literis. 2. de homicid.* & Anan. *ibid.* Hinc manifestè colliges non esse irregularem eum, qui cum daret operam rei licitæ, adhibuit omnem diligentiam moralem, ne mors alicuius sequeretur, & tamen casu fuit subsecuta. Ita omnes Doctores, &c. Colligo *secundò* in casuali homicidio semper irregularitatem esse ex delicto, quia videlicet, aut irregularis dabat operam rei illicitæ: aut quia cum daret operam rei licitæ, non adhibuit omnem diligentiam. Ita D. Thom. 2. 2. q. 64. artic. 8. Panormitan. *cap. Ad aures, de etat. & qualitat.* Præposit. *Can. 1. d. 50. num. 26.* probaturque ex *cap. Ioannes, cap. Lator, cap. Dilectus, de hom. ut probat Tolet.*

Aduertendum

Aduertendum tamen est, non quamuis rem illicitam, vnde mors casualiter fuit subsecuta, censeri illicitam ad effectum irregularitatis: sed eam solum, quæ ex genere suo est periculosa homicidij. Ita Sot. *lib. 5. iust. quest. 1. articul. 9.* Couar. & Socin. *c. Ad audientiam, de homicid.* & Anchar. *c. ult. de hom. in 6.* sed hæc doctrina intelligenda cum res illicita, cui dabatur opera, non fuit immediata causa mortis: si enim fuit ita immediata causa, inducit, quomodolibet sit illicita, irregularitatem, vt latè probat Tolet. proximè, qui hac de re latius, & disertissimè pertractat. Dico *septimò*. Qui mandat alteri, vt occidat, aut mutilet, vel aliquid agat, vnde procedat mors, aut mutilatio, irregularis est. *cap. Si quis viduam. d. 50.* Verum, qui re integra reuocauit mandatum expressè & sine fictione, mandatarius tamen noluit acquiescere, sed occidit, & mutilauit, mandans non est irregularis. Ita Innocent. *cap. Ad audientiam, de homicid. ibid.* Ancharan. & Anan. Nec item dum mandatarius occidit nomine proprio, non mandantis. Ita Ioann. Andr. & Anchar. *cap. Ad audientiam, de homicid.* Nec item cum mandatarius occidit post tempus à mandante præscriptum. Ita Anan. in *cap. ad audient. cit.* Dico *octauò*. Consulens alteri, vt occidat, aut faciat aliquid, vnde mors sequitur, irregularis est. Ita Præposit. *Can. si quis viduam. d. 50.* & alij supra citati; par enim ratio est de consulente, atque demandante. Vnum tamen latum discrimen est, quod non sufficit reuocare consilium ad fugiendam irregularitatem, si consiliarius ex vi consilij occidit, vel mutilauit, vt notat Innocent. in *cap. Ad audient. de homicid.* communiter receptus: sicut sufficit in mandante, vt iam supra ostendi. Non est tamen irregularis clericus, qui in bello iusto excitat milites ad bellandum, dummodo eos non excitet ad occidendum, vel mutilandum, licèt postea in ipso conflictu sequantur homicidia, & mutilationes. Ita Panormitan. *cap. Petitio, de homicid.* & Gloss. *Can. clericum d. 50.* Dico *nonò*. Qui ita defendunt homicidas, vt hominum occisiones tutò, & liberius efficiant, vel animosius, irregulares sunt. *c. Sicut dignum, de homicid. §. illi etiam.* Si autem defensio fuerit iusta, vtpote in homicidio iusto, & à personis non prohibitis, erit ex defectu. Si verò ad homicidium iniustum, vel ad iustum à personis Ecclesiasticis, erit ex delicto: & si adest intentio mortis, erit ex homicidio voluntario: si
verò

verò est præter intentionem, erit casuale, iuxta superius dicta de mandante & consulente. Hanc ob rem sunt irregulares fiscalis, notarius, testes, qui literas scribunt, in quibus iubetur officiali, vt occidi faciat aliquem malefactorem, satellites, notarij sententiam mortis scribentes, notificantes eam reo cum auctoritate, quique intersunt, dum reus occiditur, auctoritatiuè, & tanquam fautores, accusator in causa sanguinis aduocatus contra reum: aduocatus qui defendit reum contra actorem, erga quem exigitur pœna talionis, quæ illi irrogata est cum morte, vel mutilatione. Ita Præposit. *Can. 1. d. 50. n. 26. Panormit. cap. Ex his. de excess. prælat. & patet ex Can. aliquantos. d. 51.*

10 *Int.* Possuntne absque irregularitate clerici conqueri, & querelam deponere etiam apud iudices sæculares, contra suos malefactores in defensionem sui, & rerum suarum etiam super criminibus, in quibus pœna sanguinis venit imponenda? *Resp.* Possunt, *cap. Prælati. de homicid. in 6. si protestentur se nolle vindictam, & sanguinis pœnam; quæ protestatio factis est, si verbo fiat.* Possunt etiam eosdem malefactores in sui rerumque suarum defensionem capere, & iudici tradere, vt tenet Socin. *cap. Ad aud. de homicid. num. 52: Pro rebus suis intelliguntur bona temporalia, serui, ancilla, &c. non tamen amici, aut alio vinculo coniuncti, vt notat Francus supra.* Hæc tamen protestatio debet esse vera; si enim verbo tenus protestetur, se non ob vindictam facere, tamen reuera animum habet vindictæ, ita irregularis est ex delicto, ac si non faceret protestationem: erit tamen in solo foro conscientia irregularis, dum animus vindictæ latet. Ita Hostiensis. *in sum. de homicid. §. qua pœna. vers. verum circa has.* Archidiaconus. *cap. Prælati. de homicid. in 6. Gemin. ibid. & Ioan. Andr. & Franc.* Item Anan. *c. Postulasti, de homicid. D. Ant. 3. p. tit. 28. c. 2. §. 4. Tol. lib. 1. c. 80.* protestatio enim supponit animum non vindicandi, & eum habenti suffragatur: aliter enim non est vera protestatio. Nec valet argumentum, quia Ecclesia non iudicat de actu interiori: iudicat enim cum ille coniunctus est cum actu exteriori, & ita punit excommunicatione externum actum hæreticalem, cum procedit ab interna hæresi, atque alios similes. Possunt etiam clerici absque irregularitate denunciare de crimine vergente in publicam perniciem cum eadem protestatione, licet delinquens morte, aut mutilatione puniendus

puniendus sit. Ita Caiet. 2. 2. q. 33. art. 3. Nauar. *Can. inter. ver. 11. quæst. 3. corol. 53.* cum Couar. & colligitur ex *cap. Accusasti, de Accusat.*

11 *Int.* Præter tres modos, consilium scilicet, mandatum, defensionem, daturne alius, per quem contrahatur irregularitas? *Resp.* Maximè. In primis ratihabitio, quando nempe aliquis homicidium nomine eius factum, etiam ipso ignorante, ratum postea habet. Ita Archidiacon. *cap. si quis viduam. d. 50. Speculum tit. de leg. §. iuxta proposit.* Boic. *cap. sicut dignum, de homic. Syl. homicid. 3. §. 2.* Rosel. *homicid. 2. §. 5.* Nauarr. *in summ. cap. 27. n. 233.* pro hac opinione facit, quia in delictis ratihabitio mandato æquiparatur. *Reg. ratihabitionem, de reg. iuris. in 6.* fauet etiam *cap. si quis, de sent. excomm. in 6.* Debet autem esse eius nomine factum, tempore quo ipse posset idem facere, ut notat Panormit. *cap. 1. de conuers. infid.* Scio oppositum docere Tolet. *lib. 1. c. 81.* Hostiens. Archid. Tabien. Armil. Couarr. quos refert, motus eo principio, quia non inducenda est irregularitas, quæ expresse non habeatur in iure, ut habetur *cap. Is, qui, de sent. excomm. in 6.* sed non audeo Doctorum communi refragari. Alter modus contrahendi irregularitatem, est omissio, nempe, quando aliquis non liberat à morte eum, quem poterat auxiliando liberare. Quoniam tamen res est obscura, & valdè controuersa, latius in ea immorabor. Quando igitur non liberatio, aut non prohibitio, vim habet auxiliij, aut consensus apud occidentem, tunc qui non liberat, aut non prohibet, est irregularis, quia in eo casu est auxilium, aut consensus præstare, casus est in *c. Petrus, de homicid.* Quando etiam non liberatio est illicita, & contra iustitiam (tunc autem talis est, quando quis ex officio, aut mercede tenebatur liberare) est irregularis, & homicida non liberans. Dixi (contra iustitiam) quia non liberatio contra solam charitatem non facit irregularem. Longiorem hac de re disputationem legito apud Toletum *lib. 1. cap. 82.*

C A P V T XI.

Quid est suspensio. §. 1.

1 Quid est suspensio.

2 Certa



2 *Certæ regula in hac materia.*

3 *Quis potest suspendere.*

4 *Quis potest suspendi.*

5 *Propter quid potest fieri suspensio.*

6 *Quod peccatum punitur suspensione.*

7 *An requiratur contumacia.*

8 *De forma ferendæ suspensionis.*

9 *De effectibus suspensionis.*

10 *De absolutione à suspensione.*

11 *An clericus publicè concubinarius sit ipso iure suspensus.*

I **INTERROGATIO.** Quid est suspensio? *Resp.* Est Ecclesiastica censura, priuans vñu Ecclesiastici officij, aut beneficij. Pro officio intelligo, tam ordinis, quàm iurisdictionis. Pro beneficio intelligo, tam beneficia curata, quam simplicia, atque etiam dignitates, & canonicatus.

2 *Int.* Sùntne in hac materia aliquot certæ regulæ? *Resp.* Maximè. *Prima* sit. Suspensus ab ordine, non ob id est suspensus de iurisdictione, neque è contra, quia hæc sunt inuicem distincta, & vnum ab altero non pendet. *cap. Aqua. de consecrat. Eccl.* Apertè hoc decernitur in Episcopo suspenso à Pontificalibus, quæ quidem tantummodò pertinent ad officium ordinis. *cap. transmissam. de elect.* probat Geminia. in *cap. 2. §. officiales. num. 3. de officio ordin. lib. 6.* notat Panormit. *cap. Cum dilectus. de consuet.*

Secunda regula. Suspensus ab ordine maiori, non ob id est suspensus à minori. v. g. suspensus ab officio sacerdotij, non est suspensus ab officio diaconatus. E contra verò, suspensus ab officio minoris, manet suspensus ab officio maioris. Ita Hostiens. *c. dilectus filius. de tempor. ordin. & Tolet. lib. 1. cap. 43. cum communi.*

Tertia regula. Suspensus simpliciter ab officio intelligitur tam ordinis, quàm iurisdictionis. Ita Gloss. *cap. Cum dilectus de consuetud.* ibi Panormit. *num. 19. Felin. c. Apostolica. num. 16. de exceptionib.* Tolet. proximè, cum communi, contra Gloss. *Can. audiuius. 24. q. 1.*

Quarta regula. Suspensus ab administratione Ecclesiæ, vel beneficij tam in temporalibus, quàm in spiritualibus, non ob id est suspensus ab ordine. Ita Tolet. *lib. 6. c. cit. proximè, n. 12. cum Syluest. & Abbate.*

Quinta regula. Suspensus simpliciter, non appposito ab officio

officio, vel beneficio, intelligitur suspendi ab omnibus. Ita Sylu. *verb. suspensio*. §. 5.

3 *Int.* Quis potest suspendere? *Resp.* Omnis ille qui potest excommunicare, potest suspendere: ita Doctores communiter, vt notat Sylu. *suspensio*. §. 2. Ang. *suspensio*. 2. §. 3. Tolet. *lib. 1. c. 44. num. 1.*

4 *Int.* Quis potest suspendi? *Resp.* Sola persona Ecclesiastica. Ratio est manifesta ex definitione suspensionis. Nota tamen, quod Episcopus non incurrit suspensionem à iure, nisi de eo specialis fiat mentio, vt habetur *c. periculosus. de sent. excomm.* & ibi Glossa.

5 *Int.* Propter quid ferri potest suspensio? *Resp.* Propter peccatum, neque absque illo quis suspendi potest. *cap. satis peruersum. d. 56.*

6 *Int.* Quale debet esse huiusmodi peccatum? *Resp.* Qualis fertur suspensio: itaque si suspensio est levis, etiam pro peccato veniali ferri potest. Ita Caietan. *verb. suspensio*. Nauar. *c. 27. n. 159.* Tolet. *lib. 1. c. 44.*

7 *Int.* Requiritur ne contumacia ad suspensionem, sicut requiritur ad excommunicationem? *Resp.* Minimè. Sed imponi potest in pœnam præteriti peccati. Ita Innoc. *c. peruenit. n. 3. de excessu. Priola. Abb. in cap. reprehensibilis. n. 4. de appell.*

8 *Int.* Quæ est forma suspensionis? *Resp.* Nulla sunt determinata verba in forma suspensionis obseruanda, sed quæuis suspensionem exprimentia sufficiunt, vt, suspendo te, &c.

9 *Int.* Qui sunt effectus suspensionis? *Resp.* Plurimi. In primis suspensus exercens id à quo est suspensus, peccat. *c. 2. de maio. & obed.* Deinde suspensus ab ordine, exercens actum talis ordinis manet irregularis. *c. Cum aetern. de sent. & re iudic. in 6. c. 1. de sent. excomm. lib. 6.* & ita omnes Doctores ibid. Dixi, suspensus ab ordine, quia qui suspensus est ab officio prædicationis, licet inobediens prædicationem exercens peccet, & eo ipso fit excommunicatus. Clem. *cupientes. §. quibus.* circa finem. *de pœn.* & ibi Anchar. *num. 10.* non fit tamen irregularis, vt notat Calder. *Clem. cupientes. cit. Angel. verb. suspensio. 3. §. 8.* Quæ doctrina intelligenda est, nisi prædicet solemniter, & ex officio: tunc enim prædicando fit irregularis, vt vult Nauar. *in sum. cap. 27. num. 163.* Tertiò. Suspectus ab officio, nec potest eligi, nec eligere in beneficium aliquod. *c. Cum dilectus. de consuetud. adiuncta Gloss.* nec potest excommunicare,



nec conferre aliquod beneficium. c. *Quia diuersitatem, de concession. Præben.* Quartò. Suspendus à beneficio, iusta suspensione, non facit fructus beneficij, nisi ad modicam sustentationem, si est pauper: qua modica sustentatione etiam priuatur, si suspendus est ob contumaciam, vt notat Abb. c. *Apostolica. n. 7.* & ibi Felin. n. 9. de excep. Couar. verb. *resolut. lib. 3. cap. 13.* Fiunt ergo huiusmodi fructus vtilitati Ecclesiæ, vt notat Imola c. *sicut. col. 3. de cohabit. cler. & mul.*

10 *Int.* Quis potest absolvere à suspensione? *Resp.* Absolutio suspensionis ab homine, pertinet ad eum, qui eam posuit, vel ad eius successorem, vel superiorem. Ita Boic. c. *Clerici. n. 6. de cler. excomm. minist.* Angel. *suspensio. 4. §. 1.* Syluest. ibi. §. 8. Absolutio suspensionis à iure, à quo determinatum est tempus suspensionis, ante finitum tempus, pertinet ad iuris conditorem, vel ad superiorem, quamuis non sit aliunde reseruata. Ita Gloss. c. *Cupientes. de elect. in 6. & Gloss. Clement. cupientes. de hæret.* Si tamen suspensio est à iure, non assignante tempus, neque est reseruata potest ab ea Episcopus absolvere. Ita Innocen. communiter receptus in c. 2. de *solut.* Felin. c. *At si clerici. §. de adulteris. n. 12. de iudic. & Nauar. in sum. c. 27. n. 162.* Quam doctrinam intellige, cum suspensio posita fuit ob contumaciam, vel etiam cum ob delictum, quodquod illud sit. Ita Panorm. *Clem. 1. nu. 25. de hæret.* & ibi Gloss. Innocent. c. 2. de *solut.* Sylu. *suspensio. n. 8. ex c. Nuper, de sent. excom. verb. non renuit.*

11 *Int.* Estne ipso iure suspendus clericus notorius concubiniarius? *Resp.* Maximè. c. *Quæsitum, de cohabit. cler. & mul.* Est autem notorius concubiniarius, qui domi suæ habet concubinam, vt uxorem. Ita Abb. c. *Vestra. n. 7. de cohabit. cler. & mul.* Hac tamen de re, deque alijs particularibus suspensionibus, latè Tolet. *lib. 16. c. 47. & 48.*

C A P V T XII.

De interdicto. §. 1.

- 1 *Quid est interdictum.*
- 2 *Quotuplex est interdictum.*
- 3 *Quis potest interdicare.*
- 4 *Quis potest interdicti.*

- 5 *Ob quid potest ferri interdictum.*
- 6 *Quæ est forma interdicti.*
- 7 *Quæ ceremoniæ sunt seruandæ in interdicto.*
- 8 *De intimatione interdicti.*
- 9 *Tria prohibentur tempore interdicti : celebratio diuini officij, sacramentorum administratio, Ecclesiastica sepultura.*
- 10 *Quid intelligitur nomine diuini officij.*
- 11 *Quomodo liceat celebrare diuina officia tempore interdicti.*
- 12 *Qui possunt interesse diuinis officiis tempore interdicti.*
- 13 *Quibus diebus licet celebrare diuina officia, durante interdicto.*
- 14 *Quam censuram incurrit, qui celebrat tempore interdicti.*
- 15 *An prohibeatur omnis actus ordinis tempore interdicti.*
- 16 *Quæ sacramenta licet ministrare tempore interdicti.*
- 17 *Quæ res sacræ licent tempore interdicti.*
- 18 *An pueris interdicatur Ecclesiastica sepultura, tempore interdicti.*
- 19 *De peccato violantis interdictum.*
- 20 *Quis potest absolvere ab interdicto.*
- 21 *Ad quid tenentur Religiosi tempore interdicti.*
- 22 *An priuilegiatus tempore interdicti possit secum deferre familiam ad diuina.*
- 23 *An innodentur censura laici, si adsunt diuinis tempore interdicti.*
- 24 *An pueri post rationis usum possint interesse diuinis.*
- 25 *An priuilegiati teneantur audire sacrum.*

1 **I** N T E R R O G A T I O. Quid est interdictum? *Resp.* Est censura Ecclesiastica, qua prohibentur diuina officia, sacramenta, & sepultura actiue, & passiue. Ita Nau.c.27. n.164. cum communi.

2 *Int.* Quotuplex est interdictum? *Resp.* Triplex. Locale tantum, personale tantum, locale, & personale simul. *Locale* tantum est, quo solus locus interdicatur, quod rursum est duplex: generale, quo vniuersalis locus interdicatur, vt regnū, vel prouincia: speciale, quo interdicatur peculiaris locus, vt ciuitas, oppidum. *Interdictum personale* tantum est, quod interdicat personas tantum, quod etiam est duplex, generale, quo interdicantur vniuersim omnes personæ huius oppidi, &c. & speciale, quo interdicantur certæ personæ. Inter-



dictum locale, & personale simul est, quo non solum locus, sed & persona interdicitur. Exemplum est in interdicto, quod appellant deambulatorium, quo quidem interdicitur persona, & locus, in quo fuerit eadem persona.

Nota tamen, quod interdictum ciuitatis, includit etiam suburbia, & ædificia prope mœnia. *c. Si ciuitas, de sent. excom.* Item, interdictum Ecclesiæ comprehendit etiam sacella, & cœmeterium contigua. *c. Si ciuitas, cit.* Ita Nau. *c. 27. num. 164.* Tolet. *c. 1. de interdict.*

3 *Int.* Quis potest interdicerè? *Resp.* Qui potest excommunicare, & suspendere.

4 *Int.* Quis potest interdici? *Resp.* Qui potest excommunicari, & suspendi, & ideo vniuersitas, quæ non potest excommunicari per *cap. Romana, de sent. excomm. in 6.* non potest interdici per *c. Si ciuitas, cit.*

5 *Int.* Ob quid potest ferri interdictum? *Resp.* Ob solam culpam, vel propriam, vel alterius. Et ideo interdictum comprehendit etiam infantes, & amentes. Ita Nau. *c. 17.* Tolet. *c. 2. de interdict. ex Can. Minor. 17. q. 4. & ex c. 16. Si sent. de sent. excom. in 6.* Adducitque pro hac sententia duplicem rationem, & vtramque satis congruam. Quoniam, inquit, interdictum est signum iustitiæ Ecclesiæ, & ideo vult, vt omnes patiantur eundem mœrorem. Deinde, quia tunc qui dedit causam interdicti, magis confunditur.

6 *Int.* Quæ est forma interdicti? *Resp.* Non est certa, sicut nec in aliis censuris. Ideo seruanda est consuetudo in illo euulgando. Ita Card. Tolet. *c. 2. de interdict.*

7 *Int.* Quæ ceremoniæ sunt seruandæ in euulgando interdicto? *Resp.* Cùm imponitur ab homine, oportet, vt euulgetur in scriptis. Ita decernitur *cap. Cum medicinalis, de sent. excomm. lib. 6.* Insuper debet apponi causa expressa, quæ sit rationabilis. Præterea debet præmitti trina monitio peccatoris, propter quem imponitur. Ita iubetur *cap. Reprehensibilis, de appel. in Decretal.* Dixi, si est ab homine: quia si imponitur à iure, ipso facto incurritur.

8 *Int.* Estne opus ad interdictum totius ciuitatis, vt intimetur in omnibus eiusdem ciuitatis Parœciis, & Ecclesiis? *Resp.* Minimè. Sed est satis intimari in Ecclesia Matrice. Ita habetur *c. 1. de postulat. prælat.* notat Tolet. *c. 2. de interdict.*

9 *Int.* Quæ vetantur tempore interdicti? *Resp.* Tria Nimirum diuinorum

diuinorum officiorum celebratio, Sacramentorum vsus, Ecclesiastica sepultura. Ita *cap. Non est, de sponsalib. c. fin. de excess. præl. c. Quod in 1e. de pæn. & remiss. c. Responso. de sent. excom. cap. Quoniam. c. Si eo, eodem tit. in 6. & claret ex tradita definitione interdicti.*

10 *Int.* De vnoquoque horum trium peculiare proponam dubitationes. Atque in primis quid intelligatur nomine diuini officij? *Resp.* Intelligitur Missa, Officium diurnum horarum canonicarum, Officium B. Mariæ, Officium Defunctorum, Benedictio aquæ, cineris, ramorum, candelarum. Intelliguntur processiones, commemorationes quæcunque, funera pomposa, exequiæ, benedictiones nuptiales. Ita Roder. *in additio. ad Cruciatam. §. 5. n. 22.* Non tamen intelligitur recitatio Litaniarum, etiam musico cantu, dummodò nō recitetur à clericis superpelliceo indutis, & in processione cum cruce. Ita Doctores communiter, teste Nauar. *c. 27. nu. 166. & 171.*

11 *Jnt.* Prohibeturne horum diuinorum officiorum celebratio adeò, vt nullatenus liceat fieri tēpore interdicti? *Resp.* Minimè. Nam singulis hebdomadis licet semel Missam vnā celebrare pro renouanda Eucharistia ad infirmos. Ita habetur *cap. Permittimus, de sentent. excommun.* vbi Hostiensis, notat Cardin. Toletus *cap. 2. de interdicto.* Quæ Missa dicenda est summissa voce, non pulsatis campanis, & foras missis in primis excommunicatis, & interdictis nominatim. Ita habetur *cap. fin. §. adiicimus, de excommun.* & insuper omnibus, qui non habent priuilegium, vt notat *ibid. Gloss. verb. interdictum.* Deinde, ex priuilegio Bonifacij VII. *cap. Alma mat. de sent. excommun.* possunt tempore interdicti generalis, Missæ, & diuina alia officia celebrari ianuis clausis summissa voce, secreto, expulsis omnibus foras non priuilegiatis. Ita communiter Doct. teste Tolet. *cap. 2. de interdict.* Tempore verò interdicti specialis, etiam ianuis patentibus, pulsatis cymbalis alta voce, & solēniter. Ita interpretati sunt Bonifacij priuilegium Doctores Salmanticenses, teste Roder. *in add. ad Cruciatam. §. 5. num. 20.* dummodò expellantur nominatim excommunicati, & interdicti. Quanquam oppositum docet Toletus *cap. 2. de interd.* asserens Bonifacium interdicti specialis non meminisse, & ideo reliquisse illud conditioni iuris antiqui.

12 *Int.* Dicitur qui habent priuilegium ad audienda diuina

officia tempore interdicti, & ad sepulturam Ecclesiasticam? *Resp.* Clerici tonsurati, & cœlibes etiam primæ tonsuræ fruuntur hoc privilegio. Ita communiter Doctores. Divi, clericos cœlibes, quia clerici vxorati amittunt omnia privilegia clericalia. *cap. Ioannes, de cler. coniug.* Duo excipio, nimirum vt eorum percussores contrahant excommunicationem *Canonis. si quis.* & puniantur, vt percussores clericorum. Deinde, ne conueniantur coram iudice seculari. *c. unico, de cler. coniug. in 6.* Notat Cardin. Tolet. *c. 2. de interdicto.* Fruuntur etiam hoc privilegio, qui habent concessionem ab aliqua bulla. Qui privilegiati possunt secum deferre familiam. *c. licet nobis, de privileg. in 6.* Pro familia verò intelliguntur famuli domi habitantes, qui dominum exeuntem domo solent comitari. Ita Toletus *c. 3. de interd.*

13 *Int.* Tenenturne privilegiati tempore interdicti audire sacrum? *Resp.* Tenentur. Ita Sot. *in 4. d. 22. q. 3. art. 1.* Tolet. *c. 3. de interd.* Ratio est, quia præceptum obligat eos, qui licite missam possunt audire: sed privilegiatus potest illam audire; ergo, &c.

14 *Int.* Quibus diebus annis suspenditur effectus interdicti, & ex consequenti possunt celebrari diuina officia, ac si nõ esset interdictum? *Resp.* Ex iure nouo per concessionem Bonifacii *in c. Alma, mater.* in diebus Natalis Domini, Paschatis, Pentecostes, Assumptionis B. Mariæ. Item ex concessione Martini V. & Eugenij IV. in festo Corporis Christi, & octaua festi. In festo Conceptionis B. Mariæ in Ecclesiis, in quibus dicitur illius officium incipiens; Sicut lilium inter spinas. Atque in his diebus, ita effectus interdicti adeò tollitur, vt diuinis interesse possint etiam ij qui dederunt causam interdicti. sic Tolet. loco citato, Nau. *c. 27. n. 183. & 184.* per Extrauag. Martini V.

15 *Int.* Qua censura innodatur, qui tempore interdicti celebrat? *Resp.* Irregularitatis. Ita ex iure probat Conar. *cap. Alma. p. 2. §. 2. n. 2.* Gutierrez *in qq. Can. c. 10.* Henr. *lib. 3. de interd. c. 14. num. 1.* Tolet. *cap. 3. de interdicto.*

16 *Int.* Prohibeturne tempore interdicti localis, omnis actus ordini alicui deputatus solemniter exercitus? *Resp.* Prohibetur. Et ideò prohibetur subdiaconus cantare Epistolam cum manipulo. Diaconus cantare Euangelium cum stola. Acolithus ministrare vinum, & aquam subdiacono: & sic de reliquis.

reliquis. Ita Nauar. in sum. cap. 27. num. 17. cum Doctoribus communiter.

16 *Int.* Quæ sacramenta licet ministrare tempore interdicti? *Resp.* Licet ministrare sacramentum poenitentiae omnibus, præterquam illi, qui dedit causam interdicti, nisi paratus sit obedire. Item neque ei, qui tali causæ interdicti auxilium præstitit, vel consilium, nisi prius satisfaciat, aut quantum in se est curet, ut satisfiat. Ita Tolet. c. 3. de interd. colligitque ex cap. Alma mater. Dico secundum. Matrimonium non prohibetur etiam interdictis personaliter. Ita citatus Cardinalis n. 9. Non sunt tamen dandæ benedictiones. Notat Viuald. tract. de sacr. in genere. Dico tertium. Eucharistiam non licet conferre, nisi solis infirmis. c. Non est, de sponsalibus. vbi Gl. verb. baptism. & verb. poenitentia. Infirmis vero non omnibus, sed solis constitutis in articulo mortis. Notat Viuald. de sacrament. in gener. & Tolet. cap. 3. de interdict. ex citato cap. Non est, & ex cap. Quod in te, de poen. & remiss. Pro articulo vero mortis intelligendum est etiam periculum probabile mortis. Ita Couar. c. Alma. 2. p. §. 3. n. 2. & 3. Armil. verb. interdictum. cum Abbat. Ioan. And. & aliis quos referunt. Censetur autem probabile mortis periculum, difficilis nauigatio: difficilis partus, & similes euentus, iuxta Roder. in addition. ad Cruciatam. §. 5. num. 24. Dico quartum. Vrgente graui penuria Sacerdotum, potest Episcopus ordines celebrare, ita Sylu. interd. §. q. 7. Couar. c. Alma. 2. p. §. 3. & Viuald. loco citato. Neque hoc negat Toletus, quamuis oppositum absolutè asserere videatur. Dico quintum. Non licet in aliquo euentu ministrare sacramentum extremæ Vnctionis. Ita communiter Doctores, Viuald. loco citato, Tolet. c. 3. de interdict. Nau. c. 27. n. 171. Bartol. Med. lib. 1. c. 11. nu. 13.

17 *Int.* Quæ sacra licent tempore interdicti? *Resp.* Pulsatio ad salutationem Angelicam. Mensæ benedictio. Oratio priuatim facta in Ecclesia, etiam si fiat ab ipsis interdictis. Cantus rerum sacrarum factus à laicis etiam in Ecclesia. Responsorium priuatum, etiam super sepulturam defuncti. Ita cum communi Nauar. c. 27. n. 176. & 177.

18 *Int.* Interdicitur ne tempore interdicti infantibus absque rationis vsu Ecclesiastica sepultura? *Resp.* Interdicitur. Ita Sylu. interdictum, & Cordub. q. 6. cum communi.

19 *Int.* Quod peccatum committit interdictum violans?

A 2 4.

Resp.

Resp. Si Sacerdos est, mortale. Ita Sylu. *interdictum*. 5. §. 6. Sot. in 4. d. 22. q. 3. art. 1. Si verò secularis sit, veniale. Nisi faciat ex contemptu. Ita Sot. & Caiet. Quamvis immeritò Nau. illum ab omni peccato excusat. Eos refert, & sequitur Tolet. loco citato.

20 *Int.* Quis potest absolvere ab interdicto? *Resp.* Interdictum ab homine tollitur ab eo, qui illud posuit, vel à superiore. Si est à iure, & causa cessauit, tolli potest ab Ordinario, etiamsi interdictum positum sit sub 'excommunicatione referuata Papæ. Si verò causa non cessauit, à solo Papa tolli potest.

21 *Int.* Ad quid tenetur Religiosi tempore interdicti? *Resp.* Ad illud seruandum. Ita decreuit Concil. Trid. *sess.* 25. *de regul. cap.* 12.

22 *Int.* Potestne priuilegiatus ad audiendum sacrum tempore interdicti, secum deferre familiam? *Resp.* Potest. Ita habetur c. *licet nobis*, de *priuileg.* lib. 6. Pro familia verò intelliguntur famuli domi habitantes, qui dominum exeuntem domo solent comitari. Ita Card. Tolet. c. 3. *de interd.*

23 *Int.* Incurruntne aliquam censuram laici, qui intersunt tempore interdicti diuinis officiis, cum non emittuntur ab aliquo foras, qui si emitterentur, statim absque repugnantia exirent? *Resp.* Minimè. Ita Caiet. *verb. violentia*. §. *ult.* Sot. in 4. *dist.* 22. q. 3. art. 1. Nau. c. 27. *num.* 187.

24 *Int.* Possuntne pueri post vsum rationis interesse diuinis tempore interdicti? *Resp.* Minimè. Sed ante illum admitti possunt. Ita communiter Doctores.

25 *Int.* Tenenturne priuilegiati tempore interdicti audire sacrum? *Resp.* Tenentur. Ita Sot. in 4. *dist.* 22. q. 3. art. 1. Tolet. c. 3. *de interdict.* Ratio est, quia præceptum obligat eos, qui licitè possunt Missam audire: tales autem sunt priuilegiati tempore interdicti: ergo, &c.

C A P V T XIII.

De cessatione à Diuinis. §. 1.

- 1 Quotuplex est cessatio.
- 2 De definitione cessationis.
- 3 Explicatur cessationis definitio.
- 4 Quot modis fit cessatio.

- 5 *An sit idem cessatio atque interdictum.*
- 6 *In quo differunt cessatio, & interdictum.*
- 7 *An cessatio à diuinis sit censura.*
- 8 *De priuilegio audiendi sacrum tempore cessationis.*
- 9 *De eodem priuilegio tempore cessationis generalis.*
- 10 *An liceat celebrare tempore cessationis generalis.*
- 11 *An priuilegiatus ad audiendum sacrum tempore cessationis, possit suscipere Eucharistiam.*
- 12 *An effectus cessationis suspendatur iis diebus, quibus cessat effectus interdicti.*
- 13 *De obligatione recitandi horas canonicas tempore cessationis.*
- 14 *An liceat celebrare in hebdomada.*
- 15 *Quis potest edicere cessationem.*
- 16 *Ob quas causas potest imponi cessatio.*
- 17 *An teneantur priuilegiati audire sacrum tempore cessationis.*
- 18 *De pœna celebrantis tempore cessationis.*

I N T E R R O G A T I O. Quotuplex est cessatio? *Resp.* Duplex: vna quæ fit ex priuilegio concessio Capitulo, conuentui, vel Collegio alicui erga Ecclesias proprias, vel alienas, iuxta priuilegij tenorem, pro repellenda iniuria facta communitati. c. *Si canonici. cap. Quamuis, & aliis, de offici. ordin.* Hæc autem cessatio non est censura Ecclesiastica, quia non imponitur ad correctionem. Alia est, quæ imponitur à superiore habente iurisdictionem in foro contentioso, & de hac nobis est agendum.

2 *Int.* Quo pacto definitur hæc censura? *Resp.* Cessatio est suspensio organorum diuinæ laudis, decreta erga aliquem locum, vel Ecclesiam. Ita colligitur ex cap. *Dilectis. §. verum. de appellat. cap. Non verbis, & aliis, quæ adducit Viuald. tit. de cessatio.* Per organa intelliguntur ministri Ecclesiæ. Ita Sot. in 4. d. 22. q. 3. art. 2. & ideo definit hanc censuram. Cessatio est ministrorum Ecclesiæ silentium. Definiri verò aptius potest hoc modo. Est pœna priuans diuinis laudibus, in Ecclesia imposita ad correctionem iis, qui nolunt satisfacere. Vnde apparet Nauarrum, & Toletum tract. de interdict. c. 23. num. 1. non satis explicuisse naturam huius Ecclesiastici remedij, cum dixit: cessatio est desistentia à diuinis officiis, & administratione sacramentorum.

3 *Int.* Qualis esse debet huiusmodi desistentia? *Resp.* Omnimoda, ita vt diuina officia nequeant fieri in Ecclesia etiam sub

submissa voce, & ianuis clausis. Non licet itidem ea duran-
re, sepeliri Ecclesiastica sepultura in loco cessato. Neque
alius diuinus cultus exerceri. Ita Lhamas 1.p.c.11. §.7.

4 *Jnt.* Quot modis fieri potest cessatio? *Resp.* Duobus.
Primo generaliter, vt quando cessatur in vno regno, vel pro-
uincia, vel ciuitate, vel oppido. Ita Nauarr. in sum.c.27. n.128.
Viuald. tit.de cess.n.4. D.Anton. 3.par.tit.26. cap.2. §.1. Perosin.
c.Si canonici. ver. cessare. Alio modo specialiter, vt quando in
vna, vel pluribus Ecclesiis cessatur. Ita Clem.1. ver.in cessat.
Domin. Præposit. & Franc. in cap. Si canonici, citato.

5 *Int.* Estne idem cessatio à diuinis, atque interdictum?
Resp. Olim idem erant in re, plura verò penes nomen. constat
ex cap. Non est vobis, de sponsal. vbi id notat. Abb. & Præposi.
num.8. adnotat insuper Sot. in 4. d. 22. qu. 3. art.1. Nunc ve-
rò in multis differunt. Ita Nau. cap.47. num.128. cum Calderin.
& Card. quos refert Viuald. tit.de cessat.num.5. claret ex cap.
Alma mat. de sent. excomm.

6 *Int.* In quo differunt cessatio & interdictum? *Resp.* In
primis, quia de cessatione, & interdicto loquuntur nunc sum-
mi Pontifices, atque de diuersis censuris, patet ex Clem.1. de
sentent. excomm. Secundo, quia in transgressione interdicti, tam
specialis, quàm generalis, incurritur irregularitas. Probat Bo-
nif. in Clem.1. n.90. post Card. & Imolam ibid. Non incurritur
verò in transgressione cessationis siue generalis, siue particu-
laris. Ita Innoc. cap. Dilectus. num. 3. quem ibi sequuntur Pa-
nor. Peros. Præposi. quos refert, & sequitur Nau. cap.27. n.188.
cap.1. qui, de sentent. excomm. lib.6. Tertio, quia nulla cessatio à
diuinis statuitur in iure; at verò interdictum sæpè apponi-
tur ipso iure. Aduertit Sot. in 4. d.22. q.3. art.2. Interdicta verò
à iure posita refert Nauar. cap.27. num.169. habentur c. Quan-
quam. de censib. lib. 6. Clem.1. de pun. Extrauag. super gentes, de
consuet. & ideo cessationem à diuinis appellant multi quid
facti, non verò quid iuris. Ita Panorm. c. Dilectus. n.8. de appel.
Tab. interd.1. §.1. Rosel. interd.4. §.9. Tolet. de interd. c.23. n.1.

7 *Jnt.* Estne cessatio à diuinis censura? *Resp.* Minimè. Ita
Nauar. c.27. n.164. Tolet. sup.

8 *Jnt.* Qui habet priuilegium audiendi sacrum tempore
interdicti, potestne ex vi talis priuilegij, sacrum audire tem-
pore cessationis? *Resp.* Minimè. Ita Nauar. c.27. num.188. arg. cap.
priuileg.3. dist. cap. Porro, cap. Sane. de priuileg. Ratio est, quia in-
terdictum,

reſcriptum, & ceſſatio ſunt diſtinctæ cenſuræ.

9 *Int.* Qui habet priuilegium audiendi ſacrum tempore ceſſationis generalis, poteſtne ex vi talis priuilegij, ſacrum audire tempore ceſſationis ſpecialis? *Reſp.* Minimè. Ita Nauar. citato loco. Ratio eſt, quia exceptio firmat regulam, & ideo, qui talem facultatem conceſſit ad vnā, manifeſtè oſtendit, illam negare ad aliam ceſſationem.

10 *Jnt.* Licétne tempore ceſſationis generalis celebrare, ſicut licet in generali interdicto, ſeruata forma *cap. Alma. de ſent. exc. in 6.* hoc eſt, ſummiſſa voce, & ianuſ clauſis? *Reſp.* Affirmant Archid. *c. Si canonici, cit.* Summa confeſſ. tit. 33. qu. 221. Viuald. *tract. de irreg. c. de interdicto. Syl. ceſſatio. Palud. in 4. d. 17. q. 8. art. 3.* D. Ant. 3. p. tit. 26. c. 3. Nau. c. 27. n. 189. Ratio eſt, quia eadem apparet cauſa. Oppoſitum tamen dicendum cum Cou. *c. Alma. p. 2. c. 14. n. 7.* Curiel. *de ceſſat. col. 5.* & ita reſolutum fuit Salmanticæ, anno 1523. 1533. 1586. vt teſtatur Campos, quos refert, & ſequitur Viual. *tit. de ceſſ. n. 6.* Henr. *lib. 13. de exc. c. 53. n. 2.* Ratio eſt, quia ſi Bonif. ſuam conceſſionem extendi voluiſſet, id expreſſiſſet, ſicuti fecit Leo V. *in Cl. 1. de ſen. excom. ad alium euentum.* Ita Card. Tolet. *tit. de interdict. c. 25. n. 1.*

11 *Jnt.* Qui habet priuilegium audiendi ſacrum tempore ceſſationis, poteſtne ex vi eiſdē priuilegij, ſuſcipere Eucharistiā? *Reſp.* Minimè. Ita Cotar. *c. Alma. 3. p. n. 1.* Nau. c. 25. n. 178. Campos citatus n. 45. Ratio eſt, quia lex priuilegij extendi non debet. *L. Quod verò. ff. de leg. cap. Quæ à iure comm. de reg. iur. lib. 6.* Gloſ. & commen. *in Auth. Quas actiones. Cod. de ſacroſanct. Ecclēſ.* Idem de ſacerdotibus non ſacrificantibus notat Viuald. cum Calder. Archid. loco citato.

12 *Int.* Licétne celebrare tempore ceſſationis, iis diebus, quibus licet tempore interdicti? *Reſp.* Licet. Ita communiter Doct. notat Viual. & Campos, qui ait ita fuiſſe Salmanticæ declaratum.

13 *Int.* Dic de obligatione recitandi horas canonicas tempore ceſſationis? *Reſp.* Summiſſa voce, & ſeorſim, & ideo abſque priuilegio, non poſſunt recitare hini. Ita Villadieg. *de irreg. Cou. c. Alma. l. p. §. 7. n. 7.* Nauar. c. 27. n. 129.

14 *Int.* Licétne tempore ceſſationis celebrare ſemel in hebdomada, pro renouanda Eucharistiā? *Reſp.* Licet. Ita Doct. communiter, & Tolet. loco ſup. citato.

15 *Int.* Ad quem pertinet ceſſationis edictū? *Reſp.* Ad ſolum Epilcopum,

Episcopum, ad Capitulum sede vacante. Et tunc ad cessationis edictum debent omnes canonici conuenire, sicut ad electionem. Ita decernitur *c. Quamuis, de offic. Ordin.*

16 *Int.* Ob quas causas cessandum est? *Resp.* Ob graues. Tale erit graue crimen contra Ecclesiam cum contumacia, vt si sacerdos, vel Ecclesiastica persona detineatur in carcere per iudicem secularem: si impediatur redditus Ecclesiastici: si fiant statuta contra libertatem Ecclesiasticam.

17 *Int.* Tenenturne priuilegiati audire sacrum tempore cessationis? *Resp.* Tenentur. Ita *Sot. in 4. d. 22. q. 3. art. 1. Tol. c. 1. de interd.* Ratio eadem, atque in interdicto, quia præceptum obligat eos, qui licitè possunt sacrum audire, sed priuilegiati possunt licitè sacrum audire, ergo, &c.

18 *Int.* Qua poena punitur celebrans tempore cessationis? *Resp.* Dico *primum*: non incurrit irregularitatem. Ita *Syl. cessatio. 3. q. 5. Nauar. c. 27. num. 188. Sot. in 4. d. 22. q. 3. art. 3.* Ratio est, quia irregularitas non incurritur, nisi sit expressa in iure. *c. Is, qui, de sentent. excomm. in 6:* atqui in iure nulla talis apponitur irregularitas; ergo, &c. Dico *secundum*. Religiosi, qui non seruant cessationem generalem quæ seruatur à matrice loci, incurrunt excommunicationem. *Clem. 1. de sentent. excomm.* Ita *Cou. cap. Alma.* Dixi generalem, quia de speciali nil in iure statutum est.

C A P V T XIV.

De Degradatione. §. 1.

- 1 De Etymologia nominis.
- 2 Definitur degradatio.
- 3 Quo pacto facienda degradatio.
- 4 Effectus degradationis.
- 5 De grauitate huius poenæ.
- 6 Varia nomina huius poenæ.
- 7 Quis potest actualiter degradare.
- 8 An solus Episcopus sufficiat ad degradationem actualem.
- 9 An Episcopus possit degradari ab alio Episcopo.
- 10 Quæ requiruntur ad degradationem Episcopi.
- 11 Quis potest actualiter degradari.
- 12 Ob quæ delicta fieri potest degradatio.

- 13 *Ob quodcunque graue scelus, an fieri possit degradatio.*
- 14 *De ordine degradationis faciendæ.*
- 15 *Discrimen inter degradatum verbaliter, & actualiter.*
- 16 *An sacerdos degradatus sufficiat ad matrimonium ex licentia parochi.*
- 17 *An sacerdos degradatus possit absolvere in articulo mortis.*
- 18 *An per degradationem amittatur priuilegium canonis.*
- 19 *An degradatus actualiter, teneatur ad horas canonicas recitandas.*
- 20 *De missis ad trivemes, & ob laborem non recitantibus.*
- 21 *An degradatus possit interesse diuinis.*
- 22 *An degradatus exercens actum ordinis, fiat irregularis.*

I N T E R R O G A T I O. Quæ est Etymologia nominis degradatio? *Resp.* Est idem ac graduum priuatio. Ita Ang. Sylu. *Artil. verb. degradatio.* & Viuald. *tract. de deposit. num. 2.* translatum verò est hoc nomen ad pœnam quâ persona Ecclesiastica à gradibus dignitatis, ad quos Dei gratia ascenderat, deturbarur.

2 *Int.* Quo pacto definitur degradatio? *Resp.* Est priuatio legitimæ executionis ordinum, & beneficiorum Ecclesiasticorum in totum absque spe restitutionis, cum certa solemnitate, & priuatione priuilegij clericalis cuiusuis. Ita colligitur ex Syl. Ang. Tab. & aliis Summistis, & ex Sot. quem refert, & sequitur Paulus Chrysal. in *decis. Cathol. verb. degradatio. n. 2.* Definiri item potest: est amotio clerici in sacris à priuilegiis & ordinibus sacris, ob crimen atrox. Ita colligitur ex *c. 2. de pœnis. lib. 6. cap. Nouimus, de verb. sig. cap. Cum non ab homine, de iudic. c. Qualiter. & c. Quando, de accusat.* Colligitur ex D. Th. 3. p. 9. 83. ar. 7. ad 3. & ex Felin. in *c. Non potest, de re iud. Abb. in Diction. ver. degradatio.* Astenf. *lib. 7. tit. 7. ar. 1.* Maior. *lib. 3. c. 21.* quos refert Viuald. cum aliis *de deposit. num. 3.* Definitur etiam breuiùs. Est suscepti sacri ordinis perpetua depositio. Ita Felin. cum Hostiens. & Innoc. *cap. Qualiter. num. 50. de accusationibus.*

3 *Int.* Quæ conditiones requiruntur ad degradationem? *Resp.* Vt solemniter fiat, amouendo actualiter insignia clericalia à degradato.

4 *Int.* Quis est effectus huius pœnæ? *Resp.* Eximere degradatum clericum à iurisdictione Ecclesiastica, illumque tradere

dere seculari brachio. Ita Spec. titul. de accus. §. 2. Abb. in cap. Ad audientiam. de crimin. fals. quos sequitur communis sententia.

5 *Int.* Estne degradatio omnibus Ecclesiasticis pœnis maior? *Resp.* Maior quidem. Est enim Ecclesiæ vltimum supplicium. text. in l. ult. ff. de pœn. quam citat Astensis in sum. lib. 7. tit. 7. ar. 1. habeturque in Ecclesia instar mortis, vt notat Viual. in candel. tit. de degrad. n. 7. Separatur enim membrum ab Ecclesia, quasi anima à corpore, vt ait Ioan. And. cum communi, in c. vt inquisitionis. de hæret. in 6. Felin. c. in nonnullis. de Judæis. Maiol. tract. de irreg. lib. 3. cap. 22. n. 2. Dixi. degradationem esse maiorem omnibus aliis pœnis Ecclesiasticis; quia inter censuras maior omnibus est excommunicatio. Constat ex effectu illius, priuat enim excommunicatum participatione sacramentorum, tam actiua quàm passiuā: fidelium suffragiis, Ecclesiastica sepultura, redditque talem excommunicatum iumentum diaboli. Ideo Christus Dominus pro vltimo supplicio censurarum apposuit inobedienti, sit tibi tanquam Ethnicus, hoc est, excommunicatus, & D. Paul. Corinthum incorrigibilem vlt. excommunicauit. 1. Cor. cap. 5. notaturque c. Audiuimus. 2. 4. 7. 1. §. fin. autem. vers. Apostolus. Deinde, quia de ea censura sic text. c. Cum non ab homine, de iud. Cum Ecclesia vltra quid agere non habeat, &c. Et quamuis inter censuras numeremus degradationem, dicendum tamen maiorem excommunicationem esse adhuc maiorem quoad Deum, & animam: degradationem verò quoad corpus.

6 *Int.* Quo nomine etiam apud Auctores appellatur degradatio? *Resp.* Vocatur exauctoratio. Ita eam appellat Ang. tract. de malef. n. 35. Simanch. de instit. Cath. tit. 46. n. 69. Couar. 2. lib. resol. cap. 10. n. 10. Iul. Clar. li. 3. §. fin. q. 36. n. 36. & multi alij, quos refert Viuald. loco citato, num. 8. Sumptum fuit vocabulum per translationem à militibus, qui ob scelus commissum exauctorantur à ducibus per subtractionem militarium insignium.

7 *Int.* Quis potest actualiter degradare? *Resp.* De iure solus Episcopus. Ratio Viualdi est optima, quia res per quas causas nascitur, per easdem dissolvitur: sed Episcopus solus potest ad gradus Ecclesiasticos clericum euehere; ergo ille solus eum potest à gradibus deturbare.

8 *Int.* Sufficitne solus Episcopus ad degradationem actua-

lem?

lem? *Resp.* Minimè. Sed ad degradationem presbyteri adiungendi sunt saltem sex Abbates, ad degradationem Diaconi, vel Subdiaconi, tres. Ratio est, quia ex Concil. Trid. *sess.* 13. *c.* 4. *de reform.* nunc tot Abbates adiungendi sunt, quot olim ad iungebantur Episcopi: sed olim tot Episcopi requirebantur, ut ostendit *Viual. num.* 16. ergo, &c. Si tamen Diaconus fuit ordinatus à Papa, non potest ab Episcopo degradari. Ita Bern. *in cap. Per tuas; de maior. & obed.* quem refert, & sequitur Astenfis loco citato.

9 *Int.* Potestne Episcopus degradari ab alio Episcopo? *Resp.* Minimè. Nec à Legato à latere, nisi ex speciali commissione. *c.* *Inter, de transact.* notant Astenfis, & Maiolus citati, sed à solo Papa.

10 *Int.* Quæ requiruntur ad degradationem Episcopi? *Resp.* Ut causa agitetur coram duodecim Episcopis, & processus, ac Episcoporum iudicium sunt deferenda ad Papam, & ab eo proferenda sententia. Ita Gloss. & Doctor. *cap. Non potest, de re iudic. cap. Felix. 15. q. 7. Specul. tit. de accus. §. 4. Innoc. cap. Graue. de presb. Paul. in cap. Non potest. de iudic. Ang. Sylu. Tab. degradatio.*

11 *Int.* Quis potest degradari auctualiter? *Resp.* Clericus omnis. Ita Albert. *cap. Quoniam. de hæret. lib. 6.* Non est tamen in usu degradatio clerici in minoribus, notat Couar. & Salzedo, quos refert, & sequitur Viualdus *de deposit. n.* 13.

12 *Int.* Propter quæ delicta quis est degradandus? *Resp.* 1. Propter hæresim. *cap. Ad abolendam. de hæret. cap. Degradatio. de pæn. lib. 6.* Nisi statim poeniteat, & resipiscat. *cap. Excommunicamus. de hæretic. lib. 6.* Ita Tab. *ver. degradatio. num. 4.* Director. & Repert. *Inquisit. 2.* Item propter falsificationem litterarum Apostolicarum. *cap. Ad falsariorum, de crim. fal. 3.* Item propter coniurationem in proprium Episcopum, vel ob iniuriam illi factam. *cap. Si quis Sacerdotum. 11. quæst. 1.* Hostiens. & Innocent. quos refert & sequitur Astenf. *artic. 3.* Iul. Clarus *lib. 5. §. fin. num. 4.* Propter Sodomiam. Ita decreuit Pius V. proprio motu, quem refert Salzed. *in additio. cap. 86. lit. C. Nauar. c. 27. n. 249.*

13 *Int.* Ultra hæc delicta suntne alia, propter quæ degradandus sit clericus? *Resp.* Negat communis opinio, teste Claro loco proxime citato, adeò ut nec propter occisionem ipsius Papæ, possit clericus degradari. Sed immeritò: ex cōsuetudine enim

enim propter atrox scelus degradantur, vt refert Bern. Dias in praxi. cap. 96. veluti propter monialis violationem.

14. *Int.* Quis est ordo degradationis? *Resp.* Qui ex consuetudine seruatur.

15 *Jnt.* Quid interest inter degradatum verbaliter, seu depositum, & degradatum actualiter? *Resp.* Multum quidem: nam depositus non subiacer potestati sæculari. Ita Iul. Clarus lib. 5. §. fin. Nec est priuatus in perpetuum. Degradatus verò actualiter, subiacer potestati laicæ, & est priuatus in perpetuum, tum ordinis executione, tum beneficiorum fruitione. c. degradatio. de pœnis. li. 6. & ibi Doct. & Astenf. lib. 7. t. 2. a. 14.

16 *Int.* Efsétne verum matrimonium coram testibus, & clerico degradato ex licentia parochi? *Resp.* Verum Ita Viuald. tract. de degradat. n. 36. Ratio est, quia ex Conc. Trident. sess. 24. cap. 1. de reform. est matrimonium verum factum coram parochio, & testibus, vel coram sacerdote de licentia parochi: sed talis degradatus adhuc est verus sacerdos propter characterem indelebilem; ergo, &c. Vnde apertè colligitur veros esse ordines collatos ab Episcopo degradato, quia per degradationem non amittitur Episcopalis character.

17 *Jnt.* Potéstne sacerdos degradatus absoluerè in articulo mortis pœnitentem? *Resp.* Potest. Ita Viuald. in candelabr. 1. p. titul. de absol. num. 64. & de degradatio. num. 39. Covarr. cap. Alma. 1. p. §. 6. n. 8. Salzed. in addit. c. 33. Cand. 2. p. collect. 65. num. 2. Ratio est, quia propter instantem necessitatem dedit Ecclesia talem potestatem cuius sacerdoti: degradatus autem adhuc est verus sacerdos.

18 *Int.* Amittítne degradatus priuilegium canonis. *Si quis* 17. q. 4. *Resp.* Degradatus verbaliter secūdum omnes non amittit. Degradatum autem verbaliter, tale non amittere priuilegium tenuit Donas reg. 99. ampl. 4. cum Baldo, & Innoc. quos refert. Oppositum tamen est dicendum cum Caiet. Ang. & Syl. ver. degradat. n. 2. Iul. Clar. lib. 5. §. fin. qu. 77. n. 20. cum Gloss. cap. de degradat. de pœnis. lib. 6. c. Accedens. 50. d. 1. Anchar. cap. Cum contingit. de sent. excom. & Astenf. lib. 7. tit. 47. art. 4.

19 *Jnt.* Tenetúrne actualiter degradatus recitare horas canonicas? *Resp.* Tenetur. Ita Gigas tract. de pens. q. 64. Decius c. Intelleximus. num. 25. de iudic. Gloss. in c. Presbyterum. 28. ver. priuatus. Syl. degradatio. n. 8. Ang. n. 4. Arm. n. 3. Couar. l. 3. Variar. cap. 13.

cap. 13. § 12. cum Abbate, Innoc. & Alex. quos refert. habetur
cap. Delentes, de celebrat. missarum.

20 *Int.* Missus est degradatus ad triremes: ibi præ laboris magnitudine caret tempore ad recitandum officium, peccatne lethaliter non recitando? *Resp.* Non peccat. Ita Viuald. de degradat. num. 44. In eo tamen, quod dicit talem degradatum teneri ad recitandum aliquoties orationem Dominicam & Angelicam salutationem, loco officij, non videtur loqui iuxta rationem. Ea est clara: nam Sacerdos deobligatus ex alia causa à recitando officio, non tenetur ex vi præcepti recitare alias orationes; ergo nec degradatus in triremibus.

21 *Int.* Poteritne degradatus interesse diuinis officiis? *Resp.* Poterit. Ratio est, quia degradatus non manet excommunicatus, & ideo quoad alia, præter exercitium graduum, à quibus deponitur, est æqualis aliis non degradatis. Ita Viuald. de degradat. num. 49.

22 *Int.* Degradatus exercens ordinis actum, à quo est degradatus, manetne irregularis noua irregularitate? *Resp.* Manet. Ita cap. Accedens 56. dist. ibi. Gloss. & Doctor. nec dignus est dispensatione, etiam post pœnitentiam. Idem dicendum de eo, qui consecraret Eucharistiam sine celebratione Missæ, iuxta Viuald. de degradat. num. 47. cum D. Anton. quem refert.

Finis secunda Partis.



EXAMINIS THEOLOGIÆ MORALIS,

PARS TERTIA.

In qua de septem Ecclesiæ Sacramentis.

De diuino Missæ sacrificio.

De Indulgentiis.

De Purgatorio.

De Bulla Cruciatæ.

De horis Canonicis.

De Beneficiis.

De simonia : quæstiones solitæ strictim agitantur.

CAPVT I.

De Sacramentis in genere.

Antequam ad singula quæque nouæ Legis Sacramenta propius accedamus, oportet prius, quæ omnibus communia sunt in operis vestibulo patefacere, ne in singulis eadem repetendo, tædio sumus lectori, temporis iacturam merito plurimi facienti. Ideo tractationem Sacramentorum, quam Doctores sacri de Sacramentis in genere nuncuparunt, diuino numine propitio aggrediamur.

De auctore Sacramentorum nouæ Legis. Item de fine ad quem sunt instituta. §. 1.

- 1 Quis instituit Sacramenta nouæ Legis.
- 2 Ad potuerit Ecclesia Sacramentum aliquod instituire.
- 3 Ad quem finem sunt ordinata Sacramenta nouæ Legis.

1 **I**NTERROGATIO. Quis instituit Sacramenta nouæ Legis? Resp. Christus Dominus. Ita definiuit Concil. Trident. sess. 7. can. 1. his verbis. Si

quis dixerit Sacramenta nouæ Legis non fuisse à Christo Domino nostro omnia instituta, anathema sit. Habetur cap. Ad abolendam, de heret. Sumitur ex D. August. lib. de vera Religion. B. Ambr. libr. 4. de sacram. cap. 4.

2. *Int.* Potuistine Ecclesia Vniuersalis etiã uiuentibus Apostolis instituere sacramenta aliqua? *Resp.* Minimè. Ita Couar. lib. 1. c. fol. c. 10. n. 3. Idque latissimè probat. Hanc ob rem falsissima est opinio Glossæ in principio. de pœn. d. 5. asserentis pœnitentiæ sacramentum institutum fuisse à Conc. Niceno. Falsa etiam opinio eorum, qui asseruerunt sacramentum extremæ Vnctionis institutum fuisse à D. Iacobo, quos referam in proprio loco, attingit Sot. in 4. d. 1. q. 5. art. 2.

3. *Int.* Ad quem finem instituta sunt à Christo Domino huiusmodi sacramenta? *Resp.* Ad gratiam, & gloriam per illa hominibus conferendam. Et quanquam Deus Opt. Max. absque sacramentis intermediis posset gratiam, & gloriam hominibus conferre, vt asserit Gloss. c. institutio. de consec. dist. 2. Voluit tamen ea Christus. Dominus instituere, & sponsæ suæ sanctæ Ecclesiæ relinquere, vt faciliora remedia ad gratiam inueniendam, vtpote quasi plenissimos fontes, è quibus hauriatur. De quo summo beneficio nobis multos ab hinc annos gratulans Isaïas cap. 12. dixit. Haurietis aquas in gaudiò de fontibus Saluatoris. Ita Canis. in Doctrin. Christian. tractat. de sacrament. cap. 6.

De numero Sacramentorum nouæ Legis. §. 2.

1. Quot sunt Sacramenta nouæ Legis.

2. Cur sunt septem.

3. Quæ sunt Sacramenta nouæ Legis.

4. An sint alia à sacramentis veteris Legis.

1. **I**NTERROGATIO. Quot sunt sacramenta nouæ Legis? *Resp.* Septem, nec plura, nec pauciora. Ita decernitur in cap. Ab abolendam. de heret. Concil. Floren. sub Eugen. IV. Conc. Const. sess. 15. Conc. Trid. sess. 7. can. 1.

2. *Int.* Cur septem, nec plura, nec pauciora à Christo Domino sunt instituta? *Resp.* Quia id congruitas rationis exigebat. Enimuerò congruum erat, vt progrediamur in gratia ad vitam spiritualem, vt progredimur in natura ad vitam corporalem. Ideo per Baptismum nascimur. Per Confirmationem solidamur, corroboramur, & augemur. Per

Eucharistiam nutrimur. Per pœnitentiam ad sanitatem animæ, quam per peccatum amisimus, restituimur. Per extremā Vnctionem ad integram sanitatem, peccatorum reliquiis expulsis, redimus. Per Ordinem idonei ministri constituimur. Per Matrimonium denique sanctè gignimur, vt sanctè ministremus. Ita Magist. in 4. d. 2. D. Thom. 3. p. q. 65. art. 1. Sot. in 4. d. 2. q. 2. Durand. ibidem.

3 *Int.* Quæ sunt ista sacramenta nouæ legis? *Resp.* Baptismus. Confirmatio. Eucharistia. Pœnitentia. Extrema vnctio. Ordo. Matrimonium. Ita Theologi in 4. d. 1. D. Thom. 3. p. q. 60. art. 2. Canonistæ in rubr. de sacram. non iter. Summistæ verb. sacram.

4 *Int.* Suntne hæc sacramenta eadem, atque erant veteris Legis? *Resp.* Minimè. Effectus enim multò est diuersus: nā sacramenta veteris Legis gratiam significabant, non conferbant (vnā excipio Circuncisionem, de qua controuertunt Doctores, quorum opiniones non recito, quia minimè nostra interest:) sacramenta verò nouæ Legis gratiam significant, & conferunt, vt veræ causæ, instrumentaque gratiæ. Hoc discrimen significant, & explicant Theologi, dicendo sacramenta veteris Legis contulisse gratiam ex opere operantis, hoc est, iuxta dispositionem suscipientis sacramentum. Sacramenta verò nouæ Legis conferre gratiam ex opere operato: hoc est, conferre certam, & determinatam gratiæ portionem omnibus accipientibus æqualem ex vi ipsius sacramenti, aliam diuersam ab ea, quæ confertur ex vi dispositionum suscipientis sacramentum. Ideo definiunt sacramentum veteris Legis, inuisibilis gratiæ visibile signum, pure signum: sacramentum verò nouæ Legis, inuisibilis gratiæ visibile signum effectiuum.

De definitione Sacramentorum nouæ Legis. §. 3.

1 *Quid sit Sacramentum in communi.*

2 *Quo pacto definiuntur in singulari.*

1 **I**NTERROGATIO. Quo pacto definitur à Theologis Sacramentum? *Resp.* Sacramentum, inquiunt, est sacræ rei signum. Ita omnes cum D. Aug. quem refert Catechism. Roman. super Concil. Trid. pag. 154. habeturque in cap. Sacrificium, de consecrat. dist. 2. Signi nomine intelligunt actionem externam, sensu aliquo externo sensibilibiter perceptam.

Nomine

Nomine verò rei sacræ intelligunt gratiam. Ideo clariori definitione Sacramentum definit Sotus in 4. d. 1. art. 2. Sacramentum est inuisibilis gratiæ visibile signum.

2 Int. Quo pacto definitur vnumquodque sacramentorum? Resp. *Baptismus* est ablutio corporis exterior, facta sub præscripta verborum forma. *Confirmatio*, est sacramentum, in quo homo quasi perfectam ætatem spiritualis vitæ, ac robur suscipit, ad intrepidè profitendam fidem coram Evangelij veritatem oppugnantibus. *Eucharistia*, est sacramentum, in quo sub speciebus panis, & vini simul, aut seorsim verè & realiter continetur corpus & sanguis vnà cum anima, & Diuinitate Christi Domini. *Pœnitentia*, est absolutio Pœnitentis, facta à sacerdote iurisdictionem habente, sub certa verborum forma, cum debita intentione prolata, significante ex institutione diuina, & effectiua simul absolutionis animæ à peccatis. *Extrema Vnctio*, est sacramentum, in quo presbyter vngit oleo consecrato certas corporis partes infirmi probabiliter periclitantis, sub certa cum debita intentione verborum forma. *Oratio*, est sacramentum, in quo imprimitur signaculum spirituale, per quod confertur potestas ordinato circa Diuinæ Eucharistiæ consecrationem. *Matrimonium*, est sacramentum, in quo gratia confertur ex opere operato mari, & foeminæ, qui contractu naturali inter se liberè mutuo coniunguntur, indiuiduam vitæ consuetudinem perpetuò retinentes, legitimè habiles ad talem contractum faciendum.

De his quibus constat vnumquodque Sacramentum nouæ Legis, materia scilicet, forma, & intentione. §. 4.

1 De rebus quibus constat sacramentum nouæ Legis.

2 Quæ est materia.

3 Quæ est forma.

4 Quæ intentio requiritur.

5 Vnde constat materiam, formam, & intentionem requiri ad essentiam sacramenti.

6 An sufficiat virtualis intentio.

7 An liceat in sacramentorum formis aliquid immutare.

1 **I** N T E R R O G A T I O. Quibus rebus constat vnumquodque sacramentum nouæ Legis ? *Resp.* Tribus. Materia nimirum, forma, & intentione.

2 *Int.* Quæ est materia in vnoquoque Sacramento ? *Resp.* Est elementum iensibile, applicatum per actionem externam, veluti aqua, oleum, panis, aut aliquid vice elementi, sicut Deo dante in vnoquoque Sacramento videbimus.

3 *Int.* Quæ est forma ? *Resp.* Sunt verba certa, & determinata. Vnde emanauit illud dictum D. Augustini, *accedit verbum ad elementum, & fit Sacramentum.* Nomine verò verborum non intelligo vocalia verba, seu vocem humanam articulatè prolatam, sed quidquid per quod, tamquam per vocem interior animus declaratur, vt Deo fauente dicam in materia de Matrimonio.

4 *Int.* Quæ intentio requiritur ? *Resp.* Duplex, nimirum intentio ministri, volentis facere, quod Ecclesia facit : & intentio suscipientis Sacramentum. Ita cum communi Tolet. *lib. 2. cap. 6.* Et ideo quanquam applicetur forma, & materia à ministro intendente baptizare Petrum, si Petrus non intendit recipere baptismum ; non manet baptizatus. Cuius intentionis quamuis *Concil. Florentin.* non meminit, illam tamen non exclusit.

5 *Int.* Vnde constat hæc tria tanquam essentialia requiri ad vnumquodque sacramentum nouæ Legis ? *Resp.* Ex communi sensu Doctorum. Ita Theologi. 3. *p. D. Thom. Canonistæ lib. 2. Jussit. Can. refer. Summistæ. verb. Sacramentum. Nau. cap. 22. nu. 2. Sot. in 4. dist. 1. qu. 1. art. 4. Catechism. Roman. pag. 163. & 169.* Constat ex declaratione Conc. Flor. sub Eugen. I. V. ita decernentis. Hæc autem septem Sacramenta tribus perficiuntur rebus, tanquam materia : verbis tanquam forma, intentione ministri conferentis sacramentum, cum intentione faciendi, quod Ecclesia facit. Quorum si aliquod desit, non perficitur Sacramentum.

6 *Int.* Quoniam duplex est intentio, iuxta Theologorum proloquium, formalis vna, virtualis altera, rogo, quæ harum intentionum requiritur in ministro ? *Resp.* Vt explicem meam mentem, dicam prius, quid intelligam per formalem, & virtualem intentionem. Formalem intentionem intelligo actualement attentionem, hoc est, actualement recordationem rei, quam perago. Hoc est, cum actualiter recordor me baptizare, me
has

has hostias consecrare. Virtualement intentionem intelligo haberi ab illo, qui cum agit id, quod à principio intendit agere, actualiter obliuiscitur, se id agere, v.g. intendit à principio consecrare has formulas, simul cum hostia, postea cum protulit verba consecratoria, non actualiter meminit se consecrare illas formulas, talis habet virtualement intentionem. Dico igitur. Ad valorem Sacramenti sufficit virtualis intentio. Ita Nauar. pluribus in locis, teste Viuald. *tract. de sacrament. in genere. Sot. in 4. dist. 1. q. 5. art. 8. proposuit. 1. &c.* Ideo, qui Sacerdos ab initio proposuit consecrare formulas, & postea oblitus formularum protulit verba consecratoria super maiorem hostiam eleuandam, quam in manibus solum tenebat, formulas, & hostiam consecrauit.

7 *Int.* Dixisti, formas Sacramentorum esse certa & determinata verba. Quæro igitur, vtrum liceat aliquid addere, vel immutare? *Resp.* Minimè. Verumtamen ea, & sola verborum mutatio, vel additio impedit Sacramenti consecrationem, quæ sensum corrumpit. Dixi sensum. Quia corruptio circa sonum, & terminationem vocum, non tollit effectum. Igitur sex sunt obseruanda in prolatione formarum sacramentalium: scilicet, ne fiat verborum subtractio, additio, variatio, transpositio, corruptio, interruptio. Quæ sex quidam duobus versibus comprehendit, quos refert Tolet. *lib. 2. c. 19. num. 4.*

Nil formæ demas, nil ponas, nil variabis:

Transmutare caue, corrumpere verba, morari.

Hinc venit, vt Zacharias Papa verè fuisse baptizatum infantem doceret, qui propter inscitiam baptizantis, sub hac forma fuit baptizatus. Ego te baptizo in nomine Patrias, & Filias & Spiritua sancta. Ita refertur *c. Retulerunt. de consecra. dist. 4.*

De necessitate suscipiendi sacramenti ad salutem æternam. §. 5.

I **INTERROGATIO.** Quid censes de necessitate suscipiendi sacramenta nouæ Legis? *Resp.* Optimam censeo responzionem auctoris Roman. Catechismi, pag. 198. quæ ita se habet. Sacramentorum vnum, est omnino necessarium respectu omnium; tam paruulorum, quàm adultorum, scilicet,

licet Baptismus. Ita nos docuit Christus Dominus Ioan. 3. *Nisi quis renatus fuerit ex aqua, & Spiritu sancto, non intrabit in regnum celorum.* Quæ susceptio sacramenti intelligenda est, seu in re, seu in voto, ut dicam in proprio loco. Eucharistia solum est necessaria adultis, obventa opportunitate. Enimuero de illa habemus præceptum diuinum à Christo Domino promulgatum. Ioan. 6. *Nisi manducaueritis carnem Filij hominis, & biberitis eius sanguinem, non habebitis vitam in vobis.* Quod præceptum obligare saltem semel in anno declarauit Ecclesia. cap. *Omnis utriusque, de pœn. & remiss.* Confirmatio solum est necessaria suscepturis primam tonsuram. Notat Conc. Trid. sess. 23. cap. 24. *de reform.* Pœnitentia necessaria est ei, qui incidit in culpam mortalem, data copia cōfessarij. Nam quamuis peccator habeat veram contritionem, & exinde certus sit per reuelationem se esse in gratia, tenetur ad salutem, peccatum confiteri data copia congrui cōfessarij. Nam eadem contritio includit votum confitendi. Confirmatio, & extrema Vnctio sunt necessaria ad maiorem perfectionem. Nam in confirmatione roboratur fides suscepta in Baptismo. In extrema Vnctione tolluntur reliquæ peccatorum. Et insuper conferuntur vires contra dæmonis tentationes in extrema vitæ periodo acerbius affligentis, & periculosius oppugnantis. Ordo, & Matrimonium sunt necessaria pro communitate totius Ecclesiæ. Ordo nimirum, ad idoneos sacramentorum ministros consecrandos, Matrimonium ad eosdem ministros sanctè procreandos.

De dispositione, qua accedere debet administraturus Sacramenta nouæ Legis. §. 6.

- 1 *Minister Sacramentorum tenetur esse in gratia.*
- 2 *Non tenetur accedere ieiunus.*

I N T E R R O G A T I O. In qua dispositione accedere debet minister sacramentorum? *Resp.* Accedere tenetur in gratia. Et idè qui conscientiam habet peccati mortalis, tenetur vel præmittere confessionem: vel habere veram contritionem, qua iustificetur. Dixi, tenetur, vel præmittere confessionem, vel habere veram contritionem, quia non tenetur semper præmittere confessionem, si moraliter certus sit

fit se habere veram contritionem, & per eam repositum esse in gratia. Quoniam verò de gratia certi esse non possumus absque reuelatione: satis erit ex probabilibus indiciis existimare nos habere veram contritionem, & ex consequenti diuinam gratiam sanctificantem, vt tuta conscientia sacramenta ministrare possimus: faciendo, quod in nobis est pro illa obtinenda per verum præteritorum peccatorum dolorem, quia offendimus Deum, quem summè diligere debebamus: & per verum propositum cauendi in posterum ab omni lethali culpa. Administrare verò solemniter, tanquam proprius minister aliquod sacramentum in mortali culpa, est peccatum mortale. Ita D. Thom. 3.p.q.64.art.6. Syl.confirmitio.n.4.Vict. ibid.n.26.Nau.c.22.Sot.in 4.dist.1.g.5.art.6.

2 Int. Debétne omnis minister sacramenti accedere ieiunus ad illud ministrandum? Resp. De necessitate sacramenti, minimè. De necessitate præcepti olim tenebatur accedere ieiunus minister Baptismi, & Confirmationis. cap. Sacramenta. distinct.1. cap. Ieiunii.dist.5. de consecrat. Hoc tamen non est in vsu: ideo per desuetudinem nullum est. de hac re præceptum.

De ceremoniis seruari solitis in administratione Sacramentorum nouæ Legis. §. 7.

1 Vtrum signum Crucis adhibendum sit de necessitate sacramenti.

I N T E R R O G A T I O. De ceremoniis seruari solitis in administratione sacramentorum, dubium celebre controuertunt Doctores de signo Crucis, sub quo omnia conferuntur, excepto sacramento matrimonij, an sc. sit de necessitate? Resp. Dico primum. In nullo sacramentorum, signum Crucis est de necessitate Sacramenti. Ita communiter Doct. explicantes c. Nunquid, de consecr. d.5. Quo halucinatus est Auctor. Thesauri sacerdotalis fol.134. oppositum fermè determinans hisce verbis. Omnia sacramenta sacerdotalis ministerij Crucis signo perficiuntur. Et baptismatis vnda non nisi per Crucem sanctificata peccata relaxat. Nec nisi Crucis signaculo quis ad sacerdotis gradus ascendit. Ad textum dicti cap. Nunquid, respondeo loqui interrogatiuè, non autem definitiuè. Dico secundum. In omnibus sacramentis, excepto sacramento Matrimonij, adhibere signum Crucis est de necessitate

præcepti. Ita Viuald. *tit. ult. de sacram. in genere*. Probatur aperte. Quia adhibere signum sanctæ Crucis, est vna ex præcipuis ceremoniis, & tribus ab ipsa Ecclesia præceptis, & vstitis. Hinc colligo grauitè peccare illum, qui ex contemptu, vel malitia, vel negligentia crassa, hoc signum in administratione sacramentorum omiserit. Quod assertum non solum circa Dominicum signum, sed circa alias ceremonias ab Ecclesia adhiberi solitas, affirmat cum communi sensu, Sylu. *Baptismus* l. q. 4. probatque latissimè Viuald. *tit. ult. de sacram. in genere. n. 19.* Hanc ob rem graue peccatum erit in Baptismo non apponere Sal, Chrisma, Oleum, Catechumenorum non recitare Catechismus. In conficienda Diuina Eucharistia omittere missæ apparatus, & similia.

De dispositione, qua quis accedere debet ad suscipienda Sacramenta nouæ Legis. §. 8.

I *Utrum ante receptionem sex sacramentorum, præmittenda sit confessio.*

I **INTERROGATIO.** Inter præcipuas dispositiones, Iest præmissa confessio. Rogo igitur, vtrum reus peccati mortalis, teneatur præmittere confessionem antequam recipiat sacramenta? *Resp.* Dico *primum*. Ante receptionem Eucharistiæ, reus mortalis culpæ tenetur culpam mortalem coram confessario, data confessarij copia, detegere, quamuis ex reuelatione sciret se per veram contritionem recepisse gratiam. Ita decreuit Conc. Trident. *sess. 13. Can. 11.* Dico *secundum*. Ante receptionem aliorum sacramentorum non tenetur. Ita Nau. *c. 1. n. 44.* quem refert, & sequitur Viuald. *de sacram. in genere. Dico tertio*. Ad alia sacramenta, præter diuinam Eucharistiam, reus lethalis culpæ tenetur accedere cum contritione: aut saltem cum attritione putata contritione. Ita communiter Doctores cum D. Thom. 3. p. q. 64. art. 6. Syl. *confirmatio. n. 4.* Viñt. *n. 26.* Nauar. *cap. 22.* Sot. *in 5. d. 1. q. 5. art. 6.* Qui quidem Doctores cum communi non intelligunt inter sex sacramenta, sacramentum Pœnitentiæ, de quo suo loco dicam: & Auctores iterum referam latius.

De effectibus Sacramentorum nouæ
Legis. §. 9.

I *Effectus sacramentorum alij communes omnibus, quæ est gratia.*

tia. Alij peculiare, qui est character.

2 *Gratia non solum secunda, sed etiam prima.*

3 *An recedente obice, redeat gratia sacramenti.*

4 *An gratia in singulis sacramentis habeat peculiare effectus.*

5 *Qui sunt hi effectus peculiare.*

6 *Quid est character.*

1 **I**NTERROGATIO. Qui sunt effectus sacramentorum nouæ Legis? *Resp.* Dupliciter considerari possunt: nimirum, ut communes omnibus, & ut particulares aliquibus. Effectus communis est gratia. Omnia enim sacramenta nouæ Legis gratiam effectiuè animis suscipientem sine obice infundunt. Ita definitur in Concil. Florent. & in Trident. *sess. 7. can. 6.* Hanc infundunt ex opere operato, ut loquuntur Theologi: hoc est, ex vi solius sacramenti, æqualem omnibus. Hinc manifesti erroris damnandi sunt, qui olim asseruerunt Sacramentum Matrimonij non conferre gratiam, quos refert Nauar. *cap. 22. num. 83.*

2 *Int.* Quoniam duplex est gratia. Prima nimirum, qua peccator iustificatur, & ex odio reducit in amicitiam Dei. Et secunda, quæ est augmentum ipsius præhabitæ gratiæ. Quæro ex te, an sacramenta nouæ Legis infundant etiam primam gratiam? *Resp.* Sacramenta nouæ Legis non solum secundam, sed etiam primam gratiam conferunt. De Baptismo paruulorum res est certissima. De reliquis sacramentis ab adulto susceptis cum attritione putata contritione, res est dubia, & controuersa. Veruntamen nostra conclusio fermè ab omnibus, ut probabilior, & certior approbatur. Mitto quos retuli §. 8. à quibus asseritur: traditur etiam expressis verbis à Tolet. *lib. 2. cap. 16. num. 8.* Et inde emanauit effatum; *Homo per Sacramenta ex attrito fit contritus.*

3 *Int.* Qui sacramenta recipit cum obice (ita loquuntur Theologi) hoc est, in peccato mortali existens, sublato obice, hoc est, remisso peccato mortali per veram contritionem, recipitne gratiam Sacramenti antea suscepti ex vi Sacramenti præteriti, & ex opere operato illius? *Resp.* Affirmat Medina absolutè de omnibus Sacramentis, *lib. 2. sum. cap. 6.* De Baptismo ostendam suo loco. De confessione probat latissimè Syluest. *confessio. 2. num. 26.* & Bartol. *Medin. in summ. lib. 1. cap. 121. §. 3.* insinuat Nauar. *cap. 6. num. 13.*

4 *Int.* Habentne gratia in omnibus Sacramentis peculiare effectus?

effectus? *Resp.* Habet. In Baptismo datur ad delendum peccatum originale. In Confirmatione, ad roborandum animum contra oppugnatores fidei, ut intrepidè eam coram tyrannis profiteatur. In Diuina Eucharistia, ad augmentum virtutum. In Poenitentia, ad restituendam vitam spiritualem per peccatum amissam. In extrema Vnctione, ad delendas peccatorum reliquias, & ad vires conferendas contra hostem, in extrema vitæ periodo iam iam morientes acriter oppugnantem. In Ordine, ad afficiendam animam ministri ad benè sacramenta ministranda. In Matrimonio, ad vniendas coniugum voluntates vinculo pacis, & amoris.

5 *Int.* Qui sunt effectus particulares? *Resp.* Effectus particularis est character. Hunc autem tria sacramenta conferunt. Baptismus scilicet, Confirmatio, & Ordo. Ita definiuit Concil. Trident. *sess.* 7. *Can.* 6.

6 *Int.* Quid est character? *Resp.* Est qualitas supernaturalis, à Deo animæ impressa, veluti quoddam signum ouium Christi Domini, ut imprimitur in Baptismo, vel signum militum Christi, ut imprimitur in Confirmatione, vel signum potestatis, ut imprimitur in Ordine, tam in corpus Christi verum, quàm in corpus Christi mysticum, quod est Ecclesia. Ita habetur *cap. Consultum, de tempore ordin. c. Displicet. 23. qu. 4. cap. Licet 23. q. 7. Concil. Trid. sess. 7. Can. 8. Nauar. cap. 22. num. 2. Sot. 2. 4. d. 1. n. 1. art. 2.*

7 *Int.* Amittiturne aliquando hic character? *Resp.* Minimè. Neque per peccatum, ut amittitur gratia: neque per mortem: sed in æternum conseruabitur in animis, etiam damnatorum. Ideo sacerdos resuscitatus, nec baptizandus, nec confirmandus, nec ordinandus iterum est. Ita D. Thom. *in 4. d. 2. q. 1.* Habetur *c. Licet 22. q. 7. c. Quod quidem. 1. qu. 1.* Notat Arm. *verb. sacramentum. n. 1.* & Viuald. *de sacram. in gen.* Hinc manifestum est, non posse iterari in hac vita hæc tria sacramenta. Ratio est, quia effectus eorum, qui est character, semel factus nunquam amittitur.

De iis quæ circa Sacramenta nouæ Legis decreuit
Concilium Tridentinum. §. 10.

I INTERROGATIO. Quæ decreuit Concil. Trident. *sess.* 7. circa sacramenta nouæ Legis? *Resp.* Memoria illa retineo;

retineo ; ideo facilè ea recitabo. Hærefis damnauit illum, qui dixerit, aliquod eorum, quæ numerauimus, non eſſe verè ſacramentum. *Can. 1.* Aut dixerit, ea à ſacramentis veteris Legis non niſi ceremoniis diſſerre. *Can. 2.* Aut dixerit, nullum illorum aliqua ratione eſſe alio dignius. *Can. 3.* Aut dixerit, non eſſe omnia neceſſaria, imò aliquod eorum eſſe ſuperfluum (modo ſupradicto.) *Can. 2.* Aut dixerit, ſolùm ſignificare, non verò continere gratiam. Aut eam dignè ſacramenta ſuſcipientibus non ſemper ex opere operato conferre. *Can. 5. 6. 7. 8.* Aut dixerit, quod hæc tria, Baptiſmus ſcilicet, Confirmatio, & Ordo, non imprimunt characterem in anima, & ſignum quoddam indelebile, propter quod iterari nequeant. *Can. 9.* Aut dixerit, quod omnia ab omnibus Chriſtianiſ, adminiſtrari poſſint. *Can. 10.* Aut dixerit, non requiri in conſciendis ſacramentis intentionem faciendi, quod facit Eccleſia. *Can. 11.* Aut dixerit, quod confeſſio, aut collatio Sacramenti à miniſtro in mortali exiſtente nulla ſit. *Can. 12.* Aut dixerit, Eccleſiæ ritus omitti, vel mutari poſſe per quemlibet prælatum. *Can. 13.* Anathema ſit.

C A P V T II. .

De Sacramento Baptiſmi.

De Baptiſmi diuifione. §. I.

- 1 *Triplex eſt Baptiſmus.*
- 2 *An omnis ſit ſacramentum.*
- 3 *Quare Theologi triplicem aſſignent Baptiſmum.*
- 4 *An omne martyrium appelletur Baptiſmus.*
- 5 *Cur non dicuntur omnes martyres baptizari in ſuo ſanguine.*
- 6 *In quo diſſerunt tria Baptiſmata.*
- 7 *Quo Baptiſmate ſuit Chriſtus Dominus baptizatus.*

I INTERROGATIO. Quotuplex aſſignatur Baptiſmus à Theologiſ? *Reſp.* Triplex. Aquæ, ſanguinis, & flaminis. Baptiſmus aquæ eſt, quo omnes Chriſtiani baptizantur. Baptiſmus ſanguinis eſt martyrium, quo enecantur infantes in materno vtero contenti, cùm matres pro Chriſti gloria in odium fidei à tyranno occiduntur: dicuntur enim in ſuo ſanguine

sanguine baptizari. Idem martyrium, quo trucidantur infantes ante usum rationis ob eandem Christi, fideique causam, ut trucidati sunt Innocentes infantes ab Herode, *Matt. 2.* Ita Syluest. *Baptismus. 1. §. 2.* cum Palud. & Tolet. *lib. 2. cap. 22. num. 5. & 6.* Baptismus flaminis est voluntas charitate inflammata suscipiendi baptismum aquæ, quem adultus non suscipit, quia à quo baptizetur, non superest, & in ea voluntate moritur, verè de peccatis commissis contritus. Appellaturque flamen, quia oritur ab igne charitatis, & contritionis.

2 *Int.* Sûntne hæc tria baptismata à Christo Domino instituta? *Resp.* Minimè quidem; sed solus baptismus aquæ. Ita Conc. Trid. *sess. de sacram. Can. 1.*

3 *Int.* Cur igitur à Theologis appellantur baptismata? *Resp.* Quia in iis duobus baptismis, sanguinis nimirum, & flaminis, infantes, & adulti saluantur, cum voto suscipiendi baptismum aquæ, quod votum adulti habent formaliter: infantes verò virtualiter in voluntate parentum.

4 *Int.* Dixisti baptismum sanguinis baptizari infantes, qui vel in maternis visceribus adhuc inclusi, simul cum matribus in Christi seruatoris odium occiduntur; vel extra uterum in se ipsis eandem mortem patiuntur. Noane omne martyrium appellatur baptismus? *Resp.* Appellatur. Ita enim Christus Dominus suam mortem baptismum appellauit *Luc. 12. Baptismo habeo baptizari, & quomodo coarctor usque dum perficiatur.*

5 *Int.* Cur igitur absolute non dicuntur omnes martyres baptizari in suo sanguine? *Resp.* Quia plurimi ante ipsum martyrium baptizati erant baptismum aquæ. Insuper, quia ut baptizentur in suo sanguine, si actuale peccatum habent, & mortem in vigilia suscipiunt, indigent saltem actuali dilectione Dei super omnia, propter quam mortem constanti animo aggre-diuntur, ut vult Sotus *in 4. d. 15. qu. 1. art. 2. & dist. 17. qu. 2. art. 1.* Si verò actualiter recordantur peccati commissi, dum rapiuntur ad martyrium, indigent actuali poenitentia & detestatione criminis, ut docet Suar. *disp. 29. sect. 2. & 3.*

6 *Int.* In quo differunt hæc tria baptismata? *Resp.* Differunt, quòd baptismus aquæ solus imprimit characterem indelebilem: martyrium verò aureolam gloriæ nimirum claritatem, quam appellant Theologi gloriam accidentalem: baptismus verò flaminis nil imprimit. Differunt insuper ex remissione poenæ. Nam baptismus aquæ, & martyrium remittunt cum culpa

culpa totam poenam : baptismus verò flaminis iuxta quantitatem doloris, & contritionis. Ita Cardin. Tolet. *lib. 2. c. 22. n. 8.* Sunt pro martyrio elegàtia verba Cypriani 4. *Epist. lib. Epist. 1.* cum rationem reddit, cur flammæ tres pueros in fornace non comburerent. Ananiæ, Afariæ, Misaëli, refrigerium, inquit, flammæ dederunt, præfente cum illis Domino, & probante, quod in martyres eius nil posset gehennæ ardor operari. *Eb. verò Epist. 2. epist. 6.* Fluebat, inquit, è martyrum vulneribus sanguis, qui flammæ, & ignes glorioso cruore sopiret. Cautè tamen legendus Orig. *homil. 6. in lib. Iud.* in qua quoad remissionem culpæ plus martyrio, quàm baptismo aquæ tribuere videtur, pièque interpretandus. Baptisma sanguinis, inquit, solum est, quod nos puriores reddidit, quàm aquæ baptisimus reddidit. Enimverò baptisimus aquæ dempsit culpam, martyrium verò, non à nobis tantummodò culpam, sed nos culpæ deinceps adempfit. Baptisimus aquæ nos à gehenna extraxit, sed cœlo statim non reddidit: martyrium verò in ipso mortis instanti, in cœlestem patriam martyres deduxit. Hinc fit, vt iure merito dicere possimus, quod per aquæ baptismum præteritæ culpæ purgantur, per martyrium verò etiam futuræ perimuntur: in baptismo aquæ, peccata demissa sunt: in martyrio autem exclusa.

7 *Jnt.* Quo horum tritum baptismatum Christus Dominus fuit baptizatus? *Resp.* Baptismo sanguinis, mortem enim subiit in cruce sibi propter ipsius odium illatam. Cùm verò à Ioanne in Iordane fuit baptizatus, Sacramentum non instituit, sed prædixit, & adumbravit.

De Baptismi definitione. §. 2.

1 **I**NTERROGATIO. Quo pacto definitur Baptismus à Christo Domino institutum sacramentum? *Resp.* Est ablutio corporis exterior, sub præscripta verborum forma. Ita cum Magistro *in 3. sent. d. 3.* Theologi communiter. Quam quidem immeritò corrodit Viual. in suo *Candel. tit. de Baptis.* Quoniam verò definitio tradita non ita claret, perspicaciùs addidit Nau. *cap. 22. num. 5.* aliqua verba, sic scribens; Sacramentum baptismi, est ablutio corporis cum aqua naturali, qua vnus ab alio in nomine Patris, & Filij, & Spiritus sancti cum debita intentione abluatur. Vnde patet quàm diminutè dixit Hugo Victor. *in lib. de sacrament.* Baptismum esse ipsam aquam naturalem.

De

De materia Sacramenti Baptismi. §. 3.

1 *Materia Baptismi est aqua.*2 *Cur sit aqua.*3 *An deficiente aqua possit fieri Baptismus.*4 *An fieri possit in glacie, & nive.*5 *An fieri possit in sale.*6 *Quid intelligitur nomine ablutionis.*7 *An puer proiectus in puteum, prolata forma, maneat baptizatus.*

I N T E R R O G A T I O. Quæ est materia huius sacramenti? *Resp.* Duplex: quædam appellatur proxima, quædam remota. Proxima est ipsa actio abluendi exterior, appellaturque ablutio exterior. Remota, est aqua elementalís. Ita Sot. in 4. d. 3. q. unica. art. 1. & 3. Sylu. Baptismus. 2. ex Palud. subdivisit Tolet, lib. 2. cap. 28. n. 2. definit Concil. Trident. sess. 7. de baptis. can. 2. Colligitur ex verbis Christi Domini Ioann. 3. *Nisi quis renatus fuerit ex aqua, &c.*

2 *Int.* Cur hoc sacramentum institutum fuit in ablutione corporis exteriori? *Resp.* Ut significaretur ablutio animæ facta interiùs per gratiam, & sanctificationem, qua illam Deus ab omni peccati labe emundat.

3 *Int.* Poteritne in extrema aquæ penuria, confici hoc sacramentum in aqua ex herbis, floribus, arboribus, aliisve rebus artificialiter expressa, instillatam vocant? *Resp.* Minimè. Ratio est, quia ille humor non est aqua, quamvis propter perspicuitatem, & similitudinem appelletur aqua: sed substantialiter succus est. De ratione verò, & essentia huius sacramenti est aqua naturaliter. Constat ex verbis Christi Domini Ioan. 3. *Nisi quis renatus fuerit ex aqua.* Ità definit Concil. Trident. sess. 7. de baptis. can. 2. ex communi Theologorum, cum Sancto Thoma 3. p. q. 60. a. 5. & 6. & Magist. in 4. d. 3. potest autem fieri in quacunque aqua naturali, quæ naturalium Physicorum, Philosophorumque iudicio aqua sit elementalís. Talis est aqua fluminis, fontis, stagni, paludis, maris, & pluviæ. Ita D. Thom. 3. p. q. 66. art. 4. Sylu. Baptis. 2. quæst. 3. Sot. in 4. d. 3. q. unica. art. 4. Catechism. Rom. pag. 169. Neque impediunt accidentia, nimirum, an sit calida, an frigida, nitida, an turbida, & similia, dummodo substantialiter aqua sit elementalís. Elementalís verò est aqua, quæ colligitur ex vaporibus densa

densatis, cum ex ollæ ore euaporantur, & testaceo tegumento reperiuntur. Item quæ hyemali tempore è parietibus, lapidibusve, velut è fonte fluit. Nam vapores essentialiter aqua sunt. Aqua verò è parietibus manans, aqua est ex aëre humido in aquam verò, iuxta veram philosophiam. Ne tamen professionem moralem transgredi videamur, philosophis id disputandum omitto.

4 *Int.* Quid censes de gelu, & niue? *Resp.* Esse essentialiter aquam: in iis tamen baptizari non posse, quia ut sic, non sunt materia apta ad abluendum. Est verò de essentia huius Sacramenti ablutio. Ideo in iis liquatis confici potest baptismus. Ita communiter Doctores cum Sancto Thom. & alijs, quos refert, & sequitur Sylu. & Sot. proximè citati.

5 *Int.* Quid censes de sale? *Resp.* Negat Angelus Baptif. 4. n. 3. & Sylu. baptism. 2. ad finem, esse materiam baptismi. Affirmant tamen Armil. verb. baptism. n. 23. & Tabien. baptism. 4. n. 8. & meritò; idem enim de sale, atque de niue, geluque dicendum arbitror. Est enim essentialiter aqua maris gelata æstiuo Sole, ac proinde si liquefiat, apta erit materia ad abluendum, & baptizandum.

6 *Int.* Quid intelligis per abluionem? *Resp.* Triplicem actionem: nimirum, vel immersionem, vel effusionem, vel asperisionem. Potest enim baptismus fieri, vel immergendo infantem; vel super eum aquam effundendo, vel illum aqua aspergendo, ita ut gutta tangat baptizatum.

7 *Int.* Adest puteus aquam continens, non est remedium aquam extrahendi, est infans morti vicinus; poteritne proiici in puteum sub forma baptismi, ut baptizetur? *Resp.* Minimè. Ratio est, quia talis proiectio, non est ablutio, sed suffocatio. Ita cum Sylu. baptism. 4. §. 10. Tolet. lib. 2. cap. 19. & communi schola.

De forma huius Sacramenti. §. 4.

- 1 *Quæ est forma Baptismi.*
- 2 *Quæ verba sunt de essentia huius formæ.*
- 3 *Precipue dubitatur de pronomine te.*
- 4 *An sit dicendum in nomine.*

I **INTERROGATIO.** Quæ est forma baptismi? *Resp.* Est hæc. Ego te baptizo in nomine Patris, & Filij, & Spiritus sancti. Amen. Ita habetur ca. de baptism. c. In Synod. de consecrat.

consecrat. dist. 4. in Conc. Florentin. sub Eugenio I V. cap. 5. & Trid. sess. 7. Canon. 4. Colligitur apertè ex verbis Christi Domini Matth. ult. Baptizantes eos in nomine Patris, & Filij & Spiritus sancti.

2 *Int.* Suntne hæc verba de essentia formæ huius Sacramenti? *Resp.* Sunt quidem quoad sensum, non verò quoad vocum terminationem. Enimverò in Ecclesia Græca ita proferruntur. Baptizetur seruus Christi in nomine Patris, & Filij, & Spiritus sancti. De qua forma quamquam olim dubitatum fuerit, vt videre est apud Sylu. *Baptis. i. ad finem* : tamen nunc certum est ex Conc. Florentin. veram esse huius Sacramenti formam. Pronomen ego, excipio, quod non esse de substantia, constans est Doctorum sensus in *cap. Retulerunt. de consecr. dist. 4. D. Thom. 3. p. qu. 66. art. 5. & quæst. 72. art. 4. Victor. in sum. num. 17. Richard. in 4. d. 3. art. 4. Angel. baptismus. 2. num. 1. & alij plures. Ideo secluso contemptu, illud ex negligentia omittere peccatum erit solum veniale. Ita Sot. in 4. p. 3. quæst. unica. art. 5. Relicta verò forma Ecclesiæ Romanæ, baptizare in forma qua vtitur Ecclesia Græca, est mortale. Ita Sotus proximè citatus. Ratio est, quia itur contra ritum Ecclesiæ vniuersalis in re grauissima, & præceptum vsu, & consuetudine roboratum: ob eandem rationem non benè vterentur verbo, nos, loco pronominis, ego, illustres personæ, quæ ex vsu, & accommodatione hominum propter excellentiam dignitatis, ita loqui, & inscribi solent. Imò eos lethalis damnant culpæ propter inusitatam mutationem, D. Thom. 3. p. q. 66. art. 4. & 5. D. Bonau. in d. 5. Scot. d. 6. Palud. d. 3. q. 1. art. 3. Sylu. baptism. 1. q. 6. Armil. ibid. nu. 11. Victor. num. 13. & alij, quos refert, & sequitur Viuald. de baptism. tit. de forma.*

3 *Int.* Singulatim te sciscitaturus sum. Dic, pronomen, Te, estne de essentia sacramenti? *Resp.* Maximè. Ita D. Thom. 3. p. q. 66. art. 5. Scot. in 4. dist. 3. q. 2. art. 3. & ibidem Gab. Sylu. baptism. 1. q. 6. ibi. Armilla num. 5. Nau. cap. 22. num. 3. Victor. num. 18. catechism. Roman. fol. 183. Habeturque in cap. 1. de baptis. & ibi tradit Innocent. quos refert, & sequitur Viuald. de baptism. tit. de forma.

4 *Int.* Estne de essentia huius formæ dicere, in nomine? *Resp.* Maximè. Ita Gloss. c. Hæreticus. de consecr. d. 4. vcr. Nominis. Sylu. baptism. 1. num. 6. cum D. Thom. quem refert Angel. baptism. 2. num. 2. Vict. num. 16. Habetur in Concili. Florentin. & in

in Tridentin. *sess. 7. can. 4.* & communiter asseritur ab omnibus. Ratio est, quia forma huius sacramenti est expressiva sanctissimæ Trinitatis, cum verò sancta Trinitas sit vna essentia, & tres personæ: essentiæ verò unitas significetur nominis unitate, propterea dicendum, in nomine, & non, in nominibus.

De ministro Sacramenti Baptismatis. §. 5.

1 *Quis est minister Baptismi.*

2 *An possit aliquis se ipsum baptizare.*

3 *An Angelus, vel anima separata possit baptizare.*

4 *An plures possint simul baptizare.*

1 **I** N T E R R O G A T I O. Quis est minister huius sacramenti? *Resp.* Proprius sacerdos: hoc est parochus. Ita D. Thom. 3. p. 2. q. 67. art. 1. 2. 3. & 4. Sot. in 4. d. 4. q. unica. art. 1. & 2. Adeo ut absque illius facultate baptizans, peccet mortaliter. Ita Card. Tolet. lib. 2. cap. 20. n. 1. Ang. baptism. 5. n. 1. Sylu. baptism. 2. n. 1. Viuald. de baptis. tit. de ministro. nu. 2. meritò reprehendens Armillam oppositum asserentem. In casu tamen necessitatis, quilibet potest baptizare, etiam fœmina. De hoc scio olim dubitatū fuisse circa hæreticos, depositos, & similes, ut constat ex cap. *Si quis.* & cap. *Quomodo, de consecr. 4. dist.* Tamen hodie est veritas definita in Concil. Florent. sub Eugenio IV. & Lateranensi, sub Innocentio III. & Tridentin. *sess. 7. Can. 4.* Verumtamen seruandus est ordo dignitatis. Et ideo præferendus sacerdos diacono; diaconus subdiacono; subdiaconus clerico in minoribus; inter clericos in minoribus, is qui ad altiorem gradum iam est promotus: clericus in minoribus laico; masculus fœminæ; fidelis infideli. Ita decernitur cap. *Si quis. c. Mulier. cap. In necessitate, de consecr. dist. 4.* D. Thom. 3. p. 2. q. 67. art. 1. Palud. & Sot. in 4. d. 3. Sylu. Arm. & Summistæ verb. *Baptis. Catechism. Rom. pag. 191.*

2 *Int.* Potestne aliquis seipsum baptizare, præsertim urgente necessitate mortis, cum nō adest alius qui illum baptizet? *Resp.* Minimè. Ita notauit cum communi Tolet. lib. 2. c. 20. num. 1. Ratio est manifesta, quia ad verum baptismum requiritur declaratio pronominis *Te*, ut requiritur declaratio pronominis, *Ego*: sed qui seipsum baptizat, necessariò proferre debet, *Ego me ipsū baptizo*; igitur, &c. Neque ex hoc colligitur non satis à Christo Domino Ecclesiæ suæ prouisum,

cum talis adultus , qui seipsum non potest baptizare baptismo aquæ , possit saluari baptismo flaminis , ut iam superius respondi.

3 *Int.* Possentne ex diuina dispensatione minister esse huius sacramenti , Angelus, homo beatus, vel anima à corpore iam seiuncta ? *Resp.* Possent , ac proinde verum conferret baptismum Christi. Ita communiter Doctores , teste Card. Tolet *lib. 1. cap. 20. num. 4.* Ex diuina , dixi , dispensatione, quia ex libera voluntate Angeli , vel animæ , minimè : enimverò ex lege Dei ordinaria reiiicitur ab hoc ministerio.

4 *Int.* Possuntne plures simul baptizare, seu esse simul ministri huius sacramenti ? *Resp.* Tripliciter possunt plures concurrere ad eundem hominem baptizandum. Nimirum , vel vnus proferendo formam, & alius infundendo aquam , quia scilicet mutus manibus utitur , captus verò manibus loqui potest. Vel simul , & proferendo formam , & ministrando aquam , cum intentione baptizandi dependenter simul vnus ab alio , quasi partialiter. Vel simul proferendo formam , & simul ministrando aquam , cum intentione baptizandi independenter ab alio, sed faciendi per se solum , quod facit Ecclesia. Hoc supposito. Dico , si simul concurrant primo , & secundo modo, non facere Sacramentum: si verò concurrant tertio modo, verum conferre baptismum. Ita cum communi Tolet. *lib. 2. c. 20.*

De subiecto capace Sacramenti Baptismatis. §. 6.

1 *De subiecto capace Baptismatis.*

2 *De monstris.*

3 *De infantibus in utero materno.*

4 *De filiis infidelium.*

5 *De furiosis, & amentibus.*

1 **I**N T E R R O G A T I O. Quod est subiectum capax huius sacramenti baptismatis ? *Resp.* Homo viuus, non baptizatus, ante, vel post rationis vsum, habens intentionem, ac voluntatem suscipiendi tale Ecclesiæ Sacramentum, quo fiat cœli particeps, ut Christi membrum , & ouis Ecclesiæ , siue veram , cum scilicet iam rationis vsura fruitur, siue præsumptam cum nimirum ante rationis vsum à parentibus baptismo traditur.

2 *Int.* Quid censes de monstris ? *Resp.* Consulendi sunt philo

philosophi, atque iuxta eorum iudicium de pluralitate individuorum, vel simplicitate loquendum. Ac proinde si plura individua iudicantur, ut plures homines baptizandi sunt: si verò vnum, & vnus baptizandus est. Ita Tolet, *lib. 2. c. 20. n. 6.*

3 *Int.* Quid censes de infantibus adhuc in materno utero inclusis? *Resp.* Si foras manum, pedem, caput, vel quid simile emiserunt, & est periculum in mora expectandi totum egressum, aqua sunt tangendi, cum forma, & sic baptizandi. De tali baptismo facto in capite, certa res est apud omnes cum D. Thom. 3. p. q. 68. art. 4. Archid. c. *Baptizati. d. 5.* de facto tamen in manu, vel pede, vel alia quavis corporis parte, dubitarunt plures. Vera tamen est proposita conclusio, quam tenent Pannorm. Innocent. c. *Debitum, de baptis. Nau. c. 22. n. 7.* & Viual. *de baptis.* Si verò toti adhuc in visceribus matris detinentur, Dei iudicio relinquendi, donec mater animam exhalet, & post animæ exhalationem secunda alius. & si adhuc viuant, ut vivere possunt, iuxta medicorum placitum, baptizandi. Ita communiter Doctores.

4 *Int.* Suntne baptizandi infantes filij infidelium inuitis parentibus? *Resp.* Minimè. Ratio est, quia iure naturali sunt ipsorum parentum. Ita Card. Tolet. *lib. 2. cap. 21. num. 4.* Hoc præcipuè verum est, cum in eorum potestate relinquendi sunt: quoniam exponuntur periculo postea à fide recedendi, cum ad ætatem plenitudinis iudicij venerint, propter parentum prauam doctrinam.

5 *Int.* Suntne baptizandi furiosi, & amentes? *Resp.* Si furiosi, & amentes in furiam, & amentiam inciderunt post usum rationis, & dum eo utebantur, baptismum petierunt, baptizandi sunt. Quod intelligo, nisi existens in notorio peccato mortali, inciderit in phrenesim, à quo noluisse resipiscere, licet baptismi cupidus. Ita Victor. *in sum. n. 20.* & Viuald. *de baptis.* Tunc enim nil illi proderit baptismus ad salutem. Dixi, si in rationis usu baptismum petierunt, quia si noluerunt tunc baptizari, in amentia non sunt baptizandi. Ita D. Tho. 3. p. q. 68. art. 5. & 6. Angel. *bapt. 6. n. 10.* Armil. n. 58. Victor. n. 26. Vigner. *vers. 9.* Sot. 4. d. 5. q. unica. art. 12. Si verò à natiuitate tales sunt, & habent lucida interualla, in lucido interuallo, quo ratione pollent, rogandi, an baptizari velint, & si velint, baptizandi. Si verò à natiuitate tales, nunquam ratione usi sunt, baptizandi sunt.

De dispositione, qua accedere tenentur adulti
ad baptismum. §. 7.

- 1 *An teneatur adultus accedere cum dolore præteritorum peccatorum.*
- 2 *An teneatur accedere cum proposito confitendi commissâ antea peccata.*

1 **I N T E R R O G A T I O.** Qua dispositione accedere debet adultus ad Baptismum? *Resp.* Accedere debet cum dolore præteritorum criminum, & cum proposito cauendi in posterum. Quamobrem, qui in peccato viuit, aut in periculo peccandi, neque occasionem tollere vult, non est baptizandus. Ita D. Thom. 3.p. q. 66. art. 4. & 8. Scot. in 4. d. 4. art. 5. Sot. d. 5. Viguerius de Baptif. n. 9. Vict. num. 3. Text. in cap. Omnis qui. de consecr. d. 4. Atque cum communi Toletus lib. 2. c. 21. n. 5. Dolor autem debet esse vera contritio: aut saltem attritio putata contritio. Ita Nauar. c. 1. an. 37.

2 *Int.* Teneturne accedere cum proposito confitendi commissâ iam peccata, aut pro iis poenitentiam agendi? *Resp.* Minimè. Ratio est, quia peccata ante baptismum commissâ, per baptismum plenè delentur tam quoad culpam, quàm quoad poenam. Ita D. Thom. 3.p. q. 68. art. 5. Viguer. de Baptismo, cum D. Augustino, & D. Ambrosio, quos refert Bonaz. in 4. d. 4. Scot. d. 5. q. unica. art. 6. Richard. dist. 17. Syl. baptif. 4. q. 10. §. 14. Angel. Baptif. 6. Habetur c. ultim. de poen. dist. 7. c. Siue poen. iuncta Gloss. de consecratio. dist. 4. & in Concil. Trident. sess. 5. & sess. 14.

De solemnitatibus Baptismi. §. 8.

- 1 *De necessitate solemnitarum Baptismi.*
- 2 *Quid sibi volunt solemnitates Baptismi.*

1 **I N T E R R O G A T I O.** Quid censes circa earum solemnitarum necessitatem? *Resp.* Non sunt de necessitate sacramenti, sunt tamen de necessitate præcepti. Ideo illas absque necessitate cogente omittere peccatum est mortale. Atq; imprimis extra Ecclesiam baptizare absque eadem necessitate grauiter prohibet Victor papa I. in Epistol. ad Theophilum, vt habetur in summa Concil. sol. 4. & in Clem. 1. de Baptif. Deinde cum acciderit, quia puer pro necessitate domi baptizatus vixerit,

xerit, arbitror eum postea in Ecclesia ceremoniis solitis recipiendum.

Dubium tamen est non leue. An si post peractas, transactasque ceremonias, comperiat puerum non fuisse verè baptizatum, repetendæ sint huiusmodi ceremoniæ. Affirmat Victor. in *sum. de baptis. num. 37*. Merito tamen negat Viual. de *baptis. argumento ducto à ceremoniis matrimonij*, post quas si ob impedimentum occultum nuptiæ inueniantur nullæ, domi secretò, non verò in publico celebrandæ sunt inter ipsos solos contrahentes, amoto impedimenti obstaculo per dispensationem, propter scandalum. Quod idem videtur dicendum de baptismo nulliter factò in publico.

2 *Int.* Quid sibi volunt ceremoniæ baptismi? *Resp.* Exsufflatio significat expulsionem dæmonis Ideò fit in modum crucis, qua dæmones quasi pulvis à facie venti effugantur. Salis gustatio spiritualium rerum gustum, & suauitatem. Saliva tum naribus, tum auribus apposita apertionem sensuum spiritualium. Olei unctio inter scapulas, & in pectore, & in scapulis, subiectionem Christiani militis ad portandum iugum Christi, ad pugnandum pro eo, & aduerso pectore suscipienda vulnera, ad humiliandum caput, obediendo Christi Ducis præceptis. Imò etiam ad illud opponendum pro iis, cum Petro: *Domine, si oportuerit me mori tecum, non te negabo*. Candida vestis significat animæ candorem per baptismum comparatum. Lucerna ardens in manibus, significat fidem operibus comprobandam, & hominibus ostendendam, iuxta illud Christi Domini: *sic luceat lux vestra coram hominibus, ut videant opera vestra bona, & glorificent patrem vestrum qui in cælis est*. Ita Tolet. *lib. 2. cap. 23*, paucis mutatis, & additis.

De Patrini Baptismi. §. 9.

- 1 *De numero Patrinatorum.*
- 2 *An possint esse duo viri simul.*
- 3 *An parochus debeat Patrinos designare.*
- 4 *Qui prohibentur in iure esse Patrini.*

1 **I** N T E R R O G A T I O. Quot Patrini assumi possunt in Baptismo? *Resp.* Vnus, siue vir, siue mulier. Vel ad summum vnus, & vna. Ita decreuit Conc. Trid. de *reform. sess. 24. c. 2*. Addit verò sancta Synod. Quod si alij ultra designatos baptizatum teti-

gerint, cognationem spirituales nullo pacto contrahant. Qua in re voluit sancta Synodus renouare statutum *cap. Non plures. de consecrat. dist. 4.* disuetudine abolitum.

2 *Int.* Possuntne assumi duo viri, ut unus vicem suppleat mulieris? *Resp.* Minime. Notat Tolet. *lib. 2. cap. 23. nu. 4.* Explicuit Congregatio Cardin. *n. 490.* Suadet ratio. Quoniam baptismus est generatio quædam spiritualis: & ideo debet conformari generationi naturali; atqui ad generationem naturalem requiritur mas, & femina; ergo ad generationem spirituales vir, & mulier. Neque in hoc Episcopus dispensare potest. Quia non est supra Concilium, oppositum decernens.

3 *Int.* Circa sacri Concilij verba; Quod si alij ultra designatos, baptizatum tetigerint, & cognationem spirituales non contrahant, dubium graue suboritur, an parochus debeat Patrinos designare? *Resp.* Huius dubitationis meminit Viuald. *de baptis. motæ iam à Nauarro l. 22. n. 38.* Dico igitur cum iis parochum debere à parentibus rogare, quos designant in Patrinos. Quod si ex incuria, aut negligentia parentum, & parochi, imò ex culpa vtrorumque, pluresque vno, vel duobus baptizandum tangerent, omnes credit Nauarrus, & Viualdus verè esse Patrinos, vera contracta cognatione spirituali. Ratio eorum est. Quia nouum Concilij ius valet, cum sit designatio Patrinatorum; ergo ubi facta non fuerit, standum erit iuri antiquo. iuxta *L. Præcipimus. Cod. de appell.* iuxta quam non est à iure antiquo recedendum, nisi quoad in nouo clarè excepta. At verò ex iure antiquo, seu potius ex consuetudine antiqua, tot erant Patrini, quot baptizandum tangebant; ergo & modo.

4 *Int.* Qui prohibentur in iure esse Patrini? *Resp.* In primis. Homo non baptizatus. *cap. in Baptismate, de consecrat. dist. 4.* & ibi Gloss. Angel. *baptis. 8. n. 2.* Sylu. *baptism. num. 5.* Armil. *ibid. num. 37.* D. Thom. *in 4. d. 24. art. 1. q. 3.* Richard. *ibid.* Nau. *cap. 22. num. 46.* Deinde. Quiuis Religiosus. *cap. Non licet. 1. de consecr. dist. 4.* & *cap. Placuit. 2. 16. q. 1.* Ita supra citati Doctores. Tertio. Mutus homo, & muta mulier. Ita decernitur *cap. Paruuli. de consecr. d. 4.* & notat Anchar. in Rub. *de cognat. spirituali lib. 6. num. 4.*

- 1 *Quid est cognatio spiritalis.*
- 2 *Inter quas personas contrahitur.*
- 3 *An contrahatur ex solo Catechismo.*
- 4 *An contrahatur à non baptizato.*
- 5 *An contrahatur à patribus suscipientibus è sacro fonte proprium filium.*
- 6 *An contrahatur à patre , vel matre baptizante proprium filium.*
- 7 *An Bertha mater maneat cognata mariti Ioannæ suæ cōmatris.*
- 8 *Quis est effectus huius cognationis.*

1 **I** N T E R R O G A T I O. *Quid est cognatio spiritalis proueniens ex baptismo ? Resp.* Est attinentia duarum personarum inter se ratione Sacramenti baptismatis iuxta Ecclesiæ statutum, ita decernentis , vt tales ac tales personæ postea maneant inter se cognatæ spiritaliter : ita colligitur ex Nauar. c. 12. n. 36. & ex D. Thom. cum communi in 4. d. 40. Vnde manifestum est hanc cognationem esse de iure positiuo tantum.

2 *Int.* Inter quas personas acquiritur huiusmodi cognatio? *Resp.* Ommissa iuris antiqui determinatione , per Conc. Trid. omnino sublata, ita nouiter decreuit dictum sacrum Concil. sess. 24. cap. 2. de reform. his conceptis verbis ; Sancta Synodus statuit, vt vnus tantum, siue vir, siue mulier, iuxta sacrorum Canonum instituta, vel ad summum vnus, & vnâ baptizatum de baptismo suscipiant. Inter quos, & baptizatum ipsum, & illius patrem , & matrem : nec non inter baptizantem , & baptizatum, baptizatique patrem , & matrem tantum spiritalis cognatio contrahitur. Hæc Concilium.

3 *Int.* Contrahiturne hæc cognatio spiritalis ex Catechismo , ac ceremoniis , quibus suscipitur in Ecclesia infans domi propter necessitatem baptizatus, si alij assumantur Patrimi ab iis , qui domi sunt sumpti ? *Resp.* Minimè. Ita Nauar. c. 12. n. 40. & Tolet. lib. 2. c. 23. n. 5. Oritur tamen iuxta eosdem Auctores impedimentum impediens matrimonium inter eos, inter quos dirimit hæc cognatio spiritalis ; probatque Nauar. ex c. Per Catechif. de cognat. spir. lib. 6. Ire verò contra hanc iuris determinationem , & contrahere matrimonium, existimat Toletus esse peccatum graue.

4 *Int.* Contrahítne huiusmodi cognationem spirituales non baptizatus baptizans, aut suscipiens baptizatum? *Resp.* Minimè. Ita D. Thom. in 4. d. 42. q. 1. ad 3. & q. 2. ad 3. Palud. ibidem. q. 1. num. 8. Sot. q. 1. art. 3. Syl. matrim. 8. q. 3. Nauarr. cap. 21. num. 36. Gloss. cap. in baptis. de consecrat. dist. 4. Ratio est manifesta, quia huiusmodi cognatio cadit super eas personas, quæ Ecclesiæ præceptis subiacent: non baptizatus verò Ecclesiæ non subiaceret. Ex eodem fundamento oppositum est dicendum de hæretico, quia baptizatus, & Ecclesiæ subditus est. Ita Nauar. cap. 12. num. 35.

5 *Int.* Contrahúntne hanc cognationem spirituales pater, & mater suscipientes, ut Patrini, proprium filium è fonte sacro? *Resp.* Contrahunt. Ita Viuald. Sylu. Armil. Angel. & alij Summistæ verb. Baptismus. Probatur ex cap. Ad limina. 30. q. 1. Ratio esse potest, quia hæc susceptio non est de necessitate Sacramenti, ut manifestum est, & probat Sot. in 4. dist. 5. quæst. unica. artic. 9. Ergo nullus dari potest euentus, in quo ipsi parentes cogantur suscipere, tanquam veri Patrini proprium filium.

6 *Int.* Contrahúntne eandem spirituales cognationem iidem parentes inter se baptizantes proprium eundem filium? *Resp.* Baptizantes absque necessitate cogente, contrahunt. Ita citati supra Doctores. Baptizantes verò cogente necessitate, si coniuges sint legitimi, non contrahunt: si Patres fornicarij sint, contrahunt. Ita Nauarr. cap. 22. num. 40. probatque ex cap. Ad limina. 30. quæst. 1. habeturque in cap. 1. de cogn. spirit. lib. 6.

7 *Int.* Contrahítne Bertha cognationem spirituales huiusmodi cum marito Ioannæ, quam matrinam habet per susceptionem proprii filij Berthæ? *Resp.* Minimè. Et ideo mortuo marito, & mortua Ioanna, potest illi nubere. Ita decrevit Pius V. in Bulla incipiente, Cum illius vicem. Data Romæ anno 1566.

8 *Int.* Quis est proprius effectus huius cognationis? *Resp.* Respondebo statim, si tibi placuerit; quia tamen hac de re Doctores omnes ad matrimonij impedimenta quæstionem seruant, ibi me iterum interrogabis.

De effectibus Baptismi. §. 11.

1 Quot sunt effectus Baptismi.

2 An amoto obice, redeat gratia sacramenti Baptismi.

I I N T E R

I N T E R R O G A T I O. Quot sunt effectus Baptismi?
Resp. Quatuor. Primus est remissio omnis culpæ tam originalis, quam actualis ante ipsum commissæ. Et absoluta remissio pœnæ, eisdem culpis debitæ. Ita Concil. Florent. & Tridentinum *cap. Per baptisf. de consecrat. dist. 4.* ex D. Ambro. quem refert, & sequitur Magister in *4. dist. 4.* Secundus effectus est infusio gratiæ. Victor. cum communi, & Catholico sensu *num. 21.* Ideo confert ius ad regnum cœlorum, *cap. Maiores.* & ibi Gloss. *de Baptisf.* Tertius effectus est character, qui est qualitas quædam animæ baptizati à Deo impressa in signum Christianæ militiæ. Vt iam dixi, cum egisti de sacramentis in genere. Quartus effectus est, tollere omnem irregularitatem præter eam, quæ orta fuit ex bigamia. Ita Maiolus *lib. 5. cap. 51. num. 10.* Couarr. in *Clement. Si furiosus. 1. p. §. 2. n. 2.* Viuald. *de baptisf.* Tollit etiam omnem infamiam. Ita Angel. & Syluest. *verb. baptismus.* Sot. in *4. dist. 6. quæst. 1. art. 5. 6. & 7.* quos refert, & sequitur Viuald. citatus.

2 Int. Circa infusionem gratiæ dicito. Qui suscipit sacramentum Baptismi cum obice ad gratiam, sublato obice redditne gratia? *Resp.* Explico plus propositam dubitationem. Accedit quis ad baptismum in peccato mortali, non recepit gratiam, vt certum est: Rogo, vtrum obtenta venia peccati per veram contritionem, detur illi gratia ex vi sacramenti baptismi antea suscepti? *Resp.* Datur. Ita habetur *c. Tum valere. de consecr. dist. 4.* Docet Victor. ex communi. *tit. de baptisf. n. 23.* & Sot. in *4. dist. 18. q. 3. art. 3.*

C A P V T III.

De Sacramento Confirmationis.

De auctore, & definitione Sacramenti Confirmationis. §. 1.

- 1 *An Confirmatio sit Sacramentum.*
- 2 *A quo sit institutum.*
- 3 *Quid significet nomen Confirmatio.*
- 4 *Quo pacto definitur Sacramentum Confirmationis.*

I N T E R R O G A T I O. Estne confirmatio sacramentum? *Resp.* Maxime. Ita decreuit Concil. Florent. & Trid. *sess. 7.*

sess. 7. Can. 2. habetur cap. Ad abolendam. de hæret. & Can. 2. de Confirm. Probat latè Couarr. 1. resolut. cap. 10. num. 1. Victoria num. 40. de Confirmat. Viguerius in Institut. Cathol. & omnes communiter.

2 *Jnt.* A quo est institutum? *Resp.* A Christo Domino. Probat latè Victoria, & Cou. locis citatis. Ideo cautè legendus D. Bonavent. & Alens. cum videntur opinari istud sacramentum institutum fuisse ab Ecclesia. Piè tamen eos interpretari oportet, nimirum intellexisse, fuisse ab Ecclesia promulgatum, & vt verum sacramentum à Christo Domino institutum, receptum, ad praxim, vsúmque deductum.

3 *Int.* Quid significat nomen Confirmatio? *Resp.* Significat robur animi. Ita Viguer. de Confirm. tradit text. cap. 1. de sacr. Vnctio. per front.

4 *Int.* Quo pacto definiri potest? *Resp.* Est Sacramentum, in quo Episcopus vngit baptizati frontem chrismate consecrato, sub certa verborum forma, ad accipiendum vitæ spiritualis robur, vt intrepidè profiteatur fidem coram Euangelij veritatem oppugnantibus. Ita Magist. in 4. sent. & D. Tho. 1. p. q. 72. Colligit Canis. in doct. Christ. c. 1. de Confirm.

De materia Sacramenti Confirmationis, §. 2.

- 1 Sanctorum Chrisma est materia sacramenti Confirmationis.
- 2 Quid est sanctum Chrisma,
- 3 An balsamum sit de essentia chrismatis ex necessitate Sacramenti.
- 4 An sit de necessitate præcepti.
- 5 An consecratio chrismatis sit de necessitate Sacramenti.
- 6 An Chrisma debeat esse nouum.

1 **I** N T E R R O G A T I O. Quæ est materia sacramenti Confirmationis? *Resp.* Est Chrisma. Ita respondet Tolet. lib. 2. cap. 24. num. 2.

2 *Int.* Quid est Chrisma? *Resp.* Est oleum oliuarum balsamo permixtum, ab Episcopo consecratum. Ita habetur cap. 1. de sacr. vnct. & in Concil. Brachar. 2. cap. 4. Conc. Florent. sub Eugenio I V. docet Catechis. Roman. pag. 223. Syl. & Armil. verb. Confirm. num. 2. Victor. num. 41. Nauar. cap. 22. num. 8. & communiter Doctores.

2 *Jnt.* Estne balsamum de essentia Sacramenti? *Resp.* Res est controuersa. Affirmantem partem sequitur Tolet. lib. 2. cap. 24.

cap. 24. eamque appellat communem : quoniam eam asserere videntur Adrian. Palud. Durand. teste Couar. negantem tamen sequuntur Auctores in sequenti citandi, résque videtur certa ex cap. Pastoral. de sacrament. non iterand. notat Viuald. de sacrament. tit. de requisitis. num. 3.

4 Int. Estne de necessitate præcepti ? Resp. Maximè. Ita Caiet. 3. p. d. 62. art. 2. Sot. in 4. dist. 7. q. 1. art. 1. ViCTOR. de Confirm. num. 41. Nauar. cap. 22. num. 9. Couar. lib. 1. resolut. cap. 10. num. 4. Habetur c. Pastoral. de sacrament. non iterand. c. 1. de sacr. unctio. c. Nouissimè. de consecrat. d. 5. c. 1. Ideo Toletus affirmat peccare mortaliter, iuxta omnium Doctorem sensum, illum qui oleo sine balsamo confirmaret.

5 Int. Estne de essentia sacramenti, vt Chrisma sit consecratum ? Resp. Maximè. Ita D. Thom. 3. q. 73. art. 3. Scot. Durand. Palud. Marfil. quos refert, & sequitur Viuald. de sacr. Confirm. tit. de materia. n. 4. Summistæ verb. Confirmat. Syl. num. 2. Angel. num. 3. ViCT. num. 42. Nauar. cap. 22. n. 8. Canonistæ cum Gloss. in cap. Prouenit. 95. distinctione.

6 Int. Estne opus, vt Chrisma sit nouum, hoc est, consecratum eodem anno ? Resp. Non est opus ex necessitate sacramenti. Si enim fiat sacramentum cum Chrismate veteri, hoc est, consecrato iam præteritis annis, verum conficietur sacramentum. Est tamen opus ex necessitate præcepti, nam c. Si quis de alio. de consecr. d. 4. præcipitur vt hoc sacramentum fiat cum Chrismate nouo: vetus autem Chrisma comburatur. Ideo grauiter peccabit Episcopus, qui absque necessitate confirmaret Chrismate præcedentis anni. Ita Cardin. Tolet. lib. 2. cap. 24. num. 2.

De forma & ministro Sacramenti Confirmationis. §. 3.

1 Quæ est forma.

2 Quis est minister.

3 An possit esse minister simplex sacerdos ex licentia Papæ.

4 An possit esse Vicarius Episcopi, ex licentia eiusdem Episcopi.

1 INTERROGATIO. Quæ est forma huius sacramenti ? Resp. Est hæc, Consigno te signo Crucis, & confirmo te Chrismate salutis, in nomine Patris, & Filij, & Spiritus sancti. Amen. Ita Concil. Florent. sub Eugenio I V. Ita D. Tho. 3. p. q. 71. art. 3. & 4. ibidem Caiet. ViCTOR. de Confirmat. num. 44.

Nauarr.

Nauarr. *cap. 22. num. 8.* Sot. *in 4. d. 3. qu. 1. art. 5.* Catechismus Rom. *pag. 235.* Fuit autem hæc forma à Christo Domino, tanquam ab auctore Sacramentorum edocta, sicuti ab ipsis Apostolis Ecclesia sancta accepit. Ita Angel. *Confirmatio. n. 9.* Viguer. *in Instit. Cathol. n. 2.* Catechif. Romanus ex Fabiano Papa, *pag. 224. & 225.*

2 *Int.* Quis est minister ordinarius huius sacramenti? *Resp.* Episcopus solus. Ita habetur *cap. Manus. cap. Nauissimè. cap. Vt Episcopi. de consecrat. distinct. 5.* Tradiderunt summi Pontifices Eusebius *Epist. 1.* Leo *epist. 88.* Innocent. I. *Epist. 1. cap. 3.* Greg. *in Regist. 3. epist. 1.* Ioann. I I I. *epist. 1. & alij,* quos refert Canisius *cap. 3. de Confirm. & Catechif. Roman. pag. 22.* Decreuit Concil. Flor. sub Eugen. I V. & Trident. *sess. 7. can. 3. & sess. 23. can. 7.* Ostendit Couar. *lib. 1. resolut. cap. 10. num. 14.* Quam potestatem habent Episcopi ab ipso iure diuino Christi Domini, tanquam legitimi Apostolorum successores, ut ostendunt Couar. & Viguer. locis citatis.

3 *Int.* Potestne simplex sacerdos ex commissione Papæ, Chrisinate ab Episcopo consecrato confirmare? *Resp.* Obfirmato animo negarunt *in 4. d. 7. D. Bonauent. Maior, Gabr. Scot. qu. 11. Durand. qu. 3. & 4. Adrian. de Confirm. Castro de hæresib. verb. Confirmatio. cap. 20. num. 6.* quos refert Viuald. *de Confirm. tit. de ministro. num. 4.* Affirmant tamen communiter moderni Theologi. Sot. *in 4. d. 7. qu. 5. art. 11.* Ledesm. *1. 4. qu. 15. art. 11.* Viçt. *de Confirm. 50.* Ferrar. *4. contra Gent. cap. 60.* Adducunt pro se D. Thomam *3. p. q. 72. art. 11. ad 1. & ibid. Caietan. art. 3. Alenf. 4. p. q. 28. memb. 1. art. 3. D. Anton. 3. p. tit. 14. §. de ministro. Richard. in 4. d. 7. qu. 1. art. 2. Paludan. q. 4. Marfil. qu. 5. art. 3. Capr. q. 5.* Affirmant Canonistæ moderni, Nauarr. *c. 22. num. 8.* Lindan. *lib. 4. Panopliæ. c. 26.* Affirmant Summistæ *verb. Confirm. Angel. n. 2. Armil. n. 3. Syl. & alij.* Probant ex Gloss. *cap. Peruenit. 95. distin. vbi narratur eam facultatem concessisse D. Gregorium.* Ideo hæc affirmans pars omnino tenenda, propter tantorum Auctorum sensum. Quæ quidem videtur probari textu expresso *cap. Quanto. de consuetudin. §. 1.* cuius hæc sunt verba. Sua temeritate, secus si nostra auctoritate. Ergo si auctoritatem imploraret Apostolicam, sacramentum conficere posset ille temerarius sacerdos sua propria auctoritate confirmans. Non mihi tamen probatur adnotatio Viualdi, deducentis probationem propositæ conclusionis ex eo quod Concil.

Concil. Trid. in session. 7. Canon. 3. definiat ordinarium ministrum huius sacramenti esse Episcopum: argumentatur enim sic. Ordinarius minister est Episcopus; ergo delegatus erit sacerdos. Non mihi probatur, quia multa sacramenta habent ordinarium ministrum, quæ quidem non admittunt delegatum: talis est Eucharistia, Ordo, Matrimonium.

4 Int. Rogo ulterius, an possit Episcopus hanc etiam facultatem committere suo Vicario sacerdoti? Resp. Minimè. Ratio est, quia hæc potestas est ordinis: Episcopus verò solam potestatem iurisdictionis potest suo Vicario concedere.

De modo conferendi hoc Sacramentum. §. 4.

- 1 An vñctio sit de necessitate.
- 2 Quæ corporis partes sunt vngendæ.
- 3 Cur vngatur frons.

1 INTERROGATIO. Estne vñctio de necessitate sacramenti? Resp. Est quidem. Ita Card. Tol. lib. 2. c. & n. 3.

2 Int. Quæ corporis partes sunt vngendæ? Resp. Vngenda est frons. Ita præcipitur cap. 1. §. fin. de sacrament. vñct. cap. Presbyterij. de consecrat. d. 4. Institut. lib. 4. de confirm. §. Accedent. ibi Gloss. v. b. frontem. Ita Syl. verb. confirmatio. q. 4. Nauar. c. 22. num. 8. D. Thom. 3. p. q. 72. art. 9. Quod immeritò negavit Viçt. de confirm. num. 51. cum aliquibus.

3 Int. Quare hæc vñctio fit in fronte? Resp. Vt confirmati manifeste se ostendant esse Christi milites. In hoc enim Sacramento Christianus fit Christi miles, cuius signo crucis in fronte munitur ad fortiter dimicandum contra fidei hostes, eamque palam, timore procul, & rubore profitendam. Ita Viguer. in institut. cathol. confirmat. versu 2. & Catechis. Roman. pag. 233.

De obligatione sumendi hoc Sacramentum Confirmationis. §. 5.

- 1 An sit præceptum suscipiendi Sacramentum confirmationis.

1 INTERROGATIO. Estne Sacramentum confirmationis suscipiendum ex præcepto. Resp. Dico primum. Nul- lum reperitur diuinum præceptum de Sacramento Confirmationis suscipiendi. Ita Viuald. cum communi. tract. de hoc præcepto.

cepto. Dico *secundum*. Mortale peccatum est, sacramentum Confirmationis non suscipere ex contemptu. Ita Victor. de *Confirmat. num.* 46. Nauar. *cap.* 22. *num.* 9. Dico *tertium*. An peccatum mortale sit, Confirmationem non suscipere ex crassa negligentia, controuertunt Doctores. Affirmant in 4. d. 7. Richard. & Bonauent. *qu.* 2. *art.* 3. Durand. *qu.* 1. Marfil. *qu.* 5. *art.* 4. Palud. & Maior. Syluest. *Confirmatio.* Petr. Soto *lect.* 2. de *Confirm.* Negant veruntamen moderni cum Adrian. 4. de *Confirmat.* Scot. in 2. d. 7. *quæst.* 11. Couar. *lib.* 1. de *resolut. n.* 9. Caiet. 3. p. q. 72. *art.* 8. Sot. in 4. d. 7. *quæst.* 1. *art.* 8. Victoria, & Nauarr. locis proximè citatis. Dico *quartum*. Concil. Trident. *sess.* 23. *cap.* 4. de *reformat.* præcipitur Episcopis, ne admittant ad primam tonsuram nisi confirmatum. Cum igitur hoc præceptum non ordinandis, sed Episcopo ordinanti Concilium imponat, non videntur etiam post Concilij decretum peccare mortaliter ordinandi, si absque hoc suscepto sacramento, accedant ad primam tonsuram suscipiendam. Ita Sot. in 4. *dist.* 7. q. 5. *art.* 6. & 9. *dist.* 24. q. 1. *art.* 4. sicuti ante Concilium docuerunt D. Thomas in *addition. qu.* 45. *art.* 5. Ledesma 2. 4. *quæst.* 73. *art.* 4.

De effectibus sacramenti Confirmationis. §. 6.

I N T E R R O G A T I O. Quot sunt effectus huius sacramenti? *Resp.* Tres, duo quidem ex vi ipsius Sacramenti secundum se sumpti; tertius ex impositione Ecclesiæ. Effectus orti ex vi ipsius Sacramenti secundum se sumpti, sunt gratia, & character, ut iam ostendi in materia de Sacramentis in genere. Effectus ex impositione Ecclesiæ, est cognatio spiritalis, eadem atque oritur ex Sacramento Baptismi. Ita decreuit Conc. Trid. *sess.* 24. c. 2. Ideo Patrinus debet esse vnus, vel ad summum vnus, & vna. c. Non plures. de *consecrat. dist.* 5. Notant Angel. *Confr. num.* 1. Syluest. & Vigner. *ibid.* Itidem cognatio solùm contrahitur inter confirmatum, & confirmantem, confirmatque patrem, ac matrem, & inter suscipientem, ac susceptum, susceptique parentes. Assumere verò in hoc sacramento Patrinum, est de necessitate præcepti, quod transgredi, est peccatum mortale. Docent Syluest. *Confirmatio. ibid.* Vigner. Nauar. *cap.* 22. *num.* 9. §. Quanto peccat. Catech. Rom. pag. 237.

De

De subiecto capace Sacramenti Confirmationis: &
tempore, quo est conferendum. §. 7.

1. *Quibus est conferendum Sacramentum Confirmationis.*

2. *In qua ætate est conferendum.*

I N T E R R O G A T I O. *Quibus est conferendum Sacramentum Confirmationis?* Resp. Omnibus baptizatis. Concil. Trident. session. 7. *Can. 1. cap. Omnes fideles. cap. Nouissimè. de consecratio. d. 5. c. Si quis. de presbyter. non baptiz. & Doctores omnes.* Ratio est, quia character Confirmationis supponit characterem Baptismatis: ideo Baptismus appellatur ianua Sacramentorum, quia ad omnia alia suscipienda est ianua.

2. *Int. Cuius ætatis Christianus est capax huius Sacramenti?* Resp. Hac de re multiplices fuerunt opiniones. Gloss. cap. *Vt ieiuni, de consecration. dist. 5.* & alij opinati sunt, expectandos esse annos pubertatis, hoc est, duodecim, D. Anton. & Cate. Rom. pag. 230. arbitrantur expectandum esse tantummodo septennium. Ratio eorum est, quia debet expectari tempus, quo pueri recordentur susceptæ Confirmationis, & ideo in hoc Sacramento impingitur alapa, ut Confirmati postea recordentur, iuxta Sylu. *Confirm. num. 4.* Dicendum veruntamen quouis tempore post baptismum posse conferri, ac suscipi Confirmationem. Ita D. Thom. in 4. d. 7. Vvalden. *de sacrament. tom. 2. cap. 55.* quos refert, ac sequitur Petr. Soto *de Sacrament. Confirm. lett. 2.* Angel. Sylu. Gabriel. quos refert, ac sequitur Viçt. *de Confirmation. num. 94.* Et ita obtinet praxis in Hispania, ut duorum annorum infantes confirmentur. Pro memoria verò habentur commentarij in Ecclesiarum scriniis, in quibus referuntur nomina Confirmatorum, Confirmantis, & Patrinorum.

C A P V T IV.

De Sacramento sacrosanctæ Eucharistiæ.

De auctore, & definitione diuinæ Eucharistiæ. §. 1.

1. *An sit Sacramentum.*

D d

2. *A quo*

2 *A quo fuit institutum.*3 *Quando fuit institutum.*4 *Quo pacto definitur.*

1 **I N T E R R O G A T I O.** Estne diuina Eucharistia vnum à septem Sacramentis nouæ Legis? *Resp.* Maximè. Ita habetur *cap. Ad abolendam, de hæret. & in Concil. Florent. ac Trident. sess. 7. de sacr. in gen. can. 2. & sess. 13. c. 2.*

2 *Int.* A quo fuit institutum? *Resp.* à Christo Domino. Ita habetur *c. Cum Martha. de celebration. Miss. Clem. vnic. de reliq. & vener. sanct. in Conc. Florent. & Trid. sess. 13. c. 1. & 2.*

3 *Int.* Quando fuit hoc Sacramentum institutum? *Resp.* In vltima cœna. *Matth. 26. Mar. 14. Luc. 22. 1. Cor. 11.* decreuit Conc. Trident. *sess. 13. cap. 1.*

4 *Int.* Quo pacto definitur? *Resp.* Est sacramentum, in quo sub speciebus panis, ac vini simul, vel seorsim verè, & realiter continetur corpus, & sanguis, vna cum anima, & diuinitate Domini nostri Iesu Christi. Ita Magist. in *4. dist. 8. D. Tho. 3. p. q. 73. art. 4. Nauar. c. 22. n. 10. Viêt. de Euchar. n. 52.*

De materia Sacramenti Eucharistiæ, quoad Corporis consecrationem. §. 2.

1 *Panis est materia diuina Eucharistiæ.*2 *Quis panis.*3 *An sit apylum.*4 *An sit far.*5 *An tollat veritatem materiæ admistia aliorum granorum.*6 *An sufficiat ad materiam, adiungere grana cum aliquo liquore expresso ab ipsis granis.*7 *An massa sit apta materia.*8 *An panis debeat esse azymus.*

1 **I N T E R R O G A T I O.** Quæ est materia huius Sacramenti, quoad consecrationem corporis? *Resp.* Panis. *c. Firmiter. §. vna. de sum. Trinit. & fid. Cathol. c. Martha. de celebrat. miss. cap. In Sacramento. cap. Cum omne. de consecrat. d. 2. Conc. Trident. per totam sess. 13.* Est sensus omnium Cathol. cum D. Thom. *3. p. q. 74. art. 3. Alens. 4. p. q. 33.* Docuit D. Paul. *1. Cor. 11. Accipit panem, &c.*

2 *Int.* Quis panis esse debet? *Resp.* Vtualis. Ita nemine discrepante

scреpante torrens Doctorum. Est verò panis vsualis ille, cuius materia est à natura ipsa data in alimentum hominum. Talis est triticeus, quia triticum à natura ipsa procreatum est ad alédos homines. Talis non est hordeaceus, quia hordeum natum est ad nutriendos equos, & mulos. Talis non est miliaceus, quia milium est nutrimentum auicularum. Neque fursurosus, hoc est ex fursuribus tritici confectus, quia est nutrimentum canum. Neque alius cuius confectus ex saccharo, & amygdalis: moderni Grammatici appellant panem marcium. Nostrates materna lingua appellant maçapano. Neque panis ex radicibus tritis confectus, quo vescuntur Brasili Barbari, ligneam vocant farinam. Neque confectus ex oriza, hoc est de arroz. De pane autem typhaceo, seu farragineo, seu siligineo, hoc est, de Centeo (Typha enim, farrago, & filigo apud Grammaticæ professores, significat centeo) controvertunt Doctores Theologi. Neque immeritò, quia ille secundum communem sententiam, est panis vsualis; hoc est, à natura ipsa datus ad hominum sustentationem; & est quædam tritici species à tritico degenerans. Ita D. Tho. 3. p. 2. q. 74. art. 3. Armil. Euchar. n. 1. Argent. in 3. d. 11. q. 2. art. 1. Viçt. in sum. num. 55. Sot. in 4. d. 9. quæst. vnic. art. 3. Panis verò vsualis est sufficiens materia, vt docet D. Damascen. lib. 4. fidei cap. 14. De spelta, seu lolio, (nostrates vocant ioco) & auena (nostrates vocant auea) etiam dubitant, an sit species tritici, aiuntque plures, quia propter glebæ maciem degenerat triticum à nobilitate seminis, vt habetur cap. Nasci. 56. dist. 6. cap. Vetus. 24. quæst. 1. Ideo affirmant esse sufficientem materiam diuinæ Eucharistiæ. Ita Alber. & Petr. quos refert Syluest. Euchar. quæst. 3. insinuat D. Thom. 3. p. 2. q. 74. art. 3. ad 2. vt refert Armil. verb. Euchar. num. 1. Tenent Argent. Caiet. & alij, quos refert, & sequitur Sotus in 4. dist. 9.

3 Int. Quid dicis de amylo? Resp. Amylum est farina è tritico in aqua putrefacto, & corrupto expressa (nostrates appellant amido) ideo in pane ex amylo confecto, fieri nequit consecratio. Ita D. Thom. Sylu. Viguer. & Viçt. sup. Angel. Euchar. n. num. 4.

4 Int. Quid dicis de farre? Resp. Dico, quod huic tritæ & ab omnibus Theologis tractæ quæstioni, dederit immeritò occasionem nominis Etymologiæ ignorantia; quod nomen perperam ab auctoribus scribitur per duplex RR. Far enim

nil aliud significat quàm panem, vt videre est apud Plinium *lib. 18. cap. 8.* Ideo de farre, atque de pane eadem mouenda est quaestio. Hanc ob rem nulla de farre peculiaris est dubitatio.

5 *Int.* Tollitne veritatem materiæ admistio diuerforum granorum à tritico? *Resp.* Si in parua quantitate fit talis mistio, minimè. Ratio est, quia adhuc retinet veram substantiam triticeam. Ita communiter Doctores in 4. d. 11. quam refert, & sequitur Angel. *Euch. 1. n. 8. Sylu. q. 2. Armil. nu. 2. Viguer. D. Thom. 3. p. q. 74. art. 4.* Quod si per talem misionem per physicam transmutationem non fiat eadem tritici substantia, sed adhuc physicè substantia aliorum granorum integra permaneat, remanet Christus Dominus sub speciebus triticeis, non verò sub speciebus aliorum granorum, quas Deus nouit integras permanfisse. Ita Gloss. c. *Sacramento. de cens. dist. 2.*

6 *Int.* Quoniam panis fit ex massa adiuncta ex pluribus granis: massa verò fieri nequit, nisi adiuncto liquore. Quaero an sufficiat ad materiam Eucharistiæ adiungere grana cum liquore expresso ab ipsis granis, per contusionem in mortariolo? *Resp.* Minimè. Sed ad necessitatem sacramenti requiritur, vt materia facta ex farina, & aqua naturali (quia hæc sola est aqua, nam alij succi ab herbis per igneum calorè expressi, sola similitudine appellantur aquæ.) ita D. Thom. 3. p. q. 74. art. 4. cum Innocent. de celeb. mis. quem refert Scot. & Richard. quos refert & sequitur Armil. verb. *Euch. n. 6. Sylu. q. 2. Angel. n. 7. Petr. Sot. lect. 14. Sot. in 4. dist. 9. q. 1. art. 6. Gloss. c. Sic in sacrificando. verb. calix. de cons. d. 2.*

7 *Int.* Potestne fieri consecratio in massa? *Resp.* Minimè. quia vt sic non est materia. Ratio est, quia vt sic non est panis, quo homines vesci soleant. Ita omnes supra citati auctores. Requiritur igitur, vt coquatur. Ac proinde coctio est de essentia panis, apti ad materiam Eucharistiæ. Notat Tolet. *lib. 2. cap. 25.*

8 *Int.* Panis debetne esse azymus, an fermentatus? *Resp.* In Ecclesia Latina debet esse azymus: in Ecclesia Græca esse fermentatus. Notat cum communi Tolet. *lib. 2. cap. 25. num. 3.*

De materia Sacramenti Eucharistiæ, quoad sanguinis consecrationem. §. 3.

1 *Materia ad consecrandum sanguinem est vinum.*

2 *Quod*

2. *Quod vinum esse debet.*

3. *Quale vinum esse debet.*

4. *De mulso.*

5. *De aceto.*

1. **I** N T E R R O G A T I O. Quæ est materia ad consecrândum sanguinem? *Resp.* Vinum. Ita habetur *cap. Firmiter. de summ. Trinit. & fide Catholic. Martha. de celeb. miss. c. in Sacramento. c. Cum omne. de consecrat. dist. 2. Concil. Trid. sess. 13. Doctores, quos superiori §. retuli.*

2. *Int.* Quod vinum esse debet? *Resp.* Vinum vitis. Constat de fide in eo Christum Dominum consecrasse. *Matth. 16. Non bibam amodò de hoc gemitivo vitis.* Ideo deficiente vino vitis, confici nequit hoc Sacramentum.

3. *Int.* Quale esse debet hoc vinum? *Resp.* Integrum in substantia propria vini. Substantiam veram vini retinet adhuc vinum acescens, hoc est, quod tendit ad acetum. Notat *Victoria.* In eo tamen absque necessitate non est facienda consecratio. Notat *Viuald. de Euch.* loco citato; damnâtque culpæ lethalis sacerdotem in vino acescente absque necessitate consecrantem, propter irreuerentiam grauem.

4. *Int.* Dic de mulso ex vino ad ignem cocto factum, quod nostrates appellant *arrobe*? *Resp.* Dico illud amisisse substantiam vini. Ita *Hug. Victor.* quem refert, & sequitur *Viuald. de Eucharist. tit. de mater. sang.*

5. *Int.* Quid dicis de aceto? quid de vino multa aqua diluto? *Resp.* Dico illud amisisse substantiam vini, per corruptionem. Ita *D. Thom. 3. p. 2. q. 94. art. 5. ad 2. communiter Doctores in 4. Richard. d. 1. Sot. d. 9. art. 5. Summistæ verb. Euchar. Sylu. quæst. 4. Angel. num. 1. Vict. num. 59. Armil. Viguer. & alij. Contra Gl. cap. 2. de consecrat. d. 7. verb. calix. & Innocent. de sacr. altar. Item amisit substantiam vini, vinum multa aqua dilutum in torculari, quod appellant nostrates *Agua pee.* Latini verò loram.*

6. *Int.* Omissa interrogatione de vino adhuc in botris racemi incluso: de eo enim, atque de farina in granis contenta, quæstio est, sic enim nec vinum est, nec panis. Rogo de musto iam à botris racamorum expresso. Estne apta materia ad consecrandum sanguinem? *Resp.* Mustum de quo rogas, intelligo vinum non pridem à racemis expressum ante decoctionem perfectam. De eo quidem controuersia est inter Doctores.

D d 3

Affirmant

Affirmant D.Tho.3.p.q.74.art.5. Sylu.verb. *Euch.n.4. Armil.n.8. Sot.in 4.d.3.q.1.art.5.* habetur *c. Cum omne. de consecrat. d.2.* Facit pro hac sententia cōsuetudo aliquarum Ecclesiarum, iuxta quam sexto die Augusti, Dominicæ Transfigurationis memoriæ dicato, à Sacerdote exprimuntur maturi botri super calicem cōsecrandum in gratiarum actionem pro anni vberitate, & fructibus: quæ cōsuetudo seruatur in alma Ecclesia maiori Bracharæ Augustæ, Lusitanix vrbis clarissimæ. Docent hanc partem recenter Viuald. *de Euch. & Tolet. lib.2. cap.24.* à quibus non audeo dissentire.

7 *Int.* Estne apta materia ad consecrandum vinū gelatum? *Resp.* Minimè. Ratio est, quia materia huius Sacramenti debet esse comestibilis, & potabilis: & quemadmodum massa cruda non est apta materia, quia non est comestibilis, ita vinum gelatum, quia non est potabile vt sic. Ideo enim Sacramentum Baptismi fieri nequit in gelu, vel in niue, quia materia Baptismi debet esse apta ad abluendum; mix autem & gelu, vt sic, non sunt apta ad abluendum. Et hæc est vera ratio. Falsa verò omnino est illa quam affert Viuald. *de Euchar.* affirmans contra veram Philosophiam gelu, & niuem non esse essentialiter aquam.

De aqua miscenda in Calice. §.4.

- 1 *An sit miscenda aqua.*
- 2 *Quod peccatum committit, qui aquam non miscet in Calice.*
- 3 *Quæ quantitas aquæ est miscenda.*
- 4 *Quæ aqua est miscenda.*
- 5 *Quo tempore est miscenda.*
- 6 *Cur præcepit Ecclesia aquam misceri in Calice.*

1 **I**NTERROGATIO. Estne aqua miscenda vino cōsecrando? *Resp.* Maximè. Non quidem ex necessitate Sacramenti: vt aliqui opinati sunt, teste Soto *in 4.d.9.q.1.art.5.* Sed ex necessitate præcepti. Ita communiter Theologi, quos refert ac sequitur Viç. *n.60.* docet Catechism. Rom. pag.243. Habetur verò tale præceptum pluribus in locis. *cap. in Sacramento. c. In Calice. cap. Cum omne. c. Non oportet. de conse. d.2. c. Cum Marthæ. de celeb. Missar.* Habetur in *Conc. Brach. III. c.1. Carthag. III. c.24. Flor. & Trid. sess.22. q.7. Can.9.*

2 *Int.* Quantum peccaret, qui scienter, vel ex negligentia crassa, non misceret aquam? *Resp.* Mortaliter. De sciente affirmat

uit

uit Tolet. *lib. 2. c. 25.* De negligentia crassa affirmat Viual. de *Euchar. tit. de materia.* Estque res certa ex gravitate præcepti.

3 *Int.* Quæ quantitas aquæ est miscenda? *Resp.* Quantitas parua. Ita responder Tolet. *lib. 2. cap. 23. n. 4.* quanta verò futura sit ea paruitas non explicuit. Rectè veruntamen adnotavit Viuald. de *Eucharist.* ea in paruitate aquam esse miscendâ quæ tempore consecrationis iam sit in vinum philosophicè conuerſa per omiſſionem formæ aquæ, & introductionem formæ vini. Et ideo iuxta vini quantitatem, & fortitudinem maiorem, minoremve, poſſe aquæ quantitatem miſceri. Ita D. Thom. 3. p. 9. q. 74. art. 6. Scot. & Richard. in 4. d. 11. Ang. *Euch. in 4. ibid.* Sylu. Sor. in 4. d. 9. q. 1. art. 6. Catech. Rom. pag. 244.

4 *Int.* Quæ aqua admiscenda? *Resp.* elementaris, ſiue naturalis: non verò artificialis. Ita Theologi omnes, & ſenſus aſſerit Catholicorum. Ratio etiam oſtendit, quia omnes aliæ aquæ ſunt ſuccus herbarum & florum, & per ſolam ſimilitudinem appellantur aquæ, vt iam dixi de materia Baptiſmi.

5 *Int.* Quo tempore eſt admiscenda aqua? *Resp.* Dummodo miſceatur cum intentione adimplendi præceptum Eccleſiæ ante consecrationem; quouis tempore poteſt calix præparari. Ita praxis obtinuit in Miſſis ſolemnibus, cum calix à Diacono præparatur, ſtatim poſt inceptam Miſſam.

6 *Int.* Cur Eccleſia præcepit aquam miſceri in calice? *Resp.* Quia in figuram huius Sacramenti Melchiſedech obtulit vinum lymphatum. Ita Gloſſ. *cap. In Calice de consecrat. diſtinct. 2. verb. vinum.* Deinde, quia Chriſtus Dominus in vino aqua diluto consecrauit. Ita Viuald. latè probat tractat. de *Eucharist.* Tertiò ad memoriam profuſi amoris; quo Chriſtus in ara crucis fudit è pectore aquam, & ſanguinem. Quartiò, quia aqua ſignificat populum, iuxta Angeli interpretamentum Apocal. 17. *Aqua quas vidisti, populi ſunt, & gentes.* Miſtio autem aquæ in vino, ſignificat vnionem populorum, ac gentium cum Chriſto in hoc diuiniſſimo Sacramento. Ita adnotatur *cap. In Calice de consecr. diſt. 2.*

7 *Int.* Demus quod ante consecrationem, aqua miſta, non ſit in vinum philoſophicè conuerſa, eritne tunc materia huius Sacramenti, ſub quibus ſpeciebus Chriſtus Dominus remaneat? *Resp.* Affirmat Tolet. *lib. 2. c. 24.* hiſce verbis; cum vino eſt quantitas parua aquæ adhibenda, quæ ſimul eſt materia, ſiue conuerſa ſit in vinum; ſiue non. Immeritò tamen

tantus Doctor, propriam fuit secutus sententiam, si, ut verba sonant, eam habuit mentem, ut crediderit ipsam aquam esse materiam sacramenti.

De qualitate, præsentia, & quantitate panis, ac vini consecrandi. §. 5.

1 De qualitate.

2 De præsentia.

3 De quantitate.

1. **I N T E R R O G A T I O.** Quæ qualitas requiritur in pane, ac vino consecrando? *Resp.* Dico *primum*. Ad essentialiam Sacramenti requiritur ea qualitas, qua vera substantia panis, ac vini physice contineatur. Oportet enim, ut panis non sit corruptus, ut vinum sit sanum, & verè vinum: aliter non fiet sacramentum. Dico *secundò*. Ad decentiam tanti Sacramenti requiritur, ut panis sit purus, & candidissimi coloris. Ut vinum sit liquidum, ac expurgatum: purissimo enim Sacramento purissima debetur materia. Hæc doctrina ita in cōfesso est apud omnes, ut superfluum sit pro ea auctores afferre.

2 *Int.* Estne opus ad veram consecrationem, ut panis, ac vinum consecranda, sint moraliter præsentia? *Resp.* Opus quidem est: Ita cum communi Tolet. *lib. 2. cap. 25. n. 4.* Viuald. *de Euch. lit. de materia pan. nu. 14. & 15.* cum D. Thom. *3. p. q. 74.* Scot. Palud. *in 4. d. 11. q. 2.* Victor. *de Euch. num. 57.* Sylu. *Euch. 2. num. 6.* Sot. *in 4. d. 9. q. 1. art. 2.* Præsentia verò moralis ex iudicio boni viri colligenda. Non sufficit tamen, quod panis, ac vinum percipiatur per visum indistinctum: sic enim percipiuntur ea, quæ per leucam distant. Neque quod percipiatur per olfactum: sic enim percipiuntur ea, quæ post parietem sunt, & longissimè absunt. Non tamen requiritur ea præsentia, intra quam possint panis ac vinum tangi. Ratio est, quia materia sacramenti debet applicari formæ: sed forma Eucharistiæ profertur nominibus demonstrantibus præsentem materiam, nimirum, *Hoc est corpus meum. Hic est calix.* ergo ut verificetur, requirit materiæ præsentiam.

3 *Int.* Quæ quantitas vini, ac panis consecrari potest? *Resp.* Dico *primum*. Ex natura, & essentia Sacramenti, quævis quantitas, tam quoad magnitudinem, quam quoad parvitatem consecrari posset. Ita D. Thom. *3. p. q. 74. art. 2. & in 4. d. 11.*

quæst. 2.

quæst. 2. Viſt. Sot. cum aliis ſupra citatis. Ratio eſt, quia dari non poſſet tanta quantitas, quæ ſi mortaliter præſens eſſe poſſet, non poſſet etiam conſecrari. Dico ſecundum. Ex ratione præſentiæ pro arbitrio boni viri colligendum eſt, quanta materia panis, & vini conſecrari poſſit. Ita expreſſis verbis Tolet. *lib.* 2. c. 24. num. 5. ita inquit. Vtraque materia nequaquam habet certam quantitatem, niſi ratione præſentiæ: poſſet enim conſecrare ſacerdos multos cophinos panis, & vini dolium, ſi præſentia iſta haberet, ſicut etiam minimam vtriuſque quantitatem. Sed abſque ratione, & fine conuenienti immodicam quantitatem conſecrare, graue eſſet ſacrilegium. Sic Toletus.

De forma Sacramenti Eucharistiæ. §. 6.

1. *Quæ eſt forma conſecrandi panem.*

2. *Quæ eſt forma conſecrandi vinum.*

1. **I**NTERROGATIO. Quæ eſt forma conſecrandi panem? *Reſp.* Eſt hæc: *Hoc eſt enim corpus meum.* Traditur in c. Cum Matth. de celeb. Miſſ. cap. Cum corpus. c. Reuera. c. Acceſſerunt. de conſecr. diſt. 2. Colligitur ex Matth. 26. Marc. 14. Luc. 22. ex 1. Corinth. 11. Docent omnes ſacri Doctores. In hac forma verbum (enim) non eſt de neceſſitate Sacramenti. Ita communiter Theologi cum D. Thom. 3. par. quæſt. 78. art. 1. & in 4. d. 11. vbi Sot. quæſt. 1. art. 2. ad 2. Summiſtæ verb. Euchar. Sylu. Armil. & Roſ. Oppoſitum docuit Scot. in 4. d. 9. quem intrepidè ſecutus eſt Angelus: ſed immeritò contra ſenſum Eccleſiæ, vt notauit Armill. & Viuald. Eſt tamen de neceſſitate præcepti: ideo grauiter peccaret, qui ſcienſ illud verbum omitteret. Ita Tolet. *lib.* 2. c. 26. Hinc colligo, omnia alia verba præcedentia, nimirum. *Qui pridie quàm pateretur, & alia, non eſſe de neceſſitate ſacramenti, eſſe tamen de neceſſitate præcepti, & ideo peccare grauiter, qui contra vſum Eccleſiæ ea omitteret, vel ex data opera, vel ex craſſa negligentia.* Ita Viuald. *tit. de forma.*

2. *Int.* Quæ eſt forma conſecrandi vinum? *Reſp.* Eſt hæc: *Hic eſt enim Calix ſanguinis mei, noui, & æterni teſtamenti, myſterium fidei, qui pro vobis, & pro multis effundetur in remiſſionem peccatorum.*

3. *Int.* Sûntne omnia verba de neceſſitate Sacramenti? *Reſp.* Affirmantem partem tenuit D. Thom. 3. par. qu. 78. art. 3. Sylu. Euchar. ad finem, Armil. n. 12. & alij. Excipiunt tamen verbum,

D' d 5 enim,

enim, quod dicunt esse tantum de necessitate præcepti. Dico tamen sola hæc verba, *Hic est Calix sanguinis mei*, esse de necessitate Sacramenti: reliqua de necessitate præcepti. Ita colligitur ex *cap. Quia corpus. c. panis est. de consecr. d. 2. Tenet communis opinio. Summistæ verb. Euch. Angel. Viêt. n. 74. Tabien. Euchar. 1. n. 27. Sot. in 4. d. 11. q. 1. art. 3. & d. 23. q. 2. art. 2. Gandau. q. 9. & 10. Tolet. lib. 2. cap. 26. Dico secundò: quoniam adhuc tantummodo probabilius est in supradictis verbis tantum consistere essentiam formæ consecrandi sanguinis, ideo oportet, ut sacerdos proferat omnia verba supra posita.*

De ministro Eucharistiæ, quoad confectionem. §. 7.

1 *Quid est minister huius Sacramenti.*

2 *Tenetur minister consecrare sub utraque specie.*

I INTERROGATIO. Quis est minister ad faciendum sacramentum Eucharistiæ? *Resp.* Omnis, & solus sacerdos. Omnis, dixi, quia si sacerdos est, licet in peccato mortali existat, excommunicatus, suspensus, seu officio, seu beneficio, & depositus, vel degradatus verbaliter, seu actualiter, schismaticus, hæreticus, vel alio quouis vitio profano, conficit verum sacramentum, si debita intentione legitimam adhibet materiæ formam. Ita habetur 1. qu. 1. maximè à *cap. Intra*. Ita Theolog. in 4. d. 13. D. Thom. Rich. Sot. Ita Summistæ Euchar. Sylu. n. 3. Armil. n. 15. Viêt. n. 90. Couarr. 1. Resolut. c. 10. n. 8. Catech. Roman. pag. 281. Dixi, solus, quia ex iure diuino nemini alteri concessa est hæc diuina potestas. Ita D. Thomas in suo mirabili hymno. Cuius officium committi voluit solis presbyteris.

2 *Int.* Estne opus, ut minister huius Sacramenti illud conficiat in utraque specie panis, ac vini? *Resp.* Dico primum. Non est opus ex necessitate Sacramenti. Enimuero si sacerdos consecret panem solum, verè sub speciebus panis remanet Christi corpus. Similiter si consecret solum vinum, sub speciebus vini remanet Christi sanguis, & per concomitantiam totus Christus. Quare consecratio sub speciebus ambabus, simul non requiritur, quoad veram consecrationem. Probat Sot. in 4. d. 11. q. 2. art. 6. Dico secundum. Ex præcepto tam diuino, quàm humano, tenetur sacerdos consecrare simul utramque speciem panis, & vini. Ita sumitur ex *cap. Comperimus. de consecr. d. 2.* probat Sot. in 4. d. 11. q. 2. art. 6. & d. 12. q. 1. art. 12. & de sacrificio Missæ lib. 4. cap. 22. & 23. Syluest. Euch. 1. q. 6. Hinc manifestè

manifestè colligitur non posse' summum Pontificem dispensare, vt altera specie deficiente, pane scilicet, aut vino, conficiatur hoc sacramentum in vna tantum earum. Ita respondit huic dubitationi Alexander Papa, teste Armil. *Eucharum.* 20. Quem refert, ac sequitur, Vinald. *ibid.*

De dispositione qua quis accedere debet ad conficiendam, & recipiendam diuinam Eucharistiam. §. 8.

1 *Quæ est dispositio requisita interior.*

2 *Quæ est dispositio requisita exterior.*

1 **I** N T E R R O G A T I O. Qua dispositione accedere quis debet ad hoc sacramentum, seu conficiendum, seu recipiendum? *Resp.* Duplici: interiori nimirum, & exteriori.

2 *Int.* Quæ est dispositio interior? *Resp.* Gratia: ad hanc igitur obtinendam, qui conscientiam habet lethalis culpæ, tenetur prius, quàm accedat, confiteri data copia confessarij, & amoto pusillorum scandalo. Quæ veritas adeo certa est, vt licet per reuelationem sciam, me esse in gratia, per veram contritionem, teneor adhuc, data copia confessarij, & amoto pusillorum scandalo, antea confiteri. Ita Theologi communiter. Cano. *Relect. de pæn. par.* 4. Sot. in 4. d. 17. c. 18. *quest.* 1. art. 4. Ita decernitur *cap. de homine. de celeb. Miss.* & in Concil. Trid. *sess.* 73. *cap.* 7. *can.* 11. Notat Toletus *lib.* 2. *cap.* 1. Dixi, data copia confessarij, quæ si non detur, & urgente necessitate debeam sacrum facere, vel diuinam Eucharistiam sumere, si moraliter ex pœnitudine mentis pro commissis, & proposito cauendi in posterum, pro committendis peccatis colligam me esse contritum vera contritione, quia doleo propter Deum solum offensum, quem summè diligere debebam, tuta conscientia possum celebrare, vel communicare. Ita Armil. *verb. communio.* Viët. *de Euchar. num.* 74. Nauar. & alij, colligitur ex Concil. Trid. *sess.* 17. *cap.* 7. Talis autem vrgens necessitas celebrandi, vel communicandi, non præmissa confessione ex defectu confessarij, non est pura deuotio, vt sibi persuasit Caiet. *verb. communio,* cum iis, quos citat, & Nauar. *cap.* 21. n. 49. Sed est graue scandalum subsequendum pusillorum existimantium suum Parochum, seu talem personam comisisse culpam grauem, ob quam abstinere à communione. Dixi, amoto scandalo, quia euenire poterit, vt præsentem confessario, scandalum suboriri possit, si celebraturus, vel comunicaturus, apud illum peccatum

peccatum commissum confiteatur. Sunt mille euentus, duos apponam ad explicatum meæ mentis : commisit v. g. puella stuprum , grauius timet se prouocandam deinceps ad libidinem à confessore sciante eam iam semel in carnis lapsum incidisse. Commisit celebraturus stuprum cum sorore confessarij præsentis , timet iram confessarij deinceps excitandam, mortem forsitan euenturam. Isti, & similes tenentur facere quod in se est, ad contritionem consequendam, & cum ea celebrare , vel communicare expectando primam occasionem idonei confessarij. Item euenire poterit , vt si Sacerdos celebraturus ante celebrationem confiteatur , oriatur in adstantibus scandalum. Euentum narro , quem vidi non semel, aut bis, sed septies. Pro suscepto beneficio in transmontana regione parochialis Ecclesiæ D. Petri Torti fluuij (sic oppidum appellant incolæ) agebam animarum curam , eramus tres sacerdotes, ipse ego, coadiutor meus, & alius : vnus nostrum ter , & quater in hebdomada crimina publicè expiabat, alter semel in mense, pro Deum immortalem, ea obtusæ mentis hebetudo plures incolas opprimebat , vt ex Sacramenti frequentatione , crebriorem animæ lapsum, ac maiorem peccatorum frequentiam colligerent , adeo , vt eam exprobrarent , & obiicerent sacerdoti.

2 *Int.* Quæ est dispositio exterior ? *Resp.* Ieiunium. Debet enim sacrificaturus , vel suscepturus Eucharistiam accedere ieiunus. c. *Liquidò, de consecr. dist. 1. can. de sacram. d. 1. de consecr. D. Th. 3. p. q. 80. art. 8.* Ieiunus, inquam, ieiunio naturali, ita vt nec per modum medicinæ liceat aliquid sumere. Notat Tol. lib. 2. c. 1. n. 3. Caiet. in Sum. verb. *communio Sacrament.* Nau. c. 21. n. 15. Syl. & Arm. verb. *Euch.* Catech. Rom. pag. 224. Quæ institutio ab Apostolis fuit introducta , vt constat ex *Concil. Constantien. sess. 13.* Ideo graue peccatum mortale committit, qui non ieiunus à media nocte Eucharistiam sumit. Vnus tamen Ecclesiæ obtinuit, vt infirmis, cum vrget necessitas communicandi detur Eucharistia post cibum; quem vsus confirmat praxis in Hispania, & aliquando in Lusitania. Ieiunus tamen censendus est, qui inter abluendum os, saliuam guttula aliqua mistam deglutiit. Item ille qui casu reliquias ciborum inter dentes relictas , non per modum cibi intromisit. Ita Card. Tol. (qui tamen latiori incedit via, apponit enim hæc verba. Dum non sit notabilis quantitas, vt videatur haustus)

Vivald.

Viuald. de Euchar. tit. de prepar. n.9. Hinc excipiuntur aliqui euentus. Primus, incepit sacerdos Missam oblitus cibi, quem sumpserat, postea verò recordatur illius: tunc si ante consecrationem meminit, & potest absque scandalo Missam omittere, tenetur illam omittere: si verò non potest, persequatur, & sumat Eucharistiam. Ita Angel. Euchar. 2. §. 6. Sylu. Euchar. 2. §. 7. Tolet. lib. 2. c. 1. Secundus, cum sacerdos hauriendo calicem, inuenit se consecrasse aquam, vel acetum: tunc debet iterum apponere vinum, & aquam, & consecrare, & consecratas species consumere. Tertius, cum particula adhereret calici, vel palato, infundendum est vinum in calice, aut in ore, siue aqua, & simul omnia deglutienda. Quartus, cum post sumptionem Eucharistiæ inuenit sacerdos in corporalibus, vel in patena reliquias sacramenti ante inceptas orationes, sed post sumptam ablutionem, eas sumpturus est: si verò eas inuenit post orationes, & in Ecclesia est sacrarium, in sacrario sunt reponendæ: si non est sacrarium, sunt consumendæ. Ita Caiet. verb. Missa. & Tolet. lib. 2. cap. 1.

De effectu Sacramenti Eucharistiæ. §. 9.

I Gratia est effectus huius Sacramenti.

I INTERROGATIO. Quid est effectus Sacramenti Eucharistiæ? Resp. Gratia. Datur illa in ipsa sumptione omnibus æqualis, siue sub vna, siue sub vtraque specie communicetur. Siue in maiori, siue in minori hostiæ quantitate. Ita D. Thom. 3. p. q. 79. Sot. in 4. d. 11. quest. 2. art. 1. Syl. Euchar. 14. num. 3. Canis. de Euchar. §. 9. Hæc gratia non negatur propter peccatum veniale: quanquam tale peccatum impediatur gustum, & saporem suauissimum huius sacramenti. Ita annotat Tolet. lib. 2. cap. 28. num. 8. Probabile etiam est hanc gratiam non impediri propter culpam mortalem, qua cum quis accedit ignoranter inuincibiliter existimans se perfectè poenituisse, & in gratia per confessionem pramissam, vel existimatam contritionem habitam, deficiente copia confessarij, cum tamen, re vera, solam habeat attritionem, & adhuc in peccato existat. Enimuero ignoranter inuincibiliter accedendo ad communionem, non peccat: quia certi esse nequimus absque reuelatione de gratia, per quam sumus diuinæ placiti beneuolentiæ, iuxta illud Eccl. 6. *Nescit homo utrum amore, an odio dignus sit,*

De

De speciebus Diuinæ Eucharistiæ. §. 10.

- 1 *Quid post consecrationem remanet panis ac vini.*
- 2 *An species consecratæ habeant eundem effectum, ac haberent non consecratæ.*
- 3 *De verme genito ex speciebus consecratis.*
- 4 *An maneat Christus sub speciebus consecratis.*
- 5 *An totus Christus maneat in hostia, & totus in Calice.*
- 6 *Quandiu remanet Christus sub speciebus consecratis.*

I N T E R R O G A T I O. Quid post consecrationem remanet panis ac vini? *Resp.* Sola accidentia eiusdem panis ac vini: quæ quidem appellamus species consecratas. Substantia verò panis, ac vini, transsubstantiata est in corporis, & sanguinis substantiam Christi. Et ideo accidentia panis, ac vini in hoc sacramento mirabiliter remanent sine subiecto. Ita decernitur *c. firmiter. §. una. de summ. Trin. & fide Cathol. Conc. Constant. sess. 8. Clem. unic. de reliq. & ven. sanct. Florent. & Trid. sess. 13. c. 2. & 4. Tradit Catech. Rom. pag. 246. Probat D. Th. 3. p. q. 75. a. 2. ib. Caiet. Sot. in 4. d. 9. q. 2. a. 2. & d. 10. q. 2. art. 1.*

2 *Int.* Habentne species consecratæ eundem effectum, quem naturaliter haberent, si propriæ substantiæ panis, ac vini remanerent? *Resp.* Habent. Ideo nutriunt. Ita Gloss. *c. Tribus. de cons. d. 2. Probat Vict. de Euch. n. 52. & 74. Sot. in 4. d. 10. q. 2. art. 6. Ideo cor lætificant: imò species calicis, à iudicio, si in magna quantitate hauriantur, deturbant. Ita citati auctores, D. Thom. 3. p. qu. 77. art. 5. & 6.*

3 *Int.* Quando in speciebus consecratis generatur vermis, generaturne ex ipsis accidentibus, ita ut vermis forma introducatur in ipsa accidentia, an ex substantia aliqua, ita ut forma vermis introducatur in veram materiam primam? *Resp.* Quanquam mea non interest in examine Moralis Theologiæ, Philosophiæ metas attingere, respondebo, siquidem compulsi. Dico igitur generari illum vermem ex vera substantia, ita ut ex vi dispositionum naturalium existentium in ipsis speciebus consecratis, eruatur forma vermis, & in veram substantiam materiæ primæ introducatur, instar aliarum generationum naturalium. Quæ quidem materia prima non est panis, ac vini consecrati, iterum reddita, ut existimavit Innoc. III. *lib. 4. cap. 11. de sacr. altar. Alensis 4. p. qu. 40. num. 2. art. 4. D. Thom. in 4. d. 12. art. 2. q. 21. Sed est alia noua*
sub

substantia, nouaque materia à Deo denuo creata. Ita Sot. in 4. d. 10. q. 2. art. 1. lateque nostram probat conclusionem.

4 *Int.* Remanétne sub speciebus consecratis Christus Dominus? *Resp.* Remanet. De fide est definitum in Conc. Ephes. & Later. sub Innoc. I I. cap. 1. Constant. sess. 7. Trident. sess. 13. cap. 3. can. 1. & sess. 21. Modus verò essendi in speciebus consecratis est indefinitus, hoc est, remanet totus in totis, & totus in qualibet parte specierum. Ita D. Th. 3. p. q. 76. art. 2. Sot. in 4. d. 10. q. 1. a. 3. probátque per tex. c. *Vbi pars. de conse. d. 2.* Ideo diuisis speciebus, remanet Christus sub vnaquaque diuisione; est de fide. Rem explicuit eleganter D. Thom. in suo Hymno. *Fraſto demum Sacramento ne vacilles, ſed memento, tantum eſſe ſub fragmento, quantum toto regitur.*

5 *Int.* Continenturne totus Christus in hostia, & totus in calice, ita vt in hostia sit sanguis, & in calice sit corpus? *Resp.* Ita proculdubio de fide asserendum. Ratio est, quia Christus Dominus est in hoc Sacramento viuus: corpus autem viuum non est sine sanguine, nec sanguis viuus sine corpore. Et ita per concomitantiam, totus corpus, & tota diuinitas Christi, est tam in speciebus panis, quam in speciebus vini. Verum quidem est ex vi verborum consecrationis corpus tantum esse in hostia, & sanguinem in calice.

6 *Int.* Quandiu per consecrationem remanet Christus sub speciebus consecratis? *Resp.* Tandiu, quamdiu naturaliter remanet substantia panis, ac vini, si adhuc ibi esset. Ideo si accedat contrarium agens, quod si ibi esset substantia panis, ac vini, eam naturaliter expelleret, inducendo nouam formam, in præiacentem materiam per contrarias dispositiones formæ panis, ac vini, accidentia ipsa corrumpit, & Christus ibi esse definit naturaliter, ac proinde tandiu sub his speciebus Christus remanet, quandiu accidentia non corrumpuntur. Ita decernitur in Concil. Trid. sess. 13. can. 4. tenuit Gloss. r. *Si per negligentiam. de consecr. d. 2. verb. in terram.* Probat Sot. in 4. d. 10. q. 2. art. 8. conclus. 4. Tolet. lib. 2. cap. 29.

CAP V T V.

De sacrificio Missæ.

De nomine, & auctore Missæ. §. 1.

1 Quid est Missa.

2 Quid

2 Qua certitudine habemus Missam esse legis nouæ sacrificium.

3 Quis Missam instituit.

1 INTERROGATIO. Quoniam Eucharistiæ sacramentum in sacrificio missæ conficitur, opportunitas exigit loci, vt ad sacramenti tractationem sacrificij rogationes iungamus. Rogo igitur, quid est missa? Est legis gratiæ sacrificium, perfectionem omnium veterum Naturæ, scriptæ ve legis sacrificiorum continens, veluti eorum omnium reeapitulatio, sicuti Sacramentum Eucharistiæ miraculum miraculorum, seu memoria omnium inirabilium, vt cum regio Psal- te loquar, in quo Christi seruatoris passio repræsentatur. Concil. Trid. sess. 2. can. 2. & sequentibus. Nam sacerdos celebrans Christum Dominum figurat. Sacra, quas induit vestes, vestes, quibus Christus in passione fuit indutus, repræsentant. Amictus enim significat velum, quo velata facie reus fuit acclamatus, & liberius ab inimicis percussus. *Aue rex Iudeorum, prophetiza nobis, quis est, qui te percussit?* Matth. 26. Luc. 22. Ita Franciscus D. Anton. lib. 1. c. 11. Alba significat candam vestem, qua illum ludit Herodes Luc. 23. tanquam insanium cum exercitu suo. Ita Francisc. D. Anton. lib. 1. c. 12. Cingulum significat funem, quo in horto ligatus fuit. Manipulus significat funem, quoad columnam fuit adstrictus. Stola significat funem, quoad Caluarix locum ductus fuit. Ita Francisc. D. Anton. lib. 1. c. 13. 14. 15. Casula significat coccineam vestem, qua eum coopertum populo Pilatus ostendit, dicendo: *Ecce homo*, vociferantibus cunctis, *Tolle, tolle, crucifige eum*. Altare Crucem. Has significationes apponit Tolet. lib. 2. cap. 2. n. 6. Calix significat sepulchrum. Patena lapidem superpositum. Ita idem Toletus.

2 Int. Qua certitudine tenendum est, missam esse Legis nouæ sacrificium? Resp. Certitudine fidei, & oppositum asserere, est hæreticum. Ita enim sensit Ecclesia ab initio sui ortus, tenuit, confessa est, docuit, & prædicauit. Decreuit in Conc. 12. Tol. c. 5. Et Later. sub Innocentio III. & in Synodo generali. cap. 22. suor. decret. Et in Ephesin. in Epist. ad Nestor. & in Trident. sess. 22. can. 1. 2. 3. & 4. Verba autem Concilij sunt hæc: *Si quis dixerit in missa non offerri Deo verum & proprium sacrificium, aut quod offerri non sit aliud, quam nobis Christum ad manducandum dari, anathema sit.*

3 Int. Quis missam instituit? Resp. Christus Dominus in vltima

ultima coena, in qua nobis corpus suum reliquit, & sanguinem sub speciebus panis & vini, offerens se Patri tunc cruentum sacrificium, ut latè probat Nauar. c. solent. d. 1. de consecr. & in Enchir. de orat. c. 3. n. 44. Ordo verò celebrandi, iam inde ab Apostolis dimanauit, ut habetur c. Iacobus. d. 1. de consecr. & Conc. Trid. sess. 22. c. 1. & 2. & sess. 23. c. 1.

De effectu, & valore huius sacrificij. §. 2.

- 1 Quotuplex est fructus huius sacrificij.
- 2 Quotuplex est valor Missæ.
- 3 Quibus communicatur valor Missæ.
- 4 An possit valor Missæ alteri communicari.
- 5 An tantum prodest Missa mali quàm boni Sacerdotis.
- 6 An valor Missæ crescat ex maiori numero circumstantium.
- 7 An Missa plus prodest oblata pro uno, quàm pro multis.

INTERROGATIO. Quotuplex est effectus, seu potius fructus huius sacrificij? *Resp.* Quadruplex: nam quadrupliciter considerari potest huiusmodi sacrificium, nimirum ut est propitiatorium, ut est expiatorium, ut est satisfactorium, ut est impetratorium. Ut est propitiatorium, offertur pro peccatorum venia, & illam consequitur, obtinendo à Deo auxilium, ad actum contritionis, & ex consequenti gratiam, qua ex impio pius fit, & sanctificationem. Ut est expiatorium, venialia peccata delet in eo, qui est in gratia. Ut est satisfactorium, remittit poenas, pro culpis debitas iam remissis. Ut est impetratorium, consequitur à Deo beneficia, tam spiritualia quàm temporalia. Ita communiter Doctores omnes.

2 *Int.* Quotuplex est valor missæ? *Resp.* Duplex, ex opere, scilicet, operato, & ex opere operantis (sic vocant Theologi.) Valor ex opere operato, datur ex vi præcisa sacrificij oblatis. Valor ex opere operantis confertur ex vi dispositionum, deuotionis nempe offerentium, & eorum, pro quibus offertur. Valor ex opere operato, semper est æqualis, quoniam semper offertur idem sacrificium. Valor ex opere operantis, est maior, aut minor, iuxta offerentium, & eorum, pro quibus offertur, dispositionem, quæ pluris, minorisve à Deo æstimatur.

3 *Int.* Quibus communicatur huiusmodi valor? *Resp.* In primis omnibus Christi fidelibus, nam pro iis omnibus ex intentione Ecclesiæ Deo mittitur. Deinde prodest ei, pro quo offertur. Tertiò prodest ei, qui illud offert. Ita Scot. quodlib. 20.

E c ibique

ibique appellat priorem valorem generalem, secundum medium, tertium specialem; potius ipse (pace dixerim tanti viri) secundum appellarem specialem, quoniam specialiter confertur vni aut pluribus, pro quibus specialiter offertur: tertium personalem, quia personæ sacrificantis donatur, nuncuparem, alij iudicent.

4 *Int.* Potestne quisquam alteri communicare valorem missæ, aut generalem, aut specialem, aut medium? *Resp.* Potest. Ita Nauar. cum cōmuni c. 25. Probat satis abundè euentus ille, quem narrat Æneas Syluius in sua orbis descriptione, qui postea Summus Pontifex factus, Pius secundus nuncupatus est. Erat vir nobilis in Stiria prouincia Belgicorum: hic grauiter à dæmone impellebatur, vt ad fugiendas vitæ ærūnas, laqueo se suspenderet, adiit ille confessarium, mentis furiam, & hostis insidias detegit, admonuit hominem confessarius, vt quotidie sacrum audiret, & se securum, tutūque crederet, acquieuit ille consilio, capellā in domum recepit, rem sacram quotidie audiebat: accidit quadam die, vt capellanus non adesset, equum ascendit, cursum pergit ad pagum, vbi res diuina fiebat, inuenit subrusticanum hominem, quæsiuit, an iam dicta esset missa, affirmat rusticus, impletur mœrore nobilis vir, cur, rogauit rusticus, tanto mœrore conficeris? quia, dixit, sacrum non audiui hodie: ego, respōdit rusticus, tibi missæ, qui mihi contigit, valorem liberaliter impertio; exhilarauit nobilem virum donum sacrum, pergit viā, vt ante diuinum Sacramentum altaris fundat preces, fufis iis, reuertitur, mirum auditu, inuenit rusticum eodem in loco laqueo suspensum.

5 *Int.* Prodestne tantum sacrificium mali, quàm boni Sacerdotis? *Resp.* Duo consideranda sunt in hoc sacrificio. Primū ipsa hostia oblata, qui est Christus Dominus, sicuti in ara crucis semel fuit oblatus Patri. Secundū orationes, & deprecationes. Rursus orationes adhuc considerandæ sunt, vel vt funduntur à Sacerdote, vt ab Ecclesiæ ministro, eiusdem Ecclesiæ nomine fusæ Deo, vel vt à particulari persona emittuntur. Dico igitur primū. Missa, vt est sacrificium, & orationes, vt à Sacerdote tanquam ab Ecclesiæ ministro funduntur, nomine ipsius Ecclesiæ, tantum valent, si mittantur per malum, quàm per bonum Sacerdotem. Ratio est, quia donum oblatum, semper est idem; & accipiens attendit ad donum,

non

non ad ferentem illud. Dico *secundum*. Missa, & orationes, pro
ut à particulari persona funduntur, plus valent fufæ à bono,
quàm à malo Sacerdote. Ita D. Thom. 3.p.q.82. art.6. quem
omnes sequuntur. Quoniam verò Sacerdos non tantum no-
mine Ecclesiæ offerre debet, sed etiam nomine suo, simplici-
ter dicendum est, plus valere missam boni, quàm mali
Sacerdotis.

6 *Int.* Accrescitne valor missæ ex circumstantibus? *Resp.*
Affirmat Victoria in *sum. rit. de Euchar.* his verbis. Regulariter
maioris valoris est missa dicta ubi sunt multi, quàm ubi sunt
pauci, quoniam circumstantes etiam offerunt; sicut in cano-
ne dicit Sacerdos, pro omnibus circumstantibus, qui tibi of-
ferunt.

7 *Int.* Cum Sacerdos offert pro multis, prodestne tantum
singulis, quantum si pro vno solum offerretur? *Resp.* Affirmat
Calet. *quodlib. 1. quest. 18. & 3.p.q.79. art. 5.* Ratio eius est, quia
valor sacrificij circa personam pro qua offertur, pendet ex
illius dispositione, dispositio verò vnius non pendet à dispo-
sitione alterius, & ideo tantum mihi prodest, quantum si pro
me solum offerretur. Eandem opinionem latè prosequitur
Beia *cas. 12.* veruntamen ex alio fundamento, nimirum ex re
oblata, quæ cū infiniti valoris sit, scilicet Christus, æqualiter
offertur tã à pluribus, quàm ab vno solo, citatque Can. *lib. 5. 2.*
de loc. Theol. cap. 13. ad finem. Negat tamen communis sen-
tentia, quam tradit Scot. *quodlib. 29.* ex opposito fundamen-
to, quia portio gratiæ, & portio satisfactionis in hoc sacrifi-
cio collata ex opere operato ei, pro quo offertur, est fini-
ta, & à Deo certè determinata, ideo minor peruenit ad plu-
res, quàm perueniret ad vnum tantum. Scotum sequitur Na-
uar. *de orat. n. 77. & c. Visum. de consecr. d. 1. & c. Non mediocriter.*
de consecr. d. 5.

De iis, pro quibus licet sacrificium Missæ
offerre. §. 3.

1 *Pro quibus licet Missam offerre.*

2 *An prosit Missa animabus Purgatorij.*

3 *An possit Missa offerri pro paruulis defunctis.*

4 *Vnde constet Missam prodesse viujs.*

5 *An defunctis magis prosit Missa de Requiem.*

1 INTERROGATIO. Pro quibus licet Missam celebrare?
Resp. Tam pro viujs, quàm pro defunctis, qui in gratia

è vita decesserunt, & in purgatorij flammis detinentur ad expiationem.

2 *Int.* Prodest ergo sacrificium Missæ animabus in Purgatorio detentis? *Resp.* Prodest. Constat id ex pluribus historiis, quas referunt D. Greg. *lib. 4. Dialog. cap. 55.* D. Anton. *3. p. tit. 18.* Petrus Damian. *epist. ad Desider. Abbat.* aliique plures, quos refert Franc. Anton. *lib. 3. cap. 17.*

3 *Int.* Licetne celebrare pro paruulis defunctis? *Resp.* Licet. Ita D. Thom. *in 4. d. 13.* non quidem, ut profit ad remissionem culpæ, vel augmentum gratiæ, sed ad solamen viuorum, & ad ostendendum tales paruulos ad vnitatem mystici Christi corporis pertinere. Tum maximè ad commendandum redemptionis mysterium in hoc sacrificio figuratum, per quod paruuli sine proprio merito, æternam salutem consequuntur. Rectè tamen admonet scrutinium *tract. de missa*, cum Petro de Palude, quem refert, tunc dicendam esse missam pro omnibus defunctis.

4 *Int.* Teneſne memoriter aliquam historiam, ex qua constet sacrum prodesse viuus? *Resp.* Teneo. Refert D. Greg. *lib. 3. Dialog. c. 6.* rem memoratu dignissimã. Fiebat sacrum pro quodam captiuo, qui existimabatur mortuus, mirum dictu, eo die frangebantur compedes, & liber incedebat. Refert Beda *lib. hist. Angl. c. 22.* simile scitu meritissimum. Erat apud hostes captus quidam, faciebat sacrũ pro illius libertate singulis diebus eius frater, mirũ dictu, nunquam potuit vinculis detineri à domino, tanquam enim alius Samson vincula infrangebatur.

5 *Int.* Prodestne defunctis magis missa de Requiem, quàm alia? *Resp.* Minimè quidem ex parte sacrificij, est enim idem: maximè verò ex parte orationum, quia in iis peculiariter deprecatur pro animæ liberatione.

De ministro huius sacrificij. §. 4.

1 *Quis est Missæ minister.*

2 *Quis primus celebravit Pontificali apparatu.*

3 *An liceat Sacerdoti omnino abstinere à celebrando.*

4 *Quod peccatum erit omninò abstinere à celebrando.*

5 *An Sacerdos possit absque ministro celebrare.*

6 *Quod erit peccatum celebrare sine ministro.*

7 *An fœmina possit Missæ ministrare.*

- 8 *An ratione præcepti obligantis ad sacrum audiendum, possit Sacerdos sine ministro celebrare.*
- 9 *An urgente necessitate pro communicando infirmo morti vicino, possit Sacerdos celebrare sine ministro.*
- 10 *An monialis possit missæ respondere.*
- 11 *An ex deuotione & reuerentia possit Sacerdos per totam vitam abstinere à celebrando.*
- 12 *An teneatur Sacerdos recitare ante Missam officium matutinū.*

INTERROGATIO. Quis est minister huius sacrificij? *Resp.* Solus Sacerdos. c. 1. de consecr. Ratio est, quia in hoc sacrificio conficitur sacramentum Eucharistiæ: minister verò Eucharistiæ sacramenti solus est Sacerdos.

2 *Int.* Quis primus celebrauit Pontificali apparatu? *Resp.* D. Petrus Antiochiæ. Ita D. Anton. 1. p. tit. 6. c. 8. sic intelligens Hugonem Victorinum lib. 2. de sacr. p. 8. c. ult.

3 *Int.* Licetne sacerdoti omnino abstinere à celebratione? *Resp.* Minimè. Ita D. Tho. 3. p. q. 83. art. 10. videtur enim præceptum Christi Domini, præcipientis: *Hoc facite in meam commemorationem*, Luc. 22. Et D. Pauli exhortatio. 2. Cor. 6. Hortamur vos, ne in vacuum gratiam Dei recipiatis.

4 *Int.* Quod peccatum erit abstinere omnino à celebratione sine causa? *Resp.* Indecisam reliquit quæstionem D. Tho. 3. p. q. 83. art. 10. Maior, & Durand. quos refert Viêt. citato loco, aiunt peccare mortaliter huiusmodi Sacerdotem. Pro iis videtur facere cap. Dolentes, de celeb. Missar. vbi reprehenduntur vehementer, qui quater tantum in anno celebrant. Eos sequitur Nau. c. 25. sum. adducitque pro sua sententia Richar. in 4. d. 13. art. 12. Oppositum asseruit Caiet. 3. p. qu. 82. quem sequitur Viêt. in sum. tit. de Euchar. dicens citatis locis non contineri præceptum, sed consilium. Conc. tamen Trid. sess. 13. cap. 14. iubet Episcopis, vt curent, quod presbyteri saltem dominicis, & festis diebus sacrificent, sed hoc præceptum defuetudine est abrogatum.

5 *Int.* Potestne Sacerdos solus celebrare? *Resp.* Minimè, sed indiget ministrante. c. Quæsiuit. de verb. signif. & c. 1. de consecr. c. Vt illud, de correc. Conc. Tol. d. 1. lib. 1. c. 14. & in can. Illud. 7. q. 1. c. Hoc quoque, de consecr. dist. 1.

6 *Int.* Eritne graue peccatum celebrare sine ministrante? *Resp.* Graue. ita Franc. Ant. lib. 1. de Missa, cap. 17.

7 *Int.* Potestne foemina ministrare Sacerdoti sacrificanti?

Resp. Minimè. Ita prohibetur in Conc. Mogunt. in c. 1. de cohabit. cler. & mulier. & asserunt communiter Doctores.

8 *Int.* Non est, qui celebranti Sacerdoti inseruiat, vrget tamen dies festus; & obligatio audiendi sacrum, poteritne tunc Sacerdos celebrare sine ministrante? *Resp.* Minimè. Ita Franc. Anton. lib. 1. de mis. c. 17. Ratio est, quia cum ambo præcepta sint Ecclesiastica maius derogat minori.

9 *Int.* Non est, qui adiuvet, vrget tamen necessitas faciendo sacrum (quia non est confectum Sacramentum) pro communicando infirmo, poteritne tunc celebrare Sacerdos solus? *Resp.* Poterit, ipsèque sibi eidem respondere, & inseruire. Ita Sot. in 4. d. 13. q. 2. art. 5. ad 12. Suar. 3. p. disp. 86. sect. 1. Ratio est, quia præceptum Ecclesiasticum non potest derogare præcepto diuino.

10 *Int.* Quid censes de moniali, poteritne respondere Sacerdoti ministranti, deficiente alio ministro, qui respondeat? *Resp.* Poterit ex cratibus, cum altare in æqua est distantia. Ita obtinuit monialium priuilegium, teste Henriquez 2. tom. lib. 9. c. 30. n. 1. & Roder. in sum. verb. missa.

11 *Int.* Licetne ratione deuotionis, & reuerentiæ Sacerdoti, abstinere per totam vitam à faciendo sacro? *Resp.* Affirmat Rodericus, adducitque exemplum D. Marci, de quo fertur, sibi præcidisse pollicem, ne habilis esset ad accipiendum Sacramentum manibus.

12 *Int.* Teneturne Sacerdos recitare matutinum ante missam? *Resp.* Tenerur. Non tamen sub mortali, præcipue urgente aliqua causa. Ita Sylu. missa 1. §. 6. Sot. n. 4. d. 13. q. 2. art. 2. Tolet. lib. 2. cap. 1. num. 7.

In quibus diebus prohibetur Sacerdos celebrare. §. 5.

1 An liceat celebrare singulis diebus.

2 An liceat celebrare Sabbatho maioris hebdomadæ.

3 An possit Episcopus concedere facultatem celebrandi his diebus.

4 Quod peccatum est celebrare his diebus.

INTERROGATIO. Licetne singulis diebus celebrare? *Resp.* Minimè quidem in sexta feria maioris hebdomadæ: quia cum missa sit quædam passionis Dominicæ repræsentatio, ipsa tunc dies in qua Christus passus est, satis illam repræsentat, vt adnotauit Scrut. tract. 2. tit. de sac. mis. Item Sabbatho sancto maioris hebdomadæ. c. Sacro. de consecr. d. 3.

c. 2 *Int.*

2 *Int.* Occurrit in Sabbatho sancto dies festus, quid tunc? *Resp.* Tunc quisque Sacerdos celebrare potest. Ita Sot. in 4. d. 13. q. 2. art. 2. Suar. 3. p. q. 83. disp. 8. sect. 2. quos sequuntur, teste Nauar. omnes moderni, adiuntque prohibitionem faciendi sacrum, tolli per obligationem audiendi illud.

3 *Int.* Poteritne Episcopus facultatem dare Sacerdoti, ut istis diebus celebret? *Resp.* Poterit. Ita citati Doctores.

4 *Int.* Quod peccatum committit, qui istis diebus celebraverit absque licentia Episcopi? *Resp.* Mortale, iuxta Sot. in 4. d. 13. q. 2. art. 2. & Nau. cap. 25. num. 88. & Suar. cum aliis, quos refert 3. p. q. 83. art. 2. disp. 80. sect. 2. Oppositum tamen, amoto contemptu, tenet Eman. in sum. verb. missa. cum suo Gurterio quest. can. num. 36.

Quando tenetur Sacerdos celebrare in anno. §. 6.

1 **I**NTERROGATIO. Quoties tenetur Sacerdos non impeditus, celebrare in anno? *Resp.* Dico primum. Tenetur saltem diebus festis quatuor Paschatum. Ita c. Dolentes. de celeb. mis. Ita D. Thom. 3. p. q. 82. art. 10. Dur. & Palud. in 4. d. 13. q. 2. & oppositum facere est peccatum mortale. Ita Card. Tolet. lib. 2. c. 2. Dico secundum. Tenetur Curatus celebrare omnibus diebus, quibus populus tenetur audire sacrum, nisi loco suo alium substituat. Ita Card. Tol. lib. 2. cap. 2.

Quoties in die licet celebrare. §. 7.

- 1 *An licuerit in die pluries celebrare.*
- 2 *An modo liceat in die pluries celebrare.*
- 3 *An liceat in die naturalis Domini, tres missas celebrare noctu.*
- 4 *Quæ missa è tribus dicenda, cum una tantum dicenda sit.*
- 5 *An detur eventus, in quo liceat duas vel tres missas in die dicere.*

1 **I**NTERROGATIO. Licetne pluries in die celebrare? *Resp.* Minimè. Ita prohibetur c. Consulisti. c. Referente. de celeb. mis. cap. sufficit. de consecr. d. 2. & oppositum facere, non esset deuotio, sed graue peccatum mortale, contra Ecclesiæ præceptum. Ita Tol. lib. 2. c. 3. n. 4. Olim hac in re habebantur multæ exceptiones, quas latè prosequitur Viët. in sum. tit. de Euch. n. 96. & ideo iis supersedeo referendis: sunt enim iam per desuetudinem abrogatæ: seruandus tamen regionum mos (dummodo Sacerdos sit ieiunus) iuxta priuilegia earum,

de quibus late Roder. in *sum. cap. 245. num. 5.*

2 *Int.* Admittitne adhuc vsus vniuersalis Ecclesiæ pluritatem missarum, in eadem die, ab eodem Sacerdote? *Resp.* Admittit, in die, scilicet, Natalitiorum Christi Domini, tunc enim licet tres missas celebrare. Ita *c. Consultuisti. de celeb. mis.* Enimvero significationes eleganter prosequitur Tol. *lib. 2. c. 3.*

3 *Int.* Licetne tunc, eas omnes tres celebrare noctu? *Resp.* Iuxta communem opinionem minimè. Sed prima dici potest statim post mediæ noctis punctum transactum, vsque ad auroram. Secunda verò non nisi illucescente die, vsque ad meridiem. Tertia post dictam statim secundam. Ita Palud. in 4. d. 12. q. 1. art. 4. Ant. 3. p. tit. 13. c. 6. §. 4. & 5. Sot. in 4. d. 13. q. 2. Tutrecr. c. sufficit. de consecr. d. 1. Durandus in Rationali. lib. 4. cap. 1. Nauar. in man. c. 25. n. 87. Huic communi placito circa missas priuatas se opposuit Suar. 3. p. q. 39. disp. 8. sect. 4. aitque communem opinionem intelligendam esse circa missas capitulares, seu, vt ita appellemus, maiores Ecclesiarum. Tota ratio eius est, quia non est textus id prohibens, aut contrarium iubens.

4 *Int.* Quæro vltcrius. Non patitur infirmitas Sacerdotis omnes tres missas celebrare, quam ex iis dicturus est? *Resp.* Iuxta tempus in quo celebrat. Ait tamen Suar. etiam noctu posse dici missam diei, si id postulet deuotio; quia licet præfatio referat hanc sacratissimam diem, vel noctem, à media nocte incipit dies. Ita loco allegato.

5 *Int.* Admittitne adhuc communis Doctorum sensus euentum, ob quem liceat in die pluries celebrare? *Resp.* Admittit, nimirum quando Ecclesia est exigua; & populi magna confluit multitudo, cuius pars bona sacrum non audiret, si semel tantum celebraretur. Ita Suar. 3. p. quæst. 83. art. 2. cum Durand. lib. 2. de ritib. Eccles. c. 7. qui pro se refert Leonem Papam epist. 81. ad Dioscor. Oppositum tenuit Roder. in *sum. c. 246.* Illius ratio est, quia aliter subuenire poterit huic necessitati Sacerdos, nimirum celebrando ad ostium sacelli in altari portatili super aram sacram, vt fieri potest iuxta Nau. & Guter. quos citat. Deinde quia tam exiguum poterit esse sacellum, & tanta hominum multitudo, vt licet septies celebretur, & pluries septies, non omnes audiant sacrum.

Quando tenetur sub mortali celebrare. §. 8.

1. In quo euentu tenetur simplex Sacerdos celebrare.

2. An

2 *An tenetur ratione præcepti audiendi Sacrum.*

3 *An liceat aliquando consecrare extra Sacrum.*

1. **I**NTERROGATIO. Estne in aliquo euentu simplex sacerdos obligatus ad faciendum sacrum? *Resp.* Maximè; nimirum cum adest festum, & non est alius sacerdos, qui celebret. Sequeretur enim magnum scandalum, nisi id excusaret infirmitas. Ita Roder. in sum. cap. 246. num. 6.

2 *Int.* Maior oritur dubitatio, vtrum ratione præcepti audiendi sacrum teneatur simplex sacerdos facere sacrum, vt ipse satisfaciat huic præcepto? *Resp.* Videtur affirmare Roder. cap. 246. n. 6. cit. Oppositum tamen sentio: verum ex vi præcepti solius, quoniam illo tantum obligamur audire, non facere sacrum, si sit copia, & facultas audiendi.

3 *Int.* Licetne aliquando consecrare extra missam? *Resp.* Afferit Maior in 4. d. 9. quæst. 3. art. 5. cui fauet Sot. dist. 12. qu. 1. ad communicandum se ipsum, cum est morti proximus, vel alium in eodem articulo, neque tempus est faciendi sacrum. Negandum tamen cum Viêt. tit. de Euch. num. 73. cum Palud. disp. 9. probat Nauar. c. 2. num. 53. Habetur expressè *Comperim. de consecr. dist. 5.*

De stipendio pro faciendo Sacro. §. 9.

1 *An liceat stipendium accipere pro missa.*

2 *Quod est iustum stipendium pro missa.*

3 *An liceat pro vna missa plura accipere stipendia.*

4 *An liceat acceptatas missas differræ.*

5 *An liceat missas anticipare.*

6 *De eo, qui transfert missas acceptatas, cum minori stipendio quam accepit.*

7 *De eo, qui suscipit eleemosynas pro missis dicendis in certa Ecclesia.*

1. **I**NTERROGATIO. Licetne sacerdotibus stipendium accipere pro faciendo sacro? *Resp.* Dupliciter offerri potest sacerdoti pecunia pro faciendo sacro; primum, vt eleemosyna Deo, illiusque ministro erogata. Atque de hoc nulla suboriri potest dubitatio, vel scrupulus in dando, & accipiendo. Secundò, vt temporale stipendium oblatum ministro pro ministrando. Atque in hac consideratione etiam verissima est pars affirmans, quoniam iustum est, vt qui altari seruit, de altari viuât. Imò certum est posse ab Episcopis ta-

xari tale congruum stipendium, præcipereque sub excommunicationis poena, ne maius extorqueant. Ita Cord. lib. 1. q. 4. dub. 4. Arrag. 2. 2. q. 85. art. 3. contra Sot. di. 9. Iust. q. 3. art. 1. ad 2. & Nau. c. 23. n. 106. quos etiam improbat Eman. in sum. c. 249. n. 4.

2 Int. Quod erit iustum, & congruum stipendium diurnum sacerdotum, pro faciendo sacro? Resp. Quo se, & famulum honestè alere possint. Ita Roderic. cap. 249. sum. n. 4. Hæc autem honesta alimonia iudicanda est arbitrio prudentis viri pro loci, & temporis varietate. Honestè, dixi, non lautè, & opiparè, sed instar honestorum pauperum. Ita D. Thom. 3. p. q. 19. ar. 5. & Caiet. 10. 2. Opusc. tract. 83. q. 2. Sylu. mis. 1. q. 4. Armil. & Angel. verb. mis. §. 52. Cano. de loc. Theol. lib. 12. cap. 13. ad finem, Samarin. 3. p. Thesaur. tit. de virt. & utilit. mis. f. 43. quos refert Beia casu 2.

3 Int. Dederunt plures, eleemosynas, stipendiæve teguia, quæ non sunt satis ad alendum honestè sacerdotem cum famulo, potestne talis sacerdos pro iis vnum sacrificium offerre? Resp. Affirmat Sot. 9. Iust. q. 3. art. 1. & in 4. d. 13. q. 1. Honcal. opusc. de val. mis. Tab. 6. restitutio. §. ult. Cano. de loc. Th. lib. 18. cap. 13. Pétr. Sot. de Euchar. lect. 7. contra Nauar. c. 25. n. 92. & 93. probat rationibus Beia casu 12.

4 Int. Quid censes de dilatione missarum, pro quibus iam sacerdos stipendia accepit? Resp. Qui nimia negligentia missarum sacrificia suæ curæ commissa notabiliter differt, peccat mortaliter. Ita Nauar. c. 2. de rest. n. 367. & Rod. in sum. cap. 249. n. 7. Ratio est, quia vel sacrificium offertur pro aliqua necessitate corporali, spiritualive: vel pro animo in purgatorio detenta: si pro necessitate, transacta opportunitate, & occasione, non consequitur effectus, qui quidem à Deo obtineri desideratur, & quidem obtineretur, si sacrificium offerretur. Si verò pro anima, patitur illa ex tali dilatione graue detrimentum detentionis in poena, à qua liberaretur, si missa pro illa offerretur. Aduertunt tamen iidem Doctores posse sacerdotem, qui eleemosynis vitam alit, acceptare plures missas eo in numero, vt habeat ad celebrandum quotidie, aliter careret missis, & ex consequenti eleemosynis.

5 Int. Quid censes de anticipatione missarum? Resp. Dico primum. Qui pro aliqua capella, vel obligatione simili, imò & deuotione alicuius personæ, tenetur certis diebus celebrare, potest illas missas prius dicere, vt ita liber maneat, ad dicendas

dicendas alias, si noua eleemosyna occurrat. Ita Cord. l. 1. q. 94. dub. 6. & Emanuel ubi proximè. Crediderim tamen loquendum esse hac in re cum distinctione. Nam vel illa missa iubetur offerri pro defunctis, vel pro uiuis: si pro defunctis, uerissima est, quia anticipata solutio semper laudatur, & anima illa eò citius liberabitur à poena, quò citius pro ea satisfit. Si tamen pro uiuis, minime sanè: quia oblatum sacrificium pro uiuis, sæpe offertur, ut Deus succurrat præsentibus necessitatibus corporalibus, spiritualibusue, quæ quotidie suboriuntur, sæpe etiam offertur pro satisfactione debitæ poenæ: si verò tota poena iam sit remissa, satisfactio deinceps pro ea oblata ex vi sacrificiorum, non illi animæ, sed thesauro Ecclesiæ reservatur; ergo non satisfit intentioni iubentis sacrificare pro uiuis statis diebus, per anticipata sacrificia. Dico secundum: pauper sacerdos qui pro hac die non habet eleemosynam pro missa celebranda, potest missam celebrare, & statim illam applicare primo offerenti eleemosynam, quem Deus scit futurum primum. Ita Nauar. quem refert, & sequitur Eman. in sum. c. 249. n. 9. cum Arragonio 2. q. 8. art. 3. p. 927. Henriq. tom. 1. lib. 9. c. 21. n. 2. affirmans eiusdem esse opinionis Theologos, & iuris canonici peritos Salmanticenses. Ratio est, quia futura Deo sunt præsentia, in puncto æternitatis respondentem omnibus temporis differentiis indiuisibiliter, ac primus offerens futurus Deo est præsens.

6 Int. Quid censes de sacerdote, qui plures eleemosynas suscipit pro pluribus faciendis missis, & postea easdem missas alij committit, tribuens minorem eleemosynam ea, quam accepit tanquam dicturus eas? Resp. Arbitror peccare iuxta quantitatem retentæ pecuniæ. Ita Eman. in sum. c. 249. num. 9. Ratio est, quia pecuniam retinet inuito domino extortam per fraudem.

7 Int. Est aliquis siue laicus, siue clericus, qui ex officio accipit eleemosynas pro faciendis postea sacris per alios sacerdotes, potestne iste sibi retinere maiorem partem eleemosynæ, quam ea sit, pro qua ipse curabit, ut sacrum fiat, sicuti solet fieri in domibus B. Virginis à populo frequentatis? Resp. Potest pro suo labore, iuxta consuetudinem toleratam. Ita Sot. 9. iust. q. 3. a. 1. Nau. c. 25. n. 91. §. 24. Henr. lib. 9. to. 2. c. 22. quos affert. Ratio, quoniam tunc ita uelle uidentur deuoti, qui eleemosynas relinquunt pro faciendo sacro iis absentibus.

De

De loco, vbi celebrare licet. §. 10.

- 1 *Vbi licet celebrare.*
- 2 *Quando licet celebrare in loco non sacro.*
- 3 *In qua Ecclesia prohibetur celebrari.*

1 **I** N T E R R O G A T I O. Vbi licet celebrare? *Resp.* Non nisi in loco sacro, hoc est, per Episcopum consecrato: siue benedicto. Ita D. Thom. 3. p. q. 83. art. 3. quem sequitur Viç. tit. de Euchar. referens Gabriel. in Can. lect. 13. & 14. lib. 2. c. 2. Ita iubetur cap. Nullus. cap. Missarum. cap. Hic ergo. de consecrat. dist. 1. Iubet Concil. Trid. sess. 22. in præcepto de obseruantia, aitque Nauar. cap. 23. num. 81. peccare mortaliter sacerdotem, qui celebrat extra locum sacrum, si sciens, & prudens faciat contra textum dicti cap. Missarum.

2 *Int.* Daturne aliquis euentus, in quo liceat celebrare in loco non sacro, seu benedicto? *Resp.* Datur: nimirum si fiat supplicatio magna hominum multitudine confluyente ad exiguum eremitorium, vel in exiguo eremitorio celebraretur, eadem confluyente multitudine, Missa noua, aliudve festum; tunc enim ad ostium eremitorij super aram sacram portatilem, liceret fieri sacrum, etiam absque licentia Episcopi. Ita Roder. supra citatus in hac materia, & Nauar. cap. 25. num. 82. c. Concedimus. d. 1. de consecr. cui iuxta illius sententiam non est derogatum per Concil. Trid. sess. 22. adeo prohibens celebrationem extra locum sacrum, vt iuxta ipsius Nauarri sententiam cap. 25. n. 81. non possit Episcopus ad eam concedere potestatem. Verba autem Concilij sunt hæc. Hoc sanctum sacrificium extra Ecclesiam, aut ad diuinum cultum dedicata oratoria à secularibus aut regularibus quibuscumque non peragatur. Addit Toletus lib. 2. c. 2. Effet necessitas, si occurreret præceptum audiendi Missam dum fit iter. Probat Can. c. Concedimus. de consecr. d. 1. Item necessitas communicandi aliquem in mortis articulo. Quod intelligit, si adsint reliqua ad sacrificium necessaria.

3 *Int.* In qua Ecclesia, locove sacro, seu benedicto prohibetur quis celebrare sub graui peccato? *Resp.* In interdicta, & fit irregularis, qui in ea celebrat. Et in polluta sanguine, vel semine, non tamen celebrans fit irregularis. Ita Nauar. cap. 25. num. 83. ex cap. Is, qui, & §. 1. de sent. excomm. in 6. Tolet. lib. 2. cap. 2. Sor. & Palud. in 4. d. 13. q. 2. nisi de licentia Episcopi, quia

quia tunc posset. Ita D. Thomas 3.p. q. 38. art. 3. quem refert, & sequitur Toletus.

De Altari. §. 11.

- 1 *An liceat celebrare sine altari.*
- 2 *Quotuplex est altare.*
- 3 *Ex qua materia debet esse altare.*
- 4 *An oporteat altare esse consecratum.*
- 5 *Quæ reuerentia exhibenda altari.*
- 6 *Qualis esset debet ara altaris.*
- 7 *De ornamentis altaris.*
- 8 *De materia linteorum altaris.*
- 9 *An duo prima lintea per Episcopum consecranda sint.*
- 10 *An idem dicendum de corporalibus.*
- 11 *Quale sit peccatum sine his linteis celebrare.*
- 12 *Quatenus maneat corporalia benedicta.*
- 13 *An sufficiat lapis aræ, qui totum non capit calicem.*
- 14 *Quod peccatum committat, qui cum sordidis celebrat linteis.*

1 **I**NTERROGATIO. Quoniam ad locum pertinet altare, postquam te rogavi de loco ubi celebrandum sit, rogabo deinceps de altari. Rogo igitur. Estne peccatum mortale celebrare absque altari? *Resp.* Est. cap. *Altaria. de consecrat. dist. 1.* Ita Nauarr. in *sum. cap. 25.* itur enim contra præceptum grane.

2 *Int.* Quotuplex est altare? *Resp.* Duplex, fixum scilicet, & portatile.

3 *Int.* Ex qua materia debet esse altare fixum? *Resp.* Ex lapide, non ex ligno, aut ferro, aut alio quouis metallo. cap. *Altaria. de consecr. d. 1.* Vbi Gratianus adducit Concil. Hippo-nense idem determinans. Altare verò portatile potest esse ex ligno. Ita vsus obtinuit Ecclesiæ.

4 *Int.* Requiritur ne, ut altare sit consecratum per Episcopum? *Resp.* Requiritur: sed ex privilegio satis est ut tabula lapidea (aræ lapidem vocant) ritè per Episcopum consecrata superponatur altari, & super eam fiat sacrificium. Ita cap. *Quoniam. de privilegio. lib. 6.*

5 *Int.* Quæ reuerentia exhibenda altari? *Resp.* Magna olim altaria omnia ferreis cratibus, ne aditus pateret, custodiebantur. Ita legitur in Conc. Chalced. 1. in Conc. Turon. can. 3. & c. 1. de vita, & honest. cler. Irreuerentiam circa altaria, vindicavit

cauit Deus olim acerbissimis poenis & morte, vt narrat Niceph. lib. 10. cap. 29. & Theod. lib. 3. hist. cap. 11. & 12. Constatque ex aliis historiis Deum ad altaris cuiusque custodiam Angelum designare, vt irreuerentes puniat. Ita refert Pratum spirit. cap. 4. & 10.

6 Int. Qualis esse debet ara altaris? Resp. Lapidea. Can. Altaria. de consecr. d. 1. Integra. cap. 1. & 3. de consecr. Eccl. Consecrata, si verò non esset consecrata, non posset Episcopus dispensare, vt in ea celebraretur, posset Summus Pontifex. Ita Tolet. lib. 2. cap. 2.

7 Int. Quibus ornamentis oportet vt altare sit praparatum ad faciendum sacrum? Resp. In primis oportet, vt superior pars tobalia, ita vocant, per totum tegatur. Deinde, vt super aram lapideam consecratam, extendatur linteum (nostrates vocant guarda) aut saltem, vt duplicetur eadem tobalia. Ita c. Altaris palla. de consecr. d. 1. Sylu. mis. 1. q. 1. Palud. & Innocent. & direct. curatorum. Deinde requiritur aliud linteum super illa duo, vocant corporale, quia immediate tangit, & suscipit Christi corpus sub speciebus sacris contentum. cap. Consulto. de consecr. dist. 1.

8 Int. Ex qua materia debent esse hæc linteae? Resp. Ex solo lino, vt nomen sonat, corporale saltem, non ex serico, vel bysso Indico, nostrates vocant Algodam, quia non linum, sed lanugo arborum est, seu, vt verius loquar, non ex lino, sed ex arborum lanugine netur. Possunt tamen ad oras texti auro serico, ornarique lapillis pretiosis. Ita Conc. Reimense. Notat Tolet. lib. 2. cap. 2.

9 Int. Oportetne, vt duo prima linteae, tobalia scilicet, & aliud, quod nostrates vocant guarda, sint consecrata per Episcopum? Resp. Minimè. Ita omnes Doctores.

10 Int. Estne idem dicendum de corporalibus? Resp. Minimè quidem: potest tamen illorum consecratio committi presbyteris, & de facto commissæ est prælatis Religionum mendicantium.

11 Int. Quale peccatum est facere sacrum sine his linteis? Resp. Sine tobalia, & corporalibus esset mortale: cum tobalia, & corporalibus sine secundo linteis, esset veniale. Ita Eman. in sum. cap. 26. n. 17. D. Thom. 3. p. q. 83. art. 3. ad 8. & Suar. ibid. disp. 81. sect. 9. Toletus lib. 2. cap. 2.

12 Int. Quatenus manent corporalia benedicta? Resp. Quatenus

Quatenus possunt recipere calicem, & patenam cum hostia, licet in aliis in partibus sint disrupta. Ita Syl. *corporal. q. 2.*

13. *Int.* Lapis aræ non est tantus, vt totus capiat calicem, & patenam cum hostia superposita, sed solum maiorem calicis partem, & patenæ, estne aptus, vt in eo fiat consecratio? *Resp.* Satis. Ita Palud. in 4. *dist. 13. q. 2. art. 4.* Sot. *art. 3. eadem dist.* Alenf. 4. p. q. 38. *memb. 3. alias memb. 3. q. 10. art. 2.* Syl. *altare. Nauar. c. 45. n. 83.* quos refert Eman. *cap. 2. 46. sum. n. 15.*

14. *Int.* Quale peccatum esset celebrare cum his lintheis notabiliter sordidis? *Resp.* Mortale. Ita Palud. in 4. d. 13. q. 2. a. 6. *concl. 6.* Caiet. *verb. Miss.* & ibi Syl. 1. q. 2. Tolet. *lib. 2. cap. 1.*

De calice, patena, & candela. §. 12.

- 1 Ex qua materia debeat esse calix.
- 2 Quæ sit materia calicis, in quo Christus Dominus consecrauit.
- 3 Quid significant calix & patena.
- 4 An requiratur, vt calix sit consecratus, & patena.
- 5 Quandiu maneant calix & patena consecrata.
- 6 An amittant consecrationem calix & patena, quando post consecrationem inaurantur.
- 7 Quid dicendum de calice inaurato, cuius aurum absumptum est.
- 8 Quid dicis de calice tornatili, cuius partes artificis opere separantur.
- 9 An debeat esse consecrata, vel benedicta pyxis, in qua Christi corpus seruatur.
- 10 Ex qua materia debet esse palla.
- 11 An requiratur candela accensa ad celebrandum.
- 12 Ex qua materia debeat esse candela.
- 13 Quot candelæ sint necessariae.
- 14 Quod peccatum sit, celebrare sine Missali.
- 15 An teneatur sacerdos celebrans cum Diacono, & subdiacono secreto Epistolam, & Euangelium recitare.

1 **I**NTERROGATIO. Quoniam ad ornamentum altaris pertinet calix, patena, & candela, de iis statim te rogabo. Ex qua igitur materia debet esse calix? *Resp.* Calix olim propter Ecclesiæ inopiam, erat ligneus. Postea Zepherinus Papa decreuit, vt esset vitreus, rexit autem Ecclesiam ducentesimo anno post Christi passionem. Paulo post sanxit Urbanus Papa, vt calix & patena essent argenteæ, teste venerabili

bili Beda *cap. 2. de loc. sanct.* Postea verò in Conciliis decretum est, vt calix sit, vel aureus, vel argenteus, vel saltem stanneus. *cap. calix. de consecr. d. 1.* Non verò ex alia materia. *cap. Vasa. cap. Calix. eadem d.* Quod decretum intelligendum est de cuppa calicis, non verò pede, iuxta omnes. Qui tamen Sacerdos modò in calice ligneo celebraret, deponitur ab officio, & beneficio. *c.vlt. de celeb. Miss.*

2 *Int.* Ex qua materia erat Calix, in quo Christus Dominus consecrauit? *Resp.* Ex argento. Ita Vener. Beda *cap. 2. de loc. sanct.*

3 *Int.* Quid significat calix, & patena? *Resp.* Calix Christi Domini sepulchrum. Patena lapidem magnum, quo signato monumentum clausum est, de cuius magnitudine conquerebantur sanctæ mulieres, cum vellent Magistri cadauer vnguentis condire, dicendo: quis reuoluet nobis lapidem ab ostio monumenti? Ita Tolet. *lib. 2. cap. 2.*

4 *Int.* Requiritur ne, vt calix sit consecratus, & patena? *Resp.* Requiritur. Et solus Episcopus potest calicem, & patenam consecrare. *cap. vnico. de sacra vntione. §. vlt.* Notantque Syl. & alij Summistæ *verb. calix.* Potest tamen hæc benedictio committi Presbyteris, vt notat Roderic. *c. 246. n. 21.*

5 *Int.* Quandiu manent calix, & patena consecrata? *Resp.* Quandiu seruant integram formam, & ideo fractus calix, iterum est consecrandus. Ita Palud. *in 4. 13. q. 2. art. 5.* Couarr. 2. Syluest. *calix.*

6 *Int.* Non erant calix, & patena aurata, sed post consecrationem inaurantur: aut si erant inaurata, iterum inaurantur, amittuntne consecrationem? *Resp.* Amittunt, & ideo oportet, vt iterum consecrentur. Ita omnes cum Rodèric. loco proximè citato.

7 *Int.* Consecratus est calix inauratus, sed decursu temporis absumptum est aurum, manétne consecratus? *Resp.* Manet. Ita Rod. proximè.

8 *Int.* Est calix tornatilis, cuius partes artificis opere separantur inuicem, manétne consecratus, si partes inuicem separantur? *Resp.* Manet. Ita Eman. loco proximè citato.

9 *Int.* Oportétne, vt pyxis, in qua Christi corpus seruetur in sacrario, vt consecrata, vel benedicta? *Resp.* Quod non oporteat esse consecratam, tenent omnes Doctores. Nec etiam benedictam, tenet Palud. *in 4. d. 13. q. 2. art. 4.* Syl. *Euchar. 3. qu. 4.*

Oppositum

Oppositum tamen dicendum cum Soto in 4. d. 13. q. 1. art. 3. circa benedictionem.

10 *Int.* Ex qua materia debet esse palla? *Resp.* Ex lino, iuxta Suarij sententiam 3. p. q. 83. art. 3. disp. 81. sect. 1. Ratio eius est, quia olim tegebatur calix parte corporalis, palla verò successit loco corporalis: corporale autem oportet esse lineum; ergo & pallam: facitque pro hac opinione Innocent. lib. 2. de Mis. c. 56. Oppositum docet Sot. in 4. d. 13. q. 2. art. 3. & iam obtinuit Ecclesiæ vsus, qui patitur has pallas ex auro, serico, re-
ti, quem quidem meritò non audet refellere Roder. in sum. cap. 246. num. 18.

11 *Int.* Requiritur ne candela accensa ad celebrandum sacrum? *Resp.* Requiritur. cap. Finali. de celebrat. Miss. & est peccatum mortale celebrare absque ea. Ita Nauar. in sum. cap. 25. quia itur contra graue præceptum.

12 *Int.* Ex qua materia debet esse candela? *Resp.* Ex cera, iuxta Ecclesiæ morem, peccaretque mortaliter, qui cum candela ex seuo, aut alio adipe facta, etiam data quauis necessitate, celebraret, quidquid dicat Tolet. lib. 2. cap. 2. Satis tamen esset, urgente tali necessitate, lumen fotum oleo oliuarum. Ita Suar. 3. p. q. 83. art. 1. disp. 81. sect. 6.

13 *Int.* Quot candelæ sunt necessariae? *Resp.* Vna sat est. Ita Graßius c. 42. num. 1.

14 *Int.* Quod peccatum esset facere sacrum absque missali? *Resp.* Si esset periculum obliuiscendi, mortale, eo tamen amoto, & scandalo astantium, veniale. Ita Nauar. c. 25. n. 84. & 85. & Suar. proximè cum comuni.

15 *Int.* Tenetur ne Sacerdos cantans Missam cum Diacono, & Subdiacono, secretò recitare epistolam, & Euangelium? *Resp.* Negat Nau. de orat. miscel. 78. quia non est textus id præcipiens: & ex opposito tenetur Sacerdos etiam recitare passionem feria quarta maioris hebdomadæ. Oppositum tamen docent Missalis rubricæ, & seruant, qui rubricarum studio, intellectuque incumbunt, quibus quidem potius in hac re credendum, quam Nauarro.

De vestibus, quibus indutus Sacerdos accedere debet ad altare. §. 13.

1 Quæ sunt vestes sacre celebrantis.

F f

2 Quod

- 2 Quod est peccatum facere sacrum sine aliqua sacrarum vestium.
- 3 Qua censura innodatur Sacerdos in Diœcesi Bracharenſi celebrans absque vestibus sacris.
- 4 Quod peccatum est non recitare orationes appositas in Missali pro induendis vestibus.
- 5 De celebrante cum immundis vestibus.

1 INTERROGATIO. Quibus vestibus induendus est Sacerdos sacrificaturus? *Resp.* Amictio, alba, cingulo, & casula. Oportet autem, ut huiusmodi vestes sint benedictæ per Episcopum, aut alium ad id pollentem iurisdictione. Ita *Scrut. tract. 2. tit. de sacrificio Miss. Tolet. lib. 2. cap. 20.*

2 *Int.* Quod peccatum est facere sacrum sine aliqua harum vestium? *Resp.* Mortale. Ita *Nau. c. 25. n. 84. cum D. Anton. 3. p. tit. 13. cap. 6. Direct. lib. 1. tit. 7. §. 55. Tolet. lib. 2. c. 2. adeo ut deficiente harum aliqua vestium, deobligemur à dicendo, & audiendo sacro, etiam in diebus festis.* Ita *Direct. loco citato.* Addit *Caiet. 1. 2. q. 96. art. 4. etiam si non aliter possit quis mortem vitare, quam faciendo sacrum sine tali veste.* Dura tamen est sententia, ut bene aduertit *Nauar. citatus, nisi mors obii-ciatur in contemptum Ecclesiæ. Potest tamen in necessitate Sacerdos uti manipulo pro stola, & stola pro cingulo.* Ita *Palud. in 4. d. 13. q. 2. Cingulum etiam non benedictum satis est.* Ita *Richard. in 4. d. 13. q. 4. art. 3. Scot. ibid. q. 2.*

3 *Int.* Qua censura innodantur Sacerdotes, qui in Bracharenſi Archiepiscopatu celebrant absque sacris vestibus? *Resp.* Maioris excommunicationis. Ita *Concil. Brachar. tertium Can. 3.*

4 *Int.* Quod peccatum committit Sacerdos, qui dum se induit, non recitat orationes ab Ecclesia signatas pro singulis ornamentis? *Resp.* Si omittit ex contemptu, mortale: si ex negligentia sola, veniale. Ita *Henriq. lib. 9. de Miss. c. 24. & Rod. in sum. c. 246. n. 12. & sic intelligendus Nauar. lib. 3. consil. tit. de celebr. Mis. consil. 2. absolute loquens de mortali.*

5 *Int.* Quod peccatum est celebrare cum immundis vestibus notabiliter? *Resp.* Mortale. Ita *Tolet. lib. 2. cap. 2. Ratio est, quia magna irreuerentia fit Sacramento mundissimo.*

De hora in qua licet incipere, & finire Missam. §. 14.

1 Qua parte diei licet celebrare.

2 Quale

2 Quale est peccatum celebrare extra tempus.

3 Quæ hora intelligenda est pro aurora.

1 INTERROGATIO. Qua parte diei licet Missam celebrare? *Resp.* Ab aurora vsque ad meridiem inclusiue. Ita omnes Doctores, & Viêt. in *sum. tit. de Euchar. nu.* 79. Non ante auroram. Ita D. Thom. in *4. d. 13. q. 1. art. 2.* vbi omnes Doctores Gabr. *lect. 14. in can. D. Ant. 3. p. tit. 13. c. 6. §. 4.* Impendet meridies, possum quidem incipere Missam, quam finiturus sum post meridiem. Ita Gabr. *lect. 14. in can. Maior in 4. d. 13. q. 4. ibid. Sot. q. 2. art. 2. & lib. 10. iust. q. 5. ar. 4.* Durand. *de redditibus Eccles. c. 7.* Et ideo meridies inclusiue intelligendus est quoad inceptionem, non autem quoad finitionem. Hæc communis opinio. Ioannes tamen Andreas *c. 1. de celeb. Missar.* posse affirmat incipi Missam non multò post transactum meridiem. Nauarrus verò in *sum. cap. 25.* affirmat, semoto scandalo posse Missam celebrari à meridie vsque ad horam tertiam, quod spatium olim appellabatur hora nona. Ratio eius est, quia non est textus id prohibens. Et inde, quia Missa est quadam Christi passionis representatio, & propriissimè representatur in illo spatio, in quo Christus Dominus pependit in cruce. Eandem opinionem sequitur Viuald. *de Euchar. tit. de Sacerd. num. 50.* Hæc tamen opinio nequaquam admittenda, quippe quod grauitè prohibetur in *Const. Apostol. Pij V. const. 2.* quæ incipit, *Sanctissimus in Christo Pater*, &c. Quæ quidem constitutio directè prohibet antiquum vsum, & frequentiam ita præsumendum celebrare: non tamen tollit euentus fortuitos, in quibus adhuc iuxta Nauar. opinionem licet per id spatium celebrare, vt notat Emanuel loco citato, & Viuald. *de Euchar. tit. de præpar. n. 50.* Ex hac generali regula excipitur Episcopus, qui potest noctu celebrare, iuxta Palud. in *4. d. 13. q. 2. concl. 2. art. 2.* post Gloss. *c. fin. de priuileg. lib. 6.* quos sequitur Nauar. citatus. Et is, qui de licentia Episcopi urgente necessitate, scilicet pro communicando infirmo, nocte celebrat. Ita D. Anton. *3. p. tit. 13. c. 6. §. 4.* Et per epiichiam, absente Episcopo, etiam absque tali licentia, oblata tali necessitate, vt aduertit Nauar. citato loco. *c. Quod non est. arg. de reg. iur.*

2 Int. Quod peccatum committit, qui celebrat extra hoc tempus? *Resp.* Mortale. Ita Nauar. *cap. 25.* & omnes summistæ cum D. Thom. in *4. d. 13. quæst. 1. art. 2.* Gabriel *lect. 14. in can. D. Anton. 3. p. tit. 3. c. 6. §. 4.*

3 *Int.* Quæ hora intelligenda est pro aurora? *Resp.* Spatium horæ, & dimidiæ horæ ante radios solares manifestos. Ita Suar. 3. p. disp. 80. sect. 4. Palud. verò in 4. d. 13. q. 2. & Viêt. in sum. num. 79. addunt vltcrius posse Missam incipi eo spatio ante, vt finiatur hora, & dimidia incipiente ante solis radios manifestos. Hinc colligit Eman. in sum. c. 247. nu. 1. posse Missam incipi duabus horis, ante solis radios apertos, quia ad faciendum sacrum, requiritur dimidia hora.

Quo pacto subueniendum defectibus, qui in Missa accidere possunt. §. 15.

- 1 *Quid faciendum in defectu vini.*
- 2 *In defectu panis.*
- 3 *In defectu formæ.*
- 4 *In venenosis speciebus.*
- 5 *In effusione sanguinis.*
- 6 *In deliquio Sacerdotis.*
- 7 *Cum in tali deliquio non inuenitur Sacerdos ieiunus.*
- 8 *Cum non inuenitur omnino Sacerdos.*
- 9 *Cum cecidit Araneus in Calicem.*
- 10 *Cum apparet per miraculum caro, seu puer.*
- 11 *An liceat omittere inceptum sacrum.*
- 12 *Cum superuenerit excommunicatus.*

1 **I** N T E R R O G A T I O. Sunt plures euétus, qui in Missa accidere possunt, idè oportet vt remedia præstò sint, ad iis subueniendum, dic igitur. Qui inuenit vinum cum hauritur, esse corruptum, vel esse aquam, quid est facturus? *Resp.* Accedat ad cornu altaris, & tanquam ablutionem sumpturus, accipiat verum vinum, & nemine conscio, incipiat verba consecratoria ab illo loco. *Simili modo postquam,* &c. Et proferat verba reliqua consecrationis calicis, nec est necesse vt consecret nouam hostiam. Ita Scot. in 4. d. 8. Nauar. cap. 25. nu. 91. Suarius 3. p. disp. 85. Tolet. lib. 2. cap. 9.

2 *Int.* Inuenta est hostia corrupta, aut hordeacea? *Resp.* Accipienda alia, & aliud nouum vinum, & ambo consecranda denuo, sumendaque, & simul species vini consecrata. Ita Suarius loco citato. Veruntamè, si ex noua vini consecratione sequeretur populi scandalum, dicentis Sacerdotem parum aduertisse

aduertisse sacrificio, satis est, si nouam consecret hostiam. Ita Palud. in 4.d.11.q.1.art.2. Angel. Missa. num. 17. quos sequitur Eman.c.248.num.1. ex paritate rationis superioris dubitationis.

3 *Int.* Ex probabilibus coniecturis inuenit Sacerdos se nõ protulisse verba consecratoria, vel ita mutasse eorum sensum, vt mutata sit forma? *Resp.* Proferat verba consecratoria super eandem hostiam, & idem vinum nemine intelligente. Ita Suar.& Eman.loco citato.

4 *Int.* Inuenit quis in speciebus consecratis esse venenum, quid facturus est? *Resp.* Eas species minimè est sumpturus, sed hostia reponenda in sacrario, quoad corrumpatur: species verò vini linteo, vel stupa exsiccandæ, & postea hostia corrupta, & stupa, seu linteum comburenda, cineresque mittendi sunt in piscinam. Aliud verò vinum, & alia hostia consecranda, vt sacrificium perficiatur. Ita communis Doctorum opinio, quam refert Roderic. cap. 248. num.5.

5 *Int.* Cecidit pars vini consecrati, quid facturus est Sacerdos? *Resp.* Circa hunc euentum est declaratio cap. Si per negligentiam. de consecr.d.2. his verbis. Si aliquid de sanguine Domini stillauerit in terram, lingua lambatur, & tabula radatur: si non fuerit tabula, vt non conculcetur, locus corradetur, & igne consumetur, & cinis intra altare recondetur: si super altare stillauerit calix, sorbeat minister stillam: si super linteum, sorbeat minister, & tribus vicibus abluat calice supposito, & aqua ablutionis sumatur, & iuxta altare recodatur. Non quidem recitauit omnia verba textus, sed quæ modò seruanda sunt in praxi: nam poenitentia appositæ, desuetudine antiquatæ sunt. Hinc meritò infert Nauar. c. 25. non esse corporalia, super quæ ceciderit sanguis, cremanda, sed tantummodo abluenda. Quod idem dicendum est de rapete, vel alio pretioso peristromate super quod ceciderit hostia; satis est enim, vt locus, quem tetigit sacra hostia, aqua abluatur, & aqua ablutionis mittatur in piscinam.

6 *Int.* Accidit Sacerdoti sacrificanti deliquium, vel quid simile impedimentum, ita vt nequeat sacrificium absolueret, quid faciendum? *Resp.* Vel illud impedimentum accidit ante, vel post consecrationem. Dico *primum*. Si ante consecrationem, nil restat faciendum. Dico *secundum*. Si post consecra-

tionem, absoluat sacrificium alius Sacerdos. Ita habetur 7.
q. 1. can. nihil. ex Conc. Tolet.

7 *Jnt.* Non est alius Sacerdos ieiunus, sed omnes cibo re-
 fecti? *Resp.* Absoluat non ieiunus. Ita Sot. *in 4. d. 13. q. 2. art. 9.*
 contra Sylu. *Euchar. 2. §. 12.* quia, vt rectè aduertit Toletus
lib. 2. c. 9. minus est præceptum de ieiunio, quàm præceptum
 de non omittendo sacrum imperfectum, vbi autem est maius,
 cessat minus.

8 *Jnt.* Non inuenitur alius Sacerdos, nec ieiunus, nec non
 ieiunus? *Resp.* Reponendum est Sacramentum in sacrario, vt
 altera die sumatur à Sacerdote. Ita omnes.

9 *Jnt.* Cecidit animal in calicem consecratum haustu dif-
 ficile? *Resp.* Extrahatur, & abluatur, ablutióque vel sumatur,
 vel exsicceetur stupa, & stupa comburatur, & cineres mittan-
 tur in piscinam. Ita omnes.

10 *Int.* Accidit miraculum in hostia, ita vt appareat caro,
 vel puer, vt sapè accidisse cõstat ex certissimis historiis, quid
 faciendum? *Resp.* Reponenda est hostia in sacrario, & de mi-
 raculo certior faciendus Episcopus: nec alia noua conse-
 cranda. Ita communiter Doctores cum D. Tho. 3. p. q. 83. art. 4.
 Ratio est manifesta, quia sacrificium rectissimè peractum est.

11 *Int.* Licetne facili de causa relinquere inceptũ sacrum?
Resp. Minimè. Ita prohibetur *cap. Nullus. de consecr. dist. 1.* idèò
 grauiter, & mortaliter peccat; non tamen aliqua innodarur
 censura, vt adnotarunt Nauar. *in miscel. de orat. 42.* Eman. cum
 Salzedo *in pract. crim. cap. 45. pag. 126.* Dixi, facili de causa, quia
 propter grauẽ & vrgentẽ necessitatẽ id licet, iuxta
 eosdẽ Doctores.

12 *Int.* Ingressus est Ecclesiam excõmunicatus declaratus
 nominatim denunciatus. Quid faciendum Sacerdoti celebrã-
 ti? *Resp.* Si Sacerdos nondum Canonem incepit, omittat sa-
 crum, amoueátque se ab altari, si iam Canonem incepit, per-
 gat vltèrius, & sacrum perficiat vsque ad sumptionem cor-
 poris & sanguinis Christi. Ita Eman. *in sum. c. 246. n. 8.*

Qua reuerentia accedendum ad audiendum
 sacrum. §. 16.

I INTERROGATIO. Qua reuerentia adesse debemus
 sacro? *Resp.* Magna. Ita æquitas postulat. Cum enim filij
 Israël

Israël audissent Deum misertum fuisse eorum; & misisse Moysem ad eos ab Ægyptia oppressione liberandos, adorant proni. *Exod. 4.* Verba autem textus sunt hæc. *Audierunt, quod visitasset Dominus filios Israël, & quod respexisset afflictionem, & adorauerunt proni.* Quam igitur maiori ratione tene-mur sacrum audire proni, cernui, & deuoti? nil enim est aliud Euangelium, quàm bonum nuncium, quod æternus Pater nostri misertus misit per filium suum, nos à peccati seruitute vindicaturum. Rem miram hac de re narrat Abulens. *in intro-duct. in Matth. q. 18.* Irreuerenter se quis gerebat in sacro; ne-que genu, cum illa proferrentur sacrosancta verba; *Et Verbum caro factum est*, flectebat, accessit semel Dæmon in procera hominis simulata forma, & alapam misero grauifsimam impexit. Flecte impropere genu miser homuncio. Si enim, vt Ioannes dixit, *Verbum caro factum est*, diceret; Verbum dæmon factum est, nunquam nos à terra dæmones le-uaremus.

Additio ad §. 1. §. 17.

I *Cur sacrificium altaris appelletur Missa.*

I **I**NTERROGATIO. Cur hoc sacrificium appella-tur Missa? *Resp.* Aliqui deductum arbitrantur nomen à verbo mitto; quoniam in hoc sacrificio fit Christi Domini oblatio Deo Patri, mittiturque ministerio Angelorum in cælum. Ita habetur *c. Quid si sanguis. de consecr.* adnotauitque Scrutin. *de Miss. sacrif.* Est tamen Missa nomen Hebraicum, *Missach*, quod idem est atque oblatio, seu sacrificium: nam vbi legimus, *Eleuatio manuum mearum sacrificium vespertinum.* Hebraica radix habet, *Missach.* & D. Hieronymus vertit, obla-tio manuum mearum, vt adnotauit Tolet. *in sum. lib. 2. cap. 4.* rectèque definiit Missam. *Est oblatio corporis & sanguinis Do-mini sub speciebus panis, & vini facta, sacrificij à Christo semel ex-hibiti expressiua.*

Additio ad §. 8. §. 18.

I *An excommunicatus toleratus fiat irregularis celebrando.*

I **I**NTERROGATIO. Licetne excommunicato non vitando citra censuram irregularitatis aliquando celebra-re? *Resp.* Si non adsit alius Sacerdòs, nisi excommunicatus non euitandus, & nullum sit scandalum scientium excommunica-tionem, & dispensationem noui iuris per *Extrau. Ad euitanda*, vrgeátque dies festus, vel alia necessitas, possunt alij talem sa-cerdotem

cerdotem inuitare ad celebrandum, neque ipse celebrans peccabit, aut incurreret irregularitatem. Ita Suar. *disp. 11. de excommuni. sect. 4. num. 13.* probatque verbis *Extra. ad euitanda.* Possunt communicare (quibuscunque diuinis) quæ huiusmodi facultatem concedunt fidelibus respectu excommunicatorum non euitandorum. Ita dicendum de Sacerdote excommunicato occulto, qui nisi celebret sequetur scandalum, vel infamia illius apud eos, qui nesciunt causam & vident illum abstineri à celebratione missæ. Neque in eo euentu ipse se detegere tenetur, sed potest absque peccato, & censura celebrare ob illa incommoda fugienda. Ita idem Doctor.

C A P V T VI.

De Sacramento Pœnitentiæ.

Quoniam huiusmodi Pœnitentiæ Sacramentum pœnitentibus & confessariis est frequentissimum; illiusque notitia maximè pernecessaria; impensius laborandum duximus ut doctrina ab auctoribus de eo tradita, clariori methodo, quàm hactenus ab eisdem observari intelleximus, à nobis in commune commodum inculcetur. Figitur prius Sacramenti definitionem, institutionem, & necessitatem: deinde materiam: tertio formam: quarto ministrum, & si quæ alia occurrerint, præsertim de effectu, quæstiones in disceptatione afferemus.

De Pœnitentiæ Sacramenti definitione, institutione, ac necessitate. §. 1.

- 1 Quo pacto definitur.
- 2 A quo fuit institutum.
- 3 An sit ad salutem necessarium.

I N T E R R O G A T I O. Quo pacto definiri potest pœnitentiæ Sacramentum? *Resp.* Pœnitentia est Sacramentum, in quo Sacerdos sibi subditum, & confitentem legitimè sua peccata cum iusto dolore, & proposito satisfaciendi, ab eisdè peccatis absoluit. Ita Nau. c. 22. n. 11. Sotus verò in 4. d. 14. quæst. 1. art. 2. Ita illud definit. Pœnitentiæ Sacramentum, est Sacramentum remissionis peccatorum, quæ post baptismum committuntur. Clarius ita definiri potest. Pœnitentia est absolutio

lutio pœnitentis, facta à sacerdote iurisdictionem habente; sub certa verborum forma, cum debita intentione prolata ex institutione diuina significatiua, & effectiua absolutionis animæ à peccatis.

2 *Int.* A quo fuit institutum? *Resp.* A Christo seruatore. Ita Concil. Trid. *sess.* 7. *can.* 1. & *sess.* 14. *cap.* 1. Probat Sot. in 4. d. 14. q. 1. art. 1. Illud verò Christus Dominus instituit, quando post resurrectionem in Discipulos insufflando dixit. *Accipite spiritum sanctum*; quorum remiseritis peccata, remittuntur eis, & quorum retinueritis, retenta sunt. *Joan.* 20. *Matth.* 16. 18. Ita habetur c. 17. constitueretur. 50. d. declarauit Concil. Trident. *sess.* 14. *cap.* 1. & *can.* 8. Probat Viêt. de pæn. num. 104. Sot. in 4. d. 8. qu. 1. art. 1. Catech. Rom. *pagin.* 294. Finis autem huius institutionis fuit, vt per hoc sacramentum peccator, qui per culpam à Deo recesserat, per gratiam in pristinam amicitiam rediret. Ita D. Ambr. *lib. de pæn.* Canis. de doct. Christ. *tit. de pæn.* c. 2.

3 *Int.* Estne hoc Sacramentum ad salutem necessarium? *Resp.* Dupliciter potest hoc Sacramentum esse necessarium: nimirum, vel susceptum realiter, vel susceptum intentionaliter, vt ita dicam: Theologi dicunt susceptum in re, vel in voto. Dico igitur *primum*. Peccatori lapsò in culpam lethalem ita hoc Sacramentum est necessarium in re, data copia confessarij idonei, vt quamuis iam per veram contritionem talis peccator redierit in gratiam Dei, illam iterum ex culpa non confitendi peccata, amittat, & ex consequenti damnetur. Iustificatio verò per actum contritionis consecuta etiam datur, quia talis contritio includit vñtum, hoc est, voluntatem confitendi data copia idonei confessarij. Hæc est Catholica veritas supposita institutione huiusmodi Sacramenti. Ita Doctores in 4. d. 14. & 17. D. Thom. 3. p. qu. 89. art. 2. Oritur verò hæc necessitas non ex solo præcepto confitendi Ecclesiastico, vt falsò crediderunt Hugo Victorin. *lib.* 2. de sacr. par. 14. c. 1. Alensis 4. p. q. 79. memb. 3. art. 2. D. Bonauent. in 4. d. 17. p. 2. art. 1. q. 3. & probabile existimauit Scot. *ib.* q. 1. sed ex vi ipsius institutionis à Christo Domino factæ. Ita decernitur in Concil. Constantiens. & Florent. & Trident. *sess.* 14. *can.* 6. Traditur à Sixto I V. in Extrau. contra Petrum de Osna. quam refert Castro verb. confessio. Ratio est, quia Christus Dominus constituit in Ecclesia hoc vñicum tribunal. *Ioann.* 20. cum dixit: *Quorum remiseritis peccata, remittuntur eis, & quorum retinueritis, retenta sunt.*

sunt. Docetur hæc veritas ab August. lib. 50. homil. in hom. 49. refertur in cap. Agite pœnitentiam. de pœn. d. 1. Dico secundum. Cum deest copia confessarij, satis est ad gratiam comparandam, & veniam peccati obtinendam, pœnitere de peccato commissio propter Deum offensum, cum intentione confitendi tale peccatum data opportunitate confessarij. Ita Theologi in 4. d. 14. & 17. D. Thom. 3. p. q. 89. art. 2. Leo Papa epist. 9. c. 3. sumitur ex Conc. Cabil. 2. c. 33. Dècernitur in Conc. Trident. sess. 14. c. 4. vbi ait, contritionem perfectam informari charitate ante confessionem re ipsa factam. Dico tertium. Cum per hoc Sacramentum in voto tantum susceptum, remittitur culpa peccatori habenti verum contritionis actum, non est necesse, vt tale votum sit explicitum, sicuti falsò arbitrati sunt aliqui cum Cano Relect. de pœnitentia, sed satis est votum implicitum, hoc est, inclusum in generali proposito seruandi omnia præcepta. Ita sumitur ex D. Thom. in 4. d. 17. q. 3. art. 5. q. 1. Richard. & aliis ibidem. Maiore, & Sot. dist. 14. Nau. in sum. cap. 1. num. 15. fauet Conc. Trid. loco citato. Dico quartum simpliciter rogationi occurrendo. Sacramentum pœnitentiæ est necessarium ad salutem in re susceptum, cum datur copia confessarij. Est verò satis in voto ad salutem, cum confessarius deest. Hæc propositio claret ex tribus præcedentibus, ideo probatione non indiget.

C A P V T VII.

De materia Sacramenti pœnitentiæ. §. 1.

- 1 An hoc Sacramentum constet materia, & forma.
- 2 Quotuplex est materia Sacramenti pœnitentiæ.
- 3 Materia remota pœnitentiæ alia necessaria, alia sufficiens.

I INTERROGATIO. Constâtne hoc Sacramentum pœnitentiæ forma, & materia, sicuti constant alia Sacramenta? Resp. Negant Scot. in 4. d. 14. q. 4. & d. 16. q. 1. Maior d. 14. q. 2. & ib. Gab. aiuntq; essentiam huius Sacramenti constare ex solis verbis sacerdotis. Dicendum tamen cum D. Th. & communi Theolog. in 4. d. 14. & 3. p. q. 84. Alenf. 4. p. q. 60. hoc sacramentum constare essentialiter ex materia, & forma, tanquam ex partibus essentialibus. Probatur ex Concil. Flor. statuente
omnia

omnia Sacramenta nouæ Legis esse quadam arte facta, & constare materia, & forma: & Concil. Trident. *sess.* 14. vbi dicit materiam in hoc Sacramento esse partem eiusdem Sacramenti.

2 *Int.* Quotuplex est materia in hoc Sacramento? *Resp.* Duplex, remota scilicet, & propinqua. Ita distinguunt Theolog. D. Thom. 3. p. q. 84. art. 2. Summistæ Pœnitentiæ Sacrament. Angel. & Sylu. n. 2. Viçt. n. 105. Nauarr. c. 22. n. 1. Sot. in 9. dist. 14. qu. 1. art. 2. Conc. Trident. *sess.* 14. cap. 4. can. 1. & 3. Catech. Rom. pagina 295.

3 *Int.* Estne adhuc huiusmodi materia remota multiplex? *Resp.* Maximè. Nam alia est necessaria, alia sufficiens. Ita communiter Theologi.

De materia remota Sacramenti Pœnitentiæ. §. 2.

1 *Peccatum actuale est materia remota Pœnitentiæ.*

2 *Quale peccatum actuale est materia remota pœnitentiæ necessaria.*

3 *Quod peccatum est materia sufficiens tantum.*

4 *Cur peccatum veniale, & mortale ritè confessum, dicitur materia tantum sufficiens huius Sacramenti.*

1 **I**NTERROGATIO. Quæ est materia remota Sacramenti Pœnitentiæ? *Resp.* Est peccatum actuale, commissum post baptismum. Ita communiter Theologi. Hinc fit, vt non sit materia huius Sacramenti, nec peccatum originale, nec peccatum actuale commissum ante baptismum, quia per baptismum omnino deletum vtrumque est. De actualibus verò peccatis, aliud est materia huius Sacramenti necessaria, aliud sufficiens.

2 *Int.* Quod peccatum actuale commissum post baptismum est materia remota huius Sacramenti necessaria? *Resp.* Omne mortale, nondum ritè confessum. Ita definiuit Conc. Trident. *sess.* 14. dicamque latius, cum me de integritate confessionis interrogaueris. Dicitur verò tale peccatum materia necessaria, quia tolli non potest, nisi per hoc Sacramentum, cum opportunè datur copia suscipiendi illud, hoc est, tolli non potest, nisi per confessionem, cum datur opportuna copia illud confitendi.

3 *Int.* Quod peccatum actuale commissum post baptismum est materia remota huius Sacramenti sufficiens? *Resp.* In primis est peccatum veniale. Ita Conc. Trid. *ses.* 14. c. 3. & can. 7.

Leo

Leo Papa in *Bul. contra Lutherum*. Damas. Papa tom. de *vinculo anathem*. Deinde est peccatum quodlibet iam ritè confessum. Ita Benediçt. X I. *Extravag. 1. de priuileg.* contra quam falsò opinatus est quidam Guilhelm. de Rubion. d. 15. q. 2. asserens peccatum iam confessum, non posse iterum confiteri.

4 *Jnt.* Cur peccatum veniale, & peccatum mortale iam ritè confessum, dicitur huius sacramenti materia sufficiens tantum? *Resp.* Quia vt deleatur veniale, non necesse est, vt de eo fiat sacramentalis confessio: & tamen de eo, atque de peccato mortali ritè iam confessio, potest iterum tanquam ex vera materia confici sacramentum Pœnitentiæ. Ita communis sensus Catholicorum, & vsus, colligiturque ex verbis apertis sacri Conc. Trid. citati, & Benediçt. X I. *Extravag. 1. de priuileg.* Docet & probat doctissimus Suarius *disp. de essentia sacram. sect. 1.*

De materia proxima Sacramenti Pœnitentiæ. §. 3.

I INTERROGATIO. Quæ est materia proxima huius Sacramenti? *Resp.* Est actus pœnitentis. Hic autem triplex est, nimirum, cordis contritio. Oris confessio. Operis satisfactio. Ita Concil. Florent. & Trident. locis citatis. Sunt autem partes huius materiæ essentielles, cordis contritio, & oris confessio, Ita Conc. Trid. *sess. 14. cap. 5. & can. 6.* asseruit de oris confessione, cum dixit illam esse de necessitate sacramenti. De cordis contritione ita loquuntur Concil. Colon. Senonens. & Mogont. Cat. Pij V. in *doctrin. de pæn.* Leo X. *contra Luther. 1. 15.* in quibus omnibus locis docetur dolorem de peccato esse de essentia huius Sacramenti. Ratio est, circa oris confessionem. Nam de ratione iudicij est accusatio, & probatio, iuxta illud Prouerb. 12. *Qui iudicat quod nouit, iudex iustitiæ est*; sed in hoc sacramentali iudicio, confessio oris, est pœnitentis accusatio, testificatio, & probatio iuridica: ipse enim pœnitens simul est reus, accusator, & testis, vt docet D. Chrysostom. *lib. 2. de sacerdot.* Innocent. I. *epist. 1. cap. 7.* D. Ambros. *epist. 3.* Ergo, &c. Circa contritionem est ratio, quia confessio absque dolore interno, aut est vana quædam commissi sceleris gloriatio, aut simplex quædam narratio, neutra verò est satis ad veram sacramentalem accusationem. Satisfactio, est solum pars integralis huius materiæ proximæ pœnitentiæ. Ratio est, quia absolutione facta

facta supra veram materiam, ante impletam impositam à confessorio satisfactionem, conficitur verum Sacramentum; ergo satisfactio non est de illius essentia. Antecedens est certum, & apud omnes receptum: consequens clarissimè inferitur. Necessè tamen est, ut talis satisfactio impleatur, ut ostendam in rogationibus propriis de hac parte, ergo, &c.

De Contritione, parte prima essentiali
materiæ proximæ Sacramenti
Pœnitentiæ. §. 4.

- 1 *Quid significat hoc nomen Contritio.*
- 2 *De peccati odio, & proposito non peccandi amplius.*
- 3 *Qui dolor cordis appellatur contritio, qui attritio.*
- 4 *De motiuo contritionis, & attritionis.*
- 5 *Quid est contritio.*
- 6 *An oporteat toties dolere de peccato, quoties illud memoria occurrit.*
- 7 *An dolor contritionis debeat esse sensitivus.*
- 8 *An ad contritionem debeamus pœnitere etiam de ipsa actione peccati.*
- 9 *An oporteat odisse effectum subsequutum ex commissio peccato.*
- 10 *An verè contritus statim gratiam acquirat.*
- 11 *An iustificatus per contritionem, teneatur peccata, de quibus doluit, confiteri.*
- 12 *Quid est attritio.*
- 13 *De motiuo attritionis.*
- 14 *An præter duo motiua assignata à Conc. Tridentino, nimirum metum gehennæ, & sæditatem peccati, sint alia etiam supernaturalia motiua.*
- 15 *An ad consequendum effectum huius Sacramenti, hoc est gratiam, & absolutionem peccati confessi, requiratur contritio, vel sit satis attritio, cognita et attritio.*
- 16 *An ad veritatem, valoremque Sacramenti Pœnitentiæ requiratur vera, & supernaturalis attritio.*
- 17 *In quo conveniant, & in quo differant contritio, & attritio.*

I N T E R R O G A T I O. Quid significat hoc nomen cordis contritio? Resp. Significat cordis dolorem, quo quidem anima quasi teritur. Sumitur verò à Theologis in hoc loco pro cordis dolore, per quem peccatori displicet peccatum

tum à seipſo commiſſum in Dei optimi maximi contem-
ptum. Quoniam verò dolere poſſumus de peccato duplici-
ter, ſcilicet vel quia offendimus Deum,quem ſummè dilige-
re debebamus:vel quia commiſimus rem ſecundùm ſe ipſam
turpem,ſœdam, & inhoneſtam, duplici nomine appellarunt
Theologi huiuſmodi animi dolorem. Priorem appellarunt
contritionem.Poſterioſem appellarunt attritionem, vt dicam
cum vtriuſque appoſuero definitiones.

2 *Int.* Eſtne de ratione doloris huiuſmodi aliquid amplius?
Reſp. Maximè. Oportet enim, vt cum dolemus peccatum,
illud deteſtemur ſupra omne deteſtabile: habeamùſque fir-
mum animum illud vitandì ſupra omne vitabile. Ita D.Tho.
3.par.quæſt.85.& 86.& 3.cont.gent. cap.158. & lib.4. cap.72. &
in 4.d.17.q.2.Alb.Mag. ibid.d.14.art.11. D.Bonauent. & Alenſ.
4.p.quæſt.12. & 16. An verò hoc propoſitum debeat eſſe for-
male, hoc eſt, debeat fieri alio actû diſtincto ab actû dolo-
ris: an ſatis ſit virtuale, hoc eſt, virtualiter incluſum in ipſo
doloris actû,controuertunt Theologi. Formale,& expreſſum
requirunt Caiet.tom.1.Opuſc.traſt.4.quæſt.1.Sot.in 4.d.15.quæſt.
1.art.2.& d.17.quæſt.2.art.1.& lib. 2. de nat. & grat. capite 14.
vbi contrarium vocat pernicioſum errorem, Cano de pœni-
tent.p.1.Ruard. art.8.cont.Luth.Bellarm.lib.2. de pœn.cap. 6. &
7. Ratio eorum eſt, quia tam Scripturæ ſacræ testimonia,
quàm ſacri Canones, inſuper ſacrorum Patrum dicta hoc
propoſitum poſtulant.Poſtulat etiam Conc.Trid nam ſeſſ.14.
cap. 4. ait contritionem eſſe deteſtationem cum propoſito.
Oppoſitum tamen docent Maior, & Almain. in 4.d.14.qu.1.
Veg. lib. 13. in Trid. cap. 21. Medin. de pœn. traſtat. 1. quæſt. 3.
Petr.Sot. lect.17. de pœn. Nauar. in ſum. cap.1. num.15. Adrian.
in 4. quæſt.11. de pœn. Harum opinionum diſſidium doctiſſi-
mè componit Suarius diſb.de contrit.ſect.3.

3 *Int.* Quem talem dolorem appellarunt Theologi contri-
tionem, quem attritionem?Quod eſt idem atque quærere,in
quo differt contritio ab attritione?*Reſp.* Nonnulli Theologi
poſuerunt diſcrimen in gradibus doloris,vt loquuntur Phy-
ſici:atque dolorem hunc ſummè intenſum appellant con-
tritionem: remiſſum verò appellant attritionem.Ita Adrian.
in 4.qu.2.de pœn.tribuitur D.Thomæ in 4.d.17.q. 2. & Alenſ.
q.17.Veruntamen eſt opinio improbabilis:imponit enim pec-
catori grauiffimum onus, & difficillimam reddit contritio-
nem

nem sine Conciliorum, & Scripturæ auctoritate: imò contra illam, vt statim ostendam. Fundamentum verò illorum est falsum: nimirum. quia non potest Deus summè diligi, nisi summa intensione actus diligatur: potest enim summè diligi, & quauis actus intensione diligi, vt infra dicam cum doctiss. Suario. D. Thom. & Alensis aliud verbis innuunt, aliud quidem sensu docent, qui ex antecedentibus, & consequentibus facile eruitur. Alij Theologi dicunt, non requiri ad veram contritionem, summam actus intensiorem, requiri tamen certum intensiōis gradum, quem Deus nouit. Ita indicat Scot. in 4. d. 14. q. 2. Est tamen opinio similiter improbabilis, & sine fundamento vlllo asserta. Contra quam æquè pugnant argumenta contra primam sententiā allata. Alij Theologi dicūt requiri ad veram contritionem, intensiorem dolorem quouis alio, quem habeamus pro alio quouis malo detestabili, insuper requiri intensiorem amorem quouis alio, quo quoduis aliud bonum præter Deum diligamus. Ita Petr. Sot. lect. 14. & 15. de pæn. innuunt verbis Dur. in 4. d. 17. q. 4. Ric. a. 1. q. 5. a. 3. D. Bonau. art. 2. Fundamentum est, quia ad veram contritionem tenemur detestari peccatum supra omne detestabile, & Deum diligere supra omne amabile. Hæc sententiæ æquè est difficilis creditu, atque duæ præcedentes, vt latè docet & ostendit Suarius iu citato loco. Scot. in 4. d. 14. q. 2. inter contritionis, & attritionis actum solius morę differentiam agnouit, dixitque ad contritionem veram requiri, vt per aliquam temporis moram duret. Hęc autem mora quanta esse debeat, dixit solum Deum nosse. Hanc opinionem probabilem putat Almain. in 4. dist. 14. & ex parte sequitur Caietan. tom. 1. Opusc. 4. qu. 1. Veruntamen eorum fundamentum est penè nullum. Illud est. Contritio est dispositio ad gratiam: sed dispositio debet antecedere formam; ergo contritio debet antecedere gratiam. Concessa maiore, distinguenda est minor. dispositio antecedens, & præuiua; debet antecedere formam tempore, concedo minorem, dispositio vltima debet antecedere tempore formam, nego minorem. Contritio verò est vltima dispositio ad gratiam, & ideo non est necesse, vt illam præcedat tempore: sed est satis, vt præcedat natura. Hæc tamè Metaphysicis relinquamus. His præmissis Dico primum. Discrimen inter contritionem, & attritionem, non est intensio doloris summa, vel aliqua certa, sed satis est substan-

tia

tia doloris talis (qui qualis esse debeat mox dicam) in quocunque gradu intentionis, vel remissionis habeatur, ut appelletur vera contritio. Ita Gabr. in 4.d.14.q.1.a.2.concl.5. Sot. d.17.q.2. Medin. de pæn. tract.1.q.5. Veg. lib.13. in Trident. c.24. Nauar. in sum. c.1. num.9. D. Leo Papa epist.91. ita iniquiens. Nec misericordiæ Dei mensuras possumus ponere; nec tempora definire, apud quem nullas patitur moras vera conuersio. D. Chrys. epist.5. ad Theodorum. Quantulamcunque & quamlibet breui tempore non despicit pœnitentiam. Non patitur exiguæ pœnitentiæ amitti mercedem. Fundamentum eorum est, quia Scripturæ sacræ conuersioni in Deum absolute promittunt remissionem peccati, sine vlla intentionis limitatione. Quem modum loquendi, seu promittendi seruat Conc. Trid. sess.14. Cum verò aliqui sancti Patres hanc summam videntur postulare in peccatore intensiorem doloris, eam requirunt non ad veniam culpæ consequendam per veram contritionem, & ex consequenti gratiam, & Dei amicitiam, sed ad obtinendam remissionem totius pœnæ, cui, ut deleatur, debet proportionari dolor. Ita loquuntur D. Amb. lib. ad virg. laps. cap.8. & lib.2: de pæn. cap.10. D. Gregor. I V. Mor. cap.17. D. Cyprian. lib. de lapsis. In hoc sensu reprehenduntur tepidi Apocal. 3. & postulatur dolor partus. Mich. 4. Dole, & fatige quasi parturiens.

Dici etiam potest, sanctos Patres, & Scripturas postulare summam intensiorem non præcipiendo, sed consulendo. Locum autem Apocalypsis explicat D. Thom. q.3. de malo, art.13. ad 1. de eo, qui cum fidem habeat, charitate caret. Exponi potest rursus de eo, qui modò bona, modò mala opera operatur. Dico secundum. Actus doloris, ut sit contritio, nulla indiget temporis duratione, sed simul ac elicitur, est, & dicitur vera contritio. Ita D. Tho. 3. p. q. 89. a.2. & 1.2. q.113. a.5. & 7. Gabr. in 4.d.14.q.1.art.2.concl.5. Sot. d.17. quæst.2. artic. 4. Medin. tract.1. de pæn. q. 5. ad finem, Vega lib.13. in Trident. capite 22. Colligitur aperte ex Ezech. 33. in quacunque hora ingentuerit peccator. Docent hanc veritatem D. Leo, & D. Chrysost. quos retuli in proxima conclusione. D. Aug. de ver. & fals. pæn. cap. 17. Cyprian. lib. de lapsis circa finem, & epist.28. Hieronymi. epist. 46. & 48. Pacian. epist. 3. ad Sempronium. Coelestinus Papa epist. ad Episcopos Galliæ c. 2. Vera conuersio, inquit, mente potius, quam tempore merienda est. Iulius I. refertur 26. q.6.

Ratio

Ratio est, quia ille actus, per quē infallibiliter peccator iuxta promissionem diuinā iustificatur, est, & dicitur vera cōtritio: sed per veram conuersionem quācunque siue longam, inquā, siue breuē, peccator iustificatur: ergo talis conuersionis actus dicendus est vera contritio. Dico *tertium*. Actus contritionis, & attritionis differunt essentialiter, suntque specificē distincti. Hæc est contra auctores opinionum impugnatarum. Insuper contra Caieranum qui asseruit contritionem, & attritionem in eo differre, quēd hic dolor acceptetur à Deo, ut vltima dispositio ad gratiam, & tunc dicitur contritio: ille verò minimē, & tunc dicitur attritio. Ratio est, quia hi auctores solum accidentariam, & extrinsecam differentiam assignant inter contritionem, & attritionem. Cum tamen assignanda sit differentia essentialis. Dico *quartum*. Actus doloris de peccato commisso, sumit suam specificam differentiam ex motiuo, propter quod peccator dolet de peccato à se commisso, & sic actus specificē distinctus, dicitur contritio, alius verò attritio.

4 *Int.* Quod est motiuum, propter quod dolet verē cōtritus: quod est, propter quod dolet attritus tantum? *Resp.* Verē contritus dolet, quia offendit Deum, quem summē diligere debebat (appellatur communiter dolere propter Deum summē dilectum.) Attritus verò dolet de peccato, quia propter illud manet obnoxius pœnis inferni, vel dolet, quia commisit rem secundum se turpem, fœdam, & indecoram. Hæc motiua appellat *Conc. Trid.* dolere propter pœnas inferni, vel propter fœditatem peccati. Ita Suar. loco citato.

5 *Int.* Quid est contritio? *Resp.* Est dolor, per quem nobis displicet peccatum à nobis commissum supra omne odibile, cum proposito vitandi illud supra omne vitabile, quia est culpa contra bonitatem Dei commissæ, eiúsque dissoluit amicitiam, qui summē diligere debet. Hunc autem dolorem appellant Doctores perfectum. Breuius illam definiuit Toletus *lib. 1. cap. 5. num. 1.* Contritio est præteriti peccati, ut est Dei offensa voluntaria, super omnia detestabilia detestatio, cum proposito vitandi illud super omnia vitabilia, insuper cum proposito illud confitendi, data cōpia opportuni Confessarij. Colligitur hæc descriptio ex *Conc. Colon. tit. de pæn. pœnitere*, inquit, est displicere id quod antea placuit. Colligitur itidem ex *Aug. lib. de ver. & fals. pæn.* quem citat D. Thom. in

Add. q. 4. art. 1. ait enim dolorem esse comitem contritionis. Requiritur autem ad veram contritionem, vt dolor fit de omnibus peccatis ante commissis. Ita constat ex doctrina Sanctorum Patrum, quorum testimonia referuntur in decretis de pœn. d. 1. 3. 5. & 6. Item ex *Ezech. c. 18. & 33.* Non tamen requiritur, vt de singulis singulos habeamus dolores, sed est satis ex parte voluntatis vnico actu doloris pœnitere, de omnibus simul sumptis. Ita communiter Theologi, quos sequitur Suar. *disput. de contrit. sect. 6.* contra Sylu. & Ang. & Caiet. *verb. contrit.* oppositum asserentes. Ratio est, quia nulum datur præceptum talium contritionum, & pœnitentiarum, sed solius contritionis, & pœnitentiæ. Ex parte verò intellectus requiritur recordatio, & memoria peccatorum, vt à me commissorum. Colligitur hæc veritas expressè ab *Ezech. 18.* ait enim. *Considerans peccata sua,* id est, à se commissæ. Vtrum verò ad contritionem veram requiratur omnium omnino singulorum, non solum in specie, sed in indiuiduo recordatio, controuertunt Theologi. Illam in indiuiduo postulat D. Thom. 3. p. quæst. 87. art. 1. & 1. 2. quæst. 113. art. 5. & in 4. d. 17. q. 2. ibi Palud. & Durand. Item d. 16. Richard. Bonauent. & Gabr. Syluest. & Ang. *verb. Contritio.* Sot. in 4. d. 17. quæst. 2. Medin. *tract. 1. de pœn. quæst. 3.* Ruard. art. 5. contra Luther. Eruitur fundamentum huius sententiæ ex dictis Isai. 38. *Recogitabo tibi omnes annos meos in amaritudine animæ meæ.* Eruitur ex dictis Sanct. Patrum, ex Chrysost. pluribus locis, *hom. 9. in epist. ad Hebr. hom. 46. ad popul. hom. 4. de Laz. & diu. lib. 1. de compunct. cord.* Aug. de *ver. & fal. pœn. cap. 17.* Greg. 4. *Mor. cap. 15. & lib. 8. cap. 11.* Ambros. in *pres. Psalm. 37.* Ratio eorum est, quia ad iustè imponendam pœnam, debet iudex in singulari cognoscere culpas: item ad applicanda medicamenta debet chirurgus in singulari cognoscere vulnera; sed peccator in conuersione, & detestatione peccati est sui ipsius iudex, & medicus, ergo, &c. Oppositam sententiam tenent Maior in 4. d. 27. quæst. 3. Catharin. lib. 5. contra Caiet. *tit. de contrit. Vict. in sum. 4. numer. 116. de pœn. Ledesma 2. 4. quæst. 1. art. 6. Veg. lib. 13. in Trident. cap. 25. Nauar. cap. 1. num. 25.* Est expressa opinio D. Thom. quæst. 28. de *ver. art. 5. ad 3. & 4.* Ratio eorum est, quia talis recogitatio sapissime est impossibilis simul, vt experimento comprobatur in assiduis peccatoribus: & aliunde non datur locus

locus Scripturæ, unde colligatur tanta obligatio. Sancti verò Patres docent sæpius, non quod necessarium est, sed quod melius, & perfectius. Hæc secunda sententia est verior, atque iuxta illā, veram habet contritionem, qui vnum peccatū memoriæ occurrens detestatur ex motiui generali, id est, quia est contra bonitatem Dei, quem summè diligere debemus, eiusque dissoluit amicitiam. Ratio est, quia illa actualis detestatio vnius peccati in memoria præsentis ex motiui generali complectente omnia peccata, est virtualis omnium peccatorum detestatio.

6 *Int.* Oportetne toties dolere de peccato, quoties ipsum memoriæ occurrit? *Resp.* Si de illo iam habita est vera poenitudo, minimè. Ratio est, quia Deus nō iudicat bis in idipsum; oportet autem de eo nullam iterum habere complacentiam, nam ipsa complacentia, est culpa lethalis. Ita Med. *tratt.* 1. de *pæn.* 2. 6. Adrian. *quod!* 5. q. 3. ad 2. Sot. in 4. d. 17. art. 6. Caietan. 3. p. q. 84. art. 8. & 9. Nau. *cap.* 1. num. 32. Singularis fuit sententia D. Thom. in 4. d. 17. q. 3. art. 1. Gab. & Palud. *ibid.* atque d. 14. Bonau. d. 16. Alenf. 4. p. q. 68. *mem.* 2. arbitrati enim sunt idem esse recordari, & non dolore de peccatis, atque de illis iterum complacere. Veruntamen infirmo fundamento nequit firma niti sententia.

7 *Int.* Dolor contritionis debetne esse sensitivus, an sufficit intellectivus? *Resp.* Sufficit intellectivus. Ratio est, quia dolor de peccatis, est cum auxilio Dei ordinario in nostra potestate: sed dolor sensitivus non est in nostra potestate: nam lacrymas fundere, & alia mœroris signa habere nequimus sæpe cum volumus.

8 *Int.* Requiriturne ad veram contritionem, vt doleamus etiam de actu ipsius peccati, an est satis dolere de culpa tantum? *Resp.* Affirmat absolutè Vega loco citato, aitque necesse esse dolere etiam de actu peccati: distinguit optimè Suarius: nam vel actus est intrinsecè malus, vel bonus, vel indifferens. Si est intrinsecè malus, etiam est detestandus secundum se: si est intrinsecè bonus, sed ex conscientia erronea exercetur vt malus: vel si est indifferens, & ex malitia operantis deducitur ad malum, detestandus est quoad modum.

9 *Int.* Teneturne verè contritus detestari effectum bonum subsecutum ex malo actu peccati? *Resp.* Minimè. Sed potest de illo complacere. Notat Suarius loco citato. Itaque potest

adulter complacere de filio suscepto ex maculato toro. Ideo complacemus de Christi seruatoris redemptione subsecuta ex impia Iudæorum occisione, & sic de aliis effectibus.

10 *Int.* Estne verè contritus iam in gratia repositus, antequam accedat ad suscipiendum Sacramentum Pœnitentiæ? *Resp.* Maximè. Ita communis schola certò, & indubitanter asseuerat cum D. Thom. 1. p. q. 62. art. 2. ad 4. & 1. 2. q. 109. art. 6. & q. 112. art. 2. 3. & 4. & 3. p. q. 89. art. 1. Capreol. in 4. d. 14. q. 2. art. 8. ad 1. Henric. & Bonau. in 4. d. 17. art. 1. q. 2. ac reliquorum nullus negat. Est iam veritas certa ex Concil. Trident. sess. 14. c. 4. Ratio est, quia facienti, quod in se est, Deus non denegat gratiam: sed qui se per veram contritionem conuertit ad Dei amicitiam, facit, quod in se est; ergo illi non denegatur statim gratia.

11 *Int.* Iustificatus per contritionem, indigetne Sacramento pœnitentiæ, hoc est, teneturne eadem peccata, de quibus est contritus, in Sacramento pœnitentiæ detegere? *Resp.* Indiget. Ita decernitur in Concilio Constantiensi, & Florent. & Trid. sess. 14. can. 6. Traditur à Sixto V. Extrau. contra Petrum de Osna. quam refert Castro. ver. confessio. Ratio est, quia actus contritionis includit votum confitendi peccata de quibus conterimur, data opportuna copia confessarij. Ideo reiicienda omnino opinio Hugonis de sanct. Viçt. lib. 2. de sacr. p. 14. c. 1. Alenf. 4. p. q. 76. num. 3. art. 2. D. Bonau. in 4. d. 17. p. 2. art. 1. qu. 3. Scot. ib. q. 1. Caiet. c. 20. super Ioan. oppositum sine fundamento asserentium. Hinc fit, vt Sacramentum Pœnitentiæ appelletur à Theologis cum D. Hieronym. epist. 64. secunda tabula post naufragium, sine qua non remanet salus. Appelletur clavis sine qua nemo aperit, ab ipso Christo Domino, cum dixit Petro. Tibi dabo claves regni celorum, vt notauit D. August. lib. 50. hom. & refertur c. Agite pœnitentiam. de pœn. d. 1.

12 *Int.* Quid est attritio? *Resp.* Difficillima est in hac questione resolutio. Rectè tamen sic potest constitui: Attritio est dolor per quem nobis displicet peccatum à nobis commissum supra omne odibile, cum proposito vitandi illud supra omne virabile, propter aliquod motiuum supernaturale, quod non sit Deus ipse, quatenus est summè bonus, à quo peccatum auerit. Quem dolorem appellant Theologi imperfectum, quia per eum non statim iustificetur attritus, vt iustificatur per contritionis perfectum dolorem. Hæc est descriptio,

ptio, per quam melius declaratur essentia attritionis quauis alia descriptione. Circa eam multa sunt adnotanda certa, & indubitanter asserenda. Primum est, hanc contritionem esse dispositionem ad gratiam. Ita Conc. Trid. *sess. 14. cap. 4.* Secundum est, hanc attritionem non posse esse ex aliquo turpi motiuo. Notat Rupertus *lib. 11. de glor. filij hom. & lib. 2. in Ionom.* vbi vocat talem pœnitentiam exitiosam. Tertium est, hanc attritionem non posse esse ex motiuo temporali, aut humano. Notat Aug. *lib. de ver. & fals. pœn. cap. 2.* vbi talem dolorem vocat inutilem, & sine spe veniæ. *Lib. verò de catechizandis rudib.* vocat pœnitentiam fictam. Neque item ex aliquo motiuo naturali. Oppositum docuit Sot. *in 4. d. 17. q. 2. art. 5. & lib. 2. de nat. & gratia. c. 14. & 15.* Cano *kelett. de pœn.* quod assertum impugnat Suar. *tom. 3. disp. 28. sect. 3.* & meritiò, quia nostra assertio est Concil. Arausici 2. Mileu. & Trident. asserentium attritionem, quæ pars est Sacramenti pœnitentiæ, esse donum Spiritus sancti. Ita loquuntur D. Th. *3. p. q. 85. art. 5.* Bonauent. *in 4. d. 17. art. 2. q. 2.* Alens. *4. p. q. 17.* aiunt enim attritionem Christianam esse ex gratia gratis data, hoc est, ex auxilio diuino supernaturali. Vnde manifestè apparet esse actum supernaturalem, si quidem sit ex auxilio supernaturali.

13 *Int.* Quod est hoc motiuum supernaturale attritionis? *Resp.* Duplex. Nimirum metus gehennæ, & sceleris peccati. Ita Conc. Trident. *sess. 14. cap. 4.* Qui enim dolet de peccato propter metum gehennæ, vel propter turpitudinē ipsius peccati, verè attritus est. Nam timor pœnæ à Deo infligendæ, præsertim timor æternæ damnationis, & operatio ex hoc timore est actus bonus, & opus bonum. Ita de fide certum in Conc. Trid. *sess. 6. can. 8.* & probatur *2. 2. q. 19.* à Theologis, asseritur ab Isa. *c. 26. Domine in angustia requisuimus te.* vbi Septuaginta transtulerunt, *Domine propter timorem requisuimus te.* Notat ibi eleganter D. Hieron. Item Prouerb. *15. Propter timorem Domini, declinat omnis à malo.* Defenditur à Sanctis Patribus. Chrysostom. *hom. 1. ad Rom.* Aug. *serm. 18. de verb. Apostol.* Gregor. *2. mor. cap. 6.* Bern. *serm. 37. in Cant.* Fremant licet hæretici neoterici, & quamuis ex parte negent aliqui Catholici, Gregor. *in 2. d. 26. quæst. 1. art. 3. ad 1. princ.* Almain. *tract. 1. moral. cap. 3. dub. ultim.* Adrian. *quodlib. 4. quæst. 2.* Dupliciter verò potest timor mali euitandi concurrere ad operationem aliquam, nimirum, vel vt occasio excitans sopi-

tam cogitationem, & torpentem ad operandum, vel vt finis, quem operans intendit, scilicet euitatio talis mali. Vtque igitur modo metus gehennæ cōcurrens ad dolorem, quo peccatum detestamur, est sanctus, & honestus. De priori modo concurrendi indubitanter loquitur Concil. Tridentin. *sess. 6. cap. 6. iuxta illud Initium sapientiæ timor Domini.* docuit Aug. *relatus cap. sicut seta. de pœn. quæst. 2.* vbi confert timorem setæ sutoris, quæ introducit filum, sic timor introducit charitatem: *perfecta autem charitas foras mittit timorem,* non vt malum, sed vt imperfectum. De secundo modo concurrendi loquuntur asseueranter D. Thom. *3. p. 2. q. 85. art. 5.* Altifiod. *lib. 3. sum. trakt. 1. cap. 1. q. 1.* Alenf. *3. p. quæst. 84. num. 1. & 2.* Dionys. Carthus. *in 3. d. 3. q. 3.* Sot. Ledesm. & alij moderni. Medin. *1. 2. q. 92. art. 2.* Quod verò etiam vt finis proximus concurrat metus gehennæ ad attritionem Christianam, dixit Conc. Trident. loco citato. Ita illud interpretatur Suar. Ratio eius est. Quia causa excitans externè, non specificat actum: Concil. verò dixit actum contritionis esse specificè distinctum à cōtritione, quia fit propter metum gehennæ: nam præpositio, Propter, in rigore significat finale motiuum, finalēque causam. Colligo autem ex doctrina tradita, neminem detestari peccatum propter metum gehennæ, vel propter sceditatem peccati Christiana attritione, & dispositione ad gratiam, nisi Dei auxilio supernaturali adiutum; quia talis detestatio est actus supernaturalis.

14 *Int.* Suntne alia motiua supernaturalia, propter quæ detestemur peccatum vera, & Christiana attritione? *R.* Sunt quidem. Veruntamen ad duo posita, & assignata per Concil. Trid. reducuntur. Nam si quis detestetur peccatum ex amore vitæ æternæ (vt quidem detestari sanctè potest) amore, inquit, concupiscentiæ, non amicitia, verè atteritur. Hoc tamen motiuum reducitur ad metum gehennæ. Ad eundem metum reducitur motiuum aliarum pœnarum propter quas aliquis detestatur peccatum. Quæ pœnæ, quamuis temporales sint, si considerantur vt inflictæ à Deo, Dei que iram ostendunt, & quodammodo inchoant æternū supplicium, mouere possunt supernaturaliter, & ex auxilio gratiæ. Ita explicat doctissimus Suarius opinionem Vegæ *lib. 13. in Trid. cap. 14.*

15 *Int.* Qui horum duorum dolorum est necessarius ad cōsequendam gratiam in hoc Sacramento. pœnitentiæ, perfectiusne

etſine, an imperfectus? Hoc eſt, eſtne pars huius materiæ contritio, an attritio? hoc eſt, requiritur ne ad hoc Sacramentū contritio, an ſatis eſt attritio? *Reſp.* Hac in re grauiffimè controuertunt Doctores. Sunt multi, qui affirmant ad hoc Sacramentum non requiri vel contritionem, vel attritionem, ſed eſſe ſatis voluntatem conſitendi, & abſoluendi poſt confeſſionem abſque diſplicitia, vel complacentia peccati. Ita Syl. *confeſſio. 1. quæſt. 25.* & tribuit Scot. in 4. d. 14. *quæſt. 14. art. 3.* ait enim Scotus pœnitentem, licet parum attritus accedat ad hoc Sacramentum, iuſtificari. Hæc opinio eſt temeraria contra alios Theologos, & Doctores. Videtur apertè damnata in Concil. Trident. *ſeſſ. 6. cap. 7. & 14.* quia requirit ad remiſſionem peccati, etiam in Sacramento proprium dolorem pœnitentis. *ſeſſ. verò 14. cap. 4.* ait Eccleſiam nunquam docuiſſe, vel ſenſiſſe Sacramentum pœnitentiæ conferre gratiam ſine proprio motu pœnitentis. Alij dicunt ſufficere ad hoc Sacramentum diſplicitiam, quam habet peccator ex eo, quod non habet dolorem de peccatis commiſſis Ita indicat Palud. d. 17. *quæſt. 1. art. 5.* Nau. in ſum. cap. 1. num. 21. & cap. 10. num. 4. Eſt etiam opinio falſa. Ratio eſt, quia illa diſplicitia eſt quædam velleitas, quæ quidem nunquam ſufficit ad mutandam voluntatem. Sotus vero lib. 2. de nat. & grat. cap. 15. & in 4. d. 18. qu. 3. art. 2. affirmat, ſufficere attritionem naturalem exiſtimatam à peccatore attritionem ſupernaturalem. Cano de pœn. p. 5. & Veg. lib. 13. in Trident. cap. 3. 4. aiunt ſufficere bonam exiſtimationem pœnitentis, qua credit ſe eſſe verè contritum, licet in re nec contritus ſit, nec attritus. Ratio eorum eſt, quia tunc ſatis tollitur obex ad gratiam, & iuſtificationem. Alij Theologi aſſerunt partem materiæ proximæ Sacramenti pœnitentiæ eſſentialem, eſſe ſolam veram contritionem, hoc eſt, dolorem perfectum, quem contritionem appellamus. Ita Magiſt. ſent. in 4. d. 16. & 18. Alenſ. 4. p. quæſt. 80. alias 21. mem. 1. D. Bonau. in 4. d. 18. art. 2. q. 1. Gabr. q. 2. & d. 14. quæſt. 2. Maior ibidem q. 2. & d. 18. quæſt. 1. Adrian. quodlib. 5. q. 3. & clariùs qu. 11. de confeſſ. Petrus Soto de pœn. leſt. 7. & de confeſſ. leſt. 4. Ratio eorum eſt, quia contritio in lege naturæ, ex lege ipſius naturæ, erat medium neceſſarium ad ſalutem: ſed lex gratiæ nō deſtruxit naturam; ergo nec medium ab ipſa neceſſario ordinatum. Maior eſt certa ex testimoniis Scripturæ ſacræ poſtulantibus in peccatore dolorem ad obtinendam veniā pec-

cati. *Nisi pœnitentiam egeritis, omnes simul peribitis.* Illa verò testimonia postulabant ante legem gratiæ contritionem: nam attritio nunquam fuit per se satis ad remissionem peccati. Minor est Theologorum proloquium, igitur conclusio est necessaria. Alij dicunt ad hoc Sacramentum satis esse attritionem in re, existimatam verò contritionem. Ita Viêt. *de pœnit. Eccles. q. 2. Sot. lib. 2. de Nat. & Grat. cap. 15. & in 4. d. 18. q. 3. art. 2. in fine. Ledesm. 2. 4. q. 20. art. 1. Veg. lib. 13. in Trident. cap. 34. Cordub. quodlib. 1. q. 2. opin. 3. Nau. cap. 1. num. 38.* citantur etiam pro hac opinione, Bonau. Durand. & Richard. in *d. 17.* sed falso, nihil enim hac de re aiunt, vel negant. Ratio eorum est, quia peccator tenetur quantum in se est facere, ut accedat contritus: ergo saltem debet putare se esse contritum, ut dignè accedat.

Dico *primum*. Non est necessaria vera, & realis contritio, ut materia proxima huius Sacramenti pœnitentiæ, sed satis est vera, & realis attritio. Ita apertè decernere videtur Concil. Trident. *sess. 14. c. 4.* ubi appellat attritionem, contritionem imperfectam, atque talem contritionem imperfectam esse donum Spiritus sancti, disponereque hominem ad impetrandam gratiam in hoc Sacramento. Ratio à priori est, quia si contritio esset in re necessaria ad hoc Sacramentum, cum contritus sit in gratia, semper accederet ad hoc Sacramentum in gratia: hoc autem repugnat institutioni huius Sacramenti: fuit enim institutum à Christo Domino ad dandam gratiam amissam per peccatum commissum: alioqui institueretur ad effectum, quem supponeret semper factum: essetque inutilis, & vana institutio. Quod quidem nullatenus cogitandum, ne dicam asserendum.

Dico *secundum*. Ut attritio sit pars materiæ huius Sacramenti, per quod iustificetur peccator, non est opus, ut existimetur contritio, sed sufficit cognita attritio. Ita D. Thom. *3. p. q. 80. art. 3. & 4. ad 2. & in 4. sent. d. 17. 18. 22. & 24. & Opusc. 22. cap. 2.* sumitur ex Scot. *d. 14. quæst. 4.* Palud. & Capreol. *d. 18. D. Anton. 3. p. tit. 14. cap. 19. §. 5. Sylu. confessio. 1. q. 2.* Ruard. *art. 3. contra Luth. Can. de pœn. p. 5.* Eruitur hæc veritas ex doctrina dicti Concil. Trident. absolutè asserentis attritionem esse sufficientem materiam huius Sacramenti, dispositionem ad gratiam consequendam. Si verò opus esset, ut existimaretur vera contritio, Concilium declararet talem conditionem.

Ita

Ita illud interpretatur Suar. *disputat. de attritione sect. 1.*

Dico *tertium*. Attritio necessaria ad hoc sacramentum Pœnitentiæ, debet esse actus supernaturalis. Hæc apertè colligitur ex doctrina generali Conciliorum, præcipuè Arausicanis, & Mileuitani, definientium dispositionem ad gratiam debere esse supernaturalem. Concilium verò Tridentinum *sess. 6. cap. 7.* addit etiam dispositionem ad gratiam cum Sacramento. Specialiùs verò loquens de attritionis dispositione ad gratiam in Sacramento pœnitentiæ, definit esse donum Spiritus sancti. Ita decernit *sess. 14. cap. 4.*

Dico *quartum*. Dolor, ac detestatio peccati, qui reuera non est attritio, sed solum existimatur vincibiliter, vel etiam inuincibiliter attritio, non est sufficiens materia ad hoc sacramentum. Ita Doctor Suar. loco proximè citato. Probatur efficaciter, quia attritio est medium necessarium cum Sacramento; error verò existimationis non facit illum dolorem veram attritionem, ergo, &c. Atque per hæc soluta manent aliarum opinionum fundamenta.

16 *Int.* Dixisti de necessitate attritionis ad gratiam consequendam in hoc Sacramento pœnitentiæ: sed quia adhuc Doctores controuertunt, an requiratur huiusmodi attritio supernaturalis; ad valorem solummodo Sacramenti; profer in medium aliorum opiniones, & quid pro certo asserendum in hac dubitatione? *Resp.* Satisfaciam pro virili. Aliqui dicunt sufficere voluntatem confitendi, & assequendi absolutionem. Ita Gab. in 4. d. 14. q. 2. art. 1. Durand. d. 16. q. 1. & d. 17. q. 31. Palud. q. 8. Maior d. 14. q. 2. Alij dicunt sufficere displicentiam quamcunque cum velleitate non peccandi. Ita Caiet. tom. 1. *Opusc. tract. 5. quæst. 5. & in sum. verb. confessio. cond. 12.* Viçt. Can. Ledes. Palud. & Sylu. citati. Alij dicunt sufficere quemcumque dolorem, & detestationem naturalem ex motiuo humano. Ita Sot. d. 18. q. 3. ar. 3. Nau. c. *Fratres. de pœn. d. 5. n. 35.* Alij dicunt sufficere quemcumque dolorem, dummodò talis dolor existimetur vera attritio; quamuis ex ignorantia vincibili. Alij tamen requirunt ad hanc existimationem ignorantiam inuincibilem. Fundamenta, & rationes horum Auctorum ferme sunt eadem. Nimirum, quia sic bene se accusat peccator.

Nihilominus dico *primum*. Eadem attritio requiritur ad perficiendam substantiam Sacramenti, quæ requiritur ad in eo consequendum illius effectum, hoc est, gratiam. Ita Gab.

in 4.d.17.q.1.art.3.dub.2. Maior quæst. 3. & 9. Adrian. quæst. 5. de confess. dub. 4. ad 5. Medin. q. 2. de confess. fict. iteran. Vega lib. 13. in Trid. cap. 26. 34. 35. probatur efficaciter per Conc. Trident. sess. 14. c. 3. contritionem esse partem huius Sacramenti, nihil distinguens inter contritionem ad effectum Sacramenti sufficientem, atque ad substantiam Sacramenti sufficientem. Dico secundum. Dolor est de essentia materiæ huius Sacramenti poenitentiae. Ita D. Th. 3. p. 2. q. 84. art. 1. ad 1. & q. 86. a. 6. & q. 90. art. 2. & 3. & in 4. d. 14. q. 1. art. 1. D. Ant. 3. p. tit. 14. c. 19. §. 5. plures referunt lib. 9. in Trid. cap. 5. & Cordub. lib. 9. q. 2. opin. 3. Dico tertium. Dolor necessarius ad hoc Sacramentum debet habere displicentiam de peccatis commissis, & propositum nunquam talia committendi. Ita Conc. Trid. sess. citata. Dico quantum. Dolor necessarius ad substantiam sacramenti, debet esse supernaturalis. Ita Conc. Trid. loco citato. Vnde manifestè infertur falsam esse opinionem supra positam, de quovis dolore existimato attritione, ex ignorantia, siue vincibili, siue inuincibili.

16 Int. Dic igitur vno verbo, in quo conueniant, in quo discrepent contritio & attritio? Resp. Vterque actus est supernaturalis, factus cum auxilio supernaturali cadens supra omnia peccata commissæ, & nondum ritè confessæ, cum dolore præteritorum, & proposito firmo cauendi in futurum. Specificantur verò ex motiuis: nam contritio dolet de peccatis, quia sunt Dei offensæ, quem summè diligere debemus: attritio verò dolet propter metum gehennæ; vel ob foeditatem peccati. Differunt in effectû: nam contritus ante sacramenti Poenitentiae susceptionem reponitur in gratia per votum suscipiendi Sacramentum, data opportunitate, & ideo per contritionem remittitur tota culpa: attritus verò ante sacramenti Poenitentiae susceptionem manet adhuc in peccato: neque illius absolutionem accipit, nisi per ipsum Sacramentum, recipiendo gratiam Sacramenti. Ideo Doctores dicunt attritum recipiendo hoc Sacramentum, ex attrito fieri contritum, hoc est, recipere gratiam, & absolutionem peccati, quam recipit verè contritus. In effectû verò remissionis poenæ, æquales sunt contritio, & attritio: per utramque enim semper remittitur pars poenæ: non tamen semper tota. Ita definiuit Concil. Tridentin. sess. 6. cap. 14. & can. 30. & sess. 14. cap. 2. & 8. can. 12, 13. & 14. Dixi non
Semper

semper remitti totam pœnam, quia tanta esse poterit contritio, & attritio, vt tota pœna per eam remittatur, ex vi ipsius doloris habiti. Ita D.Thom. 3.part. quæst.68. artic.4. & lib.4. cont. gent. cap. 72. cum communi Theologorum.

De confessione oris, parte secunda essentiali materiæ proximæ Sacramenti Pœnitentiæ. §. 6.

- 1 *Quid est confessio sacramentalis.*
- 2 *Quæ integritas confessionis necessaria est.*
- 3 *An numerica distinctio peccatorum in peccatis omissionis, sit de integritate confessionis.*
- 4 *Quo pacto aperienda sit in confessione numerica distinctio peccatorum.*
- 5 *De circumstantiis aperiendis in confessione.*
- 6 *Vnde colligenda sit circumstantia notabiliter aggravans.*
- 7 *Quot sunt circumstantiæ peccati.*
- 8 *An peccata iam semel confessa, sint aliquando de integritate alterius confessionis.*
- 9 *Quando est confessio nulla.*
- 10 *Quomodo prior inualida, confessio est iterum facienda.*
- 11 *An confessio, in qua prius à peccatis quàm ab excommunicatione excommunicatus fuit absolutus, sit inualida.*
- 12 *An confessio fuit inualida, in qua ex culpabili moraliter negligentia peccatum fuit per obliuionem omissum.*
- 13 *An ratione pœnitentiæ è memoria defluentis, teneatur pœnitens præteritam confessionem repetere.*
- 14 *An teneamur confiteri peccata venialia.*
- 15 *Quo pacto dicenda sint in confessione peccata dubia.*
- 16 *Quæ confessio non integra, est sufficiens.*
- 17 *Ob quas causas fieri potest confessio dimidia.*
- 18 *An sit valida confessio per nutus, cum aliter fieri nequit.*
- 19 *An sufficiat dare materiam confessionis in absentia confessoris.*
- 20 *An liceat dimidiare confessionem ratione nocumenti proprii, vel alieni inde prouenturi.*
- 21 *An liceat omittere omnino confessionem ratione nocumenti proprii, vel alieni ex ea prouenturi.*
- 22 *Quod peccatum est addere, vel demere de numero peccatorum, negando*

negando factum, affirmando nunquam commissum peccatum.

- 23 *An sit adhibenda diligentia in examinanda conscientia, & quæ adhibenda est.*
- 24 *Quid dicendum sit de confessione reservatorum ex parte pœnitentis.*
- 25 *Quæ peccata reservari solent, & possunt.*
- 26 *Quæ peccata reservantur in diœcesi Bracharensi.*
- 27 *Quas condiciones habitura est Sacramentalis confessio.*
- 28 *De conditione secreta.*
- 29 *An pœnitens possit, & teneatur confiteri per scriptum, cùm aliter confiteri nequit.*
- 30 *An valida sit materia in scripto relicta, vel in fide testium, absente confessario ad hoc Sacramentum, accedente confessario.*
- 31 *An fieri possit confessio per interpretem, & per nutus, cùm aliter fieri nequit.*
- 32 *An propter solam integritatem confessionis teneatur pœnitens detegere personam complicitis.*
- 33 *An propter integritatem confessionis teneatur pœnitens detegere personam, & peccatum tertiæ personæ, de qua detraxit.*
- 34 *An propter integritatem confessionis teneatur obliuiosus scribere peccata, ne defluant à memoria.*

I N T E R R O G A T I O. Quid est confessio sacramentalis? *Resp.* Est integra peccatorum cum suis circumstantiis ab ipsomet pœnitente ultro accusatio. Ita colligitur ex Doctoribus, qui agunt de hac accusatione sacramentali. Magist. in 4. d. 17. Hug. Vict. tom. 2. de Sacram. p. 14. Alex. Alens. 4. p. q. 76. alias 1. Altifiodorens. lib. 4. summ. tract. 6. Iurisperiti cap. Omnis utriusque. de pœn. & remiss. & in decreto, de dist. pœn. Nauarr. d. 5. 6. 7. Summist. verb. confessio. VValdens. lib. 1. tom. 1. Ruard. cont. Luth. art. 5. Vega lib. 13. in Trid. Bellarm. lib. 3. de pœn.

2 *Jnt.* Quæ integritas confessionis necessaria est? *Resp.* De necessitate, & valore Sacramenti pœnitentiæ est, ut pœnitens omnia peccata mortalia, nondum confessa, eidem sacerdoti in eadem confessione, seu in ordine ad eandem absolutionem confiteatur, quantum moraliter meminisse potest, ita ut nisi vrgeat necessitas, nullum occultet voluntariè. Ita definiunt Concil. Cabilonense cap. 32. Lateran. capit. omnis utriusque sexus. Florent. in decreto Eugenij, quatenus præcipiunt omnia peccata eidem confiteri. Clarius id decre-

uit Conc. Trid. dicens. *Qui retinet scienter aliquid, nihil diuina bonitati per sacerdotem remittendum proponit.* Hæc fuit semper totius Ecclesiæ traditio, hic vsus. Constat ex *Clement. 1. epist. 1. ex Leon. epist. 78. alias 80. Cyprian. lib. de lapsis, ubi Panel. sess. 11. Tertul. lib. de pœnit. cap. 10. Patian. in parænesi de pœn.* Clarius ita docuit August. *lib. de vera, & fals. pœn. cap. 15.* Diuidere inquit confessionem, nil aliud est, quàm venia carere. Plura referunt Bucard. *lib. 19. Decret. cap. 34. & Canisius in Catechis.* Ratio huius conclusionis traditur à D. Thom. *in 4. dist. 17. quæst. 3. artic. 4.* Quia vnum peccatum mortale remitti non potest sine alio: in hoc verò Sacramento non remittitur nisi peccatum confessum, & accusatum: ergo si omnia simul remittenda sunt, omnia simul sunt confitenda, & accusanda. Dico secundum. De necessitate huius integritatis est, vt omnes peccatorum species morales explicentur distinctè in confessione. Hic est antiquissimus Ecclesiæ vniuersalis sensus. Ita sexta Synodus *in can. 102. Trullan. Conc. Florent. & Later. Trid. session. 14. cap. 5. & canone 7.* Ratio à Conc. tradita est, quia ad iustitiam seruandam in hoc iudicio, & ad curationem, satisfactionemque proportionatè adhibendam, oportet, vt confessor cognoscat species criminum. Neque in hac Ecclesiæ vniuersalis consuetudine admittenda est opinio Caiet. *tom. 1. Opuscul. tract. de confess.* asserentis tunc solummodo hoc esse necessarium, quando distinctio specifica est clara, & nota omnibus: insuper est tanta, vt multum variet iudicium confessarij. Quæ doctrina displicet Cano *relect. de pœn. p. 5. Navar. cap. consideret. num. 8. & 19. de pœn.* Est enim opinio singularis, quæ rem magni ponderis, & ad salutem necessariam relinquit arbitrio pœnitentium, facitque distinctionem, quam non fecerunt Concilia. Hinc etiam apertè colligitur circumstantias mutantes speciem peccati esse de necessitate huius integritatis. Ita decrevit *Concil. Trid. loco citato.* Ratio est, quia illæ circumstantiæ constituunt multas species peccatorum. Dico tertium. De necessitate huius integritatis est, numerum peccatorum singularium distinctè explicare. Ita supponunt antiqui Theologi; docuit D. Thom. *Opusc. 12. quæst. 6. Aug. de ver. & fals. pœn. cap. 14.* Videtur decernere Conc. Trid. cum dicit, sigillatim dicenda esse peccata. Vnde colligunt moderni Theologi pœn. rem esse certam, contra Syluest. *confessio. nu. 1.*

Archi

Archidiaconum atque Angel. *confessio*. i. num. 20. oppositum asserentes. Difficile verò est assignare, vnde colligenda sit distinctio numerica peccatorum, vt explicetur in confessione. Dico tamen colligendam ex temporis interruptione. Ita Cano. *de pæn.* Caietan. *tom. 1. Opuscul. tract. ultim. resp. 15. & 2. 2. quæst. 67. art. 3. ad 3. Ledes. 2. 4. quæst. 9. Nauar. c. Consideret. n. 48.* Itaque idem peccatum censetur, quatenus continuatur absque temporis interruptione. Exempli gratia: cogitavi de homicidio perpetrando per horam, vnum est peccatum: statui mecum hominem occidere, post hanc voluntatis determinationem anno integro non reuocaui hanc voluntatem, censetur idem peccatum. Difficilius tamen est assignare, quænam temporis interruptio satis sit ad diuersificanda peccata. Veruntamen omiſſis metaphysicis considerationibus in excogitanda, inueniendaque numerica peccatorum distinctione (quia nostri instituti non sunt) loquendo moraliter in ordine ad confessionem, necessaria est ad multiplicationem peccatorum interruptio moralis. Hæc interruptio moralis tripliciter fit. *In primis*, cum quis voluntaria deliberatione cessat ab actu peccandi, & postea noua deliberatione voluntariè peccat in eodem peccato: siue tempus, quo cessauit, longum sit, siue breue. Deinde, cum quis ab actu peccandi, seu à voluntate peccandi cessauit absque vlla deliberatione cessandi, sed naturali quadam lassitudine potentia, interposito autem longo tempore ad eundem actum peccati rediit. Hoc autem longum tempus censetur hora. Tertio modo colligitur hæc numerica distinctio peccatorum ex consummatione totali vnius actus: sunt enim in actibus humanis nonnulli, qui habent certum terminum, in quo consummantur. v. g. vna copula maris, & foeminae, vna occisio. Hæc autem actus consummatio ita distinguit peccatum, vt licet immediate post alius subsequatur, duo sint, non vnum peccatum. Ita Suar. *disp. de integrit. confess. sect. 3.* Ratio eius est, quia præceptum confessionis solum obligat ad aperiendum numerum peccatorum, qui moraliter sciri potest, eamque postulat integritatem, qua satis iudicium confessarij verum sit erga peccatoris conscientiam, sed hæc supradicta integritas satis est ad firmandum iudicium confessarij, ille insuper tantum numerus moraliter sciri potest; ergo, &c.

3 *Int.* Estne hæc numerica distinctio necessario aperienda in

in peccatis omissionis? *Resp.* Negavit Nauar. cum Gabr. in 4. d. 15. q. 2. a. 2. Affirmandum tamen est, dicendumque in peccatis omissionis, quæ (vt aiunt Theologi) actum habet successuum, diuturnamque durationem, non satis esse dicere in confessione, ego non restitui quod debebam, detinuique alienum vno anno: sed debeo dicere, & teneor. Ego detinui alienum vno anno, & toties proposui illud non restituere: nam poteram restituere, & nolui. Ratio est, quia hæc peccata sunt moraliter multa. Voluntatis autem multiplicatio colligi potest ex vsu rei alienæ, nam quoties illa vsus sum, & cum possem illam non restitui, toties volui moraliter illam non restituere.

4 *Int.* Quo pacto aperienda est hæc numerica distinctio in confessione? *Resp.* Dico *primum*. Quando pœnitenti constat de certo numero peccatorum, ille certus numerus dicendus est, nec maior, nec minor. Dicendum autem vnico verbo: decies, v.g. vel vigesies, quando indiuidua peccata sunt eiusdem speciei. Exempli gratia, septies commisi adulterium. Ita Caiet. *tomo 1. Opusc. tract. 5. quæst. 6.* Nau. in *sum. cap. 6. n. 14.* Narratio enim historica singulorum peccatorum est confessoribus molesta, & aliquando tam confessori, quam pœnitenti noxia. Ita aduertunt citati Doctores, insuper vterque Sotus, & Cano locis citatis. Dico *secundò*. Quando facta morali diligentia in examinanda conscientia occurrit numerus tantummodò dubius, sub dubio aperiendus est, plus, minúsve. Si verò post confessionem veniunt in memoriam alia, singulatim distincta peccata absque noua circumstantia non declarata in præterita confessione, iam inclusa fuere in illo numero incerto, ac proinde non tenetur pœnitens ea singulatim, & speciatim declarare. Hoc tamen non intelligo, quando illa occurrentia peccata occurrunt in magno numero: tunc enim sunt aperienda, quia non censentur inclusa in illo paruo. Ita aduertit Doctor Suarius loco citato. Dico *tertium*. Cum non occurrit numerus certus, nec dubius peccatorum, declarandum est in confessione tempus, quo quis perseverauit in peccato. Item declaranda frequentia actuum. Ita citati omnes Doctores.

5 *Int.* Quæ circumstantiæ aperiendæ sunt in confessione? *Resp.* Quadrupliciter considerari possunt circumstantiæ peccati. In *primis* sunt circumstantiæ mutantes speciem peccati, hoc est, nouam alterius speciei peccati malitiam inducentes.

verb.

verb. grat. circumstantia adulterij addita fornicationi, quæ facit, vt præter peccatum fornicationis noua malitia adulterij inueniatur in eodem actu libidinis. Deinde aliæ sunt circumstantiæ, quæ intra eandem speciem notabiliter augment peccati malitiam. Tertio sunt aliæ, quæ notabiliter minuunt. Quarto sunt aliæ, quæ nec minuunt, nec augment peccati malitiam. Dico igitur *primum*. De necessitate integræ confessionis est, circumstantias mutantes speciem distinctè aperire. Hic est sensus vniuersalis Ecclesiæ. Ita definitur in 6. Synod. & Concil. Tridentin. *sessio* 14. *cap. 5. can. 7.* Hæ autem circumstantiæ aperiendæ sunt non solum circa actum externum, sed circa actum etiam internum. Ita notauit Diuus Anton. 3. *part. titul. 5. cap. 1. §. 6.* Nauarr. in *summ. cap. 6. numer. 4.* Ledesm. 2. 4. q. 8. *art. 2.* Satis verò est has circumstantias peccati declarare, vt peccata distincta, si moraliter satis explicari possint. Ita doctissimus Suarius loco citato. Dico *secundum*. Circa notabiliter aggrauantes circumstantias fuit opinio negans. Ita D. Th. in 4. d. 15. q. 3. a. 2. q. 5. Alb. Mag. ib. a. 24. Palud. 9. 3. *art. 3.* Durand. q. 4. Bonau. d. 17. q. ult. Almain. qu. 1. *art. 1.* Carthus. *quæst. 2.* Adrian. *quæst. 4. de confess. a. 1. 2.* Medin. ib. q. de *circunst.* Anton. 3. p. tit. 14. *cap. 13. 19. §. 7.* Nauarr. in *sum. cap. 6. & cap. Consideret. num. 6.* Couar. *Epitom. 4.* Decret. 1. p. c. 1. n. 14. Turrec. *cap. 1. in principio. de pæn. dist. 6.* Angel. Armil. & alij Summistæ verbo, *confessio*, & verbo *circumstantia*. Prima huius opinionis ratio sumitur ex Concil. Trid. *sess. 14. cap. 5.* Nam decernit, esse de necessitate confessionis, confiteri circumstantias speciem mutantes: nihil vero dicit de circumstantiis aggrauantibus. Probabilior tamen est opposita sententia. Ita Altisiodorensis *lib. 4. sum. tract. 6. cap. 3. quæst. 3.* Alens. 3. p. 77. *memb. 3. art. 2. §. 2.* Marfil. in 4. *quæst. 12. art. 1.* Maior in 4. d. 17. qu. 5. Richard. *art. 2. q. 8.* Caiet. 1. 2. *quæst. 7. & in summ. verb. confessio. condit. 15.* Viçl. in *sum. num. 136. de pæn.* Cano, Ledesm. vterque Sot. locis citatis. Sumitur ratio huius opinionis; ex vsu conscientiarum timoratarum: quem quidem approbat 6. Synod. *can. 102. in Trullo.* Concil. Vormaciense *cap. 25. cap. Consideret. de pæn. d. 5.* Aug. de vera & fal. pæn. c. 14. & *lib. de visit. infirm. cap. 2.* Secunda ratio sumitur ex pœnitentiis per sacros Canones appositis grauioribus intra eandem speciem, quas videre est apud Gratianum *can. 2. & 22.* Anton. Aug. *tit. 3. c. 3.* quæ pœnitentiæ imponi iuebantur à confessariis, etiam in foro interiori, vt videre

videre est apud Burcardum *lib. 19. Decreti. cap. 5.* Tertio denique, quia si hæ circumstantiæ taceantur, non format confessarius plenum iudicium peccati, quo possit, ut æquus iudex imponere satisfactionem, & ut sapiens medicus adhibere remedia curationis. Conc. verò Trid. quamvis circa has circumstantias nihil definiuit, nihil tamen negauit, sed adhuc eas opinioni reliquit. Dico *tertium*. Circumstantiæ notabiliter minuentes peccatum intra eandem speciem, non sunt de necessitate confessionis. Ita D. Bonau. citatus. Nau. in *sum c. 6. n. 6.* Doct. Suar. & alij contra Sotum, Canum, & alios. Ratio eius est, quia in circumstantiis minuentibus non variatur iudicium confessarij, sicut variatur in circumstantiis notabiliter aggrauantibus. Dico *quartum*. Circumstantiæ quæ nec mutant speciem, neque intra eam peccatum augment, aut minuunt, non sunt de necessitate confessionis. Hæc ita est certa, ut non indigeat probatione.

6 *Int.* Vnde colligenda est circumstantia notabiliter aggrauans? *Resp.* In hac re non potest certa regula assignari. Ideo totum negotium relinquitur prudentis arbitrio, conscientiæque exulcerationi existimantis se excessisse ordinarium modum peccandi. Ita doctor Sparius.

7 *Int.* Quot sunt circumstantiæ? *Resp.* Septem, quas Doctores vnico versu comprehenderunt.

Quis, *Quid*, *Vbi*, *Quibus auxiliis*, *Cur*, *Quomodo*, *Quando*. *Quis*, id est, quæ persona. *Quid*, id est, quod crimen magnum, vel paruum circa quantitatem. *Vbi*, hoc est, quo loco. *Quibus auxiliis*, id est, quibus instrumentis & quibus locis, seu auxiliariis. *Cur*, id est, propter quem finem. *Quomodo*, hoc est, qua ex passione, quo affectu, seu intentione, qua ignorantia, vel scientia. *Quando*, id est, quo tempore. Circa circumstantiam, *Quis*, notanda est qualitas personæ, nimirum an soluta, an vxorata, an voto constricta, an in religione professæ, an publica, an subdita, an ex officio, solaue caritate obligata. hæc enim circumstantia sæpius mutat speciem peccati. Circa circumstantiam, *Quid*, notanda quantitas, & qualitas peccati. Circa circumstantiam, *Vbi*, dicendum est, an locus fuerit sacer, tunc enim furtum in eo factum, vel humana copula habita, aut humani seminis voluntaria effusio, habet malitiam sacrilegij. Circa circumstantiam, *Quibus auxiliis*, de instrumento dicendum est, an fuerit lege

H h prohi

prohibitum: vel nocumentum intulerit grauius ordinario. De concausa, seu complice dicendum, an alium induxerit ad peccandum, quia tunc nouam habet malitiam scandalī, & hoc debent confessarij semper habere prae oculis. Circa circumstantiam, *Cur*, notandus est finis, propter quem eligitur medium. Et hac circumstantia saepius mutat speciem peccati, quia saepius medium, quod eligitur propter illum finem, non est medium à natura ipsa ordinatum ad talem finem. *Verbi gratia*, eligitur moechia ad furtum. Si enim media, licet secundum se mala ~~sint~~ ab ipsa natura ordinata ad talem finem, ille finis consequatur, satis est explicare finem. *Verbi gratia*, vsus est quis tactibus impudicis ad libidinis actum, adepto actui satis est illum explicare, nec est opus tactus impudicos confiteri. Circa circumstantiam, *Quomodo*, explicanda est diurnitas propositi committendi peccatum: & frequens de eo cogitatio: insuper patrati criminis rati habitio, seu complacentia: per hac enim omnia colligitur mentis intentio. Si verò quis peccauit ex consuetudine, hoc est, post iam multa commissa peccata eiusdem speciei, & confessam, eam consuetudinem dicturus est confessario, quia ex ea colliget confessarius morale periculum perseuerandi in eo, & applicabit efficaciora remedia. Circa circumstantiam, *Quando* dicendum est, an lege prohibitum sit, ut tale opus fiat tali tempore. An verò omne peccatum ex eo quòd fiat in die festo grauius reddatur, affirmarunt Alens. D. Bonauent. & alij, quos refert Cordud. *lib. 1. q. 6.* Oppositum tamen est verum. Ita Sot. *lib. 2. de iust. q. 4. art. 4.* Couar. *cap. Alma. p. 1. §. 5. n. 3.* Nauar. *cap. Consideret. num. 32. & in sum. c. 6. num. 9.* traditurque *2. 2. quest. 22.* Ratio eorum est, quia licet finis diei festi sit diuinus cultus: & qui peccat, hunc diuinum cultum violat, cum tamen finis praecepti de sanctificando festo, non cadat sub praeceptum, nullum qui peccat in die festo, frangit praeceptum, ac proinde non tenetur illam circumstantiam in confessione aperire.

8 *Jnt.* Estne opus ad integritatem confessionis dicere peccata iam semel confessa? *Resp.* Dico *primum*, cum confessio fuit inualida, requiritur ad integritatem subsequenter confessionis, peccata iam confessa iterum confiteri. Hac propositio adeò certa est, ut licet ex malitia confessarij intentionem non habentis absoluendi, inualida fuerit confessio, teneatur pec

peccata iterum clauibus Ecclesiæ subiicere. Dico *secundum*. Cum valida fuit confessio, peccata semel confessa non sunt amplius ex necessitate confitenda. Ita Benedict. XI. *Extrauag. inter cunctas. de priuileg.* Ioan. 22. *Extrauag. Vas electionis. de hæretic.*

9 *Jnt.* Quando est confessio nulla? *Resp.* Quando defuit dolor necessarius, cum proposito cauendi in posterum: vel integritas confessionis: vel intentio absoluētis: vel formæ prolatio: vel prolatio verborum eo modo, vt sensum formæ mutaret: vel iurisdicctio ad absoluendum. Non est autem inualida confessio facta Sacerdoti habenti iurisdictionem, ita tamen indocto, vt nesciat iudicare inter mortale aut veniale peccatum, inter reseruatum, aut non reseruatum (quanquam nonnulli Theologi id dixerint, vt refert Gabr. in 4. d. 17. q. 1. art. 3. dub. 2. Anton. 3. p. tit. 14. c. 19. Sylu. confessio. 1. q. 6. Vict. in sum. nn. 168.) si poenitens bona fide apud illum confiteatur. Dixi, bona fide, quia si mala fide id faciat, hoc est, sciens, & prudens eligit talem ineptum confessarium ad remedia poenitenti adhibenda, inualida erit confessio ex indispositione poenitentis. Ita ex Caiet. Pet. Sot. lect. 6. de confess. cum alijs refert Cord. in sum. vulgari. q. 9. & sequitur Doctor Suarius.

10 *Int.* Quo modo facienda est iterum inualida prior confessio? *Resp.* Dico *primum*. Si sit alteri confessario, distinctè omnia sunt repetenda. Dico *secundum*. Si fiat eidem confessario, & ille meminerit peccatorum omnium, vno verbo potest fieri accusatio, sicuti fieri potest, cum confessor omnia nouit extra confessionem. Si verò confessarius peccatorum sit oblitus, dubitant Doctores, an sufficiat illud vnum verbum, nimirum si sufficiat dicere: Accuso me reum omnium peccatorum, quæ tibi Pater confessus sum. Negat Cord. in sum. q. 6. Ratio eius est, quia ad imponendam poenitentiam, oportet meminisse peccatorum, affirmat Medin. *codic. de confess. qu. de circumst. & quest. de confess. facta malo Sacerdoti.* Adrian. *questione 4. de clauib.* Ratio eorum est, quia memoria confessarij non requiritur ad absolutionem impertiendam: nam si quis dies plurimos consumat in confessione facienda, & confessarius die vltimo non recordetur peccatorum, illum potest absolvere. His non obstantibus dico sic. Si confessarius nec distinctè, nec confusè habet notitiam status conscientiae poenitentis, & in præterita confessione poenitentiam

non imposuit, requiritur, vt distinctè fiat mentio peccatorum. Secus dicendum est, si saltem confusè recordatur: vel poenitentiam in præterita confessione imposuit. Ita sumitur ex Palud. in 4. d. 17. q. 5. nu. 22. Sylu. confess. 1. q. 3. Nau. in sum. cap. 9. num. 19.

11 *Int.* Estne cōfessio inualida, ac proinde nulla, & ideo iteranda, si poenitēs excommunicatus prius à peccatis, quam à censura fuit absolutus? *Resp.* Si censura non erat reseruata ea reseruatione, vt priuaret confessariū iurisdictione in foro Sacramentali: & talis confessarius tam super eā, quàm supra peccatum habebat iurisdictionem: & poenitens bona fide ex parte sui fuit absolutus, valida fuit confessio, & ideo non est iteranda. Ita Suárezius cum veriori sententia. Dixi, si censura non erat reseruata ea reseruatione, vt tolleretur à confessario iurisdictionem circa peccata, quia ita aliquando ferri potest. Dixi, si poenitēs bona fide fuit absolutus, quia si mala, hoc est, sciens prius petendam absolutionem à censura quàm peccatis, peccauit grauiter in recipienda absolutione à peccatis, & ideo fecit inualidam, & sacrilegam confessionem. Dixi, ex parte sui, quia si mala fides fuit ex parte confessarij volentis illum non absolueret à censura absoluen-do à peccatis, adhuc inualida est confessio.

12 *Int.* Omisit, quis peccatum in confessione, ex ignorantia vincibili oblitus, in qua obliuione peccauit lethaliter, nimirum, quia non adhibuit diligentiam necessariam in examinanda conscientia, rogo, an talis confessio fuerit inualida, & ideo sit iteranda? *Resp.* Res est controuersa. Pars affirmans defenditur à Suariorum *disp. de integ. confess. sect. 5.* licet oppositum à multis teneatur.

13 *Int.* Oblitus est poenitens satisfactionis impositæ, re-
neturne peccata confessæ, propter quæ fuit imposita poenitentia, iterum confiteri? *Resp.* Videntur affirmare Palud. in 4. d. 17. quæst. 5. art. 3. Richard. art. 2. quæst. 8. ad 4. D. Anton. 3. p. tit. 14. cap. 16. Sylu. confessio. 1. quæst. 3. Oppositum tamen est practicè verum, & absque vllo scrupulo tenendum. Ideo, quocunque modo poenitens, culpabiliter, inquam, vel inculpabiliter oblitus fuerit poenitentia, non tenetur repetere præteritam confessionem. Ita Gabr. in 4. d. 17. quæst. 1. Cæcetan. verb. confessio iteranda. Medin. de confess. rep. Sot. in 4. d. 20. art. 2. ad 3. Maior d. 17. quæst. 6. dub. ultim. Nauar. c. 9.

num.

num. 17. Pet. Sot. *lect. 2. de satisfact.* Ratio est, quia per priorem confessionem culpa omnino fuit remissa, absque vlla dependentia à satisfactione implenda: satisfactio autem potest impleri aliis poenis ab alio confessario impositis pro peccato commissio in culpabili obliuione.

14 *Jnt.* Estne de necessitate integræ confessionis, confiteri peccata venialia? *Resp.* Minimè. Ita decreuit Conc. Trid. *sess. 14. cap. 5. & can. 7.* & hæc fuit Christi Domini institutio, iuxta Ecclesiæ traditionem. Ideo vel tota, vel aliqua possunt à poenitente omitti.

15 *Jnt.* Quid censes de peccatis dubiis? *Resp.* Dico primum. Peccata mortalia dubia sunt de necessitate confessionis. Ita D. Thom. in 4. *dist. 17. quest. 3. art. 1. & dist. 21. quest. 2. art. 3.* Palud. *quest. 2. circa finem*, Richard. *dist. 16. art. 5. quest. 1.* Sot. *dist. 18. quest. 2. art. 2.* Medin. *de confess. quest. de confess. facta prauo Sacerdoti.* Nauar. in *sum. cap. 9. num. 14.* Sylu. Viçt. & alij summistæ. Ratio est, quia in dubiis tutior pars est eligenda. Dico secundò. Hæc dubia peccata, vt dubia sunt confitenda, non vt certa. Ratio sumitur ex Concil. Trident. decernente esse confitenda peccata, quæ sunt in conscientia: ergo vt sunt, sic sunt confitenda. Deinde quia dicere certum esse, quod scio esse dubium, ex se est mendacium. Tertio, quia aliàs graueretur confessarius. Dico tertio. In confessione peccati dubij, semper adiungenda est materia certa. Hæc autem potest esse quodlibet veniale peccatum. Ratio est, quia aliter conficiendum esset Sacramentum sub conditione: hoc autem nunquam est admittendum, nisi cum aliter fieri non possit. Ita Doctor Suarius loco citato. Quale verò oporteat esse hoc dubium, controuertunt Doctores. Dicendum verò tunc esse hoc dubium, quando peccator probabiliter iudicat se peccasse mortaliter: de alia verò parte solum habet quandam suspicionem. Deinde cum peccator habet pro vtraque parte probabiles rationes dubitandi, & pro neutra potest iudicium ferre. Ita Nauar. in *sum. cap. 9. num. 14.* Quæstio grauis est, an tale dubium dicendum sit, in quo est peccator, qui pro vtraque parte habet probabiles rationes, quamuis in alteram cum maiori, vel minori probabilitate inclinet, nimirum se peccasse, & non peccasse mortaliter? Negat Suarius, atque peccatorem tunc se posse conformare iudicio

probabili, quo iudicat se non peccasse, & ideo non teneri tale peccatum confiteri. Ita etiam Sylu. *confessio. 2. q. 2.* Ratio eius est: quia homo in rebus practicis potest sequi opinionem probabilem, non obstante probabili, vel etiam probabiliorre, quando in rebus ipsis non imminet aliquod periculum, vt traditur 1. 2. *quest. 29. & 20. in materia de conscientia.* Quoniam in hac vita nequit haberi certitudo, & propterea, cum pro vtraque parte controuertunt Doctores, possunt tutò sequi probabilem aliquorum opinionem, & confessarius tenetur, si velit, illi opinioni conformari.

16 *Int.* Quæ confessio non integra est sufficiens? *Resp.* Dico primum. Confessio in qua aliquod peccatum omissum est propter obliuionem naturalem, aut ignorantiam inuincibilem, valida est, & integra formaliter, licet materialiter diminuta. Ita communiter Doctores. Ratio est, quia illa ignorantia antecedens facit inuoluntariam omissionem, vt traditur 1. 2. *quest. 6.* Dico secundum. Confessio in qua omissum est peccatum propter culpabilem moraliter negligentiam, non est integra, & ideo iteranda. Ratio est, quia illa negligentia culpabilis non excusat voluntariam omissionem: ac proinde illa culpabilis ignorantia æquipollet scientiæ. Dixi, propter culpabilem moraliter negligentiam, quia non sufficit negligentia venialis, vt notat Doct. Suar. Resolutio est Caietan. *verb. confess. cond. 10.* Pet. Sot. *lect. 10. de pæn.* Nauar. *in sum. c. 9. n. 16.* Medin. *de confess. q. de confess. dim. iteranda.* Sumitur ex Conc. Trid. *sess. 14. c. 5.* vbi ter ait necessariò adhibendam diligentem examinationem conscientiæ ad dignè accedendū huic Sacramento recipiendo; ergo qui non adhibita necessaria diligentia, accedit ad hoc Sacramentum, mortaliter peccat, & proinde nullum recipit Sacramentum.

17 *Int.* Ob quas causas fieri potest confessio diminuta? *Resp.* Ob tres. Prima est propter defectum vitæ propriæ: nam si quis est morti vicinus, satis est dicere vnum tantum peccatum. Secunda, propter assistentiam aliorum, qui abscedere nequeunt, vt contingit in naufragio, vel in iusto bello, statim conficiendo. Tertia, cum Sacerdos poenitentem auditurus timet contagium infirmitatis, vt contingit in peste. Aduerto tamen in prima, & tertia causa, dicendum esse peccatū, quod grauius pungit conscientiam. In secunda verò, quod minus gignit scandalum. Ita Doctor Suar.

18 *Int.*

18 *Int.* Quid censes, cum poenitens explicare nequit conscientiam, nisi per nutus, vel signa aliqua, quæ ostendant animi dolentis peccatum à se commissum in communi? *Resp.* Negat Sot. in 4. d. 18. q. 2. art. 5. Ledesm. 2. 4. quæst. 8. art. 4. Cano relect. de poenit. par. 5. Nau. cap. 26. sum. 27. cum Abulens. quem citat quæst. 47. in cap. 16. Matth. Ratio eorum fundamentum habet in Concil. Trident. quia Conc. Trid. damnat confessionem in genere, aitque faciendam esse in specie, hoc est, damnat confessionem, qua quis fatetur se esse peccatorem, aitque necesse esse dicere se esse peccatorem in aliquo genere peccati. Talis autem confessio est confessio in genere, neque nouum circa talem poenitentem gignit confessario iudicium, sed quod habet de omnibus ratione vtentibus, omnes enim peccatores sumus, iuxta illud Ioannis. *Si dixerimus quod peccatum non habemus, ipsi nos seducimus, & veritas in nobis non est.* Nihilominus opposita sententia practicè est vera in præsentia confessarij, secuta, & exercenda. Ita Palud. in 4. d. 21. q. 2. art. 2. D. Anton. 3. p. tit. 10. c. 2. Sylu. confessor. 3. quæst. 13. Angel. confessor. 4. n. 8. Medin. de confess. q. de pec. obliu. Ruard. art. 3. cont. Luth. pag. 140. Cord. lib. 5. de indulg. q. 5. Ratio est, quia est in necessitate vera accusatio specialis. Concil. autem Trid. locutum est de materia certa, quæ voluntariè omittitur, quæ quidem omnino danda est, & communis non sufficit, cum certa & particularis dari potest. Itaque asserendum est, si propter temporis angustias, vel impediendam aliquam necessitatem, poenitens nequit plulquam signa contriti animi peccantis ostendere, volens per ea signa peccatum à se commissum, & recognitum, quodcunque fuerit, iudicio sacramentali subiicere, esse talem poenitentem absoluentum.

19 *Int.* Sufficitne ad veram confessionem hæc signa dare in absentia confessarij, si confessarius in præsentia poenitèris adhuc viui sufficientia habeat testimonia de præteritis signis habitis, & in ordinem ad confessionem præbitis, petendo confessionem, quæ illi non est adhibita propter absentiam confessarij? *Resp.* Affirmant Suarius, de poenit. disp. de confess. dimin. & sufficient. aitque confessarium talem poenitentem absolueret sub intellecta conditione, si absolui possit. Hoc intelligit, vt proposuisti, si ea signa contritionis dedit in ordinem ad confessionem, petendo, vt illi vocetur

confessarius. Aliter quamuis se deuotum, & contritum præbeat infirmus, non est absoluendus. Aliquas difficultates, quæ opponi possunt, soluit idem Doctor, quas breuitatis causa prudens omitto, & sciens.

20 *Int.* Quid dicendum arbitraris, cū ex reuelatione peccati in confessione graue sequetur nocumentum proprium, vel alienum? *Resp.* Dico *primum*. Nemo tenetur confiteri peccatum, ex cuius confessione sequetur graue nocumentum proprium. Ita D. Thom. in 4. d. 17. q. 3. art. 3. q. 4. ad 5. Palud. ib. q. 5. Maior q. 5. Alenf. 3. p. q. 77. m. c. 3. art. 1. ad 1. Altifiod. in sum. tract. 6. c. 3. q. 3. Pet. Sot. lect. 10. de conf. Can. de pœn. p. 5. Nau. in sum. c. 7. n. 3. & 4. Ratio est, quia hoc præceptum non obligat cum tanto periculo. Dico *secundum*. Nemo tenetur confiteri peccatum, ex cuius confessione sequetur graue periculum alterius tertiæ personæ. Ita citati Doctores. Ratio est, quia eadem charitatis lex erga nos, quæ vnumquemque deobligat à seruando hoc præcepto, cū ex illius obseruatione sequetur graue nocumentum proprium, deobligat nos ab eodem seruando, cū sequitur graue nocumentū proximi, siquidem illum æquè ac nos diligere iubet. Dico *tertium*. In his euentis timor non satis est quiuis; sed debet esse probabilis, & cadens (vt grauiter aduertit Doctor Suarius) in prudentem virum. Nam cum omittenda sit grauissimi præcepti executio, non quæuis causa debet esse sufficiens.

21 *Int.* In superioribus euentis quomodo facienda est confessio? *Resp.* D. Tho. in 4. d. 17. q. 3. art. 3. Viguer. in Inst. Catho. c. 26. §. 4. vers. 17. arbitrantur tunc omittendam esse omnino confessionem, deberéque pœnitentem se gerere, ac si non haberet copiam confessoris. Dico tamen. In iis euentis facienda est confessio de cæteris peccatis, tacendâque peccata, ex quorum reuelatione oritur periculum nocumenti prædicti. Ita docent Sot. & Nauar. ex Alenf. & Palud. locis citatis sup.

22 *Int.* Estne contra confessionis integritatem negare factum, vel affirmare quod pœnitens non fecit? *Resp.* Dico *primum*. Dicere aliquod mendacium in confessione de re, quæ non pertinet ad materiam confessionis, est tantum veniale, grauius quidem eo, quod esset dictum extra cōfessionem. Ita Suar. Ratio est, quia irreuerentia non est tanta, vt culpam inducat mortalem. Dico *secundum*. Negare in confessione aliquod peccatum veniale, non est plus quàm veniale. Ita Suar.

propter

propter supradictam rationem. Si verò quis prudenter amphibologia utatur (qua quidem in hoc casu uti potest, quia non iuridicè interrogetur à confessore, siquidem rogatur de re, quam dicere minimè tenetur, peccata enim venialia non sunt de necessitate confessionis, ut iam supra respondi) neque veniale peccatum erit. Dico *tertium*. Affirmare in confessione aliquod peccatum veniale, quod poenitens non commisit, non dando aliam materiam, est peccatum mortale, & graue sacrilegium. Ita Suar. Ratio est, quia forma profertur irrita, & nulla, utpote non habes materiam, quam informet. Dico *quartum*. Affirmare aliquod veniale, quod poenitens non commisit, simul cum aliis à se commissis, peccatum esse mortale docuit Palud. in 4. d. 21. q. 2. n. 12. D. Bonau. art. 2. q. 2. Caiet. verb. confess. cond. 4. Arm. n. 5. Ledes. 2. 4. q. 5. a. 4. Ratio eorum est, quia cadit forma supra falsam materiam partialem. Nihilominus non esse peccatum mortale tenuit Angel. confess. 1. n. 16. & 17. Sylu. q. 8. Sot. d. 18. q. 2. a. 4. Pet. Sot. lect. 10. de pæn. Nau. c. 21. n. 37. Suar. disp. de integ. confess. Ratio eorum est, quia defectus est in materia non necessaria, deceptio autem confessoris est in re leui, & ideo sacramento non fit grauis irreuerentia: confessoris autem iudicium non immutatur notabiliter. Contra hanc secundam, & veriore sententiam opponitur grauis obiectio. Si quis inter hostias triticeas ponat alias hordeaceas, & super omnes proferat formam Eucharisticam, peccaret sine dubio mortaliter, ex eo quod veræ materiæ Sacramenti Eucharistiæ apponit falsam, ergo similiter peccabit, qui veræ materiæ Sacramenti poenitentiae, apponit falsam: hoc autem facit, qui confitetur peccata verè à se commissis, & simul peccatum à se nunquam commissum; ergo, &c. Obiectionem sic soluit Suar. concedendo assumptum, negando consequentiam: quia forma Eucharistiæ per se primò designat materiam præsentem, & sortitur effectum circa illam quam significat: forma verò poenitentiae per se primò designat personam poenitentis, & effectum circa illum, nimirum remissionem peccatorum: quæ remissio non impeditur propter aliquod veniale peccatum. Deinde quia peccata sunt materia remota Poenitentiae. Materiæ autem remotæ veræ miscere aliquam falsam, non est mortale, ut non peccaret mortaliter, qua aqua veræ ad Sacramentum Baptismi misceret rosaceam, ex ignorante deuotione. Dico *quartum*. Negare in confessione, seu tacere

aliquod peccatum mortale, reuera à se commissum, est grauissimum sacrilegij peccatum. Hæc est Catholica veritas à nemine negata. Dico *quintum*. Affirmare ex malitia in confessione à se commissum fuisse aliquod peccatum mortale, quod reuera pœnitens non commisit, arbitratus est Syl. loco proximo esse tantum culpam venialem. Ratio eius est, quia non est mendacium perniciosum; grauem enim sibi facit iniuriam non iustæ infamiæ, quæ quidem leuis videtur. Oppositum est omnino asserendum cum citatis Doctoribus: insuper cum D. Bonauent. in 4. d. 17. q. ult. Viêt. in sum. num. 30. Nauarr. cap. 27. num. 248. dicendumque esse graue sacrilegium, contra veritatem iudicij sacramentalis, decipiendo in materia graui, & necessaria iudicem illius sacratissimi fori pernicioso mendacio, erga verissimum Sacramenti tribunal. Ita Doctor Suarius.

23 *Jnt.* Estne diligentia adhibenda in examinanda conscientia, vt satisfiat præcepto confessionis? *Resp.* Est quidem. Ita docuerunt omnes Catholici Doctor. eamque non quamcumque volunt, sed grauem & necessariam. Ita Scot. in 4. d. 17. art. 2. Gab. q. 1. Maior q. 3. Sot. d. 17. q. 2. art. 4. Ledes. 2. 4. q. 5. art. 5. Caiet. tom. 1. Opusc. tract. 9. q. 3. Viêt. in sum. n. 178. Petr. Sot. lect. 10. de conf. Syl. conf. 1. q. 3. Nau. c. 9. n. 16. & c. Fratres. de pœ. d. 5. n. 66. & Con. Trid. sess. 14. c. 5. exactissimis verbis id declarans. Quam verò grauis, & necessaria sit adhibenda, colligendum est ex conscientia cuiusque finibus, ac latebris, quas quidem explorare iubet Conc. Tr. Cauendum tamen est, ne sit nimia sollicitudo & anxietas in certo omnino peccatorum numero inuestigando. Ratio Suarij est, quia præceptum de integritate confessionis, non obligat ad summam diligentiam, sed tantum ad mortalem. In nimietate verò sollicitudinis peccatum interuenire docet Nau. c. Fratres. n. 72. quia nimirum perturbat conscientiam. Hinc manifestè apparet peccare lethaliter pœnitentem, qui ad pœnitentiæ Sacramentum accedit, non præhabito diligenti, & necessario examine ad peccata inuenienda, vt certus eorum numerus plus, minúsve aperiri possit in confessione. An verò, qui cum hac mortali negligentia accedit, recipiat verum Sacramentum, controuerunt Doctores; inter eos affirmant Sot. d. 18. q. 3. art. 3. concl. 3. Cano de pæn. p. 5. Viêt. in sum. n. 148. atque in hoc euentu concedunt Sacramentum pœnitentiæ informe, hoc est, verum absque effectu.

Negandum

Negandum tamen est cum Caiet. *verb. confess. cond.* 10. licet in *Opus.* obscurius loquatur. Pet. Sot. *lect.* 10. *de pæn.* Nauar. *cap.* 9. n. 16. Medin. *Cod. de confess. tit. de confess. dim. iteran.* Ratio est, quia non est verè attritus, qui peccando mortaliter accedit ad Sacramentum: sed ad essentiam Sacramenti requiritur vera attritio; ergo, &c.

24 *Int.* Quoniam vna ex præcipuis difficultatibus est an possit pœnitens facere non integram confessionem propter aliquod peccatum reservatum, supra quod non habet confessor iurisdictionem, & hæc materia de reservatis est valde utilis, & necessaria, profer quid dicendum sit de ea? *Resp.* Dico *primum.* De fide est posse validè, & licitè peccata reservari. Ita definit Concil. Trid. ex perpetua traditione Ecclesiæ, fre-mat licèt hæreticus Vvicleff. vt refert Vvald. *tom.* 2. *sacr.* c. 149. Ratio est, quia iurisdic-tio inferiorum ministrorum manat à superioribus Prælati-s, & ideo potest ab eisdem largiùs vel strictiùs communicari, pro vt expedire iudicauerint commu-ni vtilitati fidelium. Dico *secundum.* Quicumque delegans iu-risdictionem, potest delegato iurisdictionem dare circa hæc, & non circa alia peccata. Hæc est certa, etiam circa quosuis parochos, vt in particulari de illis adnotavit Maior *in* 4. d. 17. q. 5. Quanquam, vt docet Suar. non sit in more eos vti hac, qua possunt auctoritate. Dico *tertium.* Reservatio peccatorum fieri potest ob solam meram voluntatem reservantis, absque vlla causa. Ita Suarius cum communi. Dico *quartum.* Iurisdic-tio postquam semel delegata est absolutè, etiam potest postea coarctari particulariter, & ideo erga talem delegatum pos-sunt reservari peccata. Ratio est, quia delegatio non est abso-luta donatio, sed quædam concessio, pendens à voluntate de-legantis. Dico *quintum.* Peccant graviter prælati, qui absque vlla rationabili causa, sed ob suum commodum, vel cõtuma-ciam sibi multa peccata reservât, cum immodicò grâuamine subditorum. Veruntamen talis adhuc reservatio valida est, & tenet. Ita Suar. doctè, & graviter. Ratio prioris partis est, quia Prælati Ecclesiæ positi sunt ad regendam Ecclesiam Dei in ædificationem, non autem in destructionem. Ratio secundæ partis est, quia alioqui liberum maneret pœnitentibus, & confessariis iudicium de iniusta reservatione, & inualida: quod quidem conscientis maximo foret nocumento. Dico *sex-tum.* Prælati ordinarii superiores possunt reservare sibi pec-cata

cata erga pastores Ordinarios inferiores. Ita videtur de fide certum ex Concil. Tridentino, & ex traditione, ac perpetuo usu Ecclesiæ. Ideo Papa potest reservare erga alios quoscunque inferiores: Episcopi erga parochos, &c. Dico *septimum*. Hanc reservationem Ordinarios erga alios inferiores ordinarios, possunt superiores non solum sibi, sed etiam tertiæ alij personæ à se electæ reservare. Conclusio est contra Sot. in 4. dist. 18. qu. 2. Veruntamen eam tuetur Suar. & probat ex praxi. Nam Papa interdum reservat sibi, interdum Episcopis, & Conc. Trid. sess. 14. quædam reservat Episcopo, vel vicario Episcopi, quædam soli Episcopo. Dico *octavum*. Reservatio facta ab ordinariis erga ordinarios prælatos, ut iusta sit, debet esse ex rationabili causa. Si verò sine causa iusta fiat, arbitratur Sotus, & Ruardus locis citatis eam esse invalidam, & nullam. Affirmat veruntamen Sylv. *confessor. 1. q. 3.* & Henr. *quodl. 27.* Alij loquuntur cum distinctione, aiuntque summum Pontificem posse reservare absque causa erga omnes omnino alios Ordinarios; Episcopum verò non posse erga parochos. Ita Maior in 4. d. 17. *quest. 5.* Angel. *verb. casus.* Ratio eorum est, quia iurisdictio parochorum non est ab Episcopis, sed à Papa, & ideo Episcopo nec parochias diuidere, nec mutare propria potestate queunt, sed tantum ut Apostolicæ sedis Legati, sicuti notavit Concil. Trid. sess. 21. cap. 4. de reform. Hæc distinctio non displicet Suar. Dico tamen (quidquid speculativè defendi possit) practicè semper reservationem esse servandam, recurrendumque ad superiorem prælatum ordinarium reservantem.

25 *Jnt.* Quæ peccata reservari solent, & possunt? *Resp.* Dico *primum*. Peccata venialia non solent reservari. Possent quidem, quia ad ea remittenda in sacramento Pœnitentiæ, etiam requiritur iurisdictio, quæ negari potest; & negata est aliquando inter Religiosos: veruntamen huiusmodi reservatio esset inutilis, quia venialia peccata remittuntur extra hoc Sacramentum. Dico *secundum*. Peccata mortalia purè interna non solent reservari. Possent quidem, quia ad ea remittenda in hoc foro, requiritur iurisdictio, quæ negari posset. Dico *tertium*. Si prælati inferiores Papa reservent peccata purè interna, reservatio est nulla. Ita Doctor Suar. Ratio est, quia ex tacito Ecclesiæ consensu peccata purè interna incapacia sunt reservationis. Dico *quartum*. Quodvis peccatum

peccatum externum referuari potest. Ita omnes sentiunt Catholici. Ratio est, quia ad quoduis peccatum externum requiritur iurisdicção, quæ quidem ex iustis causis negari potest. Dico *quintum*. Ex vi iuris communis nullum peccatum referuatum est Papæ, quod non habeat annexam excommunicationem, in qua reservatione non solum referuatur censura, ut voluit Duran. in 4. dist. 17. q. 15. & Caiet. in sum. verb. casus. & Ruard. art. 3. contra Luther. sed & culpa, ut censuit D. Tho. in 4. d. 17. q. 3. art. 4. q. 2. ad 4. Palud. q. 5. art. 1. Gabr. q. 1. art. 3. dub. 1. Maior q. 5. Sot. d. 18. q. 2. art. 5. Nauar. c. 27. n. 261. Dixi, ex vi iuris communis, quia ex motu proprio Sixti V. de malè promotis per saltum, referuatur peccatum, & non apponitur censura. Dico *sextum*. Modò ex vi iuris communis nullum peccatum est referuatum Episcopis. Ita Doctor Suarius. Dixi, modò, quia olim referuata erant aliqua per *Extran. Super Cathed. de priuileg.* sed hæc reuocata est per *Clement. Dudum. de sepul.* Ut docet Suarius contra Glos. ib. & Syl. verb. casus. Nam verba reuocationis absoluta sunt, nimirum, Omnino cassamus; atque per singulos casus discurrendo, latè & doctè probat Suar. Dico *septimum*. Ex vi constitutionum cuiusque Diocesis, & ex consuetudine seruata, nonnulla peccata referuata sunt; standum igitur est constitutionibus, & consuetudini.

26 *Int.* Quæ peccata referuantur in hac nostra Diocesi Bracharensi? *Resp.* Ea, quæ continentur tit. 3. de sacram. confess. Const. 6. hisce Lusitanis verbis. Os casos que à Nos, ou nosso Provisor, ou Vigairos reservamos são os seguintes Conuem à saber. Heresia; Blasfemadores publicos, Feiticeiros, ou Feiticeiras. Homicidio voluntario, posto em excusão, incendio feito acinte por fazer dano. Item sacrilegio. Excommunhão maior, po sta por bomen, ou por direito. Item auer alheo cujo dono não hesabido que passse de cen reis, & nao passado os ponderão absoluer, con tani que primeiro fação entregar o dito dinheiro para a fabrica dessa igreja donde forem freigueses, & se do mais contia de cen reis, se for uo lugar onde estiuer nosso Pronisor, ou Vigairo, ou no termo; entregar selhesha con o escriptão de seu carrego para o mandar distribuit em obras pias. Esendo foro do dito lugar, & termo se entregar ao dinheiro, ou causa alheia ao cura do lugar, ao qual mandamos sob pena de excommunhão, & de pagar todo o que assi retiner con outra tanto, que o entregue ao Visitado que primeire vir visitar a dita Iereia. O qual pregatar à poe isto na visitação, & o que achas mandara

mandara gastar em obras pias, não achando certa informação de cuio seia. Item, dizimo não pagos as Igrejas onde se deuê que passê de valia de cen reis, & não passando os poderão absoluer, can tanto, que satisfação à pessoa à que assi fore devidos. E se algum sacerdote em outre maneira absoluer em este casu de dizimos, conuê a saber, sendo de maior contia de cen reis, ou de menor, se primeiro satisfazer à quẽ pertençaõ pomos em sua pessoa pena de excomunhão maior nestes escritos. Item, casamentos clandestinos, & testemūhas delles. Item, commutação de votos, quasquer que seião. Item, mãos violentas em clarigo. Item, o que se ordenou per salto; ou con licença falsa; ou que se engerio furtiuamente. Item, testimūho falso em actos, ou em iuriz scriptura falsa, & por que he cousa trabalhosa, & perigosa irẽ ao Arcebispo por absoluição de todos os casos Pontificaes: Nos por esta Constituição todos os outros à Nos por direito reseruado tirando estes assima contenidos, commettemos aos Priores, Abbades, Reitores, & Curas de nosso Arcebisado, & Ihes damos poder, que passão delles absoluer, como o Nos por direito podemos fazer.

27 Int. Quas conditiones habet sacramentalis confessio? Resp. Sexdecim, quas Doctor. his versibus comprehenderunt.

Sit simplex, humilis confessio, pura, fidelis,
 Sit nuda, discreta, frequens, libens, verecunda,
 Integra, secreta, lacrymabilis, accelerata,
 Fortis, & accusans, quæ sit parere parata.

Quarum conditionum explicatio claret ex terminis fermẽ per se notis; licet aliquæ ad substantiam: aliæ ad perfectionem confessionis spectent, vt ex tota materia de poenitentia facilẽ apparet.

28 Int. Grauis est controuerfia de conditione secreta, an scilicet necessaria sit ad substantiam confessionis sacramentalis, vt fiat ab ipsomet poenitente coram solo sacerdote secreto id est, absque alio arbitrio, & conscio; quam confessionem Doctores appellant auricularem: dic igitur quid censes? Resp. Dico primum. Secreta, vt modò exposuisti, confessio, quæ auricularis appellatur, honesta est, & sancta. Ita Conc. Trid. sess. 14. c. 5. vbi oppositum errorem hæreticorum huius ætatis damnat, ex sacris canonibus, & consuetudine perpetua Ecclesiæ eruendo veritatem. Docuit eam Concil. Cabil. c. 33. Leo Papa epist. 18. Cypr. lib. de lapsis, & ep. 14. lib. 3. Hier. in illud Eccl. 10. si momorderit serpens. Aug. c. 10. de ver. & fal. pæn. Basil. in psal. 32.

& in reg. breuior. 238. Chryf. hom. 5. in illud Isa. Vidi Dom. sc-
dent. & Ioan. 20. Ratio, quia cum in hoc foro explicanda sunt
peccata, non solum publica, sed secreta, congruum erat, vt
secreta foret confessio. Dico secundum. Non potest Ecclesia
per humanam legem præcipere confessionem non secretam.
Ita Conc. Trid. supra citatum. Ratio est, quia publica confes-
sio, est res difficillima: ad rem verò difficillimam non exten-
ditur lex humana. Dico tertium. Non est de necessitate con-
fessionis, vt fiat secretò. Ita Rich. in 4. d. 17. art. 2. q. 8. Palud. q. 1.
ar. 1. Sot. lib. 18. q. 2. ar. 6. Castro contra hæres. verb. confes. Caiet.
tom. 1. opusc. tract. ult. resp. 5. Cano. Relect. de pæn. p. 5. Docet eam
Conc. Trid. sess. 14. cap. 5. Ratio est, quia institutio Sacramenti
debeuit occurrere casibus frequentibus, sed frequentes sunt
euentus in quibus non potest fieri confessio nisi publicè; er-
go, &c. Dico quartum. Non est præceptum diuinum, aut hu-
manum, obligans poenitentem, vt secretò confiteatur. Ita
Doctor Suar. De præcepto diuino patet ex proxima conclu-
sione. Præceptum humanum nullibi inuenitur. Consuetudo
tamen Ecclesiæ obrinet, vt sine vrgente causa, & necessitate
confessio secretò non fiat: contra quam ire peccatum est. Ita
Rich. supra citatus, & Syl. confessio. 1. q. 20. Suar. & alij.

29 Int. Quoniam Scriptura videtur dici publicum testi-
monium, rogo, vtrum poenitens possit, & teneatur confiteri
per scriptum, cum aliter confiteri non potest? Resp. Dico pri-
mum. Vrgente magna necessitate, & præsentè confessario,
confessio fieri potest per scriptum. Vrgens autem necessitas
erit, cum voce ipsius poenitentis nequaquam fieri possit con-
fessio. Vel cum confessor nequaquam audit vocem huma-
nam, sed legere adhuc potest. Hæc conclusio est D. Thom.
in 4. d. 17. q. 3. art. 4. ad 2. q. 3. D. August. cap. 10. de ver. & fal. pæn.
asserentium non esse de ratione huius Sacramenti, vt confes-
sio fiat voce humana. Neque de ratione præcepti; non enim
præcipitur talis confessio præcepto diuino, aut humano, vt
ostendit, & probat Suar. de pæn. d. 21. sect. 1. concl. 1. num. 5. Eam
asseruit Alens. 4. p. quæstio. 18. memb. 4. §. vitim. Palud. in 4. d. 17.
q. 2. num. 7. Richard. art. 2. quæst. 4. ad 4. Maior quæst. 1. Adrian.
qu. 1. de confess. Medin. Cod. de confess. quæst. de modo sacrament.
confit. Sot. d. 18. q. 2. ar. 6. Ledes. 2. 4. quæst. 8. art. 3. dub. 5. & 6. Pet.
Sot. lect. 2. de confess. Cano. Relect. de pæn. p. 5. Dixi, præsentè
confessario, quia absenti nequaquam fieri potest. Ita tenuit
olim

olim Scot. in 4. d. 17. *quæst. unica.* & modo Card Tolet. lib. 15. cap. 4. Nunc verò non solum est verum, sed oppositum omnino falsum, & contra diploma Pontificium S. D. N. Clementis Papæ VII. cuius sequens est tenor. S. D. N. Re mature, ac diligenter considerata, hanc propositionem, scilicet, licere per literas, seu internuncium confessario absenti peccata sacramentaliter confiteri, & ab eodem absente absolutionem Sacramentalem obtinere, ad minus vti falsam, temerariam, & scandalosam damnauit, ac prohibuit, præcepitque ne deinceps ista propositio publicis, priuatimve lectionibus, concionibus, & congressibus doceatur, néve vnquam tanquam aliquo casu probabilis defendatur, imprimatur, aut ad praxim quouis modo deducatur. Causa insuper vrgens apud Suarium loco citato, est nimia verecundia poenitentis quam patitur, si turpem actum voce propria declaret. Hinc fit, vt vrgente magna necessitate (quæ prouenire potest tam ex parte poenitentis, quam ex parte confessarij) satis sit, si poenitens præsentī confessario scripturam peccata continentem præbeat, humiliterque significet in ea contineri peccata, de quibus vult, & petit sacramentaliter absolutionem, siue dum legit Sacerdos, poenitens annuit, vt vult Sotus, siue non annuit, vt vult Suarius.

30 *Int.* Estne valida confessio per scriptum, aut in præsentia testium fide dignorum, facta vrgente necessitate in absentia confessarij accedente forma prolata ab ipso Sacerdote præsentī, supra præsentem poenitentem? *Resp.* Valida quidem. Ita Sylu. *confessor.* 3. q. 13. Ang. *confessio.* 4. num. 8. Cord. lib. 5. de indulg. q. 39. Habetur expresse in Conc. Arausic. 1. cap. 12. & 26. q. 6. cap. *Qui recedunt.* item 26. *quæst.* 6. Item cap. 15. qui, & cap. *His qui ex* Conc. Carthag. 4. cap. 76. ex Leone 1. *epist.* 89. vel 91. qui distinctè ait, licet huiusmodi ægrotus nullum signum exhibere possit in præsentia sacerdotis, si testimonium aliorum habeat, non esse illi poenitentiam denegandam. Eadem veritas habetur in c. *Ægrotantes.* de *conf.* 4. ex Concil. Carth. 3. cap. 34. Idem docet August. lib. 1. de *adult. coniug.* cap. *ultim.* & lib. 50. *hom. in bam.* 41. Quæ loca contra Sotum & Canum oppositum asserentes adducit Suar. loco citato. Soluitque eorum obiectiones, assignatque discrimen inter materiam, & formam huius Sacramenti circa requisitam præsentiam. Nam forma requirit, vt in præsentia poenitentis & confessarij proferatur;

feratur, materia verò minimè. Et hoc iuxta Ecclesiæ interpretamentū in sacris Canonibus, & nouissimè in diplomate sanctissimi D.N. Clementis Papæ VIII. edito super hanc questionem, decernens de præsentia absolutionis, de materiæ verò præsentia relinquens antiquæ determinationi, vt legenti clarè constabit.

31 *Int.* Estne valida confessio per interpretem, vel per nuntius, cum aliter pœnitens nescit Sacerdoti cōscientiam aperire? *Resp.* Valida quidem. Ita communiter Doctores, vt ait Suar. Ratio est, quia ad explicandam conscientiam in hoc sacramentali iudicio, non est aliquod determinatum signum: sed satis est quoduis conscientiam declarans. Hoc intelligo cum aliter se pœnitens declarare nequit, quia si potest, graue peccatum est ex genere suo ordinem Ecclesiæ inuertere, vt animaduertit Suarius.

32 *Int.* Licetne pœnitenti propter integritatem confessionis, reuelare cōfessario personam, & peccatum complicitis? *Resp.* Duæ in hac controuersia sunt extremæ sententiæ. Prima in hac reuelatione, etiam sine causa, nullum agnoscit peccatum, saltem mortale. Ita Caiet. 2. 2. q. 73. art. 2. fundamentū eius est, quia infamare aliquem apud vnā tantum personā grauem, non est grauis infamia iuxta illius opinionem, etiam extra confessionem. Altera extrema opinio asserit hanc reuelationem, etiam ex quauis causa factam, esse intrinsecè malam, & peccatum mortale. Tribuitur D. Bonau. *opusc. de ratione confitendi. tom. 1. opusc.* Ratio huius sententiæ est, quia demere famam alienam, est intrinsecè malum ex quacunque causa: sed detegere complicitis personam, & peccatum, est illi famam auferre; ergo, &c.

Dico tamen *primum*. Reuelare peccatum, & personā complicitis in confessione absque vlla urgente causa, est peccatum mortale. Ita Doctores 2. 2. q. 73. cum agunt de detractioe in genere. Eos refert Sotus *lib. 5. de iust. q. 5. ar. 2.* Ratio est, quia infertur proximo grauis iniuria. Dictum intelligo, cum reuelatio fit de peccato graui, & ex malitia: non verò cum fit de peccato leui, ignoranter, vel inaduertenter. Dico *secundum*. Ex legitima causa licitum est personam complicitis, & peccatum eius in confessione reuelare. Ita docet communis sententia: sumitur conclusio ex D. Thom. 2. 2. q. 73. art. 2. vbi detractioem ex iusta causa appellat materialem, & licitam: nam

quisque est dominus suæ scientiæ, & notitiæ, ergo illa uti potest, quoties occurrit rationabilis causa. Dico *tertium*. Legitima causa reuelandi in confessione personam complicitis, & illius peccatum, est magna utilitas pœnitentis, quæ ex reuelatione tali sequetur. Ita Richard. in 4. d. 21. art. 5. q. 1. Sylu. Armil. Medin. & alij, Nau. c. 7. n. 7. Bernard. Senens. *serm. de confess.* Ratio D. Thomæ est, quia tunc temporis potius utilitati animæ propriæ, quàm proximi utilitati potest pœnitens consulere. Dico *quartum*. Respondendo directè ad præcipuam quæstionem, an scilicet, cum nō superest aliud remedium ad integram materialiter faciendam confessionem quam reuelare complicem; possim, & teneam dimidiare confessionem, vel potius possim, & teneam complicem detegere. Posse pœnitentem, & teneri dimidiare confessionem sensit Marsilius in 4. quæst. 12. art. 4. ad 7. Armil. *verb. confess.* num. 11. Nauar. *cap. Consideret, de pœn.* d. 5. num. 93. & in *sum.* cap. 7. num. 3. Ratio eorum est, quia ex duobus præceptis, positiuo, & naturali, naturale est implendum: sed integritas materialis confessionis est de præcepto positiuo: præceptum verò de seruanda proximi fama est naturale; ergo, &c. Sufficiet igitur in eo euentu, facere confessionem formaliter integram. E contrario verò posse pœnitentem, & teneri confessionem facere materialiter integram, detegendo complicem, docuit D. Thom. *opusc. 12. quæst. 6.* & in 4. d. 16. quæst. 3. art. 2. ad 4. D. Anton. 3. p. tit. 14. cap. 19. §. 11. Adrian. quæst. 1. de confess. §. *sed oritur dubium*. Durand. in 4. d. 16. q. 4. Palud. q. 3. art. 3. & d. 21. quæst. 3. artic. 2. Richard. art. 1. qu. 2. Maior q. 2. ad finem. & q. 3. Gab. d. 17. q. 1. art. 2. & d. 21. art. 3. dub. 2. Almain. d. 17. q. 1. art. 1. Gerson in tract. de præcept. Decalog. 1. p. c. 17. & 2. p. cap. penult. & in quodam *serm. de cæn. Dom.* Caietan. *verb. confess.* cond. 3. & tom. 1. opusc. tract. 31. resp. 5. Medin. de confess. qu. de circumstantiis loc. & temp. Syluest. confess. 1. q. 24. Ang. eodem *verb.* num. 3. Rosel. n. 9. Viêt. in *sum.* n. 164. Pet. Sot. lect. 2. de confess. Cordub. in *sum.* q. 1. Sot. d. 18. quæst. 2. art. 5. ad 4. Ratio D. Thom. & aliorum fermè est. Quia cum subest periculum salutis spiritualis propriæ, & damnum temporale proximi: tenetur quisque potius sibi, quàm proximo consulere: sed in dato euentu subest periculum salutis spiritualis propriæ, & damnum infamiæ, proximi: ergo, &c. Maior ita est vera, ut etiam in periculo æquali incommodi temporalis, potius sibi quàm proximo quisque prouidero possit,

possit, & aliquando teneatur. Veruntamen minor propositio, in qua totius negotij cardo vertitur, non probatur à D. Thom. neque ab aliis. Sed supponunt, quod oppositæ sententiæ auctores constanter negant, nimirum periculum salutis æternæ pœnitentis, tacendo complicem, & ex consequenti peccatum, quod detegi nequit sine reuelatione complicitis. Dico igitur. Vtraque opinio est probabilis, secunda tamen communior & probabilior. Illi adhæret Suar. Suarij est ratio huiusmodi. Nam hoc sacramentum pœnitentiæ est iudicium spirituale, sed in omni iudicio socius criminis pertinet ad eundem iudicem criminis, qui iuridicè potest interrogare de sociis, & reus tenetur in conscientia veritatem dicere, & socios detegere, & sociis nulla fit iniuria tã interrogando de illis, quam detegendo illos, quia liberè per commissum crimen se iudici subiecerunt; ergo, &c. Est deinde aliud fundamentum erutum ex vtilitatibus pœnitentis, si palam detegat complicem: nimirum liberatur onere iterum confitendi eam circumstantiam, quam tacuit protegendo complicem, quam quidem rarò dicere poterit absque noua peccati totius confessione. Deinde, quia inseruit magnopere ad confessionem peccati, & ad comparandum necessarium dolorem. Vnde constat illam infamiam complicitis non fieri contra iustitiam, neque esse detractionem formalem, sed tantum materiale. Cum igitur iustè pœnitens possit facere integram materialiter cōfessionem, & præceptum integritatis eius obliget, cum iustè, & licitè impleri potest, fit, vt pœnitens non solum possit, sed & teneatur complicem detegere iuxta communior sententiam.

33 *Int.* Non fuit quis socius criminis, sed obiectum circa quod versatum est crimen, ex malitia tantum criminosi: rogo, an ad confitendum integrè peccatum, possit pœnitens, & teneatur personā illam in confessione detegere, verbi gratia, obrectationibus corrosit quis famam certæ personæ, scelus quod illa persona cōmisit, nescientibus detegendo: detractio grauissima est ex grauitate personæ, de qua est detractū, rogo, an pœnitens possit, & teneatur illā personam cōfessario declarare, vt integram malitiam detractōnis explicet? *Resp.* Scio dubium tactum fuisse à Sot. atque decisum, vt de cōplice dixerat in superiori pūcto. Negat tamē rectissimè Suarius, posse talem personam à pœnitente detegi in confessione, & ite-

rum apud Sacerdotem infamari. Ratio est, quia tota malitia fuit poenitentis, non concurrente voluntariè illa tertia persona. Si ergo ex dimidiata confessione sequuntur illa poenitentis incommoda, quæ vidimus sequi ex dimidiata circa complicem, & socium criminis, sibi imputet, qui solus crimen commisit.

34 *Int.* Teneturne obliuiosus propter integritatem confessionis scribere peccata, ne eorum multitudo excidat è memoria? *Resp.* Minimè quidem. Ita Sotus loco citato. *Calet. verb. confess. condit. 11.* & Suar. Ratio est, quia ad hoc Sacramentum non requiritur diligentia extraordinaria, sed satis est moralis, quæ humano more adhiberi solet ab omnibus: non possunt verò omnes adhibere diligentiam scribèdi peccata, quia non omnes sciunt scribere, ergo ista diligentia non est necessaria ad sacramentalem confessionem.

De satisfactione, tertia parte integrali Sacramenti Poenitentiae. §. 7.

- 1 *Quid est satisfactio.*
- 2 *An post remissionem culpam adhuc maneat reatus ad aliquam pœnam.*
- 3 *An confessarius possit satisfactionem poenitenti imponere.*
- 4 *An liceat aliquando confessori poenitentiam non imponere.*
- 5 *An post, antèue absolutionem, imponenda sit poenitentia.*
- 6 *Quæ opera imponi possunt in poenitentiam.*
- 7 *An possit imponi poenitentia publicè facienda.*
- 8 *An confessor possit imponere poenitentiam implendam à poenitente, non per se, sed per aliam personam.*
- 9 *An imponi possit poenitentia conditionalis.*
- 10 *An teneatur poenitens acceptare poenitentiam à confessario impositam.*
- 11 *An teneatur poenitens acceptatam poenitentiam implere.*
- 12 *Quo pacto se gerere debet confessarius cum poenitente qui non vult acceptare poenitentiam.*
- 13 *Quando tenetur poenitens poenitentiam implere.*
- 14 *Quid acturus est poenitens oblitus poenitentiae sibi à confessario impositae.*
- 15 *Ad quid tenetur poenitens factus impotens ad implendam acceptatam poenitentiam.*

- 16 *An pœnitens satisfaciât præcepto implendi pœnitentiam sibi à confessorio impositam, si petat ab aliquo, ut pro eo faciat pœnitentiam.*
- 17 *An satisfaciât præcepto, qui adimplet pœnitentiam in peccato mortali.*
- 18 *Quis est effectus sacramentalis satisfactionis.*
- 19 *An hic effectus redeat recedente obice, in quo fuit impleta satisfactio.*
- 20 *An possit fieri commutatio pœnitentiæ ab alio confessore.*
- 21 *An per pœnitentiam sacramentalem impletam à pœnitente existente in peccato mortali, satisfiat pro pœna temporali.*

I N T E R R O G A T I O. Quid est satisfactio sacramentalis? *Resp.* Est offensæ præteritæ quoad pœnam recôpensatio. Ita Tolet. *lib. 2. c. 11. n. 1.* Huic definitioni addit D. Tho. ex sancto Anselmo: est cōpensatio ad æqualitatem iustitiæ. Tradit eâ sic Viêt. *n. 199.* Sot. *in 4. d. 19. q. 1. a. 2.* Nau. verò *c. 3. n. 1.* eâ sic definit. Est passio voluntaria pœnæ pro peccato ad placandum Deum, cum proposito eum amplius nō offendendi. Eam tangit Sylu. *ver. satisf. n. 1.* Iure tamen merito animaduersum inueni (quod antea iam aduerteram) à Vivaldo in suo candelabro *tit. de satisfact.* his definitionibus aliquid esse addendū, ut definitio quadret soli sacramentali satisfactioni. Igitur satisfactio sacramentalis sic optimè definitur. Satisfactio sacramentalis est passio voluntaria pœnæ pro peccato à confessore imposita, ad placandum Deum, cum proposito eum amplius nō offendendi. Ratio huius animaduersionis est, quia satisfactio à pœnitente suscepta absque præscripto confessoris, non est pars huius Sacramenti pœnitentiæ.

2 *Int.* Post demissam per contritionem culpam, remanetne adhuc suscipienda satisfactio pro pœna debita tali culpæ? *Resp.* Negarunt hæretici multi, dixeruntque per pœnitentiam deleri semper totā culpam, & simul totam pœnam. Oppositū est de fide definitū in Conc. Trid. *sess. 6. c. 4. & can. 30. & sess. 14. c. 2. & 8. can. 12. 13. 14.* Ratio est, quia Deus ut misericors, sic iustus est, ideo ut misericors dimittit culpam, ut iustus exigit pœnam. Hæc autem pœna, quæ dimissa culpa adhuc remanet satisfacienda, nō semper in omni pœnitēte remanet æqualis, sed maior minorue pro quantitate contritionis, quæ quidem tanta aliquando erit, ut per eam tota pœna simul cum culpa

dimittatur. Ita communis Theologorum cum D. Thom. *lib. 4. cont. gentes. c. 72.* Caiet. *tom. 1. Opus. tract. 4. q. 4.* Sot. *in 4. d. 15. q. 1.* Durand. *in 4. d. 17. q. 3.* Med. *tract. 1. de pæn. q. 7.* Quia tamen vt plurimum non ea datur contritio, vt plurimum non remittitur tota pœna, simul cum remissa tota culpa : sed adhuc remanet aliquid pro ea satisfaciendum , satisfactio , vt sit huius Sacramenti proximæ materiæ pars integralis , debet fuscipi ex præscripto confessoris.

3 *Int.* Potestne confessor hanc satisfactionem imponere pœnitenti? *Resp.* Potest. Est conclusio de fide. Constat ex vsu, & traditione Ecclesiæ. Ex Conc. Florent. & Trid. & Cabilonens. *1. c. 8.* & Cabil. *2. c. 45.* Moguntino *1. c. 32.* & aliis , quæ citantur in decreto. *d. 90. & dist. de pæn.* Dico *secundum.* Confessor tenetur hanc satisfactionem pœnitenti imponere. Ita iubetur *c. omnis utriusque. de pæn. & remiss.* à Conc. Trid. *sess. 14. c. 8.* Quod ius iam vigeat tēpore Cypriani *epist. 55.* & Theod. *lib. 4. de hæres. fab.* vbi inter hæreses Andianorum refert , quòd peccata sine vlla satisfactione remittebant, cōtra leges, vt inquit, Ecclesiasticas. Ita docet Aug. *lib. de ver. & fals. pæn. c. 10. & 15.* Ratio est, quia Sacerdos in hoc Sacramento est minister, iudex, & medicus : satisfactio est pars integrans huius Sacramenti : est compensatio iniuriæ factæ Deo : est medicina peccatorum : sed minister tenetur integrum facere ministerium : iudex tenetur facere, vt compensetur iniuria parti læsæ ; medicus tenetur adhibere medicinam ægroto , qui se illi sanandum tradit ; ergo, &c. Dico *tertium.* Tenetur confessor hanc satisfactionem imponere proportionatam culpis confessis, & accusatis, iuxta suum prudens arbitrium, Ita Concil. Trid. *sess. 14. cap. 8.* vbi ait. Debent sacerdotes Dei, quantum spiritus, & prudētia subiecerit, pro qualitate criminum satisfactiones imponere , ne forte alienorum peccatorum participes fiant. Idem docet Concil. Mogunt. *2. cap. 3.* Conc. Nyssen. *cap. 12.* Habetur *cap. Deus. de pæn. & remiss. cap. ex multis. de pæn. d. 1. & 26. quæst. 7.* Insinuat eam D. Aug. *in Euchar. c. 65.* Dixi, iuxta suū prudens arbitrium, quia cum hæc satisfactio magis sit pœna medicinalis , quàm vindicatiua , attendenda est magis pœnitentis præsens dispositio , quàm culpæ præteritæ grauitas. Quod si antiqui canones sacri certas, ac determinatas pœnas peccatis certis imponendas decreuerunt : (quas refert Marian. ViCTOR. in proprio opuscul. de hac re , & Burcard. in Decret. *lib. 15.*

lib. 15. & 19.) eas decreuerunt peccatis publicis, pro quibus publica fiebat satisfactio, & poenitentia. Hinc fit, ut nō liceat Sacerdoti pro grauissima culpa leuissimam imponere poenitentiam, sicuti aliquos grauiter reprehendit Conc. Trident. Quamquam ad lenitatem magis propendere debet, ut docet D. Greg. Nazianz. *orat.* 26. Chrysost. *homil.* 43. *oper. imperf.* & habetur c. *Alligant.* 26. q. 7.

4 *Int.* Licetne Sacerdoti in aliquo euentu non imponere poenitentiam; aut illam minorem imponere? *Resp.* Licet. Ita Caietan. *tom. 1. opus. tract. 6. quæst. 2.* Pet. Sot. *lect. 2. de satisfact.* Nau. c. 26. n. 20. in *sum.* Euentus autem multiplex est. *Primus*, cū poenitens est in extrema vitæ periodo, in qua iam nihil potest pati. Ita habetur c. *Multiplex. de pæn. d. 1.* & docet Leo Papa *epist.* 89. vel 91. Ratio est, quia frustra iubetur, quod impleri nequaquam potest. *Secundus* euentus est, cū Sacerdoti constat à poenitente assumptam voluntariam satisfactionem suo iudicio culpis sufficientem. Ita Suar. & Richard. in 4. d. 18. art. 2. q. 2. ad 1. *Tertius* euentus est, cū poenitens accedit nimis contritus: contritio enim grandis multum de poena debita aufert. Sic Tolet. *Quartus*. Quando poenitens est ita imperfectus, ut timor sit ipsum non acceptaturum poenitentiam, vel si accipiat non impleturum.

5 *Int.* Estne hæc satisfactio imponenda ante, vel post absolutionem? *Resp.* Ante absolutionem quidem. Ita Gloss. in *Clem. Dudum. de sepult.* D. Anton. 3. p. tit. 17. c. 20. §. 1. Nau. c. 1. de pæn. d. 9. num. 35 Sylu. & alij. Ratio est, quia satisfactio est pars materiæ huius Sacramenti, quanquam integralis; ergo rectus ordo postulat, ut supponatur formæ.

6 *Int.* Quæ opera imponi possunt in poenitentiam? *Resp.* Dico *primum*. Imponi possunt ea omnia, per quæ poenitens satisfacere potest ex opere operantis. Et ideo, quia peccator Deo satisfacit, nō solum per opus consilij, sed etiam per opus præcepti, imponi possunt in satisfactionem non solum opera consilij, sed etiam opera præcepti. Ita Suar. & Tolet. ex communi placito. Dico *secundum*. Satisfacit homo non solum per opera externa, verum etiam per actus internos. Et ideo occurrente necessitate, imponi possunt in satisfactionem actus interni: v. g. ut poenitens ægrotus ter mente proferat sanctum I E S V nomen, aut quid simile. Ita Doctor Suar. contra Alens. 4. p. q. 84. & Almain. in 4. d. 15. Ratio illius est efficax,

quia plus requiritur ad essentiam partis essentialis, quàm integralis : sed contritio est pars materiæ huius Sacramenti essentialis, satisfactio est integralis ; ergo plus requiritur ad contritionem, quàm ad satisfactionem. Atqui ad contritionem satis est actus internus ; ergo & ad satisfactionem. Dico *tertium*. Opera externa per quæ peccator Deo satisfacit, & quæ in satisfactionem imponi solent, sunt tria. Ieiunium, Oratio, & Eleemosyna. Ieiunium quidem comprehendit omnia opera pœnalia carnis. Oratio comprehendit omnia opera spiritalia, ut celebrationes missarum, prædicationum auditiones, peregrinationes, lectiones, & similia. Eleemosyna completur omnia opera misericordiarum quatuordecim. sic Tolet. *lib. 3. cap. 11. nu. 3.*

7 *Int.* Potestne confessor imponere pœnitentiam publicè faciendam ? *Resp.* Cum distinctione loquendum censeo. Vel enim imponitur publicè facienda, ut deueniat ad notitiam aliorum ex præscripto confessoris ob culpam, seu occultam, seu publicam : vel imponitur publicè facienda, ad publicam ædificationem Ecclesiæ, quam videmus sumi à pœnitentibus voluntariis, & non coactis. Si priori modo imponi posse rogas, nego quidem. Ita Nauar. in sum. *cap. 8. num. 10.* Ratio est, quia iretur contra sigillum sacerrimi secreti sacramentalis : si verò secundo modo imponatur, affirmo : tenetur enim pœnitens communi scandalo obuiare, & Dei honorem publicè offensum, publicè refarcire : sicut licitum est iubere pœnitenti, ut famam proximi publicè restituat : ita maiori cum ratione dicendum est de restitutione diuini honoris. Atque in hoc sensu affirmant D. Thom. in *4. d. 14. quæst. 1. art. 5. & d. 17. qu. 1. art. 4. ibid.* Palud. & Durand. atque D. Anton. 3. *p. tit. 14. cap. 17. §. 6.* Quamquam hi Auctores absolutè videantur loqui.

8 *Int.* Potestne confessor imponere satisfactionem per alium implendam ? *Resp.* Potest quidem. Sic Tol. *lib. 3. c. 13.* Ratio est, quia vnus satisfacere potest pro alio : quamuis non mereri, ut doceri, & ostendi solet in 1. 2. D. Thomæ. Illud verò opus per liberam implentis donationem sit pœnitentis : per præceptum verò confessarij, sit pars Sacramenti ; ergo, &c. Ita D. Tho. in *4. d. 20. & ib.* Durand. & Palud. Sot. & alij. Alens. 4. *p. q. 85. Cord. lib. 5. de indulg.*

9 *Int.* Estne satis ad hoc sacramentum satisfactio imposita
sub

sub conditione. v. g. si ieiunaueris vno die, sit in satisfactionem horum, quæ accusata sunt peccata? *Resp.* Satis quidem. Ita D. Th. *quodl.* 3. *art.* 28. Palud. *in* 4. *d.* 20. *q.* 2. *art.* 2. Vict. Ledesm. Petr. Sot. locis supra citatis. Imo fuit opinio multorum Doctorum, Confessorem non aliter, quam conditionaliter posse imponere satisfactionem, nimirum si hoc facere volueris, si hoc feceris, Ita Scot. *in* 4. *dist.* 18. *quest.* 1. & ib. Gabr. atque etiam d. 16. *quest.* 1. *artic.* 3. *dub.* 5. Caiet. *tom.* 1. *Opusc.* *tract.* 6. *qu.* 2. ad 2. Medin. *tract.* de confess. Sylu. & Armil. *verb.* confess. Nauar. *in sum.* cap. 26. n. 20. Beia, cum pluribus 3. *p.* *casuum.* q. 3. Fundamentum eorum est, quia homo non tenetur in hac vita pro peccatis satisfacere, sed potest omnes satisfactiones seruare ad ignem purgatorij alterius vite, vt docet Sot. d. 20. q. 2. *art.* 2. ad 5. Vega *lib.* 13. *in* Trid. c. 22. Cordub. *lib.* 5. de indulg. q. 5. circa finem, & q. 8. & 10. Ruard. *ar.* 6. Veruntamen hi auctores loquuntur de satisfactione secundum se, non verò vt imponitur à confessario in hoc Sacramento. Quoniam de satisfactione secundum se sumpta, nullum est præceptum, vt fiat in hac vita, vt rectè dicunt citati auctores, contra quos Cano *relect.* de pæn. par. 3. & 4. secutus Palud. *in* 4. *d.* 17. *quest.* 1. *art.* 1. opinatus est, quia, inquit, sicut homo peccauit anima, & corpore, ita debet satisfacere anima & corpore: atqui in purgatorio non potest satisfacere corpore, quo caret, ergo, &c. Veruntamen infirmum est argumentum, quia sicut tota culpa emanauit ab anima, ita tota satisfactio sumi potest ab anima. Sancti verò patres eam consulunt, vt medicinam efficacem ad peccata, quos refert Gratian. *dist.* 1. de pæn. consulitque Cyprian. *lib.* de lapsis. circa finem. Quamuis igitur verum sit, confessorem posse imponere absolutam satisfactionem, vt affirmant mox citandi Auctores, si tamen eam imponat. conditionatam, rectè imponet ex causa.

10 *Int.* Teneturne poenitens acceptare poenitentiam sibi à confessario impositam? *Resp.* Tenetur, si poenitentia iusta sit, & non adsit rationabilis causa non acceptandi. Ita Magist. *in* 4. *d.* 16. *ib.* D. Thom. q. 1. *ar.* 3. q. 3. Richard. *art.* 1. q. 1. Maior d. 17. q. 2. Durand. q. 5. ad 2. Palud. d. 20. q. 2. Scot. *ib.* q. 2. *art.* 2. Alenf. q. 80. n. 2. *art.* 3. Ant. 3. *p.* *tit.* 14. cap. 19. §. 19. Ledesm. Pet. Sot. Vict. & omnes ferè posteriores Theologi, quos refert, & sequitur doctor Suarius cum sanctis Patribus Leone, Cypriano, & Augustino. Ratio est manifesta: quia confessarius, vt dixi,

tenetur imponere pœnitentiam ; ergo pœnitens tenetur impositam pœnitentiam acceptare , alioqui frustra esset potentia , & necessitas ad imponendam ex parte confessoris , si daretur libertas non acceptandi ex parte pœnitentis. Hanc veritatem expressius docuit Conc. Salegustadiense dicens. Falluntur stultitiâ pœnitentes , qui condignas satisfactiones nolunt accipere.

11 *Int.* Teneturne pœnitens acceptatam pœnitentiam implere ? *Resp.* Tenetur. Ita omnes citati superiori puncto Doctores. Ratio est manifesta , quia frustra daretur necessitas , & obligatio ad acceptandum , si daretur libertas ad non implendum.

12 *Int.* Quo pacto se gerere debet confessarius cum pœnitente , qui non vult acceptare pœnitentiam ? *Resp.* Affirmat Nau. loco citato , confessorem teneri illum absolvere , aitque præterea hanc esse consuetudinem. Urbis , & Orbis. Veruntamen iure merito negat Suarius , aitque confessorem teneri pœnitentiam lenire , & in aliud satisfactorium opus commutare : quam si omnino pœnitens nolit acceptare , tanquam impœnitentem relicturum inabsolutum : nam si in eo sit propositum non acceptandi omnino pœnitentiam ab hoc , vel alio confessario , peccat graviter , & est impœnitens , ac proinde indignus absolutionis : ait præterea sibi esse talem consuetudinem ignotam.

13 *Int.* Quando tenetur pœnitens implere pœnitentiam ? *Resp.* Quando à confessario assignatum fuit tempus : quo transacto multo magis obligat præceptum illam implendi , ut in simili docuit Suarius circa præceptum annuæ confessionis , & annuæ communionis.

14 *Int.* Quid acturus est pœnitens , qui fuit oblitus pœnitentiæ impositæ ? *Resp.* Palud. in 4. d. 17. q. 5. a. 3. D. Ant. supra citatus , Syl. confessio. 1. q. 3. Richard. d. 17. a. 2. q. 8. ad 4. affirmant teneri talem pœnitentem iterum illa peccata confiteri , ut debitam accipiat pro illis pœnitentiam. Alij aiunt teneri pro pœnitentia oblita , aliud satisfactorium opus substituere. Dico tamen : pœnitens oblitus pœnitentiæ à confessario impositæ , nec tenetur iterum eadem peccata confiteri , nec aliud opus satisfactorium pro illa substituere , sed si culpabiliter moraliter oblitus fuit , tenetur culpam obliuionis confiteri , & pro ea pœnitere. Ita Gab. in 4. d. 17. q. 1. Maior quæst. 6. dub. ult.

Palud.

Palud. *ibid.* Sor. d. 20. q. 2. art. 2. Medin. *tract. 2. de pœn. iniuncta.* Nauar. *in sum. c. 9. n. 17.* Petr. Sor. Viçt. & alij communiter Doctores. Ratio est, quia Deus non iudicat bis in idipsum: illa autem peccata iam semel à Deo sunt iudicata, ideo non debent iterum in iudicio sacramentali iudicari. Deinde, quia opus voluntariè susceptum ad satisfaciendum, non est pars Sacramenti præteriti. Solum igitur remanet obligatio confitendi culpam (si quæ fuit) obliuionis. Dixi, si quæ fuit, quia naturalis esse potuit obliuio, & ideo absque culpa.

15 *Jnt.* Ad quid tenetur pœnitens, factus impotens ad implendam acceptatam pœnitentiam? *Resp.* Non tenetur opus aliud satisfactorium pro pœnitentia imposita substituere. Ita Doct. Suar. Ratio eius est, quia cum præceptum versetur circa certam materiam, & actum, qui factus est impotens ad illum, non tenetur ad opus aliud, vt claret in præcepto ieiunij: nam qui est impotens ad ieiunandum, non tenetur ad eleemosynam pro ieiunio faciendam. Dico *secundum.* Non tenetur per alium pœnitentiam implere. Ita Doct. Suar. Ratio est, quia opus alterius, non est pars Sacramenti suscepti.

16 *Jnt.* Satisfacitne pœnitens præcepto satisfaciendi, per opus satisfactorium factum ab alio. v. g. imposuit confessarius Petro, vt recitet Virginis Mariæ Rosarium: Petrus petit à Ioanne, vt pro se Rosarium dicat, satisfacitne præcepto confessarij? *Resp.* Minimè quidem. Ratio est clara: quia Rosarium non à pœnitente, sed ab alio recitatum, non est pars Sacramenti præcedentis. Ita communiter Doctores *in 4. d. 20. præsertim D. Thom. D. Bonauent. Durand. Palud. & Soto. Item Alens. 4. p. q. 85. Gab. in 4. d. 16. quæst. 2. dub. ult. Cordub. lib. 5. de indulg. q. 5. art. 8. Quos refert, ac sequitur Suarius.*

17 *Jnt.* Satisfacitne præcepto confessoris, qui pœnitentiam iniunctam adimplet in statu peccati mortalis? *Resp.* Satisfacit. Ita Viçt. *in sum. n. 184.* Nauar. *in Man. cap. 3. n. 6. & de æn. d. 6. cap. 1. num. 48.* Ratio est, quia præceptum traditur de substantia, non de modo operis faciendi.

18 *Int.* Quis est effectus huius sacramentalis satisfactionis? *resp.* Dico *primum.* Primarius effectus ex opere operato huius sacramentalis pœnitentiæ, est satisfactio, & remissio pœnæ temporalis debitæ pro culpa iam remissa in Sacramento confessionis. Ita communiter Theologi *in 4. d. 16. & 17. D. Th. codl. 3. artic. 28. Caietan. tom. 1. opusc. tractat. 6. quæst. 1. canon.*

de

de pœn. p. 5. Fauet Concil. Trid. *sess. 14. c. 2. et 3.* Quam communem sententiam immeritò diffitentur Adrian. *q. 2. de satisfact.* Ledesma *quæst. 13. art. 3.* Sotus *in 4. d. 19. quæst. 1. art. 3.* quamuis oppositum asserat *distinct. 20. quæst. 2. art. 3.* vt rectè adnotat Suar. Ratio est, quia hæc sacramentalis pœnitentia est pars Sacramenti, non essentialis, vt censet Palud. *in 4. d. ib. art. 4.* sed integralis, vt docuit D. Thom. *3. p. quæst. 90. art. 2.* Capreol. Sot. & alij Theologi *in 4. d. 16.* ergo debet habere aliquem effectum ex opere operato: non est verò alius, qui primariò intendatur per hanc pœnitentiam, quàm satisfactio pœnæ temporalis: nam remissio culpæ, & pœnæ æternæ facta fuit per essentielles partes Sacramenti; ergo, &c. Dico *secundum*. Per pœnitentiam à confessario impositam, non toti semper pœnæ temporalis pro culpis remissis debitæ satisfit, sed proportionaliter, toti scilicet, si fuit adæquatè imposita, parti verò si fuit inadæquatè imposita. Ita Doctor Suar. contra duas extrêmas opiniones. Ratio est, quia causa non habet nisi proportionatum effectum, iuxta parœmiam notam. *Non omnia possumus omnes.* Dico *tertium*. Probabile est secundarium effectum huius sacramentalis satisfactionis ex opere operato elle gratiam sanctificantem. Ita D. Th. *3. p. q. 90. art. 2. ad 2. ibid.* Caiet. Sot. *in 4. d. 17. quæst. 1. art. 1.* Ratio est congruens, quam affert Suarius *de pœn. disput. de satisfact.* nimirum, quia hæc satisfactio non imponitur tantum ad vindictam præteritæ culpæ, sed ad præseruationem futuræ; ergo sicut primariùs effectus, est satisfactio pœnæ ad vindictam; ita secundariùs est infusio gratiæ ad præseruationem.

19 *Int.* Sortitúrne hos effectus huiusmodi pars sacramentalis recedente obice peccati, in quo adimpleta fuit? *Resp.* Negat Adr. *q. 2. de satisf.* Sot. *in 4. d. 90.* Ledes. *q. 23.* & Nau. supra citatus. Dico tamen; pars affirmans est probabilior. Ita Caiet. Pet. Sot. Vict. & Suar. Ratio est, quia omne Sacramentum sortitur suum effectum recedente obice; ergo etiam illud sortientur suæ partes: sed satisfactio est pars Sacramenti; ergo, &c.

20 *Int.* Potéstne pœnitentia ab vno confessario imposita tolli, vel commutari ab alio confessario in Sacramento? *Resp.* Si fiat iterata confessio eorundem peccatorum coram legitimo confessario, pœnitentia ab alio imposita diminui, commutari; aut tolli omnino potest, iuxta præsentem pœnitentis

tis dispositionem. Ita Medin. *de pœn. tract. 2. q. de pœn. iniunct.* Vict. num. 194. Ledesm. *q. 20. art. 4.* Nau. *cap. 26. n. 22.* Sylu. *confessor. 1. §. 27.* Angel. *confessor. 6. n. 4.* Ratio est, quia prius iudicium iteratur, & ideo prior pœna iterari potest. Dico *secundum*. Quando non fit repetita confessio eorundem peccatorum: sed fit confessio aliorum peccatorum, coram eodem sacerdote adhuc memore eorundem peccatorum, ab eodem potest minui, vel commutari, vel omnino tolli imposita pœnitentia iuxta præsentem pœnitentis dispositionem. Ita omnes indubitanter. Dico *tertium*. Quando non fit repetita confessio, sed alia de aliis peccatis coram eodem sacerdote, qui pœnitentiam imposuit, iam oblito peccatorum, pro quibus illam imposuit: vel coram alio sacerdote, satis probabile est, & practicè securum posse pœnitentiam talem ab eo minui, mutari, vel omnino tolli, iuxta præsentem pœnitentis dispositionem, si adsit rationabilis causa, & maius spirituale emolumentum pœnitentis. Ita Vict. Nauar. & Suar. locis citat. Ratio est, quia præsens confessor potest de tota simul causa pœnitentis iuxta præsentem dispositionem iudicare, prout magis expedire iudicauerit pœnitenti.

21 *Int.* Habétne primarium effectum hæc sacramentalis pœnitentia, nimirum satisfactionem pro pœna temporali, si fiat in peccato mortali? *Res.* Affirmat Marsil. *in 4. q. 11. art. 3.* Medin. *tract. 2. de pœn. quæst. de hac re.* Fundamentum eorum est, quia ad satisfaciendum non requiritur gratia in subiecto satisfaciente. Quod asserunt de satisfactione ex opere operantis Scot. & alij Doctores. Opposita tamen sententia est certior, & communior. Nam, ut dixi in materia de contritione, remissio sacramentalis pœnæ, est effectus supernaturalis, remouens impedimentum gloriæ, perficiens & consummans iustificationem: ergo supponit subiectum capax gloriæ, ac proinde gratum Deo.

De forma Sacramenti Pœnitentiæ. §. 8.

Quæ est forma Sacramenti pœnitentiæ.

An de essentia eius sit ut proferatur voce.

An sit de essentia huius formæ, ut proferatur per modum indicatiuum.

Quæ verba sint de essentia formæ Sacramenti pœnitentiæ.

An verba huius formæ sint de eius essentia formaliter, an materialiter sumpta.

I I N T E R

1 INTERROGATIO. Quæ est forma Sacramenti Ipœnitentiæ? *Resp.* Est hæc. Ego te absoluo à peccatis tuis in nomine Patris, & Filij, & Spiritus sancti. Amen.

Vnde claret immeritò discessisse à communi sententia Abulensem in *defensorio. l. p. cap. 6.* asserentem dicendum esse: remitto tibi, ex eo, quod Christus dixerit: *Quorum remisistis peccata, remittuntur eis.* Nam etiam dixit Petro: *Quodcumque solueris super terram, erit solutum & in cœlis.*

2 Int. Estne de essentia huius formæ, ut voce humana proferatur? *Resp.* Aliqui dixerunt sufficere, ut scripto detur & imponatur super pœnitentem. Insuper satis esse, ut quouis signo ostendatur secundum solam intentionem absoluentis. Ita Palud. in 4. d. 17. q. 2. art. 1. n. 7. Medin. tract. 2. de pœn. qu. de modo confiten. Nau. c. 21. n. 36. Pet. Sot. lect. 11. de conf. Ratio eorum est, quia hoc Sacramentum fundatur in ratione iudicii, sed de essentia, & ratione iudicii non est, ut sententia voce propria iudicis proferatur, sed est satis, si scripto exprimatur, aut nutibus; ergo, &c. Consequentia probatur à simili, nam ideo dicimus de essentia formæ Sacramenti Matrimonij non esse proferri verbo, sed satis esse proferri nutibus, ut ostendam cum me de Matrimonio iusseris respondere, quia Sacramentum Matrimonij fundatur in ratione contractus: de ratione verò, & essentia contractus non est proferri celebrationem eius verbo, sed est satis proferri nutibus, vel scripto; ergo, &c. Opposita sententia est communis. Ita D. Thom. 3. p. q. 84. art. 3. & in 4. d. 22. q. 2. Scot. Gab. & Sot. d. 14. Caiet. & Summist. verb. confess. Probatur primo ex Concil. Flor. & Trid. asserentibus formam huius Sacramenti esse verba sacerdotis. Si quis autem dicat Concil. Flor. etiam dixisse absolutè Sacramenta nouæ Legis constare rebus, & verbis, & tamen ad Sacramentum matrimonij non requiri verba formaliter, sed aliquid vice verborum; ergo similiter in Sacramento pœnitentiæ. Respondeo, Conc. Flor. statim propositionem absolutè & in communi prolatam declarasse in particulari, agendo de Sacramento matrimonij; ait enim in matrimonio verba esse regulariter formam: qua modificatione dicit aliquando esse nutus, vel alia externa signa. Vnde sumitur efficax ad confirmationem argumentum: nam exceptio firmat regulam. Cum igitur Concil. Trid. solùm exceperit Matrimonium, omnium reliquorum forma consistit in verbis. Probatur secundò

ex

ex usu, & consuetudine perpetua Ecclesiæ. Alius enim modus absolutionis præter verba inauditus est, etiam in quocunque casu necessitatis, ut doctè adnotauit Suarius.

3 *Int.* Estne de essentia huius formæ, ut proferatur per modum indicatiuum, absoluo te, & non deprecatium, absolua-
tur, &c. *Resp.* Maximè. Et oppositum asserere est opinio erronea. Ita D. Tho. in *Opusc.* 22. Palud. in 4. d. 22. q. 3. Sot. d. 14. art. 3. Pet. Sot. *lect.* 4. de *confess.* Nauarr. de pœn. d. 6. cap. 1. n. 9. Ratio est, quia de ratione & essentia huius Sacramenti est, ut proferatur sententia in ratione, & essentia iudicij: at verò de ratione potestatis iudiciariæ est, ut sententia proferatur per modum indicatiuum, non deprecatium. Vnde Christus Dominus dixit; *Quorum remisistis peccata, remittuntur eis*, &c. Et ideo Conc. Trid. dixit sacerdotem illo verbo uti potestate iudiciaria, & efficere, atque conferre remissionem peccatorum.

4 *Int.* Sûntne omnia supradicta verba de essentia huius formæ? *Resp.* Dico primum. Gab. in 4. d. 14. q. 2. & ib. Maior. Pal. d. 22. q. 3. Pet. Sot. *lect.* 4. de *conf.* dixerunt esse illa verba, à *peccatis tuis*. Ratio eorum est, quia verbum *absoluo*, abstrahit ab absolutione peccatorum, vel censuræ, ideo debet apponi verbum determinans materiam absolutionis. Veruntamen supposita præmissa accusatione peccatorum verbum *absoluo* cadens super illam determinatam satis habet significationem. Dico secundum. Præmissa peccatorum accusatione in his tantum duobus verbis, *absoluo te*, consistit essentia huius formæ. Ita communiter Theologi: docuit Leo X. in *Bul. cont. Luth.* art. 11. & 12. definiuit Conc. Flor. & Trid. Ratio est, quia in illis duobus verbis tantum satis innuitur, ac significatur effectus huius Sacramenti circa determinatam personam, scilicet absolutionem circa determinatum pœnitentem. Probatur deinde à partium enumeratione. Nam de pronomine, *Ego*, nemo dubitat. De verbis, *A peccatis tuis*, docuit D. Thom. & Scot. locis citatis. D. Ant. 3. p. tit. 10. c. 21. §. 1. Syl. *absolutio*. 6. q. 4. Nauarr. de pœn. d. 6. cap. 1. n. 9. & in *sum. cap.* 26. num. 2. Sotus, & alij. Ratio eorum est iam dicta, quia in prolatione sententiæ, non est necesse à iudice narrari crimen, sed supposita accusatione criminis, satis est proferri absolutionem. De inuocatione sanctissimæ Triadis censuit communis schola cum D. Tho. citato, à quibus absque ratione recessit Durand. in 4. d. 22. q. 2. & Maior ib. Petr. Soto loco citato, opinantes idem esse

esse de Pœnitentiæ, atque de Baptismatis Sacramento dicendum. Cum tamen stet pro Baptismo notissima ratio. Nam est ianua, per quam quis Ecclesiam ingreditur, & ideo debet fidem statim profiteri: deinde quia ea verba in baptismatis forma sunt à Christo Domino expressa. *Baptizantes eos in nomine Patris, & Filij, & Spiritus sancti.* De deprecatione verò adhiberi solita, nemo vnquam dubitauit. Dico tertium. Non licet aliquod supra dictorum verborum demere, aut relinquere absque virgienti necessitate. Ita omnes. Ratio est nota, quia non licet absque causa recedere ab vniuersali Ecclesiæ ritu, ac ceremonia.

§ Int. Sûntne hæc duo verba, absoluo te, materialiter, an formaliter de essentia huius formæ? Resp. Formaliter quidem, non materialiter, hoc est, in sensu, non in sono. Ita Theologum cum Concil. Flor. & Trid. Hæc constat ex communi doctrina de Sacramentis in genere. Opinio verò Scoti in 4. d. 14. qu. 4. asserentis de essentia huius formæ non esse determinata verba, intelligenda est in hoc sensu, aliter falsa est omnino.

De ministro Sacramenti Pœnitentiæ. §. 9.

- 1 *An solus sacerdos sit minister Sacramenti Pœnitentiæ.*
- 2 *Non omnis Sacerdos est minister Sacramenti Pœnitentiæ, sed qui habet iurisdictionem ordinariam, vel delegatam in foro sacramentali.*
- 3 *Quis Sacerdos habet ordinariam iurisdictionem in hoc foro.*
- 4 *Qui habent ordinariam potestatem in hoc foro, à quo illam habent.*
- 5 *An Archiepiscopi habeant iurisdictionem in hoc foro erga subditos suorum suffraganeorum.*
- 6 *Quis parochus habet ordinariam iurisdictionem erga eum, qui habet domicilium in duabus parochiis.*
- 7 *Quis sacerdos habet iurisdictionem delegatam in hoc foro sacramentali.*
- 8 *Quando Papa delegat hanc iurisdictionem, delegat eam etiam repugnantibus parochis, & Episcopis.*
- 9 *Quis sacerdos habet iurisdictionem in hoc foro erga Papam.*
- 10 *Quis Sacerdos habet potestatem in hoc foro supra Episcopos.*
- 11 *Quis Sacerdos habet potestatem in hoc foro supra prelatos exemptos.*
- 12 *Quis sacerdos habet potestatem in hoc foro supra parochos.*

13 *Quis*

- 13 Quis Sacerdos habet iurisdictionem in hoc foro super simplices sacerdotes.
- 14 An sit satis ad hoc sacramentum ministrandum iurisdictione præsumpta.
- 15 An sit satis ad hoc sacramentum ministrandum iurisdictione petita, & non obtenta.
- 16 De approbatione Episcopi requisita in confessario post Concil. Trident. & interpretamento illius decreti.
- 17 An Sacerdos de cuius iurisdictione, & approbatione cōtrouertunt probabiliter Doctores, possit hoc sacramentū ministrare.
- 18 An in articulo mortis pœnitentis possit quilibet Sacerdos ei ministrare sacramentum pœnitentiæ.
- 19 Vnde habet in articulo mortis pœnitentis quilibet Sacerdos iurisdictionem ad ei ministrandum sacram. Pœnitentiæ.
- 20 An possit quilibet Sacerdos absolvere sacramentaliter à venialibus peccatis.
- 21 An quilibet Sacerdos possit absolvere à mortalibus peccatis iam ritè confessis, & absolutis.
- 22 Quis Sacerdos potest absolvere à reservatis.
- 23 Quis tenetur ministrare sacramentum Pœnitentiæ, & quando.
- 24 An confessor teneatur examinare conscientiam pœnitentis.
- 25 An teneatur confessor absolvere pœnitentem, quem iudicat esse dignum absolutione.
- 26 De sigillo, quod confessor, & alij tenentur seruare confessionis auditæ.
- 27 An liceat aliquis usus notitiæ in confessione acquisitæ.
- 28 Quod est peccatum frangere sigillum, & quæ pœnæ impositæ sunt frangenti illud.

I N T E R R O G A T I O. Quis est minister Sacramenti Pœnitentiæ? Resp. Solus Sacerdos. Est propositio de fide. Traditur cap. Quidam. de pœn. d. 1. in Conc. Florent. & Trid. sess. 14. c. 6. & can. 6. Ratio est, quia cū hoc sacramentum sit iurisdictionis, non debuit omnibus singularibus cōmitti, cū verò sit necessitatis, non debuit solis Episcopis quoad ministerium tradi. Dico secundum. In nullo euentu potest alius, quam Sacerdos esse minister huius Sacramēti: est omniū Catholicorū sensus. Ideo cū Gloss. in c. Fures. de furtis. & ibid. Panorm. Mag. in 4. d. 17. c. 5. ib. D. Thom. q. 3. art. 3. q. 2. ad 1. aiunt in defectu Sacerdotis, faciendam esse confessionem laico; loquuntur de confessione ad humiliationem, qua humiliatione

obteneatur à Deo gratia pro peccato delendo , & euitando, non verò ad sacramentum. Quæ quidem humiliatio tantummodò exercenda , cùm subest periculum non habendi aliter veram contritionem, atque dolorem peccatorum.

2 *Int.* Quis Sacerdos est minister huius Sacramenti ? *Resp.* Solus ille , qui habet in hoc foro potestatem iurisdictionis siue ordinariam, siue delegatam. Est propositio de fide definita à Conc. Florent. & Tr. sess. 14. c. 7. quàm dicit Apostolicam traditionem. Ita Damasus *epist.* 4. *Decretal.* Conc. Hispalen. 2. *cap.* 7. & Conc. Lat.

3 *Int.* Quis Sacerdos habet ordinariam potestatem iurisdictionis ad hoc sacramentum ministrandum , & erga quas personas ? *Resp.* Dico *primum.* Summus Pontifex erga vniuersalem Ecclesiam, vniuersalissimam quoad loca , personas , & culpas, & modum vtendi illa per se , vel per alios. Ita c. *penult.* & *vlt.* 9. *cap.* 3. *cuncta per mundum.* de maiestate, & obed. Ostendit D. Thom. *opuscul.* 1. *cap.* 32. & *opuscul.* 19. *cap.* 4. Dico *secundum.* Habent hanc potestatem iurisdictionis ordinariam Episcopi erga suos Episcopatus. Item Vicarij Episcoporum, si Sacerdotes sint. Dixi , si Sacerdotes sint , quia si Sacerdotes non sunt , quamuis hanc potestatem habeant ordinariam ad delegandam , non habent ad exercendam. Dico *tertium.* Habent hanc iurisdictionis potestatem ordinariam parochi erga suos parochianos. Ita habet vsus , & sensus totius Ecclesiæ. Dico *quartum.* Habent hanc potestatem iurisdictionis ordinariam Prælati Religionum erga religiosos suæ religionis maiorem , minoremve , quò maior , vel minor est potestas exterior erga eosdem religionis, Generalis, nimirum erga generalem religionem, Prouincialis erga prouinciam suam , Guardiani erga monasterij subditos.

4 *Int.* A quo habent huiusmodi Prælati hanc ordinariam iurisdictionis potestatem ad hoc Sacramentum ministrandum ? *Resp.* Dico *primum.* Summus Pontifex immediatè à Christo Domino. Ita Nicolaus Papa *cap.* In nomine Domini. *distinct.* 23. Enimverò licet electio personæ sit ab Ecclesia, collatio iurisdictionis est à Christo. Dico *secundum.* Episcopi, supposita Episcopatum diuisione , quæ fit à solo Summo Pontifice ; longior , aut breuior, tum quoad loca, tum quoad personas , tum quoad culpas, habent illam etiam immediatè à Chri

à Christo Domino. Ita Suar. *de pœnit. disp. de ministr. confess. sect. 1.* Ratio eius est, quia de intrinseca ratione Episcopalis muneris est talis iurisdictione. Est enim Episcopus ex vi sui officij pastor animarum, & gubernator in spiritualibus. Ideo huiusmodi potestas Episcopis tolli potest per solam subtractionem, vel terminorum loci, vel personarum, vel reservationem. Dico *tertium*. Parochi habent hanc iurisdictionis ordinariam potestatem à Summo Pontifice, dependentem ab Episcopo, quoad culparum reservationem.

5 *Jnt.* Habentne Archiepiscopi potestatem hanc ordinariam erga subditos suorum suffraganeorum? *Resp.* Non semper quidem, sed tantummodo cum actualiter visitant. Ita habetur *c. ult. de pœnit. & remis.*

6 *Jnt.* Quis parochus habet ordinariam potestatem erga personam, quæ habet in diuersis parœciis stabile, & firmum domicilium? *Resp.* Vterque. Ita Nau. *c. Placuit. n. 77.* quem sequitur Suarius *de pœn. disp. de ministr. confess. sect. 1.*

7 *Jnt.* Quis Sacerdos habet hanc iurisdictionem delegatam? *Resp.* Dico *primum*. Omnis cui eam commisit aliquis ordinarius erga suos proprios subditos. Ita *c. inter cetera. de offic. ordinari. cap. Omnis utriusque. de pœn. & remis.* Et ideo Summus Pontifex potest illam delegare in totam Ecclesiam, etiam repugnantibus Episcopis & Parochis. Ita habetur *Clemen. Dudum. de sepult. Extranag. super cathedra. eodem tit. Extranag. Inter cunctas. de priuileg.* Dico *secundum*. Episcopi possunt illam delegare in totos suos Episcopatus, etiam repugnantibus Parochis. *cap. Quoniam. cap. Inter cetera. de offic. ordinari. cap. 2. de pœn. & remis. in 6.* Dico *tertium*. Possunt parochi erga suos parochianos. Ita *cap. Omnis utriusque. de pœnitent. & remis.*

8 *Jnt.* Rogo an de facto quando Summus Pontifex concedit hanc iurisdictionem delegatam, concedat etiam repugnantibus parochis, & Episcopis? *Resp.* Negat *Glos. cap. Omnis utriusque. Hostiensis, & alij ib.* Oppositum docent communiter Theologi. Ita D. Thom. *Opusc. 19. & in 4. d. 17. q. 3. art. 5. q. 1.* Durand. *q. 12. Palud. q. 4. art. 3. Maior quæst. 6. & 7. Sot. d. 18. q. 4. art. 5. D. Anton. 3. p. tit. 17. cap. 5. Adrian. quæst. 5. de confess. Medin. Syluest. & alij Summistæ. Iurisperiti, quos refert Nauar. cap. Placuit. num. 57. Gloss. Clem. Dudum. de sepult. Ita docuit Ioan. XXI I. Extranag. Vas electionis. de heret. Bened-*

dictus XI. *Extravag. Inter cunctas. de privileg.* Ratio est, quia si tale privilegium penderet à voluntate Episcoporum, & Parochorum, frustratorium esset, & nullius roboris.

9 *Int.* Quis Sacerdos habet iurisdictionis potestatem ad hoc sacramentum Pœnitentiæ ministrandum? *Papæ Resp.* Qui ab eodem Papa eligitur in talem ministrum. Qui quidem Sacerdos non eam accipit supra Papam, à quo fuit electus immediatè à Christo Domino, ut voluit Palud. in 4. d. 17. q. 3. art. 2. & Capreol. dist. 19. in arg. cont. 2. conclus. sed mediatè ab ipso Papa. Ita D. Thom. in 4. dist. 19. quæst. 1. art. 3. quæst. 1. quia, inquit, Papa, ut Christi Vicarius dat potestatem supra seipsum infirmum peccatorem, itaque ut peccator subiicitur, ut superior confert potestatem. Nam ægrotus Rex supra se ipsum ægrotum concedit potestatem medico curaturo ægritudinem.

10 *Int.* Quis sacerdos habet hanc iurisdictionis potestatem supra Episcopos? *Resp.* Qui ab eisdem eligitur in talem ministrum. Talis verò electus Sacerdos habet eam delegatà à Summo Põtifce, ordinario confessore Episcoporum, qui quidem illis concedit facultatem eligendi confessorem. Ita habetur cap. ult. de pœn. & remis. Tenent in 4. Palud. d. 17. q. 2. Gab. q. 2. art. 3. dub. 2. D. Anton. 3. p. tit. 17. c. 9. Ang. Sylv. & alij, Turrecr. c. Quamquam. de pœn. d. 1. Episcoporum verò nomine comprehenduntur solùm Episcopi consecrati. Ex sententia autem Suarij comprehenduntur etiam Episcopi electi tantùm habentes iam ante consecrationem, iurisdictionem Episcopalem: ut habent parochi nondum Sacerdotes parochialem.

11 *Int.* Quis Sacerdos habet hanc iurisdictionis potestatem supra Prælatos exemptos? *Resp.* Qui ab eisdem eligitur in talem ministrum, habet verò eam delegatam à Papa, qui illis concedit privilegium eligendi confessarium. Ita habetur c. ult. de pœnit. & remis. Qui autem appellandi sint huiusmodi Prælati exempti, non est meum persequi, esset enim falcem mittere in alienam Iurisperitorum messem.

12 *Int.* Qui Sacerdos habet hanc iurisdictionis potestatem super Parochos, ut possit eis hoc pœnitentiæ Sacramentum ministrare? *Resp.* Qui ab eisdem eligitur in talem ministrum. Habent enim Parochi facultatem eligendi confessarium, quæ velint ex approbatis, absque alia licentia particulari Episcoporum, qui ordinarij confessarij sunt Parochorum. Ita obtinuit

nuit praxis. Hanc autem facultatem non habent à iure, nullū enim tale ius inuenitur: sed à consuetudine, vt notat Suar. cōtra D. Antonin. 3. par. tit. 19. cap. 19. §. 19. opinantem non posse consuetudine introduci, vt quis possit sibi eligere confessorem, iuxta cap. 2. de pœn. & remis. in 6. Contra quem etiam tenuit Gabr. lect. 3. in can. & Nau. cap. Placuit. num. 30. iuxta c. cum contingat. de foro compet. id expressè decernens. Quæ consuetudo vbi viget immemorabilis, & tolerata ab Episcopis, rūtò seruari potest, incepta enim fuit à consensu ipsorum Episcoporum, eamque nunquam reuocarunt. Verumtamen semper ab eodem consensu pendeat, adeo vt ab eodem omnino tolli, & poni possit, sine vlla vnquam iuris præscriptione. Et de hac præscriptione deciditur in illo cap. 2. de pœn. & remiss. allegato per D. Anton. non posse consuetudine obtineri ius ad eligendum confessarium contra voluntatem Episcoporum.

13 *Jnt.* Quis Sacerdos habet hanc iurisdictionis potestatem erga simplices Sacerdotes? *Resp.* Iuxta vsitatam & receptam consuetudinem eligendi ab eisdem, quilibet confessarius ex approbatis, quem ipsi elegerint, est minister ad eis conferendum huiusmodi sacramentum.

14 *Jnt.* Sufficitne ad hoc sacramentum ministrandum iurdictio præsumptiuè tantum concessa ab Ordinario, exempli gratia. Est hic Titius Sacerdos approbatus ad audiendas confessiones: pro amicitia inter eum, & parochum, præsumit parochum ratum habiturum sacramentum per Titium ministratum: insuper præsumit Parochum concessurum talem iurisdictionis potestatem, si ab eo talis facultas petatur. Rogo, an satis sit huiusmodi præsumptio, vt quis possit ministrare hoc sacramentum? *Resp.* Hæc facultas duas habet difficultates, ideo singulas cursim persequar. Dico primum. Non verum conficit pœnitentiæ sacramentum Sacerdos, qui absque iurisdictione concessa ab Ordinario illud conficit, cū proposito postea illam petendi, & cum spe illam obtinendi per ratihabitionem Ordinarij, ratum habituri quod factum est. Ita omnes Theologi, inter quos expressius Palud. in 4. d. 17. q. 3. Gab. q. 2. art. 2. dub. 4. D. Anton. 3. p. tit. 17. cap. 4. Ang. Sylu. & Summistæ communiter. Ratio est, quia ad hoc sacramentum ministrandum necessaria est iurdictio de præsentibus; sed per ratihabitionis speciem solum habetur iurdictio de

futuro, vt ita dicam, hoc est, speratur habenda iurisdicção; ergo, &c. Dico *secundum*. Verum conficit sacramentum pœnitentiæ Sacerdos, qui ex præsumpta voluntate Ordinarij videntis, & consentientis, & tacentis, atque per silentium consentientis illud subditis talis ordinarij ministrat, vt sæpè contingit inter parochos vicinos. Contingit etiam, cum conueniunt plures Sacerdotes ad aliquod officium, præcipuè tempore quadragesimæ: tunc enim si accedant parochiani ad confessiones, non est opus expressa proprii parochi licentia. Ita Auctores citati in puncto proximo, insuper Capreol. in 4. d. 19. ad arg. cont. 3. concl. Adrian. q. 5. de confess. Henr. quodl. 1. q. 31. & 32. Nauar. in sum. cap. 9. num. 6. & in c. Placuit. nu. 103. Viêt. in sum. num. 153. Sot. d. 18. q. 2. art. 3. Admonet tamen Sot. non licere vti hac tacita voluntate, absque urgente necessitate, nisi omnino certa sit.

15 Int. Estne satis ad hoc sacramentum ministrandum iurisdicção petita ab Ordinario, & non concessa? *Resp.* Dico *primum*. Falsa est opinio asserentium sufficere ad hoc sacramentum ministrandum iurisdictionem petitam, & iustè non concessam, seu negatam. Ita Suar. de pœnit. disp. de ministr. Ratio est, quia iurisdicção iustè negata omninò nulla est. Dico *secundum*. Non est satis ad hoc sacramentum ministrandum iurisdicção petita, & iniustè ab Ordinario negata. Ita expressè D. Thom. in 4. d. 17. quæst. 3. art. 3. q. 4. ad 5. & 6. ait enim pœnitentem se gerere debere tanquam carentem confessario. Et opusc. 19. vbi ait tunc superiorem, & sibi, & subdito damnationem acquirere: sibi, quia peccat grauiter; subdito, quia priuat illum remedio. Idem docet D. Bonau. in 4. d. 19. Alens. 3. p. q. 77. in 1. art. 1. ad 1. Marsil. in 4. q. 12. art. 1. Sot. dist. 18. quæst. 4. art. 2. Ledesma quæst. 7. art. 5. Viêt. in sum. num. 145. Caietan. absolutio. 2. Oppositum quidem tenuerunt Palud. Gabr. D. Anton. supra citati, Richard. in 4. dist. 17. art. 3. quæst. 7. Adrian. quæst. 5. de confess. Panormit. cum aliquibus, cap. Omnis vtriusque. Nauar. in sum. cap. 7. num. 8. & cap. Placuit. num. 150. Veruntamen absque vllo fundamento, vt docet Suarius loco citato. Ratio est; quia. ex nullo iure diuino, vel humano eruitur huiusmodi confessio. Nam ius humanum, quod allegant, notatur cap. Placuit. de pœnit. dist. 6. Veruntamen textus ille non concedit facultatem ad audiendas confessiones, sed ad mutandam pœnitentiam impositam per ignorantem confessam

cessarium, & ideo non facit ad rem.

16. *Int.* Requiritur in Sacerdote præter iurisdictionis potestatem, approbatio per Episcopum? *Resp.* Dico *primum*. Hodie post Conc. Trid. approbatio cōfessarij per Episcopum, est de essentia Sacramenti pœnitentiæ, adeo, ut absque ea nullum fiat sacramentum. Ita decrevit sancta Synodus *sess.* 23. *cap.* 15. *de reform. hisce vobis.* Decernit sancta Synodus neminem, etiam Regularem posse confessiones secularium, etiam sacerdotum confessiones audire, vel ad id idoneum reputari, nisi vel parochiale beneficium habeat, vel ab Episcopis idoneus iudicetur, & approbationem obtineat.

17. *Int.* Quo pacto intelligendum est hoc decretum Concilij? *Resp.* Dico *primum*. Hoc ius fuit nouiter decretum. Ita Palud. in 4. d. 17. q. 4. Gab. q. 2. art. 3. D. Anton. 3. p. tit. 7. cap. 9. Sor. d. 18. q. 4. art. 3. Adrian. dub. 1. post q. 5. de confess. Caiet. absolutio. 2 Syluest. confess. 1. num. 5. Angel. eodem verb. num. 4. Victor. in sum. de pœnit. num. 150. Nauar. cap. Placuit. num. 53. Enimvero ante hoc decretum quisque sibi eligebat sacerdotem, ut ministrum idoneum ad hoc sacramentum, quidquid dicat Cano de pœn. p. 5. Dico *secundum*. Ad regularium confessiones audiendas, non est opus, ut confessarius sit approbatus per Episcopum. Hæc conclusio constat ex verbis decreti. Dico *tertium*. Hæc approbatio non est concessio iurisdictionis, sed quædam conditio personæ, sine qua ei non potest conferri iurisdicção. Et ideo Sacerdos approbatus, siue per parochiale beneficium sibi collatum, siue per iudicium Episcopi iudicantis esse idoneum ministrum huius Sacramenti, nequit istud sacramentum ministrare absque iurisdictione sibi concessa ordinaria in suos (quæ quidem illi datur per collationem ipsius parochialis beneficii) delegata erga alios. Itaque in ministro huius Sacramenti duo requiruntur, scilicet approbatio, & iurisdicção, quarum altera deficiente, nequit hoc sacramentum ministrari. Dico *quartum*. Hæc approbatio idoneitatis ab Episcopo facienda, non est actus gratiæ, sed iustitiæ. Explico meam mentem. Offerit se Titius Sacerdos Episcopo approbandus, per iudicium idoneitatis, non est liberum Episcopo illum approbare, vel reprobare, sed tenetur ferre iudicium, pro ut in Domino censuerit. Ita doctissimè Suar. Dico *quintum*. Approbatio per parochiale beneficium Sacerdoti collatum, non fuit nouiter inducta à

Conc Trid. sed multò ante illud habebatur in iure , approbatum, & receptum in tota Ecclesia, vt Sacerdos parochiale habens beneficium, posset adsumi ad hoc sacramentum ministrandum. Habens, dixi, parochiale beneficium, quia si illud dimisit, iam non manet approbatus. Ratio fumitur ex verbo legis: Parochiale habens beneficium. Dico *sexum*. Approbatio per Episcopum, duo postulat iuxta Concilij decretum. Primum, iudicium Episcopi de idoneitate approbati formatum reuera ab eo siue per examen approbandi, siue per aliam notitiam: aliter enim erit ficta approbatio, si approbet, quem iudicat indignum ad tale ministerium. Hoc constat ex verbis Concilij decernentis. Nisi ab Episcopo per examen, vel aliàs idoneus iudicetur. Non est tamen opus, vt iudicium Episcopi sit certum, nec multa diligentia factum: sed satis est formare tale iudicium. Ita Suar. *de pwn. disp. de ministr.* Secundum, quod requiritur, est approbatio. Licet enim Episcopus formet iudicium de idoneitate, nisi tamen approbet, Sacerdos non est idoneus minister. Et ideo non sufficit hæc approbatio petita, & non obtenta, sed omnino requiritur, vt obtineatur. Quæ veritas etiam locum habet in Religiosis confessariis (quidquid dicat Nauar. *in sum. cap. 27. num. 264. & 265.*) quia per hoc decretum Concilij reuocata sunt illorum priuilegia contenta in *Clem. Dudum. de sepult.* & in *Extrauag. super cathed. eodem tit.* Ita Cong. Cardin. *resp. 1162.* Decreuit Pius V. *in motu proprio 44.* reuocans priuilegium à se concessum mendicantibus *in motu proprio 38.* super hoc decretum Concilij. Declarauit insuper Gregor. XIIII. *motu proprio 15.* qui incipit. *In tanta.* Et ideo non est satis præsentari huiusmodi Religiosos Episcopo, sed est opus, vt approbentur ab Episcopo Dico *septimum*. Cum quis ex vi Bullæ, vel priuilegij Pontificij, habet potestatem ad eligendum confessarium, semper intelligitur ad eligendum ex probatis, nisi in ipsa Bulla, aut priuilegio Pontificio aliud exprimatur. Quam veritatem semper exprimunt nunc ipsæ Bullæ Pontificiæ. Dico *octauum*. Parochus non potest delegare potestatem iurisdictionis in hoc foro alicui Sacerdoti, nisi approbato ab Episcopo. Ita Suarius, & probat praxis. Dico *nonum*. Summus Pontifex, hanc iurisdictionem alicui Sacerdoti delegās, simul illum approbat. Ita Suar. & res claret ex terminis. Dico *decimum*. Prælati Episco-

po inferiores, qui habent licentiam eligendi sibi confessarium, tenentur eligere ex approbatis ab Episcopo. Ita declarauit Gregorius XII. vt refert Suarius. Dico *undecimum*. Episcopus eligendo sibi confessarium subditum sibi, simul illum approbat. Si tamen sibi eligat confessarium subditum alteri Episcopo, debet talis confessarius esse approbatus à proprio Episcopo. Ita declarauit Congreg. Cardin. *resp.* 1158. & 1160. Dico *dundecimum*. Quando quis (etiam Religiosus) ex vi Bullæ Pontificiæ aut priuilegij habet facultatem eligendi confessarium approbatum, talis confessarius debet esse approbatus à suomet Episcopo, licet pœnitens subditus sit alterius Episcopi. Ita declarauit Cong. Card. *resp.* 1150. Atque in hac responsione fundatur responsio circa Episcopos in puncto proximo allegata. Ratio est, quia hæc specialis gratia sub hac conditione illis conceditur. Dico *decimumtertium*. Religiosus approbatus in vno Episcopatu, non censetur approbatus in alio, si audiat confessiones ex vi suorum priuilegiorum, sed necesse est, vt in singulis approbetur. Multa sunt, quæ confirmant hanc communioem sententiam, quam refert. Gutier. *lib. 1. can. quæst. cap. 27*. In primis, quia Conc. Trid. requirit illius approbationem ab Episcopo, vel Episcopis. Deinde, quia Pius V. concessit priuilegium Mendicantibus, vt semel tantum in vno quouis Episcopatu examinari, & approbari possent, nisi mutetur Episcopus. Tertiò, quia Gregorius XII. concessit priuilegium Religiosis sanctissimæ Societatis I. E. S. V. vt semel approbati, iter euntes possint confessiones audire in quouis Episcopatu, in quo non sunt approbati, dummodò id non faciant in oppido, vbi Episcopus proprius sit: tunc enim requirit Episcopi approbationem. Dixi, si talis religiosus audiat confessiones ex vi suorum priuilegiorum, quia si audiat electus à pœnitente ex vi bullæ, aut Iubilæi Pontificij, concedentis pœnitentibus electionem confessarij approbati, satis est esse eum approbatum ab aliquo Episcopo. Ita probabilius tenet Suar. Ratio eius est ducta à congrua paritate. Nam talis pœnitens potest vbi que terrarum eligere confessarium secularem ab Episcopo approbatum; ergo satis erit eligere religiosum confessarium semel approbatum in aliquo Episcopatu: ne in hac re peioris sit conditionis religiosus, quam secularis. Dico *decimumquartum*. Hæc approbatio fieri potest ad cer-

tum tempus, & non ultra; erga certa loca, & non ultra; erga certas personas, & non ultra: v. g. erga mares, & non foeminas; erga opifices præter mercatores. Ita obtinuit praxis, & ratio est in promptu, quia interuenire sæpissimè potest causa talis limitationis. Dico *decimumquintum*. Hæc approbatio semel facta, interueniente iusta causa coarctari, & omnino reuocari potest. Ita Suar. Deducitur apertè ex priuilegio Pij V. Mendicantibus concessio, vt ab eodem Episcopo non possint sæpius examinari; ergo supponit posse eos sæpius examinari, & non approbari. Et ratio est manifesta, quia iusta approbatio pendet tum ex scientia, tum ex moribus: quemadmodum igitur homo mutari potest, tum in scientia, tum in minoribus; ita etiam ipsius approbatio. Dico *decimumsextum*. Approbatio semel facta, & iniuste reuocata, adhuc tenet in rei veritate: in praxi tamen semper habenda est reuocata, neque ea deinceps cuiquam vti licet. Ita Doctor Suar. subtiliter, vt rei veritatem enuclearet, atque cautè, vt iudicium in re maximè graui arbitrio proprio adimeret. Adnotat insuper tantus Magister ex Nauar. *cap. Placuit. num. 163. & in sum. cap. 27. num. 266.* hanc probationem semel factam, & non reuocatam semper durare, etiamsi alius Episcopus succedat, donec ab eo reuocetur.

17 *Int.* Estne aptus minister huius Sacramenti Sacerdos de cuius iurisdictione, & approbatione sunt opiniones probabiles? *Resp.* Quoniam occurrere potest euentus, in quo maximæ sit vtilitatis, & necessitatis vocare talem Sacerdotè ad ministrandum hoc Sacramentum, verisimile est, ex Ecclesiæ benignitate, & prouidentia tali Sacerdoti ab ipsa Ecclesia concedi iurisdictionem, & approbationem. Ita Doctor Suar. *de pæn. disp. de ministr.* Ratio sumitur ex *L. Barbarius. ff. de offic. prætoris.* Ex quo communi iure receptum est, vt qui communi existimatione cum titulo vero, aut falso exercet aliquod publicum officium, acta per eum teneant, & valeant. Inde colligunt Doctores excommunicatum occultum, & Sacerdotem qui pro vero Parocho habetur, qui re vera non fit, quia v. g. simoniacè obtinuit beneficium, verè conficere Sacramentum, ex concessione tacita Ecclesiæ. Et ita accidit in nostro casu.

18 *Int.* Habétne quilibet Sacerdos in articulo mortis, poenitentis iurisdictionem, & approbationem, vt possit ei ministrare Sacramentum poenitentiae? *Resp.* Maximè. Est antiqua traditio,

traditio, habetur *cap. 26. q. 6.* & nouiter in Conc. Trid. *sess. 14. cap. 7.* Articulus autem mortis censetur, periculum probabile mortis. Ita Gloss. *cap. Pastoralis. §. præterea. de offic. Ordin. c. Quod in te. de pœn. & remis. verb. pœnitentia.* Navar. *c. 26. n. 31.* & *cap. 27. num. 271.* Medin. *de confess. quæst. 16.* Palud. *in 4. d. 17. q. 5. art. 2. & d. 20. qu. 1. art. 2.* Adrian. *de confess. q. 3.* Syl. *confessor. 1. quæst. 6. & interdictum. 5. quæst. 7.* Ratio est, quia in iure periculum, & articulus mortis, pro eodem habetur. Nam *cap. Si quis suadente. 17. quæst. 4.* reseruatur absolutio excommunicationis violentarum manuum, nisi in periculo mortis: *in cap. verò Non dubium. de sent. excomm.* facta mentione illius exceptionis, dicitur, nisi in articulo mortis. Insuper *in cap. Eos qui. de sent. excomm.* modò articulus, modò periculum mortis pro eodem nominatur. Tertio, quia ad præcepta implenda, obligat non solum articulus, sed periculum mortis: ut obligat præceptum annuæ confessionis, & communionis annuæ, & restitutionis, & similia. Inde enim emanauit sapientum proloquium. *Qui amat periculum, peribit in illo.* Quale autem periculum censeatur probabile mortis, prudentis arbitrio relinquitur. Est autem tale periculum secundum communioem sensum longa, & periculosa nauigatio: actuale commiscendum prælium: partus mulieris. Non sunt igitur audiendi Sot. *in 4. d. 18. q. 4. art. 4.* Cano *p. 5. de pœnitent.* Couarr. *c. Alma. p. 1. §. 11. num. 8.* oppositum asserentes absque textu, & ratione. Sunt verò maximè notanda verba Concilij Tridentini. *In articulo mortis quilibet pœnitens, à quibuscumque peccatis, à quocumque Sacerdote potest absolui.* Itaque neminem excipit pœnitentem, qui tunc non sit capax huius Sacramenti; nullum excipit scelus, quod nequeat absolui: nullum excipit Sacerdotem, qui non possit esse minister huius Sacramenti, quacumque censura, vel culpa inmodatus sit. An verò ordo seruandus sit dignitatis præsentibus in eodem articulo pluribus Sacerdotibus, negat Saa. *verbo absolutio:* affirmat Suarius, & meritò: quia Conc. Trid. & Ecclesiæ benignitas voluit tantum succurrere salutem æternam pœnitentis in defectu proprii confessarij: ergo eo adstante, seruandus est debitus dignitatis ordo.

19 Int. Vnde habet quilibet Sacerdos hanc iurisdictionem in articulo mortis? Resp. A iure diuino censuit Durand. *in 4. d. 19. q. 2. ad 4.* Capreol. *ib. ad 4. cont. 3. concl.* Palud. *d. 20. q. 1. a. 2.*

Ruard.

Ruard. *art. 3. cont. Luth.* Armilla verb. *absolutio*. A iure tamen humano censet D. Thom. *num. 4. d. 19. q. 1. a. 3. & d. 20. q. 1. art. 1. quæst. 2.* D. Bonau. *d. 17. quæst. 1. art. 3.* Maior *quæst. 1.* Almain. *q. 1. Sot. d. 18. q. 4. art. 4.* Couar. *c. Alma. 1. p. §. 6. num. 8.* Turrec. *in summ. de Eccles. lib. 1. cap. 98.* Est firmum argumentum in verbis Conc. Trid. asserentis. *Semper fuit custoditum in Ecclesia, ne aliquis periret, &c.* Immemorabilis verò consuetudo huius concessionis indicat iam ab Apostolis deductam esse talem concessionem, non verò indicat ius diuinum, ut volunt oppositæ sententiæ Auctores, neque aliud voluit D. Aug. *lib. 4. de baptis. cap. 24.* quem immeritò adducere nituntur in suam sententiam.

20 *Int.* Habétne quilibet Sacerdos iurisdictionem ad absoluendum à venialibus? *Resp.* Rem sibi incertam testatur Nauar. *c. Placuit. n. 22.* Sed immeritò. Est enim res certa apud antiquos Patres: docet Suarius etiam post Concil. Trid. Difficile est assignare rationem. Sot. ait, quia ad hæc absoluenda peccata, sola est satis potestas ordinis. Ita *d. 18. q. 4. art. 2. ad 2.* indicat ib. D. Thom. *quæst. 1. art. 3. q. 1. ad 3.* Immeritò tamen, quia cum sacerdos tunc exerceat iudicium, pollere debet iurisdictionis potestate. Ideo ait Caiet. hanc iurisdictionem tribui tunc à poenitente ipso. Ita *10. 1. Opusc. tr. 7. & in summ. ver. absolutio. 2.* Veruntamen non rectè, quia per solam subiectionem non confertur iurdictio. Ideo Cano, & Ruard. supra citati, Ledesma *2. 4. quæst. 22. art. 1.* aiunt hanc iurisdictionem esse à iure diuino, quia Ecclesia nequit huiusmodi peccata reservare, ergo signum est non habere potestatem super illa. Nihilominus etiam hæc sententia falso nititur fundamento, quia licet Ecclesia directè non possit venialia peccata reservare: potest tamen indirectè ea à Sacramenti absolutione eximere; enimverò excommunicatus nominatim denunciatus iuxta communem sententiam, nec de venialibus verè absoluit, quia ab Ecclesia priuatur omni iurisdictione sacramentali ad conficiendum Sacramentum poenitentiae. Hauc ob rem Palud. *in 4. d. 19. q. 2. art. 2. ibid.* Capreol. *ad 1. cont. 3. concl.* Medin. Sot. & alij supra citati, quos sequitur Suar. opinantur hanc iurisdictionem esse ab ipsa Ecclesia concessam, iam inde ab Apostolis deductam.

21 *Int.* Habétne quilibet sacerdos iurisdictionem ad absoluendum à mortalibus peccatis iam ritè confessis? *Resp.* Negat

Negat Sot. loco citat. Affirmat Ledesm. obtinuit praxis idem de mortalibus ritè iam confessis, & absolutis, atque de venialibus, exercens ex iurisdictione ab Ecclesia traditâ, vt iam respondi.

22 *Jnr.* Quis potest ministrare Sacramentum pœnitentiæ ei, qui habet casum reservatum? hoc est, quis potest absolvere pœnitentem, qui habet casum reservatum? *Resp.* Dico *primum*. Potest ille, qui casum reservauit. Dico *secundum*. Potest ille, qui est superior in iurisdictione sacramentali, quàm ille, qui casum reservauit. Talis est Papa respectu Episcopi: Episcopus respectu Parochi: Provincialis Religionum respectu Guardiani, seu alterius inferioris prælati. Non tamen est talis Archiepiscopus respectu suffraganeorum: nisi cum actualiter visitat Dioeceses suffraganeas, vt supra respondi. Dico *tertium*. Potest ille cui delegauit potestatem proprius referuans, aut superior proprio referuante. Hæc autem delegatio fieri debet expressè ad casus referuatos: nam absoluta delegatio ad absoluendum, non sufficit, vt habetur *c. si Episcopus. de pœn. & remis. in 6.* Per quæ autem verba fiat hæc delegatio, agit D. Anton. 3. *p. tit. 17. cap. 13.* & Nauar. proximè *num. 261.* Valet tamen multum hac in re iudicium prudens. Dico *quartum*. Episcopi habent iurisdictionem absoluendi à casibus referuatis Papæ, quando sunt talia peccata occulta. Ita eis delegauit potestatem Conc. Trid. *sess. 24. cap. 6. de reform.* Dico *quintum*. Religiosi, etiam mendicantes, ex vi solius iuris communis non possunt absolvere à referuatis Episcopo, licèt per particularia statuta Episcopi, sint ipsi referuata. Ita D. Anton. 3. *p. tit. 17. cap. 1.* Sot. *in 4. d. 18. quæst. 4. art. 3.* Nauar. *sup. num. 266.* Ratio est, quia in *Clem. Dudum. de priuileg.* apertè dicitur Religiosos non habere maiorem potestatem absoluendi, quàm habent parochi ex vi iuris communis: atqui parochi non habent potestatem absoluendi à referuatis Episcopo; ergo, &c. Extat etiam hac de quæstione declaratio Card. *resp. 662.* quæ etiam meminit in hac declaratione priuilegiorum communium Maris magni. Dixi, ex vi iuris communis, quia ex vi priuilegiorum particularium, aliter dicendum est. Sed ipsi, quorum interest, viderint. Dico *sixtum*. Opinio est valde communis, posse referuantem audire peccata tantùm ad se referuata, & pœnitentem sacramentaliter ab iis absolueret: atque pro confitendis aliis peccatis non referuatis, mittere

ad

ad Sacerdotem inferiorem. Ita Caietanus verb. *conf. cond. 20.* aitque hanc esse Romanam consuetudinem, neque oportere plus sapere, quam oportet sapere, eam in dubium reuocando. D. Anton. 3. p. tit. 17. cap. 4. §. 6. Palud. in 4. d. 17. q. 5. Richard. art. 2. q. 8. ad 2. Henric. quodl. 1. q. 19. Sot. d. 18. q. 2. art. 5. Petr. Sot. lect. 10. de confess. Nauarr. cap. Cùm consideret. §. cautus. num. 12. & 18. de pæn. d. 5. Hanc tamen valde communem opinionem iure merito limitat Suar. ad casum vrgentis necessitatis, ex rationabili causa ortæ. Ita etiam Adrian. qu. 5. de confess. Sylu. confessio. 1. q. 19. Viçt. in sum. num. 149. & 162. Cano p. 5. de pæn. Viguer. in sum. cap. 17. §. 4. vers. 17. Ratio est, quia iure diuino, est integritas confessionis: ergo non licet ire præter hoc ius, absque rationabili causa, & vrgente necessitate. Neque opposita consuetudo vnquam viguit Romæ, vt affirmat Syluest. neque modò viget, vt testatur Suar. sed fuit inuentum Caiet. & aliorum Auctorum. Si igitur detur grauis causa, & vrgens necessitas, poterit pœnitens confiteri peccata reseruata solum, & ab eisdem absolui sacramentaliter, verum enim tunc recipiet Sacramentum. Vrgens tamen necessitas ad dimidiandam talem confessionem accedere poterit tum ex parte confessoris, tum ex parte pœnitentis, vt iam respondi, cùm me rogasti de confessione reseruatorum ex parte pœnitentis. Non tamen censenda est multitudo negotiorum reseruantem opprimentium, quia hoc est, vnum ex præcipuis: deinde, quia tunc potest iurisdictionem delegare. Quod si in ea negotiorum oppressione oporteat pœnitentem audiri, audiat tantum reseruata; & pœnitentiam imponat, & non absoluat, sed inferiori Sacerdoti iurisdictionem committat. Dico *septimum*. Valdè communis est opinio, posse inferiorem Sacerdotem absolvere sacramentaliter pœnitentem habentem peccata reseruata, & non reseruata, à solis peccatis non reseruatis interueniente vrgente necessitate ex causa graui, & pro absolutione reseruatorum illum ad superiorem remittere. Ita D. Thom. in 4. d. 17. quæst. 3. artic. 4. quæst. 2. Paludan. ibid. quæst. 5. Gabr. quæst. 1. dub. 2. Almain. q. 1. dub. 2. Maior qu. 5. Alens. 3. p. quæst. 77. in 5. artic. 2. ad ult. Henric. quodl. 1. quæst. 29. & 30. D. Ant. 3. p. tit. 14. cap. 18. §. 6. Sylu. confess. 1. quæst. 19. Ang. confess. 5. n. 9. Medin. de confess. q. de integ. Nauar. cap. consideret. §. cautus. num. 10. de pæn. dist. 6. Sot. d. 18. quæst. 2. art. 5. Can. de pæn. p. 5. Ledes. 2. 4. quæst. 8. art. 3. dub. 3.

dub. 3. Vrgens autem necessitas erit scandalum, vel infamia subeunda, nisi Sacerdos celebret, aut nisi quis communicet. Item tempus instans implendi præceptum annuæ confessionis, vel communionis. Hæc opinio Doctore Suario absolute probatur: disputat verò an in eo euentu sufficiat pœnitenti tantum dicere peccata non reservata, tacendo reservata. Affirmat Alens. Pet. Sot. Gerfon, & Gab. Negant tamè cum D. Thoma reliqui Doctores, quos sequitur Suar. aitque faciendam integram confessionem non reservatorum, & reservatorum, absolutionemque cadere directe, & per se super nō reservata, indirecte verò, & per accidens, super reservata. Dico *affirmum*. Cùm aliquis subditus alicuius Episcopatus, ex causa versatur in alio, & ex consuetudine recepta confitetur alicui approbato confessario loci, in quo versatur (vt potest ex consuetudine recepta) quoad absolutionem reservatorum habendus est vt incolà illius loci, hoc est, si habeat peccatum reservatum in tali Episcopatu, aditurus est reservantem: non autè si habeat reservata peccata in suo proprio Episcopatu. Decisio est S. arij contra nonnullos Doctores. Nam Sotus in 4. d. 18. q. 2. ait. 4. ait talem pœnitentem non posse absolui à reservatis proprii Episcopatus, posse tamen à reservatis alieni. Eam tamen sequitur Caiet. *absolutio* 2. Palud. in 4. d. 17. q. 3. D. Antonin. 3. p. tit. 17. cap. 4. Ratio est. Quia confessores alieni Episcopatus non tenentur scire casus reservatos proprii pœnitentis, sed sui tantum: ergo si talis pœnitens potest se in confitendo gerere vt incolà ex facultate per consuetudinem data, tenebitur tantum legibus incolarum. Dico *nonum*. Quilibet Sacerdos potest ministrare Sacramentum pœnitentiæ ei, qui confitetur, solum peccata reservata iam ritè superiori confessa, & absoluta. Est contra Sotum: pro eo tamè stat ratio, quia illa peccata iam non sunt materia necessaria: de materia verò non necessaria potest quilibet Sacerdos absolvere, vt suo loco probavi. Dico *decimum*. A peccato reservato oblito inculpabiliter in confessione aliorum reservatorum, vel facta apud eum, qui ab illo posset absolvere, & quidem absolueret, si tunc diceretur, potest Sacerdos habens iurisdictionem, seu ordinariam, seu delegatam in mortalia peccata, absolvere. Ita communiter Doctores, Gab. in 4. d. 17. *quæst.* 1. Adrian. *quæst.* 4. de confess. Sylu. confess. 1. q. 4. Ang. confess. 1. n. 22. Rosel. confess. 2. n. in. 9. Can. de pœnit. p. 5. Ledesm. 2. 4. *quæst.* 8.

art. 2.

art. 2. dub. 2. Couar. cap. Alma. p. 1. §. 10. num. 12. Nauar. c. Consideret. §. cautus. num. 30. de pœn. dist. 5. & in sum. cap. 26. n. 13. Ratio est, quia iam tale peccatum non manet reservatum, quoniam superior, quantum in eo fuit, intendit liberum, & absolutum dimittere pœnitentem. Hoc maximè notandum propter euentum frequentem in confessionibus factis virtute Iubilæi, quo transacto possunt reservata oblita absolui. Dico undecimum. In articulo mortis, seu in periculo (quod idem est, ut iam ostendi) quilibet Sacerdos inferior potest absolvere à reservatis. Ita Concil. Trident. sess. 14. cap. 7. licet adsit alius, qui possit absolvere ab eis extra illum articulum. Ita Syluest. absolutio. 1. & 3. & Couar. cap. Alma. p. 1. §. 11. num. 6. Ratio est, quia Concilium pro eo articulo omnino dixit nullam esse reservationem. Notandum tamen an peccatum tale antea reservatum, reservatum esset Papæ, & tunc pœnitens conualescens tenetur recurrere ad Papam, non pro absolutione sacramentali, quam obtinuit, sed pro ostensione subiectionis. Ita præcipitur cap. Eos qui. de sent. excom. cap. 99. Nau. cap. 26. num. 26. In absolutione verò reservatorum aliis inferioribus Papa, non manet onus ad eos recurrendi. Ita Syluest. confessio. 1. quæst. 19. & confessor. 1. quæst. 20. Angel. confessio. 3. num. 2. Armil. absolutio. num. 2. Palud. in 4. d. 20. q. 1. art. 2. D. Anton. 3. p. tit. 14. cap. 18. §. 17. Nauar. in sum. cap. 26. n. 6. Ratio eorum est, quia hæc iurisdictio in eo articulo non inuenitur concessa cum tali limitatione. Dico duodecimum. Superior delegans iurisditionem in reservata, potest illam delegare cum onere subiiciendi iterum ei peccata confessa delegato, non quidem ad absolutionem, sed ad medelam adhibendam. Ita Doctores communiter, quos refert Nau. c. Placuit num. 112. 113. & in sum. cap. 9. num. 1. Sot. in 4. d. 18. q. 2. art. 5. Cano loco sæpè sup. citato, & alij. Ratio est, quia confessio talis iurisditionis est mera gratia: gratia autem concedi potest, vel absolute, vel cum limitatione. Et mihi quidem constat ita in aliquibus sacris Religionibus hanc potestatem delegari.

23 *Int.* Quis confessor, hoc est, sacerdos habens iurisditionem, & approbationem, tenetur ministrare hoc Sacramentum ex officio, & quando? *Resp.* Parochus, qui in iure proprius Sacerdos appellatur, obligatur solum iuxta Rich. in 4. d. 19. art. 2. q. 3. Syl. confess. 1. §. 18. Armil. absolutio num. 27. Medin. de pœn. quæst. 41. semel in anno, quando subditus tantummodò obli

obligatur. Oppositum tamen est affirmandum, nimirum teneri parochum ad hoc munus exercendum, quoties expedire prudenter iudicauerit subdito. Ita Adrian. *quæst. 5. de confess. dub. 8.* Sot. *in 4. d. 18. q. 4. art. 2.* Viêt. Cano, Ledesm. locis citatis. Nauar. *cap. Consideret. num. 156.* Ratio est, quia pastor non debet solum extremæ necessitati ouium, sed etiam illarum utilitati consulere, tempus autem vrgentis præcepti est extrema necessitas; ergo, &c.

24 *Int.* Quid tenetur confessor agere circa pœnitentis cōscientiam? *Resp.* Tenetur formare iudicium de sufficienti dispositione pœnitentis: & ad hoc iudicium formandum tenetur examinare pœnitentis conscientiam, vt pœnitentem absoluat. Ratio est; quia iudex tenetur formare iudicium criminis, antequam sententiam proferat.

25 *Int.* Teneturne confessor absoluere pœnitentem, quem iudicat esse dispositum, & dignum absolutione? *Resp.* Dico *primum.* Confessarius absoluens reum, quem iudicat impœnitentem, & indignum absolutione, sacrilegium committit. Ita Sot. *in 4. d. 18. q. 3. art. 3.* Cordub. *in sum. q. 4. cum communi.* Ratio est, quia in re sacra indignissimum actum exercet. Dico *secundum.* Quando pœnitens est dignus absolutione, confessor tenetur pœnitentem absoluere. Ita communiter Doctores. Ratio sumitur, tum ex ratione ministerii, ex quo confessor tenetur integrum facere sacramentum: tum ex ratione iustitiæ, quia iudex, licet arbiter, tenetur ferre sententiam circa reum, quem iudicandum suscepit, alioqui grauem illi irrogabit iniuriam, si innocentem non absoluat.

26 *Int.* Quod onus manet confessario post confessionem sacramentalem sibi factam? *Resp.* Secretum sacerrimum circa res confessionis, quod Theologi appellant sigillum. Tenetur autem confessor ad hoc secretum non solum lege naturali, iuxta illud *Prov. 11. Qui reuelat arcanum, ambulat fraudulenter:* sed ex lege positua Christi, hoc sacramentum instituentis. Circa hoc dico *primum.* Propter nullum bonum temporale, vel spirituale, proprium, vel commune, neque in aliquo euentu frangere licet hoc sigillum. Ita communis opinio. D. Thom. *in 4. d. 21. quæst. 3. art. 1. & quodl. i. art. 8.* D. Bohau. *d. 21. art. 2. quæst. 3.* Rich. *art. 4. quæst. 1. & 2.* Scot. *quæst. 2.* Dur. *quæst. 4.* Palud. & Maior *quæst. 3.* Capr. *quæst. 2.* Sot. *d. 18. quæst. 4. art. 5.* Alenf. *4. p. quæst. 78.* Adr. *qu. vlt. de confess.* Med. *de confess. qu. de sigillo.*

figillo. Nauar. in sum. cap. 8. & cap. Sacerdos. de pæn. d. num. 116. Couar. in 4. Decret. 2. p. cap. 8. §. 12. num. 12. A quibus paradoxè admodum recessit Altifiodoren. lib. 4. sum. tract. 6. cap. 3. quæst. 7. Hæc fuit semper perpetua Ecclesiæ traditio, quam docent Leo Papa, epist. 28. aliàs 80. Basil. reg. 2. Monach. Aug. lib. de salut. docum. c. 25. Ambros. apud Paulum in vita eius, Greg. cap. Sacerdos. de pæn. d. 6. habetur cap. Omnis utriusque. Ratio sumitur ex grauissima iniuria, quæ Sacramenti institutioni à Christo Domino facta, in quouis euentu irrogaretur, iuxta perpetuam Ecclesiæ traditionem. Ideo falsò credidit Altifiodorensis posse reuelari hoc sigillum propter vtilitatem ipsius pœnitentis, quam video inde prouenturam. Ita erroneè opinati sunt aliqui Canonistæ, quos refert Cou. loco citato, posse confessorem detegere peccatum emortui iam pœnitentis ad impediendû matrimonium suo testimonio. Errarunt insuper arbitrando testimonium confessarij fidem facere in foro exteriori, vt sumitur ex c. 2. de offic. Ordin. & c. Dilectus. de excess. Prælatorum. Ita Suarius de pæn. disp. de sigillo. ostenduntque Doctores, quos refert Couar. Tertiò. Immeritò censuit Sotus in 4. d. ib. q. 4. posse hoc sigillum reuelari à confessario, cum necesse fuerit ad integram faciendam confessionem, si fortè culpam commisit in audienda tali confessione. Contra Sotum tenent omnes, teste eodem Soto, præcipuè Gabr. in 4. d. 21. q. 1. art. 3. dub. 1. ad 5. Adrian. q. 5. de confess. Sylu. confessor. q. 13. Nauar. in sum. cap. 8. num. 6. & cap. Sacerdos. de pæn. d. 6. num. 64. Ledesm. 2. 4. q. 10. art. 5. Ratio est, quia integritas materialis nō est de essentia confessionis, vt in propria materia ostendi, & ideo ex causa omitti potest; nulla autem causa grauior dari potest, quàm seruatio sigilli. Dico secundum. Omnis, & sola confessio sacramentalis obligat ad hoc sigillum. Omnis, id est, seu secretò, seu publicè fiat. Sacramentalis, id est, facta in ordine ad absolutionem obtinendam. Nam detectio peccatorum facta alicui, licet intercedat pactum seruandi sigillum confessionis super dicendis, non gignit obligationem sigilli, sed secreti naturalis (quidquid in oppositum velit Palud. in 4. d. 21. q. 3. nu. 11. & Caiet. confessio.) & ideo non obligat plusquam secretum naturale, quamuis strictiùs, vt notat Sot. propter vmbram Sacramenti ad quam accessit: interueniente tamen bono communi, semper est detegendum, contra quod nunquam præualet vllum secretum naturale,

vt docet Nauar. *cap. 1. de pœn. distinct. 6.* in principio. Dico *tertium*. Obligat huius sigilli præceptum non tantum ipsum verum confesorem, vt per se claret: sed confesorem falsum, qui se fingendo verum, pœnitenti bona fide confitenti præstitit audientiam. Obligat sacerdotem, qui non habebat iurisdictionem, & tamen à pœnitente, vt illam habens existimabatur: vel vt habiturus mox putabatur, & eo animo confitebatur, vt ab eodem absolueretur. Obligat confessarium, qui ob defectum doloris, vel restitutionis, vel quid simile, pœnitentem non absoluit. Ita D. Thom. *in 4. d. 21. quæst. 3. art. 1.* & Caietan. loco proximo. Habetur *cap. Quod quidem. de pœn. & remis.* Obligat superiorem, à quo petitur facultas ad absoluendum à reſeruatis. Ita Viſt. *de pœnit. nu. 190.* Obligat interpretem confessionis. Ita communis opinio, Scot. *in 4. d. 17. quæst. 1.* circa finem, Richard. *d. 21. quæst. 3. artic. 4.* Medin. *de confess. quæst. 50.* Ledesm. *2. 4. quæst. 11. artic. 3. dub. 1.* D. Thom. *d. 21. quæst. 3. artic. 1. quæst. 3.* Obligat consiliarium, siue à pœnitente, siue à confessario de licentia pœnitentis consulatur. Ita citati doctores, præsertim Ledesm. Palud. Adrian. Nauar. & *in sum. cap. 8.* Pet. Sot. *lect. 11. de confess.* Vigu. *in sum. cap. 16. §. 4. ver. 20.* Obligat illum, qui furtiuè audiuit confessionem. Ita Scot. *excommunicatio. in 4. d. 21. quæst. 2.* Ratio est, quia talis iniuriam fecit pœnitenti, & Sacramento. Obligat ex sententia multorum, illum, qui inuenta peccata scripta ad confessionem legit; eos refert Nauar. *cap. Sacerdos. num. 8. & 9.* Obligat eos, qui audierunt confessionem vel casu, vel ex necessitate pœnitentis publicè confitentis. Ita ex communi Suar. Obligat illum, cui iniuste confessor reuelauit confessionem. Ita Scot. *in 4. d. 17. quæst. 1.* Richard. *art. 5. quæst. 1.* Syluest. *confessor. 3. quæst. 1.* Nauar. *cap. Sacerdos. num. 43.* Dico *quartum*. Omnis notitia à confessione proueniens, siue immediatè, siue mediatè proueniat, obligat ad sigillum. Ita Suar. loco citato. Ex parte etiam pœnitentis obligat ad hoc sigillum sola vera confessio, non ficta, hoc est, facta animo se accusandi sacramentaliter, & subiiciendi clauibus Ecclesiæ. Ita Caiet. *2. 2. q. 79. art. 1. & Opusc. 21. tom. 1. Sot. in 4. d. 18. q. 4. art. 1. & de reg. sect. in 2. q. 7. Nau. in sum. cap. 18. num. 55.* Ratio est, quia illa detectio non est sacramentalis accusatio. Hæc autem intentio pœnitentis ficti, cum vult inducere confesorem ad malum, aut

tertiam personam infamare, vel quid simile, saepe nō agnoscitur in initio detectionis (ne illam appellem confessionem) sed in discursu: verumtamen utcumque detegatur, deobligat à sigillo. Dico *quintum*. Non solum peccata mortalia, sed etiam venialia: item circumstantiæ peccati commissi, vel committendi: denique omnia, quæ vtiliter deteguntur in confessione, quamuis minus cautè, & aliquando imprudenter detegantur, cadunt sub præcepto sigilli. Ita Suar. latè, & doctè probat. Addit verò ex Sor. etiam defectus corporis, animæ, originis, & natalium, qui ad maiorem culpæ propagationem deteguntur. Item peccata publicè commissa, quatenus ea notitia sacramentali sciuntur. Nam si alia via perueniunt ad aures confessarij, potest, vt alij, ea notitia publica vt, cautè tamen oportet procedere, ne gignat scandalum reuelati sigilli. Ita D. Thom. Bonau. Alens. supra citati, & in hoc sensu loquitur Altisiod. lib. 4. *sum. tract. 6. cap. 3. quæst. 4.* in oppositum allegari solitus. Rectè tamen aduertit Maior in 4. d. 21. *quæst. 3.* non esse addendum aliquid certitudini, comparatum ex scientia sacramentali. Dico *sextum*. Non frangit sigillum confessionis confessarius, qui reuelat peccata sibi aliquando confessa, non reuelando poenitentem. Ita habetur cap. *Omnis utriusque sexus*. Verumtamen cautè nimis procedendum in hac re tam periculosa: ideo satius esset ita subterfieri peccata confessa, ac si nunquam audirentur. Plura tradit D. Anton. 3. p. tit. 17. cap. 19. §. 3. & Nauar. in *sum. cap. 8. num. 11.* Dico *septimum*. Non frangit sigillum, qui dicit se aliquem confitentem audiuisse, item habuisse peccata venialia. Ita cōmuniter Doctores. Ratio est, quia certum est quemuis fidelem teneri ad confessionem faciendam. De fide autem est omnes nos habere peccatum veniale, iuxta illud Ioannis: *Si dixerimus quòd peccatum non habemus, ipsi nos seducimus, & veritas in nobis non est.* Dico *octauum*. Sigillum frangit confessor, qui audire solitus certos poenitentes, vnum laudat de innocentia, & puritate conscientiæ, de aliis nil affirmando, aut negando. Ita citati Doctores, appellántque hanc indirectam reuelationem peccatorum. Dico *nonum*. Reliqua omnia, quæ nihil ad confessionem attinentia deteguntur in confessione, non cadunt sub sigillum confessionis. Ita Suar. cum communi. Ratio est manifesta, quia talia nullatenus accusationi sacramentali

tali inferuiunt, sed sunt admodum impertinentia. Dico *decimum*. Post auditam confessionem, & absolutionis concessionem, vel negationem, frangit sigillum confessarius, qui de rebus confessis cum ipso pœnitente, absque pœnitentis licentia loquitur. Ita omnes Doctores ex communi sensu, & consuetudine Ecclesiæ. Quod si oporteat confessarium propter aliquem defectum pœnitenti dicere se defecisse in confessione, petat licentiam à pœnitente, quam licentiam si neget, dicat nihilominus, quia tunc non extra, sed intra confessionem loquitur, pœnitensque est tunc irrationabiliter inuitus. Ita Suarius doctè, & piè; agit enim tunc confessor in vtilitatem pœnitentis, consulens illius æternæ saluti. Dico *undecimum*. Ex licentia pœnitentis licet confessario, stante obligatione sigilli confessionis (quia nil pœnitens extra confessionem reuelat) loqui cum tertia persona de rebus in confessione scitis, siue ea locutio cedat in vtilitatem pœnitentis, siue alterius personæ. Hæc assertio est contra opinionem Scot. in 4. d. 21. *quæst.* 2. Durand. 4. 4. Maioris *quæst.* 3. Gabr. *artic.* 3. *dub.* 4. Alenf. *quæst.* 78. *mem.* 2. *art.* 2. §. 1. Angeli *confessio.* 8. *num.* 5. Ratio eorum est, quia pœnitens non potest dare talem facultatem, tum quia præceptum sigilli est diuinum, tum quod non potest dispensare pœnitens, quia est contra reuerentiam Sacramenti. Est tamen conclusio D. Thom. in 4. d. 25. *quæst.* 3. *art.* 2. Bonau. *art.* 2. *quæst.* 2. Richard. *art.* 4. *quæst.* 1. Palud. *quæst.* 3. *num.* 42. Adrian. *quæst.* 4. *de confess.* Henric. *quodlib.* 7. *quæst.* 6. Sylu. *confessor.* 3. 9. 3. & 5. Soti, Ledesma, Cani, & aliorum Thomistarum, Nauar. in *sum. cap.* 8. *num.* 2. & *cap.* 18. *num.* 12. & *cap.* Sacerdos. *num.* 127. Couar. 2. p. *Decret.* 4. *cap.* 8. §. 12. Ratio est, quia præceptum diuinum de sigillo traditum est propter vtilitatem pœnitentis, ideo ab illius voluntate pendet, & nulla Sacramēto sit iniuria, cum nulla sit pœnitenti, nec in eo euentu cessat finis præcepti in singulari, sed mutatur materia præcepti. Multa verò ex hac licentia commoda suboriri poterunt pœnitenti, quæ quidem non suborirentur ex notitia data extra confessionem, quam petunt auctores oppositæ sententiæ. Nam adhuc illa notitia remanet sub sigillo confessionis, excepto illo casu concesso; non remaneret autem data extra confessionem. Et ideo cui reuelatur, tenetur sigillo rei reuelatæ. Deinde, quia hæc licentia reuocabilis est, non verò illa,

data extra confessionem. Et hæc sint satis de hac questione. Dico *duodecesimum*. Qui interrogatus, an sciat aliquid, quod sciuit in confessione, vel sub sigillo confessionis, respondere absolute potest, se nescire. Ita D. Thom. Bonau. & alij in 4. Scot. d. 15. quæst. 4. Maior quæst. 18. Henric. quodl. 8. q. 29. Imò respondere potest se non audiuisse. Ita Richard. in 4. d. 21. art. 4. quæst. 2. Si autem interrogetur, an loquatur de auditu in confessione, adhuc respondere poterit, se nihil audisse in confessione. Ita Adrian. quæst. ult. de confess. Syluest. confess. 3. num. 11. Nauar. in sum. cap. 8. num. 13. Viçt. in sum. numer. 184. Ledesm. 2. 4. q. 11. art. 1. dub. 6. Tres in hoc puncto proposui veritates: primæ repugnat Altisiodorensis: in secunda dubius hæret Sotus: tertiæ se opponunt Palud. & Sot. sed immeritò & contra rationem. Quoniam vera ratio est, quia subintelligitur illa conditio, nescio, nec audiui in foro, in quo illud dicere possim. Neque insuper euentus dari poterit; in quo quis iuridicè interrogetur, vt teneatur respondere ad mentem interrogantis. Quæ ratio conuincit, etiam si quis iurauerit se dicturum veritatem. Notauit Henric. quodl. 1. q. 33. & Gabr. in 4. d. 21. art. 3. dub. 1. Ratio est, quia iuramentum non est vinculum iniquitatis; ergo non obligat ad id, quod facere nequeo ex diuino præcepto: nequeo autem ex diuino præcepto reuelare confessionem, ergo, &c. Dico *decimumtertium*. Non reuelat confessionem, & ideo non frangit sigillum confessor, qui ex licentia poenitentis loquitur cum illo, aut alia tertia persona, interueniente graui, & rationabili causa de peccato complicitis in confessione scito. Hanc conclusionem negant Alenf. 3. p. q. 77. in 2. art. 4. D. Bonau. in 4. d. 21. in 2. p. art. 1. q. 3. Alij dicunt non licere dare hanc facultatem. Ita Palud. in 4. d. 21. quæst. 3. art. 2. Richard. art. 5. quæst. 2. Sot. d. 18. art. 5. q. 2. ad 4. Veruntamen pro sua sententia nullam afferunt firmam rationem. Ideo conclusionem tuentur D. Thom. opusc. 12. q. 6. Capreol. in 4. d. 21. q. 2. art. 3. ad 3. conclus. Sonfinas ib. in compend. Capr. D. Anton. 2. p. tit. 14. cap. 19. §. 11. Adrian. q. 1. de confess. ad 4. & dub. poen. ad 3. & 8. Gab. d. 18. q. 1. art. 2. concl. 5. quamuis mutauit sententiam d. 21. dub. 2. Syluest. confess. 1. q. 24. cum Raymundo, quem citat Astensis in sum. 2. p. lib. 3. tit. 12. Armil. circumstantia. num. 11. Tabiena eodem verb. §. 10. & confessio. 1. §. 4. Sum. Pisana conse. 1. quæst. 3. Nauar. in sum. c. 7. nu. 7. Cordub. Opusc. de tract. mem. 2. q. 4. & memb. 6. quæst. 4.

q. 4. Suar. de pœn. q. de sigillo. qui hanc verissimam appellat sententiam. Ratio illius est, quia interueniente graui, & rationabili causa, pœnitens potest complicitis peccatum alicui detegere, vt de eo loquatur. Probatur conclusio ex c. signifi-
casti. de adult. quem textum expendit Nauar. c. Sacerdos. de pœn. d. 6. n. 151. Grauis autem, & rationabilis causa interuenire potest ex parte pœnitentis, si v.g. complex inducat pœnitentem ad peccandum: vel si constituat illum in morali occasione: vel si illi debeat proli-educationem, aut restitutionem bonorum, quæ adulterino filio in legitima putatorum fratrum euenerunt. Potest etiam interuenire ex parte ipsius complicitis: vna autem legitima causa erit correctio fraterna ipsius complicitis ad emendam: cedit enim in salutem illius æternam, quæ est bonorum maximum.

27. Int. Licetne confessario vti aliquando notitia in confessione comparata? *Resp.* Dico primum. Nunquam licet vti hac notitia cum periculo morali reuelandi confessionem indirectè. Ita omnes Catholici Doctores. Reuelaret verò indirectè confessionem superior, qui propter scita in confessione, ita subditum gubernaret, etiam ad salutem spiritualem, vt alij suspicentur talem subditum commisisse aliquod peccatum: oriri autè posset hæc suspicio, si talis subditus repentè amoueretur ab officio, vel mitteretur ad aliud monasterium, vel si quid ei simile fieret. Cōclusio adeo certa est, vt nec pro tuenda vita, aut euitanda morte liceat confessionem indirectè reuelare. Ita Suar. de pœnit. disput. de usu notitiæ in confessione. Ratio est, quia reuelare indirectè confessionem ita intrinsecè malum est, vt nulla vtilitate cohonestari possit, & ideo mors passiue potius sustinenda, quàm reuelanda confessio. De vno euentu dubitant auctores, an in eo interueniat indirecta confessionis reuelatio. Nimirum, est Sacerdos in altari sacrum faciens, accedit quis, & apud eum confitetur se venenum calici infudisse. Vel esse in Ecclesia quendam, qui illum est interfec-
 cturus, non potest non venenum sumere, vel ab Ecclesia fugere, nisi adstantes suspicentur sciuisse illum insidias ex confessione pœnitentis, dubitant, an non sumere calicem, vel fugere, sit indirectè reuelare confessionem. Negant Scot. in 4. d. 21. quæst. 2. ad 3. Gab. art. 3. dub. 1. Maior quæst. 3. art. 2. Sylu. confes. 3. q. 2. propendet Sot. de secret. quia, inquit, Sacerdos vtitur iure suo, adstantes verò suspicantur ex prauitate

tate conscientiae, nam actus illi ex se non inducunt reuelationem. Ideo affirmant posse talem Sacerdotem omittere sumptionem calicis. Item posse ab Ecclesia fugere. Contrarium tamen tenent Richard. *art. 4. quæst. 2.* Nauar. *cap. Sacerd. num. 135.* Ledesm. loco proximo, Sot. *d. 18. quæst. 4. art. 5.* Ratio eorum est, quia licet illarum actiones secundum se non sint reuelatiuæ; ut ita loquar, tamen hic, & nunc, cum talibus circumstantiis, saltem indirectè, produnt poenitentis confessionem, & ideo in eo euentu potius mors est subeunda per veneni sumptionem, quia non actiue, sed passiue se occidit. Dico *secundum*. Quando ex vsu notitiæ per confessionem comparatæ, nulla sequitur indirecta confessionis reuelatio, nec morale periculum reuelandi indirectè confessionem; licitum est uti tali notitia. Ita Doctor Suar. hisce verbis. Ita docent omnes. Ratio est, quia quamuis hæc notitia sit sacra, tamen licet uti rebus sacris ad commodum proprium, vel proximi. Hinc fit, ut confessarius possit, ut res suas tutius custodiat, facere interrogationem necessariam alicui in confessione, ad eruendam veritatem. Oportet tamen, ut non utatur hac notitia cum grauamine poenitentis. Ita Doctores *in 4. d. 21.* quos videre licet in Nauar. *cap. Sacerdos. num. 124.* Ideo grauitur peccabit superior, si propter scientiam confessionis puniat exterius subditum, vel priuet illum beneficio, aut alia re, in quam habet ius acquisitum, vel illi paret infidias, ut capiat illum in casu simili. Ita D. Thom. *quodlib. 5. art. 13.* & Sotus *de secr. n. 3. quæst. 3.* Item oportet, ut finis talis vsus sit honestus. Ita omnes. Ratio est, quia hæc notitia est facerrima, & ideo requirit honestum finem. Si autem hæc tria concurrant, nimirum euitatio omnimoda reuelationis secreti: causa honesta & iusta: illarum custodiæ poenitentis, semper licet talis notitiæ vsus. Ita D. Thom. *in 4. d. 21. quæst. 3. art. 1.* & *quodlib. 5. art. 18.* Bonau. *2. p. eiusdem d. art. 2. q. 1. ad ult.* Richard. & alij, Syluest. *confessor. 3. quæst. 14.* Neque hunc vsum impedit occulta poenitentis scientia, quod confessor ad illum moueatur ex sua confessione, ut notat Syluest. contra Richardum. De euentu, in quo confessor suffragium laturus est circa poenitentem, controuertunt Doctores, an possit in suffragio ferendo uti tali notitia. Affirmat D. Thom., & Bonau. & Scot. *in 4. d. 21.* Sylu. & Sotus citati, Nauar. *cap. Sacerdos. num. 146.* Imò addit illum teneri voti tali

tali notitia, qua si non vtatur, incurrere censuras positas contra malos suffragatores, si quem scit per confessionem indignum, eligat ad officium. Ratio eorum est, quia eligere indignum, est intrinsecè malum: ergo, qui potest eligere dignum, tenetur, &c. Hæc sententia semper Suar. difficilis visa est, ei tamen non audet contradicere propter, vt inquit, tantorum Doctorum auctoritatem. Intelligenda tamen est, cum suffragia dantur occultè, nam cum dantur publicè, & talis peccator interior exteriori habetur dignus, gignetur scandalum in negatione suffragij, aut odij, aut reuelatæ confessionis.

23 *Int.* Quod est peccatum frangere sigillum, & quæ pœnæ sunt impositæ à iure illud frangenti? *Resp.* Dico vnum. Ex natura sua est sacrilegiū graue. Ex natura sua dixi, quia oportet, vt reueletur materia grauis, quale est peccatum mortale. Probatur conclusio ex *cap. Sacerdos. de pœn. d. 5.* vbi iubetur, vt talis confessarius deponatur, & cogatur ignominiosè peregrinari perpetuò. Quæ pœna depositionis confirmatur in *cap. Omnis utriusque sexus*: sed pro peregrinatione iubetur perpetuò detrudi in monasterium; cum igitur pœna proportionetur culpæ, siquidem pœna grauis est, grauis existimatur culpa. Reliqui verò frangentes hoc sigillum puniendi sunt arbitrio iudicis. Ad probationem verò sigilli à confessario fracti sufficiunt testes singulares, propter naturam delicti occultissimi, vt notat Suarius: iudicandum tamen semper in fauorem pœnitentis, & Sacramenti, vt notant D. Thom. Richard. & Sylu. qua de re latius Panorm. in *cap. Omnis utriusque. de pœn. & remis. lib. 6.*

De subiecto capace huius Sacramenti. §. 10.

- 1 *An sit absoluendus, qui habet obligationem restituendi.*
- 2 *An sit absoluendus, qui habet occasionem proximam peccandi.*
- 3 *Quo pacto se geret confessor cum eo, quem scit esse in occasione peccandi mortaliter.*
- 4 *An sit absoluendus pœnitens, qui habet diuersam opinionem à confessario.*
- 5 *Estne absoluendus pœnitens quem ex complicitis confessione confessarius videt reticere aliquod peccatum in confessione.*
- 6 *Teneturne confessarius absoluere pœnitentem, quem ex propria scientia videt mentiri grauiter in confessione.*
- 7 *An sit absoluendus pœnitens absens.*

I NTERROGATIO. Estne hoc Sacramentum conferendum ei, qui habet obligationem restituendi? *Resp.* Si moraliter fieri potest, ut illi ante absolutionē restituat, optimū consiliū est, ut prius restituat, nō est tamen ad hoc cogendus si proponat se restitutum, nisi aliquo morali experimento constet tale propositum esse infirmum: constat autem, si iam iterum, atque iterum idem proposuit aliis confessoribus, & non implevit. Atque in hoc euentu non est absoluen-
tit. 2. c. 8. & 3. p. tit. 14. c. 19. Caiet. restit. c. 6. Nau. in sum. c. 17. n. 54. & cap. 26. n. 2. & 5. Syl. confessor. 3. q. 12. Codub. in sum. qu. 4. & 5.

2 *Int.* Estne hoc Sacramentum poenitentiae conferendum ei, qui est in morali occasione proxima peccandi? *Resp.* Qui in tali morali occasione proxima peccandi est, & illam statim tollere potest absque scandalo, & infamia, non est absolue-
Doctores omnes. Circa cuius propositum idem dicendum dixi de obligatione restituendi.

3 *Int.* Quo pacto se gerere debet confessor cum poenitente, quem scit esse in statu dānabili, quem ignorat inuincibiliter? *Resp.* Dico *primum.* Si poenitens roget confessarium ut sibi dicat, an sit in statu peccati, quem ipse ignorat inuincibiliter, tenetur illi veritatem aperire, & aliter faciēdo, grauiter peccat, quia moraliter loquendo, non potest tacere; & falsum dicendo, decipit proximum in re graui, & agit contra obligationem sui muneris. Neque uti licet amphibologia, quia interrogatur, ut medicus ad medicinam adhibendam occulto vulnere, interrogatur, ut pastor ad prouidendum occulto malo suae ouis. Dico *secundum.* Confessarius qui scit malum statum poenitentis inuincibiliter ignorantis illum, quanquam à poenitente non interrogetur, si tamen habet spem firmam emendae, & potest absque scandalo, & graui suo damno poenitentem monere, & à malo statu vindicare sua admonitione, tenetur illum monere. Ita *Adr. q. 5. de conf. dub. 7. & quobl. 5. ar. 2. Med. de pæn. q. de confess. dimid. Sot. in 4. d. 18. q. 2. ar. 4. Cano de pæn. p. 5. Pet. Sot. de confess. lect. 10. Cord. lib. 1. qu. 11. Nau. cap. Si quis autem. de pæn. d. 7. n. 66. Cou. in 4. Decret. 2. p. c. 6. §. 10. n. 15.* Ratio est, quia status ille secundum se est malus, & quia fieri potest, est tollendus, ideo obligatur confessor ad illum tollendum.

lendum. Dixi, si habet spem firmam emendæ, quia si eam non habet, non tenetur. Ita D. Aug. *ho. 41. ex 50. & refertur. c. Si quis autem. de pœ.* Ratio est, quia talis monitio obesset, & non prodesset, nam peccaret pœnitens non materialiter solum, sed formaliter. Dixi, cum potest sine scandalo. Ita Innocent. I I I. refert *cap. Quia circa. de consang. & affin.* Ratio est, quia scandalum potius vitandum, quam status materialis peccati.

4 *Jnt.* Estne conferendum Sacramentum pœnitentiæ ei, qui contra iudicium confessarij existimat se esse dispositum, & capacem absolutionis? *Resp.* Dico *primum.* Cum inter pœnitentem, & confessarium est diuersitas opinionum, & confessor dubitat, an practicè, hic, & nunc absolutione dignus sit, nullatenus illum absoluturus est. Ratio est, quia omnis actio moralis, facta cum dubio practico, est mala. Aliter dicendum est de dubio speculatiuo. Exempli gratia, an hæc occasio sit proxima vel remota, & ex consequenti tolli debeat, an non. An hoc sit alienum, vel non, & ideo restituendum, vel non: tunc enim si facto examine, & adhibita diligentia debita, etiam consultatione virorum doctorum, adhuc remaneat dubium, absoluendus est pœnitens proponens se facturum quidquid facere debeat. Ita Syl. *confess. 3. q. 10.* & Nauar. *c. 26. n. 5.* quos refert & sequitur Suar. Dico *secundum.* Cum inter pœnitentem & confessarium est dissidium, an practicè absolui possit, vel non, & pœnitens non doctorum virorum, sed suum proprium sequitur iudicium; standum est pro confessario. Ita Syl. & Nauar. locis proximè citatis. Ratio est, quia confessarius iudicat sine affectu, qui solet tenebras offundere, pœnitens autem cum eo. Dico *tertium.* Cum pœnitens sequitur probabilem opinionem virorum doctorum, tenetur confessarius illum absoluere, quamuis oppositam opinionem probabiliorē reputet. Ita iam communiter omnes cum D. Ant. *1. p. tit. 4. c. 10. §. 10.* Sot. *in 4. dist. 18. q. 2. art. 5.* Ledes. *2. 4. q. 8. art. 5.* Nauar. *c. 27. n. 280. & 288.* & *in cap. Si quis autem. de pœn. dist. 7. n. 66.* Syl. *confess. 3. q. 7.* Cord. *q. 108. de contract.* Addit verò Suar. etiam absoluendus, cum improbabilem opinionem iuxta scientiam confessarij, accepit à doctis viris, & propter eorum auctoritatem iudicat probabilem, cum nequit illius improbabilitatem cognoscere. Ratio est, quia operari ex opinione probabili, vel in se, vel in auctoritate Doctorum, est opus practicè bonum.

5 *Jnt.*

5 *Int.* Estne absoluendus pœnitens, quem ex complicitis confessione confessarius videt reticere aliquod peccatum in confessione, & peccare mortaliter in diminuta confessione? *Resp.* Absoluendus quidem. Ratio est, quia non licet reuelare alterius confessionem, neque aliquod indicium de tali confessione sibi facta præbere: tenetur igitur præsentī scientia vti, & secundum eam iudicare.

6 *Int.* Teneturne confessarius absolvere pœnitentem, quem ex propria scientia videt mentiri grauitur in confessione, quanquam ipse pœnitens dicat se non mentiri? *Resp.* Affirmarunt multi, ex principio D. Thom. *quodl.* 1. *artic.* 10. in hoc foro credendum esse pœnitenti, tum pro se, tum contra se. Ratio eorum est, quia iudex tenetur ferre sententiam secundum allegata, & probata, contra priuatam scientiam. Dico *primum*. Debet confessarius vti omnibus mediis, vt credat pœnitentem non mentiri: potest enim boni consulere secundum intentionem rei exterius malæ: potest arbitrari, illud peccatum iam esse dictum alteri confessori: potest arbitrari, alios, qui illi dixerunt, fuisse mentitos. Dico *secundum*. Si nullus sit tergiversandi locus, quia confessor suis oculis scelus patratum vidit, non tenetur, nec debet credere pœnitenti neganti, & ideo non debet illum absolvere. Ita Doctor Suarius *de pœn. disp. de ministr. confess. sect.* 2. Dupliciter verò interpretatur proloquium D. Thomæ, nimirum. Tenetur confessarius credere pœnitenti pro se, & contra se respectu alterius cuiusque testimonij, hoc est, plus credendum pœnitenti se confitenti, vel neganti, quàm aliis de eo affirmantibus, aut negantibus. Deinde tenetur confessarius credere pœnitenti pro se, & contra se, nisi aliud euidenter sibi constet.

7 *Int.* Licetne confessario absolvere pœnitentem absentem, qui vel per epistolam illi peccata sua aperuit, vel per internuntium, vel illi antea in præsentia confessus est? *Resp.* Res fuit his temporibus valdè dubia, nunc illius decisio irrefragabiliter certa. Palud. *in 4. d. 17. quæst.* 2. *art.* 1. *n.* 7. *Medin. de pœn. tract.* 2. *q. de confess. modo.* Nauarr. *in sum. c.* 21. *num.* 36. Petr. Sor. *lect.* 11. *de confess.* dixerunt posse confessarium mittere absolutionem in epistolis scriptam. Ratio eorum erat, quia de ratione iudicij non est, vt sententiā proferatur voce, sed satis est proferri scripto. D. Anton. 3. *p. tit.* 17. *cap.* 12. & *cap.* 21. §. 3. Syluest. *confessio.* 1. *p.* 15. & *confessor.* 4. Adrian. *de confess. quæst.* 1. Palud.

Palud. in 4. d. 17. q. ult. Rich. art. 2. q. 5. Maior q. 1. Alenf. q. 18. vel 77. p. 4. Armil. Tabien. Ang. Marg. confess. ver. confess. Turrec. cap. Qui pœnitet. de pœn. d. 1. qu. 2. & 3. ibidem Nauar. n. 4. affirmant posse absolutionem voce proferri in absentia ; quam opinionem probabilem dixit Sotus de secr. reg. in 3. q. 4. dub. 4. post 5. conclus. Rutil. in specul. Episc. disp. 1. quæst. 5. Probant suam opinionem factò sancti Thomæ Cantuariensis carcere detenti, quem refert Scotus misisse Romam pro absolutione. Probant pietate, quia ita fas est credere Christum Dominum instituisse hoc Sacramentum ad subueniendum vrgentibus necessitatibus. Probant ratione, quia de essentia iudicij non est, vt sententia proferatur in præsentia rei accusati. Opposita sententia fuit D. Th. in 4. d. 17. q. 3. art. 4. q. 3. ad 3. vtilius, inquit, est in extrema necessitate confiteri laico præsenti, quàm Sacerdoti absenti. Fuit Scoti eadem d. Arctè D. Th. & Scot. adheferunt reliqui moderni, Caietan. conf. cond. 11. Viçt. de confess. n. 171. Sotus in 4. dist. 18. quæst. 2. art. 8. Ledes. 2. q. 9. art. 5. dub. 5. Cano de pœn. p. 5. RATIO eorum erat, quia in absentia non potest confessor habere notitiam certam conscientiæ, vt certam proferat sententiam. Rationes Suarij ita docentis efficacius rem confirmant. Nimirum, quia vsus Ecclesiæ in aliquo modo ministrandi Sacramentum, qui nunquam legitur actualiter exercitus, signum est non posse Sacramentum ita fieri: cum modus sacramentorum constet ex vsu, & traditione Ecclesiæ ; sed nunquam legitur sacerdotem absoluisse pœnitentem absentem : nam de S. Thoma Cantuariensi res est incertissima, imò oppositum certum ; ergo, &c. Deinde, quia verba formæ huius Sacramenti requirunt præsentiam, ex vi ipsius prolationis, ergo, &c. Controuersia nunc est decisa à S. D. N. Papa Clemente VII. proprio diplomate, definitaque pars negans: illud retuli in responsionibus de confessione oris, propterea nunc non recito.

De effectu Sacramenti Pœnitentiæ. §. 11.

1 Qui sunt effectus Sacramenti pœnitentiæ,

1 INTERROGATIO. Quis est effectus huius Sacramenti pœnitentiæ ? Resp. Triplex. Primus est remissio culpæ. Oppositum censuit Magist. in 4. d. 18. aitque idem esse dicere : Ego te absoluo à peccatis tuis, atque dicere. Ostendo te absolutum à peccatis tuis, quia, inquit, cum profertur illa forma,

forma, iam per verum dolorem semper sunt remissa peccata: ideóque ex illius sententia potestas clauium nunquam extenditur ad remissionem culpæ. Sequuntur ibid. Gabr. & D. Bonau. Item Alenf. 3. q. 82. Med. tract. 2. de effectu absolut. Hæc tamen opinio non solum falsa, sed fermè est damnata in Conc. Trid. sess. 14. c. 6. can. 9. & Florent. Mea verò conclusio est omnium reliquorum Theologorum. Secundus effectus est infusio gratiæ. Ita Conc. Tr. & Flor. & schola omnis Theologorum. Ratio est, quia effectus Sacramentorum omnium nouæ Legis, est infusio gratiæ. Deinde, quia effectus huius Sacramenti est remissio culpæ: culpa autem non remittitur sine infusione gratiæ. Tertius est remissio pœnæ temporalis, iuxta dispositionem pœnitentis. Nam in remissione culpæ, remittitur tota pœna æterna, & remanet obligatio ad certam pœnam temporalem, quam Deus nouit. Effectus igitur huius Sacramenti, est remittere totam, vel partem huius pœnæ, iuxta pœnitentis dispositionem. Ita communiter Theologi, definiturque in Conc. Trid. loco proximo.

DE INDVLGENTIIS.

C A P V T VII.

De thesauro Ecclesiæ. §. 1.

- 1 *Quid est thesaurus Ecclesiæ.*
- 2 *Vbi est thesaurus Ecclesiæ.*
- 3 *Ex quibus operibus constat thesaurus Ecclesiæ.*
- 4 *An possimus satisfacere pro peccatis alienis.*
- 5 *Quis habet clauem thesauri Ecclesiæ.*

1 **I**NTERROGATIO. Quoniam hæc indulgentiarum materia pendet à thesauro Ecclesiæ, operæ pretium erit te prius interrogare de thesauro. Dic igitur, quid est Ecclesiæ thesaurus? *Resp.* Est collectio ex operibus satisfactoriis, quæ sancti egerunt, non illis pro culpis propriis necessaria. Ita omnes Catholici Doctores, decerniturque *Extrau. vnigenitus. de pœn. & remis.* Probat Cordub. q. 4. de indulgent.

2 *Int.* Vbi est hic thesaurus? *Resp.* Est in sola diuina acceptione, quæ omnia hæc opera seruat ad remunerationem. Ita Doctores cum D. Thom. 3. p. q. 89. art. 5.

3 *Int.*

3 *Int.* Ex quibus præcipuè operibus colligitur hic thesaurus? *Resp.* Ex operibus multorum sanctorum, soli Deo cognitorum, quæ longè latèque excefferunt pœnam debitam pro suis culpis: nam ipsi aut nunquam, aut rarò peccauerunt mortaliter: opera verò satisfactoria possent satisfacere pro peccatis grauissimis mortalibus, si illa committerent. Talia fuerunt opera Iobi, de quibus ipse dixi. *Utinam appenderentur peccata mea, quibus iram merui, in statera, & calamitas, quam patior; quasi arena maris hæc grauior appareret.* Talia fuerunt opera D. Ioannis Baptistæ, qui ne leui saltem maculare vitam fame posset, antra deserti teneris sub annis fugiens petiuit, vt canit Ecclesia. Talia opera B. Virginis Mariæ Dei genetricis, quæ nec maculam originalis culpæ contraxit. Talia denique Christi opera natura ipsa impeccabilis, pro quibus solis infinitum hunc esse thesaurum decreuit fides sub Clemente VI. in *Extrav. vniuenitus*.

4 *Int.* Possunt igitur sancti & iusti viri per sua opera satisfactoria, satisfacere pro pœnis debitis culpæ alienæ? *Resp.* Possunt, & de condigno; quamuis enim non possunt alteri mereri gratiam de condigno (ea enim excellentia meritorum soli Christo Domino concessa fuit) possunt tamen de condigno satisfacere, & ideo si Paulus iustus ieiunet pro Petro iusto, satisfaciens pro Petro tantum, quantum pro se ipso satisfaceret. Ita communis Theologorum sententia in materia de gratia, quam refert Toletus *lib. 6. c. 21. sue summæ*.

5 *Int.* Apud quem est in terra clavis huius thesauri? *Resp.* Apud Ecclesiam, illiusque caput summum Pontificem. Ita definitur in Concil. Trident. *sess. 25.* Lateran. Viennensi, & Basiliensi. *Extravag. Vniuenitus. de pœn. & remis.* Et ideo apud eundem est potestas istum thesaurum claudendi & aperiendi, cum voluerit.

Quid est indulgentia. §. 1.

Definitur indulgentia.

Omissis multis huius nominis significationibus, quæ ad rem minimè veniunt, indulgentia in nostra acceptione, est relaxatio pœnæ debitæ pro peccato satisfaciens diuino rigori ex operibus sanctorum, & Christi reseruatis in Ecclesia

fix

fix thesauro per liberalem Papæ, huius ærarij diuini dispensatoris, condonationem extra vllum Sacramentum. Hæc definitio non inuenitur sub his terminis in aliquo Doctorem, sed apertissimè colligitur ex eorum doctrina, quam tradunt Henriquez de indulg. cap. 1. num. 2. & Tolet. lib. 6. cap. 21. Ad eam tamen suppono tria. Primum, in quouis peccato, præter reatum culpæ, contrahi etiam obligationem ad pœnam debitam culpæ, quæ pœna, aut soluenda est in hac vita per satisfactionem, aut in alia per satisfationem (sic vocant Theologi) vel in hac, aut in alia vita per liberam relaxationem factam à summo Pontifice, qui ex thesauro Ecclesiæ tantum satisfactionis soluit, quantum nos soluere ex nostris tenebamur. Secundum. Non semper in hac vita, cum remittitur culpa (quæ tota simul remittitur) vel per pœnitentiæ Sacramentum, vel per veram contritionem, remittitur etiam tota pœna, sed tantum pœnæ, quantum respondet in diuina æstimatione operi nostro satisfactorio. Et ea pars pœnæ, quæ remanet, vel soluenda est in hac vita per alia opera satisfactoria, vel in alia per ignem purgatorij. Tertium. Quoduis opus bonum hominis existentis in gratia, & est meritorium gratiæ, & est satisfactorium pœnæ. Hæc tria notissima sunt Theologis in materiâ de gratia: legi possunt apud Toletum li. 6. c. 21. Hinc colliges manifestè, quid per indulgentiam remittatur.

Quid remittitur per indulgentiam. §. 3.

1 An per indulgentiam remittatur culpa.

2 Quomodo intelligenda verba Iubilæi; Remittitur tota culpa & tota pœna.

1 **I**NTERROGATIO. Remittiturne per indulgentiam culpa aut pœna? Resp. Non culpa, nec pœnæ æternæ debitum pro culpa (hoc enim simul cum culpa remittitur) sed pœna temporalis, iuxta diuinam æstimationem, seu potius determinationem debita, temporaliter (hoc est, terminatiuè, quamuis ex se æternum durare debuisset) respondens culpæ. Ita omnes Doctores, quos sequitur Cord. lib. 5. quest. 7. & 14.

2 Int. Quomodo igitur intelligenda sunt verba Iubilæi, cum dicitur per illum remitti totam culpam, & totam pœnam? Resp. Henr. de indulg. c. 9. n. 4. affirmat intelligenda verba de culpa veniali, non mortali. Certum enim est culpam mortalem solum remitti, vel per veram contritionem, vel per veram

veram attritionem simul cum Sacramento poenitentiae, aut in martyrio, iuxta illius foelicissimae mortis privilegium. Oppositum tamen asserendum cum Suario *tom. de sacr. poen. cum agie de remissione peccati venialis*, ubi latissime ostendit non remitti talem culpam extra sacramenta, absque proprio actu peccatoris. D. Thom. 1. 2. q. 89. art. 1. ib. Medin. Intelligenda igitur sunt verba Iubilaei in suppositione, quoad culpam, supponitur enim in subiecto capaci indulgentiarum ablata tota culpa mortalis, & ex consequenti sanctificatio personae, aliter nihil illi proderunt. Intelliguntur verò in applicatione quoad poenam, quia per talem indulgentiam tollitur omnino omnis poena debita omnibus culpis, tam venialibus, quam mortalibus. Ita explicat D. Anton. 1. p. tit. 10. c. 3. & Tolet. lib. 6. c. 22. n. 2. Hinc colliges intellectum illorum verborum Bullae & Iubilaei; cum dicunt, concedimus remissionem omnium peccatorum, idem est, atque remissionem poenae debitae pro omnibus peccatis. Nam etiam in diuinis literis nomine peccati intelligitur poena temporalis debita pro culpis. Constat ex 2. Mach. 12. sanctum, & salubre est orare pro defunctis, ut à peccatis solvantur. Ita Gab. in 4. d. 45. q. 3. art. 3. not. 1. & Iman. in Bulla fund. 1.

De personis, quae lucrantur Indulgentias. §. 4.

- 1 Quis est capax indulgentiarum.
- 2 An valeat indulgentia excommunicato.
- 3 An pro incolis habendi sint, qui tempore indulgentiae in regione, cuius incolis conceduntur indulgentiae, versantur.
- 4 An indulgentia Bullae profit extra regionem pro qua est concessa, cum in eadem regione sumpta fuit.
- 5 An sint capaces indulgentiarum animae in purgatorio detentae.
- 6 An peccator lucretur indulgentias pro animabus purgatorij.
- 7 An peccator lucretur indulgentias pro iusto.

INTERROGATIO. Quis est capax indulgentiarum?
Resp. Homo iustus, fidelis, viator, subditus conferenti indulgentiam. Dixi, iustus, quia ad indulgentiam lucranda requiritur sanctificatio personae, ut iam dixi superiori §. Dixi, fidelis, quia ante Baptismum bene potest quis habere contritionem veram, & esse iustus, & tamen non censetur fidelis ad nostrum effectum. Dixi, viator, quia licet indulgentiarum consecutio profit animabus purgatorij, quae iam sunt extra

M m viam;

viam; attamen applicantur illis, & conceduntur indulgentiæ per opera viatoris. Dixi, subditus, quia concessio indulgentiarum est actus iurisdictionis, iurisdicção verò exerceri tantummodò potest erga subditos.

2 *Int.* Valetne indulgentia excommunicato? *Resp.* Minimè. Ita Nau. c. 27. n. 22. §. 13. Caiet. excom. & ib. Syl. 3. §. 1. vers. 16. Sot. in 4. d. 22. q. 1. art. 4. Hinc excipitur indulgentia per bullâ cruciatam concessa, quæ quidem excommunicato prodest, vt notat Ang. excom. ult. §. 14. & rescriptum. §. ib. Sylu. §. 2. Nam concedit ipsa Bulla absolutionem excommunicationis.

3 *Int.* Conceduntur aliquot indulgentiæ incolis alicuius regionis, quales sunt bullæ cruciatæ incolis Hispaniarum, rogo an incolæ censeantur exteri dum in Hispaniis commorantur? *Resp.* Maximè. Ita Henriquez proximè citatus.

4 *Int.* Actis rebus ipsis si exteri in patriam redeunt, secumque bullam portant, rogo, profuntne illis abeuntibus, & in Gallia, v.g. degentibus per tempus, quo indulgentiæ in Hispaniis durât, ac si adhuc in Hispaniis versarentur? *Resp.* Profunt. Nam postquam semel sumpta est in Hispaniis, prodest Bulla vbique gentium. Ita Henriquez proximè.

5 *Int.* Viget bulla cruciata, sum Bracharæ, v.g. hîc traduntur bullæ, habeo amicûm in transmontana regione, mitto illi bullam, sed ille habet sibi aliam comparatam, poteritne eam alteri dare, licet iam eleemosyna data sit? *Resp.* Poterit. Ita recentiores, quos lege apud Henriquez c. 20. nu. 5.

6 *Int.* Suntne animæ Purgatorij capaces indulgentiarum per modum suffragij applicandarum? *Resp.* Sunt. Ita decernitur c. Cum ex eo, de pœnit. & remis. & probat Gabriel. lect. 57. Addition. D. Thom. q. 71. art. 10. ad 1. Addition. Caiet. Opusc. 27. q. 5. & 6. Sot. in 4. d. 45. q. 1. art. 3. concl. 3. Nau. notab. 22. ad 22. Idque ostendit vsus Ecclesiæ, vt videre est in monumetis Minorum. fol. 65. & 94. & compendio mendicantium, verbo, Indulgentia.

7 *Int.* Est quis in peccato mortali, lucraturne indulgentias pro defunctis applicatas per modum suffragij? *Resp.* Lucratur. Ita D. Thom. q. 27. art. 4. Addit. Palud. in 4. d. 45. q. 1. Gabr. lect. 57. in can. Sot. in 4. d. 21. Nau. de indulg. notab. 17. n. 4. & notab. 22. 30. 31. 46. 50. Bellarm. lib. 2. de purgator. c. 17. Tolet. lib. 6. c. 26. num. 5. Ratio est, quia ratio satisfactionis, seu pretium pœnarum, non est opus illius, qui est in peccato, & in peccato

cato applicat, sed indulgentia ipsa, & thesaurus meritorum Christi, & Sanctorum. Opus autem illud particulare, per quod indulgentiæ applicantur, sit ab operante, non suo, sed Ecclesiæ nomine, & ut ab illius seruo, seu ministro, in qua Ecclesia semper est gratia: sicuti qui per seruum stantem in peccato facit eleemosynam pauperi, ita Ecclesia per malum ministrum tribuit mortuis eleemosynam indulgentiarum, ex opere, ut ita dicam, operato.

8 *Int.* Estne idem dicendum de iusto in applicatione indulgentiarum per eum, qui est similiter in peccato? *Resp.* Idem iuxta eosdem Doctores, & ex paritate rationis, res est in propatulo.

De iis qui possunt concedere indulgentias. §. 5.

1 *Quis possit indulgentias concedere.*

2 *An possint concedi indulgentiæ pro quauis mundi regione.*

1 **I** N T E R R O G A T I O. Quis potest concedere indulgentias? *Resp.* Summus Pontifex ex plenitudine potestatis. Ex iurè verò communi Archiepiscopi, Episcopi, & Legati indulgentiam quadraginta dierum: in dedicatione tamen Ecclesiæ indulgentiam vnius anni. *c. Cum ex eo. c. Nostro, de pæn. & remis.* Ex priuilegio verò particulari, videndæ sunt gratiæ, & priuilegia. Dixi, ex priuilegio, quia ex iure cōmuni nullus alius præter Summum Pontificem, & Episcopos potest concedere indulgentias. Constat in *c. Accidentibus, de excess. Prælat.* probat Calder. *c. Nostro, de pæn. Sum. confess. lib. 3. tit. 34. q. 184.* Sotus in *4. d. 31. q. 1. art. 4. Nau. c. Quam pœnit. de pæn. d. 1. Summistæ verb. induig. Angel. n. 5. Sylu. n. 11. Armil. nu. 3.*

2 *Int.* Possuntne huiusmodi indulgentias concedere pro quauis mundi regione? *Resp.* Minimè. Legati quidem pro solo suæ legationis districtu: Episcopi pro sola suâ diœcesi: Archiepiscopi pro sola suâ tota prouincia. *c. Cum ex eo. c. Nostro, de pæn. & remis.*

De causa concedendi indulgentias. §. 6.

1 *An requiratur causa ad concedendas indulgentias.*

2 *Ex qua parte requiratur huiusmodi causa.*

3 *Quæ causa requiratur ad concedendas indulgentias.*

1 **I** N T E R R O G A T I O. Requiritur ne causa ad concedendas Indulgentias, & absolutionem à pœnis? *Resp.* Requiritur.

ritur. Ita D. Thom. q. 25. art. 2. ad 1. Add. Cord. lib. 5. q. 22. Palat. de iust. retent. regni. Nauar. p. 4. princip. §. 4. Pet. Sot. de indulg. lect. 1. Nauar. de indulg. notab. 15. n. 1. 3. & 13. & notab. 31. n. 31. Adrian. de indulg. concl. 2. Maior in 4. d. 20. q. 2. Felin. de indulg. Gab. lect. 57. in can. Caiet. de indulg. c. 7. & opusc. 27. q. 4. Sylu. indulg. §. 3.

2 Int. Ex qua parte requiritur causa dispensandi? Resp. Tam ex parte concedentis, quam ex parte petentis indulgentiam. Ita Doctores citati. Et ideo peccat qui pro parua causa indulgentias largiffimas concedit. Ratio est, quia concedens indulgentias non est dominus, sed dispensator discretus. Si tamen concedantur tales indulgentiæ, validæ sunt. Ita D. Bonau. in 4. d. 20. q. 4. art. 3. Durand. & Palud. ibid. Sylu. indulg. q. 3. Gloss. Extrauag. Antiquorum, & alij.

3 Int. Quæ erit causa sufficiens ad concedendas indulgentias? Resp. Dei gloria, vtilitas Ecclesiæ, & bonum commune, vt conceduntur pro expeditione contra infideles. Concedi etiam possunt ex motiuo solius misericordiæ pro animabus purgatorij. Ita notauit Henriquez de indulg. c. 14. nu. 1. Quoniam verò respectu vnius personæ particularis redundant in bonum commune: respectu illius concedi possunt. Et ideo concedi possunt principi optimè merito de Ecclesia, qui multum laborauit pro ea, vt tali exemplo impellantur alij ad laborandum, pugnandumque pro ea. Item si magnus peccator postquam se recepit in bonam frugem, egit acerbis poenitentias, posse à Papa, vt pio patre, iuuari ex Thesauro ad satisfaciendum poenis debitis pro præteritis culpis.

De antiquitate indulgentiarum. §. 7.

I Quo tempore cæpit vsus indulgentiarum.

I INTERROGATIO. Ex quo tempore cæpit vsus in Ecclesia conferendi indulgentias? Resp. Ex antiquissimis iam inde Apostolorum temporibus. Longum esset antiquissimos Patres recensere, qui de indulgentiis meminerunt. Legatur Henriquez de indulg. c. 3. num. 2. qui multos adducit. Certumque est B. Gregorium concessisse indulgentias visitantibus Romæ stationes. Bonifacius VII. refert indulgentiam Iubilæi esse rem antiquissimam, & à prædecessoribus suis fieri solitam. Extrauag. Antiquorum. Postea Bonifacius IX. restrinxit

strinxit nimietatem, ut docet Platina, & alij in vita illius, & Nauar. notab. 4. num. 4.

De modo consequendi indulgentias. §. 8.

- 1 *An lucretur indulgentias, qui implet opera iniuncta existens in mortali peccato.*
- 2 *An indulgentia plenaria concessa semel in vita, possit à me pro tempore determinari.*
- 3 *Qui ex ignorantia, vel impotentia non implevit opera iniuncta, minimè lucratur indulgentias.*
- 4 *An bis lucrari possit Iubilæus in duabus hebdomadis concessus.*
- 5 *An sit necesse ad lucrandas indulgentias facere omnia opera iniuncta in eadem hebdomada.*
- 6 *An transacto tempore Iubilæi possit quis absolui à peccato reservato oblito, & dispensari in voto oblito.*
- 7 *An teneat absolutio data virtute Iubilæi cum pro impedimento subsequuto, non facta sunt alia reliqua opera iniuncta, & ex consequenti, non est talis pœnitens indulgentiam consecutus.*
- 8 *An pro lucranda indulgentia teneatur quis præmittere confessionem iniunctam, cum non habeat conscientiam peccati mortalis.*
- 9 *Quis confessarius eligendus est ex vi Bullæ, aut Iubilæi.*
- 10 *An pro eodem opere lucrari possim plures indulgentias.*
- 11 *A quo tempore valeat gratia & indulgentia.*

INTERROGATIO. Est quis in peccato mortali, & in eo adimplet omnia opera iniuncta per Bullam ad lucrandam indulgentiam, consequiturne eam? *Resp.* Consequitur, non statim, sed amoto obice, tunc enim reuiuiscit indulgentiarum effectus, quatenus pendet ex meritis Christi, & sanctorum applicatis, ex opere operato: sicuti reuiuiscit opus satisfactorium, positum à confessario; & factum in peccato mortali, quatenus est pars Sacramenti pœnitentiæ. Ita Palud. in 4. d. 20. q. 4. Sylu. indulg. §. 7. vers. 3. n. 32. Oppositum tenuit Nau. notab. 17. n. 2. & 3. de indulg. sed non obstat. Neque item obstant verba extrauag. *Vnigenitus*, quatenus concedit solis veris pœnitentibus, sic enim explicantur. Non proderit indulgentia nisi cum fuerint verè pœnitentes, Supradicta doctrina intelligenda est absolutè, nimirum ex vi præcisa confessionis indulgentiarum. Nam si Papa eas concedit sub conditione, ut quis eas lucraturus sit in gratia, nō eas cōsequetur

absque ea. Ideo aliter loquendum de Iubilæo, in quo, iuxta graves auctores, conceditur indulgentia sub ea cōditione, & ideo negant consequi illam, nisi in gratia. Sed inquirunt, an oporteat, ut omne opus præscriptum a Papa fiat in gratia ad effectum indulgentiarum consequendum? Respondent, minimè, sed satis est si vltimum opus præscriptum perficiatur in gratia. Ita Adrian. *de indulg.* Caiet. *de indulg. tract.* 10. q. 2. & *tract.* 15. c. 90. & 100. Pet. Sot. *de indulg. lect.* 6. Armil. *indulg.* §. 14. Sot. *in 4. d. 21. q. 2. art. 3.* tenuit Cano *in manuscript.* Ratio est, quia priora opera iniunguntur tanquam præuiæ dispositiones: vltimum verò tanquam vltima dispositio ad gratiam. Vltima verò dispositio in introductione formæ naturalis, simul est tempore cum forma introducta, iuxta Philosophum, quamuis sit prior prioritatem naturæ. Ita etiam obtinuit communis vsus fidelium, qui non nisi post facta opera iniuncta in Sabbato, vltimo hebdomadæ die, vesperi etiam sæpius cōfitentur, & reponuntur in gratia. Imò alij Doctores liberius procedunt, aiuntque satis esse Christianum esse in gratia in vltima termini Iubilaici periodo, licet omnia opera iniuncta exercuerit in peccato, confessionem etiam, & communionem. Ita Henriquez *de indulg. lib.* 7. *cap.* 9. *num.* 5. existimat enim vltimam conditionem esse gratiam intra illius termini spatium.

2 *Int.* Concedit bulla indulgentiam plenariam semel in vita, possumne eligere mihi et ipsi tempus, in quo cōsequar huiusmodi indulgentiam? *Resp.* Minimè, sed concedenda est per confessarium, cum poenitens dispositus fuerit. Ita Nauar. *de indulgent. notab.* 19. *num.* 16. & 19. est communis opinio recentiorum.

3 *Int.* Ex ignorantia, vel impotentia non feci opera per bullam iniuncta absque alia commutatione, consequor ne indulgentiam? *Resp.* Minimè. Ita omnes communiter Doctores, quos sequitur Henriquez *de indulgent. cap.* 10. *num.* 10. Hinc excipiuntur aliqui euentus. Duo præcipuè. *Primus* est, cum imponitur eleemosyna danda: & lucrans, & pauper, talis non indiget commutatione eleemosynæ in aliud pium opus. Ita Nau. *id. orat. Misc.* 60. *num.* 226. Quod clarius explicuit Greg. XIV. *in iubileo* an. 91. Henric. *de indulg. c.* 10. in Gloss. *lit.* v. *Secundus* est, cū quis fecit, quod in se fuit, ut confiteretur, & aut ex malitia confessarii non obtinuit absolutionem, aut ex alia causa

causa iusta, adhuc lucratur indulgentiam. Ita Nau. *de indulg. not.* 18. n. 14. & Ang. *indulg.* §. 17. Adde *tertium* euētum. Apponit bulla, vt lucraturus indulgentiā, visitet Ecclesiam: accessi, sed præ multitudine populi ingredi nequiuī, cōsequor indulgentiam. Ita Palud. *in* 4. d. 20. q. 4. Cordub. q. 31. Rosel. *verb. indulg.* §. 22. Eman. *verb. indulg.* §. 8. num. 12. Adde *quartum*. Præscribit bulla, vt lucraturus communicet, puer propter ætatem non admittitur ad communionem, lucrabitur tamen indulgentiam. Ita Henriquez *de indulg. c.* 10. n. 7.

4 *Int.* Præscribit bulla, vt Iubilæus recipiatur in altera ex duabus hebdomadis, lucratus sum illum in prima, possumne illum iterum lucrari in secunda, factis denuo omnibus, vt in prima feci, & absolui à reseruatis postea commissis, dispensarique, & commutari in votis postea factis? *Resp.* Duæ sunt in hac re discrepantes sententiæ. Prima absolutè negat. Ita D. Thom. *quæst.* 25. *art.* 2. ad 4. add. Palud. *sup.* q. 4. Durand. q. 4. Cordub. *lib.* 5. q. 23. Nauar. *de indulgent. not.* 31. n. 36. Oppositum tamen omnino asserendum cum ipso Nauarro retractante additionem *notab.* 34. n. 4. §. 4. latiusque *not.* 32. & 45. Angel. & Rosel. *verb. indulg.*

5 *Int.* Suntne omnia opera præscripta in bulla facienda in vna, eadēque hebdomada, an satis est ieiunare in vna, & in altera cōfiteri? *Resp.* Necessè est, vt omnia fiant in vna, eadēque hebdomada. Ita Henriq. *de indulg. c.* 11. n. 2. Ratio eius est, quia ita sonant verba Iubilæi.

6 *Int.* Ex vi priuilegiōrū Iubilæi poterat Ioannes absolui à reseruatis & ab excommunicatione, dispensari, commutarique in votis per confessarium à se ipso virtute bullæ electū dum tempus Iubilæi stabat, oblitus est certi peccati reseruati, certæ excommunicationis, certi voti emissi, poteritne post illud tempus vti priuilegio Iubilæi? *Resp.* Poterit, & à quouis alio confessario habente iurisdictionem absoluendi à mortalibus, absolui à reseruatis tam peccatis, quàm excommunicationibus, dispensarique, & commutari in votis. Ita Henriquez *de Indulg. cap.* 11. num. 4. colligiturque apertissimè ex cōmuniori doctrina in materia de poenitentia, in qua qui oblitus inculpabiliter peccati certi reseruati, omnia alia reseruata detegens superiori, qui potest absolvere ab omnibus, poterit postea à quouis inferiore habente iurisdictionem in non reseruata, ab illo peccato oblito absolui. Ita Gabr.

in 4.d.17.q.1. Adrian. de confess. q. 4. Sylu. confess. 1. q. 4. Angel. confess. 1. n. 22. Rosel. confess. 2. n. 9. Cano relect. de pœn. p. 5. Ledesm. 2. 4. q. 8. art. 2. dub. 7. Couar. c. Alma. p. 1. §. 10. n. 12. Navar. c. Consideret. §. cautus. n. 30. de pœn. d. 15. & in sum. c. 26. n. 13. Ratio est, quia superior intendit quantum in ipso est, tollere omnia peccata, quæ non remanent malitia pœnitentis, liberumque relinquere pœnitentem, & ideo aufert ex tacita intentione, quidquid potest, potest autem tollere reservationem: ergo illam aufert.

7 Int. Præparat quis se bona fide ad lucrândam indulgentiam Iubilæi, interim confitetur, & absoluitur à reservationis, & obtinet commutationem votorum: sed ad finem hebdomadæ incidit in occasionem frangendi ieiunium sabbathi, v. g. vel quid simile omittendi de cōditione essentiali Iubilæi, manetne absolutus. & à votis, & peccatis, quamvis indulgentiâ non consequatur? Resp. Manet. Ita communiter Doctores. Ratio est, quia absolutio sacramentalis non datur ad reincidentiam. Neque item dispensatio, seu commutatio in votis.

8 Int. Præscribit bulla, vt qui lucraturus est indulgentiâ, confiteatur, quæro, an teneatur confiteri, qui non habet conscientiam peccati mortalis? Resp. Negat Navar. Add. notab. 18. n. 18. & notab. 30. n. 6. cum aliis, qui aiunt iubilæum esse intelligendum sicut præceptum annuæ confessionis. Oppositum tamen omnino asserendum cum Sot. in 4. d. 21. quæst. 2. Durand. d. 20. quæst. 4. Caiet. tom. 1. Opusc. tract. 15. cap. 10. Ledesma q. 29. art. 1. Cordub. quæst. 27. art. 1. Adrian. de indul. quod quidem fatetur ipse Navar. esse tutius Add. not. 18. Ratio est, quia indulgentiæ intelligendæ sunt, vt sonant: Papa verò iuxta verba posita videtur obligare ad confessionem supererogationis: ita etiam præscribit ieiunium senibus, & minoribus viginti & vno anno, aliisque personis, quæ ex vi præcepti ad ieiunandum minimè tenentur.

9 Int. Præscribit bulla vt confessor eligendus, sit ex approbato ab Ordinario, quæro, an requiratur ista approbatio per Ordinarium loci, vbi eligo, an satis sit approbatio Ordinarij ipsius confessarij, v. g. est Sacerdos approbatus ab Ordinario Bracharensi. sed tempore Iubilæi versatur Olysi pone, & non est approbatus ab Ordinario Olysi ponensi, potestne eligi per Iubilæum in confessarium? Resp. Potest. Ita Henriquez lib. 2. de pœn. cap. 13. & lib. de indulg. c. 12. num. 4. vbi pro se adducit omnes

omnes fermè Theologos, longissimam eorum texens cate-
nam, quos non refero, ne radio sim legenti.

10. *Int.* Habeo multos calculos benedictos, quibus à variis Pontificibus conceduntur variæ indulgentiæ pro recitatione rosarij, vel fruor variis bullis, quæ mihi ob eandem recitationem concedunt varias indulgentias, lucrone eas omnes recitando semel idem rosarium? *Resp.* Lucror. Ita Astensis tit. 40. art. 3. colum. 2. cum Hostiensi, Cordub. quæst. 32. & 35. Henriq. de indulg. c. 15. Ratio est, quia eadem horarum recitatione satisfacio præcepto, & voto recitandi, & presbyter sum, & religiosus professus, ut omnes concedunt.

11. *Int.* A quo tempore valet grãtia, & indulgentia? *Resp.* A tempore, quo bullata est. Ita Ioann. Andr. lib. 6. de privilegijs. cap. 1. num. 5. Anchor. not. 8. num. 4. Archid. num. 4. Hostiensis verb. indultum Domin. §. in eos. num. 2. Petrus notab. 1. num. 1. Habetur cap. 1. §. ex parte. de concess. præb. in 6. cum multis alijs, quos refert Henriquez cap. 21. num. 4. de indulg. Per eosdem Auctores valet à tempore signatæ supplicationis, literis etiam non expeditis.

De significatione verborum, quæ opponi solent in bullis, & in Iubilæis. §. 9.

1. Quid significant verba per modum suffragij.
2. Quid significant mille anni indulgentiæ.
3. Quid significet plenaria indulgentia.
4. Quod est discrimen inter plenam, & plenissimam indulgentiam, & Iubilæum.

INTERROGATIO. Quid significant verba per modum suffragij? *Resp.* Idem est, atque per modum impetrationis; cum enim animæ in purgatorio detentæ alterius, ut ita dicam, fori sint, nec Ecclesiæ iurisdictioni omnino pareant, cum Ecclesia illis applicat ex ærario meritum Christi, & sanctorum satisfactiones, obnoxie à Deo petit, ut eas pro animabus illis accipiat. Quæ applicatio certa est, & determinata ex opere operato secundum æstimationem diuinam. Ita Alenf. 4. p. cap. 83. membr. 5. Bonau. in 4. d. 20. quæst. 5. & Theologi communiter.

2. *Int.* Quid significant mille anni indulgentiæ? *Resp.* Non quidem significant moram tanti temporis futuram in purga-

torio : sed vnus annus dicitur ille gradus satisfactionis , qui proportionē seruata respōdet pœnitentię iniūctę, vel iniungēdę, iuxta Canones pœnitentiales. In quibus quidem ab Apostolis , & Pontificibus pro vnoquoque peccato mortali publico taxabantur septem anni , pro grauiore vndecim anni. v. g. vt per designarum annum talis peccator semel in hebdomada ieiunaret , flagellaretur , eleemosynam erogaret, psalmos recitaret, aut aliud pœnitentię genus exerceret. Hęc autem ab Apostolis , & Pontificibus taxatio facta fuit per scientię infusionem, & prophetię donum, respondens in hac vita pœnę quę ferenda est in purgatorio, nisi hęc satisfiat. Vt notat D. Anton. 1. p. tit. 10. cap. 3. §. 3. Sylu. indu'g. §. 4. Tabien. §. 13. Angel. ibid. §. 3. Rosel. ibid. §. 18. Armil. eodem verb. §. 13. Palud. in 4. d. 20. quæst. 4. Sot. in 4. d. 21. qu. 1. art. 3. Ledesma 2. 4. q. 27. art. 2. dub. 5. Nauarr de indulgent. not. 8. & 18. & notab. 10. n. 20. & not. 31. n. 39. Cald. de indulg. Eman. in bul. §. 7. num. 7. Quos affert & sequitur Henriquez de indulg. c. 16. n. 4. Sciendum tamen est quosdam pro leuiori pœna diutius morari in purgatorio , quia leuius torquentur, sed durius, quemadmodum prope diem iudicii (postquam non erit purgatorius ignis) qui longioris temporis pœnas debebunt, breuius purgabuntur, sed acerbius. Ita D. Thom. in 4. dist. 21. quæst. 13. ad 1. & in Add. quæst. 89. art. 6. vbi recentiores cum Sot. in 4. d. 47. qu. 1. Pœnitentię verò assignantur in Concil. Eliberitano c. 5. Vbi pro homicidio casuali infligebantur quinque anni , pro voluntario septem. At verò pro adulterio decem. cap. 64. eiusdem Concil. in Synodo Romana fornicario sacerdoti infligebatur pœna duodecim annorum. can. Presb. 82. dist. & can. Si quis Sacerd. 30. q. 1. Ita Tolet. lib. 6. c. 26. n. 7. Cùm ergo per indulgentiam remittuntur mille anni, intelligitur pœna pro qua homo deberet satisfacere per mille annos pœnitentię, secundum canones taxatę in hac vita. Nec mirari debemus tantam summam annorum: nam multi mille peccata commiserunt, & secundum canones septem millia annorum in pœnitentię transigere debuerunt. Si verò secundum diuinę iustitię rigorem pœna esset perpendenda, adhuc multò plures anni fuissent annumerandi.

3 Int. Quid significat plenaria indulgentia? quid quadragenaria? quid media, aut tertia pars peccatorum? Resp. Plena indulgentia significat omnimodam remissionem pœnę debitę pro

pro omnibus peccatis, tam mortalibus, quàm venialibus. Quadragena significat spatium quadraginta dierum, in quibus carnibus abstinemus, in quibus olim arctior infligebatur poenitentia, vt v. g. poenitentes solo vescerentur pane, & aqua. Media, aut tertia pars, significat remissionem poenae debitæ pro dimidia, aut tertia parte peccatorum.

4 *Int.* Quod est discrimen inter plenam, & plenissimam indulgentiam, & Iubilæum? *Resp.* Nullum quidem quoad remissionem poenae; tota enim simul remittitur, tam per plenam, quàm per plenissimam, quàm per Iubilæum. Aliquod tamen est in facultatibus, & privilegiis concessis, sed de iis videndus contextus vtriusque in singulari. Ita Tolet. *lib. 6. cap. 26. num. 1.*

Appendix cap. octau. §. 10.

- 1 *Quid dicendum sit de commutatione operum iniunctorum.*
- 2 *An ieiunia quatuor temporum sint satis ad satisfaciendum Iubileo.*
- 3 *De visitatione Ecclesiarum seu altarium.*
- 4 *An valeat commutatio ab electo confessario, qui pro temporis necessitate non audiuit totam confessionem, & ideo non absoluit, sed absoluit alius.*

1 **I**NTERROGATIO. Multus eram in rogationibus de modo consequendæ indulgentiæ, quas proposui octauo cap. huius materiæ, timuique me molestū tibi fore, ideo sciēs & prudens vnam, vel alteram omisi, & reieci in hoc tempus rogationem. Quæro igitur, cūm bulla statuit, vt lucraturus indulgentiam ieiunet ter in hebdomada. v. g. quarta feria, sexta, & Sabbato, si verò nequeat ieiunare, sed faciat ex consilio confessarij aliud pium opus, oportetne, vt faciat illud opus eodem die, quo erat ieiunaturus, vel quid aliud factururus? *Resp.* Minimè, sed est satis, si impleat illud opus intra spatium Iubilæi. Ita Henriq. *de indulg. c. 10. num. 6.*

2 *Int.* Præscribit bulla vt ieiunetur feria quarta, sexta, & Sabbato, incidunt in his diebus quatuor tempora; vel est tempus quadragesimæ, vel teneor ex voto eisdem diebus ieiunare, consequor ne indulgentias? *Resp.* Consequeris. Ita Henriq. *de indulg. c. 10. n. 5.* Ratio est, quia vno eodemque opere potest quisquam satisfacere pluribus obligationibus.

3 *Int.*

3 *Jnt.* Proscribit, vt quinquies visitetur Ecclesia, aut quinque altaria eius visitentur: quo pacto faciendum hoc est? *Resp.* Si eadem Ecclesia quinquies visitanda sit, necesse est, vt intermisso spatio quis ingreditur, & egrediatur. Si verò quinque altaria Ecclesia habeat, & ea visitanda sint, satis est, si ex eodem loco quis vertatur ad singula altaria. Ita Nauar. *de orat. miscel.* 37. num. 36. Eman. verb. *indulg.* §. 8. num. 8. & alij. Si verò Ecclesia tria tantum altaria habeat, simul potest vnum bis, & ter, & interpolato spatio visitari, aut satis est conuerti aduersus id fundendo preces. Ita apertè colligitur ex tradita doctrina, vt legenti faciliè apparebit.

4 *Int.* Elegi confessorem, vt mihi commutaret aliqua, quæ facienda proponit Iubilæus, postea ipso absente, aut impedito, confessus sum alteri, vel alteris successiuè, valétne commutatio? *Resp.* Valet. Ita Henric. *de indulg.* c. 10. num. 7.

De aliquibus facultatibus, quæ in bullis conceduntur. §. 11.

- 1 *De absolutione à casibus reservatis.*
- 2 *De absolutione à censuris.*
- 3 *De absolutione ab irregularitate.*
- 4 *An sub nomine pœnæ intelligatur irregularitas, cum per bullam, vel Iubilæum, vel priuilegia conceditur facultas absoluedi ab omni pœna Ecclesiastica.*

1 **I** N T E R R O G A T I O. Concedit Papa in bulla, vt Confessarius electus possit absolvere ab omni casu reservato, intelligunturne omnes casus? *Resp.* Nunquam intelligitur casus hæresis prodeuntis in actum externum, licet sit occulta per accidens, vt loquuntur Theologi. Ita Paul. I V. & Pius V. cum amplissima derogatione concesserunt Cenforibus fidei pro Hispaniis. Atque cum Sixt. V. generale concederet Iubilæum anno 90. etiam in casu hæresis, placuit ei, postulante Cenforum fidei senatu Hispaniarum, illum pro Hispaniis quoad eum casum reuocare. Aliquando tamen eundem hæresis casum alicui Pontifices expresserunt pro Germania, Anglia, & Gallia. Ita Carthusiæ fratribus concessit Sixtus I V. & concesserunt Iulius I I I. atque Gregor. X I I I. Patribus Societatis I E S V, vt refert Eman. *in bulla.* §. 9. n. 144.

- 2 *Int.* Conceditur per bullam Cruciatam facultas absoluedi

uendi ab excommunicatione, quæro an requiratur, vt fiat in confessione, vel satis sit extra? *Resp.* Faciendam esse in confessione censuit Nauarr. *cap. 26. n. 31.* Cordub. *cas. 19. & 87.* propendit Couar. *cap. Alma. 1. p. §. 11. num. 10. & 16.* Sequenda tamen est praxis, quæ ex consuetudine obtinuit, vt possit Commissarius extra confessionem absolueret. Ita Henric. *de indulg. cap. 13. n. 2.*

3 *Int.* Concedit bulla facultatem absoluendi ab omni censura Ecclesiastica, intelligiturne sub censuræ nomine irregularitas? *Resp.* Minimè. Ita rogatus declarauit Summus Pontifex *cap. Quærenti. de ver. significat.* vbi decernit tres tantum esse Ecclesiæ censuras, excommunicationem scilicet, suspensionem & interdictum. Oppositam sententiam amplexati sunt multi, doctique viri: eos refert, & refellit Henriquez *de indulg. cap. 13. num. 6.*

4 *Int.* Cum per bullam, vel Iubilæum, vel priuilegia conceditur facultas absoluendi ab omni pœna Ecclesiastica; intelligiturne sub nomine pœnæ irregularitas? *Resp.* Minimè. Ita communiter Canonistæ, Domin. & Alexan. *cap. Minor. 50. dist. Nauar. in man. cap. 27. num. 194.* Couar. *c. Alma. 1. p. §. 6. num. 6.* Ita Theolog. Ledes. *2. 4. q. 26. art. 2.* Sot. *5. Iust. q. 1. art. 4.* Henriquez *de indulg. cap. 13. num. 6.* Denique ita declarauit Greg. XIIII, in Iubilæo anno 91. Itaque nunquam sub nomine generali, ab omni pœna Ecclesiastica, intelligitur irregularitas, oportet enim vt de ea fiat expressa declaratio.

DE PURGATORIO.

CAPVT VIII.

§. I.

- 1 Animabus in purgatorio detentis profunt indulgentiæ.
- 2 Qua certitudine est tenendum esse purgatorium.
- 3 Quo in loco est purgatorium.
- 4 Qua in parte terræ est purgatorium.
- 5 Purgatoriij locus est sursum versus proximus inferno.
- 6 Quo igne cremantur animæ in purgatorio.
- 7 An purgatoriij pœna sit maior omni pœna huius vitæ.
- 8 A quo ministro diuinæ iustitiæ detinentur animæ in purgatorio.

- 9 Quanta est pœna purgatorij.
- 10 An statim post obitum animæ deferantur ad purgatorium.
- 11 A quo animæ deducuntur in purgatorium.
- 12 An animæ separatæ à corpore sciant viam ad purgatorium.
- 13 Vtrum animæ purgatæ statim recipiantur in cælum.
- 14 Vtrum animæ purgatorij possint ad nos remeare.
- 15 An aliquæ animæ purgatorium habeant inter viuos.
- 16 An viuorum suffragia prosint animabus purgatorij.
- 17 An vnus nostrum possit pro alio satisfacere.
- 18 Quæ suffragia prosunt animabus purgatorij.
- 19 Vtrum missæ plus,quàm elemosyna prosit animabus purgatorij.
- 20 An culpa venialis remittatur in purgatorio.

I N T E R R O G A T I O. Quoniam indulgentiæ non solum viuus, sed etiam pro defunctis conceduntur, restat inuestigandum, quo in loco detineantur defunctæ animæ, quibus adhuc indulgentiæ proderunt. Dic igitur, quo in loco detinentur? *Resp.* Quinque ab orbe condito fuerunt animarum receptacula, scilicet cælum empyreum, infernus, purgatorium, limbus puerorum, & limbus Patrum. Ad cælum statim euolarunt, quæ in Dei gratia decedentes, in vita pro pœnis culparum satisfecerunt. Ad infernum descenderunt, quæ in Dei odio finaliter obierunt. Ad purgatorium sunt delatæ, quæ cum Dei gratia abeuntes, adhuc pro culpis omnibus in vita non satisfecerunt. Ad limbum puerorum sunt amandatæ infantium animæ, quæ ob culpam parentum in originali, sed sine actuali peccato vitam deserunt. In limbo Patrum detentæ sunt animæ sanctorum, quæ gratæ Deo ante Christi aduentum mortuæ sunt, expectantes ibi beatam spem possidendi felicissimas supernas sedes, post Christi seruatoris ad cœlos ingressum, cum quo sine fine regnarent. Ita communis Theologorum sensus cum D. Augult. *tract. 49. in Ioan.* & D. Thom. *in 4. sent. d. 45.* Vnde apertè colligitur, ante Christi mortem quinque tantum fuisse animarum receptacula. Post illius verò passionem limbus Patrum vacuus mansit, quoniam animæ inde translatae Christum in terra iam ab inferis redeuntem comitatae sunt, & in sua ascensione, cum illo in cælum ascenderunt. Modò verò etiam quatuor tantum sunt: at verò post diem iudicij tria erunt, quia purgatorium quoque euacuabitur. Respondendo igitur ad quæstionem

nem propositam, Dico *primum*. Neque indulgentiæ, neque Ecclesiæ suffragia profunt animabus inferni. Ita edocet fides. Nam ibi detinentur damnatorum animæ, æternum cruciandæ, iuxta Christi sententiam. *Ite maledicti in ignem æternum. Mat. 25.* Probat hanc veritatem D. Hier. *cap. 1. Thren.* ex loco *Mat. c. 5.* *Non exibis hinc donec reddas nouissimum quadrante:* veruntamen subtiliori sensu, quam necesse sit; ait enim, idē esse particulā, donec, e, atq; dum, seu per omne tempus, quo solueris debitam, & exactam pœnam; cum ergo debita, & exacta pœna sit æterna æternum est soluenda, & æternum damnata anima in inferno detinenda. Eundem sensum ait habuisse D. Paulum cum *1. Cor. 15.* volens affirmare perpetuò Christum seruatorem regnaturum, dixit: *oportet illum regnare, donec ponat inimicos suos sub pedibus suis*, id est, dum posuerit inimicos suos sub pedibus suis; cum verò semper positurus, & habiturus sit inimicos suos sub pedibus, semper est regnaturus. Planior tamen D. Matthæi sensus erit; *Non exibis donec reddas:* cum verò nunquam sis redditurus, quia non habes satisfactionem (nam pœnæ damnatorum iam non sunt satisfactoriæ) nunquam exibis. Consonat huic sensui Cypri. *tratt. contra Demetrian.* Cremabit addictos ardens semper gehenna, & viuacibus flammis vorax pœna, nec erit vnde habere tormenta, vel requiem possint, vel finem. Dico *secundum*. Neque indulgentiæ, neque Ecclesiæ suffragia profunt animabus infantium in limbo detentis. Ratio est manifesta quia tales animæ ibi minimè cruciantur pœnâ sensus, vt est concors Theologorum sententia, sed solâ pœnâ damni: indulgentia verò est satisfactio ex pœnis Christi, atque sanctorum pro pœna animarum sensus, quam passuræ in se erant. Dico *tertium*. Solis animabus detentis in purgatorio profunt indulgentiæ, & suffragia. Ita Sot. *in 4. sent. d. 45. q. 2. art. 2. concl. 4.* Hæc constat inductione. Nam indulgentiæ non profunt animabus inferni. Quod adeo certum est, vt pro damnatis orare peccatum sit ex genere suo mortale. Ratio est, quia petere à Deo non licet, nisi quod secundum eius legem impetrare ab ipso possumus. Cum ergo de damnatis stet firma sententia, vim obtinens legis, qua sunt à Dei misericordia exclusi, peccatum est pro illis orare. Ita Sot. *in 4. sent. d. 45. q. 2. art. 2. concl. 1.* vbi adducit illa D. August. notab. verb. Si scirem matrem meam esse in inferno, non magis pro illa orarem, quam pro diabolo.

Et

Et quanquam hæc veritas olim fuerit in opinione posita, de eaque adhuc dubius locutus fuerit D. Thom. in 4. sent. d. 54. nunc autem tanquam Catholica, vel Catholicæ proxima asserenda est de lege ordinaria. Hic est sensus illius loci *Ecclesiast. 11. Vbi ceciderit lignum, illic erit siue ad Austrum, siue ad Aquilonem*, quasi dicat, nulla post mortem, siue in cœlo, siue in inferno facienda est mutatio. Hoc voluit Iob. c. 7. *Sicut consumitur nubes, & transit: sic qui descendit ad inferos, non ascendit.* Deinde non profunt indulgentiæ, neque Ecclesiæ suffragia animabus puerorum limbi. Profunt ergo solis animabus purgatorii. Conclusio est manifesta, quia indulgentiæ profunt animabus vita functis, ut iam dixi.

2 *Int.* Qua certitudine tenendum est, esse post hanc vitam purgatorium? *Resp.* Esse post hanc vitam locum, in quo animæ per ignem expiantur à pœnis, quæ remissa culpa mortalium, venialiumque peccatorum relictæ sunt sine satisfactione in hac vita, negare, prout dubio hæreticum est, & à fide alienum. Est veritas apertissimè decreta in Conc. Flor. in instr. Armen. his verbis. Item si verè pœnitentes in Dei charitate decesserint, antequam dignis pœnitentiæ fructibus de commissis satisfecerint, & omisis, eorum animæ pœnis purgatorii post mortem purgantur, & ut à pœnis huiusmodi releuentur, profunt eis fidelium viuorum suffragia. Ita decreuit Conc. Trid. sess. 14. Ita D. Thom. in 4. d. 21. q. 1. art. 1. Sot. ib. d. 19. art. 1. latissimè persequens probationes huius veritatis.

3 *Int.* Quo in loco est purgatorium? *Resp.* Eadem de purgatorio, atque de inferno est dubitatio. De inferni verò loco adeo dubitauit D. Aug. 20. ciu. c. 16. ut affirmet id nemini notum, nisi cui diuinus spiritus ostēderit. Dubitauit D. Greg. I V. *Dialog. cap. 42.* adeò ut de ea re definire se temerè non audere fateatur. Multiplices iuxta ipsum sanctum Doctorem fuerunt opiniones. Quidam enim in superficie terræ sub quadam horrida valle collocarunt: alij subtus terram. Vallem verò esse Iosaphat, iuxta multorum sententiam notat Chrys. *serm. 19. de gehenna.* D. Chrys. loco citato, & Auctor *imperfecti oper. sup. Matth. hom. 53.* arbitrantur gehennam esse in aère. Alij affirmant animas torqueri in locis ubi peccarunt. Ita confirmant ex historiis D. Greg. I V. *Dial.* narrantis animas multorum in balneis, & aliis in locis cruciari. Dicendum tamen est inferni locum esse sub terram. Id in primis indicat nomen ipsum.

ipsum. *Isai. 14. collocatur subtus, Infernus, inquit, subtus conturbatus est. Christus Dominus Matth. 12. in corde terræ illum posuit. Sicut, ait, Ionas fuit in ventre Ceti tribus diebus, ita Filius hominis erit in corde terræ tribus diebus, & tribus noctibus. Appellatur ille locus abyssus Luc. 8. abyssus autem profunditatem significat. Deinde via ad infernum appellatur descensus, tam in diuinis literis, quàm humanis. Num. 16. de Dathan, & Abiron, quos aperta terra deglutiit. Descenderunt in infernum viuentes. Psalm. 54. Descendant in infernum viuentes. Æneid. 6. facilis descensus auerni, sed reuocare gradum, &c. 4. Metamorph. Est via decliuis funesto nubila saxo, Ducit ad infernas per multa silentia sedes. Præ his omnibus rem confirmat fidei articulus. Descendit ad inferos. iuxta Paul. Ephes. 5. Qui ascendit, ipse est, qui descendit ad inferiores partes terræ. Hæc veritas ad eam certa est, ut iuxta Sotum in 4. d. 45. quæst. 1. artic. 1. plusquam temerarium sit id negare.*

4 *Int.* Qua igitur in parte ipsius terræ collocatus est infernus? *Resp.* In centro ipsius terrenæ molis: cum verò iuxta Mathematicorum lineas duplex sit centrum cuiusque orbis, alterum grauitatis, quò graua naturaliter tendunt, & in quo sistunt: alterum magnitudinis, in quo terminantur æquales lineæ totius circumferentiæ; locus inferni est centrum grauitatis terræ. Ita D. Greg. 4. *Dialog. c. 42.* & Sot. in 4. d. 45. q. 1. art. 1. & quamuis Aug. de hac re anceps fuerit 20. *ciu. c. 16.* tamen *lib. 12. super Gen. sc. 34.* in nostra est sententia, & postea *lib. 2. retr. cap. 24.* retractauit dubium. Potius, inquit, debuissim docere, quod sub terris inferni sint, quàm rationem reddere, cur sub terris esse credantur.

5 *Int.* Responde igitur ad propositam quæstionem de loco Purgatorii, certis verbis? *Resp.* Faciam lubens. Purgatorii locus proximus est sursum versus ascendendo infernorum sedibus. Ita D. Thom. in 4. d. 21. q. 1. art. 2. quem sequitur Sot. in 4. dist. 45. q. 1. art. 2. & alij communiter.

6 *Int.* Quo igne ibi animæ purgantur? *Resp.* Eodem, quo infernorum damnatorum animæ acerbissimè cruciantur. Ita Sot. sæpe sæpius in 4. d. 45. q. 1. art. 2. cum communi ex D. Greg. 4. *Dial.* Fauent pro hac parte coniecturæ, quia nullius alterius ignis fit in scriptura mentio: deinde, quia in Purgatorio fit eadem peccatorum punitio, atque in inferno: ergo per eundem ignem: solumque est discrimen in tempore, &

æternitate, nam in Purgatorio fit ad tempus, in inferno verò fit ad æternitatem. Quemadmodum eodem igne aurum rutilat, & palea fumat: ita eodem igne peccator crematur, & electus purgatur.

7 *Jnt.* Exceditne pœna Purgatorii omnem pœnam temporalem huius vitæ? *Resp.* Dico *primum*. Pœna Purgatorii est maior quavis pœna, quæ ferri potest in hac vita. Hæc conclusio quoad pœnæ sensus, est D. Aug. multis in locis. *lib. de pœn. cap. 18.* refertur can. *Qui in aliud. d. 25. & lib. de ver. & falsa pœn.* refertur can. *Nullus. d. 7.* idem ait Beat. Cæsarius *hom. 1. de verb. Apost.* Ille (inquit) purgatorius ignis durior erit, quam quidquid potest in hoc sæculo, aut videri, aut excogitari, aut sentiri. De pœna verò damni, qua sanctæ animæ in Purgatorio retardantur à fruitione beata; seu potius, quam sanctæ animæ patiuntur in retardatione diuinæ fruitionis; est sancti Thomæ, quem refert, & sequitur Sot. *in 4. d. 19. quæst. 3. art. 2.* cruciantur enim desiderio videndi Deum quem fide credunt, & sperant se aliquod post spatium visuras certa fide; & spe, amantque intensissima charitate, qua extra visionem amari potest. Quoniam tamen animæ certæ sunt se aliquando Deo fruituras, vt probat Sot. *in 4. d. 19. quæst. 3. artic. 1. concl. 1.* quia habent formatam fidem, & spem, quam habebant in via, quidquid grunniant hæretici nostri temporis, multum habent consolationis. Dico *secundum*. Anima in Purgatorio realiter patitur pœnam sensus ab igne per propriam ignis actionem, quo Deus tanquam instrumento vtitur ad animarum expiationem. Ita D. Aug. *lib. 2. de ciu. cap. 10.* D. Greg. 4. *Dial. cap. 2.* Magist. *in 4. d. 44.* cum Iuliano Archiep. Toletano, quem citat. Dico *tertium*. Deus per nullum ministrum, sed solum per ignem animas in Purgatorio castigat. Ita D. Dionysius *c. 4. de diuin. nominib.* Probat conclusionem Sotus *in 4. d. 19. q. 3. art. 3.* ab incommotis. Nam vel illas torqueret per dæmones, vel per Angelos, vtrumque indecens esset. Si enim per dæmones, sequeretur, quod victrices animæ, dæmonibus, quos in vita viderunt, subderentur. Si per Angelos, sequeretur, quod essent tortores suorum ciuium, amicorum, & fratrum; absit hoc.

8 *Int.* A quo igitur ministro diuinæ iustitiæ detinentur animæ in Purgatorio? *Resp.* Ab ipso igne, qui est velut carcer animæ cohibens eam, quo voluerit exire, & potissimum in
concupi

concupitū paradifum euolare, ſicuti eſt iſtis animabus damnatis, & dæmonibus, qui ignem ob eandem rationem tanquā capitalem hoſtem acerbo odio proſequuntur. Ita Sot. *in 4.d. 19. q. 3. art. 3.*

9 *Int.* Quanta igitur erit poena illius loci? *Reſp.* Tanta, quantam homo mortalis in hac vita nō poſſet citra mortem tolerare: tolerat verò illam anima immortalis ſupernaturaliter. Ita Sot. proximo loco. Hanc tamen poenam ita illæ ſanctæ animæ patienter tolerant, tanquam medium neceſſarium ad ſalutem, hoc eſt, ad viſionem beatam, ad quam nil coinquinatum intrabit, vt meritò voluntaria appellari poſſit. Nihilominus tamen per hanc voluntariam (vt ita dicam) tolerantiam nil merentur gratiæ, aut gloriæ. Ratio eſt, quia meritum terminatur via; via verò terminatur vita. Ita Chriſtus Dominus nos docuit Ioan. 9. *Oportet operari donec dies eſt: venit nox, quando nemo poteſt operari.* Quem locum explanans Auguſt. *traſt. 44. in Ioan.* Operetur ergo homo, inquit, dum viuunt, ne illa nocte, ſcilicet mortis, præueniatur, ubi nemo poſſit operari. Et quoniam hæc veritas eſt Theologiſ notiffima, ſuperſedeo probationibus longioribus. Legatur Chryſoſtom. *Homil. 45. ſuper Ioan.* Hieronym. *cap. 6. ad Galat.* in illa verba. *Dum lucem habemus, operemur bonum.* Orig. *ſup. Pſal. 36.* legatur Sot. *in 4. diſt. 9. q. 3. art. 3.*

10 *Int.* Deducuntur ne ſtatim animæ ad Purgatorium, cūm è corporis ergaſtulo liberantur? *Reſp.* Eodem momento quo anima corpus exit, eodem iudicatur, & ſententia circa illam lata eodem momento illi innotefcit per reuelationem. Quo autem modo hæc fiat reuelatio, non eſt noſtri inſtituti conquirere; reuelata verò ſententia, recta tendit quò pergere iubetur, ſiue ad cælum, ſiue ad Purgatorium, ſiue ad infernum. Ita Theologi communiter, & Sot. *in 4.d. 45. quæſt. 1. art. 3.*

11 *Int.* Deducuntur ne ad hunc locum per ſe, an per alium? *Reſp.* Dico *primum.* Anima ſeparata à corpore, poteſt ſe ipſam mouere localiter. Hanc conſuſionem negarunt aliqui Thomiſtæ, eamque D. Thom. eſſe autumant. Veruntamen, & falſa eſt eorum opinio, vt philoſophicis rationibus oſtendit Sotus *in 4.d. 45. quæſt. 1. art. 3. concl. 1.* & D. Thom. *contra-ria.* Curſ. Conimbricenſis *traſt. de anima ſeparata. diſput. 6. artic. 2. in reſut. ſecund. ſent.* Dico *ſecundum.* Ex ſuperiori veritate manifeſtè colligitur, poſſe animas à corpore ſeiun-

Etas tendere ad suum locum, nemine eas deducente, aut comitante. Dico *tertium*. Animas sanctorum, quæ è vita deducunt, sine macula in Purgatorio abstergenda; aut post eam in Purgatorio absterfam, in cælum tendentes, comitantur Angeli honoris gratia. Ita D. Aug. *serm. 3. de ascens. Dom.* qui est 176. *de temp.* Euseb. *Emis. hom. 2. de ascens.* Atque secundum meritorum numerum, maior, minorve est Angelorum frequentia, ut de Diuo Benedicto, D. Antonio, & D. Martino narrant D. Gregor. aliique historiographi. Nam tanta est, inquit Sot. *in 4. dist. 25. quæst. 1. art. 3. conclus. 2.* Angelorum erga Dei seruos charitas, ut non tantum in cælo eos præstolentur, sed morientibus adsint, & eorum animas tanquam Christi sponsas ad eius thalamum deferant, & tanquam victrices ad triumphum deducant. Sic enim Christus Dominus comitacionem istam appellauit deducionem. Luc. 16. *Factum est, ut moreretur mendicus, & portaretur ab Angelis in sinum Abrahæ.* Dico *quartum*. Animam ad Purgatorium euntem comitatur suus Angelus custos, minimè repugnantem carceris pœnis, imò summa eas tolerantè patientia, consolationis gratiâ, ut solent amici comitari eos, qui in exilium proficiscuntur. Ita Sot. loco proximo. Adiciam vnum verbum de damnatis. Animæ æternis cruciatibus iudicatæ vehementer horrent in locum tormentorum ire, atque odio infestissimo diuinum iudicem detestantes, moueri nolunt, tunc à dæmonibus diuinæ iustitiæ ministris rapturæ, & in abyssi tenebras proiciuntur. Idem dicendum de animabus infantium, qui sine baptismo moriuntur. Non tamen dæmones permittuntur à Deo esse in eas adeò truces, & feri, sed tantum sententiæ latæ ob alienam parentum culpam executores. *Nisi quis renatus fuerit ex aqua, & Spiritu sancto, non intrabit in regnum celorum*, eas ad limbum deuehunt. Ita Sotus loco citato.

12 *Int.* Sciuntne animæ separatæ à corpore viam ad cælum, infernum, Purgatorium, & limbum, aut indigent indicatore? *Resp.* Animæ beatæ sciunt viam ad cælum. Aliæ verò animæ minimè ad alia tria loca dicta. Ita Sot. *in 4. d. 45. quæst. 1. art. 3.* Et ideo felices animas Angeli comitantur, non in auxilium necessitatis, sed in obsequium dignitatis. Angelus verò custos animam sanctam: dæmones verò animam damnatam, ut viam ostendant.

13 *Int.* Circa tertium dictum rogo vltcrius, an animæ sanctæ,

sanctę, quę sine macula abstergenda in Purgatorio ẽ vita decedunt : vel iam in Purgatorio satisfecerunt, absque vlla mora protinus recipiantur in cælum, vbi diuinam essentiam clara visione intueantur ? *Resp.* Protinus. Ita decreuit Ioan. Papa X X I I. teste Marsilio in 4. *quæst.* 13. *art.* 3. Benedict. X I I. in sua Extrauag. *Ideo.* D. Thom. licet 1. 2. *q.* 4. *art.* 5. dixerit tantum contrariam opinionem esse falsam; tamen in 4. *sent. d.* 45. *q.* 1. *art.* 3. asserii esse hæresim contra scripturę canonicę manifestas auctoritates, & sanctorum dogmata. Duo sunt clara loca D. Pauli pro hac veritate. 2. *Cor.* 5. est prior. *Quamdiu sumus in corpore, peregrinamur à Domino.* Ergo vbi primum non fuerimus in corpore, non peregrinabimur. Secundus ad *Philip.* 1. *Cupio dissolui, & esse cum Christo*, quasi nulla interfutura fuerit mota inter dissolutionem, & præsentiam Christi. Testatur etiam Christi promissio facta latroni. *Hodie mecum eris in Paradiso.* *Luce.* 23. Sanctorum seriem hanc veritatem attestantium, & hæreticorum catalogum opposito errore infectorum, longum esset intertexere; legi possunt apud Sot. in 4. *d.* 45. *q.* 1. *art.* 3.

* 14 *Jnt.* Possuntne animæ in Purgatorio detentę ad nos remeare? *Resp.* Dico *primum.* Secundum legem ordinariam neque animæ felices beatorum ad nos transmeant, vt voluerint, sine diuina facultate. Ita D. Aug. *tract. de cura pro mort. gerenda.* *cap.* 13. colligens veritatem ex absentia suę matris. Nunquam, inquit (si ita fieri posset) me ipsum pia mater vlla nocte defereret, quę terra, marique secuta est, vt mecum viueret, absit enim, vt facta sit vita feliciore crudelis. De animabus damnatis Iob 13. *Qui descendit ad inferos, non ascendet.* Dico *secundum.* Ex dispensatione diuina non solum animę felices ad nos meant: sed etiam animæ in Purgatorio, atque etiam in inferno detentę transeunt. De animabus beatis id testatur D. Hieronym. *lib. contra Vigilantium.* De iis, quę olim detinebantur in limbo constat 3. *Reg.* 28. de anima Samuëlis Prophetę, quę apparuit regi Sauli, constat ex *Matth.* 17. de Moyse & Elia, qui apparuerunt in monte Thabor, cum transfiguratus est Dominus. De animabus inferni, & Purgatorij constat ex multis historiis. Cum igitur animæ felices Deo charissimę sint, fit vt quoties voluerint ad terram descendere, toties à Deo obtineant facultatem. Veniunt verò, vel ad solatium suorum, enarrando suam felicitatem, vel ad suos admonen-

dum pro rebus salutis necessariis; vel ad colendas reliquias suorum corporum, vel ad aliud quid simile bonū hominibus impertiendum. Quod idem de animabus Purgatorii dicendum est. Non tamen de animabus damnatis, cum enim à Deo permittuntur venire, ut plurimum permittuntur in nostrum damnum. Apparent etiam animæ Purgatorii ad suffragia petenda; non solent tamen terrere, aut horrore nos afficere, cum sanctæ sint, nosque vehementer diligant. Vtramque propositam veritatem docuit Aug. in lib. de cura pro mort. gerend. c. 19. his verbis. Verum ista diuinitus exhibentur longè aliter, quàm se habet vsitatus ordo: alia enim sunt, quæ naturaliter, alia quæ mirabiliter fiunt.

15 *Int.* Fierine potest, ut animæ apud nos habeant purgatorium? *Resp.* Ex diuina dispensatione aliquando fit, ut animæ apud nos purgentur, teste Hugone, atque id asserit D. Greg. *Dialog.* 4. de Germano Episcopo Capuano. Fit autem hæc dispensatio, vel ad viuorum instructionem, ut viuentes caueant à culpis, pro quibus cernunt tot, tamque acerbis pœnas ferendas: vel ad mortuorum subuentionem, ut viui miseratione commoti suffragiis animas iuuent, & illæ eximantur à pœnis. Ita Sot. in 4. d. 19. q. 3. art. 1.

16 *Int.* Iam te circa has beatas animas c. 4. de indulg. rogaui, an illius profint indulgentiarum gratiæ. Nunc latius absolute interrogo, an illis profint viuorum suffragia? *Resp.* Negarunt Armeni, & Vvaldenses, Ioannes Hus, & Vvicleff, aliique Ecclesiæ hostes. Eorum fundamentum erat excellentia Christi passionum, quem dicebant non solum sufficienter, sed etiam efficaciter pro peccatis hominum satisfecisse, foreque nos ipsius satisfactioni iniurios, si aut in hac vita pœnas sponte accipiamus, aut in futura laturos credamus pro culpis. Sed est hæresis apertissima, & sæpius ab Ecclesia damnata, ut iam dixi supra *quest.* 2. huius materiæ. Et ideo opposita sententia est de fide.

17 *Int.* Potestne vnus pro alio satisfacere, & suffragari? *Resp.* Minimè; est certa conclusio de fide, in articulo symboli de communionem Sanctorum. Ait enim Paulus ad Gal. 6. *Debetus alter alterius onera portare*, non solum corporalia, sed spiritualia fremant licet hæretici; grauiora verò onera spiritualia sunt pœnæ, quarum ob præterita peccata rei sumus. Quemadmodum ergo debet vnusquisque proximo indigenti de

de sua substantia corporali opitulari, ita pro eo orationes, eleemosynas, & sacrificia debet offerre, quibus poenarum obligationem soluat. Hæc tamen viuorum suffragia non solum viuis, sed iam vita functis profunt, pro quibus offeruntur, quia eadem charitate copulamur in morte, qua in vita adstringebamur iustis, secundum Paulum 1. Cor. 13. *charitas nunquam excidit.* Et tales animæ Deo gratissimæ sunt (gratia enim eius pro quo opus satisfactorium offertur, conditio est sine qua non tale opus illi proderit, vt ostendit Sot. in 4. d. 45. q. 2. art. 1. concl. 6.) Ergo nulla est ratio, ob quam illis non profint suffragia viuorum.

18 *Int.* Quæ suffragia profunt animabus in Purgatorio de-
tenti? *Resp.* Dico *primum.* Profunt eleemosynæ, orationes, &
sacrificium Missæ. Ita D. August. *serm.* 32. *de verb. Apost.* & *lib.*
de cura pro mort. Dico *secundum.* Profunt & viuorum ieiunia.
Ita D. Gregor. refertur *cap. Animæ.* 13. *quæst.* 2. Dico *tertium.*
Profunt & quæuis alia opera poenalia, vt flagellatio, humi-
cubatio, cilicij gestatio, & alia huiusmodi. Ita omnes Do-
ctores.

19 *Int.* Quo suffragio plus adiuuabuntur animæ, sacrifi-
cio Missæ, an eleemosyna? *Resp.* Loquendo absolutè, & ex
obiecto, magis adiuuabuntur Missæ sacrificio. Si tamen
pro vno defuncto iam dictæ sint multæ missæ, & aliunde
vrgeat necessitas, & inopia magna viduarum, & paupe-
rum, acceptior erit Deo, & gratior satisfactio per eleemo-
synas, quam per multiplicationem solam sacrificiorum:
quadrâtque huic sententiæ Dei ipsius approbatio. *Misericor-*
diam volo, & non sacrificium. Ita Sot. in 4. d. 45. q. 2. art. 3. concl.
1. §. *at quoniam.*

20 *Int.* Remittiturne in Purgatorio etiam culpa venialis,
qua cum anima iusta è viuis excessit? *Resp.* Affirmat Gabr.
Vasq. 12. *disp.* 41. *num.* 3. sed hac de re commodiùs in materia
de peccatis respondebo.

P E C V L I A R E S D V B I T A T I O N E S
circa Bullam cruciatam.

C A P V T I X.

De etymologia huius nominis Bulla cruciata. §. 1.

1 Cur literæ Apostolicæ appellantur Bullæ.

2 Cur hæc bulla appellatur cruciata.

1 **I N T E R R O G A T I O.** Cur literæ Apostolicæ appellantur Bullæ? *Resp.* Omiffa multiplici huius nominis fig-nificatione (qua de re Calepinus eodẽ verbo) propria illius vſurpatio vendicat ſibi ſigna, ſeu imagunculas, quæ ab infantium collo appenduntur propter fascinationem. Quoniam verò literis Apostolicis ſigna Sanctorum Apostolorum pendent, & imagines, nec non Pontificum gratias concedentium ſtemmata orbiculis æneis ferreivæ incluſa, ſit vt ab ipſis bullis, ſiue imaginibus literæ ipſæ bullæ nuncupentur.

2 *Int.* Cur hæc bulla appellatur cruciata? *Reſp.* Quia gratia, & indulta in ea conceſſa ſunt iis ſimillima, quæ impertita ſunt in Conc. Lateran. ſub Innoc. III. Chriſtianis militibus, qui ſuſcepto ſanctiſſimæ crucis ſigno, ad oppugnandam terrâ ſanctam, debellandõſque infeſtiſſimos Chriſtiani nominis hoſtes Mahometani erroris ſectatores illam miſerrimè oppri-mentes proficiſcebantur. Ita Hoſtienſ. in c. *Ad liberandam. col. 2. de iudic. Sot. in 4. d. 21. q. 1. art. 3. Eman. de bulla. §. 1. n. 2.*

De iis qui poſſunt lucrari huiuſmodi
indulgentias. §. 2.

1 An religioſi lucrentur indulgentias bullæ.

2 An Papa lucretur indulgentias bullæ.

3 An extraneus negociandi gratia in Hiſpania verſans , lucretur indulgentias bullæ cruciatæ.

1 **I N T E R R O G A T I O.** Poſſuntne lucrari indulgentias bullæ religioſi ab Ordinarij poteſtate exempti? *Reſp.* Poſſunt. Ita D. Thom. in add. q. 4. art. 1. Poſſuntque abſque ſuorum prælatorum licentia opera iniuncta facere , quæ abſque ſuæ obſer

obſervantiæ detrimento exequi valent, vt ieiunare, aliquot preces fundere, &c. Ita Angel. *indulg.* §. 22. & Cordub. q. 2. de *indulg.*

2 *Int.* Potéſtne Papa frui huiusmodi indulgentiis à ſe conceſſis? *Reſp.* Potéſt, quia ipſe caput eſt Eccleſiæ, & ideo membrum principale illius, fruiturque bono totius corporis. Ita D. Thom. in *add. qu.* 23. art. 4. & in *4. d. 10. art. 5. qu. 4.*

3 *Int.* Conceduntur hæ gratiæ perſonis certorum regnorum, v. g. Hiſpaniarum. Quæro, fruunturne iis incolæ tantum ibidem nati, & alti, an etiam exteri, qui tempore conceſſionis in Hiſpaniis negotiandi cauſa, aut aliquid aliud agendi, verſantur? *Reſp.* Etiam exteri: atque bullæ gratiis, & indultis fruuntur, quandiu illa in Hiſpaniis vigent, etiamſi ipſi ab Hiſpaniis proficiſcantur quouis gentium. Ita Eman. in *bul. §. 1. dub. 3. num. 7.* Prohibet tamen bullæ textus iis eſum carnis extra Hiſpaniam, his verbis: Durante eo anno in omnibus, & ſingulis regnis (& non extra illa) carnibus de conſilio vtriuſque medici, &c.

De priuilegio audiendi Sacrum tempore interdicti. §. 3.

- 1 *An qui fruuntur priuilegio bullæ cruciatæ, teneantur audire Sacrum tempore interdicti.*
- 2 *An tale priuilegium intelligatur etiam tempore ceſſationis à diuinis.*

INTERROGATIO. Quæro, an qui fruuntur hoc priuilegio, teneantur tempore interdicti audire Sacrum diebus feſtis? *Reſp.* Tenentur, cum commodè poſſunt, vt poſſent, ſi non eſſet interdictum. Ita Sot. in *4. d. 12. q. 1. art. 1.* A ſimili probari poteſt: nam carcere inclufus, qui poteſtatem habet exeundi, tenetur diebus feſtis audire Sacrum, vt docent Nauar. in *Man. c. 21. n. 3.* & Med. in *ſum. lib. 1. §. 4. fol. 159.* ergo ſimiliter in noſtro caſu tenetur, ſi quidem poteſt.

2 *Int.* Priuilegium de interdicto, extendine poteſt ad ceſſationem à diuinis? *Reſp.* Minimè. Ita Nauar. in *Man. cap. 26. num. 29.* & Eman. in *bul. §. 5. dub. 2. num. 7.*

De priuilegio ſepeliendi tempore interdicti. §. 4.

- 1 *Quæ ſit moderata exequiarum pompa.*

N n 5

I I N T E R

I N T E R R O G A T I O. Quid intelligitur per moderatam exequiarum pompam? *Resp.* Intelligitur dimidietas solemnitatis solitæ, iuxta personarum qualitates, & statum circa omnia; nimirum circa pulsanda cymbala & canendum officium, reliquum verò relinquitur arbitrio Ordinarij, si adfuerit. Ita declaratur in bullis Pij I V. datis anno 1565. & hæc declaratio obseruatur in Hispania, vt notat Cordub. de indulg. §. 43. dub. 5.

De priuilegio edendi carnes. §. 5.

1. *Quod sit priuilegium edendi carnes ex consilio vtriusque medici, corporalis scilicet, & spiritualis.*
2. *An tempore Iubilæi durante bulla cruciata possint edi lacticia tribus diebus ieiunij præscriptis.*
3. *An dispensatus per bullam ad edendas carnes die ieiunij, teneatur ieiunare.*
4. *An dispensatus per bullam ad esum carnis, teneatur abstinere ab esu piscium.*
5. *An Religiosi, & presbyteri sæculares tempore bullæ cruciatae teneantur abstinere à lacticiis etiam Dominicis diebus Quadragesimæ.*
6. *Quid dicendum de nouitiis religionum habentibus bullam cruciatam.*

I N T E R R O G A T I O. Cùm dicat summus Pontifex, vt hæ carnes edantur de consilio vtriusque medici, corporalis scilicet, & spiritualis, quid priuilegij concedit in hac gratia? id enim eodem tempore quadragesimæ, & ieiunij concedit ius commune, iuxta Caiet. *ieiunium. c. 3.* & Nauar. in *Man. cap. 21. n. 19.* & 20? *Resp.* Quæstionem proposuit Roder. in *bul. §. 5.* & indecisam reliquit, non approbando explicationem aliquorum Doctorum interpretantium hoc priuilegium de ieiunio cum carne; id enim statim bulla ipsa declarat circa edentes lacticia, vt possint sic ieiunare. Illum tamen explicuit §. 9. n. 5. asserens nil nouæ facultatis ibi concedi, sed tantum explicari ius commune, vt solent multoties facere Pontifices.

2 *Int.* Dum bulla viget, mittitur Iubilæus: Iubilæus verò præscribit, vt lucraturus indulgentias ieiunet tres dies. Rogo, an ex priuilegio bullæ possint hæc ieiunia impleri cum esu lacticiniorum? *Resp.* Possunt. Ita Medin. in *summ. lib. 1.*

§. 10. fol. 99. Angles tract. de ieiun. quæst. 9. de abstin. à cibo. dub. 4. & 5. Ratio est, quia Iubilæus non requirit strictius ieiunium, quam est ieiunium quadragesimæ; sed ieiunium quadragesimæ impletur in nostro casu cum esu lacticiniorum; ergo, &c.

3 Int. Dispensatus in esu carniū tempore quadragesimæ, & ieiunij per nostram bullam, censeturne dispensatus ad non ieiunandum? Resp. Affirmat Caiet. verb. ieiunium. Negat Medina cod. de ieiun. quæst. 5. fol. 17. & quæst. 11. Dicendum tamen cum Victoria 2. 2. quæst. 147. articul. 4. & Roderic. in bul. §. 6. num. 4. dub. 3. quem citat sub distinctione. Vel enim dispensatus ad esum carnis, edit carnes, quia pisces nocere salutis solent: vel ut vires amissas recuperet: priori modo dispensatus tenetur ad ieiunium: altero verò minimè, & ideo pluries edere potest.

4 Int. Dispensatus ad esum carnis & lacticiniorum virtute bullæ, potestne licitè edere simul pisces? Resp. Potest. Ita Cordub. in sum. qu. 168. & Eman. in bul. §. 6. n. 5. dub. 4.

5 Int. Excipit bulla à priuilegio lacticiniorum in quadragesima, & diebus ieiunij regulares omnes, & clericos sæculares; clericos, inquam, presbyteros. Rogo, vtrum Dominici quadragesimæ possint lacticipiis uti? Resp. Possunt. Ratio est, quia reliquit hanc rem iuri communi: secundum verò ius commune Dominici dies non appellantur dies quadragesimæ, & ideo in iis edi possunt lacticina absque priuilegio, ut affirmant Cordub. in sum. qu. 186. & Palat. in 4. dist. 15. disp. 8. siue ergo bulla prohibeat esum lacticiniorum in diebus quadragesimæ, siue in diebus ieiunij quadragesimæ, non intelligitur prohibitio circa Dominicos dies, quia ij nec quadragesimales, nec dies ieiunij appellandi sunt, ut ostendit Rod. in bul. §. 6. num. 8.

6 Int. Quid censes circa nouitios religionum habentes bullam cruciatam? Resp. Dico posse edere lacticia, ut alij sæculares. Ratio est, quia nouitij non censentur religiosi quoad onera religiosorum. Deinde, quia regulares censentur soli, qui professionem solemnem emiserunt. cap. Cum ad monasterium. de stat. monach. & tradit Sot. lib. 7. Inst. quæst. 5. articul. 3.

De ieiunio, quod per bullam iniungitur. §. 6.

x An ad lucrandas indulgentias bulla cruciata, vel Iubilæi, satis
fit

fit ieiunium quadragesimale.

- 2 *An ex vi confessionis bullæ æqualem consequantur gratiam, qui sola opera præscripta exequuntur.*
- 3 *Declaratur textus Extravag. Antiquar. de pæn. & remiss.*
- 4 *An cum imponitur eleemosyna ad arbitrium erogantis, quævis sufficiat tam diuiti, quàm pauperi.*
- 5 *An eadem quævis eleemosyna satis sit ad fruendum priuilegiis bullæ.*
- 6 *De commutatione ieiunij in aliud pium opus.*
- 7 *De causa commutandi ieiunij à Iubilæo præscripta.*
- 8 *An visitatio Ecclesiarum, & eleemosynæ erogatio fieri possit quouis die hebdomadæ Iubilæi.*

I N T E R R O G A T I O. Præcipit bulla ieiunare eisdem diebus, quibus vel ex præcepto Ecclesiastico, vel ex voto teneor ieiunare, satisfactione ambabus obligationibus? *Resp.* Satisfacio, lucròque indulgentias. Ita Rodericus *de bulla. §. 7. n. 1.* Ratio est, quia eodem opere satisfieri potest duabus, vel pluribus obligationibus. Deinde quia opus præcipitur à bulla, vt satisfactorium est: opus verò ad quod teneor ex præcepto, vel ex voto, factum ex voto, vel ex præcepto, adhuc est satisfactorium. Ita Doctores *c. cum ex eo. de pæn. & remiss.* Cordub. *de indul. qu. 21. propos. 3.* Sot. *in 4. d. 19. qu. 2. art. 1.* Medin. *de satisfact. qu. 4.* circa finem.

2 *Int.* Consequuntur eamdem indulgentiam quoad æqualitatem, qui opera iniuncta per bullam & Iubilæum faciunt: nimirum eadem ieiunia, easdem orationes, &c? *Resp.* Dico *primum.* Opera in se, quæ iubentur, æqualia sunt indulgentiæ, quæ æqualiter omnib. facientibus ea impertitur. Dico *secundum.* Opera, quæ à Papa per bullam imponuntur, censenda sunt æqualia indulgentiæ concessæ, licet quoad singulas videantur inæqualia: quia summus Pontifex attendit ad multitudinem eorum collectim, non diuim sumptorum. Ita Doctores communiter. Palatius *in 4. dist. 10. dub. 3. fol. 420. col. 2. in fine.* Dico *tertium.* Qui opera iniuncta per bullam, vel Iubilæum æqualia faciunt, æqualem consequuntur indulgentiam, licet aliis alio maiora, & superabundantiora opera exequatur. Hæc manifestè colligitur ex supra duabus positis conclusionibus.

3 *Int.* In oppositum superioris asserti videtur esse Extravagans *Antiq. de pæn. & remiss.* lata à Bonifacio VIII. ait enim

enim ibi summus Pontifex, qui plus fecerit, plus consequetur? *Resp.* Extravagans loquitur de præmio essentiali gratiæ, & gloriæ, non vero de satisfactionis consecutione. Ita Rod. in *bul. §.7. num.4. dub.3.*

4 *Int.* Qui bis dederit in anno bullæ eleemosynam taxatam in ipsa bulla, lucrabitur ne bis indulgentias, & fruatur indultis & privilegiis eius? *Resp.* Lucrabitur, & fruatur. Constat hoc apertissime ex verbis plumbeæ bullæ, queis, breuitati seruienti, referendis supersedeo.

5 *Int.* Adhuc restat graue dubium. Concedit Sanctitas Patrum, ut qui iuuerit eleemosyna quacumque, sicut voluerit, ali-quod pium opus, extructionem v. g. monasterij, consequatur tot, vel tot indulgentias: quæro, utrum ad lucrandas has indulgentias satis sit diuiti teruntium mittere in arculam, sicut mittit pauper, qui plus mittendum non habet? *Resp.* Negant D. Thom. in 4. d. 20. quæst. 3. & ibi Caiet. ad 3. & in *Add. q. 25. ar. 2. ad 3.* D. Anton. 1. p. tit. 20. §. 3. cap. 3. D. Bonau. in 4. d. 20. quæst. ult. Nauarr. de indulg. not. 31. num. 35. aiuntque tantum quemque lucrari indulgentiarum, quantum in æqua Dei æstimatione valent eleemosynæ, operæ ab eo factæ, cum in suo arbitratu relinquuntur à Papa iuxta cuiusque diuitias. Et hæc est certior opinio, quidquid alij refragentur.

6 *Int.* Hæcne opinio D. Thomæ, & aliorum vera est, etiam ad fruendum privilegiis bullæ? *Resp.* Minimè, cum præscribitur in ea certum opus in specie, relicta maiori, vel minori quantitate eius in arbitrio operantis in singulari, si in quauis minima quantitate fiat, satis est ad fruendum, utendumque privilegiis, & indultis bullæ. Ita adnotauit Roderic. in *bul. §.7. num.4.*

7 *Int.* Quis potest hoc ieiunium commutare in aliud opus pium? *Resp.* Solus electus confessor, vel parochus, & non alius. Ita contextus expressus bullæ.

8 *Int.* Quæ causa sufficit ad commutanda ieiunia in aliud pium opus? *Resp.* Ea, & sola, quæ hominem talem excusaret à non ieiunando ieiunio ex præcepto. Hæ autem causæ sunt plures, quas iam numeravi in præcepto ieiunij, de quibus Nauar. in *Man. cap. 21. num. 16.*

9 *Int.* Præscribit bulla, vel Iubilæus, ut tribus hebdomadæ diebus, feria, inquam, quarta, sexta, & Sabbato ieiunetur, fiat oratio, & eleemosyna: satisne erit si ita fiat in quouis hebdomadæ

madæ die ? *Resp.* Satis. Ita Nauar. *de orat. miscel.* 58. num. 221. declarauitque Greg. XII I. flagitantibus Patribus sanctissimæ Societatis I E S V.

De visitatione Ecclesiarum. §. 7.

- 1 *Quid intelligitur nomine Ecclesiæ.*
- 2 *An satis sit visitare quinque eiusdem Ecclesiæ altaria.*
- 3 *Qua intentione visitandæ sunt Ecclesiæ.*
- 4 *An lucrentur Indulgentias Iubilæi Religiosi, aut clerici Ecclesiarum, quæ assignantur visitandæ.*
- 5 *An censeatur visitare Ecclesias, qui præ multitudine hominum eas ingredi nequit.*

I INTERROGATIO. Quid nomine Ecclesiæ intelligitur ? *Resp.* Quoduis sacellum Ordinarij auctoritate erectum. Ita Couar. *c. Alma.* §. 4. Eman. *in bul.* §. 8. n. 8.

2 *Int.* Satisne est visitare quinque Ecclesiæ eiusdem altaria, licet dentur quinque quæ visitari possunt ? *Resp.* Satis. Constat ex ipsius bullæ serie disiunctiuè loquentis, aut quinque Ecclesiæ visitentur, aut quinque altaria.

3 *Jnt.* Qua intentione visitandæ sunt hæ Ecclesiæ ? *Resp.* Pro lucranda indulgentia: hoc tamen non tollit, quin minùs principaliter tales Ecclesias adeam pro alio etiam negotio faciendo, pro quo solo eas adirem. Ita Nauar. *cap. Quando. de consecr. d. 1. cap. 6. §. 14. & Cord. de indulg. dub. 4. qu. 25.*

4 *Jnt.* Assignatur ab Episcopo certa Ecclesia visitanda: possuntne clerici illius Ecclesiæ, vel Religiosi ibidem habitantes lucrari ibidem indulgentias ? *Resp.* Possunt. Ita Doctores communiter, quos refert Cordub. *de indulg. quæst. 30.* Circa hoc est, peculiare priuilegium Minorum à Leone X. & Carthusiensium à Sixto V. vt tradit Auct. *compend. ibi legatur, & videatur.*

5 *Jnt.* Non possum ingredi præ multitudine populi Ecclesiam, quæ habet quinque altaria, lucraborne indulgentiam, si è foris mente, & reuerentia Ecclesiam salutem, & altaria inuisam ? *Resp.* Lucraberis. Ita Rosel. *verb. indulg. §. 2. Cordub. de indulg. qu. 21. Eman. in bul. §. 8. dub. 7.*

De eligendo confessario. §. 8.

- 1 *Qui Sacerdos eligendus sit in confessarium.*
- 2 *An possit eligi in confessarium Sacerdos, qui ex malitia Episcopi*
(quod

(quod malum Deus auertat) non approbatur idoneus ad audiendas confessiones.

- 3 A quo Episcopo debet esse approbatus Sacerdos, ut possit eligi per bullam cruciatam in confessarium.
- 4 An sufficiat Sacerdos approbatus in uno Episcopatu, tempore bullæ versans in alio.
- 5 Quid dicendum sit de regularibus.
- 6 An satis sit approbatus pro certo loco Episcopatus, & pro non alijs, ut in alijs possit eligi in confessarium.
- 7 Qui confessarius potest eligi à Regularibus.
- 8 An Religiosi possint frui bulla cruciata.
- 9 An Nouitij possint per bullam absolui à reſeruatjs suo prælato.
- 10 Quid plus quàm approbatio requiratur in confessario eligendo per bullam.
- 11 Qui per bullam cruciatam potest confiteri confessori excommunicato.

I NTERROGATIO. Qui Sacerdos censendus est idoneus, & approbatus, ut virtute bullæ eligi possit in confessarium? *Resp.* Qui vel Parochiale habet beneficium; vel ab Episcopo idoneus fuit iudicatus. Ita Conc. Trid. *sess.* 23. *c.* 15. *de reſor.* Nomine verò Parochialis beneficij intelligitur cura animarum in hoc foro, qualem habent Episcopi, aliqui Abbates, Archipresbyteri, Archidiaconi. Ita Suar. *de pæn. disp.* 22. *sess.* 4. Non tamen cura animarum, quæ commissæ est prælatis Religionum, & ideo ipsi minimè à secularibus, imò nec à suis domesticis secularibus absque approbatione Ordinarij eligi possunt in confessarios. Ita respondit Congregatio Cardin. *in resp.* 1162. Approbati verò non censentur qui publicum gradum Theologicæ, canonumve scientiæ susceperunt, quales sunt Doctores, aut Licentiati. Ita adnotauit Cord. *in sum.* q. 16. & alij, Guterres *in qu. canon.* c. 6. *fol.* 8.

2 *Jnt.* Censebuntur idonei confessarij, qui postulant ab Episcopo approbationem, repulsam passi sunt ex malitia ipsius Episcopi, quoniam ipsi dignissimi erant approbationis? *Resp.* Minimè. Ita Suarius *de pæn. disputat.* 22. *sess.* 4. Ratio est, quia Concilium ponit hanc conditionalem. Nisi sit approbatus, non possit. Et meritò, quoniam sequeretur inde magna confusio, diceret enim quisque sibi iniuste negatam approbationem. Hanc tamen veritatem negat Nauar. circa

circa Religiosos præsertim mendicantes iuxta eorum priuilegia. *Clem. Dudum. de sepult. & Extrau. super Cathedra. de sepult.* ibi enim sufficit petita, licet non obtenta facultas, & approbatio. Sed immeritò; est enim opinio contra expressa verba Concilij. *Nullus sacerdotum etiam regularium, &c. non obstantibus quibuscunque priuilegiis.* Et ita postea decreuit Pius V. motu proprio 44. & Greg. XIII. declarauit Congregatio Cardin. *resp. 1162.* super Conc. Trid.

3 *Int.* Cuius Episcopi approbatio requiritur in confessario: Episcopine ipsius confessarij, an pœnitentis; *Resp.* Satis est approbatio Episcopi ipsius confessoris, & ideo confessarius Bracharensis approbatus ab Ordinario Bracharensi potest audire confessiones Olyssipponensium, qui illum virtute bullæ, vel ex licentia sui parochi in confessarium eligunt. Ita declarauit Congregatio Cardin. *resp. 1159.* Imò circa Regulares eligentes virtute bullæ, aut Iubilæi confessarium, idem declarauit, vt sit approbatus à suomet Episcopo, seu ordinario. Hanc declarationem secutus fuerat Cordub. *in sum. q. 20. ad 1. dub.* Et ideo immeritò eam reliquit Eman. *in bulla. §. 9. num. 5.* quam modo sequitur Suarius *de pœn. disp. 22.*

4 *Int.* Sufficitne approbatio mei ordinarij, vt illâ solùm profectus in alias Diœceses possim eligi in confessarium per hanc bullam? *Resp.* De regularibus peculiare est dubium, de quo pro tua solita patientia me sigillatim interrogabis. De sæcularibus pars affirmatiua certa est ex declaratione posita Cardinalium, qui solam Episcopi confessoris approbationem requirunt. Cum igitur approbatio fiat, vel per collationem Parochialis beneficij, vel per iudicium Episcopi seu Ordinarij, qui habuerit vel beneficium Parochiale, vel iudicium approbans Ordinarij, potest dum in aliis Diœcesibus hospes moratur eligi virtute huius bullæ ad audiendas confessiones. Dixi, virtute huius bullæ, aut Iubilæi; quia absolutè loquendo, requiritur approbatio Ordinarij Episcopatus, vbi eligor ad audiendas confessiones, licet hospes ibidem commorer, ille enim tunc est meus ad hunc effectum Ordinarius, & in hoc sensu verissimam iudico opinionem Roderici citatam *in bulla. §. 9. n. 5.* vt legenti facilè clarebit.

1 *Int.* Quid in hac quæstione censes de Regularibus? *Resp.* Cùm Regulares vtantur iurisdictione à Papa concessa in vniuersam Ecclesiam, dubitarunt Doctores, an illis post Concilium

lium

Nūm Tridentinum sufficiat vna tantū alicuius Ordinarij etiam approbatio pro tota Ecclesia, ita vt & ipsi audire possint confessiones sine alio priuilegio, aut saltem eligi in confessarios virtute bullæ cruciatæ, alteriusve Iubilæi, de qua controuersia latè Gutterius *lib. 1. qq. cano. c. 27.*

Dico *primum*. Regularis approbatus in vno Episcopatu non censetur approbatus in omnibus, vt ibi absque noua Ordinarij loci approbatione possit audire confessiones, & eligi in confessarium sine bulla, aut alio priuilegio. Probatur primò ex verbis Conc. Trid. *approbatus ab Episcopis*, non dixit, ab Episcopo. Deinde ex declaratione Pij V. nam vt priuilegium concessit Mendicantibus, vt in eodem Episcopatu, & eodem durante Episcopo semel tantum possint examinari, & approbari: toties verò possint quoties mutantur Episcopi: ergo maiori cum ratione tenetur examinari, & approbari in diuersis Episcopatibus. Possint, dixi, quia id relinquitur arbitrio noui venientis, siue succedentis Episcopi: nam ipsi religiosi nō tenentur iterum nouo Episcopo se præsentare, nec petere nouam approbationem, iuxta priuilegium Benedicti XI. vt affert *Cōpend. prin. tract. 2. fol. 127. lit. a. Collect. tit. absolut. ordin. quoad sæcul. 2. §. 24. & 26. Cordub. in anno. compen. tit. præsentatio confess.* Soto in 4. d. 18. q. 4. art. 3. & est veritas vltu probatissima: Tertiò ex concessione Greg. XII. concedentis vt priuilegium singulare confessoribus Societatis I E S V, vt approbati in vno tantum Episcopatu, possint transeundo per alios Episcopatus confessiones audire, præterquam in loco, vbi adsit Ordinarius loci: tunc enim vult Summus Pontifex, vt petant ab illo approbationem. Denique, quia ante Concil. Tridentinum tenebantur mendicantes se præsentare omnibus Episcopis locorum. *clm. dudum. de sepult. & extrauag. super cathedra. eodem tit.* ergo, & nunc præsentari, & obtinere approbationem requisitam à Conc. Ita docuit Gutterius loco citato, & nunc est receptissima, & praxi vsitatissima opinio. Dico *secundum*. Regularis approbatus in vno Episcopatu, potest virtute bullæ cruciatæ, aut alterius priuilegij eligi in confessarium in Episcopatu in quo vt hospes versatur, nondum ibidem approbatus. Ita probabiliter Suarius de pœnit. disp. 22. sect. 5. Ratio eius est, quia declaratio Cardinalium solam requirit approbationem Ordinarij confessoris. Ordinarius verò Regularium, quoad hunc effectum est illè,

O o

cuius

cuius Episcopatus incolæ sunt, licet alibi morentur, seu versentur ut hospites : ergo ut confessorius sæcularis potest eligi, ita & regularis ; non debet enim esse peioris conditionis. Nam si mutet domicilium , requirit nouam approbationem, quia iam Episcopus domicilij est illius Ordinarius , ut est aliorum sæculariū confessorum, mutantium ab vno in alium locum permanens domicilium.

6 Int. Est quidem approbatus pro audiendis confessionibus certi loci, & non aliorum , potestne virtute bullæ eligi in confessorium à quouis totius Episcopatus? Resp. Potest. Ita Eman. in bulla. §. 9. num. 8. Ratio eius est, quia talis est approbatus ab Ordinario : hoc autem solum requiritur à bulla: ergo ubi ius non distinguit, nec nos distinguere debemus. Adde præterea posse eligi à quouis, licet versetur ut hospes in alio Episcopatu : quia iuxta supra positam Cardinalium declarationem sola requiritur approbatio Ordinarij confessoris.

7 Int. Cum iuxta Concil. Tridentini verba non requiratur Ordinarij approbatio ad audiendas Regularium confessiones, duo quæro. Primum , an ad obtinendas indulgentias huius Bullæ , sit satis confiteri sacerdotibus per superiorem signatis, & expositis. Deinde, vtrum si eligendus sit confessorius, oporteat eligere confessorium approbatum ab Ordinario? Resp. Dico ad primum. Satis est confiteri Sacerdotibus per superiorem expositis. Ita Roder. in bul. §. 9. num. 9. Ratio illius est , quia superiores Religionum appellantur in iure Ordinarij erga ipsos religiosos , possunt enim eos ligare , absolvere censuris, dispensare, commutareque eorum vota , hi autem iurisdictionis actus, sunt Ordinarij. Ita Glossa L. pluri. ff. de procu. Gloss. cap. fin. de offic. Ord. ibid. Bartol. Veruntamen ad probandam propositam veritatem hac ratione minime indigemus. Nam nostra bulla solam requirit approbationem Ordinarij, ut eam requirit Concil. Trid. sed Concil. Trid. non requirit approbationem Ordinarij in confessorijs regularium , erga eosdem regulares, sed solam expositionem Prælati ipsius pœnitentis regularis ; ergo, &c. Dico ad secundum. Si eligendus sit confessorius ab aliquo regulari virtute huius bullæ, alius ab iis , quos proprius Prælati expositos habet, & assignatos, requiritur ut sit approbatus ab Ordinario, siue sit sæcularis, siue regularis. Ita Henric. lib. 3. de pœn. cap. 6. ad finem, & est securior opinio.

8 Int.

8 *Int.* Quid censes de regularibus? *Resp.* Dico *primùm*. Regulares etiam ordinum Mendicantium possunt bullam suscipere, & ea vti sicuti alij Christi fideles. Ita constat ex ipso bullæ contextu modum assignantis, quomodo faciendæ sint elemosynæ. Dico *secundùm*. Etiam regulares D. Francisci possunt pecuniam conquirere ad suscipiendam bullam. Ita Roderic. *de bulla*. §. 9. num. 23. Dico *tertiùm*. Possunt regulares absque suorum Prælatorum licentia vti bulla ad ea, quæ non repugnant religiosæ obseruantia, vtpote ad lucrandas indulgentias per ieiunia, orationes, flagellationes, &c. Ita colligitur ex D. Thom. *in Add. q. 27. art. 3. & in 4. d. 20.* vbi Palad. Dico *quartùm*. Religiosi Mendicantes non fruuntur priuilegio bullæ cruciatæ ad effectum eligendi confessarium, qui possit eos absoluerè à casibus reservatis absque licentia superioris. Ita decreuerunt Sixtus I V. Innocent. V I I I. Alex. V I. Iulius II. Leo V. denique Greg. X I I I. & Leo X. viux vocis oraculo. Quod quidem priuilegium concessum est superioribus Religionum mendicantiũ. neque per bullam cruciatam abrogatum est, imò quasi fortiùs confirmatum. Qua de re circa Moniales extat declaratio congregationis Cardinalium, his verbis. Congregatio Concilij censuit quatenus gratia ex bulla cruciata pertinet ad Moniales, non posse vigore facultatis in eadem bulla concessæ alios confessarios præter eos, qui ad audiendas ipsarum monialium confessiones ab Ordinario approbati fuerint, eligere. Refert Eman. *in bul. §. 9. num. 22.* testaturque se ipsum eam vidisse manuscriptam in eadem petitione facta. Dico *quintùm*. Quoniam verò oppositum verum iudicatur in concilio ipsius cruciatæ bullæ, vt videre est in compendio *priuil. tit. Cruciatæ, & rit. absolutio quoad fratres*, Cord. *super regulam cap. 3. & Parasel. tit. notanda priuilegia. §. 10. fol. 175. & fol. 127.* in suo comp. Deinde, quoniam Religionum Prælati huiusmodi reuocatoria priuilegia nunquam in suis capitulis prouincialibus promulgarunt: lex verò reuocatoria priuilegiorum non habet vim ante promulgationem, vt docet Sot. 1. *Iust. q. 2. art. 4. Med. 1. 2. q. 91. art. 4.* Imò hoc scientes tacent, & ideo consentire videntur, probabile est posse religiosos vti priuilegio bullæ circa electionem confessoris, & ideo qui bona fide ea vsus est, nõ est cogendus iterare confessiones. Ita Medin. *de confess. cap. 26. Cord. de indulg. q. 49. ad finem, & Roder. in bul. §. 9. num. 25. in fine.*

9 *Int.* Possuntne nouitij virtute bullæ, alteriusve Iubilæi absolui à casibus reservatis suo prælato? *Resp.* Dico *primum*. Possunt virtute bullæ. Ratio est, quia nouitij adhuc non subiacent legibus rigorosis, & oneribus religionum: neque circa hoc intelliguntur sub nomine religiosi, vti enim possunt honoribus, & non subiacent oneribus. Dico *secundum*. Etiam secundum ius commune possunt nouitij eligere confessarium, & ab eo absolui à casibus reservatis in religione, ac possent, si nouitij non essent, ac proinde non sunt religiosi ad onera, sed solum ad honores. Ita colligitur apertè *ex cap. Relig. de sent. excom. in 6.* traditque Angel. *verb. relig. §. 13. & 14. Sylu. religio. 5. q. 9. 10. & 12. Instruct. cap. 47.* Imò neque ad omnes honores nouitij apti sunt, vt cernere est in dicto *cap. Religio. de sent. excom. in 6.* Nostri tamen instituti non est id persequi.

10 *Int.* Requiriturne aliud quicquam in confessario, vt ex vi bullæ possit eligi à pœnitente? *Resp.* Requiritur insuper, vt sit idoneus. Idoneus verò à Pio I V. in sua bulla censetur non suspensus, non irregularis, non excommunicatus, non interdictus, neque alio modo à suo superiore impeditus. Si autem talis non fuerit, eligi nequaquam potest. *c. Quod transferat. de offic. deleg.*

11 *Int.* Quoniam verò post Concil. Constantiense, solum tenemur euitare in diuinis, & humanis solos excommunicatos publicos, & notorios clerici percussores, imò potest *extraug. ad euitanda*, solos nominatim per iudicis sententiam tales declaratos, vt iam respondisti in propria materia *de excomm.* Rogo nunc, quis ex virtute huius bullæ potest excommunicatum confessorem eligere? *Resp.* Parochianus potest licitè à suo parcho, etiam nominatim declarato excommunicato petere in hoc euentu, & alio necessitatis, pœnitentiæ sacramentum. Ita omnes Doctores, & Adrian. *quest. 8. de confess.* Angles *quest. de confess. art. 8.* liberiùs loquuntur. Ratio est, quia iste parochianus petit quod suum est, parochus verò ex propria malitia est in eo statu, & ideo sibi imputet. Vt qui petit iuramentum ab eo, quem scit iuraturum per falsos Deos, non peccat, quia ipse petit suum ius, & rem, quam alius licitè, & sanctè facere potest, iurando per verum Deum. Dixi, in euentu necessitatis, quia absque ea faceret contra charitatem inducendo alium ad peccandum in administratione Sacramenti.

menti. Dico *secundum*. Si Sacerdos confessarius non est parochus, & est excommunicatus, licet sponte voluntateque sua expositus sit pro audiendis quibusque poenitentibus, peccat qui illum eligit in confessarium. Hæc veritas est contra multorum opinionem, teste Sot. in 4. d. 1. q. 5. art. 6. Est tamen Castri lib. 1. de pun. hæc. c. 15. Angles q. de ministr. sacram. art. 6. Ratio eorum est, quia actus exterior addit malitiam supra actum interiorem, loquendo moraliter (quidquid, metaphysica veritas doceat) atque moraliter grauius peccat, qui exterius mœchatur, quàm qui solum vult mœchari, estque experimentum manifestum, saltem in delectabilibus, & irascibilibus, ut docet D. Thom. 2. 2. q. 2. art. 4. & in aliis peccatis actus exterior addit multipliciter actuum interiorum, & firmitatem propositi. Ideo qui exigit executionem peccati ab eo, qui paratus est illud exequi, cooperatur peccato. Hæc veritas omninò tenenda, nisi urgeat magna necessitas confitendi: tunc enim sequi potest oppositam sententiam.

De vicibus, quibus ex vi bullæ potest poenitens absolui. §. 9.

1. Quoties ex vi bullæ potest poenitens absolui.
2. Quod est priuilegium posse absolui in articulo mortis.
3. Quis est intelligendus articulus mortis.
4. An possit concedi ex vi bullæ inauigantia sub conditione.

I N T E R R O G A T I O. Quoties ex vi bullæ potest poenitens absolui ab electo confessario? *Resp.* Semel in vita, semel in morte. Ita textus eiusdem bullæ, hoc est, in articulo mortis.

2. *Int.* Quid priuilegij concedit sua Sanctitas in articulo mortis; nam tunc nullum est peccatum reservatum cuilibet Sacerdoti? *Resp.* Magnum: enim verò etiam in articulo mortis absolute loquendo, seruandus est ordo dignitatis, non cogere ad aliud necessitate, & ideo presente eo, qui potest absolvere à reservatis, etiam in eo articulo non potest absolvere; qui tali potestate caret, ut iam dixi supra in materia de poen. priuilegio autem bullæ cruciata potest quilibet confessor approbatus, & à poenitente electus, etià presente eo, qui in commune ius poterat absolvere Ita Roder. de bul. §. 1. art. 10.

3 *Int.* Quomodo intelligendus est articulus mortis? *Resp.* Aliud est periculum mortis, aliud articulus mortis. Periculū mortis est euentus, in quo iustè, & prudenter timeri potest euenturā mortem, talis est periculosa nauigatio, prælium cōmittendum, vel quid simile, vt duellum, &c. Articulus mortis est euentus, in quo quis iam naturaliter desperata salute est ad moriendum proximus. Ex vi bullæ absolutio dari potest tantum in articulo mortis, siue vero, siue præsumpto vero, non autem in periculo. Ita Sot. in 4. d. 18. q. 4. ar. 4. Cou. c. Alma. Can. de pœn. fol. 59. aliàs 49. Sylu. interdict. dicto 5. q. 4. Panorm. c. Quod in re. de pœn. & remis.

4 *Int.* Potestne confessor in articulo præsumpto mortis impertire indulgentiam sub conditione, si verè mortem obieris, alioqui seruet tibi Deus hanc indulgentiam ad instans mortis? *Resp.* Potest. Ita Nauar. in sum. c. 26. num. 31. Cordub. de indulg. q. 38. Et ita fieri iubet Bullæ commissarius.

De modo concedendi indulgentias huius bullæ. §. 10.

- 1 An necesse sit ad lucrandas indulgentias bullæ, vt eas confessorius concedat.
- 2 Qua forma vti debet confessorius in concedendis indulgentiis.
- 3 Quando est concedenda indulgentia pro articulo mortis.
- 4 An lucretur indulgentias bullæ, qui ex malitia confessorij non absoluitur.

1 **I**NTERROGATIO. Ad lucrandas huius bullæ indulgentias requiritur, vt confessorius eas concedat? *Resp.* Requiritur. Ita collector in Compen. tit. indulg.

2 *Int.* Qua forma vti debet confessorius in concedendo huius bullæ indulgentias? *Resp.* Forma tradita à Commissario, si tamen ea non vtatur, adhuc verè impertit indulg. q. 18. Nau. c. in Leuit. not. 30. n. 6. & in man. c. 26. num. 31. Satis verò est dicere. Concedo tibi omnes gratias, quas concedere possum virtute huius bullæ: idem mente, & cogitatione habendo. Ita Eman. in bulla. §. 9. num. 40.

3 *Int.* Quando est concedenda indulgentia pro articulo mortis? *Resp.* Salubre est consilium, non nisi cum iam pœnitēs peccare nequeat mortaliter iuxta prudentis iudicium præ mortis afflictione, & amissione libertatis, illam concedere, vt ita absque Purgatorij pœna, queat in cælum aduolare. Ita notauit piè fatis Roderic. in bulla. §. 9. num. 39.

3 *Int.*

4 *Int.* Confiteor, vt indulgentias huius bullæ adipiscar, confessarius ex malitia non me absoluit, lucrone indulgentiam? *Resp.* Lucrone. Ita Curiel *de iubil.* p. 33. absolutè de quavis indulgentia; ita verò nostræ bullæ textus est clarus circa hunc euentum.

De iis, à quibus potest absolvere confessarius per Bullam cruciatam electus. §. 11.

- 1 *A quibus culpis potest absolvere confessarius electus per bullam cruciatam.*
- 2 *Quot sunt censuræ, & pænæ à quibus potest absolvere confessarius electus per bullam cruciatam.*

1 **I** N T E R R O G A T I O. A quibus culpis potest absolvere confessarius per bullam cruciatam electus? *Resp.* A quibuscunque peccatis, & censuris. Ita textus ipse bullæ.

2 *Int.* Quot sunt censuræ, quarum absolutionem committit summus Pontifex confessario electo per bullam cruciatam? *Resp.* Quatuor. Excommunicatio nimirum, suspensio, irregularitas, interdictum.

De absolutione ab excommunicatione per hanc Bullam. §. 12.

- 1 *Ad absolutionem excommunicationis positæ ad instantiam par-
tis læsæ, oportet, vt prius fiat satisfactio.*
- 2 *Quo pacto facienda est talis satisfactio.*
- 3 *An simul possint absolui multe excommunicationes.*
- 4 *An confessarius electus per Bullam possit absolvere ab excom-
municatione extra confessionem.*
- 5 *An impartienda sit absolutio excommunicationis cum ceremo-
niis à iure præscriptis.*
- 6 *An valeat in foro externo absolutio excommunicationis per
bullam cruciatam.*
- 7 *An confessarius per bullam electus possit absolvere ab excom-
municatione ab homine generaliter.*
- 8 *An possit absolvere ab excommunicatione ab homine nomina-
tim.*
- 9 *An possit absolvere à tali excommunicatione ab homine nomi-
natim, cum per excommunicationem nõ stat, vt fiat satisfactio.*

10 *An possit absolvere à tali excommunicatione, cum excommunicatus est impotens ad absolvendum.*

1 **I**NTERROGATIO. Iubet Summus Pontifex, ut ante absolutionem excommunicationis positam ad instantiam partis læsæ, fiat satisfactio partis, quæro an hoc sit de essentia absolutionis, ita ut non teneat, nec valeat, si aliter datur? *Resp.* Est quidem de essentia. Ita Nau. in man. c. 27. n. 47. & 48. Arm. absolutio. n. 48. est enim clara bullæ præscriptio.

2 *Int.* Quo pacto fieri potest, & debet iusta læsæ partis satisfactio? *Resp.* Si vel reddatur æqualitas rei debitæ, vel dentur pignora, & sufficiens cautiones, vel saltem iuret se satisfacturum cum primum potuerit. Ita Nau. Cou. Armil. & Perez, quos refert, & sequitur Eman. in bul. §. 9. nu. 53.

3 *Int.* Est quis excommunicatus diversis excommunicationibus, poteritne electus confessarius unica absolutione ligatum expedire? *Resp.* Poterit, dicendo, absolvo te ab omnibus quibus detineris excommunicationibus, vel quid simile. Ita Angel. tract. de excom. fol. 52. cum communi. Quoniam in hoc euentu vitur potestate supremi iudicis, cui omnes alij subiaciuntur, summi nimirum Pontificis.

4 *Int.* Potestne electus confessarius absolvere talem excommunicatum extra sacramentum poenitentiae? *Resp.* Minimè. Ita Couar. cap. Alma. de sent. excom. p. 2. §. 11. num. 16. Nau. in Man. c. 26. num. 31. Cord. in sum. q. 16. Ratio est, quia eam præscribit bulla conditionem, quorum diligenter auditis confessionibus eos possunt absolvere à quibuscunque, &c. ut legenti patebit.

5 *Int.* Estne hæc absolutio impertienda cum ceremoniis præscriptis à iure? *Resp.* Minimè, quia fit in foro interiori: ceremoniæ verò pertinent ad forum exterius. Ita Nau. in man. cap. 26. num. 2.

6 *Int.* Absolutio excommunicationis impertita ex privilegio bullæ, valetne ad forum exterius? *Resp.* Minimè. Ita Couar. c. Alma. 1. p. §. 11. n. 16. Ledesin. in 4. n. 26. Gutter. in qq. can. c. 3. num. 8. & 9.

7 *Int.* Potestne confessarius electus absolvere ab excommunicatione ab homine? *Resp.* Potest. Ita Eman. in bul. §. 9. num. 55.

8 *Int.* Rogo ulterius. Est quis nominatim ab homine excommunicatus, potestne absolui quoad forum interius per virtutem

tem huius bullæ? *Resp.* Minimè: neque per hanc, neque per aliam, aliudve privilegium, quin prius parti læsæ satisfiat. Ita decrevit Pius V. in Iubilæo à se concessio anno 1568. his verbis. Declarantes insuper tam præsentibus, quam alias quascunque super concessione similium, vel dissimilium indulgentiarum à nobis, & à prædecessoribus nostris hæcenus emanatas, & in futurum quomodolibet emanandas litteras Christi fidelibus ipsis, nisi ad earum effectum in foro conscientiæ, & pœnitentiali consequendum duntaxat, non autem in foro fori, aut contentioso, nisi satisfecerint, nullatenus suffragari. Et ita iubet Conc. Trid. *sess. 25. de reform. cap. 12.* ne absolvatur excommunicatus nominatim pro furto decimarum, aut impeditione, ne soluerentur, nisi prius satisfacta parte.

9 *Int.* Est pars læsa in longa distantia, & iudex, qui nominatim excommunicavit Petrum: vult Petrus confiteri & lucrari indulgentias, deponit apud fideiussorem fidelem rem debitam, poteritne absolui ab excommunicatione, & à peccatis? *Resp.* Poterit. Ita Eman. *in bul. §. 9. n. 55.* Ratio eius est, quia ea censenda est iusta voluntas partis, & iudicis, si quidem debitor facit quantum in se est, & est impotens ad plus faciendum.

10 *Int.* Est quis impotens ad soluendum centum quibus parti læsæ satisfiat, poteritne frui beneficio huius bullæ, & absolui, si est excommunicatus pro tali debito, seu nominatim seu vniuersaliter? *Resp.* poterit, quia coram Deo facit quantum in se est. Ita Eman. *in bul. §. 9. n. 55.* Neque potens postea factus, & nolens satisfacere parti læsæ, reincidit in eandem excommunicationem. Ita Nauar. *in man. c. 27. n. 247.* Non enim est in confessario potestas absoluendi ad reincidentiam, cum taliter absoluere sit actus iurisdictionis circa excommunicandum, ut tenet Sot. *in 4. d. 22. art. 3. Cord. q. 20. sum.* Adeo ut nec ad instantiam partis læsæ ita absolui possit, cum nec pars læsa, nec confessarius habeant iurisdictionem ponendi excommunicationem, ut notat Sylu. *excomm. 2. not. 1. casu 13. 14. 15. & excomm. 1. qu. 6.* Nauar. *in sum. c. 27. n. 14. & Cord. loco sup. citato.*

De absolutione à suspensione. §. 13.

1 *An virtute bullæ cruciata possit absolui à suspensione, qui minor vigesimoquinto anno sacerdotij ordines suscepit malitiose.*

2 *An talis absolutus possit statim celebrare.*

1 **I**NTERROGATIO. Supposita veritate, quod malitiosè ordinatus sacerdotio sciens se esse minorem vigesimoquinto anno inchoato, maneat suspensus per extrauagantem Pij I I. manu tantum scriptam, vt notat Nau. in man. cap. 25. n. 70. & cap. 27. n. 155. & 242. sed non ideo minoris valoris, imò æqualis ac aliæ impressæ, vt aduertit Caiet. verb. excom. c. 31. quam postea confirmauit Pius V. vt aduertit Cordub. in sum. c. 144. quæro vtrum virtute huius bullæ cruciatæ possit talis absolui in foro interiori? *Resp.* Potest. Ita Med. in summ. lib. 1. §. 8. fol. 45. Ratio est, quia talis censura fuit culpabiliter contracta, & de censuris culpabiliter contractis potest confessarius electus per hanc bullam soluere, vt infra dicam de irregularitate.

2 *Int.* Quæro vterius, an talis absolutus à suspensione, possit statim celebrare? *Resp.* Si peruenit ad legitimam ætatem petitam à Concil. Trid. nimirum ad vigesimumquintum annum inceptum, vt referam in Sacramento Ordinis, potest: si non peruenit, non potest, manetque irregularis, si celebrat, quia erat à iure suspensus. Ratio est, quia electus confessarius potest priuilegio bullæ tollere suspensionem, non tamen dispensare in legitima ætate.

De absolutione ab irregularitate. §. 14.

1 *Quæ irregularitas appellanda est censura, à qua potest confessarius ex vi bullæ cruciatæ soluere.*

1 **I**NTERROGATIO. Quæ irregularitas appellanda est censura? *Resp.* Ea, & sola, quæ oritur ex delicto, Et ab ea sola potest confessarius electus virtute bullæ soluere. Ita Cordub. de indulg. quæst. 43. aub. 4. Medin. in sum. lib. 1. §. 9. & 12. quæst. 99. art. 4. Gutter. in quæst. can. cap. 1. fol. 57. Quamuis oppositum censeant Sot. 5. iust. quæst. 1. art. 4. Nauarr. in man. cap. 27. num. 1. & 152. Hinc excipitur irregularitas, quæ oritur ab homicidio voluntario, siue iusto, siue iniusto, vt aduertit Eman. in bul. §. 9. num. 64.

De absolutione ab interdicto. §. 15.

1 *Quem interdictum possit confessarius soluere ex vi bullæ cruciatæ.*

2 *An talis absolutio prosit ad forum externum.*

63 An

3 *An possit absolvere à cessatione à diuinis.*

1 **I**NTERROGATIO. Quid priuilegij concedit summus Pontifex in hac clausula? *Resp.* Magnum quidem. Scilicet, vt confessor electus per hanc bullam cruciatam possit interdictum nominatim ab homine (quem non poterat absolvere nisi iudex qui illum interdixerat, vel alius iudice illo superior in iurisdictione eiusdem fori) ab illa interdicti censura absolvere, satisfacta prius parte læsa, vt dixi iam de absolutione excommunicationis. Potest præterea absolvere à quouis alio interdicto posito à iure, quouis modo, etiam Sedi Apostolicæ reservato. Absolutus itaque ab hac censura, potest suscipere Sacramenta, & sepeliri sepultura Ecclesiastica.

2 *Int.* Prodestne hæc absolutio ad forum externum? *Resp.* Minimè. *cap. super hoc*, vt refert Eman. in *bul. §. 9. num. 65.*

3 *Int.* Dátne hæc bulla confessario facultatem absoluendi à cessatione à diuinis? *Resp.* Minimè. Ratio est, quia cessatio à diuinis non est censura, & ideo qui cum ea celebrat, non incurrit irregularitatem, vt defendit Guttur. in *qq. can. c. 16.*

De absolutione ab excommunicationibus positis in
 bulla cœnæ Domini, quæ dari potest per
 confessarium electum virtute bullæ
 cruciatæ. §. 16.

De hæreticis. Sect. 1.

1 *Quæ est prima excommunicatio Bullæ Cœnæ Domini.*

2 *Quis intelligitur sub nomine hæretici.*

3 *Quis intelligitur sub nomine fautoris.*

4 *Quis est dicendus schismaticus.*

5 *Qui excommunicantur in Bulla Cœnæ ratione librorum prohibitorum.*

6 *Quis potest absolvere hæreticos, schismaticos, & eorū fautores.*

7 *Quid potest Episcopus circa hos.*

8 *An Inquisitores possint supradictos absolvere per vicarium.*

1 **I**NTERROGATIO. Quæ est prima excommunicatio Bullæ Cœnæ Domini? *Resp.* Ea, quæ excommunicantur hæretici, & fautores hæreticorum, schismatici, & legentes, vel retinentes, vel approbantes libros hæreticorum: hi enim omnes in Hispania à solis Inquisitoribus fidei in utroque foro possunt absolui, & comprehenduntur sub nomine hæreticorum

rum

rum quoad poenam excommunicationis. Ita Eman. in bul. §. 9. num. 66.

2 Int. Quis hoc in loco intelligitur nomine hæretici? Resp. Is cuius pertinacia & hæresis prodiit in deliberatum actum externum. Itaque ad incurrendam, contrahendamque huiusmodi excommunicationem requiritur contumacia animi, & deliberatio operis externi hæreticalis scienter, & hæreticali malitia patrati. Ita Gutter. in quæst. can. cap. 23. num. 28. Et quamvis sola pertinacia mentis deliberata contra aliquid de fide ab Ecclesia propositum sufficiat, & requiratur omnino ad constituendum hæreticum; iuxta omnes, sicuti notat Syluest. hæresis. 1. quæst. 3. & Simancha de instit. cathol. cap. 26. ut iam memini ad primum Decalogi præceptum, tamen hic hæreticus appellatur mentalis, & non excommunicatur in bulla cœnæ. Merito tamen censetur hæreticus externus ille, qui ita pertinaciter adhæret alicui opinioni, ut quidquid censcat in oppositum Ecclesie, illam doceat tanquam de fide, offeratque vitam, si oportuerit. Ita Castro de pæn. hæ. lib. 1. q. 7. §. 37. Cathar. in Apolog. contra Sot. de certit. grat.

3 Int. Qui intelliguntur sub nomine fautorum? Resp. Solus ille, qui iuvat, recipit, defendit hæreticum, quatenus hæreticum, ut permaneat in sua hæresi, vel saltem non puniatur è Censoribus fidei, quasi sit indignus tali poena. Ita Navar. in man. cap. 27. num. 56. & hic solus incurrit excommunicationem bullæ cœnæ, quovis modo illum iuuet. verbo, vel facto, vel pecunia, vel alimentis, vel equo, vel gladio, &c. Non autem censendus fautor hæretici, qui illum iuvat, recipit, aut defendit, ut amicum, ut proximum causa postulante pietatis, ut consanguineum miseratione cogente; vel ut alium similem hominem miserum, & calamitosum.

4 Int. Quis est dicendus schismaticus, qui in bulla cœnæ excommunicatur? Resp. Qui pertinaciter ab Ecclesia separantur in opinionibus, pertinaciter repugnando mandatis Ecclesiæ, Concilij generalis, & Papæ: diuiduntque suo modo Christum, dicendo sic, & sic. Ita D. Hieron. in epist. ad Gal. Hoc enim est discrimen inter hæreticum, & schismaticum, quod hæreticus habet aliquam propositionem contrariam fidei, & eam pertinaciter defendit: schismaticus verò separatur ab Ecclesia.

5 Int. Qui in bulla cœnæ excommunicantur pro libris prohibitis

prohibitis hæreticorum? *Resp.* Ij, qui eos domi habent scienter. Ij item, qui eos scienter legunt absque facultate Apostolica. Ij, qui eos imprimunt. Ij, qui eos quouis modo defendunt, etiam laudando. Ita Eman. in bulla. §. 9. n. 78. Et ideo non excommunicantur, qui dicta hæreticorum legunt in libris Catholicis relata, vel libros Catholicorum per hæreticos expositos: pro istis tamen est pœna posita in indice Pij I. teste Nauar. in man. c. 27. n. 56. & in indice librorum prohibitorum Hispaniæ.

6 *Int.* Quis potest absoluerè hæreticum, & fautores hæreticorum, aliosque supradictos? *Resp.* In Hispania, etiam in foro conscientie soli Inquisitores fidei. Nullusque alius neque virtute bullæ, neque aliter, plenissimi Iubilæi, nisi de hæresi fiat peculiaris mentio, iuxta breue concessum Inquisitoribus per Pium V. teste Rotis de hæret. 1. p. affer. 19. & eodem lib. de priu. Inquis. num. 416. eratque priuilegium iam concessum in quadam Extrau. Urbani I V. teste Albert. in repertorio Inquis. verbo crimen.

7 *Int.* Quid possunt Episcopi circa hos? *Resp.* Possunt per se, & non per alium vicarium suum absoluerè ab hæresi occulta. Ita Concil. Trid. his verbis. *Liceat Episcopis*, &c. & in quibuscunque casibus occultis, etiam Sedi Apostolicæ reseruatis, delinquentes quoscunque sibi subditos in Diocesi sua per seipso, aut vicarium ad id specialiter deputandum in foro conscientie gratis absoluerè imposita pœnitentia saluari. Idem & in hæresis crimine in eodem foro conscientie eis tantum, non eorum vicariis sit permissum.

8 *Int.* Licetne Inquisitoribus absoluerè supradictos hæreticos, aut eorum fautores per vicarium, quamuis non liceat Episcopis? *Resp.* Licet. Notat id Camillus Inquisitor generalis Mantuæ, & Ferraræ in suis additionibus, teste Roder. in bul. §. 9. n. 70.

De piratis. Sect. 2.

1 *Contra quos piratas lata est excommunicatio in Bulla Cæne Domini.*

2 *Qui dicendi sint piratæ.*

1 **I**NTERROGATIO. Contra quos lata est huiusmodi excommunicatio? *Resp.* Contra piratas, piratarum fautores, vt piratæ sunt, recipientes, fauentes, occultantes,

tes, &c. & raptores bonorum naufragorum.

2 *Int.* Qui dicendi sunt piratæ? *Resp.* Qui mari vagantur latrocinia exercendo, & homicidia, vel animo latrocinandi, & occidendi. Mari, dixi, non fluuiis, aut paludibus: qui enim fluuius, paludēve latrocinii, & homicidiis infestaret, non diceretur pirata excommunicatus in bullæ Coenæ.

De Dominis petentibus seu imponentibus noua vectigalia, gabellas, & pedagia. Sect. 3.

1 *Qui Domini incurrunt talem excommunicationem.*

2 *Quando incurritur talis excommunicatio.*

3 *An incurratur circa personas exemptas.*

1 **I N T E R R O G A T I O.** Qui Domini intelliguntur incurrere excommunicationem bullæ Coenæ? *Resp.* Ij, qui supra se habent superiorem temporalem. Ita Roder. in bul. §. 6. num. 81.

2 *Int.* Quando incurrunt huiusmodi censuram petendo, & imponendo hæc noua vectigalia? *Resp.* Cum ea ponunt, & petunt absque licentia sui temporalis superioris, & per violentiam subditorum tanquam rem sibi iure debitam. Ita Roder. proximè, & Nauar. in man. c. 27. n. 61.

3 *Int.* Incurritne princeps sæcularis huiusmodi censuram, cum à personis exemptis petit tributa, vt à clericis, &c. *Resp.* Minimè. Ita Eman. proximè.

De falsificantibus literas Apostolicas. Sect. 4.

1 *Qui comprehenduntur in hac excommunicatione.*

2 *Quid intelligitur sub nomine literarum Apostolicarum.*

1 **I N T E R R O G A T I O.** Qui excommunicantur per hanc excommunicationem? *Resp.* Non solum qui Apostolicas literas falsificat, sed etiam qui eas falsificare facit. Ita Ioan. Maior, & Rosel. quos citat, & sequitur Cord. 5. q. 26.

2 *Int.* Quid intelligitur per literas Apostolicas? *Resp.* Intelliguntur tam bullæ à Papa expeditæ, quam supplicationes signatæ à Papa cum verbo, fiat. Ita Nauarr. in man. cap. 27. n. 61. imò est contextus bullæ. Ideo non excommunicantur hac excommunicatione bullæ Coenæ, qui falsificant literas Episcopi, vel Nuncij, vel Protopœnitentiarij, quia non sunt literæ Papales. Item non excommunicantur hac excommunicatione

ne, qui falsis obtentis rationibus à Papa impetrant literas (quanquam poenis puniuntur *cap. Ad falsariorum.*) Neque qui immutant aliquid accidentarium Papalium literarum, ut notat Nauarr. Neque qui falsis ab alio factis literis vtuntur in suum commodum, quia hi non falsificant.

De ponentibus manus violentas in Prælatiſ. Sect. 5.

- 1 *Qui contrahunt hanc excommunicationem.*
- 2 *Quales intelliguntur Patriarchæ, Archiepiscopi, & Episcopi.*
- 3 *An comprehendantur iuvenes, & facientes.*

1 **I** N T E R R O G A T I O. Qui contrahunt hanc excommunicationem? *Resp.* Ij, qui Patriarchas, vel Archiepiscopos, vel Episcopos aut occidunt, aut mutilant, aut cædunt, aut vulnerant, aut retinent vi, aut in carcerem coniiciunt.

2 *Jnt.* Quales Patriarchæ, Archiepiscopi, & Episcopi intelligendi sunt? *Resp.* Soli consecrati. Ita Nauar. proximè, & Eman. in bul. §. 9. num. 83.

3 *Jnt.* Comprehenditne huiusmodi excommunicatio iuvenes, & fauentes? *Resp.* Comprehendit. Ita Gregor. XII I. declarauit, teste Nauar. & Roderico proximè.

De vsurpantibus bona Ecclesiastica. Sect. 6.

- 1 *Quæ bona Ecclesiastica hic intelliguntur.*
- 2 *Qui incurrunt hanc excommunicationem.*

1 **I** N T E R R O G A T I O. Quæ intelliguntur in hac prohibitione bona Ecclesiastica? *Resp.* Redditiſ Ecclesiastici, hoc est, qui sunt personarum Ecclesiasticarum.

2 *Jnt.* Qui hanc censuram incurrunt? *Resp.* Qui auctoriſatiuè, seu vt iusti Domini hos redditus absque licentia Pape capiunt, & exigunt.

Contra iudices sæculares. Sect. 7.

- 1 *In quos iudices sæculares lata est censura in Bulla Cœnæ.*

1 **I** N T E R R O G A T I O. In quos iudices sæculares lata est excommunicatio bullæ cœnæ? *Resp.* In eos qui cùm sæculares iudices sint, volunt cognoscere causas Ecclesiasticarum personarum, quouis modo id intendant facere. Quinque impediunt executionem literarum Apostolicarum. Nominè verò iudicum intelliguntur quinque sæcularis fori ministri & officiales. Ita Emanuel in bulla. §. 9. n. 85.

De

De iis , qui portant arma ad infideles. Sect. 8.

- 1 Quos comprehendit hæc excommunicatio.
- 2 An comprehendat captiuos Christianos remigantes in triremibus Turcarum.

1 **I N T E R R O G A T I O.** Quos comprehendit hæc excommunicatio ? *Resp.* Qui ad Turcas, Mauros, aut quosvis alios infideles arma deferunt, vel materiam armorum, vt ferrum, æs, &c. aut quoduis aliud ad bellum conducens, vt equos, &c.

2 *Int.* Comprehenditne captiuos Christianos, qui metu verberum, neciue coacti remigant in triremibus Turcarum pugnantium contra Christianos ? *Resp.* Minimè. Ita Nauarr. in man. cap. 27. num. 63. Imò eos excusant à peccato mortali, Cordub. quæst. 137. dub. 2. Instruct. casu 7. de homicid. Nauar. lib. 3. restit. cap. 4. num. 61. & 62. concinit Nau. in sum. cap. 27. nu. 63. Ratio eorum est, quia nauigatio in se est bona, aut saltem indifferens : ex malitia verò Turcarum ordinatur ad malum finem : isti verò captiui intendunt solùm rem bonam, aut saltem indifferentem. Oppositum tamen de peccato censeo verum, vt dicam 4. p. de pec. captiuor. numer. 6.

De iis qui offendunt pergentes Romam, aut ibi habitantes. Sect. 9.

- 1 Qui ligantur hac excommunicatione.

1 **I N T E R R O G A T I O.** Supra quos offendentes cadit hæc excommunicatio ? *Resp.* Cadit supra eos, qui tales eunt Romam, vel ibi commorantes, vel inde proficiscentes offendunt, modo quem bulla assignat, ratione ipsius Sedis Apostolicæ, hoc est, qui Romam petunt, vel incolunt, vel ab ea decedunt causa ipsius Sedis Apostolicæ. Si enim Romam petant, vel ibi habitent, aut inde proficiscantur negotiandi causa, vel aliud quid agendi à Sede Apostolica alienum, non muniuntur eo priuilegio.

De impredientibus, ne Romam asportentur actui & vestitui necessaria. Sect. 10.

- 1 Qui non incurrunt hanc censuram.

I N T E R

I N T E R R O G A T I O. Qui non incurrunt hanc censuram? *Resp.* Qui suæ Reipublicæ necessitati consulentes prohibent extrahi inde frumentum, ne fame postea laborent; aut prospicientes florum populorum incolumitati interdiciunt, ne Romam postifera lue infectam eant, & redeant. Ita Roder. in bul. §. 9. num. 87.

De confessario absolvente à casibus cœnæ, cum non habeat ad id facultatem. Sect. 11.

I Qui confessarius ligatur hac censura.

I N T E R R O G A T I O. Qui confessarij incurrunt huiusmodi excommunicationem? *Resp.* Soli ij, qui vel audacia, vel ignorantia crassa absoluunt. Non verò qui inaduertenter, & ignorantia leui. Ita Nau. & Eman. in bul. §. 9. n. 90.

De commutatione votorum. §. 17.

1 In quod opus pium facienda est commutatio votorum per bullam cruciatam.

2 An possint commutari ex vi bullæ iuramenta facta Deo.

3 An possint commutari vota facta post bullam susceptam.

4 An possit commutari votum de nunquam petenda commutatione votorum.

5 An possit fieri talis votorum commutatio extra sacramentum penitentiae.

6 An commutandi facultas comprehendat facultatem dispensandi.

7 An possint commutari omnia vota.

8 Quod votum castitatis nequit ex vi bullæ commutari.

9 An possit per bullam cruciatam commutari votum pœnale religionis.

10 An votum ingrediendi religionem militarem possit per bullam commutari.

11 Quid intelligitur per votum ultra mare.

I N T E R R O G A T I O. In quod opus pium facienda est commutatio virtute bullæ cruciatæ? *Resp.* In eleemosynam pecuniariam ad auxilium belli contra infideles: dandaque est, siue tradenda talis eleemosyna thesaurariis, siue quæstoribus ipsius bullæ. Ita Nau. in man. c. 12. n. 30. Cordub. in sum. q. 149. Angel. q. de voto. fol. 121.

2 *Int.* Potestne confessarius virtute huius bullæ cruciatæ quemadmodum vota, ita etiam iuramenta facta circa eandem materiam votorum commutare? *Resp.* Potest. Ita Sot. 8. iust. q. 11. art. 9. Direct. curat. c. 15. D. Thom. 2. 2. q. 89. a. 8. Eman. in bul. §. 9. num. 108. contra Nau. in man. c. 27. nu. 272. Ratio est, quia iuramenta talia facta Deo sunt vota iurata.

3 *Int.* Potestne confessarius commutare virtute bullæ cruciatæ vota non solum facta ante, sed post bullam susceptam? *Resp.* Potest. Ita Cordub. in sum. q. 149. Nauar. de indulg. notab. 37. Non sic dicendum de eo, qui posset in iis dispensare, vt docent Sot. 1. iust. quest. 4. Angel tit. de voto, & Cordub. citatus. Ratio est, quia in commutatione obligatio non tollitur, sed solummodo transfertur; in dispensatione verò omnino tollitur.

4 *Int.* Vouit quis se nunquam petiturum commutationē suorum votorū, potestne confessarius virtute bullæ cruciatæ hoc votum commutare? *Resp.* Potest, sed in melius tunc commutanda sunt vota, de quibus vouit se non petiturum commutationem. Ita Angel. a. de conf. & Rod. in bul. §. 9. n. 112.

5 *Int.* Potestne confessor commutare vota virtute bullæ cruciatæ extra Sacramentum pœnitentiæ? *Resp.* Minimè. Ita Eman. proximè, & textus manifestus bullæ.

6 *Int.* Sub potestate commutandi vota intelligiturne potestas dispensandi in iis? *Resp.* Minimè. Ita Nauar. in man. c. 12. num. 71. Sot. & Cordub. de indulg. q. 73. Ratio est, quia maior potestas requiritur ad dispensandum, quàm ad commutandum: commutari enim votum nequit nisi in æquale, & ad hoc nulla requiritur iurisdictio: quia tamen quisque in propriis rebus fallitur, committitur hoc iudicium confessorio.

7 *Int.* Potestne confessarius electus per bullam cruciatæ commutare omnia vota? *Resp.* Minimè. Excipiuntur enim solitaria, Castitatis scilicet, Religionis, & vota transmarina. Ideo potest commutare vota eundi Romam, aut Compostellam peregrinandi gratia, quæ solent Papæ reseruari, quia vbi textus non excipit, nec nos excipere debemus.

8 *Int.* Quod votum castitatis nequit confessarius virtute huius bullæ commutare? *Resp.* Votum castitatis perpetuæ, & absolutæ. Nam si quis vouit castitatem ad tempus, per annum, v.g. vel circa vnā rem veneream, & non alia, vt circa

Castus

5

tactus impudicos, vel circa amplexus, vel circa pollutionem, non censetur vouisse castitatem absolutè, & hoc votum virtute cruciatæ commutari potest. Ita Sot. 7. *Iust. quæst.* 4. *art.* 3. Nauar. *in man. cap.* 12. *num.* 77. quoniam tale votum non est reseruatum Papæ. Tale similiter est votum non nubendi, vt ait Sot. *in 4. d.* 38. *q.* 2. *art.* 1. contra Caiet. *in qu. de voto non nubendi*, & ideo potest commutari. Talia itidem sunt vota suscipiendi ordinem sacrum, vt docet Eman. *in bul.* §. 9. *nu.* 112. & ingrediendi Religionem, vt aduertit Palatius *in 4. d.* 32. *disp.* 2. *punct.* 720. Ratio est, quia tales non vouerunt aliam perfectionem, quàm se ponendi in statu, in quo decens est seruare castitatem.

9 *Iut.* Potestne confessarius virtute cruciatæ commutare votum poenale religionis, hoc est, factum in poenam, v.g. si tale, vel tale egero, voueo me ingressurum ordinem D. Francisci? *Resp.* Res est valdè controuerfa. Affirmat Medin. *in sum. lib.* 1. *cap.* 13. §. 6. fuitque opinio doctissimorum virorum, teste Henriquez *lib.* 7. *de indulgent. cap.* 30. *num.* 6. & ideo probabilis, tutaque in conscientia, licet Couar. *cap. Quamuis pactum.* §. 2. *num.* 12. *de pactis. lib.* 6. & Sot. 7. *Iust. q.* 1. *art.* 1. eam scrupulosam iudicent. Ratio est, quia vota poenalia non sunt facta in fauorem, & amorem religionum, sed quodammodo in detestationem, & mœrorem, quasi rem contrariam gustui, & voluntati: tale autem votum non sibi Papa, aiunt, reseruat, sed facta amoris, & gaudij stimulis.

10 *Iut.* Caditne exceptio bullæ cruciatæ etiam supra votum ingrediendi religionem militarem D. Ioannis? *Resp.* Cadit. Ita Roderic. *in bul.* §. 9. *num.* 123. Ratio est, quia hæc est vera religio, in qua votum castitatis solemne in ea emissum dirimit matrimonium ratum, sicut in aliis religionibus, teste Nauar. *tratt. de iudic. Eccles.* & Cord. *in sum. q.* 184. probatque consuetudo in Hispania, quidquid repugnet Sot. 7. *Iust. q.* 5. *art.* 3. & *in 4. d.* 27. *q.* 1. *art.* 4. Deinde, quia si quis vouit absolutè ingredi religionem, satisfacit ingrediendo hanc; ergo est vera religio, teste Roder. proximè.

11 *Iut.* Quid intelligitur per votum ultra mare? *Resp.* Votum eundi deuotionis causa Hierosolymam. Ita Eman. *in bul.* §. 9. *num.* 126.

De Ecclesiastica sepultura concessa interdictis repentè mortuis, virtute bullæ cruciatæ. §. 18.

- 1 Quibus interdictis per bullam conceditur facultas sepulture.
- 2 Quo pacto intelligenda est negatio sepulture per bullam cruciatam excommunicatis repentè mortuis.

I N T E R R O G A T I O. Quibus interdictis conceditur hæc facultas? *Resp.* Iis, qui in articulo mortis signa dederunt contritionis, & non erant excommunicati.

2 *Int.* Quomodo intelligenda est huiusmodi bullæ prohibitio circa excommunicatos mortuos repentè, aut sine confessione propter defectum confessarij, cum solis signis contritionis? *Resp.* Sanè merito iure dubitari potest de hac prohibitione. Quoniam secundum ius commune excommunicatus mortuus cum signo contritionis sine absolutione excommunicationis, potest ab ea post mortem absolui ab eo, qui pollet in excommunicationem iurisdictione, & ita post absolutionem donandus est Ecclesiastica sepultura, & exhumandus de loco profano, seu non extrahendus à loco sacro, si ibi sepultus erat, satisque tunc est virgis terram cadere, & non corpus; vt docent Rosel. *absolutio*. 1. §. 12. & Nau. *in man. cap.* 26. num. 52. Intelligenda igitur est bullæ prohibitio, nisi prius absoluantur ab excommunicatione.

De suspensione aliarum indulgentiarum, aliorumve priuilegiorum facta per Bullam cruciatam durante illius tempore, erga eos qui illam non habent. §. 19.

- 1 Quæ indulgentia, & priuilegia suspenduntur per bullam cruciatam.
- 2 An suspendantur altaria priuilegiata pro animabus Purgatorii.
- 3 An suspendantur per bullam priuilegia concessa à iure communi, consuetudine tolerata.
- 4 An sufficiat, vt alius meo nomine bullam suscipiat.
- 5 An suspendatur Bulla cruciata per promulgationem bullæ Cæne Domini.
- 6 An suspendatur Bulla cruciata per Iubileum.

I NTERROGATIO. Quæ indulgentiæ, quæve priuilegia suspenduntur per bullam cruciatam? *Resp.* Non omnes, nec omnia, sed ex solæ indulgentiæ, & ea sola priuilegia, quæ conceduntur per hanc bullam, v. g. similes indulgentiæ plenariæ: similia priuilegia sepeliendi Ecclesiastica sepultura tempore interdicti, & alia huiusmodi. Ita Eman. in bul. §. 12. notatque ex Felin. in cap. Nonnulli, de rescrip. Nam clausulæ reuocatoriæ generales solum comprehendunt priuilegia contraria concessionis consecutioni, non verò alia, quæ impedimento non sunt tali concessioni. Et ideo siue similes indulgentiæ concedantur personis, siue domibus sacris, similiaque priuilegia suspenduntur per hanc bullam, præter eas, quæ superiores religionum mendicantium concedere possunt suis religiosis tantummodo ex vi suorum priuilegiorum: nam quæ habent simul cum sæcularibus communia, id est, quibus tam ipsi, quàm sæculares frui possunt, etiam suspenduntur quoad sæculares, non quoad Religiosos. Ita Rober. in bul. §. 12.

2 *Int.* Est in hac Ecclesia, vel monasterio altare in quo pro missa liberatur anima à Purgatorio, suspenditurne hæc gratia per bullam cruciatam? *Resp.* Suspenditur. Ita Eman. loco proximo.

3 *Int.* Suspenditurne bulla cruciata priuilegia concessa in iure communi: & quæ consuetudine tolerata approbantur vsu? *Resp.* Minimè: est enim ad suspendenda, vel reuocanda ea, quæ in iure communi continentur necesse, vt de eo fiat mentio, similiter & de consuetudinibus. Non obstantibus quibuscunque consuetudinibus. Ita Bart. in Extrau. Ad reprimendum. verb. non obstantibus, & est textus in Auth. Qua in prouinc. & text. in cap. 1. de constitut. in 6. Vnde quia initiati ordinibus minoribus possunt tempore interdicti audire sacrum, & adesse diuinis officiis ex iure communi, possunt etiam anno bullæ cruciatæ. Item quia superiores Religionum habent ex iure communi potestatem conferendi literas fraternitatis, quibus fratres facti per eas frui possint piis operibus Religiosorum, possunt eas dare tempore bullæ cruciatæ cum effectu participationis. Ita Rod. in bul. §. 12. num. 12. dub. 5.

4 *Int.* Satisne est, vt alius nomine meo mihi bullam accipiat? *Resp.* Satis, imò intelligens acceptam fuisse pro sua, ratum habeat factum. Ita Eman. proximè. dub. 17.

2 *Jnt.* Quis ad hunc effectum censetur malè promotus?

Resp. Qui ordinem superiorem suscipit, non suscepto inferiore. Qui excommunicatus, aut suspensus suscipit ordinem sacrum. Qui sine litéris commendatitiis sui Ordinarii (nostrates vocant reuerendas) ordinibus initiatur. Qui absque debita facultate extra tempora ordines suscipit. Qui ante legitimam ætatem ordinatur, aut illegitimus, aut irregularis. Ita Eman. in bulla. §. 13. n. 5. Nauar. in man. c. 2. num. 69. & c. 27. num. 241.

3 *Int.* In quo gradu affinitatis potest Commissarius bullæ cruciatæ dispensare? *Resp.* Potest dispensare in primo, & secundo gradu affinitatis ortæ ex fornicatione in foro tantum interno conscientie, non quidem ut publicè fiat cum ritu nuptiali iuxta ordinem præscriptum à Concil. Trident. sed ut factum cum tali impedimento, & ideo nullum, ratum sit, ut maneat verum. Tunc verò non necesse est adesse testes, & parochum, sed satis est nouus vtriusque coniugis cōsensu occultè inter se declaratus. Ita declarauit Pius V. motu proprio, quem refert Nauar. in sum. cap. 22. num. 70. Adeo autem potest Commissarius dispensare quoad hoc impedimentum in foro tantum interiori circa matrimonium iam contractum inualidè, ut si post dispensationem detegatur impedimentum, recurrendum sit ad Papam pro foro externo. Ita Nauar. tom. 2. Conf. tit. de iudic. confid. 4. Non quidem quod matrimonium nullum sit coram Deo, sed quod in foro externo iudicandum sit nullum. Tres tamen ad hanc dispensationem requirit bullæ textus condiciones. Prima est, ut ambo contrahentes, aut saltem vnus, contraxerint bona fide, nullum arbitantes interesse impedimentum. Deinde, ut ignorans antea, certus modò sit talis impedimenti. Tertiò, ut ex dissolutione matrimonij sequatur scandalum. Potest deinde dispensare in affinitate orta ex copula fornicaria cum consanguinea suæ vxoris, vel è contra cum consanguineo sui mariti ad petendū debitum, quod petere non poterat. Potest præterea cum paucis, & debitis personis dispensare, ad sacrum faciendum hora vna ante auroram, & post medium diem.

4 *Jnt.* Potestne commissarius dispensare in irregularitate aliqua procedente ex delicto publico? *Resp.* Potest in ea, quam contrahit excommunicatus, suspensus, aut interdictus celebrando publicè, aut interdictum violando. Ita

bullæ plumbeæ his verbis. Similiter conceditur facultas dicto commissario dispensandi, & componendi super irregularitate cum his, qui quibusvis Ecclesiasticis censuris missas, & alia diuina officia, non tamen in contemptum clauium celebrauerunt, aut alias illis se immiscuerunt. Ita plumbeæ.

§ Int. Quæro vltcrius, vtrum dispensare possit super quauis irregularitate ex delicto? Resp. Potest: textus expressus bullæ plumbeæ. Et super qualibet irregularitate. Ita illam intelligit Henriquez lib. 7. de indulg. c. 14. n. 4. Viuald. quem citat Roderic. in add. bull. ad §. 13. num. 1.

DE SACRAMENTO EXTREMÆ Vnctionis. §. 1.

CAPVT X.

- 1 Quo pacto definitur.
- 2 Quæ est eius materia.
- 3 Quæ est eius forma.
- 4 Quando est proferenda forma huius Sacramenti.
- 5 An sit de essentia formæ Sacramenti vñctionis, vt proferatur per modum deprecatorium.
- 6 Quæ mutatio verborum mutet hanc formam.
- 7 Quæ partes infirmi sunt vngendæ.
- 8 De ministro huius Sacramenti.
- 9 De subiecto capace huius Sacramenti.
- 10 Qui sunt effectus huius Sacramenti.
- 11 De dispositione necessaria ad hoc Sacramentum.
- 12 De necessitate huius Sacramenti.
- 13 De iis, quæ decreuit Concilium Tridentinum circa hoc Sacramentum.

I N T E R R O G A T I O. Quo pacto definitur sacramentum Vnctionis? Resp. Est sacramentum in quo presbyter vngit certas partes corporis infirmi, probabiliter periclitantis, oleo consecrato, certa verba cum debita intentione proferendo. Ita colligitur ex c. 1. de Sacram. Vñct. & adiunctis ibi adnotatis. Tradunt Doctores in 4. sent. d. 23. Nau. c. 22. n. 12. Viuald. de ext. Vñct. tit. 14.

§ Int.

2 *Int.* Quæ est materia huius Sacramenti Vnctionis? *Resp.* Est oleum oliuarum per Episcopum consecratum. Ita communiter Doctores in 4. d. 23. Nauarr. cap. 22. n. 11. Viêt. in summ. num. 216. Quod debeat esse oleum oliuarum traditur c. unico de sacr. Vnct. Docet Catech. Rom. pag. 343. Definitur in Concil. Florent. & Trident. sess. 14. cap. 1. Constat ex D. Iacobo cap. 5. Ungentes eum oleo. Oleum enim absolute prolaturum, supponit pro oleo oliuarum. Quod debeat esse ab Episcopo consecratum tale oleum, docuit D. Thom. 3. p. 72. art. 3. cum communi. Habetur cap. unico de sacr. Vnct. & in Trid. sess. 14. cap. 1. Hæc autem consecratio est de necessitate Sacramenti. Tenet D. Thom. proximè. Sot. cum Durand. & Palud. in 4. d. 23. q. 1. art. 4. concl. 2. Sylu. vnctio. Gloss. in cap. illud. 95. dist. ver. Sanctificatio. Quod quidem immeritò negauit Viêt. in sum. num. 217. & dubitauit Caietan. & post eos Viuald. in suo Candel. tractat. de extrem. Vnct. tit. de materia. num. 4. Quod verò esse debeat consecratum ab Episcopo, docent Summistæ verb. vnct. Doctores scholastici in 4. dist. 23. D. Thom. in add. q. 23. Nauarr. cap. 22. num. 12. Viêt. in summ. num. 216. habetur in Concil. Florent. & Trident. sess. 14. cap. 2. Catech. Rom. fol. 343. An verò ex commissione Papæ possit simplex Sacerdos oleum consecrare, dubitat Sot. in 4. d. 23. qu. 1. Affirmat tamen Viêt. cum Palud. & Scoto in 4. distin. 23. Caietan. 3. part. quæst. 72. artic. 3. quos refert in sum. num. 216. tenet etiam Viuald. loco proximo.

3 *Int.* Quæ est forma Sacramenti Vnctionis? *Resp.* Est hæc. Per istam sanctam Vnctionem, & suam piissimam misericordiam parcat (vel indulgeat) tibi Deus quidquid oculorum vitio (vel per visum) deliquisti.

4 *Int.* Quando sunt hæc verba proferenda? *Resp.* Nec ante, nec post vnctionem, sed dum eadem vnctio fit. Notat Nauarr. cap. 22. in sum.

5 *Int.* Estne de necessitate huius formæ, vt proferatur per modum deprecatium? *Resp.* Est quidem. Ratio est, quia ista forma eruitur ex loco D. Iacobi allegato, traditur ab Ecclesia. Nam forma per modum indicatiuum prolata, est incertissima. Ideo non est audiendus Viêt. in sum. de vnct. num. 218. adducens pro se Rich. & Durand. & quanquam Nauarr. cap. 22. n. 3. Angel. de extrem. Vnct. Viuald. in cand. tract. de extrem. Vnct. tit. de forma. n. 5. ex Sylu. & D. Thom. affirmant, D. Ambros. vsium

fuisse forma per modum indicatiuum, non ideo aliter, quàm per modum deprecatiuum est hæc forma proferenda, vt docent D. Thom. Angel. Syluest. Armil. quos refert, & sequitur Viuald. loco cit. cum Sot.

6 *Int.* Sûntne verba assignata formæ huius Sacramenti, ita certa, vt omnino eadem requirantur? *Resp.* Quæstio est communis cum reliquis Sacramentis, de quibus cum me rogasti in genere, respondi verba formæ in omni Sacramento non requiri quoad sonum, & terminationem verborum, sed quoad sensum. Itaq; illa sola mutatio soni, & terminationis, quæ sensum mutat, mutat essentiam formæ. Gratissima mihi tamen fuit de hac re nunc tua interrogatio, propter euentum, qui mihi in transmontana contigit regione, dum Parochialis Ecclesiæ D. Petri in oppido Torti Fluuij curam agerem, antequam beneficium illud per resignationem dimitterem. Solebam perpetuò comitari Coadiutorem quendam, cum ad infirmos hoc Sacramentum deferebat, bis, & ter aduertere illum in proferenda forma propter similitudinem soni, & inscitiam latinitatis pro verbo, Deliquisti, dicere, Dereliquisti, capere mecum impensius cogitare, an ita proferret, attentius aduertere aures, ita proferre illum solitum comprehendere, rogare hominem, an ita se res haberet, affirmavit; fateor, dolui vehementer, quoniam incidi in scrupulum non contemnendum, an omnia ante acta Sacramenta extremæ huius vnctionis, & sæpè sæpius necessitatis ad comparandam gratiam, & salutem, rectè fierent: illa enim mutatio ita est in sono, vt arbitrer esse etiam in sensu, sunt enim distinctissima verba, & ideo si quis dicat. Per istam sanctam vnctionem, & suam piissimam misericordiam parcat tibi Deus, quidquid oculorum vitio dereliquisti: non faciet Sacramentum. Ratio est, quia bona intentio sola ministri non facit Sacramentum absque verâ materia, & forma, vt manifestissimum est.

7 *Int.* Quæ partes infirmi corporis sunt vngendæ? *Resp.* Oculi, aures, nares, os, manus, pedes, renes (si sit mas) pectus autem (si sit foemina, propter honestatem.) Ideo in proferenda forma mutandum est verbum partis, atque loco, oculorum, apponendum est, aurium, narium, oris, manuum, pedum, renium, vel pectoris.

8 *Int.* Quis est minister huius Sacramenti Vnctionis? *Resp.* Solus Sacerdos. Ita definit Concil. Trident. sess. 14. cap. 1.

Can. 4.

can. 4. Erat iam definitum cap. 1. de sacr. vñct. cap. presbyt. d. 95. Conc. Cabilonenf. cap. 49. Tradunt Moderni, Nauarr. in man. cap. 22. num. 12. Viñt. in summ. num. 220. Sot. in 4. d. 23. quæst. 2. ar. 1. Hic autem Sacerdos non quiuis esse debet, sed Parochus proprius. Ita D. Th. in 4. d. 23. quæst. art. 1. Bonau. quæst. 2. art. 2. Rich. & Scot. & ibid. Sot. proximè citatus, Sylu. Armil. Ang. & reliqui summistæ verb. vñctio. Si verò alius Sacerdos vngeret, teneret Sacramentum. Veruntamen talis Sacerdos manet excommunicatus Clem. 1. de priuileg. cum absque Episcopi, vel Parochi proprij licentia istud Sacramentum ministrat contumaciter iis repugnantibus. Controuertunt Doctores, an huiusmodi pœnas incurrat etiam in necessitate extrema infirmi, absente Parocho, & alio sacerdote de licentia parochi apto ad illud ministrandum, cum scit Parochum ægrè intrusionem, vt ita loquar, etiam in hac extrema necessitate laturum. Affirmat. Sylu. vñct. quæst. 4. cum D. Anton. quem refert Armil. num. 5. & verb. excom. num. 39. Nauarr. cap. 22. n. 101. Viñt. n. 220. quos sequitur Viuald. tract. de vñct. tit. de ministr. Negant tamen Arch. & Ioann. Andr. cap. Si presbyter. 26. quæst. 6. Innoc. & Hostiens. cap. omnis. de pœn. & remis. Ang. verb. vñct. casu 12. num. 3. Caietan. cap. 64. Armil. num. 49. Sot. d. 3. quæst. 2. art. 1. Et sanè crediderim Sanctam matrem Ecclesiam pro sua pietate noluisse hanc Sacerdotis contumaciam, demus sceleratam, damnare pœnis, ne deterreatur à Sacramento ministrando peropportuno, & sæpè necessario infirmo extremè indigenti. Quod si Parochus hoc ministerium ægrè ferat, indignè feret, & irrationabiliter. Quis enim pastor erit, qui ægrè ferat ab inimico suo auxilium præstari suæ oui extremè indigenti, & periclitanti? Ita mihi suadeo, alij aliud iudicent, facile doctiorum iudicio adhæreo, & subsum.

9. Int. Quis est capax huius Sacramenti? Resp. Homo infirmus, qui propter infirmitatem est in probabili mortis periculo: Hanc ob rem non datur damnatis ad mortem. Dandum tamen est senibus, qui absque infirmitate alio senio conficiuntur. Ita Viual. cum Nau. Dandum vulneratis, qui ob vulnera moriuntur. Ita Sot. in 4. d. 24. quæst. 2. art. 2. Syl. verb. vñct. quæst. 5. D. Thom. & Palud. in 4. d. 25. Flores Theol. quæst. de vñct. quæst. 4. concl. 1. Dandum infirmis, phreneticis, à quibus non timetur irreuerentia erga Sacramentum, si antequam in phrenesim ceciderint, illud petierunt expresse, vel tacite, aut si talis

talís est phreneticus, vt moraliter credatur, quod si meminisset, illud petiisset. Oportet autem, vt non inciderit in amentiam dum esset in peccato mortali notorio, tunc enim incapax est alicuius sacramenti. Ita D. Thom. Syl. Nau. quos refert, & sequitur Viuald. *de vnct.* Vigner. in *institut. cap. 16. §. 5.* Dandum est infirmo, de cuius vita adhuc dubitatur an viuus adhuc sit. Ita Nauarr. in *sum. cap. 22.*

10 *Int.* Qui sunt effectus huius Sacramenti? *Resp.* Duplex. Primus est gratia animam sanctificans, certa, & æqualis omnibus ex opere operato. Ideo grauiter peccat, qui hoc Sacramentum accipit in peccato mortali. Quia ponere obicem gratiæ est mortale. Datur autem in hoc Sacramento gratia ad corroborandas potentias animæ, amouendamque imbecillitatem ex infirmitate ortam erga dæmonis præstigias, & spectra in illa vltima vitæ periodo grauiter insultantis. Ita Nauarr. *c. 22.* Secundus effectus est salus corporis. Ita communiter Doctores. Colliguntur hi effectus ex verbis D. Iacobi *c. 5.* ita asserentis, & præcipientis. *Infirmatur quis in vobis? inducat presbyteros Ecclesiæ, & orient super eum, ungentes eum oleo in nomine Domini, & oratio fidei saluabit infirmum, & alleuiabit eum Dominus, & si in peccatis sit, dimittentur ei.*

11 *Int.* Qua dispositione accedere debet quis ad hoc Sacramentum? *Resp.* Cum attritione vera, putata contritione. Ratio est, quia hoc Sacramentum est viuorum, ideo tenetur quis accedere in vita spiritali, saltem putata, alioqui grauiter peccabit contra dignam dispositionem. Nam licet probabilissimum sit quoduis Sacramentum conferre gratiam attrito verè, debet tamen accedens putare se esse contritum, præterquam accedendo ad Sacramentum poenitentiae, ad quod, vt iam dixi, sufficit attritio, putata contritio. Ita Sor. in *4. d. 21. q. 1. art. 4.* Caiet. *verb. contritio.* Henriq. *de Sacram. in genere. cap. 22.* Suar. *tom. 1. 3. p. disp. 17. sect. 2. §. Sed obseruanda sunt.*

12 *Int.* Estne hoc Sacramentum necessariò suscipiendum? *Resp.* Peccat grauiter, qui hoc Sacramentum extremæ Vnctionis omittit ex contemptu, vel ex incuria salutis æternæ suæ, vel aliorum suæ domus, familiæ, vel curæ commissorum.

13 *Int.* Quæ decreuit Conc. Trid. de hoc Sacramento *ses. 14.* *Resp.* Plura. Nimirum esse verum Sacramentum à Christo Domino institutum. Ita *cap. 1.* reprobata sententia Magistr.

in 4.

in 4.d.23. qui cum Hugone, & aliis asseruit fuisse institutum à B. Iacobo, vt notat Sot. in 4.d.23.q.3.a.1. Esse Sacramentum promulgatum à D. Iacobo. Conferre gratiam ex opere operato. Remittere peccata. Alleviare infirmum. Ideo Sot. in 4.d.23.q.1.a.1. definit hoc Sacramentum. Est Sacramentum infirmorum ad salutem animæ, & corporis. Item definit ritum, quem circa illud obseruat Ecclesia, quadrare sententiæ D. Iacobi. Non posse talem ritum, aut mutari, aut contemni. D. Iacobum per presbyteros intellexisse solos sacerdotes Ecclesiæ, non verò seniores populi, & ideo per solos Episcopos & Sacerdotes posse conferri. Damnat denique anathematis, qui oppositum hisce dictis asseruerit.

DE SACRAMENTO

ORDINIS.

CAPVT XI.

De institutione, definitione, & gradibus, quibus constat Sacramentum Ordinis. §. 1.

- 1 *An ordo sit Ecclesiæ Sacramentum.*
- 2 *Quo pacto definitur.*
- 3 *Quibus gradibus constat.*
- 4 *An prima tonsura sit gradus huius Sacramenti.*
- 5 *An prima tonsura sit antiqua in Ecclesia.*

1 **I**NTERROGATIO. Estne Ordo Ecclesiæ Sacramentum à Christo Domino institutum? *Resp.* Esse Sacramentum nouæ Legis à Christo Domino institutum, est de fide certum, ex Conc. Flor. & Trid. sess. 7. can. 1. & sess. 23. & c. 3.

2 *Int.* Quo pacto definitur? *Resp.* Est signaculum, per quod spiritualis potestas circa Eucharistiæ in Missæ sacrificio tractationem ordinato confertur. Ita Doctores communiter cum Magistro in 4. dist. 24. Signaculum idem est, atque signum sensibile.

3 *Int.* Quibus gradibus constat Ordinis Sacramentum? *Resp.* Septem, Ostiarij, Lectoris, Exorcistæ, Acolyti, Subdiaconi, Diaconi, Presbyteri. Sic enim appellantur his gradibus insigniti. Appellantur verò gradus per similitudinem, quia per eos, quasi per gradus ascenditur ad presbyteratus dignitatem,

tatém. Primi quatuor horum graduum appellantur minores: reliqui appellantur maiores: *cap. De eo. de tempor. ordin. cap. A multis. de atat. & qualit. ord. præficiend.* Appellantur etiam à Concil. Trident. *sess. 23. cap. II. can. 2.* Ratio est, quia primi quatuor remotius ab Eucharistia distant; reliqui propius ad eam conficiendam accedunt. Tres item ultimi appellantur sacri; quia habent continentiae votum annexum: quamvis aliquando subdiaconatus gradus illa caruit, ut constat ex *cap. A multis. de atat. & qualit. ord. præfic. & ex cap. Nullus Apostol. 21. dist. 4.*

4 *Jnt.* Nonne prima tonsura est gradus Sacramenti Ordinis? *Resp.* Non quidem, sed prævia quædam ad gradus dispositio requisita in ordinando, quæ à Doctoribus iure merito appellatur quædam ad Ordines introductio. Per eam tamen quisque ex laico fit clericus, ut decernit Innocent. I I I. & habetur in *cap. Cum Contingat. de atat. & qualit. ord. præfic.*

5 *Int.* Estne antiquum in Ecclesia prius tonsura insignire ordinandos? *Resp.* Antiquum quidem. Illius meminit D. Dionysius *cap. 6. de Ecclesiast. Hierarch.* affirmatque fieri solitam in crucis formam: fieri verò in coronæ figuram iam ab Apostolorum temporibus, præcipuè à D. Petro ostendit Rabanus *lib. 2. de institut. cleric. cap. 3.* & Beda *lib. 5. de gestis Anglorum.* Dicitur verò tonsura, qui in ea cerimonia crines ordinando tondentur.

De officiis cuiuscunque gradus Ordinum. §. 2.

I *Quod sit officium cuiusque gradus.*

I **I**NTERROGATIO. Dic quod est officium cuiusque gradus Ordinum? *Resp.* Ostiarii officium est Ecclesiæ ostia aperire, & claudere, ibique præesse. Infideles, hæreticos, excommunicatos, quibus interesse sacris non licet, à limine arcere. Quæ intra Ecclesiam sunt diligenter custodire, ne surripiantur. Cymbala ad vocandum populum pulsare. Ita Doctores cum Magist. in 4. d. 24. Raban. *lib. 1. de Inst. cleric. c. 12.* Lectoris officium est veteris Testamenti lectiones clarè, & distinctè in Ecclesia coram populo legere. Rudimenti fidei Catechumenos docere. Exorcistæ officium est manus super energumenos, & Catechumenos exorcizando imponere. Ita habetur *cap. Prælestis. 25. dist.* ex D. Isidoro. Præterea admonere populum, ut recedant, & dent locum communicantibus.

nicantibus. Aquam deinde fundere ad potandos communicatos post Eucharistiæ sumptionem , pro abluendo ore , & reliquiis sacriis deglutiendis : est autem adeò proprium Exorcistæ exorcizare, vt nullus, qui hoc gradu careat, possit exorcizare. Ita cautum est in Concil. Laodicensi *cap. 26.* & refertur *c. p. Non oportet. 69. dist.* Acolyti officium est lumen deferre cum Euangelium legitur. Ampullas cum aqua , & vino Subdiacono offerre. Sacrificio Missæ ministrare. Ita habet Romanum Pontificale. Subdiaconi officium est calicem , & patenam ad altare Christi deferre , & Diaconis rradere , eisque ministrare vrceolum cum aqua. Aquam manibus præbere Episcopis , Presbyteris , & Diaconis offerre linteum ad abstergendas manus. Ita D. Isidorus citatus *cap. Prælectis. 25. dist.* Tradit Magistr. sent. in 4. d. 24. Addit etiam Pontificale Romanum illius officium esse pallas altaris , & corporalia abluere Diaconi officium est sacerdotibus assistere , & ministrare in omnibus , quæ aguntur in Sacramentis. Componere mensam Domini , atque vestire altare. Crucem ferre. Prædicare Euangelium populo. Ita Isidorus relatus *c. Prælectis. 25. dist.* Sed de his latius Gratian. *c. Diaconi Ecclesie. d. 39.* Presbyteri officium docet Isidor. loco citato his verbis. Ad presbyterum pertinet sacrificium corporis , & sanguinis Domini in altari Dei conficere. Orationes dicere , & benedicere dona Dei. Pertinet etiam ad presbyterum ministrare quatuor Sacramenta , Baptismum , scilicet, poenitentiam, Eucharistiam, & extremam Vnctionem. Tonsuratus non habet in Ecclesia proprium officium , sed tantum reputatur aptus ad suscipiendos ordines. Ita D. Thom. in *Addit. qu. 40. art. 2. ex D. Dionysio cap. 6. de Eccles. Hierarch.*

An omnes hi septem gradus, seu septem Ordines, sint Sacramentum Ordinis. §. 3.

I An omnes gradus sint partes Sacramenti Ordinis.

I N T E R R O G A T I O. Habentne omnes hi Ordines itam minores, quam maiores rationem Sacramenti? suntne vnum Sacramentum Ordinis? *Resp.* Discrepans est admodum hac in re doctorum sententia, Durand. in 4. d. 24. q. 2. solum sacerdotium dicit esse Sacramentum, reliquos verò Ordines appellat sacramentalia , hoc est , ritus , & ceremonias ad

ad dignè accedendum illuc. Eum secutus est Caiet. tom. 1. *Opus.* cum ait, Diaconatus gradum esse institutum humanum. Secutus est etiam Victor. quoad Ordines minores in *summ.* n. 209. & de potestate Ecclesiast. q. 3. prop. 4. Gratian. cap. *Decretis* 21. dist. Magister in 4. d. 24. dum asserunt minores ordines non fuisse in usu apud primitiuam Ecclesiam, iuxta Urbanum Papam, quem citat Gratian. c. Nullus. in *Episc.* 60. dist. tenet Castro de iust. hær. pun. c. 12. Sot. in 4. d. 24. q. 1. art. 4. Nauarr. in *sum.* c. 22. num. 18. Mich. Medin. de continentia sacerdot. lib. 1. p. 17. & 45. Dico tamen primum. De fide est, Ordinem sacerdotij esse Sacramentum nouæ Legis. Ita omnium Catholicorum sensus. Dico secundum. Opinio Durandi adhuc non est ab Ecclesia damnata. Ratio est, quia non extat talis damnatio. Dico tertium. Vfus horum septem graduum non est nouus, sed iam habebatur tempore Apostolorum. Ita Clemens Papa 1. 8. constit. D. Ignatius epist. ad Antioch. D. Cyprian. lib. 1. epist. 5. & lib. 4. epist. 5. & lib. 5. epist. 14. Corn. Pap. epist. ad Fab. ut refert Euseb. lib. 6. hist. Eccles. cap. 33. Fabian. Papa, ut refert idem Euseb. lib. 3. hist. cap. 23. Concil. Laodicense can. 2. Carthag. 4. can. 2. Dico quartum. Securius est in fide, & omninò probabilius asserere non solum sacerdotium, sed reliquos sex Ordines esse Sacramentum nouæ Legis à Christo Domino institutum. Ita D. Thom. Dico quintum. Ex his ordinibus septem, & gradibus conficitur vnum, idemque Ordinis Sacramentum: quemadmodum ex duabus consecrationibus panis, ac vini conficitur vnum, idemque Sacramentum Eucharistiæ. Ita omnes proximè citati Auctores.

De reliquis Ecclesiæ statibus, hoc est, Episcopis, Archiepiscopis, Primatibus, Patriarchis, Cardinalibus, Papa. §. 4.

- 1 An prælati Ecclesiastici sint partes Sacramenti Ordinis.
- 2 Quomodo differant inter se.
- 3 Quantum extenditur cuiusque potestas Ordinis.
- 4 Quantum extenditur cuiusque potestas Iurisdictionis.
- 5 Vnde Prælati Ecclesiastici acceperint distincta nomina.
- 6 De Cardinalibus.
- 7 Quod est Cardinalium munus in Ecclesia.

8 *Cur Cardinales induantur purpura.*

1 **I** N T E R R O G A T I O. Suntne hi gradus, seu status Ecclesiæ distincti Ordines ab Ordine Sacerdotij-, ac proinde distincta Sacramenta Ordinis? *Resp.* Minimè: sed est vnum, idémque sacramentum (excipe Cardinalatum, vt ita dicam) perfectius in Papa, ac reliquis nominatis, imperfectius in simplici quouis sacerdote. Character enim, qui in sacerdotio semel imprimitur, extenditur in reliquis, tū quoad potestatem ordinis, tum quoad potestatem iurisdictionis. Ita Doctores communiter, & D. Thom. in *Addit. q. 40. art. 5.* & Anaclætus Papa *epist. 1.* & D. Greg. vt habetur *cap. Decretis. 21. dist.* Vtrum verò Episcopalis consecratio appellanda sit Sacramentum, est quæstio de nomine, cum constet, quid dicendum sit de re. Negat quidem D. Thom. in *Add. q. 40. art. 5.* Affirmat tamen Durand. in *4. d. 24. q. 6.* Gabr. *q. 1. art. 3. prop. 3.* Scot. *q. 1. art. 2.* Pal. *q. 7. n. 17.* Maior *q. 1. Palat. disp. 2.* Caiet. *tom. 1. opusc. tract. 12.* Pet. Sot. *lect. 4. de sacr. Ord.* Constat ex D. Paul. *1. Tim. 4. & 2. Tim. 1.*

2 *Int.* In quo differunt Papa, Patriarchæ, Primates, Archiepiscopi, Episcopi? *Resp.* Dico *primum.* In ordinis potestate omnes sunt æquales. Ideo nullum omnino actum Ordinis exercere valet Papa, quem quiuvis Episcopus validè exercere non possit. Ita cum communi Sot. in *4. d. 24. q. 2. art. 4.* Couar. *lib. 1. Resol. cap. 10. num. 8.* Hanc ob rem quamuis aliæ sint atque aliæ externæ caeremoniæ iuxta maiore minorémve dignitatem, tamen essentialis consecratio est eadem, vt videre est in Rituali Pontificio. Dico *secundum.* In potestate iurisdictionis valdè, & multum differunt in se.

3 *Int.* Ad quos actus extenditur potestas Ordinis in Papa, & Episcopis supra simplices sacerdotes? *Resp.* Extenditur ad conferenda Sacramenta Ordinis, & Confirmationis. Ita Conc. Trid. *sess. 25. cap. 4. can. 6. & 7.* Hanc autem extensionem characteris excipiunt in ipsa essentiali consecratione iure diuino à Christo Domino instituta. Ita constat ex locis Conc. allatis, & ex Epiphani. *lib. 3. hæres. 75.* D. Damasc. *epist. 4.* Conc. Antiochen. *can. 10.* Leone Papa *epist. 38.*

4 *Int.* Ad quos actus extenditur potestas iurisdictionis in Papa supra reliquos Episcopos, & in Episcopis supra Sacerdotes tantum? *Resp.* Ad ferendas censuras, ad distinguendos terminos Episcopatuum, & parochiarum, ad delegandam

Qq potesta

potestatem Ordinis, ad creandos Ecclesiasticos magistratus, & dignitates, & similia, quæ longum esset & exolum hic recensere. Papæ quidem potestas super vniuersum orbem. Reliquorum verò supra singulorum subditos tantum, vt iure optimo dicere possimus, quod alius cecinit. *Regum potestas in proprios greges, Reges in ipsos imperium est Iouis.* Hæc tamen omnia sunt intelligenda iuxta consuetudinem ab Ecclesia receptam, arctius, vel latius hanc iurisdictionis potestatem contrahentis, vel dimittentis, quæ quidem consuetudo, cum locis, ac tempore sæpè mutetur, hic certò afferri nequit, sed oportet loco ac tempori inservire, ac parere.

5 *Int.* In quo igitur differunt hæc dignitates? *Resp.* Penes nomen solum, & hanc intensionem iurisdictionum, quæ quidem significatur ornamentorum numero, quibus in consecratione huiusmodi Prælati insigniuntur. Apposita verò fuerunt hæc nomina ab ipso D. Petro, & reliquis Apostolis cum similes Prælatos in hac, vel illa ciuitate creabant, ad similitudinem gentilium. Nam cum gentiles suos sacrificos appellarent flamines, & archiflamines pro maiori, minorive potestate concessa. Ita D. Petrus, & reliqui Apostoli in creandis sacerdotibus similia imponebant nomina. Ita tradit D. Clem. *epist. 1. ad Iacobum.* refertur *cap. In illis. 80. distinct.*

6 *Int.* Quid censes de Cardinalium dignitate? *Resp.* Dico *primum.* Cardinalium dignitas non est Ecclesiæ ordo, à Christo Domino institutus. Sed est dignitas ex humano instituto creata. Hæc conclusio est contra Anchar. *lib. de potest. Eccles. Turrecr. lib. 1. de sum. Eccles. c. 80. D. Ant. 3. p. tit. 21. c. 1. §. 2. Sylu. verb. Card.* Eam tamen probat Sot. *in 4. d. 24. q. 2. art. 4. Ledesm. 2. q. 41. ar. 6* Dico *secundum.* Vocabulum, Cardinales, antiquum est. Ita locutus est Sylu. Papa anno Domini 345. vt constat ex *c. Præsul. 2. q. 5. vbi sum.* Pontifex statuit, vt presbyter Cardinalis non deponatur, nisi conuictus à sexaginta quatuor testibus. Diaconus autem Cardinalis non nisi conuictus à viginti septem. Meminit huius nominis Pontius Papa XII. post D. Petrum, vt patet ex eius vita anno Domini 231. Meminit Nicolaus X I. *cap. In nomine Domini. 28. dist.* Dico *tertium.* Cardinaliū dignitas olim multò minoris fuit æstimationis apud homines Episcopali dignitate. constat ex *cap. Præsul. 2. q. 2.* nunc verò infra Summum Pontificem maior apud homines æstima

æstimatur. Ratio huius æstimationis est, quia ex iis solis eligitur Papa. Et ij tantūmodò in Papæ electione suffragantur. Ita statutum est *c. Vbi periculum. de electi.* qua de re Sylu. verb. *electio.*

7 *Int.* Quod est Cardinalium munus in Ecclesia? *Resp.* Assistere Romano Pontifici, & Ecclesiæ negotiis. Ita decreuit Conc. Lateranense sub Leone X. Adeo vt in gubernanda Ecclesia agnoscant multi auctores vnionem identitatis. Ita agnouit Ioan. Andr. *c. Requisisti.* Franc. *c. i. de offic. delegati.*

8 *Int.* Quid sibi vult eorum indumentum rubrum? *Resp.* Significat defensionem fidei, quam iurant in sua creatione se fortiter defensuros, etiam cum sanguinis, ac vitæ profusione. Quam ceremoniam decreuit Innoc. I V. in Conc. Lugdunensi. anno Domini 1243. Qua de re D. Ant. 3. p. tit. 21. c. 1. 2. 3. Platina in vita eiusdem Pontificis. Gabr. lib. 4. *chronograg.* pag. 385.

De materia, & forma Sacramenti Ordinis. §. 5.

1 *Quæ est materia Sacramenti Ordinis.*

2 *Quæ est illius forma.*

1 **I** N T E R R O G A T I O. Quæ est materia Sacramenti Ordinis? *Resp.* Immerito dubitauit Victor. in *sum. tract. de Ord. sacr. num.* 210. & Ledesm. 2. q. 36. art. 5. an in hoc Sacramento sit vera materia, & vera forma. Affirmandum tamen indubitanter est dari in hoc Sacramento veram materiam, & formam. Ita Conc. Trid. *sess.* 14. & Conc. Florent. Dico igitur *primum.* Materia in sacerdotio est porrectio calicis cum vino, & porrectio patenæ cum pane. Ita Conc. Trid. Flor. Hæc propositio ita certa est ex Conc. vt erroneum sit, & penè hæreticum eam negare. Est præterea materia partialis Sacerdotij impositio manuum Episcopi super ordinatum: & ideo materia totalis huius Ordinis ex duabus partibus constat. Notat, & affirmat Scot. in 4. d. 24. q. vnica. Gab. q. 1. art. 1. Maior q. 1. Armil. *ver. ordo. num.* 3. Panorm. *c. final. de sacr. non iterandis.* contra Sylu. *ordo.* 2. n. 4. Ang. n. 7. Sot. in 4. d. 24. q. 1. art. 4. Probatur tamen conclusio ratione. Nam per impositionem manuum Episcopi confertur Sacerdoti gratia, vt affirmat D. Thom. in *Add. q. 37. art. 5. & 38. art. 1. ad 1.* D. Athanas. exponens *epist.* 1. ad Tim. cap. 4. ad illa verba. *Noli negligere gratiam.* Quod

apertè indicat D. Paulus ibidem, & 2. Tim. 1. indicatque Cone. Trid. loco citato. Cùm ergo non conferantur gratia sanctificans ex vi Sacramenti, nisi per id, quod vel materiæ, vel formæ rationem habet, manifestè colligitur, hanc manuum impositionem esse partialem materiam huius Sacramenti Ordinis. Materia diaconatus est porrectio libri Evangeliorum. Non pertinet verò ad hanc materiam impositio dexteræ super Diaconi caput. Materiæ subdiaconatus est calicis vacui cum patena vacua traditio. Non pertinet verò ad hanc materiam traditio libri Epistolarum. Materia gradus Acolytorum est traditio candelabri cum cereo extincto, & traditio vrceoli vacui. Dubitant Auctores, quæ harum duarum traditionum sit propria materia huius gradus. Richard. in 4. d. 24. q. 3. art. 5. ait esse solam porrectionem candelabri. D. Thom. in add. q. 37. art. 1. ad 2. & Palud. in 4. d. 44. q. 3. ar. 3. ait esse solam porrectionem vrceoli. Dico tamen utramque porrectionem esse veram, & totalem materiam. Ita Conc. Carthag. 4. Materia gradus Exorcistæ est traditio libri sacrarum lectionum. Ostiarii gradus materia est traditio clauium. Ita Doctores communiter, quam doctrinam colligunt ex Conc. Florentino.

2 Int. Quæ est forma Sacramenti Ordinis? Resp. Quoniam tot formæ in hoc Sacramento, quot materiæ, materiæ verò tot sunt, quot gradus, imò in Sacerdotio, & in gradu acolytorum duplex est materia partialis, ut in superiori puncto dixi, multiplices item sunt formæ. Quoniam verò huiusmodi formæ habentur in Romano Pontificali, pertinentque ad Episcopos ministros solos huius Sacramenti, ne grauemus lectorem superflua lectione, si tibi placet, iis recitandis supersedeamus, sitque satis nostro instituto materias assignare, ex quarum tactione, quæ ad omnes ordinandos pertinet, pendet collatio huius Sacramenti.

De tactu, in quo fit huius Sacramenti collatio, & characteris impressio. §. 6.

1 In cuius rei tactu consistit materia Sacramenti Ordinis.

1 INTERROGATIO. Vnum rogo, ut dicas, in cuius rei tactu collatio fit huius Sacramenti, & impressio characteris? Resp. Vnum dicerem, & sufficeret. Collocatur in tactione materiæ porrectæ, sed ut res maneat clarior, repetā mare

materiam in vnoquoque ordine porrectam. Ostiarii igitur character imprimitur in tactione clauium. Lectoris character in tactione libri sacrarum lectionum. Exorcistæ character in tactione libri exorcismorum. Acolyti character in tactione candelabri cum cereo, & vrceoli vacui. Subdiaconi character imprimitur in tactione calicis vacui, & patenæ. Diaconi character in tactione libri Euangeliorum. Presbyteri character in tactione calicis in quo est vinum, & patenæ cum hostia: probabilius tamen est, vt necesse sit simul patenam & hostiam superpositam attingere. Hoc magnopere attendendum, nisi enim supradictæ materiæ tangantur, non suscipitur hoc sacramentum, nec fit impressio characteris.

De ministro, & effectu Sacramenti Ordinis; insuper de dispositione, qua quis accedere debet ad illud. §. 7.

1 *Quis est minister huius Sacramenti.*

2 *Quis est effectus huius Sacramenti.*

3 *De effectu gratiæ collatæ in sacerdotio, & potestate Ordinis.*

4 *De dispositione necessaria ad suscipiendum Ordinis sacramentum.*

1 **I**NTERROGATIO. Quis est minister huius Sacramenti? *Resp.* Solus Episcopus. Ita Damasus Papa *epist.* 4. cum communi Ecclesiæ sensu.

2 *Int.* Quis est effectus huius Sacramenti? *Resp.* Duplex. Primus, gratia sanctificans: est certa ex communi doctrinæ sacramentorum, & est veritas inter Catholicos sine controuersia. Secundus, character. Ita omnes Doctores.

3 *Int.* Quoniam dixisti in sacerdotio duplicem dari materiam, duplicem itidem formam: ex vi autem Sacramenti secundum certam doctrinam confertur gratia per veram omnem formam, & materiam. Rogo quos effectus habeat gratia in sacerdotij gradu per duplicem illam materiam, & formam? Rogo itidem, an detur diuersa potestas ordinis? *Resp.* Datur noua gratia ad rectè nouam potestatem administrandam. Itaque per calicis cum vino, & patenæ cum pane porrectionem datur potestas ad Christi corpus consecrandum. Per impositionem manuum datur potestas ad absoluendum à peccatis. Et ideo si sacerdos cum sola prima materia, &

forma ordinetur, solam habet potestatem ad corpus, & sanguinem consecrandum, non verò ad sacramentaliter à peccatis absolvendum. Ita Sot. in 4.d.24.q.1.art. 4. Non tamen imprimuntur diuersi characteres, sed prior impressus extenditur ac maiorem potestatem.

4 Int. Dubitant auctores, an in minoribus gradibus imprimatur character. Dico tamen. Securius est in fide, & omnino probabilius non solum in Diaconatus, & Subdiaconatus ordinatione, sed etiam in primis quatuor gradibus conferri characterem. Hæc conclusio manifestè inferitur ex superiori doctrina tradita, vbi ostendit securius esse in fide, & omnino probabilius asserere hos omnes gradus esse Sacramentum Ordinis. Igitur nec de infusione gratiæ, nec de impressione characteris per hos gradus, modò quidem licet dubitare. Ita D.Thom. in Add. q.36.art.4. Palud. & Sot. locis supra citatis.

5 Int. Qua dispositione quis accedere tenetur ad sacramentum Ordinis suscipiendum? Resp. Tenetur accedere in gratia. Ratio est, quia per hos omnes gradus confertur gratia: accedere autem cum obice ad gratiam est peccatum graue; ergo qui accedit ad suscipiendum aliquem Ordinem, tenetur accedere in gratia. Dubitant verò nonnulli, an teneatur accedere ieiunus. Dico tamen non teneri ratione ipsius Sacramenti, quia de præcisa ratione Sacramenti non est, vt accedat quisquam ieiunus ad illud suscipiendum, vt patet in Baptismo, Confirmatione, Pœnitentia, Matrimonio. Igitur si non obstat susceptio Eucharistiæ, quæ quidem præcipitur Subdiaconis, Diaconis, ac Presbyteris: reliqui suscepturi alios ordines ieiuni accedere non tenentur.

DE HORIS CANONICIS, SEV diuino officio Sacerdotum.

CAP V T XII.

De definitione, & diuisione diuini officij. §. 1.

I Quo pacto definitur diuinum officium.

2 Int.

2 In quot partes, seu horas diuiditur diuinum officium.

3 Quid significant septem horæ diuini officij.

1 INTERROGATIO. Quo pacto definiri potest diuinum officium? *Resp.* Est laus Dei vocabiliter expressa per Ecclesiam decreta. Ita Tolet. in *sum. lib. 2. cap. 10. num. 1.* cum communi.

2 *Int.* In quot partes diuiditur huiusmodi officium, quod horas vocant? *Resp.* In septem. Matutinā, Primā, Tertiā, Sextam, Nonam, Vesperā. Completam. Imitatāque est Ecclesia tota, regij Vatis morem laudandi septies Deum, ipso teste: *septies in die laudem dixi Deo.* Alij laudes à matutino separantes totum officium in octo partes distribuunt, aiuntque Ecclesiam imitatam fuisse Esdram, qui post liberationem à captiuitate Babylonica constituit, vt octies Deus laudaretur, quater in nocte, & quater in die. Ita *lib. 1. cap. 9.*

3 *Int.* Quid significant hæ septem diuini officij horæ? *Resp.* Varia Christi passionis tempora, quæ quidem his versibus continentur.

Matutina ligat Christum qui crimina purgat.

Prima replet sputis. Dat causam Tertia mortis.

Sexta cruci nectit. Latus eius Nona bipertit.

Vespera deponit. Tumulo Completa reponit.

Ita communiter Doctores omnes.

De iis, qui tenentur recitare diuinum officium. §. 2.

1 Qui tenentur recitare diuinum officium.

2 Quid intelligitur nomine Ecclesiastici beneficij, ad inducendam recitandi obligationem.

3 An teneatur religiosus receptus in religionem ad domestica officia, ordinatus absque licentia sui Prælati.

4 An teneantur excommunicati, suspensi, interdicti, depositi, degradati ab ordinibus.

5 An teneatur beneficiatus, qui non habet pacificam beneficij possessionem.

6 An teneatur beneficiatus, qui causa studiorum in Academiis versatur.

7 An teneatur recitare cras, qui hodie non recitauit diuinum officium.

1 INTERROGATIO. Qui tenentur recitare diuinum officium? *Resp.* Tenentur in primis Subdiaconus, Diaconus,

& Sacerdos ratione solius accepti ordinis. Ita *cap. Dolentes de celeb. mis.* Deinde tenentur omnes qui habent beneficium ecclesiasticum cum ratione solius beneficij. Ita *d. 42. Can. fin.* & tenet Panorm. *in c. Dolentes de celeb. mis. nu. 4.* Tenentur præterea Religiosi, licet non sint sacris initiati, si sint choro deputati. Nostrates vocant Choristas. Non est circa hoc textus, vt notant *Sot. lib. 10. Just. q. 5. ar. 3.* & *Tolet. lib. 2. cap. 12. num. 7.* Obtinuit tamen cōsuetudo (quæ inueterata legis habet vim) vt docet communis opinio. Ita *Sylu. hora. q. 2. D. Anton. 3. p. tit. 13. c. 4.* *Sot. citatus cum Tolet.* & *Nau. de orat. c. 7. n. 2. & 5.* Ideo non tenentur religiosi conuersi qui ad domestica officia recepti sunt in religionem; nec item nouitij. Ita *Tolet. proximè*, & *D. Antonin. 3. p. tit. 13. cap. 4.* *Roder. in sum. c. 140. n. 10.* Tenentur etiam Moniales. Non est textus, sicut nec de Religiosis, ita tamen obtinuit consuetudo, & docet communis sententia, vt probat *Nauar. de orat. cap. 7. n. 2. & 5. arg. c. 1. de celeb. mis. & c. fin. 29. d. cum D. Anton.*

2 *Int.* Quid intelligitur nomine ecclesiastici beneficij? *Resp.* Quicumque redditus ecclesiastici, qui non nisi clerico dari possunt. Et ideo qui habent redditus ecclesiasticos, qui etiam sæcularibus conceduntur; non tenentur recitare diuinum officium. Ita omnes Doctores.

3 *Int.* Suscepit ordinem sacrum absque licentia sui prælati religiosus professus receptus in domum ad domestica officia, teneturne postea horas recitare? *Resp.* Minimè; imò in poenam talis inobedientiæ præcipit Leo Papa X. vt minimè recitare permittatur, sed cogatur laborare omni quidem priuatus clericali dignitate. Ita adnotat *Roder. cap. 140. sum. num. 3.*

4 *Int.* Tenenturne recitare diuinum officium excommunicati, suspensi, interdicti, depositi, & degradati ab ordinibus? *Resp.* Tenentur. Ratio est, quia tales priuantur honoribus, non oneribus, recitatio verò est onus, non honor. Neque in hoc illis debet suum crimen patrocinari. Ita *Alexand. in c. presbyterum. 28. dist. Nauar. in sum. c. 7. n. 17.*

5 *Int.* Tenenturne recitare officium beneficiatus, qui non habet pacificam beneficij possessionem? *Resp.* Minimè. Ita *Nauar. lib. 3. consil. tit. de celeb. mis. concl. 14.*

6 *Int.* Quid censes de beneficiatis, qui causa studiorum in Academiis versantur? *Resp.* Tenentur recitare. Ita *Menoch. lib. 2.*

lib. 2. quem refert Emanuel citato loco. cap. 45.

7 *Int.* Qui officium totum, aut partem officij hodie non recitauit, teneturne illud cras recitare? *Resp.* Minimè. Ita Innocent. *cap. 1. de celeb. mis.* Syluest. *hora. §. 17.* & ita vsus obtinuit, quia officium est onus diei, vt est ieiunium, & ideo dies transit cum suo onere, vel, vt proprius loquar, onus transit cum suo die.

De qualitate officij. §. 3.

1 *An qualitas officij obliget sub mortali.*

1 **I**NTERROGATIO. Obligatne qualitas officij sub mortali? *Resp.* Minimè. Ita Sylu. *hora. §. 1. & 11.* Caietan. *ibid. cap. 2. Armil. §. 7.* Imò aiunt ex consuetudine obligare ex sola decentia, non sub peccato. Crediderim tamen veram esse Toleti sententiam circa eos, qui scienter omittunt qualitatem officij præscripti, existimat enim tales peccare mortaliter. Ita *lib. 2. cap. 13.* Vera igitur est prior sententia circa eos, qui inaduertenter se gesserunt in huiusmodi mutatione, vt qui recitaturus de sancto, recitauit de feria, vel è contra. Satisque est suppleri defectum, si potest, vt rependo inuitatorium, &c.

Quo tempore est recitandum diuinum officium. §. 4.

1 *Quo tempore tenemur recitare diuinum officium.*

2 *An tempore quadragesimæ recitanda sit vespèra ante prandium.*

3 *Quando satisficit præcepto recitandi.*

4 *An melius sit anteponeere quàm postponere.*

1 **I**NTERROGATIO. Quod est proprium tempus ad recitandum diuinum officium? *Resp.* Proprium horarum tempus ita assignant Doctores. A solis occasu vsque ad ortum matutinum: potestque matutinum dici noctu, & laudes iam orto sole. Imò Nauar. quem affert Rod. *in sum. c. 142.* ita faciendum consulit ad acquirendam deuotionem. Prima recitetur post ortum solem, Tertia, Sexta, & Nona, ante prandium, Vespèra post meridiem, Completa prope noctem.

2 *Int.* Tempore quadragesimæ, quando sunt recitanda vespèra & completa? *Resp.* Ante prandium tam in choro, quàm

in particulari. Non est tamen peccatum mortale illas priuatim recitare post prandium. Ita Syl. *ver. hora.* §. 10. Est tamen veniale, cum sit sine causa, iuxta Tolet. *lib. 2. cap. 13.*

3 *Jnt.* Quando satisfacit quis præcepto recitandi, licet non seruet peculiare tempus horarum? *Resp.* Qui à solis occasu huius feriæ secundæ, vsque ad mediam noctem feriæ tertiæ recitat officium, satisfacit officio feriæ tertiæ, & sic dicendum de aliis diebus. Ita omnes.

4 *Jnt.* Estne melius postponere, aut antepone, hoc est, recitare horas ante earum tempus adueniens, an post illud transactum, v.g. primam ante solis ortum, an post solis occasum? *Resp.* Antepone. Ita omnes, Tolet. *lib. 2. cap. 33.* Nauarr. *de orat. c. 3. n. 45.* Roderic. *in sum. cap. 141. n. 4.*

De loco in quo recitandum est diuinum officium. §. 5.

1 *In qua loco est recitandum diuinum officium.*

2 *An canonici lucrentur distributiones recitando domi, & non in choro.*

1 **I** N T E R R O G A T I O. In quo loco recitandum est diuinum officium? *Resp.* Officium publicum in Ecclesia, vel loco determinato: priuatum verò vbique, dummodo quietè, & decenter recitari possit.

2 *Jnt.* Canonici, qui choro tantummodo adsunt, & domi horas recitant, faciuntne fructus sui canonicatus? *Resp.* Minimè, loquendo de distributionibus. Ratio est, quia distributiones non dantur propter solam præsentiam in choro, sed propter recitationem in choro. Ita Med. *in sum. fol. 15.* Instruct. 2. p. cap. 95. Nauar. *lib. 3. consil. tit. de celeb. mis.* Roder. *in sum. c. 145. num. 5.* & alij. Et ideo tenentur ad earum restitutionem, iuxta eosdem Doctores.

De modo, quo recitandum est diuinum officium. §. 6.

1 *Quomodo est recitandum diuinum officium.*

2 *An satisfaciatur, qui recitat cum sacio balbutiente.*

3 *An satisfaciatur, qui recitat in choro summissa nimis voce.*

4 *An satisfaciatur, qui recitat, & simul audit sacrum ex præcepto.*

5 *Qua orationis recitatione supplentur defectus in recitando diuino officio commissi.*

I. I N T E R

I N T E R R O G A T I O. Quomodo recitandum est diuinum officium? *Resp.* Attentè, reuerenter, deuotè. Attentè in primis ad verba, vt illa recitans exprimat, & audiat, licèt non percipiat sensum, sciens esse coram Deo, & Angelos habere socios. Sufficit autem attentio virtualis, qua quis voluit in initio vacare Deo, licèt actualiter per inaduertentiam distrahatur. Ita Nauar. in *man. cap. 25. num. 104.*

2 *Int.* Recitat quis cum socio balbutiente propter linguæ impedimentum, ita vt non bene pronunciet, satisfacitne præcepto recitandi attentè? *Resp.* Satisfacit: imò malè faciet, si inturbet, postulando, vt iterum repetat, & pronunciet. Ita Roderic. in *sum. cap. 142. num. 1.*

3 *Int.* Recitat quis in choro, sed tam summissa voce, vt non solum non audiat ab alia parte chori, sed vix à vicinis, satisfacitne præcepto? *Resp.* Satisfacit. Ita Roderic. in *summ. cap. 142. num. 2.* contra Caietan. in *sum. & Nauar. de orat. cap. 19. num. 81.*

4 *Jnr.* Possumne satisfacere præceptis recitandi officium, & audiendi Sacrum, recitando & audiendo Sacro? *Resp.* Potest. Ita Tolet. *lib. 2. cap. 13.* Quoniam ista duo ad eundem ordinantur finem, nempe ad vacandum rebus diuinis.

5 *Int.* Tenésne memoria aliquam orationem, per quam suppleantur defectus in recitando negligenter commissi? *Resp.* Teneo equidem subsequenter: eam refert Nauar. *cap. Quando de consecr. disp. 1. no. 19.* Tolet. *lib. 2. cap. 13.* Ex gratia Leonis Papæ. *Sacrofanctæ, & indiuiduæ Trinitati, Crucifici I E S V Christi Domini nostri humanitati, & Beatissimæ, ac Gloriosissimæ Virgini Mariæ fecunditas, & omnium sanctorum vniuersitati sit sempiterna laus, & honor virtus, & gloria ab omni creatura, nobisque remissio peccatorum, in infinita secula seculorum. Amen.*

¶ *Beata viscera Mariæ Virginis quæ portauerunt æterni Patris filium.*

R. Et beata ubera, quæ lactauerunt Christum Dominum.
Pater noster. Ave Maria, &c.

De causis excusantibus à recitando diuino officio. §. 7.

1 *Quæ causæ excusant à recitando diuino officio.*

2 *Qui*

2 *Qui ex causa constitit in recitando diuino officio cum socio, satisfacitne, si causa cessante persequitur cum socio recitaturus postea solus partem omissam.*

3 *Quæ est pars notabilis diuini officij.*

4 *An satisfaciat canonicus, qui dum alij recitant, quæ necessaria sunt, ministrat.*

5 *Quod est peccatum verba sacra diuini officij dimidiare.*

1 **I** N T E R R O G A T I O. Quæ causæ excusant à recitando diuino officio? *Resp.* Multiplices. Atque in primis ægritudo, quam notabiliter offendit, & aggrauat recitatio. Ita Innoc. & Hostiens. in c. 1. de celeb. miss. Palud. in 4. distinct. 15. art. 2. Nauar. cap. 25. n. 100. Deinde occupatio vrgens circa negotium publicum, quam notabiliter impediret officij recitatio, qualis est prædicatio, vel lectio, vel defensio conclusionum publicè habenda. Ita Syluest. verb. hora. §. 18. Gandau. quodl. 15. qu. 12. Maior in 4. dist. 12. quæst. 6. col. 4. Tertio. Excusat etiam occupatio vrgens circa negotium priuatum, cui quidem non subueniam, si recitem: qualis est occupatio circa litem de re graui: vel circa viam celeriter agendam pro captanda possessione prædij, vel beneficij, &c. Ita omnes. Quarto. Custodia infirmi grauitè periclitantis: vel occurso ad rixam dirimendam, ne rixantes grauitè lædantur. Ita Tol. lib. 2. c. 14. Ratio est manifesta, quia tenemur ex charitate subuenire proximo periclitanti: leges autem humanæ charitati seruiunt, non contradicunt. Quinto. Excusat tenuitas beneficij, qualis esset octo ducatorum. Ita Sotus lib. 10. iust. quæst. 5. artic. 3. Ratio est, quia nemo tenetur ad tantum onus pro tam exiguo stipendio. Oppositum tenet Tolet. proximè, & Gloss. can. Clericus. 91. d. & Syluest. verb. hora. §. 3. Vtraque opinio in vero sensu recipienda, & recipitur communiter ab omnibus. Soti quidem sententia circa totum officium, nimirum non teneri talem beneficiatum recitare totum officium. Toleti verò, Gloss. & Syluest. circa partem teneri scilicet, talem beneficiatum recitare aliquam partem officij, pro maiori minorive stipendij quantitate. Quæ verò pars recitanda sit, arbitrio prudentis, & timorati viri relinquitur.

2 *Int.* Recitat quis cum socio, inter recitandum euenit tussis, vel accedit amicus, cum quo oportet loqui: socius progreditur notabiliter vltèrius; potèstne detentus persequi cum

cum socio officium, recitaturus postea omisſam partem? *Reſp.* Poſeſt. Ita Nauar. *in man. c. 25. n. 99.*

3 *Int.* Quam iudicant Doctores partem notabilem diuini officij? *Reſp.* Dimidiam partem vnius horæ: non verò partem vnius Pſalmi. Ita Roderic. *c. 140. num. 17.* Non quidem expreſſè, ſed tacitè: ait enim non peccare mortaliter, qui omittit patrem Pſalmi ex paruitate materiæ: pauitas autem materiæ excuſat à mortali, vt tenet D. Thom. 2. 2. *qu. 59. artic. 4.* Nauar. *c. Inter verba. 11. qu. 3. & in man. cap. 11. n. 4.*

4 *Int.* Satisfacitne præcepto, qui peragit ea, quæ conducunt ad officium, vt qui thure perfundit altare; qui pulſat organa, & quid ſimile? *Reſp.* Satisfacit. Ita Roderic. *in ſum. cap. 142. n. 2.* Et iam quid ſimile dixi in præcepto de audiendo ſacro.

5 *Int.* Qui interrumpit officium, teneturne iterum denuò incipere? *Reſp.* Quanquam interruptio ſit magni ſpatij, factaque ſit etiam abſque cauſa, non eſt neceſſe iam recitata repetere, & incipere ab initio. Ita Arago. 2. 2. *qu. 83. art. 12.* Rod. *in ſum. c. 141. n. 3. & alij.*

6 *Int.* Quod erit peccatum ob ſolam negligentiam multoties ſyllabas contrahere, dictiones deglutire, & ſuos verſus incipere, antequam ſocius finiat? *Reſp.* Mortale. Ita Nauarr. *c. 25. num. 98.* quia notabiliter minuit officium, & interturbat deuotionem.

De reſtitutione fructuum beneficiati, qui non recitat officium diuinum. §. 8.

- 1 *Qui beneficiatus tenetur reſtituere fructus, quia non recitauit.*
- 2 *De quantitate fructuum reſtituendorum.*
- 3 *Cui facienda eſt talium fructuum reſtitutio.*

1 **I**NTERROGATIO. Hac de re iam te rogaui ad ſeptimum præceptum Decalogi, nunc quæro, an quid poſtea tibi occurrerit? *Reſp.* Duo ſanè notatu digniſſima, quorum ibi non memini. Primum. Decretum Conc. Lateran. ſub Leone ſeſſ. 9. §. *Statuimus*, his verbis. *Nullus ante ſex meſes primos beneficij habiti, tenetur ad reſtitutionem, quamuis non recitet.* Quem textum ita exponit Tolet. *lib. 2. cap. 12. num. 5.* Conſertur alicui aliquod beneficium, quodcumque ſit, ſub titulo clericali, ſi non recitat per ſex meſes primos, mortaliter quidem

quidem peccat, ad nullam tamen obligatur restitutionem. Secundum. Qui transactis sex mensibus post beneficium habitum non recitat, tenetur ad restitutionem fructuum perceptorum. Ita Nauar. in man. cap. 25. num. 122. Tabien. benefic. 11. & alij omnes.

2 *Int.* Circa quantitatem fructuum restituendorum quid noui occurrit? *Resp.* Non esse omnes omnino restituendos, quia non dantur propter solam officij recitationem, sed etiam pro aliis ministeriis Ecclesiæ, vt omnes concedunt; & quamuis circa quantitatem tot sint sententiæ, quot capita, optima videtur opinio Toleti lib. 2. cap. 12. num. 9. Pro toto omisso officio restituendam tertiam partem fructuum illi diei respondentium.

3 *Int.* Cui facienda est talis restitutio? *Resp.* Aut fabricæ Ecclesiæ à qua recipit fructus. Ita Conc. Lateran. citatum. Aut pauperibus. Ita declarauit Pius V. in sua Constit. Si verò beneficiatus pauper est, potest sibi, vt alij pauperes, partem accipere, dummodò id non sit in occasionem non recitandi. Ita Tolet. lib. 2. cap. 12. n. 6. cum Nauar. in man. cap. 25. n. 122.

DE BENEFICIIS.

CAPVT XIII.

De beneficij definitione. §. 1.

1 *Quid est beneficium Ecclesiasticum.*

1 **I**NTERROGATIO. Non erit abs re hoc in loco beneficiorum materiam apponere, vt ex ipsa tractationis serie manifestè deducitur. Rogo igitur, quod est beneficium Ecclesiasticum? *Resp.* Est ius percipiendi fructus ex bonis Deo dicatis, clerico propter diuinum officium competens. Ita appositè admodum definiuit Toletus lib. 5. cap. 76. num. 1. Pro diuino verò officio intelligitur non solum diurna horarum recitatio, sed etiam Missæ sacrificium, & sacrorum administratio.

De eo, qui potest conferre beneficium. §. 2.

1 *Quis potest conferre beneficium.*

2 *Quid est conferre beneficium, resignare, præsentare, &c. eligere.*

I I N T E R

I N T E R R O G A T I O. Quis potest conferre beneficium? *Resp.* In primis Papa omnia beneficia totius orbis. Deinde ex iure communi Episcopus beneficia sui Episcopatus, nisi sit statutum aliquod contrarium, vel immemorabilis consuetudo patronatus. Tertio capitulum, cum Episcopus est suspensus à collatione beneficiorum, aut excommunicatus. *c. Tanta. de excess. pralat.* atque etiam sede vacante. Circa quem euentum non seruatur modò ius commune, ex quo solummodò potest conferre beneficia, quæ sine eo Episcopus non conferebat, non verò ea, quæ solus poterat conferre: sed hæc consuetudo est antiquata, quia Episcopus ad conferenda beneficia modo capitulum non consulit, sed omnia per se confert. Quamobrem videnda sunt specialia priuilegia, quæ afferre non est nostri instituti. Ita Toletus loco citato.

2 *Int.* Quid est conferre beneficium, resignare, præsentare, & eligere? *Resp.* Conferre est dare ipsum ius, & titulum exigendi fructus, & potestatem exercendi officium. Resignare, est determinare aliquam personam, cui beneficium conferatur. Potest verò resignare, qui habet beneficium, & vult illud in alium transferre. Præsentare, est aliquem offerre ordinario, vt certum beneficium illi conferat, ad quam præsentationem, & postulationem habent à Papa facultatem minimè negandam, qui fruuntur iure patronatus, seu Ecclesiasticæ, seu sæculares personæ sint. Eligere, est è multis vnum offerre prælato, cui beneficium certum conferat ex facultate Papæ minimè negandum. Hoc olim vsu erat frequentissimum, solebat enim populus, vel capitulum eligere; modò tamen fermè abolitum.

Cui est conferendum beneficium. §. 3.

1 *Cui est conferendum beneficium.*

2 *Quid faciendum curatis illiteratis post collationem beneficij.*

3 *Quis censendus est talis illiteratus.*

4 *Quod peccatum est conferre beneficium indigno.*

5 *Quas conditiones habere debeat dignus ad beneficium.*

I N T E R R O G A T I O. Cui est conferendum beneficium? *Resp.* In primis conferendum est digno. Dignitas autem consistit in trib. In bonitate scilicet morum, in sciëntia, saltem earum rerum, quæ ad suum officium spectant. Et præterea in aptitudine ad exercendum suum munus. Qui enim bonus,

&

& doctus est, tamen nescit exercere suum munus, vel non potest præ aliis occupationibus, vel quia non est datus praxi, & exercitio exteriori, tunc indignus censetur. Ita Maiorinus *de irregul. cap. 32. num. 13.* Roder. *cap. 19. sum. n. 1.* & Tolet. *lib. 5. cap. 78.*

2 *Int.* Quid faciendum Curatis illiteratis post collationem beneficiorum? *Resp.* Non sunt remouendi à beneficio, sed iuuandi socio literato. Ita decreuit Conc. Trid. *sess. 21. cap. 6.*

3 *Int.* Quis censendus est talis illiteratus? *Resp.* Ille, qui nec linguam Latinam mediocriter callet. Ita Roder. *in summ. cap. 29. num. 3.*

4 *Int.* Quod peccatum est conferre beneficium indigno? *Resp.* Mortale, teneturque conferens ad restitutionem damnorum. Ita Angel. *restitutio.* Nauarr. *de rescript. cap. 2. except. 11.* Lupus *in cap. per vestras. cap. 26. num. 11.* Tolet. *lib. 5. cap. 78.* Incuriturque pœnas iuris, quas memorat Rebuffus *in pract. benef. de pœn. contra collatores.*

5 *Int.* Præter hanc personæ dignitatem, quæ consistit in illis tribus, scientia nempe, bonitate, & aptitudine exercendi officium suum, quæ præterea condiciones requiruntur à iure? *Resp.* Plures. Prima, vt sit clericus saltem primæ tonsuræ. Ita Toletus *lib. 5. cap. 89.* Secunda, vt sit ex legitimo matrimonio procreatus. Ita Tolet. proximè. Tertia, vt sit legitimæ ætatis. *cap. Cum in cunctis. de elect.* Ætas autem ad Episcopatum, determinatur trigessimus annus inceptus: ad curatum, vigesimusquintus inceptus. *c. Cum in cunctis, cit. ad beneficia simplicia, decimusquartus, ex Concil. Trid. sess. 23. cap. 6.* Quarta, vt nullo sit inhabilis iuris impedimento, qualis est irregularitas, vel excommunicatio, aliæue censura Ecclesiastica. Ita Tolet. proximè. Quinta, vt non habeat aliud beneficium: sed de beneficiorum pluritate velim vt me postea interroges.

De collatione beneficiorum ipso iure nulla. §. 4.

1 *Quæ collatio beneficij est ipso iure nulla.*

2 *De postulatione beneficij ab eo, qui non habet legitimam ætatem.*

3 *An. sint incapaces beneficij Ecclesiastici filij Iudæorum, & Saracenorum baptizati infantes.*

I INTERROGATIO. Quæ collatio beneficij est ipso iure nulla? *Resp.* Dico primum. Collatio facta illiterato. Ita

Ita Nauar. *de rescrip. cap. 2. except. 11.* Salzed. *in pract. crim. c. 25. pag. 65. colum. 1.* Rebuff. *de pacif. posses. num. 203.* Dico secundum. Collatio facta illegitimis. Ita Toletus *lib. 5. cap. 89.* Notandum præterea est, non posse conferri pensiones filiis presbyterorum super beneficiis, quæ fuerunt suorum parentum. Ita decreuit Conc. Trid. *sess. 24. c. 15.* Hinc colliges posse conferri filiis filiorum, hoc est, nepotibus. Ita adnotauit Roderic. *in sum. cap. 29. num. 4.* Ratio est, quia hæc lex est poenalis, & ideo non extendenda nisi ad personas nominatas: lex verò loquitur tantum de filiis, non de nepotibus. ergo nepotes non intelligendi sunt. Ita Glos. *in cap. 1. dist. 56. & cap. Apostolic. can. 8. quæst. 1.* Bellamera *num. 2.* Præposit. *ibidem. num. 2.* Gueuar. *lib. 7. de potest. legat. num. 313.* & communiter Doctores in materia de legibus, cum agunt de lege poen. Intelligenda deinde est Concilij poena circa ea beneficia, quorum Ecclesiis presbyteri parentes seruierunt personaliter. Ita adnotauit Eman. *in sum. c. 29. n. 4. ex Rebuffo. de dispens. sup. defect. natal. n. 27.* Non deinde intelligenda de filiis presbyterorum, quos susceperunt coniugati ex legitima copula, antequam presbyteri fierent. Ita obseruatur in praxi iuxta Rebuffum citatum *parte 4. num. 2.* Hinc colligit idem Rebuffus posse parentes clericos succedere beneficiis suorum filiorum, quia id nec à Conciliis, nec ab alio iure prohibetur. Dico tertium. Est ipso iure nulla collatio facta excommunicato maiori excommunicatione, etiam ignoranti eandem excommunicationem. Ita Nauar. *in man. cap. 17. numer. 271.* Couarru. *cap. Alma mater. 2. p. §. 7. numer. 3.* Ratio est, quia ignorantia non facit habilem, quem iura inhabilem reddiderunt. Propter hoc in literis Apostolicis collationis absoluitur collatus ab omni censura Ecclesiastica. Adnotauit Staphilæus *de lit. grat. fol. 82.* Gigas *de pension. quæst. 14.* Rebuffus *in concord. tit. de excomm. non euitand.* Nauar. *in man. cap. 27. num. 271.* Dixi (maiori excommunicatione) quia minori excommunicatione ignorata, tenet in foro poli collatio, licet in exteriori irritari possit. Ita Henriq. *tom. 2. lib. 13. de excomm. cap. 2. & 3.* Dico quartum. Est ipso iure nulla collatio facta irregulari, etiam occulto. Ita omnes Doctores. Satis tamen est, si occultè post collationem petat dispensationem irregularitatis, ad fruendum beneficio sibi inhabili propter irregularitatem collato. Ita Nauar. & Henriq. quos refert, & sequi-

tur Roderic. in *sum. cap. 29. num. 6.* Dico *quantum*. Est ipso iure nulla collatio beneficij facta non habenti ætatem legitimam, iuxta decretum Concil. Trident. supra citatum. Peccatque mortaliter Episcopus taliter conferens, agens contra legem Conc. in qua Episcopus nequit dispensare. Ita Emanuel *cap. 30.*

2 *Int.* Duo adhuc te rogabo de hac re. Primum. Postulata est à Papa collatio per non habentem legitimam ætatem, sed dum facta fuit postulatio, & literæ accesserunt, legitima facta fuit, ut qui dum non habet vigintiquinque annos inceptos, postulat beneficium curatum, qui quidem inceperunt inter postulandum, & literas accedendum, estne bona collatio? *Resp.* Maximè. Ita Nau. *lib. 3. Conf. tit. de tempor. ordin. conf. 43.* quem refert. & sequitur Roder. in *sum. c. 30. nu. 1.*

3 *Int.* Secundum rogo. Suntne incapaces beneficiorum procreati ex Iudæis, aut Sarracenis, baptizati tamen infantes? *Resp.* Minimè. Ita Couar. in *Clem. Si furiosus. l. p. §. 2.* quia non est textus, nec ratio oppositum suadens.

De iis, ad quæ tenetur beneficiatus post collatum beneficium. §. 5.

- 1 *Ad quid tenetur beneficiatus post collatum beneficium.*
- 2 *Ad quid tenetur qui suscepit beneficium curatum sine animo suscipiendi ordinem sacerdotij intra annum.*
- 3 *An dispensare possit Episcopus cum tali, ne intra annum Sacerdos fiat.*
- 4 *De eo, qui suscepit beneficium curatum animo se ordinandi, vel non ordinandi, iuxta occurrentem meliorem occasionem status.*

I N T E R R O G A T I O. Ad quid tenetur beneficiatus post collatum beneficium? *Resp.* Qui intra annum à collatione beneficij curati Sacerdotio non initiatur, ipso iure beneficio priuatur. Ita statuitur *can. de elect. lib. 6.* probatque Rebuff. in *pract. benef. de promotis intra annum.* Et ideo intra annum à collatione beneficij curati, tenetur beneficiatus Sacerdotij ordinem suscipere: quem si non suscipit, amittit ipso iure deinceps fructus, teneturque illos restituere. Ita Nau. in *man. cap. 25. n. 117. & de orat. c. 22. n. 49.* Est autem super hoc

Cardi

Cardinalium declaratio maximopere notanda, quam affert Salzed. *in pract. crim. cap. 52. pag. 142.* Verba autem Cardinalium sunt hæc. Poena canonicis præscripta eis, qui intra annum Sacerdotium non susceperint, non habet locum in Rectore, qui intra annum à die susceptæ possessionis pacificæ, vel intra tempus comparuit, & se promoueri petit, asserens, quantum in eo est, se paratum ad suscipiendum sacerdotium: sed ordinarius noluit eum propter illiteraturam, vel aliam causam promouere.

2 *Jnt.* Qui beneficium curatum suscipit sine animo intra annum sacerdotium suscipiendi, ad quid tenetur? *Resp.* Ad fructus perceptos restituendum. Ita apertè colligitur ex can. Conc. Trid. citati, vt notat Eman. *in sum. cap. 30. num. 3.* & habetur *cap. Commissum. §. ceterum. de elect.* Si tamen animum mutet, & intra annum ordinetur, nil restituere tenetur, iuxta eosdem auctores.

3 *Int.* Potestne Episcopus dispensare cum beneficiato beneficij curati, ne intra annum suscipiat ordines? *Resp.* Si talis beneficiatus studiorum causa versetur in scholis, potest Episcopus cum eo dispensare, ne intra primos septem annos suscipiat talem ordinem, dummodò intra primum annum fiat Subdiaconus. Ita decernitur *c. Cum eo. de elect. lib. 6.* notatque Sylu. *beneficium. 3. 7. 2.* & Roder. *in sum. cap. 30. num. 4.*

4 *Jnt.* Habet quis animum suscipiendi ordines intra annum, sed habet etiam animum, si quid opportunius eueniat, manendi in statu laico, poteritne tutò accipere collationem beneficij, & fructus, quousque mutet omnimodam voluntatē se ordinandi? *Resp.* Potest. Ita Nau. *in man. cap. 25. nu. 118.* Qui etiam infert idem dicendum de eo, qui suscipit beneficium animo illud omittendi, si aliud maius, aut commodius illi detur. Notat Roder. *in sum. c. 30. n. 6.*

De pluralitate beneficiorum simul. §. 6.

- 1 *An liceat plura habere beneficia curata.*
- 2 *An liceat habere plura beneficia simplicia.*
- 3 *An possit Papa dispensare ad pluralitatem beneficiorum.*
- 4 *Quæ plura absque dispensatione possunt haberi beneficia.*

I N T E R R O G A T I O. Licetne plura simul habere beneficia? *Resp.* Minimè. Ita decernitur *c. singula. 89. dist. & Concil. Trid. sess. 7. c. 24.* Notant Tolet. *lib. 15. c. 8. nu. 2.* Sot. *lib. 3.*

Iust. q. 6. art. 3. Nau. in man. c. 5. n. 125. Rebuff. de benef. tit. de dispens. ad plur. benef.

2 *Jnt.* Hæcne prohibitio intelligenda est de omnibus beneficiis tam curatis, quam simplicibus? *Resp.* De omnibus: Ita declarauit Congreg. Cardinalium, quam affert Eman. in *sum. cap. 31. num. 2.*

3 *Int.* Potestne Papa in hoc decreto dispensare? *Resp.* Ex causa potest, quia in tali euentu est supra ius commune. Ita omnes. Non tamen censendus est dispensare, cum in supplicatione fit mentio alterius iam habiti beneficii. Ita probat Nauar. multis rationibus. *Enchir. de orat. c. 22. num. 64.* Ostenditque Roderic. *c. 31. sum. n. 112.* solere apponi illam clausulam, ne gratia surreptitia videatur.

4 *Int.* Licetne in aliquo euentu plura simul habere beneficia? *Resp.* Licet in primis, cum talia beneficia, vel saltem alia, excepto vno, non exigunt residentiam personalem. Deinde cum vnum non est satis ad congruam sustentationem beneficiati. Tertiò. Cum alterum alteri est iusta copulatione annexum. In his enim euentis nulla requiritur dispensatio. Ita Nauar. in *man. c. 25. n. 127.* Angel. in *florib. verb. benefic.* Roder. in *sum. c. 31. n. 2.* Tolet. *lib. 5. c. 81.*

5 *Int.* Habet quis beneficium curatum, postea accipit alterum, quid censet de primo beneficio? *Resp.* Nisi secundo renunciet post sex menses à collatione illius, vacat primum ipso iure. Ita Salzedo in *pract. crim. cap. 47.* contra Nauar. oppositum asserentem, qui immeritò pro sua sententia adducit verba Conc. *sess. 24. cap. 17.* Cogantur omnino. Quæ quidem verba sententiam expectare videntur; sed fallitur, ut aduertit Roder. in *sum. cap. 31.* coactio enim illa, & expectatio sententiæ intelligitur intra primos sex menses: ipsis enim transactis, iure ipso vacat beneficium iuxta verba ipsius Concilij.

De residentia beneficiatorum. §. 7.

1 *An residentia sit de iure diuino.*

2 *De pœna non residentium.*

3 *Quamdiu possunt beneficiati non residere.*

4 *An faciant fructus beneficiati non residentes.*

5 *A quo est exigenda facultas ad non residendum.*

1 **I** N T E R R O G A T I O. Estne residentia beneficiatorum in suis beneficiis curatis de iure diuino? *Resp.* Maximè.

Ita

Ita Caiet. 2.2.q.185.art.5. Sot.10.lib. 1ust.q.3. art.1. Nau.in man. c.25.n.21. Couar.lib.3.resol.c.13.nu.9. Cordub.lib.1.q.19. & hanc opinionem satis innuit Concil.Trident. sess.23.de reform.c.1. Nec excusantur ab hac personali residèria beneficiati substituendo quemuis alium idoneum vicarium,vt aduertit D. Thom. in 4.d.21.q.2.ar.2.ad 3.& in add.q.10.ar.5.ad 3.Hostiens.in sum. tit.de cleric.excom.minist.§.1.nu.2.Caiet.2.2.q.185.art. 5. Sot.10. 1ust.q.3.art.2.Neque item excusatur ab hac residentia religiosus professus,qui iustè obtinuit beneficium curatum.c.Si quis translatus 21.q.2.& Clem.in agro.§.Sanè de statu Monach. Ratio est,quia nihil officit statui monachali residentia in beneficio. Ita Nau.lib.3.consil.tit.de cleric.non resid.concl.5.

2 Int. Quas pœnas incurrunt beneficiati non residentes? Resp. Eas longum esset enumerare : habentur in Concil.Trident. sess.24.c.12.de reform.& c.Conquerent.de cler.non resid.

3 Int. Quamdiu possunt beneficiati esse absentes à beneficio ? Resp. Non ultra tres menses.Ita Concil.Trident.sess.24. cap.12.de reform.

4 Int. Faciuntne fructus beneficiati non residentes ? Resp. Minimè, sed tenentur eos restituere,respondentes spatio absentia. Ita decernitur c.Conquer.de cleric. non resid. & Concil. Trident.sess.6.cap.1. de reform.& sess. 21. cap. 1. & sess.23. cap.1.§.Si quis autem.

5 Int. Indiget Episcopus, aut beneficiatus abesse à sua Ecclesia, à quo est petiturus licentiam? Resp. Metropolitanus à Papa, Episcopi à Metropolitano. Si autem mora est in petendo, & necessitas vrget, petat ab Episcopo vicino antiquiori. Eaque danda est in scriptis. Ita Conc. Trident.loco allegato. Beneficiatus à suo Ordinario. Ita praxis.

CAP V T XIV.

De Simonia. §. 1.

- 1 Qui Auctores agunt de Simonia.
- 2 Quo pacto definitur Simonia.
- 3 Circa quam materiam versatur Simonia.
- 4 Quæ res vocatur spiritualis.
- 5 Quot sunt res spirituales.

Rr 3

6 Unde

- 6 Unde deductum est vocabulum *Simonia*.
- 7 Quale peccatum est *Simonia*.
- 8 Quo iure prohibetur *Simonia*.
- 9 Qui contractus ut *simoniaci* sunt à iure prohibiti.
- 10 Quot sunt species *Simoniae*.
- 11 Quot modis licet offerre pretium temporale pro re spirituali.
- 12 Quando committitur *Simonia*.
- 13 Quae res spirituales vendi, aut emi possint.
- 14 An sit *Simonia* commutare res spirituales pro aliis rebus spiritualibus.
- 15 An liceat commutare beneficium Ecclesiasticum pro alio beneficio Ecclesiastico.
- 16 An liceat exigere pretium pro labore antecedente administrationem sacramentorum.
- 17 Qui labor dicitur antecedere administrationem sacramentorum.
- 18 An sit *Simonia* pacisci de pretio pro certa hora, aut in certo loco celebranda Missa.
- 19 An sit *simonia* pacisci pro sustentatione congrua ministri sacramentorum.
- 20 An possit Episcopus pretium accipere pro actu exercendae potestatis iurisdictionis.
- 21 An possit minister sacramentorum pacisci de certa sua sustentatione.
- 22 De dote Monialium.
- 23 De emptione, & venditione sacrarum vestium, sacrorumque vasorum.
- 24 De *Simonia* beneficiorum.
- 25 An sit *simonia* offerre pretium pro non eligendo indigno ad beneficium.
- 26 An sit *simonia* offerre pretium pro eligendo digno ad beneficium.
- 27 An possit vendi ius patronatus.
- 28 An liceat offerre pretium pro redimenda iniusta vexatione ad beneficium obtinendum.
- 29 An sit *simoniacus* beneficiatus, qui emit beneficium per alium.
- 30 An sit *simonia* dare pretium non collatori beneficii, sed amico collatoris, ut illud mibi obtineat.
- 31 An committat *simoniam*, qui ficto animo promittit se daturum.

rum pecuniam, si illi conferatur beneficium.

32 *De permutatione beneficiorum.*

33 *An sit simonia commutare beneficium pro maiori commodo temporali.*

34 *Quæ simonia committitur in locatione beneficiorum.*

35 *Ad quantum tempus possunt vendi, aut locari redditus Ecclesiastici.*

36 *De simonia in pensionibus.*

37 *De simonia in emenda sepultura.*

38 *De pretio solito reddi Ecclesiis pro sepultura.*

39 *An possit dari pretium pro baptismo ministrando.*

40 *An sit simonia accipere pretium pro benedicendis nuptiis.*

41 *An sit simonia nolle benedicere nuptias absque oblatione offerri solita.*

42 *De pretio Concionum Evangelicarum.*

43 *An sit simonia seruire collatori, ad benevolentiam eius comparandam, qua motus mihi conferat beneficium.*

44 *An sit simonia mutuas dare pecunias cum pacto de mihi conferendo beneficio.*

45 *An committat simoniam, qui confert beneficium ad comparandam benevolentiam alicuius.*

46 *An sit simonia resignare beneficium in manibus Episcopi, sub conditione conferendi illud certæ personæ.*

47 *De renunciatione beneficii litigiosi, sub pacto reddendi renuncianti pensionem, si lus victa fuerit à renunciato.*

48 *De renunciatione beneficii cum spe accipiendi opera gratitudinis debite.*

49 *Quor diebus viuere debet renunciatus post factam renunciationem.*

50 *An teneatur renunciatus renuncianti reddere fructus sub quorum fiducia renunciavit beneficium.*

51 *De collatione beneficii curati cum pacto de dimittendo alij beneficium simplex.*

52 *De permutantibus beneficia absque ordine iuris.*

53 *De commutatione beneficii, à quo soluitur pensio.*

54 *De simoniaco Episcopo, qui confert beneficium uni, cum pacto de transferendo illud in alium, reservata pensione.*

55 *De pœnis simoniaci.*

56 *An pœnæ supradictæ sint posita omni simoniaco.*

57 De restitutione debita ob simoniam.

58 Cui facienda est restitutio simoniae.

59 De restitutione ob simoniam occultam.

I N T E R R O G A T I O. Quoniam huiusmodi materia latissima est: dic in primis qui auctores agunt de ea? *Resp.* Agunt de ea Beroy. in c. Non sine multa. de arbit. n. 31. 46. & 51. & in rubr. de usuris. Bernard. Dias in Pract. c. 91. Iul. Clar. lib. 1. recept. Nau. in c. fin. de simon. & in Man. c. 23. n. 99. D. Thom. 2. 2. q. 100. Cord. lib. 1. q. 22. Nau. lib. 2. de rest. c. 2. n. 373. Sot. lib. 4. de iust. Victor. in relect. de simonia.

2 *Int.* Quo pacto definitur simonia? *Resp.* Est deliberata voluntas emendi, aut vendendi rem spiritualem, siue annexa rei spirituali, seu voluntas contrahendi contractu oneroso circa talem rem. Ita Eman. in sum. verb. simonia. & Tolet. lib. 5. cap. 84. & omnes.

3 *Int.* Circa quam materiam versatur simonia? *Resp.* Claret interrogatio ex definitione posita. Versatur circa rem spiritualem, aut annexam rei spirituali.

4 *Int.* Quae res vocatur spiritualis? *Resp.* Omnis illa, quae à Deo, ut est auctor gratiae, procedit, vel ad Deum, ut est auctor gratiae, ordinatur. Ea verò omnia, quae à Deo procedunt, vel ad Deum referuntur, quatenus est creaturae intellectualis (ut homines, Angelosque comprehendam) per media supernaturalia saluator seu deductor ad suum finem supernaturalem, dicuntur ab eo procedere, seu ad eum referri, ut est auctor gratiae.

5 *Int.* In quot diuiduntur huiusmodi res spirituales? *Resp.* In quatuor, quaedam enim dicuntur spirituales essentialiter. Tales sunt virtutes, & dona supernaturalia, ut fides, spes, caritas, gratia, &c. Quaedam dicuntur spirituales causaliter, quia sunt causa rerum spiritualium. Qualia sunt sacramenta Ecclesiae. Quaedam dicuntur spirituales effectualiter. Tales sunt operationes, ex aliqua spirituali potestate procedentes, vel operationes ad Deum ordinatae, ut concionari, cātare in choro, sepelire mortuos, dispensare in voto & matrimonio, excommunicare, absolueret ab excom. & alia huiusmodi. Quaedam denique dicuntur res spirituales ex annexione: vel quia ad officium spirituale pertinent, qualia sunt beneficia Ecclesiastica, & vasa sacramenta, & cetera suppellectilia sacra.

6 *Int.* Unde dicitur quod huiusmodi peccatum simonia? *Resp.* A Simone

Simone Mago, primo auctore huius contractus in lege Evangelica, sicuti legimus *Act. 8.* & habetur *can. Saluator. 1. qu. 3.* Voluit enim emere donum, seu gratiam miraculorum, ut eandem cum lucro posset aliis vendere.

7 *Int.* Quale peccatum est Simonia? *Resp.* Ex genere suo mortale contra virtutem religionis. Nam qui emit, emit pretio rem, quæ excedit omne pretium temporale. Qui vendit, vendit quod suum non est: homo enim dispensator est rerum spiritualium, non dominus. *1. Corinth. 4.*

8 *Int.* Quo iure prohibetur huiusmodi peccatum? *Resp.* Naturali, diuino, & humano. Ita Tolet. *lib. 5. cap. 85.* Naturali, quia prohibet vendere, & pretio æstimare temporali, quod venale non est, quia omne pretium temporale excedit. Diuino. *Matth. 7. gratis date, quod gratis accepistis.* Positiuo. *1. qu. 3.* per totum, & multis aliis canonibus. Et ideo grauiter fuit hoc vitium reprehensum à D. Petro *Act. 8. pecunia tua tecum sit in perditionem.* Et ab Elisæo Propheta *4. Reg. 5. cum vindicauit simoniam Giezi lepræ morbo.*

9 *Int.* Sûntne aliqui contractus, ut simoniaci à sacris canonibus damnati, quamuis secundum se reuera non sint tales. sed tantummodò, quia prohibiti? *Resp.* Maximè. Permutare beneficium beneficio absque licentia Pontificis prohibetur *cap. Quæsitum de rer. permut.* Deinde vendere officium economi Ecclesiæ prohibetur *can. Saluator. 1. qu. 3.* quamuis illud officium sit temporale. Præterea vendere pensiones beneficiorum sine licentia Papæ. Ita adnotauit Tolet. *lib. 5. c. 85.*

10 *Int.* Quot sunt species simoniæ? *Resp.* Tres, Mentalis, conuentionalis, & realis. Mentalis est, cum do, aut accipio rem spiritualem intentione dandi, vel accipiendi pretium temporale pro ea. Conuentionalis est, cum do, vel accipio rem spiritualem sub contractu dandi, vel accipiendi pro ea pretium temporale. Realis est, cum non iam mente sola intendo, neque solo contractu hæreo, sed exterius pretium temporale offero pro re spirituali. Aduertendum tamen est maximopere, quod ad perfectam, & realem omnino simoniam requiritur interior voluntas contrectandi sub pretio temporali rem spiritualem: præterea pactum explicitum, vel saltem implicitum (erit verò censendum pactum implicitum, cum datur pretium temporale, quamuis nulla præcedat conuentio), denique exhibitio externa pretij, & externa donatio

rei spiritualis. Et ideo altero horum deficiente non est realis, sed conuentionalis simonia. Ita Armil. *verb. simonia.* & Tolet. *lib. 5. cap. 86. num. 4.*

11 *Int.* Quot modis offerri potest pecunia, seu aliud pretium temporale pro re spirituali? *Resp.* Multis quidem, aut in sustentationem ministrorum: aut in eleemosynam ecclesiarum, seu confraternitatum, aut liberali oblatione, donatione, spontanea deuotione & gratitudine, iuxta laudabilem consuetudinem loci: aut in pretium.

12 *Int.* Quando ergo committitur simonia? *Resp.* Non nisi cum pecunia, vel quid simile datur in pretium rei spiritualis. Ita Tolet. *lib. 1. cap. 87.*

13 *Int.* Cum res spirituales sint in triplici differentia: quædam enim sunt purè spirituales, nullam habentes temporalem mixtionem, ut virtutes supernaturales, & potestates earumque usus. Quædam sunt mixtæ ex temporali, & spirituali. Rursus harum secundarum quædam participant plus de spirituali, ut sacramenta, quorum materiæ sunt res corporales; beneficia Ecclesiastica, quorum fructus sunt etiam temporales. Quædam verò plus participant de temporali, quàm de spirituali, ut calices, aliæque vasa inseruientia rei spirituali, templorum loca, officia cantorum: quæro igitur utràm harum rerum aliquæ emi, vendi possint? *Resp.* Res purè spirituales, aut mixtæ, quæ plus participat de spirituali, vendere, aut emere pretio, simonia est in omni consideratione: nam totæ simpliciter censentur spirituales. Secus dicendum de mixtis, quæ plus participant de temporali: censentur enim ad hunc effectum simpliciter temporales, & ideo in iis vendendis non committitur simonia, nisi expressè intendatur vendi spirituale earum. Ita Tolet. *lib. 5. cap. 87.* Ideo licet vendere, aut emere calices etiam consecratos pretio eodem, quo emerentur, si non essent consecrati. Est tamen simonia emere, aut vendere ieiunium, orationes, aut alium virtutis actum.

14 *Int.* Estne simonia commutare res spirituales pro aliis spiritualibus, ut ieiunium pro ieiunio, orationem pro oratione, audire confessionem, ut alter audiat meam? *Resp.* Minimè. Ita Sor. 4. *dist. 7. §. 5.* Tolet. *lib. 5. c. 88. n. 2.* licet oppositum teneat Conrad. in 4. *dist. 25. art. 3.*

15 *Int.* Licebit igitur commutare beneficium pro beneficio? *Resp.* Stando in iure diuino, ita est, sed talis commutatio

tio est prohibita iure humano. *cap. Quæsitum, de rer. permut.* Atque in eo dispensat summus Pontifex.

16 *Int.* Licétne exigere pretium pro labore antecedenti in administratione sacramentorum? *Resp.* Licet. Ita Sot. 6. iust. q. 9. art. 1. Tolet. lib. 5. cap. 88. num. 5.

17 *Int.* Qui labor censendus est antecedere administrationem sacramentorum? *Resp.* Omnis ille, qui ex se, & ex natura rei non comitatur ipsam effectiorem sacramenti, enim- uerò necessariò comitatur labor actionem audiendi confessiones, baptizandi, operandi sacrum: iste labor vendi non potest. Veruntamen iter magnum conficere ad audiendas easdem confessiones, ad baptizandum, ad faciendum sacrum, ex se non est labor talis annexus tali operi.

18 *Int.* Potéstne exigi pretium pro obligatione, qua quis se obligat certo tempore ministrare Sacramenta, vel dicere sacrum in tali loco? *Resp.* Potest. Ita Gloss. cap. Significatum de præbend. Caiet. verb. simonia. Tolet. lib. 5. cap. 88. Ratio est, quia ibi non venditur res spiritualis, sed libertas.

19 *Int.* Potéstne exigi pretium ad congruam solam ministri sustentationem pro ministrandis Sacramentis? *Resp.* Potest. Etiam si minister diues sit, & habeat aliundè sufficientia alimenta. Ita Tolet. proxime. Id tamen prohibet Concil. Trid. sess. 21. c. 1. de reform. in Episcopis pro conferendis ordinibus, pro litteris dimissoriis, aut sigillo, sed vult, ut omnino gratis ista conferant, quamvis vitam alant mendicando, & pro rebus dictis sponte illis offeratur aliquòd alimentum.

20 *Int.* Potéstne Episcopus pretium accipere pro actu, quem exercet per potestatem iurisdictionis, ut pro dispensando in votis, pro relaxando iuramento, pro absolutione à censuris, pro consecrandis templis, & pro aliis huiusmodi? *Resp.* Minimè. Ita D. Thom. 2. 2. qu. 100. qu. 3. ad 3. quia ista sunt simpliciter spiritualia. Potest tamen si dentur sponte, & gratuito, vel ad congruam sustentationem. Quod si à Summo Pontifice aliquid pro talibus actionibus exigatur, vel id sit in poenam, qua inconstantia punitur vouentis, iurantis, aut nubentis: vel in compensationem, commutationemve vnius oneris ablati maioris, in aliud minus.

21 *Int.* Potéstne Sacerdos pacisci de certa quantitate sustentationis, pro faciendo sacro, aut funere, qua non data, nolit celebrare, nec funus exequi? *Resp.* Negat D. Thom. 2. 2. q. 10.

art. 4.

art. 4. quam opinionem veram arbitratur Caietan. circa ministrum diuitem, non verò pauperem, qui non habet, unde alatur. Ita *quodl.* 1. q. 9. Sot. verò *9. iust. q. 6. art. 1.* eam improbat etiam circa diuitem ministrum, amoto scandalo, quod quidem frequentius inde oritur. Nulla tamen est simonia quærere loca, ubi pinguiores sustentationes, & eleemosynæ pro faciendo sacro, aut concione habenda, ministris tribuuntur. Sic Tolet. *lib. 5. cap. 89. num. 7.*

22 *Int.* Quid censes de pecunia, pretiòve dato, & accepto pro monialibus suscipiendis in monasterium? *Resp.* Dico *primum.* Dare, vel accipere pecunias pro ipso ingressu religionis, simonia est. Sic habetur *c. Quod pro. 1. qu. 2.* Dico *secundum.* Potest dari, & accipi, & pacisci pecunia pretiùmve pro sustentanda moniali, si monasteria, vel monasterium sit pauper, vel diues. Ita Sylu. *simon. §. 15.* & Tolet. *lib. 5. c. 89. n. 9.*

23 *Int.* Possuntne vasa sacra, vestesve sacræ vendi in vsus profanos? *Resp.* Si frangantur, scindanturve, ita vt figura mutetur. Ita D. Thom. 2. 2. *quæst. 10. art. 4.*

24 *Jnt.* Quæ simonia committitur in beneficiis? *Resp.* Dico *primum.* Simonia est vendere, aut emere beneficium Ecclesiasticum. *cap. Si quis. 1. q. 3.* Dico *secundum.* Simonia est vendere, aut emere, pretiùmve dare, vel accipere pro resignatione beneficij, vel collatione, vel electione ad illud. Est omnium Doctorum. Addit verò Tolet. *lib. 5. cap. 90.* Imò pro ipsa interuentione. Nam qui daret pretium alicui, vt pro ipso interueniret apud patronum, vt illi conferat beneficium, simoniacus esset.

25 *Int.* Sunt digni ad beneficium, sed patronus vult eligere indignum, possumne pecuniam offerre pro non eligendo indigno? *Resp.* Potes. Ita Caiet. *quodl. 1. qu. 9.*

26 *Int.* E contra, sunt omnes indigni, vnus tantum est dignus ad beneficium, possumne pecuniam offerre pro eligendo digno? *Resp.* Potes. Ita Sot. *9. iust. q. 6. a. 1.* Tol. *lib. 5. c. 9.* Non tamen quando sunt multi digni, iuxta eundem Doctorem. Ratio est manifesta, quia ista oblatio pecuniæ pro eligendo illo solo digno in re est data pro non eligendis indignis.

27 *Int.* Estne simonia vendere ius quod habeo ad beneficium, vel ius patronatus? *Resp.* Prior casus est in litigantibus de beneficio, & respondeo affirmatiuè. Ita Cardinalis loco proximè allegato. Solet tamen Papa huiusmodi litem componere,

ponere, dando vni beneficium, & alteri pensionem in eo. Idem affirmo de iure patronatus, quod malum grauiter prohibetur à Conc. Trid. *sess. 25. c. 9.* tanquam contra canones. Oppositum videtur asserere D. Thom. 2. 2. *quest. 100. art. 4.* sed intelligendus est, cum patronatus pertinet ad villam, vel maioratum temporalem, quo vendito, simul videtur vendi ius patronatus, cum reuera in illa venditione transferatur in emptorem villæ, seu maioratus. Et ita de eo acquiritur possessio vt habet Panorm. *cap. Querela. Armil. simonia. §. 4.* Verumtamen pro eo nil ultra omnino exigi potest.

28 *Int.* Licetne pecuniam dare ad redimendam vexationem iniustam beneficij? *Resp.* Subdistinguit D. Th. 2. 2. *q. 100. art. 2. ad 5.* Vel vexatio fit post consecutum ius beneficij, vt cum litigator vult iniusta opponere impedimenta, & beneficium spoliare beneficio iam habito iustè. Et tunc ait licere. Et est communis opinio *Glos. cap. Dilectus, de simonia.* Vbi Abbas n. 4. & Felinus n. 2. Rebuffus *de simonia. num. 17.* Nauar. *in man. cap. 25. num. 114.* Ratio est, quia iure naturali mihi licet tueri bona à me possessa. Vel vexatio fit ante possessionem, seu ius acquisitum beneficij. Et tunc absolutè negat. Hanc D. Thomæ opinionem limitat Sot. 9. *lib. Iust. qu. 6. art. 1.* nisi violentia inferatur, vt cum quis vi detinetur, ne compareat tempore præfixo coram Episcopo ad beneficium consequendum, vel coram aliis, ad quos beneficij collatio pertinet, &c. tunc enim licet hanc vexationem pretio redimere. Crediderim, pace tanti Doctoris, posse etiam anticipata pecunia redimere vexationem, quam quis certò nouit sibi faciendam in ferendis suffragiis suæ maioris dignitatis in oppositione ab ipsis maleuolis suffragatoribus, & aliis similibus iniustè iudicantibus. Hic enim redimo pretio ipsam vexationem, non beneficium.

29 *Int.* Censendusne est simoniacus beneficiatus, qui non per se, sed per alium emptum possidet beneficium? *Resp.* Maximè. Et tenetur, vbi primùm id sciuerit, dimittere beneficium. Ita habetur *Extrauag. c. Ex insinuat. de sim.*

30 *Int.* Non dedi pecuniam collatori sed alij, vt à collatore illud mihi obtineret, v.g. cognato Episcopi, cõmisine simoniam? *Resp.* Commisisti. Ita Tol. *lib. 3. c. 90. n. 9.* & est res clara.

31 *Int.* Promisit quis ficta promissione, hoc est, animo non reddendi promissam pecuniam pro beneficio obtinendo,

com

commisitne simoniam? *Resp.* Minimè. Ita Caietan. *quodl.* 1. 7. 9. Sot. 9. *iust.* 9. 8. *art.* 1. Tolet. *lib.* 5. *cap.* 90. *n.* 11. Ratio est metaphysica, quoniam actus exterior sumit suam specificationem ab actu interiori.

32 *Jnt.* Quid censes de permutatione beneficiorum? *Resp.* Dico *primum*. Permutare beneficium spirituale pro officio temporali, seu sæculari, simonia est. Dico *secundum*. Permutare beneficium cum beneficio, yna ex tribus deficiente conditione, simonia est. Ita Syluest. *permutatio*. §. 1. Tres autem conditiones assignat Tabiena *verb. beneficium*. 3. §. 16. Primam, ut permutatio fiat cum facultate superioris: superior autem in hoc negotio est, qui potest illa beneficia conferre. Secundam, ne ante talem facultatem fiat absolutum pactum de permutatione: hoc tamen non tollit, quin possint inter se agere de permutatione cum facultate superioris. Tertiam, ne in pretium etiam conferatur quicquam spirituale, ut aliud beneficium simplex, &c. Hoc tamen non tollit, qui in permutatione beneficii pinguioris possit exigi pensio in eo de licentia Papæ. *cap. Ad quæstiones de rer. perm.* notatque Sot. *lib.* 9. *iust.* 9. 7. *art.* 2.

33 *Int.* Estne simonia permutare beneficium pro quouis commodo temporali? *Resp.* Maximè. Et ideo simonia est permutare beneficium, ut foror eius nuberet fratri suo, aut remitteret iniuriam.

34 *Jnt.* Quæ simonia committitur in locatione beneficii, *Resp.* Dico *primum*. Simonia est locare potestatem iurisdictionis, seu vires spirituales, ut si Episcopus locet suam potestatem iurisdictionis, aut curatus potestatem ministrandi Sacramenta. Ita Syluest. *simon.* §. 14. Dico *secundum*. Locare, aut vendere oblationes Ecclesiasticas, non est simonia. Sylu. *simonia*. §. 14. Idem affirmat de fructibus.

35 *Jnt.* Ad quod tempus possunt vendi, aut locari fructus beneficiorum? *Resp.* Iuxta *Extrauag. Ambitosè de rebus. Ecclesi.* ex Paulo I I. ad triennium solum, & ultra infligitur ipso iure priuatio eorundem fructuum. Hæc autem Paulina non est vbique recepta. Ita notat Nauarr. *cap.* 27. *sum. num.* 149. Caiet. *excommun.* Iuxta Nauar. ad septennium, atque esse decretum *cap. Querelam, ne prælati vices suas.* sed in hoc textu nihil determinatur, sed approbatur locatio, & venditio vique ad septennium. Iuxta Syluest. *locatio*. §. 3. Tabien. *ibid.* ad modicum

cum tempus. Modicum verò tempus est minus decennio, vt notat Tolet. *lib.1. cap.91. num.6.* Iuxta Panormitan. *cap. Quærelam cit.* ad totam vitam locantis, & vendentis; adducit pro sua sententia Hostien. & Federium, quia non est iure prohibitum. Idem tenet Syluest. *simonia. §. 14.* Vbi ergo Pauli extrauagans non est in vsu, hæc vltima sententia verà est, si adfit necessitas locationis, & venditionis, vt approbat Tolet. *lib.5. cap.91. num.7.*

36 *Jnt.* Quid censes de simonia in pensionibus? *Resp.* Pensiones quæ ob resignationem alicuius beneficij dantur, possunt redimi absque simonia, etiam absque licentia. Quòd si hæc facultas petitur, est ob securitatem contractus, ne alter neget esse redemptas. Ita Card. Tol. *lib.5. cap.92.* Dico *secundum.* Simonia est resignare beneficium apposita pensione, cum pacto illam redimendi statim. Ita Caiet. *opus. 16. quæst. 10.* Dico *tertium.* Simonia est vendere, aut emere supradictas pensiones. Non est hoc iure prohibitum: prohibetur tamen consuetudine, & praxi Curia, vbi vt simoniacus puniatur pensionum emptor, & venditor. Ita Tolet. *lib.5. cap.92.*

37 *Jnt.* Estne simonia vendere ius sepulturæ, quod quis habet, vt ipse, suiue consanguinei, v. g. sepeliantur in aliquo loco? *Resp.* Maximè. Ita Innoc. *cap. ad abolendam.* Ius, inquam, quod iam acquisitum est, vel ex Episcopi licentia, vel ex mortuo iam in ea sepulto. Nam emere terram (virginem vocant) ad sepulturam, non est simonia.

38 *Jnt.* Potestne exigi certa pecunia dari solita Ecclesiis pro sepultura concessa? *Resp.* Potest. Ita Syl. *sepultura. num. 2.* Videndus tamen hac de re D. Thom. 2. 2. *quæst. 100. art. 4. ad 3.* Lopez L. 1. *tit. 13. part. 1. verb. vender.* Molin. *de primogen. c. 24. n. 40.* Menoch. *lib. 2. de arb. casu 277.* Sot. l. 9. *inst. q. 6. a. 1. ad 3.*

39 *Int.* Est infans in extrema vitæ periodo, adsumus quo, ego nescio formam baptismi: alter scit, sed non vult sine pretio illum baptizare, estne simonia tale pretium offerre pro redimenda illa negationis vexatione? *Resp.* Minimè. Idem censeo de adulto, qui non potest ab alio obtinere baptismum sine pretio, & est in vltimo vitæ periculo, & in periculo damnationis, quia difficilis est actus contritionis, cuius flamine baptizetur, vt iam respondi in materia de baptismo. Ita Roderic. *de simon. in sum. num. 8.*

40 *Jnt.* Estne simonia quicquam pretij petere, vel sponte datum

datum accipere in pretium pro benedicendis nuptiis? *Resp.* Maximè. Ita decernitur *cap. in Ecclesia. Extravag. de simon.*

41 *Int.* Solent nubentes pro benedicendis nuptiis parochus ex more offerre quicquam, committitne simoniam parochus, qui alteri non vult concedere licentiam benedicendi, nisi ipsi solvantur dona solita? *Resp.* Minimè. Ita Sylvest. *simonia. §. 8.* post Panormitan. quos sequitur Eman. *in verb. simonia. cap. 58. num. 9.*

42 *Int.* Possuntne prædicatores Euangelij pacisci de pretio ad congruam suam sustentationem pro prædicatione, & facta ea, pretium exigere? *Resp.* Possunt. Ita Caiet. 2.2. *qu. 100. art. 2. Sot. 9. lib. iust. qu. 6. art. 1.*

43 *Int.* Offert quis Episcopo pecuniam, & obsequia præstat, ut Episcopi comparet beneuolentiam, qua motus Episcopus illi conferat beneficium ex gratitudine, atque ita secundario per pecuniæ, & obsequiorum vim, intendit beneficij collationem, committitne simoniam? *Resp.* Minimè. Ita omnes cum Navar. *in sum. cap. 23. n. 206.*

44 *Int.* Commodauit pecunias Episcopo cum pacto de beneficio dando, committitne simoniam? *Resp.* Commisisti. Ita Navar. *in sum. c. 17. n. 207. Aragon 2.2. q. 78. art. 2. Mercatus de usuris. c. 7. Med. in instrum. lib. 2. c. 14. §. 24.* Ratio est, quia commisisti usuram; usura autem est pretium, seu lucrum, ergo commisi simoniam, siquidem eo pretio obtinui beneficium, seu ut veriùs loquar, beneficium fuit pretium.

45 *Int.* Quid censes de collatore, qui confert beneficium ad acquirendam, vel non amittendam amicitiam alicuius, aut ad comparandas laudes, vel euitandas contumelias alterius? *Resp.* Si intentio collatoris in hoc tantummodò sistit, non committit simoniam. Ita Caiet. *in sum. verb. simonia. Sot. lib. 9. iust. q. 7. a. 2.* Ratio est, quia tunc collatio beneficij non procedit ex avaritia, sed ex ambitione: simonia autem supponit avaritiam. Dico secundum. Si intentio progreditur ulterius, ita ut comparet amicitiam alterius ad lucra, vel seruitia inde prouenientia, non tantum in gratitudinem, sed in pretium: vel etiam ad fugienda damna emergentia, & comparanda lucra cessantia, simonia est. Et ideo committit simoniam Rex, qui iure patronatus confert beneficia, seu Episcopatus Magnatum filiis, ut postea parentes pecuniam
suppe

suppeditent ad bellum, vel quid simile. Ita Roder. *verb. simonia. c. 59. n. 9.* cum communi.

46 *Jnt.* Estne simonia resignare beneficium coram Episcopo, assignando certam personam, cui illud conferat? *Resp.* Est quidem. Ita Gomes. *in rub. de trien. possess. q. 16. num. 3.* & 4. Rebuff. *in praxi benef. de resig. pura.* & *in c. de resi. condit. nu. 4.* & est contra ius *c. Ordin. 1. q. 1. c. Tua nos. de simonia.*

47 *Jnt.* Habeo beneficium, sed adhuc de eo lis est, renuncio illud Petro cum pacto soluendi pensionem, si ipse litem vicerit, committone simoniam? *Resp.* Committis. Ita Nauar. *in man. cap. 23. nu. 100.* Estque ante litis victoriam conuentionalis, obtenta verò lite est simonia realis, si pensio soluitur. notat ex eodem Nauarro Eman. *in sum. verb. simon. cap. 60. n. 3.* & alij.

48 *Int.* Resignauit Petrus beneficium Ioanni, sed intendit secundario, vt Ioannes postea gratum se ostendat, & beneuolum, quod si non existimaret futurum, nullatenus resignasset, committitne simoniam? *Resp.* Minimè. Ita D. Thom. 2. 2. *quæst. 78. art. 2. ad 2.* Ratio est, quia gratitudo non habet rationem pretij, nec debetur ex obligatione legali, sed tantum gratuita.

49 *Int.* Quot dies viuere debet renunciens propter infirmitatem post factam renunciationem? *Resp.* Viginti. Ita habet Regula 18. Cancellariæ.

50 *Int.* Renunciauit Petrus absolutè beneficium in Ioannem, sed cum fiducia accipiendi ab ipso Ioanne, aut omnes redditus, aut certam partem fructuum, teneturne Ioannes illos soluere? *Resp.* Minimè. Ita Sotus *lib. 3. iust. q. 6. art. 2.* & *lib. 4. q. 7. art. 2.* Ratio est, quia ista fiducia non posuit obligationem iustitiæ, sed ad maximum gratitudinis; ergo stando in iure naturali solum obligatur Ioannes ex gratitudine: gratitudo verò alia via satis fieri potest, vt notat Nauar. *in man. c. 23. n. 104.* & 105. & *tract. de simon. nu. 12. 13.* & 14. Imò contra fiduciam est motus proprius Pij V. qui excommunicatione Papæ reseruata punit, & Petrum ex fiducia pactione simplici accipientem, & Ioannem dantem, vt notat Cord. *de casib. q. 32.* Quòd si talis fiducia fuit declarata inter eos, renunciatio fuit simoniaca, vt aduertit Roderic. *in sum. verb. simon. cap. 60. num. 7.*

51 *Jnt.* Habet Petrus beneficium simplex, vult obtinere ab
S i Episcopo,

Episcopo, vel alio patrono aliud maius, vt obtineat, promittit se resignaturum simplex cui voluerit Episcopus, de facto resignat committiturne simonia? *Resp.* In foro exteriori committitur, & ita iudicandum est. In foro verò animi, si illi promissio non facta fuit in pretium, sed tantum in causam impulsuam, vt facilius Episcopus, patronusve suum beneficium conferret, non committitur. Ita Nauar. *lib. 5. Consil. tit. de simon. consil. 23.*

52 *Int.* Qui absque ordine iuris inter se permutant beneficia, incurruntne aliquam pœnam, censuramve Ecclesiasticam? *Resp.* Minimè. Nulla enim imposita est in iure. Notauit Arag. 2.2.7.100. art. 6. Pœna verò apposita à Conc. Constant. quod refertur in *Extrauag. 2. de simon.* comprehendit veros naturali iure simoniacos, qui pretio vendunt, emuntve res spirituales non verò simoniacos solo iure positiuo, vt tales punitos, quales sunt permutantes beneficia, non seruato iuris ordine, vt notat Couar. *lib. 1. resol. c. 9. n. 3. & 5.*

53 *Int.* Habet Petrus beneficium cum pensione, habet aliud Ioannes sine ea, potestne ex Episcopi licentia Ioannes commutare cum Petro, cum pacto, vt pensionem soluat Petrus, sicuti antea soluebat? *Resp.* Minimè, quia est simonia conuentionalis, vt aduertit Nauar. in *man. cap. 23. num. 106.* Debètque obtinere à Papa facultatem soluendi talem pensionem, ne in realem simoniam cadat, vt notat Eman. in *sum. verb. simon. cap. 65. num. 7.*

54 *Int.* Committitne vsuram Episcopus, qui beneficium vni confert, dicendo, dabis illud Petro, & reseruabis tibi pensionem? *Resp.* committit. Ita Nauar. in *man. c. 23. n. 105.*

55 *Int.* Quæ pœnæ impositæ sunt simoniaco? *Resp.* Quadruplex est simoniaci pœna. Refertur à Syluest. *simonia. §. 19.* Duæ tantum sunt in vsu. Prima est excommunicatio Papalis ipso facto. Secunda est priuatio ipsius beneficij empti, aut venditi, cum obligatione restituendi pecuniam acceptam. Ita Card. Tollet. *lib. 5. cap. 93. num. 1.*

56 *Int.* Dixisti superius tres esse simoniacorum classes, nimirum mentalium, conuentionalium, & realium, dic ergo, estne hæc pœna posita omni simoniaco? *Resp.* Dico *primum.* De simoniaco purè mentali omnes conueniunt non esse latam pœnam. Cùm tamè in aliquem actum externum emanauit, affirmat Sotus *lib. 9. de Iust. quæst. 8.* Oppositum tamen est

est afferendum cum Panorm. *cap. Mandato, de simonia*. Syluest. *simonia*. §. 20. Caiet. *ibid.* *cap. 2.* & Toletus proximè, qui id affirmat expresse decerni *cap. Mandato, de simon.* Dico *secundum*. Propter simoniam conuentionalem, quæ ex neutra parte ad opus emanauit, sed solum in conuentione pactoque stetit, etiam omnes Doctores negant incurri poenam. Nec etiam ob eam incurritur poena cum datum fuit pretium, sed non beneficium, vel aliud spirituale. Ita Caietan. & Sotus loco proximo. In ea verò, in qua datum fuit beneficium, sed nondum datum est pretium, controuertunt auctores. Negat Nauarr. *cap. fin. de simon.* In oppositum est communis opinio cum Soto *lib. 9. de Iust. qu. 8. §. 1.* Putatque Toletus esse verissimam, & expressam in c. *cum super eo. de confess. c. Nobis fuit. de simon.* Tenet id stylus Romæ. Ratio Cardinalis est, quia translato beneficio, facta fuit vera emptio, & venditio realis, ergo vera, & realis simonia. Verumtamen Nauarri opinionem censet probabilem: Dico *tertium*. Propter realem simoniam commissam in conferendo ordine & beneficio, & propter eam solam incurruntur huiusmodi poenæ. Ita communis opinio sine controuersia.

57 *Int.* Quid censes de restitutione debita propter simoniam? *Resp.* Dico *primum*. Propter simoniam purè mentalem nulla debetur restitutio. Ita habetur *cap. ult. de simon.* & tenent Caiet. 2. 2. *quæst.* 100. *art. ult.* Nauar. *in man. cap. 23. n. 102.* Atque in hoc, ut benè aduertit Rodericus *in sum. verb. simon. cap. 66.* differt simoniacus ab usurario, quod usurarius mentalis tenetur ad restitutionem, quia qui reddit usuras, semper reddit inuitus: qui autem dat simoniaco, libens dat; sed illi responderi posset. Etiam emptor simoniæ dat inuitus, quia potius vellet sibi gratis beneficium dari. Hoc tamen non obstat, quia etiam emptor cuiusque rei potius vellet sibi rem dari gratis, quàm pretio, ut aduertit Nauar. *supra.* Aragon. 2. 2. *quæst.* 100. Nauar. *lib. 2. de restit. cap. 2. num. 384.* Medin. *in sum.* Dico *secundum*. Qui beneficium habent simoniacè per alium obtentum, sed à se bona fide possessum, non tenentur simul cum beneficio resignato fructus collectos, & bona fide consumptos restituere, sed solum eos, quos habent, quando beneficium resignant. Ita D. Thom. 2. 2. *quæstione* 100. *art. 6. ad 3.* Dico *tertium*. Qui simoniacè pro collatione ordinum, & beneficiorum pecu-

nias accepit, tenetur illas restituere ante iudicis sententiam. Ita D. Thom. 2. 2. quæst. 100. art. ult. Medin. de rest. qu. 3. Sot. lib. 9. Iust. quæst. 8. art. 1. Ratio est, quia ius canonicum supra allegatum, illum reddit incapacem dominij talis pecuniæ, licet alij aliter sentiant.

58 Int. Cui facienda est talis pecuniæ restitutio? Resp. Dico primum. Si qui dedit, ignoravit simoniacum esse contractum, ipsi semper est reddenda, quia bona fide dedit. Ita decernitur cap. Veniens. de simon. Dico secundum. Simoniaci vero reddenda est, cum ante sententiam latam super simoniam redditur. Post sententiam latam Ecclesiæ, vel pauperibus, quia lata sententia, ipso iure priuatur dominio talis pecuniæ. Ita Aragon. 2. 2. q. 100. art. 6.

59 Int. Obtinuit quis simoniacè beneficium, sed occultè petit à Papa dispensationem, cui debet facere restitutionem pecuniæ acceptæ? Resp. Respondet Eman. in sum. verb. simonia. cap. 66. num. 6. faciendam ipsi Papæ, tanquam dispensatori beneficiorum, & fructuum.

C A P V T X V .

De Sacramento Matrimonij.

Nostri est finis non ita ieiunè de sacramentis agere, ut solam institutionem eorum, materiam, formam, ministrum, subiectum, & effectum ostendamus: sed ea persequi, quæ communiter Doctores agitare solent. Ideo acturi de Sacramento Matrimonij, dicemus prius de contractu naturali, in quo fundatur. De impedimentis ad nuptum. De sponsalibus, & denunciationibus, quæ præmittuntur: postea de Repudio, Polygamia, usuque agemus.

De Matrimonio, quatenus est contractus naturalis. §. 1.

- 1 Quid est Matrimonium naturale.
- 2 A quo fuit institutum.
- 3 Quando à Deo fuit institutum.
- 4 Quomodo fuit institutum.
- 5 An tale matrimonium sit ex præcepto diuino naturale.

I. I N

I N T E R R O G A T I O. Quid est matrimonium naturale? *Resp.* Est contractus inter virum, & mulierem nullo naturæ, aut humanæ legis impedimento inhabiles ad contrahendum, de retinendo perpetuam vitæ consuetudinem, aliquo externo signo declaratus.

2 Int. A quo fuit hic contractus naturalis institutus? *Resp.* A Deo ipso. Ita Catholici Doctores. Probat Argentinas in 4. d. 26. quæst. 1. art. 2. Nam ab eo præcipuè facta fuit matrimonij institutio, à quo primò, ac præcipuè facta fuit legitima viri, ac mulieris coniunctio maritalis: sed à Deo ipso facta fuit talis maritalis coniunctio, secundum Christi Domini testimonium, Matth. 19. *Quod Deus coniunxit, homo non separet, ergo, &c.*

3 Int. Quando fuit à Deo institutus hic contractus maritalis? *Resp.* Bis secundum Doctores, semel tempore innocentis naturæ ante peccatum: iterum tempore nocentis naturæ post peccatum. Ita notant Gratian. cap. Sicut. §. his ita. 32. quæst. 2. Mag. in 4. d. 16. ibidem Scot. quæst. unica. Alb. Mag. D. Bonaventur. q. 1. art. 1. Richard. q. 2. art. 2. Institutus verò fuit in statu innocentiae in officium naturæ ad propagandam prolem, ut loquitur D. August. de Gen. ad lit. c. 7. In statu verò peccati, in remedium concupiscentiae, ut colligitur ex D. Paul. 1. Cor. 7. dicente: *Propter fornicationem autem unusquisque suam uxorem habeat, & unaquæque suum virum.*

4 Int. Quomodo facta fuit à Deo huiusmodi matrimonij naturalis institutio? *Resp.* Omissis plurimis hac de re opinionibus, dico primum. Matrimonium in statu innocentiae, ut est contractus naturalis, institutum fuit à Deo per inspirationem, qua reuelavit Adamo, & Eux se velle, ut inter Adamum, & Euam, ac inter eorum posteros esset maritalis coniunctio, perpetuam vitæ consuetudinem retinens. Qua facta reuelatione adduxit Euam ad Adamum accipiendam in suam; ac proinde tanquam paranympus primos humani generis parentes coniunxit. Notat Ben. Perer. lib. 4. in Gen. disput. de formatione. Eux. quæst. 9. Ita præter Bonavent. Scot. Argentinatem citatos, tenet Abulensis super verba Gen. Non est bonum hominè esse solum. D. Thom. in Addit. q. 42. art. 4. & super Genesis citata verba. Non est bonum, &c. Dico secundum. Hæc institutio facta fuit in paradiso voluptatis. Ita notant Gratianus, & Magister citatis locis, Altfiodorens. in summa. tractat. 4. de

matrimon. Dico *tertium*. Hanc institutionem Adamus promulgavit, cum matrimonium contraxit, dicendo Eux. *Hoc nunc os de ossibus meis, & caro de carne mea*, accipiente Eva contractum. Dico *quartum*. Matrimonium in statu peccati, prout est contractus naturalis, institutum fuit à Deo *Genes. 9.* cum dixit Noë, & posteris illius post diluvium. *Crescite, & multiplicamini, & replete terram.* Ita Richar. loco citato.

§ *Int.* Estne contractus matrimonialis ex iure diuino naturali? *Resp.* Dico *primum*. In mundi exordio, & post diluvium ob penuriam generis humani tenebatur homines contrahere matrimonium ex iure diuino naturali. Ita D. Tho. *quodl. 7. art. 17. & in Addit. 1. q. 41. art. 2. ad 1.* D. Bonau. *in 4. q. 16. art. 1. q. 3.* Durand. *quest. 2. Palud. quest. 3. num. 4.* Ratio est, quia ex iure diuino naturali pars tenetur subuenire toti: sed propagatio speciei humanæ pendet ex singulis hominibus per legitimam generationem procreatis, ergo in penuria ac defectu speciei humanæ tenentur homines ad actus matrimoniales exercendos. Dico *secundum*. Modò post multiplicationem humanæ speciei singuli homines singulariter sumpti deobligantur ab hoc naturali iure: Dixi, singulariter, quia simul sumpti, ut continent totam speciem humanam, adhuc eo iure adstringuntur. Ac proinde, si omnes omnino singulares matrimonio abstinerent, tenerentur Principes communitalis aliquos cogere ad nuptum. Ita D. Thom. Bonau. Sor. Durand. Palud. locis citatis. Cum igitur D. Paul. *1. Cor. 7.* dixit, loquendo de virginitate seruanda; *Volo autem omnes homines esse sicut me ipsum*, verbum, omnes, sumit diuim, non verò coniunctim. Dico *tertium*. Si modò ob pestes, aut bella, tanta facta esset humanæ speciei diminutio, quanta fuit in exordio mundi, & post diluvium, etiam obligarentur ex ipso naturali iure singuli homines ad contrahendum matrimonium. Hæc conclusio claret ex ratione adducta in primo dicto. Neque ab hoc implendo naturali iure deobligarentur, qui votum haberent castitatis ex vi præcisa ipsius voti. Ita Durand. & Argentin. & Sotus citati: Palatius *in 4. d. 16. disput. 1. Viuald. de Matrimon.* Ratio est, quia votum semper includit conditionem, nisi obstat maius bonum, maiusque ius: tunc verò maius esset bonum conseruatio speciei, maiusque vinculum ius naturale obligans indiuiduum ad conseruandam speciem.

DE IMPEDIMENTIS AD MATRIMONIUM CONTRAHENDUM.

CAPVT XVI.

De impedimentis in communi. §. 1.

- 1 Quotuplex est impedimentum matrimoni.
- 2 An Ecclesia possit statuere impedimenta ad matrimonium.
- 3 An Princeps, aut Respublica secularis possit impedimenta statuere ad matrimonium.
- 4 An verè contrahant, qui contrahunt, arbitantes se habere impedimentum dirimens ad contrahendum.

I N T E R R O G A T I O. Quotuplex est impedimentum ad matrimonium contrahendum? *Resp.* Duplex: aut enim impedit, & non dirimit, hoc est, ita obstat, vt qui contrahunt cum tali impedimento, peccent, sed verè nubant. Aut impedit, ac dirimit, hoc est, ita obstat, vt non solum peccent, qui cum eo contrahunt, sed etiam non verè nubant. Ita communiter Doctores cum D. Thom. in 4. d. 34. q. 1. art. 1. in corp.

2 *Int.* Potestne Ecclesia statuere impedimenta dirimentia matrimonium? *Resp.* Potest. Oppositum docuit Lutherus, sed est Cathorica veritas definita in Concil. Trident. sess. 23. can. 4. de sacra. matrim. atque cap. 1. statutum impedimentum dirimens his verbis. *Qui aliter, quàm presente parochò, &c. matrimonium contrahere attentabunt, eos sancta Synodus ad sic contrahendum omninò inhabiles reddit, & huiusmodi contractus irritos & nullos esse decernit.* Ratio adducitur à D. Thom. in 4. d. 40. art. 4. ad 2. Palud. supra, q. 4. num. 24. Victor. de matrim. 2. p. num. 12. quia Ecclesia habet vim super ipsum contractum naturalem, ac proinde potest apponere conditiones ipsum confirmantes, aut irritantes.

3 *Int.* Potestne Princeps secularis, aut Respublica statuere impedimenta dirimentia matrimonium? *Resp.* Dico primum. Respublica ciuilis infidelium, qui Ecclesiæ non subiacent. Itémque Respublica ciuilis Christiana, si suæ iurisdictioni relinquatur, potest valida impedimenta apponere naturali, ac ciuili contractui matrimoniali. Ita Victoria loco citato.

tato. Ruardus *art. 10. Sot. in 4. d. 34. quæst. 1. art. 1. conclu. 1. D. Thom. ibidem art. 1. ad 4.* Ratio est, quia Princeps, ac Respublica ciuiliis possunt præcipere, aut prohibere, quod prodest, aut obest bono communi; sed vnum è rebus bono communi vehementer conducentibus, est matrimonium: ergo circa illud possunt Principes sæculares, ac Respublica ciuiliis aliquid statuere, vt est contractus naturalis. De facto verò ita statutum est. *L. Sororis. §. si quis. L. Semper. §. si Senatorium. L. fin. ff. de ritu nuptiarum.* Dico secundum. Ecclesia potest huiusmodi Principum sæcularium, & Reipublicæ ciuiliis leges circa matrimonium irritare, & annullare. Ita D. Thom. *in 4. d. 42. q. 2. art. 2. ad 4. Palud. in 4. d. 26. q. 3. num. 12. & 13. Viñt. & Sot. supra.* Ratio est, quia potestas corporalis, & temporalis subiacet potestati spirituali, & æternæ. Principes verò, & Respublica sæcularis habent solam potestatem corporalem, & temporalem, Ecclesia verò habet potestatem spiritualem, & æternam; ergo, &c. Dico tertium. Leges circa matrimonium conditæ à Republica, seu Principe sæculari, quatenus ab Ecclesia non approbantur, eo ipso nullæ sunt, & irritæ. Ita decernitur *cap. Ecclesia S. Mariæ, de constitut.* Et iuxta hanc cõclusionem intelligendus est D. Thom. *in 4. d. 42. q. 2. art. 2. ad 4. Palud. d. 26. q. 3. n. 13. Abb. & Felin. cap. 1. de sponsalib. Couarr. de matrim. 2. par. cap. 6. §. 10. num. 16. Gloss. cap. 1. 30. quæst. 3.* cum absolutè videtur asserere nil posse Principem, ac Rempubli- cam secularem circa matrimonium statuere. Hoc est iuxta ipsius Ecclesiæ decretum *in c. Ecclesia, citato.*

4 *Int.* Contrahunt duo, habiles quidem ad cõtrahendum, sed ex errore arbitantes inter se esse verum impedimentum dirimens, intendentes tamen facere quantum possunt, & contrahere quantum ad contrahendum habiles sunt, rogo, an verum contrahunt matrimonium? *Resp.* Suppositio mihi quidem creditu difficillima: ea tamen data, & concessa, respon- deo affirmatiuè. Ita Archid. & Rosel. quos citat Sylu. *matrim. 8. q. 13. Couar. de matrim. 2. p. cap. 3. §. 7. num. 2.* Probatur effica- citer à simili. Nam si quis ex priuato errore putet non esse sacramentum Baptismi, tamen intendat illud, si fortè est, suscipere à baptizante sub vera forma, verum suscipit baptis- mum, vt docet communis cum D. Thom. *in 4. d. 30. q. 1. art. 2. ad 2.* ergo & verum contrahet cum simili priuato errore ma- trimonium.

De impedimentis dirimentibus matrimonium. §. 2.

1 Quot sunt impedimenta dirimentia.

1 INTERROGATIO. Quot sunt impedimenta dirimentia matrimonium? Resp. Duodecim, quæ his versibus continentur.

Error, Conditio, Votum, Cognatio, Crimen.

Cultus disparitas, Væ, Ordo, Ligamen, Honestas,

Si sis affinis, Si fortè coire nequibis.

De impedimento erroris. Sect. 1.

1 Quotuplex est error.

2 Qui error dirimit matrimonium.

3 Quo iure error personæ dirimit matrimonium.

1 INTERROGATIO. Quotuplex est error? Resp. Quadruplex, nimirum personæ, conditionis, qualitatis, fortunæ. Error personæ interuenit, cum putatur esse Socrates, qui est Plato. Error conditionis, cum putatur esse liber, qui est seruus. Error qualitatis, cum putatur esse bonus, qui est malus. Error fortunæ, cum putatur esse diues, qui est pauper.

2 Int. Quis horum errorum dirimit matrimonium? Resp. Dico primum. Dirimit error personæ. Ita communiter Doctores in 4.d.30. Habetur c. Primo. 29. quæst. 1. cap. Tua nos. de sponsalib. Ratio est, quia in eo errore deficit consensus in matrimonium. Dico secundum. Si in errore qualitatis, & fortunæ interueniat etiam error personæ, non fit validum matrimonium. Ita Magist. citato loco, & D. Thom. in 4.d.30. qn. 1. art. 2. ad 5. Richard. ibid. art. 1. quæst. 2. ad 2. Gabr. quæst. 1. art. 2. conclus. 4. Nauarr. in summ. cap. 22. num. 32. Hæc constat ex superiori conclusione. Dico tertium. Si in errore qualitatis, & fortunæ apponitur ipsa qualitas, & fortuna, vt conditio sine qua non fertur consensus; matrimonium factum sub tali conditione, ea deficiente, est nullum. Hæc claret ex terminis: illam manifestius ostendam, cum me de consensu conditionato interrogaueris. Dico quartum. Error conditionis dirimit matrimonium. Sed hac de re me peculiariter sciscitaberis.

3 Int. Quo iure error personæ dirimit matrimonium? Resp. Iure naturali. Ita D. Thom. vbi sup. Palud. in 4.d.25. q. 1. n. 8. Victor. de matrim. n. 270. Sot. in 4.d.30. q. 1. art. 1. concl. 1. Viuald.

de matrim. num. 127. Ratio est, quia deficiente consensu, naturaliter deficit matrimonium: sed in errore personæ deficit consensus; ergo, &c.

De impedimento conditionis. Sect. 2.

- 1 *Quæ conditio dirimit matrimonium.*
- 2 *An sit validum matrimonium cum serua ad tempus.*
- 3 *Quæ ignorantia seruitutis validet matrimonium.*
- 4 *An sit validum matrimonium cum ancilla, quam dominus tradit nuptui.*
- 5 *An serui, & ancillæ sit validum matrimonium ignorata seruitute.*
- 6 *An validè contrahat mancipium inscio domino, vel contradicente.*
- 7 *An dominus teneatur consentire mancipij nuptiis.*
- 8 *An teneatur seruus potius domini seruitio, quàm uxori.*

I N T E R R O G A T I O. *Quæ conditio dirimit matrimonium?* *Resp.* Conditio seruitutis ignoratæ: igitur si liber Socrates contrahat cum Bertha ancilla, arbitrans Bertham esse liberam, nullum contrahit matrimonium. Ita Doctores in 4.d.36. D.Th. q.1.art.1.ad 3. Durand. q.1.ad 2. Bonau. a.1.ad 2. Scot. q.1. Palpd. q.1.n.8. Nam ita decretum est, & irritatum tale coniugium ab Ecclesia cap. *Ad nostram. de coniug. seru. c. si quis ingenuus. c. si femina. 29. q.2.* Limitatur ista propositio à Richard. 4.d.39. *quæst. 1. art. 1.* Navar. cap. 22. n. 33. Tolet. lib. 7. cap. 3. num. 6. nisi qui errat, sic contrahat, quod esset paratus contrahere etiam cognita tali conditione seruitutis. Verumtamen oppositum mihi videtur probabilius, ut dicam infra num. 3. Mota autem fuit Ecclesia ex grauissimis rationibus. Nam in eo coniugio læderetur liber coniux in tribus bonis, quæ Doctores assignant matrimonio: nempe in bono prolis, quia eam non habebit in sua potestate. In bono fidei, quia coniux seruituti addictus non potest libero coniugi debitum, ad quod per coniugium obligatur, liberè reddere: nam potest tempore necessario à domino in labore occupari. In bono separationis, quia poterit seruus à domino in alium locum duci, aut vendi. Hanc apertè apparet hoc impedimentum dirimere coniugium infidelium, qui Ecclesiæ legibus non subiacent. Dixi conditionem ignoratæ seruitutis esse impedimentum dirimens, quia si liber contrahit scienter cum ancilla,

ancilla, aut è contra, verum contrahit matrimonium. Ita communiter Doctores cum D.Thom. in 4.d.36.Syl.matrim.8. qu.5. Conar.de matrim.2.p.cap.4.§.7.num.1. & Gloss. cap.vlt. de coniug.servu.Tolet.lib.7.c.3.n.1. & expressè habetur cap.Proposuit: de coniug.servu.

2 *Int.* Estne validum matrimonium contractum cum libera ad tempus tantummodo, postea verò futura ancilla, & è contra, ignorata à libero servitute? *Resp.* Minimè. Ita Angel. matrim.3.imped.4.n.6. probâtque ex L.Satuliberi. ff.de statulib. Ratio legis est, quia quidquid à tali fit, non fit vt libero, sed vt addicto veræ servituti.

3 *Int.* Quæ ignorantia satis est ad hoc impedimentum? *Resp.* Sufficit ignorantia tam antecedens, quàm etiam comitans (vt loquuntur Theologi.) Ita D.Anton. 3.p. tit. 1.c.3.Sot. in 4.d.35.a.2.Ledesm.2.4.q.53.art.1. Ratio est, quia ignorantia concomitans facit non voluntarium, hoc est, inuoluntarium negativè, vt docet D.Th.1.2.q.76.art.3. Cum igitur ad matrimonium requiratur maxima libertas, fit, vt hoc inuoluntarium negativè satis sit ad illud dirimendum.

4 *Int.* Estne validum matrimonium cum ancilla ignorata servitute, quam dominus ipse tradit nuptui, vt liberam? *Resp.* Validum. Ita Hostiensis, Abbas, & communiter Doctores cap.finali.de coniug.servu. Syluest.matrim.8.q.2. Angel.matrim.3.imped.4.num.7. Sot. d.35.art.2. Nauarr. in summ.c.22.num.33. Viuald.de matrim.num.124. Habetur in Authentic. de nupt.§.si verò.collat.4. Ratio est, quia eo ipso, quòd dominus, præfato modo, ancillam nuptui tradit ingenuo, ipsam manumittit, donatque libertate. Imo si scienti conditionem servitutis ancillam dominus tradit in uxorem cum dote, eo ipso illam manumittit, & libertate donat. Ita habetur L.unica.§.sed si quis homini. Cod. de latina liber. notat Gloss. cap. illud.de præsumpt. ibidem. Panormitan. Ratio est, quia dos solis liberis concedi præsumitur.

5 *Int.* Contrahitne verum matrimonium servus nubens ancillæ, quam ignorat esse ancillam, & è contra? *Resp.* Contrahit. Ita D.Thom. in 4.d.36.q.1.art.1.ad 1.Scot.q.1.§.dico ergo. Durand. q.1. Palud. q.1.n.9. Armil.verb.matrim.n.5. Ratio est, quia nulli in hoc contractu fit iniuria, cum æqua maneat vtriusque partis conditio.

6 *Int.* Potèstne mancipium validè cōtrahere matrimonium in scio

in scio domino, aut eo contradicente? *Resp.* Potest. Ita habetur *cap. Omnibus. 29. q. 2. & cap. 1. de coniug. seru.* Tradunt communiter Doctores in 4. d. 36. Ratio est, quia contrahere matrimonium est iuri naturali congruum: seruitus autem est de iure positio: ius autem positium non potest derogare iuri naturali, neque iis, quæ iuri naturali sunt conformia.

7 *Int.* Teneturne dominus consentire in coniugio mancipij sui? *Resp.* Minimè. Peccat tamen grauiter, ex genere suo, impediendo illius matrimonium minis, verberibus, aut aliqua iniqua ratione. Item grauiter peccat, absque alia urgente graui necessitate tale mancipium vendendo in longinquam regionem, vbi nequeat uti matrimonio. Ita D. Thom. in 4. d. 36. q. 1. ad 4. Palud. q. 2. n. 9. Richard. & Sotus citati. D. Anton. 3. p. tit. 1. cap. 3. *Glos. cap. 1. de coniug. seru.* à quibus Auctoribus immerito recessit Tolet. lib. 7. cap. 3. num. 3. Ratio est, quia in vtroque euentu it contra ius naturale, quod seruus habet ad contrahendum.

8 *Int.* Contraxit mancipium inuito domino, aut saltem in scio, rogo, an potius matrimonij vsui, quam domini seruitio teneatur? *Resp.* Potius domini seruitio quam matrimonij vsui tenetur, regulariter loquendo. Itaque si eodem tempore satisfaciendum sit duorum vni, nempe aut vxori, virove exigenti debitum coniugale, aut domino postulanti, & iubenti seruitium ab ancilla, aut seruo, potius tunc tenetur domino, quàm coniugi. Dixi, regulariter, quia si ex negatione debiti esset periculum incontinentiæ, aut aliud graue detrimentum, tunc ius naturale matrimonij anteferendum iuri gentium seruitutis, vt notat Panor. *cap. 1. de coniug. seru.* D. Thom. in 4. d. 36. art. 2. ad 3. Sot. in 4. d. 35. q. 1. art. 1. ad 2. Hoc autem periculum incontinentiæ oriri debet ex fragilitate, non ex malitia, & luxuria. Doctrina tradita est à D. Thom. loco allegato. Rich. in 4. dist. 36. art. 4. qu. 2. Bonauent. art. 1. q. 1. Durand. qu. 2. Palud. q. 2. num. 14. & communis Theologorum, Nauar. in sum. c. 22. n. 33. Ex qua oppositum omnino asserendum, cum dominus tale matrimonium sciuit, & in eo consensit, vt notat Armil. *ver. matrimon. num. 6.*

De impedimento voti. Sect. 3.

1 *Quod votum dirimit matrimonium.*

2 *Quo iure votum solenne dirimat matrimonium.*

3^e An

- 3 *An consummato matrimonio, liceat coniugibus profiteri religionem.*
 4 *An teneatur maritus post professionem religionis redire ad uxorem.*

1 **I**NTERROGATIO. Quod votum dirimit matrimonium? *Resp.* Dico primum. Votum solenne castitatis: fit autem votum solenne, vel per professionem validam in aliqua religione approbata, vel per susceptionem sacri Ordinis. ut iam dixi sup. cap. 6. §. 2. num. 19. docentque D. Thom. 2. 2. q. 88. art. 7. Scot. in 4. d. 38. quæst. unica. Richard. ibidem. art. 9. q. 3. Palud. q. 2. n. 10. habeturque in c. 1. de voto. lib. 6. Fit autem expressa professio, cum fit verbis coram legitimo superiore, potente illam acceptare nomine Ecclesiæ, siue fiat in publico, siue in secreto, ut notat Durand. in 4. d. 38. quæst. 1. Richard. & Scot. proximè, habeturque in cap. Insinuante. Qui clerici, vel vouentes, contra Magistrum loco citato. Fit tacita professio per gestationem habitus professorum Religiosorum proprii per triennium; minimè reclamante tali proficiente. Ita D. Thomas in 4. dist. 38. quæst. 1. art. 2. quæst. 3. ad 2. Richard. proximè. Palud. citatus num. 151. Gloss. cap. Rursus. Qui clerici, vel vouentes, habetur c. Statuimus, de regularib. secundum Tolet. lib. 7. cap. 4. num. 1. fit per hoc, quod quis post annum probationis actum professi facit, ac se ut professum gerit. Dico secundum. Votum solenne siue per susceptionem sacri Ordinis, siue per professionem Religionis probatæ, dirimit matrimonium post illud contractum. Ita habetur c. insinuante. Qui clerici, vel vouentes. c. unico de voto. Concil. Trid. sessi. 24. can. 9. Dico tertium. Votum solenne Religionis factum post matrimonium contractum, dirimit illud ratum, nondum consummatum. Ita D. Thom. in 4. d. 27. quæst. 1. art. 3. q. 2. ad 2. Richard. ibidem. art. 2. q. 1. Durand. q. 1. Palud. q. 3. Scot. d. 31. q. unica. Habetur c. 2. & cap. Ex publico. de conuers. coniugat. Est enim hoc priuilegium à Christo Domino Religioni concessum, iuxta commune Doctorum interpretamentum, atque proloquium. Probatur hæc conclusio ab aliquibus, ex eo quod Christus Dominus à nuptiis Ioannem vocauit, cooptrauitque in Apostolatam, ut videntur asserere D. Hieronym. in prolog. Euangelij Ioannis, & in prolog. Apocalypsis. D. August. in prolog. operum Ioan. Palud. in 4. d. 27. q. 3. num. 23. Maior ibid. quæst. 2. Almain. de potest. Eccles. cap. 15. Quia tamen hæc opinio

nio falsa esse probatur à Cardinali Baronio *tomo 1. ann. Christi 31. fol. 106.* parum firma est illorum probatio. Hinc factum fuit, vt iura duorum mensium spatium concedant coniugibus ad deliberandum, an illis ante consummationem matrimonij vtilius sit ad religionem migrare, intra quod spatium neuter alteri tenetur debitum reddere. Ita habetur *c. Verum. c. Ex publico. de conu. s. coniug. cap. Desponsatam. cap. Decreta. 27. quæst. 2.* Notat D. Thom. & Richard. *supra, Sotus d. 27. quæst. 1. art. 4.* Ideo rectè asserit Couarr. peccare mortaliter sponsum vi comprimentem sponsam intra illos duos menses, volentem ingredi monasterium, & profiteri. Nomine verò religionis comprehenditur religio sancti Ioannis, vt contra Sotum asserit Nauarr. *lib. 3. conf. in 2. consil. de conuers. coniug. Card. qu. 178.* claretque assertum ex statutis illius Religionis ab Ecclesia approbatis: sit enim in ea vera castitatis professio. Non tamen terrij ordinis Dominicanorum, & Franciscanorum, quanquam sint Religiones approbatæ. sic Tolet. *lib. 7. c. 4. n. 1.* Dico *quartum.* Votum solenne per susceptionem sacri ordinis non dirimit matrimonium ratum ante illud celebratum. Ita text. in *Extrau. Antiquæ. de voto.* Dico *quintum.* Votum solenne, siue per professionem, siue per susceptionem sacri ordinis, non derimit matrimonium consummatum. Ita habetur *cap. Notificasti. 23. quæst. 5. cap. Sunt qui. cap. Agathosa. cap. Cum societas. 27. quæst. 2. cap. Placet. de conuers. coniug.* Quanquam consummatum fuerit per vim. Ita Richard. *in 4. d. 27. art. 2. quæst. 2. ad 1.* Durand. *quæst. 2. Palud. quæst. 3. num. 10.* Sot. *quæst. 1. art. 4. §. quod autem.* D. Anton. *3. p. tit. 6. cap. 21. §. 1.* Couar. *de matrim. 2. p. cap. 7. §. 4. n. 10. p. 2.* Ledesm. *2. 4. q. 63. art. 3.* Consummatum, inquam, per veram copulam, non attentatam, vt notant Palud. & Sot. Ratio est quia per copulam iam mulier sui corporis potestatem non habet, sed vir. Dico *sex-tum.* Votum simplex castitatis emissum in Societate sacrosancta I E S V post expletum biennium nouitiatus dirimit matrimonium postea contractum. Ita decreuit Gregor. X I I I. propria constitutione, anno Domini 1584. notat Card Tolet. *lib. 7. c. 4. n. 1.* Dico *septimum.* Nullum aliud simplex castitatis votum dirimit matrimonium. Ita constans est Doctorum sensus *in 4. d. 38.*

2 *Jnt.* Quo iure dirimitur matrimonium contractum post solenne castitatis votum, aut post simplex in Religione Societatis

Societatis I E S V ? *Resp.* Solo iure Ecclesiastico. Ita Canonistæ in *cap. 1. Qui clerici, vel vouentes.* Gloss. Abbas, & Hostiensis, Guanda. *quodlib. 5. q. 28.* Scot. in *4. d. 38.* Richard. *art. 7. q. 2. ad v. tim.* Palud. *q. 9. n. 49.* Angel. *matrimon. 3. imped. 5.* Rosella *imped. 4.* Abulens. *c. 30.* Num. *q. 36.* Caiet. *2. 2. q. 88. art. 7.* Ratio est, quia seclusa hac Ecclesiæ determinatione, tam Deo tradimur per votum simplex, quàm per solenne, non minus enim obligamur quoad Deum voto simplici, quàm solenni, vt decernit Cœlestinus I I I. *cap. Rursus. Qui clerici, vel vouentes.* Ita iuxta probabiliorē sententiam. Nam oppositum afferunt D. Thom. *4. d. 38. quæst. 1. art. 3. quæst. 3.* Durand. *quæst. 1. Sot. quæst. 2. art. 1. & lib. 7. iust. quæst. 2. art. 5.* Ledes. *2. 4. quæst. 53. art. 4.* Couar. *de matr. 2. p. c. 7. §. 4. num. 7.* Viuald. *de matrim. num. 142.* aiuntque votum solenne dirimere naturaliter matrimonium. Ratio eorum est, quia votum simplex est sola quædam promissio: votum autem solenne, est totalis traditio. Facile veruntamen tollitur fundamentum, quia negamus in voto simplici fieri Deo talem vouentis traditionem.

3 *fm.* Licetne aliquando coniugibus, consummato iam matrimonio ingredi Religionem? *Resp.* Dico primum. Probabile est posse coniugem compressam vi, ac dolo à suo coniuge intra duos primos menses à iure concessos ad deliberandum de Religione profitenda, Religionem ingredi, ac profiteri invito altero coniuge, & in sæculo remanente. Ita Palud. in *4. d. 27. quæst. 3. num. 10.* Sylu. *diuortium. quæst. 5.* Armil. *codem ver. num. 6.* Ratio est, quia dolus ac fraus nemini patrocinari debent, vt est tritum Iuristarum proloquium. Dico secundum. Cum alter coniux licetè potest negare debitum consortium perpetuum, potestque se ab eo separare quoad torum, & cohabitationem, tunc potest, eo invito, Religionem profiteri, aut sacris ordinibus initiari in sæculo. Ita Palud. proximè. Sot. *art. 4. citat. quæst.* Syluest. *diuortium. §. 13.* Armil. *ibidem, num. 11.* Habetur de profitenda Religione *cap. Agathosa. 27. quæst. 27. cap. Constitutus. cap. Veniens, de conuers. coniug.* De sacris ordinibus suscipiendis habetur expressè *cap. Mulier. de conuers. coniug.* Dico tertium. De communi consensu potest vterque coniux post consummationem matrimonij Religionem profiteri. *cap. Cum sis. cap. uxoratus. de conuers. coniug. 27. quæst. 2.* Oportet autem (si iuuenes sunt) vt ambo profiteantur simul, nec vnus recipiatur ad profitendum, altero in sæculo

saeculo remanente. Ita decernitur *cap. Cùm sis*, citato, & *cap. Ad Apostolicam. de conuers. coniug.* Tempus autem profitendi non oportet vt mathematicè expectetur, hoc est, vt in eodem puncto temporis profiteantur, sed moraliter, ne detur periculum morale, vt qui post professurus est, redeat ad saeculum. Ratio est, quia alter coniux adolescens remanens in saeculo, periculo incontinentiae maneret expositus, quod quidem velis, vt aiunt, ac remis omnino fugiendum, iuxta Pauli consilium; *Melius est nubere quàm vri.* Per hanc verò professionem rumpitur vinculum matrimonij (vt soluitur vinculum matrimonij tantum rati) sed adhuc remanent veri coniuges. *cap. Si quis. 27. quæst. 2. ex 6.* Synodo generali. *cap. Ex publico. de conuers. coniug.* Hinc manifestè colligitur posse coniugem prouectæ ætatis, in quo non est periculum incontinentiae, facultate donare alterum consortem, vt religionem profiteatur, eo remanente in saeculo. Occurrit verò non leue dubium, an possit ille talem facultatem reuocare. Cui respondeo. Peccat mortaliter eam absque iusta causa reuocando. Ita Scotus in *4. d. 32. qu. 1. art. 2.* Durand. *qu. 2. art. 3.* Palud. *qu. 2. num. 17.*

4 *Int.* Concessit vxor iuuenis marito facultatem profitemdi Religionem, inscia quidem se teneri etiam Religionem profiteri, ne remaneat exposita periculo incontinentiae. Rogo, an ea renuente Religionem profiteri, teneatur maritus professus ad vxorem redire, & vitam coniugalem cum illa agere? *Resp.* Tenetur. Ita Gloss. *cap. Agathosa. 27. quæst. 2. verb. vel ipsa.* Sot. in *4. d. 27. quæst. 1. art. 4.* Scot. & Durand. citati, Videturque aperta decisio *cap. 1. & cap. Ex parte Abbatis, de conuers. coniug.* Ratio est, quia talis facultas fuit ex ignorantia præstita, & ideo nulla ad professionem faciendam valde, obligantemque ad remanendum in Religione. Hinc aperte colligitur, teneri vxorem consciam iuris, quæ tali facultate maritum donauit, sub mortali Religionem profiteri, esseque ad professionem compellendam. Ita habetur *c. Agathosa*, citato, & *c. Qui vxorem. 33. q. 5.* asserunt Gloss. Durand. Sotus, & alij citati. Ratio est, quia talis consensus in professionem mariti inuoluit obligationem profitendæ Religionis, quam ipsa probè sciebat.

De impedimento cognationis. Sect. 4.

1 Quotuplex est cognatio.

2 Quot

- 2 Quot sunt lineæ cognitionis naturalis.
- 3 Quot sunt gradus in lineis.
- 4 An gradus pro matrimonio sint computandi secundum ius canonicum.
- 5 Qui gradus in cognatione naturali dirimit naturali iure.
- 6 Qui gradus consanguinitatis dirimunt iure Ecclesiastico.
- 7 De cognatione spirituali.
- 8 De cognatione legali.
- 9 De gradibus cognitionis legalis.

I N T E R R O G A T I O Quotuplex est cognatio inducens impedimentum dirimens ad matrimonium contrahendum, & quomodo definitur, & diuiditur? *Resp.* Triplex nimirum naturalis, legalis, spiritualis. Naturalis est consanguinitas duarum personarum, quarum vna ab altera, vel ambæ ab eadem descendunt carnali propagatione. Ita Præposit. in arbore consanguinit. lib. 6. Nauar. cap. 22. num. 4. D. Thom. in 4. d. 40. art. 1. Durand. q. 1. Scot. q. unica. Palud. q. 1. num. 6. Diuiditur verò cognatio naturalis in agnationem, & cognationem. Ita Iuristæ L. Iurisconsultus. ff. de gradib. affin. refertque Palud. vbi proximè. Enimuero agnati dicuntur ij, qui per paternam lineam, cognati verò; qui per maternam descendunt, vt notat Couar. loco citato, num. 2. §. ex eadem. Cognatio legalis, est propinquitas personarum ex adoptione vnius, ab altera proueniens. Ita Gloss. cap. unico, de cognat. legal. Nauar. cap. 22. num. 44. Viguer. in Instit. Cathol. cap. 26. §. 7. ex Palud. & Sylu. Est autem adoptare, legitime assumere tertiam personam in filium, vel nepotem, &c. Adoptio autem est extraneæ personæ in filium, vel nepotem, &c. legitima assumptio. Ita D. Tho. in 4. d. 42. q. 2. ar. 1. Durand. q. 2. Sot. q. 2. ar. 1. Sylu. Armil. & alij Summistæ, ver. adoptio. Nomine extraneæ personæ veniunt, quicunque non erant sub potestate adoptantis, licet sanguinis propinquitate coniuncti: sic Mardocheus adoptauit Hester filiam fratris sui, Hester. 2. habetur Instit. de adoptionibus. §. sed hodie. Dixi, legitima, quia secundum leges aliqui adoptare prohibentur. Eos referunt Palud. in 4. d. 42. quest. 1. art. 1. num. 16. Sotus quest. 2. art. 1. ad 2. Syluest. adoptio. Prohibentur inprimis ij, qui sui iuris non sunt. 2. Minores vigintiquinque annis. 3. Minor natu nequit adoptare maiorem natu, imò debet pater antecedere filium adoptatum annis octodecim. Instit. de adoption. §. minorem natu. 4.

Is, qui ob impotentiam non potest validum contrahere matrimonium, tales sunt spadones, castrati, frigidi, maleficiati perpetuo. *L. 2. ff. de adoption. notat D. Thom. loco proximo. §. Fœmina. Inst. de adoptionibus. §. Fœmina. 6.* Sexagenarius adhuc vegetis viribus constans nequit adrogare. Verumtamen hæc persequi alienū est à nobis. Duplex autē est hæc cognatio legalis, vna est adoptio, altera est adrogatio. *L. Generalis. ff. de adoption. Inst. eodem titul. §. adoptio.* Notat D. Thom. citatus, Couar. *de matrimo. 2. par. cap. 6. §. 5.* Est autem latum discrimen inter adrogatum, & adoptatum. Nam adrogari nequit nisi ille, qui est sui iuris: adoptari verò potest etiam ille, qui est sub potestate parentum. Ratio est, quia adrogatus transit in potestatem adrogantis: adoptatus verò minime. Deinde, quia licet tam adoptatus, quam adrogatus succedant parenti, aut avo adroganti, & adoptanti, mortuo ab intestato; adrogatus tamē habet legitimā in bonis adrogantis, à qua nequit excludi, sicut si esset legitimus: non ita adoptatus. Tertiò, quia adrogatio fieri nequit absque Principis auctoritate: adoptio verò fieri potest sola auctoritate magistratus competentis. Quartò, quia ad legitimam adrogationem requiritur, ut filius adrogatus interrogetur, an velit adrogari: & similiter, ut interrogetur pater, an velit illum adrogare: ad adoptionem verò hæc celebritas non exigitur à iure. Ita Richard. *in 4. dist. 42. art. 2. q. 1. ad 3.* & Durandus supra. Cognatio spiritualis, est propinquitas personarum proveniens ex vera Baptismi, aut Confirmationis collatione: aut ex baptizati, vel confirmati susceptione. Duplex autem est hæc cognatio spiritualis. Paternitas nempe, & compaternitas. Paternitas remanet inter ipsum baptizatum, & baptizantem, atque inter ipsum baptizatum, & patrilinos: inter confirmatum, & confirmantem, atque inter confirmatum, & patrillum. Compaternitas manet inter susceptorem baptizati, & parentes baptizati, atque inter baptizantem, & parentes baptizati: similiter inter confirmati parentes, atque patrinos confirmati: similiter inter confirmantem, & parentes confirmati. Ita novissimè decrevit Concil. Trid. *sess. 4. cap. 2.* sublata omni alia cognationis spiritualis specie.

2 *Jnt.* Quot sunt lineæ in cognatione naturali? *Resp.* Dux: vna est recta, altera est transversa. Est autem linea ordo, seu ordinata collectio personarum sanguinitate coniunctarum.

Linea

Linea recta, est collectio personarum, quarum prima producit secundam, secunda tertiam, tertia quartam, quarta quintam, & deinceps, veluti pater, filius, nepos, &c. descendendo, atque in hac consideratione appellatur recta linea descendentium. Nam si ab inferiori incipiamus sursum versus, appellatur recta linea ascendentium. Linea autem transversa, est collectio personarum, quæ ab vno, eodemque principio (stipitem appellant Doctores) sanguinis propinquitate emanant; talis est collectio fratrum, patruelium, consobrinorum, amitinorum, &c. Hanc autem lineam veluti scalam fingunt Doctores, personarumque eius appellant gradus, quibus veluti descenditur à principio ad principiatum, vel ascenditur à principiato ad principium, seu recta tendendo, seu ad latus oblique progrediendo.

3 *Int.* Quot sunt in vnaquaque linea gradus? *Resp.* Dico *primum.* Secundum ius canonicum in recta ascendentium, & descendentium linea, tot sunt gradus, quot sunt personæ, dempta extrema, v.g. Pater & filius sunt duæ personæ, dempta vna, à qua incipimus, siue ascendendo, siue descendendo, remanet altera, & ideo pater, & filius sunt in primo gradu rectæ lineæ; pater, filius, nepos sunt tres personæ, dempta vna, remanent duæ, ideo nepos, & auus sunt in secundo gradu rectæ lineæ, proauus, & pronepos sunt in tertio: abauus, & abnepos in quarto: tritauus, & trinepos in quinto. Ita habetur *cap. Parentela. 35. q. 5.* Dico *secundum.* Ex iure canonico in linea transversa æquali (est autem linea transversa æqualis, quando duæ personæ distant eodem gradu à communi stipite) quo gradu alter distat à communi principio, seu stipite, eodem distant inter se, verbi gratia, germani fratres à patre distant in primo gradu; eodem distant inter se. Dico *tertium.* Secundum ius canonicum in linea transversa inæquali (id est, quando alter à communi stipite distat inæqualiter) quo gradu à communi stipite distat remotior, eodem distant inter se, v.g. fratris filius, & patruus sunt in secundo gradu collateralium, quia fratris filius distat à communi stipite, id est, ab avo in 2. gradu. Ita habetur *cap. fin. de consang. & affinit.* Dico *quartum.* Secundum ius Cæsareum in vtraque linea, recta scilicet, & transversa, siue æquali, siue inæquali, tot sunt gradus, quot numerantur personæ, vna dempta, à qua incipimus, v.g. duo fratres sunt in secundo gradu, quia cum patre à

quo incipiunt numerari, faciunt tres personas. Has quatuor regulas supra positas tradunt D. Thom. in 4. d. 40. art. 2. Scot. q. unica. Durand. & Palud. quest. 1. Richard. 2. 1. Sotus q. 1. art. 2. Couar. de matr. 2. p. cap. 6. §. 6. nu. 2. Lud. Molin. tom. 1. de iust. tract. 2. disp. 161.

4. Int. In causa matrimoniali secundum quod ius computandi sunt gradus? Resp. Secundum ius canonicum. Ita Gloss. in arb. consang. Francus c. 2. de arbore. in 6. Cou. de matrim. 2. p. c. 6. §. 6. n. 6. dicens hanc esse communem opinionem. In hereditatibus vero & successioneibus standum est iure Cæsareo in utroque foro. Ita citati Auctores adnotant, præcipue Cou. citans Ioan. And. & Præposit. Notat vero Molina in computatione iuris civilis, non dari primum gradum in linea collateralis, quia semper sunt tres personæ.

5. Int. In quibus gradibus consanguinitatis prohibetur matrimonium iure naturali, & est irritum, si contrahi intendatur? Resp. Opinio fuit gravissimorum Auctorum in omnibus gradibus rectæ lineæ, quamvis in infinitum protendatur, prohiberi matrimonium iure naturali. Ita Doctores in 4. dist. 40. Richard. art. 1. q. 4. Scot. q. 1. Durand. q. 1. Palud. q. 1. nu. 14. Maior. q. 2. D. Anton. 3. p. tit. 1. cap. 14. §. 2. Summistæ verb. matrimon. Sylvest. 8. q. 6. Armil. num. 25. Victor. num. 295. Viguer. Instit. c. 16. §. 7. fol. 210. Caius Iurisconsult. & Glo. in L. Nuptiæ. 4. ff. de ritu nup. Præposit. & Gloss. in arb. consang. novissime docuit Tolet. lib. 7. cap. 5. num. 7. Ratio eorum est, quia in recta linea omnibus personis superioribus debetur reuerentia ab inferioribus, & ideo descendentes, quantumvis remotissimi, dicuntur filij superiorum, à quibus descendunt, & ideo Christus Dominus appellatur filius David. Iuniores tamen Theologi in aliquibus gradibus agnoscunt hanc prohibitionem naturalem, sed non in omnibus. D. Bonau. in 4. d. 40. q. 2. & 3. Dionys. Carth. q. 1. §. his visis. Caiet. 2. 2. q. 154. art. 9. eam agnoscunt in solo primo gradu. Sotus vero in 4. d. 40. q. unica, art. 3. concl. 2. eam agnoscit etiam in secundo gradu, aitque certum esse non permitti tale impedimentum ultra 4. gradum. Idem tenet Angel. Couar. de matrim. 2. p. c. 6. §. 6. n. 12. ait tale impedimentum excurri usque ad 20. gradum. Ledesm. 2. 4. q. 59. art. 3. dub. 2. docet tamdiu hoc impedimentum durare, quamdiu intercedit ius amicitiae, & familiaritatis. Dico secundum. In linea transversa consanguinitatis in primo gradu,

gradu, datur huiusmodi impedimentum iuris naturalis. Ita D. Aug. lib. 15. de ciu. c. 16. Scot. in 4. d. 40. Palud. ib. q. 1. n. 23. Maior q. 3. Sot. q. 1. art. 3. D. Anton. 3. p. tit. 1. c. 14. §. 2. Cathar. lib. 5. contra Caietan. c. de matrim. Victor. de matrim. n. 296. Couar. de matrim. 2. p. c. 6. §. 10. n. 5. Pet. Sot. de matrim. lect. 10. concl. 2. Bellarm. de matrim. c. 28. Aristot. lib. 2. Polit. Quamobrem meritò grauitèr damnat Sotus opinionem Caietani oppositum asserentis. Ratio est, quia omnis, quantumuis barbara natio, ab hoc matrimonio auertitur.

6 Int. In quibus gradibus consanguinitatis prohibetur matrimonium iure Ecclesiastico? Resp. Prohibetur vsque ad quartum gradum. Ita decernitur c. Non debet, de consang. ex Conc. Lateran. sub Innoc. I I I. celebrato anno ferme 1200. & in Conc. Trident. sess. 24. cap. 5.

7 Int. Impeditne cognatio spiritalis matrimonium? Resp. Impedit. c. 1. de cognat. spirit.

8 Int. In quibus gradibus illud impedit? Resp. In iis, quos supra assignaui ex Concilij Tridentini nouo iure.

9 Int. Impeditne, ac dirimit matrimonium cognatio legalis? Resp. Impedit, ac dirimit. Ita habetur cap. Ita diligere. 30. q. 3. cap. unico. de cogn. legal.

10 Int. In quibus gradibus impedit, ac dirimit matrimonium cognatio legalis? Resp. Dico primum. Primus gradus adoptionis fit inter adoptantem, & adoptatum ac adoptati filios, & nepotes vsque ad quartum gradum. Dico secundum. Secundus gradus adoptionis fit inter adoptantis filios, & ipsum adoptatum. Ita habetur c. unic. de cognatione leg. Dico tertium. In primo gradu adoptionis matrimonium est nullum vsque ad quartum. In secundo autem est nullum, quatenus filij naturales, & adoptatus sunt in potestate parentis adoptantis. sic Tolet. lib. 7. c. 4. n. 7. ex communi sententia.

De impedimento criminis. Sect. 5.

I Quid Doctores intelligunt nomine criminis.

I INTERROGATIO. Nomine criminis quid Doctores intelligunt? Resp. Quatuor peccata. Primum, est peccatum, quod vxor committit occidendo proprium virum, adiuvante eam amasio ante adulterium, qui vult cum ea matrimonium contrahere. Ita cap. Laudabilem, de conuers.

infidelium. cap. Si quis uiuente. 31. q. 1. Requiritur tamen, vt ambo ad mortem concurrant. Ita Armil. *ver. matrimon. num. 30.* Nauar. *cap. 22. num. 46.* Sot. *d. 37. quæst. 1. art. 4.* Bellarm. *de matrim. cap. 22. textus expressus dicto cap. Laudabilem.* Satis est concurrere per se, vel per alium, immediatè vel mediatè præcipiendo, iuuando, consulendo: non tamen sufficit rati habitio. Ita Scot. *in 4. d. 35. D. Ant. 3. p. tit. 1. c. 5.* Ang. *matr. 3. imped. 9. §. 6. & 7. & Gloss. dicto cap. Laudabilem, & cap. Si quis uiuente.* Satis est quouis mortis genere maritum occidere, seu ferro, seu veneno, seu suffocatione, &c. Requiritur insuper, vt concurrant ad mortem animo sibi inuicem nubendi. Ita D. Thom. *in 4. d. 37. art. 2.* Bonauent. *art. 2. quæst. 3.* Richard. *art. 2. q. 2.* Durand. *quæst. 2.* Scot. D. Anton. Nauar. citatis locis. Requiritur denique, vt mors secuta fuerit ex vi machinationum adhibitarum. Ita iidem Doctores. *Secundum est*, quod committit coniux post commissum adulterium, vel adulter occidendo consortem per se, vel per alium, quouis modo occidat, vt dixi in superiori puncto. Ita decernitur *cap. super eo, de eo, qui duxit.* Tenent Doctores *in 4. d. 37.* cum D. Thom. *art. 2.* Circa hanc criminis speciem dubitant Auctores, an intelligendum sit de solo viro occidente uxorem. Affirmat quidem Victor. *de matrim. num. 292.* Oppositum docet Palud. *in 4. d. 37. q. 2. n. 8.* Sylu. *matrimon. 8. quæst. 9.* habeturque expressè *in cap. Si quis uiuente*, suprà citato. Dubitant deinde, an requiratur, vt coniux adulterans, vel adulter ipse occidat consortem eo animo, vt contrahat cum adultero. Negat Caietan. *ver. matr. Armil. num. 30.* Oppositum docet communis opinio, vt fatetur Caietan. *in 4. d. 37.* cum D. Thom. & Bonau. *art. 2. q. 3.* Richard. *art. 2. q. 2.* Durand. *q. 2.* Scot. D. Anton. Nau. loco citato. Et quamuis textus expressus non sit ita determinans, communis Doctorum sententia iuris mentem ita interpretata est. Dubitant tertio, an requiratur scientia impedimenti huius ex vtraque parte adulterantis. Affirmat probabilius Nauar. *in sum. cap. 22. num. 46.* Ratio eius est, quia tam in hac, quam in tertia criminis specie loquuntur canones de adulterio: sed in tertia specie Doctores exigunt hanc scientiam; ergo in secunda. Tertium peccatum est adulterium cum data fide de coniugio contrahendo cum adultero. Ita decernitur expressè *cap. 1. cap. Significasti. cap. Veniens, de eo, qui duxit in matrim.* Tradunt Doctores *in 4. d. 35.* cum

Magistro. Dubitant Doctores, vtrum promissa fides debeat præcedere, an subsequi adulterium. Satis tamen est, siue præcedat, siue subsequatur. Ita Armil. *ver. matrim. n. 23.* Petr. Soto *lect. 9.* colligiturque satis ex *tex. c. citati.* Dubitant deinde, an requiratur mutua promissio nubendi. Dico tamen satis esse, si ab vno, adultera nimirum, vel adultero fiat. Ita Palud. loco citato, habeturque in *c. Significasti, & c. Veniens citatis.* Dubitant tertio, an sufficiat simplex, & nuda promissio, facta ab vno, & acceptata ab alio. Eam quæstionem indecisam omisit Richard. in *4. d. 35. art. 3. q. 4.* & D. Anton. *3. p. tit. 1. c. 5.* Satis tamen promissionem illam esse docet Palud. in *4. d. 34. q. 1. n. 17.* Gabr. *d. 35. art. 2. Sot. d. 37. q. vnic. art. 4.* Angel. *n. 1.* Dubitant quarto, an requiratur formale adulterium ex vtraque parte adulterantis, & scientia talis impedimenti ad matrimonium. Affirmant Palud. in *4. d. 34. q. 1. n. 17.* Maior *q. 2. d. 37. q. 1. art. 4.* & est communior sententia. Quartum peccatum est, quod committit adulter coniux contrahendo de præsentī cum adulterante complice, viuente altero coniuge innocente. Ita *c. Significauit. c. Ex literar. c. fin. de eo, qui duxit.* Tenet communis, vbi supra.

De impedimento circa cultus disparitatem. Sect. 6.

- 1 Vbi continetur hoc impedimentum.
- 2 An cultus disparitas impediatur naturaliter.
- 3 An in cultus disparitate sit periculum subuersionis.
- 4 An sit hoc impedimentum nunc ex iure positivo canonico.
- 5 An prohibeatur iure Cæsareo.

1 **I**NTERROGATIO. Vbi continetur hoc impedimentum in iure canonico? *Resp.* Non est textus expressus apponens hoc impedimentum dirimens: sed habetur ex consuetudine Ecclesiæ vniuersalis iam à priscis temporibus introducta, vim legis habente ex communi doctorum consensu, vt notat Couar. *2. p. de matr. cap. 6. §. 11.* Prohibetur quidem in Conciliis Agathensi, Tolet. 3. & 4. & Chalcedonenfi, idque ex auctoritate Pauli *1. Cor. 7. Cui vult nubat, tantum in Domino, & 2. Cor. 6. Nolite iugum ducere cum infidelibus.* Verumtamen in toto iure canonico non decernitur hoc impedimentum esse dirimens.

2 *Int.* Estne hoc impedimentum de iure naturali? *Resp.* Affirmauit Amb. Catharin. lib. 5. in Caietan. cap. de matrim. §. inter dispares cultu. Oppositum docet Richard. in 4. d. 39. art. 1. q. 1. Durand. ad 2. Scot. ad 1. Palud. q. 1. n. 5. & 6. Caiet. proximo loco. Sot. d. 39. ad 2. Couar. de matrim. 2. p. cap. 6. §. 11. num. 1. Viuald. de matrim. num. 218. Ideo citra dispensationem tempore legis naturæ, Ioseph nupsit Ægyptiæ, Moyse Madianitæ. Tempore legis scriptæ, Booz Moabitidi, Hester Assuero Chaldæo. Tempore legis gratiæ, sancta Monica viro Pagano, Clotildis Christiana, Clodoueo Ethnico Regi Francorum, vt notat Bellarm. de matrim. lib. 1. c. 23. col. 4.

3 *Int.* Estne in tali coniugio periculum subuersionis? *Resp.* Magnum ex natura sua. De eo D. Cyprian. lib. 3. contra Iudeos. cap. 62. Ambros. lib. 1. de Abraham, qui refertur cap. Cane Christiane. 28. q. 1. Ideo D. Paulus nos admonet 2. Cor. 6. Nolite iugum ducere cum infidelibus, quæ enim participatio iustitiæ cum iniquitate, aut quæ conuentio lucis ad tenebras, aut quæ conuentio Christo ad Belia, aut quæ pax fidei cum infidei.

4 *Int.* Estne hoc impedimentum nunc in lege gratiæ ex iure positiuo diuino? *Resp.* Minimè quidem. Ita Scot. in 4. d. 39. art. 2. Durand. q. 1. ad 2. Couar. de matrim. 2. p. cap. 6. §. 11. num. 1. D. August. lib. de fide, & operib. c. 19. Ratio est, quia nullum inuenitur tale præceptum in lege Euangelica. Enimuerò dicta D. Pauli relata non continent præceptum, sed consilium, vt notat Sotus loco proximo; quamquam Aug. ad Polentium, quem refert Gratian. cap. Sic enim. 28. qu. 1. illud lata vocabuli usurpatione, appellat præceptum.

5 *Int.* Prohibeturne iure Cæsareo matrimonium fidelis cum aliquo infidei? *Resp.* Maximè. Prohibetur sub mortis pœna cum Iudæo, vel Iudæa. L. Ne quis Christianus. Cod. de Iudeis. Item lib. 4. Ordin. Castell. tit. 11. in L. 3. Prohibetur cum Gentil. Ita Cod. Theodosian. lib. 3. tit. 14. & lib. 4. Ordin. Castell. tit. 11. in L. 3.

De vi, impedimento dirimente matrimonium.

Sect. 7.

1 Quid intelligitur per vim.

2 An metus grauis dirimat matrimonium iure naturali.

3 An per iuramentum firmerur consensus extortus metu cadenti

in

in constantem virum.

- 4 *Quis metus est cadens in constantem virum.*
- 5 *An alius metus, qui non sit cadens in constantem virum, dirimat matrimonium.*
- 6 *Quid dicendum de metu reuerentiali.*
- 7 *An Princeps possit cogere subditos ad matrimonium.*
- 8 *An pater possit cogere filium ad matrimonium.*
- 9 *Quid dicendum de Principe, ac Patre cogente subditum, aut filium ad matrimonium ex iusta causa.*

INTERROGATIO. Quid intelligitur per vim quoad impedimentum dirimens matrimonij? *Resp.* Metus cadens in constantem virum. Quod verò sit impedimentum dirimens matrimonij, habetur *c. Veniens. 2. de sponsalibus. cap. Cùm dilectus, de his, quæ vi. cap. de nuptiis. 31. qu. 2.* Tenent Doctores in *4. d. 29. Abb. Mag. art. 4. Richard. art. 1. quæst. 1. D. Thom. art. 3. quæst. 1. Durand. quæst. 2. ad 2. Palud. quæst. 1. num. 18. & 19.* Ratio verò cur Ecclesia induxerit hoc impedimentum, fuit, quia cùm matrimonium sit vinculum indissolubile, requirit maximam libertatem: hanc autem impedit metus gravis cadens in constantem virum.

2 *Int.* Dirimitne metus gravis cadens in constantem virum matrimonium etiam iure naturali? *Resp.* Negat Durand. in *4. d. 29. q. 2. Palud. q. 1. n. 20. Sot. q. 1. a. 3.* Ratio eorum est, quia cum tali adhuc datur consensus contrahentium. Affirmant tamen Rich. & Scot. citati proximè. Ledesm. 2. 4. q. 49. art. 5. Victor. de matrimon. num. 268. Almain. in *4. dist. 29.* Ratio est, quia talis metus contrarius est præcipuo fini matrimonij, qui est indissolubilitas: nam consensus extortus per talem metum nequit esse perpetuus, si quidem quod quis non diligit, facile contemnit, hoc est, dimittit, ut tanquam sapientium proloquium affertur *cap. præsens. 20. quæst. 3.* Quanquam igitur verum sit, dari in tali metu adhuc consensum contrahentium, talis consensus non est sufficiens.

3 *Int.* Facitne validum ad matrimonium talem consensum metu graui extortum consentientis iuramentum de liberè contrahendo tunc matrimonio? *Resp.* Minimè. Ita Gloss. *cap. Significauit. de eo qui duxit.* Richard. in *4. d. 29. quæst. 2. art. 1. ad ult. Palud. quæst. 1. numer. 32.* Sotus citatus, Couarr. de matrimon. cap. 3. §. 5. num. 3. Ratio est, quia iuramentum non obligat ultra consensum supra quem cadit: sed consen-

sus talis est inualidus ; ergo iuramentum illum firmans.

4 Int. Quis metus dicitur cadere in constantem virum, dirimens matrimonium? *Resp.* Dico primum. Metus detrimenti grauis corporalis, nisi consentiat in matrimonium: grauia autem sunt detrimenta corporalia mors, aut enormis cruciatus. *cap. Cum dilectus. de his, quæ vi. acerba vincula, aut diuturnitas carceris. l. Nec timorem. l. Qui in carcere. ff. quod metus causa, minæ Principis tyrannicè eas exercentis : seruitus, quæ mors est ciuilis, vt notat Palud. sup. & Sot. art. 2. Stuprum.* notat D. Thom. in 4.d.29.7.1.art.2. Durand. q.2. Palud. q.1.7.13. amissio status, vel bonorum omnium. Text. & Gloss. c. Abbas. de his quæ vi. Couar. sup. n.18. Nauar. cap.22.7.51. qui addūt sufficere ad hunc metum amissionem partis magnorū bonorum. Infamia. Ita D. Thom. & Durand. citatis locis. Censetur autem horum detrimentorum metus grauis non solum respectu propriæ personæ, sed etiam respectu propriæ vxoris, filiorum, patris, matris, aui, nepotis, fratrum, vt notat D. Th. loco proximo : ac de filiis exprimitur *l. isti quidem. ff. quod metus causa.* Pensanda autem etiam est horum detrimentorum grauitas ex personarum complexione naturali, ac proinde minor timor erit grauis comparatione fœminæ, quàm maris, comparatione hominis debili corde, quàm magnanimi. Ita Glos. cap. Cum locum. de sponsat. communiter recepta, teste Nauar. cap.22. num.51. §. præmitto. Dico secundum. Requiritur, vt hic metus sit ab extrinseco illatus. Ita præter alios Richard. in 4.d.29.art.1. quæst.1. Nam metus talium maiorum ab intrinseco ortus, non inualidat matrimonium, quemadmodum non inualidat votum, vt habetur cap. 2. de renunc. & ibi tenet Abbas, Syl. votum. 2. §. 12. Couar. de matrim. 2.p.cap.3. num.16. Sot. in 4.d.29. quæst.2. art.3. Ideo valeret matrimonium, quod contraheret damnatus ad mortem, si ex permissione legum acciperet meretricem in vxorem, vt notat Sotus, & Couar. Dico tertium. Requiritur insuper, vt talis metus iniuste inferatur: nam si iuste inferatur, non inualidat. Vnde si quis comprehensus in stupro, propter minas poenarum à iusto iudice apposita iusta accusatione sumendarum, stupratæ fœminæ, aut alij nubat, verum contrahit matrimonium, quoniam talis metus est iuste illatus, nec enim fit iniuria ei, cui inferitur.

5 Int. Estne aliquis metus citra metum cadentem in constantem

stantem virum, qui dirimat matrimonium? *Resp.* Dubius hæret Sot. in d. 49. *quest.* 1. *art.* 3. Negat absolutè D. Thom. eadem d. *artic.* 3. *quest.* 1. Richard. *artic.* 1. *quest.* 1. Palud. q. 1. num. 17. & 20. Durand. *quest.* 2. Syluest. *metus.* §. 7. atque teste Durando hæc est communis Doctorum sententia. Aduertendum tamen arbitror hanc communem opinionem limitandam, considerata metus cadentis in constantem virum definitione. Definitur verò metus cadens in constantem virum, is qui illatus cogit hominem constantem eligere minus malum, vt effugiat maius sibi imminens. Constans autem homo est solus virtuosus, & ideo qui eligit quoduis peccatum leue, pro euitando quouis malo temporali graui, non est vir constans, & prudens, nam eligit maius malum, pro euitando minori: omne enim peccatum, quamuis leuissimum, maius malum est quouis malo alio temporali grauissimo, vt habetur *cap. Itane.* 32. *quest.* 5. *cap. Sacris.* de his, quæ vi. Docet ethnicus Philosophus 3. *Ethic.* *cap.* 1. Abb. *cap. Sacris.* citato. Nauarr. *cap.* 22. num. 51. §. *quartum.* Couarr. de *matrim.* *cap.* 3. §. 4. num. 3. Gloss. *cap. si aliquid.* 22. *quest.* 4. Colligo igitur assertum: nam si metu mortis sponsalia quis contraxit, & eodem metu cogitur consummare matrimonium non affectu maritali, matrimonium non valet, etiam vbi adhuc statur iuri communi, non promulgato, & accepto Concilij Tridentini decreto super reformatione matrimonij. Et tamen accedere ad non suam, quocunque metu fiat, peccatum est lethale: non est autem viri constantis committere peccatum, pro quouis temporalis detrimenti metu; ergo, &c.

6 *fn.* Quid censes de metu reuerentiali, dirimitne matrimonium? *Resp.* Videtur affirmare Nauarr. in *summ.* *cap.* 22. num. 51. §. *nonum.* Negandum tamen est cum Gloss. *cap. Præfens.* Abbat. *cap. Veniens.* 1. *Præpos.* *cap. Cùm locum.* Imola *cap. Cùm tuæ,* de *sponsa.* *ib.* Probat ex *l. si patre cogente.* ff. de *ritu nupt.* decernente matrimonium validum filij, qui propter reuerentiam patris illud contraxerat.

7 *Int.* Licetne Principi cogere subditum ad matrimonium? *Resp.* Minimè quidem. Ita decernitur *cap. de nuptiis.* *cap. Si verum.* 31. q. 2. Qua de re extat decretum Conc. Trident. *sess.* 24. *cap.* 9. vbi anathematizantur Principes sæculares, qui aliquem cogunt, quò minus liberè contrahat. Non comprehendit verò omninò impediētes, ne contrahatur: sed cogētes

gentes, quò minùs liberè contrahatur. Quod maximopere notandum est.

8 *Jnt.* Licétne patri cogere filium ad matrimonium? *Resp.* Idem de patre, atque de Príncipe dicendum puto cum Magistro in 4.d.29.

9 *Int.* Licétne patri, ac Príncipi ex rationabili, & iusta causa inducere subditum, ac filium ad matrimonium? *Resp.* Licet: Possuntque pater, ac Princeps sub mortali obligare subditum, ac filium ad matrimonium contrahendum. Ita D. Thom. in 4.d.29. art. 4. Richard. art. 1. quæst. 4. ad 2. Sot. q. 1. a. 4. concl. 1. & 2. Nauarr. cap. 14. num. 15. Bellarm. de matrim. cap. 19. §. ultim. Cùm igitur subditus, vel filius tenetur contrahere matrimonium, possunt Princeps, & Pater eos compellere ad contrahendum. Peccatque graviter filius, insciis parentibus, & inuitis contrahendo, nisi adsit rationabilis causa. Ita Córd. q. 171. Victor. de matrim. num. 269. Nauar. & Bellarm. citati. Ratio est, quia in eo euentu, grauis parentibus irrogatur iniuria, & aliquando ignominia. Ideo Leges iustæ prohibent tale matrimonium, absque libero parentum consensu, dum filij sunt sub patria potestate. L. 2. ff. de ritu nup. L. in sponsal. 2. ff. de sponsalib. L. ea quæ patris. ff. de sponsalib. præcipuè loquendo de filiabus, atque de iis iam viduis, & extra patriam potestem positis, si nondum impleuerunt 25. annum. L. Vidua. L. in conjunctione. Cod. de nupt. Hæ tamen leges non irritant matrimonium contractum per liberum consensum filiorum, & filiarum, quidquid ganniant nonnulli hæretici moderni, vt notat Bellarm. lib. citat. c. 19. & 20. Quidquid dubitent aliqui Catholici, quos notat Couarr. de matrim. 2. p. cap. 3. §. 8. num. 1. Constat veritas hæc ex cap. Veniens. 1. de sponsalibus. cap. Sufficiat. 27. quæst. 2. Ratio est, quia multa illicitè fiunt, quæ facta tenent, & valent: nam grauissimè peccaret, qui extra Sacrum Missæ ritum hostiam consecraret, atque calicem, & tamen si consecrarentur sic panis, & vinum, consecrata manerent.

De Ordine, impedimento dirimente matrimonium. Sect. 8.

1 Qui ordinis gradus dirimit matrimonium.

2 An sacer ordo dirimat ratione sui ipsius.

3 An

3 *An sacer ordo dirimat ex Ecclesiæ statuto.*

4 *Quæ pænæ sunt impositæ ei, qui contrahit post sacros ordines.*

I INTERROGATIO. Cùm in Sacramento Ordinis multi sint gradus, rogo, quis Ordinis gradus dirimat matrimoniũ? *Resp.* Gradus subdiaconatus, diaconatus, & presbyteratus, qui quidem gradus appellantur Ordines maiores, seu sacri. Ita definitur in Concil. Trid. sess. 24. can. 9. Tolet. l. c. 4. Carthag. 4. cap. 2. habetur cap. Extrau. de cler. coniug.

2 *fnt.* Dirimitne sacer ordo matrimonium ratione sui ipsius, an ratione annexi solennis voti? *Resp.* Dirimit, tum ratione annexi voti, tum ratione sui ipsius amoto voto. Quod dirimat ratione voti solennis annexi, tenent Doctores in 4. d. 34. habetur apertè cap. 1. de voto. & toto tit. *Qui clerici, vel vouentes.* Cœpit autem hoc votum simul cum suscepto ordine sacro fieri ab antiquis Apostolorum temporibus, teste Soto 7. iust. quæst. 6. art. 2. conclus. 4. in Ecclesia Latina. Quod autem dirimat ratione sui ipsius, tradunt D. Thom. in 4. d. 37. quæst. 1. art. 1. Scot. quæst. vnic. Durand. q. 1. ad 1. Richard. art. 1. quæst. 1. Maior d. 24. & 27. quæst. 1. Syluest. matrim. 8. quæst. 12. Couart. de matrim. 2. par. cap. 6. §. 3. num. 1. D. Anton. 3. p. tit. 1. cap. 8. Sot. 7. de iust. q. 6. artic. 2. Ioan. Arbo. lib. 5. Theosophia, cap. 1. Castr. de hæres. titul. sacerdot. hæres. 4. Habetur cap. Olim. de cler. coniug. cap. de Syracosana. dist. 28. Probatur praxi Orientalis Ecclesiæ, secundum cuius consuetudinem non est sacro ordini annexum votum; & tamen matrimonium post ordinem susceptum est nullum, & irritum. Facit pro sententia cap. Si quis. 32. d. Constatque hoc Ecclesiæ statutum ex Apostol. can. 27. Ideo si puer ante rationis usum sacro ordine initietur, in qua initiatione verè characterem recipit, ut tenent Doctores in 4. dist. 25. D. Thom. Bonavent. Richard. & communis contra Durandum, non tenetur ad votum, ut tenet communior opinio cum Palud. in 4. distinct. 25. quæst. 3. n. 10. Sot. q. 1. art. 2. Sylu. Viualdo, & aliis, quia votum requirit proprium vouentis consensum expressum, vel tacitum, & tamen talis puer manet inhabilis ad contrahendum ratione status, ut docet Palud. in 4. dist. 37. q. 1. num. 14. Gab. dist. 23. quæst. 1. art. 2. D. Anton. 3. p. tit. 1. cap. 8. Syluest. matrim. 8. q. 12. Quod idem dicendum est de eo, qui propter metum suscepit sacros ordines: talis enim non manet obligatus ad seruandum votum, ut docent

docent Richard. in 4. dist. 29. art. 1. quæst. 2. Sot. quæst. 1. artic. 3. Angel. Ordo. 3. num. 26. Nauar. cap. 22. num. 51. §. nonum. Viuald. citato loco, n. 26. ex cap. Cùm locum, de sponsalib. cap. Perlatum, de his, quæ vi. Quæ de re Sot. lib. 7. iust. qu. 2. art. 1. & dist. 25. qu. 1. art. 2. & Caiet. tom. 1. Opusc. tract. 27. Et tamen talis coactus per metum manet inhabilis ad matrimonium, non ratione voti, sed ratione status.

3 Int. Dirimūtne sacer ordo matrimonium secundum se absque voto, ex ipsius Ecclesiæ statuto, an verò ex diuino præcepto? Resp. Ex ipsius Ecclesiæ statuto. Ita D. Thom. loco citato, & 2. 2. qu. 88. art. 11. Palud. in 4. dist. 37. q. 1. num. 8. Sot. q. 1. art. 1. D. Anton. loco proximo. Et ideo si tam in Ecclesia Orientali, quam in Occidentali contra ius aliquando mos viguit (vt vult Caietan. tom. 1. Opusc. tract. 27. quæst. 1. ad 1.) & videtur haberi cap. Diaconi. 28. dist. cap. Aliter. 31. dist. viguit ante Ecclesiæ determinationem. Vel intelligendi sunt textus ex permissione, vt notat Sot. in 4. dist. 38. qu. 1. art. 1. Vel de vsu permissio matrimonij ante sacrum ordinem contracti, vt exponunt Richard. q. 1. citata ad 3. Catharin. cap. 2. in Caiet. Scot. Sot. Couar. locis citatis.

4 Int. Quæ poenæ sunt impositæ à iure ei, qui post sacros ordines susceptos matrimonium contrahit? Resp. Manet excommunicatus. Clement. unica de consanguinitat. & affinitat. Manet irregularis. cap. Quotquot. 27. quæst. 1. cap. 1. & 2. Qui clerici, vel vouentes. cap. final. de bigamis. Notant D. Anton. 3. par. titul. 1. cap. 8. Syluest. irregularitas. num. 16. Couarr. de matrimon. 2. p. cap. 6. §. 3. n. 1. Qui auctores loquuntur absolute, quamquam alij requirant ad hanc poenam incurrendam consummationem matrimonij. Ita requirit Palud. in 4. d. 27. num. 12. Richard. art. 4. qu. 1. Angelus Bigamia. num. 7. Nauarr. cap. 27. num. 195. Tertiò amittit ipso facto, & iure beneficia, quæ habebat. cap. 1. 3. & 4. de cleric. coniug. & Glossa ibid. Quod idem dicendum de initiato minoribus, vt claret ex textu. Neque requiritur consummatio matrimonij, sed satis est contractio vera, vt notat Couar. Peracta tamen poenitentia potest vterque ab Episcopo restitui officio, & beneficio. Text. expressus cap. Sanè, de cler. coniug.

De ligamine, impedimento dirimente
matrimonium. Sect. 9.1 *Quid est ligamen.*2 *Quo iure est irritum matrimonium contractum post ligamen.*

1 **I**NTERROGATIO. Quid est ligamen impedimentum dirimens matrimonij? *Resp.* Est vinculum coniugij, quo quis ligatus est uxori, etiam ante consummationem matrimonij rati: post quod secundum matrimonium contractum, est irritum, iuxta Concil. Trident. sess. 28. can. 7. & totum ferme rit. de spons. duor.

2 *Int.* Quo iure est irritum subsequens matrimonium? *Resp.* Dico primum. Est irritum iure naturali. Ratio est, quia matrimonij vinculum est iure naturali indissolubile. Ita D. Thom. 3. cont. gent. cap. 123. & in 4. distin. 33. quest. 2. artic. 1. Durand. dist. 28. quest. 2. Scot. d. 26. quest. 1. conclus. 3. Sot. q. 2. artic. 4. Couarru. de matrim. 4. part. §. 3. num. 5. Probatum à D. Tho. quia naturalis inclinatio naturæ obligat ad educandam prolem per totam vitam, pro conservanda specie: sed prolis bona educatio pendet ex societate utriusque parentis; ergo, & cætera. Deinde, quia contra ius est naturæ, & æquitatem, ut quis utatur muliere, aut adolescente, tempore quò ei inseruit propter vires, & pulchritudinem, & postea, exhaustis viribus, ac misso oris decore, sine quo tædio omnibus esse incipit, eam dimittat. Dico secundum. Est irritum iure diuino positivo. Ratio est, quia iure diuino positivo matrimonij, etiam rati, & non consummati vinculum est secundum se indissolubile. Ita D. Thom. citatus, Richard. in 4. d. 28. artic. 2. ad 1. Durand. quest. 2. Petr. Soto de matrim. lect. 1. Couarr. proximè; habetur ex Concil. Trident. sess. 24. Probatum ex Genesi. 2. *Quamobrem relinquet homo patrem, & matrem, & adhærebit uxori suæ.* Matth. 19. *Quod Deus coniunxit, homo non separet.* Moyses ad duritiam cordis vestri permisit vobis dimittere uxores vestras, ab initio autem non fuit sic. Constat autem hæc permissio ex 14. Deut. *Quam puram permissionem minoris mali ad evitandum maius, intelligit D. Th. in 4. d. 33. q. 2. a. 2. dub. 2. 1. Corint. 7. Is qui matrimonio iuncti sunt, præcipio non ego sed Dominus, uxorem à viro suo non discedere, quòd si discesserit, manere innuptatam, aut viro suo reconciliari.*

De

- 1 *Vnde oritur impedimentum publicæ honestatis.*
- 2 *Quo pacto definitur impedimentum publicæ honestatis.*
- 3 *Ex quibus sponsalibus oritur impedimentum publicæ honestatis.*
- 4 *Ad quem gradum extenditur impedimentum publicæ honestatis.*
- 5 *Ad quem gradum extenditur hoc impedimentum, ortum ex matrimonio rato.*

6 *An oriatur ex matrimonio rato inualido.*

1 **I** N T E R R O G A T I O. Vnde oritur hoc impedimentum? *Resp.* Ex sponsalibus *cap. Sponsam. Extrau. de sponsal. & cap. unic. de sponsal. in 5.* Insuper ex matrimonio rato, & non consummato. Circa hoc non est textus, vt notat Tolet. *lib. 7. cap. 10. num. 1.* Est tamen commune interpretamentum Doctorum argumento à minori ad maius, vt colligit Panormit. Si enim sponsalia, quæ minùs ligant, inducunt hoc impedimentum; ergo & matrimonium.

2 *Int.* Quo pacto definitur hoc impedimentum? *Resp.* Sic. Est impedimentum ab Ecclesia inductum dirimens matrimonium contractum inter sponsum, & cognatos sponsæ: & inter maritum, & cognatos vxoris adhuc non cognitæ carnaliter: & vice versa, intra certum gradum ab Ecclesia determinatum. Ita Canonistæ *cap. Audientiam cap. Sponsam, de sponsali. D. Thom. in 4. dist. 41. quæst. 1. art. 1. & in Addit. qu. 55. art. 4. Summittæ matrim. Angel. 3. impedim. 14. Caietan. imp. 10. Armil. n. 46. Nauar. cap. 22. num. 57. Couar. 2. p. cap. 6. num. 6. §. 1. Viçti. num. 393. Sot. d. 41. art. 3.*

3 *Int.* Hoc impedimentum ortum ex sponsalibus, oriturne ex omnibus sponsalibus? *Resp.* Minimè, sed ex solis sponsalibus certis, absolutis, & validis. Ita decreuit Bonifac. V I I I. *cap. 1. de sponsal. in 6. & Conc. Trid. sess. 24. cap. 3.* Sponsalia verò incerta sunt, cum quis spondet ducere vnam è certis, vel incertis fœminis, non determinando personam. Conditionata sunt, cum apponitur conditio de futuro. Notat Nauar. *lib. 7. cap. 10. num. 3.*

4 *Int.* Ad quem gradum extenditur impedimentum ortum ex sponsalibus? *Resp.* Omissa iuris antiqui determinatione, nouum ius Concilij Trident. *sess. 24. cap. 3.* sic se habet. Iustitiæ publicæ honestatis impedimentum, vbi sponsalia quacunque ratione

ratione valida non fuerint, sancta Synodus annulat, ubi autem valida fuerint, primum gradum non excedant. Primus autem gradus intelligitur in vtraque linea.

5 *Int.* Hoc impedimentum ortum ex matrimonio rato, ad quem gradum excurrit? *Resp.* Circa hoc nihil mutauit Concil. Trident. vt declarauit Pius V. *Extrauag. ad Romanum spectat, ann. 1566.* Ideo, quia olim protendebatur vsque ad quartum gradum, nunc etiam ad hunc extenditur.

6 *Int.* Oritur hoc impedimentum ex matrimonio rato, inualido tamen propter defectum, seu impedimentum, inito tamen cum vero consensu contrahentium? *Resp.* Oritur, vt olim oriebatur. Ita declarauit Pius V. in *Extrauag. ad Rom. cit. aduertit Nauar. cap. 22. num. 57. Couar. de matrim. 2. p. cap. 6. §. 2. Vinald. de matrim. tit. de iust. publ. bon. Palud. in 4. d. 41. q. 2. num. 8.*

De affinitate. Sect. I I.

- 1 *Quid est affinitas.*
- 2 *An ad affinitatem requiratur copula.*
- 3 *Ex qua copula oriatur affinitas.*
- 4 *Ad quos gradus extenditur affinitas.*
- 5 *De pœna contrahentium in gradibus affinitatis.*
- 6 *Quis est effectus affinitatis.*
- 7 *An affinitas dirimat.*

I INTERROGATIO. Quid est affinitas? *Resp.* Est impedimentum ortum ex carnali copula. Ita Doctores in 4. d. 41. D. Thom. q. 4. ad 2. Durand. q. 1. Richard. art. 1. q. 1. Palud. q. 1. n. 9. Satis est copula coacta. Ita Couar. de matrim. 2. p. c. 6. §. 7. n. 2. ex c. Discretionem, de eo, qui cog. consanguin. uxoris sue. Satis est habita cum dormiente. Notat Card. & Præpos. & Cou. citato c. Discretionem. Debet esse perfecta copula, & consummata: fit autem perfecta copula, cum seminatio viri fit intra legitimum foeminae vas, licet claustrum virginale non frangatur. Notat Armil. matrim. nu. 26. Imò hoc impedimentum ex sententia multorum oritur ex sola receptione seminis virilis intra vas, quamquam fugatur à vulua foeminea in balneis, vel arte dæmonum introducatur. Ita Palud. citato loco. D. Anton. 3. p. tit. 1. c. 11. Angel. matrim. 3. imped. 15. n. 5. Sylu. matrim. 8. q. 15.

dub. 2. Et ideo ex sola fractione claustrī, absque seminatione intra vas, non oritur hoc impedimentum. Ita D. Thom. in 4. d. 41. art. 1. dub. 4. ad 4. Navar. c. 22. nu. 42.

2 *Int.* Requiritur ne omninò copula ad hoc impedimentū? *Resp.* Negauit D. Thom. loco proximo, & D. Anton. dicendo etiam oriri ex matrimonio rato, & non consummato. Oppositum tamen dicendum est cum Scot. in 4. d. 41. §. hoc breuiter. Couar. de matrimo. 2. p. cap. 6. §. 7. num. 2. Abb. & Prapof. c. Sponsam. de sponsalit. Richard. in 4. d. 41. art. 1. q. 2. Palud. q. 1. num. 18. & quest. 2. num. 6. declarauitque Congreg. Card. 3. p. tit. 1. cap. 11.

3 *Int.* Ex qua copula oritur hoc impedimentum? *Resp.* Oritur tam ex copula maritali, quàm ex copula fornicaria. Ita habetur c. Decret. de eo, qui cog. consang. uxoris sue. Non tamen ex copula contra naturam. cap. Extraord. 35. q. 3.

4 *Int.* Ad quem gradum extenditur hoc impedimentū affinitatis? *Resp.* Dico primum. Affinitas non habet peculiare gradus distinctos à gradibus consanguinitatis, & ideo quo gradu quis est consanguineus viri, eodem est affinis foeminae ab eo carnaliter cognita, & è contra, quo gradu quis est consanguineus foeminae carnaliter cognita à Sempronio, eodem est affinis viri, qui eam cognouit. Ita D. Thom. in 4. d. 41. art. 2. dub. 1. & 2. Durand. quest. 1. Palud. q. 1. n. 22. Couar. de matr. 2. p. cap. 6. §. 7. num. 6. Dico secundum. Affinitas orta ex copula licita maritali extenditur vsque ad quartum gradum. Ita habetur cap. Non debet. de consang. & affin. Dico tertium. Affinitas orta ex copula fornicaria secundum gradum non excedit. Ita nouiter decreuit Conc. Trid. sess. 24. cap. 4. Dico quartum. Affinitas orta ex copula fornicaria in tertio, & quarto gradu, non solum non dirimit, sed nec impedit. Ita declarauit Pius V. motu proprio edito anno Domini 1566. vt aduertit Nau. cap. 22. num. 43. & Viuald.

5 *Int.* Quæ poenæ positæ sunt à iure iis, qui contrahunt absque dispensatione in gradibus affinitatis? *Resp.* Sola excommunicatio latae sententiae. Ita in Clem. 1. de consang. & affin.

6 *Int.* Quis est effectus affinitatis superuenientis matrimonio? *Resp.* Facit tale impedimentum, vt qui fuit in culpa, non possit absque dispensatione petere debitum. Ita supponit Toletus lib. 7. cap. 11. ex communi, & nemini dubia doctrina. Eam refert Viuald. de matrimo. tit. de affin. num. 11. Ratio est,

est, quia per copulam manet affinis vxoris suæ. Est tamen *tex. cap. Transmissa, de eo, qui cog. consang. vxoris.* Quoniam verò Conc. Trid. decreuit hoc impedimentum vsque ad solum secundum gradum excurrere, qui cognouit consanguineam suæ vxoris in tertio, & 4. gradu, non manet affinis vxoris, & ideo potest petere. Quoniam tamen per copulam legitimam habitam cum sua vxore manet affinis consanguinearum vxoris vsque ad quartum gradum, tenetur in confessione dicere se cognouisse carnaliter consanguineam suæ vxoris in tertio & quarto gradu.

7 *Int.* Impeditne affinitas matrimonium ex iure naturali? *Resp.* Dico *primum.* An affinitas orta ex copula maritali dirimat in primo rectæ lineæ gradu matrimonium iure naturali, problema est pro parte affirmatiua probabilius. Negantem partem tenent Caiet. 2. 2. *quæst.* 154. *art.* 9. Sot. in 4. d. 41. *qu.* 1. *art.* 3. Couar. *de matrim.* 1. p. *cap.* 6. §. 10. num. 6. citans D. August. *lib.* 3. in *Leu. quæst.* 61. Affirmant D. Thom. 1. ad *Cor.* 5. Abulens. *Leuit.* 18. Palud. in 4. d. 41. *quæst.* 1. num. 27. D. Anton. 3. p. *tit.* 1. *cap.* 11. Syluest. *Papa.* §. 12. Gloss. §. 1. *cap. Litteras, de rest. spoliat.* Maior in 4. d. 40. *quæst.* 3. Viçt. *de matrim.* 2. p. num. 5. Viguerius *de matr.* *cap.* 16. & 87. Bellarm. *de matr.* *cap.* 28. & alij. Viuald. *de matrim. tit. de affinit.* Ratio est, quia in gradu proposito datur magna indecentia. Quam quidem satis ostendit D. Paul. 1. *Cor.* 5. *Auditor inter vos fornicatio, qualis non est inter gentes, ita ut uxorem patris sui quis habeat.* Fateor hunc locum exponi ab aliquibus Patribus, adhuc viuentem patre, in quo euentu non solum incestus, sed adulterium committebatur. Ita D. Thom. Caiet. Roffensis *matrim.* Bellarm. *de matrim. cap.* 27. §. 2. Et ideo probabilis est opposita sententia. Dico *secundum.* Impedimentum affinitatis ortum ex legitima copula coniugali, in nullo alio gradu dirimit iure naturali matrimonium. Probatur exemplo Iacob, qui duas sorores germanas duxit vxores. *Genes.* 29. Probatur præcepto veteris legis *Deuteron.* 25. quo cogeatur frater accipere relictam absque liberis sui fratris. Probatur vsu Ecclesiæ in his gradibus dispensantis, vt patet *cap. fin. de diuort.* Dispensauit Alex. VI. cum Emanuele inuictò Lusitanæ Rege ad nubendum sorori vxoris suæ vita functæ. Dispensauit Iulius II. cum Henrico Angliæ Rege ad nubendum cum vxore fratris demortui.

mortui. Hanc veritatem definitiua sententia, oppositam sententiam saltem nimie falsitatis damnante, declarauit Clemens VII. ex consilio omnium celebriorum Academicarum consulto, vt refert Nauar. c. 22. n. 84. & Castr. lib. 1. de leg. pœn. c. 12. Eamque probat Roffens. Martyr in lib. de connub. Regis Angliæ. Caietan. tom. 3. opuscul. tractat. 14. ad Clementem VII. Vict. de matrim. p. 2. num. 6. Dico tertium. Affinitas ex copula fornicaria orta, in nullo gradu dirimit iure naturali matrimonium. Ita D. Anton. 3. part. tit. 2. c. 11. Sot. & Couar. supra. Probatur ex praxi, nam teste D. Anton. in eo dispensauit Martinus V. Insuper Pius V. tribuit Henrico Cardinali, & Regi, vt in quouis gradu affinitatis orto ex copula fornicaria dispensaret.

De impotentia coeundi, impedimento dirimente matrimonium. Sect. 12.

- 1 Quid est impotentia.
- 2 An impotentia dirimat matrimonium.
- 3 Quot conditionibus constat impedimentum impotentie.
- 4 Quotuplex est impotentia.
- 5 Vnde probatur impotentia esse perpetua.
- 6 De impotentia ex defectu testiculorum.
- 7 An requiratur scientia ad hanc impotentiam.
- 8 Quo iure dirimat impotentia.
- 9 De impotentia iudicata perpetua, & postea comperta temporaria.
- 10 De arctatione feminae.

I INTERROGATIO. Quid est impotentia, de qua loquimur? Resp. Est debilitas, qua quis impeditur intra vas foemineum seminare. Ita ferme Toletus libro septimo, capite duodecimo, ex Panormit. cap. Quod sedem, de sponsal. Requiritur enim ad euitandum hoc impedimentum, vt quis polleat vi ad coeundum carnaliter, insuper ad semen emitendum intra vas. Si enim quis valeat coire, sed non seminare, aut seminare, sed non coire, est impotens ad matrimoniũ. Ita Richard. in 4. d. 34. artic. 2. quæst. 1. Scotus ad 2. Angel. matrim. 3. imped. 16. num. 3. Syluest. matrim. 8. quæstione 16. D. Anton. 3. parte, tit. 1. c. 6. §. 6. Nauar. cap. 22. num. 29. Sot. in 4. d. 24. q. 1. art. 2. & est communis, vt testatur Armil. matrim.

mōn. nu. 51. immeritò ab ea recedens cum Tabien. *codem verb. nu. 12.* Et ideo censui addendum aliquid Toleti definitioni; cum dixit, illa dicitur impotentia qua non potest semen effundi. Licet enim quis possit semen effundere, sed extra vas ob debilitatem membri, adhuc est impotens: quamuis, vt arbitror, nubat foeminae pollenti vi fugendi semen appositum iuxta vas, secundum multorum Philosophorum sententiam, balneorum experimento comprobata.

2 *Int.* Dirimitne hæc impotentia matrimonium? *Resp.* Dirimit. Ita habetur *c. r. & 2. 31. q. 1. c. Quod sedem. de frig. & maleficiat.* Doctores cum Mag. in 4. d. 34.

3 *Int.* Quot conditiones requiruntur, vt hæc impotentia dirimat matrimonium? *Resp.* Duæ. Prima est, vt præcedat matrimonium: si enim illud subsequatur, seu, vt clarius loquar, si illi superueniat, nihil operatur. Ita habetur *cap. Decreta. 27. q. 2.* Secunda conditio est, vt talis impotentia sit perpetua. *cap. Fraternitatis de frigid. & malef.* Censetur autem perpetua impotentia, quæ sine miraculo, vel peccato, vel vitæ periculo tolli nequit. Ita *cap. Fraternitatis*, citato. Ita Richard. Angel. Sylu. Nauar. locis citatis. Pet. Sot. *de matrim. lect. 5.*

4 *Int.* Quotuplex est impotentia? *Resp.* Duplex: alia naturalis, alia artificialis. Naturalis est frigiditas in viro ex naturali orta complexione, propter quam, aut non potest membrum erigere, aut si erigat, non potest semen intra legitimum foeminae vas effundere. Dixi, in viro, quia hæc frigiditas in foemina, propter quam non emittit semen, nil impedit. Notat D. Thom. in 4. d. 34. art. 2. Rich. art. 2. q. 2. Sot. q. 1. art. 2. D. Ant. 3. p. tit. 1. c. 6. Ratio est, quia semen muliebri non est necessarium ad generationem proli. Nomine frigiditatis in viro, intelligitur è contrario etiam nimia caliditas, propter quam tam properè semen vir effundit, vt nequeat vas foemineum expectare. Intelligitur insuper quoduis aliud naturaliter coitum impediens: impotentia autem coeundi, non est aliud, nisi impotentia seminandi intra legitimum vas. *cap. final. de sponsalib.* iuxta D. Thom. Angel. Anton. Pal. & alios citatos. Nomine tamen frigiditatis comprehenduntur omnia hæc, & alia impedimenta (seu impotentia) naturalia. Naturalis impotentia in foemina, est arctatio vasis, propter quam nequit perfectè mari coniungi. Impotentia artificialis, vel fit arte hominis, vel dæmonis. Arte hominis fit per sectionem membri

virilis, aut auulsionem, contritionemve testiculorum: fit per læSIONEM vulvæ, matricisve foeminæ. Arte dæmonis fit (quam magicam appellamus) modis quatuor, nimirum, vel impediendo localem motum ad copulam necessarium: vel frigiditatem inducendo, adhibiti, remediis naturalibus, quibus vigor membri languescit: vel per phantasiæ illusionem, qua vir uxorem, aut uxor virum abominatur: vel impediendo effusionem seminis occlusis meatibus, per quos defluit. Ita Palud. in 4.d.34.q.2.n.16. Scot. qu.1.art. 3. D. Anton. 3.p. tit.1.c.12. §.3. Vict. in relect. de arte magica. Hæc impotentia artificialis arte dæmonis effecta, appellatur à Doctoribus maleficium. Quod verò, si perpetuum est, dirimat matrimonium, constat ex communi Doctorum sententia cum Magistro, & D. Thom. in 4.d.34. vbi Scot. q. unica. Habetur c. Per sortiarias. 33.q.1.c. Ex literis. de frigid. & malef. Fit autem hoc maleficium à dæmone sæpius respectu vnius tantum foeminæ, aut viri, non autem respectu alterius; & ideo, cum qua homo non est maleficiatus, validè contrahit matrimonium. Notat D. Th. in 4.d.34.art.3. Palud. q.2.n.7. Armil. matrim. 49. D. Antonin. & Richard. supra.

5 Int. Vnde probatur hæc impotentia perpetua? Resp. Probabitur per testimonium personarum, quæ visu, aut tactu sciunt membrum virile fuisse sectum; vel testiculos fuisse auulsos: vel membrum esse debile. Probabitur experimento nõ fracti signaculi vaginalis ad visum, seu tactum honestarum foeminarum. Probabitur arctatio genitalis foeminei per tactum honestarum foeminarum. Ita habetur c. Fraternitatis. de frigid. & malef. Vt autem apertè cognoscatur, sitne impotentia perpetua, vel non, conceditur à iure triennium, quò possint contrahentes cohabitare, & eodem toro dormire, actum maritalem exercendo, vt veri coniuges. Ita habetur c. Laudabilem, de frig. & malefic. & finito triennio conceditur reclamatio, seu declaratio occulti impedimenti, & datur locus apertæ probationis ostensioni, vt inuicem separentur.

6 Int. Estne impotentia dirimens matrimonium carentia vtriusque testiculi, vel naturalis, vel artificialis, in eo, qui valet membro virili? Resp. Affirmant aliqui. Palud. in 4.d.34. num.8. D. Anton. 3.p. tit.112. Palat. disp.1.n.1.c.11. §.2. Armil. matrim. n.53. Angel. matr. 3. imped. 16. num.1. Gutter. in quest. can. c. 16. num. 1. Oppositum docent Canonistæ communiter cap.

Quod

Quod sedem, de frigid. & malef. vt fatetur Angel. Gutter. tenet *Sot.d.34.q.1.art.2.* appellatque oppositam sententiam non tolerabilem. Est nunc certa de hac controuersia decisio Sixti V. data anno Domini 1587. declarans tale coniugium esse, ac semper fuisse iure ipso naturæ nullum. Si quando verò talia coniugia permissa sunt, & ab Ecclesia tolerata; nondum veritas apparebat, & ideo priori opinioni adsentiebatur. Dixi carentiam vtriusque testiculi, quia carentia vnius tantum, non est impedimentum dirimens. Ita Panormitan. in cap. *Quod sedem, de frig. & malef.* Palud. D. Anton. Armil. *Sot. locis proximè. & Syluest. matrim.3. quæst.18.* Ratio est, quia cum tali carentia, adhuc optima fit seminatio. Non fit autem in carentia vtriusque, vt ostendit Tiraquel. in *con-nub. l.13. num.21.*

7 *Jnt.* Estne hæc impotentia impedimentum dirimens, cum est nota ambobus contrahentibus, vel soli potenti? *Resp.* Negat Mich. Medin. *lib.15. de calib. cap. 47.* D. Thom. in 4. d. 34. art. 2. Palud. num. 9. q. 9. Petr. *Sot. de matrim. lect. 5.* D. Anton. 3. p. tit. 1. cap. 10. Angel. Viuald. & alij: affirmant tamen Sylu. *matrim. q.16.* Panorm. cap. *Consult. de frig. & malef. Sot. & Nauar.* Ratio est, quia potentia ad coeundum est de essentia matrimonij, vt tradunt D. Thom. Richard. Scot. Durand. citata *dist.34.* Scientia autem impotentiae, non de impotentia facit potentiam.

8 *Int.* Quo iure impedit, & dirimit impotentia perpetua matrimonium? *Resp.* Naturali. Ita Victor. *de matrim. nu.283.* *Sot.d.34.art.2.concl.1.* estque certa decisio tradita à Sixto V. vt iam ostendi in hac *sect. num.7.*

9 *Jnt.* Iudicata est per iudicis Ecclesiastici sententiam impotentia perpetua, postea probata est experimento, & effectu minimè talis, quia v.g. filium genuit: teneturne ad coniugem redire, quamuis coniux transierit ad secundas nuptias? *Resp.* Tenetur. Ita habetur c. *Requisiti. c. laudabilem. & c.1. de frig. & malef. cap. sacul.33.q.2.* Ratio est, quia in tali sententia iudex fuit deceptus, quia matrimonium coram Deo validum erat & firmum.

10 *Int.* Est mulier arcta respectu huius viri, qui habet debiles vires ad primum eam cognoscendam, non autem ad secundam, & tertiã vicem, si ab alio viro potentiori prius cognoscatur, rogo, an hæc impotentia sit impedimentum dirimens:

vel an teneatur, postquam ab alio, cum quo secundò contraxit, cognita est, redire ad priorem virum? *Resp.* Est quidem: nec debet redire ad primum virum, si verè contraxit cum secundo. Ita habetur c. *Fraternitatus*, citato, iuxta Glossam communiter receptam, & Pauorm. *ibid.* Richard. d. 34. art. 2. q. 2. Durand. q. 2. Palud. q. 2. n. 14. D. Anton. 2. p. tit. 1. c. 12. §. 1. Angel. *matrim.* 3. *imped.* 16. n. 4. Ratio est, quia impotentia illa respectu prioris viri erat absoluta, & perpetua. Addendum tamen est, nisi ipsa possit facile, quamquam cum dolore nonnullo incisionis medicæ remedio vas aperire, & velit aperire, ut potest: tunc enim valeret prius matrimonium. Ita D. Tho. & Anton. locis citatis, atque Sot. & Armil. *matr. nu.* 50.

De impedimentis impredientibus tantùm, & non dirimentibus. §. 3.

1. Quot sunt impedimenta impredientia tantùm.
2. Explicantur singula impedimenta impredientia tantùm.
3. Quod sit peccatum contrahere cum impedimento.

I N T E R R O G A T I O. Quot sunt impedimenta impredientia, & non dirimentia? *Resp.* Sexdecim, quæ his versibus continentur.

*Votum, interdictum, raptus, sponsalia, cædes
Consortis tori, presbyterive sacri.*

*Incestus, sædusque sacra cum virgine, vinclum.
Edocuisse fidem, pœnituisse palàm.*

Ita Caiet. *matrim.* cap. 3.

2. *Int.* Explica singula? *Resp.* *Votum* castitatis simplex. cap. Rursus. *Qui clerici, vel vou.* Præterquam votum simplex emissum post nouitiatum in sacrosancta Societatis I E S V Religione; ut iam ostendi *sect.* 3. *præc.* §. Item, votum de non nubendo. Ita Caiet. *tom.* 2. *Opusc. tract.* 11. q. 1. siue simplex, siue iuratum. Ita Nauar. *cap.* 22. *num.* 73. Couar. *de matr.* *cap.* 6. *num.* 2. *Interdictum*, hoc est, Ecclesiæ prohibitio: quamquam iusta de causa ob suspicionem impedimenti ab incerta fama ortum fiat à paroco, ne contrahatur ante declarationem. Ita Palud. *in* 4. d. 34. q. 1. n. 10. Sylu. *matr.* 7. q. 1. Arm. *num.* 54. Nau. c. 22. n. 68. contra Angel. *matrim.* 3. *impedim.* 1. *Raptus* alienæ sponsæ, vel per verba de præsentī, vel de futuro: nequit enim raptor tam cum ea quam cum alia contrahere in pœnam

poenam nefarij sceleris *cap. Statutum. 27. quæst. 2. de rapt. Dixi, alienæ sponsæ. Nam qui rapuit suammet sponsam, non contrahit tale impedimentum. Ita Panormit. cap. cum causa, de raptorib. Armil. rapina. Bellarm. de matrim. lib. 1. cap. 20. Nauarr. cap. 22. num. 74. §. Non obstat. Est enim raptus, abductio violenta puellæ liberæ ex domo patris, vel custodis. L. raptores. ff. de raptor. virg. cap. Lex illa. 26. quæst. 1. cap. cum causa, de raptor. Sufficit ad raptum violentia facta utrique, puellæ scilicet & patri, vel custodi; sufficit facta alteri, puellæ nimirum, vel patri, altero consentiente in rapina. Ita D. Thom. 2. 2. quæst. 134. art. 7. Gratian. cap. de raptorib. §. Ex hac authorit. 36. quæst. 1. Est igitur de ratione raptus violentia. Ideo si solis precibus, vel promissis foemina è paterna domo auferatur, nulla interveniente, vi non dicitur rapta, valétque proinde matrimonium cum ea initum etiam antequam ad domum patris reducatur. Valebit multò magis, cum eammet raptorem inuitavit. Notat Glossa cum *cap. cum causa. Ad contrahendum hoc impedimentum, & incurrendas poenas appositæ raptoribus foeminarum, satis est foeminam rapi ad libidinem, non ad coniugium. Ita declaravit Congreg. Cardin. Nomine raptæ intelligitur quæcunque foemina, seu virgo, seu non virgo. De raptæ verò foeminæ matrimonio variè determinatum fuit in iure. Enimverò in iure civili olim tale matrimonium erat nullum. L. unic. Cod. de rapt. virg. Item iure canonico. cap. de puellis. cap. apud. 36. quæst. 2. postea decretum est ab Innoc. III. valere matrimonium, si ipsa rapta vellet raptori nubere. cap. fin. de raptorib. Doctores verò interpretabantur esse validum, quamvis fieret antequam rapta restitueretur custodibus, & libertati. Ita Maior in 4. dist. 29. quæst. 2. Couar. de matrim. 1. p. cap. 3. §. 9. n. 1. Contra Martin. de Magistris, de temp. q. de rapt. Nouissimè verò Conc. Trident. sess. 24. cap. 6. irritum reddidit tale matrimonium, quamdiu rapta est in potestate raptoris: verumtamen decernit, si ipsa libertati suæ fuerit restituta. Sponsalia, id est, promissio futuri matrimonij. De his tamen latè suo loco à te rogari spero. Cades consortis tori, id est, propriæ vxoris occisio: cap. interfectores. c. Admonere. 23. quæst. 2. Doctores cum Magistro in 4. dist. 37. siue maritus eam occidat ex odio, siue ex vindicta adulterij. Ita D. Thom. in 4. d. 37. qu. 2. art. 3. D. Anton. 3. p. tit. 1. cap. 16. §. 4. Cades itidem proprij viri. Ita Palud. in 4.**

dist. 37. quæst. 1. num. 1. Sot. quæst. 1. art. 1. Nauar. cap. 22. num. 74. Armil. matrim. n. 58. D. Anton. vbi proximè. Non est circa viricidium textus expressus, vt notat Sylu. matrim. 7. quæst. 6. Est tamen par ratio, & interpretamentum Doctorum. Cædes presbyteri sacri, id est, presbytericidium. Ita habetur cap. Qui presbyterum, de pœnit. & remission. Dubitant auctores, an ad hoc impedimentum requiratur conuictio criminis in iudicio. Pars affirmans est probabilior, quam sequitur Panormit. disto cap. Qui presbyterum. Tolet. lib. 7. cap. 15. num. 6. Armil. matrim. num. 59. Ita verba textus. Qui presbyterum occiderit, conuictus absque spe coniugij maneat. Incestus, id est, coitus fornicarius cum consanguinea coniugis suæ vsque ad 4. gradum, aut affine mortua coniuge, non potest amplius nubere. Ita Nauar. cap. 22. num. 74. Couar. de matrim. cap. 6. §. 8. num. 1. Ita habetur cap. 1. & cap. Ex liter. de eo, qui cog. consang. Doctor. in 4. d. 34. cum Mag. idem dicendum est de vxore cognoscente consanguineum, vel affinem sui viri. Notat D. Ant. tit. 1. cap. 16. §. 4. Armil. matrim. num. 57. Oportet autem ad hoc impedimentum vt incestus sit formalis, hoc est, scienter factus. Ita Palud. in 4. d. 34. quæst. 1. num. 13. Patratu etiam post coniugis amissæ, vel amissi obitum inducit impedimentum. c. Transmissæ, de eo, qui cogn. consang. quidquid in oppositum dicat Sot. d. 77. quæst. unica. a. 1. & Viuald. de matrim. Dixi, cum consanguinea, vel affine, sed iuxta multorum opinionem, etiam coitus cum ea, vel eo, quo cum habetur impedimentum publicæ honestatis, causa est huius impedimenti. Ita Palud. in 4. d. 34. qu. 1. art. 13. Couar. de matr. 2. p. c. 6. num. 4. dum vterque delinquens viuit. c. Duo pueri. de despons. impub. iuncta Glos. Dabatur. Notat Couarr. proximè citatus. Coitus verò cum cognata spiritali, quanquam dici possit incestus, vt aduertit Nauarr. cap. 16. num. 3. non apponit impedimentum. Ita Palud. proximè. Dubitant Doctores, an coitus cum propria consanguinea, causa sit huius impedimenti. Affirmat Nauarr. c. 12. n. 74. & lib. 1. cons. resp. 17. ostenditque ex iure. & Doctorum sententia latè & copiosè. Ideo cum dispensatur inter consanguineos, qui se incestu polluerunt, ex stilo Curiz apponitur in dispensatione. At superstes sine spe coniugij maneat. Dubitant deinde, an hoc impedimentum oriatur ex incestu occulto, qui in iudicio probari nequit. Negat Panor. c. literis, de præsumpt. Sot. d. 23. qu. 1. art. 1. Affirmant veruntamen Castro

lib. 2.

*lib. 2. de leg. pœn. cap. 5. argu. 51. Nauar. cap. 22. n. 74. & lib. 4. Cons. tit. de consang. & affin. consil. 1. Cord. q. 12. art. 2. sed asserunt non esse consuetudinem petendi dispensationem, nisi ad contrahendum cum eadem complice incestus, aut consanguinea eius, ratione affinitatis contractæ, quanquam incestus sit publicus. Quoniam verò hæc opinio est incerta, tutius erit petere dispensationem. Fœdus sacra cum virgine, est coniugium factum scienter cum professâ moniali. Ita habetur *can. Hi verò. 27. q. 1. Vinculum*. Id est, affinitas, quam alter coniux scienter malitiosè contraxit aduersus alterum coniugem, vt non possit ab eo petere: vel vterque malitiosè, vt possint sibi inuicem negare *c. De eo. 30. quæst. 1*. Oritur hoc impedimentum ex susceptione à sacro fonte. Ita Caiet. supra. & Sot. *d. 38. art. 1. Nauar. c. 22. num. 74*. Ex susceptione filij in Sacramento Confirmationis, iuxta Caiet. Ex baptismo factò ab ipsis parentibus malitiosè, ad non petendum debitum. *Edocuisse fidem*. Id est, doctrina articulorum fidei, quam appellamus Catechismus, data ei, qui est baptizandus, vel domi iam est baptizatus, sed adhuc in Ecclesia solenniter recipiendus, gignit hoc impedimentum inter Catechizantem, & Catechizatum, patrem ac matrem Catechizati eodem modo, quo in baptismo, & confirmatione, vt ex Conc. Trid. aduertit Nauar. *c. 22. n. 72*. Habetur hoc impedimentum *cap. ante baptismum. de consecrat. dist. 4. cap. per Catechismum. de cogn. spirit. lib. 6*. Pœnituisse palam, hoc est, fuisse punitum iniuncta publica pœnitentia, & solenni: talis enim pœnitentia facta est impedimentum ad deinceps nubendum. *c. De his. c. Antiqui. 33. q. 2*. Quod intelligendum est, dum ipsa durat, vt notat Sot. *d. 37*. Veruntamen hoc impedimentum nunc iam non viget, quia non fit solennis pœnitentia, vt fieri solebat.*

3 *Int.* Estne peccatum mortale contrahere matrimonium cum aliquo horum impediens impimento? *Resp.* Negat Pet. Sot. *lect. 9. de matrim.* Negat Armil. §. 60. vt notat Tol. *lib. 7. cap. 13. num. 6*. Dubitat Palud. *d. 34. qu. 1. art. 2.* & Sot. *ibid.* Ratio eorum est, quia iam desuetudine inueterata, non opus est petere dispensationem circa hæc impedimenta impediencia tantum. Affirmat tamen probabilius Caiet. *ver. matr. cap. 2. §. Et scito.* consentit Tolet. *lib. 7. cap. 15.* quanquam, inquires, non constanter affirmem. Dico igitur. De aliquibus horum impedimentorum, constat esse peccatum mortale iis obstan

obstantibus contrahere : veluti de voto religionis , vel castitatis, de sponsalibus, de interdicto. De reliquis probabilior est opinio Caietan. & Tolet. Ratio est , quia talis Ecclesiæ prohibitio est in materia graui : transgressio verò præcepti in materiā graui, obligat ad culpam grauem.

De dispensatione impedimentorum. §. 4.

- 1 *Quis potest dispensare in impedimentis dirimentibus.*
- 2 *An Doctores dubitent de dispensatione circa aliqua.*
- 3 *Quæ sunt impedimenta, de quorum dispensatione dubitant.*
- 4 *De dispensatione impedimentorum non dirimentium.*
- 5 *Cum quibus non dispensatur.*
- 6 *De causa ad dispensandum.*
- 7 *Quæ est legitima causa ad dispensandum.*

I N T E R R O G A T I O. Profer in medium, quis potest dispensare in impedimentis dirimentibus ? *Resp.* In impedimento erroris, cognationis naturalis pro recta linea, saltem vsque ad 4. gradum, pro transuersa vsque ad primum, ligaminis, metus, & impotentia perpetua, nullus in terris dispensare valet. In reliquis solus summus Pontifex. Ratio prioris partis conclusionis est , quia in iis impedit ius naturale, vel ex defectu consensus, vel ex decentia naturaliter debita, & reuerentia, vel ex obligatione perpetua, vel ex contrarietate repugnante fini matrimonij , vt faciliè videre est in iis, quæ proposui circa vnumquodque impedimentorum. Ratio 2. partis est, quia impediunt ex solo statuto Ecclesiæ. Dixi, solus, cum Nauar. c. 23. n. 85. quia Episcopus non potest dispensare in aliquo impedimento dirimente, secundum omnes, nisi quando impedimentum occultum est , matrimonium verò publicum, & separatio nimium scandalosa, & ad Papam, vel illius Nuncium potestate ad dispensandum pollentem , aut nulla, aut difficillima aditio. Vt volunt Angel. & Sylu. cum Nauar. loco proximè citato per c. At si. §. de adul. tit. de iudic. cum Ioanne de Lign. & Panor. quos ibi sequitur Instruct. 2. p. cap. 59. tit. de dispen. per. Tunc verò per epiicheiam dispensat Episcopus, præsumitur enim ea Papæ esse voluntas.

2 *Int.* Dubitantne Doctores de aliquibus ? *Resp.* Dubitant de tribus.

3 *Int.* Memora ? *Resp.* Faciam lubens. Dubitant in primis de voto solenni castitatis per professionem religionis approbatam nuncupato.

nuncupato. Veruntamen de eo iam me rogasti i.p.c.6.§.9.
 n.5. respondique secutus partem affirmantem,quam appellat
 communem Nauar.cap.12.num.75.contra Glof.c.Cum ad mona-
 sterium,de stat.monach.& Arm. dispensatio.n.12. Ratio mea est,
 quia oportebat ad bonum Ecclesiæ regimen hanc Ecclesiæ
 capiti potestatem relinqui extraordinariam: & ideo vsus est
 ea non semel Papa, cuius exempla referunt Palud. & Caiet.
 locis cit. Hic verò restat argumentum proponere D. Thom.
 oppositum asserentis, illudque soluere. Sic igitur argumenta-
 tur D. Thom. 2. 2. quæst.88. art. 11. Post factam consecratio-
 nem calicis in ministerium altaris, tandiu calix manet con-
 secratus, quandiu integer manet, neque potest ab eo, for-
 ma remanente integra, auferri consecratio: sed per votum so-
 lenne castitatis monachus fit religiosus consecratus Deo, &
 religioni, ergo quandiu ille manet, tandiu manet consecra-
 tus voto, ac proinde adeò voto adstrictus, vt ab aliquo ne-
 queat eo liberari. Confirmatur efficaciter ex text.cap. Cum ad
 monasterium. vbi Innocentius III. decernit obseruantiam
 castitatis, & paupertatis ita esse statui religioso adnextm, vt
 nec etiam Summ. Pontifex valeat de ea licentiam indulgere;
 ergo, &c. Obiectioni positæ occurrunt Caiet. citato loco, &
 Durand. in 4. dist. 38. quæst. 2. ad 2. dicendo eam procedere,
 quandiu talis monachus, qui votum emisit, manet religiosus;
 at verò Summ. Pontificem dispensando, facere de religioso,
 non religiosum, ac proinde aptum nuptui, sicut cæteri sunt,
 qui votum non emiserunt. Dixi, in voto solenni religionis:
 quia in voto solenni sacris ordinibus annexo, quòd Papa
 possit dispensare, nemo negat, nec ipse D. Th. imò affirmat 2.2.
 q.88.art.11, in corp. & Palud. in 4. d.37. q.1.num.8. Sot. ib. q.1.art.1.
 Caiet. tom.1. Opusc. tract. 27. qu.1. Gandau. quodl.5. q.28. Bellarm.
 de matrim. lib.1.cap.21. Oportet tamen ad hanc dispensatio-
 nem interuenire causam communis vtilitatis, vt notat Sot.
 lib.7. iust. disp.5. art. 5. Dubitant deinde de matrimonio rato
 (nam de consummato constans est pars negans.) Negant
 igitur Palud. in 4. d.27. qu.3. n.25, Sot. q.1.art.4. §. His tamen. Al-
 main. de potest. Eccles. cap.15. Viêt. de matrim. n.281. Couar. de ma-
 trim. 2. p. c.7. §.4. num.14. Panorm. c. Ex publico. de conuers. coniug.
 Denique omnes communiter Theologi, teste Caietan. tom.1.
 Opusc. tract. 28. quanquam partem oppositam sequatur. Ratio
 eorum est, quia matrimonium ratum, sicut consummatum, signi

significat coniunctionem Christi, & Ecclesiæ:coniunctio autem Christi, & Ecclesiæ est inseparabilis ; ergo,&c.Affirmat tamen Gloss. *cap.Ex publico,de conuers.coniug.* Præpos.*cap.fin.de spons.duor.* Felin.*c. Quæ Eccles.de constit.&* communiter Canonistæ , testantibus in oppositum adductis Panorm. & Couar. Affirmat Sylu. *diuortium.quæst.4.* Caiet.*tom.1.Opusc.tractat.28.* Armil.*dispensatio.n.8.* cum Hostiens. Angel. Rosel. quos citat Amb. Cathar. contra Caietan. *lib.6.cap.3.* Nauar. *cap.22.num.21.* cum Mich. Medin. quem refert. Probatur usu, & praxi, nam in eo dispensauit Martinus V. dispensauit Eugenius I V. teste oculato D. Anton. *3.p.tit.1.cap.21. §.3.* dispensauit Paul. I I I. & Pius I V. ter aut quater petente Nau. vt ipse fatetur *c.22.n.2.* Ratio est, quia sicut ad votum , & iuramentum oportuit, vt Christus Dominus extraordinariam potestatem reliquerit dispensandi, cum id suus Vicarius expedire iudicauerit, ita & ad dispensandum in matrimonio rato. Dubitant tertio de af-
finitate, an dirimat iure naturali in primo gradu rectæ lineæ. Sed de hac controuersia me rogasti , & ego respondi §. proxime præcedenti. Sect. vndecima , nihilque noui addendum occurrit.

4 Int. Quis potest dispensare in impedimentis non dirimentibus? Resp. Ex communi Doctorem potest Episcopus. Ita Card. Tolet. *l.7.c.15.n.6.* Nauar. *c.23.n.84.* cum Palud. in *4.d.28. q.2.* D. Anton. *3.p.tit.1.c.16. §.4.* non est hoc expressum in iure, sed de solo incestu conceditur Episcopis facultas dispensandi, cum est periculum incontinentiæ *c. Antiqui. c. in adolescentia.33.q.2.c.* Ex liter. de eo, qui cogn. consarg. vxor. Tenent Palud. in *4.d.3.4.q.1.c.3.* D. Anton. *3.p.tit.1.c.15. §.4.* Hæc tamen facultas ex paritate rationis à Doctorebus extenditur ad omnia alia delicta, ex quibus oritur impedimentum, impediens tantum, vt aduertit Nau. loco citat. Excipiuntur tamen hæc duo vota , nimirum castitatis, & religionis, in quibus non potest Episcopus dispensare, iuxta communem doctrinam: neque in iis , nisi ex urgente causa Papa dispensat. Excipiuntur sponsalia , de quibus dicam suo loco. Aduertit tamen Nauarr. *cap.22. num.75. & cap.23. numer.85.* non esse in usu, vt pro impedimento impediens tantum, ab Episcopo, vel à Papa petatur dispensatio , etiam in impedimentis incestus , nisi ad contrahendum cum consanguinea à se incestuose cognita, vel cum affine, orta affinitate ex ipso incestu. Nondum enim,
ait,

ait, adhuc in tanta ætate vidi, vel audiui id fieri.

5 *Int.* Dic, cum quibus prohibet Concil. Trid. dispensari in impedimentis matrimonij? *Resp.* Apponam Concilij verba, & ex iis facilè apparet prohibitio, ita enim *sess. 24. cap. 5. de refor.* Si quis intra gradus prohibitos scienter matrimonium contrahere præsumpserit, separetur, & spe consequendæ dispensationis careat. Idque in eo multò magis locum habeat, qui non tantum matrimonium contrahere, sed etiam cōsummare ausus fuerit. Quod si ignoranter id fecerit, si quidem solennitates requisitas in contrahendo matrimonio neglexerit, eisdem subiiciatur pœnis: non enim dignus est, qui Ecclesiæ benignitatem facilè experiatur, cuius salubria præcepta temere contempserit. Si verò solennitatibus adhibitis, impedimentum aliquod postea subesse cognoscatur, cuius ille probabilem ignorantiam habuit, tunc facilius cum eo, & gratis dispensari poterit. In contrahendis matrimoniis, vel nulla omnino detur dispensatio, vel rarò, idque ex causa, & gratis concedatur. In 2. gradu nunquam dispensetur, nisi inter magnos Principes, & ob publicam causam. Ita Concil.

6 *Int.* Requiriturne causa ad dispensandum in matrimonij impedimentis? *Resp.* Dico primum. Summus Pontifex valdè dispensat in toto iure humano, etiam ab Apostolis constituto, vel à Conciliis Ecclesiæ generalibus. Ita D. Thom. *quodlib. 4. articul. 13.* Glossa communiter recepta *cap. Proposuit. de concess. præben.* Ratio est, quia Summus Pontifex est super omne ius humanum, & super statuta Conciliorum, ut cum communi docet D. Thom. *Opusc. 19. cap. 3. & in 4. sent. dist. 29. Turrec. 2. cap. 93. Ferr. contra gent. lib. 4. cap. 76.* Et ratio est optima, quia caput in corpore est super membra, pastor est super oves: sed Papa est caput Ecclesiæ, est pastor ouium Christi, ut docet Conc. Chalcedonense in epist. ad Leonem, ut habetur *c. Vbi periculum. de elect. in 6.* Deinde, quia est Christi vicarius, & ab eo immediatè, non ab Ecclesiâ habet potestatem, ut decernit Concil. Florent. *sess. ultim.* Sed hac de re Theologi 2. 2. cum agunt de Rom. Pontifice. Ideo quamuis Concilium generale vellet auferre à Papa potestatem dispensandi circa Concilij decreta, nihil efficeret. ut notat Turrecrem *lib. 3. de Eccles. cap. 52. Victor. de potest. Papæ, & Concil. prop. 5. Cord. in quæst. lib. 4. q. 8.* Dico secundum: Summ. Pontifex dispensando sine causa in statutis Canonis Conci

Conciliorum peccat quidem venialiter, aut lethaliter, iuxta materiam grauem, aut leuem super qua dispensatur. Ita. D. Thom. 1.2. q. 79. art. 4. Victor. de potestat. Pap. & Conc. prop. 7. Couar. de matr. cap. 6. §. 9. num. 7. Nam illi data est potestas in ædificationem. Et isteo peccat, qui scienter ab eo iniustam petit dispensationem, quia cooperatur illius peccato. Ita Gl. c. Non est, de voto, communiter recepta, Caiet. 1.2. q. 99. a. 5. Qui tamen vitur dispensatione facta in iure humano, peccat tantum venialiter, nisi sequatur graue scandalum, vel damnum tertij. Ita Sot. lib. 1. iust. quæst. 7. art. 3. Couarr. proximè. Caietan. verb. dispensatio. Ratio est, quia iure naturali tenetur pars se conformare toti, patique legem, quam omnes alij patiuntur, quod adeo à natura ipsa edoctum est, ut illius vox sit apud Senecam in Troade. *Ferre quam sortem patiantur omnes, nemo recusat.* Dixi, in iure humano, & in statutis Canonicis Conciliorum, quia in his, quæ sunt de iure diuino, quale est votum, iuramentum, matrimonium ratum, in quibus supra dixi posse Papam dispensare; dispensatio sine causa est nulla, peccatque lethaliter, qui ea vitur, ut docent cum communi Sot. & Caiet. locis citatis.

7 Int. Quæ est legitima causa dispensandi in matrimonio? Resp. Supposita doctrina Victor. de potestat. Papæ prop. 12. quod semper in dispensationibus attendendum sit bonum commune, neque faciendæ cum boni communis detrimento, ut docet D. Thom. 1.2. q. 97. art. 4. ad 1. & q. 100. art. 8. & 2.2. q. 88. art. 14. facit aliquando ad bonum commune, ut cum aliquibus ex causa dispensetur, ut in matrimonio iam contracto veri coniuges efficiantur. Causa igitur sufficiens est scandalum, quod sequeretur ex separatione contrahentium. Ita Cou. de matrim. 4. p. §. 10. n. 13. Est proles suscepta ex consanguinea bona fide, & ignoranter, quod consanguinea esset. Ita c. Quia circa. de consang. adiuncto cap. Cum haberet, de eo, qui duxit in matr. vbi Ab. & Ioann. Andr. postea declarauit Concil. Trident. sess. 44. cap. 5. Est ipsum matrimonium bona fide contractum à consanguineis impedimenti ignaris, & consummatum sine prolis euentu. Ita apertè Concil. Trid. Si verò solemnitatibus adhibitis impedimentum aliquod postea fuisse cognoscatur, cuius ille probabilem ignorantiam habuit, tunc facilius cum eo, & gratis dispensari poterit. Causæ verò ad dispensandum, ut contrahant consanguinei, qui non-
dum

dum contraxerunt, tres sunt præcipuæ. Prima est angustia loci, ubi contrahentes habitant, quando non inuenitur alter paris conditionis, & nobilitatis. Secunda, quando diues eiusdem loci vult consanguineam pauperem ducere, vel indotatam, assignando vxori dotem. Tertia, quando oportet ad componendas graues inimicitias, vel ad sedandas rixas acerbæ, vel ad lites componendas. Ita Nauar. *cap. 22. num. 87. Instruct. 2. p. cap. ultim. tit. de petend. dispensat.* Circa dotis incompetentiam notare oportet eam sufficere respectu personarum eiusdem loci, ideo licet in vicino loco non dentur consanguinei, qui velint foeminam talem pauperem, vel indotatam accipere coniugem, non proinde vitatur dispensatio, sed tenet, & est bona. Ita declarauit Congregatio Cardinalium circa dispensationem in 4. gradu consanguinitatis. Imò declarauit in oppidis, & ciuitatibus propter ciuium paupertatem, & in aliis locis propter vicinorum cognationem posse dispensari etiam in tertio gradu. Quoniam verò hac in re certa regula statui nequit, causæ iustitiæ, & sufficientia relinquitur prudentis iudicio dispensantis perpenſis omnibus circumstantiis appositis, Ita Arm. *dispensatio. n. 14.* & Sylu. *ibidem. q. 1.*

8 *Int.* Quæ conditiones, seu circumstantiæ apponendæ sunt in petenda dispensatione circa gradum consanguinitatis mixtum, seu duplicem? *Resp.* Neceſſe est ad validitatem dispensationis, vt vterque gradus explicetur. Est autem gradus mixtus, seu duplex, cum ab eodem stipite descendunt contrahentes æquali gradu, seu distantia per lineam paternam, & maternam, vt quando v.g. patres sunt fratres, & matres sunt sorores. Ita explicat Cou. *de matrim. 2. p. c. 6. §. 10. num. 12.* Ratio est, quia difficilior tunc est dispensatio: deinde, quia gradus mixtus, seu duplex, non intelligitur sub gradu absolute, vt habetur *c. fin. de simon. & l. 2. ff. de verb. significat.*

9 *Int.* Quæ conditiones, seu circumstantiæ apponendæ sunt in petenda dispensatione? *Resp.* Olim sufficiebat mentio solius gradus remotioris, quamuis propinquior esset prior gradus. Ita Glof. *c. Quod dilect. de consan. & affinit. ibid.* Ab. Insuper in *c. fin. de simon.* Fel. notat. Cou. *de matrim. 2. p. c. 6. §. 10. nu. 12. ex Constit. Clem. VI. incipiente, Nuper.* Ratio erat, quia quando consanguinei distant inæquali gradu à stipite,

quo remotior distat, eodem gradu distant inter se, per *c. fin. de consanguin.* & ita loquitur Tolet. *lib. 7. cap. 5. num. 6.* Postea Pius I V. irritam declaravit dispensationem, in qua non fieret mentio utriusque gradus. Atque hoc attento iure, Molin. Theologus *tom. 1. iur. tract. 2. disp. 161. §. illud tamen*, utriusque gradus exigit mentionem. Vltimò Pius V. constitutione propria edita anno 1566. die 20. Augusti, cui apposuit titulum, declaratio constitutionis Pij IV. declaravit hanc Pij IV. constitutionem. Statuit igitur Pius V. non esse necessariam mentionem utriusque gradus, nisi persona propinquior sit in 1. gradu, sed iubet, ut post obtentas literas dispensationis, obtineantur alix literæ declaratorix super gradu propinquiori. Ita annotavit Nauar. *cap. 22. num. 86. Gutter. in can. qq. cap. 15. num. 3.*

10 *Int.* Estne in petitione dispensationis cum consanguinea, vel affine, exprimenda copula cum eadem habita? *Resp.* Maximè. Ita habet stylus Curix, declaravitque congregatio Cardinalium. Solent enim hæc verba in dispensationibus apponi, dummodò copula non intercesserit.

11 *Int.* Non est habita copula supradicta ante expeditionē literarū dispensantium, & ideo, nec facta est de copula mentio: sed habita fuit post expeditionem literarum, antequam præsentarentur Episcopo proprio; rogo an valeant tales literæ dispensantes? *Resp.* Dupliciter fit huiusmodi dispensatio: nimirum aut graciosè ab ipso Papa immediatè dispensante: aut mediatè per commissionem quâ Papa delegat potestatem Ordinario proprio impetrantium dispensandi cum illis. Ita loquitur Conc. Trid. *sess. 22. c. 5. de reso.* dispensationes, inquit; quacunque auctoritate concedendæ, si extra Romanam Curiam committendæ erunt, committantur Ordinariis illorum, qui eas impetraverint: ex verò, quæ graciosè conceduntur, suum non sortiantur effectum, nisi prius ab eisdem tanquam delegatis Apostolicis, summarie tantum, & extraiudicialiter cognoscatur expressas preces surreptionis, & obreptionis vitio non subiacere. Hoc posito dico sic. Si dispensatio fiat primo modo, tenet, licet habita fuerit copula, antequam Ordinario literæ præsententur, neque dum factum sit examē de vitio surreptionis, & obreptionis, si re vera tale vitium non sit. Si verò dispensatio fiat secundo modo, & ante Ordinarij dispensationem habita fuerit copula, ea detecta Ordinaris

dinarius nequit dispensare, ea verò occultata, dispensatio est nulla. Ita declaravit Congreg. Cardin. notat Gutter. in qq. can. c. 15. n. 21. Sed hac de re plura apud Cord. q. 45.

CAPVT XVII.

*De Sponsalibus, & denunciationibus.**De Sponsalibus. §. 1.*

- 1 *Vnde ductum est nomen sponsalia.*
- 2 *Quo pacto definiuntur sponsalia.*
- 3 *An sit necesse promissionem sponsalitiā externè declarari.*
- 4 *Quæ externa signa sufficiunt ad declarandam sponsalitiā promissionem.*
- 5 *Quo pacto celebranda sunt sponsalia.*
- 6 *In qua ætate valida sunt sponsalia.*
- 7 *An ad validitatem sponsaliorum malitia suppleat ætatem.*
- 8 *An parentes possint pro filiis minoribus legitima ætate sponsalia celebrare.*
- 9 *Utrum sponsalia celebrata à parentibus pro filio minore, obligent ipsum filium.*
- 10 *Quot, & qui sint effectus sponsaliorum.*
- 11 *De pœna frangentium sponsalia.*
- 12 *Quot sunt genera sponsaliorum.*
- 13 *De sponsalibus conditionatis.*
- 14 *De sponsalibus sub conditione turpi, vel impossibili.*
- 15 *An ex sponsalibus conditionatis nascatur impedimentum publicæ honestatis.*
- 16 *An sit sponsalitiā promissio sub conditione, si Papa dispensauerit.*
- 17 *De sponsalibus factis per metum.*
- 18 *De pœna apposta ei, qui non steterit sponsalitiis promissionibus.*
- 19 *De arribus.*
- 20 *De causis solventibus sponsalia.*
- 21 *Quæ regulæ habendæ sunt in causis, ad soluenda sponsalia.*

INTERROGATIO. Vnde ductum est nomen sponsaliorum? Resp. A spondendo, Ita Vlpian. l. 2. de sponsalib.

Spondere autem, est sponte promittere. Fiebat autem olim hæc sponsalitia promissio per munera data parenti, aut tutori puellæ in vxorem ducendæ. Ita *L.1.Cod.si nupt.ex rescript.pet.* Sic habetur *1.Reg.18.* respondisse Saulem Regem Dauidi nupturo Micholi filiæ suæ, si gigantem occidisset, cum ad nuptias declinandas inopiam causaretur Bethlemiticus pastor. *Non habet Rex sponsalia necesse,* (id est, munera pretiosa, quæ olim dabatur Regibus, cum filias spondebant) *nisi tantum centum præputia Philistinorum.* Fiebat etiam per stipulationem. *L.1.& 2.de sponsalib.& c.Nostrates.3.q.5.* Sponsus enim dabat fideiussores, seu sponsores promissæ fidei. Ita D. Thom. *in 4.d.27.q.1.art.1.* Et ideo ait Isidorus *lib. 9. Etymol. c.ultim.* sponsum sic dici, non quia promisit, sed quia sponsores dedit: similiter & sponsa eisdem dabat sponsores. Nunc autem hæc promissio sponsalitia celebratur per contractum inter sponsam & sponsum: celebratur autem hic sponsalitiuſ contractus vno è quatuor modis. Vel simplici promissione de contrahendo matrimonio. Vel datis arrhis de non recedendo à contractu. Vel dato annulo sub arrha. Vel etiam addito iuramento de stando promissis. Ita Albert. Magn. *in 4.d.27.a.15.* & ib. D. Thom. *q.1.art.1.* Durand. *q.3.* Palud. *q.1.num.10.*

2 *Int.* Quo pacto definiuntur sponsalia? *Resp.* Sponsalia sunt futurarum nuptiarum mutua promissio. Ita Alb. Magn. *in 4.d.27.art.12.* ib. D. Th. *q.1.art.1.* Dur. & Palud. habetur *c. Nostrates.30.q.5.& L.1.de sponsalib.* Quoniam verò hæc sponsalitia promissio, & celebratio fieri potest validè, & inualidè: cum autem inualidè fit, sponsalitia non debet nuncupari, ideo ex ætius definiuntur sponsalia, viri, & mulieris nullo naturæ, nec legis impedimento inhabilium de futuro matrimonio contrahendo promissio.

3 *Int.* Oportetne ad valorem, & obligationem huius promissionis, vt externè declaretur? *Resp.* Oportet. Ita D. Thom. *2.2.q.87.art.1.* Nam Deus intuetur cor: homo autem quæ foris patent.

4 *Int.* Quæ externa signa sufficiunt? *Resp.* Sufficiunt quæcunque verba, quicunque nutus, quæcunque signa. Ita habetur *c.pen.& ult.de sponsalib.* Notant ib. Abb. & Præpositius: habetur item *c.unico. §.1.de despons. impub. lib.6.*

5 *Int.* Quo pacto est hic cōtractus celebrādus? *Resp.* Publicè. Ita decreuit Innoc. III. *in c. Cum inhibitiō. de clandest. desponsat.*

6 *Int.*

6 Int. Quæ ætas requiritur ad validitatem contractus sponsaliorum? *Resp.* Septennium. Ita decernitur iure Cæsareo. *l. de sponsalib. 2. ff. de sponsalib.* Item iure Canonico. *cap. Literas. c. Accessit. cap. ad dissoluendum, de despons. impub. cap. Ex parte, de restitut. spoliat.* Requiritur autem septennium, tam in sponso, quam in sponsa. Ita Nauar. *in sum. cap. 22. num. 29.* cum communi Doctorum. Septennium autem oportet esse completū. *cap. literas. cap. sequent. de despons. impub.* Notant Angel. *sponsalia. nu. 5. Gloss. in Clemen. fin. de ætat. & qualitat. communiter recepta.* Ratio est, quia ad hanc promissionem requiritur rationis perfectus usus: hic autem non nisi septennio aduenire solet.

7 Int. Rogo igitur: si constet septennio completo adhuc rationis usum non aduenisse; vel ante illud expletum iam adesse, an septennio completo, adhuc inualida sint sponsalia: eo verò non adhuc expleto, teneant? *Resp.* In priori difficultate, inualida esse sponsalia tenuit Durand. *dist. 27. quæst. 3.* aitque ad sponsaliorum valorem non sufficere quemuis rationis usum, sed qui polleat notitia futurorum. Consonat ib. D. Thom. *quæst. 2. art. 2. ad 2.* dum ait, maiorem ad sponsalia requiri usum rationis, quam ad peccandum mortaliter. In altera difficultate, negant esse vera sponsalia Ab. *cap. Iuuenis, de sponsalib.* Angel. *verb. sponsalia. §. 5.* Brunel. *tract. de sponsalib. conclus. 4.* Carrer. *lib. 1. de sponsalib. cap. 7.* Ratio eorum est, quia in iure absque vlla exceptione requiritur septennium: nam in ætate requisita ad matrimonium statim excipitur, nisi malitia suppleat ætatem. Ita *cap. A nobis eas attestaciones. c. Tua nos. de despons. impub. & c. unico. eodem tit. in 6.* Affirmant tamen D. Thom. *in 4. d. 27. quæ. 2. art. 2. ad 7.* Sot. *ibid. 2. art. 2. ad 3.* D. Anton. *3. p. tit. c. 18.* Syluest. *spons. quæst. 2.* cum Hostiensis & Innocent. quos citat Gloss. *cap. Iuuenis. de sponsalib. & cap. 1. 30. quæst. 1.* Ratio eorum est, quia secundum Philosophum *lib. 1. Physicor.* Quod parum distat, nihil distare videtur. In iure verò parum, & nihil æquiparantur. Quæ quidem pars affirmans decernitur ab Eugenio *cap. Iuuenis*, citat. rogato de eadem quæstione.

8 Int. Possuntne parentes, tutores, curatores, consanguinei curam infantium gerentes, sponsalia contrahere pro filiis minoribus septennio? *Resp.* Possunt, sed tantum urgentissima causa interueniente. Ita Nicolaus Papa *in cap. Ubi non est, de*

desponsat. impuber. Ita Barboza 2. pag. 890. Ad hæc verò per parentes sponsalia contrahenda, non requiritur in infante certa ætas, sed quævis sufficit. Ita *L. in sponsalib. 2. de sponsalib.* cùm ait ad sponsalia non requiri certam ætatem. sic interpretatur legis mentem *Sot. in 4. d. 27. q. 2. art. 2. ad 1.*

9 *Int.* Hæc sponsalia contracta à parentibus ante septennium puerorum obligantne ipsos pueros? *Resp.* Minimè quidem, sed oportet, vt ipsi pueri septennio expleto, liquidò ostendant se in talia sponsalia consentire. Ita decrevit Bonif. VIII. c. unico de *desponsat. impub.* Neque tenentur talibus præhabitis sponsalibus consentire ex iustitia, tenentur tamen ex debito honestatis, vt ibid. decernitur. Quod idem dicendum est, si sponsalia ab ipsis minoribus sint celebrata.

10 *Int.* Quot, & qui sunt effectus sponsaliorum? *Resp.* Duo sunt. Primus est obligatio in sponsis, ad contrahendum matrimonium promissum. *cap. ex Liter. cap. Sicut. cap. Requisiuit, de sponsalib.* Quanquam sponsalia non fuerint iurata. *cap. de illis. 1. de desponsat. impub. cap. Iuramenti. 22. quæst. 4.* Ita Alber. Magn. in 4. d. 27. art. 14. Palud. ibid. quæst. 1. num. 13. Sylu. *sponsalia. quæst. 4.* D. Thom. Et ideo peccat mortaliter, qui legitima causa minimè excusante, recedit à fide sponsaliorum simplicium. Ita D. Thom. in 4. d. 27. q. 2. art. 1. ad 2. D. Anton. 3. p. tit. 1. cap. 18. §. 2. Tenentur insuper ad damna restituenda subsecuta ex fracta fide. Ita communiter Doctores. Adeo autem obligat huiusmodi simplex promissio, vt non dissoluatur per aliam alteri cum iuramento factam. Ita Abbas, Innoc. Ioan. Andr. *cap. Sicut. de sponsalib.* D. Anton. 3. par. tit. 1. cap. 18. §. 2. Sylu. *sponsalia. quæst. 7.* Couar. 1. p. de *sponsal. cap. 4. num. 3.* Ratio est, quia iuramentum non est vinculum iniquitatis; iniquum autem est, non stare promissis. Secundus effectus est impedimentum publicæ honestatis. *cap. Sponsam. cap. Iuuenis, de sponsalib.* Hoc autem impedimentum ex iure nouo Conc. Trident. sess. 24. c. 3. oritur ex solis validis sponsalibus, & primum gradum non excedit. Gradum verò intelligo versus omnem lineam, rectam, inquam, & transversam. Iuxta verò decretum Bonifacij VIII. c. 1. de *desponsat. in 6.* oritur ex solis certis sponsalibus.

11 *Int.* Qua pœna afficiuntur à iure frangentes sponsalia? *Resp.* Iubentur cogi Ecclesiastica censura ab Alexan. III. *cap. Ex literis Syluani. de sponsalib. & c. Præterea. 2. eodem tit. si sponsalia*

salia iurata fuerint. Hanc tamen per censuras Ecclesiasticas coactionem sustulit Lucius III. Alexandri successor. *c. Requisit. de sponsalib.* Et ex hac contraria decisione abierunt Doctores in oppositas opiniones, teste D. Thom. *in 4. d. 27. q. 2. art. 1. ad 2.* Quæ quidem contentio aptè componitur dicendo non esse compellendum censuris Ecclesiasticis renuentem sponsum, cum ex futuro matrimonio probabiliter timentur grauia damna, nimirum vxoricidium, & similia. Ita D. Ant. 3. *p. tit. 1. c. 18. §. 2.* Brunel. *de sponsalib. concl. 16. declar. 4. num. 9.* Sotus proximè, Couar. 1. *de sponsalib. cap. 4. num. 5.* poena tamen semper est apponenda. *c. De illis. de sponsalib. & c. Inter vnum. eodem tit.* Quod quidem idem dicendum de sponsalibus simplicibus.

12 *Int.* Quot sunt genera sponsaliorum? *Resp.* Sponsaliorum alia certa; alia incerta. Certa sunt, quæ fiunt vni tantum puellæ. Incerta sunt, quæ fiunt vni è pluribus. Alia absoluta: alia conditionata. Absoluta fiunt, cum absolutè promittuntur, Conditionata verò, cum sub conditione celebrantur.

13 *Int.* Quid censes de sponsalibus conditionatis, suntne vera sponsalia? *Resp.* Sponsalia conditionata, si conditio appositæ est honesta, & utilis, nec aduersatur substantiæ matrimonij, impleta conditione, sunt vera sponsalia. Ita D. Thom. *in 4. d. 27. q. 2. art. 1. ad 4.* Ant. 3. *p. tit. 1. c. 18. §. 2.* Sot. *in 4. d. 29. q. 2. art. 3. conc. 3.* Habetur *c. de illis. c. Per tuas. c. Super eo. de condi. apposit.* Quando verò conditio appositæ aduersatur substantiæ matrimonij, sponsalia sunt nulla, etiam subsecuta conditione. Ita decernitur *c. fin. de conditionib. apposit.*

14 *Int.* Euenire potest, ut apponatur conditio turpis, & inhonesta; v* apponatur etiã conditio impossibilis, quæro, quid censeas de talibus sponsalibus? *Resp.* Communis opinio docet condiciones turpes habendas esse pro non appositis, & iudicandum talia sponsalia esse vera, & valida. Ita D. Tho. & Ant. citati. Rich. *in 4. d. 28. art. 2. qu. 2.* Durand. *qu. 2. ad 1.* Decernitur *cap. fin. de cond. apposit.* Idem decernitur de conditione impossibili. Verumtamen cum promissio in foro poli non extendatur vltra intentionem promittentis, attendenda est huiusmodi intentio; ac proinde si promittens nullatenus se voluit obligare, nisi impleta conditione turpi, vel impossibili, ea non impleta, sponsalia sunt nulla, impleta tamen, tenent, & valida sunt. Quidquid in foro fori alij iudicent.

15 *Int.* Nasciturne ex sponsalibus conditionatis, ante impletam conditionem, impedimentum publicæ honestatis? *Resp.* Minimè. Ita habetur *c. 1. de sponsalib. lib. 6.*

16 *Int.* Estne sponsalitia promissio facta consanguineo sub conditione, si Papa dispensauerit? *Resp.* Negant Innocent. Cardin. Abbas, & communiter iurisperiti in *cap. Super eo. de cond. appof. Sylu. matrim. 3. q. 9. Vict. de matrim. num. 258.* Veruntamen eorum rationes sunt improbables. Aiunt enim talia sponsalia esse prohibita. Deinde illam conditionem censeri à iure impossibilem, quippe quæ pèdeat à principis voluntate iuxta *L. Continuis. §. Cum quis. ff. de verb. signif.* Affirmant tamè Adrian. *de matrim. q. 10. ad finem, Couar. de matrim. 2. p. c. 3. n. 7. Viuald. de matrim. n. 55.* probatur, quia illa conditio est honesta, & licita, & Summo Pontifici repræsentata, interueniente causa suscipitur, & in ea dispensatur; ergo si apponatur, & impleatur, valebunt sponsalia.

17 *Int.* Valentne sponsalia facta per metum? *Resp.* Dico primum. Sponsalia simplicia facta per metum grauem, cadentem in constantem virum, nulla sunt. Ita D. Thom. 2. 2. q. 89. art. 7. ib. Caiet. Iurisperiti *c. Debitores. de iureiuran.* Ratio est, quia omnis simplex promissio extorta per hunc metum, inualida est. Dico secundum. De sponsalibus iuratis extortis per metum grauem, cadentem in constantem virum, acriter pugnant Doctores. Quod non valeant, defendit Sot. in 4. d. 29. q. 1. art. 3. §. aliud deinde. aitque tale iuramentum nullatenus obligare: sicuti non valet professio religionis, neque ipsummet matrimonium, si fiant cum tali metu. Quod valeant, defendit D. Anton. 3. p. tit. 1. c. 18. §. 1. *Glof. c. Abbas. Couar. 2. p. de sponsalibus. c. 3. §. 5. num. 4. Molin. tom. 1. de iust. tract. 2. disput. 149.* Ratio eorum est, quia cum iuramentum ex parte iurantis absque culpa impleri potest, implendum est. Ideo *c. Debitores. de iureiur.* tenet iuramentum de soluendis vsuris. Denique *cap. si verò. eodem. tit.* expresse habetur iuramentum, etiàm per metum extortum valere, petendamque esse dispensationem illius.

18 *Int.* An celebrari possunt sponsalia sub pœna soluenda ab eo, qui promissis nō steterit? *Resp.* Minimè. Ita prohibetur *c. Gemma. de sponsalib. l. Neque ab initio. Cod. de nupt. l. final. Cod. de sponsalib.* Ratio est, quia hic contractus debet esse maximè liber. *cap. Requisiuit. cap. Gemma. de sponsalibus.* hanc autem

autem libertatem adimit metus pœnæ. Dico *secundum*. Non tantum contrahentes prohibentur à iure sponsalia celebrare sub pœna à seipsis soluenda : sed etiam prohibentur contrahentium parentes, & consanguinei suscipientes pœnam à se ipsis soluendam. Ita Panor. *cap. Gemma*. cit. Bartol. & communis in *L. Tiffia. de verbor. oblig.* Angel. *sponsal. §. 14.* Prohibentur item valdè amici. Ita Angel. proximo loco, & Brunel. *de sponsalib. concl. 16. declarat. 4.* Ratio eorum est, quia auctore Bartolo in dict. *L. Tiffia*, propinquus, & valdè amicus æquiparantur. Possunt tamen pœnam huiusmodi apponere extranei. Ita Angelus & Brunel. proximè citati. Gloss. in *L. Tiffia*. Ratio est, quia adhuc metus pœnæ soluendæ à propinquis, & valdè amicis, non finit consensum valdè liberum : finit verò metus pœnæ soluendæ ab extraneis. Ideo promissio pœnæ facta à parentibus, propinquis, vel amicis sponsi, aut sponsæ, non obligat in conscientia. Ita D. Th. in *4. d. 29. quæst. 2. art. 2. ad 4.* D. Anton. *3. p. tit. 1. cap. 18.* Caiet. *verb. sponsalia*. Neque firmatur, seu conualescit ex iuramento, sub quo fit. Notat Brunel. ex Bartolo. Ratio est, quia illa appositio pœnæ, facta contra legem, ad minimum est peccatum veniale, ut censet Caiet. *verb. sponsalia*. iuramentum verò non est vinculum iniquitatis, ideo nec illicitæ promissionis. Oppositum censuit Molina *tom. 1. iust. tract. 1. disput. 151.* à paritate rationis de iuramento facto latroni de reddendo pretio, pro redimenda vexatione, sub iuramento promisso. Veruntamen non est firmum fundamentum, quia illa promissio facta latroni; non est deficiens ex prohibitione legis humanæ, aut diuinæ: nulla enim lex prohibet promittere latroni, pro redimenda vexatione: sed solum deficit ex deficiente libero consensu necessario ad obligandum promittentem. Promissio autem pœnæ, de qua agimus, est nulla ex prohibitione, contra quam peccat, qui pro stando promissis pœnam apponit.

19 *Jnt.* Licetne apponere arrham, hoc est, pignus complendi matrimonium, ut notat Gloss. *cap. Geminianus*, & Doctores in *L. Tiffia*? *Resp.* Licet. Ita habetur *L. Arrhus. & L. si. Cod. de spons.* Potest promitti arrha utrinque, hoc est, ab sponso, & sponsa. Ita Bald. Arerin. & Iason in *L. Tiffia*. Couarr. *de matrim. 2. p. cap. 3. §. 7. num. 7.* Potest promitti in qualibet quantitate. Ita Imola, & Iason in *L. Tiffia*. & Couar. citatus, *num. 9.* Completo matrimonio, arrha redit ad dantem. Ita Præpos. & Ab. in *cap.*

Geminianus. Armil. *ver. arrha*. Sylu. *ibid. quæst. 9*. Qui recipit arrham, & frangit fidem, reddit duplum. *L. arrhus. L. Mulier. Cod. de sponsalib.* Nisi sit minor viginti quinque annis: si enim minor est, simplum reddere permittitur. *L. fin. Cod. de sponsalibus*. Dicitur verò solus ille frangere fidem, ex cuius culpa, & malitia matrimonium non est secutum. Hanc de arrhis doctrinam secundum commune ius, & acceptionem Doctorum, tradit *D. Anton. 3. p. tit. 1. cap. 8. Syl. sponsal. quæst. 9. Angel. num. 17*. Dixi, secundum ius commune: nam secundum ius peculiare Lusitanæ, & Castellæ appellatur arrha donatio liberè facta ab vno alteri sponso ante, vel post matrimonium ratum, non consummatum; eo autem consummato, donatus acquirit ius sibi, & suis hæredibus. Ita *lib. 4. Ord. Lusitan. tit. 9*. in antiquis, & in novis *lib. 4. tit. 47*. In Castella ista donatio non valet vltra decimam partem bonorum facta quoad excessum. Notat *Gomez L. 50. Tauri. n. 12*. In Lusitania verò vltra tertiam partem dotis. *lib. 4. Ordin. tit. 9. §. ult.* & in novis *lib. 4. tit. 47. §. fin.* Sed de hac re latius *Couarr. de matrim. 2. p. cap. 3. §. 7. num. 12*.

20 *Int.* Quibus de causis soluuntur sponsalia? *Resp.* Causæ, quæ soluunt sponsalia, multiplices sunt. Prima est mutuus sponsi, & sponsæ consensus volentium se seiungere. Ita habetur *cap. 2. de sponsalib.* quamuis sponsalia sint iurata. Ita *Palud. in 4. d. 27. quæst. 1. num. 18. Durand. q. 3. Armil. verb. sponsal. n. 12. Nauar. cap. 22. num. 25. Card. c. 2. de sponsalib. Couar. 2. p. de spons. cap. 5. num. 1*. Ratio est, quia illud iuramentum factum fuit dependenter à voluntate alterius, pro ipsius vtilitate: & ideo renuente alterius voluntate, & cessante illius vtilitate, iuramentum non tenet. Si verò consensus non sit mutuus, sed ex vna tantum parte, hoc est, si sponsus solus, vel sponsa sola dicat, nolo tibi nubere, nube cui volueris, alter quidem potest, cui velit, nubere: qui verò ex malitiâ dissensit, minimè, sed adhuc ad alias nuptias pendet ex consensu tacentis, & non consentientis in discessum. Notat *Sot. in 4. d. 27. quæst. 2. artic. 5. §. quintus casus*. Secunda causa est, ingressus religionis. Nam ingrediente vno sponforum religionem, suscipiendo habitum religionis, qui manet in sæculo, potest alteri nubere. Ratio est, quia per ingressum illum satis ostendit sponsus se velle à sponsalibus recedere. Ita *Nauar. c. 22. n. 26. Sot. d. 27. quæst. 2. artic. 5. ad 5*. Controuertunt tamen Doctores,

an

an per solum ingressum Religionis solvantur sponsalia, etiam quoad sponsum ingredientem vero animo experienti, vtrum sibi liceat profiteri. Absolutè affirmat Maior in 4. d. 27. q. 3. casu 10. Angel. verb. sponsalia. n. 22. Sylu. q. 10. Cordub. quæst. 182. Negat tamen Palud. in 4. d. 27. quæst. 1. num. 23. Gab. in supp. q. 2. ar. 2. casu 6. Rich. ar. 2. q. 4. Durand. 7. 32. Albert. Mag. art. 16. D. Thom. q. 2. ar. 3. ad 1. Armil. num. 12. Couar. de sponsal. 1. p. cap. 5. num. 11. Viguer. c. 16. §. 7. vers. 7. Fundamentum partis affirmantis est æquitas rationis, nam sicut per professionem soluitur omnino matrimonium ratum ex vtraque parte, ita æquum videtur, vt per ingressum religionis solvantur sponsalia vtrinque. Fundamentum verò negantium Doctorem sumitur ex libera asserentium congruitate, sine textu, quia ad hoc priuilegium non adducitur. Tertia causa, est susceptio sacri ordinis. Ita Palud. in 4. d. 25. quæst. 1. num. 21. Sot. q. 2. ar. 5. col. 2. Sylu. verb. spons. q. 10. Nauar. cap. 22. n. 27. Ratio manifesta est, quia sacer ordo est impedimentum dirimens matrimonium contrahendum, hoc est, reddit inhabilem omnino sacro ordine initiatum ad nuptias, vt decernit Conc. Trid. sess. 24. can. 9. tum ratione voti annexi iuxta consuetudinem Ecclesiæ Latinæ c. unico. de voto. lib. 6. c. Si quis eorum. d. 32. tum ratione ipsius sacri ordinis, vt notat D. Thom. 4. d. 37. qu. 1. art. 1. Sylu. matrim. 8. quæst. 12. Pet. Sot. de matr. lect. 3. Ergo sponsalia per susceptionem sacri ordinis omnino solvuntur, quia nequeunt cogere ad nuptias contrahendas. Veruntamen peccat grauitur, qui inscia, aut inuita sponsa, sacros ordines suscipit, seque reddit inhabilem ad sponsalitiæ promissionem implendam. Ita Palud. in 4. d. 27. quæst. 1. n. 21. Gab. q. 2. a. 3. D. Ant. 3. p. tit. 1. cap. 18. §. 2. Sylu. spons. qu. 7. Et ideo in foro externo datur actio sponsæ contra sponsum ordinari volentem. Neque satis est ad hanc obligationem soluendam votum castitatis annexum ordini sacro, cuius oppositum videtur asserere Sot. loco proximo, quia obligatio promissionis factæ mulieri, anteferenda est statui cœlibatus, cuius obligatio in sponsalibus superuenit, quia non placet Deo promissio facta sibi, contra promissionem ante factam homini. Quarta causa, est votum simplex castitatis nuncupatum ante ipsa sponsalia. Ita habetur c. Rursus, qui clerici, vel vouentes. Vtrum verò tale votum castitatis simplex soluat sponsalia, ante illud facta, non leuis est dubitatio: affirmat Sot. dist. 27. lib. 2. art. 5. D. Anton.

in c. de illis, de despons. impub. Direct. iuris apud Syl. *sponsal. n. 7.* Ratio eorum est, quia in promissione sponsaliorum intelligitur illa conditio, nisi impediatur melius bonum; bonum autem est melius seruare castitatem, quam nubere. Negant tamen Archid. *c. Rursus, citato, Palud. in 4. dist. 27. quæst. 23.* Gab. *quæst. 2. art. 3. cas. 6.* Arm. *verb. sponsal. num. 12.* Nauar. *cap. 22. n. 27.* D. Ant. 3. *p. tit. 1. cap. 18. §. 1.* ex opposito fundamento, quia non est electio melioris status coram Deo in præiudicium tertiæ personæ. Dico tamen sponsam deobligari à fide data per tale superueniens votum factum à suo sponso. Ratio sumitur ex onere per tale votum illi subsequutum: nam sponsus nequit deinde petere: graue autem onus est foemineæ verecundiæ semper debitum petere: ab hoc igitur onere, ex sponsi voluntate tantum orto, se poterit sponsa liberare, alteri nubendo. Dubitant verò Auctores, an pro implendo voto teneatur sponsus profiteri religionem, si sponsa nolit liberum illum dimittere in sæculo; ut in coelibatu viuat. Affirmat Palud. loco citato, D. Anton. proximè, Nauarr. *cap. 12. num. 80.* Ratio est, quia aliter nequit perfecte implere suum votum, cum teneatur nubendo debitum reddere vxori exigenti. Quinta causa est, subsequens post sponsalia cum Bertha, matrimonium ratum cum Ioanna. Ita habetur *c. Sicut ex liter. c. Si inter virum. de spons.* Dubitant auctores, an mortua vxore, & viua adhuc priori sponsa, teneatur sponsus illi nubere? Affirmat Veg. *in summ. lib. 6. casu 125.* cum aliis, quos citat. Negant tamen Palud. *in 4. d. 28. qu. 1. num. 8.* Armil. *sponsal. n. 7.* aiuntque sponsaliorum vinculum per subsequens matrimonium fuisse omnino solutum. Sexta causa est, fornicatio sponsæ sponsalibus superueniens: nam propter eam dissoluuntur sponsalia, quoad obligationem sponsi, etiam iurata. Ita habetur *c. Quemadmodum. de iureiurand.* quamuis sponsa fuerit per violentiam oppressa. Notat Gloss. cit. *c. Quemadmodum.* Panorm. & Andr. ib. Angel. *verb. spons. num. 92.* Sylu. *qu. 10. dist. 7.* Sot. *d. 17. q. 2. art. 5. casu 7.* Ratio sumitur ex graui iniuria sponsi: itidem ex onere irregularitatis, quæ inde oritur, ut tenet D. Thom. *in 4. d. 33. q. 3. art. 1. ad ult.* notat Couar. *de sponsalib. 1. p. c. 5. n. 2.* neque obstat innocentia sponsæ vi corruptæ, quia etiam propter causas superuenientes sine culpa sponsæ dissoluuntur sponsalia, veluti propter cæcitatem, ut notat Palud. *n. 31.* Maior, Sylu. Sot. & Nauar. ubi supra. Dissoluuntur etiam

etiam sponsalia propter fornicationem, sponsalia præcedentem, quem tempore contractus sponsus ignorabat. Ita D. Ant. 3. par. tit. 1. cap. 18. §. 1. Ang. Arm. Sot. loc. citat. Ratio est, quia etiam illa præcedens fornicatio est notabiliter ignominiosa sponso. Dissoluantur etiam per fornicationem spiritualement, hoc est, per apostasiam à fide. cap. Non solum. cap. Iam nunc. 28. quæst. 1. Tradunt Palud. sup. num. 19. Anton. Syluest. Sot. Nauar. vbi sup. Angel. verb. sponsalia. §. 30. In hac verò causa æquales sunt sponsus, & sponsa, vterque enim potest à sponsalibus recedere: siue enim fornicatio sponsi semel subsequatur promissionem, siue aliquoties præcesserit, sponsum reddit suspectum de non seruanda fide in posterum. Ita D. Thom. in 4. d. 27. q. 2. art. 3. ad 6. Durand. q. 3. Palud. & Vivald. de sponsalibus. num. 33. Septima causa est, superueniens affinitas. Ita habetur cap. Si quis sponsam. 27. quæst. 2. cap. Veniens. cap. ex literis. de eo, qui cog. Octaua causa est, orta fama publica de canonico impedimento inter sponso, quæ nequeat veritate extinguui. Ita habetur cap. Super eo, de consanguin. & affinit. Notat ibi Hostiensis cap. Cum in tua. de sponsalibus. Tenet Alb. Mag. in 4. d. 27. art. 16. casu 4. Palud. quæst. 1. num. 27. Angel. verb. sponsal. num. 36. Nauar. cap. 22. num. 27. Hæc autem fama dissoluit sponsalia etiam iurata. Ad sponsalia verò simplicia dissoluenda, sufficit testimonium iuratum vnius personæ fide dignæ, dicentis interuenire inter sponso consanguinitatis impedimentum. Text. expressus in c. Cum tua. de sponsalib. Non causa est, lapsus temporis præfixi in ipso sponsaliorum contractu ad contrahendum: nam elapso termino, ille per quem non stetit, quò minus contraheretur, non tenetur iam ex vi promissionis ad contrahendum. Ita habetur cap. Sicut ex literis, de sponsalibus. Tradit cum communi D. Thom. in 4. d. 27. q. 2. art. 3. ad 2. Palud. q. 1. num. 20. Angel. verb. sponsal. num. 27. sed in hac causa attendenda est intentio sponso promittentium. Decima causa est, negatio dotis promissæ, vel alterius conditionis honestæ appositæ non impletio. Ita Ioann. Andr. c. De illis. de condit. apposit. Sylu. spons. quæst. 10. Angel. num. 32. Sot. distinct. 27. quæst. 2. artic. 5. casu 5. Undecima causa est, fuga, seu discessus vnius sponsi ad aliam longinquam regionem: nam qui manet, potest alteri nubere. Ita habetur c. De illis, de sponsal. & ibid. Panor. Alb. Mag. in 4. d. 27. art. 16. casu 2. Angel. sponsal. num. 26. Nauar. cap. 22. num. 26. Controuertunt autem

Doctores,

Doctores, an sponsus manens statim post discessum possit alteri nubere. In iure ciuili taxatum est expectandi tempus, nimirum biennium pro sponso absente intra eandem prouinciam secundum communem famam, ignorato tamen loco ubi sit: triennium verò pro absente in aliena prouincia. Ita decernitur *L. Sapè. ff. de sponsal. & L. 2. de repud.* In iure verò canonico non est præscriptum tempus; sed standum esse iure Cæsareo, tenent Ioan. Andr. Host. & D. Anton. in *c. De illis*, citato, & Syl. *sponsal. 7. 10. casu 4.* Nam ubi ius canonicum non disponit, standum est iure Cæsareo, vt colligitur ex *cap. 1. de noui oper. nunciatione.* tenentque communiter Canonistæ. Cardinalis autem, & Præposit. in eodem *c. De illis.* Maior in *4. d. 27. quest. 3. cas. 10.* Sot. *quest. 2. art. 5. cas. 10.* Couarr. *de spons. 1. p. cap. 5. n. 7.* Ang. & alij iudicis prudentis arbitrio negotium relinquunt. Quoniam verò Alex. III. in illo *c. De illis*, decernit, sponsis ad alias regiones profectis, liberum esse mulieribus relictis ad alia se vota transferre: crediderim iuris determinationem procedere, cum sponsus ex licentia sponsæ; vel urgente necessitate discessit, cum verò inscia sponsa, seu potius repugnante abiit sponsus occultè, posse sponsam statim ad secundas nuptias transire, ubi scandalum fuerit nullum. Ratio est, quia per illum occultum discessum, vel vetitam absentiam, satis sponsus renunciauit iuri suo de implendis promissis nuptiis, nec dignus est, qui à sponsa expectetur. *Duodecima* causa, est grauissimus morbus superueniens ad sponsalia, vt epilepsia, paralyfis, lepra, morbus Gallicus, abscissio nasi, cæcitas, vel alia superueniens deformitas. Ita habetur *c. Quemadmodum. de iureiuran. c. Literas. de coniug. lepros.* sufficit cæcitas deformis vnius tantum oculi: notat Alb. Mag. in *4. d. 27. art. 16. cas. 3.* D. Ant. 3. p. Nauar. *c. 22. n. 27.* sufficit amissio ea pulchritudinis, vt notabile tædium gignat sponso, magnamque displicentiam, ne nuptiæ malum exitum habeant. Ita D. Thom. in *4. d. 27. q. 2. a. 3. ad 3.* Couar. *de sponsalib. 1. p. c. 5. n. 6.* *Decimatertia* causa, est superueniens inimicitia capitalis. Ita Paulud. Sot. Sylu. locis citat. *Decimaquarta* causa, est atrox sæuitia, vel asperitas morum sponsi, vel sponsæ, antea ignota. Ita Abb. *c. Veniens, qui cleric. vel vou.* Nauar. cum Syl. *c. 22. n. 27.* *Decimaquinta* causa, est superueniens alterius sponsi paupertas. Ita Panorm. *c. Quemadmodum. de iureiuran. Sylu. sponsal. casu 9.* Angel. *n. 33.* Nau. *c. 22. n. 27.* Ratio est, quia in tali promissione

semper

semper intelligitur cōditio, si res in eodem, aut non multum dissimili statu permanserint. Vnde non erit sufficiens ea paupertas superueniens, cum qua adhuc remanet dos sufficiens ad leuanda onera matrimonij: & in hoc sensu vera est sententia Cou. de sponsal. 1. p. c. 5. n. 4. & Gloss. dicti c. Quemadmodum. Decimasexta causa, est reclamatio impuberis post tempus pubertatis (aliqui addunt, post rationis vsum: sed immeritò, quia sponsalia facta ante rationis vsum sunt ipso iure nulla, vt supra iam ostendi num. 6.) itaque si impubes ad annos pubertatis perueniens reclamet, dicatque se nolle stare promissis sponsalibus, sponsalia manent nulla, siue alius velit, siue nolit: Ita decernitur cap. De illis, citat. cap. A nobis. cap. Attestationes. de desponsat. impub. siue aliud sit pubes, siue impubes, & tenent cum communi Abb. & Præpos. cap. De illis, citato. Neque requiritur alia causa, sed satis est sola ipsa voluntaria reclamatio. Ita Panormit. cit. Syluest. sponsal. quæst. 10. casu 12. Armil. num. 13. Angel. num. 37. Hostiensis. c. De illis, præcipuè cum sponsalia non fuerunt iurata, vt tenet Couar. Imo etiam cum fuerunt iurata, vt volunt Palud. Angel. Sylu. Armil. & Sot. in 4. distinct. 47. q. 2. ar. 5. casu. 3. Ratio est, quia ius Canonicum loquitur sine distinctione de sponsalibus, intelligiturque illa tacita conditio in talibus sponsalibus, siue iuratis, siue non iuratis, nisi reclamauerit, cum ad annos pubertatis accesserit.

21 Int. Quot regulæ certæ sunt in causis soluentibus sponsalia? Resp. Duæ. Prima est. Omnis causa superueniens sponsalibus, illa soluit, quæ si à principio extitisset, ea contrahi impediret. Ita Maior in 4. d. 27. q. 3. Sylu. sponsalia. q. 10. Nau. c. 22. n. 27. D. Tho. in 4. d. 27. q. 2. art. 4. ad 3. Secunda est. Causa dirimens matrimonium subsequens, dissoluit sponsalia præcedentia. Ita cum communi notant Palud. in 4. dist. 27. q. 1. n. 29.

De denunciationibus, seu bannis. §. 2.

- 1 Quot denunciationes sunt præmittendæ.
- 2 Quibus diebus sunt faciendæ denunciationes.
- 3 Quando sunt faciendæ denunciationes.
- 4 Quo in loco sunt faciendæ denunciationes.
- 5 An denunciationes sint de essentia matrimonij.
- 6 An Parochus possit dispensare in denunciationibus.

- 7 *An Episcopus & eius Vicarius possit dispensare in denunciationibus.*
- 8 *Ex quibus causis possit dispensari in denunciationibus.*
- 9 *In quibus diebus prohibetur nuptiarum solennitas.*
- 10 *An liceat ante denunciationes postea habendas consummare matrimonium.*
- 11 *An possit dispensari, ut denunciationes fiant diebus feriatis.*
- 12 *Quod peccatum committit, qui contrahit matrimonium ante denunciationes.*
- 13 *Quantum tempus esse debet inter denunciationes, & matrimonium.*

I **INTERROGATIO.** Quot sunt præmittendæ denunciationes, banna appellant Doctores? *Resp.* Tres. Ita Concil. Trid. sess. 24. cap. 1. Concil. Later. cap. Si quibus habetur. cap. Cum inhibito. de clandest. desponsa.

2 *Int.* Quibus diebus sunt faciendæ denunciationes? *Resp.* Tribus diebus festis continuis. Ita Conc. Trid. sess. 24. cap. 1.

3 *Int.* Quando sunt faciendæ denunciationes? *Resp.* Inter missarum solennia. Ita Conc. Trid. sess. 24. cap. 1.

4 *Int.* Quo in loco sunt faciendæ denunciationes? *Resp.* In parochia, ubi habitant contrahentes, si verò habitent in duabus, in duabus faciendæ sunt. Ita fieri præcipitur in Constitutionibus Bracharensis Diocesis tit. 8. constitut. 1. & Conimbricensis tit. 6. const. 2. declarauitque Congregatio Cardinalium.

5 *Int.* Sûntne hæ denuntiationes de essentia matrimonij? *Resp.* Minimè. Ita Rosas in Epitome de suc. c. 2. num. 22. Gutter. de iuram. 1. p. cap. 31. num. 26. Matienzo in Rubr. tit. 1. Sarmiento lib. 1. select. cap. 6. num. 7. Nauar. cap. 22. num. 70. & cap. 16. n. 36. Roland. tom. 3. consil. 93. n. 23. Cenedus in collect. 2. p. collect. 58. num. 2.

6 *Int.* Potéstne Parochus ex causa has denuntiationes omittere, vel pauciores tribus facere? *Resp.* Minimè. Ita Nau. lib. 4. cons. tit. de clandest. denunciat. cons. 1. & in sum. c. 22. n. 70.

7 *Int.* Potéstne Episcopus, aut illius prouisor, seu Vicarius Generalis in his denuntiationibus dispensare, ut vel omittantur omnes, vel pauciores fiant ante matrimonium contractum? *Resp.* Potest. Ita Palud. in 4. dist. 27. quæst. 2. num. 21. decreuitque Conc. Trid. citato loco.

8 *Int.* Ex quibus causis potest Episcopus, aut illius Vicarius

gene

generalis in denunciationibus dispensare? *Resp.* Iuxta Concil. Trident. si timeretur, quod aliqui malitiosè matrimonium impedient. Deinde si nobilis nubit ignobili, diues pauperi, senex adolescentulæ. Ita Palud. in 4.28. quæst. 2. num. 19. Sot. quæst. 1. art. 2. Sylu. matrimonium 6. quæst. 7. Præterea, quando contrahentes habiti sunt pro veris coniugibus, & pudeat detegere impedimentum. Ita citati Doctores, & Segura in direct. c. 14. num. 6. Nauar. cap. 16. num. 38. Denique si instet tempus, in quo prohibetur nuptiarum solennitas.

9. *Int.* In quibus diebus prohibetur nuptiarum solennitas? *Resp.* Prohibetur à primo die aduentus, usque ad diem Epiphaniæ, & à feria 4. Cinerum, usque ad octauam Paschæ inclusiue. Ita præcipit Concil. Trid. sess. 24. c. 10. de reform.

10. *Int.* Licetne illis, cum quibus dispensatum est in denunciationibus, statim consummare matrimonium? *Resp.* Minimè. Ita præcipit Conc. Trid. loco proximo. Sed ante consummationem facienda est trina denunciatio, nisi aliter visum fuerit Episcopo: hoc enim ipsius prudentiæ relinquitur. Adnotat Tolet. lib. 7. c. 19. num. 1. Peccatque lethaliter, qui contra hoc decretum Concilij matrimonium consummat. Ita Nauar. c. 16. num. 36. & Instructor. 1. p. cap. 87.

10 *Int.* Potestne Episcopus dispensare, ut hæc trina denunciatio fiat tribus feriæ diebus? *Resp.* Minimè. Ita declarauit Congregatio Cardinalium. Nam Episcopus non est supra Concilium: Concilium verò iubet, ut fiant tribus diebus festis.

12 *Int.* Peccatne, qui omisis denunciationibus contrahit matrimonium? *Resp.* Peccat lethaliter. Ita Nauar. c. 16. nu. 36. Instruct. 1. p. cap. 86. Nisi urgeat necessitas instantis mortis pro accipienda in coniugem concubina ad satisfaciendum famæ, aut filios legitimos relinquendum: vel oporteat ad nubendum viro æquali, qui aliter decedit, & voluntatem mutabit, ut notat Instructorij Auctor loco citato.

13 *Int.* Quod tempus esse debet inter denunciations, & matrimonium? *Resp.* Soli quatuor menses: nam qui denunciationibus habitis intra quatuor primos menses non contraxerunt matrimonium, nequeunt contrahere, nisi præmissa iterum trina denunciatione. Ita declarauit congregatio Cardinalium.

CAP V T X I X.

De matrimonio, quatenus est Sacramentum.

§. I.

- 1 *An matrimonium sit Sacramentum.*
- 2 *Quis autor fuit Sacramenti matrimonij.*
- 3 *De materia, & forma Sacramenti matrimonij.*
- 4 *De ministro Sacramenti matrimonij.*
- 5 *De peccato ministrantium hoc Sacramentum.*
- 6 *Quando instituit Christus Dominus hoc Sacramentum.*
- 7 *De effectu huius Sacramenti.*
- 8 *Qua dispositione accedere quis debeat ad matrimonium contrahendum.*
- 9 *Quae sunt de essentia Sacramenti matrimonij.*
- 10 *Quae praesentia parochi sit necessaria.*
- 11 *Quis parochus adesse debet matrimonio.*
- 12 *An coadiutor parochi sit ad hoc Sacramentum parochus.*
- 13 *An sufficiat parochus non Sacerdos.*
- 14 *De testibus matrimonij.*
- 15 *Quae praesentia testium requiritur.*
- 16 *An pro toto orbe obliget hoc sacri Concilij decretum.*
- 17 *An liceat aliquando contrahere absque parochis, & testibus.*
- 18 *An requiratur praesentia parochi matrimonio denuo celebrando propter impedimentum, quod interuenit.*
- 19 *De loco ubi celebrandum est matrimonium.*
- 20 *Quae aetas requiritur ad matrimonium.*
- 21 *Quo pacto definitur matrimonij Sacramentum.*
- 22 *De benedictionibus matrimonij.*
- 23 *De matrimonio celebrato per procuratorem, internuncium, vel epistolam.*
- 24 *Utum matrimonium inter absentes sit sacramentum.*
- 25 *De matrimonio clandestino.*

1 **I** NTERROGATIO. Estne matrimonium legis nouae Sacramentum? Resp. Negauit Dur. in 4. d. 26. q. 3. & Gloss. c. Quidquid. 1. q. 1. Opposita sententia affirmans est de fide, definita in Concil. Trid. sess. 7. can. 1. & sess. 24. can. 1. c. Ad abolendam. de haeret.

2 Int.

2 *Int.* Quis instituit sacramentum matrimonij? *Resp.* Christus Dominus. Ita Conc. Trid. *sess.* 7. Christus enim contractum naturalem ordinavit in sacramentum.

3 *Int.* Quæ est materia, quæ est forma Sacramenti matrimonij? *Resp.* De materia, & de forma huius Sacramenti variæ fuerunt sententiæ. Prima dixit esse verba, seu signa externa contrahentium, ita tamen ut verba, seu signa primi proferentis sint materia: verba autem, aut signa secundi proferentis sint forma. Ita. Richard. *in* 4. d. 26. *art.* 4. *ad* 1. Angel. *matrim.* 1. n. 2. Veg. *lib.* 6. *casu* 117. aitque esse communem opinionem. Secunda sententia est, ipsos contrahentes esse materiam, verba autem eorum, seu signa externa esse formam. Ita Palud. *in* 4. d. 26. q. 4. *num.* 23. Palat. *disp.* 1. Adrian. *de matrim.* q. 1. Pet. Sor. *de matrim.* *lect.* 3. & 4. Couar. *de matr.* c. 1. §. *unico.* *num.* 8. Ratio eorum est, quia in contractu matrimoniali traduntur mutuo corpora contrahentium: sicut igitur in contractu emptionis, & venditionis materia est ipsa res emptæ, & venditæ, ita in contractu matrimoniali. Tertia sententia asserit materiam huius Sacramenti esse consensus contrahentium internos, formam verò esse verba, seu signa, per quæ consensus declaratur. Ita Gloss. *c. tua nos. de sponsalib.* & Nau. c. 12. n. 20. & hanc sententiam appellat communem Canonistarum Couar. loco proximè citato, sequitur Toletus *lib.* 7. c. 1. *num.* 4. Quarta sententia est, materiam huius Sacramenti esse actus contrahentium: formam verò esse verba Sacerdotis. Ego vos coniungo in nomine Patris, & Filij, &c. Ita Canus *lib.* 8. *de locis.* cap. 5. Dico tamen: Materia, & forma Sacramenti matrimonij sunt ipsi actus externi contrahentium, quibus interior consensus declaratur: ita ut actus, per quos fit traditio unius alteri, habeant rationem materiæ: actus verò per quos fit acceptatio unius ab alio, habeant rationem formæ: fit enim in hoc contractu mutua corporum traditio, & acceptatio. Ita D. Tho. *in* 4. d. 26. q. 2. *art.* 1. *ad* 1. & 2. Durand. q. 3. Sor. q. 2. *art.* 3. Ferrar. *cont. gent.* *lib.* 4. cap. 78. Bellarm. *de matrim.* *lib.* 1. cap. 6. Capreol. *in* 4. d. 26. *quæst.* 1. *art.* 3. *ad* 2. *cont.* Durand. Ideo cum verba, seu signa externa ad declarandos consensus in hoc contractu non sint certa, & determinata, neque item est materia certa, & determinata. Expositis verò sententiis, quarta est omninò improbabilis, cum requirat pro forma verba sacerdotis, cuius præsentia tantum requiritur

post Concilij Tridentini promulgationem, vbi tantum promulgatum fuit, & acceptatum sacri Concilij decretum; cum antea nec ipsa præsentia esset ad sacramentum necessaria, nec dum verba.

4 *Int.* Quis est minister huius Sacramenti? *Resp.* Ipsi contrahentes. Ita Doctores in 4.d.25. Richard. *quæst.* 2. art. 4. Durand. *quæst.* 3. Sot. §. de ministro. Bonau. art. 2. *quæst.* 1. Arg. qu. 1. art. 1. Pal. *quæst.* 4. num. 22. Ratio est, quia ex natura huius contractus sufficiunt ad eius valorem ipsi soli contrahentes: Christus verò Dominus nihil addidit naturæ contractus, sed solùm effecit, vt talis contractus, inter Christianos celebratus, efficax esset instrumentum gratiæ sanctificantis, & ideo nouum non creauit illius ministrum: sed ipsos reliquit, qui illum celebrare consueuerant, tales autem erant ipsi contrahentes.

5 *Int.* Peccantne mortaliter contrahentes celebrando hunc contractum in culpa lethali, ratione ipsius ministerij, vt peccant ministri aliorum sacramentorum? *Resp.* Minimè. Ita Sot. in 4.d.1.q.1.a.6. Ratio est, quia non sunt ad hoc munus peculiariter consecrati, vt ministri à Christo Domino instituti, sed ab ipsa natura contractus.

6 *Int.* Quando instituit Christus Dominus hoc sacramentum? *Resp.* Opinio fuit multorum institutum fuisse *Matth.* 19. cum dixit: *Quod Deus coniunxit, homo non separet*, quasi diceret. Hanc, quam Deus Pater sanxit coniunctionem viri, ac mulieris, ego quatenus orbis Redemptor nouo iure, & præcepto meo confirmo, perficiòque, vt deinceps contractus matrimonialis nouam vim conferendi gratiam iustificantem habeat, sitque gratiæ signum prætictum. Ita Sot. in 4. d. 26. *quæst.* 2. art. 2. post Scot. *quæst. unica. conclus.* 3. Pet. Sot. de matr. lect. 2. Victoria de matrim. num. 241. Viuald. de matrim. alij dixerunt institutum fuisse à Christo Domino in nuptiis Canæ Gallileæ. Ita Viguerius in *Inst.* cap. 16. §. 7. Dico tamen. Quamuis in scriptura omnia sacramenta habeant aliquod fundamentum, non tamen omnium institutio est ibi omnino sufficienter expressa, traditione Ecclesiæ seclusa. Talis est institutio Sacramenti matrimonij. Nullus verò locus clarior est, quam *Matth.* 19. quem pro sententia prima retuli. Hæc tamen persequi non est meum, sed eorum, qui de traditionibus agunt.

7 *Int.* Quis est effectus Sacramenti matrimonij? *Resp.* Gratia sanctificans ex opere operato. Ita D. Thom. 2. 2. q. 100. art. 2. ad 6. & in *Add. quæst. 42. art. 3.* Richard. in 4. d. 26. art. 4. quæst. 1. Bonau. art. 2. quæst. 2. Argent. quæst. 1. art. 1. concl. 1. est de fide decretum à Conc. Trid. sess. 7. can. & sess. 14. can. 1. & Flo. Et ideo saltem erronea est opinio Durand. in 4. distinct. 26. quæst. 3. & Gloss. c. *Quidquid* 1. quæst. 1. positam assertionem negans. Dubitant verò Doctores, an per hoc sacramentum conferatur prima gratia, hoc est, an detur ex opere operato gratia ei, qui accedit ad hoc sacramentum cum sola attritione, putata contritione? *Resp.* Affirmant probabiliter Pet. Sot. de mat. lect. 2. ad 2. propositionem. Bellar. de matrim. lib. 1. cap. 5. contra Scot. in 4. d. 26. q. 1. concl. 4.

8 *Int.* Qua dispositione accedere quis debet ad hoc sacramentum? *Resp.* Cum hoc sacramentum sit viuorū, ut Theologi vocant, debet quis accedere ad illud suscipiendū saltem cum attritione, putata contritione. Hōrtatur verò Concil. Trid. sess. 24. c. 1. ipsos coniuges, ut antequam contrahant, vel saltem triduo ante matrimonij consummationem sua peccata diligenter confiteantur, & sacram Eucharistiam accipiant. Quod salubre consilium est, & à Synodalibus Constitutionibus, praxique receptum peccat igitur mortaliter, qui accedit ad hoc sacramentum cum obice, hoc est, cum conscientia peccati mortalis, quia ponit obicem gratiæ. Sic Tol. l. 7. c. 9.

9 *Int.* Quæ sunt de essentia Sacramenti matrimonij? *Resp.* Sunt materia, forma, ministri, ut in reliquis Sacramentis. Insuper præsentia parochi, aut alterius Sacerdotis de licentia parochi, & tres, aut saltem duo testes. ita Concil. Trident. sess. 24. cap. 1.

10 *Int.* Quæ præsentia parochi est necessaria? *Resp.* Ea, quæ id, quod agitur sic videat, ut possit esse testis oculatus rei peractæ: appellatur autem hæc præsentia moralis, & humana. Testis autem oculatus dicitur etiam ille, qui ita rem actum audit, aut intelligit, ut iuramento eam affirmare possit. Hanc autem præsentiam secundum se considerandam censuit Congreg. Card. non verò ex affectata parochi ignorantia nolentis videre, audire, vel intelligere, quæ peraguntur, tunc enim adhuc validum est matrimonium.

11 *Int.* Quis parochus adesse debet? *Resp.* Dico primum. Cum diuersarum parociarum sunt contrahentes, sufficit præsen

præsentia parochi illius Ecclesiæ, vbi contrahitur matrimonium, siue sit mulieris, siue viri. Ita Congregatio Cardin. sub Pio V. & sub Greg. XIII. adnotat Nau. cap. 22. nu. 144. & Viuald. de matrim. nu. 244. Quod si vnus sponſorum tranſeat ad alterius locum, animo ibi permanendi firmo domicilio, iam parocus loci est parochus vtriusque: nam domicilium facit incolas. *L. Domicilium. ff. ad municipalem*, & ibidem Glossa. Dico secundum. Pro matrimonio peregrinorum ille est parochus, qui iuxta consuetudinem regionis illis tenetur administrare Sacramenta. Ita declarauit Congregatio Cardin. Præcipit autem Concil. Trid. Parochis, ne vagabundos iungant matrimonio, nisi prius diligenti inquisitione facta de impedimentis, & relata ad Ordinarium, ab eo licentiam id faciendi obtineant.

12 *Int.* Estne parochus ad hoc Sacramentum coadiutor proprij parochi in administrandis Sacramentis? *Reſp.* Maxime. Ita communiter omnes.

13 *Int.* Sufficitne parochi præsentia, qui non est Sacerdos? *Reſp.* Res est dubia propter verba Concil. Qui aliter quàm præſente parochi, vel alio Sacerdote de ipsius parochi licentia, &c. Ideo quamuis pars affirmans sit probabilis, vt testatur Nauar. lib. 4. *Consilior. tit. de cland. deſponſat. consil. 10.* Vega lib. 6. casu 112. & 119. & Roderic. tom. 1. cap. 215. concl. 8. Pars negans est probabilior, & tutior, vt docet Nauar. & Emanuel, in eamque inclinat Cong. Cardinalium. Ideo parochus non Sacerdos debet dare licentiam alicui Sacerdoti, vt adſit huic Sacramento.

14 *Int.* Qui poſſunt eſſe teſtes in contractu matrimoniali? *Reſp.* Nullos excipit Conc. Trident. ideo vbi lex non excipit, nec nos excipere debemus. Quamuis igitur secundum ius canonicum, & Cæſareum multæ tradantur teſtium exceptiones (de quibus noſtra minimè intereſt in præſentia agere) ad hoc Sacramentum omnes videntur admittendi in teſtes. Ita Ang. teſtes nu. 13. Couar. de matr. 2. p. c. 8. §. 12. n. 8. Viu. de matr. nu. 245.

15 *Int.* Quæ præſentia teſtium requiritur? *Reſp.* Ea quam in parochi requiſiuimus, moralis ſcilicet, & humana.

16 *Int.* Obligatne Chriſtianos hoc Sacri Concilij decretum in omni orbis parte degentes? *Reſp.* Minimè quidem. Decreuit enim ipſum Concilium cap. 1. de reform. vt hoc decretum ſuum robur fortiatur poſt triginta dies à die primo publicationis ſuæ,

suæ, in vnaquaque parochia factæ numeratos. Quapropter in regionibus, in quibus Concilium non est promulgatum, aut nec sunt parochi, nec parochiæ, potest verè contrahi matrimonium secundùm dispositionem iuris antiqui, absque parochio, & testibus, veluti apud Mauros, Turcas, Gentiles, & alios infideles. Ita aduertit Roder. loco proximo, & Vega in *casibus lib. 3. casu 361.* Et quoniam secundùm ius antiquum sponsalia de futuro transibant in matrimonium per copulam maritali affectu habitam. *c. Veniens. 2. c. 15. qui fidem. de sponsalibus.* iuxta Doctores in *4. d. 28. D. Thom. art. 2. Rich. art. 1. quest. 2. Durand. quest. 15. Palud. quest. 1. num. 12.* adhuc eodem modo in eisdem regionibus transibunt.

17 *Int.* Estne hæc præsentia parochi modò post Concilij decretum ita de essentia matrimonij, vt nec pro euitanda morte, aliter matrimonium liceat contrahere amoto contemptu, & scandalo? *Resp.* Negat Caiet. in *Opusc. tom. 1. tract. 12. q. 2.* & Sot. in *4. d. 28. q. 1. art. 3. concl. 3.* & ideo affirmant, si in euentu aliquo parochus adesse nequiret, aut testes, essetque coniugium remedium vitæ, posse personas habiles contrahere, & consummare matrimonium. Oppositum tenet Nau. *c. 22. n. 70.* adhærendo verbis Concilij. *Quia aliter, quàm præsentè parochis, & quod quidem asserendum arbitror.*

18 *Int.* Contraxerunt duo coram parochio, & testibus, postea inuentum est matrimonium nullum propter impedimentum, obrenta est super impedimento dispensatio, rogo, an ad iterum contrahendum requiratur parochi, & testium præsentia? *Resp.* Dico *primum.* Si impedimentum est occultum, & dispensatio obrenta est in foro conscientiæ, & matrimonium irritum celebratum fuit publicè, non est necessaria præsentia parochi, & testium, sed est satis vtriusque nouus consensus inter contrahentes externè declaratus. Ita Caiet. *tom. 1. Opusc. tract. 13. q. 2.* Sot. in *4. d. 28. q. 1. art. 2. conclus. 3.* declarauitque Pius V. eaque declaratione frequentet vitur sacrum poenitentiarie prætorium, teste Nauar. *cap. 22. num. 70.* Dico *secundum.* Cum impedimentum est publicum, & dispensatio etiam publicè obrenta est, necessaria iterum est noua præsentia parochi, & testium ad matrimonium celebrandum: nisi inde sequatur scandalum, aut notabilis infamia, vel damnum graue contrahentium. Ita Corduba in *quest. 9. 15. cum pluribus, quos refert, & Instruct. 1. part. cap. 85.*

Quia hæc videtur mens Concilij, & Pij V.

19 *Int.* Quo loco celebrandum est sacramentum matrimonij? *Resp.* In facie Ecclesiæ. Ita Conc. Trident. *cap. 1. de reform.* Quid autem intelligatur per faciem Ecclesiæ, iudicandum est ex consuetudine regionis: nam teste Maiore in 4. d. 17. *quæst. 1.* intelligitur præsentia multorum testium apud aliquas regiones: alibi porta Ecclesiæ: alibi ipsa Ecclesia, ideo regionis mos seruandus est.

20 *Int.* Quæ ætas requiritur ad contrahendum matrimonium? *Resp.* Dico *primum*. Secundum ius canonicum in masculo requiritur ætas quatuordecim annorum: in foemina duodecim completa. *cap. Puberes. cap. Continebatur. cap. Attestationes. c. Ex literis. de despons. impub. lib. 6.* cum Glos. utrobique. Dico *secundum*. Eadem ætas requiritur in iure Cæsareo, quæ requiritur in canonico, *L. Quæsitum. L. In sponsalib. ff. de sponsalib. ibid.* Glos. & commun. cum Sylu. *matr. 5. q. 1. D. Th. Add. q. 58. art. 5. Nauar. c. 22. nu. 9. Sot. d. 35. quæst. 1. art. 7. Cou. de mat. 2. p. cap. 5. num. 1. Viuald. de matr. tit. de ætate.* Dico *tertium*. Si malitia suppleat ætatem, minor ætas requiritur. Ita habetur *c. de illis. 2. cap. puberes. c. fin. de desponsat. impub.* Dico *quartum*. Hæc malitia consistit in duobus, scilicet, in discretionem ad præstandum consensum, hoc est, quâ intelligat quisque, quid faciat, & in potentia ad carnalem copulam. Ita Glos. *cap. de illis. de sponsalib.* Couar. *de matrim. 2. p. cap. 5. num. 1.* & communiter Doctores.

21 *Int.* Quoniam matrimonij definitio pendet ex iis, quæ supra proposui, ideo roagationem eius huc usque remoueri: rogo igitur, quo pacto definitur Matrimonium, quatenus est sacramentum? *Resp.* Videtur ita aptè posse definiri. Est contractus viri, ac foeminae legitimus, quod mutua corporum traditur potestas, gratiæ spiritualis collatiuus. Sic Tolet. *lib. 7. c. 1. n. 1.*

22 *Int.* Quid circa benedictiones matrimonij decreuit Conc. Trid. *sess. 24. cap. 1. Resp.* Hortatur coniuges, ut ante benedictiones non consumment matrimonium. Decreuit, ut hæc benedictiones à nemine alio dentur, quam vel ab Ordinario, vel parochio, vel ab alio sacerdote de licentia Ordinarij, vel parochi. Si quis verò alius Sacerdos sine licentia, vel Ordinarij, vel parochi benedicere attentauerit, ipso iure manet suspensus, donec aliter contrahentium Ordinario visum fuerit.

23 *Int.* Potestne matrimonium celebrari inter absentes per procuratorem internuntium, vel epistolam? *Resp.* Potest. Ita habetur expressè *cap. vltim. de procur. in 6.* definitum à Bonifacio VIII. Requiritur tamen speciale mandatum ad contrahendū cum certa, & expressè designata persona. Ita Abb. *c. in causis de elect.* Deinde requiritur, vt procurator per se, & non per alium adsit contractus, nisi ex speciali facultate mandantis. Ita Sylu. *matr. §. q. 9.* Requiritur, vt matrimonium celebretur coram parōcho, & testibus, vbi viget decretum Conc. Trid. Denique requiritur, vt perseveret mandantis consensus: nam si mandans consensum reuocat, quamuis inscio procuratore, & alio contrahente, matrimonij contractus est irritus, & nullus. Ita *cap. Si duo. de procur. in 6.* Abbas *c. in causis, de elect.* Sylu. *matr. §. q. 11.* Idem dicendum est de internuntio, & epistola contrahentium. Ita Gloss. *c. Nec illud. 30. qu. 6.* Couar. *2. p. de mat. c. 4. nu. 8.* cum Felin. & aliis, quos refert.

24 *Int.* Estne matrimonium celebratum inter absentes Christianos per procuratorem, internuntium, vel epistolam, verum sacramentum? *Resp.* Negat Adrian. *tract. de baptis. q. 2. ad 5.* Caiet. *tom. 1. Opusc. tract. 12. q. 1.* Viguer. *in Inst. c. 16. §. 7.* Can. *de sacr. in gen. 1. p. ad 1. arg. & lib. 8. de loc. cap. 5. Pœnitentiæ demum.* Affirmat tamen Palud. *in 4. d. 27. q. 2. n. 17. ibid.* Sot. *q. 1. art. 3. §. at verò.* Syl. *matrim. §. quæst. 6.* Pet. Sot. *lect. 3. de matrim. §. Requiritur.* Amb. Cathar. *lib. 5. in Caiet. tit. de matr.* Bellarm. *de matr. lib. 1. cap. 7.* Fundamentum eorum est, quia inter absentes datur verum matrimonium: sed omni vero matrimonio inter Christianos addidit Christus efficaciam sacramenti, vt decernitur in Conc. Flor. in decreto Eugenij I V. & Trid. *sess. 24.* ergo, &c. Ratio verò Caiet. & aliorum est futilis quidem: contingit, inquit, vt dormiens recipiat gratiam & Sacramentum, si dormiente mandante, procurator celebret matrimonialem contractum. Quod quidem totum do, nec inconueniens vltimum indicatur à dictis Auctoribus. Præcipit tamen Ecclesiæ vsus, & consuetudo, vt taliter in absentia contrahentes in facie Ecclesiæ accipiant benedictionem coniugalem, ostendantque se liberè consensum dedisse à tale matrimonium celebrandum.

25 *Int.* Quod appellatur matrimonium clandestinum? *Resp.* Quod sit sine requisitis iuris solennitatibus. Solennitates autem aliæ sunt ad decetiam, aliæ ad essentiam matrimonij attinentes;

nentes. Omissis autem antiqui iuris solennitatibus, nouæ à Concilio Tridentino decretæ, sunt tres : duæ quidem pertinent ad decentiam Sacramenti. Ad decentiam pertinet trina denunciatio inter missarum solennia : deinde , vt fiat matrimonium in facie Ecclesiæ. Ad essentiam pertinet, vt celebretur matrimonium coram parcho, & testibus. Enimuero ante tale decretum Concilij matrimonium celebratum inter ipsos solos contrahentes erat validum , vt omnes asserebant Doctores in 4. d. 28. lib. 6. cum Mag. & D. Thom. art. 3. ad 3. habebaturque in c. Sufficiat 27. q. 2. docetque ipsum Concilium c. 1. de reform. damnando anathematis eos, qui oppositum dicere auderent. Quanquam tale matrimonium testibus carens, si negabatur ab vno contrahentium , iudicabatur ab Ecclesia pro non habito, vt decernitur c. Aliter 30. q. 5. Duæ primæ solennitates ad decentiam attinentes, iam olim præcipiebantur in antiquo iure : trina quidem denunciatio cap. Cum inhibitio. de clandestin. despons. cap. Cum in tua, de sponsalib. Vt verò fiat matrimonium in facie Ecclesiæ. cap. Aliter. cap. Nostrates. c. Nullus. cap. Qualis. cap. Sponsus. 30. quæst. 5. Cum igitur hæc prohibitio Ecclesiæ sit de re graui , peccat lethaliter, qui sine legitima causa excusante contrahit clandestinè. Ita Palud. in 4. d. 28. quæst. 2. num. 26. Sot. quæst. 1. art. 2. conclu. 2. Nauar. cap. 22. num. 26. Nam, vt loquitur sacrum Concilium, semper Ecclesia Dei detestata est talia matrimonia clandestina , vt aduertit Couar. de matrim. 2. p. cap. 6. num. 7. Prohibuit verò Ecclesia tam acerbè hæc matrimonia clandestina ob multa animarum pericula inde prodeuntia : contingebat enim sæpissimè , vt Ecclesia , quæ secundum probata iudicat , compelleret coniugem separari à vero coniuge, & habitare cum non suo , quia secundum matrimonium nullum secundum se probabatur externè verum : & verum secundum se probabatur externè nullum.

CAP V T XX.

De polygamia , libello repudiij , & usu matrimonij.

De polygamia. §. I.

Quid est polygamia.

2 Quotplex

2 Quotuplex est polygamia.

3 An sit licita polygamia successiva.

4 An sint benedicendæ secundæ nuptiæ.

5 An sit licita polygamia simultanea in fœminis.

6 An sit licita polygamia simultanea in viris.

7 An Deus permiserit bigamiam, seu polygamiam.

8 An inter Christianos liceat polygamia.

1 INTERROGATIO. Quid est polygamia? Resp. Est pluralitas vxorum, seu maritorum.

2 Int. Quotuplex est polygamia? Resp. Duplex: vna successiva, altera simultanea. Successiva est, cum vna vxore mortua, alia ducitur: similiter de viro. Simultanea est, cum vi- uente adhuc vna vxore, alia ducitur: similiter de viro.

3 Int. Estne licita polygamia successiva, hoc est, licetne mortua vna vxore, aliã ducere? Resp. Licet. Ita docet D. Paul. Rom. 7. & 1. Cor. 7. Conc. Florent. & Trid. sess. 24. can. 10.

4 Int. Sũntne benedicendæ secundæ nuptiæ? Resp. Seruan- dus est mos regionis. Multi asserunt esse benedicendas, cum adhuc mulier non fuit benedicta. Ita Couar. de matrim. cap. 8. §. 11. num. 2. cum D. Thom. & aliis, quos citat, atque hoc seruari in praxi.

5 Int. Estne licita polygamia simultanea in fœminis, hoc est, licetne vni mulieri plures simul habere viros? Resp. Nun- quam auditum est, etiam inter barbaras nationes, quod vna mulier plures habuerit viros. Est enim hæc polygamia con- tra ius naturæ.

6 Int. Estne licita polygamia simultanea in viris, hoc est, licetne vni viro plures habere vxores? Resp. Contra ius na- turale est habere simul plures vxores. Ita habetur c. Gaudemus. de diuort. docent Doctores in 4. d. 33. D. Thom. q. 1. a. 1. & 2. Ri- chard. a. 1. q. 1. Palud. q. 1. a. 1. Scot. q. 1. ad 1. Sot. q. 1. a. 2. Ratio est, quia sicut dicitur naturæ ius, vt mulier sit vnus viri vxor, sic etiã dicitur vt homo sit vnus vxoris vir: alioqui amor, & pax omnino tollerentur. Dico secundum. Est etiam contra ius diuinum habere simul plures vxores. Habetur hoc ius Gen. 2. Quamobrem propter hoc relinquet homo patrem, & matrem, & adhærebit vxori suæ, & erunt duo in carne vna. Nec enim dixit Christus Dominus Matth. 19. erunt tres, vel plures in carne vna: nec dixit, adhærebit vxoribus, sed vxori suæ. At- que hoc præceptum de vnitæte vxoris explicat Christus Dominus,

Dominus, iuxta sacrorum interpretum expositionem, quorum testimonia citat Castro contra hæres. lib. 11. tit. Nuptiæ. hæresi 4.

7 Int. Dispensauitne Deus aliquando in hac lege naturali, & diuina? Resp. Dispensauit tum in lege naturæ cum Abrahamo, & Iacobo: tum in lege scripta cum Dauide, & aliis sanctis viris, ad propagandam sacram prolem, vt docet Innoc. III. citato cap. Gaudemus de diuortiis.

8 Int. Estne licita polygamia inter Christianos? Resp. Nequaquam. Ita definitum est in Conc. Trid. sess. 24. can. 2. his verbis: si quis dixerit licere Christianis plures simul habere uxores, & hoc nulla lege diuina esse prohibitum, anathema sit.

De diuortio, & libello repudij. §. 2.

- 1 An matrimonium sit iure naturali indissolubile.
- 2 De diuortio ex adulterio quoad vinculum.
- 3 De diuortio propter conuersionem ad fidem.
- 4 An liceat coniungi conuerso ad fidem, habitare cum infidelis consorte.
- 5 In quibus euentis liceat coniungi conuerso ad fidem, transire ad secundas nuptias.
- 6 An liceat coniungi conuerso ad fidem, transire ad secundas nuptias, quando non conuersus coniux vult habitare cum eo absque iniuria Creatoris.
- 7 An liceat viro ad fidem conuerso permanere cum secunda uxore etiam ad fidem conuersa, relicta priori in infidelitate.
- 8 De diuortio ex adulterio quoad torum, & cohabitationem.
- 9 An coniux innocens possit repetere coniugem adulterum iam à se per sententiam separatum.
- 10 An vir innocens teneatur dimittere adulteram uxorem.
- 11 An coniux nocens, & dimissus propter adulterium, possit Religionem profiteri.
- 12 An coniux innocens teneatur recipere per torum, & cohabitationem emendatam adulteram.
- 13 De diuortio propter periculum vitæ.
- 14 De diuortio propter periculum animæ.
- 15 De diuortio propter apostasiam à fide, vel hæresim consortis.
- 16 De libello repudij in lege veteri.

3 INTERROGATIO. Estne matrimonium iure naturali indissolubile? Resp. Videntur negare Pet. Soc. de matrimonio.

crimon. lect. 1. §. ita igitur. & Bellarm. *de matrim. lib. 1. cap. 4.* nam contractus per eas causas dissolvitur, per quas nascitur. *cap. Omnis res. de regul. iur. in 6.* ergo ut matrimonium nascitur per consensum contrahentium, ita per eum dissolvitur. Affirmant tamen D. Tho. *contra gent. lib. 3. c. 123. & in 4. dist. 33. q. 2. art. 1.* Durand. *ibidem. d. 28. quest. 2.* Scot. *d. 26. quest. unica. concl. 3. num. 5.* Ratio D. Thom. sumitur ex naturali obligatione educandæ proles, propter quam, ut conservetur species per individua, institutum est matrimonium ab ipso Auctore naturæ. Enimvero bona proles educatio pendet ex utroque parente: igitur, ut datur obligatio naturalis ad bene educandam prolem; ita datur ad permanendum in matrimonio, ex quo proles orta est, & procreata. Plura habentur apud D. Thom. loco citato *contra gentes.*

2 *Int.* Solviturne matrimonij vinculum propter alterius coniugis adulterium? *Resp.* Affirmat Caietan. *sup. Matth. c. 19.* declarans se id ex Euangelio colligere, salva tamen Ecclesiæ determinatione. Propendet in eam partem Catharinus *lib. 5.* contra Caiet. ubi ait, ex Euangelio, & Apostolo non posse colligi, non licere in causa fornicationis alterius coniugis, aliud matrimonium contrahere. Hæc Caietani sententia damnata est à Conc. Trid. *sess. 14. can. 7.* & antea à Floren. in instructione Armenorum. Definitur *cap. Gaudentes. de divor. cap. Ex parte. de sponsal.* Conc. Milevitan. *can. 17.* African. *cap. 69.* Docuit Innoc. *L. in epist. 3. ad Exuperium. can. 6.* D. August. *lib. de adult. coniug. præcipue lib. 2. cap. 4. lib. de bono coniug. cap. 7.* Clem. Papa *can. 48.* Apost. Verba autem Christi Domini Matth. 19. *Qui dimiserit uxorem suam, nisi ob fornicationem,* intelligenda sunt de dimissione quoad torum, & cohabitationem.

3 *Int.* Solviturne matrimonij vinculum per conversionem unius coniugis ad nostram fidem, cum antea ambo erant infideles? *Resp.* Cum alter coniux ad fidem convertitur, & alter non conuersus, non vult habitare cum conuerso sine iniuria creatoris: coniux ad fidem conuersus potest alteri nubere. Ita habetur *cap. Gaudemus. de divortiis. cap. si infidelis. 28. quest. 2.* & ibidem Gratianus. Docet Paulus *1. Cor. 7.* Contumelia autem Salvatoris tunc fieri censetur, cum infidelis nomen Christi non vult penitus audire, aut non nisi cum contemptu, prorumpit in blasphemias: prohibet debitum cultum: debitamque venerationem imaginibus exhibere: avocat à fide domesticos.

domesticos. Ita declarat Innocentius I I I. cap. *Gaudemus, &c.* *Quando de diuort.* Si tamen coniux non conuersus vult habitare cum conuerso sine iniuria Creatoris, quamuis propriæ sectæ tenax, per conuersionem fidelis non dirimitur vinculum matrimonij. Ita Nauar. cap. 22. num. 49. & Doctores in 4. d. 39. art. 3. & 5. ad 2. Bonauent. art. 2. quæst. 2. Sot. quæst. 1. art. 3. conclud. 1. D. Anton. 3. p. tit. 1. cap. 6. Sylu. matrim. 8. quæst. 10. Armil. matrim. num. 38. Couar. de matrim. 2. p. cap. 7. §. 4. num. 5.

4 Int. Licetne coniugi conuerso ad fidem, habitare cum coniuge infideli? Resp. Negant ij, qui arbitrantur per conuersionem vnus coniugis ad fidem dirimi omnino matrimoniū, vt opinatur Panorm. cap. *Quando de diuort.* De cohabitatione cum infideli nolente cessare à contumelia Creatoris, aut liberè discedente à fidei, negant ij qui arbitrantur per eas contumelias omninò solui matrimonium. Ita Gloss. cap. *Quando.* Gloss. c. *Si infidelis.* 28. quæst. 2. Richard. in 4. d. 39. art. 2. quæst. 2. Angel. matrim. 3. imp. 10. num. 3. Textus enim cap. *Quando,* ita loquitur. Contumelia Creatoris soluit ius matrimonij circa eum qui relinquitur, id est, circa fidelem. Adduciturque locus Paul. 1. Cor. 7. *Si infidelis discedit, discedat, non enim seruituti subiectus est frater, aut soror in huiusmodi.* De cohabitatione fidelis cum infideli volente habitare sine iniuria Creatoris, negat Sotus in 4. d. 39. quæst. 1. art. 3. ad 3. arbitrat enim id prohiberi in Conc. Tolet. 4. quod refert Gratian. cap. *Iudei.* 28. quæst. 1. & refertur cap. *Sape.* 27. quæst. 1. Quanquam idem Sotus d. 26. quæst. 2. art. 3. ad 4. ex 1. Corint. 7. colligat oppositum docere D. Paulum, nimirum posse uxorem infidelem manere cum marito ad fidem conuerso, si fiat citra periculum fidei. Dico igitur *primū.* Semoto periculo subuersionis, & scandalo, atque iniuria Creatoris, potest coniux conuersus ad fidem permanere cum coniuge infideli. Ita D. Thom. in 4. d. 39. art. 3. Bonau. art. 2. quæst. 2. Anton. 3. p. tit. 1. cap. 6. Sylu. matr. 8. quæst. 10. Armil. matrim. num. 35. Couar. de matr. 2. p. cap. 7. §. 4. num. 5. Probat ex 1. Cor. 7. *Si quis frater uxorem habet infidelem, & hæc consentit habitare cum illo, non dimittat illam. Et si quæ mulier habet virum infidelem, & hic consentit habitare eum illa, non dimittat virum.* Ratio est, quia tunc datur spes conuersionis coniugis infidelis, quâ datâ, melius est cum eo habitare, teste Nauar. cap. 22. num. 49. Dico *secundū.* Coniux ad fidem conuersus, liberè potest discedere à cōiuge

Non

non conuerso, quamuis velit cum eo habitare sine iniuria Creatoris. Ita citati proximè Auctores, & Magist. in 4. d. 39. Couar. de matrim. 2. p. cap. 6. §. 11. num. 2. Locus verò D. Pauli citatus ex 1. Corint. 7. continet consilium, non præceptum. Ita D. Hieronymus ibidem, & D. Augustin. relatus in cap. Sic enim, 28. quæst. 1. Richard. quæst. 1. citata. Couar. de matrim. 2. p. c. 6. §. 11. num. 2. ad finem, cum Magist. in 4. d. 37. lit. B. Hunc autem discessum intelligunt Doctores separationem quoad totum solummodo, & cohabitationem, non quoad vinculum, vt notat Nauar. c. 22. num. 49.

5 Int. Cùm igitur per solam conuersionem vnius coniugis ad fidem non dissoluatur vinculum matrimonij, vt habetur cap. Si quis virginem. 28. q. 1. & cap. Gaudemus. de diuort. dic in quibus euentis licet coniugi conuerso transire ad secundas nuptias? Resp. In tribus. Primus est, si infidelis nolit habitare cum iam fidei. Secundus est, si nolit habitare sine iniuria Creatoris. Si inducat coniugem ad deserendam fidem. Ita Doctores cum Magist. in 4. d. 39. Habetur c. Si infidelis. 28. q. 2. c. Gaudemus. & c. Quanto de diuort. Habet autem fidelis conuersus hoc ius à Christo Domino. Ita D. Bona. in 4. d. 39. art. 2. q. 2. Sot. d. 27. q. 1. art. 4. colligitur ex loco Paul. 1. Cor. 7. Quod si infidelis discedit, & discedat, &c. Ac proinde tandiu durat tale matrimonij vinculum, quamdiu fidelis vult; si enim alteri nubat, vinculum omnino dissoluitur, vt notat D. Thom. proximè art. 5. ad 2. Tenetur tamen coniux conuersus monere infidelem, vt conuertatur, vt cesset à contumeliis Creatoris, vel ab iniqua suasionem. Ita D. Thom. habetur c. Iudei. 28. quæst. 1. notat Gloss. c. Gaudemus, citato, nisi longissima sit distantia, & difficillima monitio. In qua monitione dispensatum est à Greg. XIII. pro Indis, & Æthiopibus.

6 Int. Rogo igitur, an possit conuersus transire ad secundas nuptias, cum alter non conuersus vult habitare cum illo, sine iniuria Creatoris? Resp. Minimè. Ita Panor. & Hostiensis cap. Quanto de diuort. D. Anton. 3. p. tit. 1. cap. 6. Angel. matrim. 3. imped. 19. num. 3. Nauar. c. 22. nu. 49.

7 Int. Permittuntur infidelibus multæ vxores, earum prima est vera vxor, vt habetur cap. Gaudemus de diuort. notat D. Thom. in 4. d. 39. art. 3. illa tamen non vult conuerti, vult tamen habitare cum viro sine iniuria Creatoris: secunda tamen vel tertia conuertitur, potestne fidelis conuersus nubere huic

huic secundæ, vel tertiæ fideli conuersæ? *Resp.* Si iuxta Do-
 ctorum sensum loquendum foret, minimè quidem. Quæstio ta-
 men fuit proposita Pio V. & Gregorio XIII. ab eisdemque
 motu proprio dispensatum est cum Indis, & Æthiopib. & ex
 certa scientia concessum, vt ambo conuersi, tanquam veri
 coniuges manerent, prima relicta vxore infideli.

8 *Int.* Ex quibus causis licet fieri diuortium quoad torum,
 & cohabitationem tantum? *Resp.* Ex adulterio. Ita docuit
 Christus Dominus *Matth.* 19. Ad hoc diuortium non solum
 vir, sed etiam fœmina habet ius. Ita cum Magistro Doctores
in 4. d. 35. habetur *cap. Christiana. 32. q. 5.* D. Thom. *in Add. q. 62.*
art. 1. ad 3. In viro sufficit actus sodomiticus. c. *Omnes causatio-*
nes. 32. quæst. 7. Panorm. *in c. Maritus de adult.* Palud. *in 4. d. 35.*
quæst. 1. num. 8. Sylu. *diuortium. quæst. 7.* Debet autem fieri tale
 diuortium iudicio Ecclesiæ. *cap. 1. & 2. in 33. q. 2.* nisi adulterium
 sit manifestissimum. notat Couar. *de mat. 2. p. c. 7. §. 5. num. 11.* &
 Sylu. loco proximo. Excipiuntur tamen septem euentus Pri-
 mus est, cum ambo adulterium commiserunt. c. *Nilil. c. vlt. de*
adult. quia paria delicta, pari compensatione dissoluuntur.
L. viro atque vxore. ff. soluto matrimonio. Nam qui posterius pec-
 cauit, amisit ius denegandi debitum priori peccanti. Facta
 autem hac compensatione, & repetito adulterio, incipit noua
 contentio, vt incipit prima vice: manetque priuatus suo iure,
 qui primus crimen repetit. Ita Palud. *in 4. d. 35. quæst. 1. art. 2.*
Sot. d. 36. art. 1. Secundus euentus est, cum vir dedit vxori
 occasionem proximam adulterandi. *cap. discretionem. de eo qui*
cogn. consan. Propinquam autem causam dedit, qui reliquit
 solam cum solo, quem sciebat illam vehementer amare, &c.
 Tertius est, cum nupsit alteri credens maritum esse mortuum
 facta inquisitione morali. c. *cum per bellicam. 34. q. 1. cap. Cum in*
captiuitate. 34. q. 1. Quartus, si alienum cognouit coniux, vel
 alienam per ignorantiam inuincibilem, vt Iacob Liam cogno-
 uit. c. *si virgo. c. in lectum. 34. q. 1.* Quintus, si vxor fuit oppressa
 per violentiam absolutam, liberam à culpa. c. *Ita ne, & sequent.*
32. q. 5. Sextus, quando innocens sibi iam reconciliauit sponte
 nocentem. Reconciliauit autem, si veniam dedit, vel debitum
 petiit, nulla grauis metus vi coactus ad reconciliationem. Ita
 Sot. & D. Thom. citati. Septimus denique est, si cum ambo
 erant infideles, vnus alterum repudiavit, & postea ad fidem
 ambo conuertuntur. Ita habetur c. *Gaudemus. de diuort.*

¶ *Int.*

9. *Int.* Obtinuit coniux innocens separationem per iudicis sententiam: post emendam nocentis, vult illum ad torum, & cohabitationem reuocare, rogo, an teneatur nocens ad eum redire? *Resp.* Teneatur *c. Quod autem. 32. q. 1.* Ita Richard. *in 4. d. 35. art. 3. q. 2.* Palud. *q. 2. num. 11.* Ratio est, quia illa sententia lata est in fauorem innocentis, ac proinde iuri eius non præiudicauit.

10. *Int.* Teneturne coniux innocens dimittere vxorem adulteram? *Resp.* Si detur scandalum, & præsumptio iniusta, quod ille consentiat adulterio: vel non detur aliud remedium ad emendam, tenetur, & in hoc sensu illam præcipiunt expellere sacri canones. *c. Dixit Dominus. 32. q. 1.* Aliiter dicendum est, si in cohabitatione detur spes emendæ, & euitentur maiora mala, &c. Ita in *4. d. 35. Richard. art. 1. quæst. 2. Sot. d. 36. art. 2. Nauar. c. 26. n. 28.* cum Palud. & D. Anton. quos refert.

11. *Int.* Licetne coniugi ob adulterium dimisso, vouere castitatem, aut religionem profiteri inconsulto coniuge innocente? *Resp.* Minimè. Ita D. Thom. *in Add. quæst. 62. art. 6. ad 4.* Richard. *in 4. d. 35. art. 3. q. 2.* D. Anton. *3. p. tit. 1. cap. 21. §. 6.* Armil. *ver. diuortium. n. 8.* Ratio est, quia culpa nemini debet patrocinari, & ideo adulterium non eximit adulteram ab onere subiectionis, &c.

12. *Int.* Teneturne coniux innocens iterum recipere in totum, & cohabitationem nocentem coniugem emendatum? *Resp.* Minimè. Ita habetur *c. Gaudemus, de diuort.* docet communis cum Palud. *in 4. d. 35. q. 2. num. 11.* Quamuis ipse vir postea incidat in adulterium. Ita D. Thom. *in Add. quæst. 62. art. 6. ad 4.* Sot. *d. 36. art. 6. ad 3.* Panorim. & Glos. *c. Ex litteris, de adult.* D. Anton. *3. p. tit. 1. cap. 21. §. 6.* Sylu. *diuortium.* Ratio est, quia nullam deinde vir iniuriam facit vxori iam dimissæ.

13. *Int.* Licetne facere diuortium propter probabile vitæ periculum in cohabitatione? *Resp.* Licet. Ita habetur *cap. Litteras, de restit. spoliat. §. fin.* Cou. *de matr. 2. p. c. 7. §. 5. n. 1.* Nauar. *c. 22. num. 22.* quatenus quidem durat tale periculum.

14. *Int.* Licetne facere diuortium ob periculum peccati committendi in cohabitatione? *Resp.* Licet. Ita habetur *c. 2. de diuort.* docet Palud. *in 4. d. 39. q. 1. num. 15.* & Nauar. vbi proximè, quatenus quidem durat tale periculum.

15. *Int.* Licetne facere diuortium propter hæresim, vel apostasiam à fide in quam incidit alter coniux? *Resp.* Licet. *c. 2.*

de diuortio. c. fin. de conu. coniug. docetque communis schola : licet hæresis, & apostasia sit occulta, quatenus quidem nõ datur emenda. An verò damnatum publicè coniugem de hæresi, vel apostasia, sed iam emendatum, teneatur coniux innocens recipere in torum, & cohabitationem, dissidium est inter auctores. Affirmat *Glos. cap. Mulier. & c. fin. de conuers. coniug. cap. Quanto, de diuort.* *Sot. d. 39. a. 4. Specul. 3. p. art. 6. Clarus lib. 5. §. hæresis. n. 15. Hostiensis, Butreus, Anchar. Præpos. & alij in cap. De illis, de diuort.* Negant in *4. d. 35. Maior q. 1. Gab. art. 2. Almain. d. 32. Viguer. c. 16. §. 7. vers. 9. Valent. tom 4. de matr. punct. 2. Pet. Sot. lect. 12. de matr. Graph. lib. 2. c. 83. num. 12. Castro de pun. her. c. 7. Cou. 2. p. Epit. c. 7. §. 5. n. 5. Matienf. tit. 1. Rub. de matr. n. 8. Roias 2. p. de heret. asser. 40. Barboza tom. 1. n. 19. & c. de illa. de diuort. Simanc. de in 2. cath. tit. 4. num. 16. Tabien. matr. 4. num. 5. Rosel. diuor. n. 13. Angel. matr. 4. num. 3. Sylu. diuort. qu. 10. Palud. in 4. d. 35. quest. 1. Innocent. Zabarel. Andr. panorm. cap. Quanto de diuort. Dederunt occasionem huius dissidij duo capita iuris : parti affirmanti *c. Mulier. de conuers. coniug.* vbi Greg. IX. sic ait, Mulier, quæ in fide remansit, nolente viro, qui ab infidelitate reuertitur, propter quam ab eo fuerat iudicio Ecclesiæ separata, liberè ad religionem conuolare potest. Vnde videtur colligi, si nolit recipere illum, teneri ad religionem conuolare. Parti neganti dedit fundamentum *cap. De illa. de diuort.* vbi sic Urbanus III. De illa, quæ viro suo labente in hæresim, ipsius consortium sine iudicio Ecclesiæ declinauit, videtur nobis, quod mulier ei, cum reuersus fuerit, est reddenda, quæ & si reuerti noluerit, compellatur. Si verò iudicio Ecclesiæ ab eo recessit, ad recipiendum eum nullatenus ducimus compellendam. Roborat non leuiter partem affirmantem tempus, quo condita sunt huiusmodi decreta : nam *c. Mulier.* factum est à Gregorio IX. multos post annos à *cap. De illa.* factò ab Urbano III. Urbanus enim mortuus est anno 1187. Gregorius verò ann. 1241. vt videre est apud Illescas ; ergo videtur per *cap. Mulier.* emendatum, & correctum *cap. De illa.**

Contra hanc tamen expositionem facit, quia à iure antiquo, & determinatione non est recedendum, nisi per nouum id exprimatur, vt aduertit Nauar. *de regularib. conf. 30. & de con. coniug. consil. 1.* colligitque ex *L. Præcip. Cod. de appell.* At verò in *cap. Mulier.* nulla fit mentio *cap. De illa.* iuris autem cor-
rectio

rectio est odiosa, & ideo vitanda, nisi expressa habeatur. *cap. Nisi expediat, in 6.* Ideo Auctores partis, quæ negat, dicunt *in cap. Mulier.* solum declarari posse innocentem, non solum non recipere nocentem coniugem ad cohabitationem; ut decretum erat in *cap. De illa.* sed etiam transire ad religionem, quod non ita clarum erat. Alioqui graue onus imponderetur per tale decretum innocenti, nimirum, aut recipere in torum, & cohabitationem nocentem coniugem; à quo per declaratoriam Ecclesiæ sententiam de hæresi, vel apostasia damnato, erat separatus: vel ingredi religionem, cuius ingressus non nisi pro grauissimis criminibus solet à iure alicui imponi, ut patet *c. De adulterio. c. De lapsis. 16. q. 6.* Vnde tale decretum statutum esset in utilitatem nocentis, damnum verò innocentis, quod quidem non est credibile. Dicendum igitur est iuxta hanc negantem sententiam, quemadmodum propter adulterium carnale, ita etiam propter adulterium spirituale, quod committitur per hæresim, vel apostasiam à fide, posse fieri diuortium quoad torum, & cohabitationem, post declaratoriam criminis sententiam, etiam à coniuge iam emendato. Ad quam separationem dedit facultatem Christus Dominus *Matth. 19.* ex multorum interpretamento: dedit Ecclesia *c. De illa,* citato, sicuti potuit, ut probat Bellarm. *de matr. lib. 3. c. 14.*

16 *Int.* Eratne in lege veteri licitum repudium? *Resp.* Affirmatiuam partem tenuit D. Thom. *cap. 19. Matth. ibid.* Abulens. *quæst. 47.* & Caiet. item in *4. d. 33. Palud. q. 1. art. 2. Scot. q. 3. Duran. Palat. disp. 3. Bellarm. de matrim. lib. 1. cap. 17. arg. 14. Pet. Soto lect. 13. de matr. Eckius hom. 74. in Matth. Petr. Ledesm. ad q. 67. Add. D. Thom. art. 3. Probant ex Deuteron. 24. & Malach. 2. cum odio habueris, dimitte. Hi igitur Doctores arbitrantur, tunc licitum fuisse ex quacunque causa dimittere uxorem, non solum quoad torum, sed etiam quoad vinculum. Si enim, inquiunt, fuisset solum peccatum permissum, aliquando reprehenderetur à Prophetis: nusquam tamen in veteri lege inuenitur tale peccatum reprehensum, ut inuenitur vsura permessa Iudæis erga Gentiles. *Ezech. 18. & Psal. 14.* Oppositum tenent cum Mag. in *4. d. 33. Bonau. & Rich. art. 3. q. 1. Sot. q. 2. art. 2. Castro de leg. pæn. lib. 2. cap. 2. arg. 2. Cou. de matrim. cap. 7. § 4. num. 4. Lyra. Deuter. 14. Matth. 19. D. Hier. Matth. 5.* Ratio eorum est, quia Christus D. vsus est *Matth. 19.* permissionis vocabulo. Moyses ad duritiam cordis vestri permisit vobis di-*

mittere vxores vestras , ab initio autem non fuit sic. Fuit igitur peccatum permiffum , vt multa alia permittuntur ad euitanda maiora mala.

C A P V T XX I.

De vfu matrimonij, seu de debito coniugali. §. 1.

- 1 *An fit licitus vſus matrimonij.*
- 2 *An teneantur coniuges ſibi inuicem debitum reddere.*
- 3 *Quod peccatum eſt negare debitum.*
- 4 *Ob quas cauſas licet negare debitum.*
- 5 *An adulter occultus poſſit exigere debitum.*
- 6 *Quomodo peccatur in exercitio copulæ maritalis.*
- 7 *An intra duos primos meſes à matrimonio contracto , teneatur quiſque coniux reddere petitam copulam.*
- 8 *An ratione contagioſi morbi poſſit debitum negari.*
- 9 *An ratione voti caſtitatis , quod habet coniux petens , liceat negare debitum.*
- 10 *De incitamentis coniugum ad copulam.*
- 11 *De amplexibus , & osculis inter ſponſos de futuro.*
- 12 *De taſtibus impudicus inter ſponſos de futuro.*

I N T E R R O G A T I O. Eſtne licitus vſus matrimonij, hoc eſt , carnalis copulæ inter coniuges? *Reſp.* Maximè quidem. Eſt inſuper inter fideles meritorius. Infideles enim, qui rectè matrimonium tractant , non peccant in copula carnali. At verò fideles, ſi in gratia ſint, & propter debitum finem matrimonio vtantur , merentur in ipſo actu , ſicut in alio bono opere. Tunc autem eſt debitus finis , quando actus fit ex iuſtitiz zelo , ad reddendum debitum , & ex religione, ad faciendum id , ad quod eſt matrimonium inſtitutum : eſt autem inſtitutum matrimonium tum ad propagandam prolem , tum ad ſubueniendum concupiſcentiz. Ita D. Tho. in *Add. queſt.* 46. *art.* 6. *Tolet. lib.* 7. *c.* 1. *n.* 4. Contra hanc veritatem fuit hæreſis Manichæorum , aſſerentium carnalem actum inter coniuges eſſe peccatum mortale. Sed dānata fuit hæreſis in Conc. Flor. & cap. *Ad abolendam, de hæret.* Probat ex D. Paulo ad Hebr. *c.* 13. *Honorabile connubium in omnibus , & torus immaculatus.* Vbi D. Paul. intelligit pro toro ipſam copulam.

2. Int.

2 *Int.* Tenenturne coniuges inuicem sibi debitum reddere, cum exigitur? *Resp.* Tenentur. Ita nos docuit D. Paul. 1. Cor. 7. *Vxori vir debitum reddat, similiter autem & uxor viro: mulier sui corporis potestatem non habet, sed vir: similiter autem & vir sui corporis potestatem non habet, sed mulier. Nolite fraudare inuicem.*

3 *Int.* Quod peccatum est, negare debitum exigenti coniugi? *Resp.* Coniugi petenti debitum serio, negare debitum, est mortale peccatum contra iustitiam commutatiuam promissæ fidei. Ita Doctores communiter. Sufficit autem ad hanc obligationem inducendam interpretatiua petitio ex signis veris, & indiciis manifestis propter pudorem personæ. notat D. Ant. 3. p. tit. 1. c. 20. §. 7. Oritur autem culpa, tum ex natura contractus, in quo mutua traditur corporum potestas, tum ob periculum incontinentiæ.

4 *Int.* Ob quas causas licet negare debitum? *Resp.* In primis propter adulterium commissum à coniuge debitum petente. Ita Doctores communiter in 4. d. 31. Palud. q. 1. n. 9. & d. 25. Richard. a. 5. q. 1. Nisi innocens postea, vel etiam adulterium commiserit, paria enim delicta pari compensatione dissoluuntur. L. *Viro atque vxore. ff. soluto matr.* Vel per petitionem debiti nocentem coniugem sibi reconciliauerit. Ita Caiet. tom. 1. opusc. tract. 29. Armil. matr. num. 77. Nau. cap. 22. num. 23. Tabien. matr. 4. §. 6. Deinde propter incestum commissum à coniuge exigente, cum consanguinea innocentis coniugis. Priuatur enim talis incestuosus iure petendi debitum. cap. 1. cap. Transmissæ. de eo, qui cogn. consang. vxoris. cap. Qui dormierit. 37. q. 2. Inde fit, vt innocens coniux non teneatur reddere. Ita Doctores in 4. d. 34. D. Thom. art. 5. Richard. art. 4. qu. 2. Sot. d. 37. art. 2. Nauar. cap. 16. n. 35. Cou. 2. p. de matr. c. 7. §. 2. n. 5. Ratio est manifesta, quia per illum incestum contraxit affinitatem cum propria vxore. Quia verò affinitas orta ex copula fornicaria, post. Conc. Tridentinum ad solum secundum gradum, excurrit, ideo negare debitum non nisi incestuoso in secundo gradu, potest innocens coniux. Tertiò, propter immodicam frequentiam exigentis. Ita Sotus d. 32. q. 1. art. 1. con. 2. Ratio est, quia in petendo debet modus adhiberi.

5 *Int.* Peccatne coniux, qui adulterium commisit occultum exigendo debitum ab innocente, tanquam rem suam, & sibi debitam? *Resp.* Affirmant Armil. Tabien. Nauar. locis proxime

ximè citatis, *Castro de leg. pæn. lib. 2. cap. 4.* aiuntque talem adulterum ipso adulterio amittere ius ad petendum. Ex opposito fundamento negant *Caiet. tom. 1. opusc. tract. 21. resp. 4. Sot. d. 36. art. 3. Covar. de matrim. 2. p. cap. 7. §. 2. n. 4.* aiuntque sicut in aliis criminibus, sic in adulterio requiri iudicis sententiam, aut coniugis innocentis negationem, per quam priuatur iure petendi.

6 *Int.* Quando peccatur in actu, seu exercitio actus matrimonialis copulæ? *Resp.* Peccatur in primis ratione finis intenti. Si enim finis est sanctus, qualis est procreatio proles, vitatio fornicationis, mutua obsequiorum præstatio, actus est sanctus, & factus in gratia est meritorius vitæ æternæ: nam factus pro filiis in cultum Dei, est opus virtutis religionis: factus pro debito soluendo, est actus iustitiæ commutatiuæ, ut docet *D. Th. in 4. d. 26. q. 1. art. 3. & in Add. q. 41. art. 3. ad 4. Palud. ib. q. 2. art. 1. Sot. q. 1. art. 3.* Vitiatur igitur ex prauo fine, grauius, aut leuius secundum finis malitiam. Quærent igitur Doctores, an liceat hunc actum exercere propter vitandam incontinentiam, vel in se, vel in coniuge, cum illa vitari potest aliis remediis durioribus? *Resp.* Licet quidem. Ita *Dur. in 4. d. 31. q. 4. Pal. q. 2. art. 2. Capreol. q. 2. art. 4. Caiet. verb. matr. Sot. d. 35. q. 1. art. 4.* Probatur ex paulo *1. Cor. 7. Propter fornicationem unusquisque suam uxorem habeat, & unaquæque suum virum.* Quærent, an liceat propter sanitatem, non exclusis aliis finibus. Licet quidem. Ita *Rich. in 4. d. 31. art. 3. q. 2. Caiet. tom. 1. Opusc. tract. 12. q. 3. Catech. ad paroch. tit. de matr. fol. 337.* Quærent, an liceat propter delectationem carnalem, non exclusis aliis finibus. Respondent peccatum esse veniale. Ita *Sylu. matr. Tolet. lib. 7. c. 18. num. 2. D. Thom. in 4. d. 31.* Peccatur deinde ratione modi, quo actus ille exercetur. Peccant enim mortaliter, qui illum exercent contra naturam, quando scilicet in vase non debito exercetur copula: quando etiam effunditur semen extra vas voluntariè. Veruntamen quando in proprio vase semen effunditur, quamuis modus non seruetur, veluti si fœmina superponatur, seu à posteriori parte semen recipiat, nisi sit periculum effundendi semen extra vas, non committitur peccatum mortale. Ita *Abb. Mag. in 4. d. 32. Tol. lib. 7. c. 20. n. 1. Angel. verb. debitum coniug. n. 25. Sylu. eodem verb. q. 6. & 7. Nau. c. 16. num. 42.* Nullum autem est peccatum, si hæc mutatio naturalis situs fiat ob necessitatem.

Ita

Ita omnes citati, & alij. Peccatur tertio ratione temporis, in quo exercetur. Nam peccatum est veniale hunc actum exercere celeberrimis Ecclesiæ festiuitatibus, veluti diebus Natalis Domini, Paschatis, Pentecostes, Corporis Christi, Ascensionis, quinta & sexta feria maioris hebdomadæ, nisi detur periculum incontinentiæ: nam, vt est sacrum profanumque prouerbum, *omnia tempus habent, est tempus ridendi, & tempus lugendi*. Peccatum item est veniale debitum petere, & exercere die ante communionem, nisi adsit periculum incontinentiæ. Petere, dixi, non reddere, quia reddere nullum est peccatum, etiam ipsa die sacræ communionis. Ita D. Thom. in *Add. q. 64. art. 1. ad 1. Vivald. de mat. tit. de deb. coniug. num. 13*. Dubitant Doctores, quod peccatum sit consummare matrimonium ante susceptam benedictionem nuptialem. Aliqui dicunt esse mortale. Ita Pal. in *4. d. 28. q. 2. art. 1. D. Anton. 3. p. tit. 20. c. 1. §. 8*. Ratio eorum est, quia id prohibetur grauiter ab Ecclesia in aliquibus locis, sub pœna excommunicationis. Alij dicunt esse solum veniale. Ita Summistæ *ver. deb. coniug. Ang. n. 1. Sylu. q. 9. Armil. n. 12. Couar. de matr. 2. p. c. 7. §. 2. n. 1. & 2. Caiet. tom. 1. opusc. tract. 13. q. 1. Sot. d. 18. q. 1. art. 2. Nau. c. 22. num. 71*. Ratio eorum est, quia communis, & vniuersalis Ecclesiæ prohibitio est materna, non iudicialis, & ideo Concil. Trid. *sess. 24. cap. 1*. solum hortatur coniuges, ne consumment ante benedictionem. Prior igitur sententia vera erit iuxta aliquas constitutiones Synodales; secunda verò iuxta communem Ecclesiæ prohibitionem. Dubitant deinde de tempore menstrui. Peccatum esse mortale tenuit D. Thom. in *4. d. 32. qu. 2. artic. 2*. Scot. quem citat Sot. *dist. 22. quæst. 1. artic. 2*. Syluest. *debit. num. 8*. Dico tamen (amota causa ad exigendum, vel reddendum necessaria, quæ excusat ab omni culpa) exigere, aut reddere debitum tempore menstrui solum est peccatum veniale, etiamsi credatur ex tali complexu monstrum esse concipiendum. Ita Palud. in *4. d. 32. quæst. 2*. D. Antonin. *3. p. tit. 1. cap. 20. §. 5. Castro de leg. pœn. lib. 1. cap. 12. Tol. lib. 7. cap. 20. Vivald. de mat. tit. deb. coniug. Nauar. c. 16. num. 32*. Ratio est, quia licet proli videatur irrogari grauis iniuria propter monstruositatem, vel infectionem lepræ, in qua quidem concipitur: parua tamen illi sit, quia illi melius est esse, quam uideatur monstruositate affectæ, quam omnino non esse. Peccatur autem ratio loci, si enim hic actus exerceatur coram aliis,

gignet scandalum. Dubitant verò Doctores , an liceat exercere in loco sacro. Aliqui affirmant esse peccatum mortale, quocunque modo, & quacunque de causa exerceatur, quantumvis occultè. Ita Palud. in 4. d. 31. D. Ant. 3. p. tit. 1. c. 20. §. 2. Caiet. *ver. usus matr.* Turrecr. in §. *sed cum naturale.* art. 5. d. 5. Nauar. c. 16. n. 32. Dico *primum*. Exercere hunc actum in loco sacro, sine vlla virgente causa, est graue sacrilegium, quantumvis occultè fiat: Ita citati Doctores. Dico *secundum*. Exercere hunc actum in loco sacro, virgente causa, ad euitandam incontinentiam, occultè, & nemine conscio, nullum est peccatum. Ita Ioan. Andr. Archidiac. Angel. Sylu. Maior, quos refert, & sequitur Castro lib. 1. de leg. pæn. cap. 7 docum. 2. Couar. de matrim. cap. 7. §. 2. n. 3. Sot. d. 32. art. 3. Ratio est, quia sicut ad euitandam mortem corporalem, licet effundere sanguinem humanum in loco sacro, occidendo inimicum; ita ad euitandam mortem spiritualem, licebit effundere semen humanum per licitam copulam. Dico *tertium*. Publicè exercere hunc actum in loco sacro, ex quauis causa exerceatur, semper est peccatum lethale. Ratio est, quia tunc temporis gignitur scandalum, & violatur Ecclesia. cap. *unic. de consecrat. Eccles. lib. 6.* Peccatur quintò ratione damni, quod ex tali actu subsequetur. Enimverò peccat mortaliter, qui exercet hunc actum cum periculo abortus. Ita Sylu. *deb. coniung. q. 5.* Caiet. *verb. abortus.* Nauar. cap. 15. num. 14. Est autem hoc periculum tempore coagulationis foetus, & tempore proximo partui.

7 *Int.* Teneturne coniux debitum reddere, si petatur intra duos primos menses à contracto matrimonio? *Resp.* Minimè. Nam illi duo primi menses conceduntur à iure ad deliberandum de eligendo potiùs adhuc statu religioso, quem antè consummationem potest intra illud tempus eligere, & profiteri. Ita habetur cap. *Ex publico, de conu. coniug.* Docent D. Tho. & Theologi, quos refert Sot. d. 32. q. 1. art. 3.

8 *Int.* Teneturne coniux sanus reddere debitum coniugi leproso, cum periculo infectionis? *Resp.* Minimè. Ita Doctores in 4. d. 32. Palud. q. 1. num. 5. Durand. q. 1. art. 2. Sot. q. 1. art. 1. Caiet. *verb. matr. c. 2.* Nau. c. 16. num. 25. Nam obligatio debiti reddendi, intelligitur salua subiecti consistentia, & valerudine. Est tamen aliquod lepræ genus, in quo non est periculum infectionis, & tunc permanet debiti obligatio, vt decernitur cap. *Quoniam, de coniug. leprof.* Quod dictum est de lepra, dicendum est

est de morbo Gallico, & alio contagioso. Ita Sotus d. 32. q. 1. Armil. ver. deb. coniug. num. 3. & matrim. num. 69. Nauar. c. 16. n. 25. vbi ait sic esse intelligendum cap. 1. & 2. de coniug. lepr.

9 Int. Teneturne coniux reddere debitum coniugi illud exigenti, qui habet votum castitatis? Resp. Hanc quaestionem iam proposuisti, & solui 1. p. cap. 6. §. 2. num. 6. negatiue responsione cum Nauarro aduersus communem, in qua sum etiam modò: præcipuè cum ambo ex mutuo consensu vouerunt, quia vt vnus se priuauit iure exigendi, ita alium iure reddendi, sicuti bene aduertit Ledesm. 2. 4. quæst. 55. art. 1. ad 1. Neque placet ratio communis sententiæ pro parte affirmatiua. Quando opus de se, inquiunt, non est malum, sed ex malitia alterius. & alias est debitum, non peccat, qui in illud opus consentit, non consentiendo in malitiam. Non placet, inquam, hæc ratio, quia se habet ex parte petentis, & non reddentis, atque adhuc ad illum consensum excusandum oportet, vt interueniat honesta causa. Exemplo res erit manifesta: scio gentilem hominem iuraturum per falsos deos: sed mea valdè interest ab eo iuramentum exigere, iuramentum ex se est sanctum, ex malitia verò hominis, ab eo fertur sacrilege, possum tale iuramentum exigere, & in talem actum, qui ex se bonus est, consentire: scio meum parochum esse in peccato lethali, indigeo baptismo, aut alio sacramento: non est alius, qui illud ministret: ministratio sacramenti ex se est sancta, ex malitia verò parochi, fit sacrilegè, possum ab eo exigere sacramenta. Vnde manifestè apparet rationem allatam in nostro casu non concludere, vbi agimus de redditione sine vlla excusante, & cohonestante causa. Et confirmatur non leuiter. Enimuèrò nemo negat parochianum habere ius ad petenda sacramenta à suo parochio, & tamen nemo negat peccare grauiter parochum, qui sciens petentem esse in lethali, illi sacramenta ministrat, licèt videatur reddere, quod aliàs debitum petitur, & non consentiat in malitiam alterius.

10 Int. Quid censes de incitamentis coniugum ad copulam licitam ex debito fine? Resp. Amoto periculo pollutionis, licitum est coniugibus vti calidis cibis, osculis, amplexibus, tactibus impudicis ad copulam coniugalem pro debito fine habendam: ad illam autem habendam pro delectatione, est peccatum veniale. Ita Sylu. debitum coniug. q. 9. Armil. ib. num. 8.

Caiet. verb. matr. c. de usu matr. Nauar. cap. 16. num. 42. Henric. de mat. lib. 11. cap. 17. §. 6.

11 *Int.* Quid censes de osculis, & amplexibus inter spon-
sos per verba de futuro, propter delectationem carnalem ex
iis ortam, semoto periculo pollutionis, & absque animo pro-
grediendi ulterius ad actum copulæ? *Resp.* Caiet. ver. sponsal.
c. 2. 2. quæst. 154. art. 4. & Nauar. cap. 16. n. 12. arbitrantur esse tan-
tum peccata venialia. Esse verò peccata mortalia, arbitratur
communis opinio cum D. Thom. 2. 2. quæst. 154. art. 4. Ratio vni-
ca est, quia oscula, & amplexus, ut delectabilia secundum ta-
ctum inter marem & foeminam, ab ipsa natura sunt ordinata
ad copulam: igitur erunt licita tantummodo inter eos, inter
quos est licita copula: cum igitur inter sponsores copula non
sit licita, neque item erunt oscula, & amplexus.

12 *Int.* Quid censes de tactibus impudicis inter eosdem
sponsores? *Resp.* De his nemo dubitat esse peccata mortalia.

Additio ad hanc tertiam partem Examinis, pro de-
clarandis ministris sacramentorum.

I INTERROGATIO. Quoniam dubitatum fuit ab ali-
quibus, an à sacerdotibus simplicibus, hoc est, carentibus
beneficio curato, de sola licentia parochorum, absque alia
licentia Ordinarij, possent administrari sacramenta Baptis-
matis, Eucharistiæ, & Extremæ Vnctionis, profer immèdium,
quid illis respondendum sit? *Resp.* Dico primum. Minister Bap-
tismatis ex officio est Sacerdos parochus. Ita D. Thom. Sor.
Tolet. quos retuli 1. p. cap. 4. §. 5. num. 1. Dico secundum. Nemini
sacerdoti licet absque licentia parochi, vel Ordinarij, aut il-
lius Vicarij generalis ministrare sacramentum baptismi. Ita
habetur cap. Interdicimus. 16. quæst. 1. peccatque grauitè, qui
contra hanc Ecclesiæ prohibitionem baptizat absque paro-
chi, vel Ordinarij licentia, ut ex iisdem auctoribus ostendi 1.
p. cap. 4. §. 5. num. 1. Dico tertium. Ex licentia parochi quilibet
Sacerdos simplex potest administrare baptismum subdito ta-
lis parochi. Ita expressè Nauar. c. 22. num. 7. §. octauo peccat.
Viuald. de baptismo. tit. de ministr. num. 1. Dico quartum. Solus Sa-
cerdos parochus est nunc ex officio minister ad conferendum
sacramentum diuinæ Eucharistiæ suis subditis. Ita habetur c.
peruenit. de consecr. d. 2. Notat Viuald. de Euchar. tit. de usu.
num. 2.

num. 2. Dixi, nunc, quia, olim, cum fideles communicabant sub utraque specie, diaconus etiam ex officio ministrabat sanguinem. Ita communiter Doctores sacri: notat Sot. in 4. d. 13. q. 1. a. 3. concl. 3. Viuald. de Euchar. tit. de usu. n. 2. Tolet. l. 2. c. 28. n. 2. Dico quintum. De licentia parochi potest quilibet simplex Sacerdos administrare Eucharistiam. sic Tolet. lib. 2. c. 28. num. 2. & lib. 6. c. 17. n. 1. Dico sextum. Non solum sacerdoti, sed etiam diacono (in casu necessitatis) potest parochus dare licentiam administrandi Eucharistiam. Ita Viuald. de Euchar. tit. de usu. n. 2. Tolet. lib. 2. c. 28. n. 2. & lib. 6. c. 17. n. 1. Erit autem necessitas cum adest parochus, sed est impeditus, & non est alius Sacerdos. Ita habetur c. Diacono. & c. Prasente. dist. 93. Instit. de Euchar. lib. 2. §. Sed nec. Tenent Doctores in 4. d. 13. q. 2. art. 3. cum paludano. Summisit ver. commun. sacram. Caiet. c. de ministro. Armil. num. 21. Viç. de Euch. num. 89. Gloss. verò. Institut. citato loco ait causam sufficientem esse, si Sacerdos non possit sufficere ad communicandam multitudinem. Dico septimum. Minister Sacramenti extremæ Vnctionis est solus Sacerdos. Ita eruitur manifestè ex c. 5. D. Iacobi, dicentis. Infirmatur quis in vobis? inducat presbyteros Ecclesiæ, &c. habetur c. 1. de Sac. Vnct. cap. presbyteros. dist. 95. in Conc. Cabilon. cap. 46. Definitur in Conc. Trident. sess. 14. cap. 1. & can. 4. Tradunt ex D. Thom. in antiquis Nauar. cap. 22. num. 12. Viç. num. 220. Sot. d. 23. quæst. 2. art. 1. Est igitur Sacerdos necessarius necessitate Sacramenti. De necessitate verò præcepti est Sacerdos Parochus. Ita habetur in Clement. de priuileg. & Clem. Dudum. de sepul. Docent S. Thom. in 4. d. 23. quæst. 2. a. 1. & in Add. quæst. 33. art. 3. D. Bonau. Richard. Scot. & alij in 4. d. 23. Sot. quæst. 2. a. 1. Angel. verb. vnct. quæst. 3. Armil. quæst. 4. & 5. Sylu. quæst. 5. Dico octauum. De sola licentia parochi potest quilibet simplex Sacerdos administrare sacramentum extremæ Vnctionis. Ita Viuald. de Sac. Vnct. tit. de ministr. n. 3. Dico nonum. Qui Sacerdos sine licentia Episcopi, vel parochi, administrat extra necessitatem sacramentum Vnctionis, manet excommunicatus. Ita colligunt Doctores ex Clem. 1. de priuileg. Sacramentum tamen est validum, & verè collatum. Ita Viuald. loco citato, & Viç. de Euch. num. 200.

2 Int. De aliis sacramentis potestne esse aliqua dubitatio? Resp. Minimè quidem, quia Sacramentorum confirmationis, & Ordinis minister est solus Episcopus. Approbatio autem Episcopi ad Sacramentum poenitentiae, est post Conc. Trid. de

732 *Pars tertia. Cap. XXI. §. I. De minist. Sacram.*
de essentia sacramenti. Quod verò Sacerdos de licentia pa-
rochi possit adesse ad contractum matrimonialem, tanquam
conditio sine qua non celebratur validè contractus conjuga-
lis, ac proinde non tenet Sacramentum matrimonij, decre-
vit idem Concilium, vt suis locis iam dixi, & ostendi. Et
per hæc satisfactum est propositæ quæstioni secundum com-
mune ius, Doctorumque sententiam. Si tamen in aliqua diœ-
cesi alia vigeat consuetudo, nimirum, vt obtineatur facu-
tas Ordinarij ad Sacramenta ministranda, sicuti obtinetur
ad primam post ordinem sacerdotij susceptum dicendam
Missam, seruanda est propter pœnam appositam aliter fa-
cientibus. Nam sicut iubetur, vt quisque Sacerdos faculta-
tem petat ad primam dicendam Missam propter examen ce-
rimoniarum, an fortè eas rectè teneat ac seruet. Ita optimum
erit consilium iubere, vt petatur facultas ad sacramenta mi-
nistranda, propter ritum in iis administrandis seruandum se-
cundum S. Rom. Ecclesi. morem, circa quæ non leuiter sæpe
ac sæpissimè cuique errare contingit, nisi diligentem adhibeat
animaduersionem.

Finis tertia Partis.

EXA

EXAMINIS
THEOLOGICÆ
MORALIS.
PARS QUARTA.

*In qua de peccato in communi, & singulari circa diuersos
personarum status alphabeti ordine multæ, ac variae
quaestiones mouentur, & soluuntur.*

AD CALCEM DE OPERIBVS
agitur misericordiæ.

CAPVT I.

De peccato in communi. §. I.

1. *Definitur peccatum mortale iuxta D. Augustinum.*
2. *Enucleatur definitio Augustini.*
3. *Traduntur peccati mortalis diuisiones.*
4. *Quot modis errarunt hæretici circa traditas diuisiones.*
5. *Discrimen inter peccatum mortale & veniale.*
6. *Quod est peccatum ex genere suo mortale, quod veniale.*
7. *An remittantur à Deo peccata mortalia omnibus.*
8. *An alicui peccatori denegetur in hac vita auxilium, siue gratia
adiuuans ad conuersionem.*
9. *Per quod medium remittuntur à Deo peccata mortalia.*
10. *An peccata semel dimissa, iterum peccatori imputentur ad
culpam.*
11. *An peccata semel dimissa, iterum peccatori imputentur ad pœ-
nam.*
12. *Utrum de lege ordinaria remittatur vnum peccatum mortale
sine aliis dimissis mortalibus.*
13. *Per quid remittitur peccatum veniale intra viam.*

14. *Per*

- 14 Per quid remittitur peccatum veniale extra viam.
 15 Quod est peccatum commissionis, & omissionis.
 16 Vtrum contemptus sit peccatum mortale.
 17 An ex multis peccatis venialibus fiat unum peccatum mortale.
 18 Vnde excusatur opus à peccato mortali.

I N T E R R O G A T I O. Antequam ad singula peccata veniamus, quæro ex te de peccato in communi, quid sit peccatum? *Resp.* Suppono peccati nomen significare deuiationem à rectitudine debita operi faciendo. Ita D. Thom. 1. p. *quæst.* 63. a. 1. Hæc autem deuatio contingit, vel in operibus naturæ, & tunc appellatur peccatum naturæ. Ideo philosophus 2. *phys.* appellat monstra (in quibus deuatum est à rectitudine animalis, vel alterius rei naturalis) peccata naturæ: vel contingit in operibus artificialibus, & tunc vocatur peccatum artis: vel contingit in operibus voluntariis, & tunc vocatur peccatum mortale. Et ideo peccatum à D. Aug. lib. 2. *de consen. Euang.* appellatur transgressio legis, legis, inquam, vel naturæ, vel artis, vel rationis. Hoc igitur peccatum mortale definitur à D. Aug. lib. 2. contra Faust. c. 27. dictum, aut factum, aut concupitum contra legem Dei æternam; approbat D. Thom. 1. 2. q. 71. & communiter Theologi, & Nauar. *prelud.* 7. num. 4. & Gloss. c. ille rex. de pæn. d. 3. Lex autem æterna est diuina, & summa ratio, cui debent dicta, facta, & concupita nostra aptari & conformari. Ita D. Aug. lib. 1. *de liber. arb.* cap. 6. D. Thom. 2. 2. *quæst.* 91. art. 1. Adeo manifesta, & clara omnibus, vt naturæ dictatu, absque alio magistro, innotescat; mala prohibens, bona proponens. Et ideo cum Regium vatem quidam interrogaret: *Quis ostendet nobis bona?* respondit Deo gratulans. *Signatum est super nos lumen vultus tui Domine.* Psal. 4. Ideo quidquid est contra legem naturalem, est contra legem æternam, vt docet D. Thom. 2. 2. *quæst.* 91. art. vlt. & Caiet. *ibi.*

2 *Int.* Obscura sanè est descriptio proposita, enuclea clarioribus verbis mentem August. nam neque occisio, v. g. neque contumelia, neque cogitatio materialiter sumpta peccata sunt, quid igitur vult Aug. cum dicit, peccatum est dictum, aut factum, aut concupitum contra legem æternam? *Resp.* Sensus est. Peccatum est voluntaria deuatio à lege æterna, seu regula diuina in exequendo opere, vel dicto, vel in concupiscenda

piscenda aliqua re. Ideo Tolet. *lib. 3. c. 1. nu. 2.* definit ; peccatum est recessus voluntarius à regula diuina. Quod voluntarium intellexit Aug. in ver. contra, teste Bellar. *tom. 3. contr. 2. lib. 1. de peccatis. cap. 1.*

3 *Int.* Quot nominibus appellatur peccatum ? *Resp.* Pluribus. Aliud enim appellatur mortale , aliud veniale. Aliud appellatur mortale ex genere suo ; aliud veniale ex genere suo. Aliud appellatur commissionis, aliud omissionis.

4 *Int.* Dic in primis , quot modis errarunt hæretici circa primam diuisionem , qua diuifisti peccatum in mortale , & veniale ? *Resp.* Pluribus. Vvicleffus asseruit omnia peccata reproborum esse mortalia : omnia verò peccata prædestinatorum esse venialia , ac proinde prædestinatum semper esse in gratia : reprobum semper esse in odio Dei. Hunc errorem confutat Vvaldensis *de sacram. c. 155.* Castro *ver. peccatum. hæres. ult.* oppositum definit Conc. Trid. *sess. 6. can. 17.* Lutherus dixit solum peccatum infidelitatis esse mortale : reliqua verò omnia venialia. Confutat hunc errorem Castro loco citato , & Vega *lib. 4. super Conc. Trid. cap. 1.* Veritas verò nostra est de fide definita in Conc. Trid. *sess. 6. can. 17.*

5 *Int.* Quod est discrimen inter peccatum mortale , & veniale ? *Resp.* Torfit Doctorum omnium ingenia proposita quaestio : atque nullus hætenus à priori , vt Logici loquuntur , discrimen assignauit omnino certum. Opiniones non afferro , ne sim tædio lectori. Duæ sunt potissimæ. Prima Scot. *in 2. d. 21. q. 1.* Gabr. *in 4. d. 16. q. 1. a. 1. not. 1.* asserentium in hoc esse discrimen , quia peccatum mortale it contra præceptum : veniale contra consilium. Damnat hanc opinionem Veg. *lib. 14. sup. Conc. Trid. cap. 12.* & merito iure. Enimuerò nubere opus est bonum , & tamen it contra consilium Pauli de non nubendo. *1. Cor. 7. Qui non nubit melius facit.* Clarius discrimen est , quod apponunt Alen. *2. p. q. 106. memb. 1.* Bonau. *in 2. d. 42. qu. 1. art. 1.* Nimirum in eo consistere , quia mortale it contra præceptum : veniale verò præter præceptum , seu , non secundum præceptum. A recta enim via possumus deniare dupliciter , vel eundo contra , vt si eundum sit sursum , tendamus deorsum , vel eundo præter , seu non secundum viam , vt si eundum sit recta , tendamus obliquè , vel distortè circulariter. Ita sequitur Tolet. *lib. 3. cap. 1.* A posteriori verò multæ assignantur rationes , hoc est , ab effectu orto ex mala causa. Nam
appellatur

appellatur mortale, quia priuat vita spiritali, hoc est, diuina gratia. Qua de morte dixit Sapiens c. 16. *Homo per malitiam occidit animam suam*. Appellatur autem veniale, quia facile inuenit veniam à Deo concessam.

6 *Int.* Quod est peccatum ex genere suo mortale; quod veniale? *Resp.* Peccatum ex genere suo mortale est, quod intra eandem malitiæ speciem accrescit ad mortale absque alia extrinseca circumstantia, seu malitia adueniente. v. g. furtum intra eandem furti speciem, crescit ad mortalem quantitatem. Veniale ex genere suo est, quod intra eandem speciem accrescens, quantumcunque accrescat, non peruenit ad mortale, sed indiget externa malitia adueniente. Tale est mendacium iocosum, verbum otiosum, & similia.

7 *Int.* Remittuntur in hac vita peccata mortalia? *Resp.* Multipliciter errarunt hæretici in hoc puncto. Nam Catari & Cataphrygi dixerunt peccata Christianorum esse irremissibilia. Huius erroris meminerunt Epiphanius *hæres.* 59. D. Hieronymus *lib. 2. cont. Iovin. & epist.* 50. 54. 61. Augustinus *de ver. & fals. pæn.* cap. 3. & *de agon. chrif.* cap. 3. Cyprianus *cap. 52.* Athanasius *orat. de pec. in Spir. sanct.* qui illum tribuit Origeni. Fundamentum huius erroris sumptum est ex Paulo 6. *ad Hebr.* *Impossibile est eos, qui semel illuminati sunt, & cap. 10. Non relinquitur hostia pro peccato.* Tertullianus dixit peccata semel commissæ post baptismum dimitti, non tamen si iterum committantur. Ita de eo affirmant D. Hieronymus *lib. de script. Eccles.* Vincent. Lyrensis *lib. contra nouitates.* Nicephorus *lib. 4. hist.* cap. 12. & 34. Nouatus dixit aliqua grauissima peccata non remitti, quale est apostasia à fide. Negare Christum in tormentis. Ita Eusebius *lib. 6. hist.* cap. 35. Rufinus *cap. 33.* Nicephorus *lib. 6. cap. 3.* restantur. Dico tamen primum. Tam in statu naturæ, quam in statu legis scriptæ peccata mortalia à Deo dimittebantur. Est de fide. Ita de Adamo Sap. 10. Reprehenditur Cain quod veniam desperauerit. Genes. 4. de statu legis scriptæ. Isai. 55. *Derelinquat impius viam suam, & Vir iniquus cogitationes suas, & reuertatur ad Dominum, & miserebitur eius, & ad Deum nostrum, quoniam multus est ad ignoscendum.* Dico secundum. In lege gratiæ dimittuntur à Deo peccata Christianorum. Est veritas definita in Conc. Mileuitan. & Arausicano. in Nicen. can. 8. in Trid. sess. 6. cap. 14. & can. 19. & tota sess. 14. Dico tertium. Verbum D. Pauli Hebr. 6. & 10. *Impossibile est*

est eos, qui semel, &c. Non relinquitur hostia pro peccato, &c. idem est. atque difficillimum. Ita Hieronym. *cont. Iovinian. lib. 2.* D. Anselm. *cap. 6. ad Hebr. Conc. Colon. tit. de pœn.* Hanc autem difficultatem intelligunt dicti Patres circa atrociora peccata. Dico *quartum*. Verus sensus Pauli est de secundo baptisinate, quod quidem semel susceptum impossibile est iterum suscipi ad delendum peccata. Ita D. Chrysost. D. Bonau. & alij *ib. D. Aug. & Athan. cit. D. Ambr. lib. 2. de pœn. cap. 2.* Iust. Mar. *ad gentes. q. 97.* Dico *quintum*. Non semel tantum, sed quoties homo peccat, & ad Deum reuertitur, toties ab eo consequitur veniam peccatorum mortalium. Est de fide. Matth. 18. *Non dico tibi septies, sed septuagies septies.* Ita D. Hieron. *ib. Hilar. can. 18.* Chrys. *hom. 62. in Matth. & 2. in Psal. 50. & hom. 24. & 40. ad pop. Damasc. lib. 2. par. cap. 86.* Niceph. *lib. 4. hist. cap. 23.* optima sunt verba Tertul. *cap. 8. de pœn.* Nemo deterior fiat, eò quod Deus bonus sit; toties remittens, quoties delinquimus. Dico *sixtum*. Nullum est tam graue peccatum, cuius à Deo venia obtineri non possit. Constat fuisse peccata hæresis remissa. *Apocal. 3. & 2. ad Tim. 2.* & ideo quisvis peccator est ad pœnitentiam recipiendus ex *Conc. Nyssen. can. 8.* & alijs, quæ refert Euseb. *lib. 5. hist. cap. 3. & lib. 6. cap. 32.* Hinc fit, vt loca *Matth. 12. & Marc. 3.* vbi blasphemia in Spiritum sanctum dicitur non remitti, neque in hoc sæculo, neque in futuro, similiter 1. *Ioan. 3.* vbi appellatur certum peccatum ad mortem, intelligenda sint de difficultate consequendæ veniæ. Ita Vega *lib. 13. in Trid.* Chrys. *hom. 42. in Matth.* D. Thom. 3. *p. q. 68. art. 1.* D. Ambr. *lib. 1. de pœn. c. 8. & 9.* Nisi velimus interpretari locum D. Ioan. de impœnitentia finali, in qua quis moritur, vt significauit D. Aug. *lib. de cor. & gratia. cap. 12.* & Beda ad eum locum. *Cassianus epist. 3.* Greg. 16. *mor. cap. 28.* insinuat D. Hieronym. *cap. 14. Jerem. in illa verba, Noli orare pro populo isto.*

8 *Int.* Suntne aliqui, vel fuere peccatores, qui in hac vita non possint ad Deum verè conuerti, vt ab eo obtineant veniam? *Resp.* Senserunt de insignibus peccatoribus Henriq. *quodl. 8. q. 1.* Abulens. *c. 4. Exod. q. 12. & Deut. 2. q. 10. Med. lib. 3. de fide. c. 1.* Cathar. *de præd. & repr.* Roffens. *art. 36.* contra Luth. Ruard. *art. 7.* Sensus verò eorum est, Deum in pœnam talium peccatorum illis denegare gratiam sufficientem ad se conuertendum verè, vt possint veniam consequi. Probari

videtur hæc opinio *Eccles. 7.* vbi Deus dicitur peccatores certos despiciere. *Psal. 8.* dimittere. *Jerem. 51.* derelinquere. Similiter loquuntur *Isidor. lib. 2. de sum. bon. cap. 15.* *Euseb. lib. 8. demonstr. c. 2.* *Greg. 11. mor. cap. 5. & 31. cap. 11.* *Bern. de fallacia fæc. D. August. cap. 14. de gratia.* Oppositum tamen asseruerunt *D. Thom. 1. 2. quæst. 85.* *Alens. 4. p. qu. 13. memb. 4. art. 2. & qu. 14. mem. 5. art. 2.* *Altiſiod. lib. 3. tract. 2. c. 1. q. 1. & lib. 4. tract. 6. cap. 1. qu. ult.* *Medin. tract. 1. quæst. 11. de pæn.* *Sot. in 4. d. 15. q. 1. artic. 1.* *Pet. Sot. lect. 5. de pæn.* *Veg. lib. 13. in Trid. cap. 12. & 13.* *Dried. de captiuit. tract. 5. c. 3.* *Ruard. loc. cit.* Probatur ex vocatione generali *Matth. 11: Venite ad me omnes qui laboratis, & onerati estis, & ego reficiam vos.* De durioribus peccatoribus dicit Scriptura *Sap. 11. 12.* *Disſimulat peccata hominum propter pænitentiam,* hoc est, expectat patienter, suppeditando gratiam sufficientem ad conuersionem, pro hoc solo fine, vt liberè conuertantur. Ita exposuit *D. Pet. 3. can. 3.* vt homines quantumuis prauos ad pœnitendum prouocet. Et ideo *D. Paul.* totam impœnitentiam, & duritiam reiicit in nos, ad *Rom. 2.* *Tu autem secundùm duritiam tuam, & impœnitens cor, vt declares duritiam, & impœnitentiam quamcumque non defectui diuini sufficientis auxiliij, sed prauo libertatis vsui esse tribuendam.* Quod quidem satis clarè videtur Deus ipse testari *Oseæ 13.* *perditio tua ex te Israël, tantummodò ex me auxilium tuum.* Et hæc est communis Theologorum sententia, & locutio, cum qua dicendum nemini à Deo denegari sufficientem gratiam, quantumcumque peccatori non ponenti eidem gratiæ obicem, qua possit ad Deum conuerti. Loca verò scripturæ adducta pro contraria opinione intelliguntur de auxilijs particularibus quæ Deus in criminum pœnam insigni peccatori denegat, præuidet enim talem peccatorem in tali clementia abuturum non cooperando, & ideo eam denegat, ne maiori dignus fiat animaduersione, vt rectè aduertit *Suarez disp. de effectu pæn. circa remis. mortal. peccat. sect. 2. n. ult.*

9 *Int.* Per quod medium remittuntur à Deo peccata mortalia? *Resp.* Dico primum. Remittuntur per actum dilectionis Dei super omnia. Ita *Pet. Sot. lect. 5. de pæn.* *Caiet. 1. 2. q. 87. art. 1.* *Greg. in 1. d. 17.* *Adria, quodl. 7. quæst. 4.* *D. Bern. ep. 170.* *D. Greg. hom. 33. in Euang.* *D. Aug. 14. ciuitat. cap. ult.* *Nau. c. 1. nu. 1.* Probatur ex *1. Ioan. 4.* *Omnes qui diligunt, ex Deo est.* Nam talis actus dilectionis Dei super omnia, est perfectà conuersio pecca

peccatoris ad Deum ; ergo conuertet Deum etiam ad peccatorem, iuxta Dei promissionem Zach. I. *Conuertimini ad me, & ego conuertar ad vos.* Dico secundum. Remittuntur per actum doloris detestantis peccatum super omne detestabile, ex eo quod sit offensa Dei, quem summè diligere debemus. Ita omnes Theologi, & adeò hoc medium efficax ad veniam consequendam putarunt aliqui, vt existiment necessarium, ita vt possit homo habere actum dilectionis Dei super omnia, & manere in peccato mortali, nisi doleat de eo praesentis, & actuali dolore. Ita Cano *relect. de pæn. p. 3.* Quod quidè verum est, cum ita diligens recordatur peccati commissi (si cum tali recordatione exerceri possit actus talis dilectionis, quod negat Petr. Sot. *lect. 4. & 5. de pæn.*) Cum verò ex obliuione totali, vel ex naturali incogitantia, peccati non meminit, certum est, quod primo loco dixi, nimirum iustificari peccatorem per talem actum amoris. Ita D. Thom. 3. p. q. 87. art. 1. & Sot. in 4. d. 14. q. 1. art. 2. Cui etiam non assentior, cum dicit per actum martyrij pro Christo passi absque alia detestatione, & dolore peccati, licet martyr recordetur peccatorum, talia peccata dimitti. Ita Suarius illum impugnat *tom. 3. in 3. p. disp. 29. sect. 2. & 3.* Dico tertium. Remittuntur peccata mortalia in Sacramento poenitentiae per attritionem cognitam talem : in reliquis per contritionem veram, vel attritionem existimatam à suscipiente contritionem. Hac est manifesta ex generali doctrina in materia de sacramentis, tum in communi, tum in singulari, vt iam respondi suo loco.

10 Int. Remittuntur ne peccata à Deo, ita vt nunquam deinceps peccatori deputentur ad culpam? *Resp.* Fuere haeretici, qui dixerunt, peccata cum dimittuntur, non omnino auelli, sed tegi, aut radi, & per commissum subsequens peccatum iterum repullulare, ac renasci, imputarique ad culpam, quemadmodum de operibus meritoriis asserunt Theologi, cum per peccatum mortificantur. Oppositum tamen definit Conc. Trid. *sess. 5. c. 6. & 14.* Fuerunt Catholici, qui dixerunt post dimissa peccata, subsequens commissum, ita pro ingratitudine esse graue culpam vt æquipolleat culpæ simul sumptæ omniū dimissorum: & in hoc sensu peccata dimissa, per subsequens peccatum iterum imputari, & puniri. Ita Hugo Viçt. *de sacr. d. 14. c. 9.* Magist. in 4. d. 22. n. 6. Medin. *de pæn. tom. 1. q. 8.* Colligitur hæc opinio ex D. Aug. libro de bapt. cap. 12.

¶ 13. *Ex serm. 51. de verb. Dom.* fundamentum est parabola à Christo Domino proposita de debito demisso seruo, *Matth. 18. serue nequam omne debitum dimisi tibi.* & postea iubetur detrudi in carcerem, donec reddat vsque ad nouissimum quadrantem. Verumtamen facilis est expositio parabolæ, quasi diceret, reliqua debita dimisi, & sunt dimissa. Verumtamen debitum denuò contractum nolo dimittere, sed exacte totum reddes. Ideo opposita sententia est certa apud omnes alios cum D. Thom. in 4. d. 22. Gratian. c. ult. de pæn. d. 4. ubi multa congerit Patrū testimonia, sumiturque ex D. Paulo ad Rom. 11. *Dona Dei sunt sine pœnitentia.* Circumstantia verò ingratitudinis, licet aliquantulum aggrauet, vt notat D. Tho. non tamen ad eò aggrauat, vt toti præcedenti malitiæ æquipolleat, vt docet Suar. de pæn. disp. de reditu peccat. sect. 3. & ideo, per se loquendo, neque est de necessitate confessionis.

¶ 11 Int. Siquidem non deputantur ad culpam, rogo, an per subsequens peccatum deputentur ad pœnam? *Resp.* Minimè quidē. Claret ex *Nau. 3.* quia Deus nō iudicat bis in idipsum. Probatur ratione, quia pœnæ malum, vt pœna non potest infigi à iudice, nisi pro culpa: si ergo culpa ablata est, & pro illa data iam pœna, non redeunte culpa, nequit iterum redire pœna. Et hæc est communis opinio.

¶ 12 Int. Quæro vltèrius, vtrū remittatur vnum peccatum mortale, non remissis aliis de lege ordinaria? *Resp.* Minimè. Imò est de fide, quod non possit de lege ordinaria remitti vnum mortale, quin remittantur omnia. Ita Theologi cum D. Thom. 3. p. 2. q. 86. art. 3. Ratio est, quia non potest remitti peccatum mortale, quin peccator recipiatur in amicitiam Dei, non potest verò recipi in amicitiam Dei, qui habet peccatum mortale: ergo cum vnum remittitur, necesse est, vt omnia remittantur. Deinde, ille, cui remittitur peccatum mortale, admittitur ad regnum cælorum: non potest verò admitti, qui habet peccatum mortale: ergo cum vnum tollitur, alterum tolli necesse est. Ita argumentatur Innocent. III. in cap. *Maiores*, de Baptism. vt concluderet non posse remitti & tolli peccatum originale, non sublato, ac remisso actuali. Multa adducit Medin. de pæn. quæst. 12. Dixi, de potentia ordinaria, quia de potentia absoluta licet neget Sot. in 4. d. 15. quæst. 1. art. 3. affirmant tamen Scot. in 4. d. 14. Gabr. 9. 1. art. 2. Med. de pæn. tract. 1. quæst. 7. Adrian. quæst. 4. de pœnit. quos

quos refert, & sequitur Suarez *disp. de remiss. peccat. sect. 6.* Illius fundamentum est, quia de potentia absoluta non potest Deus dimittere peccatum, quin donet gratiam, & recipiat peccatorem in suam amicitiam. Tunc verò fieret remissio per non imputationem: sed hoc longius persequi, alterius est considerationis.

13 *Int.* Per quid remittitur peccatum veniale? *Resp.* Multipliciter hac de re opinati sunt Theologi. Durand. *in 4. d. 16. quest. 2. & d. 21. quest. 1.* dixit veniale expelli per quemlibet actum contrarium, etiam naturalem, *verbi gratia*, mendacium per actum naturalem voluntatis nolentis deinceps mentiri. At verò Gabr. Maior, & reliqui Nominales, insuper Scot. *4. d. 16.* dixerunt veniale tolli per poenam assumptam: quia arbitrabantur per veniale peccatum non remanere in anima maculam culpæ, sed reatum tantum ad poenam, & ideo poena satisfacta tolli tale peccatum, etiam in inferno. Dico *primum*. Ex peccato veniali remanet in anima non solum reatus ad poenam, sed macula culpæ. Ita D. Thom. *1. 2. quest. 88. art. 1. & quest. 7. de malo. art. 11.* Dico *secundum*. Tolli peccatum veniale, non est satisfieri pro poena debita, sed est tolli maculam culpæ. Ita D. Thom. *loc. citat. Sot. in 4. d. 15. quest. 2. art. 2. Ledesm. 1. 4. quest. 28. art. 1. Cordub. lib. 1. quest. 5. n. 8. & 11.* Dico *tertium*. Peccatum veniale non tollitur per actum merè naturalem. Ita D. Thom. *3. p. q. 87. art. 4. & 1. 2. quest. 87. art. 5. ad 3. & quest. 7. de malo. art. 10. & in 4. d. 16. quest. 1. art. 1. quest. 2. ad 3. & ibidem Paludan. quest. 1. art. 1. Richard. articul. 5. quest. 2. & distinct. 21. quest. 3. artic. 2. D. Bonavent. artic. 1. quest. 1. Alens. 4. p. quest. 65. aliàs 15. memb. 3. S. 4. Sot. d. 15. quest. 2. art. 4. Abulens. quæ. 711. in cap. 25. Matth. Richard. Vict. opuscul. de diff. peccat. Pet. Sot. lect. 18. de poenit. Ratio sumitur ex scriptura remissionem peccati venialis Deo tribuente. Ita Psalm. 31. *Beatus vir, cui non imputavit Dominus peccatum*, id est, dimisit ex gratia. Ita exposuit D. Paul. Rom. 4: peccatum verò etiam veniale. Ita Glossa ordin. Similiter 1. Ioann. 1. *Fidelis est, ut remittat nobis peccata nostra*, id est, peccata, quæ nos iusti committimus. Ita explicuit Concil. Mileuitan. cap. 6. 7. 8. Iusti autem non committunt peccata mortalia. Præterea quotidie petimus, *Dimitte nobis debita nostra*, debita, inquam, venialia. Ita exposuit Conc. Trident. sess. 6. cap. 11. Denique cap. 2. dixit Ioan. *Si quis peccaverit**

rit, *aduocatum habemus ad Patrem*, id est, intercessorem, qui oret. Peccauerit verò etiam venialiter. Ita D. August. *ibidem*, *tractatu primo*. Dico *quartum*. Ad consequendam remissionem peccati venialis requiritur, vt cui sit remissio, sit in gratia sanctificante. Ita omnes supra citati auctores. Ratio est, quia vt tollatur peccatum veniale, requiritur proprius actus peccatoris, & hic non purè naturalis, vt iam dixi, sed acceptabilis à Deo in ordine ad supernaturalem finem. At verò actus peccatoris nil habent valoris apud Deum pro dimissione culpæ: & ideo nunquam remittitur veniale peccatum, quin priùs remittatur mortale. Dico *quintum*. Peccata venialia remittuntur per quemlibet actum bonum hominis iusti. ita asserunt Scot. *in 4. d. 21. q. 1.* Maior *q. 1.* Gabr. *ibid. d. 16. q. 1.* Medin. *de pæn. tract. 1. q. 3.* Atque habetur in Decr. *de pæn. d. 3. c. de quotidianis*. vbi dicitur huiusmodi peccata tolli per orationem Dominicam. Marianus Viêt. *de confess. c. 10.* ait tolli per actum, quo iustus vult placere Deo. Suarius *disp. de remis. venial. sect. 2.* tolli per propositum non amplius committendi tale peccatum, excludendo complacentiam in eo. Vnde apparet falsam esse opinionem Alens. *4. p. q. 15. aliàs 65. m. 4. art. 4. quæst. 27. aliàs 69. m. 3. art. 5.* & Palud. *in 4. distinct. 16. quæst. 2. art. 2.* affirmantium esse necessariam contritionem ad remissionem venialium. Ratio est, quia quicumque actus bonus hominis grati, est dignus maiori Dei amicitia: ad amicitiam verò maiorem pertinet remissio leuium offensarum. Dico *sextum*. Per quodlibet sacramentum remittuntur omnia peccata venialia ex opere operato, nisi suscipiens Sacramenta actualiter repugnet per actualem complacentiam eorum, vel certi alicuius. Si enim accedat sine actuali complacentia, & cum voluntate recipiendi sacramentum, & illius effectum, venialium omnium recipit veniam ex opere operato Sacramenti. Hanc latè probat Suar. *4. tom. d. de remis. veni. d. sect. 3.* ideo probatione supersedeo. Probabilius est non remitti peccata venialia per aquam benedictam ex opere operato. Ita Suar. loco citato. Cum igitur aqua benedicta perfundimur, excitatur in nobis deuotionis actus, & per hunc ex opere operantis veniale tollitur. Neque ad tollenda peccata instituta fuit hæc benedictio ab Alex. I. vt habetur *c. Aquam. de pæn. d. 3.* sed ad coercendos dæmones, vt notat D. Thom. *in 4. dist. 6.*

dist. 6. quæst. 2. art. 3. quæst. 2. ad 4. & d. 16. quæst. 2. art. 2.

14 *Int.* Suppono vt certum, posse animam iustam decedere ab hac vita in peccato veniali, vt ait D. Tho. in 4. d. 2. q. 1. art. 3. Quæro, per quid tollitur illa culpa, & macula, vt anima aduolet ad aulam cælestem: nil enim coinquinatum intrabit in eam? *Resp.* Sot. in 4. d. 16. q. 2. art. 2. quem sequitur Vasquez 1. 2. d. 41. nu. 3. ait tolli per actus bonos animæ in Purgatorio existentis; colligitur ex D. Gregor. lib. 4. Dialog. cap. 39. & refertur cap. Qualis. in Decreto. d. 25. D. Isidor. lib. 1. de diu. offic. c. de sacrific. Rich. opusc. de diff. mort. & venial. Dicendum nihilominus est, talia peccata tolli per actum dilectionis Dei super omnia, & contritionem veram, quam anima elicit in primo instanti separationis à corpore. Ita Doctores alij. Caiet. 1. p. quæst. 63. art. 5. Molin. ib. art. 6. conclus. 1. D. Thom. in 4. d. 21. & qu. 7. de malo. art. 11. Bonau. & Richard. in 4. d. 21. Adrian. quæst. 4. de confess. atque quoad hanc remissionem culpæ adhuc anima dici potest esse in via. Quoniam verò iam separata est à corpore, dicitur ab alijs Doctoribus obtinere veniam in Purgatorio, latè sumpto vocabulo Purgatoriij.

15 *Int.* Quod est peccatum commissionis, quod peccatum omissionis? *Resp.* Peccatum commissionis est culpa, quæ committitur transgrediendo præceptum negatiuum: peccatum verò omissionis est culpa, quæ committitur transgrediendo præceptum affirmatiuum. Ita cum communi Vasquez 1. 2. disp. 92. num. 1. & disp. 93. num. 13.

16 *Int.* Estne contemptus præcepti, siue diuini, siue humani, siue præcepti grauis, siue leuis semper peccatū mortale? *Resp.* Maximè. Ita cum communi Caiet. 2. 2. q. 104. 105. 186. & opusc. 24. quæst. 21. Nauar. cap. 23. num. 25. Committitur autem contemptus, cum aliquis non vult obedire, & subiici, vt ipsi præcepto, vel præcipienti non obediat. Ita D. Thom. 2. 2. quæst. 186. art. 4. ad 3. Caiet. 2. 2. quæst. 104. art. 2. Nauar. cap. 23. num. 40.

17 *Int.* Ex multis peccatis venialibus sine vnū mortale? *Resp.* Ita vulgò iactatur: ait enim rudis multitudo ex solo præciso numero septenario peccatorum venialium fieri peccatum mortale: & sic de septem in septem peccatis venialibus memorant mortalia, atque ita videtur loqui Glossa cap. Tres sunt autem de pan. dist. 1. Oppositum tamen est dicendum

cum communi, quam tenet Caietan. 2. 2. *quæst.* 104. *art.* 2. & Vega *lib.* 14. *in Trid. cap.* 11. Viuald. *de Euchar. tit. de Præpar. num.* 5.

18 *Int.* Vnde excusatur opus à peccato mortali? *Resp.* In primis ex defectu deliberationis pleni iudicij. Ita D. Thom. 2. 2. *quæst.* 154. *art.* 5. Nau. *cap.* 16. *num.* 11. Deinde ex inaduertentia naturali ad affectionem operis, accidit enim, vt quis cogitet rem turpem, & delectetur in tali cogitatione, & non aduertat se talia cogitare. Ita D. Thom. 1. 2. *q.* 74. *art.* 6. *ad* 3. & communis. Secundo, ex leuitate rei præceptæ. Tertiò, ex paruitate materiæ, iuxta omnes.

C A P V T I I.

De septem peccatis capitalibus. §. 1.

- 1 *Quot sunt peccata mortalia capitalia.*
- 2 *Cur sola septem appellantur peccata mortalia capitalia.*
- 3 *An omnia septem sint peccata mortalia.*

I **INTERROGATIO.** Quot vulgò numerantur peccata mortalia? *Resp.* Septem. Sunt autem illa, Superbia, Auaritia, Luxuria, Ira, Gula, Inuidia, Acedia.

2 *Int.* Cur hæc sola appellantur mortalia capitalia? *Resp.* Quoniam ab his omnia mortalia oriuntur. Ita D. Thom. 2. 2. *q.* 16. *art.* 8.

3 *Int.* Suntne hæc septem omnia peccata mortalia? *Resp.* Minimè, sed appellantur mortalia capitalia, quia radices sunt multorum mortalium. Ita D. Thom. loco proximo, D. Greg. 31. *moral.* quos refert, & sequitur Tol. *lib. de sep. pec. mort. cap.* 2. *num.* 4. Nauar. *cap.* 23. *num.* 3.

De Superbia primo capitali peccato mortali. §. 2.

- 1 *Quid est superbia.*
- 2 *Quis est proprius actus superbie.*
- 3 *Quando est superbia peccatum mortale.*
- 4 *Circa quæ versatur superbia.*
- 5 *Quid est vana gloria.*
- 6 *Quod peccatum est vana gloria.*
- 7 *Quot sunt species vana gloriæ.*

- 8 Quanda peccat quis vanè gloriando.
- 9 De vana instantia verborum.
- 10 Quod peccatum est facere opera sancta ob vanam gloriam.
- 11 Quid est inuentio nouitatum.
- 12 De hypocrisi.
- 13 De pertinacia.
- 14 De discordia.
- 16 De contentione.
- 16 De inobedientia.
- 17 De curiositate.
- 18 De ambitione.
- 19 De presumptione.

INTERROGATIO. Quid est superbia? *Resp.* Est inordinatus amor propriæ excellentiæ, seu, vt ait Tol. *l. de sep. pec.* est appetitus celsitudinis perversè voluntarius. Addiderim verbo celsitudinis, propriæ. Ita D. Aug. *14. ciu. c. 13.* Dixi, inordinatus, quia amor ordinatus propriæ excellentiæ, seu appetitus, propriæ celsitudinis ordinatè voluntarius, est actus bonus secundum se. Et ita Nauar. *c. 23. n. 5.* cum D. Thom. *2. 2. q. 162. a. 2.* diuidit superbiam in bonam, & in malam, nam appetere propriam excellentiam de re bona ob finem bonum iuxta propria merita, non est actus superbiæ, sed modestiæ, veluti excellentiam in scientia, in virtutibus, in viribus, in arte supra alios. Ita Nau. *c. 23. n. 5.* cum D. Thom. *2. 2. q. 162. art. 6.*

2 *Int.* Quis est proprius actus huius amoris, seu appetitus inordinati propriæ excellentiæ? *Resp.* Est sua minora bona naturalia, vel supernaturalia præponere bonis naturalibus, vel supernaturalibus sui proximi. Ita Nauar. *cap. 23. num. 6.*

3 *Int.* Quando est hic appetitus inordinatus propriæ excellentiæ peccatum mortale? *Resp.* Dico *primum.* Quando habetur cum contemptu Dei, & tunc est maximum omnium peccatorum, vt ait Gloss. *Ps. 158.* S. Thom. loco proximo. Cum autem non habetur cum Dei, suæve legis contemptu, superbia quidem est, vt ait Nauarr. loco proximo, sed aliquando venialis. Nam sicut renuere propriam excellentiam ex recta intentione, absque vlla Dei memoria, est actus humilitatis, ita appetere excellentiam immeritam sine vlla actuali memoria Dei, est actus superbiæ. Excellit autem tunc quis cum contemptu Dei, quando quod à Deo habet, existimat à se ipso habere: aut vult ab aliis tanquam à se ipso bona habens

existimari, aut vellet à se ipso bona sua habere, & non à Deo: aut dolet, quod talia bona à Deo, & non à se habeat. Sic Tolet. *lib. de pec. c. 4. n. 2.* Addit autem Nauar. *cap. 23. n. 7.* cum quis existimat se bona habere à Deo quidem, sed non gratis, at ex iustitia sibi debita, veluti propter ieiunia, preces, elemosynas, &c. Dico *secundum*. Quando habetur cum notabili contemptu proximi: Ita communiter Doctores cum D. Thom. 2.2. *quest. 162.* Ille autem notabiliter proximum contemnit, cum superbiendo contemnit sordidum proximi statum cogitatione, vel ore, vel opere, per contumeliam cum intentione vilipendij complacendo sibi de misera proximi fortuna, & abiectione.

4 *Int.* Circa quæ versatur appetitus propriæ excellentiæ? *Resp.* Versatur circa famam, & humanas laudes, & tunc dicitur inanis, seu vana gloria: agit verò de ea D. Th. 2.2. *q. 132.* Versatur circa honores, dignitates, munia honorifica Republicæ, & tunc dicitur ambitio: agit verò de ea D. Thom. 2.2. *q. 131.* Versatur circa aggressionem rerum, quæ proprias vires excedunt, ad ostendendam animi, seu virium magnitudinem, & tunc vocatur præsumptio: agit verò de ea D. Thom. 2.2. *quest. 130.*

5 *Int.* Quid est vana gloria? *Resp.* Est appetitus gloriæ inordinatus. Gloria verò est clara cum laude notitia: vanè igitur gloriari, est inordinatè appetere manifestationem propriæ excellentiæ cum laude immerita, & indebita. Nam appetere hanc gloriam, non est ex se malum, sed indifferens: est autem malum, cum appetitur inordinatè. sic Tolet. *lib. de pecc. cap. 6. in 4. Nauar. cap. 23. num. 10.*

6 *Int.* Quod peccatum est vana gloria ex genere suo? *Resp.* Veniale tantum. Ita D. Thom. 2.2. *quest. 132. art. 3.* Ratio est, quia per hoc vitium intra suos terminos contentum, non grauis Deo, aut proximo irrogatur offensa.

7 *Int.* Quot sunt species vanæ gloriæ, quas appellant Doctores filias vanæ gloriæ? *Resp.* Septem. Scilicet Iactantia, Inuentio nouitatum, Hypocrisis, Pettinacia, Discordia, Contentio, Inobedientia. Iactantia, est declaratio inordinata propriæ excellentiæ per verba. Inuentio nouitatum, est manifestatio propriæ excellentiæ per facta vera. Hypocrisis, est manifestatio propriæ excellentiæ per facta ficta, & falsa. Pettinacia, est ostentatio inordinata proprii iudicii. Discordia, est ostentatio

ostentatio inordinata propriæ voluntatis, contra voluntatem proximi. Contentio, est inordinata circa res dubias, vel certas altercatio. Inobedientia, est inordinata renuentia mandati superioris. Ita Nauar. *cap. 23. num. 11.*

8 *Int.* Dic quando peccat quis vanè gloriando? *Resp.* Quando gloriam, laudem, aut famam appetit de re aliqua, quæ est peccatum, proponitque se illam adepturum ex illo peccato. Deinde cum pro non amittenda fama, vel laude, proponit potius eligendum à se peccatum, vel de facto eligitur, tunc autem offensa erit grauis, aut levis iuxta gravitatem, aut leuitatem dicti peccati ex quo fama eruitur, vel quod eligitur pro fama conseruanda.

9 *Int.* De vana iactantia verborum quid sentis? *Resp.* Dico primum. Inanis iactantiæ de opere nunquam à iactante se facto, quod ferè sine graui damno proximi & sine graui Dei irreuerentia fit, est tantum venialis culpa. Ita Nauar. *c. Inter verba. n. 349.* Colligitur ex D. Thom. 2. 2. q. 132. a. 3. quamuis oppositum velit Abulen. *c. 6. Matth. 9. 3.* fieret autem cum graui proximi damno, si quis se iactaret peritissimum medicum, aut aduocatum, artis tamen medicæ, & iuris veriusque inficius, si ob talem iactantiam decepti rudes ad illum irent, & detrimentum paterentur salutis, & iustitiæ. Ita Nauar. *cap. 23. n. 13.* Tolet. *lib. 7. c. 8. n. 4.* cum obligatione restituendi iuxta eosdem Auctores, & *c. final. de iniur. & damn. dato. l. Qui occiderit. ff. ad l. Aquil.* Facta item est iactantia cum graui Dei irreuerentia à Rege Tyri, de quo *Ezech. 28.* testatur. *Elevatum est cor tuum, & dixisti: Ego sum Deus.* Et in his duobus euentis iactantia est peccatum mortale. Addit verò Tolet. *lib. 7. c. 8. num. 4.* Est etiam culpa lethalis, quando quis se iactat cum notabili proximi iniuria. Talis, ait, fuit iactantia Pharisei, cum dixit *Luc. 18.* *Non sum sicut ceteri homines, raptores, adulteri, vel ut hic publicanus.* Quod animaduersione dignissimum iudico, propter frequentiam harum comparationum, quæ communiter fiunt. Ratio est, quia illa iactantia est scandalum aliorum, graue quidem, cum est de peccato graui, leue, cum est de peccato leui. Insuper est mendacium, cum res se ita non habuit. Hoc etiam intelligo, cum in tali iactantia non interuenit complacentia operis facti, vel voluntas tale opus faciendi: si enim interuenit, est aliud peccatum præter scandalum, & mendacium.

10 *Int.* Quoniam reducitur ad iactantiam facere opera sancta ad honorem, & cultum Dei solummodo ordinata, principalius ad laudem propriam, quæro quale sit hoc peccatum? *Resp.* Veniale. Ita Navar. c. 23. n. 13. cum plurimis, quos refert contra Abul. c. 3. Matth. 9. 3. & Angel. verbo, vana gloria.

11 *Int.* Quid censes de inuentione nouitatum? *Resp.* Peccatum nouitatis committitur, cum aliquis intendit noua aliqua exhibere, vt laudem ab aliis comparet. Fit autem hæc nouitas, non tantum in rebus, sed in verbis. Ex genere suo est tantum culpa venialis. Ita Tolet. lib. 7. cap. 13. Ideo nisi noua inuentio rerum nouarum aliunde vitietur, semper cum est culpa, est tantum venialis. Ita Navar. cap. 23. num. 7.

12 *Int.* Quid dicis de hypocrisis? *Resp.* Hypocrisis est simulatio virtutis, quam quis non habet. Duplex est hypocrisis: vna, quæ quis intus vult esse malus, sed vult apparere aliis bonus: alia, quæ quis vult externè apparere virtuosus, cum non sit, vt deditus orationi, miseris pauperibus procliuis. Dico primum. Hypocrisis semper est peccatum. Ita Caietan. 2. 2. quæst. 3. Tolet. lib. 7. cap. 9. Ratio est, quia semper est mendacium perniciosum. Dico secundum. Hypocrisis, quæ quis vult intus esse malus, foris tamen tantum apparere bonus, est peccatum mortale. Ita Tolet. lib. 7. cap. 9. Hypocrisis, quæ quis facit aliqua opera sancta, vt alij arbitrentur illum habere sanctitatem, quam non habet, est solum peccatum veniale. Ita D. Thom. 2. 2. quæst. 110. art. 4. D. Bonau. in 3. d. 38. Syluest. hypocrisis. Tolet. loco proximo.

13 *Int.* Quid censes de pertinacia? *Resp.* Pertinacia est firma animi adhæsiō alicui opinioni contra sententiam aliorum, ex eo quod quis velit se ostendere doctiorem, contra argumentorum probabilitatem. Est autem graue peccatum mortale, cum habetur contra Dei honorem notabilem, vel notabile proximi detrimentum: erit verò contra Dei honorem notabilem in rebus fidei: in rebus moralibus, contra proximi notabile detrimentum, in rebus medicinæ, & in materia legum circa poenas, vel restitutionem. In aliis est tantum veniale peccatum. Sic Tolet. lib. 7. cap. 11.

14 *Int.* Quid censes de discordia? *Resp.* Discordia est voluntatum contrarietas. Idemque est discordia, atque diuersitas cordis. Est peccatum mortale, cum habetur in graue proximi detrimentum, vel grauem Dei irreuerentiam. Aliter, aut est tantum

tantum peccatum veniale, aut nullum. Ita cum D. Thom. 2. 2. *quæst.* 37. Nauar. & Tolét. loco citato.

15 *Int.* Quid censes de contentione? *Resp.* Contentio est pugna verbis, vel scriptis exercita contra veritatem perspicuam. Dico igitur *primum*. Cum veritas impugnatur animo disputandi solum, & vt veritas clarior illucescat, nullum est peccatum talis contentio. Et ita contenditur in scholis. Nisi lege aliqua prohibitum sit, ne talis veritas in disceptationem afferatur, vt à Pio V. interdictum est, ne de originali peccato B. Virginis pro, vel contra disputetur. Dico *secundum*. Impugnare veritatem perspicuam animo impugnandi & contradicendi, est peccatum graue, aut leue, iuxta veritatis grauitatem, aut leuitatem, in Dei, proximive dedecus, & detrimentum. Dico *tertium*. Idem dicendum est de oppugnatione veritatis ex errore habitæ pro falsitate, quam quis propter animi prauam affectionem non vult deponere. Sic peccant grauius hæretici, Turcæ, Mauri, Iudæi, Gentiles, qui facili negotio veritatis lucem videre poterant, sed à veritate auditum auertunt, ad fabulas autem conuertuntur, vt loquitur D. Paul. cum Timoth.

16 *Int.* Quid censes de inobedientia? *Resp.* Inobedientia est transgressio præcepti, quia præcipitur. Vt enim obedientia est impletio præcepti, quia præcipitur, ita è contra inobedientia est transgressio præcepti, quia præcipitur. Ita Nauarr. *cap.* 13. *n.* 15. Tol. *l.* 7. *c.* 14. ex D. Thom. 2. 2. *q.* 104. *art.* 2. Est autem hæc inobedientia semper peccatum mortale. Ita Nauarr. & Caiet. 2. 2. *quæst.* 104. *art.* 2.

17 *Int.* Quid censes de curiositate? *Resp.* Est appetitus sciendi inordinatus. Ita D. Tho. 2. 2. *q.* 167. Anton. 2. *p.* tit. 7. *§.* 2. scientia autem intelligitur etiam per sensus externos. Ita Nauar. *cap.* 23. *n.* 23. Tolet. *lib.* 7. *cap.* 12. Ad minimum semper est peccatum veniale. *cap. Nonne.* 37. *distin.* Contingit autem esse mortale, cum ex tali curiosa, & nimia scientia oritur damnum proximi graue: qualis esset curiositas sciendi clam, & ex insidiis alterius secretum domesticum, scilicet modum gubernandi domum, modum agendi in toto cum coniuge, vel quid simile, quod quisque soli Deo notum veller. Talis esset maiori cum ratione curiositas sciendi alterius peccata, vel applicando aures ad illius confessionem: vel ex occulto loco ingressum, egressumve vicini, vnde veniat, vel

vel quò tendat absque vlla alia causa considerando. Contingit deinde ratione damni proprii, cum scilicet, ratione talis curiositatis exponitur quis periculo peccandi. Talis esset curiositas eius, qui curiosè contempleretur animalia eoëuntia, si se veneri deditum cognoscat: item illius, qui curiosè intueretur nudas corporis partes, sceminarum pulchrarum præcipuè, quæ naturaliter prouocant ad libidinem: qui enim *amat periculum, peribit in illo*. Talis esset curiositas, qua quis Theologiæ ignarus, vellet scire res difficillimas fidei, eum notabili periculo dubitandi de rebus certissimis. Noceat grauitè Toletan. *lib. 7. cap. 12.* Contingit tertio ex parte modi, vt cum quis vult scire per dæmonem, vel illius ministrum.

18 *Int.* Quid sentis de ambitione? *Resp.* Est appetitus inordinatus honorum, & dignitatum: ex genere suo tantum est veniale peccatum: ex circumstantia externa fit mortale, vt cum appetitur officium in Republica ad damna, ad profusam licentiam peccandi, vel quid simile. Ita Nauarr. *cap. 23. n. 55.* Toletan. *lib. 7. cap. 23.*

19 *Int.* Quid censes de præsumptione? *Resp.* Est appetitus ostendendi se grandem, per opera grandia supra suum posse. Cum enim homo quisque vult dicere, aut facere supra id quod potest, dicitur præsumptuosus. Peccat mortaliter in hac præsumptione, qui præsumit cum periculo notabilis damni aliorum, siue corporalis, siue spiritualis, vt qui ignarus artis medicæ, vel iuris, ægrotos susciperet curandos; causas susciperet patrocinandas, vel qui ignarus casuum conscientiæ, se exponeret ad audiendas confessiones, vel ignarus formæ sacramentorum, sacramenta ministraret, imò ignarus ceremoniarum Ecclesiæ grauium circa sacramenta: arbitror enim earum præceptum obligare ad mortale: ignarus Theologiæ concionaretur de rebus fidei difficilibus, cum periculo errandi in docendo populum. Peccat mortaliter, qui præsumit cum periculo proprii grauis damni, tum corporalis, tum spiritualis: vt cum quis immodicum pondus vult sustinere: equum ferocem ascendit, & scalam præaltam ascendit, & similia facit suas vires excedentia. Item, qui se agnoscit procliuem ad venerea, præsumit solus habitare cum sola foemina, est enim sic præsumere, Deum tentare. Sic Nauarr. & Tolet. locis citatis, D. Thomas.

quodh.

quodl. 8. articul. 13. D. Anton. 2. par. tit. 3. cap. 6. §. 5. Caietanus
verb. peric. peccandi.

De Avaritia. §. 3.

1 *Quid est avaritia.*

1 **I**NTERROGATIO. Quid est avaritia? *Resp.* Est inordinatus diuitiarum amor, seu amor immoderatus habendi. Sic Toletan. *lib. 7. cap. 24.* Dixi inordinatus, seu immodicus amor: nam si amor est ordinatus ad iustum, & sanctum finem, non est peccatum. Ita August. *homil. 13. de temp. ex illo Apostoli; Qui volunt diuites fieri, &c.* non dixit, qui diuites sunt, sed qui volunt diuites fieri: cupiditates accusauit, non facultates. Vermis diuitiarum superbia est, tolle superbiam, diuitiæ non nocebunt. Inordinatio autem in optandis diuitiis, nisi coniuncta sit cum iniustitia retinendi, vel auferendi alienum inuito domino, vel cum duritia non subueniendi extremæ, aut graui suæ, vel suorum, vel proximorum necessitati, solùm est peccatum veniale. Ita communiter Doctores, quos sequitur Toletan. *lib. 7. cap. 25.* Dixi, suæ, & suorum necessitati, quia, ut ait item Doctor, avaritia non solum est ad alterum, sed ad se ipsum. Quam veritatem aduertit Lyra. *Num. 11.* Nam cum filij Israël pecoribus abundarent, sic etiam de iis sacer textus *Num. 32. filij Ruben, & Gad habebant pecora multa,* tamen carnibus saturari optabant, dicendo *Num. 11. Quis dabit nobis ad vescendum carnes?* Poterant, inquit Lyra, ex pecoribus habere carnes, sed propter avaritiam parcebant suis animalibus.

De luxuria. §. 4.

1 *Quid significat nomen luxuria.*

2 *Quot sunt luxuriæ species.*

3 *De pollutione.*

4 *De osculis & amplexibus.*

5 *De delectatione morosa.*

6 *De vidua cogitante de actu præteriti coniugij, & de coniuge absente, cogitante de actu cum proprio coniuge.*

7 *De verbis, canticis, & gestibus impudicis.*

1 **I**NTERROGATIO. Quid significat hoc nomen luxuria? *Resp.* Luxuria, seu luxuries significat aliquando lautitiam

tiam conuiuiorum, & in vestibus molliudinem. Ita apud Tull. 1. *Offic.* Luxuria cum omni ætati turpis, tum senectuti foedissima est. Significat etiam vbertatem herbarum, seu arborum ex glebæ pinguedine terrarumque feracitate. Ita apud Virg. 1. *Georgic.*

Luxurient segetum tenera depascit in herba.

Significat lasciuiam animalium, qua tripudiant pecudes propter alimenti abundantiam. Ita apud Ouid. 1. *Fastor.*

Ludit & in pratis, luxuriatque pecus.

Hic tamen sumitur pro appetitu, seu actu libidinose voluntatis humanæ, quem veteres appellabant fornicationem à loco, vbi quondam exercebatur, nempe fornicibus, seu concameratis domibus, vbi se meretrices prostituiebant.

2. *Int.* Quot sunt luxuriæ species? *Resp.* Septem. Prima est simplex fornicatio, id est, carnalis copula soluti cum soluta. Quæ quidem peccatum est mortale: ad Eph. 5. *omnis fornicator non habet hereditatem in regno Christi.* Ita definitur in *Clem. Ad nostram, de hæret.* Estque peccatum ipso naturæ ductu cognitum, quia it contra finem ab auctore naturæ in concubitu humano ordinatum, nimirum bonam prolis educationem, quæ quidem haberi nequit, vbi datur incertus pater, qualis est extra matrimonium. Ita D. Th. in 4. *dist.* 35. *art.* 4. & 3. *cont. gent.* c. 122. & 2. 2. q. 154. *ar.* 2. *Argent. in* 4. *d.* 26. *ar.* 2. q. 1. Puniturque acerrimè ille, qui temerè oppositum asserit tanquam iuri naturali contrarius. Quoniam verò hoc principium non est ex primis naturæ, sed ex secundis, vt loquuntur Theologi, ideo non est mirum, si à rudi, hebeti, obrusoque aliquo ingenio ignoretur. Ita Sot. d. 26. q. 1. *conclus.* 3. notat Tolet. *lib.* 5. c. 10. n. 7. & 8. Ad hanc speciem reducitur cōcubinatus, qui est status fornicationis continuatæ cum eadem meretrice. De quo statu agit Conc. Trid. *sess.* 24. c. 8. circa ordinem concubinarios puniendi. Secunda species est stuprum, id est, copula prima cum virgine, scēmina. Fœmina, dixi, non mare, quia viri defloratio non facit speciem luxuriæ, vt aduertit Tolet. *lib.* 5. c. 10. Ita loquitur communis sententia, quæ tribuitur D. Th. 2. 2. q. 154. *art.* 7. Hanc tamen communem doctrinam negat Sot. d. 18. q. 2. *art.* 5. aitque hanc circumstantiam non mutare speciem simplicis fornicationis (quanquam, inquit, si interueniat alia malitia, scilicet iniustitiæ, vel fraudis, sit aliud peccatum nouæ speciei) ita tamen aggrauare speciem, si in actum externum

externum prodeat, vt sit de necessitate confessionis. Illi adhæret Suarius *disp. de integ. confes. sect. 4.* tam quoad actum externum, quam quoad actum internum, quia iuxta D. Ant. 2. p. tit. 5. c. 1. §. 6. tota malitia actus externi emanat a malitia actus interni. De vtroque igitur actu, inquit Sanctus Doctor, probabilissimum censeo, per se loquendo, seclusis extrinsecis occasionibus, vel damnis non esse obligandos poenitentes ad hanc circumstantiam in confessione aperiendam: neque confessores debere esse sollicitos in illa interroganda, quia sæpè est res difficillima, & periculosa, & cum ad minimum sit valdè dubia, posse huic se cõformare opinioni. Hac meus Magister, ex cuius verbis clarè elucet aperiendam esse talè circumstantiam, quando nulla est difficultas in ea detegenda, neque periculum vllum occultandi eam, si interrogetur: quia cum res sit dubia, & non detur causa incedendi via incerta, certa est procedendum. Igitur semper a viro est detegenda, & de ea iemper vir est interrogandus, iuxta communem opinionem, quæ in viro locum tenet. Tertia species est adulterium, id est, copula cum vxorata, vel vxorato. Si verò habeatur inter duos vxoratos, duplex committitur adulterium. Quarta species est incestus, id est, copula cum cõsanguinea, vel affine. Quinta species est raptus, id est, copula habita cum virgine inuita, & renuente: seu inuita a domo parentum, siue custodum educta. Sexta species est sacrilegium, id est, copula habita cum persona votum castitatis habente. Septima species est copula contra naturam. Exercetur autem inter duos mares, vel inter marem, & foeminam extra vas naturale, vel inter hominem, & bestiam.

3. *Int.* Quid censes de effusione seminis humani extra copulam in vase foemineo? *Resp.* Dico *primum.* Voluntaria seminis humani effusio extra vas naturale, est peccatum contra naturam, quod mollitiem appellant Doctores, iuxta D. Paulum 1. Cor. 6. *Molles regnum Dei non possidebunt.* Appellant etiam pollutionem. Dico *secundum.* Procurare, vt eueniat pollutio, siue in vigilia, siue in somno, ex quocunque bono fine procuretur, semper est peccatum mortale. sic Tolet, *lib. 5. cap. 13.* Dico *tertium.* Optare, vt eueniat pollutio absque vlla procuratione, & consensu in carnalem delectatione eius, siue in somno, siue in vigilia propter aliquem bonum finem, veluti propter corporis sanitatem, vel ad sopiendas carnis

tentationes, vel quid simile, nullum est peccatum. Ita Nauar. 16. m. 6. Tolet. lib. 5. c. 13. contra Sotum. d. 12. q. 1. a. 7. Neque valet argumentum. Licet desiderare, ergo licet procurare: nam licet desiderare mortem peccatoris, ob ipsius spirituale bonum, & tamen non licet illum occidere. Dico *quartum*. Complacere de pollutione nocturna, ex qua secuta est corporis sanitas, vel tentationum euitatio, vel aliud simile bonum, nullum est peccatum. sic Tolet. lib. 5. cap. 12. Dico *quintum*. Qui habet moralem certitudinem sibi ex tali causa euenturam pollutionem, tenetur sub mortali talem causam euitare, cum potest, & ex ratione ipsius causæ debet. Dixi, cum potest, quia nemo tenetur ad impossibile. Dixi, cum debet, ex ratione ipsius causæ. Quia sunt aliquæ causæ, ex quibus oritur pollutio, sed quia, vel sunt honestæ, vel necessaria, nõ tenetur quis eas vitare amoto periculo consentiendi in cõsensum carnalis delectationis. Tale est studium circa res venereas: talis est auditio cõfessionum foeminarum: comestio rerum calidarum: accubatio sic, vel sic, cum aliter non potest somnus conciliari. sic Tolet. ex communi lib. 5. cap. 13.

4 Int. Quid censes de osculis & amplexibus? Resp. Oscula, & amplexus capta ob carnalem delectationem sunt peccata mortalia, quamuis copula nullatenus intendatur. Ita Caiet. tom. 1. Opusc. tract. de delect. morosa. Tolet. lib. 5. c. 14. Dixi, ob carnalem delectationem capta, quia capta ex more patriæ, & benevolentia affectu, nullum peccatum gignunt, capta etiam ob recreationem naturalem propter tactus suauitatem, qualis caperetur, si quid aliud blandum tangeretur, ad maximum sunt venialia peccata. Volunt tamen Caietanus, Toletus, & Nauar. cap. 16. num. 12. licere huiusmodi oscula, & amplexus ob carnalem delectationem inter sponso de futuro, quia, inquirunt, inter eos est inchoatum matrimonium. Mihi tamen hæc opinio nunquam probata est, quia oscula, & amplexus capta ob carnalem delectationem sunt inchoata copula, ad quam naturaliter tendunt: inter eos igitur erunt illicita, inter quos copula est illicita: nam ex eo capite censetur illicita moraliter inter reliquos: sed inter sponso copula de futuro est illicita, ergo erunt oscula, & amplexus. Ita cum communi D. Thom. 2. 2. q. 154. art. 4. vt iam dixi 3. p. c. ult. §. 1. num. 11.

5 Int. Quid censes de delectatione morosa? Resp. Delectatio

tio morosa, de qua nunc agimus, est delectatio, quæ oritur in parte sensitiva ex cogitato actu venereo, quæ quidem tunc est peccatum, cum quis in ea cogitatione propter delectationem inde ortam perseverat, & à mora cogitationis inuenit nomē delectatio inde proueniens, appellaturque morosa. Quoties igitur actus, qui cogitur, est peccatum mortale; toties delectatio proueniens ex tali cogitatione, cum volūtariè percipitur, est peccatum etiam mortale. Dixi, delectatio morosa, de qua nunc agimus, quia delectatio morosa, quamuis in cōmuni vsurpatione sumatur pro delectatione, quæ versatur circa res venereas, etiā versatur circa alias res malas, vt cum inimicus cogitat de homicidio à se patrato, vel patrando, fur de furto, & similes de aliis peccatis cogitant. Conclusio est D. Thom. 1. 2. *quest. 74. art. 8. & 2. 2. q. 154. ar. 4. & Caiet.* tum ibi, tum *verb. Delectatio.* D. Ant. 1. p. 117. s. c. 1. §. 1. Nau. *cap. 11. num. 13. & 14.* Barthol. Medin. 1. 2. q. 74. *art. 6. & Ioan. Medin. de rest. q. 21.* Instruēt. 1. p. cap. 40. Armih. *delect.* Quamquam oppositum circa ea, quæ solo iure positio prohibentur, asserant Sylus *delectatio. qu. 1. & curiositas. num. 3. & ludis. q. 8.* Angel. *delectatio. n. 6.* Rosel. *ibid.* Ledesma. 1. 4. q. 11. *art. 7. Cord. lib. 2. q. 30. dub. 1.* Gabr. in 4. d. 15. q. 13. *art. 3. dub. 3.* aiunt igitur non peccare eum, qui, v. g. cogitando se comedere carnes die prohibito delectatur de comestione ficta & inani. Ratio eorum est, quia Legislatores solos actus externos videtur posse comprehendere. Opinio tamen D. Thom. est probabilior. Dixi delectationem ortam ex cogitato actu, seu opere, non verò ex modo faciendi tale opus: quia delectatio orta ex cogitato modo curioso, v. g. patrati operis, vel patrandi, non est peccatum mortale, sed ad summum veniale otiositatis, seu curiositatis. Ita Caiet. loco citato.

6 *Int.* Quid censes de vidua, quæ delectatur de cogitato actu carnali habito cum coniuge viuo? & similiter de coniuge absente alio consorte circa actum habitum, vel habendum? *Resp.* Peccare grauiter. Rem probat Nauar. grauiter, & luculenter *cap. 16. num. 10.* Ideo probationibus superfedeo, quia facile est illas videre *ibidem.*

7 *Int.* Quid censes de verbis, canticis, & gestibus impudicis? *Resp.* Verba, cantica, & gestus impudici, si fiat ad delectationem carnalem ex iis capiendam, sunt peccata mortalia. Ita Caietan. 1. 2. *quest. 188.* Nauar. c. 23. *num. 181.* & commu-

niter Doctores. Si autem fiant vanè ad recreationem captādam ex hilaritate verborum, & curiositate, peccata sunt venialia. Ita Cajet. loco citato, & Vega *lib. 14. in Trid. cap. 16.* Verumtamen ea sunt venialia, vt ipsi naturæ contrariari videantur. Eleganter sanè id asseruit Chrysost. *homil. 22. ad populum. Anziach.* hūc verbis. Linguam sub duobus septis, dentibus dico, & labiis, Deus conclusit, vt tanquam verecunda virgo nihil indiseretum loquatur. Cum verò talia verba, & cantica à scēmina proferuntur impudicè, periculo sunt grauissimo libidinose concupiscentiæ. Ita Eccles. 9. *Colloquium mulieris quasi ignis exardescit.* Ita Iob 21. *Habitus eius prunas ardere facit, & flamma de ore eius egreditur.* Meminisse tandem debemus sanctorum illorū D. Cypr. verborum *epist. 3. ad Papam Corneliū.* De ore, ac verbis suis quisque proditur, & vtrum Christum in corde suo, an verò Antichristum habeat, loquendo detegitur, secundum Christi verba Matth. 3. *Progenies viperarum, quomodo potestis bona loqui, cum sitis mali? de abundantia enim cordis os loquitur.* Et sanè nos Christianos Christi seruatoris carnem manducatuos, & sanguinem bibituos pudeat ad sacram Eucharistiæ mensam hūc verbis, & canticis impudicis turpificato ore impudenter accedere.

De Ira. §. 5.

1 Quid est ira.

2 Quod peccatum est ira propriè sumpta.

3 Quod peccatum est ira impropriè sumpta.

4 De maledictionibus iactatis in homines.

5 De maledictionibus iactatis in diabolum.

6 De maledictionibus iactatis in creaturas irracionales.

I INTERROGATIO. Quid est ira? Resp. Ira propriè, est inordinatus appetitus vindictæ. Ita D. Thom. 2. 2. q. 158. & ex eo Nau. c. 23. *nu. 115.* Propriè, dixi, quia impropriè sumpto vocabulo, ira etiam appellatur passio appetitus irascibilis, quæ accidit cum excitatione bilis, & furore contra proximum, quæ solum prorumpit in vociferationes, absque voluntate alicuius damni.

2 Int. Quod peccatum est ira propriè sumpta? Resp. Ex genere suo mortale, cum nimirū inordinatio appetitus circa vindictam sumēdam proximi, est grauis. Est autem grauis cum

cum appetimus punire grauiter immeritum : punire illum, supra quem non habemus auctoritatem : punire non ex zelo iustitiæ, sed ex odio graui, & desiderio inferendi damnum. Ita D. Thom. 2. 2. q. 158. art. 2. & 3. Ratio est, quia tunc Deo grauis irrogatur iniuria, qui dicit, *Mihi vindictam, & ego retribuam*. Infertur etiam proximo graue damnum.

3 *Int.* Quod est peccatum ira improprie sumpta? *Resp.* Nullum quidem secundum se, quia est quædam passio naturalis orta in naturali potentia ex obiecto naturali, qua in re æquales sumus brutis animantibus, ut notat Tolet. lib. 7. c. 56. n. 2.

4 *Int.* Quod peccatum est ira improprie sumpta, cum prorumpit in maledictiones? *Resp.* Si tales maledictiones proferruntur ore tenus, absque desiderio eas videndi exercitas in proximo, in quem iactantur, deque respectu personarum sunt grauiter contumeliosæ : ira illa impropria, est solum peccatum veniale. Ita D. Thom. 2. 2. q. 76. art. 3. Caiet. Sylu. Nauar. & alij. Qui tamen ex animo deliberato alium, vel se ipsum maledicit, imprecando sibi, aut alteri graue malum sub ratione mali, cum desiderio, quod eueniat tale malum, grauiter peccat, iuxta illud Paul. 1. Cor. 6. *Maledicti regnū Dei non possidebunt*; & eo grauius, quo maiorem reuerentiam, cui maledixit, debet, iuxta illud Exod. 26. *Qui maledixerit patri, aut matri, morte moriatur*. Dixi, sub ratione mali, quia imprecari malum sub ratione boni, hoc est, ut inde eruaturn bonum aliquod; non est peccatum, veluti imprecari ægritudinem corporis peccatori, ut conuertatur ad Deum, pro recuperanda salute animæ. Ita Nau. cap. 23. num. 117.

5 *Int.* Quid censet de maledictionibus iactatis contra diabolum ipsum? *Resp.* Peccatum est maledicere diabolo propter naturam ipsius. Ita D. Thom. 2. 2. quest. cit. art. 11. ad 4. Ratio est, quia natura dæmonis est bona, & a Deo facta. Nullum tamen peccatum est maledicere diabolo propter ipsius culpam, iuxta culpæ grauitatem. Ita Nauar. & D. Thom. loco citato.

6 *Int.* Quid censet de maledictionibus iactatis in creaturas irracionales? *Resp.* Si tales maledictiones iactentur, & desiderentur creaturis irrationalibus, ut creaturis Dei, est blasphemia. Si iactentur, & desiderentur, ut eueniant propter damnum redundans in proximum, cuius illæ sunt, est iniustitia. Si verò iactentur, & desiderentur, ut eueniant illis, ne-

que ut creaturis Dei, neque ut rebus sui proximi, sed ut entia quadam sunt, est vanitas, & peccatum solummodo veniale: quippe quod res vana optatur, cum rei ratione carenti non conueniat bonum, aut malum secundum se sumptum. Ita ex D. Thom. 2.2. q. 69. art. 6. Nau. c. 23. n. 117.

De Gula. §. 6.

1. *Quid est gula.*

2. *Quale peccatum est gula.*

3. *An liceat multo cibo, & potu vomitum mouere ad salutem.*

4. *An peccatum sit vomere ad iterum edendum, & bibendum.*

5. *Quando erit gula peccatum mortale.*

6. *De ebrietate.*

7. *An liceat se, vel alium pro salute inebriare.*

8. *An actus ebrii imputentur illi ad culpam.*

I. **I N T E R R O G A T I O.** Quid est gula? *Resp.* Est appetitus inordinatus cibi, & potus. Ita D. Thom. 2.2. q. 148. art.

1. & 156. art. 1. & lib. 2. sent. d. 42. & Caiet. in loco 2. allegato, D. Greg. 20. moral. Tolet. lib. 7. c. 59. Inordinatus, dixi, quia appetitus ordinatus cibi, & potus ad sustentandam vitam, non est peccatum, imò potius est virtus temperantiae & sobrietatis.

2. *Int.* Quale peccatum est gula? *Resp.* Ex genere suo veniale, etiam si absque utilitate usque ad vomitum etiam se quis cibo, & potu ingurgitet. Ita Nau. c. 23. n. 119. cum Caiet. in sum. ver. gula. contra Angel. verb. munditia, & Sylu. gula.

3. *Int.* Prodest ad salutem vomitus, licetne absque peccato illum mouere cum cibo, & potu multo? *Resp.* Licet. Ita Nauar. loco citato.

4. *Int.* Estne peccatum mortale edere, aut bibere, & euomere cibos, & potum, ut iterum bibatur, & edatur? *Resp.* Mortale quidem. Ita Peres doctissimus Societatis I E S V, in manuscriptis, sicque interpretatur sententiam Angeli *munditia*. Sylu. & Armil. *gula*. Videtur enim esse magna deformitas contra naturam.

5. *Int.* Quando erit gula peccatum mortale? *Resp.* Quando in ea ponitur ultimus finis, iuxta illud Pauli. *Quorum Deus venter est*. Deinde cum eduntur prohibita à lege. Tertiò, cum ex cibo, & potu oritur graue damnum corporis, veluti ægritudo, vel damnum animi, veluti peccatum mortale: quale ortu fuit ex esu, & potu filiorum Israël, de quibus sacra pagina. Quarto, quan

quando scandalum oritur ex nimia superfluitate ciborum, de quo scandalo Paulus dicebat se nunquam manducaturum carnes, si sciret fratrem suum inde scandalo offendi. Quintò, & vltimò, propter ciborù qualitatem, quos quidem natura nò creauit ad esum, vel potum humanum. Talis est caro humana & sanguis humanus. Ita Caiet. *ver. Gula. & 2.2. q. 148. art. 2.* Nau. & Tolet. citati, ex communi sententia. Addit autè Nauarrus citra maximam necessitatem: in qua arbitratu licitum esse edere carnes humanas, & bibere sanguinè humanum, si homo inueniatur occisus, quia nunquam licet illum occidere. Toletus verò addit, etiam licere propter infirmitatem magnà. Sed de hac opinione alij iudicent: mihi quidem nunquam placuit, & ita arbitror nequaquã id licere. Ducor naturæ testimonio: non enim pro quauis necessitate, equus edit aliù equum: bos alium boue: neque canis alium canem.

6 *Int.* Quid censēs de ebrietate? *Resp.* Qui sciēter se inebriat, hoc est, nimio potu vsum rationis scienter amittit, peccat mortaliter. Ita D. Tho. 2.2. q. 150. & cum eo Nau. c. 23. n. 121. Tolet. lib. 7. c. 56. Itē, qui scit alium inebriandum, & ei vinum præbet. Ita Nau. & Tolet. loco citato. Idem dico de periculo ebrietatis propriæ, vel alienæ. Ratio D. Thom. sumitur ex magno bono voluntariè amisso, nempe vfu rationis.

7 *Int.* Licetne se, vel alium pro salutē recuperanda corporis inebriare? *Resp.* Negat Ang. *ebrietas*, atque talem ebrietatem esse peccatū mortale. Affirmant nihilominus Caiet. 2.2. q. 150. a. 2. & Sylu. *verb. ebrietas*. Eos sequitur Tolet. lib. 7. c. 56. cū nò superest aliud remediū. Deinde cū ex ebrietate non timeatur aliquod malū, quod solet prouenire ex aliis ebrietatibus.

8 *Int.* Imputantur ne ad culpam ebrio voluntario scienter actus mali facti tempore ebrietatis? *Resp.* Imputantur. Ita Sylu. *verb. ebrietas*, & Tolet. loc. prox. præcipuè cum iam iterum in ebrietatem inciderat, & similia mala fecerat: vel cum aduerit talia damna posse inde accidere.

De Inuidia. §. 7.

1 *Quid est inuidia.*

2 *Quale peccatum est inuidia.*

3 *Quando licet contristari de bono alieno.*

4 **I**NTERROGATIO. Quid est inuidia? *Resp.* Est tristitia de alieno bono, in quantum tale bonū minuit excellen-

tiam inuidētis. Ita D. Thom. 2. 2. q. 36. hoc enim vitio volumus, & desideramus alium carere tali bono, quia per illud nos excellit, cum nobis videatur, aut minor, aut æqualis. Ideo inuidere, idem est, atque non videre velle: volumus enim non videre tam ipsum, cum inuidemus, quam bonum, quod inuidemus.

Int. Quale peccatum est inuidia? *Resp.* Mortale ex genere suo: cum bonum de quo tristamur, est graue: & cum scienter, & liberè consentimus in talem tristitiam. Ita D. Thom. & Tol. locis citatis.

3 *Int.* Quando non est peccatum tristiari de alieno bono? *Resp.* In primis, cum videmus ex eo prouentura aliqua mala, vel Reipublicæ, vel proximo, vel ipsi proprio possidenti bonum, ut proueniet, si maneāt in occasione peccandi, tunc enim non tristamur ratione boni, sed ratione mali. Deinde cum tristamur, non quia alius habet tale bonum, sed quia nos non habemus illud, aut aliud simile. Atque si hic dolor sit circa res spirituales, appellatur à sacris Patribus inuidia sancta.

De Accidia. §. 8.

1 *Quid est acedia.*

2 *Quale peccatum est acedia.*

I N T E R R O G A T I O. Quid est accidia: seu, ut alij legunt, acedia? *Resp.* Accidia in tota sua latitudine sumpta, est fastidium spiritualium rerum, seu tristitia ex eo quod sint res spirituales. Ita D. Thom. 2. 2. *quest. 35. artic. 2.* Ut si quis doleat quia creatus sit ad gratiam, ad merita, ad gloriam: si quis doleat de sacramentis gratiæ fontibus, de prædicatione Euangelij, & similibus.

2 *Int.* Quale est hoc peccatum? *Resp.* Mortale grauissimum. Hinc aduertit Nauar. *cap. 23. num. 138.* & Sylu. *ver. accidia*, peccare mortaliter eum, qui fastidiosus vitæ, & ærumnarum, deliberatè optat se nunquam fuisse natum, aut conceptum, aut potius esse brutum animal, quam hominem. Si quis tamen afficeretur tristitia ex eo quod teneatur implere opus laboriosum spirituale sibi iniunctum, ut ieiunare, sacrum audire, aut quid simile, opus tamen faceret, hoc est ieiunaret, sacrum audiret, &c. non peccaret. Ita Nau. *c. 23. num. 134.* Tol. *lib. 7. cap. 59. num. 4.*

TRACTATUS DE PECCATIS diuerforum statuum.

AD LIT. A. CAP. III.

Accusatoris peccata. §. 1.

- 1 *An teneatur accusator restituere reo accepta pro iniusta sententia.*
- 2 *An teneatur accusare crimen redundans in damnum commune.*
- 3 *An liceat vti falsis testimoniis, & instrumentis ad recuperandam meam rem.*
- 4 *Quotuplex est accusatio.*
- 5 *An liceat accusare ob solum bonum particulare.*

1 **I** NTERROGATIO. Post latam sententiam, nouit accusator latam fuisse iniuste, teneturne ad restitutionem eorum, quæ pro illa accepit à reo? *Resp.* Tenetur. Ita Innocentius cap. Quia plerique, de immun. Eccles. communiter receptus, teste Nauarr. cap. 25. num. 31. Ratio est, quia sententia lata iniuste, iniuste adiudicat alteri, quod suum non est: sed quisque tenetur restituere domino, quod illius habet, quia suum non est: ergo, &c.

2 *Int.* Scio delictum redundans in damnum commune spirituale, temporaléve notabiliter, impediri verò nequit nisi per eam accusationem, teneor ne sub mortali accusare? *Resp.* Teneor. Ita D. Thom. 2.2. quæst. 61. artic. 1. & ibidem Caiet. Ratio est, quia pars, iure naturali, tenetur subuenire toti; & ita videmus manum se opponere vulnere capiti illato, vt totum animal saluum maneat, & incolume.

3 *Int.* Ad obtinendam rem à me iniuste ablatam, licetne vti falsis testimoniis, falsive instrumentis? *Resp.* Minimè, imò est graue lethale. Ita D. Thom. 2.2. quæst. 71. art. 3. ad 3. & Nauarr. cap. 25. num. 23. Ratio est manifestissima, quia iuramentum falsum assertorium semper est mortale, sicut mendacium in re graui, & iniusta semper est graue.

4 *Int.* Quotuplex est accusatio? *Resp.* Alia iusta, alia iniusta. Iusta est delatio Rei in libello ob vindictam propter

bonum commune. Ita Syluest. *verb. accus.* & D. Tho. 2. 2. q. 68. Et ideo quamuis crimen iam sit emendatum, quia ex punitione eius resultat commune exemplum aliorum, & timor communis, ne profusè crimina perpetrentur, fieri potest accusatio. Ita Syluest. *verb. accusatio. quæst. 3.* Angel. ibidem.

§ Int. Estne iniqua accusatio facta ob vindictam particularem, hoc est, ob bonum meum particulare, ut scilicet resarciatur mihi iniuria, & alij deinceps caueant à verborum petulantia, & procacitate, deposito penitus odio animi? *Resp.* Minimè, imò est bona, ut constat ex *ff. & Cod. de accusat.*

Acceptores personarum. §. 2.

1 *Quid est acceptio personarum.*

2 *Quod peccatum est acceptio personarum.*

1 INTERROGATIO. Quo modo definitur acceptio personarum? *Resp.* Inepta electio alicuius ad rem, quæ alteri debetur ex iustitia, non facta ex meritis, sed ex mera consideratione personæ, utpote, quia talis, vel talis. Ita Sylu. cum D. Thom. & Hostiensis, quos refert *verb. acceptio person.*

2 Int. Quod est peccatum acceptio personarum? *Resp.* Graue, aut leue, iuxta materiæ grauitatem, aut leuitatem, Ita Sylu. loco proximè citato.

Accommodatarij obligatio. §. 3.

1 *Quando teneatur accommodatarius ad restitutionem accommodatæ rei perditæ.*

1 INTERROGATIO. Teneturne accommodatarius ad restitutionem rei accommodatæ, cum perit? *Resp.* Ex quauis culpa res accommodata pereat, graui, leui, aut leuissima, tenetur accommodatarius ad illius restitutionem. Ita definitur *cap. unica. de commodato.* his verbis. Cum gratia sui tantum quis commodatum accepit, de leuissima etiam culpa tenetur, licet casus fortuitus (nisi acciderit culpa sua, vel interuenerit pactum, seu in mora fuisset) sibi non debeat imputari. Habetur etiam *L. in rebus. l. Sint certi. §. accommodatum. ff. de commodato.* Ratio est, quia dicat natura ipsa, ut rem in solam tuam vtilitatem acceptam omni diligentia custodias, sicuti colligitur ex D. Tho. 2. 2. *quæst. 62. art. 6.*

Aduocatorum

Aduocatorum peccata. §. 4.

- 1 *Quam causam licet aduocatis defendere.*
- 2 *An cognita iniustitia causæ, liceat aduocato consilium parti, ut factus ineat cum aduersario.*
- 3 *Quæ damna tenentur aduocati restituere.*
- 4 *Quod secretum tenentur aduocati seruare.*
- 5 *Quando teneatur aduocatus detegere secretum sibi commissum.*
- 6 *De iusto pretio, seu salario aduocatorum.*
- 7 *An liceat aduocatis pacisci de aliquota parte causæ vincende.*
- 8 *Quando licet aduocato pugnare contra partem ex secreto sibi ante commissum ab eadem parte.*

INTERROGATIO. Quam causam possunt aduocati tuta defendere conscientia? *Resp.* Causam, de qua atque de opposita æquè controuertunt Doctores. Ita Theologi, quos referunt Sot. 5. iust. quæst. 7. art. 3. & Burg. in proæmio leg. Taur. num. 399. Dico secundum. Etiam causam minus probabilem respectu oppositæ, intra tamen limites probabilitatis constitutam. Ita Soto 5. iust. qu. 7. a. 5. Possunt insuper ad suum defendendum clientem iura, & leges bona fide interpretari, & inde argumenta eruere, tacendo solutiones eorum sibi occurrentes. Ita citati Doctores. Duo tamen supra dicta puncta intelligo, cum defensio est ex parte Rei. Nam defendere actorem contra Reum in causa criminali, aut civili, ubi Rei vita, fama, vel bonorum periclitatur possessio, non licet, nisi cum maior datur ex parte actoris probabilitas, quoniam tunc melior est conditio possidentis.

2 *Int.* Cognoscit aduocatus sui clientis iniustitiam, potestne illi suadere, ut veniat cum sua parte in foedus? *Resp.* Minimè, sed peccat id suadendo, & consulendo: imò tenetur aduersario totum restituere, quod fallaciis illis illusio dedit, quoniam non liberè, nec iustè dedit, sed solum ad redimendam iniustam vexationem. Ita Burg. in proæm. leg. Taur. num. 255. & Perez in l. 2. tit. 19. lib. 2. Ord.

3 *Int.* Ad quæ damna restituenda tenentur aduocati? *Resp.* Ad ea, qui suis clientibus euenerunt propter culpam latam, vel negligentiam magnam ipsorum aduocatorum: vel parti aduersariæ, propter dolos, aut fraudem eorum. Ita D. Thom. 2. 2. quæst. 7. ar. 3. Sot. 5. iust. q. 8. art. 3. concin. 1. Nauarr. c. 25. n. 29. Erit autem

autem aduocatorum lata culpa errare in re notissima, & non adhibere diligentiam ad cognoscendam causæ iustitiam, vel iniustitiam.

4 *Int.* Tenenturne aduocati seruare secretum causarum suæ fidei commissum? *Resp.* Tenentur sub culpa graui, aut leui, iuxta secreti grauitatem, aut leuitatem. Ita Palud. in 4. d. 27. q. 1. num. 9. Nauar. cap. 25. num. 45. & 46. Ideo si excommunicatio feratur super scientes, non comprehendit aduocatum scientem secretò rem. Ratio est, quia seruare secretum tenemur ex iure naturali, ius verò positium naturali derogare non potest, seu à Principe feratur, seu à Papa.

5 *Int.* Daturne euentus, in quo aduocatus teneatur detegere secretum suæ fidei commissum? *Resp.* Datur. Nimirum cum ex iniustitia causæ sequitur innocentis, vel mors, vel mutilatio, vel infamia notabilis, vel grauis bonorum iactura, seu status. Tunc enim aduocatus certus de iniustitia causæ, tenetur admonere eum, qui illum consuluit, seruato ordine correctionis fraternæ, vt desistat: si autem nolit desistere, tenetur iniustitiam iudici detegere, vel alteri, qui possit adhibere remedium, licet per accidens malum eueniat impostori. Ita Aragon 2. 2. quæst. 71. articul. 3. Ratio est, quia vnicuique Deus mandauit de proximo suo, & ideo iure ipso naturæ tenemur innocenti auxiliari. Hoc verò ius, quo obligamur defendere innocentem, deobligat à iure seruandi secretum, quia maius, & fortius.

6 *Int.* Quod erit iustum pretium aduocatorum? *Resp.* Quod patitur laudabilis, & tolerata consuetudo locorum. Ita Instruēt. lib. 1. cap. 27. cum Viēt. quem citat.

7 *Int.* Possuntne in conscientia aduocati pacisci de aliquota parte causæ, si obtigerit victoria? *Resp.* Minimè: sed peccant grauiter. Cauetur id grauiter L. Si qui. Cod. de postulando. notat Syluest. verb. aduocat. num. 12.

8 *Int.* Consuluit Titius aduocatum Socratem de causa ab illo propugnanda, in consultatione detegit multa facientia ad vtramque partem: sed postea alium patronum quæsiuit, poteritne Socrates patrocinari alij parti? *Resp.* Poterit, nemini detegendo secreta commissa. Ita Roder. verb. aduoc. cap. 4. §. 5. Ratio est, quia sua scientia nemini debet nocere, alius verò sibi imputet temeritatem & facilitatem detegendi arcana. Aduerterim sanè posse hic interuenire malitiam aduocati, nimirum,

nimirum, si ita remissè agat in illa causa defendenda pro parte istius consulentis, animo defendendi oppositam, ut ipse radio affectus, & meritò exulceratus, alium quærat defensore: tunc arbitror advocatum teneri ad damna subsecuta ex detectione secreti, quia illius culpa aduenerunt, ut liquidò constat,

Appellantium peccata. §. 5.

1 De appellante ex sententia iusta.

I N T E R R O G A T I O. Peccatne grauitè, qui ad differendam executionem sententiæ iustæ appellat? *Resp.* Peccat. Ita Sor. 5. de iust. q. 6. art. 3. Syl. accusatio. q. 14. & 15. cum D. Thom. & Richard. Nauar. c. 25. n. 14. 29. 39. D. Ant. & Gab. quos refert Cord. casu 69. iuxta c. *Ut debitus. de appel. in 6.* & Gloss. *ibid. c. Quicumque. & c. Omnino. 2. q. 6.* & Gloss. *ib.* Ratio est, quia appellationes inuentæ sunt ad leuandum grauamen, ubi verò grauamen non est, iniusta est appellatio, per iustam verò sententiam nemini imponitur grauamen. Deinde, quia in ea appellatione grauis irrogatur iniuria Iudici; nam tacitè illum insimulat, vel iniqui iudicii, vel inscitia: definitur enim appellatio, reuocatio iniquæ sententiæ querelam continens. ff. de minor. l. præfetti. & colligitur ex c. *Licet. 3. q. 6.* concedunturque appellationes à iure, ad tollendum, ut iam dixi, grauamen. *Extrau. de appell. Ut debitus. allegato;* ideòque appellando apertè dicit se pati ab eo grauamen iniustè. Et ita de hac iniuria decernitur *Cod. Quando prouoc. non est neces. l. ult. in fin.* Et Gloss. cap. *Si quis præpost. §. Sententiam. dist. 50.* Ideoque tales appellationes frustratoria reprehenduntur in Concil. Trident. sess. 23. de reformat. cap. 1. & non admittuntur in iure. c. *Quicumque. 2. q. 6.* & iubentur puniri. c. *Omnino. 2. q. 6.* Irrogat deinde iniuriam Reipublicæ, quæ propter frustratoriam appellationem crimina non punit, ut debet. Denique facit iniuriam parti, quia perturbat illius iustitiam, teneturque iuxta dictos auctores, ad restitutionem iniquarum expensarum. Peccat igitur grauitè iniustè appellans, quia facit id in iudicis vituperium, in aduersarij damnum, in Reipublicæ nocumentum. Dico secundum: Cum non ita claret sententiæ iustitia, licet appellare ad superiorem: nam appellatio est quædam iuris tutela. 2. quæst. 6. Item cum appellatur ad mitigandam pœnam, iuxta omnes.

A D

AD LIT. B. CAP. IV.

• Beneficiarium peccata, & beneficii
collatorum. §. 1.

- 1 *Quid est beneficium.*
- 2 *De collatione beneficii digno, relicto digniore.*
- 3 *An sit simonia servire, ut conferatur sibi beneficium.*
- 4 *Quantum peccat, qui beneficium dat indigno.*
- 5 *Quis dandus melior, & dignior.*
- 6 *Quas condiciones requirat ius in eo, cui dandum est beneficium.*
- 7 *Qua etas requiratur ad beneficium obtinendum.*
- 8 *Qua plura beneficia sunt incompatibilia.*
- 9 *An beneficiario liceat exercere artem medicam.*
- 10 *Quoties teneatur beneficiarius celebrare.*

1 **I N T E R R O G A T I O.** Quid est beneficium, ut ab
imis fundamentis ordiamur? *Resp.* Est ius percipiendi
fructus ex bonis Deo dicatis, clerico propter divinum offi-
cium competens.

2 *Int.* Peccatne graviter, qui relicto digniore, beneficium
dat digno? *Resp.* Peccat ex sententia D. Thom. 2. 2. q. 63. art. 2.
Tolet. lib. 5. c. 4. n. 8. & c. 7. n. 4. Sylu. acceptio person. Intelligunt
propositionem de beneficio curato, Pedraza præcep. 7. d. 16.
Caiet. 2. 2. q. 62. a. 2. Saa verb. beneficium. n. 42. & alij. Loquun-
tur hi Auctores absolute de quavis electione digni, relicto
digniore, electoremque obligant ad restitutionem facien-
dam digniori, seu Ecclesie illius beneficii, quia illi soli facta
fuit iniustitia. De electione verò digni, relicto digniore in
oppositione beneficii expressè loquuntur Caiet. 2. 2. quest. 61.
art. 2. ad 4. quest. 3. & Aragon, quem citat, & sequitur Roder. in
sum. 1. p. 7. to 8. & Tolet. loco citato. obligantque iniquum ele-
ctorem ad restitutionem faciendam digniori. Ratio eorum
est, quia in oppositione candidatus dignior habet ius ad
rem, & ideo per repulsam damnificatur iniuste.

3 *Int.* Estne in peccato simonia, qui Episcopo, vel alij col-
latori beneficiorum præcipue, & primario, ut ei obsequatur,
secundario verò, & minus principaliter, ut ei beneficium con-
ferat, servit? *Resp.* Minime: colligitur id manifestè ex cap. Si
officia.

officia. 59. dist. & cap. Quid prodest. dist. 61. Imò verò seruire Deo, eúmque amare intentione minus principali obtinendi ab eo aliquid corporale, vel spirituale præter ipsum, non est peccatum. Ita D. Thom. 2. 2. q. 27. art. 1. & definitur in Concil. Trident. sess. 6. cap. 31. vbi anathematizatur is, qui asseruerit peccare eum, qui intuitu præmij Deo seruit.

4 *Int.* Qui beneficium indigno dat, quantum peccat? *Resp.* Grauius. Nam iniuriam Deo facit, & Ecclesiæ, eligendo indignum ministrum: deinde multis dignis, quorum de iure optimæ rationis beneficium erat. Ita Tolet. lib. 5. cap. 78. obligatque iniustum collatorem ad restituendum Ecclesiæ.

5 *Int.* Quis dicendus melior, & dignior ad beneficium? *Resp.* Non quidem qui quoad Deum circa conscientia puritatem indicatur melior: sed qui ad honorem Dei exterius procurandum aprior, & industrior. Ita Sylu. cum S. Th. quem refert verb. accep. person. q. 2. Ideo si potentia diuitiarum, vel nobilitas conferat ad comprimendos Christi aduersarios, præferendi sunt ditiores, & nobiliores tenuibus, & ignobilibus. Hinc fit, vt sit dignior iudicandus is, de cuius satisfactione, & confidentia magis constat Episcopo, & ideo excusantur dantes beneficia consanguineis, aut seruatoribus suis, quia de iis magis fidunt. Ita Sylu. verb. acceptio person. q. 3.

6 *Int.* Quæ conditiones requiruntur à iure, vt quis iustè accipiat beneficium, & illud iustè retineat? *Resp.* Plures, sed præcipuè tres. Nimirum, vt sit clericus, saltem in prima tonsura: vt sit legitimi matrimonij: vt sit legitimæ ætatis: statuit verò Concil. Trid. sess. 22. cap. 4. ineptum ad beneficia, qui caret iuris conditionibus.

7 *Int.* Quæ ætas requiritur ad beneficium obtinendum? *Resp.* Ad episcopatum trigessimus annus inceptus: ad curatum vigessimus quintus item inceptus. cap. Cum in cunctis. de elect. ad simplex beneficium decimus quartus. Ita decreuit Conc. Trid. sess. 23. cap. 6. Beneficij verò collatio minori nato huius ætatis facta, est nulla citra dispensationem.

8 *Int.* Quæ plura beneficia ex Conc. Trid. decretis habere vni prohibentur? *Resp.* Plures Episcopatus, quamuis exigui: plures curatus, item quamuis exigui. sess. 24. cap. 13. Plura, quæ residentiam requirunt, quales sunt canonicatus, & similia. sess. 24. cap. 17. Item plura simplicia, cum vnum sufficit ad decentem sustentationem beneficiarij, ibidem.

9 *Int.* Peccatne mortaliter beneficiarius exercendo artē medicā? *Resp.* Peccat. Ita cauetur per Concil. Trident. *sess.* 22. *de reform.* cap. 1. & *sess.* 14. cap. 6. Ratio est, quia exercitium artis medicæ, est negotium purè sæculare, & grauiter beneficiariis interdictum, vt liquet.

10 *Int.* Quoties tenetur beneficiarius celebrare? *Resp.* Seruandus mōs toleratis beneficij, atque capellæ, & secundū eum iudicandum. Ita Nauarr. *cap.* 25. *num.* 134. Nullus tamen tenetur quotidie celebrare, etiamsi obligatus sit ratione capellæ. Non enim tenet obligatio. Sed debet celebrare salua reuerentia, & honestate. Ita *cap. signif. de præb.* Syluest. *Missa* 1. §. 7. Tolet. *lib.* 2. *cap.* 3. *num.* 2.

A D L I T. C.

CAP. V.

Cauponum peccata. §. 1.

- 1 An sit peccatum permittere meretrices versari in caupona.
- 2 An liceat vendere vinum ei, quem scio inebriandum.
- 3 De eo, qui dat vinum vt quis inebrietur.
- 4 An liceat vendere die prohibito cibos vetitos.

I N T E R R O G A T I O. Peccantne mortaliter caupones, qui meretrices prope cauponam curant habitare, permittuntque inferuire mensis, vt ita plures hospites ad se diuersentur, attracti muliercularum lenocinijs, nullam aliam turpitudinem intendendo? *Resp.* peccant, quia dant occasionem peccato alieno proximam, seu potius illam offerunt, offendiculumque apponunt, & muscipulam culpæ lethalis; qui verò dat talis occasionis ansam, reus est eiusdem culpæ. Ita D. Thom. 2. 2. *quæst.* 43. *art.* 3. & 4. D. Anton. 2. *p. tit.* 7. *cap.* 4.

2 *Int.* Peccantne mortaliter caupones vinum vendentes ei, quem sciunt eo inebriandum? *Resp.* Peccant. Ita D. Thom. 2. 2. *quæst.* 150. *art.* 1. Nauar. *cap.* 23. *n.* 121. D. Anton. 2. *p. tit.* 6. *cap.* 3. §. 2. Tabien. *ebrietas.* n. 2. Angel. *ibid.* §. 1. Ratio est, quia sicut vitæ, oculi, manus, pedis, & reliquorum naturalium non sumus domini, ita neque vsus rationis, vt docet Caietan. 2. 2. *quæst.* 150. *art.* 1. Etiam ad breue tempus, quia vt sic, adhuc est ablatio

ablatio contra rationem rei magni momenti. Hinc manifesta est conclusionis ratio. Nam caupo propinando vinum cooperatur huic peccato, ergo, &c. quia adiuuat, aut saltem non impedit cum potest: talem verò consensum damnat Apostolus. Rom. 1. *Non solum qui faciunt, sed qui facientibus consentiunt.* c. 1. de offic. deleg. Vbi Gloss. & omnes c. *sicut dignum, de homic.* Notat D. Tho. 2. 2. q. 62. art. 7. Enimvero, qui daret arma ei, quem scit seipsum illis interfectorum, peccaret mortaliter, teste D. Anton. 2. p. tit. 1. c. 24. §. 11. arg. c. *Notandum* 2. q. 1. ergo; &c. Longiori probatione supersedeo, quia res est nota.

3 *Int.* Quid igitur censes de eo, qui consultò vinum propinat, ut quis inebrietur? *Resp.* Gravissimè illum peccare lethaler, quia priuat hominem vsu maioris boni naturalis, qui licet ad tempus sit, est tamen magnæ æstimationis. Peccat itidem ratione infamiæ ex ebrietate nascentis, quæ inter homines plurimi fieri solet.

4 *Int.* Peccatne mortaliter tabernarius ministrando dieprohibito cibos vetitos ei, quem scit peccare illis vescendo? *Resp.* Peccat. Ita omnes, quia cooperatur peccato, cum posset illud impedire: imputatur verò nobis culpa, quam negligimus corrigere, cum possumus. c. *Culpam*. 86. dist. c. *Error*. 83. dist. Vbi subditur. Non caret scrupulo consensionis occulta, qui manifesto facinori desinit obuiare. Ita docet Gab. in 4. d. 16. q. 3. art. 3. dub. 6. Non peccat verò hos cibos vetitos veniales exponendo, quia pluribus non sunt vetiti.

Conductorum peccata. §. 2.

- 1 *Quando tenetur conductor restituere equum raptum.*
- 2 *De dubio, an equus perierit culpa conductoris, vel non.*
- 3 *An liceat conductori conducere alium equum, cum equus conductus non satis est ad viam potens.*

1 **I**NTERROGATIO. Quando tenentur conductores equorum ad restitutionem equorum raptorum, dū erāt in sua potestate? *Resp.* Suppono rapti potuisse equum conductum, vel propter dolum, & malitiam conductorum, vel propter negligentem custodiam ex culpa graui, aut leui: vel casu, & fortuna. Dico *primum*. Tenetur conductor ad restitutionem equi conducti, & rapti propter dolum, & malitiā conductoris. Hæc constat ex terminis, neque indiget probatione.

C C c

Dico

Dico *secundum*. Ad nullam restitutionem tenetur conductor, cum ex mero casu, & fortuna equus conductus periit. Hæc similiter ita claret, ut æquo iudicio ferret offensam, qui probaret. Dico *tertium*. Tenetur ad restitutionem conductor, cum equus ex culpa eius graui, aut leui periit, non verò cum ex leuissima. Ita Caiet. 2. 2. *quæst.* 62. *art.* 6. Salon. *lib. de iust.* 9. 62. *a.* 6. *controu.* 7. Hostiens. in *L. Contractus*. ff. de reg. iuris. & *L. Si quis donum*. §. Celsus. *L. Si merces*. §. Qui columnam. ff. locati. Sot. 4. de iust. q. 7. ar. 2. Sylu. verb. culpa. Innocent. & alij, quos refert. Ratio est, quia conductio cedit in vtilitatem locatoris, & ideo non obligat ad culpam leuissimam.

2 *Int.* Dubius est conductor, an equus perierit absque culpa leui, aut ex ea? *Resp.* Tenetur equum restituere. Ratio est, quia per locationem non fuit translatum dominium, sed remansit penes locatorem: sed in dubio meum ne hoc sit, an tuum, melior est conditio possidentis; igitur melior est conditio locantis in nostro casu, & ex consequenti tenetur conductor ad restitutionem equi.

3 *Int.* Locauit Socrates equum Platoni sanū, bonum, fortem, &c. Post egressus domo, cœpit ægrotare, nec vltius progredi valuit: conduxit Plato alterum, quo iter conficeret, rogo, teneturne Socrati integram reddere mercedem? *Rx.* Minimè. Ita Nauar. c. 17. n. 197. Beia 2. p. casu 20. arg. c. propter sterilitatem. de locat. soluenda. Igitur pensio soluenda pro rata illius temporis, quo eo vsus est Plato.

Coniugum peccata. §. 3.

- 1 An sit peccatum contrahere cum hæretico.
- 2 An sit validum matrimonium fidelis cum hæretico.
- 3 An liceat marito uxorem afficere supplicio.
- 4 Quantum peccat maritus otio vacans.
- 5 Ac peccet maritus non coercendo liberam licentiam uxoris.
- 6 An peccent coniuges non cohabitando.
- 7 An peccet uxor assumendo sibi domus gubernationem.
- 8 De uxore rixosa.
- 9 Quod est peccatum contrahere matrimonium cum impedimento.
- 10 Quomodo peccetur in usu matrimony.
- 11 Quæ causæ deobligent à reddendo debito.
- 12 An sit peccatum petere debitum tempore menstrui.

13 Quod

- 13 *Quod peccatum sit uti modis inusitatis ad copulam matrimonialem.*
- 14 *Quando peccant coniuges non reddendo debitum.*
- 15 *Quæ petitio debiti obligat ad mortale.*
- 16 *An liceat precibus remouere coniugem à petenda.*
- 17 *An liceat exercere actum matrimonij, ad vitandam incontinentiam.*
- 18 *An liceat exercere actum matrimonij propter sanitatem.*
- 19 *An liceat exercere actum matrimonij propter delectationem carnalem.*
- 20 *Quantum peccant coniuges exercendo actum matrimonij propter delectationem carnis excludendo fines matrimonij.*
- 21 *Quando delectatio carnis est causa tantum motiua.*
- 22 *De incitamentis coniugum.*
- 23 *De delectatione morosa ex actu cogitato præterito, vel futuro coniugij.*
- 24 *An propter adulterium amittatur ius ad petendum debitum.*
- 25 *Quando non peccat coniux negando petitum debitum.*
- 26 *An peccet maritus reddendo debitum uxori adulteræ.*
- 27 *An incestuosus cum consanguinea sui ipsius amittat ius ad petendum debitum.*
- 28 *An tale ius amittat incestuosus cum consanguinea suæ uxoris.*
- 29 *Quod peccatum est consummare matrimonium ante benedictiones.*

I NTERROGATIO. Peccatne coniux contrahendo cum hæretico? *Resp.* Peccat grauissimè. Strictè enim prohibetur tale coniugium in Conc. & liberit. c. 16. Laodicenf. cap. 10. & 31. Carthag. cap. 21. Agath. cap. 67. Chalced. can. 16. apponunturque ibi graues pœnæ, & in cap. Decreuit. de hæret. dotes iubentur confiscari.

2 *Jnt.* Estne validum tale coniugium fidelis cum hæretico? *Resp.* Negat penitus Simanc. in *Cathol. instit. tit. 40. cap. de matr. numer. 17.* arbitraturque tantus Doctor textum esse expressum *can. 72. 6. Synodi gener. irritantem, & annullantem nuptias.* Oppositum tamen docet communis Schola cum D. Thom. in 4. d. 39. q. 1. a. 1. & 3 p. q. 59. art. 1. *Sot. in 4. d. 39. art. 2. ad 3. Angel. imped. 10. art. 8. Syluest. Arm. Tabien. alique Summisti & verb. matrim. & rom. 1. cap. 14. de Rom. Pontif. Gloss.*

Non oportet. 28. q. 1. Card. c. fin. de condit. appositis. & c. Decreuit. de heret. in 6. Couar. tom. 1. p. 2. c. 6. §. 11. Nau. c. 22. num. 49. Ratio manifesta est, quia hæreticus est Christianus baptizatus, & ideo capax sacramentorum: neque inter hæreticum, & baptizatum est cultus disparitas; profitentur enim per baptismum colere eundem Christum, & illius nota, & signo, hoc est, indelebili baptismali charactere insigniuntur. Et aliunde non est Ecclesiæ decretum talia matrimonia irritas. Ad Canonem allegatum sextæ Synodi respondeo, non fuisse à Sum. Pontifice approbatum, & ideo nec ab Ecclesia receptum. Probat id apertissimis rationibus Cano lib. 5. de locis. cap. ultim. ad sextum. Beda de natura rerum. cap. 67. Platina in vita Sergij Papæ.

3 *Int.* Peccatne maritus percutiendo grauitet vxorem, & extra modum personæ, & conditionis. Item acriter, & iniuriosis verbis eam tranctando, animo iniuriandi, & nõ corrigendi? *Resp.* Peccat, quia vxor non est serua, sed socia, & immoderata percussiones inferuiunt ad odium, non correctionem. Sic Tolet. lib. 5. cap. 5.

4 *Int.* Otio vult maritus vacare, neque labore comparare cibos filiis, & vxori, quantum peccat? *Resp.* Mortaliter. Ita Tolet. proximè. Ratio est manifesta, quia caput, iure naturali, tenetur subuenire membris.

5 *Int.* Non coërcet liberam licentiam vxoris peccantis? *Resp.* Reus est culpæ lethalis, quia ipsi incumbit de moribus, & vita familiæ inquirere, & deprauata corrigere, cum potest, alioqui ipsi imputantur errata.

6 *Int.* Non cohabitant simul, cum commodè fieri potest? *Resp.* Peccant mortaliter non cohabitando, nisi ex vtriusque licentia libera ob aliquod bonum animi, & corporis, aut impedimentum ad separationem cogens: alioqui, qui negat cohabitationem, cum ab altero requiritur, peccat grauitè, quia non est dominus sui corporis, sed potestatem dedit alteri. Hinc manifestè colligitur, teneri alterum mutare sedem respectu alterius ad alium locum ubi simul cohabitent, nisi in contractu matrimoniali interfuerit pactum tacitum, vel expressum, de non mutando loco: vel in tali mutatione periculum immineat grauis damni animi, vel corporis. Sic Toletus lib. 5. cap. 2. cum communi.

7 *Int.* Vult vxor gubernare domum, spreto viro sano, & pruden

prudenti ad gubernandum; peccatne propter vsurpatam gubernationem? *Resp.* Mortaliter quidem. Ita Tolet. loco proximo. Ratio est, quia vxor tunc deorbitat in re graui à recta ratione, quæ naturaliter iubet membra obedire capiti.

8 *Int.* Est vxor asperi ingenij, & rixosa: suis rixis, & querelis virum prouocat ad iram, & dictoria, & maledictiones; ad quid rogo tenetur in conscientia? *Resp.* Ad tacendum, & ad naturalem iram compescendam: alioqui iræ, rixæ, & maledictionum peccata mariti, illi imputantur. Ita Card. proximo loco.

9 *Int.* Quod peccatum committit, qui sciens contrahit cum impedimento? *Resp.* Lethale. Ratio est manifesta, quia it contra sanctas leges, & statuta Ecclesiæ in re grauissima, vt liquet.

10 *Int.* Qui coniuges peccant lethaliter circa actum coniugalem? *Resp.* Primò. Qui consorti blanditur cum periculo emittendi semen extra vas naturale, effusio enim seminis voluntaria extra vas, tam iniqua est; vt ex nulla circumspecta, neque ob vllam causam licita sit. Secundò. Qui ita rem habet cum sua, vt eam haberet, licet sua non esset, quique ita rem habet cum sua permissione corporum, vt mente, & desiderio eundem actum habeat cum non sua. Tertiò. Qui debitum rogatus negat, cum periculo incontinentiæ circa exigentem. Vel qui negat ex contumacia, nulla ad negationem obstante causa: præter ipsam nolitionem negantis.

11 *Int.* Quæ causæ deobligant à reddendo debito coniugali? *Resp.* Mortis periculum, ægritudinis magnæ, infectionis contagi, seu pestis, & similia; quia non tenetur quis cum tanto damno, neque ad hoc se obligauit. Item locus publicus ob honestatem; locus sacer ob reuerentiam.

12 *Int.* Estne lethale, exigere debitum tempore purgationi? *Resp.* Si adsit periculum incontinentiæ, minimè: nam periculum incontinentiæ parentum, præferendum est periculo infectionis geniti, quæ fortè subsequetur. Nam proli melius est viuere, quamuis infectæ, quàm omnino non viuere. Ita communis Schola.

13 *Int.* Peccantne lethaliter coniuges vtendo naturali vase, sed inusitatis modis? *Resp.* Minimè. Nisi inusuetus modus coeundi periculum afferat abortus; vel emittendi semē extra vas naturale, nam iuxta medicorum sententiam; teste Soto

in 4. d. 31. quæstio. 1. art. 4. mutatio situs, si semen recipiatur, non impedit conceptionem foetus, ac proinde Alb. Mag. in 4. d. 13. absolute dixit nihil eorum, quæ vir cum vxore agit intra vas legitimum culpam esse mortiferam, refert, & sequitur Comitulus resp. moral. lib. 1. quæst. 133. Hinc fit, vt remoto hoc periculo, non peccetur mortaliter, si foemina supergrediatur virum, nam iuxta philosophorum experientiam, matrix habet vim attractiuam sursum, & ita semen virile fugit, ne effluat. Neque si vir, versis foeminæ ad virum natibus, vas legitimum possideat, qua in re se fefellit Palud. in 4. d. 13. q. 3. a. 2. concl. 5. oppositum asserens contra communem, nisi ex affectu bestialitatis talis coitus procedat, alioqui ob necessitatem poterit inueniri, vt cum foemina prægnans distentum tam nimis aluum habet, vel obesum, neque aliter iungi mari est potens, tunc enim vel ad euitandum abortum, vel ad euitandam incontinentiam, ita coire licebit.

14 *Int.* Peccatne mortaliter coniux non reddendo, cum petitur coitus? *Resp.* Negare coitum coniugi exigenti, ex genere suo peccatum est mortale, contra iustitiam commutatiuam fidei promissæ. Ita præcipit Paul. 1. Corinth. 7. *Vxori vir debitum reddat, similiter autem & vxor viro. Mulier sui corporis potestatem non habet, sed vir: similiter autem & vir sui corporis potestatem non habet, sed mulier.* Docet communis Schola cum Scot. 4. sent. d. 32.

15 *Int.* Quæ petitio obligat ad mortale? *Resp.* Seria, & omnimoda, siue expressæ, siue signis eidentibus fiat, quia pudor naturalis aliter prohibet declarare mentem, præcipue in vxore. Notat id D. Ant. 3. p. tit. 1. c. 20. §. 7. amica tamen petitio, & beneuola non obligat cum tanto onere, & pœna. Ita præsumendum est fieri ab eo, qui frequentius petit, quam par est, debet enim in petendo modus adhiberi, vt notat Sot. in 4. d. 32. q. 1. art. 1. post 2. concl.

16 *Int.* Licetne precibus remouere coniugem à petendo? *Resp.* Modò non sint tales preces importunæ, & grauem inferant molestiam, licet, tunc enim dabitur periculum incontinentiæ. Ita Nau. c. 16. n. 25. Sylu. debitum coniug. q. 8. & Sot. sup. citatus.

17 *Int.* Peccatne, qui debitum petit coniugale ad vitandam incontinentiam, cum illam potest vitare aliis remediis, nempe per ieiunia, verbera, aut humi cubationem, & similia?

Resp.

Resp. Minimè. Ita Durand. in 4. d. 31. q. 4. Palud. q. 21. art. 2. Ca-
preol. q. 2. art. 4. Caiet. verb. matrimonium. Sotus item in 4. d. 35.
q. 1. a. 4. Ita docuit D. Paul. 1. Cor. 7. propter fornicationem unus-
quisque suam uxorem habeat, & unaquæque suum virum.

18 *Int.* Peccatne, qui actum coniugij exercet propter sa-
nitatem, immemor prolis suscipiendæ, aut fornicationis fu-
giendæ, memos tantum sanitatis? *Resp.* Minimè quidem. Ita
Richard. in 4. d. 31. a. 3. q. 2. & Sot. proximè citatus. Probatur
à simili: nam licitum est nubere ad obtinendam sanitatem in
actu coniugij, dummodo fines matrimonij etiam intendan-
tur, nempe prolès, & fornicationis euitatio, vt docet Caiet. 1.
tom. pusc. tract. 12. q. 3: & Catech. ad Paroc. tit. de matr. pag. 537.
ergo etiam licèbit actum coniugalem exercere ob eandem
sanitatem contracto iam matrimonio, non exclusis finibus
aliis.

19 *Int.* Peccatne mortaliter, qui debitum coniugale petit
ob solam delectationem carnalem, non exclusis aliis finibus
matrimonij, neque in memoriam venientibus? *Resp.* Minimè;
sed tantum venialiter. Ita communiter Doctores, D. Aug. 9. in
Genes. c. 7. & de bono coniugali c. 6. Magist. in 4. d. 31. & ib. Al-
ber. Mag. D. Tho. in 4. d. 26. q. 1. art. 4. D. Bonau. in 4. d. 31. q. 3.

20 *Int.* Si excludantur tres illi fines matrimonij à D. Aug.
appositi lib. 9. in Gen. cap. 7. nimirum proles suscipienda, fides
seruanda, sacramentum perpetuandum, peccatne mortaliter
coniux, qui coit ad solam delectationem carnalem; vt finem
tantum volutum, licet cum sua? *Resp.* Mortaliter quidem. Ita
D. Thom. in 4. d. 26. q. 1. art. 4. Sot. in 4. d. 31. q. 1. art. 3. Henriquez
lib. 11. de matrim. cap. 4. §. 2.

21 *Int.* Intendit quidem fines coniugij, sed ad eos inten-
dendos mouetur à delectatione carnali, & ideo eos non ap-
peteret, nisi moueretur ab illa? *Resp.* Nullum committit pec-
catum. Ita Comit. lib. 1. q. 133. cum Palud. in 4. d. 31. q. 3. art. 2.
D. Anton. 3. p. tit. 1. cap. 20. §. 6. Vbi ex eorum sententia con-
cludit nullum esse peccatum coniugem relinquere actum
inchoatum, & imperfectum.

22 *Int.* Licetne coniugibus absque culpa vlla vacare me-
diis excitantibus ad copulam habendam pro finibus matri-
monij? *Resp.* Licet. Et ideo nullum peccatum tunc est calidis
cibis, osculis, amplexibus; tactibus venereis se ad libidi-
nem prouocare. Ita Sylu. de b. coniug. q. 9. Armil. ibid. n. 8. Caiet.

verb.matr.cap.de usu matrim.§.Duodecimum est.Nau.c.16. n.42.
Henriq.lib.14.de matrim.cap.17.§.9.

23 *Int.* Peccatne coniux absens cū mente cogitans de actu cōiugij delectatur carnaliter; aut vt delectationem carnalem percipiat in parte sensitua volens, & libens de eo cogitat, citra pollutionis periculum? *Resp.* Peccat quidem mortaliter. Ita Comitol. *lib.1. q.134.* probatque latissimè ex Caiet.*in 1.2.q.74.art.8.ad 4.* Sylu. *delectatio.q.3.* Armil.*lib.q.3.* Tabien.*verb.cogitatio.q.7.Nau.c.16.n.10.D.Ant.3.p.tit.1.c.20.§.6.* atque oppositum asserentes appellat defensores puridæ delectationis. Ratio illius est, quia illa delectatio sensitua capi non potest, nisi ex imagine vxoris in mente fabricata præsentē, quia sensus non nisi circa præsens versatur: sed ex imagine vxoris præsentē veluti marmorea, aut eburnea, peccatum est lethale capere sensibilem delectationem; ergo idem dicendum de imagine facta in mente.

24 *Int.* Amisitne coniux ius ad exigendum debitum propter adulteriū occultè cōmissum? *Resp.* Minimè. Ita Turrecr. *in c.Coniugio.32.q.1.lib. Arch. Caiet. tom.1.opusc. tract.31. resp.4.* Sot.*in 4.d.36. qu. unica. art. 3.* Couar. *2.p.de matr.c.7.§.2.n.4.* Glossa *cap.Extremum.de adulter. licet oppositum doceat Nau. c.22.num.23.* Armil.*verb.matrim.num.77.* Tabien.*matrim.4.§.6.* Castro *lib.2.de leg.pæn.cap.4.* Ratio est, quia nemo tenetur se prodere, neque suo se iure spoliare, neque se ipsum extra confessionem accusare; alioqui alteri coniugi daret occasionem scandali.

25 *Int.* Quibus causis interueniētibus non peccat coniux debitum negando, minimèque reddendo? *Resp.* Multiplices quidem sunt, quæ omnes continentur sub propositionibus traditis à Scot.*in 4.sent.d.32.* Cū coniux, inquit, amisit ius petendi: vel non habet ius petendi pro nunc: vel quando alter coniux non obligatur ad reddendum: vel quando ad non reddendum obligatur maiori vinculo. Amisit verò ius petendi per adulterium publicè commissum, hoc est, notum à coniuge innocente. Ita Palud. *in 4. d. 32. q. 1. numer. 9.* Richard. *d.35.art.5. quest.1.* Item per votum solenne in religione emissum. Non obligatur verò ad reddendum ante duos menses transactos post matrimonium ratum, & non consummatum, quia in eo spatio licet ei religionem ingredi, & profiteri. Obligatur verò ad non reddendū vinculo fortiori, cū

cum in reddendo est periculum abortus, seu occisionis foetus in utero. Ita Sylu. *debit. coniug.* q. 5. Caietan. *verb. abortus.* Nauarr. *cap. 15. num. 14.* Item cum debiti redditio vergit in detrimentum incolumitatis propriae: tenetur enim maiori vinculo vitam foetus seruare, abortumque fugere, & propriam aegritudinem vitare, quam debitum reddere. De incolumitate viri dixit expresse D. Thom. in 4. d. 32. art. 1. ad 2. & art. 3. ad 4. Durand. ibidem q. 1. n. 6. Richard. d. 32. art. 1. q. 1. & art. 4. q. 1. ad 2. De incolumitate vtriusque indistinctè locutus est Scot. in 4. d. 32. & cum eo communis Schola, vt notat Comitulus lib. 1. qu. 136. qui vehementer reprehendit Gabrielem singulariter opinantem in 4. q. unica. art. 2. concl. 11. teneri uxorem sub mortali reddere debitum cum periculo propriae salutis, imò & vitae, marito petenti, & periclitanti circa continentiam, cum tota illa incontinentia proueniat ex malitia mariti incontinentis: vxor enim vitur in re suo. Intelligitur enim obligatio reddendi debitum, salua indiuidui vita, atque etiam salute corporea. Hæc autem salus notabiliter læditur per coitum leprosi, & ideo tunc deobligatur coniux à debito reddendo. Ita Palud. in 4. d. 32. quest. 1. art. 2. conclus. t. Durand. ibidem q. 1. n. 8. Aureol. citatus à Gabriele ibi. q. 1. art. 2. conclus. 11. Sot. q. 1. art. 1. Caiet. *verb. matr. cap. 2. de usu coniug.* §. quintum caput. Nauarr. *cap. 16. num. 25.* Si verò aliqua lepra sit, quæ non inficiat (de qua re consulendi medici) licet timeatur proli infectio, tenetur reddere, quia proli melius est sic esse quàm nullo modo esse, vt ait D. Thomas loco citato. Et in hoc sensu intelligendum est c. *Quoniam. de coniug. leprosi.* ybi sanus coniux coniugi leproso debitum reddere iubetur. Quod dixi de leproso, dicendum est de morbo gallico, aut alio quouis, cuius timeatur infectio. Ita Sot. sup. Armil. *verb. debitum coniug. num. 3. & verb. matrim. num. 69.* Nauarr. *cap. 16. num. 25.* & sic intelligendum docet *cap. 1. & 2. de coniug. leprosi.*

26 Int Peccatne maritus debitum reddens uxori publicè adulteranti? Resp. Peccat grauiter. Ratio est, quia in primis it contra prohibitionem *cap. si quis uxorem. 22. quest. 1. cap. Dixit Dominus. & cap. sicut crudelis. 32. quest. 1.* Deinde quia illi præbet manifestam occasionem perseverandi in peccato. Ita Couar. 2. p. de matrim. *cap. 6.* Caiet. in *sum. tit. de usu coniug. cap. 10.*

27. *Int.* Quid dicis de incestuoso adulterio cum confanguinea sui ipsius? *Resp.* Non peccat petendo, aut reddendo debitum. Ita Syluest. *matrimon.* 7. *quæst.* 6. *pronunc.* 3. *Castro lib.* 2. *de leg. pæn.* cap. 7. *Nauarr. cap.* 16. *num.* 35. *Sot. in* 4. *d.* 37. *art.* 2. Ratio est, quia teste Sylu. hoc nullibi reperitur à iure prohibitum.

28. *Int.* Quid dicis de adultero cum consanguinea vxoris suæ, vel è contra? *Resp.* Si cognouit vxoris suæ consanguineam 1. vel 2. gradus, peccat grauiter petendo. Prohibetur ei petitio c. 1. & c. *Transmissæ. de eo, qui cognouit consang. cap. Qui dormierit.* 37. *quæst.* 2. Docet D. Tho. in 4. *d.* 34. *art.* 5. *Rich. art.* 4. *quæst.* 2. *Sot. d.* 37. *art.* 2. *concl.* 2. *Nauar. proximè.* *Couar. 2. p. de matr. cap.* 7. §. 2. *num.* 5. Ratio est, quia in eo adulterio contrahitur affinitas cum propria vxore, etiam post Concil. Trid. Ergo peccat petendo, non peccat verò reddendo. Redditio verò non tollit impedimentum affinitatis contractum, ut notat Panorm. & Card. dicto *cap. Transmissæ*: & Syluest. *luxuria. quæst.* 4. *pron.* 4. *Couar. citato num.* 5.

29. *Int.* Quod est peccatum petere debitum ante benedictiones nuptiarum? *Resp.* Mortale putat Syluest. *deb. coniug.* n. 11. videtur tamen id nimis rigorosum. Nam Conc. Trident. *sess.* 24. n. 1. id non præcipit, sed hortatur, ideo sola est venialis culpa contra exhortationem ire. Sed de hoc puncto iam idem respondi, & latius probaui 3. *p. cap. ultim. n.* 6.

30. *Int.* Licetne ad occultandam infamiam, vel remouendum periculum mortis, exponere filium in adulterio susceptum? *Resp.* Licet. Si tamen parentes diuites sint, tenentur hospitali domui alimenta restituere: si pauperes, minimè, quia talis domus pro pauperibus fuit instituta. Ita Cardine. Tolet. *lib.* 5. *cap.* 11. n. 11.

Captiuorum peccata. §. 4.

- 1 De peccatis captiui Christiani inter infideles.
- 2 De peccatis captiui infidelis ab infideli.
- 3 An captiuus Christianus teneatur implere iuramentum quod fecit infideli.
- 4 An pretium redemptionis veniat ad collationem cum aliis fratribus.
- 5 Qua pœna punitur filius, qui captiuum patrem non redimit.
- 6 De captiuis Christianis, qui remigant in trivemibus infidelium.

7 An

7 An maneat excommunicatus Christianus captiuus remigando contra Christianos,

8 An peccent Christiani captiui remigando contra infideles.

1 **I**NTERROGATIO. Dic quid censes de captiuis Christianis inter infideles? *Resp.* Cum inter Christianos, & infideles possit bellum iustum, & iniustum aliquando interuenire, hoc mihi suadeo, si captiuus captus fuit bello iniusto, licet illi fugere, & fugiendo neque ipse, neque qui ipsum iuuant, peccant. Ita definitur *cap. Dominus. 23. q. 1. c. 17. pridie. 23. q. 8. l. 1. Cod. ne Christian. mancip.* Si verò captus fuit bello iusto, peccant, & ipse, & qui ipsum iuuant in fuga, nisi Dominus ipsum impellat ad fidem relinquendam, Christumque Dominum negandum. Ita *Syl. furtum. q. 6. Nauarr. cap. 17. n. 103.* Tenetur insuper ad restitutionem, iuxta omnes. Hæc autem, nunquam est facienda per restitutionem personæ, quia semper datur periculum aberrandi à fide: sed facienda est per compensationem æstimationis.

2 *Int.* Quid censes de captiuo infideli ab alio infideli? *Resp.* Cum inter infideles similiter atque Christianos intercedat aliquando iustum bellum, aliquando iniustum, peccat captiuus in bello iusto, si fugiat, peccant, qui illum fugiendo adiuvant, tenenturque iterum in captiuitatem redire, tenenturque adiutores reddere, quod si nequeant, alium æquè bonum seruum viribus, & industria. Ita *Couar. reg. Peccatum. 2. p. §. 11. num. 6. & lib. 1. Var. resol. cap. 11. num. 12. Nauar. c. 17. num. 10. Arag. 2. 2. quest. 92. de domin. contra Sot. 4. de iust. qu. 2. art. 2. colligiturque nostra conclusio ex cap. Si quis seruum. 17. quest. 4.* Ratio est, quia iure gentium captus in bello iusto, est verum mancipium, capiensque est verus dominus eius per verum dominium ab ipso iure gentium translatus in capientem, ergo, &c.

3 *Int.* Teneturne Christianus captiuus, bello iusto captus iuramentum seruare, quo promisit Mahometano domino se rediturum, aut missurum pretium captiuitatis? *Resp.* Tenetur. Neque huiusmodi iuramentum facillè est relaxandum. Daretur enim occasio infideli blasphemandi nomen Christianum, & scandalum actuum peierandi. Ita *Roder. in sum. cap. 41. num. 3.*

4 *Int.* Redemit pius pater Christianum filium captiuum inter Mahometanos, seu alios infideles, insumpsitque in ea libertate

libertate multam summam, tenetúrne filius computare illam summam in sua legitima, afferreque in collationem hæreditatis? *Resp.* Minimè. Ita cum Baldo Gomez L. 29. Tau. num. 29. & alij, quos affert Roderic. in *sum. cap. 41.* Habetur in *Ordin. Lusit. lib. 4. tit. 97. §. 8.*

5 *Int.* Qua pœna punitur filius ita impius, qui potens redimere patrem captiuum ab infidelibus, non redimit? *Resp.* Priuatione successionis in bona patris. Ita habetur in *Ordin. Lusit. tit. 88. §. 16.* filiusque illegitimus, etiam natus ab infideli, qui libertatem patris procurauit, illi præferendus. Ita Lopez, & alij quos citat Roderic. in *sum. cap. 41. num. 41.*

6 *Int.* Quid censes de captiuis Christianis coactis metu verberum, aut mortis triremes remo vehere aduersus Christianos in bello iniusto? *Resp.* Censeo peccare mortaliter sic remigando: nam faciunt contra quintum præceptum de non occidendo, occidunt autem, qui consulunt, consentiunt, adiuuant. *c. Sicut dignum. de homicidio. c. Notum. 2. q. 1. L. Is qui opem. ff. de furtis.* Quod verò timor mortis non excusat, probatur apertè, quia nullus metus excusat à culpa faciendo id, quod est intrinsecè malum; tale verò est iuuare occisorem iniustum. Ita Beia 2. p. *cas. 24.* Ratio illius est, quia remigatio huiusmodi, est actio directè, & per se ordinata ad occisionem, seu damnum innocentium Christianorum. Et ita respondi 3. p. *cap. 9. §. 16. sect. 8.*

7 *Int.* Incurruntne excommunicationem sic remigando? *Resp.* Minimè. Ita Nauar. *c. 27. n. 63. §. serm. quòd Christ.* Beia loco proximo. Ratio est, quia censuræ Ecclesiæ non feruntur, nisi in liberè contumaces. Tales verò non sunt, qui metu coguntur non obedire, cum metus non infertur ob iniuriam fidei.

8 *Int.* Peccantne huiusmodi captiui remigando contra alios infideles? *Resp.* Negatiuè respondet Nauar. loco proximo citato absque distinctione. Cum ea veruntamen necessario loquendum. Nam vel bellum iniustum est, vel iustum: si iustum, rectè dicit sapientissimus Doctor; si iniustum, pace dixerim, & debita reuerentia, eadem est ratio, atque contra Christianos, quia remigando iuuant ad damnum iniustum.

Collegarum alicuius domus peccata. §. 5.

1 An peccent collegæ incolendò collegium contra illius instituta.

2 De conditione paupertatis.

3 An

3 *An peccent non studendo diligenter.*

4 *De conditione sanguinis aut nationis.*

1 **I**NTERROGATIO. Peccantne mortaliter, qui collegium ingrediuntur, & habitant contra instituta fundatoris? *Resp.* Maximè. Tenentur insuper ad restitutionem expensarum, quas fecerunt ex collegiorum redditibus. Hæc est euidens.

2 *Int.* Fuit institutoris voluntas vltima, vt ingressuri, & habitaturi collegium sint pauperes: Titius est diues, & vult collegium ingredi, & ne illi obstet diuitiarum possessio, facit donationem reuocabilem, nimirum, quod illi reddantur diuitiæ, si à collegio exiuerit. Rogo, estne talis collega tutus in conscientia, collegium ingrediendo, & habitando, & ex redditibus pauperum vitam alendo? *Resp.* Minimè. Imo est grauissimum peccatum talis palliata bonorum renunciatio, tacito, vel expresso pacto iterum accipiendi ea. Ita Nauarr. & Instruēt. quos citat, & sequitur Rod. in sum. 1. p. cap. 45. Secus videtur dicendum, si donatio esset omnimoda inter viuos, & irreuocabilis, per eosdem Doctores.

3 *Int.* Aluntur collegæ in collegio Pontificio, seu regio, expensis regiis, Ecclesiasticisve, vt diligentem operam nauent litteris, peccantne otiaando? *Resp.* Peccant grauiter. Insuper tenentur ad restitutionem expensarum. Ita Nauar. cap. 25. n. 59.

4 *Int.* Effetne iusta conditio, qua institutor reiiceret à collegij ingressu certum personarum genus, veluti procreatos à Iudæis, remoto odio, attentò tantum collegij honore? *Resp.* Effet. Ita Cordub. lib. 1. c. 54. Rod. prox. cit. Reia cap. 34. Ratio est, quia cuique licet suum, cui voluerit, relinquere.

Chirurgi peccata. §. 6.

1 *An peccet, qui utitur remediis non arte, sed experimento comparatis.*

1 **I**NTERROGATIO. Nunquam Titius didicit artem chirurgicam, sed experimento comperuit certos morbos certis medicamentis felici euentu curari, peccatne vtendo illa experientia medicamentorum circa omnes infirmos eiusdem morbi, seu vlceris? *Resp.* Minimè. Ita Nauar. cap. 25. num. 6. ex L. 1. §. Medicus. ff. de var. & extraor. Si tamen febris inardescat, & iugrauescat morbus, tenetur medicum doctum, aut chirurgum consulere.

Custodum

Custodum peccata. §. 7.

1 De custodibus rerum suæ curæ relictis.

2 De concustodibus.

3 De custodibus domorum.

4 De custodibus montium & sylvarum.

5 An liceat custodibus montium, & sylvarum se occultare ad capiendos venatores, aut lignorum caesores.

6 De custodibus urbium, & oppidorum.

1 **I** NTERROGATIO. Cùm multiplex sit custodum genus, de singulis sciscitabor ex te, quid iudicas: atque in primis, Quid censes de custodibus rerum mobilium suæ custodiæ relictarum si furripiantur? *Resp.* Dico *primum*. Si gratis rogatu dominorum, res illas seruabant, neque furtum accedit ex dolo, aut lata culpa eorum, sed tantum ex leui, non tenentur ad earum restitutionem. Ideo grauiter peccaret dominus earum, si certus innocentiae, res peteret in iudicio. Certus, dixi, quia si in dubio, est, potest illas repetere, & adiudicatas in pretio retinere. Ita Roder. in *sum.* 1.p.cap.124. num.11. cum Cordaxaf.175. Syluest. *ver.cust.* Secus tamen dicendum, si furtum accidit ex dolo, vel lata culpa, vt manifestum est: nam ad illam custodiam se libera, & tacita promissione obligauerunt. Dico *secundum*. Qui salario conductus rem seruat, & ea propter leuem eius, leuissimamve culpam furripiatur, aut pereat, tenetur ad illius restitutionem. Talis est seruus relictus à domino in custodia rerum suarum. Tales itidem sunt artifices, quibus relinquimus materias ad opera fabrefacienda, & alij similes. Et certè de stabulariis id decernunt Ordinat. Lusit. lib.5. tit.94.

2 *Int.* Quid censes de concustodibus? *Resp.* Tenentur omnes, & singuli æquè rem suæ custodiæ relictam custodire, & si pereat, aut furripiatur, tenentur ad restitutionem, iuxta regulas proximè dictas. Ita Bartol. *L.Vt cerzò. §. fidem. ff.commoda.* Ratio est, quia obligatio vnius non tollit obligationem alterius, sed æquè tenentur singuli, atque omnes.

3 *Int.* Quid censes de custodibus domus, relictis ad custodiendos intus inclusos, ne exeant? *Resp.* Si malitia tantum verlatà est circa incuriam eos custodiendi, ita vt nil ampliùs intenderint negligentes custodes, quàm eos libertate detentionis donare, siue culpa incuriæ, seu consensus dimissionis

leuius

ieuis fuerit, siue grauis, non tenentur ad restitutionem dam-
norum, quæ liberi exeuntes præter dimittentium volunta-
tem fecerunt. Ita Aragon. 2.2. *quæst.* 62. *artic.* 75. contra Sot.
4. *de iust. quæst.* 7. *art.* 3. Ratio est, quia tales custodes non se
obligarunt ad custodienda bona vicinorum, sed tantum do-
mi inclusos, ne euaderent.

4 *Int.* Quid censes de custodibus montium erga venato-
res, vel cæsores lignorum, cum iustè cæsis, & venatio ibidem
sint prohibita? *Resp.* Peccant lethaliter non manifestando
huiusmodi venatores, & cæsores, quoniam ad eam detectio-
nem iuramento se adstrinxerunt. Insuper tenentur ad pœ-
nam restituendam, quæ defectu detectionis, Reipublicæ,
vel populo non fuit adiudicata. Ita Aragon proximè citatus.
Nam licet pœna à transgressore legis non debeatur in con-
scientia nisi post iudicatam: debetur tamen à custodè ante
sententiam, per quem stetit ne iudicaretur, cum ex officio, &
salario teneatur illam procurare. Tenentur insuper restituere
damnum datum in montium truncatione, culpa eorum, &
silentio non restitutum.

5 *Int.* Peccantne huiusmodi custodes se occultando in
syluis, ut fures licentiùs vagentur, venentur, & ligna cadant,
ut faciliùs capiantur? *Resp.* Si damnum permittant inferri, ut
deinceps exemplo captorum, alij caueant à damno, non pec-
cant, neque tenentur restituere damnum permissum. Ita
Nauar. *cap.* 17. *num.* 124. Rod. *in sum.* 1. p. *cap.* 124. *num.* 7. Ratio
est, quia in ea permissione bonum, vtilitatemve domini, &
Reipublicæ procurant.

6 *Int.* Quid censes de custodibus vrbium, & oppidorum?
Resp. Tenentur manifestare nocte inuentos. Ratio est, quia
ad id iuramento se se obligarunt. Ita citati Doctores.

Clericorum peccata. §. 8.

- 1 *An recitatio diuini officij distracta, & in deuota satisfaciatur
diuino officio.*
- 2 *An teneatur ad restitutionem fructus beneficiatus malè reci-
tans.*
- 3 *An satisfaciatur præcepto recitatio mentalis.*
- 4 *An liceat clericis exercere mercaturam per seipsos.*
- 5 *Quæ propriè appellatur mercatura.*
- 6 *An liceat clericis exercere mercaturam per aliquos.*
- 7 *An liceat clericis exercere aliquam artem.*

I N T E R

1. INTERROGATIO. Suppono vt certissimum, & indubitatum, quod subdiaconus, & diaconus Sacerdos teneantur recitare diuinum officium, quæro, an satisfaciant præcepto id recitando distractè, & indeuotè? *Resp.* Affirmant plurimi, *Holt. c. Dolentes, extrau. de celeb. miss. D. Ant. 3. p. tit. 13. c. 4. §. 7. Angel. verb. hora. §. 28. Syl. in aur. rosa. cas. 9. & ver. hora. q. 11. Gloss. in c. graui. de celeb. miss.* Ratio eorum est, quia licet distinctio, attentio, & deuotio sint modi concomitantes orationem, & recitationem officij, & fines intenti ab Ecclesia, vt claret ex *c. Dolentes, de celeb. miss.* modi tamen concomitantes, & fines præcepti, non cadunt sub præcepto, teste vtroque *Th. 1. 2. q. 100. art. 9. & 2. 2. q. 44. art. 4. ad 1. ac* proinde sola ipsa recitatio præcipitur. Deinde, quia deuotio, & intentio sunt actus merè interni: actus verò merè interni non cadunt sub præceptum Ecclesiæ, quia Ecclesia non iudicat de interioribus, neque actus internos præcipit, vt docet *D. Thom. 1. 2. q. 100. art. 9.* Oppositum tamen omnino dicendum cum *D. Th. 2. 2. q. 1. art. 13. Caietano ibid. Palud. in 4. d. 15. quæst. 5. Gab. in can. lect. 62. Maiore in 4. d. 12. quæst. 7. Adrian. quodl. 8. Gerson. 3. p. alphab. n. 71. lit. f. Caiet. verb. horæ. §. 3. Nauar. opus. de orat. cap. 13. num. 22. & cap. 20. n. 31. Sot. 10. Iust. quæst. 5. art. 5. concl. 6.* Et ita opinantur omnes summistæ. Colligitur ex *1. Corint. 14. Si orem lingua, mens mea sine fructu est.* Ratio germana est, quia attentio, deuotio, & distinctio, non sunt puri modi orationis, vt pro fundamento supponūt contrariæ sententiæ Auctores; sed sunt de ratione & essentia ipsius orationis: cum verò præcipitur recitatio diuini officij, præcipitur oratio, id est, eleuatio mentis ad Deum, cum certis verbis, & orationibus: eleuatio autem non fit sine intentione mentis, distinctione recitationis, & deuotione cordis. Et hinc solum manet primum alterius opinionis argumentum. Ad secundum verò dico, Ecclesiam non præcipere actus purè internos, posse tamen præcipere eos, qui ex ipsa rei natura necessarij sunt ad dignè exequentes externos, quos ipsa præcipit, qui quidem habent se inuicem sicut forma, & materia ad constituendum totum compositum naturale, in quo deficiente vna, totum dissoluitur. Non quidem illos præcipit directè, sed indirectè, quia necessario requiruntur ad actus, qui præcipiuntur directè.

2. *Int.* Recitans tam malè, vt non satisfaciat præcepto, teneturne

teneturne ad restitutionem fructuum perceptorum beneficij, ac si non recitaret? *Resp.* Tenetur. Ita Vega 2.p.caf.33. cum alijs. Ratio est, quia ita recitans sic apud Deum habetur, ac non recitans. Si verò non recitasset, non faceret fructus, tenereturque ad eorum restitutionem; ergo, &c. Nam par ratio idem ius parit, per c. *Dudum. 2. de elect. l. 1. stud. ff. ad l. Aquiliam.* Deinde, quia constitutio quæcunque pœnalis extenditur ad alium casum, qui continetur sub ratione lata saltem verborum, vt probat Anton. cap. fin. de consuetud. & Dominicus, ac Perosin. c. 1. de temp. ord. lib. 6. sed malè recitans includitur sub nomine non recitantis, saltem latè sumpto vocabulo, quia corâ Deo æstimatur, ac non recitans: ergo, &c. Denique, quia priuatio fructus imponitur beneficiario non recitanti ratione culpæ: sed malè recitans eandem culpam committit, & peiorem, nam ad culpam transgressionis præcepti recitandi addit mille irreuerentias, factas Deo, quo cum loquitur irreuerenter, & scandalum præsentibus, si fortè adsint: ergo cum culpa malè recitantis grauior sit culpa non recitantis, magis priuabitur fructibus, & tenebitur ad eos perceptos restituendos, quàm non recitans, vt apparet manifestum in conscientia, & coram Deo: nam fructus dantur ob laborem & seruitium.

3 *Int.* Peccantne mente tantum, & non voce recitando horas canonicas? *Resp.* Peccant, & non satisfaciunt præcepto: quia horæ canonicæ voce sunt proferendæ. Ita D. Thom. 2. 2. quæst. 83. art. 13. Alens. 4. 2. quæst. 9. art. 1. num. 2. Adrian. quodlib. 8. Sot. 10. Iust. quæst. 5. art. 4. Beia 1. p. caf. 55. Gloss. communiter recepta Clem. 1. de relig. habetur c. presbyt. de celeb. miss. tenet Innoc. c. Dolent. eod. tit. Nau. c. 10. de orat. n. 47. Proferri verò debet cum recitantur in choro ea voce, vt audiantur à populo: at verò extra chorum, vt verba distinctè proferantur. Quidquid dicat Medina tract. de orat. q. 1.

4 *Int.* Licetne clericis exercere mercaturam per se ipsos? *Resp.* Minimè. Ita illis prohibetur cap. Consequens. 88. dist. 6. c. Fornicari. eadem d. 6. c. Quoniam cleric. & cap. Negotiatorem. 14. quæst. 4. & c. Prædicat. 16. quæst. 1. Imò clericis negotiatoribus apponuntur graues pœnæ. Nam tit. Ne clerici, vel monachi. cap. Secundum instituta. decernitur, vt excommunicentur. cap. Sed nec. eodem tit. præcipitur, vt suspendantur ab officio Ecclesiastico. Idem statuitur cap. Consequens est. dist. 88.

At verò *cap. Clericus. dist. 94.* imponitur eis depositionis pœna. Denique *c. Canonum. 14. q. 4.* iubetur vt explodantur à clericali consortio. Ideo peccant mortaliter mercaturā exercendo. Quod intelligo per se ipsos, ratione lucri, vt alij mercatores exercent. Ita D. Tho. 2. 2. *quæst. 77. art. 4.* Sot. 6. *iust. q. 2. art. 2. conclus. 5.* Sylu. *cleric. 3. q. 3.* Armil. *emptio. num. 27.* Nauar. *cap. 25. num. 119. & 111.* Rod. in *sum. 2. p. cap. 1.* cum Rebuffo de *mercat. minut. art. 1.* Salced. in *pract. crim. c. 55.* Aragon. 2. 2. *qu. 67. art. 4. fol. 644.* Comitulus *lib. 1. quæst. 54.* apertè traditur à D. Chrysof. *hom. 38. oper. imperf. text. express. in Clem. 1. de vita, & honest. cler.*

5 Int. Quæ propriè appellatur mercatura, in qua exercenda peccat grauitè clericus? *Resp.* Omnis ea & sola, in qua res emitur, vt eadem absque alio artificio adhibito vendatur cum lucro. Ita Comitulus *lib. 1. quæst. 54.* cum D. Chrysof. cit. proximè. Ideo non est mercatura emere animalia macra, vt pingua facta vendantur, & alia similia, in quibus adhibetur industria, labor, & artificium ementis, ad venditionem cum lucro.

6 Int. Licetne clericis exercere mercaturam per alios? *Resp.* Licet. Probatur ex *Clem. 1. de vita, & honest. cler.* vbi inhi-betur clericis exercere officium tabernarij, macellarij, & simi-lium personaliter. Si igitur clericus Deo vacet, & preci-bus, solùmque alicui tribuat pecunias, vt mercaturam exer-ceat, amoto scandalo, potest lucrum reportare. Ratio est, quia lucrum non est prohibitum clericis, si ad bonos, & honestos vsus acquiratur. *cap. Cler. dist. 91.* Concediturque illis tale ho-nestum lucrum apertissimis verbis in Concil. Agathensi re-lato *cap. 1. de cel. miss.* Probat Gloss. *cap. Peruenit. dist. 86. §. auar-ritie causa. c. Negotiatorem, 88. dist. Panorm. c. 1. Ne clerici, vel monachi. D. Anton. 5. p. tit. 1. c. 2. §. 2.*

7 Int. Licetne clericis aliquam artem exercere? *Resp.* Lici-tum est clericis honestas, & decentes artes per seipsos exer-cere. Ita definitur in Conc. Carthag. & habetur *c. Clerici. de vit. & honest. cleric. & cap. Cleric. dist. 91. & cap. Nunquam. de con-secrat. dist. 5.* Nam Paulus cum Aquila, & Priscilla scenofacto-riam artem exercuit. *Act. 18.* Neque Petrus, aut alij Apostoli, piscatoriam artem deseruit. Ideo possunt clerici emere, vel conducere agros ad eos in sui suorumque sustentationem excolendos. Ita Gloss. *cap. Peruenit. verb. auaritia. dist. 88.* Pos-sunt

sunt item emere res, quas sua arte, & industria meliores reddant, & meliores vendant cum lucro. Et ideo non erit illicitum emere vinum nouum, quod ex industria seruetur optimum per annos, ut cum lucro vendatur. Ita asserunt Med. Cod. de reb. rest. q. 30. Syl. clericus. 3. qu. 1. & 2. cum pluribus, quos citat Host. & Panorm. c. secundum. Ne cler. vel monach. Salo. 2. 2. q. 77. art. 4. controu. 4. Ratio est, quia negotiatio honesta ex se licita est, imò utilis, & necessaria Reipublicæ, teste Philosopho 1. Polit. & Tullio 1. Offic.

Columbas nutrientium peccata. §. 9.

1 *An liceat alicui uti remediis ad alliciendas alienas columbas in suum columbarium.*

2 *An liceat alienas columbas occidere ad euitandum damnum propinquarum segetum.*

1 **I** N T E R R O G A T I O. Solent nutritores columbarum apponere in columbariis odores optimos, & aspergere certa semina, & grana, non ut suas recreent, & nutrant, sed ut alienas rapiant potius, quam alliciant ad sua columbaria. Quid iudicas? *Resp.* Peccare mortaliter. Ita Nau. c. 17. nu. 27. tenerique ad restitutionem columbarum, & filiorum relictorum. Notat Roderic. p. 2. sum. cap. 19. nu. 2.

2 *Int.* Definit lex certos terminos intra quos propter vicinitatem columbarij prohibet columbas occidi: Socrates inter eosdem terminos segetem habet, sæpissime in ea columbas inuenit, poteritne tuta conscientia illas occidere? *Resp.* Poterit, si aliter damnum impediri, vel refarciri non potest. Nam ius ipsum naturale præcipit, damnificatum modo ipso, quo potest, impedire damnum proprium.

Concubinarij peccata. §. 10.

1 *De concubinario occasionem proximam non tollente.*

1 **I** N T E R R O G A T I O. Estne in statu damnationis æternæ, & peccato habituali concubinarius, qui quantumcunque dolere sibi videatur de præterito, & proponere de futuro, tamen occasionem præscindere non vult? *Resp.* Maximè. Estque status perpetuis lacrymis deplorandus: tenemur enim sub mortali occasiones proximas peccatorum remouere. Talis verò est cohabitatio aut conuersatio concubinarij cum concubina, præsertim si adhuc valens est, & succi plena, uti ait Comicus apud Terentium.

Confessoris peccata. §. 11.

- 1 De absolvente eos, qui manent in occasione proxima peccandi.
- 2 An peccet confessorius absoluendo pœnitentem, quem certò scit sibi mentiri.
- 3 An teneatur confessor, qui absoluit impœnitentem, illum monere, ut verè confiteatur, quia præterita confessio fuit nulla.
- 4 An teneatur confessorius imponere pœnitentiam iuxta gravitatem peccatorum.

5 Quæ pœnitentia imponenda est à confessario pro peccato dubio.

I N T E R R O G A T I O. Peccatne lethalter confessarius absoluendo concubinos publicos, aut secretos, quantumcunque de præterito dolere affirmant, & de futuro proponere: antequam promittant se inuicem separandos, aut separatos esse dicant? *Resp.* Peccat. Sunt enim tales concubinarii in statu habitualis peccati: debetque confessor sibi persuadere eos, aut rarò, aut nunquam ita cohabitando peccatū relicturos. Ita Nau. c. 16. n. 343. & in Add. ad c. 3. D. Ant. 3. p. tit. 17. c. 20. Sot. in 4. d. 18. q. 3. art. 3. Ang. conf. 6. §. 2. & concubinatus, Syll. confessor. q. 8. & conf. sunt enim huiusmodi peccatores in occasione proxima peccandi, quam tollere obligantur, tum ratione scandalizandi, tum ratione reincidendi in similia peccata, de quibus sunt moraliter certi.

2 *Int.* Peccatne mortaliter confessor, qui clarè cognoscit, aut verisimiliter credit pœnitentem mentiri in confessione, vellèque ipsum fallere, & tamen talem impœnitentem absoluit? *Resp.* Peccat. Latè probat hanc conclusionem Cord. q. 4. cum plurimis quos citat & refert.

3 *Int.* Ob incuriam & negligentiam omisit confessor certam rogationem de circumstantia necessaria ad confessionis integritatem, rogo, an teneatur pœnitentem monere de defectu commissio? *Resp.* Iam respōdi tertia parte huius examinis, cum me de Sacramento pœnitentiæ interrogasti, non licere confessario extra confessionem loqui cum eodem cōfite, absque illius licentia de peccatis auditis in confessione. Nunc tamen dico hunc defectum esse vrgentem causam, obligantem confessarium ad petendam à confite facultatem, ut illum moneat de re necessaria circa factā confessionem. Ac proinde si monitio absque scādalo fieri potest, tenetur

tenetur talis confessorius pœnitentem monere, dummodò illi non obueniat graue detrimentum. Ita Sylu. *conf.* 3. q. 14. Medin. *de confess.* q. 26. & 27. Sot. *in* 4. d. 18. q. 2. a. 4. & 5. Nauar. *c.* 17. n. 22. & 23. & c. 26. n. 1. & 14. Cordub. q. 7. Fiet autem absque scandalo, si confessor culpam in se ipsum reiiciat.

4 *Int.* Teneturne confessor imponere pœnitentiam iuxta grauitatem peccatorum maiorem, vel minorem? *Resp.* Tenetur, & aliter faciendo absque rationabili causa peccat lethali-ter contra præceptum Ecclesiæ, & officij sui obligationem. Ita præcipitur in Conc. Trid. *sess.* 14. *cap.* 8. vbi ait. Debent sacerdotes, quantum spiritus, & prudentia subiecerint pro qualitate criminum satisfactiones imponere. Præcipitur in Conc. Mogunt. 2. c. 3. & Nyss. *c.* 12. *c.* Deus. *de pœn.* & *remiss.* c. *Ex multis.* *de pœn.* d. 1. tradit Aug. *in* Enchirid. c. 65. Probat Suar. *disp.* *de satisf.* *sect.* 2.

5 *Int.* Peccatne confessor imponendo pœnitentiam arbitrariam pro peccato, quod neque ipse, neque pœnitens cognoscit esse mortale, vel veniale; sed tantum esse culpâ? *Resp.* Minimè quidem, nisi aliunde augeretur culpa. Ita Adrian. *in* 4. *de confess.* *quæst.* 4. *dub.* 7. *quodl.* 5. *ar.* 2. Medin. *de confess.* q. 26. & 27. Gabr. *in* 4. d. 17. q. 1. *dub.* 2. Sylu. *confess.* 3. *quæst.* 6. 7. 10. 11. 14. Sot. *in* 4. d. 18. q. 2. *art.* 4. & 5. Nauar. *c.* 13. *nu.* 22. & 23. Cord. *quæst.* 9.

Canonicorum peccata. §. 12.

1 *An teneatur canonicus canere in choro ad lucrandas distributiones.*

2 *An teneatur canonicus ad restituendas distributiones, quas percipit si non cecinit.*

1 **I** N T E R R O G A T I O. Teneturne canonicus ad lucrandas distributiones quotidianas canere officium diuinum in choro cum aliis, an sufficit recitare intra se solum? imò satisne est solum assistere? *Resp.* Tenetur in choro canere cum aliis. Ita illis præcipitur à Concil. Trid. hisce verbis. *sess.* 24. *de reform.* *cap.* 12. Omnes per se, & non per substitutos compellantur obire diuina officia, atque in choro ad psallendum hymnis, & canticis Dei nomen reuerenter, distinctè, deuotèque laudare. Caietan. verò *lib.* 17. *respons.* *resp.* 8. eos obligat sub lethali ad totam suam dimidiam partem canere cum suis.

2 *Int.* Tenentur ad restitutionem distributionum, quas acceperunt pro sola assistentia chori non psallendo? *Resp.* Tenentur. Ita Alenf. 4. p. quæst. 9. art. 1. num. 2. Habetur c. Presbyter. de celeb. Miss. docet Innocent. c. Dolentes. eodem tit. Nauar. c. 10. de orat. n. 47. Sot. 10. Iust. q. 5. art. 4. Beia 1. p. c. 55. Ratio est, quia fructus beneficij dantur propter officium: cum igitur officium canonici sit recitare officium diuinum in choro, expresse decreuit Concil. Trid. citat. non obeundo officium, nequit in conscientia percipere fructus beneficij, sicut curati non recitantes extra chorum.

Compensantium peccata. §. 13.

- 1 *An liceat facere secretam compensationem.*
- 2 *De quibus rebus liceat facere compensationem.*
- 3 *An liceat facere compensationem ex deposito.*
- 4 *An liceat facere compensationem ex rebus apud me relictis de mortui debitoris.*

1 **I**NTERROGATIO. Licetne secreta compensatio, interueniente causa iusta? *Resp.* Maximè. Ita Medin. de restit. q. 3. art. 12. & q. 1. Sot. 5. Iust. q. 3. art. 3. ad 1. Nau. c. 17. num. 107. Causa verò iusta secundum eisdem auctores, est probabile periculum amittendæ amicitia, si publicè, vel in iudicio res debita petatur, periculum rixæ, vel contumeliarum, & similia. Non peccat igitur, qui certus sui debiti, quod aliter extorquere nequit sine periculo grauis incommodi, clam se compensat ex rebus debitoris. Certus, dixi, quia si incertus est, & dubius, debeaturne illi res, an non; peccat se compensando, grauiter, aut leuiter, iuxta grauitatem, aut leuitatem rei ablata titulo compensationis: quoniam in dubio melior est conditio possidentis, vt alibi jam respondi.

2 *Int.* De quibus rebus fieri potest compensatio? *Resp.* Iuxta Panorm. c. Bona fides. de deposito. ex solis rebus similibus omnino: & hæ solæ sunt, quæ constant numero, vel pondere, vel mensura: & aliter minimè, v. g. debes mihi equum, non possum facere compensationem in pecunia, vel tritico, &c. Dico tamen. Opinio Panorm. admittitur in foro fori, non tamen coram Deo in foro poli. Ita Ioan. Med. Cod. de reb. rest. qu. 3. causa 12. Comit. lib. 3. resp. q. 39. Et ideo si compensatio fit in re dissimili, tenetur compensator reddere debitori excessum valoris supra debitum.

3 *Int.*

3 *Int.* Possumne facere compensationem ex deposito? *Resp.* Minimè. Ita cauetur *Decret. Bona fides. de deposito, &c. & L. postrema. Cod. de compensat.*

4 *Int.* Habeo apud me res Petri vita functi, mihi debentis centum aureos, scio illum è vita migrasse cum aliis debitis antiquioribus, rogo, an possim retinere res, quas habeo in compensationem mei debiti? *Resp.* Scio responsionem posse retardari ex eo, quod Petrus viuus teneretur prius priora debita persolvere, si non esset omnibus simul soluendo. Dico tamen, potes eam facere compensationem. Ita Comit. *lib. 3. respons. quæst. 39.* Ratio est, quia non teneris ita rebus alienis providere, vt tuarum facias iacturam, & è manibus finas labi, quod præ illis habes, neque est lex quæ illum ordinem in compensatione præcipiat, vt ostendit Comit. cit.

A D L I T. D.

C A P V T VI.

Delatoris peccata. §. I.

- 1 *Ad quid tenetur delator falsi criminis.*
- 2 *An teneamur deferre illum, cui non profuit fraterna correctio.*
- 3 *An teneamur deferre cum propria infamia reum læsæ maiestatis.*
- 4 *An cum periculo propriæ vitæ teneamur denunciare de crimine particulari.*
- 5 *An hæreticus occultus teneatur se ipsum deferre.*
- 6 *Quid intendere tenetur delator in denunciatione.*

1 **I N T E R R O G A T I O.** Ad quid tenetur delator falsi criminis? *Resp.* Delator, seu denunciator falsi criminis, tenetur ad damnum parti subortum ex falsa criminatione: duplex enim in falsa denunciatione commisit peccatum: vnum sacrilegij falsi testimonij iurati: alterum infamiae rei, & causæ damni illati. Hoc igitur, & infamiam tenetur restituere, vt est manifestum ex terminis. Ita D. Thom. 2. 2. *quæst. 71. art. 3. ad 3.*

2 *Int.* Si præmissa correctione fraterna, quæ non profuit, adhuc reus criminis perseverat in scelere, tenemur ne sub

mortali, illum deferre? *Resp.* Teuemur. Ita nobis præcipit Christus Dominus: *Si peccauerit in te frater tuus, corripe eum inter te, & ipsum solum: si te non audierit, dic Ecclesie.*

3 *Int.* Quando crimen vergit in damnum commune Reipublicæ, vel regię personæ, tenemur deferre cum propria infamia, si non aliunde speretur emenda? *Resp.* Tenemur, quia iure naturali obligamur bonum commune anteferre particulari. Et ideo tenetur filius sub mortali deferre patrem proprium de crimine hæresis, vel læsæ maiestatis, aut alterius in commune tendentis periculum, cum aliter ei subueniri non potest. Ita Syluest. *filius*. §. 2. Alenf. 3. p. q. 33. Tolet. *li. 5. c. 57.* Et ideo benignè interpretandus Roder. à Cunha q. 19. cum oppositum videatur sentire, loquens in specie de muliere sollicitata in confessione.

4 *Int.* Teneaturne quis denunciare (non interueniente bono communi) cum periculo amittendæ vitæ propriæ? *Resp.* Minimè. Ita Sot. 5. *Iust. quæst. 6. art. 4. Sylu. metus. q. 7.* Comitol. *lib. 5. resp. qu. 7. n. 8.* Gabr. in 4. *dist. 18. q. 3. art. 3.* Rosel. *excomm. 6.* Sylu. *excomm. 5. quæst. 14.* Armil. *ib. nu. 59.* D. Thom. 2. 2. *qu. 147. art. 3. ad 2. & in 4. d. 15. q. 3. art. 2. q. 4.* Almai. *tract. 1. moral. cap. 3. prop. 4.* Azor *tom. 1. lib. 1. c. 11. cum Nau. & Alenf. quos citat.* Ledesm. 2. 4. *q. 25. art. 3. dub. 2.* Suar. *de cens. disput. 14. sect. 3. num. 13. & disp. 20. sect. 3. num. 9. & tom. 2. Relig. lib. 4. de hor. can. cap. 27. in 30. & hæc est omnium concors opinio Doctorum.* Imò neque cum periculo vitæ filiorum. text. express. *L. Isti quidem. ff. de eo quod metus causa.* Tradit Sanch. *lib. 4. disp. 4. n. 5.* Comit. *lib. 3. q. 2.* Tiraq. in præf. *L. Si unquam. num. 7. Cod. de reuoc. don.* Alciat. *de præsumpt. reg. 1. præsump. 1.* Roland. *conf. 2. num. 61. vol. 1.* Imò neque cum periculo vitæ aliorum ascendentium, & descendantium. Ita Sanch. cum aliis *disp. 4. n. 4. & 6. præpos. c. Cum locum. n. 10. de sponsal.* Imò neque cum periculo vitæ viri, aut vxoris. Ita Sanch. *cit. loc. n. 3.* Henriq. *lib. 11. de matr. c. 9. n. 5.* Sot. in 4. *d. 29. q. 1. art. 2. ib.* D. Thom. Boic. *c. Cum locum. n. 5. de spon.* Turrecr. in *sum. 31. q. 2. n. 7.* Sylu. *metus. q. 1. ib.* Angel. Ratio est, quia vir, & vxor sunt duo in carne vna. Imò neque cum periculo vitæ fratrum. Ita Sanch. *disput. 4. num. 7.* Ratio est, quia natura artiffimo iunxit amore fratres. Imò neque cum periculo amittendi honoris. Ita Barbatius *conf. 6. numer. 3. vol. 1.* Gabr. *tom. 2. communium. lib. 11. verb. met. col. 2.* Padilha *L. Interpositas. numer. 14. Cod. de transact. & alij,*
quos

quos refert, & sequitur Sanch. lib. 4. disput. 5. num. 11. & probat Cunha quæst. 19.

5 Int. Teneturne hæreticus occultus seipsum Inquisitoribus deferre? *Resp.* Minimè. Ita Roias sin. 3. num. 35. Simanc. de inst. Cath. cap. 42. num. 13.

6 Int. Quid intendere tenetur delator in denunciatione? *Resp.* Bonum commune, scilicet emendam aliorum in posterum, nam si denunciat, ut alteri noceat, peccat grauiter, aut leuiter, iuxta damni inferendi intentionem. Ita Card. Tolet. lib. 5. cap. 57.

Depositarij peccata. §. 2.

1 An fieri possit compensatio ex pecunia in deposita habita.

2 An uti possim rebus in deposito habitis.

1 INTERROGATIO. Qui in deposito habet pecunias, poteritne illis negotiari, & lucrum sibi reseruare, *Resp.* Potest, dummodò non sit in mora reddendi, cum ab eo petuntur. Ita Card. Toletus lib. 5. cap. 22. num. 6. Ratio est, quia illud lucrum est suæ industriæ.

2 Int. Habeo in deposito vas aureum, vel argenteum, vel vestes sericas, & similia, possumne eis uti? *Resp.* Si ex usu talis rei in deposito habitæ nullum, aut leuissimum patiatur detrimentum, potes. Ita Card. Tolet. lib. 5. c. 2. n. 6. Nemini enim facis iniuriam. Aduertèrim tamen circa eos, qui sub pignore occulto dant mutuas pecunias honestis personis, quæ cum rubore apud eos suam indigentiam declararunt: eos quidem grauiter peccare, cum pignora nota ostendunt, eis apud hospites utendo, veluti pateris, poculis, annulis, catenis, & similibus, manifestè ostendendo res illas apud se esse pignori datas: eunt enim contra fraternam charitatem, quæ præcipit, quod tibi non vis fieri, alteri ne facias. Læditur etiam graniter amicitia humana: oriuntur enim inde aliquando graues inimicitia, ut ego ipse experimento vidi.

Diuinorum seu augurum peccata. §. 3.

1 An liceat augarari futura ex auium cantu, & volatu, aut ex animalium mugitu.

2 An ex causis naturalibus liceat conicere euentus naturales.

3 An liceat uti chiromantia.

4. An diuinus teneatur restituere pretiū acceptum pro augurando.

5 *An vti liceat maleficio ad tollendum aliud maleficiū.*

1 **I** N T E R R O G A T I O. Licetne ex cantu, aut volatu
 auium, animalium vagitibus, & similibus rebus natura-
 libus, ex somniis, ex sortibus, aut aliis naturalibus euentis
 certò coniiicere euenta supernaturalia, & ea, quæ pendent ex
 libero hominis arbitrio? *Resp.* Minimè. Sed peccat lethaliter,
 qui talia diuinat certò. Ita D. Thom. 2. 2. q. 65. art. 7. & seq. &
 ibid. Caiet. Sot. 8. *Iust. quæst.* 3. art. 1.

2 *Int.* Licetne ex illis euentis naturalibus multa coniiice-
 re naturalia? *Resp.* Licet. Ita D. Thom. & alij citati Doctores, &
 idem D. Thom. 3. *contra gent. cap.* 93. Abb. in *opuscul. astron.*
cap. 31. Medin. *de rect. in Deum fid. lib.* 2. *cap.* 1. Dedit enim au-
 ctor Naturæ cognitionem quandam præuiam animantibus
 ratione carentibus, vt se muniant contra pluuiam, tonitrua,
 fulgura, tempestates, insuper, vt exeant tutæ ad pastum. Si-
 militer ex complexione naturali, naturaliter sequi debent
 tales effectus, nisi à diuina gratia, & hominis libera voli-
 tione impediuntur: scilicet ex abundantia coleræ, sanguinis,
 & alterius humoris, ex qua abundantia naturaliter sequitur
 propensio ad rixam, ad luxuriam, & similia. Certò tamen
 affirmare hunc hominem futurum vitiosum, vel virtuosum,
 est vanum, & superstitiosum, contra scripturam asserentem
 Deum solum scrutatorem esse cordis.

3 *Int.* Licetne vti chiromantia? *Resp.* Minimè. Ita prohi-
 betur in iure. Loca afferunt Castr. *lib.* 1. *de heret. pun. cap.* 13.
 Simanc. *de inst. Cath. cap.* 21. *num.* 180. Nauarr. *lib.* 2. *de restit.*
cap. 2. *num.* 109. Ideo peccat iuxta hos Auctores mortaliter
 qui chiromantia vtitur.

4 *Int.* Teneturne diuinus restituere pecunias, quas acce-
 pit à consulentibus pro responsis petitis, & acceptis à dæ-
 mone? *Resp.* Minimè. Ita Roder. *verb. diuinare cap.* 8. *num.* 4.
 Nauarr. *lib.* 1. *de restit.* Ratio sumitur à communi restitutio-
 nis regula, iuxta quam non tenetur quis restituere pretium,
 quod accepit ob rem turpem faciendam, vt iam respondi
 in propria materia: diuinus verò operam suam turpem ad-
 hibuit, & ideo pretium non tenetur reddere.

5 *Int.* Adest iustissima causa quærendi remedium ad tol-
 lendum maleficiū, nulla subest, nisi per aliud maleficiū,
 licebitne vno maleficio tollere aliud, hoc est, consulere di-
 uinum, seu dæmonem per diuinum de remedio adhibendo
 ad

ad tollendum maleficiū? *Resp.* Nequaquam : quia illa consultatio est intrinsecè mala , & ideo ex nullo bono fine honestari potest : non enim sunt facienda mala , vt eueniant bona. Ita Couar. C. *Quamuis pactum.* 1.p. §.1. n.9.

A D L I T. E.

C A P V T VII.

Episcoporum peccata. §. I.

- 1 De episcopatus desiderio.
- 2 An liceat Episcopo renunciare episcopatui cum detrimento boni communis.
- 3 Ad quid tenetur religiosus factus Episcopus circa religionis obseruantiam.
- 4 De bonis religiosi facti Episcopi.
- 5 An Episcopi consecrati fruuntur beneficiis.
- 6 Quid potest Episcopus circa peccata reseruata Papæ.
- 7 Quando peccant Episcopi in conferendis beneficiis.
- 8 Ad quid tenetur Episcopus ratione officij pastoralis.
- 9 Quid est dicendum de residentia Episcoporum.
- 10 An Episcopus , qui vouit post episcopatum religionem, teneatur ingredi religionem, relicto episcopatu.
- 11 An qui habet votum religionis , possit acceptare episcopatum non ingrediendo religionem.
- 12 An teneatur Episcopus infamiam sibi impositam , ostendere esse falsam.
- 13 An possit Episcopus prohibere , ne prædicetur in parochiis suæ urbis, cum prædicatur in cathedrali.

I INTERROGATIO. De episcopatus desiderio quid censes, vitio, an virtuti tribuendum? *Resp.* Dico primum. Qui episcopatum desiderat ob solos redditus ecclesiasticos, tanquam ob finem principalem, peccat mortaliter. Ita Sylu. *Episcop.* §.4. Ratio est, quia huiusmodi deprauata diuitiarum cupiditas grauiter repugnat bono communi, vt notat Tolet. *lib.5. c.3.* Idemque dicendum est de desiderio Episcopi circa pinguiorem episcopatum, vt docet Nau. *in apolog. de redd. ecclesiast. quæst.1. monit. 25. num.2.* si talis sit transitus propter

propter solos pinguiore redditus : quia est inordinata notabiliter avaritia. Dico *secundum*. Qui episcopatum desiderat ob solam propriam excellentiam, & honorem, tanquam propter finem principalem, peccat mortaliter, quia est inordinata notabiliter ambitio. Ita Med. lib. 1. sum. c. 16. §. 1. & Nauar. cit. Dico *tertiū*. Qui Episcopatum desiderat ob solam consanguineorum vtilitatem, tanquam ob finem principalem, peccat mortaliter, quia est quædam notabilis amoris proprii affectio. Ita Medina citatus. Dico *quartū*. Desiderare Episcopatum, quia altior est perfectionis status; peccatum est mortale, iuxta D. Th. 2. 2. q. 185. a. 1. quia, inquit, præsumptio grauis circa altitudinem status periculosa. Veniale verò tantum iuxta Tolet. loc. cit. Desiderare igitur Episcopatum propter bonum finem, id est, propter bonum commune Ecclesiæ, ut scilicet ab idoneo pastore gubernetur, bonum est opus iuxta D. Paulum 1. ad Timoth. 3. qui Episcopatum desiderat, bonum opus desiderat. Ita D. Thom. 2. 2. quæst. 185. art. 3. & ibi Caiet.

2. *Int.* Gubernat optimis moribus Alexius suas oves, inuadit animum accensa cupiditas propriæ quietis, & consolationis : sed occurrit menti spirituale detrimentum euenturum ouibus, peccatne mortaliter in secessu ? *Resp.* Peccat. Ita apertè colligitur ex c. 1. & c. Nisi. de renun. Ratio est, quia naturali iure tenemur anteferre bonum commune particulari. c. Si indulgentiam, de foro comp. probatque Nauarr. tom. 1. conf. tit. de renun. conf. 4. ostenditque ipsum naturæ lumen.

3. *Int.* Religiosus factus Episcopus ad quid tenetur circa religionis obseruantiam ? *Resp.* Ad tria vota essentialia, nimirum ad obedientiam peculiarem Papæ (translata enim est à superioribus religionis ad Papam.) Ad castitatem (non tamen maiori vinculo voti, ut placuit Tolet. lib. 5. c. 4. quanquam ratione scandali grauius peccaret, quàm monachus.) Ad paupertatem, quoad dominium rerum, quo verò ad vsus, seruanda est consuetudo tolerata reliquorum Episcoporum. Ita communiter Doctores cum D. Thom. 2. 2. q. 185. art. 8. Dico *secundum*. Tenetur gestare habitum religionis suæ. Ita communis Schola. docet Tol. lib. 5. c. 4. Saa verb. Episc. n. 11. Circa hoc nunc seruandus est vestium vsus, iuxta nouum rituale Episcopis iussum. Dico *tertiū*. Tenetur insuper seruare religionis suæ statuta, & obseruantias, quæ statui episcopali non repugnant. Oppositum docuit Saa verb. Episc. n. 11. Caiet. opusc. 27.

cap. 22. Sot. 10. iust. q. 5. ar. 7. Couar. c. 1. de test. n. 18. Sed conclusio est D. Thom. 2. 2. quæst. 185. art. 8. & ratio sancti Doctoris est efficax, quoniam transitus monachi ad Episcopatum, est transitus perfecti ad perfectius; ergo secum ducit, quæ perfectionem maiorem iuuare possunt. Illas igitur obseruantias religionis, quæ ipsum Episcopum iuuant in maiori perfectione, tenetur Episcopus non deserere. Quæ verò religionis obseruantia ipsum non iuuant, declarat D. Thom. esse solitudinem, silentium, vigiliis immodicas, abstinentias graues, & similes, quæ sanè impediunt diligentem curam pastorem. Vnde nequaquam audiendus Cardin. Tolet. lib. 5. cap. 4. cum obligat monachum Carthusianum factum Episcopum tota vita vesci piscibus, nisi cum eo dispensetur. Si tamen monachus erat D. Francisci, non videtur excusandus abstinere carnibus die Natalis Domini, cum accedit feria sexta, quia ad id obligat illius religionis regula, vt volunt Caiet. Sot. Couar. citat. neque talis abstinentia impedit officium pastorale. Et iuxta hanc expositionem intelligenda sunt, quæ dixi 1. p. cap. 6. §. 2. n. 8.

4 Int. Cuius sunt bona Episcopi antea monachi, quæ acquisiuit post episcopatum susceptum? Resp. Ecclesiæ episcopatus. Ita c. Stat. 11. quæst. 1. & ita Doctores c. Testamenti. cum Couar. num. 19.

5 Int. Fruuntur Episcopi iam consecrati beneficiis simplicibus quæ ante consecrationem habebant, vel possunt alia noua possidere absque dispensatione? Resp. Minimè. Ita Pannorm. in c. Ecclesia vestra. num. 2. de elect. Nauar. in add. ad lib. 3. cons. de concess. præb. cons. 3.

6 Int. Quid potest Episcopus circa peccata occulta reseruata Papæ? Resp. Potest illa absolvere per se, vel per suos vicarios, præterquam ab hæresi, quia de hæresi soli ipsi possunt absolvere, quoad forum conscientia. Ita dècernitur in Trid. sess. 24. cap. 6. Quæ potestas non est ordinaria, vt voluit Sacerdos. ver. episcop. num. 37. citans pro se Cordubam, Bannes, & Viualdum; sed delegata: potestas verò delegata non potest subdelegari.

7 Int. Quando peccant mortaliter in conferendis beneficiis? Resp. Cum in primis ea conferunt indigno: atque tenentur ad restitutionem secundum omnes; facienda autem est restitutio Ecclesiæ, cuius est beneficium. Ita Sylu. rest. 3. §. 5.

Sot.

Sot. 4. *Inft. quæft. 6. a. 1. 3.* Tolet. *lib. 5. cap. 4.* Valent. *tom. 3. diff. 5. quæft. 7. art. 2.* Angel. *reft. 2. §. 1.* Pedraza *præcept. 7. d. 36.* Mercat. *L. 6. cap. 17.* quos citat, & fequitur Saa *ver. elect. num. 7.* fed hac de re iam respondi tit. de beneficiario.

8 *Int.* Ad quid tenetur Epifcopus ratione officij pastoralis? *Refp.* Ad concionandum per fe, vel per alios viros doctos, & pios. Ita Trid. *feff. 6. c. 1.* Deinde tenetur fingulis annis Synodum cogere diocefanam de providendo Ecclefiæ ftatu. Ita Trid. *feff. 24. c. 2.* Tenetur præterea fingulis annis per fe, vel per alios vifitare Epifcopatus parœcias. Ita Conc. Trid. *feff. 24. c. 3.* Sed hac de re ftandum eft confuetudini locorum, per contrarios actus abrogatæ, aut faltem toleratæ. Tenetur denique conferre Sacramentum Confirmationis. Qua in re dolenda vehementer Prælatorum incuria, propter quam gratia fortitudinis erga perfidiæ phalanges priuantur Chrifti milites, cum non leui detrimento animorum, neque à lethali culpa parum folliciti pastores excufari poffunt. Ita Viuald. *de confirm. tit. de miniftro. num. 7.* Peccat etiam mortaliter confirmando non fubditos. Ita Viuald. proximè citato loco, cum Sylu. & Armil. quos refert.

9 *Int.* Quid dicendum habes de eorum refidentia? *Refp.* Obnoxie rogo, vt hanc rogationem ferues ad quæftiones de parochio, ne iterum cogar de eadem re refpondere.

10 *Int.* Vouit Epifcopus religionem, teneturne religionem intrare, relicto epifcopatu? *Refp.* Affirmat Tolet. *lib. 5. cap. 6.* habita prius à Papa licentia: eam verò petere tenetur iuxta Sylu. *votum. 2. §. 1.* & Palud. quem citat. Oppofitum tamen dicendum arbitror, iuxta D. Thom. 2. 2. *q. 185. art. 3.* & veram rationem. Nam non datur obligatio tranfitus à perfectiori ad imperfectiorem ftatum, veluti à virginitate ad nuptias, ac proinde licet quis vouiffet nuptias indeterminatè cum paupere virgine ad feruandam illius caftitatem, aut cum prostituta meretrice ad illam à turpitudine liberandam, indeterminatè, inquam, hoc eft, non iurando alicui certæ virgini pauperi, aut meretrici, adhuc poffet permanere in cœlibatu: fed Epifcopatus eft perfectior ftatus, quàm religio, iuxta D. Thom. 2. 2. *quæft. 184.* & Sylu. *Epifcopus. q. 2.* Ergo, &c.

11 *Int.* Qui vouit religionem, & fit Epifcopus, teneturne priùs ingredi religionem, quàm acceptet Epifcopatum? *Refp.* Teneri videtur innuì *c. 10. de voto.* Cafus tamen illius capitis fuit

fuit particularis, & ideo non extendendus ad omnes, ac proinde non tenetur. Ita Saa *ver. Episcop. num. 2.*

12 *Int.* Fuit Episcopo irrogata grauis infamia, peccatne mortaliter, si non studeat eam à se repellere? *Resp.* Peccat. Ita Saa *ver. Episcop. num. 13.* nec adducit rationem. Eruitur apertè ex scandalo, quod inde oues accipiunt, nisi se ostendant innocentem.

13 *Int.* Licetne Episcopo prohibere, ne prædicetur in parochia, dum prædicatur in cathedrali vrbis, aut oppidi, vbi commoratur? *Resp.* Minimè. Ita declarauit Cong. Card. teste Saa *verb. Episcopus. num. 45.*

Electorum, seu suffragatorum peccata. §. 2.

1 *Quæ est valida electio,*

2 *Quæ electio dicitur minus libera.*

3 *De electione coarctata.*

4 *An in aliquo euentu possit eligi indignus.*

5 *An præses teneatur acceptare iustam electionem.*

6 *An præses possit non acceptare electionem indigni sibi noti.*

7 *Qui sunt incapaces ad eligendum.*

8 *Qui non possunt eligi.*

9 *Quis infamis non potest eligi,*

10 *An Rex teneatur eligere aptiores magistratus.*

11 *De electoribus minus dignis in oppositione beneficij.*

I N T E R R O G A T I O. Sciscitor prius ad fundamentum aliarum rogationum, quæ electio est inualida? *Resp.* Quæ minùs liberè fuit facta, ipso facto inualida est, Ita decreuit sanctissimus Pius V. in Bulla *Pastoralis.*

2 *Int.* Quæ electio dicitur minùs libera? *Resp.* Quæ in primis facta fuit per metum. Ita definitur ipso iure. *c. Vbi periculum. §. ceterum. de elect.* Omnis autem metus, etiam iustus, reddit quoad Deum actum nullum, iuxta Nauar. *cap. 17. n. 29. §. 2. & cap. 22. num. 51.* Item, quæ facta fuit per limitationem personarum, & hæc appellatur electio coarctata, vt cum dicit præses congregationis, Nomino Petrum, Ioannem, & Iacobum, ex his tribus eligit vnum in abbatem.

3 *Int.* Diciturne coarctata electio, cum præses proponit tres, aut quatuor sibi viſos digniores, & dicit, ex his, vel aliis eligit, quem volueritis in abbatem? *Resp.* Minimè, quia in hoc præses nil aliud facit, quam aperit suam mentem circa sibi viſos digniores.

4 *Int.*

4 *Int.* Est statutum religionis, vt non eligantur ad tale munus, nisi ex tali, vel tali natione: sunt omnes illius nationis indigni, tenebuntur electores indignos ex illa natione eligere? *Resp.* Minimè. Imò grauitè Deum offendent: mens enim institutoris fuit dignitates digno deferre, & non indigno in quocunque euentu. Colligitur hæc veritas ex D. Th. 2. 2. *quæst.* 63. *art.* 2. Sot. 3. *Iust.* *art.* 2. *col.* 3. à simili. Nam si quis statutum habeat, vt capella deueniat ad vnum ex familia, & in familia non inueniatur Sacerdos dignus, eligi potest extraneus.

5 *Int.* Peccatne præses mortaliter, non acceptando iustam electionem? *Resp.* Peccat, & secunda electio est nulla, tenebunturque ad restitutionem primo electo, quia iniuste illum priuat re in qua iam habet ius per canonicam electionem.

6 *Int.* Nouit bene præses congregationis electum esse indignum, licebitne electionem non acceptare, & ita iubere vt alius eligatur, ob certas sibi notas rationes? *Resp.* Si certus sit indignitatis electi, licebit coram Deo (quidquid sit erga homines) semoto tamen scandalo procedendi cum odio personæ, & non indignitatis.

7 *Int.* Qui sunt incapaces ad eligendum, licet sint de electoribus? *Resp.* Suspensi ab officio, interdicti, & excommunicati maiori excommunicatione. Ita Sylu. *elect.* 1. n. 17. Couar. c. *Alma.* §. 7. n. 9. probantque id latè ex iure. Excommunicatus verò intelligendus est non toleratus, quia toleratus, per excommunicationem occultam, eligens vt persona publica, quia ad illum, vt talem pertinet electio, validè eligit.

8 *Int.* Qui reiciuntur à iure, vt eligantur in dignitates? *Resp.* Interdicti, & qui interdictum fregerunt, suspensi, illegitimi, infames, excommunicati maiori excommunicatione. Et ideo grauitè peccant electores, qui hos, & præter hos, eos, qui reiciunt statuta communis, eligunt: & ob id peccatum puniuntur ipso facto beneficiorum suspensione per triennium. c. *Cum in cunctis. de elect.* notantque Innoc. Cardin. Panor. & communiter Doctores. cap. *Cum illa. de elect.* Electio verò excommunicati maiori excommunicatione, non est ipso facto nulla, sed potest annullari. cap. *final. de elect.*

9 *Int.* Censebiturne infamis ad huiusmodi effectum accusatus de crimine adhuc pendente lite, & à suis inimicis, cum sit alioqui boni nominis vir? *Resp.* Minimè. Ita Hostiens.

Andreas,

Andreas, & Felin. *cap. Minimum. de accusat.* Talis igitur solus est conuictus criminis infamis, vt notat Roderic. *in sum. c. 105. num. 2.*

10 *Int.* Tenentur ne reges, & senatores, qui à rege potestatem acceperunt eligendi magistratus ad Rempublicam gubernandam, eligere aptiores, aut saltem aptos, & idoneos? *Resp.* Tenetur. Ita Peres *in L. 7. Ord. regal. tit. 2.* licet oppositum asserat Caiet. *in sum. verb. elect.* Ratio est, quia Reges habent iurisdictionem eligendi ab ipsa Republica: non est autem credibile intentionem Reipublice fuisse, committere illis gubernandi potestatem per quosuis magistratus aptos vel ineptos, sed per aptiores. Ideo peccant aliter prouidendo, quam ex contractu cum Republica promiserunt: tenenturque ad restitutionem damnorum, quæ ex mala electione successerunt: satis tamen est eligere dignum, & aptum ministrum, relicto aptiori, & digniori, quia per dignum, & aptum satis Reipublice prouisum est.

11 *Int.* Quid censes de electoribus minus digni, relicto digniore, ad beneficium concursui oppositorum expositum? *Resp.* Peccant grauissimè, tenenturque ad restitutionem ipsi digniori faciendam. Ita Caiet. 2. 2. qu. 62. ad 4. dub. 3. Roder. *in sum. 1. p. cap. 108. num. 6.* cum Aragon. quem refert. Habet enim candidatus dignior ex oppositionis libertate ius ad rem, & ideo per repulsam patitur iacturam iustitiæ, vt communiter docent Theologi.

Excommunicatorum peccata. §. 3.

- 1 *An Excommunicatio liget ignorantes monitorium, nisi post sex dies transactos.*
- 2 *De perplexitate duorum excommunicatorum se inuicem absoluendi potestate pollentibus.*
- 3 *An excommunicatus sit prius absoluendus ab excommunicatione, quam à peccatis.*
- 4 *An valeat absolutio à peccatis data ante absolutionem ab excommunicatione.*

1 **I**NTERROGATIO. Inciditne in excommunicationem, qui post sex dies transactos monitorij, cognoscit monitoriū fuisse promulgatum erga eos, qui rem certam non redderent, & eam habens nō reddit? *Resp.* Minimè. Ratio est, quia excommunicatio vltra terminum assignatum non habet

E E c

vigorem,

vigorem, nec ligat contumaces extra illud tempus, si intra illud nihil de ea sciuerunt, neque intentio iudicis est ligare contumaces extra illud tempus, sed solum contumaces intra illud. Ita Tabien. *excommun.* 4. §. 4. Armil. *ibid.* §. 34. Nau. *cap.* 27. *num.* 15. Beia *casu* 47. 1. p.

2 *Int.* Sunt duo tantum presbyteri approbati in vno oppido notorii clerici percussores, adest necessitas confitendi, quisque habet facultatem absoluendi ab excommunicatione in foro poenitentiali. Rogo, an se inuicem possint absolvere ab excommunicatione? Ratio dubitandi est, quia excommunicatus maiori excommunicatione priuatur actiua administratione omnium sacramentorum, ut iam dixisti in suo loco? *Resp.* Credo quidem posse, quia necessitas non habet legem: nam in necessitate licet excommunicato baptizare. *cap. Præter.* 32. *dist.* Deinde in eadem necessitate potest absolvere à peccatis, ut docet Tabien. *absolutio.* 2. §. 6. Roderic. *de Reg. quæst.* 20. *art.* 12. Ergo in eadem necessitate poterit absolvere ab excommunicatione. Nec aliud credendum est de pia Ecclesie voluntate erga filios.

3 *Int.* Estne prius absoluendus excommunicatus ab excommunicatione, quam à peccatis? *Resp.* Maximè. Ita communiter Doctores. Palud. *in* 4. d. 17. *quæst.* 6. *ar.* 3. Sot. *in* 4. *dist.* 22. *qu.* 1. *art.* 1. D. Anton. 3. p. *tit.* 14. *cap.* 19. §. 4. Syluest. *confes.* 3. p. *qu.* 12. Nauar. *cap.* 9. *num.* 4. & *in* *cap. Fratres.* *de poen.* *dist.* 5. *nu.* 38. Ratio est, quia excommunicatus tam maiori, quam minori excommunicatione est à passiuâ Sacramentorum participatione per Ecclesiam priuatus. *cap. Si celeb.* *de cler. excomm. minist.* *cap. Si celebr.* *cap. Engeltrudam.* 3. *quæst.* 4. Ire verò contra hoc præceptum ex sententia eorundem Auctorum est mortale: illud verò appellat D. Thom. 2. 2. *quæst.* 99. *art.* 3. sacrilegium.

4 *Int.* Valetne absolutio à peccatis, data ante absolutionem excommunicationis? *Resp.* Si excommunicatus sciat impedimentum, minimè, quia est impoenitens peccando. Dico secundum. Si excommunicatus impedimentum ignoret: vel si per eum non stat, ut absoluaatur ab excommunicatione, imò est verè poenitens; negant adhuc auctores proximè citati: insuper Adrian. *in* 4. *tract.* *de matrim.* *quæst.* 2. Syluest. *confes.* 1. §. 5. Tabien. *ibid.* 5. §. 26. Armil. *absolutio.* *communio-* *rem,* & tutiorem appellat sententiam. Ratio eorum est, quia excoimu

excommunicatus est incapax passiuæ Sacramentorum participationis. *cap. si celebrat. de cleric. excom. minist.* Oppositum tamen dicendum, cum adest bona fides in suscipiente absolutionem sacramentalem. Ita Richar. in 4. d. 18. art. 10. quæst. 4. & Clarius art. 7. quæst. 1. Angel. confessio. 5. §. 10. & confessio. 1. §. 20. Caiet. verb. absolutionis impedimentum, & verb. conf. iteratio. & in opusc. de qual. t. confess. q. 1. Nau. c. 9. Couar. c. Alma. p. 1. §. 6. Pet. Sot. instruct. sacer. sect. 4. de excom. Comitol. lib. 6. qu. 26. Ratio sumitur ex æqualitate, & clementia Matris Ecclesiæ: insuper quia, ut notat Caietanus, nullibi ita fieri prohibitum est ab Ecclesia. Ita etiam asseruerunt Supplementum Confess. 1. §. 4. Medin. in sum. lib. 1. c. 11. §. 3. Ratio eorum est. Quia si excommunicatus alia Sacramenta recipiat, vera Sacramenta recipit. Si confirmetur, & ordinetur. c. 1. De eo, qui furtiuè ordines suscepit. Si consecratur. *cap. De homine. de celeb. mis. & c. Intra catholicam. 1. q. 1.* Si vngatur, iuxta Doctores in 4. d. 24. negantes esse iterandam vñctionem, quam iam in eadem infirmitate excommunicatus suscipit. Si nubat. c. Significasti. de eo, qui dux. in mat. quam pol. per adul. Probâtque Felin. in rubric. de sponsa. lib. concl. 5. & Petrus in c. 1. concl. 3. de except. lib. 6. Ergo idem dicendum videtur de susceptione Sacramenti poenitentia; ac proinde ex eo tantum dicitur incapax sacramentorum receptionis, quia si illa contumax contra Ecclesiæ præceptum, & inobediens recipiat, obicem habet, hoc est, graue peccatum mortale.

A D L I T. F.

CAPVT VII.

Fiscalium peccata. §. 1.

- 1 De custode vrbis non comprehendente inuentos nocte.
- 2 De restitutione poenarum, quæ erant adiudicandæ.
- 3 De restitutione pretij, quod accepit pro libera dimissione.
- 4 De restitutione damni illati ab inuentis nocte.
- 5 De custodibus publicis viarum.

I N T E R R O G A T I O. Iurat præfectus custodiæ vrbis (nostrates appellât Metrinho, Alcaide, & similes) se accusaturum, quos post signû cāpanæ, datû nocte, inuenerit, que mo-

do peccat non accusando? *Resp.* Mortaliter, quia iuramentum non implet. *cap. si videro. de iureiur.*

2 *Int.* Quaro ulterius. Teneturne ad restitutionem poenarum, quas soluturus erat inuentus? *Resp.* Minimè. Ita Sylu. *rest. 3. l. 1. §. 5. cum Bernardo, quem citat Nauar. cap. 25. num. 34.* Ratio sumitur ex communi doctrina, quia poenæ non debentur ante iudicis sententiam.

3 *Int.* Teneturne restituere, quod accepit propter liberam dimissionem? *Resp.* Minimè. Ita Nau. *c. 17. num. 32. & c. 25. num. 34.* Ratio etiam sumitur ex communi doctrina, iuxta quam non est restituendum, quod accipitur ob turpem causam.

4 *Int.* Inuenit aliquem damnum tertio inferentem? *Resp.* Peccat mortaliter non accusando, quia iuramentum frangit. Et præterea tenetur ad restitutionem damni. Ita Sylu. quem citat, & sequitur Nauar. *cap. 25. num. 34.* Ratio est, quia ex officio tenebatur tale damnum impedire, & non impediuit, ideo peccauit contra iustitiam.

5 *Int.* Quid censes de custodibus publicis viarum, Hispani appellant (aduaneros?) *Resp.* Quod dixi de custodibus urbium, & ideo non tenetur, si taceant, restituere poenas imponendas, inter quas est maxima amissio mercium exportatarum. Tenentur tamen restituere vectigalia regia, si iusta sint, quia hæc, non illæ debentur ante latam sententiam. Ita Nau. *cap. 25. num. 51. §. ad quæsitum.*

Filiorum peccata. §. 2.

- 1 *An filius teneatur obedire parentibus in eligenda uxore.*
- 2 *An pater possit cogere filium ad honestum coniugium.*
- 3 *Quæ tenentur filij exhibere parentibus.*
- 4 *An odisse patrem, aut matrem, sit circumstantia valde aggravans.*
- 5 *De filio irreuerente erga patrem.*
- 6 *An filius teneatur succurrere parentibus in necessitate constitutis.*
- 7 *Cui teneatur filius in extrema necessitate, patri, an filio suo.*
- 8 *De obedientia filij erga patrem in iis, quæ pertinent ad gubernationem familiæ.*
- 9 *De filio percutiente parentes.*
- 10 *De filio dedignantem parentes propter pauperiætem.*

1 **I**NTERROGATIO. Teneturne filius familias obedire parentibus circa electionem vxoris? *Resp.* Si ex electione certæ vxoris timerentur fermè certò maximæ inimicitia, odia mortifera, graue honoris, aut rerum detrimentum, teneretur. Ita Doctores communiter. His amotis, liberè, cui vult, nubere potest. Ratio est, quia in seruitute perpetua, & obligatione indissolubili, non tenetur obedire; vt probat Argentin. in 4. sent. d. 29. quæst. 1. matrimonium verò est quadam seruitus perpetua, & indissolubilis obligatio, præcipuè causa interueniente: hæc autem esset efficax promissio futurarum nuptiarum foeminæ æqualis conditionis, aut non multum dissimilis. Æqualis, dixi, aut non multum dissimilis conditionis, quia ducere indignam repugnante patre, aut respicere æquè dignam, ex cuius matrimonio parentes sperant honoris, pacis, & facultatum augmentum, est mortale peccatum. Ita Card. Tolet. lib. 5. c. 1. Sot. in 4. d. 1. q. 18. art. 1. Nau. c. 14. nu. 5. Gutter. de qq. can. c. 20. num. 3.

2 *Int.* Possuntne parentes cogere filios ad honestum coniugium? *Resp.* Possunt. Ita Rod. in jum. c. 14. nu. 2. Neque Conc. Trid. sess. 24. c. 9. id prohibet fieri à parentibus; sed tantum dominis temporalibus, qui ex imperio matrimonia imperare, aut prohibere solebant. Ideoque in regno Castellæ possunt sic inobedientes filij legitima hæreditate priuari à parentibus. L. 49. Taur. habetur lib. 5. nouæ compil. L. 1. tit. 1. docet Gutter. lib. 2. pract. quæst. q. 1. c. 3. & Rod. citato loco.

3 *Int.* Quæ tenentur filij exhibere parentibus? *Resp.* Triam. Amorem, obedientiam, & reuerentiam.

4 *Int.* Odisse patrem, aut matrem, estne circumstantia adedò aggrauans, vt sit de necessitate cōfessionis, dicere odisse patrem, aut matrem, iuxta opinionem de necessitate taliū circumstantiarum? *Resp.* Maximè quidem. Ita Nauar. c. 14. n. 11. sicuti, qui patrem occidisset, teneretur dicere, occidi patrem: sequitur Tol. lib. 5. cap. 1.

5 *Int.* Est filius sæpe irreuerens erga patrem, durè, & asperè verbis illum tractat (veruntamen absque interno odio) peccatne mortaliter ita se gerendo, foris ostendendo eos odisse, & despiciere per acrem intuitum, & asperam allocationem? *Resp.* Peccat. Ita Alenf. 3. p. q. 33. Sylu. filius. §. 23. Ang. ib. §. 30.

6 *Int.* Teneturne filius succurrere parētibus in necessitate

constitutis? *Resp.* Tenetur: adeo ut eis in magna penuria constitutis, quam ipse potest subleuare, ingrediendo religionem peccet mortaliter. Ita D. Thom. 2. 2. q. 101. art. 4. ad 4. & Tolet. lib. 5. c. 1. n. 6. Si verò iam professus sit religiosus, tenetur sub mortali eis succurrere extremè indigentibus, egrediendo monasterium, ut eos alat foris. Ita Caiet. 2. 2. q. 101. art. 4. Nau. cap. 14. num. 14. Egredi etiam tenetur, si grauius indigentibus ingressus est monasterium, & adhuc in eadem graui necessitate parentes sint constituti. Quod si iuxta aliquos in hac graui necessitate non obligetur; potest tamen iuxta omnes egredi, petita, licet non obtenta, à superioribus licentia. sic Tolet. loco sup. cit.

7 *Int.* Est in extrema necessitate filius Titij, & pater, cui tenetur sub mortali succurrere, cum ambobus simul non potest? *Resp.* Patri. Ita Sylu. filius. 2. §. 29. D. Tho. 2. 2. q. 6. art. 9. ad 3. Tolet. l. 5. quod si alibi aliud dixi, nunc probabilius hoc sentio.

8 *Int.* Obstinatè non vult filius obedire parentibus in iis, quæ pertinent ad gubernationem domus. Item ex pertinacia non vult obedire se amouendo à prauis consuetudinibus, & familiaritatibus, peccatne mortaliter inobediendo, crimine inobedientiæ? *Resp.* Peccat. Ita Card. Tol. cum communi lib. 5. cap. 1. Dixi, pertinaciter, quia si id faciat ex fragilitate, aut vehementi passione, arbitror solùm peccare venialiter. Sot. 1. Just. quæst. 6. art. 2. Viçti. de potest. civili. ad finem.

9 *Int.* Quod peccatum est patrem, aut matrem leuiter percutere, minari iniuriosè, iactare in eos verba execrabilia, maledicere eos ex deliberato animo, absentes, siue præsentes? *Resp.* Mortale. Colligitur apertè ex pœna, qua Deus Opt. Max. tales filios capite plecti iubet Exod. 2.

10 *Int.* Peccatne mortaliter filius, qui patrem, aut matrem ob paupertatem dedignatur, & ignotum sibi coram aliis ostendit? *Resp.* Peccat, nisi ex tacita voluntate patris, & iusta ratione id proueniat, cum oportet ex grauib. causis in parentum, filiiq. aut Reipublicæ utilitatem cedentibus. sic Tolet. loco citato, Nauar. cap. 14. num. 3.

Fœminarum peccata. §. 3.

1 *An peccet fœmina se ostendendo amasfo cum æquè bene potest fugere illius conspectum.*

2 *An peccet fœmina permittendo amorem Titij, illam in conjugem*

gem concupiscentis.

3 De fœminis ostendentibus membra pulchriora.

4 De pigmentis fœminarum.

5 Quid dicendum de ornatu muliebri.

1 INTERROGATIO. Scit Bertha se carnaliter adamari à Titio, & quoties eam videt in carnalem prodire concupiscentiam, peccatne mortaliter vltro se illi ostendendo, absque alio animo peccandi, cum possit eius conspectum fugere, absque vlllo proprio detrimento? Resp. Peccat, & toties, quoties se absque necessitate videndam exhibet. Ita D. Anton. 2. p. tit. 5. cap. 1. §. 7. Nauar. cap. 16. nu. 13. Ratio est manifesta, quia ex charitate tenemur impedire aliorum peccata.

2 Int. Ornat se Bertha, vt carnaliter ametur à Titio in coniugem, non in concubinam, quod coniugium ipsa nullo modo cupit, sed vult à Titio, ob certas vtilitatù causas adamari in coniugem, peccatne mortaliter illum amorem permittendo, vt ita loquar? Resp. Minimè. Ita Nauar. cap. 16. nu. 14. appellat enim illum amorem honestum, quia ad bonos, & honestos fines tendit. Idem docet cap. 23. nu. 22.

3 Int. Sunt fœminæ suapte natura procaces, & ex leuitate mentis membra speciosiora, & grossiora gestant nuda, vt placeant, qualia sunt brachia, pectus, crura, &c. incompertos capillos, neque tamen proponunt honestam se habituras compositionem, rogo an sint in habituali peccato scandali? Resp. Mihi valdè probatur opinio affirmans, quam religiosè satis defendit Saa ver. ornatus, contra multos. Ratio est, quia illæ humanorum membrorum partes suapte natura prouocant ad libidinem, & ideo perpetuè sunt puritati scandalo actiuo, quod sub mortali tenemur euitare, cum possumus.

4 Int. Fuco se, & pigmentis, capillisque alienis mentiri vult formosam Bertha, non tamen alium finem prauum intendit, quantum peccat? Resp. Venialiter tantum, quia mendacium. Ita D. Thom. 2. 2. q. 169. art. 2. ad 3. Nauar. cap. 23. n. 20. & cap. Furari. de constit. dist. 5. Saa verb. ornat. tale verò mendacium est graue, iuxta Nauar.

5 Int. Quid sentis de ornatu muliebri, absque alio fine, quàm pro ostendenda pulchritudine? Resp. In hac curiositate solum peccatù veniale agnoscit Nau. c. 23. n. 18. cum Cajet. 2. 2.

q.169.art.1.quamuis per accidens,inquit,ex splendido ornatu aliena concupiscentia alliciatur ad libidinem. *argum.c. Quisquis.41.dist.c. Quæ contra mores.8.dist.* licet ornans se, sit religiosa,vel religiosus, etiamsi, inquit iterum, ob id aliud ad peccandum mortaliter moueatur, nisi quis se ornet ornamentis à lege grauiter prohibitis,aut ita indecenter, vt verenda intra luceant. sic Nau.& Caietanus. Oppositum docet Sylu.*ornatus.* cum plurimis,quem sequor iuxta dict.*nu.1.buius* §.cum scilicet sine detrimento potest quis vitare hoc proximi scandalum passuum.

A D L I T. H.

CAPVT IX.

Hæreticorum peccata. §. 1.

1 *An ex licentia Episcopi possit aliquis Sacerdos absoluere hæreticos occultos.*

2 *Quis dicendus sit fautor hæreticorum.*

1 **I**NTERROGATIO. Possuntne hæretici occulti absolui à Sacerdote, cui Episcopus cõmittit, vt eos absoluat? *Resp.* Affirmat Cordub. q.8. *quest. libel.* Ratio eius est, quia licet Conc. Trid. *sess. 24. cap. 6.* hanc potestatem cõmiserit solis Episcopis: dedit illis hanc potestatem ordinariam, & nõ delegatam: ita tamen, vt nõ transferatur ad Episcoporum vicarios per communem, & absolutam deuolutione suæ iurisdictionis, quam expressis verbis noluit deuolui, & deuoluta irritat idem Concilium; hoc tamen non tollit, quin in particulari possit alicui committi. Fundamentum huius conclusionis est, quia commissarius ex priuilegio perpetuo ratione dignitatis, & multò magis commissarius à iure potest alteri committere vices suas, quia accipit potestatem ordinariam, vt docet cum cõmuni Sylu. *absolutio. 4. q. 6. dub. 2. & ver. commissarius.* Sed cum Episcopi deliguntur à Cõcilio ad absoluendos hæreticos occultos, eliguntur vt commissarij à iure; igitur possunt hanc potestatem alicui Sacerdoti committere.

2 *Int.* Censeturne hæreticorū fautor, qui cū notoriis hæreticis agit, in suā propriam vtilitatem, & cõmodum, non vt hæretici

hæretici sunt, sed vt politici ciues, mercatores, opifices, sapientes, meretrices, & similes? *Resp.* Minimè. Ratio sumitur ex constanti Theologorum, Iuristarumque proloquio, vsu receptissimo minimè eos teneri euitare excommunicationem, nisi sint notorij clerici percussores, & nominatim denunciati, vt iam ostendi in propria materia de excommunicatione. Licètque videre longam & fatis doctam probationem apud Beiam 2.p. cas.7.

Hæredum peccata. §. 2.

- 1 De legato relicto filiis spuris.
- 2 Ad quid teneatur filius spurius circa legatum sibi à patre relictum.
- 3 De extraneo constituto hærede sub confidentia de tradenda hæreditate filio spurio.
- 4 An parentes succedant filiis spuris morientibus ab intestato.

INTERROGATIO. Instituit Socrates extraneum hæredem sub fide data expressa de tradendis bonis filio spurio ex damnato concubitu ipsius Socratis. Rogo vtrum extraneus possit illa bona retinere. Deinde vtrum illa possit tradere spurio, an teneatur illa reddere hæredibus ab intestato succedentibus? *Resp.* Talis non est verus hæres, & ideo peccat mortaliter retinendo, aut spurio tradendo; siue à laico, siue à clerico institutus sit, reddendaque hæredibus ab intestato talis hæreditas. Ita Bart. *conf.* 194. Bald. *L. id quod pauper. Cod. de episc. & cler.* Ratio est, quia tale testamentum est fraudulentum, quia contra id, quod leges decernunt, cum ex fide data teneatur hæres institutus illa bona reddere spurio: & ideo per tale fraudulentum testamentum non acquiritur dominium rerum relictarum. Imo talis hæres, vt prædo censetur. *L. In tacitis. ff. de legatis, & fideicommiss.* priuaturque hæreditate, & bona applicantur fisco.

2 *Int.* Tenentur in conscientia filij spurij cedere legatis relictis in testamento parentum, nisi sint legata pro alimentis, statim ante iudicis sententiam? *Resp.* Tenentur. Ita Beia 2.p. cas. 12. Ratio est, quia leges prohibentes filium spurium succedere iure hæreditario non sunt poenales, sed præceptiuæ, annullantes talia legata in conscientia, vtpote decernentes inhabilem hæreditatis talem spurium. Probat *L. Extraneum. Cod. de hæred. inst.* Probat Alex. *conf.* 174. in 3.n.4 Dixi, nisi

sint de alimentis, quia alimenta debentur iure naturali, cui non possunt contradicere leges humanæ.

3 *Int.* Si talis extraneus hæres relinquitur sub confidentia animo tantum concepta, & minimè declarata externè de tradendis bonis spurio filio, quid censes? *Resp.* Censeo testamentum non esse fraudulentum, & ideo extraneum esse verum hæredem, quia ex illa mera confidentia non manet obligatus ad reddenda bona: possèque illa reddere spurio ex gratitudine, quæ à nobilibus expectatur. Leges verò prohibentes ne veniant bona ad spurios, relicta sub confidentia, loquuntur de confidentia necessitante, & cogente institutum hæredem, hoc est, quæ fide data, & exhibita pollicitatione declaratur, constat id textu expresso *L. Prædonis. ff. de petit. hæred. L. ita fidei. ff. de iure fisci.* Quæ leges cum sint odiosæ, non sunt extendendæ ad ea quæ ibi non exprimuntur.

4 *Jnt.* Succeduntne parentes filiis spuriiis ex damnato concubitu ortis, morientibus ab intestato? *Resp.* Minimè. *Authen. Quibus modis. §. illud. col. 6. Panor. c. Tanta. num. 13. qui filij sint legitimi.* Ideo, cum filij non succedant parentibus ab intestato, neque itidem parentes filiis. Notat Gloss. communiter recepta in *Aut. Si quæ illustris. Cod. ad Orficiatum. & in §. Nouissimè. Instit. eodem.* Paleothus de nothis. cap. 23. Nauarr. lib. 3. consil. titul. de success. ab intest. consil. 1.

A D L I T. I.

C A P. X.

Iudicum peccata. §. 1.

- 1 De usurpatione iurisdictionis.
- 2 Quot modis datur via ad cognoscenda crimina.
- 3 Quo modo iuridicè procedendum sit.
- 4 Quid dicendum de criminibus atrocioribus circa punitionem.
- 5 An sit de essentia iudicij ordo processus à iure præscriptus.
- 6 An iudex possit damnare reum iuxta allegata, & probata, quem scit priuata scientia innocentem esse.
- 7 De iudice seculari prohibente emere à clericis, vel eis aliquid vendi.

- 8 De indice seculari reum ab Ecclesia extrahente ad illam confugientem.
- 9 Quis dicatur locus sacer.
- 10 Qui gaudent Ecclesie immunitate.
- 11 Qui non gaudent hoc privilegio.
- 12 An teneatur index carcerē inuifere, & de necessariis providere.
- 13 An teneatur restituere pretium acceptum pro iuste, vel iniuste iudicando.
- 14 Cui facienda est supradicta restitutio.
- 15 De iudicibus falso suppositis.
- 16 An teneant acta per eos.
- 17 An pœna arbitrio iudicis relicta, possit esse capitis.

1 **I** NTERROGATIO. Quod peccatum est usurpare Iurisdictionem non sibi debitam? *Resp.* Ex genere suo mortale. Ita D. Thom. 2.2. *quest.* 60. *art.* 6. Nauarr. *conf. de her.* num. 4. notatur *L. ult. ff. de iurisdiction. omn. iudic.* Cunha *tract. de confess.* §. 5. num. 5.

2 *Int.* Quotuplex est iudicibus procedendi via ad cognoscendum crimina? *Resp.* Triplex, accusatio, denunciatio, & inquisitio. Ita Rubric. *de accusat. in decretalib.* & *ibi, omnes. cap. Accusatus, de heret. Afflict. lib. 1. constit. rubr. 1.* Carrer. *in pract. tit. de heret. num. 102.* Reper. *Inquisit. verb. denunciatio. ex text. L. 2. Cod. de Apostat.*

3 *Int.* Quis ordo requiritur, ut iuridicè procedat in vnaquaque harum viarum? *Resp.* In accusatione, ut adsit legitimus accusator, & libellus in scripto. In delatione, ut præcesserit correctio fraterna, id est, monitio. In inquisitione, ut præcedat inquisiti infamia. est tex. in *c. Qualiter. 2. c. Inquisitionis. §. tertie. de accusat.* Duennas *reg. 298.* Clarius *§. ult. q. 6.* Abb. Felin. Maran. *n. 16. in c. Licet. de accusat.* Hæresim tamē excipio, in qua via inquisitionis non est necesse, ut præcedat infamia, ut notat Duen. *num. 9. citat. loc.* Simanc. *de Instit. c. 44. num. 9.* Auendanh. *res. 31.* Sed sufficit suspicio, vel indicium, iuxta eosdem Auctores, & Nauarr. *cap. Inter ver. conc. 6. n. 296.* via verò delationis non requiritur præuia monitio, ut aduertit Simanc. *de Institut. cath. cap. 19. num. 6. & 10.* Et alibi iam respondi, & probavi in propria materia.

4 *Int.* Licetne iudicibus in criminibus atrocioribus punire conatus, etiam non obtento effectu? *Resp.* Licet. *L. si quis non*

non dicam. Cod. de Episcop. & cler. l. quisquis. Cod. ad l. Iuliam. tradit Menoch. de arbitrar. cas. 360. num. 1. & 27. Deciar. tract. crimin. lib. 5. cap. 83. num. 4. & lib. 7. cap. 35. hi autem conatus debent externis signis declarari.

5 Int. Estne adeò de essentia iudicij ordo processus à iure præscriptus, ut sit nulla sententia data super litem, in qua talis ordo processus non fuit seruatus, licet ex inordinato processu apertissimè veritas colligatur? Resp. Maximè secundum ius commune. Ita legislator Lusitanus lib. 3. Ord. tit. 63. Veruntamen secundum ius Portugalliæ eodem citato titulo aliter decretum est, his verbis. *Mandamos, que os iulgadores, iulguem, & determinem os feitos, segundo à verdade que pellos feitos for prouada, & sabida, ou per confissam da parte, posto que o processo sera mal ordenado, ou errado, ou falte nelle algũa solemidade substantial de iurizo a qual saltando, ou sendo errada no processo, todo o iurizo, & sentença, que delie procedesse seria nenhũa, segando direito. Por que sem emargo disto que remos, que não seio o processo annullado, nem se possa dizer à sentença nenhũa, se a verdade for sabida pello processo, & o iulgador iulguo que lhe pareceo iustiza polias prouas no processo feitas sobre à verdade, & substantia da causa.*

6 Int. Fecit, quod potuit iudex, ut non ferret sententiam de reo publicè probato nocente, quem scit priuata sententia innocentem esse. Potestne illum damnare secundum scientiam publicam ex allegatis, & probatis? Resp. Potest. Ita D. Thom. 2. 2. q. 67. art. 2. ibid. Caiet. facit l. illicitas. §. veritas. ff. de offic. presid. Pastor. §. quia verò. de offic. del. & ita communiter Doctores. Arag. 2. 2. quæst. 67. art. 2. Alenf. 3. p. quæst. 40. num. 7. ar. 2. Sot. 5. Just. q. 4. art. 2. Rich. in 4. d. 15. art. 3. q. 2. ad 1. Valent. 3. rom. disp. 5. q. 11. p. 2. Repugnat Saa verb. iudex. n. 13.

7 Int. Quomodo peccat iudex sæcularis, qui prohibet subditis, ne emanent à personis Ecclesiasticis, neque illis vendant? Resp. Grauitè, & ipso facto est excommunicatus. c. Eos. de immunit. Ecclesiæ.

8 Int. Extraxit, vel iussit extrahere, aut attentauit extrahere per vim à loco sacro eos, qui ad illum confugiunt, quomodo peccat? Resp. Grauissimè lethaliter: prohibetur id utroque iure, canonico quidem cap. Definuit. cap. Si quis contumax. c. Reum. 17. quæst. 4. & ciuili, quod latè prosequitur Pampilo de immunit. Ecclesiastica.

9 *Int.* Quoniam opportunità loci exigit, rogabo te de aliquibus huc attinentibus. Quis dicitur locus sacer in hac immunitate? *Resp.* Quælibet capella, Basilica, eremitorium, & quodlibet aliud sacellum erectum pro dicenda missa, cum Episcopi facultate. Item cœmeterium ab eodem Episcopo pro humandis corporibus sacratum, siue sit continuum cum Ecclesia, siue contiguum, siue longè separatum. *c. Quisquis. 13. q. 4.* Item dormitorium commune clericorum siue Religiosorum. *c. Cum pro causis. de sentent. excom.* Item ianua, & porticus Ecclesiæ, aut cœmeterio annexa. *c. Si quis contumax. & Panor. mit. in c. penult. de immun. Eccles.* Item religiosarum domorum claustrum, & pauimentum, quantumuis longum sit. Ita Nau. *c. 15. n. 18.* Domus Episcopalis, licet ab Ecclesia disiuncta. *c. id constituimus. 17. quæst. 4.* Innoc. & communiter omnes. *cap. Inter alia. de immun. Eccles.* Item spatium quadraginta passuum in circuitu Ecclesiæ maioris, & triginta Ecclesiarum minorum. *cap. Sicut antiquitus. c. Quisquis. 17. q. 4.* vt affirmat Oldrad. *conf. 35.* Felin. *c. Cum pro causa, citat.* Veruntamen hoc ius per desuetudinem, & non vsum est antiquatum, & abrogata opinio. Seruaturque tantummodò quoad fines vltimos ipsius loci sacri, vt vult Nauarr. *cap. 25. num. 18.* ideo seruandus est mos cuiusque regionis. Habetur etiam pro loco sacro Sacerdos deferens Eucharistiam. Ita notat Hostiens. & communiter Doctores *c. Sanè. de celebr. missar.* Item Cardinalium personæ per vsum, & consuetudinem. Notat Andr. Sicul. *de præst. Cardin. quæst. 9. p. 1.* Idem affirmat Nauarr. de Regum, Reginarumque personis, inquam, non statuis. Item in vrbe domus Cardinalium, atque legatorum Regum, & Rerumpublicarum, intra certum ambitum.

10 *Int.* Qui gaudent Ecclesiæ immunitate? *Resp.* Omnes, & soli Christiani, qui ad locum sacrum confugiunt, siue ob delicta, siue ob debita. *c. Inter alia. de immun. Eccl. vbi Panor. n. 4.* Excommunicati, suspensi, interdicti. Ita Immola, & Bonifac. & communis in *Clem. 1. de pæn. & rem. f.* Item serui cum confugiunt ad locum sacrum ob delicta, quæ à iure grauissimè puniuntur, vel ob sœuitiam dominorum. *cap. 25. num. 19.* Item egressi è carcere, siue de licentia, siue per vim. Ita Nauar. *c. 15. n. 19.* cum communi. Item comprehensus, qui per locum sacrum ducitur. Ita Nicol. Boër. *decis. 100.* & communis contra Archid. in *c. Sicut. 17. q. 4.* etiamsi iam damnatus ad supplicium ducatur.

ducatur. Ita Nauar. *c. 23. n. 9.* Item percussor, vel occisor clericorum extra locum sacrum. Ita Nauar. *cap. 25. num. 9.* contra multos, quos contra rationem, siue textum loqui affirmat. Item exules, & banniti, damnati capitis per quemuis occisorem voluntarium. Mercator, qui pecunias dissipauit, & creditores illufit: transfuga ad hostes: modò non deliquerint in Ecclesia, vel peccata excepta committant. Ita Nauar. *c. 25. n. 9.* Item blasphemus, iuxta Nauar. *c. 25. n. 9.* vbi id latè probat.

11 *Int.* Qui non gaudent hoc priuilegio? *Resp.* Grassator viarum. Nocturnus segetum, & aliorum fructuum vastator. *cap. Inter alia. de immu. Eccl. 2.* Qui in Ecclesia graue crimen committit. *c. fin. de imm. Eccl.* iuxta communem, & Ordin. Lusit. *lib. 2. tit. 4.* In noua verò impressione. *lib. 2. tit. 5. §. 2.* 3. Occisor per insidias, per communem *cap. 1. de homic.* Item qui in nostra Portugalia aliquem occidit, aut percutit de proposito, vel in duello prouocato, *lib. 2. Ordin. tit. 5. §. 3. 4.* Qui ex Ecclesia alium foris, vel ex à foris percutit in Ecclesia. 5. Qui insuper profugum ad Ecclesiam ab ea extraxit siue per se, siue per alium; saltem per vestes trahendo. Ita Nauar. *c. 25. n. 21.* 6. Qui sponte ab Ecclesia egreditur. Ita Hostiens. cum communi *c. finali. de imm. Eccl.* 7. Personæ Ecclesiasticæ, iuxta vsum receptum; & Panor. *c. fin. de imm. Eccl.* Excipe constitutum in minoribus erga iudices sæculares: nam ij habent super illum iurisdictionem concessam à Conc. Trident. *sess. 23. cap. 6.* 8. Qui iuxta Ecclesiam delinquit, animo ad eam confugiendi. Ita Hostiensis in *sum. tr. de immunitate. §. in quantum. num. 8.* sed huiusmodi opinio est antiquata. 9. Qui comburit Ecclesiam, vel eam deturbat solo. *cap. fin. de immu. Eccl.* Sed de hac Ecclesiæ immunitate seruandus est mos cuiusque provincie, & regni, de qua luculenter & piè satis Ordinationes Lusitanæ *lib. 2. tit. 5. §. 2.* nouæ impressionis.

12 *Int.* Teneturne iudex carceres inuisere, & prouidere detentis necessaria ad vitam? *Resp.* Tenetur, & si ex incuria grauer detenti laborent fame, siti, nuditate, agridine, peccat lethaliter, argumento *L. Iudices. Cod. de Episcopa. aud. & cap. Pasce. 89. dist.*

13 *Int.* Teneturne ad restitutionem pretij pro iustè, vel iniustè iudicando accepti? *Resp.* Tenetur. Ita decernitur 14. *quest. 5. cap. Non sanè.*

14 *Int.* Cui faciendæ est talis restitutio? *Resp.* Dico primum. Acceptum

Acceptum pro iniusta sententia proferenda, restituendum est ei, in cuius damnum sententia lata est. Ita decernitur 1. q. 2. cap. iubemus. Dico secundum. Acceptum pro iuste & recte iudicando, aut pro iudicando tunc, cum ex officio tenebatur iudicare: aut pro non iniuste iudicando, restituendum est ei, qui dedit. Ita colligitur ex cap. Non licet. 2. quæst. 3. Multi tamen, & graues Auctores restituendum adiunt pauperibus. Ita Archid. cap. Quæ recte. 2. q. 3. Innoc. cap. Plerique. Extrauag. de ing. Eccl. & Hostiensis in sum.

15 Int. Sunt in nostra Lusitania aliqua municipia, nostrates appellant (*Contos*, & *consilia*) in quibus municipales ad creandos iudices deponunt suffragia apud scribam, cum ipsi literarum ignari sint. Scribæ tum amore, tum odio, tum largitionibus corrupti de hoc, aut illo suffragia assignant nil minus cogitantibus suffragatoribus. Quæro, an iudices sic suppositi, & furtiui sint veri iudices? Resp. Minimè quidem, quia non creati per vera suffragia, ideo si tale furtum sciant, tenentur cedere officio: peccant quoque grauiter inducendo scribam ad talem iniustitiam contra iusiurandum sui muneris, & in damnum usurpatæ iurisdictionis.

16 Int. Tenentne acta per eos, facta, & iudicata, ac si essent veri iudices? Resp. Tenent. Est enim hoc principium iure receptum, ut qui communi existimatione, & titulo publici officij magistratum gerit in Republica, licet re ipsa titulus verus non sit, & ideo neque magistratus, nihilominus valeant per eum gesta. Ita communiter Doctores *L. Barbarius. ff. de officio pratoris*. Quod ius ciuile in canonicum quoad usum, & praxim translaturum etiam est; & ideo, qui parochus communiter reputatur cum titulo præsumpto, verè tamen parochus non est, ex defectu intrinseco, dummodò verus Sacerdos sit, nihilominus verè absoluit parochianos, per veram iurisdictionem ab Ecclesia in eo casu ei concessam. Sic verò in præsententi, quia tales homines publica existimatione, & titulo, licet falso, habentur ut veri iudices, quamuis coram Deo re vera non sint, tenent acta per eos, ut satis liquet.

17 Int. Peccatne mortaliter iudex damnando capitis poenæ reum, cuius punitionem reliquit Legislator iudicis arbitrio? Resp. Negat Gloss. Instit. de iniuriis. §. in summa. Bald. l. 1. ff. de iis, qui latron. occidit. Ab. cap. Venit. col. 7. de dol. & contum. & c. cum te. col. 3. de re iudicata. Salzed. Compluten. in Ad. ad

Reinard.

Bernard. c. 149. cum aliis, quos citat, appellatque hanc partem negantem communem. Affirmant veruntamen Gabal. in mil-
leloq. 512. Simanc. in Instit. tit. 46. n. 81. Castro de leg. pæn. lib. 1.
cap. 6. Sot. lib. 5. Just. q. 1. a. 3. Cum igitur in iudicando attenden-
da sit lenitas Christiana, & mansuetudo, nisi crimen atro-
cissimum sit, hæc affirmans opinio videtur probabilior, atque
praxi aptior, & commodior pro decernenda poena.

Inquisitorum hæreseos peccata. §. 2.

- 1 Ad solos Inquisitores pertinent crimina fidem attingentia.
- 2 De affectu, quo debent Inquisitores procedere.
- 3 Quid possunt Inquisitores circa Episcopos.
- 4 Qua poena plectendus est laicus, qui se fingens sacerdotem
audit sæminarum confessiones.

1 **I** N T E R R O G A T I O. Ad quem pertinet inquisitio,
& punitio hæreticorum, aut suspectorum fidei, & simi-
lium criminum ad religionem attinentium? *Resp.* Ad solos
iudices hæreticæ prauitatis, Inquisitores vocant, quibus per
se, vel per alios Episcopi loci iunguntur in iudicio, neque
possunt soli de hæresi procedere: imò denunciationem illis
factam, tenentur secretissimè mittere ad Inquisitorum tri-
bunal. Ita Simanc. de catholic. Instit. tit. 35. num. 5. Molin. de
Just. lib. 5. disp. 28. num. 13. & 14.

2 *Int.* Quo affectu tenentur huiusmodi inquisitionem fa-
cere? *Resp.* Zelo iustitiæ, amore fidei. Si autem odio, vel
amore, vel largitionibus corrupti, suam inquisitionem, & cri-
minis punitionem exercent, aut non exercent, grauiter
peccant, & excommunicationem Pontificiam incurrunt la-
tam in Clem. multorum. de hæreticis.

3 *Int.* Quid possunt inquisitores aduersus Episcopos hæ-
resis suspectos, aut insimulatos? *Resp.* Dico primum. De hæresi
contra Episcopos inquirere, aut pretextu hæresis contra
Episcopos procedere nequeunt. *tex. express.* cap. inquisitores. de
hæret. l. 6. Ita ibidem Repert. verb. Episcopus. Vilhadiago de hæ-
retic. q. 7. n. 15. Carrer. n. 74. Calder. de hæret. c. 8. num. 9. Simanc.
c. 25. n. 8. Just. Penha 3. p. Direct. com. 76. Locat. in oper. iudic. ver.
Episcopus. num. 2. Roias de hæret. sing. 55. num. 2. Nomine Episco-
porum etiam veniunt illi, qui titulares appellantur. Ita cum
aliis Simanc. cap. 26. num. 12. Instit. Dico secundum. Fas est In-
quisitoribus hæreticæ prauitatis dicta testium deponentium
contra

contra Episcopos excipere, & ad Sum. Pontificē denunciāda transmittere. Ita decernitur dicto *c. Inquisitores. de hæret.* Ita citati Doctores, & Cunha super diploma Pontificium aduersus sollicitatores muliercularum in confessione sacramentali, *quæst. 12. num. 9.* latè id probat. Dico *tertium*. Si causa subest detinendi Episcopos, ne fugiant dum ad sedem Apostolicam cum crimine denunciando legatus mittitur, fas est Inquisitoribus Episcopos detinere. Ita iidem auctores citati: parcissimè tamen uti debent huiusmodi rigore, ne quod in fidei utilitatem concessum est, cedat in detrimentum propter scādalum. Nomine verò Episcoporum non veniunt electi tantum in Episcopos, nondum sacriati, quia non sunt re vera Episcopi, sed futuri sunt. Ita Glo. 1. c. 1. *de relig. dom.* Felin. *c. Eam. de rescrip. n. 1.* Selua *de benef. p. 1. q. 1. num. 31.* Simanc. *de instit. tit. 26. n. 11.* Dico *quartum*. Cardinales, Inquisitores generales facti, in Episcopos, & quosuis alios Prælatos inquirere possunt, sed processus referendus ad Summ. Pontificem, ut ferat sententiam. Ita decreuit Pius I V. *Extravag. Romanus Pontifex.* affert Penha inter Pontificias literas, *fol. 129.*

4 *Int.* Quo malo puniendus est laicus, qui se sacerdotem simulans, scēminarum audit confessiones, & eas ibi ad vñeſtea sollicitat? *Resp.* Vti de hæresi suspecti Inquisitorum examini subiiciuntur. Ita habetur *cap. 2. de cler. non ordinato ministrante.* tradit Salzed. *in pract. crim. c. 12.* & Greg. P. XIII. motu proprio Inquisitoribus cōmisit, teste Roder. *tom. 2. de Reg. q. 28. art. 2.* & Paulus IV. teste Locato *in oper. iudic. Maiolo lib. 4. irreg. c. 13. n. 1. & 5.* Paul. *eodem tit. par. 6. tit. de cleric. non ord. min.* Et hæc ob rē Conimbricæ abiurabit de leni an. M. DC. X. quidam Diaconus, qui presbyteratum exercebat. Et Romæ redactus est in cineres frater certi ordinis iussu Alex. VI. ob eandem rem. Intelligenda tamen est conclusio de ficto laico confessore, qui simul audit, & absoluit pœnitentem fœminam. Sic enim verba Bullæ Greg. X I I I. confessiones audire, ac absolutionem impartiri. Ita Cunha citato loco.

Inimicorum peccata. §. 3.

1 *Quo pacto nos gerere debemus erga inimicos.*

1 **I**NTERROGATIO. Quo pacto nos gerere debemus erga eos, quos habemus inimicos, aduersus quos etiam inimici appellamur? *Resp.* Præmitto inimicū dupliciter

FFF

fumi

fumi posse : formaliter nimirum, vt ita loquar cum Logicis, & materialiter. Inimicus formaliter est, qui adhuc inimicitiae tædis aduersum nos flagrat. Inimicus verò materialiter est, qui inimicus dicitur, quoniam olim inimicitiae signa ostēdit, sed modo è contra amoris. Dico igitur primum. Erga inimicos formaliter tenemur sub mortali ea exterius amoris signa ostendere, quæ communia sunt, & quæ omni personæ exhibemus, interius verò odium deponere, & malè nolle. Ita D. Thom. 2.2.q.26.art.6. & q.34.art.3. Aleni. q.68.m.3. Syluest. ver. charitas. q.4. Glos. c. Si quis contristatus. dist.9. Nau. c.14. nu.25. & c. Quando. de Constit. dist.13. Probatur ex illo Christi Domini Matth.17. Nisi remiseritis ex cordibus vestris. Ideo, neque tenemur eis condonare pœnam à legibus pro iniuria taxatam, sed eam in iudicio possumus exigere, zelo resarciendæ iustitiæ ad salutem populi spiritualem, ad vtilitatem Reipublicæ, vt frænum audacibus iniiciatur. Hinc fit, vt nisi detur scandalum, non teneamur alioqui inimicos formaliter alloquio particulari, aut quauis loquela, quam non exhibemus omnibus omnino proximis, & multò minùs ad ludum, & similia illos admittere. Dico secundum, Erga inimicos materialiter debemus particularia amoris signa ostendere. Ita expressè D. Thom. in 3.d.3.q.1.art.2.ad 2. & 2.2.q.83.ar.8. Caiet. ib. Alenf. 3.p.q.67.m.3. D. Anton, 2.p. tit.8. cap. 3. §. 6. Bonau. 3. sent. d.30. Gabr. ib. q.1.art.3. dub. 2. Sylu. charitas. q. 3. Tabien. ib. §.14. Armilla ib. num.1. Viguer. de virt. car. cap. 12. §. 1. qu. 6. Rich. in 3.d.3.q.1.art.7. Panorm. c.1. de malefic. Bartol. in L. Si tibi decem. §. 1. ff. de pactis. Nau. c.14.m.9. quos citat, & sequitur Beia casu 10. Ratio est, quia præceptum charitatis obligat in necessitate : sed ostensio signorum amoris, & postulatio veniæ necessitatem afferunt ostendendi similiter amoris signa, ergo, &c. vt egregiè ostendit Caiet. 2.2.q.33. art. 5. alioqui sequeretur scandalum videntium, & existimantium nos adhuc odio ardere in talem inimicum materialiter. Dico tertium. Si inimicus materialiter promittit pro viribus satisfactionem iniuriæ reddendam, & veniam petit, & condonationem satisfactionis, ad quam illius vires non attingunt, tenemur acceptare liberam satisfactionem possibilem, & partem reliquam condonare; & non procedere in iudicio de iniuria nobis iniusta. Ita Beia cas. 10. Probatur ex præcepto Christi Domini Luc.17. Si reuersus fuerit ad te dicēs :

Pœnitet

Pœnitent me ; dimitte illi. Vbi verbum, dimitte, non accipien-
dum est pro dimissione interiore, nam ad illam tenemur erga
inimicum non reuerſum, & pœnitentem : ſed de dimiſſione
exteriore aduerſus inimicum reuerſum, & pœnitentem.
Longiore probatione ſuperſedeo, eam videre licet apud Do-
ctorem Beia caſu cit.

A D L I T. L.

C A P V T XI.

Locantium domos peccata. §. 1.

1. *An liceat domos locare publicis peccatoribus.*

2. *Præcipuè uſurariis.*

1. **I**NTERROGATIO. Licetne locare domos meretri-
cibus, aut aliis publicis peccatoribus? *Reſp.* Negantem
partem tenaciter defendit Nau. c. 17. n. 165. contra praxim. Af-
firmat tamen Maior in 4. d. 15. q. 35. & Beia caſu 27. Ratio eſt,
quia locare domum indifferens eſt ad bonum, & ad malum
finem: finis verò intentus à locatore eſt uti ſuis rebus, & lu-
crum accipere, fruſtusque ſuarum facultatum, locatque eas
meretrici, ut mulieri ad ſe protegendum contra temporis
iniurias: ſi verò ipſa ex malitia turpes fines ſibi proponat,
locatione abutitur, & ideo locatio eſt remotiſſima cauſa tur-
pitudinis exercendæ, atque eodem modo confeſtio veſtium
laſciuarum, calceamentorum, pigmentorum, & ſimilium,
quæ uſui humano ex ſua natura ſunt ordinata ad uſus bo-
nos, & indifferentes; & ita obtinuit praxis abſque ſcrupulo
confeſſorum & Epiſcoporum.

2. *Int.* De locatione domus uſurariis peculiariter, quid
dicis? *Reſp.* Locare domos alienigenis uſurariis lethale eſt,
quia prohibitum cap. 1. de uſuris. lib. 6. Nullum verò peccatum
locare indigenti. Ita Roſel. ver. reſtitutio. §. 34. Tabien. uſur. 1. §.
5. contra Nauar. c. 17. n. 195. ſed tex. tantum loquitur de loca-
tione uſurariis alienigenis.

Locantium pecunias peccata. §. 2.

1. *An liceat locare pecunias.*

1. **I**NTERROGATIO. Eſtne peccatū locare pecunias?
Reſp. Pecunia, quatenus eſt metallū, ut eſt aurū, vel argē-
tum,

tum, inferuitque ad pompam, & apparatus status: item ad pignus locari potest: Ita D. Thom. 2.2.q.78.art.1.ad 6. Quoniam verò in contractù locationis dominium rei penes locatorem remanet, & si res fortuitò perit, domino perit, si pecunia locetur, eius dominium remanet penes locatorem, & ideo si fortuitò pereat, domino peribit.

Librariorum peccata. §. 3.

- 1 De diuenditione librorum prohibitorum.
- 2 De impressione librorum prohibitorum.
- 3 An teneantur librarii imprimentes, vel diuendentes libros prohibitos ad pœnam ante sententiam.
- 4 De prohibitione librorum vendendorum in Hispania.
- 5 De asportatione librorum in Hispaniam.
- 6 De prohibitione imprimendorum librorum in Hispania.
- 7 De prohibitione imprimendorum librorum ex iure canonico.

I N T E R R O G A T I O. Quod peccatum committunt Librarij in diuendis, vel imprimendis libris, quos diuendi, aut imprimi sub pœna capitis, verberum, confiscationis bonorum, excommunicationis, & similium grauium, leges Ecclesiasticæ, vel ciuiles in certis regnis, aut regionibus prohibent? *Resp.* Mortale ex natura sua, nisi aliqua circumstantiarum ratio excuset. Quæ quidem leges, quia iustissimæ, obseruandæ sunt, vt vsu recipiuntur, iuxta consuetudinem cuiusque regionis.

2 *Int.* Quomodo peccant diuendendo, aut imprimendo libros, aut habendo eos in officinis animo eos vendendi, circa quorum diuenditionem, aut impressionem cautum est à Rege sub grauibz pœnis ab alio id fieri, quàm à certa persona, vel de eius licentia? *Resp.* Peccant mortaliter: nam priuilegiū est lex priuata. *L.1. ff. de constitut. Princ. & L.1. tit. 11. p.1. c. priuilegia. 3. dist.* Cum igitur sit lex iusta, neque purè pœnalis (de qua dubitant auctores, an obliget in cōscientia) sed mixta, & in re graui, obligat ad mortale. Tenentur insuper ad restitutionē auctori, quia per priuilegium acquisiuit ius cautionis, & punishmentis erga alios. *c. finali lege. §. priuileg. 25. q.1. & priuilegio fretus magnas fecit expensas, in cuius damnū diuēditi, impressiue fuere similes libri.* Ita Doctores cōmuniter *cap. 5. de iniuriis, & damn. dat.* Estque constans Doctorum Salmanticensium consensus, teste Roder. *in sum. cap. 165. nu. 5.*

3 *Int.*

3 *Int.* Tenentur huiusmodi librarij præter damnū solvere etiam pœnam appositam in priuilegio, ipsi auctori, antequam iudicetur? *Resp.* Minimè. Ita Glo. c. *Fraternitatis*. 12. q. 2. *ver. cum augmento*. communiter recepta. Couar. *Reg. peccatum*. 2. p. §. 8. n. 6. Gutt. in *qq. can. c. l. n.* 23. Ratio sumitur ex cōmuni doctrina legum, vt iam respondi in propria materia, quæ pœnæ non debentur in conscientia antequam iudicentur.

4 *Int.* Circa librorum venditionem quid cautum est in Hispania, vt librarij sciant, quomodo procedere debeant? *Resp.* Ne quis à foris inuehat in regna Castellæ vulgari sermone compositos, & alibi impressos, absque expressa facultate regia, sub pœna capitis & confiscationis bonorum. Ita habetur *lib. 1. nouæ compil. tit. 7. l. 24.*

5 *Int.* Quod peccatum est similes prohibitos libros in Hispaniā asportare? *Resp.* Mortale. Colligitur inprimis ex grauitate materiæ, super quam lata est lex, nimirum fidei puritas, quæ per similes libros vulgares apud hæreticos impressos, & in vulgi manibus versatos facilè corrumpitur. Colligitur secundo ex graui appositæ pœnæ capitis, & confiscationis bonorum: nam cum intentio legislatoris possit obligare ad mortale, & hæc satis bene colligatur ex re graui supra quam legem condit, & ex grauissima pœna, quam apponit. (nam pœna proportionanda est culpæ, alioqui iniusta est, & risu magis digna, quàm obseruatu, veluti si quis legislator apponat pœnam capitis mentienti officiosè.) ergo, &c. & hæc est cōmunis sententia. contra quam non est audiendus Nau. c. 25. n. 57. oppositum sentiens. Quòd si sapientissimus Doctor obiciat hanc legem esse præsumptiuam, neque obligare, nisi vera adsint fundamenta præsumptionis, nimirum hæreses in libris contra fidem, aut turpia contra honestatem morum; hanc autem præsumptionem satis tolli per approbationem Inquisitionis, & Ordinarij eorum regnorum, in quibus sunt prælo dati, & ideo frangentem has leges peccare venialiter, vt sentit Rod. in *sum. cap. 196. n. 3.* nego, pace obicientis, suppositionem, atque esse legem præceptiuam ad tollendas errorum ansas, & occasiones.

6 *Int.* Quid item in eisdem Hispaniæ regnis cautum est circa librorum impressionem? *Resp.* Ne quis librum, seu Latino, seu vulgari idiomate compositum absque facultate regia, & præuio diligenti operis examine imprinat, aut

imprimere faciat sub pœna capitis, confiscationis bonorum, & eorundem publicæ conflagrationis librorum. Ita cauetur *l. 1. nouæ compilationis. tit. 7. l. 24.* Ita cauetur in ord. *l. usit. lib. 5. tit. 102.* Nouissimè verò idem sanxit Philippus *foel. record.* II. circa libros sacros choro, officioque diuino seruientes. Habetur *lib. 1. nouæ compil. tit. 7. leg. 27. in add. ad nouam compilationem.* Ideo euntes contra huiusmodi leges, peccant grauiter.

• 7 *Int.* In iure canonico estne aliquid decretum circa librorum impressionem? *Resp.* In Conc. Trident. *sess. 4. Decr. de edit. & usu sacr. lib. §. sed & impressorib.* cautum est, ne quis imprimat, aut faciat imprimi librum de rebus sacris, sine Ordinarij examine, sineque nomine auctoris, neque impressos vendat, aut apud se seruet. Quam approbationem iubet sacrosanctum Concilium scripto dari, atque in vestibulo ipsius libri imprimi. Contra quam legem qui audacter iret, grauissimè peccaret mortaliter.

Legatariorum peccata. §. 4.

- 1 De hæreditate relicta sub pacto.
- 2 De legato relicto Berthe sub conditione, si nupsierit.
- 3 De legato relicto sub conditione, si mea filia nubat.
- 4 De legato relicto uxori, si nubat.
- 5 De legato relicto Socrati, si nubat uni è filiabus Anne.

1 **I** N T E R R O G A T I O. Solent legatores legare sua sub certo pacto de deuolutione eorum ad alium hæredem, nisi illud pactum impleatur, quid igitur censet, teneturne legatarius, qui pactum non impleuit, hæreditatem tradere, antequam ab eo petatur, vel per iudicis sententiã extrahatur? *Resp.* Tenetur: nam siue illud pactum deuolutionis ad aliũ hæredem appelletur pœna imposita à testatore, tenetur, iuxta *Gloss. cap. Raynaldus. de testam.* & Panorm. quem citat *Beia cas. 41.* siue sit pura conditio, vt reuera est, tenetur, iuxta *Sot. 1. iust. q. 1. 2. art. 6.* quasi dicit legislator, Do, vt facias: quod si non feceris, non do. Ita Caietan. *ver. Pana. Panorm. cap. Raynald. cit. Sylu. legatum. 1. quæst. 5.* Nauar. *cap. 23. num. 67. vers.* potius est legatum conditionale, quàm pœna. Hinc colligo parochum, qui certò scit suos antecessores non celebrasse certas missas pro hæreditate relicta sub ea conditione, teneri eam deuoluere ad personam, cui per deuolutionem

tionem relicta est. Item uxorem, quæ hæres instituta fuit, si castè viueret, aliter deuoluenda bona ad hæres, teneri, si castitatem non seruarit, talia bona relinquere. Caiet. *ver. pæn. Naui. cap. 25. num. 65.* Hæc opinio præcipuè amplectenda, cum testator dicit, eo ipso deuoluta maneat ad talem personam: nam talis conditio fuit causa finalis, non impulsiva, & ideo non est expectanda petitio, vt notat Barto. *L. 2. §. fin. de don. Bald. L. 1. de his, quæ pæn. caus. & L. cum aliena. Cod. de legat. Canonistæ in cap. Verum. de condi. appof.*

3 *Int.* Teneaturne Bertha dimittere legatum relictum hac conditione, si non nupserit, cum ipsa nupserit? *Resp.* Minimè. Ratio est, quia illa conditio reicitur à iure fauore nuptiarum, cum exprimitur à testatore. *L. Sed si hoc. §. ult. L. Quoties cum ita legatum. ff. de conditionibus, & demonst. L. Titia. ff. eodem.* cuius hæc verba referuntur in Pandectis Florent. teste Ant. Augustino *lib. 1. Emend. c. 2.* Titia, si non nupserit, ducenta, si nupserit, centum legauit: nupsit mulier, ducenta, nam etiam centum residua petet. Ita *L. Quoties cit.* sic habetur. Si aliquid relinquetur mulieri, cum onere restituendi, si nupserit, non tenebitur restituere, si nupserit.

4 *Int.* Legauit pater filia tria millia aureorum, si nubat viro nobili. Item vsumfructum villa, quousque ex ea masculus ortus quindecim attingat annos, tali usu fruiturus. Itè legauit alimenta pro se, & vna famula, si nō ingrediatur monasterium. Rogo, an monialis facta, legato fruatur toto, quasi non appositæ sint conditiones? *Resp.* Negant iuris ciuilibus Doctores, aiuntque hæres solum teneri ad dotem ordinariam monasterio. Ita Bald. *L. Deo nobis. Cod. de Episc. & cler.* aitque communi usu, & consuetudine id esse approbatum. Ratio eorum est, quia à manifesta testatoris voluntate non est recedendum. *L. Ex facto. ff. de hered. inst. Auth. de nuptiis. §. disponat.* Et ideo *cap. ult. 4. q. 2.* decernitur, effectum vltimæ voluntatis esse, vt ei omnino stet: nam quisque suæ rei moderator est, & arbiter, *Cod. Mandatum. L. Sed & si hoc. §. consuluit. de petit. her.* De alimentis pro se, & vna famula, specialem negant Nau. *c. Non dicatis. q. 12. n. 70.* Marian. *2. p. Conf. 10. q. 6.* Beia *cas. 44.* Ratio eorum est, quia per ingressum religionis amisit ius ad habendam famulam. Opposita tamen sententia est D. Anton. *3. p. tit. 10. cap. 10.* Rosel. *legare. §. 21.* Sylu. *legatum. quest. 9. & hered. 4. §. ultim.* Tabien. *hæres. §.*

16. Angel. *ib.* §. 21. Panorm. *cap. in presenti*, de *probat.* Rich. & Barth. *in Authen. Nisi rogati.* Textus expressus §. *Sed & hoc presenti, in Authen. de sanctis Episc. col. 9.* Vbi hæ omnes conditiones; si nupserit, si liberos susceperit, & aliæ similes, pro inualidis, & non adiectis habentur erga fœminam monasterium ingressam, & religionis habitum professam. Ratio est, quia religionis fauor anteferendus est fauori nuptiarum, & textus ille ita expressè contra voluntatem testatoris, quam in eo euentu restringit, ut potest. Sicuti si roget, ostendam Deo propitio *in tit. de testatore.* & sic illa voluntas restricta non valet, ac si non apponeretur. *L. Quæ sub conditione. 1. & 2. ff. de condit. institut.* De alimentis verò standum potiùs videtur consuetudini, quæ iam permittit famulas monialibus.

4 *Int.* Reliquit maritus vxori legatum, quoad nubat, illa non nubit, neque castitatem seruat, peccatne retinendo bona? *Resp.* Minimè. Ita Nauar. *cap. 25. nu. 65.* Ratio est, quia pœna non est extendenda vltra voluntatem imponentis: pœna autem illa non imposita est nubenti, non meretricanti.

5 *Int.* Reliquit Titius hæreditatem Socrati sub hac conditione in testamento apposita, si nupserit vni filiarum Ioannæ: petit ille minorem, v. g. noluit Ioanna tradere, sed tradebat maiorem iuxta consuetudinem loci: Socrates aliã duxit extraneam, quid censet, possiderne tuta conscientia hæreditatem? *Resp.* Cerno equidem multa facere contra Socratem: nam legatum conditionatum abdicatur in conscientia non impleta conditione, antequam petatur, & iudicetur, ut iam respondi, *L. Qui hæc. ff. de condit. & demonstr. l. Qui sub condit. ff. eodem. c. Super eo, & c. Per tuas. de cond. app.* Deinde, quia tale legatum videtur factum in fauorem cuiusque filię Ioannæ, & ideo si non constet de alia testatoris voluntate, ita videtur iudicandum. Denique, quia testator in legato reliquendo non videtur ire contra consuetudinem nuptiarum: sed Ioanna in tradendo nuptui maiorem natu filiam seruat ordinem, & consuetudinem loci, iam à multis retro annis vsitatam, iuxta illud Labani Genes. 29. *Non est in loco nostro consuetudinis, ut minores ante tradamus ad nuptias:* igitur apparet ex mente testatoris electionem filiarum deuolui ad matrem, & ideo si tradita Petro non placet, non placeat hæreditas in legato relicta. Contrarium tamen suadent iura

& spectata essentia matrimonij. Nam matrimonium ex iure, & ex essentia debet esse maximè liberum. Enim verò in iure habetur pro iniusta, & non adiecta conditione legati, quæ quis ex mente testatoris obligatur nubere iuxta voluntatem, & arbitrium Sempronij. *L. filia sue. ff. de cond. & demonstr.* Si quæ verò leges de conditionibus loquuntur, loquuntur de conditionibus non reiectis à iure. Et ita tenent Angel. *L. i. num. 54. Sylu. ibid. quæst. 3. in fine.* De libertate verò requisita ad matrimonium, iam respondi in propria materia. Et hæc est vera sententia omnino probanda.

A D L I T. M.

C A P V T XII.

Mercatorum peccata. §. I.

- 1 *An iustus sit contractus venditionis de retrouendenda re emptæ.*
- 2 *Quod peccatum potest interuenire in superiori contractu.*
- 3 *An peccet mercator non soluendo gabellam.*
- 4 *Quod vitium mercium occultum tenentur venditores detegere emptori.*
- 5 *De venditione mercium riguroso pretio, ad eas iterum emendum infimo.*
- 6 *De monopolio.*
- 7 *An liceat succos, & pigmenta feminarum vendere.*

1 **I**NTERROGATIO. Estne iustus contractus venditionis cum conditione de retrouendendo? *Resp.* Maximè, adhibitis circumstantiis necessariis. Ita Beia *cas. 7.* præcipuè cum apponitur obligatio emptori de locanda re emptæ venditori. Ita idem doctor: & tunc res vendita sub ea conditione minoris est valoris, vt claret.

2 *Int.* Quod peccatum interuenire potest in hac emptione de retrouendenda, & locanda re emptæ? *Resp.* Vñra palliata. Nam accidit aliquando, vt res vendita non sit in rerum natura. Nunquam enim extitit tale oliuetum, vel quercetum, vel ager, vel equus, & tamen emitur, & locatur. Deinde accidit, vt interim ab ipso retrouenditore, & locatario vendatur,

tur, & dum non reddit pretium retroemptionis, stipendium soluat. Accidit deinde, vt hæc omnia, & alia sciat retroemptor, & sciens continuat, & taceat, & stipendium locationis exigat, hæc est vsura palliata, cum re vera sit mutuum pecuniarum sub certa quantitate lucri, saluo semper capitali. Ita Beia casu 7.

3 Int. Peccatne mercator asportando, vel exportando merces absque solutione gabellæ sub pœna capitis, trirremium, vel amissione bonorum soluendæ? Resp. Dico primò. Si leges purè pœnales sint, minimè quidem. Ratio desumitur ex communi doctrina in materia de legibus, nam leges sæculares purè pœnales secundùm grauissimos Doctores non obligant ad culpam, sed solùm ad pœnam temporalem: ac proinde cum princeps solam exprimit pœnam, licet dubitetur, an velit obligare ad culpam, pro pœna sola interpretanda est illius mens, iuxta c. In pœnis, de reg. iuris. lib. 6. l. Si præses. l. Interpretatione. ff. de pœn. Nam Princeps potest expressè obligare ad pœnam, & non ad culpam, vt docet vterque Thom. 2. 2. q. 186. ar. 9. cum ergo non exprimit culpam, solùm obligat ad pœnam. arg. l. Cum prætor. ff. de iudic. & cap. Nonne. de præsump. Dico secundò. Non peccat talis mercator mortaliter ex eo quòd se periculo exponat mittendi ad triremes. Ratio est, quia est dominus suæ famæ, & suorum bonorum, vt notat Sot. 5. Iust. q. 10. art. 2. Nauar. c. 23. n. 52. Dico tertio. Si periculum sit amittendi vitam, peccat mortaliter se exponendo illi periculo. Ita Beia casu 13. Ratio est, quia non sumus domini vitæ. Dico quarto. Si ita prudenter se gerat, vt mortaliter nulli se exponat periculo, nec venialiter quidem peccabit. Hæc constat ex terminis, & per se est nota.

4 Int. Quod vitium mercis occultum tenentur mercatores detegere emptoribus? Resp. Tenentur sub mortali illud, ex cuius occultatione proueniet graue damnum emptori, vt si quis indigeret forti vino ad medelam, venderetur ei aqua dilutum, vel si indigeret forti equo ad longa itinera vrgentibus causis, ei venderetur equus occultè mancus, qui post duos dies progredi nequiret. Insuper teneretur ad restitutionem damnorum emergentium, & lucrorum cessantium, quoniam sciens, & volens causa iniusta fuit illorum. Ita D. Thom. 2. 2. quæst. 77. art. 2. Maior in 4. d. 15. quæst. 40. Gabr. ibi. quæst. 10. articul. 2. dub. 1. & alij plures. Dico secundò. Tenetur insuper

insuper venditor detegere emptori illud vitium mercis, quod certò scit emptorem ab emptione remoturum. Ita Cord. *quæst.* 54. *Angel. emptio.* §. 8. *Syl. ib.* §. 20. *Nauar. c.* 23. *n.* 89. cum aliis, quos citat. Ratio est, quia emptor tunc emit inuitus, & coactus illiusque rei apparente bonitate, quam mercator falsò exponit talem, vt apparet, approbando, emptorem decipiendo iniustè. In qua deceptione non leuis ei aliunde prouenit iniuria derisionis, cum prædicat rem bonam, quæ defectuosa ab aliis inuenitur. Dico *tertio*. Non est satis demere de pretio, quo æstimaretur res, si bona esset, vt apparet, pro vt talis venditur: hæc enim pretij diminutio non excusat à peccato. Ita Doctores citati: quia adhuc eadem interuenit illusio. Nouum euentum ex dictis diluit Caiet. 2.2. *quæst.* 37. *artic.* 3. aitque teneri talem mercatorem, qui sic emptorem illudit, ad detegendum vitium nouo emptori, qui à priori vult eam emere, vt bonam, atque vt talem venditam à tali mercatore fide digno. Ratio est, quia ex iniusto dolo causa est deceptionis.

5. *Int.* Petit Plato nobilis vir à Socrate mercatore mutuas pecunias: negat ille, offert tamen merces, quas Plato poterit reuendere, & succurrere suæ indigentia. Vendit Socrates rigoroso pretio, quia expectatur pecunia: emit tamen à Platone Socrates infimo pretio, quia offertur præsens pecunia iuxta rationem contractus emptionis, & venditionis, vt iam te rogavi, & rectè respondisti in propria materia ad 7. præceptum Decalogi. Rogo modò an hic interueniat vlla vsuræ palliata ratio, cum idem mercator vendat, & emat: *Resp.* Affirmat Sot. 6. *Iust. quæst.* 1. *artic.* 2. atque fuisse exco-
 gitatum modum ad lucrum capiendum ex mutuata pecunia. Veruntamen nisi adsit malitia interna, & intentio vsuraria, ex natura contractuum interuenientium, nulla committitur vsura. Ita Sylu. *vsura.* 2. *q.* 4. *Angel. ibid.* §. 60. *Nauar. c.* 17. *num.* 24. & *cap.* 23. *n.* 78. Ratio est manifesta, quia Socrates non tenebatur ex charitate succurrere Platoni mutuo dando, sed sat est succurrere vendendo. Probat id latissimè Nauarr. *cap.* 15. *num.* 72. & in *Apol. de red. eccles. quæst.* 2. *mon.* 4. Deinde, quia emere præsentì pecunia infimo pretio, vendere verò rigoroso expectata, certum est, & indubitatum. Quòd verò celebretur emptio, & venditio inter eosdem, vt posset celebrari inter alios, non tollit naturam contractuum, neque polluit

polluit bonitatem eorum, semota praua intentione, & non interueniente scandalo. Atque sic erit actus charitatis.

6 *Int.* Quid censes de pacto quod inter se promittunt mercatores (monopolium appellant) de non emendis ceteris mercibus maiori pretio, vel vendendis minori, ut ita vilius emant, & carius vendant, quam merces aestimantur? *Resp.* Graue est peccatum, & tenentur ad restitutionem omnes, & singuli. Ita communiter Doctores.

7 *Int.* Licetne pigmenta vendere, & fucos ad pingendam faciem foeminarum? *Resp.* Negat Ang. *verb. ars.* aitque esse mortale vendere meretricibus, & aliis mulierculis ad libidinem se se pingentibus: nam peccat mortaliter, qui vendit arma ei, quem scit emere ad nocendum iniuste. *c. Notum. 2. q. 1.* D. Ant. 2. p. tit. 13. c. 24. §. 11. Oppositum tamen dicendum est cum Sylu. *ars, & ornatus. q. 4.* Tabien. *ver. ars. q. 3. & ornatus. q. 4.* Caiet. 2. 2. q. 169. art. 1. Nauar. *cap. 23. num. 90.* Ratio est, quia huiusmodi ornatus ex se non est malus mortaliter, imò per eum intendi possunt multi boni fines, veluti placere marito, nubere digno, tegere naturæ defectus. Si autem malus est, malitia prouenit ex abutentium intentione, ad quem abusum non tendit voluntas vendentium, quæ tota tendit in lucrum ex iusta negotiatione. Argumentum verò non euincit, quia similiter armorum venditio ex se mala non est.

Medicorum peccata. §. 2.

- 1 *Ad quid tenentur medici ægrotos visitantes.*
- 2 *Ad quid tenentur medici circa pauperes ægrotos.*
- 3 *An medici teneantur ægrotos monere de morte vicina.*
- 4 *De medicinis adhibendis mulieri prægnanti.*
- 5 *An liceat mulierem aperire ad extrahendam prolem viuam.*
- 6 *De pœnis voluntariè abortientium.*
- 7 *An pater incurrat irregularitatem non impediendo occisionem fœtus animati.*

I **INTERROGATIO.** Ad quid tenentur medici primò, vel secundò ægrotos visitantes? *Resp.* Tenentur eos monere, ut peccata apud sacerdotem deponant, & sacram Eucharistiam suscipiant. Ita iubetur *c. Cum infirmitas. de pœn. & remis. d. 83.* Quoniam verò hæc lex fermè consuetudine abrogata erat, ideo Pius V. *motu proprio super gregem*, edito ann. 1566. illam renouauit; addidit verò ne post tertium diem ægrotum

ægrotum inuisant nisi eis constiterit per confessoris fidem scripto datam, ægrotum esse confessum. Insuper, vt in Doctōratus actu iurent, se hanc legē seruatueros. Vt tamen lex obliget, requiritur morbus grauis, & periculosus. Ita Nauar. c. 25. n. 61. cum Angel. & Rosel. contra Syl. medicus, q. 3. cum Arch. aut saltem ille, qui à principio iudicetur posse fieri grauis, & periculosus. Ita Caiet. *ver. medic.* & Suar. qui doctissimè addit posse talem medicum etiam nunc infirmum visitare in periculoso tali morbo, quanquam nolit admonitus confiteri: nam tunc obligat lex charitatis, quam nequit lex humana abrogare. Admonitio verò fieri potest, vel per se, vel per alios fide dignos. Neque est in vsu, vt fides confessarij scripto detur, & constet; sed est satis, si constet testimonio, & dicto eorum, qui ægroti curam gerunt.

2 *Jnt.* Ad quid tenentur Medici circa pauperes? *Resp.* Tenentur eos gratis inuisere. Ita iubetur c. *Noli. de pæn. & remis. d. 1.* & ideo contra faciendo peccant grauiter.

3 *Jnt.* Teneturne medicus monere infirmum de vicinitate mortis, quam præuidet? *Resp.* Negat Galen. qui medico præcipit, quantumcunque desperet de salute infirmi, ipsum confortare, & promittere illi sanitatem. Affirmat tamen D. Ambr. vt refertur *de consecrat. dist. 5. c. Contraria.* dicens præcepta medicinæ contraria esse diuinæ conditioni. Dico igitur. Peccat mortaliter medicus, qui præuidens mortem infirmi, & certò cognoscit illum non esse in bono statu, neque res eius rectè statutas, vel saltem probabiliter dubitat, & tamen tacet. Ita D. Ant. 5. p. tit. 7. c. 2. §. 4. Syl. medic. q. 2. Tab. n. 14. Nauar. cap. 23. num. 63. Ratio est, quia cniq; Deus mandauit de proximo suo, & ideo tenemur subuenire necessitati aliorum: maxima autem necessitas est periculum salutis æternæ, & optima dispositio rerum nostrarum. Hoc verò intelligendum est, etiam si medicus intelligat, quod ea necessaria monitione ægritudo ingrauescet, quia æterna salus anteferenda temporaneæ saluti. Si verò talis infirmus esset confessus, & dispositus ad moriendum, sed ex monitione meliùs diserneretur, tacere mortis vicinitatem non erit peccatum interueniente causa, & ad summum veniale tantum. Ita Beia cas. 11. p. 1. Angel. *ver. medic.* §. 6. Rosel. libi. §. 3. Ita illi admonentur cap. *Cum infirmitas. de pæn. & remis.* obligatque sub mortali, iuxta modum à nobis explicatum, vt probat Sylu. medic. quæst. 3.

quæst. 3. Hæc autem monitio satis est si fiat per alios pios viros, vt notat Caiet. in *sum. verb. medicus.* & Nauarr. loco citato, sicque recepta est illa constitutio.

4 *Int.* Quid habes de medicinis adhibendis mulieri prægnanti? *Resp.* Medicamenta, ab ipsa natura in sanitatem genita, matri de vita periclitanti adhiberi possunt, etiam cum periculo prolis per accidens perituræ. Ita Cord. *lib. 1. quæst. 38. dub. 3.* & in *add. quæst. 173.* Ratio est, quia in periculo vitæ matris extremo, etiam imminet extremum periculum vitæ prolis, ideo nisi subueniatur vitæ matris, necessario sequetur mors prolis, ideo licet per accidens sequatur ex intentâ per se sanitate matris, non illi fit iniuria. Dico *secundò.* In extremo vitæ periculo foeminae prægnantis licet vti medicina probabili ad vitam, & mortem; & experiri, virum profit ad vitam. Ita Roder. cum Almaino *verb. medicus.* Ratio est, quia in hoc experimento nulla perituræ proli fit iniuria.

5 *Int.* Est prægnans mulier in extrema vitæ periodo, licetne illam ante animæ exhalationem ad extrahendam prolem viuam aperire? *Resp.* Minimè quidem. Ita Rod. cum Sor. *verb. aduocatus. c. 5. n. 3.* Dixi, ante animæ exhalationem, quia post, cum probabilis sit opinio Medicorum prolem viuere in vtero post matris obitum, secunda est, vt saltem baptismali aqua lustretur proles.

6 *Int.* Quæ poenæ modò latæ sunt in abortum procurantes? *Resp.* Quæ iam pridem latæ erant in iure communi: nam eas ad ius commune reduxit Gregor. X I V. reuocans censuras adiectas à Sixto V. In iure verò communi abortus peccatum est reseruaturn Episcopo, si iam foetus erat animatus, & gignit irregularitatem, quia est homicidium voluntarium. Dixi, si iam foetus erat animatus; nam abortus foetus inanimati, neque est peccatum reseruaturn, neque affert secum irregularitatem. Ita Rod. *ver. aduocatus. cap. 6. n. 3.*

7 *Int.* Scit pater matrem velle occidere prolem animatam; & cum impedire possit, non impedit, incurritne irregularitatem? *Resp.* Incurrit. Ita Rodericus cum aliis, quos citat *verb. aduocatus. cap. 6. num. 3.* Ratio est, quia tenetur ex iustitia tueri vitam filij, cum potest.

Monialium peccata. §. 3.

1 De confessione mensrua monialium.

2 An

- 2 *An teneatur monialis esse in monasterio.*
- 3 *Decretum Concilij Tridentini circa moniales.*
- 4 *De nouitiatu monialium.*
- 5 *De velo virginum.*
- 6 *De velo non virginum.*
- 7 *An femina non virgo per actum occultum, teneatur non accipere velum virginatus,*
- 8 *An virgo possit consecrari.*
- 9 *Quis potest dispensare cum moniali ad exeundum monasterio.*
- 10 *Quæ causa requiritur ad dispensandum cum moniali, ut exeat monasterio.*
- 11 *An possit Episcopus dispensare cum moniali ad exeundum monasterio.*
- 12 *De extensione decreti Pij V. circa moniales.*
- 13 *An ordinarius monialium possit eas ab una in aliam domum transmittere.*
- 14 *An ordinarij monialium possint earum monasterium ingredi.*

I N T E R R O G A T I O. Statuit Concil. Trid. sess. 24. de Regul. cap. 10. quod Moniales apud confessarium singulis mensibus crimina confiteantur, quæro, an hoc præceptum illas obliget ad mortale? Resp. Minimè. Ita Suar. de pe. disp. 36. sect. 5. n. 9. Ratio est, sumpta ex verbis illius decreti, quia verbum *Admonemus*, quo Concilium utitur, non est præceptivum.

2 *Int.* Teneturne professæ monialis sub mortali intra monasterij clausuram contineri? Resp. Tenetur. Ita illi præcipitur cap. Periculo. de stat. Regul. lib. 6. Concil. Trid. sess. 25. cap. 14. de regul. & sic Pius V. proprio motu declarauit.

3 *Int.* Quæ decreuit Concil. Trid. circa moniales speciatim? Resp. Non valere earum professionem factam ante decimum sextum annum expletum. sess. 25. cap. 16. Non valere renunciationem bonorum factam à nouitia moniali, nisi fiat ante duos menses à professione; tandèmq; renunciationem esse ipso iure irritam. sess. 25. cap. 16. Ne bona mobilia, vel immobilia apud se absque licentia retineant. sess. 25. cap. 5. Ne quicquam nouitiæ præter victum, & vestitum recipiant, excommunicanturque tam dantes quàm recipientes, quouis prætextu id fiat. sess. 25. cap. 16.

4 *Int.* Circa earundem professionem occurrit dubium graue ex eodem Concil. Trid. enim verò in eadem sess. 25. c. 16. præcipit sancta synodus, quòd finito tempore nouitiatus, quos

quos superiores inuenerint habiles ad professionem admittant, inhabiles eiiciant è monasterio. Estne hoc præceptum intelligendum circa moniales? *Resp.* Minimè: ac proinde ex iustis causis potest monialibus professio deferri, ad soluendam v.g. dotem, ad recuperandam salutem, & similia. Ratio est, quia sacrosanctum Conc. Trid. solum in hoc puncto dixit nouitios, non nouitias, quas si vellet comprehendere, dixisset nouitios & nouitias, vt in eodem c. dicit. Imo quia per decretum circa nouitiatum tempora nihil voluit innouare in clericorum religione Societatis Iesu, vt ipsum Conciliū loquitur, ideo in ea sanctissimè nouitiatum tempus aliquando prorogatur, quousque de nouitio plenum experimentum capiatur.

5 *Int.* Quæ monialis potest velari, seu consecrari? *Resp.* Sola virgo mente, & corpore per integritatem claustrī virginālis. *cap. Vidua. cap. Virgines. 20. quæst. 1. cap. Vidua autem. 27. quæst. 1.* Neque in hoc potest episcopus dispensare. *cap. De votis. cap. Vidua autem. 27. quæst. 1.* docet D. Thom. in 4. d. 58. & ibi communiter Doctores.

6 *Int.* Quod velum concedunt iura puellæ corruptæ, & viduis? *Resp.* Continentiæ, seu castitatis. Ita Sylu. *verb. conf. virg.*

7 *Int.* Teneturne puella, quæ occultissimo actu virginitatem amisit per maris complexum, aut voluntariam pollutionem venereis tactibus emunctam, velum virginitatis non acceptare? *Resp.* Quantumuis occultissima sit huius virginis violatio, & virginitatis amissio, obligatur talis fœmina sub mortali consecrationis velum non petere, & multo magis non acceptare, & si velit acceptare, Episcopo detegere occultum crimen, vt in velo concedendo mutet nomen virginitatis, in nomen castitatis. Ita communis opinio cum D. Thom. in 4. d. 38. Angel. Sylu. Tabien. Armil. *virg. consecratio.* Albertin. Hostiens. Goffred. quos refert, & sequitur Maiolus lib. 1. cap. 29. num. 32. Fateor tamen me confessarios monialium plures hac de re interrogasse, vt praxis vsum certò cognoscerem, atque mihi respondisse oppositum versari in vfu, atque neque se, neque eas aliquantulo circa hoc scrupulo pungi, neque Prælatos circa id quamlibet adhibere perscrutandi diligentiam; sed pro virgine velari, consecrareque eam, quæ vt virgo communiter habetur.

8 *Int.* Est ne peccatum graue consecrare viduam virginem, quæ

quæ relicta est ante consummationem matrimonij per obitum viri? *Resp.* Si notorium est inter eos interuenisse amplexus, oscula, & alios tactus coniugibus licitos, maximè, si verò talia interfuere occultè, hoc est, non notoriè, & publicè, minimè, & sic potest consecrari. *Tex. expressus cap. Ne putet. 27. q. 1. c. Nec solo. 32. q. 5. D. Thom. 2. 2. q. 152.*

9 *Int.* Quis potest dispensare cum moniali ad exeundum monasterio? *Resp.* Summus Pontifex, & solus ex iure. Ita probat Nau. *c. Statuimus. 10. q. 3. nu. 49.* & ita dispensatum à Greg. XII I. teste Rod. *in sum. 1. p. c. 43. num. 3.*

10 *Int.* Quæ causa requiritur ad huiusmodi dispensationem? *Resp.* Grauis infirmitas, vel diuturnus morbus, qui non nisi in patria, & apud parentelæ benignitatem in pristinam redibit sanitatem. Ita citati Doctores.

11 *Int.* Possuntne etiam Episcopi, aut alij Ordinarij aliquando dispensare? *Resp.* Si monialis sit infecta morbo contagioso, veluti peste, lepra, imò Gallica lue, vt vocant, nostrates appellant *Boubas*. Item si monasterio vicinum sit incendium, & periculum conflagrationis, possunt quidem. Ita decreuit Pius V. motu proprio.

12 *Int.* Extendine licet hoc decretum Pij V. ad alios euentus? *Resp.* Ad euentum belli, cum iam hostes obsident locum, què probabile sit eos ingressuros, & inuètos partim occisuros, partim turpiter, & inhonestè tractaturos. Ita cōmuniter Doctores, Nau. tamen citato *c. Statuimus. 19. q. 3.* illud extendit ad quemlibet, quod monialis vita in mortis est discrimine, nisi exeat, & apud suos diuersetur, iuxta priorum, & sapientum medicorum iudicium. Sed immeritò, vt notat Gutterrius; est enim contra expressam Pontificis mentem; ille enim non particulari vnus monialis sed communi saluti & incolumitati voluit cōsultare, quod si non egressa monasterio moriatur celerius, quid mirum? quoniam homo natus morti soluere tenetur debitum in eo vitæ modo quem suscepit.

13 *Int.* Potestne Episcopus, & Ordinarius monialium, urgente causa, monialem ab vna domo in aliam transmutare? *Resp.* Potest. Ita Nauar. proximè *nu. 48.* & Gutterrius citatus. Ratio est, quia id cedit in bonum commune, & ideo non prohibetur in motu Pij V.

14 *Int.* Possuntne Episcopi, & Ordinarij monialiū ingredi monasteriū earum pro vt libuerit, absque causa? *Resp.* Minimè.

Ita Nau. lib. 3. conf. de stat. mon. conf. 6. ac proinde peccat graviter monialis, quæ ficta causa illos ad ingressum allicit.

Monasteria ingredientium peccata. §. 4.

- 1 De pœnis ingredientium monasteria fœminarum.
- 2 Quis innodantur talibus pœnis.
- 3 Quis potest concedere licentiam ad ingredienda monasteria fœminarum.
- 4 An peccet Ordinarius monialium ingrediendo absque causa monasterium.
- 5 De pœnis fœminarum fœcularium ingredientium monasteria.

1 **I**NTERROGATIO. Qua pœna puniuntur ingredienti monialium monasteria? *Resp.* Excommunicationis, cuiuscunque sint ætatis malitiæ capacis, & cõditionis, si absque Ordinarij licentia in scriptis data ingrediantur. Ita decrevit Conc. Trid. sess. 25. c. 11. Referuatur soli Papæ per idem Conc. Trid. c. 5. Pium V. & Greg. XII.

2 *Int.* Innodantur hac excommunicatione Papæ reservata omnes, qui quavis de causa illicita ingrediuntur monasteria monialium? *Resp.* Non leue est dubium circa bullas Pij V. & Greg. XII, nam videntur solum loqui de ingredientibus prætextu licentiarum ante eas constitutiones habitarum. Oppositum tamen declaravit viux vocis oraculo Greg. XII, teste Nau. c. statuimus. 19. qu. 3. nu. 62. & ita obtinuit usus Curix, & sacræ poenitentiarix praxis.

3 *Int.* Licetne Ordinario pro libito cuius concedere licentiam ingrediendi monasteria monialium? *Resp.* Minimè: sed requiritur causa necessaria, & aliter faciendo peccat graviter: similiter ij, qui cum tali licentia ingrediuntur. Ita Doctores communiter.

4 *Int.* Ipsine Episcopi, & Ordinarij peccant ingrediendo absque causa, pro ut illis placuerit? *Resp.* Peccant graviter. Ita Nau. consil. lib. 3. de stat. monach. conf. 6. cum aliis pluribus.

5 *Int.* Qua pœna multantur fœminæ ingredienti monasteria monialium? *Resp.* Excommunicationis. Ita Conc. Trident. sess. 25. cap. 5. & Greg. XIII. in sua constitutione, ideóque peccant mortaliter ingrediendo. Huiusmodi verò excommunicatio ligat moniales, quæ mulieres insanas, aut viros mente captos in monasterium intromittunt. Ita Nau. cap. Statutus.

inimus. 19. q. 3. n. 29. & in manu. c. 25. n. 143. colligitque rationem ex ipsa mente Concilij, quæ fuit, monasteria sacrosancta, & intacta à laica gente conseruare, quæ non leuiter laicorum vestigiis fœdantur.

Maritorum peccata circa dotis solutionem exigendam. §. 5.

- 1 *De non soluta dotis fructibus.*
- 2 *De pignoris fructibus pro dote nondum soluta.*
- 3 *De fructibus dotis expectata.*

I N T E R R O G A T I O. Non soluitur dos promissa, quid licet marito accipere, quatenus dos soluatur? *Resp.* Tantum, quantum singulis annis aliquis mediocriter industrius ex ipsa dote, salua ipsa, comparare sibi posset. Ita conceditur *cap. Salubriter, de usur.* Eamque summam determinat summus Pontifex illi deberi ex iustitia, inuito etiam socero, & renuente, ad sustinenda onera matrimonij, quoad usque dos tota reddatur. Ita Panorm. & ceteri iuris Doctores *c. Salubriter citato, Caiet. 2. 2. q. 78. art. 3. Gabr. in 4. d. 15. q. 11. Sot. 6. Iust. q. 1. art. 2.*

2 *Int.* Accepit maritus in pignus soluendæ dotis rem fructiferam, quæro an fructus pignoris teneatur computare in summa dotis? *Resp.* Minimè: sed fructus pignoris sunt mariti, & dos integræ reddenda est. Ita statuitur *c. Causam, quæ. de rescrip. cap. Cum. M. de constit. l. fin. Cod. de sed. inst. tradit Felin. & alij dicto c. Causam, quæ.*

3 *Int.* Consensit maritus verbis communibus, & solitis proferri à quouis ingenuo viro, in dilatione soluendæ dotis, rogo an in conscientia possit capere fructus pignoris accepti pro soluenda dote? *Resp.* Potest. Ita Beia 3. p. cas. 33. Ratio est, quia hæc expectatio, facta generalibus verbis, intelligitur facta secundum consuetudinem iuris. Neque per verba generalia colligitur quemuis velle cedere suo iuri: quælibet verò dispositio in dubio intelligitur facta secundum ius, & consuetudinem. *cap. Cum dilect. de consued.*

Matrum peccata circa nutritionem filiorum. §. 6.

- 1 *De nutritione filiorum.*

I N T E R R O G A T I O. Quod peccatum committunt matres circa nutritionem filiorum? *Resp.* Peccant mortaliter cum de nutrice eligenda non adhibet diligentem curam ad bonam filiorum educationem: enimvero nutricis vitia cum ipso ebibi nutricis lacte satis, superque ostendit longa rerum experientia, qua edocta Carthaginensium Regina generis ignominiam Troiano duci obiecit *Aen. 4. Nec tibi Diua parens, generis nec Dardanus auctor, perfide, sed, &c. Hircanaeque admorunt ubera Tygres.* illum imbibitæ cum lacte feritatis insimulans. Ita *Nau. cap. 14. nu. 17.* Deinde peccant mortaliter, cum filiis per triennium denegant sustentationem, seu alimenta, cum illa possunt suppeditare. Ita idem *Nauar.* Ratio sumitur ab ipsa natura, qua docemur filiorum curam agere, dum per se se alere nequeunt, ut habent brutæ ipsæ animantes, & pecudes. Denique peccat mortaliter, quæ cum intelligit ieiunium notabiliter impedire prolis creationem, siue intra, siue extra ventrem sit, attamen ieiunat, siue ieiunet ex deuotione, siue etiam ex Ecclesiæ præcepto, quia ex iure naturali obligamur ad alendam nutriendamque prolem, cui neque deuotio, neque Ecclesiæ præceptum derogare potest. Euentus occurrit memoriæ, à nemine hactenus agitata, dignus tamen notatu, & explicatu. Patitur mater graues concupiscentiæ tentationes ad incontinentiam prouocantes, seu potius cogentes: experimento didicit, nulla vi eas se superaturam, nisi ieiuniorum macie, & debilitatione, veruntamen apertè videt prolem aut perituram, aut notabile salutis detrimentum passuram propter lactis, seu matris virium defectum. Quid igitur, debetne propriam salutem spiritualem & continentiam anteferre prolis saluti corporali? Arbitror posse, & debere, iuxta charitatis ordinem, qua docemur spiritualia corporalibus antepondere, tum nostra, tum aliena, atque subsecuta mors, vel debilitas prolis per accidens subsequetur.

A D L I T. N.

C A P V T XIII.

Nouitiorum peccata. §. 1.

1 De nouitiis cum ære alieno monasterium ingredientibus.

2 An

- 2 An data cautione creditoribus, possit debitor religionem ingredi, & profiteri.
- 3 De nouitio negante se esse coniugatum, cum propter uxoris adulterium ad religionem migrat.
- 4 An peccet nouitius negando, quæ illi ab examinadoribus religionis proponuntur.
- 5 De nouitiis relinquentibus parentes pauperes.
- 6 De nouitiis credentibus parentes suos ad pauperatatem deuoturos.
- 7 An qui uouit religionem, teneatur potius parentum inopie succurrere.
- 8 An valeat professio emissa in necessitate parentum.
- 9 Quando tenetur religiosus professus exire monasterio ad subueniendum patri aut matri.
- 10 Quis potest dispensare cum religiosis ad relinquendum habitum ex causa.
- 11 An qui uouit religionem, possit acceptare Episcopatum.
- 12 De transitu ab uno ordine in alium.
- 13 De tempore nouitiatus.
- 14 De electione ad professionem.

I N T E R R O G A T I O. Peccatne mortaliter ille, qui ante solutionem debitorum religionem ingreditur? *Resp.* Peccat, manebatque olim obligatus ad satisfactionem, quomodo posset; religiosus tamen emissa votorum promissione manebat. Ita D. Thom. 2. 2. q. 189. art. 6. ad 3. Sot. 8. dist. 9. q. 1. ar. 4. Angel. verb. religiosus. Nau. c. Non dicatis. comm. 2. de reg. num. 42. Modo verò post Sixtum V. talis professio est ipso iure irrita, vt notat Rod. in sum. 2. p. cap. 4. cum Aragon. 2. 2. quem citat. Peccat igitur mortaliter ingrediendo religionem, & tenetur ad expensas cum eo factas, quia fecellit in re graui, si enim dixisset se multa debere, nequaquam admitteretur, vt iubet Summus Pontifex Sixtus V.

2 Int. Habet Titius multa contracta debita, sed habet unde facile soluantur: ipse tamē correptus subito diuini amoris flammis, statim vult migrare ad religionem, cautione creditoribus data, qua facili negotio suum recuperent. Peccatne talis ingrediendo religionem, antequam soluat? *Resp.* Nequaquam. Imò Sixtus V. id satis declarauit illis verbis: ingenti ære alieno supra vires suarum facultatum grauatos. Ita Rod.

cit. loc. Nam si facultates debitum superent, nequaquam reiciuntur à Sixt. V.

3 *Int.* Titius quoad torū separatus à coniuge adultera, vult ingredi religionem, rogatur ab examinatore religionis, an sit coniugatus, peccatne dicendo se non esse coniugatū, vt facilius admittatur ad religionem? *Resp.* Minimè. Ita Rod. 2. p. sum. cap. 6. Ratio est, quia ad illum effectum non est coniugatus, nam, vt sic, ingredi potest in religionem, teste Nau. cum communi lib. 3. conf. 8. fol. 228.

4 *Int.* Rogatus Titius, qui religionem ingredi vult, de iis, quæ in chirographo rogationum continentur, peccatne negando interrogata? *Resp.* De interrogatis alia sunt essentialia ad ingressum, & professionem religionis, sine queis tam ipse ingressus, quàm professio sunt irrita, & nulla. Alia necessaria ad vtilitatem religionis: hæc autem vtilitas, vel est magna, vel mediocris: possumus vocare cum Logicis alia necessaria ad esse, alia ad bene esse religionis. Dico igitur primò. Peccat mortaliter, qui negat necessaria ad essentiam, & validitatem, seu ingressus, seu professionis: insuper tenetur ad restitutionem expensarum, quas monasterium in eo sustentando consumpsit. Dico secundò. Peccat mortaliter, qui negat interrogata pertinentia ad magnam vtilitatem religionis. Ratio est manifesta, quia fallit in re graui, de quibus interrogatur iuridicè, & quæ detegere ex iustitia obligatur, vt si taceat morbum Gallicum, pthisin, &c. vel alium similem. Dico tertio. Peccat tantum venialiter, qui tacet interrogata attinentia ad mediocrem vtilitatem domus. Hæc est manifesta. Hæc doctrina est Nau. lib. 3. conf. tit. de Regul. conf. 25.

5 *Int.* Peccatne mortaliter, qui relinquit parentes pauperes, queis potest subuenire, & ingreditur religionem? *Resp.* Si paupertas grauis est, & actualis, hoc est, præsens, peccat mortaliter: non verò si levis, & modica. Ita D. Thom. 2. 2. quæst. 101. art. 4. & quæst. 189. art. 6. Alens. 3. p. quæst. 33. memb. 4. Angel. religio. 11. Ratio est quia ex iure naturæ tenentur filij subuenire parentibus indigentibus filiorum ope. Et ideo nullum est votum de ingredienda religione, si fuerit in actuali parentum necessitate emissum. Nam votum est obligatio voluntaria: subueniendi verò obligatio parentibus est de iure naturali; contra verò ius naturale non datur obligatio voluntaria.

6 *Int.* Credit probabiliter filius parentes deventuros decursu temporis ad magnam paupertatem, & quidem fore, ut illius ope indigeant, potestne licitè ingredi religionem? *Resp.* Potest. Ita D. Thom. 2.2. *quæst.* 101. *art.* 2. *ad* 2. Ratio est, quia filius non tenetur subuenire parentum necessitati futuræ, sed præsentī.

7 *Int.* Erant parentes Titij diuites, & in ea parentū abundantia vouit Titius ingredi religionem: ante tamen ingressum deuenērunt parentes ad magnam inopiam; ad quid igitur tenetur? *Resp.* Ad subueniendum parentibus. Ratio est, quia obligatio voti simplicis non tollit obligationem naturalem, qua tenemur subleuare parentum indigentiam.

8 *Int.* Professio nem emisit Titius existentibus parentibus in graui necessitate, vel extrema, estne valida professio? *Resp.* Valida. Ita Nau. *lib.* 3. *constit. de Regul. conf.* 29.

9 *Int.* Quando obligatur religiosus exire monasterio ad subueniendum parentibus? *Resp.* Cum necessitas est extrema, & grauis, quæ talis erat antequam ille ingrederetur. Ita D. Thom. 2. 2. *quæst.* 70. *art.* 4. *qu.* 1. Nauat. *cap.* 14. *nu.* 14. Dixi, cum grauis erat antequam ingrederetur, quia si post ingressum euenit, non tenetur: attamen potest egredi petita; licet non obtenta, à superioribus licentia, ut notat Tolet. *lib.* 5. *c.* 1. *n.* 6.

10 *Int.* Quis potest dispensare cum religiosis ad relinquendum habitum ex causa? *Resp.* Solus Papa, & non alius ab eo. Ita Nau. *c.* Nullum. 18. *q.* 1. *n.* 48. & *lib.* 3. *constit. de Reg. conf.* 54.

11 *Int.* Titius vouit se ingressurum religionem: post votum offertur ei Episcopatus, quid dicendum, teneturne implere votum, & Episcopatum non acceptare? *Resp.* Minimè. Ita responsum est à Salmanticensibus Doctoribus, teste Roder. *in sum.* 2. *p.* *cap.* 6. *nu.* 6. iuxta D. Thom. 2. 2. *qu.* 189. *art.* 3. *ad* 1. & Caiet. *ib.* Panorm. *c.* per tuas. Henriq. 2. *tom.* *lib.* 10. *de sacr. ord.* *c.* 32. *num.* 4. Ratio est, quia status Episcopi perfectior est statu religionis.

12 *Int.* Estne tutus in conscientia, qui de licentia superiorum ab vna religione migrat in aliam laxiorē? *Resp.* Si talis dispensatio iustam habuit causam tutus est: nā dispētare sine iusta causa, nec ipse Papa est potēs, & ideo qui sine causa dispētatus est ad trāsitū, in mortali peccato est. Ita Nau. *c.* Statuimus. 19. *q.* 3. *n.* 4. Ac proinde sic intelligendum est Concil. Trid. *sess.* 25. *cap.* 10. *de Regul.* cum oppositū videatur statueret.

loquitur enim de transitu absque superiorum licentia, vt explicat idem Nau. & Rod. in *sum. 2. par. cap. 6. nu. 8.*

13 *Int.* Licetne modo post Conc. Trid. detinere nouitium in religione, non emissa professione, cum dicat sancta Synodus *sess. 25. c. 16.* finito tempore nouitiatus, superiores nouitios, quos habiles inuenerint, ad professionem admittant, aut è monasterio eiiciant? *Resp.* Interueniente iusta causa licet. Ita responsum fuit & declaratum à Congregatione Cardin. teste Roderico in *sum. 2. p. c. 1. n. 3.* Et quamuis dicta Congregatio ob duas causas, quas memorat, dicat fieri posse huiusmodi temporis dilationem, quia tamen in aliis eadem est ratio, sic de eisdem dicendum, atque de illis duabus, vt rectè explicat citatus auctor. Hæc autem apud moniales satis est dos non soluta, sed quæ expectatur soluenda.

14 *Int.* Estne tutus in conscientia nouitius, qui bene scit se admissum fuisse ad professionem ex solo placito Prælati refragantibus votis maioris partis conuentus, apud quos nouitiatum egit? *Resp.* Tutissimus. Nam licet Prælati teneatur subditorum vota consulere, adeò vt peccet mortaliter nõ consulendo, quia absque tali consultatione professio est irrita, illa tamen vota sequi non obligatur, cum iudicat oppositum esse iustius. Ita Sylu. *reg. 3. nu. 13.* Panorm. *c. Ad Apostolicam, de Regular. Nauar.* citato loco, & alij plures.

Notariorum, seu scribarum peccata. §. 2.

1 *Quando peccant notarij in pretio.*

2 *De distributione causarum.*

1 **I**NTERROGATIO. Dico de peccatis notariorum, seu scribarum in pretio scripturarum? *Resp.* Peccant secundum quantitatem acceptam exigendo, vel oblatum acceptando plus, quam à lege, & Rege illis est taxatum. Ita Instruct. *confess. 2. par. cap. 29.* & Instruct. *negot. lib. 1. cap. 18.* Dixi, vel oblatum acceptando, quoniam talis acceptatio grauius poenis à Rege, & lege prohibetur eis, quas recensere nõ est huius instituti. Non tamen obligantur ad restitutionem acceptorum, quia leges illæ non sunt annullantes, sed tantum prohibentes, & ideo eos non reddunt incapaces dominij acceptarum pecuniarum, Ita Medina in *sum. lib. 1. cap. 29. §. 6.* Nau. *cap. 25. num. 52.* & Petr. Nau. *lib. 2. de restitut. cap. 3. num. 15.* Si tamen extraordinarium laborem adhibent rogatu partis,

partis, pro illo, quem iure non debebant, pretium petere, & acceptare posse nullus est qui neget.

2 *Int.* Quid censes de notariis distribuentibus aliis scribis causas, cum rogatu partium his, vel illis distribuunt? *Resp.* Credo equidem id tribuendum industriæ partium, cum expectant tempus, in quo vacua (sic enim loquuntur) maneat domus illius scribæ, ut ita possit causa ei demandari, ac proinde nullum interuenire peccatum ex parte distribuentis, licet ex intentione partium graues queant interuenire iniustitiæ, si nempe intendat v. g. corrumpere largitionibus scribam pro aliqua iniustitia committenda.

A D L I T O.

C A P. XIV.

Oppositorum in concursu beneficii peccata. §. I.

1 *An sit simonia offerre digniori oppositori pecuniam pro cedendo oppositionibus dignis.*

2 *Ad quid manet obligatus talis simoniacus.*

3 *An sit simonia cogere suffragatorem ad ferendum suffragium.*

1 **I**NTERROGATIO. Expositum est concursui beneficii; opponunt se duo, dignus, & dignior: committitne simoniam dignus, qui digniori pecuniam dat, ut desistat ab oppositione? *Resp.* Committit. Ita Sot. 9. *Iust. quæst. 6. art. 1. ad 2.* Sylu. *simon. quæst. 3. reg. 4.* Nauarr. *cap. 23. num. 102. §. 8.* Ratio est, quia dignior candidatus habet ius ad rem in illo beneficio concursui exposito; ius verò illud est quid annexum ad spirituale, scilicet ad beneficium: dare verò pecunias pro annexo spiritualibus, ut spiritualia sunt, est quædam emptio, & venditio rei annexæ spiritualibus: atqui vendere, aut emere annexum spiritualibus, pro ut spiritualia sunt, est simonia, ut docet D. Th. 2. 2. *quæst. 100. art. 4.* Sylu. *simonia. quæst. 1.* Nauarr. *cap. 23. num. 99.* Ergo cum in hac datione, & acceptione interueniat emptio, & venditio rei annexæ spiritualibus, ut spiritualia sunt, interuenit etiam simonia.

2 *Int.* Ad quid manet obligatus talis simoniacus? *Resp.* Ad cedendum beneficio, & restituendos fructus perceptos. Ita Beia 2. *p. c. 5.* Ratio est, quia ista simonia fuit realis (dicitur

enim realis illa, qua conuenitur expresse, vel tacite, & ex utraque parte completur, saltem quoad aliquam partem promissorum vtriusque partis;) ideo commissum fuit lethale crimen, & contracta excommunicatio maior, supra quam cadens presentatio, electio, confirmatio, prouisio, & quælibet alia dispositio, est ipso iure nulla, & irrita, vt decernitur *Extrau. de sim.*

3 *Jnt.* Committitne simoniam lethalem, qui metu graui cogit suffragatorem, vt ei suffragetur in concursu? *Resp.* Affirmarunt aliqui, teste Altisiodor. 3. p. tract. 21. Ratio eorum erat, quia metus est res pretio æstimabilis: nam ab illo metu se potest quisque pecuniâ redimere, atqui eo interueniente, & cogente, interuenit quædam species emptionis, & venditionis, ergo, &c. Dico tamen. Quantumuis talis metus illatio iniusta sit, & secundum metus grauitatem grauior culpa, eo tamen interueniente, & cogente suffragatio non est simoniaca. Ita Viçt. *relect. de sim.* Sot. 9. *just. q. 4. art. 3. ad 3.* Ratio est, quia metus vt sic, non habet rationem pretij. Vt sic, dixi, quia interueniente etiam cum eo vexatione iniusta, pretio tunc redimi potest. Aduertendum tamen est, posse cum metu interuenire lucrum cessans, aut damnum emergens. v. g. Nisi suffrageris mihi, faciam, vt amicitia Regis cadas: faciam, vt officium tibi tale adimatur. Et tunc metus hic ratione lucri cessantis, vel damni emergentis, multo pretio est æstimabilis; hoc supposito. Dico *secundum.* Suffragatio, & collatio beneficij tali metu data, est simoniaca; ac proinde candidatus peccat grauiter beneficium acceptando, teneturque eo cedere. Ita colligitur ex Caietan. 2. 2. q. 100. art. 5. & in *sum. verb. simon.* Innoc. cap. Tuam. de *etate & qualitat.* Nauarr. cap. 22. n. 102. §. 10. Ratio est, quia in hoc iniusto metu extrinsecè illato, sub illis expressis, vel tacitis minis lucri cessantis, vel damni emergentis, interuenit quædam emptio, & venditio rei proximæ spiritualibus, pro vt spiritualia sunt.

Occasionum peccata. §. 2.

1. *Quas occasiones tenemur euitare.*

1. **I**NTERROGATIO. Quas occasiones tenemur sub mortali euitare? *Resp.* Non nimis remotas, quia sic omnis creatura est occasio peccandi. Sap. 14. *Creatura in tentationem facta sunt, & in mscipulam pedibus insipientis. Alioqui, ait Paulus*

Paulus 1. Corinth. 5. *debuissimus de hoc mundo exire*. Item non eas, de quibus creditur tam à confessario, quam à poenitente, quod aliquando cum iis peccabit mortaliter. Ita Innocent. cap. *Omnis, de pæn. & remiss.* Cordub. in quæst. variis quæst. 4. Nam cap. *consultationi, de frig. & malef.* permittuntur Bertha, & Titius cohabitare simul vt fratres, inter quos non constitit matrimonium propter frigiditatem viri: & tamen licet non haberetur potentia coeundi, ex cuius defectu inualidum fuit coniugium, credibile est interuentura oscula, & amplexus, quæ peccata mortalia sunt. Præterea non eas, in quibus creditur difficile posse peccatum mortale vitari. Ita Gregor. Pap. c. *Negotium, de pæn. dist. 5. & cap. Qualitas. c. Contrar. eadem dist.* Docet Nauarr. in *Add. c. 3. sum.* Dico igitur eam, & solam tenemur sub mortali vitare occasionem, quæ proxima peccati est. Occasio autem proxima peccati illa, & sola est, quâ quis credit se nunquam illa vsurum, aut raro, quin peccet mortaliter, attentis circumstantiis loci, temporis, & personæ.

Occidentium, seu interficientium peccata. §. 3.

- 1 *An possim occidere inimicum, qui non vult desistere à me querendo, vt me occidat.*
- 2 *An teneatur ad restitutionem, qui occidit hominem, iam ad mortem damnatum.*
- 3 *An peccet quis occidendo, quem Princeps permittit, vt damnatus à quous occidatur.*
- 4 *De restitutione facienda hæredibus occisi.*
- 5 *An grauius peccet, qui nobilem, quàm qui ignobilem occidit.*
- 6 *An peccet maritus occidendo adulteram uxorem, deprehensam in adulterio.*

INTERROGATIO. Rem proponam satis arduam, & difficilem, sed spero fore, vt dignè responso satisfacias. casus est. Habet Titius inimicum Sempronium, qui vult Titium occidere: sapissimè à Titio, & amicis Titij rogatus non vult redire in amicitiam: cogitur Titius propter Sempronij odium, animi propositum, & minas contumacis hominis liberè exequentis animi cupiditates, exulare, propriam domum, patriam, amicos relinquere: quæro, an ad redimendam tam acerbam, & iniustam vexationem possit occidere Sempronium? *Resp.* Potest. Ita Bannes 2. 2. qu. 64. ar. 7. dub. 4. Totum fundamentum desumitur ex D. Thom. 2. 2. q. 64. art. 7. & ex Iuris

Iuris peritis. *cap. Significasti. 2. Extrauag. de homic. c. Si verò. 1. Extrauag. de excom.* quia ista contumacia actualis, est violenta actualis aggressio; sed actuali aggressioni iniquæ possum occurrere occidendo; igitur. Deinde, quia potius meæ, quam alienæ vitæ teneor consulere, quando ex alterius malitia periculo est exposita mea, teste D. Thom. 2. 2. *quæst. 64. art. 7.* mea autem vitæ in præsentī euentu, semper est actuali periculo exposita; ergo, &c. Tertio, quia licet iure naturali cuique actualem vim vi repellere. *cap. Olim. 1. de restit. spoliat. 1. scientia. §. Quicumque aliter. ff. ad L. Aquiliam.* & sæpe alibi: sed in nostro casu datur perpes actualis vis per perpetem actualem contumaciam inimici volentis me occidere; ergo, &c. Quarto, quia cum bona est electio finis, bona quoque est electio mediorum necessariorum ad talem finem, sed in nostro euentu bona est intentio meam vitam conseruandi, meaque omnia salua, & incolumia; medium autem vnicum, & necessarium, est occisio inimici, ergo bona est electio huius occisionis. Quinto, recludor domi, adest inimicus pro foribus; vt me exeuntem occidat, perseverat dies, noctesque, mensem, & annum, nec abest puncto, possum, vt nemo negat; exploso globo, vel emissa sagitta intus illum occidere, cum non superest alia ratio euadendi; ergo similiter in nostro casu. Quod si quis dicat. Potest Titius euitare huiusmodi aggressionem separando se, & fugiendo. Respondeo Titium non obligari propter superbiam, & contumaciam alienam domo sua, opibus, & amicis cedere. Denique, quia occupatorem rerum mearum iniustum possum occidere ad eas recuperandas, si aliter recuperare non possum: sed in euentu proposito talis Sempronius inimicus iniuste occupat res Titij, per contumax propositum priuandi illum patria, domo, opibus, liberis, amicis, & aliis pretio æstimabilibus; ergo licite illum potest occidere. Hæc est mea sententia, quam ingenuè cuiusuis melius iudicantis correctioni submitto.

2 *Iht.* Erat Reynaldus per iustam iudicis sententiam damnatus capite, quod quidem passurus erat supplicium, si comprehenderetur: inuenit eum Socrates; & ex maleuolentia occidit Reynaldum: rogo, an teneatur Socrates ad alimenta filiorum Reynaldi à se occisi, ac si Reynaldus pater capitis non esset damnatus? *Resp.* Tenetur. Ratio est, quia illa occisio à particulari persona facta, fuit iniusta: vbi verò est damni

damnificatio iniusta, ibi semper debetur restitutio, vt est Theologorum assertum in 4.d.15. & 2.2.q.62. cum D.Thom.

3 *Int.* Si Princeps iubeat, vt quisque possit Socratem inuentum occidere peccatne, qui Socratem interficit? *Resp.* Si Socratis scelera iustam commeruere sententiæ pœnam, minime. Nam Princeps id potest præcipere, cum aliter malefactor è vita, vt crimina exigunt, tolli nequeat. Ita Panorm. c. fin. 2. de consuetud. & ibid. Gloss. Bald. l. Omnes populi. ff. de iust. & iur. & l. Amissione. ff. de capit. dim. Ioann. Andr. in Add. ad Spec. tit. de cons. Tabien. & Armil. verb. bannitus. Exemplo Moyſis præcipientis: vnusquisque fratrem suum, & amicum pro peccato vituli conflatis occidat. Rectè tamen adnotarunt prædicti Doctores discrimen inter bannitorum occisores per permissionem legis, seu statuti, & per iussionem Principis: aiuntque occisorem permissiue peccare mortaliter, quamuis à Principe non puniatur, quemadmodum non punitur maritus occisor adulteri: occisorem verò iussiue non peccare. Et ita omnino dicendum censeo.

4 *Int.* Quantum tenetur restituere occisor hæredibus occisi? *Resp.* Hac in re certam regulam assignare, nequaquam hætenus potuerunt Auctores, ideo prudentis arbitrio relinquendum est, considerantis damnum ortum ex tali occisione, æquando plus, minúsve illud cum restitutione, vt sic fiat æqualitas inter damnum, & restitutionem, quæ quidem in indiuisibili non consistit.

5 *Int.* Quod est grauius homicidium hominis nobilis, an ignobilis? *Resp.* Nobilis. Habetur id in vtroque iure, in ciuili l. Aut facta. ff. de pœnis. canonico verò cap. Aut facta. de pœn. dist. 1.

6 *Int.* Peccatne mortaliter maritus occidendo vxorem comprehensam in fragranti adulterio? *Resp.* Peccat. Ita communiter Theologi, D.Thom. in 4. d. 37. quæst. 7. art. 1. Palud. Syluest. hom. 1. q. 2. Sot. lib. 5. iust. quæst. 3. art. 3. dub. 2. Ita communiter Iurisperiti. Textus expressus cap. Inter hæc. ibid. Gloss. singularis cap. Interfectoris. cap. Admonere. 33. quæst. 2. Abb. Annanias, Felinus in cap. Interfecisti. de homicid. Præposit. cap. Veniens. & c. 2. de sponsalib. Nauarr. cap. 15. num. 4. Couar. lib. 2. de sponsalib. cap. 7. §. 7. num. 8. Ita communiter iuris Cæsarei Doctores. Ias. l. ubi pactum. n. 16. Cod. de transact. Faber in l. Gracchus. Cod. de adulteriis. Tiraquel. lib. de iure mariti. lib. 8.

lib. 8. qui plures refert, & multo plures Barbosa tom. 2. ff. soluto matr. L. si ab hostibus. II. §. fin. num. 43. pag. 120. Quamquam ipse oppositum sentiat. Sed immerito. Nititur enim fundamento, quod non probat, ut statim dicam. Ratio est, quia sumere vindictam, est solius Dei opt. max. Eam enim sibi soli arrogavit. *Mihi vindictam, & ego retribuam.* Ezech. 9. Deut. 32. & Roman. 12. Certum tamen est leges civiles in hoc crimine connuere, atque huiusmodi vxoricidium permittere, & impunitum relinquere. Ita text. in *L. Gracchus. Cod. Ad L. Juliam, de adul. L. Maritum. ff. de adul.* non ex eo quod constituent maritum executorem poenæ à legibus impositæ adulteræ, ut sine textu, & ratione arbitratur Barbosa: sed ut euitentur adulteria. Quod si Barbosa consentiamus in legibus interpretandis, adhuc conclusio non ita affirmanda, quoniam rarus inuenietur vxoricida, qui omni vindictæ passione liber, zelo tantum iustitiæ procedat in nece inferenda.

A. D. L. I. T. P.

C. A. P. V. T. X. V.

Prædicatorum peccata. §. 1.

- 1 *An doctör, vel licentiatus in Theologia indigeat licentia Ordinarij ad prædicandum.*
- 2 *An de parochi licentia sola, possit doctus, & pius vir prædicare.*
- 3 *An peccet mortaliter, qui prædicat habens peccatum mortale.*
- 4 *An peccet qui reprehendit publicè peccata, quæ ipse occultè habet.*
- 5 *An reprehendenda sint peccata publica.*
- 6 *De reprehendentibus peccata Ecclesiasticorum.*
- 7 *Quomodo reprehendenda sint Ecclesiastica personæ.*
- 8 *De prædicantibus falsa miracula.*
- 9 *De prædicatoribus vaniloquis.*
- 10 *De prædicantibus absque licentia Ordinarij.*
- 11 *Quam censuram incurrit qui prædicat absque licentia Ordinarij.*

I INTERROGATIO. Potestne Doctör, aut licentiatus in Theologia prædicare absque Ordinarij facultate?

Resp.

Resp. Modò post Concil. Tridentin. non potest : cautum est *sess.23.cap.15.* Adnotauit Cord.in *miscel.casu* 16.

2 *Int.* Potestne prædicator de licentia cuiusque Parochi prædicare in sua parochia absque licentia Ordinarij ? *Resp.* Quisque parochus potest concedere licentiam homini docto, aut pio monacho, & prudenti, vt bis, aut ter prædicet in sua parochia absque alia licentia Ordinarij. Ita Henriq. l.7. de *indulg.* Mancius, & alij, quos citat, & sequitur Roder.in *sum.2.p.6.22.* Ratio est, quia Conc.Trid.solum in Regularibus requirit licentiam Ordinarij. Ita etiam Saa *verb.prædicare.* n.3. An verò parochus possit hanc licentiam dare laico docto, omnes negant, requiritur igitur, vt sit clericus saltem in minoribus. Ex sententia verò Saa requiritur, vt sit diaconus.

3 *Int.* Estne peccatum mortale prædicare in mortali? *Resp.* Minimè. Ita Saa *verb.præd. num.2.* Ratio est, quia prædicare non est actus ordinis sacri, sed officij publici. Amouendum tamen est scandalum,

4 *Int.* Peccatne mort. liter prædicator, qui publicè peccata reprehendit, quæ ipse occultè committit ? *Resp.* Affirmat Syluest. *correctio num.15.* Nauarr. *cap.25.num.24.* Negandum tamen est cum Caietan. 3. *part. quæst.64.artic.4.* Sot.in.4. d.1. *quæst.5. artic.6.* Rod. in *sum.2.cap.22. num.4.* Dico igitur. Si peccata sunt occulta, peccare solum vèialiter. Ita Caiet. prox. Ratio est, quia rem sanctam non sanctè peragit, & reuerenter. Si verò peccata sunt publica, peccat mortaliter. Ratio sumitur ex scandalo coram scientibus, qui dicunt: *hypocrita eiiice prius trabem de oculo tuo, & tunc incipies eiiicere festucam de oculo fratris tui* Ita Cord.lib.1. *qu.50. punct.2.* Instruēt. *confess.2.p.cap.10.col.99.*

5 *Int.* Sunt peccata publica, de quibus non speratur delinquentium emenda, speratur tamen timor communis, & virtutis maiestas ab omnibus veneranda, teneturne prædicator reprehendere talia peccata ? *Resp.* Tenetur, quoniam etsi non datur spes emendæ singulorum publicè sic peccantium; speratur tamen boni communis augmentum. Ideo D. Ioan. Baptista reprehendebat Phariseos minimè quidem corrigendos. Si verò ex prædicatione neque bonum particulare, neque publicum speretur, ei supersedendum est, ex sententia D. Hieronymi *cap.5. Amos,* & Turrecr. *cap. Non est.2.qu.*

6 *Int.* Sūt aliqui regulares prædicatores, qui vt secularibus laicis

laicis placeant detestatis verbis, aut æquipollentibus signis acriter reprehendunt Ecclesiæ prælatos, & sacerdotes, eorum vitia propalando: dic igitur, peccantne mortaliter? *Resp.* Peccant. Ita grauius cauetur *Clem. 1. §. quibus, de priuileg. & Gloss. lib. verb. detrahendo.* Imò in Conc. Lateran. à Leone XI. confirmato, anathematizantur huiusmodi prædicatores. Ratio est manifesta, quia huiusmodi reprehensio est detractio grauis, & non prædicatio in loco sacerrimo; aperientis veritati deputato. Quod præceptum est etiam extendendum ad prædicatores sæculares, quoad culpam, non quoad poenam, vt notat Roder. citat. loc.

7 *Int.* Quid igitur, silentio sunt prætereunda Prælatorum, Ecclesiasticarumque personarum vitia? *Resp.* Minimè: sed in communi debita reuerentia, & ita prudenter, vt magis videamur dolere, quàm reprehendere. Ita Nauar. *cap. 25. num. 142.*

8 *Int.* Quod peccatum est falsa miracula prædicare scienter? *Resp.* Mortale. Ratio est, quia tale mendacium grauissimam irrogat iniuriam auctoritati talis officij, imò auctoritati fidei, quæ mendaciis nequaquam nititur. Ita Saa *verb. præd. num. 4.* Et talis prædicator incurrit excommunicationem Papæ reseruatam, teste Caietan. 2. 2. *quæst. 100. & in sum. verb. excommunicatio. cap. 18.*

9 *Int.* Quid censes de prædicatoribus vaniloquis, auricolos dixerim, qui nil aliud intendunt, quam lingua loqui, & auribus titillare, multa noua, vana & ficta comptis, calami-strarisque verbis proferendo? *Resp.* Peccant grauius. Ita ex multorum sententia docet Saa *verb. præd. num. 4.* cum sunt valde inutilia. Ratio esse potest, quia verba prædicantium Christum, esse debent sagittæ potentis acutæ ad penetrandum corda: carbones desolatorij ad delenda vitia: gladij ancipites in manibus ad præcindendas occasiones. Non ita tamen prædicatio debet esse ieiuna, & sine sale, vt lepore careat.

10 *Int.* Quantum peccat, qui absque licentia Ordinarij prædicat? *Resp.* Mortaliter. Ita Saa *verb. præd. num. 4.* ex sententia multorum, quorum loca non refert.

11 *Int.* Suspendus ab officio prædicandi, manetne irregularis? *Resp.* Affirmat Nau. *c. 27. n. 183.* Ratio eius est, quia munus prædicandi est annexum diaconatui: incurrit verò irregularitatem,

laritatem, qui exercet suspensus ab officio munus solemniter annexum alicui ordini; ergo, &c. Oppositum tamen est dicendum cum Rod. in sum. 2. p. cap. 22. num. 8. ex opposito fundamento.

Prælatorum Regularium peccata. §. 2.

- 1 *Quid possunt prælati religiosi erga suos religiosos.*
- 2 *Præcipuè de Guardianis.*
- 3 *De statutis annullantibus professionem certarum personarum.*
- 4 *An Prælati Religionum possint absolvere suos subditos ab hæresi.*

INTERROGATIO. Longum esset te sigillatim interrogare de Prælati regularium, ideo profer in mediū, quid ipsi iuxta canones possint, quidve nō possint, ut ita clarum maneat, in quo peccent, aut non peccent? *Resp.* Tria sunt inter regulares superiorum genera. Generales, qui sub se habent totius ordinis regimen. Prouinciales, penes quos est totius prouinciæ gubernatio. Guardini, quibus incūbit cuiusque domus, seu monasterij administratio. Scio varia esse nomina secundum hanc, vel illam religionem, idem tamen est munus in omnibus. Dico *primum*. Omnes hi sunt verè Prælati, & veri animarum parochi, habentque dignitatem Ecclesiasticam. *cap. Ad aures. de temp. ordin. cap. Sicut literis. de Simonia.* vbi Glossa *verb. anathema.* confirmauit Concil. Tridentin. *sess. 24. num. 5.* Dico *secundum*. Omnes illi possunt esse legati a Papa. Ostendunt Sot. in 4. d. 22. *quæst. 2. articul. 1.* Nauar. *cap. 23. num. 5.* Dico *tertium*. Generales, & Prouinciales habent in suos iurisdictionem quasi Episcopalem, & ideo quidquid Episcopi possunt in suo Episcopatu, possunt Generales, & Prouinciales in tota religione, & prouincia. Notat Panorm. *cap. At si clerici. §. de adultariis. numer. 13.* Aduerterim tamen attendendas esse coarctationes, vel extensiones priuilegiorum circa hoc, quas viderint ipsi Prælati. Dico *quartum*. Neutri possunt hæresis crimen in suis subditis punire, saltem in Regnis Hispaniarum, & Lusitaniæ. Ratio est, quia talis punitio per consuetudinem, imò per priuilegium Pij IV. ad solos fidei Censores spectat, per quod derogatæ sunt literæ Apostolicæ, quas hac de re habebant religiosi, ut constat ex compendio priuilegiorum. *verb. hæresis.* Dico *quintum*. Nequeunt

Generales, & Prouinciales eximere aliquem subditum ab obedientia immediati domus superioris: neque item generales aliquem superiorem, seu Guardianum particularis domus ab obedientia Prouincialis. *cap. Fratres. 16. qu. 1. Refert Syluest. casus 7.5. Dico sextum.* Nequeunt hi superiores recipere in religionem expulsos ab ea propter delicta incorrigibilia. Ita decreuit Sixt. V. motu proprio. *Dico septimum.* Cum dubitationes suboriuntur in breuibus Apostolicis, præcipuè circa bonum commune religionis, possunt huiusmodi Prælati breuia declarare, & cogere subditos ad standum pro ea declaratione, donec sedes Apostolica consulatur. Ita Rod. *in sum. 2. p. cap. 29. num. 8. Dico octauum.* Cum subditi religionis D. Francisci abutuntur breuibus Apostolicis, possunt generales, & prouinciales illa suspendere, donec sedis Apostolicæ oraculum consulatur. Ita concessit Sixtus V. habetur in compendio *verb. priuilegia. §. 9. & 13. Dico nonum.* Possunt huiusmodi Prælati in dubiis declarare priuilegia adiunctis iuris peritis, & persona in dignitate Ecclesiastica constituta. Concessit Innoc. VIII. habetur in compendio, *Dico decimum.* Ex consensu capituli, vel maioris partis illius, possunt huiusmodi Prælati decernere, an utile inutileve sit religioni uti aliqua concessione viuæ vocis oraculo concessa. Ita concessit Leo X. habetur in compendio *ver. oraculum. §. 3. Priuilegia verò omnino tollere pertinet ad solum capitulum, Dico undecimum.* Nequeunt prouinciales religionum mendicantium relinquere domos iam acceptas: si verò relinquunt, excommunicantur, *cap. unico, de relig. domib. notat Sylu. casus. quæst. 8. & excommunicatio, 8. §. 8.* Possunt tamen id facere ex consensu generalis, concessit Sixtus IV. habetur in compendio *verbo edificatio. §. 8. Dico duodecimum.* Spectato iure communi non possunt hi Prælati ædificare noua monasteria, vbi nunquam antea extiterunt, absque Sum. Pontificis licentia. Prohibetur *cap. unico, de exces. pralat. cap. unico, de religiof. dom. lib. 6.* Insuper, neque absque licentia Episcopi diocesis, ex nouo iure Concil. Trid. *sess. vigesima-quinta de Regularib. cap. 3. in fine, abrogante quouis alia priuilegia in oppositum.* Dixi (spectato iure communi) quia ex priuilegiis aliter dicendum: habetur in compendio *verb. edificare. §. 10. & 11. Dico decimumtertium.* Obtinuit consuetudo, & interpretata est Concilium, & canones, ut non solum

noua

noua non erigere, sed neque vetera ab vno in alium locum mutare possint absque licentia ordinarij. Ita Roder. in sum. 2. p. cap. 29. num. 11. Dico *decimum-quartum*. Non possunt hi Prælati nouas erigere prouincias, neque veteres diuidere, neque vnam alteri subiicere absque licentia Papæ. Ita decreuit Nicolaus I V. habetur in compendio *ver. prouincia*. §. 1. Nam quemadmodum absque licentia Papæ neque nouus institui Episcopatus, neque vetus diuidi, neque vnus alij subiici potest, vt cautum est c. *Felix*. 16. q. 2. notat Sylu. casus q. 9. & 10. ita neque prouinciæ. Dico *decimumquintum*. Possunt hi Prælati in capitulo dispensare cum illegitimis irreligiosis ad prælatiam habendam. Ita concessit denuo Greg. X I V. notat Roderic. in sum. 2. p. cap. 29. nu. 12.

2 *Int.* Dic modò de Guardianis? *Resp.* Sunt in religionibus, vt parochi sæculares in suis parochiis, & ideo quemadmodum parochi habent iurisdictionem finitam, & in multis subiectam Ordinario, sic Guardiani subiiciuntur prouincialibus, & generalibus: limitationes verò ipsi viderint; sunt enim pro religionum diuersitate diuersæ.

3 *Int.* Estne validum statutum à generali alicuius religionis factum, vel à tota etiam religione ingressum, vel professionem inualidans certarum personarum, v.g. quia progeniti à talibus parentibus, vel nati in tali patria, vel similibus? *Resp.* Dico *primum*. Si adsint causæ, validum erit; & iustum tale statutum. Validum, quia ad validitatem professionis, vel ingressus in religionem requiritur consensus, & approbatio ipsius superioris, & conuentus libera, vti requiritur ex parte profitentis. c. *Correctum*. de Regul. Geminian. cap. *Constitutionem*. §. 1. de Regul. lib. 6. Iustum, quia non procedit ex odio personarum, sed ex zelo tranquillitatis suæ religionis, vtendo ad eam acquirendam, & conseruandam suo iure, & auctoritate, quia nemini debetur ex iustitia admissio, sed ex gratia, & liberalitate. Dico *secundum*. Per hoc statutum non decernuntur tales personæ inhabiles, & incapaces status regularis, si reuera à iure canonico non decernuntur tales. Ratio est, quia condere leges, & canones inducentes erga certas personas inhabilitatem, & incapacitatem ad statum regularem, vel ad omnes, ad certam religionem, spectat ad solum Sum. Pontificem, qui est superior omnium religionum & personarum admittenda-

rum in eas. Dico *tertium*. Per hoc statutum particularis superioris, & religionis nil aliud fit, quàm denegari consensum, placitum, & approbationem superioris, & religionis, sine quo tam professio, quàm ingressio est inualida. Ita doctè adnotauit Beia Lusitanus p. 4. casu 34.

4 *Int.* Possuntne religiosi Prælati absoluere suos subditos ab hæresi per accidens occulta? *Resp.* Attendenda sunt cuiusque ordinis priuilegia. Spectato tamen iure communi, non possunt. Ratio est, quia licet erga proprios subditos possint, quod possunt Episcopi in potestate iurisdictionis, & Episcopi possint absoluere suos subditos stando in iure communi, ab hæresi per accidens occulta, possunt non vt Episcopi, sed vt Inquisitores facti à iure communi, & modò à Concil. Tridentino.

Prælatorum monialium peccata. §. 3.

- 1 *Quæ ætas requiritur in Abbatissa, & Priorissa.*
- 2 *An deficiente quadragenaria in monasterio, eligenda sit ex alio monasterio.*
- 3 *Quid faciendum si ex electione alterius monasterij oriantur rixæ.*
- 4 *Quod est peccatum mentiri circa ætatem.*
- 5 *Quæ forma requiritur ad electionem.*
- 6 *An requiratur confirmatio Prælati ad validitatem electionis.*
- 7 *Quid si confirmaturus longè abest.*
- 8 *An possit eligi bigama in Prælatam.*
- 9 *Quæ fœmina censenda est bigama ad electionem.*
- 10 *An possit illegitima eligi in Prælatam.*
- 11 *An possit eligi filia Subdiaconi, Diaconi, & presbyteri in Prælatam.*
- 12 *An possit eligi filia histriionis.*
- 13 *Quomodo ferenda sunt suffragia.*

I N T E R R O G A T I O. Quæ ætas requiritur, vt monialis eligatur in abbatissam, præfectam, præpositam? *Resp.* Quadraginta annorum spatium: insuper quòd sint octo anni transacti à professione laudabilis vitæ. Ita decreuit Conc. Trid. sess. 15. cap. 7. de Regul.

2 *Int.* Non est in monasterio quadragenaria, quæ igitur eligenda? *Resp.* Quadragenaria alterius monasterij eiusdem regulæ.

3 *Int.*

3 *Int.* Si de foris veniat, dabitur occasio simultatibus, & odiis, quæ eligenda? *Resp.* Tunc vna triginta annorum, & post quinque annos professionis, Ita Roder. in sum. 1. p. c. 105. num. 4.

4 *Int.* Quod est peccatum mentiri circa ætatem ad obtinendam prælationem? *Resp.* Mortale, quia deceptio in re gravissima.

5 *Int.* Quæ forma servanda in abbatissæ, vel priorissæ electione? *Resp.* Vt suffragia, & vota eligentium secretò suscipiantur. Ita decrevit Conc. Trid. sess. 25. de Regul. cap. 6. Et aliter facta electio est per ipsum Concilium irrita. Redditur insuper monialis electa, si electioni consentiat, ad religionis officia habenda deinceps inhabilis.

6 *Int.* Præter electionem legitimam, requiritur ne insuper confirmatio ipsius electionis per Prælatum, ita ut peccet talis electa suum munus exequendo, & irrita sint omnia ante confirmationem facta? *Resp.* Maximè. Ita decernitur c. Qualiter. c. Nostri. c. Bonæ memoriæ. de elect. c. Iamdudum. de præbend. & ibi Doctores omnes.

7 *Int.* Abest longissimè confirmans, licebitne tunc sola electione uti, & munus exequi? *Resp.* Licebit, & gesta robur habebunt. Textus cum Glos. c. Nihil. §. fin. de electione. Probat Maiolus lib. 1. cap. 29. num. 24.

8 *Int.* Potestne eligi in abbatissam, vel priorissam bigama? *Resp.* Minimè. Textus expressus in Auth. de sanct. Episcopis. §. Diaconissam, & in Auth. Diaconissam. Cod. de Episcop. & clericis. & cap. Nemo. 88. dist.

9 *Int.* Dicendane est bigama in ordine ad prælaturam, quæ post castitatis votum stuprum commisit? *Resp.* Dicenda. Textus expressus c. Quotquot. 27. q. 1. atque ibi Glo. Episcopum cum tali non dispensare. Potest verò cum alia, ut claret ex superioribus capitibus.

10 *Int.* Potestne eligi illegitima? *Resp.* Minimè. Textus expressus c. In quibusdam. de pænis. vbi Glos. Abb. Insuper Glos. cap. Indemnitatibus. §. 1. ver. canonica. de elect. lib. 6. ibi. Gemin. quos refert, & sequitur Maiolus lib. 1. c. 29. nu. 10. & sum. confessor. lib. 3. tit. 24. quæst. 1.

11 *Int.* Potestne eligi in prælatam filia clerici in sacris constituti? *Resp.* Minimè. Quia itidem infamis est in iure. Ita Maiolus lib. 1. cap. 29. nu. 12. cum aliis.

12 *Int.* Requiriturne ad legitimam electionem, ut suffragia ferantur scripto secreto? *Resp.* Ex vi verborum Concilij minimè: verba enim Conc. sunt; eas audiat, & recipiat, hoc est, moniales suffragantes. Ita Roder. in sum. 1. p. cap. 105. num. 4.

Parentum peccata erga filios. §. 4.

- 1 De patre minuente legitimam filiorum.
- 2 Quantum obligati sunt patres erga salutem spiritualem filiorum.
- 3 Quo supplicio licet parentibus afficere filios.
- 4 De parentibus filios exponentibus.
- 5 An peccent parentes cogendo filios ad religionem, vel matrimonium.
- 6 Qui censentur in iure filij spurij.
- 7 An sit spurius filius natus ex uxorato, & soluta per occasionem compressa.
- 8 An filius natus ex uxorato, & soluta per occasionem compressa, possit institui parentum hæres.
- 9 An parentes possint legare filijs spurij.
- 10 An parentes laici possint ditare filios spurios.
- 11 An clerici possint ditare filios spurios.
- 12 An parentes teneantur alere filios spurios.
- 13 De educatione filiorum spuriorum.
- 14 De hereditate relicta sub pacto alicui extraneo, ut tradatur filio spurio.
- 15 De hereditate relicta sub mera confidentia extraneo, ut tradatur filio spurio.

1 **I** N T E R R O G A T I O. Quod peccatum committit pater minuendo notabiliter legitimam filiorum per liberales donationes? *Resp.* Mortale. Ita Iason in l. hoc iure. ff. de iust. & iur. Rod. in sum. 1. p. c. 13. n. 2. Dixi, per liberales donationes, quia per remuneratorias non ita dicendum: has enim & potest pater facere, & debet, nam in eis filiorum consulti utilitati.

2 *Int.* Tenenturne patres sub mortali auxiliari spirituali filiorum saluti providendo illis necessaria ad talem vitam? *Resp.* Tenentur; & ideo peccant non edocendo illos doctrinam Christianam, quæ necessaria est ad salutem. Item non eos remouendo ab occasionibus peccati: ideo peccant conniungendo

in eorum vitiis, veluti in amatorii illecebris filiarum, amoribus impuris filiorum, cum possunt eos, licet per cibi, vestitusque subtractionem, à tali culpa deducere. Denique idem peccatum committunt patres, atque filij, cum illos, si possunt, non corrigunt. Hinc colligit D. Thom. 2. 2. *quæst.* 154. *art.* 4. & Caiet. *ib.* peccare mortaliter parentes, cum sinunt filias sponfas vacare tactibus impudicis cum sponfis, quia hi tactus sunt peccata mortalia.

3 *Int.* Licerne parentibus filios ad correctionem verberare, domi retinere, illaqueare, vel quid simile eis facere? *Resp.* Licet. Ita Syluest. *percussio. & verberatio. ib.* Caiet. præterea D. Thom. 2. 2. *q.* 65. *art.* 2. Sot. 5. *Iust.* *q.* 2. *art.* 2. Quod quidem asserendum est de verberatione, percussione, & retentione moderata absque damno notabili, zelo solius emendæ in posterum, vel supplicij in præteritum, quatenus inseruit correctioni in futurum: supplicia enim simpliciter, quæ poena peccati sunt, quatenus graua, non ad œconomicam, sed ad publicam gubernationem spectant.

4 *Int.* Quantum peccant, qui exponunt filios absque necessitate? *Resp.* Mortaliter. Ratio est, quia ipsum naturæ ius obligat parentes ad filiorum educationem.

5 *Int.* Cogere filios ad matrimonium, vel ad statum religiosum, quod est peccatum? *Resp.* Si non adsit causa grauis, graue est lethale. De matrimonio constat ex multis canonibus asserentibus debere esse maximè liberum. Ita c. *De nuptiis. cap. Si verum.* 31. *q.* 2. & ex Conc. Trid. *sess.* 24. c. 9. *de reform. matr.* Vbi sancta synodus omnibus cuiuscunque gradus, dignitatis, & conditionis existant, præcipit sub anathematis poena ipso facto, ne quouis modo directè, vel indirectè, subditos suos, vel quoscunque alios cogant, quo minùs liberè matrimonia contrahant. Quæ excommunicatio licet in patres non cadat, vt explicauit Congregatio Cardinalium, & declarauit Greg. XIII. præceptum ad eos est extendendum. De ingressu verò religionis coacto prohibet idem Concilium *sess.* 25. c. 17. & 18. *de Regular.*

6 *Int.* Quoniam te interrogaturus sum de peccatis patrù erga filios spurios, dic priùs, qui cèsentur in iure filij spurij? *Resp.* Spuriorum nomine intelliguntur omnes, & soli ex damnato concubitu orti. Dicitur verò damnatus concubitus inter vtrumque vxoratum, & ex eo concubitu orti filij

appellantur nothi. Inter vxoratum, & solutam filius ortus appellatur ex adulterio. Inter vxoratum verò, & virginem, appellatur filius ex stupro, & adulterio. Aliter tamen opinatur Cou. in *Epitom. cap. 8.* arbitratur enim filium dici spurium, qui nascitur ex parentibus ad contrahendum inhabilibus tempore conceptionis & natiuitatis.

7 *Int.* Non dicitur igitur filius spurius in iure ex vxorato & soluta, cum soluta non erat vxorati concubina ex consuetudine? *Resp.* Verum quidem est. Ita Beia 2. p. casu 12. (Quamquam repugnet Couar. quia talis filius conceptus, & natus est ex parentibus ad contrahendum inhabilibus, vt proximè ostendi.) Ratio est, quia damnatus concubitus per leges est, qui punitur ab ipsis legibus, non punitur verò vxoratus cū soluta, imò publicè dicitur impunitus. *L. Quæ adulterium. Cod. de adul. L. si vxor. de adulter.* Bartol. *L. Verum. de furtis.* & ideo iure ciuili talis concubitus non appellatur adulterium. *L. 1. Cod. de adulter.* Neque vxor contra maritum habet actionem. *cap. Apud. 32. q. 1. §. publico.* Hæc secundum ius commune: secundum verò ius particulare idem dicendum: etenim secundum ius Lusitanum *lib. 5. Ord. tit. 28. §. 1.* solum punitur concubitus vxorati, & concubinæ, nostrates appellant *Barregam*: concubina verò est sola illa, qua per consuetudinem quis vititur, non verò illa, qua quis vititur casu, & fortuna, vt ita dicam.

8 *Int.* Possuntne parentes instituere hæredes filios natos ex vxorato, & soluta non concubina? *Resp.* Possunt, imò ipsis parentibus succedunt in hæreditatem. Tradit Bartol. *L. 3. de concubinis in initio.* Tiraquel. *L. si vnquam. Cod. de reuoc. donation. ver. suscepit liberos. num. 51.* Paleothus *lib. de nothi. cap. 42.* Ratio eorum est, quia non repelluntur in iure à successione parentum tam paterna, quàm materna, nisi spurij orti ex damnato concubitu: spurij verò orti ex vxorato, & soluta non concubina, non dicuntur orti ex damnato concubitu, vt patet ex proxima responsione. Ergo non solum institui possunt hæredes, sed succedunt vtrique lineæ, seu paternæ, seu maternæ hæreditario iure.

9 *Int.* Estne parentibus cautum à iure, & prohibitum legare filiis spuris? *Resp.* Maximè. Ita cautum est in *Auth. Quibus modis natur. effic. L. vnica. §. finali. Authen. Licet. Cod. de natural. liber. L. cum acutissimi. ff. de fideicommissis.* Circa clericos

clericos specialiter sanxit Pius V. *Extrav. Quæ ordin. Ecclesiast. noxia esse*. Ideo tale legatum testamento relictum, est nullum, quippe quod contra leges, & canones.

10 *Int.* Possuntne parentes laici ditare filios spurios, dum viuunt, siquidem eos instituere hæredes nequeunt? *Resp.* Qui carent legitimis filiis, possunt absque peccato filios spurios ditare propriis bonis, dum viuunt, atque illis sub eorum nomine emere redditus annuos, & filij possunt talia bona tuto conscientia retinere. Ita Sot. 4. *Iust. quæst. 5. art. 1. ad 4. Beia 2. p. casu 12.* Ratio est, quia leges omnes latæ circa filios spurios laicorum solum prohibent successionem eorum parentibus iure hæreditario, aut testamento post parentum mortem, atque ita vsu sunt receptæ absque vlllo scrupulo.

11 *Int.* Possuntne idem clerici circa filios spurios? *Resp.* Minimè. Ita cauetur in bulla Pij V. *Quæ ordini Ecclesiastico noxia esse*. Vbi apertis verbis id præcipit Sum. Pontifex, & ideo non solum prohibet, ne hæredes instituantur, verum etiam reddit eos inhabiles, & incapaces ad obtinenda, quocunque titulo, etiam gratuito, bona quæcunque paterna. Quod fecit ad obuianum damnis Ecclesiæ, cuius substantia in periculo est propter ditationem filiorum clerici, vt ait Pelagius Papa *cap. De Syracusanæ urbis. d. 28. Glos. in cap. Peruenit. & Conc. Trid. sess. 25. cap. 1. de reform.*

12 *Int.* Tenenturne parentes filiis spuris alimenta suppetitare? *Resp.* Tenentur iure naturali, nam qui dedit esse, tenetur illud conseruare, esse verò, quod dedit filio pater, conseruatur per alimentum. Præterea, vt naturalis est appetitus generandi, & relinquendi sibi simile, ita naturale est conseruare hoc sibi simile: hoc verò simile conseruatur per alimenta; ergo, &c. Tenentur insuper ex iure diuino, & Ecc. 30. *Læta filium, & parentem te faciet.* Tenentur iure positiuo canonico. *Cap. Cum haberet. de eo, qui duxit in matrimonium.* Tenentur iure ciuili, quia in hoc casu statuitur iure canonico, teste Pannorm. in *Aut. ex complex. Cod. de incestis nup.*

13 *Int.* Tenenturne æqualiter pater, & mater alere filios spurios? *Resp.* Tenentur. Ita Beia *cas. 14.* Ratio est, quia hæc alimenta debentur iure naturæ: ius verò naturæ æqualiter conuenit vtrique in defectu alterius. Quo iure etiam tenentur clerici, & religiosi, cogunturque ad ea reddenda in utroque foro. Ita Pan. cum cōmuni. *c. cum haberet. de eo, qui duxit in*

matr. Bart. in Auth. ex complexu. Cod. de nupt. Decius citans multos alios. cap. Clericis. de iudic. num. 2. Lapis in relect. capit. Per vestras. de donat. inter vir. & vxor. §. 23. n. 12. Nauar. in com. de spol. cleric. §. 19. Ratio est, quia educatio liberorum est debita iure naturali. c. Jus naturale. 1. dist. & L. 1. §. ius naturale. ff. de iust. & iure. Leges verò humanæ non possunt derogare iuri naturali, vt claret, & notatur cap. Sunt quidam. 25. quæst. 1. L. Id quod nostrum. ff. de reg. iur. cap. Inferior. 12. dist. c. Ex insinuatione. de appellat. Ideo Auth. Ex complexu. Cod. de incestis nupt. nullibi gentium est in vsu, quatenus negat alimenta spuriiis. Neque Coelestinus Papa I I I. in cap. Per venerab. qui filij sint legit. loquitur assertiuè, sed recitatiuè, cum inquit, iure ciuili negari nequeunt spuriiis alimenta, vt notat Paleoth. tract. de nobis. c. 46. & Vega 2. p. casu 3. Ideo oppositum asserere, est iuri naturali repugnare. Hinc manifestò colligitur, posse Clericos, imò debere filias suas spurias dotare. Nam dos succedit loco alimentorum, vt notant Doctores in L. vxorem. §. Pater naturalis. ff. de leg. 3. Ergo si tenetur ad alimenta, tenetur ad dotem, vt coniugata honestè viuat. Alimentorum autem nomine veniunt non solùm, quæ præcisè requiruntur ad alendam vitam vtcunque, sed cum decentia status. Ita latè probat Beia 2. p. cas. 12. arg. L. Uxorem. §. pater naturalis. ff. de legib.

14 *Int.* Peccatne lethaliter pater, qui extraneum relinquit hæredem pacto inito sub confidentia, vt spurio filio ea bona reiecta tradat? *Resp.* Peccat. Quia tali testamento fraudem facit iustæ legi, & eam transgreditur in re graui. L. Non intelligitur, de iure fisc. Bart. L. fin. de his, quibus. Neque quod pater facere iustè per se nequit, potest facere per alium. L. 1. §. Siue itaque. Cod. de natur. liber. Deinde, quia testamentum fraudulentum æquiualeat iniusto, nam fraus semper est alicui iniusta, & iniuriosa, iniustitia verò in re graui est mortale. Bald. L. 1. de nat. liber. Bart. cons. 194. Decius cons. 311.

15 *Int.* Peccatne talis pater, cum nullo expresso pacto, sed mera animi confidentia hæredem instituit extraneum? *Resp.* Minimè. Ita Bal. L. Si ij. de iud. Ratio est, quia illa mera confidentia est sola spes gratitudinis: gratitudinem verò sperare de homine nobili, & honesto viro, laudabile est, & naturale. L. Jra fidei. §. fin. de iure fisci.

Parochorum

Parochorum peccata. §. 5.

- 1 De laico accipiente beneficium curatum.
- 2 Quoties tenetur parochus celebrare pro parochianis.
- 3 Quoties tenetur parochus audire confessiones parochianorum.
- 4 De obligatione parochi tempore pestis.
- 5 De administratione confessionis, Eucharistiae, & baptismi tempore pestis.
- 6 An tempore pestis satis sit parochus succurrere omnibus per alium coadiutorem.
- 7 De obligatione parochi circa edocendam doctrinam christianam.
- 8 An publicus peccator possit retinere beneficium.
- 9 De residentia parochorum.
- 10 Quae causa excusat à non residendo.
- 11 De electione patrinorum contra parentum voluntatem.

I N T E R R O G A T I O. Qui laicus adhuc suscipit beneficium curatum ad quid tenetur? *Resp.* Peccat mortaliter, si non habet animum suscipiendi presbyteratus ordinem, & curam agendi susceptarum ovium. Tenetur insuper ad restitutionem perceptorum fructuum toto tempore, quo non mutavit animum. Dico *secundò*. Si beneficium suscepit animo clericandi, sed mutat animum, & statuit iubere, peccat retinendo beneficium, & tenetur ad restitutionem fructuum perceptorum à die mutati animi. Ita Nau. c. 25. n. 124. Sot. 10. *Iust. q. 5. art. 6.* Gabr. in 3. d. 15. q. 8. Tolet. lib. 5. cap. 5. ex c. *Commis. de elect.*

2 *Int.* Quoties tenetur celebrare pro parochianis? *Resp.* Ad singulos dies illum obligat Sot. 9. *Iust. q. 3. ar. 1.* si redditus sunt pingues. Toletus verò lib. 5. c. 5. saltem ad dominicos, & festos dies, & ad nonnullos alios intra hebdomadam. Standum tamen consuetudini regionum toleratae, & observandae absque scrupulo. Haec autem apud nostrates solum ad dominicos & festos dies obligat, etiam si fructus pinguissimi sint.

3 *Int.* Quoties tenetur parochianorum confessiones audire? *Resp.* Dico *primum*. Quoties ipsi parochiani confiteri tenentur ex praecepto. Ita omnes. Richard. in 4. d. 18. art. 2. q. 3. Maior in d. 17. q. ult. Sylvest. *confessor. 1.* §. 18. Armil. *absolutio. num. 27.* Dico *secundum*. Non solum cum parochiani ex praecepto obligantur, tenentur parochi illos confitentes audire:

audire : sed etiam aliis temporibus , cū subditi opportuno tempore , & iusta de causa velint confiteri , nullaque subsit ratio negandi. Et ideo si necessitas parochianorum grauis sit, peccabit parochus negando : erit autem grauis, cū oportet ad superandas graues tentationes , vel ad lucrandas magnas indulgentias, & similes: alioqui non peccat plusquam venialiter; vel non peccabit, si subditus nimius sit. Ita Adrian. q. 5. de confess. dub. 8. Sot. d. 18. q. 4. art. 2. Nauar. c. consideret. de pæn. d. 6. n. 152. Suar. de pæn. d. 32. n. 3. qui grauius reprehendunt superiores auctores, quos in proxima conclusione citauimus oppositum asserentes. Ratio eorum est , quia parochi tenentur subuenire non solum extremæ necessitati ouium: sed magnæ earum vtilitati providere. Ita Card. Tolet. lib. 4. cap. 5. num. 7.

4 Int. Tenentur ne parochi cum periculo propriæ vitæ, ministrare sacramenta necessitatis suis ouibus , cum non adest alius, qui ministret ? Resp. Cū datur periculum damnationis æternæ subditi , & non est , qui tali periculo subueniat, nisi parochus , tenetur ipse cum vitæ corporalis periculo (si non adsit periculum propriæ salutis æternæ) subditis ministrare sacramenta. Imò , & quiuis alius Sacerdos in eodem periculo. Hæc est certissima ex principiis charitatis , quæ obligamur anteferre bonæ proximi spiritualia nostris corporalibus, vt iam respondi ad primum decalogi præceptum. Concors est Theologorum sententia in 2. 2. quæst. 26. art. 5. Alenf. 3. p. quæst. 189. num. 3.

5 Int. Suppono non esse Sacramenta absolutæ necessitatis confessionem Eucharistiam, imò baptismum : nam adhuc superest remedium contritionis , quæ aditus habens votum recipiendi illa tria sacramenta, saluabitur, si ea non possit recipere re ipsa. Quæro igitur , vtrum ratione officij teneantur parochi ministrare hæc tria sacramenta subditis peste infectis cum probabili periculo infectionis, & ex consequenti subeundæ mortis ? Resp. Negat Auctor Speculi Episcop. lib. 1. disput. 1. quæst. 1. cap. 5. Armil. verb. Episcopus. num. 6. Tabien. ibid. num. 5. Insinuat Maiolus lib. 2. de irregul. cap. 20. Abul. quæst. 306. in c. 22. Matt. resp. ad 3. qui omnes solum obligant parochum tempore extremæ necessitatis. Ratio eorum est. Non maiori obligatione tenetur parochus succurrere necessitati ouium, quàm ipsæ oues teneantur propriæ necessitati subuenire : sed oues non tenentur cum probabili vitæ periculo

periculo sacramenta poenitentiae, & Eucharistiae suscipere, sed solum ad habendam contritionem; ergo, &c. De sacramento poenitentiae affirmat Maior in 3^a d. 17. quæst. ultim. Ratio eius est, quia hoc sacramentum in eo euentu est medium necessarium ad salutem, teneturque subditus illud sumere; ergo, & parochus illud ministrare, cum ex negatione oritur mortale periculum salutis, ut latè probat idem Doctor. De sacramento poenitentiae, & Eucharistiae affirmat itidem Nauar. in sum. cap. 24. num. 10. & cap. 25. num. 133. Ratio eius est, quia ad utrumque obligatur subditus ex præcepto. Nam tenetur ex præcepto charitatis ad confessionem, ne se exponat periculo salutis æternæ. Ad Eucharistiam verò per modum viatici ex præcepto diuino, ergo, & parochus illa tenetur ministrare. De sacramento poenitentiae, Eucharistiae, & extremæ insuper vnctionis affirmant Gabr. in serm. Domin. 4. post Pentecost. quæst. de fuga pestis. concl. 4. Cordub. 1. & 2. Echius homil. ultim. Dom. 2. post Pascha. Claudius Spenseus in 1. ad Timoth. lib. 3. cap. 19. Ratio eorum est, quia tria hæc sacramenta sunt maximè necessaria subditis; ergo ad illa ministranda obligatur parochus. Dico primum. Maior obligatio est in nostro euentu in parochis, quàm in aliis sacerdotibus. Ratio est manifesta, quia ratione fructuum tenentur non solum ex charitate, sed etiam ex iustitia: ut miles tenetur ex iustitia ratione stipendij pugnare pro patria, & subditi possunt ab eis ex iustitia petere talem sacramentorum administrationem. Dico secundò. Tenentur in eo euentu non fugere. Ita citati Doctores, & qui tractant de residentia. Rebuff. in pract. benefic. cap. de dispensat. non residentium. Imola cap. ult. de clericis non resident. D. Thom. 2. 2. quæst. 183. art. 5. & quodl. 12. quæst. 18. art. 3. D. August. epistol. 580. & serm. 50. de verb. Domini, & serm. 50. eodem tit. & serm. 149. de tempore. Tolet. lib. 4. cap. 10. num. 6. Ratio est, quia in eo euentu tenetur parochus ministrare sacramenta, item residere: nam ita nos docuit Christus Dominus Ioan. 10. Bonus pastor animam suam ponit pro ouibus suis. Saa verb. paroch. num. 1. Obiicies. Iuxta consilium Christi Domini, Matth. 19. licet relinquere gregem ad euitandam mortem imminentem ob persecutionem tyranni. Si vos persecuti fuerint in una ciuitate, fugite in aliam: ergo licet eundem gregem deferere ad euitandam mortem imminentem ob pestem, &c. Resp. negando antecedens: si grex maneat in

in periculo amittendi fidem. Ita D. August. *lib. 1. contra epist. Gaudenij*. Caietan. 2. 2. *quest. 185. art. 5.* Et ideo eadem est in utroque periculo ratio. Decreuit apertis verbis Nicolaus Papa *cap. Sciscitari. 7. quest. 1.* Vbi habetur celebris illa sententia. Si perniciosum est nautam in tranquillitate nauim deferere, quanto magis in fluctibus?

6 *Int.* Satisne erit per se, vel per alium huic necessitati subuenire? *Resp.* Est satis per alium idoneum. Ita Suar. *tom. de pæn. disp. 44. sect. 3. num. 10. & 11.*

7 *Int.* Quantum peccat, cum nimium est negligens in edocenda doctrina Christiana, & edocendis iis, quæ sunt necessaria ad salutem? *Resp.* Mortaliter. Ita Saa *ver. parochus. num. 5.* ideo peccat non explicando symbolum Apostolicum: mysteria etiam Trinitatis, & Incarnationis tantopere ad salutem necessaria, & decalogum, & orationem Pater noster. Ita Beia 2. *p. casu 26.* habeturque in Conc. Trid. *sess. 23. c. 1.*

8 *Int.* Peccatne mortaliter, qui cum sit publicus peccator, neque de emenda curet, beneficium retinet? *Resp.* Peccat, tum suscipiendo, tum retinendo beneficium. Ita Tolet. *lib. 5. cap. 5. num. 6.*

9 *Int.* Peccantne parochi non residendo? *Resp.* Siue residentia sit de iure diuino, siue humano, peccat mortaliter parochus non residendo absque iusta causa.

10 *Int.* Quæ causa excusabit parochum à non residendo? *Resp.* Ad absentiam breuem duorum, triumue mensium, iuxta Conc. Trid. *sess. 23.* quæuis sufficit rationalis causa, arbitrio Ordinarij talis iudicata, si per alium ouibus æquè prouisum sit. Tale erit negotium quoduis graue, necessitas adeundi magnatem, ægritudo alibi curanda. Ad absentiam verò longam vnius, duorum, vel plurium annorum oportet, vt ad illam vrgeat charitas Christiana, hoc est, proximorum utilitas, aut necessitas propriæ salutis, aut periculum vitæ. Quod intelligo, nisi inde sequatur quibus spirituale detrimentum; tunc enim bonus pastor debet animam suam ponere pro ouibus suis. Ita Card. Tolet. *lib. 5. cap. 5.*

11 *Int.* Circa officium parochi dubium occurrit, an peccet eligendo paternos præter, aut contra voluntatem parentum infantis? *Resp.* Apponam prius verba Conc. Trid. *sess. 24. de ref. c. 2.* circa ordinem patrinorum ita statuentis. Parochus antequam ad baptismum conferendum accedat, diligenter ab

iis, ad quos spectabit, sciscitetur, quem, vel quos elegerint, ut baptizatum de sacro fonte suscipiant, & eum, vel eos tantum admittat. Quod si alij ultra designatos baptizatum tetigerint, cognitionem spiritualem nullo pacto contrahant, constitutionibus in contrarium facientibus non obstantibus. Si parochi culpa, vel negligentia secus factum fuerit, arbitrio Ordinarij puniatur. Dico igitur *primam*. Amoto contemptu, si parochus non seruet hanc constitutionem, minimè peccat lethaliter. Probatur efficaciter, quia obligatio legis pendet ex intentione legislatoris: hæc verò intentio exprimitur verbis, teste D.Th. 2. 2. q. 186. art. 9. Panorm. cum communi in c. Nam de constit. Syl. ver. lex. qu. 8. & 17. Hic verò canon non profertur verbis præceptiuis, sed ordinatiuis, & ideo est ordinatio, non præceptum: atque saltem est dubium, an obliget ad mortale: in dubio verò culpæ, pro veniali iudicandum est, tex. L. Interpretatione. L. si præses. ff. de pænis. c. In pænis. de reg. iuris. lib. 6. Deinde, quia hic canon non est pœnalis, imponens pœnam arbitrariam iudicio Ordinarij: canon verò imponens pœnam arbitrariam, aut graui minorem, non obligat ad culpam grauem, ut ait Syluest. *Inobedientia*. Gandau. quodl. 3. quæst. 22. Angel. verb. Lex. ver. ieiunium. hic verò canon non imponit pœnam grauem excomm. maioris, vel aliam, sed arbitrariam, nec præcipit sub virtute obedientiæ.

Pensionarij peccata. §. 6.

- 1 Quis potest concedere pensionem.
- 2 An Papa possit sine causa concedere pensionem.
- 3 Quæ erit causa iusta ad pensionem.
- 4 An sit simonia vendere pensionem.
- 5 De simonia in permutatione beneficiorum.
- 6 Quando peccant pensionarij.

1 INTERROGATIO. Quis potest concedere pensionem? Resp. Solus Papa. Non habetur in iure, sed ex consuetudine. Ita Tolet. lib. 5. cap. 83.

2 Int. Requiritur ne causa iusta, ut Papa licetè concedat pensionem? Resp. Requiritur, sic Tolet. lib. 5. cap. 83. num. 12. Ratio est, quia concessio pensionis est quædam dispensatio: dispensatio autem sine causa non habet locum in foro interiori, & coram Deo: quia Papa non est dominus bonorum, & reddituum Ecclesiæ, sed tantum dispensator vniuersalis.

Vnde

Vnde sicut cum dispensat in voto sine causa, non facit hominem securum in conscientia, ita in pensionum, & beneficiorum distributione.

3 *Int.* Quæ erit causa iusta ad concedendam pensionem? *Resp.* Omnis illa, quæ cedit in utilitatem Ecclesiæ. Ideo concedi potest pro dirimenda lite exorta inter duos circa idem beneficium, ne tempore litis Ecclesia careat legitimo pastore. Ita habetur *cap. Nisi essent, de præbend.* Deinde concedi potest alicui pro servitio Ecclesiæ facto, vel faciendo, siue corporali, siue spirituali. Præterea concedi potest clericis pauperibus: quia illorum congrua sustentatio servit ad decus, & honestatem Ecclesiæ. Quartò, concedi potest laicis egenis: quia pietas Ecclesiam ornat. Quintò; concedi potest in permutatione pinguioris beneficii cum beneficio minus pingui, ut permutanti integri maneant fructus ad decentiam sui status.

4 *Int.* Estne simoniacum vendere pensionem? *Resp.* Tripliciter concedi potest pensio, hoc est, ius ad exigendos fructus aliquos ex alieno beneficio. Primò propter servitium purè temporale, factum in utilitatem Ecclesiæ. Sic dantur pensiones militibus, & regibus defendentibus Ecclesiam. Et hæc pensio vendi potest absque simonia. Ita Cai. *opusc.* 13. q. 10. Viçt. *relect. de simo.* Sot. 9. *Iust. quæst.* 7. *art.* 2. Deinde concedi potest ob aliquod servitium annexum spirituali. Tertiò ex causa dirimendi litem, &c. Et his duabus pensionibus annexum est officium B. Virginis ex Pio V. *Extrav. ex primo Lateranensi Concilio.* Et ideo has duas pensiones vendere simoniacum est. Ita Card. Tolet. *lib.* 5. *cap.* 82.

5 *Int.* Estne simoniacum exigere pensionem à beneficio permutato, quia licet fructus eius sint fructibus alterius permutati beneficii æquales, aut minores, dignitas est maior, & titulus excellentior? *Resp.* Simoniacum quidem. Ita Card. Tolet. *lib.* 5. *cap.* 83. *num.* 5.

6 *Int.* Quando igitur peccant pensionarii? *Resp.* Cum sine causa pensionem à Sum. Pontifice obtinuerunt. Neque excusantur, quia Papa concessit, & ipsius est considerare, quomodo concesserit. Si enim quis accipiat pecunias ab œconomo, quem scit male illas dispensare, & contra iustitiam, tenetur illas restituere. Deinde cum pensionem exigunt, non ex fructibus, qui non sunt, sed propter honorem maioris tituli, & dignitatis in alium transmissæ,

A D L I T. R.

CAPVT XVI.

Regum peccata. §. 1.

- 1 De prodigis largitionibus Regum.
- 2 De coaceruandis pecuniis Regum.
- 3 De incuria Regum in non coaceruandis diuitiis.
- 4 De incuria Regum in exterminandis grassatoribus.
- 5 Quando peccat Rex in condendis legibus pœnalibus.
- 6 An rex possit bona populi sibi acquirere.
- 7 Quando peccat Rex imponendo noua tributa.
- 8 An possit obligare subditos ad nouos labores.
- 9 An peccat Rex cogendo subditos ad matrimonium.
- 10 An peccet Rex damnando reum inauditum, & indefensum.
- 11 Vnde possit soluere debita propria.

I INTERROGATIO. Quando peccabit mortaliter Rex profusè, prodigèque largiendo? *Resp.* Quando propter prodigas largitiones exponitur probabili periculo vsurpandi aliena, vel exigendi maiora tributa, quàm per est, vel non soluendi debita, nisi sub onere cambiorum, quo se suumque regnum in maximam paupertatem inducat. Ita Nauar. in sum. cap. 25. num. 3. cum D. Tho. deducitque ex Arist. epistol. ad Alexan. & L. partit. Castellæ. tit. 14. par. 2.

2 Int. Quando peccat Rex mortaliter in coaceruandis pecuniis? *Resp.* Quando nullo iusto proposito fine eas congerit grauandi causâ notabiliter subditos ob avaritiam. Ita D. Anton. 2. par. tit. 1. cap. 2. Ratio est iuxta Nauar. in sum. cap. 23. num. 73. quia it contra præceptum de dando superflua pauperibus. Veruntamen aliæ possunt interuenire causæ, scilicet immodicum grauamen subditorum, vlla absque necessitate.

3 Int. Quando peccat mortaliter nullas diuitias coaceruando? *Resp.* Quando propter eam incuriam se, suumque regnum exponit periculo pereundi fame, vel intereundi bello, aliisque malis, quæ ex defectu pecuniæ suboriri solent, vt petere sub vsuris, aut cum grauamine subditorum immodica tributa exigere. Ita D. Thom. lib. 2. de regim. princip. cap. 5.

4 *Int.* Negligit Rex per incuriam tutam viarum custodiam à latronibus, vel refectionem itinerum, propter quam incuriam, & negligentiam viatores patiuntur damna notabilia, quod peccatum committit? *Resp.* Mortale. Ita D. Thom. *lib. 2. de reg. Princ. cap. 12.* Ratio est, quia ob id alitur à subditis, vt tuti seruentur à Rege.

5 *Int.* Quando peccat Rex in condendis legibus pœnali-bus? *Resp.* Quando eas peculiariter, condit propter propriam solam vtilitatem, vt nimirum earum transgressores puniendo, multas diuitias acquirat. Ita communiter Doctores in *cap. 1. de constit. Et habetur c. Erit autem Lex. dist. 4.*

6 *Int.* Potestne Rex bona populi vsurpare sibi? *Resp.* Minimè. Imò peccat mortaliter sic faciendo, & tenetur ad restitutionem. Ita Nauar. in *summa cap. 25. num. 3. argument. cap. Reges. & cap. Principes. 23. quæst. 5. & L. 1. Cod. Si quacunque præd. pot. & cap. Si res. 14. quæst. 1.*

7 *Int.* Quando peccat Rex imponendo noua tributa? *Resp.* Quando ea imponit absque necessitate publica, quantumuis in bonum finem ea exigat, teneturque ad eorum restitutionem. *cap. Militare. ad finem. 23. quæst. 1.* Ideo peccat grauiter, & tenetur ad restitutionem, cum ea petit ad superfluum vsum, vestitum, pompam, conuiuia, prodigalitates. Ita summ. *Confess. lib. 2. tit. 5. quæst. 35. num. 31.*

8 *Int.* Obligat Rex denuo subditos antea minimè obligatos ad nouos labores, veluti ad ædificandas domos, ad colendos agros, ad vineas excauandas, & similes, absque mercede, peccatne? *Resp.* Peccat mortaliter, & tenetur ad restitutionem. Ita D. Anton. *3. p. tit. 3. cap. 4. §. 4.*

9 *Int.* Quod peccatum committunt Principes cogendo subditos ad matrimonium certum contrahendum, vel non contrahendum? *Resp.* Mortale, & insuper incurrunt excommunicationem. Ita Conc. Trid. *sess. 24. cap. 9. de reform.*

10 *Int.* Peccatne Princeps, qui in dicta causa, & inaudita persona reum criminis, reuera commissi, clam per venenum, vel aliud mortis genus occidit inauditum, & indefensum? *Resp.* Peccat grauissimè. Ita Nauar. *cap. 25. n. 9.* It enim contra ius naturale. *Clem. Pastoralis. §. Caterum. de reg. iur. & Gloss. memorabilis in Extrauag. 1. de dolo, & contum.* Nisi magna & vrgentissima causa suadeat. Ita Nauar. in *sum. cit. loc. Decius c. Ex parte. 2. de offic. deleg. col. 2. & cap. quæ in Ecclesia.*

Ne

de Constit. col. 9. Et ideo ex iusta causa damnantur capitis multi scelerati, qui non comparent.

11 *Int.* Non est Princeps soluendo, rogo, an ad soluenda debita possit creditoribus ex vectigalibus regiis assignare summam quotannis reddendam, nostrates appellant *tensam*, seu priuilegium concedere, ne soluant vectigalia? *Resp.* Affirmat D. Anton. 1. p. tit. 2. cap. 3. cum Raymundo, quem citat. Negat tamen Nauar. c. 25. nu. 11. Ratio eius est, quia nequit iuste iura regni imminuere, neque onera augere. c. *Intellecto. de iureiuran.* Dixerim tamen cum distinctione, D. Antonini sententiam esse veram, cum debita contraxit in solum commodum regni; Nauarri verò, cum in proprium vtilitatem: & tunc non peccabit, si non soluat, quia impotentia eum excusat, sicut & alios.

Raptorum foeminarum peccata. §. 2.

- 1 *An raptus sit noua luxuriæ species.*
- 2 *De pœnis contra raptores decretis.*
- 3 *Quod peccatum committant raptores.*

1 **I** N T E R R O G A T I O. Estne raptus species noua luxuriæ super malitiam fornicationis, seu adulterij, vel stupri, vel sacrilegij, vel incestus? *Resp.* Minimè, sed addit malitiam iniustitiæ in confessione aperiendam, ratione personæ, cui vis & violentia infertur.

2 *Int.* Quæ pœnæ decretæ sunt contra raptores foeminarum? *Resp.* Plures. Nam in Concil. Trident. sess. 24. cap. 6. discernuntur infames, ipso iure excommunicati, omnium dignitatum incapaces, neque solum ipsi, sed omnes ad rapum consilium, auxilium, aut fauorem præstantes. Item *Can. Statutum. 27. q. 1. c. 2.* tale peccatum est impedimentum impediens tantum matrimonium. Item c. *Si quis rapuerit. 27. qu. 1.* apponitur pœna capitis corruptoribus, sollicitatoribus & raptoribus monialium.

3 *Int.* Quod peccatum igitur committunt raptores? *Resp.* Grauiissimum mortale, tum contra legem naturæ, tum contra legem humanam, vt manifestò apparet ex dictis.

Reorum peccata. §. 3.

- 1 *An reus iuridicè interrogatus, teneatur respondere cum periculo vite.*

- 2 Quando interrogatur iuridicè.
- 3 An absolui possit reus, qui interrogatur iuridicè, non aperuit veritatem.
- 4 Quando peccat reus appellando.

I N T E R R O G A T I O. Teneturne reus iuridicè interrogatus veritatē fateri in iudicio circa crimen, ex cuius confessione plectendus est capite? *Resp.* Tenetur. Ita D.Tho. 2.2.q.69.art.1.communiter receptus, Gabr. in 4.d.15,q.6.art.2. Nauar.c. Inter verba.concl.6.& in sum.c.25.nu.35.

2 *Int.* Quando interrogatur iuridicè? *Resp.* Cū de crimine habetur semiplena probatio. Hæc autem habetur per vñū testem occultum, omni exceptione maiorem, vel per vñū indicium magnum: aut plura indicia, licet minora, vt sentit Bartol. in L. fin. n.7. ff. de questionibus. Debet tamen hæc probatio, vt obliget, iam posita esse in processu, & reo nota, seu notificata. Ita D.Thom. 2.2.q.69.& ibidem Caiet.

3 *Int.* Estne reus absolvendus à confessario, si non fateatur tale crimen? *Resp.* Minimè. Notat Sot. de reg. secr. n.2.q.7. Ratio est, quia est impœnitens, & in mortali peccato, si adhuc potest crimen detegere.

4 *Int.* Scit reus se iuste damnatum, tamen ad differendam sententiæ executionem, appellat, peccatne mortaliter appellando? *Resp.* Peccat, arg. L. 1. ff. de appell. c. ad nostram. de appel. Tenetur insuper restituere damna parti, & interesse. Ita D. Thom. 2.2.q.69.art.4.

Religiosorum peccata. §. 4.

- 1 De religioso habitante extra monasteria sine licentia prælati.
- 2 De religioso adeunte Prouincialem absque licentia Guardiani.
- 3 De religioso egrediente monasterio absque licentia prælati.
- 4 De religioso adeunte Prouincialem absque licentia Guardiani, quia illi negatur, vel certò constat, quod negabitur.
- 5 Quando peccat religiosus contra votum castitatis.
- 6 Quando peccat religiosus contra votum obedientiæ.
- 7 De inobedientia ex contemptu.
- 8 De inobedientia in publico.
- 9 Ac teneatur religiosus obedire cum periculo vitæ.
- 10 An obedientia Prælati possit obligare religiosum ad accipendum Episcopatum.

II Sub qua pœna teneantur religiosi sancti Benedicti singulis mensibus confiteri.

I INTERROGATIO. Peccatne mortaliter religiosus, Iqui absque licentia sui superioris extra monasterium habitat, nulla ad id iusta cogente causa? *Resp.* Peccat. Ita Nauar. cap. Non dicatis. 12. quæst. 5. num. 4. & Concil. Trid. sess. 24. cap. 11. de reform. Causa autem iusta est, quæ arbitrio boni viri talis iudicatur. cap. Monacho. 1. & 2. & 16. quæst. 1.

2 Int. Peccatne mortaliter religiosus exeundo monasterio cum proposito adeundi Prouincialem, seu generalem ministrum, non petita facultate à suo immediato superiore domus è qua egreditur? *Resp.* Peccat. Quia it contra nouum statutum in re graui latum à Concil. Tridentino sess. 24. cap. 11. de reformat.

3 Int. Exiuit religiosus extra claustrum monasterij per paucos passus, & spatium temporis. v.g. vt comitaretur alium religiosum per plateas vrbs, vel vsque ad villam monasterij, recreandi animi causa: peccatne tunc mortaliter? *Resp.* Minimè. Ita omnes, qui dicunt cum D. Thom. 2. 2. quæst. 19. art. 1. & Nauar. lib. 5. Consil. tit. de apostatis. cons. 1. fol. 503. col. 2. quod paruitas materiæ excusat à mortali: illi verò passus, & temporis spatium, cum proposito statim redeundi, est paruitas materiæ in hac lege.

4 Int. Grauatnr religiosus à suo immediato superiore supra vires ipsius religiosi, petit ab eo licentiâ adeundi prouincialem: negat ille, vel ipse religiosus probabiliter credit illum sibi facultatem negaturum, si ab eo talis licentia petatur. Imò ob id credit probabiliter se detrudendum in vincula, vel atrociter puniendum, peccatne exeundo sine licentia superioris, vt eat ad Prouincialem? *Resp.* Minimè: neque hoc vnquam prohibuit Concil. Trid. sess. 24. c. 11. de reformat. Ita Nauar. c. Non dicatis. n. 61. Roder. in sum. c. 43. n. 1. p. 1. cum Bald. cap. Ad nostram, de appell. Ratio est, quia est ius naturale sibi providere de remedio: iuri vero naturali non derogatur à iure positiuo. Oppositum docuit Bannes, sed immeritò; nisi ex tali fuga oriatur scandalum eorum, qui causas exeundi ignorant.

5 Int. Quis religiosus peccat contra votum paupertatis? *Resp.* Qui habes facultatē superioris ad cōsumendū peculiū

feruarum apud depositarium, illud consumit in re turpi, illicita, aut salutis minimè necessaria. Ita Nauar. *lib. 2. restit. c. 1. n. 182*. Instruct. confess. 2. p. cap. 6. Ratio est, quia nunquam ad turpes vsus superior dedit licentiam: imò nec dare poterat, non enim habet potestatem in destructionem, sed in ædificationem. Deinde peccat mortaliter, qui absque superioris licentia quicquam accipit ab aliquo notabilis quantitatis, quod prælato non manifestat, imò occulit, & occultum seruat ad proprios vsus. Ita Nauar. *l. 2. de rest. c. 1. n. 171*. Tertiò, qui absque licentia superioris quicquam notabilis quantitatis è domo accipit, & donat. Ratio est, quia accipit, & donat alienum. Atque ideo vterque dans, & accipiens tenetur ad restitutionem rei ablata. Ita idein Nauar. *lib. 3. de restit. cap. 1. num. 201*. Quartò, qui contra sui ordinis statutum accipit eleemosynā pro missis, concionibus, alijsve pijs operibus. Ratio est, quia committit scandalum, deinde, quia it contra paupertatis votum, quo profitetur se solo victu, & vestitu, iuxta D. Pauli consilium, fore contentum. Quintò, qui ex profusa Prælati licentia plus infumit, quàm indigeat, adeo vt alij egeant, & ipse abundet, alij fame opprimantur, & ipse epuletur: vel si dicamus cum Paulo, alius quidem esurit, alius autem ebrius est. Ratio est, quia Prælatus peccat in tali licentia, & tenetur ad restitutionem superfluum. Nam distributor est talium bonorum, & non dominus; & ideo qui tale infumit, raptum infumit.

6 *Int.* Quæramus modò de voto obedientiæ: & rogo, an omne, quod iubetur sub præcepto obedientiæ, teneatur religiosus exequi sub mortali? *Resp.* Si quod præcipitur sub tali pœna, est levis ponderis, & momenti. v.g. præcipio tibi sub virtute obedientiæ tollere festucam è solo, vel quid simile, non est peccatum mortale id omittere, amoto contemptu, & scandalo, ex passione, vel fragilitate. Ita Caiet. *in sum. verb. inobedientia*.

7 *Int.* Inobedire ex contemptu formali, id est, non facio ex eo tantum, quod præcipitur, estne mortale, quādo res præcepta est leuissimi momenti? *Resp.* Est quidem. Ratio est, quia contemptus formalis in quavis leuissima materia est mortale. Ita Caiet. *verb. inobedientia*. Nauar. *cap. 23. nu. 31*.

8 *Int.* Iubet prælatus rem iniustā coram multis: surgit subditus, & contenta voce dicit tale mandatum esse iniquum. præcipit

præcipit superior sub virtute obedientiæ, vt taceat, teneturne subditus in eo euentu tacere sub mortali? *Resp.* Tenetur. Nam huiusmodi obedientia pertinet ad obseruantiam regularem, quæ iubet pacificè, & religiosè negotia tractare in publico. Non item in secreto: nam tunc licet superior præcipiat, vt subditus taceat, licet illum monere iniusti mandati. Ita Roder. in *sum. 2 p. c. 9. num. 1.*

9 *Int.* Tenenturne subditi religiosi obedire prælato cum periculo propriæ vitæ? *Resp.* Si adsit necessitas communis, tenentur: quia bonum commune anteferendum particulari. Item cum habent publicum officium. Ideo si necesse sit tempore pestis Guardianū manere in monasterio pestis tabe infecto, tenetur obedire Prouinciali præcipienti, ne domo exeat, vt Episcopo parochus, præcipienti ne relinquat suas oues. Ita Sot. 4. *just. quæst. 2. art. 3.* Roder. in *sum. 2. p. cap. 9. num. 1.* cum Caietan. Tabien. & Nauar. quos citat.

10 *Int.* Tenenturne subditus obedire sub mortali superiori præcipienti sub obedientia, vt accipiat episcopatum? *Resp.* Minimè. Ratio est, quia obligatio voti non extendi potest ad maiorem perfectionem, quam vouens vouit: sed perfectio Episcopi est maior perfectione religiosi ex natura status, & officij; ergo, &c. Summus tamen Pontifex, cuius est providere bono communi, si id expedire intelligat; Titium esse Episcopum, illum sub mortali obedientia cogere potest.

11 *Int.* Sub quo reatu tenentur religiosi sancti Benedicti singulis mensibus confiteri, vt illis præcipitur *Clem. 1. de statu monach. Resp.* Sot. in 4. d. 18. *quæst. 1. art. 3.* Maior in 4. d. 17. *quæst. 2.* videntur asserere teneri sub mortali. Caietan. tamen. *tom. 1. opusc. tract. 5. quæst. 1. can. Relict. de pœn. p. 5. fol. 113.* ait teneri solum venialiter. Veruntamen, nec pro vna, nec pro alia opinione, nec item pro incerta sententia Nauar. *cap. 2. num. 9.* affirmantis solum teneri ex honestate, datur sufficiens fundamentum, cum nec ex verbis legis, nec ex pœna appositae sufficienter colligatur. Ideo Doctor Suarius *de pœn. dist. 36. sess. 5. num. 9.* standum esse admonet consuetudini talis religionis illam legem approbantis, & interpretantis.

Resignantium beneficium peccata. §. 5.

1 De simonia in resignatione beneficii, cum pacto percipiendi fructus resignati beneficii.

2 De simonia in resignatione beneficij, cum confidentia de percipiendis fructibus.

1 **I N T E R R O G A T I O.** Resignauit Titius beneficium absolutè in Socratem, cum pacto tamen inter ipsum, & Socratem de fruendis fructibus eius in totum, vel in partem, rogo an teneatur Socrates reddere tales fructus: & insuper, an Titius possit tuta conscientia iis frui? *Resp.* Nequaquam. Ratio est, quia tale pactum in iure est reprobatum; latè ostendunt Sot. 2. *Iust. quæst. 6. art. 2. & lib. 4. quæst. 7. art. 2.* Honcal. *tract. de simon.* Cordub. *quæst. 32.* habeturque super hoc motus proprius Pij V.

2. *Int.* Non interfuit pactum, sed mera confidentia. *Resp.* Neque tunc tenetur Socrates reddere tales fructus beneficij in totum, vel in partem. Ita Cord. *loco cit.* Ratio est, quia licet pactum illud valeret secundum ius, non valeret tamen non expressum in foro contentioso. *L. Si repetere. Cod. de condit. ob causam.* Tradit Med. *lib. de rest. quæst. 33. & 34.* & Cordub. *cas. 32.* In foro autem conscientie non tenet. Quia fructus beneficij dantur propter officium: resignatarius vero non exercet officium, ergo neque illi debentur fructus.

CAPVT XVII.

A D L I T. S.

Sacerdotum peccata. §. 1.

1 Quando peccat in eleemosyna promissa.

2 Quando peccat in Trintario.

3 Quoties teneatur simplex Sacerdos celebrare in anno.

1 **I N T E R R O G A T I O.** Peccatne Sacerdos accipiendo duplicem eleemosynam pro vna missa? *Resp.* Quando neutra pitantia, seu eleemosyna est sufficiens ad commodè illo die sustentandum sacerdotem, non est peccatum vnam missam pro duplici eleemosyna offerre. Ita Beia *casu 12.* & Lamas *in method. curator. cap. 13. §. 17.* Ratio est, quia qui altari seruit, de altari viuere necesse est. 1. *Corinth. 9.* Neque eleemosyna datur pro sacrificio, cum illud minimè sit appetibile; sed datur in alimentum sacerdotis sacrificantis: ac proinde iniusta esset postulatio eius, qui pro tenui eleemosyna totum postulare

postularet sacerdotis obsequium, estque tacita offerentis consensio. Minimè tamen assentior eiusdem Doctōris opinioni, de æquo valore sacrificij erga omnes pro quibus offertur. Ex eo enim capite siue eleemosyna sufficiens esset ad alimentum diei, siue insufficiens, liberum esset sacerdoti pro pluribus sacrificium offerre. Est enim opinio contra communem sensum hominum, atque occasio esset abstinendi à danda eleemosyna pro missarum celebratione. Credo igitur certam portionem satisfactionis à Deo determinari pro quolibet sacrificio erga eum, pro quo offertur, quæ si in plures distribuitur, minor peruenit ad singulos.

2 *Int.* Quid censes de trintario, nostrates appellant tringinta missas, quas D. Gregorius celebrandas pro defunctis instituit? *Resp.* Satisfit defuncto tringinta missis aliis ab iis, quas D. Gregor. nominauit; & iis non continuis oblati pro defuncto. Ita Beia 1. p. casu 13. Dico secundò. Minimè conueniens est illas tringinta missas continuò celebrare, quas manuale apponit. Ratio est, quia non licet peruertere ordinem missalis reformati per Concil. Trident. propter particularem deuotionem, & ideo in diebus festis, & feriis notabilibus, quæ habent peculiare missas, quales sunt feriæ quadragesimæ, quatuor temporum, litaniarum; eas omittere peccatum est veniale. Ita Ang. *ver. missa.* §. 33, & *ver. feria.* §. 42. Sot. 4. *sent. d. 13. quæst. 2. art. 1. §. quod autem.* grauiter reprehendens sacerdotes facillè ex deuotione. particulares missas omittentes, & alias assumentes. Dico *tertiò.* Satisfacit Sacerdos, licet interrumpat hos tringinta dies ex causa: & ideo obligatio celebrandi continuò has missas, intelligenda est, quoad fieri potest, iuxta *cap. significatum, de præbendis.* Dico *quartò.* Iniusta esset alia obligatio. Ratio est, quia obligaret ad illicitum. Enim verò aliquando non est aptus Sacerdos ad celebrandum debita reuerentia, vt notat Panor. *cap. Consuluiti, de celeb. miss.* Tabiena *ver. missa. num. 44.* D. Anton. 1. p. tit. 10. cap. 2. §. 3.

3 *Int.* Quoties tenetur simplex Sacerdos celebrare in anno? *Resp.* Ad minus ter, nimirum, in die Natalis Domini, Resurrectionis, & Pentecostes. Ita D. Thom. 2. p. q. 82. a. 10. Rich. in 4. d. 13. ar. 2. Angel. *verb. Missa. n. 43.* cum Bonau. & Paludano. Sylu. *missa. 1. q. 7. vers. 4.* Armil. *ver. communio. n. 14.* Nauar. *cap. 25. n. 88.* Sot. in 4. d. 13. *quæst. 1. art. 10.* talémque sacerdotem obli-

gant sub mortali, teste Viuald. *tract. de Euchar. tit. de sacer-*
dote. num. 1. per tex. cap. Dolentes. de celeb. miss. & per can. 8.
 Sanctorum Apostolorum, vbi hoc crimen, non excusante
 impedimento, vehementer reprehenditur.

Sponsorum peccata. §. 2.

- 1 *An sponsus possit accipere pecunias pro relaxanda obligatione sponsæ.*
- 2 *De osculis, & amplexibus inter sponso.*
- 3 *An sponsalitia promissio obliget sub mortali.*
- 4 *De promissione sponsalitia iurata.*
- 5 *De stupratore sub ficta promissione nubendi.*
- 6 *Per quid impletur sponsalitia promissio.*
- 7 *De stupratore nobili fictè promittente nuptias fæmine ignobili.*

I INTERROGATIO. Accepit Titius pecunias à Bertha, qua cum sponsalia contraxerat, pro relaxanda obligatione contrahendi cum ea, ad nubendum alteri, peccarne Titius pecunias retinendo? *Resp.* Minimè. Ita Beia *1. p. casu 1.* Ratio est, quia illa donatio est voluntaria, vt in simili concludit Sot. *4. lib. 7. quest. 7. artic. 1.* Deinde, quia Titius habet ius ad illam in conscientia & in iudicio obligandam contrahere: sed hoc ius pretio est æstimabile; ergo, &c. Iam verò si ex fracta fide datur lucrum cessans, vel damnum emergens, res est clarior, & negari nequaquam potest posse illud pecunia refarciri, vt manifestum est.

2 *Jnt.* Licetne sponsis vti amplexibus, & osculis causa delectationis carnalis, remoto periculo vltèriùs progrediendi? *Resp.* Licet amplexus, & oscula impudica non sint, peccatum tamen est mortale iis vti inter sponso de futuro propter solam delectationem sensibilem, & libidinofam, etiam amoto periculo vltèriùs progrediendi. Hæc est contra Caietan. *in sum. verb. sponsalia. & 2. 2. quest. 154. art. 4. & Nauar. cap. 16. n. 34.* qui solùm peccatum veniale ibi agnoscunt. Veruntamen est communis Doctorum cum D. Thom. *2. 2. quest. 154. artic. 4.* & probatur ratione, quia talis delectatio sensibilis, & libidinosa sequitur rationem coitus, à quo oritur: sed coitus inter sponso est illicitus moraliter; ergo, & amplexus, atque oscula: siquidem amplexus, & oscula est inchoatus concubitus, vt asserunt Caiet. & Nauar. locis citatis.

3 *Inf.*

3 *Int.* Promisit Titius Berthæ se illi nupturum, teneturne sub mortali promissionem implere? *Resp.* Negaret Caiet. 2. 2. q. 113. §. ad 4. cum absolute asserat ex simplici promissione non oriri obligationem seruandæ fidei sub mortali, nisi ex alio capite damnum suboritur. Affirmandum tamen omnino est. Ita Panor. c. 1. de pactis. Syl. pactum. n. 4. Sot. lib. 7. Just. q. 2. art. 1. ad 2. exprimit aperte D. Th. in 4. d. 27. q. 2. a. 1. ad 2. D. Ant. 3. p. tit. 1. c. 18. §. 2. Syl. ver. sponsal. q. 4. Colligitur ex cap. Ex litteris sancti Syluani. cap. Sicut. cap. requisit. de sponsalib. expressius cap. De illis. 1. de sponsalib. & cap. Juramenti 22. quæst. 5. & aliorum omnium, qui asserunt simplicem promissionem obligare sub mortali promissorem, cum sit de re graui.

4 *Int.* Qui promisit, & iurauit promissionem, quot peccata committit, cum non impleuit? *Resp.* Duo, vnum fracti iuramenti, alterum non impletæ promissionis. Ita Doctores, & tex. cit.

5 *Int.* Fictè promisit Titius se Berthæ nupturum, & illam hac promissione deflorauit, teneturne sub mortali illam ducere? *Resp.* Tenetur. Ita D. Th. in 4. d. 28. art. 2. ad 4. Sot. in 4. d. 27. quæst. 1. art. 3. §. alia præcipua. D. Anton. 2. p. tit. 2. §. 3. Sylu. lex. 7. 5. Angel. stuprum. n. 1. Nauar. c. 16. n. 16. §. secundò dicendum. & num. 18. Ita deciditur expressè cap. 1. de adult. Quod quidem intelligendum est, nisi ex tali matrimonio magna incommoda oriantur, aut oriri prudentis arbitrio timeantur: tunc enim satis est puellam dotare, vt honestè nubat.

6 *Int.* Promisit verè Titius Berthæ se nupturum, potestne implere hanc promissionem per dotem redditam: suppono virginem non deflorasse? *Resp.* Ea promissio etiam non iurata; talis est conditionis, vt ei nec pecunia, nec alia ratione satisfiat tam in interiori, quàm in exteriori foro, nisi per ipsam contractionem matrimonij; & ideo peccat mortaliter, qui non stat promissis nubendo. Ita decernitur toti titulo de sponsalibus. Tenetur insuper restituere damna orta ex fracta fide, daturque actio aduersus fidei fractorem, de qua agunt totus codex de transaction. Angel. Syluest. Tabiena ver. Transactio. sed de foro contentioso alij viderint.

6 *Int.* Socrates nobilis promisit Ioannæ ignobili ficto animo se illi nupturum, & hac spe illusam stuprauit, teneturne illi nubere? *Resp.* Minimè. Ratio est, quia in eo euentu censetur ipse se ipsam decipere voluisse, & idem dicendum, quando illa intellexit fictum animum promittentis.

A D L I T. T.

C A P V T XVIII.

Testis peccata. §. 1.

1 *An testis teneatur fisco restituere, quod illi adiudicatum non fuit propter falsum iuramentum.*

1 **I**NTERROGATIO. Præstitit iuramentum Socrates circa rem comprehensam à fiscalibus, propter quod res fuit adiudicata domino, & non fisco, teneturne Socrates restituere fisco, quod illi propter falsum testimonium fuit negatum? *Resp.* Affirmat Ioan. Platin. *L. Quoties. de exact. lib. 10.* in initio, Bart. *Cod. de assens. l. si post.* Panorm. *c. canon. de const. & c. Dilecti. de arbit.* Ratio eorum est, quia fiscus habet ius ad rem circa poenam iudicandam: hoc verò ius iniuste violatum fuit à teste falso. Negandum tamen cum Sylu. *rest. 3. quæst. 5. vel. 7.* Sot. *lib. 1. Iust. q. 6. art. 6.* Nauar. *in sum. c. 25. n. 51. §. ad quaesitum.* Probatur ratione: enim verò natura ipsa abhorret, ut idem sit agens, & patiens: esset autem idem agens & patiens, qui teneretur reddere poenam, quæ ab eo non exigitur; ac proinde intolerabilis esset, & iniqua lex, quæ id faciendum iuberet. Hinc colligunt Doctores, poenam non deberi ante condemnationem, teste D. Th. 2. 2. q. 62. art. 3. Nam leges non obligant, nisi quatenus sunt receptæ, ut decernitur *c. 1. de constit. lib. 6.* receptio verò probatur consuetudine, quæ leges ipsas mutat, ut docet D. Thom. 1. 2. q. 97. art. 3. sed leges civiles damnantes ipso iure, & facto transgressores amissione suorum bonorum, non sunt receptæ, nisi post iudicatam litem, & latam sententiam: ideo nec reus, nec testis falsus tenetur ante illam restitutionem. Hinc fit ut fiscus ante poenæ adiudicationem nullum habeat ius ad rem, vel in re, quod erat falsum fundamentum partis affirmantis, solumque habet ius ad actionem.

Testamentariorum peccata. §. 2.

1 *De dilatione in exequenda voluntate testatoris.*

2 *An possit Episcopus commutare ultimam testatoris voluntatem in legato pio.*

1 I N T E R

I N T E R R O G A T I O. Estne peccatum mortale ab-
que iusta & graui causa pia opera testatorum implenda
differre, ne dicam non implere? *Resp.* Mortale quidem. Ita
Card. Tol. l. 5. c. 1. n. 5. Ratio est manifesta, quia forsitan ex de-
fectu legati impleti detinetur anima vita functi in poenis.

2 *Int.* Licetne ex Episcopi facultate mutare pium testato-
ris legatum in aliud æquale, aut melius? *Resp.* Pro parte ne-
gante videtur textus expressus *clm. de religios. domib. c. Quia
contingit.* & *Glos. ib. ver. Sedis Apostolicæ.* ubi asseritur vltimam
testatoris voluntatem semper esse implendam. Oppositum
tamen asserendum cum *Syl. legatum. 4. q. 12. D. Ant. 3. p. rit. 11.
c. 2. §. 7. Ang. ver. leg. n. 12. Tabien. legatum. 2. n. 11. Armil. ib. n. 55.
Bart. l. Liberto. §. Lucius. & l. legatum ciuitati. ff. de usufr. Ioan.
Andr. c. Quia contingit. de relig. domib. Hug. Inola, & multis
aliis. l. 1. de constit. Probatur efficaciter, quia Episcopus est
exëcutor piarum dispositionum, per Conc. Trid. sess. 22. c. 8. &
iam antea erat per c. Tua nos. de testam. in tali verò commuta-
tione disponit in vtilitatem testantis animæ, & ideo idem fa-
cit, quod testator iussit: nam qui melius facit, non aliud,
quàm idem facit, per cap. Peruenit. 2. de iureiuran. c. Scriptura,
de vot. cap. Regula. de reg. iur. in 6. Dico igitur apertius. Vlti-
ma voluntas testatoris potest ab Episcopo commutari in
melius, aut æquale, vt probatum manet. A Summo verò
Pontifice in minus, imò in vsus profanos, si ei in Domino
videbitur. c. Quia contingit. cit.*

A D L I T. V.

C A P V T XIX.

Viduarum peccata. §. 1.

10 De actu cogitato præterito coniugij.

I N T E R R O G A T I O. Peccatne mortaliter vidua
Iquæ ex cogitato præterito actu coniugij delectatione
fruitur sensitua, & carnali, amoto periculo se se polluentis?
Resp. Peccat. Ita Caiet. 1. 2. q. 74. a. 8. ad 4. *Syl. Delectatio. q. 3. Ar-
mil. ibid. n. 5. Tab. ib. q. 7. Nau. in sum. c. 16. n. 10. Cordub. l. 1. q. 13.
dub. 12. & 13.* Cum verò aliqui Doctores oppositum asserere
videntur,

videntur, loquuntur de voluptate mentis minimè ad sensum perueniente, venereasque partes titillante. Ita adnotauit Comitulus *lib. 1 q. 134*. Ac proinde sic exponendus Pet. Sot. *tratt. de distinct. peccat. lect. 9*. Palud. *in 4. d. 9. q. 3. art. 1.* & Gerson. *Alphab. 38. lit. D.* quorum verba refert, & exponit ipse Comitulus. Idem dicendum de cogitato actu matrimonij absente coniuge. Probatur efficaci ratione. Quia idolum mentis, idem est atque idolum, & imago alia: sed ex cogitata imagine marmorea, vel eburnea, ad similitudinem coniugis fabrefacta, peccatum est lethale capere sensibilem, & libidinofam delectationem; ergo idem erit ex ipsius coniugis imagine, seu idolo fabrefacto in mente, & imaginatione.

C A P V T XX.

De operibus misericordiæ. §. 1.

1 *Quot sunt opera misericordiæ.*

2 *Sub quo nomine comprehenduntur quatuordecim opera misericordiæ.*

1 **I** N T E R R O G A T I O. Quot sunt opera misericordiæ? *Resp.* Quatuordecim: septem corporalia, septem spiritualia. Corporalia continentur illo versu.

Visito, pota, cibo, redimo, tego, colligo, condo.

Ea cum D. Thom. 1. 2. *quæst. 32. art. 2.* & Archidiacon. *cap. Tria.* sic explico. Esurientem pascō, sitientem potō, captiuum redimō, nudum operio, peregrinum hospitor, ægrotum visito, mortuum sepelio. Spiritualia verò continentur illo versu,

Consu'e, castiga, remitte, solare, ser, ora.

Id est, ignorantem doce, errantem corrige, offensam remitte, tristem solare, onerosum porta, ora pro viuis, & defunctis.

2 *Int.* Sub quo vno nomine comprehenduntur hæc opera quatuordecim? *Resp.* Sub eleemosyna, quæ duplex est, corporalis vna, quæ subuenit necessitatibus corporalibus; spiritualis altera, quæ succurrit necessitatibus spiritualibus. Potest autem eleemosyna erogari tam viuis, quam defunctis:

De

De eleemosynæ præcepto. §. 2.

- 1 Definitur eleemosyna.
- 2 Qui possunt facere eleemosynam.
- 3 Quas eleemosynas possunt facere religiosi, sœmina uxorate.
fily familias, summi, mancipia.
- 4 Cui facienda est eleemosyna.
- 5 An sit præceptum de facienda eleemosyna.
- 6 Quos obligat præceptum faciendi eleemosynam.
- 7 Quas condiciones in persona requirit hoc præceptum, ut
obliget.
- 8 Quotuplex est necessitas.
- 9 Quotuplex est superfluitas.
- 10 Ex quibus superfluis tenemur subuenire necessitati extremae.
- 11 Ex quibus superfluis tenemur succurrere necessitati graui.
- 12 Ex quibus superfluis tenemur succurrere communibus necessi-
tatibus.
- 13 De Episcoporum obligatione faciendi eleemosynas.
- 14 De obligatione Beneficiatorum circa faciendam eleemosynam.
- 15 An sit satus vendere, cambiare, vel mutuo dare extremè
indigenti.
- 16 An teneamur donare extremè indigenti, cum ipse non vult
emere, vel accipere mutuum, vel cambiatum, sed donatum.
- 17 An teneamur succurrere extremè indigenti ex bonis alienis
quæ apud nos habemus.
- 18 An quisque extremè indigens possit sibi succurrere ex raptis
alienis bonis.
- 19 An qui extremè indigens alienum rapuit, teneatur illud re-
stituere in pingui fortuna.
- 20 An distributor eleemosynarum possit sibi, ut pauper est, atque
aliis distribuere.
- 21 An iusti belli obsidione oppressis, & fame pereuntibus liceat
cibos offerre.

I INTERROGATIO. Quid est eleemosyna? Resp. Est
opus externum, quo indigentia alterius subuenitur, pro-
cedens ex misericordia. Misericordia verò est actus displi-
centia circa malum alterius, ad ei subueniendum inclinans.
Ita Card. Tolet. tract. de septem pec. mort. c. 18. D. Thom. 2. 2. q. 30.
art. 1. 2. 3. D. Aug. q. de cin. quos sequitur Nauar. c. 24. n. 2.

2 *Int.* Qui possunt facere eleemosynam? *Resp.* Qui habent rem propriam, vel quoad dominium & usufructum simul, vel quoad usufructum solum. Ideo subditi, quia nihil proprium habent, nil pauperibus erogare possunt absque licentia expressa, vel tacita superiorum. Quod intelligo, nisi urgeat extrema proximi necessitas, tunc enim possunt, etiam repugnantibus superioribus. Ita Gloss. *caz. Non dicatus. 12. quæst. 1.* & ibidem Doctores communiter. Inò nisi urgeat gravis necessitas, obtenta, si fieri possit, superiorum licentia. Ita Panorm. *cap. Si quis de furtis. Tolet. tract. de sep. pec. mort. cap. 28. Comitolo. in respons. mor. lib. 7. cap. 27.*

3 *Int.* Cùm inter subditos numerentur religiosi, foeminae vxoratae, filij familias, famuli, mancipia, de singulis seorsim dicito quid sentias? *Resp.* Dico primum. Religiosi cùm peregrinantur, possunt de sibi datis à monasterio in sustentationem, mediocres facere eleemosynas, idemque dicendum, cùm extra monasterium studiorum, aliorumve negotiorum causa commorantur. Ita Armil. *eleemosyna. §. 5. Tolet. loco citato.* De peregrinantibus nullus Doctor dubitavit, teste Comitolo *lib. 4. Resp. quæst. 7. num. 1.* De studentibus tenuit D. Thom. *in 4. d. 15. quæst. 2. art. 5. quæst. 4. ibi.* Durand. *quæst. 8. n. 6.* Neque quisquam huic veritati contradicit, teste eodem Comitolo citato. Qui tamen curam habet gubernandi domum, non solum potest, sed tenetur ex superfluis pauperum subuenire inopiae. Ita Alens. *4. quæst. 32. n. 4. art. 1.* Dico secundum. Vxor potest ex communi bono modicas facere erogationes, præcipuè cum maritus durus est, & asper in pauperes, ipso etiam repugnante. Sic fecit Abigail 1. *Reg. 15.* Mediocres dixi, quia magnas solum facere potest ex bonis supra dotem sibi reservatis in proprios usus. Item ex summa, quæ à marito illi datur in liberam distributionem, & ex pecunia, aliave re sibi, & non marito donata. Ita Cardin. Tolet. *tract. de pec. mort. cap. 29.* Dubium est, utrum adultera sit domina rei, quam per adulterium lucrata est? Affirmat Sot. *4. iust. quæst. 7. art. 1.* & Tolet. citato loco. Dico igitur, etiam tunc posse quasvis erogare pauperibus eleemosynas. Dico tertio. Filij familias possunt ex bonis castrensibus, aut quasi castrensibus, facere eleemosynas. Sunt autem illa bona, quæ acquisierunt, ut notarii, aduocati, medici, & beneficiati, & tunc quas voluerint. Ex bonis verò paternis, vel cùm peregrinantur: vel cùm

In

in studiis versantur : vel cum domi ab inopibus rogantur, modicas tantummodò eleemosynas facere possunt. Ita communiter Doctores. Dico *quartò*. Servi, & mancipia ex abundantia fructuum in vindemia modicas possunt facere eleemosynas, nesciente domino. Ita Tolet. Ratio est manifesta, quia oppositum contradicit fraternæ charitati.

4 *Int.* Cui facienda est eleemosyna? *Resp.* Cuique indigenti fidei, vel infidei. Ratio est, quia eleemosyna est actus impetratus à charitate : charitas verò neminem excludit, iuxta Pauli sensum: *Omnibus debitor sum, fidei, & infidei, Romano, & Græco.*

5 *Int.* Tenemur ex præcepto facere eleemosynam? *Resp.* Tenemur. Ita habetur Ioan. 3. *Qui habuerit substantiam huius mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in illo? Habetur Iacob. 2. Iudicium sine misericordia ei, qui non fecerit misericordiam. Habetur Matth. 25. Ite maledicti, &c. quia esuriui, & non dedistis mihi manducare, &c. Apertius habetur Luc. 11. Quod superest, date eleemosynam. Isai. 1. Subuenite oppresso.*

6 *Int.* Quod personarum genus obligat hoc præceptum? *Resp.* Omnes fideles, & infideles. Ita D. Cyprian. *sermone de eleemosyn.* Ratio est, quia hoc præceptum non solum positivum à Christo Domino, sed naturale est.

7 *Int.* Quæ requiruntur, ut hoc præceptum obliget sub mortali? *Resp.* Scilicet superfluitas ex parte erogantis, indigentia ex parte accipientis.

8 *Int.* Quotuplex est indigentia? *Resp.* Triplex, extrema, gravis, communis. Extrema est, cum quis est in certo, aut probabili mortis periculo ex defectu necessario. Gravis est, cum quis est in periculo graui perdendi honorem, aut decentiam sui status, vel per peccatum, vel per seruitium. Communis est, qua communiter laborant inopes.

9 *Int.* Quotuplex est superfluitas honorum? *Resp.* Triplex, vel enim superfluunt bona ad ipsammet vitam alendam : vel ad status decentiam sustentandam : vel ad decentissimam decentiam ipsius status condecorandam.

10 *Int.* Ex quibus superfluis tenemur sub præcepto succurrere extremè indigenti? *Resp.* Ex superfluis ad vitam ; & ex necessariis ad decetiam status. Ita communiter Doctores.

Dixi (ex superfluis ad vitam) quia ex necessariis ad illā non tenemur : imò tenemur nobis in æquali necessitate constitutis succurrere , quia charitas bene ordinata incipit à se ipsa : nisi extremè indigens sit persona publica à qua bonum pendet commune : tunc enim potius illi , quàm nobis tenemur subuenire , cùm teneamur commune bonum particulari anteferre , etiam in eo euentu , iuxta D. Thom. 2. 2. q. 32. art. 6. Sot. 5. Just. q. 1. ar. 7. Tolet. tract. de pec. mor. c. 34. Licet Sylu. eleemos. §. 2. & Armil. ib. q. 4. asserant id esse tantum consilium. Dixi (ex necessariis ad decentiam status) quia tenemur vitam proximi pluris æstimare , quàm decentiam nostri status , secundum charitatis ordinem.

11 Int. Ex quibus superfluis tenemur sub præcepto succurrere grauitè indigenti ? Resp. Ex superfluis ad decentiam status. Ita D. Thom. in 4. d. 15. q. 2. art. 1. q. 3. D. Anton. 2. p. tit. 1. cap. 24. §. 4. Richard. in 4. d. 15. Sylu. Tabien. Armil. ver. eleemosyna. Cod. de pæn. tract. 5. de eleem. Tolet. loco citato , expressius D. Thom. 2. 2. quæst. 32. art. 5. Caiet. ibidem , & tom. de præcep. eleem. Maior in 4. d. 15. q. 3. & ibi Palud. Nauar. in man. cap. 24. num. 5. & de redd. Eccles. q. 2. mon. 7. Sylu. eleem. q. 1. Quamquam Alenf. 4. p. q. 113. & Gab. in 4. d. 16. q. 4. concl. 5. oppositum teneant cum Panorm. cap. Si verò. de iureiuran. & D. Anton. 2. p. cap. 14. Ros. ver. eleemos. Notandum tamen cum Sylu. Caiet. Armil. & aliis Doctorib. ver. eleem. Tolet. tract. de pec. mort. cap. 33. decentiam status non esse attendendam ex præsentì tempore , sed etiam ex futuro , vt si quis nunc habeat superfluas pecunias , quia solutus est ab vxore , aut recenter nuptus absque filiis , paucis post annis habebit necessarias propter vxorem , & filios natos.

12 Int. Ex quibus superfluis tenemur succurrere communibus necessitatibus ? Resp. Dico primùm. Tenetur diues ex superfluis ad decentiam status eleemosyna succurrere communibus pauperum necessitatibus , seu , vt clarius loquar , tenetur sub mortali in pauperes distribuere superflua ad decentiam status. Hæc conclusio est probabilis , traditur à Cardin. Tolet. tract. de sep. pec. mort. cap. 35. nu. 2. Probatùr efficaciter ex sanctorum Patrum dictis , & oraculis. Ratio est , quia tantorum sanctorum dicta probabilem faciunt opinionem. Ita D. Hieronym. vt habetur in Decret. dist. 42. cap. 1. aliena rapere conuincitur , qui ultra sibi necessaria retinere probatur.

bitur. D. Ambros. vt habetur *dist. 47. can. Sicut*. Non minus est criminis habenti tollere, quàm cum possis, & abundans sis, indigentibus denegare. Esurientium est panis, quem tu detines: nudorum est indumentum, quod tu recludis: miserorum redemptio est pecunia, quam in terra defodis; tot ergo scias te inuadere bona, quot possis præstare. D. August. in *Psal. 147*. superflua diuitis necessaria sunt pauperi, aliena rapit, qui ista detinet. Dico *secundum*. Probabilius est neminem teneri sub mortali distribuere superflua ad decentiam status, nisi in extrema, vel graui necessitate. Ita tenet communis opinio, sic Alex. 4. p. *quæst. 113. mem. 1*. Gabr. in 4. *dist. 56. quæst. 4. conclus. 5*. D. Thom. in 4. d. 15. *quæst. 2. art. 1. quæst. 3*. D. Anton. 2. p. tit. 1. cap. 24. §. 4. Richard. in 4. *dist. 15*. Sylu. Tabien. Armil. *eleemosyna*. Medin. *Cod. de pæn. tract. 5. de elem.* quos refert, & sequitur Tolet. *tract. de pec. mort. cap. 35. num. 2. & 3*. Dico *tertium*. Superfluitas bonorum ad decentissimam decentiam status, obligat diuitem sub mortali communibus succurrere pauperum necessitatibus, ex præcepto faciendi eleemosynas. Ita Beia 2. p. *casu 25*. cum pluribus, quos citat, iuxta illud Ioan. 1. cap. 3. *Qui viderit fratrem suum necessitatem habere, & clauserit viscera sua, quomodo charitas Dei erit in illis?* Item illud Pauli ad Hebr. *alius quidem esurit, alius autem ebrins est*. Quod quidem contra humanam pietatem, & naturalem fraternali amorem esse, nemo sani consilij negabit.

13 *Int.* Estne idem dicendum de Episcopis? *Resp.* Circa bona patrimonialia idem de illis, atque de quibusque diuitibus dicendum. Circa verò bona Ecclesiastica, hoc est, comparata ex Ecclesiasticis redditibus, subtractis his, quæ ad decentem victum, & vestitum, & domus ornatum pertinent, insuper subtractis his, quæ gratia pietatis, & charitatis potest in consanguineos indigentes, aut famulos distribuere, tenetur residuum dare pauperibus sub mortali. Ita communiter Doctores teste Card. Tolet. *lib. 5. cap. 4. num. 16*. Qualis autem debeat esse status decentiæ Antistitis, docuit Conc. Carthag. I I I. *can. 15*. his verbis. *Episcopus vilem suppellectilem, mensam, & victum pauperem habeat, & dignitatis suæ auctoritatem in fide, & vitæ meritis quærat*. Docuit Concil. Trident. *sess. 25. cap. 1*. parum mutatis verbis, exemplo patrum nostrorum in Conc. Carthaginens. non solum iubet, vt Episcopi

K K k 2

modesta

modesta suppellectili, & mensa, ac frugali victu contenti sint, verum etiam in reliquo vitæ genere, ac tota eorum domo caueant ne quid appareat, quod à sancto hoc instituto sit alienum, quòdque non simplicitatem, Dei zelum, ac vanitatum contemptum præ se ferat.

14 *Int.* Estne idem dicendum de beneficiatis & curatis circa ea, quæ ex Ecclesiasticis redditibus compararunt, atque dictum est de Episcopis? *Resp.* Idem. Ita Card. Tolet. loco proximè citato, cum communi, & maiori cum ratione de Cardinalibus.

15 *Int.* Obligamurne in extrema necessitate alterius ei donare, an satis est mutuo dare, vel cambiare, vel vendere? *Resp.* Quantacumque sit extrema necessitas, satisfacimus præcepto mutuando, vendendo, vel cambiando. Ita Adrian. de restit. & Nauar. in sum. cap. 17. n. 60. Ita legimus Iosephum succurrisse Ægyptiis, Gen. 47. & Tobiam Gabello sub chirographo, Tob. 1.

16 *Int.* Non vult extremè indigens accipere mutuum, nec cambiatum, nec venditum, sed liberum, & donatum, teneor ne donare? *Resp.* Teneor succurrere donando. Ita Card. Tolet. tract. de pec. cap. 37.

17 *Int.* Habet quis alienas pecunias in manu sub tutela, teneturne succurrere cum iis extremè indigenti, cum non habeat proprias? *Resp.* Tenetur, neque si succurrat, tenetur eas restituere. Ratio est, quia illæ pecuniæ non suæ, sed alienæ erant, & ideo secum deferebant dominium veri domini. Toleti tamen exemplum de eo, qui habet mutuas pecunias, non est ad rem: quia in mutuo translatum est dominium, & ideo si illas pecunias quis dedit, suas dedit, atque tenetur soluere debitum.

18 *Int.* Potestne in extrema necessitate sibi quis succurrere ex alieno raptò? *Resp.* Pars affirmans ita certa est, ut nullus sit qui dubitet: est enim huiusmodi subuentio ex iure naturali.

19 *Int.* Deuenit postea ad pinguiorem fortunam, teneturne raptum huiusmodi restituere? *Resp.* Negat Scot. in 4. d. 15. q. 1. & ibi Gabr. Sot. lib. 4. iust. q. 7. a. 1. Affirmant tamen Nau. c. 17. n. 60. Adrian. de restit. Dico tamen. Si indigens extremè, est extremè, indigens respectu cuiusque loci, ita ut sicut hic non habet, nec alibi habeat, unde sibi succurrere posset, non tenetur ad restitutionem accepti: si verò alibi habeat, licet hic extremè indigeat,

indigeat, tenetur. Est opinio communior. Ratio est, quia illa omnimoda extrema necessitas omnia illi fecit communia: non verò illa extrema necessitas pro loco, & tempore.

20 *Int.* Est quis distributor eleemosynarum, ipse etiam pauper est, potestne sibi sumere partem, ut alius pauper? *Resp.* Potest sibi, ac suis, si ita indigent, atque alij, semoto scandalo. Ita Caiet. 2. 2. *quæst.* 32. *art.* 9. Sylu. *elemos.* §. 3. & 4. D. Thom. 2. 2. *q.* 32. *art.* 9. *ad* 3. Tabien. *ver. elemos.* §. 13. Ratio est manifesta, quia nemini officere debet suum munus, imò ex veteri parœmia proficere cuiquam par est.

21 *Int.* Est ciuitas obsidione oppressa iusto bello, & ob id inclusi fame tabescunt, peccatne qui illis suppeditat cibos? *Resp.* Absolutè affirmat Tolet. *tract. de pec. mor. c.* 31. peccare mortaliter. Mihi tamen distinguendum videtur. Vel n. succurro rebellibus intus clausis, per quos stat belli iniquitas: vel succurro innocentibus, qui æquè ac rebelles, & iniusti propugnatores opprimuntur intus. Dico igitur. Qui rebellibus iniustis succurrit, peccat mortaliter, qui innocentibus, minime. Opponitur. Illi sunt partes ciuitatis iniustæ, sed obsidentes habent ius ad totam ciuitatem iniustam opprimendam; ergo iustè opprimuntur. Distinguo maiorem propositionem. Sunt partes ciuitatis iniustæ materialiter; concedo maiorem. Sunt partes ciuitatis iniustæ formaliter, nego maiorem: obsidentes verò habent ius tantum ad opprimendam fame ciuitatem iniustam formaliter, non materialiter, hoc est, ciues formaliter iniustos.

De Ecclesiastica sepultura. §. 3.

1 *Qui prohibentur in iure sepeliri Ecclesiastica sepultura.*


2 **I** N T E R R O G A T I O. Qui prohibentur in iure sepeliri Ecclesiastica sepultura? *Resp.* In primis hæreticus. *cap. Sicut. de hæret.* Notant summistæ *verb. sepultura.* Maiol. *de canonic. imped. lib.* 3. *cap.* 23. *n.* 132. Deinde Iudaus, Paganus, & alius quiuvis infidelis mortuus in suo errore. *cap. Ecclesiam, de consecr. d. 1.* Maiol. & summistæ *sup. citati.* Tertiò. Blasphemus in Deum, aut in Sanctos, qui non vult acceptare poenas sibi pro tali crimine impositas iuridicè. *cap. Statuimus. de maledicis.* Quartò. Mortuus, qui post mortem conuincitur fuisse: hæreticus, & in hæresi obiisse inconfessus, & impœnitens: talis enim iterum exhumatus, longè ab Ecclesia sepeliendus

est : cap. Sanè. 24. quæst. 2. Quintò. Infans filius Christiani ante baptismum decedens è vita. Notat Viuald. tit. de interd. §. 1. num. 27. cum Hostiensi, Sylu. & aliis. Sextò. Omnis ille, qui viuis prohibebatur ab ingressu Ecclesiæ. c. Is qui, de sent. excomm. tradunt Sylu. & Armil. verb. sepult. Septimò. Omnis qui in notorio, & publico peccato moritur. Ita Maiol. Sylu. & Armil. citatis locis. Gloi. in cap. Monachi. de stat. monach. cap. Pro obeuntibus. 13. quæst. 2. c. Non existimemus. cap. Quibus. cap. Quæsitum. 15. q. 2. c. Placuit. 23. q. 5. c. Quicumque clericus. 23. quæst. 7. quos text. supradicti Auctores afferunt, adducitque Viuald. cit. loco. tenet Nauar. cap. 25. num. 132. Octauò. Sui ipsius occisor. c. Placuit. 13. quæst. 5. etiam si se occiderit ob causam honestam. c. Ex parte, de sepult. si tunc sui compos erat, neque à Spiritu sancto fuit motus, vt Samson, Judic. 16. Nonò. Publicus vsurarius, in vsurarum peccato mortuus. c. Quia in omnibus. cap. Quauquam. de vsuris. Clem. Eos qui propria. de sepult. Notat Cardin. Tolet. lib. 5. cap. 36. num. 6. Estque ipso iure excommunicatus talem sepeliens vsurarium. c. Quauquam. de vsuris. tradit Sot. lib. 6. Inst. quæst. 1. art. 1. Decimò. Qui supradictum vsurarium in Ecclesia sepeliuit. c. Quia in omnibus. de sepult. tradit Maiolus lib. 3. cap. 23. num. 18. Vndecimò. Excommunicatus maiori excommunicatione. c. Sanè. 24. quæst. 2. cap. In nostra. de sepult. Clem. 1. de sepult. Si verò iam sepultus est, exhumandus est. cap. sacr. de sepult. Hic autem excommunicatus intelligendus est iuxta Extrauag. Martini Papæ, Ad euitanda scandala. nominatim denunciatus, vel notorius clerci percussor. Notat Card. Tolet. lib. 1. cap. 13. num. 9. Ratio eius est optima, quia sicut cum aliis excommunicatis viuis communicare possumus, ita etiam cum mortuis. 24. quæst. 2. cau. sanè. 1. & cap. Sacr. de sepul. Hinc manifestè inferitur, quàm sine ratione negarunt sepulturam excommunicato minori excommunicatione, Summa confess. lib. 3. tit. 17. quæst. 3. Sylu. sepultura. num. 9. §. 10. Quam quidem iure optimo illi concedunt Innocent. cap. sacr. de sepult. & Armil. verb. sepult. num. 16. cum reliquis. Duodecimò. Interdictus publicè denunciatus. cap. In nostra. de sepult. Extrauag. Ad euitanda scand. Qui ex malitia semel in anno non est confessus, vel Eucharistiam non sumpsit in Paschate. cap. Omnis, de pæn. & remis. Decimotertio. Publicus Ecclesiæ spoliator, vel incendiarius.

cendarius. Ratio est, quia in eo, quo quis deliquit, in eo puniatur necesse est. *cap. Quod à viro. 12. quæst. 2.* Notat Glos. *cap. Neque apud. 88. dist. Decimoquartò.* Religiosus, qui post mortem probatur propriarius ex inuento proprio peculio. *cap. super quodam. de statu Monach.* Conc. Trid. *sess. 25. cap. 2. de reform. regul. Decimoquintò.* Laicus negans, & retinens iniuste decimas Ecclesiæ. *cap. Prohibemus. de decim. Decimosextò.* Qui in torneamentis mortuus est, vel in iis mortale vulnus accepit, ob quod mortuus est. *cap. 1. de torneamentis.* Ita Summa confes. & Maiolus citati cum Hostiens. in Rubric. *De torneam.* Quod adeò verum est, ut illi negeretur sepultura, licet confessus fuerit, & Eucharistiam sumpserit ante mortem. Notat ex *cit. cap. & Doctoribus Vivald. tit. de interdicto. §. 2. nu. 23.* Quæ determinatio Ecclesiæ facta est ad terrorem aliorum.

Laus Deo, & Beatissima Dei genitrici.

F I N I S.



KKk *

Author ad librum.

PRodis in lucem sub luce nascentis
auroræ primus mei ingenij foetus,
diuino fato, æternis auspiciis, non con-
sultò, non cogitatò. Nasceris mundo,
nascente orbi Muliere amicta sole, lu-
nam sub pedibus habente, stellis pro co-
rona duodecim micante, Virgine, in-
quam, Dei genitrice, cuius hodiernus
natali dicatus est dies. Io triumphe, Io
trumphe: spero fore, vt quasi lux splen-
descens procedas, & crescas vsque ad
perfectum diem.

INDEX



I N D E X
R E R V M M E M O R A T V,
S C I T V Q V E D I G N I O R V M,
Q V Æ I N H O C O P E R E
tractantur.

A



C E D I A quid, & quale peccatum.	760
Acceptio personarum quid.	762
Acetum non est materia consecrationis sanguinis.	
421	
Accusando qui peccent.	240
Accusatoris peccata.	761
Accusare quis teneatur.	240
Accusatio quoruplex.	761
Actus diuini amoris an debeat esse perpetuus.	3
Aduocatus scienter defendens causam iniustam peccat mortaliter. 262. ad quam restitutionem teneatur. 766. quam causam tuta conscientia possit defendere.	ibid.
Adulterium an dissoluat matrimonij vinculum.	717
Adulter an possit sine peccato occidi.	83
Aduocatorum iustum pretium.	764
Adultera quomodo tenetur adulterium reuelare.	121
Adultus qua dispositione ad baptismum accedere debeat.	
406	
Ætas celebrandi matrimonij quæ.	712
Affinitas quid. 673 eius effectus superuenientes matrimonio. 674. an impediatur matrimonium ex iure naturali.	675
Aggressorem qui fugere teneantur.	116
Altare quoruplex. 445. eius lintea qualia esse debeant. 446. qualis ara.	ibid.
Altari quæ reuerentia exhibenda.	445
Ambitio quid sit.	750

I N D E X

A multis excommunicationibus an quis simul absolui possit.

584

Amphibologia an uti liceat in iuramento. 38

Angelus an baptizare possit. 404

Animalia ignoti domini inuenta cuius sint. 161

Anima separata à corpore potest seipsam mouere localiter.

563. an sciat viam ad cœlum vel infernum. 564. an possit
ad nos remeare. 565

Appetitus propriæ excellentiæ circa quæ versetur. 746.
quando peccatum mortale. 745

Appellantium peccata. 765

Apostasia quid. 31

Approbatio quæ requiratur in confessario. 576

Aqua an miscēda vino consecrando. 422. qualis, & cur adhi-
benda. 423. quæ quantitas adhiberi debeat. ibid. eam omit-
tens scienter, vel crassa ignorantia, peccat mortaliter. 422

Arrha in matrimonio an, & quatenus dari possit. 697

Articulus mortis quid sit. 582. quid differat à periculo mor-
tis. ibid.

Attritio quid sit. 464

Auaritia quid sit. 751

Auricula an membrum. 361

Auricularis confessio licita & sancta. 476

Auroræ nomine quid intelligendum. 452

B

Balsamum an de necessitate Sacramenti Confirmationis.
412

Baptismus quid sit. 399. quotuplex. 397. cur institutus in
ablutione exteriori. 400. eius materia. ibid. forma. 401. mi-
nister. 403. subiectum capax. 404. ceremoniæ quid sibi ve-
lint. 406. effectus. 411. quot patrini assumendi. 407

Baptizare seipsum, an quis possit. 403. plures an possint simul
baptizari. 405

Beneficium quid. 766

Beneficium Ecclesiasticum cui conferendum. ibid. illud in-
digno conferens quomodo peccet. ibid. & 107. eo quis
dignus, aut indignus. ibid. & 767

Beneficiarius quoties celebrare teneatur. 768

Beneficiorum permutatio in quibus consistat. 638

Bigamia

R E R V M.

- Bigamia quid. [354.](#) quotuplex. *ibid.* in ea quis dispensare possit. [356](#)
- Bigamia ex defectu qualis. *ibid.*
- Bigamus quid. [355.](#) & seq.
- Blasphemia quid. [33](#)
- Bona pro derelictis habita quæ sint. [160.](#) cuius sint. *ibid.* casu inuenta cuius sint. [162](#)
- Bona naufragantium an pro derelictis habenda. [160](#)
- Boni & mali sacerdotis consecratio an idem valeat. [434](#)
- Bulla cruciata quæ. [568.](#) eius Commissarius in quo gradu dispensare possit. [584.](#) varia priuilegia. [569.](#) effectus. *ibid.* eam qui lucrari possint. [568](#)
- Bullæ Coenæ Domini prima excommunicatio quæ. [587](#)

C

- C**Alix qualis esse [debeat.448.](#) quid designet. *ibid.*
- Caliniatorem audiens quando & quomodo peccet. [138](#)
- Cambium per literas quod, & quomodo fiat. [157](#)
- Cambium [quid.157.](#) eius diuersæ species. *ibid.*
- Candela an requiratur ad celebrandum sacrum. [499.](#) cuius materiæ esse debeat. *ibid.* & quot necessaria. *ibid.*
- Captiui Christiani remigantes apud Turcas an peccent remigando. [592](#)
- Cardinales vacante sede quas leges ferre possint. [273.](#) eorum munus quale. [611](#)
- Cauponum peccata. [768](#)
- Causa quid. [191](#)
- Celebrare an liceat singulis [diebus.438.](#) vbi. [.444.](#) an absque altari. [445](#)
- Census quid sit. [154.](#) quotuplex. [155.](#) olim vsitatus. [168](#)
- Cessatio quid [sit.377.](#) quot modis fiat. *ibid.* an idem quod [interdictum.378.](#) an sit censura. *ibid.* cūr fiat. [380](#)
- Character quid [sit.381.](#) an possit amitti. *ibid.*
- Charitas quid sit, & quæ contra eam peccata. [32. 33](#)
- Chirurgorum peccata. [781](#)
- Chrisma quid. [412.](#) an debeat esse consecratum. [413.](#) an debeat esse nouum. *ibid.*
- Christianorum captiuorum peccata. [778](#)
- Christiano an fugere liceat. [26.](#) an donis fugam comparare. [27.](#) an se fingere idololatram, aut hæreticum, vt tales conuertat,

I N D E X

- conuertat. ibid.
- Clericus deprehensus in flagranti delicto à Magistratu detinendus, & suo prælato præsentandus. 298
- Clerici an possint accusare malefactores suos, etiam si illi occidendi sint. 366
- Clerici quæ tributa soluere teneantur. 169. quando à principibus sæcularibus coerceri possint. 298. eorum tria bona. 213. eos quis possit percutere absque excommunicatione. 342. filios spurios ditare non possunt. 856. & seq.
- Clericus seipsum percutiens an peccet. 344
- Codicillus quid sit. 216. quæ eius solennitas. ibid.
- Cognatio naturalis quot habeat lineas. 658
- Cognatio legalis in quibus gradibus impedit matrimonium. 661
- Cognatio spiritualis quid sit. 409. inter quas personas contrahatur. ibid. & seq.
- Cognatio inducens impedimentum matrimonij quotuplex. 657
- Concionatores an possint publicè reprehendere prælatum. 15
- Concubinarius notorius est ipso iure suspensus. 370
- Concubinarius etiam contritus & confessus tenetur amovere concubinam sub mortali. 787. eius status miserandus. ibid.
- Collatio beneficiorum ipso iure nulla quæ. 624
- Columbas an & quomodo capere liceat. 227
- Conductorum peccata. 769
- Confessarius tenetur sigillum confessionis illæsum seruare, neque ex eo procedere. 529. & seq. quomodo se cum usurario gerere debeat publico vel occulto. ibid. quid agere debeat circa poenitentis conscientiam. ibid. quæ vota possit, aut non possit commutare virtute bullæ Cruciatæ. 580. & seq.
- Confessio quid sit. 476. quando sit nulla. 483. an aliquando anticipanda. 312. quando differri possit. ibid. eius quæ integritas necessaria. 476. circumstantiæ. 479. quæ & quot. ibid.
- Confessionis sacramentalis sexdecim conditiones. 494
- Confiteri qui teneantur. 309. quoties. 310. quo ætatis anno. ibid. quando. 311. per scriptum an liceat. 495. an per interpretem. 497
- Conditiones

R E R V M.

Conditiones boni & idonei Curati.	624
Conditiones dirimentes matrimonium quæ.	650
Confirmatio an sacramentum.411.quid fit. 412. an suscipienda ex præcepto. 415. quibus conferenda. 417. qua hominis ætate. <i>ibid.</i> quæ eius materia. 412. forma. 413. minister. <i>ibid.</i> effectus.	416
Coniuges consummato matrimonio an possint ingredi religionem. 655. an peccent contrahendo cum hæreticis.	771.
Coniux an possit debitum reddere coniugi petenti, qui habet votum castitatis.	53
Contentio quid.	749
Contemptus omnis etiam minimi peccati est mortalis.	2
Contractus societatis quotuplex.	153
Contractus cum excommunicato an validus.	329
Contritio quid sit. 461. quid significat. <i>ibid.</i> eius dolor qualis esse debeat. 467. quando necessaria.	<i>ibid.</i>
Contritus & attritus quomodo differunt.	465.474
Contritus an indigeat Sacramento poenitentiae.	468
Contumelia quid.	88
Conuitium quid.	89
Correctio iudicialis quæ virtus.	228
Correctio fraterna præceptum naturale.9. quot actibus constet.16. in ea quis ordo seruandus. <i>ibid.</i> quot & qui testes adhibendi.	17
Criminis nomine quid intelligatur.	661
Curiositas quid.	749
Custodum peccata.	782
Clericorum peccata.	783
Canonicorum peccata.	789

D

D Amnatus ad mortem an seipsum occidere possit. 254. an cibos oblatos respuere.	<i>ibid.</i>
Debitum negando peccant coniuges. 725. negare ob causas possunt.	<i>ibid.</i>
Decimæ quo iure soluantur. 113. 318. earum soluendarum præceptum ubi contineatur.317. earum magna retributio.	318

Decimo

I N D E X

Decimo præcepto quid prohibitum.	266
Defectus in Missa varij quomodo cauendi.	452
Delectatio morosa quæ.	754
Degradatio quid sit. 381. quæ eius conditiones, & effectus.	
ibid. quis eam possit infligere. 382. quis pati. 383. cur infligatur.	ibid.
Delatoris peccata.	791
Delator falsi criminis ad quid teneatur. ibid. quid in denuntiatione intendere teneatur.	793
Despositarij peccata.	ibid.
Diuinorum peccata.	ibid.
Diuinus an pro augurando pretium acceptum restituere teneatur.	794
Denunciare quis teneatur.	238
Denunciationes Matrimonij quæ & quando faciendæ. 704. an omitti possint.	705
Desperatio quid sit. 32. vnde oriatur.	ibid.
Detractatio quid sit. 263. quot modis fiat. ibid. quale peccatum.	ibid.
Detractorem audiens quando peccet.	138. 265
Deus quomodo diligendus.	3
Digitus an membrum.	360
Diligentia quæ adhibenda in confessione.	490
Discordia quid.	748
Discrimen inter excommunicationem à iure, & ab homine. 320. inter peccatum mortale, & veniale.	735
Dispensare quis possit in iuramento. 48. in impedimentis matrimonij.	684. & seq.
Dispensare in voto quid sit. 67. quis possit. ibid. an sine causa.	
71	
Dispensationis quæ causæ.	ibid.
Dispositio ad suscipienda Sacramenta.	394
Diuini officij nomine quid intelligatur.	373
Diuortium ob quas causas fieri possit.	720. & seq.
Donatio quæ irrita absque insinuatione. 181. quibus ex causis reuocari possit. 185. 186. quot eius genera. 189. modalis quæ. 190. causalis quæ.	191
Donatio inter viuos, & facta causa mortis quæ.	204
Duplex causa incarcerationis.	252

Ebrius

E Brius alium occidens , aut mutilans quomodo peccet. 120

Ebrietas quid, & quale peccatum. 759

Ecclesiastici qui censendi. 299

Ecclesiastici in quibus liberi à legibus Principum secularium , & in quibus non. 296. quando coërceri possint à Principibus secularibus. 298. quando vtuntur priuilegio fori. ibid.

Ecclesiastica sepultura qui prohibentur. 885.886

Ecclesiasticum beneficium quid. 616. 626. quis conferre possit. 623

Ecclesiæ nomine quid intelligatur. 17. 574

Ecclesia an possit instituere Sacramenta. 387.

Ecclesiæ qua intentione visitandæ. 574

Emptio malæ fidei quæ. 223.224

Eleemofyna quid. 879.880. qui eam possint facere. ibid.

Electorum peccata. 799

Electio coarctata quæ dicatur. ibid.

Episcopus an possit dispensare in voto castitatis. 89. ordinans ante legitimam ætatem suspenditur. 349

Episcoporum peccata. 795

Episcopus quid possit circa beneficia reseruata Papæ. 797

Error quis dirimat matrimonium. 649. quotuplex. ibid.

Error personæ quo iure dirimat matrimonium. ibid.

Eucharistiæ sumendæ præceptum quid fit. 316. quando instituta. 418. vbi contineatur. 316. quando implendum. ibid.

quoties obliget. 317. eius materia quæ. 418. minister. 426.

quomodo suscipienda. 427. Christus in ea remanet. 431

Excommunicatio quid sit. 319. quotuplex. ibid. in qua re differt ab anathemate. ibid. eam infligere qui possint , & qui non. 321. & seq. an liget ignorantes. 323. eius forma quæ. 325. causa. 326

Excommunicationis maioris effectus. 328. an aliquando incurratur ob participationem cum excommunicato. 330

Excommunicatus ad quid redditur inhabilis. 331. à quo absolui possit , & an inuitus. 333

Excommunicatus an prius ab excommunicatione absolvens quam à peccatis. 801

Excommunicatus

I N D E X.

Excommunicatus quibus bonis priuetur.	319
Excommunicari qui vitandi.	329
Excommunicari qui possint.	321
Exequiarum moderata pompa quæ.	570

F

F ama quomodo lædatur. 129. ad eius restitutionem quæ requirantur. <i>ibid.</i> eius denigratio quomodo fiat <i>ibid.</i> quot modis restituitur. 141. quis tenetur restituere. <i>ibid.</i> an possit fieri pecunia.	145
Famulus tenetur deferere dominum, qui non permittit audire sacrum quando potest.	303
Fautor Hæreticorum quis dicatur.	588. & 809
Festis diebus quæ opera prohibentur. 74. quæ seruilia possint fieri. <i>ibid.</i> molere licet, & cur. 75. quæ obseruanda.	76
Fœminarum peccata.	806
Fides quid sit. 25. duplex est. 28. eius confessio quando facienda. 25. quæ actiones sint contra eam.	27
Fideicommissum quod.	226
Filiorum peccata.	804
Filius quando peccet contra præceptum de diligendis parentibus.	23
Filius quid possit donare.	197
Filiorum vota quis possit irritare. 63. quando parentibus obedire tenentur. 78. eorum insperata natiuitas donationem irritam facit. 186. non tamen si sit facta Ecclesiæ.	188
Filius in extrema necessitate patri, an matri succurret. 805. 806. an filio.	ibid.
Filij quando contra parentes teneantur testari. 258. non cogendi ad vitam monasticam, vel etiam ad coniugium.	855
Fiscalium peccata.	803
Forma sacramenti pœnitentiæ quæ.	510
Fuga quæ reo licita.	252
Fugere an liceat Christiano.	26
Furiosi an baptizandi.	405
Furtum quid sit.	90. 219
Furti & rapinæ differentia.	221
	Fructus

R E R V M.

Fruſtus beneficiorum ad quod tempus vendi poſſint. 638

G

Geomantia quid. 34

Gellus impudici, quæ, & qualia peccata. 755

Gradus matrimonij ſecundum quod ius computandi. 660

Gradus vniuſcuiuſque lineæ quor. 659

Gratia effectus Sacramenti Eucharistiæ. 429

Guardianorum poteſtas limitata. 851

Gula quid. 758. quale, & quando peccatum. ibid.

H

Hæreſis in cauſa non requiruntur teſtes concordēs, & quomodo. 261

Hæreticus occultus quomodo tractandus. 18.19

Hæreticus quis in bulla cœnæ Domini intelligatur. 588

Hæreticorum error circa diuiſionem peccati. 735

Hæreticorum peccata. 808

Hermaphroditi irregulares, & non ordinandi. 352

Hæreticos abſoluere quis poſſit. 589

Hæredum peccata. 809

Homicidium quid ſit. 80. 360. quor modis ſiat. 362. variè circa hoc quomodo peccetur. 80. & ſeqq. eius circumſtantiæ in confeſſione aperiendæ. 88

Homicidio indireceto quis peccet. 87

Horæ Canonicæ ſeptem. 615. quid ſignificent. ibid. quis eas recitare teneatur. ibid. quando. 617. vbi. 618. quomodo. 619. ab iis quæ cauſæ excuſant. 620

Hypocriſis quid. 748

I

Idololatria quæ. 34

Ieiunium Eccleſiaſticum quid ſit. 304. quæ ſint de eius eſſentia. ibid. quinam cibi in illo prohibeantur. ibid. eius hora an anteuerſi poſſit ob cauſam iuſtam. 305

Ieiunium quando incipiat, & quando deſinat. 308. ab eo

L L I quæ

I N D E X

- quæ causæ excusent. [306.](#) quando obliget , & quo anno
ætat. [308.](#) in eo quis dispensare possit. [309](#)
- Ignorantia quotuplex. [323.](#) quæ excuset ab excommunica-
tione. [ibid.](#)
- Infantes testimonium perhibere non possunt. [256](#)
- Infantes in vtero constituti an baptizari possint. [405.](#) infide-
lium inuitis parentibus an baptizari possint. [ibid.](#)
- Infamare seipsum an quis possit. [265](#)
- Infamatus bonam famam consecutus, non est infamandus
denuò. [264](#)
- Infamia quid. [350.](#) eius varia genera. [129.&](#) seq.
- Infamia iuris & facti quæ. [135](#)
- Infamatoris hæredes quæ maneat obligatio. [145](#)
- Impotentia impedimentum matrimonij [quid.676.eius](#) con-
ditiones. [677.](#) quotuplex. [ibid.](#)
- Impietas quid. [33](#)
- Infidelitas quid. [31](#)
- Infidelium matrimonia an soluantur per conuersionem ad
fidem. [719](#)
- Impedimenta matrimonium dirimentia quot [sint.649.](#) cir-
ca cultus disparitatem. [663](#)
- Impedimenta matrimonij quæ. [647.](#) an statuere possit Ec-
clesia. [ibid.](#)
- Impedimenta impediencia & dirimentia matrimoniū quot.
[649](#)
- Indignus an ad beneficium eligendus. [799.&](#) seqq. qui sint
indigni. [ibid.](#)
- Indulgentia quid [sit.543.](#) quid per eam [remittatur.544.](#) quis
eius capax. [545.](#) an pro sit excommunicatis. [546.](#) an etiam
animabus in purgatorio existentibus. [ibid.](#) quis eas pos-
sit concedere. [547.](#) ob quas causas possint concedi. [548.](#)
quando conferri inceperint. [ibid.](#)
- Indulgentia plenaria quid sit. [554](#)
- Infernus vbi sit. [561](#)
- Interdictum quid sit. [371.](#) quotuplex. [ibid.](#) quæ eius forma.
[372](#)
- Interdicti tempore quæ vetantur. [ibid.](#) quo anni tempore
eius effectus suspendatur. [374.](#) ab eo quis possit absolue-
re. [376.](#) eo tempore celebrans quomodo puniatur. [374](#)
- Interdicere & interdici quis possit , & cur. [372](#)

Inimici

R E R V M.

Inimici quomodo diligendi.	21
Inimicorum peccata.	817
Inobedientia quid.	749
Inquisitio quid sit. 243. quotuplex. ibid. quæ in generali peccata detegenda. ibid. particularis quando fieri possit. 244	
Inquisitores an possint aliquem ab hæresi absolvere.	589
Inquisitores in Lusitania quomodo procedant contra Hæreticos.	587. & seqq.
Invidia quid. 759. quale peccatum.	760
Insinuatio requisita ad donationis validitatem quid.	181
Inuasorem an occidere liceat.	84
Irregularitas quid. 345. quotuplex.	ibid.
Irregulares ex defectu natalium qui. 347. ætatis. 349. famæ. 350. corporis. ibid. animæ:	352
Irregulares ex delicto hæresis qui. 357. ex delicto circa baptismi sacramentum.	358
Irregulares circa ordinum susceptionem qui.	ibid.
Irregularitas contracta in ministerio ordinis.	359
Irregularitas ex delicto orta censura est.	361. & seqq.
Ira quid , & quod peccatum.	756
Iudicum peccata.	810. & seqq.
Iudex an possit damnare nocentem de iure, quem scit innocentem. 234. quem ordinem teneatur seruare in condemnatione rei. 236. an possit pœnam legum relaxare. ibid. an uti ei liceat simulationibus. 250. an incarceratos inuifere teneatur.	714
Iudices in quo frequentius peccent. 231. qui excommunicantur bulla cœnæ Domini.	591
Iuramentum quid. 36. an exigendum ab eo , qui iurat per falsos Deos. 37. quotuplex.	ibid.
Iuramentum an sit actus virtutis.	38
Iuramentum quas, & quales habeat proprietates.	ibid.
Iuramentum promissorium an implendum. 41. non obligat hæredes eius qui iurauit , & cur.	45
Iuramentum comminatorium quando peccatum. 46. execratorium quale , & quando peccatum.	47
Iuramentum annullare quid sit. 48. quis possit circa illud dispensare.	ibid.
Iurans ex consuetudine quando peccet.	40
Iurans sine intentione implendi , utrùm peccet.	41

I N D E X

Iurans rem malam duo committit peccata.	42
Iurans rem futilem quomodo peccet.	ibid.
Iustitia publicæ honestatis impedimentum matrimonij, unde oriatur.	672

L

L Aicus suscipiens beneficium curatum ad quid teneatur.	
859	
Lætio quotuplex.	340
Legitimus in iure quis censeatur.	347
Legentes libros hæreticorum, & prohibitos, quomodo peccent & puniantur.	337. 588
Leges ciuiles qua vi obligent Ecclesiasticas personas.	
297	
Legatariorum <u>peccata. 822.</u> de legato relicto vxori si non nubat.	823
Legatum quid.	226
Legislator an possit cogere subditos inuitos ad legem seruandam. 274. an debeat seruare suas leges.	299
Lex vnde <u>dicta. 267.</u> quomodo definitur. ibid. quis possit ferre. <u>269.</u> quæ dura vocanda.	ibid. & seqq.
Lex quomodo obliget ad mortale peccatum, quomodo ad veniale.	287
Leges promulgatæ quando obligent.	275
Leges irritatoriæ & reuocatoriæ quæ. <u>277.</u> priuilegiatoriæ.	
ibid.	
Legi humanæ non subiacent actus interni.	279
Leges Ecclesiasticæ an obligent in conscientia. <u>281.</u> ciuiles an obligent.	282
Librariorum peccata.	820
Librarij libros prohibitos diuidentes quomodo peccent.	
ibid.	
Libelli famosi qui. <u>139.</u> quinam peccent circa illos.	ibid.
Linthea altarium qualia esse debent.	446
Linthea transuersa æqualis quid sit.	659
Longum tempus quod censendum.	354
Litteræ Apostolicæ quæ.	590
Ligamen impedimentum matrimonij quod.	671
Locus celebrandi matrimonij quis.	712
	Locus

R E R V M.

Locus sacer qui dicatur.	813
Lucrum quid sit.	147
Ludus quid sit.	165
Ludis prohibitis acquisita quomodo soluenda.	ibid.
Luxuria quid. 751. quot eius species.	752

M

M agia quid sit.	34
Mammilla in foemina an membrum.	361
Maleficium quid sit.	35
Maledictiones quomodo & qualia peccata.	757
Mancipiorum vota domini an irritare possint, & quæ.	65
Manus an præscindi possit à reo, vt alteram seruet.	354
Maria Virgo an semper fuerit in actu diuini amoris.	4
Manus iniectio quid sit.	338
Maritorum in vxores peccata.	771. & seqq.
Maritus vxori quam reuerentiam debeat.	79
Mariti quas donationes facere possint.	194
Martyrium an baptisumus.	398
Matrimonium naturale quod. 645. an sit sacramentum.	706. 2
quo institutum, & quæ eius materia.	707. quis eius minister. 708. effectus.
Matrimonium quando institutum.	708. quomodo suscipiendum.
Matrimonium an celebrari possit inter absentes per inter-nuntium. 713. an dissolubile. 716. eius vsus an meritorius.	724
Matrimonium clandestinum quod vocetur.	713
Matrimonium serui cum ancilla, & è contra, quomodo & quando validum.	651. & seq. fidelis & hæretici an vali-dum.
Matrimonium post votum castitatis quo iure dirimatur.	654
Medicorum peccata.	818
Medicus an pauperes visitare teneatur.	829. an eundem de vicina morte monere teneatur.
Membrum in corpore hamano quid sit.	360
Mercatorum peccata.	815
Mercator gabellam non soluendo an peccet.	826

I N D E X

Merces mobiles an clam vendere liceat ob tributi solutionem vitandam.	171
Metus cadens in constantem virum quis dirimat matrimonium.	665
Metus reuerentialis.	667
Mille anni indulgentiæ quid significant.	553
Missa tempore interdicti quoties dici possit, & quomodo.	
373. quid sit. 432. quis instituit. ibid. fructus & effectus eius quis, & quotuplex. 433. cur sic vocata. 432. quis eius valor. 433. quibus communicatur. ibid. pro quibus offerenda. 435. an profit animabus in Purgatorio. 436. eius minister quis. 437. quis primus eam celebrauerit Pontificali apparatu. ibid. qua parte diei celebranda. 451. eius varij defectus quomodo cauendi.	452
Molere licet diebus festis, & cur.	75
Monialium peccata.	831
Monachus quis censendus.	539
Monachum mortuum percutiens an excommunicatus.	340
Monopolium an sit peccatum.	828
Monstra an & quæ baptizanda.	404
Mortis periculo se oblicere an & quomodo liceat. 81. & seqq. ei quis se teneatur offerre extra causam fidei, aut religionis.	86
Mortem alicuius desiderare quando, & quomodo liceat.	85
Mortuum infamantes quomodo peccent.	132
Mortuus quomodo puniri possit.	290
Motiuæ supernaturalia attritionis quæ.	470. & seqq.
Moniales an possint celebranti ministrare.	438
Mutilare seipsum an liceat.	81
Mutilatio quid sit.	360

N

N ecromantiæ quid.	34
Necessitas extrema & grauis quæ.	7
Nouitatum inuentio quod peccatum, & quando committitur.	478
Notariorum peccata.	840
Notarius in pretio quando peccet.	ibid.
	Nouitij

R E R V M.

Nouitij an possint absolui virtute bullæ à casibus referuat- tis.	580
Nuptiarum solemnitas quibus diebus prohibita.	704
Nuptiæ secundæ an benedicendæ.	715

O

Obedientiæ votum quantum obligat.	56
Obluiosus quando confiteri teneatur. 312. an tenea- tur scribere peccata.	500
Occidens inuasorem castitatis an peccet.	117
Occidere seipsum, est peccatum mortale.	80
Occidere quando sit sine peccato & meritorium.	82
Occidere auctoritate priuata, an & quando liceat.	ibid.
Officium diuinum quid sit. 615. Vide, <i>Horæ Canonice</i> .	
Opera seruilia diebus festis prohibita. 74. quæ admissa, & ob quas causas.	ibid.
Ordinati ante legitimam ætatem qua pœna puniendi.	349
Ordo an sit Sacramentum.	605
Ordo quid sit. ibid. quibus gradibus constet.	ibid.
Ordinum cuiusque gradus officia. 606. materia.	611
Oscula quæ peccata.	754

P

Palla altaris ex qua materia esse debeat.	449
Panis Eucharistiæ qualis esse debeat. 418. 419. quanti- tas. 424. forma eius consecrandi.	425
Papa in quibus votis dispensare possit. 68. quo iure. 69. secum dispensare potest. 70. & cum Episcopis. ibid. an possit alteri dare potestatem super se.	230
Patris & matris nomine quid intelligendum.	77
Parentes quomodo diligere debeant filios suos, & in qui- bus, 22. quæ eis exhibenda à filiis. 77. quæ ipsi tenean- tur filiis præstare. 78. an succedant filiis spuris morien- tibus ab intestato.	810
Paupertatis votum quantum obliget.	55
Parochus quomodo præsens esse debeat solemnitati matri- monij.	709
Participans cum excommunicato, quomodo & quando peccet. 329. quæ eius pœna.	ibid.

I N D E X

Patrini in baptismo qui & quot assumendi.	407.	qui prohibeantur.	408
Peccata quomodo remittantur.	737		
peccator an possit reprehendere peccatorem.	15		
Peccatum quid sit.	734.	quot nominibus appelletur.	735.
quod mortale , & quod veniale.	ibid.		
Peccata mortalia quot.	744.	cur ita dicta.	ibid.
conjugum circa actum conjugalem.	729.& seqq.		
Peccatores magni an conuerti possint.	737		
Peccatum publicum & notorium quod sit.	18.	commissionis & omissionis quod.	743
Peccatum frangentis sigillum confessionis quale.	529		
Peccatum veniale per quid remittatur.	741		
Peccata fidei contraria quæ.	30.	charitati contraria quæ.	33.
religioni.	ibid.	mortalia per quæ media remittantur.	738
Peccata quæ confitenda non sint.	738.	quæ reseruari soleant.	492.
mortalia an in hac vita remittantur.	376		
Pecunia an fieri possit famæ restitutio.	145		
Pecuniam locare an licitum.	819		
Pensionarij peccata.	863		
Pœnitentiæ Sacramentum quomodo definiatur.	456.	à quo institutum.	457.
an ad salutem necessarium.	ibid.	eius materia quæ & quotuplex.	458.
eius minister quis.	513.	quis & quotuplex effectus.	541
Pœnitentiam an possit imponere sacerdos.	502.	qualis imponenda.	503.
an etiam publica imponi possit.	504.	an suscipienda à pœnitente.	505
Pœna neglectæ confessionis quæ.	314.	quinam ei subiaceant.	315
Pœnæ leuiores quæ dicantur.	290		
Pœnæ priuatæ quando obligent.	292.	293	
Pœnæ communitatis , aut Academiæ.	295		
Potestas politica quæ.	229		
Potestas Ecclesiastica.	230.	in quo residet.	ibid.
an quis ab ea exemptus.	231		
Poligamia quid sit.	715.	an licita.	ibid.
Polyandria an & quæ licita fuerit.	715.	716	
Pollutio quale peccatum.	753		
Pretium quale , & quando exigi potest pro labore administrationis Sacramentorum.	707.& seqq.		

Præcepta

R E R V M.

Præcepta patrum erga filios, viri ad vxorem, quomodo obligent.	282. 283
Præcepta Decalogi quæ, & quot. 1. vtrum sint naturalia, vel positiua. 2. eorum transgressio mortalis, nisi tria excusent, & quæ.	ibid.
Præceptum, <i>Non occides</i> , qui transgrediuntur.	85
Præcepta diligendi Deum & proximum quando obligent sub mortali.	4
Præceptum fraternæ correctionis naturale. 9. eius transgressio quale peccatum. ibid. materia. 10. quando obliget. 14. quos obliget.	ibid.
Prælati potest & tenetur inquirere in vitam subditorum.	
11. quibus mediis possit cognoscere vitam subditorum.	
12. quomodo se gerere debeat cum fraternè denunciatis. 17. an possit irritare vota nouitiorum.	772
Præsumptio quid sit.	50
Princeps, aut Respub. an possit statuere impedimenta matrimonij.	647
Priuilegia aliis concessa Beatæ Virgini non sunt deneganda.	5
Promissio quid sit. 173. an & quæ obliget. ibid. quæ obliget sub mortali. 176. quæ non.	ibid.
Promulgatio an requiratur ad legum obligationem. 275. quomodo sit valida. ibid. an fieri debeat in singulis verbis.	ibid.
Proximi nomine quis intelligendus. 6. circa quatuor diligendus.	ibid.
Purgatorium esse credendum est. 560. vbi sit. 561. eius ignis qualis. ibid. quæ pœna.	562
Pyrata quis, & eius pœna.	337

Q

Qvadragesima quid sit.	554
Quatuor effectus Baptismi.	395. 396
Quantum liceat comedere die ieiunij.	306
Quæ leges ciuiles Ecclesiasticæ libertati sint contrariæ. 270. & seqq.	
Quibus casibus non incurratur excommunicatio ob manuum violentam iniectiorem.	342
Quinque animarum receptacula.	558

L L I 5

Raptus

R aptus quid.	867
Rapina quid.	220
Regularis approbatus in vno Episcopatu, an in aliis approbatus censeretur debeat.	577
Regulares quam possint bullam suscipere. 579. eorum varia peccata.	868. & seqq.
Religiosi ad quid tenentur tempore interdicti.	376
Religiosi quæ festa seruare tenentur. 75. fugere tenentur inuasorem iure charitatis. 116. an possint esse testes ad testamentum.	209
Religionis virtus quæ. 33. quæ ei peccata contraria.	ibid.
Religionis votum quomodo protrahi possit. 57. eam an ingredi possit qui non est soluendo.	102
Reorum peccata.	867
Reseruatio peccatorum an fieri possit, & quorum. 491. & seqq.	
Remissio coacta quæ. 98. quæ extorta.	ibid.
Repudium an olim licitum.	723
Res quæ nunquam dominum habuerunt cuius sint. 159. inuentæ inter sordes cuius sint.	161
Restitutio quid. 91. eius circumstantiæ.	92
Restitutio eius qui alterum à religione retraxit. 105. qui beneficium contulit indigno. 108. qui non recitauit horas Canonicas. 110. falsi testis. 114. homicidæ. 115. & 119. adulteri. 121. vsurarij.	151
Reuelare complicem in confessione an liceat.	497
Reus an teneatur fateri suum crimen. 247. an ad euitanda tormenta possit fateri crimen quod non commisit. 250. quando peccet appellando. 251. quando fugere liceat. 252. quando teneatur ad poenam legis. 253. non debet falsas exceptiones apponere veris testibus.	262
Rex vnde habeat potestatem condendi leges.	269
Regum varia peccata.	865. 866

S

S abbati nomine quis dies intelligendus.	73
Sacramentum quid sit.	388
Sacramenta quæ ministrare licet tempore interdicti.	375
Sacramenta quis instituit. 386. in quem finem instituta.	387.

R E R V M.

387. quot sunt. ibid. cur septem. ibid. quæ. 388. eorum materia. 390. forma. ibid. ceremoniæ. 393. effectus.

395

Sacrum audire quid sit. 301. præceptum de eo audiendo obligat sub mortali. 302. ab eo audiendo quis excusetur. ibid.

Sacerdos quoties teneatur celebrare in anno. 439. sæpius vno die. ibid. an pro stipendio. 441

Sacerdos degradatus an possit absolvere pœnitentem in articulo mortis. 384. an teneatur recitare horas. ibid. an possit interesse diuinis officiis. 385

Sacerdotum varia peccata. 872. & seqq.

Sacerdos simplex an possit ex commissione confirmare. 414.

Sacerdos quilibet an possit absolvere. 524. 525. quis idoneus ad absoluendum. 575

Sal an materia baptismi. 401

Satisfactio quid sit. 501. an imponi possit. 502. & quomodo. 503. quis eius effectus. 507

Schismaticus quis. 588

Secreta admonitio an circa publica peccata adhiberi debeat. 76

Secretum confessionis quàm arctè seruandum. 529

Seipsum infamans quomodo peccet. 132

Serui quid possint donare. 202

Simonia quæ. 632. quo iure prohibita. 633. species. ibid. quando committatur in beneficiis. 632. varij eius casus. 639

Simonia in pensionibus quæ. ibid.

Simoniacorum pœna. 642

Spes quid sit. 32. quæ peccata sint contra eam. ibid.

Sponsorum peccata. 874.

Sponsaliorum nomen unde. 691. quid sint. 692. effectus. 694 genera. 695. an per metum facta valeant. 696. duæ circa illa regulæ. 703

Spurij qui sint. 855

Stuprator quis teneatur restituere. 123. quis non. 124

Stuprator importunus quis. 123. an ad restitutionem teneatur. 124

Stipendium sacerdotis celebrantis quale. 442

Subditus an possit prælatum corrigere, & quando. 14

Superbia

I N D E X

Superbia quid.	745.
Superstitio quid. 33. quæ eius species.	34
Suspensio quid sit. 368. eius forma quæ. 369. effectus. ibid.	
ab ea quis possit absolvere.	370
Suspensus quis.	368
Suspendere quis possit.	369

T

T estamentum quid. 206. ex quo iure vim habeat. ibid.	
quæ solennitas requiritur ad eius valorem.	207
Testamenta clericorum quæ valida. 213. quæ, & quomodo reuocari possint.	217
Testamentum ad pias causas quas requirat solennitates.	211
Testamentariorum peccata.	877
Testes qui esse possint in contractu matrimoniali.	710
Testes qui, & quot adhibendi in fraterna correctione.	16. 17
Testes testamenti qui esse possint.	209
Testes quinam esse, vel non esse possint. 255. 256. an possint accipere pretium testimonij. 259. eorum peccata.	876
Thesaurus quid sit.	159
Testamentum quando quis facere possit. 187. quando non. ibid. quando retractari debeat.	188
Thesaurus Ecclesiæ quis. 542. ubi sit, & unde colligatur. ibid.	
Tonsura Ecclesiastica quàm antiqua.	606
Tormentis veritatem an liceat exquirere.	249
Torqueri reus quando possit. ibid. de quo crimine.	350
Tributa soluere nemo tenetur, nisi à publico exigantur.	170
Tributorum quot genera. 167. eorum quæ materia. 168. quæ à Principe tanquam iniusta restituenda. ibid. eorum im- ponendorum quæ causa. ibid. quinam ab eis exempti. 169	

V

V ana gloria quod peccatum. 746. quot eius species. ibid.	
quando quis peccet ea.	747
Vana verborum iactantia quæ.	ibid.
Venari an licitum.	226.
Venari locis vetitis quod peccatum, eiusque poena.	ibid.
Viduarum peccata.	877
Vinum.	

R E R V M.

Vinum materia in consecratione sanguinis. 421. quale esse debet. ibid. eius consecrandi forma.	425
Vesperæ in quadragesima ante prandium legendæ etiam priuatim.	617
Vestēs sacerdotis celebrantis quales esse debeant.	450
Vestēs infidelium an gestare liceat Christiano.	27
Vnctio extrema quæ. 600. quæ eius materia. 601. eius forma quæ. ibid. eius minister. 602. quis eius capax. 603. an necessariò suscipienda.	604
Vnctio an de necessitate Sacramenti Confirmationis. 415. cur fiat in fronte.	ibid.
Votum quid sit.	49
Votum quando obligat. 56. quando differri possit.	57
Votum quotuplex sit. 58. quæ eius materia.	59
Votum quod dirimit matrimonium.	653
Votum de non contrahendo matrimonium quando obligat.	52
Votum simplex castitatis quando obliget.	54
Votum paupertatis quantum obligat.	55
votum personale ad quid obligat.	58
Votum reale quantum obligat.	ibid.
Votum irritare quid sit.	61
Votum subditorum an possit superior irritare.	66
Votum peregrinationum quid sit.	70
Votum commutare quid.	72
Vsura quid. 146. quale peccatum. 147. quotuplex. ibid. quomodo possit palliari.	148
Vsuras qui restituere teneantur.	152
ad Vsuram an sumere liceat.	ibid.
Vsurarius ad quarum rerum restitutionem teneatur.	151
Vxor quam reuerentiam tenetur præstare marito. 79. quid dare possit.	192. 193
Vxoris quæ vota maritus irritare possit. 64. peccata in marito.	772. & seqq.

FINIS INDICIS.

